

# რ ე ვ ა ზ

## რჩეული თხზულებანი

ოცდახუთი ტომიცა

თანამედროვე ქართული ლიტერატურის კლასიკოსის, რუსთაველის პრემიის ლაურეატის, რევაზ მიშველაძის შემოქმედება კარგანია მსოფლიო ლიტერატურის ორგანულ ნაწილად იქცა.

„საქართველოს მაცნე“ გამოსცემს პროზის დიდოსტატის რევაზ მიშველაძის რჩეულ თხზულებათა ოცდახუთტომეულს.

მკითხველი ამ ტომების წაკითხვისას ადვილად დარწმუნდება, რომ მწერლის ჟანრულად უაღრესად მდიდარ ნაწერებში ჩანს არა მარტო საქართველოს პრობლემები, არამედ ქართული სარკმლიდან დანახული მსოფლიოც.

# მ ი შ ვ ე ლ ა ძ ე



## მ ც ლ ა ნ ზ თ ი მ რ ი ს ხ ა ნ ა წ ე ლ ი

ქრონიკა

*ცოფი*

XV



გამომცემლობა „საქართველოს მაცნე“

ISBN 978-9941-16-228-2 (ოცდახუთივე ტომი)  
ISBN 978-9941-16-319-7 (XV ტომი)

რედაქტორი

**მერაბ ცაგარეიშვილი**

კომპიუტერული  
უზრუნველყოფა

**მავრა ბანცური**  
**ციალა ძიმისტარიშვილი**

© რევაზ მიშველაძე, **რჩეული თხზულებანი ოცდახუთი ტომად**

© **გამომცემლობა „საქართველოს მაცნე“**, თბილისი, 2013

მისამართი: თბილისი, 0179, ი. ჭავჭავაძის გამზ. №27

ლადო ასათიანზე დაწერილ წიგნებში (ნიკა აგიაშვილი, გიორგი შალამ-ბერიძე, შოთა ქურიძე, ნაზი დუმბაძე...) ხშირად ახსენებენ ლადოს სტუდენტობის მეგობარს ავექსენტი მიშველაძეს.

ავექსენტი მიშველაძე მამაჩემია.

იგი 1935-1940 წლებში ლადო ასათიანთან, გიორგი შალამბერიძესთან, ლევან კიკნაძესთან, ნაზი დუმბაძესთან, შოთა ქურიძესთან... ერთად სწავლობდა ქუთაისის პედაგოგიურ ინსტიტუტში.

სტუდენტობაშივე შერთო 17 წლის ქუთაისელი გოგონა თინა გველესიანი (დედაჩემი) და მოკრძალებულ სტუდენტურ ქორწილზე სიძე-პატარძლის ხელისმომკიდე ლადო ასათიანი გახლდათ.

მიშველაძეები იმერელი აზნაურები ვართ, თუმცა მამაჩემი მარტვილის რაიონის უმშვენიერეს სოფელში – თარგამეულში დაიბადა და აღიზარდა.

თურმე მამაჩემის დიდი ბაბუა ქუთაისის სასულიერო სასწავლებლის დამთავრების შემდეგ მღვდლად განამწესეს მარტვილში და ასე მოხდა ჩვენი „გამეგრელება“.

თარგამეული, ანუ „თარგამოსისეული“, უძველესი ქართული სოფელია ტყუარის პირას, ქართველთა წინაპრის სახელთან დაკავშირებულ ამ სოფელში დღესაც დგას ქუჯისდროინდელი ციხესიმაგრე „ჯიხა“ და მეთერთმეტე საუკუნეში აშენებული ეკლესია.

თითქმის შუაგულ სამეგრელოში მდებარე ამ სოფელში მიშველაძეებთან (ზოგი მათგანი „მიშველიად“ იწოდებოდა) ერთად ცხოვრობენ სიხარულიძეები, ბერიძეები, გახოკიძეები, ნაროუშვილები, ჯანაშიები, აბაკელიები და გაბუნიები.

როგორც ხედავთ, უმეტესობას ხონიდან (ორ ნაბიჯზეა) და ქუთაისიდან გადმოსახლებული იმერლები შეადგენენ.

მე დავბადებულვარ 1940 წლის 1 იანვარს სოხუმის რაიონის სოფელ ბაბუშერაში.

როგორ აღმოვჩნდი „აფხაზეთში“?

საქმე ისაა, რომ ქუთაისის პედაგოგიური დამთავრებისთანავე მამაჩემი ბაბუშერის (დრანდასთან ახლოს პატარა სოფელია), საშუალო სკოლის დირექტორად გაუგზავნიათ, სადაც 1941 წლის 12 ივლისამდე მუშაობდა.

ომი რომ დაიწყო, მამაჩემმა თავისი მცირეწლოვანი შვილებით დედამამისეულ კერას მიაშურა. ასე რომ, წლინახევრის გახლდით, მარტვილში რომ ჩამომიყვანეს. სწორედ თარგამეულს უკავშირდება ჩემი პირველი ნაბიჯები (ამ სიტყვის პირდაპირი გაგებით).

ბაბუაჩემი ესტატი სოფლის სკოლის მასწავლებელი გახლდათ, ბებია – ქრისტინე დიასახლისი.

მართალია, ჩვენი წინაპრების სასულიერო ტრადიცია (მღვდლობა) ვერ

შევიწინარჩუნეთ, მაგრამ ესტატე მიშველადის მიერ ლიბოდადებული პროფესიის ერთგულნი დავრჩით.

მამაჩემი ომის წლებში თარგამეულის საშუალო სკოლის დირექტორად დანიშნეს და მთელი სიცოცხლის მანძილზე პედაგოგიურ საქმეს ემსახურებოდა (სოფლის მასწავლებელი, ქუთაისის პედინსტიტუტის დოცენტი, თბილისის პედაგოგიური ინსტიტუტის პროფესორი...)

დედა – საჩხერელი მასწავლებლის (მერჯვეი) ვლადიმერ გველესიანის და ქუთაისელი მარიამ კუხიანიძის მხოლოდმობილი ასული გახლდათ და ღრმად მოხუცობამდე ქართულ ენასა და ლიტერატურას ასწავლიდა.

შვიდი წლის რომ შევსრულდი, ჩვენი მრავალშვილიანი ოჯახი (ოთხი შვილი: ნათელა (1937), რევაზ (1940), გოგი (1942), ბორისი (1945), დედა (1920), მამა (1915)) ქუთაისში გადმოსახლდა.

ბინა კუხიანიძეების (დედულეთი) მამაპაპურ სახლში დავიდეთ.

ომი ახალი დამთავრებული იყო.

გვიჭირდა.

ამ სიტყვის („გვიჭირდა“) გამოყენებას მომავალში, რაც შემეძლება მოვერიდები.

ჯერ ერთი, ვის არ უჭირდა მაშინ და მეორეც, ჩვენს ოჯახს, რაც თავი მახსოვს, ეკონომიურად სულ უჭირდა და დღესაც, როცა დავცალკავდით და ჩვენ ჩვენი ოჯახები გვაქვს, ხელმომართულად რა დასამალია და ვერ ვცხოვრობთ.

ყველაფერი გვასწავლა ცხოვრებამ ფულის შოვნის გარდა.

„უმარიფათობა“ ჩვენი ხასიათის თვისებაა და, სიმართლე გითხრათ, ამას დიდად არ განვიცდით.

სწავლა ქუთაისის ვაჟთა VII სკოლაში დავიწყე.

ერთ საღამოს მამამ მეხუთეკლასელი ბიჭი ჩვენს მეზობლად ნინოშვილის ქუჩაზე მცხოვრებ სანდომიან ჭალარა კაცთან მიმიყვანა; ბატონო ალიოშა, ესაა რეზო, იმ დღეს რომ გეუბნებოდი, შენთვის ჩამიბარებიაო.

„ბატონი ალიოშა“ შემდგომში ჩემი უსაყვარლესი მასწავლებელი ალიოშა ტოგონიძე პიონერთა და მოსწავლეთა სასახლის თანამშრომელი გახლდათ. კაცი, რომელსაც ხელოვნებაში ჩემს პირველ წვრთნებს დიდად ვუმაღლი.

ალიოშა ტოგონიძე პიონერთა სასახლეში თავდაპირველად ხან ერთ წრეს ხელმძღვანელობდა, ხან „მეორეს“, მგონი, თავიდან უმტატო „შემცვლელ მასწავლებლად“ მუშაობდა და მეც, რასაკვირველია, ქამარზე ვყავდი გამობმული.

სამ თვეს თუ დრამწრეში დავდიოდი, მომდევნო ხუთ თვეს ნორჩ დეკლამატორთა წრეს „ვამშვენებდი“, ერთხანს ხატვის წრეში ვმეცადინებოდი და ცოტა ხანში ალპინისტთა წრეშიც ამოვყავი თავი.

ბოლოს, როგორც ჩანს, სასახლის დირექციამ შეამჩნია ბატონი ალიოშას დიდი პედაგოგიური ნიჭი (ბავშვებს ანდამატივით იზიდავდა) და ერთდროულად ოთხი წრის ხელმძღვანელად განამსწესეს.

მეც ერთდროულად ოთხი წრის მსმენელი გახლდით; ნორჩ შემოქმედთა წრის, ხატვის წრის, დრამწრის და გიტარის კვირის წრისა.

ოთხივე წრის საერთო ხელმძღვანელი ალიოშა ტოგონიძე გახლდათ. გიტარის წრეში კი თანამშენებობას მურმან ანჯაფარიძე უწევდა.

შეიძლება გიტარაზე მურმანმა ისე დაგვაოსტატა მისი შეგირდები, რომ დღესაც ამ ხნის კაცი შევებდავ ხოლმე გიტარას და „არაუშავს“ ვმღერი. მახსოვს სამოციანი წლების დასაწყისში ოთარ რამიშვილთან მოვხვდი (ჩემს მეზობლად ცხოვრობდა) და ჩემს აკორდებზე ზუსტი დიაგნოზი დამისვა – გეტყობა მურმან ანჯაფარიძის სკოლა გაქვს გავლილიო.

მეცხრე კლასში რომ გადავედი, ყველასგან მოულოდნელად ალიოშა ტოგონიძე დაიჭირეს.

არ იკითხავთ რა დააშავა? თურმე სამსახურიდან თავისუფალ დროს სამგლოვიარო გვირგვინების წარწერებს წერდა და ამისთვის ზოგჯერ სასახლის მუყაოსა და „ბრონზეს“ საღებავსაც იყენებდა (არ დაუქცევია ქვეყანა? მეტი „დანაშაული“ რაღა გინდა).

საყვარელი მასწავლებლის დაპატიმრებამ თავზარი დამცა.

რამდენჯერმე მივედით მისი მონაფეები მე, ზურაბ ფორჩხიძე, ანზორ ხერხაძე და რეზო რამიშვილი წულუკიძის ქუჩაზე ციხეში ალიოშას მოსანახულებლად, მაგრამ პატიმარს ვინ გვაჩვენებდა. ერთხელ ნაცნობი ზედამხედველის ხელით წერილიც კი შევუგზავნეთ.

ოთხი წლის მერე უკვე უნივერსიტეტის პირველი კურსის სტუდენტმა ქუთაისში ჩასვლისას ციხიდან ახალგათავისუფლებული ბატონი ალიოშა ვინახულე და სხვათა შორის, ვკითხე, ჩვენი წერილი თუ შემოგიტანეს-მეთქი.

ცრემლი მოადგა, როგორ არაო, აქამდე ვინახავო. გავიდა მეორე ოთახში და ჩემი ხელით დანერილი ოთხივე შეგირდის ხელმოწერილი წერილი გამოიტანა, აკოცა და ჯიბეში ჩაიღო.

სუფთა სულის მქონე, ჭეშმარიტი ინტელიგენტი და მართლაც რომ სახალხო მასწავლებელი იყო, აცხონოს ღმერთმა.

მეშვიდე კლასიდან ქალთა და ვაჟთა სკოლები შეაერთეს და მე ტერიტორიულად ყოფილ ქალთა მეორეში, იმჟამად ქუთაისის მეოთხე საშუალო სკოლაში მომინია სწავლის გაგრძელებამ.

სწორედ მეოთხე სკოლა დავამთავრე 1958 წელს როინ მეტრეველთან, ვალიდა ფესტვენისძესთან, გიაზ ნიქორიძესთან, მიხეილ ლოლობერიძესთან, გულიზა ბართაიასთან, მირზა გოლეითიანთან, სერგო ჭიეშვილთან და სხვებთან ერთად.

კინორეჟისორობა ან უკიდურეს შემთხვევაში მსახიობობა მინდოდა. კინემატოგრაფიის ინსტიტუტი მხოლოდ მოსკოვში იყო და სად ჰქონდა მამაჩემს მოსკოვში სტუდენტის შენახვის საშუალება. მსახიობობა უფრო რეალური ჩანდა, მაგრამ თეატრალურ ინსტიტუტში უსამველო კონკურსიანო მითხრეს და ესეც არ იყოს, ერთი თვით ადრე „ტურები“ უნდა გაიაროო, თანაც თეატრში ან კულტურის სასახლეში მუშაობის ორი წლის სტაჟი უნდა გქონდესო. არც ერთი მქონდა და არც მეორე. ჩემს ოცნებას ფრთები ერთბაშად შეეკვეცა და ქუთაისის პედაგოგიურ ინსტიტუტში (სადაც მამაჩემი პედაგოგიკის კათედრის დოცენტი იყო) ჩავაბარე მისაღები გამოცდები ისტორია-ფილოლოგიის ფაკულტეტზე.

პედინსტიტუტს ძლიერი დრამწრე ჰყავდა და სულმოუთქმელად მივაშურე. სექტემბრიდან იანვრამდე ორი სპექტაკლი დავდგი – ეგნატე ნინოშვილის „ქრისტიანე“ (იასონს ვთამაშობდი) და ილია ჭავჭავაძის „გლახის ნაამბობი“ (გაბრიელი გახლდით).

ინსტიტუტის სახალხო თეატრში თავის გამოჩენა არ გამჭირვებია. მე ხომ გიგა ლორთქიფანიძის სკოლა მქონდა გავლილი. მეათე-მეთერთმეტე კლასელთათვის ახალგაზრდა რეჟისორს გიგა ლორთქიფანიძეს თეატრთან სასწავლო სტუდია ჰქონდა გახსნილი და ალიოშა ტოგონიძის დაჭერის შემდეგ იქ მივიტანე თავი.

იანვარში პედაგოგობაში გამოცდები ვადაზე ადრე ჩავაბარე და თბილისისკენ გამოვეშურე.

თეატრალურ ინსტიტუტში გადმოყვანაზე რომ უარი მითხრეს, უნივერსიტეტში მივადექი მამაჩემის მეგობარს გიორგი შალამბერიძეს, რომელიც ფილოლოგიის ფაკულტეტის დეკანის მოადგილედ მუშაობდა.

გოგი ბიძია, უნივერსიტეტში მინდა გადმოსვლა და უნდა მიშველომეთქი.

როდის ჩამოხვედიო.

გუშინ-მეთქი.

სად ათევ ლამესო.

დედაჩემის დეიდა ლოლა კუხიანიძე ცხოვრობს ლუნაჩარსკის ქუჩაზე და იმას შევეკედლე-მეთქი.

მამაშენმა ხომ იცის, რომ პერიფერიის ინსტიტუტებიდან არ გადმოგყავს სტუდენტებიო, თავიდან რატომ აქ არ ჩააბარეო.

მამაჩემმა გზის ფული ვერ მომიხერხა-მეთქი.

კაი ჯიბგირია, ნუ გეშინია, თეთრ ხიდთან სალობიეში რომ ყოველ საღამოს ყანებს ატრიალებს, იმის ფულს ხომ „ახერხებსო“, იხუმრა.

მართლა ძალიან გინდა უნივერსიტეტში სწავლაო?

სერიოზული სახე მიიღო.

თავი დავუქნიე.

დამინერე განცხადება რექტორის სახელზე და ვეცდები, თუ რამე გამომივიდაო.

დავწერე განცხადება, როგორც მიკარნახა.

აქ მომიცადეო.

მალე დაბრუნდა.

ახლა რექტორთან შეხვალ, თუ გკითხოს ირაკლი აბაშიძე რა არის შენო, მამას მეგობარია, ჩვენთან იყო სტუმრად ქუთაისში და ჩემს ნაწერებს გადახედა-თქო, იღიმება.

შევედი რექტორთან.

აკადემიკოსი ევგენი ხარაძე სათვალისანი, გამხდარი, შავგვრემანი კაცი ჯერ სათვალისანი მაკვირდება, მერე სათვალეს ისხნის და, ცოტა არ იყოს, გულმოსული მიცქერის.

ხომ იცით, რომ პედაგოგობაში და უნივერსიტეტში არავინ გადმოგყავსო.

შევშინდი.

კარგი პატივცემულო, ბოდიშს ვიხდი, რომ შეგანუხეთ-მეთქი და კარები-სკენ გავიწიე.

რას წერთო, მეკითხება.

მოთხრობებს, ლექსებს და კრიტიკულ წერილებს-მეთქი.

მერე? ქუთაისში გიშლით ვინმე წერასო? რა აუცილებელია თბილისში ცხოვრობდეთო.

ირაკლი ბიძიამ დამიყინა, თორემ, გითხრათ სიმართლე, მე ქუთაისში მირჩევნია-მეთქი.

ჩანს, ჩემშიც იჯდა პატარა მატყუარა.

რა არის ბატონი ირაკლი თქვენით.

არაფერი, მამაჩემს მოყვა სახლში, მგონი შორეული ნათესავი უნდა იყოს, კარგად ბრძანდებოდეთ-მეთქი.

მოიცა, სად გეჩქარებაო.

ჩემს განცხადებას რალაც ნაანერა და გამომიწოდა, დეკან ფანჩვიძეს მიუტანეთო.

გიორგი შალამბერიძეს განცხადება რომ გადავეცი, სიცილი აუტყდა.

„ბატონო ვლადიმერ, ახალგაზრდა მწერალს გამონაკლისის წესით უნდა დავეხმაროთ“, ასეთი, რომ იტყვიან, ქვისგამხეთქი რეზოლუცია დაედო რექტორს.

მერე მამბო გოგი ბიძიამ:

„შევვდი რექტორთან და ვთხოვე, დღეს ამ ბავშვზე მესამეჯერ დამირეკა ირაკლი აბაშიძემ, უნიჭიერესი ახალგაზრდა მწერალია და არ დაგვეკარგოსო. ვუბნები, რომ გადმოყვანა არ შეიძლება, მაგრამ ვერ დავარწმუნე, დამინერეთ რომ საერთოდ არ გადმოგვყავს პერიფერიის ინსტიტუტებიდან, თქვენს რეზოლუციას უფრო დაუჯერებს-მეთქი. რექტორმა ჯერ განცხადება წაიკითხა, მერე ტელეფონს დაწვდა, მე წელში გამაცვივა, კიდე კარგი ირაკლიმ ყურმილი არ აიღო. მერე გამომცდელად შემომხედა და, თუ არის აქ მიშველაძე შემოვიდესო“.

მწერლობასთან უმნიშვნელო კავშირი სკოლაშივე მქონდა, მაგრამ ეს გიორგი შალამბერიძეს საიდან ეცოდინებოდა.

მეშვიდეკლასელმა „ნორჩ ლენინელში“ ლექსი გამოვაქვეყნე, მეცხრე კლასიდან კი ქუთაისის გაზეთ „სტალინელში“ პატარ-პატარა რეცენზიებს ვწერდი ახალ წიგნებზე.

ასე რომ, ბატონ გიორგის რექტორისთვის მთლად ტყუილი არ უთქვამს, თუმცა ირაკლი აბაშიძე ამ საქმესთან რა შუაში იყო.

ისე, სანამ ევგენი ხარაძე რექტორობდა, მის დანახვაზე კედელზე აკრულ სტუდენტთაგან გამომარჩევდა, ხელს მომიკიდებდა, გვერდით გამიყოლებდა და ყოველთვის ერთსა და იმავეს მეუბნებოდა: „რას წერთ ახალს? ბატონი ირაკლი მომიკითხეთ“.

როგორ არ მოვიკითხავდი ბატონ ირაკლის, მაგრამ მე თვითონ არ ვიცნობდი.

ირაკლი აბაშიძე მოგვიანებით გავიცანი.

მამინ მეთოხე კურსის სტუდენტი გახლდით.

მწერალთა კავშირში ღონისძიებას არ ვაცდენდი.

მივჯდებოდი კუთხეში და ვუსმენდი კონსტანტინე გამსახურდიას, სიმონ ჩიქოვანის, კოლაუ ნადირაძის, დემნა შენგელაიას, კონსტანტინე ლორთქიფანიძის, მიხეილ მრეველიშვილის, სერგი ჭილაიას, ბესო ფლენტის, შალვა რადიანის, თვით თავმჯდომარის – ირაკლი აბაშიძის გამოსვლებს.



რას მოისმენდი უკეთესს სამწერლოდ შელერებული ახალგზარდა კაცი.  
„ცისკრის“ განხილვა მიმდინარეობდა.

ბოლოსკენ ირაკლი აბაშიძემ დარბაზს ჰკითხა – კიდევ ხომ არავის სურს გამოსვლაო.

არ ვიცი, გაბედულების რა ჩიტი დამაფრინდა მხარზე, ხელი ავნიე.

ტრიბუნასთან რომ მივედი და დარბაზს გადავხედე, სითამამე (თუ უტიფრობა) უფრო მომემატა და გავუტიე.

მე შენ გეტყვი, ენაზე ჭალი მომედებოდა. ჩავაჭიკჭიკე ჩემი სათქმელი. ზოგი რამ მოვინონე, ზოგი დავინუნე (პროზაული ნაწარმოებების მიმართ ჩემი ძირითადი შენიშვნა იყო „გაჭიანურებული“). რა თქმა უნდა, სისულელე იქნებოდა, რაც მაშინ ვთქვი, მაგრამ მწერლებმა დიდსულოვნად, ყურადღებით მომისმინეს და რომ დავამთავრე, დარბაზში სიჩუმე ჩამოწვა.

„მართალს ამბობს ეს ბავშვი“, ჩაილაპარაკა დემნა შენგელაიამ.

მეც მეტი რა მინდოდა.

დისპუტი რომ დამთავრდა, მწერალთა კავშირის კარებთან „შემთხვევით“ ირაკლი აბაშიძის წინ გავიარე.

მანქანაში ჯდებოდა.

ორი თითით მიხმო.

მივირბინე.

– სადაური ხარ, ბიჭო შენ?

ქუთაისელი გახლავართ-მეთქი.

გაეცინა და ხელი გამომიწოდა.

– ხონი! ქუთაისი და ხონი რამ გაყო, სწავლობ?

უნივერსიტეტის სტუდენტი ვარ-მეთქი.

– გვარი შემახსენე.

– მიშველაძე.

პლაშის კალთა აიკეცა.

– ერთ რჩევას მოგცემ მიშველაძე. არ ხარ ურიგო ბიჭი, მარა ცოტა თამამი ხარ, გეტყობა. სადაც არ გეკუთვნის ყველაზე კაი სიტყვის თქმა, არ თქვა, თვარა შეგიძულებენ. მწერლები უბედური ხალხია.

გაიცინა, ჩაჯდა და ხელი დამიქნია.

ახლა რაც შეეხება მწერალთა კავშირში ჩემს პირველ მისვლას:

თექვსმეტი წლის ვიყავი ლადო მრელაშვილმა რომ მიმიყვანა მანაბლის ცამეტში. ჯერ რეზო კვერენჩხილაძეს ჩამოართვა ხელი და ბიბლიოთეკის ღია კარიდან პირდაპირ მწერალთა კავშირის ბაღში აღმოვჩნდი.

1957 წლის 11 სექტემბერი იყო.

ძელსკამზე ორი კაცი იჯდა.

ერთს, სიცხის მიუხედავად, მოშავო, „პლენჩებანი“ პიჯაკი ეცვა.

შლალი წვერი მუჭში მოექცია, ფეხებთან პორტფელი ედო და თავზე ჭილოფის ქუდი ეხურა.

მეორეს – მკაცრი გამომეტყველების, ქუთუთოებდაბერილ მოხუცს ევროპულად, პინკად ეცვა, ხოლო თავზე რატომღაც კრაველის ბოხობი ეხურა.

– ლადოს გაუმარჯოს! – ხელი გაუწოდა ბოხობიანმა.

წვეროსანს კი ჩვენი მისვლით დიდი აღფრთოვანება არ დატყობია.

– ჩემი ცოლისძმა, ქუთაისელია, – მგონი უფრო პაუზის დასარღვევად ჩემზე მოათითა ლადომ.

– რას ლაპარაკობ, – ამკარად გაეხარდა, წამოხტა და ხელი ჩამომართვა წვეროსანმა, – სად ცხოვრობ ქუთაისში, ძამიკო?!

– ბაკისუბანში, ნინოშვილის ქუჩაზე.

– ბაკისუბანში? დიდებულია ძამიკო. ძლივს არ ვნახე ბაკისუბნელი კაცი? ბაკისუბანშიც ვიმალებოდი ერთ დროს.

– ვის ემალებოდი, გალაკტიონ? – ირონიაგარევით, ხრინწიანი ხმით, შესამჩნევი მეგრული აქცენტით ჰკითხა ბოხოხიანმა.

– ვის ვემალებოდი და ვინც მეძებდა, კონია – წყენა შეეპარა ხმაში გალაკტიონს, – შენ კონსპირაცია მარტო მიუხეხეში და ლაიფციგში სეირნობა გგონია.

კრაველის ქუდიანმა ამ თემაზე მსჯელობა აღარ გააგრძელა და კვლავ ლაღოს მიუბრუნდა.

– ლადო, შენ ცოლი გყავს? არ ვიცოდი.

– აბა ცოლისძმა საიდან ეყოლება, შენი არ მიკვირს?

გადაიხარხარა წვეროსანმა და ძველი, ყავისფერი პორთფელი მუხლებში მოიქცია.

აივანზე ახალგაზრდა ქალი გადმოდგა:

– ბატონო გალაკტიონ, ბატონო კონსტანტინე, გთხოვენ.

ორივენი წამოდგნენ და შარვლის ფერთხვით კიბისკენ გაეშურნენ.

ასეთი იყო ჩემი პირველი მისვლა მწერალთა კავშირში და ჩემდაიღბლად, პირველმისვლაზევე ორ გენიოსს შემახვედრა ბედმა – კონსტანტინე გამსახურდიას და გალაკტიონ ტაბიძეს.

მხოლოდ წიგნებიდან ვიცი, რა რუდუნებით შეიქმნა ამ ოთხმოცდა-ათხი წლის წინ სრულიად საქართველოს მწერალთა კავშირი და როგორ დაისახა მან პირველი დღიდანვე მიზნად, ებრძოლა ქართული ეროვნული ცნობიერების გადარჩენისთვის – „არავითარი უნაპირო ინტერნაციონალიზმი და არავითარი პირმორღვეული კოსმოპოლიტიზმი! საქართველოში უნდა იყოს მხოლოდ ქართული ენის, ქართული კულტურის დომინანტი!“ – ხმის ჩახლეჩამდე ყვიროდა მწერალთა პირველ ყრილობაზე კონსტანტინე გამსახურდია.

მე მხოლოდ წიგნებიდან ვიცი, კენის აღზევების დროს როგორ გადაუმტერიეს ხერხემალი ჯავახიშვილს და ტიცვიანს, როგორ მიიყვანეს თვითმკვლელობამდე პაოლო, როგორ დაუჭრეს პირველი წიგნი ლადო ასათიანს არტანუჯზე დანერგილი ლექსისათვის „ციხის სიზმარო“.

მაგრამ მეც ბევრს რასმე შევესწარ და ის „ბევრი რამეა“ ამ უთანასწორო ბრძოლაში რომ მაძლებინებს, შუალამისას წამომადგებებს და მაგიდასთან დამსვამს, რომ არ მასვენებს და ტვინს მიბურღავს.

მასხოვს, გალაკტიონის გადაფრენა მეოთხე სართულიდან – პირველი ელდა ჩვენთვის და პროტესტის ყველაზე დიდი ყუმბარა უკვდავი პოეტის მიერ ხელისუფლების წინააღმდეგ ნასროლი.

მასხოვს, როგორ გადაიქცა 90-იან წლებში მწერალთა სასახლე ეროვნული მოძრაობის მთავარ შტაბად.

მასხოვს, 1978 წლის 10-14 აპრილს მწერალთა კავშირში ქართული ენის დასაცავად გამართული მიტინგები და თავგანწირული ერთსულოვნება.

მასხოვს, 1989 წლის 10 აპრილის დაზაფრული სხდომა, ნოდარ ნულ-

ეისკირმა ცეცხლი რომ წაუკიდა კომუნისტური პარტიის მანდატს და ყველას თვალწინ საჯაროდ დაწვა.

მახსოვს, ზვიად გამსახურდიას დაჭერით მეორე დღეს კოლხურ კომპოში მივედი და ჩემი ჭკუით ვანუგეშე ქ-ნი მანანა – ნუ გემინია-მეთეჟი.

მე რისი მემინია, რეზო, იმათ ეშინოდეთ, ვინც ზვიადი მწერალთა კავშირიდან ასე ერთსულოვნად გარიცხაო, მიპასუხა.

მახსოვს, რევაზ ჯაფარიძის გამოსვლა მწერალთა V ყრილობაზე, როცა „ანონილი სიტყვის“ ავტორმა, ყველასათვის მოულოდნელად, გრიგოლ რობაქიძის რეაბილიტაცია მოითხოვა.

მახსოვს, ციმბირის გულაგებიდან ახალდაბრუნებული ჭაბუა ამირეჯიბის „დათა თუთაშხიას“ ბეჭდვის დაწყება „ცისკარში“, რის გამოც „ცისკარი“ პროკლამაციასავით ხელიდან-ხელში გადადიოდა.

მახსოვს, ზურაბ ბოლქვაძის „ნიანგის“ ახალი ნომერი ნაცხრააპრილევს და ჟურნალის ყდაზე დახატული რუსი ჯარისკაცი ორლესური ნიჩბით ხელში.

მახსოვს, ლამის ჯვარს რომ აცვეს გურამ ფანჯიკიძე სამოციანი წლების ამკარა რევოლუციური რომანისათვის „თვალი პატიოსანი“.

მახსოვს, სერგი ჭილაიას კაბინეტში გაცხარებული ქართული პროზის პატრიარქი: „ლანდებთან ლაციცი“ შემჩერეს, მომეცი სასწრაფოდ ინაურის ტელეფონი. აღარ გათავდა ჩემი დევნა?“

მახსოვს შოთა ნიშნიანიძის წინააღმდეგ აგორებული ინტრიგის ტალღა აქლემისა და ლექსის ქურდის პოეტური ალეგორიისათვის და იმ დროს დაწერილი მისი საბარაკადო ლექსი „ზიგ ჰაილ! ზიგ ჰაილ!“

მახსოვს როგორ გამოვავარეთ სტამბიდან ლევან სანიკიძემ და მე „უქარქაშო ხმლების“ უკვდავი ავტორის წიგნი – ბრალდება „ვაი რუსისგან“ და მეორე დღესვე როგორ იბრუნა ხელისუფლებამ იმაზე, რომ წიგნის მთელი ტირაჟი სადღაც გამქრალიყო ისე, რომ ბიბლიოთეკებშიც ვერ იპოვიოთ – ლევანის ოჯახს შემორჩა, მე და ალბათ ლევანის ორიოდ მეგობარს.

რომელი ერთი გავიხსენო.

პირველ გაბედულ, ეროვნულ სიტყვას მწერალი ამბობდა ყოველთვის, მწერალთა კავშირის ტრიბუნიდან ნათქვამი მართალი სიტყვა მეორე დღესვე საქართველოს მოეფინებოდა ხოლმე და პირველ დარტყმასაც მწერალი იღებდა.

მარტო იმის ხაზგასმა რად ღირს, რომ XIX საუკუნის საქართველოს სულიერი მამა და უგვირგვინო მეფე სწორედ მწერალი გახლდათ და საქართველოს პირველი პრეზიდენტიც მწერალი იყო.

მწერალთა კავშირი დღესაც პირნათლად ასრულებს თავის ეროვნულ ფუნქციას – იგი ჯანმრთელი, ზომიერი ოპოზიციონერია და ამიტომაც ებრძვიან მას გააფთრებით; ხან ლიკვიდაციით ემუქრებიან და ხან შენობას ართმევენ.

დათვალეთ, აწონეთ საქართველოს გაღვიძებაში მწერლის მიერ შეტანილი წვლილი და მერე უწოდეთ პატარა, მომხვეჭელო კაცუნებო, მწერალთა კავშირს „გადმონაშთი“.

ზემოთ ვთქვე, 37 წელი არ მახსოვს-მეთეჟი, მაგრამ ახლა არანაკლებ მძიმე დროა ქართული მწერლობისთვის.

ილიას ლოზუნგი – „ჩვენი თავი ჩვენადვე გვეყუდნეს“ დღის წესრიგიდან წუთითაც არ მოხსნილა.

ჩვენ ახლაც ბარიკადებზე ვდგავართ და ეროვნული სანგრებიდან ვუტყე-  
თ ჩვენი ნაციონალური სახის წასაშლელად გამოგზავნილ მანქურთებს.

მე უაღრესად დრამატულ, ბობოქარ, მღელვარე დროში ვიცხოვრე.

ეს ის დრო გახლავთ, დედამიწაზე ყველაზე დიდი და მძვინვარე – რუსე-  
თის ნითელი იმპერია რომ დაინგრა და ჩემმა სამშობლომ მეოცე საუკუნეში  
მეორედ მოიპოვა დამოუკიდებლობა 1990 წელს.

რუსეთმა ვერ აიტანა თავისი ყოფილი კოლონიის დამოუკიდებლობისკენ  
სწრაფვა და 1993 წელს ცეცხლითა და მახვილით დაიპყრო იგი.

მაგრამ ქვეყნის მთლიანად დამონება ვერაგმა რუსმა ველარ შეძლო.

საქართველო ნაწილობრივ „გამოხოხდა“ იმპერიის ნანგრევებიდან და  
განაგრძო დამოუკიდებლობის დეკლარირება.

ამერიკამ და ევროპამ დახმარების ხელი გამოუწოდეს საქართველოს და  
ქვეყანა აღორძინების გზას დაადგა.

მაგრამ „კაცი ბჭობდა და ღმერთი იცინოდაო“, 2008 წლის აგვის-  
ტომი რუსეთის არმია (ავიაცია, 2000 ტანკი, 20 000 ქვეითი) კვლავ ომის  
გამოუცხადებლად დაესხა თავს საქართველოს და ამჯერად მის მიერ მუხ-  
ანათურად მიტაცებული ქართული კუთხეები (აფხაზეთი, სამაჩაბლო) და-  
მოუკიდებელ სახელმწიფოებად გამოაცხადა.

საქართველოს მთლიანად დაპყრობა ვერც ამჯერად შეძლო.

ახლა ტერიტორიებნაგვრილი საქართველო ორ ზესახელმწიფოს –  
ამერიკასა და რუსეთს შორის კოზაკივით იჭყლიტება და მათს იმპერიულ ინ-  
ტერესებს ჩვენი ეროვნული სახე, სახელმწიფოებრივი ფორმირება ეწირება.

ასეთია ისტორიის უღმობელი განაჩენი.

რაც შემეხება მე, მთელი სიცოცხლის განმავლობაში ვცდილობდი ის-  
ტორიის სრბოლისთვის ფეხი ამეწყო.

აჩქარებულ საუკუნეში ეს იოლი საქმე როდი გახლდათ.

ვნერდი მხოლოდ მაშინ, როცა არ შემეძლო არ მენერა.

ყანრზე არასოდეს მიფიქრია.

ფორმას თვითონ სათქმელი მკარნახობდა.

გარდა წმინდა ლიტერატურული საქმიანობისა (რაიც მუდამ ჩემს მთა-  
ვარ საქმედ მიმაჩნდა და ახლაც მიმაჩნია) ვკითხულობდი ლექციებს, ვცოდ-  
ვილობდი მეცნიერებაშიც, ვიცავდი დისერტაციებს, ვრედაქტორობდი ჟურ-  
ნალ-გაზეთებს, ვაარსებდი აკადემიებს (ქართული ფენომენის აკადემია),  
საზოგადოებებს (ეროვნული ცნობიერების გადარჩენის საზოგადოება, სა-  
ზოგადოება „თვისტომი“), ერთ დროს პარლამენტის წევრიც ვახლდით.

ვერ ვიტყვი, დრომ სწრაფად გაირბინა-მეთქი.

ჩემმა ნაწერებმა (პროზა, პუბლიცისტიკა, დრამატურგია, მეცნიერება)  
ორმოცი საკმაოდ მოზრდილი ტომი ეშადგინა. ამ „პროდუქციისთვის“ მს-  
ჯავრის გამოტანა მკითხველისთვის მიმინდვია, ჩემი მხრივ კი იმას დაძვენ,  
რომ ყველა სტრიქონი ცხოვრების შუაგულში ტრიალის შედეგადაა „გამო-  
ტანჯული“ და გულსგარეთ არაფერი დამინერია.

თუ ჩემს ბობოქარ ცხოვრებაში იშვიათად ნათელი დღეებიც გამოერეო-  
და ხოლმე, წუთისოფელმა მეც საკმაოზე მეტად დამსეტყვა (ერთადერთი  
შვილის, აჩიკოს, დალუპვა რუსეთის წინააღმდეგ ომში 1993 წელს).

თუ ჩემი ბიოგრაფიით ოდესმე ვინმე დაინტერესდება, შეუძლია ამოიკითხოს ჩემი წიგნებიდან – „დოკუმენტური ნოველები“, „მწერალი და ავი საუკუნე“, „რა გადაარჩინს საქართველოს“, „არ უნდა მეთქვა?“, „ოთხი საპარლამენტო წელი“ და სხვა.

ჩემი შემოქმედების ქვაკუთხედად ნოველების 15 ტომი და რომანი „ჩურჩულს გადაჩვეული კაცი“ მიმაჩნია.

რატომ დავარქვი მეშუარების ამ წიგნს „ოცდახუთი მრისხანე წელი?“

დიახ, უკანასკნელი ოცდახუთი წელი (1989-2013) მართლაც რომ მრისხანე წლები იყო ჩემი და ჩემი ხალხის ცხოვრებაში.

საქართველოს საზოგადოებრივი მდულარება ალბათ კარგა ხანს არ დაწყნარდება, მაგრამ ეს ოცდახუთი წელი მაინც სხვა იყო.

ამ ოცდახუთ წელიწადში საქართველოს ბედი მართლაც რომ ბუნვზე ეკიდა.

ქვეყანა დამოკლეს მახვილის ქვეშ აღმოჩნდა და არაერთგზის მისი ყოფნა-არყოფნის საკითხიც დადგა.

ასე განსაჯეთ ჩემს სამშობლოს – სამილიონნახევრიან პანანინა ქვეყანას მოუწია ორმა სისხლისმღვრელმა ომმა (1993, 2008) რუსეთთან – იმ საშინელ დრაკონთან მთელ მსოფლიოს რომ დღესაც შიშის ზარს სცემს.

ამ ომთა შუალედში (1993-1994) საქართველოს სამოქალაქო ომის დამთრგუნველმა ქარიშხალმა გადაუარა.

დაამატეთ ამას ხელისუფლებათა და სახელმწიფო პოლიტიკის წამდაუნუმი ცვლა პარტიათა და მიმართულებათა მუდმივი ძიძგილობით გამოწვეული, ამასთან ერთად მსოფლიო გლობალიზაციის ყოვლისნამლეკი ტალღა, უპირველეს ყოვლისა, ეროვნულ ფენომენს წალეკვით რომ ემუქრება...

და თქვენ შედეგად მიიღებთ თანამედროვე, დენზე ჩართულივით მოდგანდარ-მოძიგძიგე საქართველოს.

ორმოცდარვის გახლდით, როცა საქართველოს ეს უმძიმესი ოცდახუთწლეული დაიწყო.

ინტუიციით ვიგრძენი, რომ მოვალე ვიყავ ეს ეპოქა შეულამაზებლად, განსჯა-ანალიზის გარეშე ყოველდღიურად აღმებეჭადა.

დავინყე დღიურების წერა და სწორედ ამ დღიურებს განვდით ახლა ყოველგვარი შესწორების გარეშე.

როგორ არ ვიცი; ზოგი მოვლენის მიმართ მეც სხვაგვარად განვეწყვე დროთა ვითარებაში, ზოგი რამ შერბილება-შესწორებას საჭიროებს, მაგრამ გადაწყვეტიტე დავტოვო ისე, როგორც ჩამინერია.

ეპოქის სურნელი პირველ ნაწერს უფრო ასდის.

10.XI.1988 – 1.XII.1988

ნოემბრის ცივი, ქარიანი დღეა.

იპოდრომის შესასვლელთან პოლიციელები დგანან და მოახლოვებულ მოქალაქეებს მორიგეობით ჩასძახიან:

– გადაიდო მიტინგი... ალბათ, ზეგ იქნება... მე რა ვიცი... გამოაცხადებენ...

ამას სახემიბრუნებით, დამორცხვებით, იმგვარი ინტონაციით ამბობენ, აშკარად ეტყობათ, ცრუობენ.

უკან მობრუნებას მაინც არავინ აპირებს.

ასე თორმეტი საათისთვის ზღვა ხალხი მოაწყდა იპოდრომს.

ემვებიან ყველა ბილიკიდან, ხტებიან ლობეზე, ძვრებიან რკინის გისოსებში და ვეებერთელა მწვანე მინდორს ავსებენ.

განაპირას სახელდახელო ფიცარნაგ-ტრიბუნაზე დგანან ზვიად გამსახურდია, მერაბ კოსტავა, ირაკლი ნერეთელი, ირაკლი ბათიაშვილი, თამრიკო ჩხეიძე და სხვანი.

ორ საათზე დაიწყო მიტინგი.

ეს გახლავთ პირველი ყველაზე მასშტაბური მიტინგი თბილისში.

ზვიადმა სიტყვა რომ დაამთავრა, ქაქუცა ჩოლოყაშვილის სურათი აღმართა ორივე ხელით და დაიძახა: „აი, ვისი გზით უნდა ვიაროთ, მეგობრებო!“

ტაშმა და ოვაციამ იქაურობა გააყრუა.

არა, ამ ხალხის დაოკება და მოთმენის ბუდეებში შერეკვა უკვე არავითარ ძალას აღარ შეუძლია.

„საქართველომ გაიღვიძა!“ ვნერ გვიან ღამით შინ მობრუნებული და სიამაყის ჟრუანტელი მიაყრობს.

იპოდრომის მიტინგი ნოემბრის ბოლო კვირას პარლამენტის წინ გრანდიოზული შიმშილობით გვირგვინდება.

ეროვნული მოძრაობის მეთაურებმა ხელში აიღეს სახალხო მოძრაობის მართვა და სტიქიურად კი არა, დიდი ტაქტით და მოთმინებით ყოველდღე სასიკვდილო ყუმბარებს უშენენ კომუნისტურ რეჟიმს.

#### 9.IV.89

ველოდი... როგორ არ ველოდი. ვიცოდი, რომ იმპერია ნიავისთვის სახის მიშვერას არ გვაპატიებდა.

რუსთაველი შეკრულია. სახანძრო მანქანებს თავისი საქმე დაემთავრებიათ. მეეზოვენი ლეიბ-საბნებს, ფეხსაცმელებს, ჩანთებს და დაფხრენილ დროშებს საბარგო მანქანებზე ყრიან.

10 საათზე მწერალთა კავშირში ვიკრიბებით.

#### 26.IV.89

დღიურების წერას არ ვაპირებდი.

არ მიმაჩნდა ჩემი ცხოვრების მოსაწყენი დღეები დაწვრილებითი აღწუსხვის ღირსად.

დღეს გადავწყვიტე მაინც ჩავინიშნო ყოველდღე, რაც გადამხდება.

საოცარი ეპოქა დადგა და ორმოცდაათს მიახლოებული კაცი ჩემს მებს სიერებას ველარ ვენდობი.

ვინ იცის, იქნებ მომავალში ეს დღიურებიც დასჭირდეს ვინმეს ჩვენი დღეების მიძიმე სურათის აღსადგენად.

გუშინ, 25 აპრილს, ცხრა აპრილს უწყალოდ დახოცილთა ხსოვნის აღსანიშნავი მიტინგის გასამართლად შევიკრიბეთ ქაშუეთის ეკლესიის ბაღში. „მშობლიურმა მილიციამ“ შესასვლელი გადაგვიღობა და ბაღში არ შეგვიშვა, უსანქციო მიტინგიაო.

სამი ათასამდე კაცი ქუჩაში იდგა და ზუზუნებდა.

მიტინგი იშლებოდა.



ვერ მოვითმინე და ხალხს მივმართე; ხომ ხედავთ, როგორ პატივს გცემენ, გავეცალოთ აქაურობას და სხვაგან გავმართოთ-მეთქი მიტინგი.

გავუძეხი დემონსტრაციას რუსთაველის პროსპექტზე. რუსთაველის თეატრის წინ მდგარი მსახიობები ჯერ ტაშით შეგვხვდნენ, მერე შემოგვიერთდნენ.

მოძრაობა ცალ მხარეს შეჩერდა.

მივედით კონსტიტუციის მოედნამდე. იქ შადრევანთან ფილაქანზე შევედექი და სიტყვით მივმართე შეკრებილთ:

„დღევანდელმა ჩვენმა შეკრებამ და დემონსტრაციამ დაადასტურა, რომ ხოცვა-ჟლეტით ჩვენი დაშინება შეუძლებელია. ჩვენ გამოსვლებით, პრესით და სისხლზე დაფარებული ყვავილებით ხელისუფლებაზე უდიდესი გამარჯვება მოვიპოვეთ. მართალია, „არაფორმალურ გაერთიანებათა“ ლიდერები დააპატიმრეს, მაგრამ ბრძოლაზე ხელი არ უნდა ავიღოთ. მტკიცედ უნდა მოვთხოვოთ მთავრობას, თუ საქართველოს დამშვიდება სურს, გაათავისუფლოს პოლიტპატიმრები, გააუქმოს არაკონსტიტუციური ავტონომიები და საქართველოს ეროვნული სხეულის შენარჩუნებისთვის ბრძოლაში ხელი შეგვიწყოს.

მე გულისტკივილით ვაყენებ ამ უკანასკნელ წინადადებას, მაგრამ ჩვენ სხვა გზა არა გვაქვს. დაპირებები და წყლულის სახელდახელო მობანჯა ახლა საქართველოს ვერ უშველის“.

მიტინგი რომ დამთავრდა, ძნელადის ქუჩით დავბრუნდით რუსთაველზე. ლამდებოდა.

საოცარი სანახავი იყო მოკლულთა სურათებით და გვირგვინებით დაფარული მთავრობის სასახლისწინა მოედანი. ხალხი უწყვეტ ნაკადად მოედინებოდა.

დღეს, ოთხ საათზე ჩემთან „კრიტიკის“ რედაქტორის კაბინეტში მოვიდა ჩემთვის უცნობი ახალგაზრდების ჯგუფი. ათიოდე კაცი და გამომიცხადეს: „ბატონო რევაზ, გვიშველე, მილიციის პოლკოვნიკია მოსული და მთავრობის სახელით მოგვინოდებს, ახლავე ავკრიფოთ ყვავილ-გვირგვინები და გავათავისუფლოთ მოედანი, საპირველმასისო მზადებას სამგლოვიარო მიტინგი ხელს უშლისო.

გავყევი. პოლკოვნიკი, როგორც გამეცნო, თბილისის მილიციის ერთ-ერთი განყოფილების უფროსია. პირადად არ ვიცნობ, მაგრამ ტელევიზიიდან არაერთხელ მომისმენია მისი გამოსვლები. ურიგო კაცის შთაბეჭდილებას არ სტოვებდა.

ნუ ჩაიდენთ ამ ცოდვას, ხალხს გლოვის საშუალება მაინც მიეცით-მეთქი.

შენ ვინ გკითხავსო, შემომიბღვირა, ჩანდა, ვერ იყო ხასიათზე. შენისთანება ხალხს რომ აბუნტებენო. შენისთანა ვაიპატრიოტების ბრალია ცხრა აპრილის ხოცვა-ჟლეტაო. კარგად გიცნობ, რევაზ მიშველაძე ხარო.

ვიგრძენი, რომ მასთან საუბრის გაგრძელებას აზრი არ ჰქონდა. გავვარდი მუხრან მაჭავარიანთან.

მუხრანმა თვლემით მომისმინა, მაგრამ საქმიანი ვერაფერი მოიმოქმედა. მითანაგრძნო; „რას ვიზამთ, ჩემო რეზო, ძალა აღმართს ხნავსო“.

დავურეკე მინისტრ შოთა გორგოძეს, შინაგან საქმეთა მინისტრმა „დამიყვავა“, ჩვენ მაგ საქმეში არ ვერევი, ეგ კათალიკოს ილია მეორის გადაწყვეტილებააო. ვრეკავ მთავრობაში. ტელეფონს არავინ იღებს. გუმბარიძე მოსკოვშია.

ექვს საათზე შოთა გორგოძემ მიხმო.

შევედი თუ არა მინისტრის კაბინეტში, კაპუტივით მეცა ის პოლკოვნიკი.

აი, ვინ ჩაგვიშალა ოპერაციაო. მინისტრის და პოლკოვნიკის გარდა კაბინეტში იყვნენ მინისტრის მოადგილე შადური და კოლეგიის ნევრი, პროფესორი მამია დარჩია. პოლკოვნიკის გარდა ყველანი სდუმდნენ.

ლაპარაკი არავის აცალა; ხალხიო, უკვე დათანხმებული მყავდა და მიშველაძემ ყველაფერი ჩამიშალაო. სიცრუეა! ჩემს ირგვლივ შეკრებილნი გაიძახოდნენ ცოცხალი თავით არ გავატანინებთ მილიციას აქედან გვირგვინებსო.

როცა შევკადრე, ტყუილს რატომ კადრულობთ-მეთქი;

უკანასკნელი სიტყვებით მლანძღა მეც და მთელი ქართული მწერლობაც. თქვენაო, სისხლის დაღვრის მომხრენი ხართო, საქართველოს თქვენ-ნაირები ღუპავენო. კარგად დაგინახეთ, გუშინ რუსთაველზე რომ დემონსტრაციას მიუძღოდით.

დასაპატიმრებელი და გამსახურდიასთან ერთად ციხეში ჩასალპობი ხარ შენცო.

კაბინეტში მყოფთაგან არცერთმა არ „შეჰკადრა“, ხულიგნობას თავი დაანებო.

ცოტა დააკლდა საცემრად კინლამ გამოინია. პირზე ქაფმომდგარი გაჰყვიროდა უშვერ სიტყვებს.

„ყოჩაღ, ბატონო შოთა, მშვენიერი „კადრი“ შეგირჩევიათ მილიციის განყოფილების უფროსად-მეთქი“, ამის თქმალა მოვახერხე და მინისტრის კაბინეტი დავტოვე. პოლკოვნიკმა მუქარა მომადევნა.

მთელი გზა გულს მაზიდვინებდა ჩემი უმწეობის გამო. იმის გამო, რომ არავითარი ძალა არ მქონდა, რაიმე შემეცვალა.

27/IV 89

დღეს მედია კახიძე, გრიგოლ ჯუღუუხიძე, ტაგუ მებურიშვილი და მე მარნეულის რაიონში წავედით ლიტერატურული საღამოს გასამართავად. სოფელ თამარისს ვესტუმრეთ;

რა გველიტერატურულსალამოებოდა, მაგრამ მივიჩინეთ რომ სწორედ ახლა იყო საჭირო სახლთან შეხვედრა და საერთო სატიკვარზე გულახდილი საუბარი.

რასაკვირველია, თავიდანვე ჩამოვადგეთ სიტყვა 9 აპრილის ტრაგედიაზე. შეძლებისდაგვარად გავაანალიზეთ მისი მიზეზები. შევეხეთ თანამედროვე საქართველოს დემოგრაფიულ-სოციალურ და ეროვნულ-პოლიტიკურ ვითარებას და იქვე, რაკი სიტყვამ მოიტანა, მოვუწოდეთ სოფლის გამრავლებისაკენ.

წამოდგა ერთი ხანშიშესული სოფლელი კაცი და გამოგვიცხადა; როგორ უნდა გავმრავლდეთ, როცა უკანასკნელი ოცი წლის მანძილზე სოფელში არც ერთი მეტრი საკარმიდამო მიწის ნაკვეთი არ გაცემულაო.

ენა ვერ აღწერს, რაც შემდეგ მოვისმინეთ.



რასაბჭოს დეპუტატი ვარა დვალი ამბობს, ერთ ბინაში ოთხი ოჯახი ვცხოვრობთ. სამი ძმა სამივე დაცოლშვილიანებული და მინის ნაკვეთს არ გვაძლევენ, იძულებული ვართ ავიბარგოთ და სოფელს გავეცალოთ.

ვარას სხვები ამოუდგნენ მხარში. ლამის მთელი დარბაზი ტიროდა. რა დროს მწერლობა და ლამაზი სიტყვებია, ვიღუპებითო.

დაღამდება თუ არა, სინათლეს გვითიშავენო.

ჩვენ ქართველებს ოცი წელია ერთი მეტრი მიწაც არ გვალისრეს ჩვენს ქვეყანაში, გადახედეთ მეზობელ სოფლებში ყოველდღე ჩნდება მეზობელ „ძმათა“ ახალ-ახალი სახლებიო.

გაგვაგებინეთ, რა პრივილეგია აქვთ, რა დაიმსახურეს ასეთიო.

სულ ხუთი პატარა სოფელია მარნეულის რაიონში – თამარისი, წერეთელი, ორჯონიკიძე, სიონი, წერაქვი და ხუთივე ასეთ დღეშიაო.

სკოლის დირექტორმა გურამ ქადარიამ, 14 წელია სკოლაში ვმუშაობ, აქეთ უნივერსიტეტმა გამომანანილა, ჩამოვედი და ცოლ-შვილით დღემდე მეურნეობის საერთო ბინაში ვცხოვრობ, ყოველდღე ვანუხებ რაიონის ხელმძღვანელობას, მაგრამ ცივი უარით მისტუმრებენ, მივმართე ხელისუფლებას, მაგრამ იქედანაც უარი მითხრეს. ამ ბოლო დროს სკოლის დამხმარე მეურნეობისთვის მოვითხოვე ფართობი და იმაზეც უარი მტკიცესო.

სკოლაში ჯიუტად არ ხსნიან წიგნების მალაზიას, რომ სოფელი ეროვნული წიგნებით არ განათლდეს.

სოფელს გვერდით ჩაუდის გაზგაყვანილობა, მაგრამ დღემდე სოფელს გაზს არ აძლევენ.

გზა საშინელია.

ავტობუსი გვერდით, აზერბაიჯანულ სოფელში დადის და აქეთ არც შემოუხვევს, წრიულზეო.

ერთი ქორეოგრაფი გვყავდა კულტურის სახლში და ახლახან ისიც შტატების შეცმირებაში მოგვიყოლესო.

ეს ხდება მარნეულში. სადაც ქართველი მოსახლეობა 5%-ია, ხოლო აზერბაიჯანელი 95%.

ესაა ქვეყნის პატრონობა და სამართალი?

ხვალვე უნდა გავვარდე აგრომრენვის თავმჯდომარე გურამ მგელაძესთან, უნდა ავტენო ზარების რეკვა, უნდა ვეცე ყელში ტელევიზიას; ჩავიდე თამარისში და სოფლის ყრილობა გადაიღოს.

ახლა თეორეტიკოსობის დრო არ არის, პრაქტიკული საქმეები უნდა ვაკეთოთ.

28/IV 89

მცხეთაში სოფელ საგურამოს ვენვით მე და მედეა კახიძე.

შეხვედრა თითქმის ოთხ საათს გაგრძელდა.

გვეკითხებოდნენ ყველაფერზე და განსაკუთრებით ცხრა აპრილის ტრაგედიაზე.

რა გზას დავადგეთ, რა გველის, როგორ გადავირჩინოთ თავიო.

მიყვარს ამგვარ „უსანქციო“ შეხვედრებზე გამოსვლა.

მოვხსენი გუდას თავი და ვილაპარაკე. ჩვენი მთავარი საქმე ახლა ჩვენი ეროვნული სახის შენარჩუნებაა.

რუსეთი სანუკვარ თავისუფლებას საქართველოს ცოცხალი თავით არ მისცემს, იმპერიის რღვევა დაწყებულია. ეს რამდენიმე წელიწადში თავისთავად მოხდება, მთავარია, ჩვენ ახლა თავი გადავივრჩინოთ-მეთქი.

ლამის კიბეზე ჩამოგვყენენ შეკითხვებით.

როგორაა ხალხი აქოჩრილი და გაღვიძებული!

29/IV 89

დღეს, 11 საათზე, კინოს სახლში საქართველოს დემოგრაფიული საზოგადოების დამფუძნებელი ყრილობა ჩავატარეთ.

რუსთაველის საზოგადოებამ, რომელიც აკაკი ბაქრაძის არჩევამდე (2 თვე არცაა) ფიქტიურად არსებობდა, თავის უბეში მოიქცია და ამჟამად დაჩაგრა ე.წ. დემოგრაფიული ფონდი. ჩვენ შევიკრიბეთ, რათა რუსთაველის საზოგადოებას გამოეყოს დემოგრაფიული ფონდი და ცალკე საზოგადოებად ჩამოყალიბდეს.

ამაზე ფაქტიურად ა. ბაქრაძეც თანახმაა, მაგრამ, რატომღაც ყრილობაზე მ. მაჭავარიანი და ა. ბაქრაძე არ მოვიდნენ.

ყრილობა აკაკი ჯორჯაძემ გახსნა.

მოხსენება მიხეილ ქურდიანმა გააკეთა.

პირველი სიტყვა მე ვთქვი. აღვნიშნე, რომ ამ საზოგადოების პროგრამა უნდა იყოს საქართველოს ეროვნულ-დემოგრაფიული გადარჩენა. მოვიტანე უამრავი მაგალითი იმისა, თუ როგორ იტაცებენ და იპყრობენ ქართულ მიწებს უცხო ტომის წარმომადგენლები. შევხებ აფხაზებად თავგასაღებული ადიღეველი ტომების საკითხსაც. კონკრეტულად ჩამოვყალიბე ამ საზოგადოების უახლოესი ფუნქციები: საქართველოს დემოგრაფიული მონესრიგება: არაკონსტიტუციური „ავტონომიების“ გაუქმება. ხელისშეწყობა ქართველი ერის გამრავლებისთვის. საზოგადოების თავჯდომარედ წამოვაცენი ლევან სანიკიძე.

შემდეგ გამოვიდნენ ნ. ნათაძე, ნ. წულეისკირი, ი. იაშვილი, ი. სარიშვილი (გ. ჭანტურიას ცოლი, ორი დღის გამოშვებულია ციხიდან, მშვენიერი სიტყვა თქვა), ი. ბეგიაშვილი, ლ. სანიკიძე, ტ. მეტურიაშვილი და სხვები.

ავირჩიეთ გამგეობა. თავმჯდომარედ ჩემს მიერ შეთავაზებული ლ. სანიკიძის კანდიდატურა გავიდა.

იქვე ნ. ნათაძემ განზე გამიწვია და მითხრა; სახალხო ფრონტის მუშა ჯგუფმა გადაწყვიტა, მწერალთა კაშვირის სახალხო ფრონტის ორგანიზაციას შენ ჩაუდგე სათავეშიო. ერთ კვირაში სხდომა უნდა ჩავატაროთ და გამგეობა ავირჩიოთ.

30/IV 89

დღეს აღდგომაა.

ქრისტე აღსდგა! – ტელევიზიამაც კი მოგვილოცა ამ დილით.

პრესა და ტელევიზია საინტერესო გახდა:

ყოველ ღამე აცხადებს „ვრემია“, შემომწვამ დაადასტურა, რომ 9 აპრილს გაზი და ქიმიური იარაღი ჯარს არ უხმარიაო. სამაგიეროდ, ყოველდღე აცხადებს საქართველოს ტელევიზია: საქართველო პროტესტს გამოთქვამს, „ვრემიას“ ინფორმაცია ჭორიაო.

ასეთ „სამართლებრივ სახელმწიფოში“ ვცხოვრობთ ჩვენ.

გორბაჩოვმა ხომ იცის, რომ იხმარეს ქიმიური იარაღი, რატომ არ უნევს ყურს ცრუყურნალისტებს, სიმართლეს ხელს ნუ აფარებთო.

აი სადაა „ძალის თავი დამარხული“.

შუალამემდე ვიკამათეთ მე და მამაჩემმა იმის შესახებ, თუ რა გზით უნდა იაროს საქართველომ.

1/V 89

პირველი მისი!

რა ბედნიერებაა, პირველად ჩემს მასხოვრობაში, დღეს საქართველოში პარადი არ ჩატარდა.

მე რა მაქვს სანინაალმდეგო ჩიკაგოში დალუპული მუშებისათვის სოლიდარობის გამოცხადებისა, მაგრამ თვით პარადი, ისე როგორც ჩვენში ტარდებოდა, დამამცირებელია, დამთრგუნველია პიროვნების!

2/V 89

ამ ერთი კვირის წინათ კოტე მახარაძის თხოვნით, ერთი მსახიობის თეატრისთვის სპეციალურად დავწერე პიესა „აპრილი“. რა დიდი მიხვედრა უნდა, რომ პიესა 9 აპრილის ტრაგედიას შეეხება.

ამ საღამოს დამირეკა. ალფროთოვანებული ვარ. უკვე დავინყე მუშაობა. 9 ივნისს პრემიერა უნდა ვითამაშოო. რვა საათზე თავის თეატრში მისვლა მთხოვა. მივედი.

საოცარი იდეები დამახვედრა. მაყურებელს თეატრის გარეთ დახვედბა დასი შავი დროშებით ხელში. ვნახოთ, რა გამოვა.

3/V 89

დღემ ჩვეულებრივ ბრძოლა-ქაქანში გაიარა.

ხალხი შემფოთებული, ანერვიულებულია, ცოტა დაბნეულიც, მაგრამ შემინებული არ არის.

საღამოს ტელევიზიაში ჩანერა გვექონდა, გადამთიელთა მიერ ქართული მინების მიტაცების საკითხებზე.

მედეა კახიძე, გრიგოლ ჯულუხიძე, ტაგუ მეზურიშვილი ტელევიზიის თანამშრომელი – მანანა ლომაძე და მე დაგვსვეს სასაუბროდ.

თუ გადასცეს ეთერში, თუ, როგორ იცინა არ შეკრიფ-შემოკრიფეს, საკმაოდ მწვავედ ვილაპარაკეთ.

4/V 89

„კრიტიკის“ მეორე ნომრის სასიგნალო მივიღე.

საოცარია, ისე ველოდები ყოველ ნომერს როგორც საკუთარ წიგნს.

არაუშავს, მეზრძოლი ნომერია.

ყდაზე დავბეჭდე 9 აპრილის სამიძმარი, გრიშა ჯულუხიძის ლექსი და მწერალთა „დეპემები“ ცხრა აპრილთან დაკავშირებით.

მონინავეშიც გავაპარე ცხრა აპრილის შეფასება, მიუხედავად იმისა, რომ მთავლიტი ძალიან იკბინება.

მთავლიტი კვლავ საზიზღრად მთავლიტობს. მთავლიტმა „ლიტერატურული საქართველოდან“ 9 აპრილზე დაწერილი ნოველა ამომიძლო, მაგრამ ხალხმა ქუჩაში რომ გააკრა ნაწერები ამ ძალადობის შესახებ, მთავლიტი შემინდა და იძულებული გახდა მომდენვო ნომრისთვის დაერტყა ბეჭედი და 28 აპრილის გაზეთში გაუშვეს. ნოველას ჰქვია „ნარღვნიტ ჩაქცეულ ნაპირზე“ და პირველი პროზაული (დაბეჭდილი) ნაწარმოებია 9 აპრილის თემაზე.

საღამოს რვა საათზე დამიბარა ცეკას პირველმა მდივანმა გივი გუმბარიძემ და 11 საათამდე ბოლთას ვცემდი მის მოსაცდელში. იქვე იჯდა

და გულახდილად ვესაუბრე დისიდენტს, ყოფილ პოლიტპატიმარს ბორის კაკუბავას. ჩვენს შორის აზრთა აბსოლუტური თანხმობაა. მდივნის კაბინეტში 25-მდე აფხაზეთიდან ჩამოსული ქართველი იყო შესული.

აფხაზეთში დიდი არეულობაა.

ადილეველი ტომები, რომლებიც თავს აფხაზებად აცხადებენ (სხვისი ეროვნულობის მითვისება სირცხვლი არ არის?) ძალიან ავინროვებენ ადგილობრივ, მკვიდრ, მიწის ძველთაძველ პატრონს – ქართველ მოსახლეობას.

როგორ ფიქრობთ, რა ვიღონოთ, მკითხა გუმბარიძემ. ჩემზე ხუთი წლით უმცროსია. ადრეც ვიცნობდი, მაგრამ ახლოს არა.

ვუთხარი, ერის მოთხოვნებს საქმით უნდა ვუპასუხოთ და არა დაპირებებით-მეთქი.

ჩამოვუკაკლე ჩემი ეროვნული და სოციალური პროგრამა:

აჭარელი სტიქიაში მოყოლილები წალკასა, ბოგდანოვკასა და ახალქალაქში უნდა ჩაასახლოთ-მეთქი.

სერგო ორჯონიკიძის ძეგლი უნდა აიღო-მეთქი.

გალაკტიონის მუზეუმი უნდა გახსნა-მეთქი თბილისში.

რუსთაველის მალაზია-სალონი უნდა გაიხსნას-მეთქი.

დემოგრაფიულ საზოგადოებას ხელი უნდა შევუწყოთ-მეთქი.

ყურადღებით მომისმინა, თითქმის ორი საათის განმავლობაში.

ყველაფერზე დამეთანხმა.

ვნახოთ, რას იზამს.

5/V 89

დღეს რედაქციაში ჩემთან მოვიდა ზესტაფონელი ქალი – თამარ მუხუ-რაძე. მე, სახალხო თეატრის რეჟისორი ვარო, ზესტაფონში თქვენი პიესა დავდგით და პრემიერაზე ჩამობრძანდით, თან შეხვედრა უნდა მოგიწყოთო. დავთანხმდი. 12 მაისს ბალდაღში მაქვს შეხვედრა და უკან გზად 13-ში ზესტაფონში გამოვივლი.

შეხვედრები საერთოდ არ მიყვარს, მაგრამ ახლანდელი შეხვედრები სხვაა. აღვკვეთე ჩემს შეხვედრებზე ყოველგვარი წინასწარ დანერილი მოფიქრებული სიტყვები. მხოლოდ მე ვდგავარ და ვსაუბრობ ან შეკითხვებს ვპასუხობ, ესაა სულ. ხალხს უნდა დაელაპარაკო. მათ ბევრი რამ იციან და ბევრსაც შენგან მოელიან. კარჩაკეტილი მწერალი ერის მწერალი არ არის.

ჩემს ახალ პიესას – „ნაპრალი“ დგამს ფოთის თეატრი და ბოლნისის თეატრი. მგონი, ქუთაისიც, თუ სვანაძემ პირი არ მიშალა. ვერ ჩანს მთლად პირიანი კაცი.

ბოლნისიდან ჩამოვიდა ახალგაზრდა რეჟისორი – ზურაბ ხვედელიძე. თქვენი ნოველები ძალიან მომწონსო, რაიმე პიესას ხომ ვერ გამოიმეტებთო.

უარს რატომ ვეტყვოდი. აქ კი თბილისის თეატრები ხელს მაფარებენ. სანამდე?

3 საათზე გუმბარიძეს რედაქტორების თათბირი ჰქონდა. ახალი არაფერი უთქვამს. დაპირებები და დაპირებები... თანაც დამშვიდებისკენ და გონიერებისკენ მოწოდება.

რა დაამშვიდებს საქართველოს, რომელიც ქრება ჩვენს თვალწინ.

როგორ შეიძლება დამშვიდება.

6/V 89

დღეს გვაცნობებს ტელევიზიიდან, რომ მთავლიტმა ჩვენი გადაცემის გამ-  
ვებაზე უარი თქვა.

ესეც ჩვენი სიტყვის თავისუფლება.

საოცარია, „ახალგაზრდა კომუნისტის“ დღევანდელ ნომერში მთლიანად  
და უფრო მწვავედ, ვიდრე ტელევიზიაში ვილაპარაკე, დავბეჭდე წერილი  
იმის შესახებ, თუ როგორ ჩაგრავენ თამარისში ქართველებს. წერილს ჰქვია  
„ესაა ქვეყნის პატრონობა და სამართალი?“

რისი დაბეჭდვაც გაზეთში შეიძლება, ტელევიზიით ვერ გადაიცემა?

სალამოსპირს, 5 საათზე ვენვზე ქავთარაძის ქუჩაზე №2 საავადმყოფოს  
მოშიშმილეთა და მონამლულთა მოსანახულებლად.

მოვიარე პალატები ექიმ ნატოს თანხლებით.

მძიმე მდგომარეობაა.

ბევრ მათგანს წვეთოვანი უდგას. საყლაპავი მილი პარალიზებულია,  
კუჭი საჭმელს ვერ იწელებს, მესხიერება დაქვეითებული აქვთ, შეინიშნება  
ცნობიერების დაკარგვა დღეში რამდენჯერმე.

ფერდაკარგული, წვეროსანი ბიჭები, თვალბზაცვენილი, ტუჩებშეთეთ-  
რებული გოგონები. რა დამავინწყებს მათს ნაღვლიან გამოხედვას.

რა საცოდაობაა, რით მოგვწამლეს, რატომ გაგვიმეტეს ასე.

ვცდილობდი გამხნეებას. მორჩენის იმედი დაკარგული აქვს ბევრს.  
უარესად ვართო.

მეორე სართულზე 211-ე პალატაში რვა ბიჭი შიმშილობს.

ეს აქცია მიმართული სამხედრო ხელისუფლების წინააღმდეგ, რო-  
მელიც ენერგიულად ცდილობს მონამვლის ფაქტის მიჩუმაებას და შესა-  
ბამისი წამლის არგამხელას.

რა სახელმწიფოში ვცხოვრობთ, რა გვეშველება.

ორ საათს ველაპარაკე მოშიშმილე ბიჭებს მომავალი ბრძოლების მეთო-  
დების შესახებ. ყურადღებით მისმენდნენ და მეთანხმებოდნენ.

იქვე თამაზ გამყრელიძის და გორბაჩოვის საუბრის შესახებ გავიგე.  
„ხელმწიფე“ თურმე ჩვენზე ნაწყენია (!).

7/V 89

მთელი დღე წერა-კითხვაში გავატარე.

ვნერდი წერილს რუსთავის გაზეთისთვის სათაურით „ყურს ნუ დაეუგ-  
დებთ დემაგოგს“. წერილში ქართველ მუშებს მივმართავ –ალმაცერად ნუ  
შეხედავენ ინტელიგენციას. ერის თავი ინტელიგენციაა.

ვკითხულობდი გურამ გეგეშიძის რომანს „მნათობში“ („სისხლის წვიმე-  
ბი“), სიუჟეტს არა უმავს. პრობლემა აქტუალურია. წერა (ხატვა) არ იცის.  
ფერწერულად ვერ ხედავს. „ცოდვილშიც“ ეს ნაკლი ჰქონდა.

8/V 89

მუხატწყაროში აგარაკზე ვარ.

მოვიძლე გული ტყეში სიარულით.

გალვძიებული, აფეთქებული ბუნება! ხემ არც ინტრიგა იცის, არც თავი-  
სუფლებილსათვის ბრძოლა, არც მიტინგი და დემონსტრაცია.

ღამით ტყეში, მთელი ღამე მიკიოტი ჰკიოდა.

9/V 89

კუს ტბაზე მე და აჩიკომ დიდხანს, გემრიელად ვივარჯიშეთ.

აფსუს, ვბერდები! როგორ მიყვარს სპორტი. ერთადერთი, რაზეც სიბერის გამო გული მწყდება, ის არის, რომ ველარ ვირბენ, ჩოგბურთს ვერ ვითამაშებ, თხილამურებით ვერ ვისრიალებ.

სალამოს მე და სოსო ბუხაიძე წვეულებაზე ვიყავით ჩვენს მეგობარ ლამარა მინდორაშვილთან (სამოცსგადაშორებული, მარტოხელა ქალია. მეცნიერობს). ვითამადე. ოციოდე კაცი შევიკრიბეთ. დიდხანს, სეველიანად ვისაუბრეთ საქართველოს ყირ-ვარამზე.

10/V 89

„კრიტიკაში“ დავალამე.

მურმან ჯგუბურია იჯდა დიდხანს ჩემს კაბინეტში.

ვისაუბრეთ იმის შესახებ, რომ დრო ელვისსისწრაფით გარბის. სიტუაცია, ცხოვრების სტილი იცვლება. ჩვენი აზროვნებაც უნდა შეიცვალოს. ეპოქას უნდა ავაცოლოთ კალამი. ახლა „ტრადიციული ხელწერა“ არ გამოდგება. ვილაპარაკეთ იმაზეც, თუ როგორ დაღუპა კონიუნქტურამ და პანეგრიკმა არაერთი ნიჭიერი მწერალი წარსულში. ამ საუკუნის პირველი ნახევრის ლიტერატურული ბრძოლებიდან სუფთად მხოლოდ გალაკტიონი, ჯავახიშვილი, გამსახურდია და კიდევ რამდენიმე მწერალი გამოვიდნენ.

შინისაკენ რომ მოვდიოდი, რადიო „უიარაღოს (კონდრატე თათარაშვილი) ცნობილ მოთხრობას „მამლუქს“ გადმოსცემდა. ჩემი ბავშვობის მოთხრობა. რამდენჯერ მიტირია ქართველ მამლუქთა უბედურ ბედზე.

მშვენიერად მახსოვს „მამლუქი“ ასე მთავრდებოდა:

„ღმერთმა ხომ იცოდა, რომ არც ერთი იყო არაბი და არც მეორე ვენეციელი.

ორივენი ბედკრული საქართველოს შვილები იყვნენ“.

რადიოდადგმაში კი ასე შეუცვლიათ:

„სინამდვილეში, არც ერთი იყო არაბი და არც მეორე ვენეციელი.

ორივენი იმდროინდელი, ბედკრული საქართველოს შვილები იყვნენ“.

აი ჩვენი „რკინის რედაქტირების“ და „მოუსყიდველი მთავლიტის“ მშვენიერება.

რა საძაგლობაა, ღმერთო ჩემო. ღმერთი არ არსებობსო და რა უნდა იცოდესო (ლოგიკა!) ბედკრული თანამედროვე საქართველო ხომ ვერ იქნება, უსათუოდ უნდა დავაკონკრეტოთ და „იმდროინდელი საქართველო“ უნდა ვუწოდოთო.

მოფიქრება არ გინდა?!

11/V 89

დღეს დავწერე მიმართვა საქართველოს უმაღლესი საბჭოს პრეზიდიუმისა და რესპუბლიკის პროკურორის – ვ. რაზმაძის სახელზე ფაკულტეტის სახელით: კათედრის გამგეები და პროფესორები მოვითხოვთ, გაათავისუფლონ პატიმრობიდან ზ. გამსახურდია, მ. კოსტავა, გ. ჭანტურია, ი. ნერელი...

მთელი დღეა ხელმოწერების შესაგროვებლად დავრბივარ. მიანც როგორ ვართ დაშინებულები. ზოგი ხელის კანკალით აწერს ხელს ზოგი ვაჟკაცურად აწერს და ისე შემომხედავს თითქოს თავი გასწირა და დაფნის გვირგვინით უნდა შევუმკო შუბლი. ყველამ მოაწერა ორი პროფესორის გარდა: ერთმა ენათმეცნიერმა აღშფოთება გამოთქვა – რას ჰქვია გამოშვება,



ისინი ციხეში ჩაღობის ღირსნი არიანო. აი რას ჰქვია ვერაგობა. მეორემ, ანტიკური კულტურის სპეციალისტმა, მეო, კომისიის წევრი ვარ და ჩემგან ხელმოწერა უნერხულიაო. ხვალ მივიტან გაზეთ „თბილისში“. იქნებ რაიმე ვუშველოთ უსამართლოდ ციხეში ჩაყრილთ.

შუადღისას უნივერსიტეტში მანანა არჩვაძემ მომაკითხა. რა ვქნათო, ხომ არ დავწეროთ განცხადება უნივერსიტეტის პროფესორის ხელმოწერით!

უკვე დანერილი მაქვს და ხელმოწერებზე დავრბივარ-მეთქი. გაეხარდა.

## 12/V 89

დილით „თბილისის“ რედაქტორს – ა. გოგელიას მივუტანე განცხადება – 31 პროფესორის ხელმოწერილი. აჩიკომ დაიტოვა, მაგრამ შეყოყმანდა. გუმბარიძე „არაფორმალების გამოშვებას არ აპირებს და უნდა შევუთანხმო ამ განცხადების დაბეჭდვას. დაცდილი მაქვს, რედაქტორი რომ შეყოყმანდება, ის მასალა არ დაიბეჭდება.

11 საათზე გავუყვევით გზას მე და თამაზი (ჩემი მძღოლი) ბაღდადი-საკენ! 2.30-ზე „მაიაკოვსკი“ ვართ. რაიკომის პირველმა მდივანმა გაიოზ ნოზაძემ გულთბილად მიმილო. სამ საათზე ღია ცის ქვეშ ახალგაზრდობას შევხვდი, საღამოს შვიდ საათზე რაიონის კულტურის სახლში დიდი საღამო გამიმართეს. მოხსენებები წაიკითხეს (მოკლე) გოგი ლაბაძემ (მწერალი) და ანზორ ჯანელიძემ (ჟურნალისტი) თავიდანვე წინააღმდეგი ვიყავი ჩემზე სიტყვების თქმის მაგრამ დაგეგმილი ჰქონდათ და ხელი ვერ შევუშალე.

ორ საათზე მეტ ხანს ვილაპარაკე. ვუპასუხე შეკითხვებს. დარბაზი გაჭედილი იყო, ფეხზე იდგნენ.

ერთმა სტუდენტმა მკითხა, თქვენ, ასეთი მართალი მწერალი რომ ხართ, მიკვირს ცხრა აპრილს სად მიიმალეთ ისე, რომ არც გალახული ხართ და არც მოწამლულიო. ეს მითხრა შენიშვნის სახით. მე ვფიქრობდი რომ მეტყოდა, მოხარული ვარ, რომ არ მოგხვდათ ნიჩაბიო. თურმე, თუ დავდგებოდი სცენაზე და ვიყვირებდი, მე მცემეს-მეთქი, მაშინ ვიქნებოდი კარგი კაცი. რა ვუყოთ, ახალგაზრდაა, ეპატიება.

ღამე ბაღდადში გავათიე.

აკადემიის კომისიამ გადაწყვიტა ძველი სახელები დაუბრუნოს ოზურ-გეთს, ხარაგაულს, მარტვილს, სენაკს, ხონს – რატომღაც მაიაკოვსკის სახელს არ შეეხნენ. ასე რომ, „მაიაკოვსკს“ ჯერ არ უბრუნებენ ძველ სახელს – ბაღდადს. რატომ? ვერ გეტყვით.

## 13/V 89

შუადღის ორ საათზე დავალწიე თავი ბაღდადელ მასპინძლებს და ზე-სტაფონში ჩამოვედი.

რაიკომის მდივნები – ბესარიონი და ნათელა სიყვარულით შემომეგებნენ. სასტუმროში დავისვენე და ექვს საათზე შორაპანს ვესტუმრეთ. შორაპანის სახალხო თეატრს დაუდგამს ჩემი „უფანდუროდ სამლერი“. დაიწყო სპექტაკლი. მღელვარება მიპყრობს. სახელმწიფო თეატრებში რა იყო და სახალხო თეატრის დადგმა რა იქნება.

დადგმამ ყოველგვარ მოლოდინს გადააჭარბა.

ჭემმარიტად ამაღელვებელი სპექტაკლი დაუდგამს თამარ მუხურაძეს. არ ველოდი.

ხალხი დიდხანს უკრავდა ტაშს. ორიგინალურადაა გადანყვებილი, ბაქრაძე საფლავიდან ლაპარაკობს.

ხალხი დარბაზში ქვითინებდა.

მერე ჩემთან შეხვედრა გაიმართა.

ისევე შეკითხვები, სიყვარული, კამათი.

და იყო დემონსტრაცია იმისა, თუ როგორ აფასებს ერი ჩემისთანა რიგით მწერალსაც კი.

ლამის 4 საათზე დავიძინე.

14/V 89

დღეს კვირაა.

თბილისში დავბრუნდით.

„კომუნისტში“ ჩემი ნოველა ლექებზე „საყდარი სოფლის სასაფლაოზე“. მესიამოვნა.

15/V 89

რესპუბლიკის პროკურატურის შენობაში დაიწყო ლეკი მკვლევების გასამართლება. მწერალთა კავშირის ხელმძღვანელობამ მიმავლინა სასამართლოზე დასასწრებად, იცოდა რა ჩემი დამოკიდებულება ამ საქმისადმი. მე და სოსო სიგუა წავედით. დგას სამი ლეკი და ჰყვება, როგორ დაიჭირეს სალამოს რვა საათზე თავის ეზოდან გამოსული ქართველი ლელაძე – სამოცდახუთი წლის ცალთვალა კაცი, როგორ შეუკრეს ხელ-ფეხი, წამოიყვანეს მოტოციკლით ტყეში, როგორ დაკლეს ლორივით, როგორ დაანთეს კოცონი, დაჭრეს მიცვალებული ნაწილ-ნაწილ და დაწვეს. თავი კი მთავარმა მკვლელმა ტომარამ ჩადო და როგორც რელიქვია სახლში წაიღო.

გამოძიებისას აღიარებულს უარყოფენ მკვლევები და უსირცხვილოდ ამბობენ, მთვრალეები ვიყავით და არ გვახსოვს, რა ჩავიძინეთო.

ადამიანი შეგძულდება, როცა ამას ისმენ.

ხომ უნდა განსხვავდებოდეს ადამიანი და მგელი ერთმანეთისაგან.

მოსამართლე, პროკურორი და დამცველები მკვლევებს ყოველგვარ შეკითხვას აძლევენ, გარდა ერთისა – იცოდნენ თუ არა გადამთიელებმა, რომ ქართველს ჰკლავდნენ. ყველაფერი აქედან უნდა დაიწყო.

საგამომძიებლო დასკვნაში სწერია – არ ვიცოდით, რა ეროვნებისა იყო, ხმას არ იღებდაო. სასამართლოზე მკვლევები ამბობენ, ჩვენ ცხვრის მოპარვა დავაბრალეთ, ის კი უარყოფდა, გვაგინებდა და ჩვენზე ხელითაც იწევდაო.

რა ენაზე აგინებდა? ან ამ ჩხუბში ვერ გაარკვიეს, რომ ქართველი იყო?

ლექებმა მოჰკლეს ქართველი, სწორედ ქართველი და აქ ეროვნული სასამართლოა. გენოციდის ფაქტთან გვაქვს საქმე. ვინ მოჰკლა ვინ? სტუმარმა – მასპინძელი, მასპინძელი, რომელმაც თავისი გულუბრყვილობით მინა დაუთმო და გვერდით დაისახლა.

მოსამართლემ კერძო განჩინება უნდა გამოიტანოს, რომ ამათი ერთად ცხოვრება არ შეიძლება. ყვარელში „ჩამოთესლებული“ ორი ათასი ლეკი უნდა აიყაროს და თავის მთებს დაუბრუნდეს, სანამ მეტი სისხლი არ დაღვრილა.

შესვენების დროს შევედი და მოსამართლეს ვუთხარი – ღმერთი არ გაგინყრეს და მკვლევები ცოცხალი არ დატოვო, ხომ ხედავ, რა სადისტური (დაჭრა, დანვა) მკვლევლობა-მეთქი. რა ვქნა, ბატონო, გამოძიებას მრუდედ



ნაუყვანია საქმე, თითქოსდა, მთვრალ მდგომარეობაში, წინასწარგანზრახვის გარეშეა მოკლულიო.

16/V 89

დღეს გაზეთებმა დაბეჭდეს 9 აპრილის საგამოძიებო კომისიის მეოთხე სხდომის ოქმი. დაუძახეს და ახსნა-განმარტებანი (ფაქტიურად ჩვენებები) ჩამოართვეს საქართველოს ყოფილი მთავრობის ხელმძღვანელებს ჯ. პატიაშვილს, ო. ჩერქეზიას, ზ. ჩხეიძეს. სავალალო სურათია. ერთმანეთს აბრალებენ. არა ჰყოფნით ვაჟკაცობა, სულგრძელობა, რომ დაასახელონ ნამდვილი დამნაშავე – რუსეთი. რას ელიან, კიდევ რას მოითხოვენ?

სალამოს იპოდრომზე გავიარე. ვესაუბრე ინჟინერ გიორგი ... (გვარი არ უთქვამს). საინტერესო რამ მითხრა: საქართველოს გადარჩენის საკითხი ყველამ უნდა ავიღოთ ხელში. არ შევატოვოთ მარტო რჩეულთ და შეწირულთ. ახლა ყველა უნდა აღრიცხული გვყავდესო. გაორებული, ნახევრად-ეროვნული ადამიანების იმედზე ნუ ვიქნებითო. სალამოს გალახულივით მივდივარ სახლში. ასე მგონია, ერთი დღეც გავაცდინეთ. ერთი დღითაც დავაგვიანეთო. თქვენ ძალიან პოპულარული კაცი ხართ და გაჩუმების უფლება არა გაქვთო.

მიხარია, რომ საქართველო ერთი მიზნით ცხოვრობს, ერთ ფიქრს ემსახურება.

17/V 89

გუშინდელ „თბილისში“ ჩემი სტატია (ოთხი კაცის ხელმოწერით) დაუბეჭდავთ - „ჯერ კიდევ არის დრო“. მოვითხოვთ, როდიონოვი სასწრაფოდ იქნას განვეული დეპუტატობიდან და მის ნაცვლად დეპუტატად კათალიკოსი ილია მეორე იქნას არჩეული.

სალამოს გურამ მეგლაძემ დაგვიძახა. გ. მეგლაძე მინისტრთა საბჭოს თავმჯდომარის პირველი მოადგილეა. მის კაბინეტში შევიკრიბეთ მ. მაჭავარიანი, ა. ბაქრაძე, ნ. ნათაძე, ლ. სანიკიძე, გ. ფანჯვიციძე და მე. „რით ვუშველოთ საქართველოსო“, აქეთ გვეკითხება.

სასტიკი სიტყვა ვთქვი. სამოცდაათი წლის განმალვობაში იმას აკეთებდით, რომ როგორმე დაგექციათ, ჩაგეძირათ საქართველო და ახლა რა ბზიკმა გიკბინათ-მეთქი.

18/V 89

ჩვენს შვიდეულს (იგივენი და რ. ჯაფარიძე) მინისტრთა საბჭოს ახალ თავმჯდომარესთან – ნოდარ ჭითანავასთან გვიხმეს.

დიდხანს ვისაუბრეთ. საკითხი ძირითადად გადამთიელთაგან ქართული მიწების დატაცებას შეეხებოდა.

როგორც ჩვეულებრივად მთავრდება თათბირები, ახლაც ასე დამთავრდებოდა: „შევისწავლოთ, გავანალიზოთ, შევიმუშავოთ ღონისძიებები“...

ვერ მოვითმინე და ვთქვი: დავილაღეთ ამ უსაქმო ლაპარაკით. თუ საქართველოს სიკეთე გინდათ, და, თუ თვალთმაქცები არა ხართ, დღესვე მივიღოთ გადაწყვეტილება და ხვალვე დაფურიგოთ მიწები დაჩაგრულ ქართულ სოფლებს-მეთქი. იჭოჭმანეს, მაგრამ მარნეულისთვის კერძო დადგენილება მაინც გამოვატანინე.

19/V 89

დღეს 23-ის სალამოსთვის მოსანვევები მომიტანეს. შეხვედრა თეატრალურ საზოგადოებაში გაიმართება.

აფიშები გაკრულია ქალაქში.

რანაირად წარვმართო შეხვედრა? სევდიანად, მაგრამ სულ ტირილს ხომ არ უნდა გადავყვეთ? რალაც გზა ხომ უნდა ვუჩვენოთ ხალხს?

ვნახოთ. ჩემი მტრების გადამკიდეს, არ მინდოდა, ეს სალამო, გიგა ლორთქიფანიძემ შემაგულიანა.

მწერლის ხმას ახლა დიდი მნიშვნელობა აქვსო.

20/V 89

დღესაც გვექონდა მიწების დატაცების კომისიის სხდომა.

აზრი გამოვთქვით, წავიდეთ დალესტანში, იქნებ იქაურ ხელმძღვანელობას მოველაპარაკოთ ლეკების თავიანთ სამშობლოში დაბრუნებაზე-მეთქი.

აქ ლეკების ადგილი არ არის-მეთქი.

კვლავ სისხლი დაიღვრება-მეთქი.

დამთანხმდნენ.

ალბათ, იმ კვირაში გავფრინდებით.

მისარია, რომ მარნეულის ქართულ სოფლებს ოთხშაბათიდან მიწებს დაურიგებენ.

თამარისის სასოფლო საბჭოს თავმჯდომარემ მთელი სოფლის სახელით მადლობა მითხრა.

21/V 89

დღეს კვირაა.

ვზივარ და ვწერ წერილს სათაურით „ვინ ამღვრევს წყალს“?

ვწერ იმაზე, რომ საქართველო კვლავ ინამლება (ამ სიტყვის პირდაპირი მნიშვნელობით). ვწერ იმაზე, რომ ზოგი ჩინოვნიკი 9 აპრილს დემონსტრაციის მონაწილეთა წინააღმდეგ რეპრესიებს მიმართავს.

22/V 89

გუშინ სალამოს ფეხბურთს ვუყურებდით. ჩვენი „დინამო“ „დნეპრს“ ეთამაშებოდა. მსაჯს რალაც შეეშალა და მაყურებელი სტადიონზე შევარდა. გამაკანკალა. დაიწყო ცემა-ტყეპა. „მსაჯი“ და „დნეპრის“ ფეხბურთელები მოედნიდან გაიქცნენ.

შეიძლებოდა ახალი კატასტროფა მომხდარიყო.

ოცდახუთ წუთს თამაში შეჩერებული იყო.

მერე დაიყოლიეს დამფრთხალი სტუმრები და თამაში განახლდა.

წერვებმომოლია ხალხი.

სალამოს ტელევიზორში ამერიკელმა და ფრანგმა ექიმებმა განაცხადეს, რომ გუშინ და გუშინწინ საავადმყოფოში მიყვანილი ბავშვები მონამლულ არ არიან – ეს არის კატასტროფის სინდრომი ანუ შიში.

ექვი მეპარება.

საბავშვო ბაღის ბავშვებს რა შიში შეიძლება ჰქონდეთ?

23/V 89

მსახიობის სახლში დიდი სალამო მქონდა.

დარბაზი ხალხით ისე გადაიჭედა, რომ დირექტორს – ლ. მილორავას შეეშინდა, შენობა არ დაინგრესო. უამრავი კაცი ქუჩაში იდგა.

გიგა ლორთქიფანიძემ გახსნა.

როგორც მითხრეს, კარგი სალამო გამოვიდა.

ბრაღი დავდე მთელ სოციალისტურ სისტემას.

საქართველოს დაუყოვნებლივი გამოსვლა მოვითხოვე სსრკ-ს შემადგენლობიდან.

ვთქვი, რა უყვეს ჩვენს თაობას ლიტერატურაში და ისიც დავსძინე, რომ ახლა ჩვენში მოჩვენებითი დემოკრატიაა. სინამდვილეში არავითარი დემოკრატია არ არსებობს.

სცენაზე ამოცვივდა ბოლოს მაყურებელი და ლამის ხელში ამიყვანეს. მარტო ვიდექი სცენაზე როგორც ყოველთვის.  
სალამო ჩაწერილია ვიდეოფირზე.

24/V 89

დილით სამტრედიას გავემგზავრე.

რაიკომის მდივანია თამაზ მიქაძე.

ჩემთან და გრ. ჯუღლუხიძესთანაა შეხვედრა თეატრის შენობაში.

რაიკომის მდივანს ვკითხე ჩამოსახლებულ მესხებზე.

ქართული პასპორტის აღებას არ აპირებენო. თავს თურქებად თვლიანო.

ნამიყვანე, მე გავესაუბრები-მეთქი.

მივედით. 50-მდე მესხი შემომეხვია.

თქვენ ხომ ქართველები ხართ (მესხები), რატომ არ გინდათ პასპორტში ქართველები გენეროთ, ან შეილები ქართულ სკოლაში შეიყვანოთ-მეთქი, როგორ არ გვინდაო. შევხედე რაიკომის მდივანს – განითლდა.

დანერეთ განცხადებები და ორ დღეში ახალ პასპორტებს დაგირიგებენ-მეთქი.

სიამოვნებითო. უნდა გადავამონმო.

სალამოს დიდი სალამო-მიტინგი ჩავატარეთ.

25/V 89

დავბრუნდი სამტრედიიდან.

მთელი დღე კათედრის საქმეებით ვარ დაკავებული.

თბილისში დიდი მზადებაა ხვალინდელი ზეიმისათვის.

ლამით სამფეროვანდროშოიანი ახალგაზრდები მთელი ღამე დადიოდნენ ქალაქში და თავისუფლების ლოზუნგებს გაჰყვიროდნენ.

სასწავლო დანესებულებათა წინ მთელი ღამე ისხდნენ ახალგაზრდები სანთლებით ხელში.

26/V 89

დღეს 26 მაისია.

მონობისაგან დახსნის ჩვენი ეროვნული ზეიმი.

ყველაფერი უნდა ვიღონოთ, რომ საქართველო კვლავ თავისუფალი გახდეს.

თავისუფალ საქართველოში უნდა შევხვდეთ ოცდამეერთე საუკუნეს.

გრანდიოზული მიტინგი ჩატარდა ვაკის პარკში.

ჯანსუღ ჩარკვიანმა გახსნა.

მგზნებარე სიტყვებით გამოვიდნენ ზვიად გამსახურდია, ნოდარ ნათაძე, გია ჭანტურია, ირაკლი შენგელია, ირაკლი წერეთელი, მერაბ კოსტავა, რუსი, სომეხი და ლიტველი სტუმრები.

ასიათასკაციანი დემონსტრაციები გაიმართა რუსთაველზე, ჭავჭავაძის პროსპექტზე.

მიტინგები ჩატარდა აგრეთვე უნივერსიტეტთან და მეტეხის ტაძრის ქვემოთ, რიყეზე.

ნუთუ ამ მოძრაობას რაიმე ძალა შეაჩერებს?

მანქანაზე დავამაგრეთ თავისუფალი საქართველოს დროშა და მთელი საღამო ამ დროშით ქალაქში დავქროდით მე და აჩიკო.

27/V 89

მინას მივაბარეთ მამაჩემის უახლოესი მეგობარი, ცნობილი ენათმეცნეოერი გიორგი შალამბერიძე. ქელესზე თამადაობამ მომიწია.

ვთქვი, რომ კომუნისტებისაგან განამებული გიორგი ვერ მოესწრომეთქი ჩვენი ეროვნული მოძრაობის გამარჯვებით დაგვირგვინებას, იქნებ, ჩვენც ვერ მოვესწროთ, მაგრამ ვალდებული ვართ ბოლომდე ვიბრძოლოთ-მეთქი.

P.S. მიცვალებული სკუბოს მინა რომ მივაყარეთ, სასაფლაოდან ერთად გამოვედით მე და ცეკას თანამშრომელი, ჩემი მეგობარი ვაჟა აბაკელია.

ვაჟამ საიდუმლოდ მაცნობა, რომ ჩემს თავზე შავი ღრუბლები გროვდება. ცეკაში უკანასკნელი კვირის მანძილზე ორჯერ გამოიგზავნა ინფორმაცია, იმის შესახებ, რომ მიშველაძე უკიდურეს ნაციონალისტურ პროპაგანდას ეწვევო, მოსახლეობას რუსული ჯარის წინააღმდეგ ამხედრებსო.

მამ ასე, კარტი გახსნილია. ხელისუფლებამ ომი გამომიცხადა. თუ რაიმე ცუდი შემემთხვა, იცოდეს ამ სტრიქონების წამკითხველმა, რომ მხოლოდ ხელისუფლების სამსახურის აგენტების „მუშაობის“ შედეგი იქნება.

28/V 89

ოთხ საათზე სასტუმრო „მუზაში“ შევხვდი ორ ბულგარელ მწერალს. დამირეკეს, თქვენთან საუბარი გვსურს ბულგარეთში თქვენი წიგნის გამოსვლასთან დაკავშირებითო.

სამსაათიანი ინტერვიუ ჩამომართვეს.

ვილაპარაკე საქართველოს განწყობილებაზე, ჩვენს ეროვნულ ბრძოლაზე... იმაზე, თუ რაზე ვმუშაობ ამჟამად.

თუ ნებას მოგვცემთ, ამ საუბარს ბულგარეთის რადიოთი გადავცემთ და პრესაშიც გამოვაქვეყნებთო. დასტური მივეც.

29/V 89

რადიოში ჟურნალისტმა მაისურაძემ გარდაქმნის და საბჭოთა წყობილების მტრად გამომაცხადა.

მივედი რადიოს უფროს რამინ ჭელიძესთან. ბატონო რევაზ, ვწუხვარ რომ ასე მოხდა, მაგრამ ყველაფერს ვერ გეტყვითო.

სათანადო ორგანოების დავალებააო.

ალარ დამიკონკრეტა, მეც ალარ ჩავაცვივდი.

გამაცემინეთ პასუხი ამ ცილისწამებაზე-მეთქი. რადიოში პასუხის პრაქტიკა არ არსებობსო.

მოსკოვში დეპუტატთა ყრილობა მიდის.

ანარქია სუფევს ყრილობაზე.

ჩვენ ხომ დემოკრატიული სხდომის ელემენტარული გამოცდილება არა გვაქვს.

30/V 89

მთელი დღე უნივერსიტეტში გავატარე.

დიდი შეხლა-შემოხლაა მოსკოვის ყრილობაზე.

გორბაჩოვს ლამის წყალი შეუდგეს:

ერთ-ერთი მთავარი საკითხია საქართველოს საკითხი, რომლის ყოველმხრივ მიუფრეხებასაც ცდილობს მოსკოვი.

გამოვიდა თამაზ გამყრელიძე, რომელმაც ბრალი დასდო ცენტრს და როდინოვს 9 აპრილის ტრაგედიაში.

მერე გამოვიდა როდინოვი. უტიფრობა უფრო შორს ვერ წავა, ვიდრე როდინოვმა ჰკადრა თავს.

ქართველები, უსირცხვილოდ თავს იცავენო, ჩვენ გვაბრალევენ ყველაფერსო. ეს იყოვო საბჭოთა ხელისუფლების დამხობის ცდაო. ჩვენ მიტინგის მონაწილეებმა გააფთრებული წინააღმდეგობა გაგვინიეს და იძულებული ვავხდით თავი დაგვეცვაო.

არავითარი ბარები და მომნამლავი ქიმიური ნივთიერებანი ჩვენ არ გვიხმარიაო.

როდინოვის შემდეგ პატიაშვილი გამოვიდა. შეშინებული, დამფრთხალი კაცის სიტყვა თქვა.

თავის მართლება დაიწყო და ჩამოაგდეს ტრიბუნიდან.

ჯუმბერი ჩემს მეგობრად მიმაჩნია. გულწრფელად თანავუგრძნე, 9 აპრილი რომ მოუნყვეს. დავნერე კიდეც მცირე გამოსარჩლება, მაგრამ ეჯაველიძემ არ დაბეჭდა.

არადა, რა საშუალება ჰქონდა ჯუმბერს ხალხის თანაგრძნობა გამოენვია. მის აგილზე გამოვიდოდი და ვიტყოდი; რა ვიცოდი რომ მთელი ცხოვრების მანძილზე უსამართლობას და ძალმომრეობას ვემსახურებოდი. მე მომატყუეს. ხალხი დამიხოცეს. აღარ მინდა ყოფნა თქვენს პარტიაში-მეთქი. და დავაგდებდი მანდატს. გმირად იქცეოდა.

31/V 89

რედაქციის თათბირი ჩავატარე.

მე-2 ნომერში სავალალო ტექნიკურ-ენობრივი ლაფსუსები გაიპარა და გაკვიცხე თანამშრომლები.

თუმცა, ვის ვემართლები, ჩემი ბრალია. მე ხომ არც ერთი პროფესიონალი სტილისტი არა მყავს რედაქციაში.

ანი კორექტურაც მე უნდა ნავიკითხო, სხვას ვერ ვენდობი.

და საერთოდ, როდის ნავალ ამ „კრიტიკიდან“, მომწყინდა უკვე.

სალამოს მე და ლევან სანიკიძეს დიდი შეხვედრა გვექონდა მცხეთაში, სოფელ გალაგანში.

ინიციატორი და მასპინძელი იქაური პოეტი დავით ნავდარაშვილი იყო.

დაგვესწრო რაიკომის მეორე მდივანი რობერტ ყიფშიძე.

ვისაუბრეთ დემოგრაფიულ (ლევანი) და ეროვნულ-განმათავისუფლებელ (მე) მოძრაობაზე, ვუპასუხეთ უამრავ შეკითხვას.

„სახალხო განათლებაში“ დაიბეჭდა სახალხო ფრონტის მიმართვა საქართველოს არაქართველი მოსახლეობისადმი.

1/VI 89

დღეს ბავშვთა დაცვის საერთაშორისო დღეა.

ჩვენ, რუსის ჯარის წყალობით, „ბედნიერი“ ვხვდებით ბავშვთა დაცვის დღეს.

თავისუფლებისათვის მებრძოლი ბავშვები 9 აპრილს ისე მოგვიქცევს, რომ ზოგი მინამი გვინევს, ზოგი საავადმყოფოში მონამლული და დაუყეილი. არ შევარჩინეთ მათს უმანკო სისხლს მტარვალთ ქართველები.

შეხვედრა მქონდა შეროზიას ქუჩაზე ბიბლიოთეკათა გაერთიანებაში.

კვლავ დემოგრაფიულ პრობლემაზე და 26 მაისის საქართველოს დაბრუნებაზე ვისაუბრე.

ჩემი პროგრამა ადრე უტოპიად მიაჩნდათ. ვგრძნობ თანდათან ბევრი მეთანხმება.

ვინძლო... ვინძლო არ გავახაროთ მომხვედური ჩვენს მინაზე.

დღეს „ახკომში“ ორი წყალტუბოელი ახალგაზრდა ოჯახი გამომეხმაურა: მიშველადის მონოდებისამებრ საცხოვრებლად მარნეულში მოვდივართ, ახალი ქართული სოფელი უნდა შევქმნათო.

აბა ჰე, ახალგაზრდებო, თქვენი იმედი მაქვს.

### 2/VI 89

პრალიდან მივიღე ჟურნალი, რომელშიც ჩეხურ ენაზე ჩემი სამი ნოველაა დაბეჭდილი.

„კომუნისტის“ რედაქტორს ნიკა ჩერქეზიშვილს დავურეკე და ბოდიშისმობდით ვკითხე, ჩემი პატარა ნერილი „ვინ ამღვრევს წყალს?“ რატომ არ იბეჭდება-მეთქი.

„არ მომეწონაო“, მოკლედ მომიჭრა და ყურმილი დამიდო. ხომ უნდა ეთქვა, თუნდაც ორი სიტყვით, რატომ არ მოეწონა.

მე ვიცი, რატომაც არ მოეწონა. იმ ნერილში გზას ვუჭირდი ხელისუფლებას თავისი ბნელი აქციის შესრულებაში. ჩუმად, გაუხმაურებლად ანგარიშს უსწორებენ 9 აპრილის დემონსტრაციის მონაწილეებს. სამსახურიდან ათავისუფლებენ არაფორმალურ გაერთიანებათა ნევრების მშობლებს, თვით ნევრებს, საყვედურებს აძლევენ სკოლის დირექტორებს, რომელთაც თანამშრომლები და მონაფეები „გაექცათ“ 8-9 აპრილს დემონსტრაციაზე.

ასეთ ქვეყანაში ვცხოვრობთ ჩვენ.

### 3/VI 89

უცნობი მკითხველები მირეკავენ და მეკითხებიან. რაშია საქმე, რით ხსნით ყრილობაზე ქართული დელეგაციის პასიურობასო.

აი რით ვხსნი: ამ ოთხი დღის წინათ გორბაჩოვი და შევარდნაძე შეხვედნენ ქართველ დეპუტატებს. საუბრის შედეგი გასაიდუმლოებულია.

ჩემთვის გასაგებია: თავზე ხელი გადაუსვეს და ტყუილი დაპირებებით გააჩუმეს.

აკაკი ბაქრაძემ მაინც როგორ დაიჯერა, რომ რუსები საქართველოს სიკეთეს მოუტანენ? და თუ არ დაიჯერა, რატომ არაფერი თქვა?

### 4/VI 89

კვირაა, ვწერ ნოველას. მოქმედება კუნძულ ოლაჭვათირეზე ხდება (მთავლიტის თვალის ასახვევი ძველი მეთოდი).

გერმანიიდან მივიღე ჟურნალი, რომელშიც ჩემი ნოველაა დაბეჭდილი.

დამირეკა კოტე მახარაძემ და მაცნობა, რომ პრემიერა სექტემბრისთვის გადაიტანა.

ველოდი. ჩანს შეეშინდა, ან შეაშინეს.

მთელი საქართველო კარიაკინის და არძინბას გამოსვლაზე ლაპარაკობს. კარიაკინი გამოვიდა ყრილობაზე ბრწყინვალედ.

მუზეუმიდან ლენინის გამოსვენება, 9 აპრილის ტრაგედიის დამნაშავეთა დასჯა, ავღანეთის ანექსიის პოლიტიკური შეფასება, სოლჟენიცინის სამოქალაქო უფლებებში აღდგენა მოითხოვა.

არძინბა („აფხაზეთის“ წარმომადგენელი) გამოვიდა, როგორც მოსალოდნელი იყო, პროვოკაციულად. ქართველების მიერ „აფხაზთა“ ჩაგვრაზე ილაპარაკა. ღმერთო! ნუთუ არავინ გაარკვევს სამართალს?

თავის ისტორიულ მიწაზე აფხაზეთში მცხოვრებ 52% ქართველს კისერზე აზის (ყველა ხელმძღვანელი თანამდებობა უკავია) 15% ჩრდილოეთ კავკასიიდან ჩამოაბრაგებული „აფსნი“ (რომელიც თავის თავს ქურდულად აფხაზს ეძახის) და კიდევ აქეთ გვდებენ ბრალს?

## 5/VI 89

ორ იტალიელ მწერალს შევხვდი სალამოს „ივერიაში“.

„ახალი ამბების სააგენტოს“ კორესპონდენტმა მ. მამაცაშვილმა დამირეკა, სპეციალურად არიან ჩამოსული, ცხრა აპრილთან დაკავშირებით წიგნს წერენ და შენთან შეხვედრა უნდათო.

დიდხანს ვისაუბრეთ. შეკითხვები დამაყარეს. ინერდენ მაგნიტოფონზეც და უბის ნიგნაკებშიც.

როცა შეიტყვეს, რომ საქართველოს მღელვარების ერთ-ერთი მიზეზი გაქრობის საკითხი, დემოგრაფიული სინდრომი იყო, ორივემ ერთხმად მითხრა: თქვენ წარმოიდგინეთ, იტალიასაც იგივე ემუქრებაო.

იტალიაში შავ მუშებად და მომსახურების სფეროს თანამშრომლებად, ძირითადად არაბები ჩამოდიან აფრიკიდან. ისინი უსაშველოდ მრავლდებიან, ჩვენ კი თითქმის არ ვმრავლდებითო.

ასე რომ საქართველოს სატკივარი მთელი ცივილიზებული სამყაროს სატკივარია.

დამავიწყდა! დღეს გურამ შარაძის მიერ „მერანში“ მონყობილი გამოფენა დავათვალიერე – „ქართველი უცხოელები“.

ღმერთო, რა დიდი საქართველო ყოფილა იქეთ.

აი, „სამშობლოს მოლაღატენი“; ქაქუცა ჩოლოყაშვილი, ნოე ჟორდანიას, ნოე რამიშვილი, კარლო ჩხეიძე, შალვა ამირეჯიბი, გიორგი გამყრელიძე, პაპავა, მიხაკო წერეთელი, ვიქტორ ნოზაძე...

## 6/VI 89

დილით ლევან სანიკიძე, თამაზ ნივნივაძე, გივი ძნელაძე და მე დმანისს გავემგზავრეთ.

მოვიარეთ ლამის მთელი რაიონი. სამ სოფელში შევხვდით მოსახლეობას.

ამ ოთხი წლის წინათ დმანისში ქართველი მთელი რაიონის მოსახლეობის 12%-ს შეადგენდა. ახლა 36%-მდე ასულა.

ეს დიდი გამარჯვებაა.

დმანისში დასახლდნენ სვანები, ახლა მალე აჭარლები ჩამოვლენ, დაახლოებით ორი ათასამდე კაცი.

საქართველოსთვის ლამის დაკარგული კუთხე ისევ ქართულად მოექცა.



უძველეს დმანის-ქალაქში ქართული სიტყვა გაისმის.

ჩვენს სიხარულს საზღვარი არა აქვს.

ამ პატრიოტულ ლაშქრობაში ლომის წილი უდევს ყოფილ მდივანს – ბერიძეს და ახლანდელ რაიკომის მდივანს, ომარ ელოშვილს.

იმედიან განწყობილებაზე დავბრუნდით შინ.

„ღმერთო, ღმერთო ეს ხმა ტკბილი“ სხვა რაიონებშიც გამაგონე!

7/VI 89

ბულგარეთიდან მივიღე მშვენივრად გამოცემული ჩემი წიგნი. მასში 25 ნოველაა შეტანილი. „ვარნის გამომცემლობა“ „გეორგი ბაკალოვს“ გამოუცია. მთარგმნელები არიან ანტონი დიმიტროვი და კუზმან სავოვი.

მარნეულში ვარამ გურამ ფანჯიკიძე, ლევან სანიკიძე, ტაგუ მეზურიშვილი, გრიგოლ ჯუღლუხიძე და მე. მიწები დავურიგეთ ქართულ სოფელ წერეთელში მცხოვრებთ.

ეს იყო ჩემს ცხოვრებაში ერთ-ერთი უბედნიერესი დღე.

უნდა გენახათ, ქართველთა გახარებული სახეები.

მათ ხომ ოცდაათი წელია არც ერთი გოჯი მიწა არ მიუღიათ თავიანთ საქართველოში.

ვერაფრით ვერ გამიგია, რით იყო გამოწვეული ქართველთა ეს ტოტალური დისკრიმინაცია თვით მათსავე სამშობლოში.

ქართველებს ერეკებოდნენ თავიანთი მიწებიდან და ამას ყოველთვის მშვიდად უცქეროდა საქართველოს მთავრობა.

8/VI 89

ლევან სანიკიძე და მე მცხეთაში ჩავყვით.

პროფტექნიკური სასწავლებლის მასწავლებლებს და მოწაფეებს შევხვდით.

ყველგან პირველყოვლისა ერთსა და იმავეს გვეკითხებიან: რატომაა ასე პასიური საქართველოს დეპუტაცია მოსკოვში საბჭოების ყრილობაზეო.

რა უნდა ვუპასუხოთ? მაშინ როდესაც ბალტიისპირეთის ქვეყნების დეპუტატები ბრძოლის სასწაულებს ახდენენ, ჩვენები სდუმან ან უღიმღამო „განცხადებებით“ იქცევენ ყურადღებას.

9/VI 89

შეხვედრა მქონდა მუშთაიდის ბაღში.

შესასვლელში ცარიელ კვარცხლბეკს მოკვარი თვალი, ორჯონიკიძის ძეგლი აუღიათ, გამეხარდა.

რამდენი უკანონობა და საქართველოს ღალატია დაკავშირებული „რკინის სერგოს“ სახელთან.

მარტო 25 თებერვალს, XI არმიის შემოძლოლას ვინ აპატიებს.

შეხვედრაზე ორსაათიანი სიტყვა ვთქვი.

შეკითხვები სეტყვასავით დამაყარეს.

საბჭოების ყრილობა დამთავრდა.

ბოლოს სახაროვი გამოვიდა და განაცხადა, ეს ყრილობა კი არა მასხარაობა იყო, ვერაფერს ვერ მივაღწიეთო.

გორბაჩოვს ძალიან ეწყინა „ყრილობის“ გაბაიბურება.

10/VI 89

დიპლომების დაცვა გვქონდა.



უნიჭიერესი ახალგაზრდობა გვყავს.

დაცვა რომ დამთავრდა, სიტყვით მივმართე კურსდამთავრებულებს.

თქვენ ახალი საქართველოს, თავისუფალი საქართველოს მოქალაქენი უნდა აღზარდოთ-მეთქი.

მშობლიური ენისა და ლიტერატურის მასწავლებელზე უფრო საპატიო პროფესია არ მეგულება-მეთქი.

აბა თქვენ იცით, არ შეარცხვინოთ სამშობლო-ქვეყანა, დედა-უნივერსიტეტი. იცოდეთ, ვისი გორისა ხართ-მეთქი.

მივულოცე ყველას უნივერსიტეტის დამთავრება და ხელი ჩამოვართვი.

11/VI 89

კვირაა.

უნერ ნოველას იმაზე, თუ როგორ ჩატარდა საბჭოების ყრილობა.

რა ყალბი დემოკრატიობანა გაითამაშეს.

ალეგორიული, სატირული ნოველა იქნება.

ტელევიზიამ გადმოსცა, რომ 500 აჭარელი ახალქალაქში ჩასახლება,

2000 კი დმანისში.

მააჰ!

ფეხს იდგამს ჩვენს მიერ დაწყებული მოძრაობა; პირველ რიგში საქართველოს გადარჩენის შესახებ.

12/VI 89

ბრუნდებიან ჩვენი დამორცხვებული დეპუტატები მოსკოვიდან.

ინტერვიუებს იძლევიან, ჩიხში მოგვამწყვდიეს, სიტყვა არ მოგვცეს, ტრიბუნაზე არ მიგვიშვეს რუსებმაო.

რა ვიცი, ყოველ შემთხვევაში მეტის გაკეთება შეეძლოთ.

დავწერე „ღია წერილი ვალენტინ რასპუტინს“.

მის მიერ სახალხო დეპუტატთა ყრილობაზე ნათქვამ სიტყვაში სამ ადგილას ვართ გალანძული ქართველები.

ვპასუხობ თავშეკავებით; შე კაი კაცო, მშვენიერი ხელობა გაქვს, მწერალი ხარ, ქართველთა ლანძღვის პროფესია რალაზე მიიმატე-მეთქი.

გინერ ამ პასუხს, მაგრამ ენაზე როდი მადგას ის „ვალშებნოე რუსკოე სლოვო“ შენს თავზედ გენერალს რომ მოადგა-მეთქი.

„კომუნისტში“ მივიტან ხვალ, დაბეჭდავენ?

13/VI 89

„კრიტიკაში“ სამტრედიის სახალხო ფრონტის წარმომადგენელი მოვიდა. ჩემს კაბინეტში გრიმა ჯულუხიძემ შემოიყვანა.

სამტრედიის სახალხო თეატრმა ამ დღეებში თქვენი პიესა „სპექტაკლი ფეხით მოსიარულეთათვის“ დადგაო.

რატომ არ შემატყობინეთ-მეთქი.

ნიკა ჩერქეზიშვილს მივუტანე „პასუხად რასპუტინს“.

ცოტა შეყოყმანდა, მაგრამ მე მგონი დაბეჭდავს.

14/VI 89

„სახალხო განათლებაში“ ნოდარ ნათაძის წერილია 1956 წლის 9 მარტის ტრაგედიაზე.

ერის მოღალატეთა შორის, სხვებთან ერთად დასახელებულია მაშინდელი ცკ-ს მდივანი დავით მჭედლიშვილი.

ნოდარ ნათაძე გულმხურვალე პატრიოტია, მაგრამ მე არა ვარ მომხრე ადამიანთა ასე განიროვის.

კაცზე ლირიკით და ზეპირსიტყვიერებით როგორ შეიძლება ბრალდების შეთხზვა.

მოსკოვმა გადანყვიტა დემონსტრაციის დახვრეტა, რა შუაშია დ. მჭედლიშვილი. რა შეეძლო ელონა ცკ-ს მდივანს იდეოლოგიის დარგში?

ღმერთმა შეუნდოს ცოდვილთ, მაგრამ ნარსულის ხელალებითმა უარყოფამ საკუთარი მამების გმობამდე არ მიგვიყვანოს.

ყველა კაცი კონკრეტული ისტორიული ეპოქის შვილია და იმ ეპოქის დალი აზის, მეტად ან ნაკლებად.

#### 15/VI 89

დღეს დაიბეჭდა „კომუნისტში“ ჩემი „ფიქრები ყრილობის შემდეგ (ვალენტინ რასპუტინის გამოსვლის გამო)“.

ბევრმა დამირეკა და მომილოცა.

მწერალთა კავშირში სამ საათზე მიტინგი გავმართეთ.

გამოვედით გურამ ფანჯიკიძე, მე, ლევან სანიკიძე, კობა იმედაშვილი, გურამ პეტრიაშვილი, მიხეილ ქურდიანი, ჯუმბერ თითმერია, ოთარ ჭელიძე და სხვები.

დავადგინეთ: ეთხოვოს ხელისუფლებას მონვეულ იქნას რიგგარეშე სესია საქართველოს უმაღლესი საბჭოსი. განხილულ იქნას საქართველოს ანექსიის, მოქალაქეობრივი სტატუსის, სამხედრო სამსახურის საქართველოში გავლის და სხვა ეროვნული საკითხები.

საკმაოდ მწვავე რეზოლუცია მივიღეთ. ვნახოთ რა მოჰყვება. სწორად აქტიურობს ფანჯიკიძე.

ახლა მოქმედების დროა და არა კლასიკოსური განზე დგომის.

#### 16/VI 89

დღეს მწერალთა კავშირში სახალხო ფრონტის დამფუძნებელი ყრილობა გვექონდა.

ავირჩიეთ საქართველოს სახალხო ფრონტის ყრილობის დელეგატები.

ძალიან ხომ არ დავუცუმაცდით? მთავარია საქმე ვაკეთოთ. ამდენი ფრონტი და ამდენი პარტია რა საჭიროა.

გუშინ მიტინგი შუაზე გახლიჩა წერეთლისა და გამსახურდია-კოსტავას პარტიების უთანხმოებამ.

არ შეიძლება ასე. ყველა კრებაზე ვამბობ და დღესაც გავიმეორებ: საქართველოს ახლა ორი საქმე აქვს: დამოუკიდებლობის მოპოვება და დემოკრაფიული მონესრიგება. ამ მიზნის განხორციელებისთვის ყველა პარტია უნდა გაერთიანდეს.

დღეს „კომუნისტში“ გ. ფანჯიკიძის ინტერვიუა – აცხადებს, დაღესტანში უნდა გაფორმდეს იქაურ მთავრობასთან მოსალაპარაკებლად, რათა ლეკები თავის ქვეყანაში გავასახლოთ.

რაც მთავარია! დღეს „ლიტერატურულ საქართველოში“ დაიბეჭდა ჩვენი კრების რეზოლუცია. მოთხოვნა საქართველოს მთავრობის მიმართ.

უბრწყინვალესი დოკუმენტია.

მთელი დღე მიხაროდა, რომ ქართველი მწერალი ვარ.

დღეს ყოურომ მომანიჭა მწერალთა კავშირის პრემია 1988 წელს „მნათობში“, „ცისკარსა“ და „განთიადში“ გამოქვეყნებული ნოველებისათვის.

11 ნევირიდან 11-ივემ ხმა მომცა.

ყოურის ნევირები იყვნენ (გ. ფანჯიკიძე, თ. ბუაჩიძე, რ. ჯაფარიძე, გ. ალხაზიშვილი, რ. მიმინოშვილი, გ. გაჩეჩილაძე, თ. დოიაშვილი, კ. იმედაშვილი, ი. ქემერტელიძე და სხვ.).

17/VI 89

შაბათია.

დავამთავრე ნოველა „მესაყვირე“.

ვცაღე დამეხატა დელეგატთა ყრილობაზე გათამაშებული გორბაჩოვის დემოკრატია.

მე მგონი არა უშავს.

ახლა მთავარია, დავბეჭდო, გავაპარო საღმე.

ბეჭდვის პრობლემა ისევე ისე დგას ჩემთვის.

რა ბედნიერი ვიქნებოდი ჩეხოვის და ილია ქავჭავაძის დროინდელ ცენზურასთან რომ მქონდეს საქმე.

ისინი ხომ რასაც ნერდნენ, თითქმის ყველაფრის დაბეჭდვას ახერხებდნენ.

18/VI 89

მარჯანიშვილის თეატრში პრემიერას დავესწარი.

გრიგოლ რობაქიძის „გრაალის მცველნი“ წარმოადგინეს.

ოთარ მელვინეთუხუცესი და გია ბურჯანაძე მთავარ როლებში. ორივენი მაღალი კლასის მსახიობები არიან, მაგრამ მაინც ვერაფერს უხერხებენ რობაქიძის დაღვარწნილ ქართულს.

პირველმა მოქმედებამ აღმაშფოთა, თითქმის ვერაფერი გავიგე. მაღაფარდოვანი, ყალბრომანტიკული, პათეტიკური ლაპარაკი.

მეორე მოქმედება მომეწონა. რეჟისორს ცხრა აპრილისთვის დაუკავშირებია. ფინალში შემოდის სერგო ორჯონიკიძე და ტყავის პალტოზე მოცხებულ სისხლს გულმოდგინედ იწმენდს.

ესადაგება იმას, რაც ახლა სჭირს ორჯონიკიძის ძეგლს.

საერთოდ, არც თუ ურიგო, გულის მომფხანი სპექტაკლია.

თემურ ჩხეიძემ მითხრა, შენს პიესას („ნაპრალი“) სექტემბრის ბოლოს წარმოვადგენთო.

ვნახოთ, კ. მახარაძესავით თუ არ დაფროთხა და პირი არ მიშალა.

19/VI 89

დღეს ჩემთან მოვიდა სამი ახალგაზრდა ახალდაქორწინებული – დათო გავაშელი, კობა კობაური და დიმიტრი არეშიძე.

ახალქალაქის რაიონში გვინდა საცხოვრებლად წასვლა და ვერ აღმოვაჩინეთ ინსტანცია, რომელიც ჩვენს საკითხს გადანყვეტსო.

სადაც კი მივედით „მე არ მეხებას“ კედელი გვხვდებოდა.

დავინყე რეკვა მთავრობის ტელეფონით. მეც ასევე მპასუხობენ მინისტრების და მათი მოადგილეების დონეზე.

ავდექი და დავურეკე გივი გუმბარიძეს.

ასე და ასეა საქმე, ახალგაზრდებს ბიუროკრატიულ-ჩინოვნიკური აპარატი ვერ გადაულახავთ-მეთქი.

ხვალვე მოვიდნენ ჩემთან და ყველაფერს გავაკეთებო.

წარმოგიდგენიათ? პირველ მდივნამდე უნდა მიხვიდე კაცი, რომ ახალ-გაზრდებს ამ უალრესად ეროვნულ საქმეში ხელი გაუმართო?

ასეთ საზოგადოებაში ვცხოვრობთ.

სახალხო ფრონტის დამფუძნებელი ყრილობის დეპუტატად ავურჩევ-ივართ.

დღეს დეპუტაციის სხდომა გვექონდა.

ვილაპარაკეთ იმის შესახებ, თუ რა უნდა გააკეთოს სახალხო ფრონტმა.

ჩემი და ნოდარ წულუისკირის აზრი ერთმანეთს ძალიან დაემთხვა.

20/VI 89

დილით სამსახურში დამხვდნენ ჩემი ახალგაზრდა პატრიოტები.

სამივე მოქუფრული.

გუმბარიძემ ჩვენთვის „ვერ მოიცალა“ და მისმა თანაშემწემ გურგენიძემ მიგივილო.

ახლა იქედან მოვდივართ. კვლავ გაურკვეველი პასუხი მივიღეთო.

ხვალ სახალხო ფრონტის ყრილობაა.

თუ „დავიჭირე“ გუმბარიძე, უნდა ვუსაყვედურო.

თანდათანობით განმიმტკიცა აზრი, რომ კომუნისტების ხელში ჩვენი საშველი არ იქნება.

21/VI 89

სახალხო ფრონტის დამფუძნებელი ყრილობის დელეგატი ვარ.

დიდი პატივია.

იმედით სავსე მივდივარ ყრილობაზე.

ფილარმონიის დიდ დარბაზში ყრილობა გახსნა ალექსანდრე (ლალი) ჯავახიშვილმა. დიდი ივანეს შვილმა.

პირველ სხდომას თავმჯდომარეობს ავთანდილ იმნაძე.

წესდების დამტკიცებაზე დიდი კამათი გაიმართა.

მგზნებარე სიტყვა თქვა ზვიად გამსახურდიამ.

სახალხო ფრონტმა კომუნისტურ პარტიას ნელ-ნელა უნდა ჩამოართვას ფუნქციებიო.

კომუნისტური პარტია უკვე კარგა ხანია სახელგატეხილი პარტიაა და ქვეყნის მართვის მორალური უფლება არა აქვსო.

სახალხო ფრონტი მხოლოდ ქართველი ხალხის ინტერესებს უნდა ემსახურებოდესო.

საინტერესო სიტყვები თქვეს: ნოდარ ნათაძემ, ირაკლი შენგელაიამ, რეზო ჩხეიძემ და სხვებმა.

ძალიან კარგად, ვაჟკაცურად გამოვიდა ზვიად გამსახურდიამ.

დიდი, დემოკრატიული კამათი გაიმართა.

22/VI 89

დილით, 9.30-ზე ტელევიზიამ მთხოვა, როგორც დელეგატს აზრი

გამომეტქვა ყრილობის შესახებ.

ილაპარაკე; ძალიან მომწონს ამ ყრილობის დემოკრატიული ხასიათი-მეთქი.

პირველ ყრილობას ვესწრები, რომელიც არ ვიცი, როგორ დამთარგმებამეთქი.

ამ ყრილობამ სწორედ რომ ერთიანი ფრონტი უნდა შექმნას-მეთქი.

ვეთანხმები ზვიად გამსახურდიას გუშინდელ გამოსვლას-მეთქი.

დღეს უფრო საინტერესო იყო ყრილობა.

კვლავ გამოვიდნენ ზვიად გამსახურდია და მერაბ კოსტავა.

გამოვიდნენ ქართველები ოსეთიდან(?) და აფხაზეთიდან(?).

ილაპარაკეს იმ უკანონობაზე, რაც ამ თავსმობვეულ ავტონომიურ ერთეულებში ხდება.

ილაპარაკეს იმაზე, თუ როგორ ჩაგრავენ სტუმრები – ოსები და აფსუები ადგილობრივ, მკვიდრ, მიწის კანონიერ პატრონს – ქართველ მოსახლეობას.

რა სამართალი დაგვიმკვიდრა საბჭოთა წყობილებამ?

ყველა წამოგვასვა კისერზე, ყველა ჩვენზე გააბატონა.

ჩვენ გაგვჩუმდა და გადამთიელი უფლებებით აღჭურვა.

ცხინვალელმა ქართველმა წინადადება შემოიტანა გაუქმდეს „ოსეთის ავტონომიური ოლქი“ და ეწოდოს „ცხინვალის ოლქი“.

დარბაზი ამ წინადადებას ტაშით შეეგება.

დევეური ნაბიჯით მიიწევს წინ საქართველო დემოკრატიისა და დამოუკიდებლობის გზაზე.

23/VI 89

თამარისში სოფლის ყრილობაზე მიგვიწვიეს გურამ ფანჯიკიძე, ლევან სანიკიძე და მე.

გ. ფანჯიკიძე ვერ წამოვიდა.

ყრილობა საკმაოდ მღელვარედ ჩატარდა.

„მოტყუებული“ სვანები აქტიურობდნენ.

ისე, კაცმა რომ თქვას, მართალია ეს ხალხი. აყარეს სვანეთიდან, ჩამოსახლეს მარნეულში. სახლებს აგიშენებთო დაპირდნენ. აგერ, მესამე წელი მთავრდება, ფუნდამენტი ჩაყარეს და მიატოვეს ხალხი ცის ანაბარა.

ჩვენაო, სვანებმა, თუ ასე გაგრძელდა, ისევ სვანეთში დავბრუნდებითო.

კვლავ განუკითხაობა, კვლავ მოტყუება...

არავინ არავის წინაშე პასუხს არ აგებს.

ყველა ცდილობს მოჩვენებითი ფაციფუცით საქმიანი კაცის ილუზია შექმნას და ხალხს თვალში ნაცარი შეაყაროს.

რა ეშველება ქვეყანას?

სანამ მარნეულში წავიდოდით, გ. ფანჯიკიძის კაბინეტში ვისხედით, მოხუცი, შაოსანი ქალი შემოვიდა; ათი შვილის დედა ვარო, ხუთი ვაჟი დავაქორწინე და წყალტუბოს რაიკომის მდივანი სამოსახლოს არ მაძლევს, რა ვქნა, რა წყალში ჩავვარდეთ.

ესეც შენი „გარდაქმნა“. ისეთი შთაბეჭდილება მრჩება, რომ საქართველო დაკეტილია ქართველებისთვის.

ლამით უკან რომ ვბრუნდებოდით, ავტონისპექციამ გაგვაჩერა, მარ-  
ნეულში ვერ გაივლით, შემოუარეთ, გზის შეკეთება მიდისო.

დავბრუნდით და მარნეულს გვერდი ავუქციეთ.

თურმე მოგვატყუეს.

თურმე მარნეულში იმ დროს ხელჩართული ბრძოლა მიდიოდა სვანებსა  
და თათრებს შორის.

რომ ჩამოვედი, ლამის პირველ საათზე დამირეკა წერეთლის სასოფლო  
საბჭოს თავმჯდომარემ, ასეთი რამ მოხდაო.

ახლავე წამოვალ-მეთქი.

ალარ არის საჭირო. ახლა მოედანი „განმენდილია“.

რამდენიმე მძიმედ ნაცემი საავადმყოფოში წაიყვანეს. მილიციის ჯარ-  
ებმა ხალხი, როგორც იქნა დაამოშმინესო.

მთელი ღამე არ მიძინია.

24/VI 89

დილით, ალიონზე, დავრეკე შინაგან საქმეთა სამინისტროში, მორიგემ  
დამამშვიდა: ყველაფერი უსისხლოდ დამთავრდაო.

თათრები ახლაც იკრიბებიან, მიტინგს აპირებენო.

რა „პრობლემაზე“ მიტინგობენ მოძმე აზერბაიჯანელები?

რას მემართლები, შე კაი კაცო. რა დაგიშავე?

დღეს უსისხლოდ დამთავრდა, მადლობა ღმერთს, შეტაკება. ხვალ? ხვა-  
ლაც უსისხლოდ დამთავრდება?

რატომ ცდი ასე ბეჯითად ჩემს მოთმინებას?

დავინყე მიშა ქვლივიძისადმი მიძღვნილი ნოველა:

კინოოპერატორი საბა სუთიძე რუსეთის მივარდნილ რაიონებში 9  
აპრილზე გადაღებულ ფილმს აჩვენებს, მაგრამ ვერაფერს ააღელვა. სასტ-  
უმროდნაც დაითხოვეს, როცა გაუგეს, რომ ამგვარი „ვერაგი“ მისითაა  
ჩამოსული.

ეჩვენება, რომ სიამოვნებით გამოხდიდნენ მისგან და მის მიერ ჩამოტ-  
ანილი ფილმისგან არაყს.

25/VI 89

კვირაა.

ვწერ.

მნიშვნელოვანი თითქმის არაფერი მომხდარა, გარდა იმისა რომ სახ-  
ალხო ფრონტის ყრილობა დამთავრდა.

ბოლო სხდომაზე ყრილობას აცნობეს მარნეულის ამბები.

ალშფოთებას საზღვარი არ ჰქონდა.

გამოვიდა ცკ-ს ორგანიზაციული განყოფილების გამგე პეტრე ჩხეიძე  
და დაგვამშვიდა, ახლა ყველაფერი წყნარადაა, თქვენი ჩასვლა უფრო გაზრ-  
დის დაძაბულობას, ორივე მხარეს გააღიზიანებს და ნუ წახვალთო.

26/VI 89

მთელი თბილისი მდულარე ქვაბს წააგავს.

ყოველ კუთხეში მიტინგები და კრებებია.

ამ დილით ექვს საათზე მარნეულში კვლავ გამართულა ოციათასკა-

ციანი მიტინგი.

რას აკეთებს საქართველოს მთავრობა?

ნუთუ, მართლა არა გვყავს პატრონი?

სიტყვით მივმართე კინოს სახლის წინ შეკრებილთ.

მოუწონდა კეთილგონიერებისკენ, მაგრამ იმასაც გაუფსვი ხაზი, რომ საქართველოში მცხოვრები ყველა ერი საქართველოს ინტერესებს უნდა იცავდეს.

27/VI 89

მარნეულსა და ბოლნისში კვლავ დაძაბული მდგომარეობაა.

ჩემი მძღოლის, თამაზ ციმაკურიძის ძმა ბოლნისში, მკერდში ხანჯლით დაუჭრიათ.

უამრავი დაჭრილ-დასახიჩრებულიაო.

მარნეულისკენ გზები შეკრულია.

ჩვენი ინფორმაციის საშუალებანი კვლავ ძველებურად სტყუიან.

რა ხდება, თბილისიდან სულ რაღაც ოცდაათ კილომეტრზე საიდუმლოდ რჩება ჩვენთვის.

„მომბემ“ მკვდრების გვარები დასახელა და იმასაც გაუფსვა ხაზი, თუ როგორ აუტყება სროლა საბარგო მანქანიდან ქართველებს ვილაცამ, როგორ დააკავეს ის მანქანა და როგორ უპოვეს ასაფეთქებელი ნივთიერებანი და ბენზინით სავსე ბოთლები.

ვურეკავ მწერლებს, ხვალ დილით ცეკაში გუმბარიძეს შევხვდეთ და გადავწყვიტოთ, როგორ მოვიქცეთ-მეთქი.

უმეტესობა თანახმაა მოვიდეს.

მუხრან მაჭავარიანმა, არ მცალია, სხვა კომისიის სხდომა მაქვსო.

28/VI 89

თერთმეტ საათზე შევეგროვდით ცკ-ში.

ორი „კლასიკოსი“ დაიღმიჭა; ვინ დაგვიბარა, ვინ დაარღვია ჩვენი ბიბლიურ-კლასიკური მყუდროებაო.

ავუსხენი ორივეს, ჩვენი დუმილი ახლა დანაშაულია, საქმე რომ გაფუჭდება, თავში ცემა მერე ვერ გვიშველის-მეთქი.

გუმბარიძე, ალბათ, დაგვემალა.

ეს იმაზე შევატყვევ, რომ ჯერ თანამემნემ გამოგვკითხა, რა უნდა უთხრაოთ. როცა დაუფარავად მივახალე, ქართველი მწერლების აზრია მარნეულში მცხოვრებ ერთი მუჭა ქართველების გვერდით დავდგეთ-მეთქი, „ზომები მიიღო“, რათა გუმბარიძე არ შეგვხვედროდა.

29/VI 89

მარნეულსა და ბოლნისში მდგომარეობა დღითიდღე მწვავედება.

საქართველოს მთავრობა კვლავ უმოქმედობის პოზიციას ადგას.

ქართული გაზეთები მოკლე და ყალბ ინფორმაციებს ავრცელებენ.

რუსული პრესა საერთოდ სდუმს.

გზები გადაკეტილია. ჩვენ, რედაქტორებსაც კი არ გვიშვებენ. არა და ყოველდღე ჩამოაქვთ ცნობები დალუპულთა და დასახიჩრებულთა შესახებ.

სანამ გაგრძელდება ასე?



უნივერსიტეტში სტუდენტები აღარ არიან, რომ დავრაზმო და მიტინგი გავმართო, ან მანიფესტაცია მოვანყო მარნეულში ქართველთა რბევის წინააღმდეგ.

30/VI 89

ავად ვარ. ჩემმა „აქილევსის ქუსლმა“ გამიხსენა (ქუსლი მაქვს ვარჯიშის დროს დაბეჭილი და დროდადრო გამიხსენებს ხოლმე).

შინ ვწევარ.

ჩვეულებრივი, მონყენილი დღეა.

1/VII 89

ხელჯობით, ძლივს მივალნიე უნივერსიტეტამდე.

ფეხი კვლავ მტკივა.

ბოლო საბჭოა და უსათუოდ უნდა დავესწრო.

საბჭოს მთელი შემადგენლობა პროტესტს და გულისტკივილს გამოთქვამს იმის გამო, რომ საქართველოს ხელისუფლება ვერ იჩენს სათანადო აქტიურობას მარნეულის ამბებთან დაკავშირებით.

ჩვენს მარიონეტულ მთავრობას კი არც ძალა ჰყოფნის და არც გამბედაობა, რომ საქართველო სამუდამოდ გადაარჩინოს.

გვიან სალამოს გორბაჩოვი გამოვიდა ტელევიზიით.

ნაციონალური ურთიერთობები ისე გამწვავდა, რომ ქვეყანას კატასტროფას უქადისო, იმპერატორმა.

არავითარი გადასახლ-გადმოსახლება. ვინ სადაც ცხოვრობს, იმ მიწაზე ბატონ-პატრონად უნდა იგრძნოს თავიო.

მაშ ასე, ჩვენმა აუხსნელმა ყოყმანმა ხელმწიფე გამოაღვიძა და გამოგვიცხადა: პატარა ერები შეეგუეთ ავანტიურისტი „დიდი ერებისაგან“ ჩაყლაპვასო.

ამჯერადაც დავაგვიანეთ.

სად არიან ახლა ჩვენი „არაფორმალები“?

მათი იმედი მქონდა, ისინიც საეჭვოდ სდუმან.

2/VII 89

კვირაა.

ვწევარ.

მარტო ვარ.

ქუსლი მტკივა, სიარული არ შემიძლია.

ერთადერთი იმედი ტელეფონია.

თუ ასე გაგრძელდა, ხვალ საავადმყოფოში უნდა დავწვე.

3/VII 89

აფხაზეთიდან მენვია პოეტი გული ზუხბა.

საბავშვო პოეტია.

მელაპარაკე, ცოტა ხანს, თუ ქალი ხარ, რა ხდება თქვენსკენ, როგორ, რანაირად გვმართავთ აფხაზეთს-მეთქი. არ შეიძლება, თქვენ არ იცოდეთ, რომ თქვენ ხართ აფსუა, ვინ გასწავლათ ამგვარი ისტორიული ავანტიურა-მეთქი.



მეო, ბატონო, ქართულად რომ ვწერ ლექსებს, მე მგონი, ამით ყველაფერი ნათქვამიო.

თუ ზუზბა ხარ (ე.ი. აფსუა), რამ გაიძულა, რომ ქართულად წერ-მეთქი.

მეო, დედა ქართველი მყავს, ქართული სკოლა დავამთავრე და სხვანაირად ვერ წარმომიდგენიაო. მამა აბაზგი მყავს. თვითონ კარგად იცის, რომ ჩვენი წინაპრები ჩრდილოკავკასიიდან ჩამოსული ტომებია, მაგრამ ხმამალლა ამას ვერ ამბობს, რაკილა სხვები გულმოდგინედ მალავენო.

ასახელებს იმ აულსაც, საიდანაც ჩვენი პაპის პაპა ჩამოსახლებულაო.

რა ვქნათ ახლა ჩვენ? გული ზუზბა – კარგი პოეტი და ქართული ორიენტაციის აფხაზია, მაგრამ რამდენია სისხლმონამლული, ჩვენი მინის დაპატრონების მოსურნე აფსუა?

ხომ შეიძლება, ერთ დღეს აფსუამ თავისად დაიჩემოს რუსთაველის „ვეფხისტყაოსანიც“?

4/VII 89

გივი გუმბარიძესთან ვიყავი.

დიდხანს ვისაუბრეთ.

მე მოვთხოვე, უფრო ქმედითად, უფრო აქტიურად იმოქმედე-მეთქი.

ახლაო, როცა უროდიონოვი საქართველოზე გამწყრალია, ის ყოვლის ღონისძიებით ეცდება, ინციდენტი სისხლისღვრაში გადაზარდოსო.

თანაც ამ საქმის დამკვრელურად გაკეთება სწორად არ მიმაჩნიაო.

მე მაინც ჩემს აზრზე ვდგავარ, მაგრამ ვინ იცის, იქნებ გუმბარიძე მართალია.

იქნებ მეთოდური, მშვიდობიანი პოლიტიკა სჯობდეს?

მოქმედება კი აუცილებელია.

სხვა შემთხვევაში საქართველო დაილუპება.

5/VII 89

დღეს ვესაუბრე ნოდარ ჭითანავას, ბევრი საგულისხმო რამ მითხრა. სხვათა შორის, ვკითხე, რატომ ჭიანურდება-მეთქი ქართველი ერისთვის საძულველი სერგო ორჯონიკიძის ძეგლის აღება.

მიპასუხა, გუშინ ოპოზიციის მთელი დელეგაცია იყო ჩემთან. დღეს მოვანერე ხელი, ხვალ დილით ძეგლი უკვე აღარ იქნებაო.

საერთოდ ჭითანავა ყოჩალი, საქმიანი კაცია.

მთელი თბილისი ლაპარაკობს „ლიტერატურულ საქართველოში“ გამოქვეყნებულ თამაზ ნივნივაძის წერილზე. წარმოუდგენლად გამასხარავებულნი არიან მარქსი და ენგელსი.

ვერც კი წარმოვიდგენდი შარშან ასეთი წერილის გამოქვეყნებას.

ყოჩალ, თამაზ!

დღეს, საღამოს „ცოდნის“ დარბაზში გაიმართა ქართველი და ებრაელი ხალხების მეგობრობის საღამო.

ლამის ერთადერთი ერთგული ერი შეგვრჩა დედამიწაზე – ებრაელობა.

დარბაზი გადაჭედილი იყო.

ბლომად იყვნენ უცხოეთიდან ჩამოსული ებრაელებიც.

ალალი, გულიდან ამოსული სიტყვებით მივმართეთ ერთმანეთს.

მე ვთქვი, უთქვენოდ ჩვენი ისტორია აღარც გვახსოვს-მეთქი, თქვენ

ყველაზე სანდო მონმენი ხართ ქართველთა სიკეთის-მეთქი. ახლა, როცა ჩვენს მინას მტკაველ-მტკაველ გვართმევენ, თუ გაგვაგდეს საქართველო-დან ქართველები, თქვენი იმედი გვაქვს, უნდა გვასწავლოთ თქვენი ბიბლიური გაძლებით; როგორ გადავრჩეთ-მეთქი.

6/VII 89

საგარეჯოში დიდი შეხვედრა მქონდა.

მკითხეს მარნეულის მდგომარეობაზე, მკითხეს რესპუბლიკის ხელმძღვანელთან ჩემი შეხვედრის შესახებ.

მკითხეს, ეშველება თუ არა საქართველოს, მივალწვეთ თუ არა, რომ ჩვენმა შვილებმა სამხედრო სამსახური საქართველოში გაიარონ.

სამი საათი ვიდექი ფეხზე და ვპასუხობდი შეკითხვებს.

ოფლში გაღვარულმა ბოლოს მაღლობის თქმა ძლივს მოვახერხე ასეთი თბილი მიღებისათვის.

ხალხი, მართლაც, რომ მონყურებულია მართალ სიტყვას.

თბილისში გვიან ღამით დავბრუნდით.

„თ“-ს იმ იტომ ვამბობ, რომ შეხვედრა დაამშვენა რესპუბლიკის დამსახურებულმა არტისტმა, ბ-ნმა შოთა ხაჟალიამ, რომელმაც დიდი შთაგონებით წაიკითხა ჩემი ნოველა „ტელეხიდი“.

საოცარია, როცა მსახიობი ხმამალლა კითხულობს ჩემს ნაწერს, სირცხვილის გრძობა მიპყრობს. არ მომწონს, რაც დამინერია.

ინტონაციების, აქცენტების სწორად დასმას დიდი მნიშვნელობა აქვს.

7/VII 89

შიშგარეულად გავიღვიძე.

ცუდად, უამურად მეძინა.

ნიადაგ ხვალინდელ დღეზე ვფიქრობ. რა მოხდება ხვალ?

სალამოთი გურჯაანს ვესტუმრე.

კულტურის სასახლეში დიდი შეხვედრა მქონდა.

ვისაუბრე საქართველოს ეროვნულ-განმათავისუფლებელი ბრძოლის მიზნებსა და მიმართულებებზე.

ვუპასუხე შეკითხვებს.

8/VII 89

შაბათია.

კინოს სახლთან, სადაც სახალხო ფრონტის შტაბ-ბინაა, დილამდე გაგრძელდა მიტინგი.

ძირითადად ანარქიული ხასიათის მიტინგებია: ერთნი მოუწოდებენ მშვიდობიანობისა და გონივრული მოქმედებისაკენ, მეორენი – შეიარაღებულ-ნი ბრძოლით საქართველოს განთავისუფლებისკენ.

შეიარაღებით და ძალით რუსეთთან ეროვნული საკითხის მოგვარება შეუძლებელია.

სისხლი არ უნდა დაიღვაროს.

მშვიდობიანი გზით უნდა გავიდეთ სსრკ-დან.

9/VII 89

გუმინ, 8 ივლისს, საქართველოში სისხლი არ დაღვრილა.

მილიციამ იყოჩაღა.

დაკეტილია მარნეულის ყოველი სოფლიდან გამოსასვლელი გზა.

მონმდებოდა მარნეულისკენ მიმავალი ყოველი მანქანა.

სპეციალური საშვის გარეშე მარნეულ-ბოლნის-დმანისში მიმოსვლა არ არის.

რუსთაველზე შემხვდა მარჯანიშვილის თეატრის მთავარი რეჟისორი თემურ ჩხეიძე.

გეძებდი. კოტე მახარაძის თეატრი დარეჯანის სასახლიდან გამოაგდეს (იქ სასტუმროს მსგავსი იხსნება), ჩვენ შევიფარეთ, კვირაში ორი დღე დავუთმეთო.

მივხვდი, საითაც უკაკუნებდა.

შენთან უმორჩილესი თხოვნა გვაქვსო; უნდა გადანყვიტო; კოტემ დადგას „აპრილი“ თუ მე - „ნაპრალი“.

ორივე ერთ თემაზეა და ერთ თეატრში ორი მსგავსი სპექტაკლი არ შეიძლებაო.

შენ როგორ ფიქრობ-მეთქი. მეო, გამოსავალს იმაში ვხედავ, რომ რაკი კოტეს დაწყებული აქვს, მე თვითონ დავდგამ „აპრილს“ (კოტეს თეატრის სახელით), ხოლო „ნაპრალი“ სხვაგან წაიღეო.

უკვე გადაგინყვეტია-მეთქი, გამეცინა.

ასე გამოკრეს კვანტი ჩემს „ნაპრალს“.

ფიასკო, მარჯანიშვილის თეატრშიც!

თემურ ჩხეიძე უფრო პატიოსანი კაცი მგონია, ვიდრე ამ ეპიზოდისგან გამოიყურება.

უნივერსიტეტში ვახტანგ ქარუმიძეს შევხვდი. იშვიათად მინახავს ასეთი თავაზიანი, დახვეწილი და გულითადი კაცი. ყველაფერი წაკითხული აქვს, ყველაფერი იცის. თვითონ არ უთქვამს, მაგრამ სხვებმა მიამბეს, როგორ დამიცვა თურმე ერთხელ ცეკაში „კომუნისტში“ დაბეჭდილი ნოველის გამო („თვითმკვლელობა“), მორიგ „ჭკუის სწავლებას“ რომ მიპირებდნენ.

გვიან ღამით გურამ მგელაძემ (მინისტრთა საბჭოს თავმჯდომარის პირველი მოადგილე) დამირეკა და შემახსენა, არ დაგავინყდეს, ხვალ დალესტანში მივფრინავთო.

ცხრა საათზე გამომივლის.

10/VII 89

დილის ათ საათზე მახაჩყალაში გავფრინდით გურამ მგელაძე, მუხრან მაჭავარიანი, გურამ ფანჯიკიძე, მე, ვახტანგ გოგუაძე და თეიმურაზ ოსეფაიშვილი (ყვარლის რაიკომის მდივანი).

თან მიგვექონდა სამასი ლეკის ხელმონერილი სია, რომლის ძალითაც ლეკები მოითხოვდნენ თავიანთ სამშობლოში, დალესტანში დაბრუნებას.

დილით მიგვიღო დალესტინის მინისტრთა საბჭოს თავმჯდომარემ აბდურაზაკ მარდანოვიჩ მირზაბეკოვი და მოადგილემ მაგომედ რაჯიდოვიჩ აბდულბასიროვი.

პოლიტიკის და დიპლომატიის რა მეთოდები არ ვიხმარეთ, მაგრამ ლეკებმა თავიანთი ხალხის უკან დაბრუნებაზე უარი განაცხადეს.

მოსალოდნელ საშიშროებაზეც ვესაუბრეთ, ისიც შევთავაზეთ, რომ დალესტანში მცხოვრებ (150 ოჯახი ცხოვრობს თურმე ქართველები) ქართველებზე გაგვეცვალა, არა და არა.

დაუსაბუთებელმა, აუხსნელმა უარმა ნერვები მომიშალა. განსაკუთრებით ვაქტიურობდით მე, გურამ მგელაძე და გურამ ფანჯიკიძე.

ოთხ საათზე მიგვიღეს საოლქო კომიტეტში.

პირველი მდივანი მოგამედ იუსუპოვიჩ იუსუპოვი, უმაღლესი საბჭოს პრეზიდიუმის თავმჯდომარე – მუგამედ ალი მუგამედოვიჩ და იგივენი ვუსხედვართ სათათბირო მაგიდას (ჩვენს გარდა დალესტნის შინაგან საქმეთა მინისტრი და უნივერსიტეტის რექტორი).

კვლავ მტანჯველი სამსაათიანი მოლაპარაკება.

ლეკის მიზანი აშკარა გახდა. არ გვსურს ლეკების დაბრუნებაო. პირიქით, ისინი მანდ უნდა გამრავლდნენ, საქართველოში კარგი მიწებიო. გურამ მგელაძემ ყიზლარის საძოვრებზე დასახლება შესთავაზა. უარი გვითხრეს, იქ ცუდი პირობებია და ჩვენს მოძმეებს ხომ ვერ მოვატყუებთო.

ისე ჯიუტობთ, თითქოს ქართველებს გიგზავნიდეთ, ეს ხომ თქვენი ხალხია-მეთქი, რომლებსაც დახოცვის საშიშროება ემუქრებათ თავიანთი ცუდი საქციელის გამო-მეთქი.

გურამ მგელაძემ, 300 მოსახლე სოფელ სარუსოს და თხილისწყაროს ყველა მცხოვრები მოითხოვს სამშობლოში დაბრუნებას, ნუთუ თქვენ მორალური უფლება გაქვთ, მათ უარი უთხრათო.

უცერემონიო, უშელავათო უარი გვითხრეს.

რაიკომის მდივანმა განმარტა, ჩვენი ლეკები უპრეტენზიო ხალხია, ნუნთის და კიზილუტოვსკის მთიან რაიონებში დასახლებაზე თანახმა არიანო.

საქართველოში სულ 811 ლეკის ოჯახი ცხოვრობს (3500 კაცი).

ჩვენ ამჯერად 300-ის გაცვლა გვსურდა. 500 ლეკის ოჯახი საქართველოში რჩებოდა.

არც 300-ს იბრუნებენ.

გურამი 50-ზე ჩამოვიდა. თავდაპირველად 50-ზეც უარი თქვეს. მერე, როგორც იქნა, დათანხმდნენ განაპირა მთიან სოფლებში მათ ჩასახლებაზე. ოლონდ ნანოილ-ნანოილ, დროთა განმავლობაში.

მუხრანი, როგორც ყოველთვის, ჩუმად იჯდა.

შენ ნაუშალე საფლავი, ღმერთო, ვინც ჩვენ ამ დღეში ჩაგვადლო.

ვინც საქართველოს ყველა ჭიშკარი გაალო და გადამთიელი შემოუშვა.

11/VII 89

მთელი დღეა მირეკავენ და დალესტნის ვიზიტზე მეკითხებიან.

ჩვენი ხალხის მოთმინების ფიალას რამდენიმე წვეთი აკლია, ეტყობა, მის ავსებას ელოდებიან.

რა გაენცობა, ვიღებთ ამ ორთაბრძოლას (ხუთთან ბრძოლას, ასთან ბრძოლას).

რადიოში მედეა გეგემიძემ ერთსაათიანი ინტერვიუ ჩაწერა ჩემთან. ჭკვიანი, ლამაზი ქალია.

შევიარე ივლიტა მესხიშვილთან ტელევიზიაში.

„ხორავას სახლის დიალოგის“ გადაცემის ბედი ჯერ კიდევ გადაუწყვეტილია.

ემინია ქ-ნ ივლიტას. ახ, ეს ძველი სკოლა!

12/VII 89

ჩვენი „დალესტინის დელეგაცია“ შვიდ საათზე გუმბარიძემ გვიხმო. დანვრილებით ვუამბეთ მოლაპარაკების შედეგებზე.

კმაყოფილი დარჩა. ეს უკვე კარგი დასაწყისია, მომავალში ვცადოთ, ეს კარგად დაწყებული საქმე ბოლომდე მივიყვანოთ.

ხუთ თვეში პირველი 50 ოჯახი თუ გავასახლეთ, მერე თანდათანობით ყველანი მიჰყვებიან. ასე რომ, სამ-ოთხ წელიწადში ლეკები აღარ უნდა დარჩნენ საქართველოში.

ერთი რამ არ მომეწონა: ჩვენს იქ ყოფნაში მოსკოვიდან დარეკა რი-ჟკოვმა, ერთი წუთითო, ბოდიში მოუხადა მოსკოვს გუმბარიძემ და ჩვენ გვანიშნა, გამოვსულიყავით კაბინეტიდან.

გამოვედით. ხუთი წუთის შემდეგ გვიხმო და ბოდიში მოგვიხადა, რი-ჟკოვი მელაპარაკებოდა და თან მკითხა, ხომ მარტო ხართო.

რა უთხრა რიჟკოვმა, ჩვენთვის არ გაუმხელია.

რას გაიგებ, იმპერიის მეორე კაცს ათასი საიღუმლო აქვს მეფისნაცვალთან.

ისეც გავაგრძელებთ საუბარი. აშკარაა, რომ გივი პატიოსანი ბიჭია და სასიკეთოდ მონდომებულიც, მაგრამ გაბედულება არ ჰყოფნის. გ. ფანჯიკიძემ უთხრა: გუდაუთის გაზეთის რედაქტორი წამდაუნუმ გვლანძღავს ქართველებს და ის მაინც მოხსენი დასაწყისისთვისო.

ესეც ვერ გაბედა. სანყალი კაცის თვალებით შემოგვხედა. მანდო, მე ვფიქრობ, რედაქტორის მოადგილე უფრო ამღვრევს წყალსო.

ჩემი მოადგილე უჩემოდ რას გაბედავს-მეთქი.

მრავალმნიშვნელოვნად შემომხედა.

13/VII 89

დილომს ყელში წაუჭირა ბეტონის ხელის ქალაქმა და სოფელი სულს ძლივს ლაფავს.

დილომი მალე გაქრება.

რა უბედურება ეგ არიო, იკითხავს მკითხველი. ურბანიზმს დიდი მუცელი აქვს და ინდუსტრია თუ ქარბმოსახლეობა ყლაპავს ქალაქის ახლობელ პატარა სოფელსო. განა იგივე ბედი არ ენია სოფელ ვერეს, სოფელ დელისს, სოფელ ვაკეს, გლდანს და სხვა სოფლებსო.

დილომი კი არა, შე კაი კაცო, პომპეუსი გაქრა და ტროა გაქრა მიზეზთა გამო პირისაგან მიწისაო.

კი მაგრამ დილომი – ეს თბილისის კარზე მომდგარი სუფთა ქართული სოფელი, რომ გაქრება და ქალაქი შეინვოს, ეს ხომ იმას ნიშნავს, რომ გაქრება დილმური კიტრი და პამიდორი, მშვენიერი დილმური ვაშლი და ატამი, დილმური ყველი და მანონი... ეს ხომ იმას ნიშნავს, რომ ქალაქს გადაეჭრება ერთი სასიცოცხლო ქართული არტერია და კიდევ უფრო აღმოჩნდება თბილისის ირგვლივ შემოჯარულ გადამთიელთა კაბალაში-მეთქი, ვუპასუხებ ჩემს სკეპტიკოს ოპონენტს.

რა დაემართა დილომს?

რაც სხვა სოფლებს სჭირს საქართველოში.

უკანასკნელად საკარმიდამო ნაკვეთი მკვიდრ ქართველ კაცზე დილომში ამ ოცი წლის წინათ გაიცა. ამის შემდეგ განცხადება-თხოვნების ნიაღვარი მოდის გამრავლებული, კომლგაყოფილი დიღმელი გლეხისგან სათანადო ორგანოებში, მაგრამ თქვენც არ მომიკვდეთ, ყურსაც არავინ იბერტყავს დიღმელთა გასაჭირზე.

სამაგიეროდ, დაქიმაჩებული არიან სხვადასხვა უწყებები, როგორ შეავიწროვონ დიღმელები, დღითი-დღე, მტკაველ-მტკაველ როგორ წაართვან მარჩენალი მიწა.

ქალაქი თავკომბალასავით იზრდება, თბილისის უთავბოლო გაზრდის წინააღმდეგ ბოლო ათეულ წლებში მხოლოდ სიტყვით, გულზე პატრიოტული მჯღლისცემით ვიბრძვით. ადმინისტრაციულ-ჩინოვნიკურ მაფიას კი გულში ეციხება ჩვენს პატრიოტულ ალტკინებაზე. იგი თავის საქმეს აკეთებს.

კერძოდ, რა საქმეს?

ჯერ საუკეთესო სავარგულები წაართვეს დილომს და იმ ადგილებზე, რომელიც მწვანილუღით კვებავდა ქალაქს, „დიდი დილომი“ ააშენეს.

ამასაც არ დასჯერდნენ, ქალაქი იზრდებაო და ახლა დარჩენილ 250 ჰექტარსაც ართმევენ ლამის უმიწოდ დარჩენილ სოფელს.

გააფთრებული ბრძოლა მიმდინარეობს დიღმელებსა და საინჟინრო-ინდუსტრიულ ხელისუფალთ შორის.

სოფლელებმა ბარიკადები აღმართეს და უკვე მესამედ გააბრუნეს უკან ცემენტითა და სამშენებლო ტექნიკით დატვირთული მანქანები.

ეს „აქცია“ (ასე მოდაში რომ შემოვიდა ამ ბოლო დროს) დიღმელებს ინდუსტრიის წინააღმდეგ რეზერვაციამში შერეკვის შიშით შეპყრობილ ინდიელთა მსგავსად კი არ მოუფიქრიათ, ეს ურბანიზმთან მეტრძოლი გაჭირვებული სოფლის ამბოხება კი არ არის, ისინი თავიანთი სასიცოცხლო ინტერესებისთვის იბრძვიან,

თუ ეს 250 ჰექტარიც დათმეს, ეს იმას ნიშნავს, რომ დილომი აღარ იარსებებს, უნდა აიყაროს ათასწლოვანი ქართული სოფელი და ქალაქს უნდა შეეხიზნოს. მეზობტენ-მწარმოებელი უნდა ჩაკლას თავის თავში და მომხმარებელთა მოსაწყენ რიგებს მიემატოს.

სხვა მხრიდანაც შემოუტია აგრესიულმა ინდუსტრიამ დილომს. სოფლის ბოლოს მეცხოველეობის ფერმების გვერდით ცემენტის ქარხანას აშენებენ.

ჯერ ერთი, ცემენტის ქარხანას რა უნდა თბილისთან ასე ახლოს. ნუთუ თბილისის ისედაც მოწამლულ ჰაერს ცემენტის მტვრით დამშვენება აკლია. თბილისი ხომ თავისი ლანდშაფტით დიდი ქალაქისთვის სრულიად შეუფერებელ ტაფობშია მოქცეული. ტაფობი კი ბუნებრივი ვენტილაციის პირობებს ზღუდავს და ზემოდან რომ დავხედოთ თბილისს, წელიწადის ყველა დროს აღმოვაჩინთ ქალაქის თავზე დაკიდებულ მომწამვლელ ჯანღს. დაემატება „ამ სიკეთეს“ ცემენტის ქარხანა და თბილისში სუნთქვა საერთოდ შეუძლებელი გახდება.

თუ ცემენტის ქარხანა აშენდა, ეს ხომ იმას ნიშნავს, რომ იმ დღესვე უნდა გაქრეს იმ შემოგარენიდან საძოვრების უქონლობის გამო ისედაც შეჭირვებული დიღმელთა პირუტყვი?



ვინ მოამარაგოს თბილი, ბუნებრივი რძით დედაქალაქი? ახლა რომ დიღმელები ნატურალური რძის ქალაქის ფონდის ნახევარს თბილისს აწვდიან. გადავიდეთ მთლიანად ფხვნილ-რძეზე და არაქართული სოფლების მერყევი ორიენტაციის იმედზე ვიყოთ?

ინდუსტრიის ალყა მესამე მხრიდანაც მოაწვავს დიღმს.

გაუთავებელ საბოსტნე-სააგარაკე დოღში ეს უმინო სოფელიც აღმოჩნდა ჩართული.

ჩვენ ხომ აგარაკიც ახლოს უნდა გვექონდეს, აქვე, ქუჩის ბოლოში, ერთი ხელის განვდენაზე.

ამიტომაც ჩნდება და ჩნდება გავლენიან პირთა ბოსტან-ვილები დიღმის ტერიტორიაზე.

ჩნდება ძლიერთა ამა ქვეყნისათა გაფორმებულ-გაუფორმებელი ნაკვეთები. აბა ერთი უბატონოდ ხმა გასცეს სასოფლო საბჭომ მოაგარაკე ყოვლისშემძლეს? იგი მინას კი არ იტაცებს, მას „ეკუთვნის“ მსოფლიო პროლეტარული მოძრაობის წინაშე თავისი განსაკუთრებული დამსახურების გამო.

კიდევ ერთ სადიღმე პრობლემას უნდა შევეხო.

სოფლის ბოლოს გაშლილია უზარმაზარი მინდორი, რომელსაც დიდგორის ველი ჰქვია. დიდგორის ველი მთავრდება მაღალი ულამაზესი მთით, რომელსაც ოდითგან დიდგორს ეძახიან, ხოლო დიდგორის ველს მარჯვენა მხარეს აკრავს ხევი, რომელსაც ჩახერგილას ხევს ეძახიან.

დიდგორის ბრძოლის ადგილის შესახებ ჩვენს ისტორიოგრაფიაში საბოლოო შეთანხმება არ არსებობს. მე ვფიქრობ, საკმაოზე მეტი არგუმენტები იმ მოკამათეთა მხარესაა, ვისაც მიაჩნია, რომ დიდგორის ბრძოლა სწორედ აქ უნდა მომხდარიყო. უკანასკნელ ათწლეულებში დიდგორის ბრძოლის ადგილად მიჩნეულია ტერიტორია, სადაც მემორიალი უნდა აღიმართოს, ეს ადგილი მთიანი რელიეფისა და ციცაბო ზედაპირის გამო ხუთასი ათასამდე ერთმანეთს შერკინებულ ლაშქარს ვერ დაიტევდა. ესეც არ იყოს, თბილისის დაცვა სწორედ აქ, ამ „დიღმის დიდგორში“ მოხდებოდა და არა თბილისიდან საკმაოზე მეტი მანძილით დამორებულ ადგილას, ხოლო ხევი „ჩახერკილაც“ ჯიუტად მიგვანიშნებს ისტორიკოსთა ცნობებზე დავით აღმაშენებლის საოცარი სტრატეგიული ნაბიჯის გამო.

ეს საკითხი გაზეთ „თბილისის“ ფურცლებზე ერთხელ უკვე დაისვა, მაგრამ ისტორიკოსთაგან არავინ გამოხმაურებია. დიდგორის ნამდვილ დიდგორობაში ისიც გვარწმუნებს, რომ ველზე არაერთი სალოცავ-ნიშია და ბულდოზერის ნიჩაბს მიწიდან ხშირად ამოჰყვება ხოლმე კაცის თავის ქალა.

ჩვენ, მსოფლიო პრობლემებს შეჭიდებულებს, არქეოლოგიურ ძიებათა ინტერესით დედაქალაქიდან განეულებს, ხანდახან ახლო ყური, უპირველესი ქიშკარი გვაგინყდება ხოლმე.

დიღმში საქართველოს დემოგრაფიული მოვლის, ეროვნული სისუფთავისთვის ბრძოლის ჩვენი წარსულის ატრიბუტების შენარჩუნების ორგანული ნაწილია და დროულ ყურადღება-მკურნალობას მოითხოვს.

სახელდობრ: სოფელ დიღმს დაუყოვნებლივ უნდა დაუბრუნდეს უსამართლოდ ჩამორთმეული 250 ჰექტარი, უნდა გადაისინჯოს და გაუქმდეს



დიღმის სიახლოვეს ცემენტის ქარხნის აშენების პროექტი და ისტორიკოსებმა დროულად შეისწავლონ დიდგორის ველის პრობლემა საქართველოს ისტორიაში ყველაზე დიდი, ძლევამოსილი ომის ჭეშმარიტი ადგილის დასადგენად.

ეს ფიქრები აღძრა ჩემში დიღმელებთან შეხვედრამ.

14/VII 89

თიანეთს ვესტუმრე.

რაიკომის პირველი მდივანი მოკრძალებული, ნესიერი ბიჭი ჩანს – ნოდარ მგელიაშვილი.

საქართველოს უნდა ვუშველოთ, საზღვრები უნდა გავამაგროთ, ერთმანეთს მხარი უნდა მივცეთ-მეთქი, ვუთხარი თიანელებს.

გამოცილებისას ნოდარმა მკითხა: ბატონო რევაზ, ჩვენთან გაქართველებული ოსები ცხოვრობენ, მოითხოვენ პასპორტში ეროვნებად – ქართველის ჩანერას, როგორ მოვიქცეთო.

უსათუოდ უნდა ჩაუნეროთ-მეთქი.

15/VII 89

შაბათია.

ჩემს ღარიბულ აგარაკზე ვარ – მუხათწყაროში.

მინც ვერ დავისვენე. დაწვრე თორმეტგვერდიანი სტატია „რა გადაარჩენს საქართველოს“.

„ახალგაზრდა კომუნისტში“ უნდა ვცადო დაბეჭდვა.

ცოტა არ იყოს, მწვავე სტატიაა.

16/VII 89

დილიდან „კრიტიკის“ მეექვსე ნომრის მასალებს ვასწორებ.

მარნეულის სოფ. წერეთლის მეურნეობის დირექტორმა, ვალერი გაბელიამ, მომიტანა 27 ივნისის გაზეთი „ახალი მარნეული“.

ვინმე პ. მურსაგულოვას წერილში გაკრიტიკებული ვარ.

პასუხია 11 მაისის „სოციალისტურ რუსთავში“ დაბეჭდილ ჩემს სტატიასზე: „ყურს ნუ ვათხოვებთ დემაგოგს“.

ღმერთი, რჯული, მე არც ერთი ერი არ მძულს (სასაცილოა ამის მტკიცება), მაგრამ საქართველოს გადაშენების მომხრე რომ არ ვიყო, ხომ მაქვს ამის უფლება?

ტელევიზიამ ეს წუთია საშინელი ამბავი გადმოსცა.

„აფხაზი“ მკვლელები თავს დასხმიან თბილისის უნივერსიტეტის სოხუმის ფილიალს.

მოკლულიაო 11, უგონო მდგომარეობაშია 12, დაჭრილ-დასახიჩრებულიაო 120 კაცი.

რა ვქნა?

წუთუ ამ ქვეყნად სალი გონება არსად ჭაჭანებს?

„აფხაზები“ გათამამდნენ, აფხაზებს ყველაფერი ვაპატიეთ და თუ დროზე არ იქნა ზომები მიღებული, ისინი თავს დაგვესხმიან-მეთქი, სწორედ ოთხი დღის წინათ ვუთხარი გ. გუმბარიძეს.

ყურად არ იღო. მე ქართველების მეშინია, თორემ „აფხაზები“ ვერაფერს

გაბედავენო.

აი, თუ ვერ გაბედეს.

17/VII 89

თბილისში დიდი მიტინგებია.

დავაპირე წასვლა აფხაზეთში, მაგრამ ყოველ წუთს რადიო აცხადებს, რომ გზები შეკრულია.

გუშინდელ გაზეთში („კომუნისტი“) იოსებ გობეჩია გადმოგვცემს სიმართლეს – აფხაზეთის ამბებზე.

ქართველები უდანაშაულონი არიან.

უნივერსიტეტის ქართულ ფილიალს დაესხნენ თავს, მერე – რუსთაველის ქუჩაზე შეკრებილ შეუიარაღებელ ქართველებს.

აი, სანამდე მიგვიყვანა “აფხაზეთისთვის“ ყველაფრის დათმობამ.

18/VII 89

მთელი დღე „კრიტიკის“ რედაქციაში გავატარე.

აფხაზეთისკენ გზები კვლავ დაკეტილია.

ქართული საინფორმაციო ორგანოები გადმოსცემენ, რომ ზუგდიდში, აბაშასა და ამბროლაურში ქართველებმა მილიციიდან იარაღი გაიტაცეს.

საქართველო იარაღდება. სხვა გზა არ არის.

ჩვენსავე მიწაზე გადამთიელებმა სამოქალაქო ომი გაგვიმართეს.

სხვა არა იყოს, რა, თავი მაინც უნდა დავიცვათ.

კინოსახლთან მიტინგი გაიმართა 5 საათზე.

გამოვიდნენ აფხაზეთიდან ჩამოსული ქართველები და ილაპარაკეს, თუ რა ბარბაროსულად დახოცეს უიარაღო ქართველები, როგორ სცემეს გამომცდელებს და აბიტურიენტებს.

ძირს გულისამრევი, დამდეღლებელი, ყველაფრის დამთმობი ინტელიგენტობა.

კბილი კბილის წილ!

19/VII 89

მწერალთა კავშირის პრეზიდიუმის სხდომა გავმართეთ აფხაზეთის საკითხზე.

ყველამ სათითაოდ გამოვთქვით ჩვენი აღშფოთება მომხდარი ფაქტის გამო.

აფხაზი ტერორისტები არ ცხრებიან, ქართველებს აპატიმრებენ და ძძველად იტოვებენ.

გზებზე ბარიკადებია აღმართული.

დალუპულთა რიცხვმა 18-ს, დაჭრილთა რიცხვმა 300-ს მიაღწია.

ტრასაზე მიმავალ მანქანას ქართული ნომრებით განუკითხავად, პარტიზანულად ესერიან ფანჯრებიდან.

მილიცია მკვლელთა „ვერალმოჩენის“ პოლიტიკას ადგას.

ამ და სხვა საკითხებზე იყო ცხარე საუბარი პრეზიდიუმის სხდომაზე.

გადავწყვიტეთ, განცხადება გავაკეთოთ მთელი ქვეყნის გასაგონად.

ტექსტის შედგენა დაგვევალა რევაზ ჯაფარიძეს, ტარიელ ჭანტურიას, რომან მიმინოშვილს, გურამ გვერდნიელს, კობა იმედაშვილს და მე.

ტექსტი მე შევადგინე. გავაცანი ხუთეულს. მეთანხმებიან. ხვალ ეს ტექსტი პრეზიდენტი უნდა განვიხილოთ.

20/VII 89

პრეზიდენტზე ოთხსაათიანი კამათი გვქონდა განცხადების ტექსტთან დაკავშირებით.

დაახლოებით ერთი, გაბედული, უკომპრომისო აზრისანი ვართ: მე, მორის ფოცხიშვილი, გურამ ფანჯიკიძე, მუხრანი (ნანილობრივი), შოთა ნიშნიანიძე, მედეა კახიძე, რევაზ ჯაფარიძე, რომან მიმინოშვილი, ენვერ ნიჟარაძე... შიშის, დათმობის, ქვეშევამოსვლის, აუხსნელი სიფრთხილის პოლიტიკას ადგანან სხვები.

ვინ იცის, იქნებ ეს უკანასკნელი მართალნი არიან, მაგრამ დათმობამ ჩვენ 70 წლის განმალვობაში კარგი არაფერი მოგვიტანა.

რისი გვეშინია, რა გვემართება?

ნუთუ მამულისთვის თავდადების გრძნობა ასე ერთბაშად ამოვიღეთ გულიდან?

„მორჩილმა უმრავლესობამ“ თავისი გაიტანა.

კბილებით დავტოვეთ, რაც გაბედულია ჩვენს განცხადებაში.

ბევრი რამ, რასაკვირველია, არ მომწონს.

ხვალ დაიბეჭდება „ლიტერატურულში“.

21/VII 89

ჩვენი პრეზიდენტის განცხადებამ დიდი გამოხმაურება გამოიწვია.

მუხრანმა მითხრა, მწერალთა კავშირში უამრავმა კაცმა დარეკა საქები სიტყვებით, ხოლო მთავრობა ჯერ დუმსო.

სალამოს ტელევიზიით სახალხო ფრონტის წარმომადგენლები გამოვიდნენ.

გამიკვირდა. ესენიც „კეთილგონიერებისკენ“, „დამორჩილებისკენ“, „პატიებისკენ“ მოგვინოდებენ.

გასკდი გულო! რა დაგვემართა ასეთი?

ველური ბრბო გვხოცავს და ჩვენ მოთმინებისკენ მოგვინოდებენ.

ვინ ლაპარაკობს ქართველი ერის სახელით?

ყველას დიდ პატივს ვცემ, მაგრამ რა უფლება აქვთ, ერის სახელით ილაპარაკონ და ქვეყანას მორჩილი, ნელ-ნელი სიკვდილისკენ მოუწოდონ?

როგორ მოიქცეოდა ამ შემთხვევაში დავით აღმაშენებელი, თამარი, გიორგი სააკაძე, ერეკლე...

ნუთუ ჩვენი პატრიოტული ისტორია არაფერში აღარ უნდა გამოგვადგეს?

მტერს მტრულად უნდა დახვდე.

„ახკომის“ რედაქტორმა მითხრა: თქვენს სტატიას – „რა გადაარჩენს საქართველოს“ – ამ ვითარებაში ვერ დავბეჭდავო.

გიგა ლორთქიფანიძე დაბრუნდა აფხაზეთიდან. იმათთან ლაპარაკი არ შეიძლებაო, „ტუზემცებივით“ ჩხავიანო.

22/VII 89

შაბათია.

რადიომ გადმოსცა, რომ ოჩამჩირეში ორი რუსი ოფიცერი და ჯარის-

კაცი მოუკლავთ.

ცუდი ფაქტია.

ნეტა ვინ მოჰკლა, რა ვითარებაში –ჩვენი ინფორმაციის საშუალებებიდან ხომ სიმართლეს ვერ გაიგებ.

მეშინია, ესეც ჩვენ, ქართველებს არ დაგვბრალდეს.

სალამოს ტელევიზიამ გამოაცხადა, რომ საქ. კომპარტიის აფხაზეთის საქალაქო კომიტეტის პლენუმმა რამდენიმე ბიუროს ნევრი ტარკილი, ნულ-აძე, კობახია გაათავისუფლა.

მინისტრთა საბჭოს თავმჯდომარედ დაინიშნა გივი ანჩაბაძე-ცეკას ყოფილი მდივანი.

გ. ანჩაბაძისთვის ეს დაქვეითებაა. ჭორი დადის, რომ მას ერთ თვეში საოლქო კომიტეტის პირველ მდივნად აირჩევენ.

ვნახოთ.

რას ნიშნავს ეს ცვლილებები?

ნუთუ შეურაცხყოფილი შევარდნაძე არაფერს მოიმოქმედებს?

23/VII 89

მთელი დღე ვწერ ნოველას „იაპონელი“.

სალამოს მუხატანყაროში გავიარე.

შევხვდი და ველაპარაკე იქ მცხოვრებ ინტელიგენტებს: რევაზ ნემსაძეს, გივი ზაუტაშვილს, მერაბ ბერაძეს, გურამ სიხარულიძეს, ჯამბულ ბახტაძეს – აფხაზეთის მთავრობის ცვლილებებზე ყველა ერთი აზრისაა – გუმბარიძემ მთავრობიდან ქართველები გაიყვანა და აფხაზები შეიყვანაო.

გასაგებია ეს პოლიტიკა: რუსს სურს აფხაზეთი ნაგვართვას, საქართველოს ხელისუფლება მარიონეტულია. ასე რომ, ჩვენთვის, ქართველებისთვის, სასიკეთო ამათვან არაფერია მოსალოდნელი.

რუსსაც და ქართველსაც (შევარდნაძე და კამპანია) გაყიდული და განწირული ვყავართ.

24/VII 89

თბილისში დაიწყო საქართველოს ხელისუფლებისადმი მიმართული საპროტესტო დემონსტრაცია-გაფიცვების ახალი ტალღა.

მლელვარება გამოიწვია სოხუმში გამართული პლენუმის შედეგებმა და საქართველოს მთავრობის გამყიდველმა ორიენტაციამ.

რა მოხდება ხვალ?

მე უკვე შიშისა და სიფრთხილის მიჯნას გავცდი.

მოსახდენი უნდა მოხდეს.

საქართველო უნდა განიწმინდოს!

25/VII 89

ნოდარ ჭითანავას შევხვდი.

შემფოთებულია სქარათველოს მდგომარეობით და აფხაზეთის ამბების მოსალოდნელი შედეგებით.

მოურიდებლად ვუთხარი: ყველაფერი გ. გუმბარიძის და შენი ბრალია-მეთქი. გაუბედავი ხალხი აღმოჩნდით. ვერც ერთი საკითხი ბოლომდე ვერ მიიყვანეთ-მეთქი. რაც თქვენ აფხაზეთში ჩაიდინეთ (ხელმძღვანელობაში აფ-

ხაზური ფრთის გამაგრება) ეს მალე მარნეულის და ოსეთის ახალ აჯანყებად მოგვევლინება-მეთქი. რაკი აფხაზებს ჩვენი ძალა ვერ ვუჩვენეთ, ეს იმას ნიშნავს, რომ სხვები სულ კისერზე წამოგვაჯდებიან-მეთქი.

თუ არ შეგიძლიათ ქვეყნის მართვა, გადადექით-მეთქი.

შენუხდა ჩემი შეტევით.

მართალიაო, ჩვენც გაუბედავობა გამოვიჩინეთ, მაგრამ მთლად ჩვენი ბრალი როდია ყველაფერიო.

იცოდეთ, ჩვენც ისევე დაგვსდევს და გვაკონტროლებს მოსკოვიო.

ყველაფერი „ცენტრმა“ გვიკარნახა. ანჩაბადის ვარიანტიც მოსკოვიდან მოდისო.

არ გირჩევნიათ ამ საძრახის მარიონეტობას, დაიხუროთ ქუდი და ნახვიდეთ შინ-მეთქი?

აღრე თუ გვიან ასეც მოვიქცევითო.

უნდა დაინეროს ვრცელი ინფორმაცია იმის შესახებ, თუ რა გააკეთეთ აფხაზეთში ქართველთა მხარდასაჭერად, საჭიროა ეს ინფორმაცია დაუყოვნებლივ გამოქვეყნდეს პრესაში და ხალხმა წაიკითხოს-მეთქი.

საერთოდ, ნ. ჭითანავა ჭკვიანი, პატრიოტი კაცია, მაგრამ ძალა აღმართსა ხნავს.

## 26/VII 89

დილის ათ საათზე მივუტანე ნ. ჭითანავას წერილი „აფხაზეთის ამბების გამო“, „კომუნისტში“ გამოსაქვეყნებლად შუამდგომლობა ვთხოვე.

წაიკითხა. ძალიან გაბედულიაო. ადგილები შეარბილა. ხელახლა გადავბეჭდეთ. ნ. ჭითანავას თანაშემწე მშვენიერი ბიჭია – სოსო სტურუა (დევის ბიჭი).

ნ. ჭითანავას კაბინეტში ჩემი ყოფნის დროს ზვიად გამსახურდია შემოვიდა. მოგვესალმა და პირდაპირ მინისტრთა საბჭოს თავმჯდომარეს მიმართა:

– ხომ გთხოვეთ, ქართველთა დევნას თავი დაანებოს მილიციამ და უშიშროებამ-მეთქი.

იცით, როგორ ელაპარაკებოდა? როგორც ჩინით უფროსი, ჩინით უმცროსს.

– რა მოხდაო, – ჰკითხა ნოდარმა.

– წალენჯიხაში არაფორმალეები დაუპატიმრებიათ და დაუყოვნებლივ გაათავისუფლონო, თუ არა და ასიათასკაციან დელეგაციას მოვიყვან ხვალ, 12 საათზე, აქაო.

ნ. ჭითანავა ტელეფონს მინვდა. მაშინვე დარეკა წალენჯიხის რაიკომის მდივანთან და დაავალა, მანდ მილიციაში თავდასხმის მცდელობაში ეჭვმიტანილი ახალგაზრდების საქმე კარგად გაარკვიეთ და, თუ მართლები არიან, დაუყოვნებლივ გაათავისუფლონო.

ზვიადმა მადლობა გადაუხადა და გავიდა.

ესაა ზვიადი. ვერ გაიგებ, ვის უპყრია ხელთ ფაქტიური ხელისუფლება.

## 27/VII 89

ლიტვამ, ლატვიამ და ესტონეთმა ეკონომიური დამოუკიდებლობა მოიპოვეს.

საკავშირო სესიაზე გვიან ღამემდე გაგრძელდა კენჭისყრა.

როგორც იქნა, გაიმარჯვეს ბალტიისპირელებმა, მაგრამ კენჭისყრის შემდეგ მიხვდნენ რუსები, რომ შეცდომა დაუშვეს.

დაიწყო დეკლარაცია გამოცხადება: ამ სამი რესპუბლიკის ტერიტორიაზე რომ საკავშირო ქარხნები და კურორტებია გაშენებული, ის ვისი იქნებაო, მაგრამ რაღა დროსი იყო.

შვეიცარიული ყველაფერსო, ჭკვიანმა ბალტიისპირელებმა.

ესეც ასეა. ეს უკვე რღვევის სერიოზული სიმპტომია.

საქართველოს კვლავ ენერგიულად აძინებს საქართველოს მთავრობა.

### 28/VII 89

შეხვედრა მომიწევს სოფელ წილკანში.

დიდებულია წილკანის ტაძარი.

ხალხს მოვწუოდე საქართველოს გადარჩენისკენ.

ვუპასუხე შეკითხვებს.

შეკითხვებოდნენ საქართველოს მთავრობის უნიათო პოლიტიკაზე, უსუსურობაზე, ანტიერესებდათ, რატომ არ ისჯებიან მკვლელები, რატომ ადგას გუმბარძე დამთმობ პოლიტიკას.

შეხვედრა გვიან ღამემდე გაგრძელდა. მერე გვექონდა მცირე ტრაპეზი წილკანელ კაცთან – ომარ აღსაბაძესთან.

### 29/VII 89

დღეს „ახალგაზრდა კომუნისტში“ ჩემი წერილია სათაურით „რა გადაარჩენს საქართველოს“.

ოდნავ შეუმცირებიათ. ამოუღიათ ის ადგილები, სადაც მოვითხოვ აფხაზეთისა და ოსეთის ავტონომიათა გაუქმებას.

ჩემმა ძმისშვილმა, ეკა მიშველაძემ, მესამე ხუთიანი მიიღო. უნივერსიტეტში ჟურნალისტიკაზე აბარებს. ჭკვიანი გოგოა.

გაზეთებში (განსაკუთრებით „კომუნისტში“) კვლავ საქართველოს ხელისუფლების დედღური, შემრიგებლური პოლიტიკის მხარდამჭერი მასალებია.

მხოლოდ „ლიტ. საქართველო“, „ახალგაზრდა კომუნისტი“ და „მალადიოჟ გრუზიი“ აქტიურობენ და რაღაცას ბედავენ.

### 30/VII 89

სულისშემუხთველი სიცხეა თბილისში.

აგარაკს შევაფარე თავი, მაგრამ იქაც ცხელა.

წუხელის, გვიან ღამით, საქართველოს ტელევიზიამ სამი აფხაზი გამოიყვანა ტელევიზიით. ლაპარაკობდნენ, ჩვენ ხომ ძმები ვართო, როგორ შეიძლება, ჩვენს შორის ჩხუბიო.

გული ამერია. რასაკვირველია, ჩვენ დაგვხოცეს და სამაგიერო რომ არ გადაუხადოთ, ახლა „შერიგებაზე თანახმა არიან“. აშკარად ჩანს, გვატყუებენ.

რა პრიმიტიულად აზროვნებს ჩვენი ცეკა.

### 31/VII 89

აჩიკო გოგელიამ დღეს დიდი სიმპათია მოიპოვა ტელემაცურებელთა თვალში.

ერთი კვირაც არ არის, რაც ტელევიზიის დირექტორად დანიშნეს და ამ

საღამოს ერთბაშად დაამსხვრია რუტინის ყინული, რაც ტელევიზიას სულს უხუთავდა.

„დილოგი“ – საუბრობენ გია ქანტურია, ლოვარდ ტუხაშვილი, ნოდარ ნათაძე, ნოდარ წულესკირი.

დიდებული, მართალი საუბარი იყო; ჩვენი მომავლის გზებზე, არჩევნებზე, ხელისუფლების საქმიანობაზე, მესიამოვნა, რომ ზუსტად ემთხვეოდა ჩემი აზრები ოპოზიციონერთა აზრებს.

ყოველმემთხვევაში, ეპოქას ჯერჯერობით არ ჩამოვრჩი და მიხარია. სიბერე (აზრის) ჯერ შორსაა.

#### 1/VIII 89

მთელი თბილისი ნუხელის ტელევიზიით „არაფორმალთა“ დილოგზე ლაპარაკობდა.

გიამ ერთბაშად დაამტკიცა, რომ იგი „დარტყმული ექსტრემისტი“ კი არა, ჭეშმარიტად პოლიტიკური მოღვაწეა.

ოთარ ქვილითაიასთან (მინისტრთა საბჭოს თავმჯდომარის პირველი მოადგილე) მივეყვი მხატვარ დემურ ბაშალაიშვილს, რომელსაც უნდა კულტურის ასოციაცია „პეგასი“ ჩამოაყალიბოს.

ნათლად, გამოკვეთილად ვერ გამაგებინა, რა საჭიროა კიდევ ერთი ასოციაცია, მაგრამ მაინც მივეყვი და ქვილითაია დიდი ყურადღებით მოგვეკიდა. რომ იტყვიან, „საკითხი დადებითად გადაწყდა“.

დავინყე ნოველის წერა ლენინზე.

ლენინი იღვიძებს და მოსკოვში დადის.

ვნახოთ, რა გამოვა.

#### 2/VIII 89

დავასრულე ნოველა ლენინზე, რომელსაც „მავზოლეუმი“ ვუწოდე.

თანამედროვე მოსკოვში მოსიარულე ლენინი, რომელიც გაცეცებულია, ეს რა მახინჯი სოციალიზმი აგვიშენებიაო, იცნო ვილაცამ. მარქსის ძეგლის წინ ჩამოსხდნენ და საუბარი დაიწყეს.

უცნობი ბრალს სდებს ლენინს მარქსიზმის დამახინჯებაში, ამ სა-მოცდაათწლოვანი უაზრო ექსპერიმენტის ლიბოსდადებაში.

ლენინი თავს იმართლებს, მაგრამ ლოგიკა და ისტორიული სიმართლე უცნობის მხარეზეა.

ბოლოს, ხდება ისე, რომ ლენინი მავზოლეუმში აღარ ბრუნდება.

მე ვფიქრობ, უკანასკნელ წლებში დაწერილთაგან ჩემი ერთ-ერთი ყველაზე მწვავე და გაბედული ნოველაა.

ახლა მთავარია, როგორმე მივაღწიო მის დაბეჭდას.

#### 3/VIII 89

„კრიტიკის“ მონინავეს ჩავუმატე აფხაზეთის საკითხი.

ვთქვი ის, რაც არაერთხელ მითქვამს ამ დღეებში სხვადასხვა შეკრებებზე.

რატომ ქიანურდება მკვლევების დასჯა, რატომ ადგას საქართველოს მთავრობა დროის გაყვანის საძრახის პოლიტიკას-მეთქი.

#### 4/VIII 89



„კომუნისტში“ გურამ ფანჯიკიძის წერილზე ვილაც იურისტის ბნელი გამობზაურებაა.

შენაო, გურამს ეუბნება, ეროვნული მოძრაობის საწინააღმდეგო გზას ადგენს.

როგორ შეიძლება, ახალგაზრდებს უკიჟინო: გონებას მოუხმეთ, ნუ იქნებით მაქსიმალისტებიო.

გადავაბეჭდინე ნოველა ლენინზე სათაურით – „მაგზოლეუმი“.

არა მგონია, მისი დაბეჭდვა ვინმემ ჯერჯერობით გაბედოს.

5/VIII 89

ნალვლის ბუშტმა ძალიან შემომიტია და რაჭას გავემგზავრე – უწერაში. რაჭა ძალიან მიყვარს.

6/VIII 89

უწერაში ვარ.

სალამოს მე და ნათელა ათასწლოვანი ცაცხვის ძირას ჩამოვჯექით.

ჩვენს ირგვლივ რამდენიმე წუთში ცნობისმოყვარეთა უზარმაზარი წრე შეიკრა.

კითხვა-პასუხი... კითხვა-პასუხი...

ლამის ორ საათამდე ვიქაქანე.

დალილმა დავიძინე. ცუდად მეძინა. საერთოდ, ახალ გარემოში პირველ ღამეს ვერ ვიძინებ.

7/VIII 89

სანატორიუმის კლუბში შეხვედრა მომიწყვეს.

კულტმუშაკმა (მერაბი) შეხვედრის გახსნისას გამოაცხადა; ორი დღეა რევზ მიშველაძეს მოსვენებას არ აძლევთ შეკითხვებით, თქვენი თხოვნით გადავწყვიტეთ, შეხვედრა მოვუწყოთ და რაც შეკითხვები გაქვთ, ახლა მიეცით, რომ მერე მაინც დავასვენოთო.

არ გამოვიდა ურიგო შეხვედრა.

ყოველ ჩემს პასუხს დარბაზი ტაშის გრიალით ხვდებოდა.

სალამოს „მოამბეში“ გვაცნობა, რომ 9 აპრილის „გმირი“, სისხლიანი როდიონოვი, მოსკოვმა სხვა სამსახურში გადაიყვანა. ამიერკავკასიის ჯარების სარდლად სხვა რუსი დაინიშნა.

როდიონოვი მოსკოვის სამხედრო უნივერსიტეტის პრორექტორია.

8/VIII 89

უწერაში ვარ.

საინტერესო არაფერი მომხდარა.

9/VIII 89

„მოამბემ“ გამოაცხადა, რომ მარნეულის გაერთიანებული რაიკომის მდივნად არჩეულია რ. მემარნიშვილი.

ბარაქალა, გუმბარძიძე, ძლივს მარნეულში ქართველი რაიკომის მდივანი დაბრუნდა.

გუმბარძიძე დადის თბილისის ფაბრიკა-ქარხნებში და სთხოვს მუშებს, არ გაიფიცონ.

აფხაზეთიდან ჯერჯერობით არაფერი ისმის. ამ დღით უწერაში ხმა

გავრცელდა, ოზგანი დაიჭირესო.

ორიოდე საათის შემდეგ გაირკვა, რომ ჭორია.

10/VIII 89

მთელი დღე ვწერდი სტატიას „რა გვჭირს, რა გვიშველის“.

თოთხმეტგვერდიანი სტატია ერთ დღეში, სულ რაღაც სამ საათში დავწერე.

თითქოს მკარნახობდა ვიღაც. სიტყვები თავისთავად მომდიოდა. პირდაპირ ყურში ჩამესმოდა. მე მხოლოდ ვწერდი.

11/VIII 89

მშვენიერმა გოგონამ, ეკა ხერხეულიძემ შოვში მომძებნა, მომიტანა წმინდა ილია მართლის საზოგადოების ორგანო – ჟურნალი „საქართველო“, №2.

მშვენიერი პოლიტიკური ჟურნალია.

აშუქებს მარტო საქართველოს კი არა, საკავშირო გამათავისუფლებელ მოძრაობასაც.

კარგი წერილებია კოსტავასა და ჭანტურიასი.

განსაკუთრებით ცუდ დღეშია ლენინი. დაბეჭდილია ლენინის რეზოლუციები და წერილები. შეუბრალებელ, მკაცრ, არადემოკრატ, ვერაგ კაცად ჩანს „პროლეტარიატის ბელადი“.

ყოჩაღ, ახალგაზრდებო!

12/VIII 89

დღესაც მენვია ეკა ხერხეულიძე.

დიდხანს ვისაუბრეთ.

რა მშვენიერი აზრები აქვს. ეროვნულ მოძრაობას დღეს ბევრი საქმოსანი ეტმასნებაო.

განათლებული და, რაც მთავარია, მტკიცე რწმენის ქალი ჩანს.

13/VIII 89

ონი მოვიარეთ.

უძველესი პატარა ქალაქი.

ორიათასხუთასი წლის წინათ მოსულან აქ ებრაელები.

ჩვენ ხომ მეტად ბუნდოვნად ვიცით ჩვენი ისტორია. ყოველ შემთხვევაში, ორიათასი წლის წინა ისტორია.

რა კარგი იქნებოდა, ებრაელებს მაინც შეექმნათ თავიანთი მოსვლის შემდეგ დღიურები; რას წარმოადგენდა ონი და, საერთოდ, საქართველო.

ონის სახალხო თეატრი – თავდადებული გიგა ჯაფარიძე.

ვესაუბრე კოოპერატივ „რაჭის“ თავმჯდომარეს.

ჩამოვედიო თბილისიდან. შევქმენი ფერმა, ტკბილეულის საცხობი, კაფე. აღმასკომი, რომელსაც ქრთამს არ ვაძლევ, ყველანაირად ხელს მიშლისო.

დევი კაჭარავა ღვინოს ვერ მოვწყვიტე.

მე წვეთი არ დამილევია.

14/VIII 89

გურამ მეტრეველმა მომაკითხა და მდინარის პირას, ბალახზე სუფრა

გავშალეთ.

ხუთნი ვუსხედით.

ვისაუბრეთ გემრიელად. გემრიელი საუბარი ჰქვია, როცა არსად გეჩქარება და ყველაფერს იტყვი, რაც ქვეყანაზე იცი. რომ იტყვიან, გულს მოიოხებ.

მაქეს, მადიდეს, როგორც ქართულ სუფრას ჩვევია.

ბოლოს უეცრად სევდამ შემიპყრო და კრიჭა შემეკრა. ვიფიქრე, ჩვენ აქ ერთმანეთს ვადღეგრძელებთ, საქართველო კი ჩვენს თვალწინ ილუპება-მეთქი.

გული კინალამ გამიხეთქა უმწეობის შეგრძნებამ.

რას ვუკეთებ მე, პირადად საქართველოს? დასჭირდება ვინმეს ჩემი ნაწვლაბნი?

შუალამისას გამეღვიძა.

საშინელი დელგმა-წვიმაა. რიონის ღრიალი აყრუებს გარემოს.

ჩაქრა სინათლე. ალბათ, მესი დაეცა ელექტრობოდს.

დილამდე აივანზე ვიჯექი.

გულს მაზიდვინებს.

არ მინდა, ჩემები გავაღვიძო.

#### 15/VIII 89

დილით ხუთიოდე კაცი რიონისპირს ჩაყვევით.

საშინელ სტიქიას დაუნგრევია წუხელის გზები, დაუტბორია სახლები, მოუტაცნია საქონელი.

ნალექილია მდინარის პირას სახერხი და წყლის ჩამოსასხმელი ქარხნები.

მივეშველეთ მე და ჩემი შვილი, აჩიკო, ატირებულ გლვებს, რაც შეგვეძლო. გაჭირვებულის შველა ხომ აჩიკოს სტიქიაა.

არც ერთი ბულდოზერი არ ჩანს.

უპატრონო ქვეყანაა.

დასწერენ ხვალ გაზეთში: ოპერატიული შტაბი შეიქმნაო.

#### 16/VIII 89

უნერა წყალდიდობამ ლამის მოწყვიტა ცივილიზებულ სამყაროს.

მეორე დღეა სანატორიუმში არ არის წყალი, სინათლე...

ონამდე გზა დაკეტილია.

შოვიდან ვერტმფრენებით გაჰყავთ დამსვენებლები.

შემხვდა ვილაც კაცი, რომელმაც მაცნობა, რომ ინგლისელმა პრავაკატორმა ჰიუიტმა (აფხაზთა ქომაგობა რომ უღირსად იკისრა) ტელევიზორში გაგლანძლო...

ასეა, ჩვენ ქომაგ-პატრონი არავინა გყავს.

უნერაში უწყალოდ და უსინათლოდ გაჩერება შეუძლებელია.

თუ ასე გაგრძელდა, ხვალვე უნდა ავიბარგო.

ნეტა, რა ხდება თბილისში?

15-ში დაუმორჩილებლობის კვრეული უნდა გამოეცხადებინათ. მოაბეს თავი?

გულს მიღრღნის უმწეობის გრძნობა.

### 17/VIII 89

ამბროლაურ-ტყიბულის გზით ჩამოვბრუნდით მე და აჩიკო.  
მანქანა აჩიკოს მიჰყავს.

მიხარია, ვაჟკაცი მომესწრო.

სად მივდივარ? რა მინდა?

მინდა, აჭარაში გავიარო. იქაურთა განწყობილება გავიგო, დავწერო რამე.

ბარაკონის ეკლესიაში და ნიკორწმინდაში შევჩერდით.

კისერი მომელრიცხა, თვალები უკან მრჩება.

„რა ხელმა ააგო“...

წვიმს მთელს დასავლეთ საქართველოში.

წვიმს ჩემს გულშიც.

სალამოს ქობულეთში, „საქართველოში“, დავბინავდით.

აქედან ვივლი აჭარის „დასალაშქრავად“.

აჭარა ჩემი საყვარელი კუთხეა.

### 18/VIII 89

თავი დამძიმებული მაქვს.

ზღვაში არ ჩაისვლება. ზღვა ამღვრეულია და ბობოქრობს.

მე და ფანჯიკიძე ვსაუბრობთ.

ფანჯიკიძეს და მე ბევრი საერთო გვაქვს. ორივეს მეზობლი, შეუპოვარი ხასიათი გვაქვს.

საერთოდ კარგი, ქვეყნისთვის საჭირო კაცია.

### 19/VIII 89

შემოვიარე ქობულეთი.

შევხვდი და ვესაუბრე უბრალო ადამიანებს.

ყველანი აღშფოთებას გამოთქვამენ საქართველოს ხელისუფლების უმოქმედობის გამო აფსუათა წინააღმდეგ.

გულამღვრეული დავბრუნდი.

საითაც გაიხედავ, სრული იგნორირება ჩვენი ეროვნული სატკივარისა.

მომსახურების სფერო რუსულად, წარწერები რუსული, კატერებიც კი რუსულ ენაზე გთავაზობენ გასეირნებას.

საქართველოში „საკურორტო ენა“ რატომღაც რუსულია, აფხაზეთშიც და აქაც.

### 20/VIII 89

ჩემი ჩამოსვლის წინა დღეს აქ თბილისელი ბიჭი (17 წლის) მოუკლავს დანით თანატოლ თბილისელ ბიჭს.

ღმერთო, რა უბედურებაა.

ვერც ამ ეროვნულმა ბრძოლამ გაგვაერთიანა?

არ არის დრო, ქართველებმა ერთმანეთის კბენას თავი ვანებოთ და იარაღი ჩვენი ეროვნული მტრების წინააღმდეგ მივმართოთ?

დღეს შევხვდი და ვესაუბრე ჟიული შარტავას.

დიდი განათლების დონით არ ბრწყინავს, მაგრამ, ეტყობა, მტკიცე ხასიათის ბიჭია.

რასაც ამბობს, გულდაჯერებულად ამბობს.

მოსკოვში მუშაობს ახლა პარტიული კომისიის აპარატში.  
ჩემს კითხვებზე ფრთხილი, ბუნდოვანი, ორაზროვანი პასუხი მომცა,  
თუმცა ჩანს, გულმხურვალე პატრიოტია. ნოსტალგია მკლავსო, მითხრა.

21/VIII 89

ქალბატონმა ანიკო ვაჩნაძემ, ლადო ასათიანის მეუღლემ მათხოვა ლადოს სალაღობო, ფუნაგორების რეეული.

გვიან ლამემდე ვკითხულობდი. რა მაღალი იუმორი აქვს, რა „დაუნდობი“ სიცილი სცოდნია ლადოს – ჩემს ნათლიას.

ამოვნერე რამდენიმე ფუნაგორია. უსათუოდ „კრიტიკაში“ უნდა გამოვაქვეყნო. ახლა შეიძლება ზოგი მათგანის დაბეჭდვა. ადრესატების უმრავლესობა აღარ არის ცოცხალთა შორის.

ვესაუბრე სტალინის შვილიშვილს, ევგენი ჯუღაშვილს. იგი იაკობის ბიჭია. მუშაობს მოსკოვში, ფრუნზეს სახელობის სამხედრო აკადემიაში. ორი ბიჭი ჰყავს. ცოლი ნოზაძეა.

არ ვიცი, სტალინობა ძნელი იყო თუ არა, მაგრამ სტალინის შვილიშვილობა ძალიან ძნელიაო. ჯერ ერთი, უამრავი თვითმარქვია სტალინის შვილიშვილია დღეს მსოფლიოში, მეორეც, ზოგი ისე მეკამათება, თითქოს სტალინი იყოს ჩემი შვილიშვილიო.

მადლობა მითხრა „კრიტიკაში“ სტალინზე დადებითი აზრების გამოთქმისათვის. მეო, ამ ბოლო დროს, ძალიან მჩაგრავენო. ჩემი შვილი უნივერსიტეტში არ მიიღესო. ორივეს ვასწავლე ქართული და მინდა ქართველობა არ დაჰკარგონო.

სვეტლანა ლონდონში ცხოვრობსო. ამბობს, რომ ველურებში (საქართველოში) ვერ გაძძელიო. ევგენისთვის არ მითქვამს, რომ თბილისში სვეტლანა ალილუევას შევხვდი და დიდხანს ვისაუბრეთ. იგი ფაქტიურად გადმოსასხლა მოსკოვმა.

აფსუს, რუსთაველის ქვეყანავ?!  
აფსუს, რუსთაველის ქვეყანავ?!

22/VIII 89

დავამთავრე ნოველა ლადო ასათიანზე და ანიკო ვაჩნაძეზე.

„ცხოვრება“ დავარქვი.

ვწერ იმის შესახებ, თუ როგორ შეხვდნენ ერთმანეთს. რა გადახდათ. როგორ მოაწერეს ხელი. როგორ გარდაიცვალა ლადო.

ლამის დოკუმენტური ნოველაა.

ნამუადღევს ბათუმში გავემგზავრე.

ერთ დროს კოპნია ბათუმი, ახლა მიტოვებულის, მოუვლელის შთაბეჭდილებას სტოვებს.

ჭუჭყიანი ზღვა. ჭუჭყიანი ქუჩები.

სალამოს ვესაუბრე მსახიობ ავთო მახარაძეს. ყველაფერი ვუთხარი, რასაც ვფიქრობდი რუსთაველის თეატრზე და რობიკო სტურუაზე.

დღეს თეატრი ეროვნული უნდა იყოს-მეთქი. ქართულ საქმეებს უნდა აკეთებდეს-მეთქი. არ შეიძლება, რუსთაველის თეატრის სცენაზე ქართველი კაცი არ იდგეს თავისი ტკივილებით და ფიქრებით-მეთქი.

სანამდე გინდათ, საგასტროლო რეპერტუარზე აგოთ-მეთქი თქვენი

შემოქმედება.

ყველაფერში დამეთანხმა. რა ვიცი, ზრდილობის გულისთვის, თუ თვი-  
თონაც ასე ფიქრობს.

23/VIII 89

ქუთაისიდან ფანჯიკიძეს ამოაკითხეს თეიმურაზ ლანჩავამ (ქუთაისის  
მწერალთა კავშირის ახლადარჩეული თავმჯდომარე), დავით მანდარიამ (სტ-  
ამბის დირექტორი) და ბეჟან ნამიჭეიშვილმა (გაზეთ „ქუთაისის“ რედაქტო-  
რის მოადგილე) კარგი ქუთაისური პურმარილით.

ჩემს ქუთაისელებში ყოფნა განსაკუთრებულ სიხარულს მანიჭებს.

ფანჯიკიძე თბილისში იყო წასული და გვიან ჩამოვიდა.

ლანჩავას კარგი გეგმები აქვს. აპირებს, დააარსოს ლიტერატურული  
გაზეთი „ლიტერატურული ქუთაისი“, რომელიც ჯერჯერობით თვეში ერთხ-  
ელ გამოვა.

მთხოვა, პირველი ნომრისთვის რამე მომეცით. მივეცი ახლდამთავრე-  
ბული „ცხოვრება“. დამუშავება ვერც კი მოვასწარი, მაგრამ, მე მგონი, ცუდი  
არ უნდა იყოს.

საერთოდ, თ. ლანჩავა ნიჭიერი მწერალი და გულისხმიერი კაცია.

ნალენივზე ზღვის პირას დიდხანს ვისეირნეთ.

ზოგჯერ ღვინო აუცილებელია, დარდს აქარევს.

24/VIII 89

სანატორიუმ „საქართველოს“ დირექტორმა, შეხვედრა გვინდა მოგი-  
ნყოთ დამსვენებელთა სურვილითო. მაგრამ უარი ვუთხარი.

არ მაქვს შეხვედრის განწყობილება, თანაც თავის გამოჩენასავით, ჩანყ-  
ობილივით გამოდის.

სად იყო, სად არა, ჩემმა ძმაცაცმა სოსო ბუხაიძემ მომაკითხა.

დიდხანს ვისეირნეთ ზღვის ნაპირას მე, აჩიკომ და სოსომ.

სოსო დიდი განათლების პატრონია, მაგრამ უსისტემო განათლება აქვს,  
ყველაფერს ერთად ედება. შესახედავად ეზოპეს ამგვანებენ.

25/VIII 89

შევხვდი აჭარის საოლქო კომიტეტის პირველ მდივანს გურამ ემირიძეს.

ვისაუბრეთ აჭარელთა ახალქალაქ-ბოგდანოვკის რაიონში დაბინავების  
პრობლემებზე. თქვა, რომ ყველაფერს აკეთებს, რათა ლტოლვილთა სახლე-  
ბი დროზე ამენდეს.

ახალქალაქელი და ბოგდანოვკელი სომხები ხელს გვიშლიანო.

ხომ ხედავთ, სომხებს უნდა ვკითხოთ, ჩავსასხლოთ თუ არა ქართველე-  
ბი საქართველოშიო.

მერე დაწვრილებით მიაშო ტრაგედიის ამბები მიმდინარე წლის აპრილში.  
ვთხოვე, ის დამეწყრილი ადგილები დამათვალეიერებინეთ-მეთქი. დახ-  
მარება აღმითქვა.

სალამოს ვახშამი გაგვიმართა. ვახშამზე იყვნენ ლევან საყვარელიძე (ყო-  
ფილი ჯანმრთელობის მინისტრი), თემურ ჭანიშვილი (აკადემიკოსი), ომარ  
გრიგალაშვილი (პროფკავშირული მუშაკი), ზურაბ დუმბაძე (ექიმი) და დათო  
ციციშვილი (კულტურის ფონდი).

ემირიძემ გვიამბო, როგორ მოხდა ბათუმში ტაძრის კურთხევა და როგორ მოინათლა ერთბაშად 500 მაჰმადიანი ქართველი ქრისტიანად. ეს აუცილებლად უნდა დავწერო.

#### 26/VIII 89

სანდრო მამასახლისი და მე დამსვენებელთა საკმაოდ დიდი გარემოცვის თანდასწრებით შევასკდით ერთმანეთს კამათში.

მე ვამბობ, რუსეთს ჯერ ნუ ვებრძვით, მთავარია, ცოტა მოვძლიერდეთ დემოგრაფიულად და ეკონომიურად. მთავარია, იმპერიის ნანგრევებში არ მოვყვეთ. დრო უნდა ვიხელთოთ.

სანდრო ამბობს: ჩვენ ზედმეტად ინტერნაციონალისტები ვართ, ჩვენი მთავარი ამოცანაა, რუსეთს ახლავე გამოვეყოთ.

ღმერთმა განსაჯოს, ვინაა მართალი.

#### 27/VIII 89

შევხვდი საქ. სსრ შინაგან საქმეთა მინისტრს შოთა გორგოძეს.

არ ვაპირებდი იმ ინციდენტის მერე მასთან საუბარს, მაგრამ თვითონ გამომელაპარაკა.

ზრდილი, პენიანი იმერელია.

შევრიგდეთო, მე და იმ პოლკოვნიკმა მაშინ რომ განწყენინეთ, ფსიხოზის მდგომარეობაში ვიყავით ცხრა აპრილის შემდეგ და გვეპატიებაო.

დიდხანს ვისაუბრეთ.

რატომ აქამდე არ არიან დაჭერილი დამნაშავეები და მათ შორის ოზგანი-მეთქი.

14 აფსუა-მკვლელი დაპატიმრებულია, ოზგანი მოხსნილია და მალე დავაპატიმრებთო.

#### 28/VIII 89

სამწუხარო ამბავი შევიტყვე; ფანჯიკიძისთვის ხმა არ მიუციათ, დეპუტატად რომ გასულიყო. აურჩევიათ ნ. ნათაძე.

ეს ჩვენი, საერთოდ, მწერლობის დამარცხებაა. ჩვენ არ მოგვცეს ხმა.

მერე და რატომ? განა ფანჯიკიძემ ერთ-ერთმა პირველმა არ დარეკა ზარები საქართველოს გასაღვიძებლად?

დიდ პატივს ვცემ ნათაძეს, მაგრამ ნათაძეს თავისი ადგილი ექნებოდა პარლამენტში და ფანჯიკიძეს – თავისი. ორივე უნდა აერჩიათ.

„პრავდაში“ ბალტიისპირეთია სასტიკად გაკრიტიკებული.

ეს ცუდი ნიშანია. იმპერია შეტევაზე გადმოდის.

ხვალ თბილისში უნდა წავიდე.

#### 29/VIII 89

აჭარაში მოგზაურობა დავამთავრე და თბილისისაკენ გამოვემგზავრე. რა გავაკეთე?

ვილაც-ვილაცეები გამოვალვიძე, ვილაც-ვილაცეებს შემოვუძახე. რაც მთავარია, დავრწმუნდი, რომ აჭარა სწორ გზას ადგას. მიხარია.

გზად ქუთაისში გამოვიარე.

ჩემს ქუთაისში.

ვნახე თემურ ლანჩავა, დავით კვიციანიძე, ზურაბ კუხიანიძე...

დიდხანს ვისაუბრეთ ჩვენს საერთო სატიკივარზე.



მივესალმები გაზეთ „ლიტ. ქუთაისის“ გამოცემას.

გზად დ. კვიცარიძემ და თ. ლანჩავამ გამომაცილეს და დიდი პატივი მცეს.

30/VIII 89

როგორც მოველოდი, წამოვსულვარ თუ არა თბილისიდან, ჩემი რედაქციის თანამშრომელთაც გამოუკეტავთ კარები და გაკრეფილან.

მე-4 ნომერი უკვე ოცი დღის დაბეჭდილი უნდა ყოფილიყო, მაგრამ მორიგეებს ყველაფერი გაუკეთებიათ, რომ ჟურნალი არ გამოსულიყო.

გადაყოლილი ვარ რედაქციის მუშაკებზე, მაგრამ საქმე საქმეზე რომ მიდგეს, ყველა „ბრუტუსი“ აღმოჩნდება.

31/VIII 89

უნივერსიტეტის რამდენიმე პროფესორი შევხვდით ორჯონიკიძის რაიონის აღმასკომის თავმჯდომარეს – გივი კეკელიძეს.

სახლი, სადაც ვცხოვრობ, ერთი უეზოვო, მიგდებული, მიტოვებული სახლია. ჩვენ ვცხოვრობთ იქ, უნივერსიტეტის თანამშრომლები, უფულო და უპატრონო ხალხი.

ჩვენს გვერდით №9-ში მცხოვრებლებმა სახლს უზარმაზარი ლოჯიები მოამეწეს.

ჩვენც მოვინდომეთ ლოჯიების კი არა, უბრალო აივნების მოშენება საღამოობით სულის მოსათქმელად.

გივი კეკელიძემ, რასაკვირველია, უარი გვითხრა.

ვეძებო სამართალი? სად? ვისთან? ჩვენ ხომ უპატრონო და დაუცველი მოქალაქეები ვართ.

1/IX 89

მომიტანეს „კრიტიკის“ მე-4 ნომრის სასიგნალო.

მე რომ არ ჩამომესწრო, დღემდე დაბეჭდილი არ იქნებოდა.

კორექტურა ბევრია, მაგრამ ურიგო ნომერი არ არის.

მიშა ქვლივიძეს ვესაუბრე დიდხანს.

წამდვილი პოეტი და გულუბრყვილო კაცია.

ნოველა „დიდი ნითელი ბუშტი“ რომ მივუძღვენი, ძალზე გაეხარდა.

2/IX 89

შაბათია. აგარაკზე ვარ. ახალი ნოველების წიგნს ვამზადებ დასაბეჭდად. „განაჩენი“ უნდა დავარქვა. იგი, მართლაც, განაჩენი იქნება, ჩემი ფიქრით.

3/IX 89

მთელი დღე კვლავ წიგნზე ვმუშაობ.

ხვალ რუსთაველის საზოგადოების ყრილობაა. მიწვეული ვარ.

4/IX 89

გაიხსნა რუსთაველის საზოგადოების ყრილობა. პირველი სიტყვა თქვა აკაკი ბაქრაძემ.

დაიწყო წესდების დამტკიცების შესახებ მსჯელობა.

გამოვიდნენ ზვიად გამსახურდია, მარიკა ლორთქიფანიძე, რევაზ თაბუკაშვილი, ჯანო ჯანელიძე...

მეც გამოვედი: ყოველი მსგავსი საზოგადოების წესდება იმ პირის პატი-

ვისცემისთვისაცაა შექმნილი, ვის სახელსაც ატარებს-მეთქი.

თქვენ კი რუსთაველი დაგვიწყებიათ-მეთქი.

მართლაც, მთელს წესდებაში რუსთაველზე არაფერია ნათქვამი.

5/IX 89

რუსთაველის საზოგადოების ყრილობა უფრო გამძაფრდა.

წესდების დამტკიცების შემდეგ სხვადასხვა საკითხზე გაიმართა ბჭობა.

დღეს გამოვიდნენ – მარიკა ლორთქიფანიძე, ჩეჩენი – რომელმაც ქართველებისადმი დიდი სიყვარულით ილაპარაკა და დაგმო აფსუები. ე. ჯაველიძე, ითონიშვილი, ლიპარტელიანი (მინათდატაცებანზე), ზვიად გამსახ-ურდია, ჯანსუღ ჩარკვიანი, რეზო ჩხეიძე, აფხაზეთიდან ქართული სკოლის დირექტორი.

ცხარე, ეროვნული ლაპარაკია, მაგრამ მხოლოდ ლაპარაკი.

ვნახოთ, რა რეზოლუციას მიიღებს ყრილობა.

ესაა მთავარი.

6/IX 89

ყრილობა დღესაც გაგრძელდა.

აკაკი ბაქრაძემ თანათავმჯდომარედ თამაზ კვაჭანტირაძე დაასახელა.

დღეს კარგად გამოვიდნენ თედო ნინიძე, ინგუშეთის წარმომადგენლები, ზვიად გამსახურდია...

ოთხ საათზე მოულოდნელად მიხმეს ცეკაში.

დიდი იმედით წავედი. იქნებ დამადგა საშველი და „კრიტიკის“ რედაქტორობიდან მათავისუფლებენ-მეთქი, რაც ადრე არაერთგზის ვითხოვე.

გუმბარაძის მოსაცდელში ოცდაათამდე ცნობილი მწერალი, ხელოვანი და მეცნიერი იცდიდა.

როგორც გაირკვა, შევარდნაძეს უნდა შევხვედროდით.

ილაპარაკა იმპერიის მინისტრმა. ისე, როგორც ველოდით, თან გვაგრძნობინა, რომ საქართველო უყვარს, თან დაგვარწმუნა, რომ უბედური საქართველოსთვის ვერაფერ სასიკეთოს ვერ გააკეთებს.

საკმაოდ მკაცრად გავაკრიტიკეთ პოლიტიბიუროს ხაზი ჭაბუა ამირე-ჯიბმა, ნოდარ ნათაძემ, ელდარ შენეგლაიამ, თამაზ შავგულიძემ, რეზო ჩხეიძემ, ჯანსუღმა, ლანა ლოლობერიძემ, მე...

პირდაპირ დავუსვი საკითხები, რატომ არ აუქმებთ არაკონსტიტუციურ ავტონომიებს, რატომ არ გინდათ აღიაროთ საქართველოს ანექსია, თქვენ ახლა თქვენი სამშობლოსთვის ბევრი რამის გაკეთება შეგიძლიათ, იქნებ დაგვეხმაროთ-მეთქი.

მაინც, უპირველესად რაში გსურთ დახმარებაო, მკითხა თავაზიანად.

იქნებ მიაღწიოთ ავტონომიების გაუქმებას, რადგანაც დამოუკიდებლობის მიღების დროს ეს ავტონომიები ბომბებად იქცევიან-მეთქი.

გაიღიმა. რუსეთმა საქართველოს რესპუბლიკა რომ გააუქმოს, რას იტყვითო.

ეს უსამართლობა იქნება და მთელი საქართველო აჯანყდება-მეთქი.

ჰოდა, ასე უყვართ აფხაზებს და ოსებს (აჭარაზე არაფერი თქვა) თავიანთი ავტონომიაო. საერთოდ, დამოუკიდებლობა რომ გინდათ, იფიქრეთ იმაზეც, შეუძლია თუ არა საქართველოს დამოუკიდებლად არსებობაო.

იციტ თუ არა თქვენ, რომ ამჟამად, რუსის პურს და კარაქს ჭამთო.

7/IX 89

უნივერსიტეტში კათედრის სხდომა ჩავატარე.

ვრცელი სიტყვა ვთქვი. აღარ შეიძლება-მეთქი ლექციების ძველებურად კითხვა. ამოვიღოთ-მეთქი პროგრამიდან ძველი თემები „საბჭოთა ლიტერატურისა“ და „კომუნისტის სახის შესახებ ლიტერატურაში“. უნდა ვიკითხოთ იმგვარი ლექციები, როგორც ეკადრება-მეთქი თანამედროვე საქართველოს მოძრაობას.

რაც შეიძლება დიდი სევდით ვილაპარაკოთ-მეთქი 1921 წლის 25 თებერვალზე.

მერე კათედრას გავაცანი შევარდნაძესთან შეხვედრის შედარებით სრული (რაც დამამახსოვრდა) ინფორმაცია.

8/IX 89

„ლიტ. საქართველოში“ დაიბეჭდა ჩემი ნოველა „მესაყვირე“.

დილიდანვე რეკვით ამიკლეს. ყველა მიხვდა, რომ კრება, რომელზეც ნოველაშია ლაპარაკი, არის გორბაჩოვის მიერ ჩატარებული საბჭოების დელეგატთა პირველი ყრილობა.

მკითხველს რას გამოაპარებ.

მართლაც, გულით დავცინე იმ მოჩვენებით დემოკრატიას, ჩვენში რომ სუფევს.

9/IX 89

კივიდან რაულ ჩილაჩავა მესტუმრა მეუღლითურთ.

დიდხანს ვისაუბრეთ.

უნდა თბილისში დაბრუნება, მაგრამ საქართველოს ხელისუფლება არც ბინას აძლევს, არც სამსახურს.

10/IX 89

კვირაა.

მთელი დღეა ვმუშაობ „კრიტიკის“ პირველი ნომრის (1990) მონინავეზე. მინდა გავანალიზო 1989 და ვუთხრა ქართველს, რა გვასწავლა ამ წელმა საგულისხმო და გასათვალისწინებელი.

11/IX 89

ამ დილით ტელევიზიამ მოსკოვიდან გადაცემაში („120 წუთი“) განაცხადა, ახალი წლიდან ფასებს მოვუმატებთ სურსათს და მრეწველობის ზოგიერთ ნაწარმსო.

უჭირს, უჭირს სოციალიზმს.

წუთუ არ დადგა დრო, ერთხელ და სამუდამოდ უარი ვთქვათ მარქსიზმ-ლენინიზმზე?

12/IX 89

დღესაც ბევრმა დამირეკა „მესაყვირის“ გამო.

დილით ვახტანგ გოგუაძემ და ლევან ალექსიძემ (თსუ პრორექტორებმა) კათედრის გამგეების თათბირი ჩაატარეს.

სტუდენტები გაუგულგრილდნენ უნივერსიტეტსო.

ნეტა რა მიზეზითო?

გამოვედი და ჩამოვთვალე მიზეზები.  
წვერები მოეზარდა ძალიან სწავლების ჩვენიულ სისტემას, ლექციების ფორმას და იმას, რასაც ვასწავლით – კომუნისტურ მეცნიერებას-მეთქი.  
შეიმშუშნენ.

### 13/IX 89

ტელევიზიით „მოამბეში“ გამოვედი და ვთქვი, რომ გამოქვეყნებული კომუნისტური პარტიის პლათფორმა სამარცხვინოა. რომ იგი მხოლოდ იმპერიის, გარუსების ნისქვილზე ასხამს წყალს.

ვთქვი, რომ მივიღეთ ქართული ენის სახელმწიფოებრიობის პროგრამა, მაგრამ რაკი ჩვენ დიდოსტატები ვართ ჩვენივე კანონების არმესრულებისა, არც ამ პროგრამას ვასრულებთ.

კვლავ რუსული წარწერები, კვლავ არაქართული საქმის წარმოება.

ქართველები არ ვთვლით თავს საერთო ეროვნული ლაშქრის წვერებად. ეროვნული ბრძოლა ვინმეს პრიორიტეტი სრულიადაც არ არის, მთელი ერის საქმეა-მეთქი.

სხვაც ბევრი რამ ვთქვი, მაგრამ ნაუშლიათ.

### 14/IX 89

კოტე მახარაძემ მითხრა; ახლა, ოქტომბერში უნდა ვითამაშო შენი პიესა და, თუ კაცი ხარ, ერთხელ კიდევ გადახედე, ამ სამ თვეში ხომ არაფერი მოძველდაო.

წამოვიღე „გადასახედა“.

თეატრის ხალხზე სამუდამოდ გამიტყდა გული.

არასერიოზული, უპირო, ცანცარა ხალხია.

კიდევ იმიტომაც წინ ჩვენი თეატრის საქმე.

### 15/IX 89

როსტოვიდან ჩამოვიდა ლიტერატორი ბიბიკ ლ. თქვენი ყველა ნოველა მაქვს წაკითხული რუსულადო. ახლა რუსეთს თქვენზე დიდი მწერალი არა ჰყავსო.

გამეცინა. რა შუაშია რუსეთი-მეთქი. გაასწორა – საბჭოთა კავშირსო. ან საბჭოთა კავშირი რა შუაშია, მე ქართველი მწერალი ვარ-მეთქი.

ისე გამაბრაზა მისმა შესავალმა სიტყვამ, კინაღამ დამავინყდა მასპინძლის მოვალეობა, მაგრამ მერე დავცხრი, როცა გამიმხილა, იქნებ ჩემი ლექსები ქართულად ვინმეს ათარგმნინოთო, ქათინაური რუსებმაც ისწავლეს.

დიდხანს ვისაუბრეთ.

ჩვენც იგივე გასაჭირი გვადგას, რაც თქვენაო.

თქვენ სსრკ-დან გასვლა გინდათ. რუსეთს კი – სოციალიზმიდანო.

ვერ წარმოიდგენთ, როგორ ჭირსო როსტოვში ცხოვრება.

თქვენთან კონსერვები მაინც იშოვებაო.

### 16/IX 89

დღეს შაბათია.

კოტესთვის ორშაბათს მისატან პიესას ვუკირკიტებ.

რალაც ახალი აზრები გამიჩნდა.

სპექტაკლი მინდა იყოს და არა ქადაგება-მონოლოგი.

17/IX 89

გაზეთ „კომუნისტში“ გამოქვეყნდა „საქართველოს ეროვნული განვითარების კონცეფცია“.

თუ ეს გულწრფელად მთავრობის აზრია და არ არის „სატყუარა“ ხალხის აზმონების მისაძინებლად, მშვენიერი საქმეა.

ეჭვის თვალთ შვეცქერი კომუნისტების ზრუნვას ქვეყნისთვის და ერებისთვის.

არ მჯერა!

18/IX 89

გიგა ლორთქიფანიძეს 9 აპრილზე პიესა მივუტანე. ჩანს ასე მოენონა, რადგანაც რებუსური აზრი შემომთავაზა, სურვილი მაქვს ოდესმე შენი სცენარის მიხედვით გადავიღო მხატვრულ-დოკუმენტური ფილმი 9 აპრილზეო.

უარი არ მითქვამს. თუმცა დარწმუნებული ვარ, უსახსრობის გამო ეს სურვილი ჩქარა გაუნელდება.

„კრიტიკის“ გამოსვლა გვიანდება.

არ შეიძლება ჩემი რედაქტორობა, სიმკაცრეს ვერ ვიჩენ.

19/IX 89

თათია ხაინდრავა მესტუმრა რედაქციაში და თავისი აღსარება გამანდო. 60 წლის ისე მოვიყარე, რომ თეატრში არ შემიშვეს, როლი არ მღირსებიაო. ჩემსავით მსახიობთა მთელი თაობა „მოკლეს“, გაზრდის საშუალება არ მისცეს თეატრალურმა მაფიებმაო.

როგორ დაუტანჯავთ ეს ნიჭიერი ქალი.

დავწერე ყველაფერი, რაც თქვი და დავბეჭდავ-მეთქი.

მართლაც, უნდა ითქვას ამაზე, რომ სხვებს არ არგუნონ მკაცრი ბედი. „მიეცით ნიჭსა გზა ფართო“...

20/IX 89

მედია კახიძე, ლევან სანიკიძე და მე ვიყავით დუშეთში.

შეხვედრა გვქონდა.

კარგად ჩატარდა.

ვთქვი, მოსკოვიდან სიკეთეს ნუ ველოდებით, ჩვენვე უნდა მოვიპოვოთ თავისუფლება, უნდა წავართვათ (ან მოვპაროთ) რუსეთს თავისუფლება, ნელ-ნელა უნდა გამოვაცალოთ მძინარეს სასთუმალი და არა დაფ-ღრიალით გავაღვიძოთ-მეთქი კენტავრი.

21/IX 89

მოსკოვში ჩატარდა ცეკას პლენუმი.

გორბაჩოვი თითის ქნევით დაემუქრა მთელს ეროვნულ მოძრაობას.

სსრკ-დან გამოყოფაზე არც იფიქროთ, თორემ გიჩვენებთ სეირსო.

მის მოხსენებაში და შემდეგ რეზოლუციაში არც ერთი საკითხი არ გადანყდა ხალხის, განსაკუთრებით, მცირე ერების, სასარგებლოდ.

ყველაფერი ძველებურად დარჩა.

გააფეტიმა რუსი. მისცა დიდმპყრობლის უფლებები.

მობრუნდა „უფროსი ძმის“ ინსტიტუტი.

უნივერსიტეტში დღეს კათედრის სხდომა ჩავატარე და ვთქვი საჯაროდ: ახლა დაიწყება ეროვნული მოძრაობის დევენის პერიოდი. იქნებ რეპრესიებიც მოჰყვეს. არ შეგვეშინდეს. უმნიფარ პოლიტიკანებს ჩვენ უნდა გამოვართვათ დრომა და წარვუძღვეთ ჩვენს ტანჯულ ხალხს-მეთქი.

22/IX 89

მწერალთა კაშირში შევიტყვე, რომ იტალიაში დარჩა და ამერიკის საელჩოს მოქალაქეობა სთხოვა ვლადიმერ ალფენიძემ.

ვალოდიაზე ცუდს ვერაფერს ვიტყვი, უნიჭო კაციც არ იყო, მაგრამ ეს რამ მოაფიქრებინა, როგორ შეიძლება, რა უნდა გაგიჭირდეს, რომ სხვაგან იცხოვრო. გაიქცე.

თუმცა... სხვა სხვის ომში ხომ ყოველთვის ბრძენია.

23/IX 89

მოვუსმინე „განთავისუფლებას“.

მგონი, ნუგზარ შარია ლაპარაკობდა.

ალფენიძე არ უხსენებიათ; სამაგიეროდ, ტყავი გააძვრეს გორბაჩოვს.

სკკპ-ს ამ ბოლო პლენუზზე უფრო სამარცხვინო რამ არ ჩაუტარებიაო. ნუთუ, არ უნდა გადადგეს გაკოტრებული მთავრობა?

24/IX 89

საქართველოს საგარეო საქმეთა მინისტრმა, გოგი ჯავახიშვილმა, დამიბარა: ისრაელში 5-კაციანი დელეგაცია მიდის და მწერლებიდან შენ უნდა ჩაერთოთო.

რა უნდა გავაკეთო-მეთქი.

ლიტერატურული საღამოები უნდა გამართო, შენი წიგნები აუქციონზე უნდა გავყიდოთ და ფული ქართველ სტუდენტთა უცხოეთში მომზადების ფონდში გადაირიცხებაო.

დავთანხმდი.

25/IX 89

ლევან სანიკიძემ წერილი მომიტანა რობერტ სტურუას შესახებ.

დიდხანს ვყოყმანობდი, დამებეჭდა თუ არა, ბოლოს გადავწყვიტე, რომ ღირს დაბეჭდვა. ბოლოს და ბოლოს, რ. სტურუას სიმართლე უნდა ეთქვას ქართული თეატრის უცხოურ ჰანგზე გადანყოფისთვის, თუმცა მის დიდ ნიჭს პატივი უნდა ვცეთ.

ქართული მწერლობის იგნორირება არ ეპატიება „რობიკოს“.

26/IX 89

„მამულის“ ახალი ნომერი წავიკითხე.

ტარიელ ჭანტურიას ფაქტიური რედაქტორი, ტარიელის ნიჭის ძალა ამ ბოლო ნომერსაც ეტყობა.

27/IX 89

საზოგადოება „ცოდნამ“ სადისკუსიო კლუბის - „რას ვამბობთ, რას ვაკეთებთ“ პრეზიდენტობა შემომთავაზა.

დავთანხმდი. არ ვიცი, რა გამოვა ამ საქმიდან.

კიდევ ერთი კლუბი კი არა, საქმე სჭირდება საქართველოს.

რეჟისორმა თამაზ მესხმა მითხრა დღეს: შენი რომელიმე პიესის დადგმა მინდაო.

დასადგმელად ჩემი ოთხივე პიესა წაღებული აქვთ რეჟისორებს, მაგრამ ვინ დგამს.

ტყუილი. ტყუილი და ორპირობა ყოველ ფეხის ნაბიჯზე.

28/IX 89

23 სექტემბრის ნომერში გაზეთ „ქუთაისს“ მესამე გვერდზე კორპუსით დაუბეჭდავს ჩემი ნოველა „კარგად ცხოვრობენ გუბერნატორები?“ ამ ნოველის მთავარი სიმბოლური პერსონაჟი ზვიად გამსახურდიაა. ღმერთმა ნუ ქნას, გამართლდეს ჩემი წინათგრძნობა.

დღეს გამოვიდა რუსთაველის საზოგადოების კიდევ ერთი არაფორმალური გაზეთი „მოძღვარი“. შიგ ჩემი წერილია - „ვინ ამღვრევს წყალს“.

არ უნდა იყოს ურიგო წერილი.

გიორგი ჯიბლაძე გარდაიცვალა.

დღეს დაკრძალვაზე ვიყავი.

29/IX 89

აფხაზეთში და ოსეთში კვლავ მღელვარებაა საქართველოს წინააღმდეგ. ხმა ჩამოვიდა, ოსებმა გზა გადაკეტეს და ქართველ კაცს „ოსეთის ტერიტორიაზე“ არ ატარებენო.

აი, სადამდე მივედით!

30/IX 89

„ახალგაზრდა კომუნისტში“ ლოვარდ ტუხაშვილის წერილია „ცოცხლებს მოვუხმობ“. ბრწყინვალე წერილია. ამ წერილიდან აშკარაა – რა არის რუსეთი და რუსი ხალხი საერთოდ.

არც ბოლშევიკთა ებრაელი და ქართველი ლიდერებია დატოვებული გაკენწვლის გარეშე.

ერთი სიტყვით, ქართულმა პრესამაც ამოიღო ხმა რუსეთის წინააღმდეგ.

1/X 89

კვირადღეა.

ავად ვარ. გავცივდი, სურდო მანუხებს.

2/X 89

სწავლა დაიწყო.

დილომში ახალი სკოლა გაიხსნა. სიტყვა ვთქვი გახსნის ზეიმზე. ახალი სკოლა! ეს ხომ ერის ზეიმია. ესე იგი, ბავშვები არსებობენ. ქართველობა მრავლდება.

გ. გუმბარიძეც იყო. მოენონა ჩემი სიტყვა. ბატონ რევაზსო, გამოაცხადა, ვთხოვოთ ამ სკოლის შეფობა.

3/X 89

კინოს სახლში ვნახე ესტონელ კინომატოგრაფისტთა დოკუმენტური ფილმი „ჰიტლერ-სტალინი“.

ჰიტლერს და სტალინს – როგორც ტირანებს, ერთ სიბრტყეზე აყენებენ



ბალტიელნი და ორივეს მათს ბედში ერთნაირ დამნაშავეებად თვლიან.  
ასეა?

მე პირადად სტალინს ჰიტლერის გვერდით ვერ დავაყენებ.

4/X 89

„სახალხო განათლებაში“ გამოქვეყნდა ჩემი სტატია „რა გვჭირს, რა გვიშველის“;

შეუკრეჭ-შეუმცირებიათ, მაგრამ რაც დარჩა, მაინც იკბინება – არ ვინ-  
დობ გადათიეულ თავხედ ერებს.

მირეკავს მთელი თბილისი.

ვილაცამ მითხრა; არ გეშინია, ტერორი რომ დაგინიშნონო?

რა დროს შიშია, ქვეყანა იღუპება.

5/X 89

დღეს დასავლეთ ევროპელთა ფაკულტეტზე ლექცია წავიკითხე. შევეხე  
მარქსიზმის 4 ნაკლოვანებას.

რა ყურადღება-აღფრთოვანებით მისმენდნენ სტუდენტები.

თათბირი გვექონდა მინისტრ გოგი ჯავახიშვილთან – საგარეო საქმეთა  
სამინისტროში.

მოხსენება უნდა წავიკითხო ისრაელში სიმპოზიუმზე – „თანამედროვე  
ქართული მწერლობა“.

სალამოს მიშა ქვლივიძემ, თემურ ჩალაბაშვილმა და მხატვარმა ვახტანგ  
გულისაშვილმა ვისაუბრეთ „ჭიქა ჩაიზე“.

6/X 89

დღეს თბილისში დაარსდა საქართველოს ოლიმპიური კომიტეტი.

ეს დიდი საქმეა. კიდევ ერთი ნაბიჯი დამოუკიდებლობისაკენ.

თუ ევროპამ მხარი დაგვიჭირა, ჩვენი სპორტსმენები მსოფლიო არენაზე  
გამოვლენ არა როგორც სსრკ-ს, არამედ როგორც საქართველოს რესპუბ-  
ლიკის წარმომადგენლები.

„ლიტ. საქართველოში“ დაბეჭდილია დიალოგი მერაბ კოსტავასთან.

მერაბი მის მიერ 2 წლის წინათ წამოყენებულ თეორიას სიტყვა-სიტყ-  
ვით იმეორებს: „ჯერ დემოგრაფიული განმენდა, მერე გამოყოფისათვის ბრ-  
ძოლა“.

7/X 89

დღეს შაბათია.

მიშა ყანდაშვილის (ექიმი, 1951 წლის რეპრესიების მსხვერპლი, ბრწყ-  
ინვალე ინტელიგენტი) წლისთავზე გახლდით. ცრემლი მომდიოდა, მის ეულ  
საფლავს რომ დავცქეროდი.

ნუთუ აქ თავდება ყველაფერი?

სალამოს, ჩემს ცხოვრებაში პირველად, რადიკულიტმა შემომიტიცა ისე,  
რომ ნაბიჯი ვერ წავდგი.

სიბერემდე – სიქაჩლეო.

8/X 89

მთელი ღამე თეთრად გავათენე.

რადიკულიტი?

„სასწრაფო“ გვეყავდა.

რადიკულიტს, თურმე, ჩვენი მედიცინა ვერ მკურნალობს.

სხვას რას მკურნალობენ!

ჯოჯოხეთური ტკივილები მაქვს.

ეს მინდოდა ჩემი საქმეების გადამკვიდეს?

რადიკულიტი რატომ უნდა ყოფილიყო ჩემი ცურვის, ჩოგბურთის, ჩემი სპორტსმენობის ლოგიკური შედეგი?

კაცმა არ იცის, რა სჯობია.

სოსოია ბუხაიძეს მის სიცოცხლეში ხელი არ გაუქნევია.

აჩიკომ მასაჟი გამიკეთა, ცოტა მომეშვა.

### 9/X 89

დღეს მინისტრთა საბჭოში დაგვიძახეს მწერლებს და ინტელიგენციის სხვა წარმომადგენლებს.

საკითხი იდგა პუშკინის ინსტიტუტის სახელწოდების შესახებ. ამ ორი-ოდე კვირის წინ სტუდენტთა და პროფესორ-მასწავლებელთა მოთხოვნით ინსტიტუტს ეწოდა სულხან-საბა ორბელიანის სახელი.

როგორც გაირკვა, მოსკოვი განრისხებულია ამაზე. ახლავე დაუბრუნეთ სახელიო.

საოცარია, ჩვენგან მთავრობა თანაგრძნობას ელოდა, მაგრამ არ გამოუვიდათ.

ყველამ ერთხმად დავიცავით სულხან-საბა და პუშკინის პატივისცემის მიუხედავად ინსტიტუტს სახელი შევუცვალეთ.

ვნახოთ, სამაგიეროს როგორ გადაგვიხდის მოსკოვი!

მერაბ კოსტავამ თქვა მქუხარე სიტყვა მისებურად, ნერვიულად.

მოიტანა ციტატები რუსი კლასიკოსების (და მათ შორის, სამწუხაროდ, თვით პუშკინის) ნაწერებიდან საქართველოს ზემოდან რომ დასცქერიან, ქედმაღლურად რომ ელაპარაკებიან და ბუსურმანების ბნელ ქვეყანას ეძახიან.

არ მეგონა-მეთქი, ვუთხარი მერაბ, თუ ასე კარგად იცოდი რუსული ლიტერატურა. გაიცინა. ციხეში მეტს რას ვაკეთებდიო.

### 10/X 89

გამსახურდიამ და კოსტავამ რუსთაველზე მიტინგი ჩაატარეს.

ვესწრებოდი. სიტყვის თქმა მსურდა, მაგრამ ხმა ვერ მივანვძინე.

დააყენეს საკითხი ასე: ქართველმა ახალგაზრდობამ უარი განაცხადოს სამხედრო სამსახურის სხვაგან მოხდაზე.

ბოიკოტი რუსულ არმიას!

### 11/X 89

ბაზარზე გამოვიდა ჩემი წიგნი „ცხელ გულზე დანერილი პიესები“. 4 პიესა შევიტანე.

ვნახოთ, როგორ მიიღებს მკითხველი.

თეატრებმა როგორ მიიღეს? ორი დაიდგა, ორი – ჯერჯერობით ვერა.

ზოგიერთ რუსაპეტა ქართველ რეჟისორს ქართული პიესები არ მოსწონს.

## 12/X 89

დღეს გალაკტიონის სემინარი ჩავატარე.

დავით თევზაძემ წაიკითხა მოხსენება: „ახალი თვალსაზრისი გალაკტიონის რევოლუციასთან დამოკიდებულებაზე“. გალაკტიონი რევოლუციას აღტაცებით არ შეხვედრიაო. სწორია.

სალამოს „ცოდნაში“ შეხვედრა მქონდა.

შოთა ძიძიგურმა გახსნა და დიდი შესავალი სიტყვა თქვა.

არ მეგონა, თუ ასე ვუყვარდი.

„ცოდნის“ მდივანმა, ავთანდილ სვანმა, ოთხი თვით ადრე მომილოცა 50 წლის შესრულება. ბატონმა შოთამ „ცოდნის“ სიგელი გადმომცა.

მიყვარს „ცოდნა“ და ყოველთვის სიამოვნებით ვთანამშრომლობ მასთან.

## 13/X 89

გამოვიდა ქუთაისის ლიტერატურული გაზეთი „უქიმერიონი“ – რედაქტორია თეიმურაზ ლანჩავა.

ძალიან მიხარია.

პირველივე ნომერში ჩემი ნოველა „ცხოვრება“ დაუბეჭდავთ.

დღეს კარგი დღეა. მაცნობეს, რომ „ცისკრის“ რედაქტორად ჯანსუღ ლვინჯილიას ნაცვლად ჩემი დეიდაშვილი იორამ ქემერტელიძე დანიშნა მუხრანმა.

იორამი კარგი ბიჭი და კარგი პოეტი. თუმცა, ვერ დავუკარგავ, ჯანსუღი კარგი რედაქტორი იყო.

ახლა, ამ ნუთში ყველაფერი ჩამამწარეს:

ჩემმა ცოლმა-ნათელამ, ამბავი მომიტანა, მერაბ კოსტავა ავარიში მოხვედრილა და გარდაცვლილაო.

გავგიჟდები, თუ ეს ჭორი არ აღმოჩნდა.

რა უბედურებაა!

## 14/X 89

მერაბ კოსტავას გარდაცვალების ამბავი მართალი აღმოჩნდა.

მთელი დღე ქუჩაში გაოგნებული დავდივარ.

მონამლული, მოშხამული მაქვს გული და გონება.

ხარაგაულთან კატასტროფაში მოხვედრილა.

იქნებ მოახვედრეს?

„კომუნისტში“ დღეს დაიბეჭდა ჩემი ნოველა „უფასო პანსიონატი“, მაგრამ არ გამხარებია.

ამ დღეებში ვერაფერი ვერ გამახარებს.

საქართველოს მოსისხლე მტერი – ოზგანი გუდაუთის აღმასკომის თავმჯდომარედ აურჩევიათ.

თუ ეს მართალია, ყველაფერი დამთავრებულია!

რუსეთს საბოლოოდ უნდა გავემიჯნოთ.

იმ რუსეთს, რომელიც ქართველთა სისხლის დაღვრისთვის ნამუს-გარეცხილ მოხელეს ციხეში კი არ სვამს, არამედ აწინაურებს.

მიკვირს, გული რომ არ მისკდება.

თუმცა, თავს ცუდად ვგრძნობ. ძალიან ცუდად.  
ნეტა ყველაფერი დამთავრდებოდეს. აღარ შემიძლია საქართველოს და-  
ლუპვას ვუცქირო.

საკუთარი უმწეობის გრძნობა ყელში მიჭერს, სუნთქვა მეკვრება.

15/X 89

რეჟისორი კანდიდ გურგენიძე მეწვია.

თუ გაქვთ რამე, ახალი პიესა დასადგმელად მომეცითო.

ნიჭიერი კაცია, მაგრამ მინც უარი ვუთხარი.

არ ვარ თეატრის ხასიათზე.

საერთოდ ყველაფერი სისულელედ მეჩვენება.

16/X 89

მერაბ კოსტავას ხსოვნისადმი მიძღვნილ მიტინგს დავესწარი.

ზვიად გამსახურდიამ მოითხოვა: მთანმინდაზე დაიკრძალოსო.

მისი სახელი რომელიმე პროსპექტს ეწოდოსო.

ქალაქში ძეგლი დაიდგასო.

ბოლშევიკებს ვაკრიტიკებთ, განდიდების მანიით იყვნენ შეპყრობილნიო  
და ჩვენ იგივეს ხომ ვაკეთებთ?

ახლა ზვიადს რომ შევთავაზო; თბილისს სახელი გადავარქვათ და ამ-  
იერიდან კოსტავა ვუნოდოთ-მეთქი, ალბათ, დამეთანხმება.

კოსტავა ერთი გამოჩენილი ორგანიზატორი იყო თანამედროვე რევო-  
ლუციურ ბრძოლაში.

იქნებ რაიმე დიდი ნაშრომები დაგვიტოვა, ან ერის ხსნის ახალი კონცე-  
ფცია შემოგვთავაზა?

არ ვიცი, არ ვიცი...

მთანმინდა?

მერაბის ილიას გვერდით დაკრძალვა არ ეხამუშება ზვიადს.

იქნებ მართალია.

მერაბი მართლაც გმირია, მაგრამ მთანმინდა?

17/X 89

სასწრაფოდ მოსკოვში გამომიძახეს. ქართულ მწერლობაზე სიტყვა  
უნდა ვთქვა ნიგინის მოყვარულთა ყრილობაზე.

რა დროს მოსკოვია-მეთქი.

აფსუები და ოსები აპირებენ ჩვენს წინააღმდეგ გამოსვლას და შენ უნდა  
უპასუხოვო.

რა გაეწყობა, უნდა ნავიდე, მხოლოდ იმ პირობით თუ კოსტავას და-  
კრძალვის დღეს, შაბათს, თბილისში ვიქნები.

18/X, 19/X, 20/X, 21/X 89

მოსკოვს გავფრინდი.

ჰაერში გამოგვიცხადეს, ბენზინის უკმარისობის გამო თვითმფრინავი  
როსტოვში უნდა დავსვათო.

გაგიგონიათ ასეთი რამ?

ჩავფრინდით სალამოს მოსკოვში მე და აჩიკო. ვიცოდით, რომ „ოს-  
ტანკინო“ – სასტუმროში გვექონდა ბინა. ლამის სამ საათამდე არ დაგვაბი-

ნავეს. არ გვაქვს ადგილი. ვიჯექით მოსაცდელში თავმიდებულები.

დავურეკე პლენუმის ორგანიზატორს. რას ჰგავს-მეთქი ეს? ჩვენ სრულიადაც არ გვეხალისება მოსკოვში ჩამოსვლა, თუ ღამის გასათევი არა გაქვთ, რატომ გვეძახით-მეთქი.

გადავწყვიტე, არ დავესწრო პლენუმს, პროტესტის ნიშნად ხვალვე უკან გავბრუნდე.

ასეც მოვიქეცი.

მეორე დღესვე ვიშოვე ბილეთი და მატარებლით გამოვბრუნდი თბილისში.

ასე რომ, მოსკოვს (!) მხოლოდ ერთი დღე გახლდით.

იმ იმედით წამოვედი, რომ კოსტავას დაკრძალვას ჩამოვუსწრებდი თავისუფლად. მაგრამ მატარებელმა ზუსტად 18 საათი დააგვიანა და დაკრძალვას ვერ დავესწარი.

მთანმინდაზე დაუკრძალავთ.

იქნებ სწორად მოქცეულან? იქნებ ამით წაახალისეს საქართველოს გათავისუფლებისთვის ყველა მებრძოლი?

დღეს ჭკვიანმა კაცმა შენი ქვეყნიდან ფეხი არ უნდა გადგა.

სამინელებაა მოსკოვი. ასანთიც კი ძნელი საშოვნია.

ყოველ ნაბიჯზე გაბოროტებული, ნერვებმომლილი ადამიანები გვხვდებიან.

აფსუებმა რკინიგზის ლიანდაგი აჰყარეს, მატარებელმა თბილისამდე 18 საათი დააგვიანა და პასუხს არავის სთხოვენ.

მატარებლის კონდუქტორებს არ აძლევენ ჩაის, შაქარს, ნამცხვარს, როგორც ადრე აძლევდნენ.

მატარებელში გათბობა არ არის.

უპატრონობა გამეფებულა მთელს ქვეყანაში და სუფელი გორბაჩოვი გაზეთ-ჟურნალების რედაქტორებს თითს უქნევს; რა თავს გაგივიდათო.

ნუთუ, ახლა მაინც არ დადგა საბჭოთა ხელისუფლების უკანასკნელი დღე?

22/X 89

კვირაა.

„განთიადი“ მივიღე. ჩემი ორი ნოველაა დაბეჭდილი.

ერთს ჰქვია „როდემდე“.

1988 წლის ნოემბრის დღეებზეა დაწერილი.

23/X 89

გამოვიდა „კრიტიკის“ №5.

გადავიკითხე.

ლევან სანიკიძის წერილში მკაცრადაა გაკრიტიკებული რეჟისორი რობერტ სტურუა. არც ჩემი მინაწერი აკლებს ხელს.

რობერტ სტურუა ნიჭიერი რეჟისორია, მაგრამ მის ბოლო სპექტაკლებს ეროვნული სული არა აქვს. ქართულ მწერლობას პატივს არ სცემსო, წერს ლევანი.

მისმა თეატრმა დაკარგა ეროვნული სახე და მოხეტიალე დასად იქცაო. იქნებ ავჩქარდი მე, როგორც რედაქტორი, მაგრამ ეროვნულობის ღალატს ვერავის ვაპატიებ. არა უშავს. იქნებ, მოუხდეს რობიკოს ეს მცირე ნკიპურტი.

24/X 89

შეხვედრა მქონდა თბილისის სამკერვალო ფაბრიკაში. ვუამბე იმ საშინელ ეკონომიურ კრიზისზე, რაც მოსკოვიდან თბილისამდე მგზავრობისას ვიხილე. ხალხი სასონარკვეთილებაშია ჩავარდნილი.

25/X 89

ჩავატარე სადისკუსიო კლუბის პრეზიდენტის პირველი სხდომა. შევადგინეთ გეგმა. პირველი სხდომა დავნიშნეთ 27 ოქტომბერს. მინდა ეს კლუბი იქცეს ერთგვარ დამკვალიანებლად ჩვენი ეროვნული მოძრაობისა.

პირველ დისპუტზე მომხსენებლად გამოვყავი პროფ. გ. მუჩაიძე, პროფ. ვლ. გულუა, დოც. გ. ფაცაცია. ვნახოთ, რა გამოვა.

26/X 89

დიდი გამომხაურებაა რობერტ სტურუას „ჭკუის სწავლებაზე“.

„როგორ გაუბედეთო“, მირეკავენ მისი მეგობრები.

„შენ გენაცვალეო“, მირეკავენ მასზე განანყენებულნი.

არც პირველი მწყინს, არც მეორე მიხარია.

მე, რაც მჯეროდა ის დავენერე.

ხმა გავრცელდა, გუმბარიძე მოსკოვს გადაჰყავთო.

ვინ იცის, ვინ მოვა.

27/X 89

დღეს პირველი დისკუსია გავმართეთ. „ცოდნის“ დიდ დარბაზში.

პირველი სიტყვა ვთქვი, როგორც პრეზიდენტმა და დისკუსიას მიმართულემა მივეცი.

სიტყვებით გამოვიდნენ გურამ მუჩაიძე, ვლადიმერ გულუა, გერმანე ფაცაცია, გურამ ყორანაშვილი, რომან გოცირიძე, მოთა ნადირაშვილი, გურამ პეტრიაშვილი...

დისპუტმა კარგად, მღელვარედ ჩაიარა.

შევიმუშავეთ და იქვე ნავიკითხეთ სადისკუსიო კლუბის რეკომენდაციები. პირველი დისკუსიის თემა იყო: „რა ვიღონოთ ეროვნული მოძრაობის ქმედითობისათვის?“

რეკომენდაციაში, რომელიც ალბათ, დაიბეჭდება, აბსოლუტური მხარდაჭერაა საქართველოს ეროვნულ-გამათავისუფლებელი მოძრაობის მიმართ.

28/X 89

შაბათია.

„კრიტიკისათვის“ მონინავეს ვწერ.

უგემური ამინდია.

ახლა დაინწყება შემოდგომის გრძელი წვიმები.

29/X 89

შოთა ნიშნიანიძე და მე ერთი თანამდებობის პირის ოჯახში სტუმრად მივიწვიეს.

გავუარე შოთას და წავედით.

დამნიშნეს თამადად.

პირველი სადღეგრძელო საქართველოსი დავლიე და შევეხე იმ ვითარებას, რაც ახლა საქართველოშია შექმნილი.

სუფრას თხუთმეტი კაცი უჯდა.

მინისტრები და მინისტრის მოადგილეები. ორიოდე ქალი.

ერთმა სტუმართაგანმა განაცხადა; მწერლების წვლილით ამ ახალ მოძრაობაში კმაყოფილი არ ვარო.

როცა ჩავეკითხე, მწერლობაზე ზოგადი ლაპარაკი არ გეკადრებათ, თუ კონკრეტულად ვინმეს გულისხმობთ, უნდა თქვათ, თორემ, არა მგონია, თქვენი სიტყვა გავრცელდეს მწერლებზე: შ. ნიშნიანიძეზე, მ. მაჭავარიანზე, მ. ლებანიძეზე, ნ. წულეისკირზე, ჩემზე, აკაკი ბაქრაძეზე, ზვიად გამსახურდიაზე-მეთქი.

როგორ, ეს ორი უკანასკნელიც მწერლები არიანო? საერთოდ მე მგონია, მწერლები ცეკას მარჯვენა ხელს წარმოადგენენ და ისევე ატყუებენ ხალხს, როგორც კომუნისტური პარტიაო.

გავცხარდი და წამოვდექი; როცა მწერალს აუგად ახსენებს ის, ვისაც არაფერი ნაუკითხავს ამ ბოლო წლებში ქართველი მწერლის ნახელავი, მე არავითარი სურვილი არა მაქვს მისი თანამესუფრე ვიყო-მეთქი. ვატყობ, ამ ბოლო დროს ნერვები მღალატობს. არ უნდა ავყოლოდი, ჩემი ბრალია.

ხვეწნა-მუდართით დამამომშინეს მასპინძლებმა.

მერე ძალით შუბლის გახსნა ვერ შევძელი, გულმოსულად, უამურად წავიყვანე სუფრა.

შოთა ნიშნიანიძე და სოსო პაიჭაძე (პროზაიკოსი) წამომეშველნენ – პირდაპირ უთხრეს იქ მყოფთ; ეს სახალხო მოძრაობა ჩვენი დაწყებულია, ჩვენ გადავადგეთ (მწერლებმა) ერში თავისუფლების თესლი, რაც შეეხება რევამ მიშველაძეს, მან ერთ-ერთმა პირველმა აღმართა მახვილი უსამართლობის წინააღმდეგ, იგი დღეს გამათავისუფლებელი მოძრაობის ერთ-ერთი წინამძღოლია და, კეთილ ვინებოთ, მწერლის ხსენებისას, იმაზე დავფიქრდეთ, გაქვთ მორალური უფლება მრავალტანჯულ მწერლებზე ლაპარაკობდეთო?

მანაც საიდან გაჩნდა „ობივატელში“ ასეთი აზრი?

სხვათათვის ჩირქის მოცხებით ისინი საკუთარი უმწეობის; საკუთარი სახის დამალვას ხომ არ ცდილობენ?

30/X 89

დღეს, ადრე დილით, მთავრობის სასახლის წინ სარემონტო ფიცრის ლობე მოანგრის ახალგაზრდებმა და მჯდომარე დემონსტრაცია გამო-



აცხადეს.

მათი მოთხოვნებია: უარი ეთქვას სამხედრო უწყებას ქართველი ახალგაზრდების საქართველოს ფარგლებს გარეთ ჯარისკაცად განწვევაზე.

ბოიკოტს ვუცხადებთო საქართველოს მთავრობას აფსუა ექსტრემისტების დაუსჯელობისათვის.

ორივე მოთხოვნა სამართლიანია.

ვესაუბრე მთავრობის თავმჯდომარეს ნოდარ ჭითანავას.

რამია საქმე; რატომ აღიზიანებთ ახალგაზრდებს, რატომ არ იჭერთ აფსუა მკვლელებს, რატომ აგზავნით რუსის საოკუპაციო არმიამი ქართველებს-მეთქი.

თუ აქამდე მეცოდებოდა ნოდარ ჭითანავა, დღეს არ შემცოდებია, რადგანაც ვიგრძენი, რომ ამ პატიოსან კაცსაც კი ტყუილის თქმა უსწავლია. მჯდომარე დემონსტრაცია გრძელდება.

31/X 89

შეხვედრა მქონდა თბილისის №3 სამედიცინო სასწავლებელში.

მოვუწოდე ახალგაზრდებს, შეუერთდნენ მთავრობის სასახლის წინ მჯდომარე დემონსტრაციას. ავუხსენი „არაფორმალთა“ მოთხოვნების სამართლიანობა. მთავრობა გვატყუებს, დროის გაყვანის პოლიტიკას ადგას, ჩვენ კი წერტილი უნდა დაფუსვავთ ყალბ იმედებს და ილუზიებს, ჩვენ თვით უნდა გავიჩინოთ ჩვენი სამართალი-მეთქი.

1/XI 89

„თბილისის“ კორესპონდენტი მესტუმრა და ინტერვიუ ჩამომართვა.

ვთქვი ჩემი აზრი საქართველოს ეროვნულ-განმათავისუფლებელ მოძრაობაზე. საქართველოში დისლოცირებული არც ერთი საბჭოთა ჯარისკაცი არ გაეკაროს დემონსტრანტებს, მთავრობის საქმე ახლა მხოლოდ ის არის, რომ ხელი შეუწყოს ამ ბრძოლას, დაანებოს თავი მოსკოვთან რევერანსებს-მეთქი.

2/XI 89

კათედრის წევრებს განვუცხადე, რომ პირველად ჩემს სიცოცხლეში არ ვზეიმობთ მოგონილ ზეიმს, ყალბ ზეიმს – 7 ნოემბერს-მეთქი.

სალამოს შეხვედრა მქონდა წინდების ფაბრიკაში.

მუშებს მოვუწოდე, მხარი დაუჭირონ აქციებს.

3/XI 89

შეხვედრა გვქონდა თბილისის სპორტულ ნაკეთობათა ფაბრიკაში გოგი გაჩეჩილაძეს, ირაკლი კენჭოშვილს და მე.

კვლავ პოლიტიკა იდგა ყურადღების ცენტრში.

ჩვენ ხომ ახლა ყველანი პოლიტიკურ მიმომხილველებად ვიქეციით.

ირაკლიმ თქვა: სოციალიზმის მარქსისტული თეორია თავისთავად ცუდი არ არის, მაგრამ სსრკ-ში ვერ განვახორციელებთ.

არ დავეთანხმე. სწორედ მარქსიზმია ჩვენი დადმლუპველი-მეთქი და ჩემ შეზღუდული ცოდნის ფარგლებში დავამტკიცე მარქსიზმის უტოპიურობა.

4/XI 89

კვირაა.

რადიო და ტელევიზია „გვიმტკიცებენ“, რომ ძნელი ზამთარი გვექნება. არ გვეყოფნის სურსათი, ელექტროენერგია.

შაბათ-კვირის ადგილას ოთხშაბათ-ხუთშაბათი გადმოიტანეს. ეს გვიშველის?

ვიყავი შოთა ხაჯალის ცოლის ორმოცზე.

საწყალი შოთა, ტიროდა. 75 წლის ასაკში განსაკუთრებით ძნელია მეუღლის დაკარგვა.

სალამოს დემონსტრანტებთან დავყავი 2 საათი. დიდხანს აგრძელებენ მიტინგს.

#### 5/XI 89

მივედი და დიდხანს ვესაუბრე დემონსტრანტებს. ჩავჯექი მათ შორის.

შემომხევივნენ, ბატონო რევაზ, თორმეტი დღეა აქა ვზივართ და თქვენს გარდა მწერალი არ გვინახავსო, ერთმა ქალმა.

მწერლის საქმე აქ ჯდომა არ არის, ქალბატონო, მწერლის საქმე წერაა-მეთქი. მე თუ მოვდივარ, მხოლოდ იმიტომ, რომ სხვაგვარად არ შემიძლია. საეთროდ, მწერლის დანყებულება ეს თავისუფლებისთვის ბრძოლა. ლიდერები – ზვიად გამსახურდია, ნოდარ ნათაძე და აკაკი ბაქრაძეც ხომ მწერლები არიან-მეთქი.

#### 6/XI 89

მოხდა, რისაც ძალიან მეშინოდა.

წუხელის, გვიან ღამით დემონსტრანტებმა აყარეს ბანაკი და სამად გაიყვნენ: ერთი ნაწილი სპორტის სასახლის წინ დაჯდა, მეორე კინოსახლთან შეიკრიბა, მესამე ნაწილი – ქართველთა მცირე ჯგუფი (აფხაზეთიდან ჩამოსულნი), სამხატვრო გალერეის წინ დარჩა.

დილიდანვე აქ ვარ. იღებენ ლეიბ-საბნებს, კარვებს, რაშია-მეთქი საქმე? გამსახურდიას, ჭანტურიას და წერეთელს ჩხუბი მოუვიდათო.

ეს მერამდენედ ვერ თანხმდებიან.

აკი შერიგდნენო?

როგორ შეიძლება კინკლაობა ასეთი დიდი ეროვნული საქმის დროს?

მთავრობის სასახლიდან უკანდახევა დიდი მარცხია ჩვენი მოძრაობისთვის.

შუალამისას კვლავ გავედი სამხატვრო გალერეის წინ შეგროვილ დემონსტრანტებთან.

ფეხი არ მოიცვალეთ-მეთქი, ხალხს მივმართე. ეს გათიშულობა დალუპავს-მეთქი ჩვენს მოძრაობას, ყურიც არ მათხოვეს.

#### 7/XI 89

რობერტ სტურუას კრიტიკის გამო ახალგაზრდა თეატრმცოდნეებმა მიპასუხეს „ახალგაზრდა კომუნისტის“ ფურცლებიდან.

უნდა მოვიცალო და ვუპასუხო, სხვა გზა არ არის.

ღამით „ამერიკის ხმამ“ გადმოსცა, მოსკოვში ოციათასკაციანი დემონსტრაცია გამოსულა საბჭოთა ხელისუფლების წინააღმდეგ.

#### 8/XI 89

დავესწარი გოგი ქავთარაძის თეატრის სპექტაკლს „ერთი ცის ქვეშ“.

პიესა, დრამატურგია არ არის – კონცერტია.

9/XI 89

„კომუნისტმა“ დაბეჭდა კინემატოგრაფისტთა კავშირის გამომხაურება „კრიტიკაში“ რობერტ სტურუას „ხელჰყოფაზე“.

რუსულად „განატლებული“ „კინოშნიკები“ იცავენ სტურუას. სტურუას სიყვარულს მე ვინ მასწავლის, მაგრამ ილია ჭავჭავაძესაც ხომ აკრიტიკებდნენ?

„ვაი, სირცხვილო, სადღა არის შენი სინითლე“.

10/XI 89

გაზეთ „თბილისში“ ჩემი ინტერვიუ დაიბეჭდა.

მესაუბრა ნარგიზა მგელაძე.

შეეუტიე საქართველოს ხელისუფლებას.

დიდი გაბედულება იყო „თბილისის“ რედაქტორისგან მისი დაბეჭდვა.

ვამობ; სანამ უნდა ვატყუებდეთ-მეთქი ქართველ ხალხს, სანამ შეიძლება ქართველის მოკვლა საქართველოში კანონით არ ისჯებოდეს-მეთქი. რატომ იჩენს-მეთქი ასეთ გულდღეღობას საქართველოს მთავრობა?

11/XI 89

მსახიობ პავლე ნოზაძის შვილის ქორწილში გახლდით.

სანდრო მრევლიშვილმა, „სწორი ხარ, მაგრამ „კრიტიკის“ რედაქტორის მინანქრში გაცხარებული ტონი გეტყობაო“.

რა ვიცი.

მე ასე ვფიქრობ: „როგორადაც უნდა ეწყინოს რობიკოს, ის მაინც გავაკეთე, რომ მომავალში დაფიქრდება და საქართველოსკენ მოიხედავს; თავისი სანყალი, უბედური საქართველოსკენ.“

12/XI 89

შუალამემდე ტელევიზიაში დავყავი.

რეჟისორ უშანგი კაპანაძესთან ერთად ა/წ 23 მაისს ჩატარებული ჩემი საღამო გადაწერეთ ტელეფირზე.

ექვსი თვეა ტელევიზიაში უდევთ ეს ფირი და ეშინიათ გამეება.

ახლა იქნებ დაადგეს საშველი, მაგრამ მიანც არა მჯერა.

არ მჯერა იმიტომ, რომ ტელევიზიაშიც, როგორც თეატრში, უამრავი ტყუილი იციან.

გადაცემაში მარქსიზმ-ლენინიზმის შეცდომებზეა ლაპარაკი და ეს არ აძლევდათ ხელს.

„ვრემიამ“ გადმოსცა მოლდავეთში მილიციასა და დემონსტრანტებს შორის შეტაკების ამბავი.

150 კაცი დაშავდაო. რამდენი დაიღუპა, ამას ჯერ არ აცხადებენ.

13/XI 89

„მერანს“ ჩავაბარე ნოველების კრებული „განაჩენი“.

ამ წიგნში საქართველოს ბოლო ორი წლის ცხოვრებაა დახატული.

რედაქტორმა ლია არაბიძემ დღეს დამნუხრებულმა მითხრა: მეშინია ამ წიგნს „მთავლიტი“ არ გაუშვებსო.

ვნახოთ.

14/XI 89

„ახალგაზრდა კომუნისტში“ დაბეჭდილია ჩემი პასუხი – „ღია წერილი“ ახალგაზრდა თეატრმცოდნეებს. იქვეა თეატრის მოღვაწეთა კავშირის წერილი. „თეატრალები“ კბილებს აღრჭიალებენ. ყოველგვარი ხერხით ცდილობენ რობერტ სტურუას გამართლებას, მაგრამ ვერ ახერხებენ.

ჩემი წერილიც მკვახეა, გაბრაზებული ტონითაა დაწერილი, მაგრამ „ჩემი ბრალი არ არის, ღმერთო“, „თეატრმცოდნე“ ახალგაზრდებმა გამომინვიეს. ორი აზრი არ არსებობს იმის შესახებ, რომ „დაჯგუფება“ ერთი რამითაა გამოწვეული. ხვალ ჩვენც მოგვწვდებაო.

მეუბნებიან, შენს წინააღმდეგ ამ კომპანიას კაკული ვასაძე ხელმძღვანელობსო. მართალი იქნება.

15/XI 89

„კრიტიკის“ რედკოლეგიის სხდომაზე შევიმუშავეთ კოლექტიური წერილი – „კრიტიკის“ რედაქციის განცხადება“.

აკაკი განერულიამ განაცხადა: მე თანამედროვე თეატრს კარგად ვიცნობ და უნდა მოვახსენოთ, რომ რაც „კრიტიკის“ №5–შია, სრული ჭეშმარიტებააო.

რედკოლეგიამ მღელვარედ ჩაიარა.

16/XI 89

„ცოდნის“ დიდ დარბაზში ჩემი კლუბის („რას ვამბობთ, რას ვაკეთებთ“) დისპუტი ჩავატარე.

ოთხ საათს გაგრძელდა.

გამოვიდნენ სოსო ცინცაძე, გიორგი ჟორჟოლიანი, ქართლოს ლარიბაშვილი და სხვანი.

სტუდენტმა დათო არაბიძემ განაცხადა, თეატრის საკითხში მიშველაძეს აბსოლუტურად ვეთანხმებიო.

ეს იმას ნიშნავს, რომ მართალი ვარ.

სხვა არაფერი მაინტერესებს.

დისკუსიაზე შევიმუშავეთ რეკომენდაციები, რომელიც ხვალ სესიას უნდა მოვახსენო.

17/XI 89

დღეს საქ. სსრ უმაღლესი საბჭოს სესია გაიხსნა.

მივედი დილით. მეგონა, როგორც რედაქტორს, შემისვებდნენ. თქვენც არ მომიკვდეთ. კარი მომიხურეს.

რეკომენდაციები, რომელიც უნდა მეთქვა, კარებში მდგომ რეფერენტს გადავეცი გუმბარიძისთვის გადასაცემად.

ჩვენი კლუბი მოითხოვდა ქართული საჯარისო ფორმირებების შექმნას და ეროვნულ-ტერიტორიული ერთეულების გაუქმებას.

ვნახოთ, რას იზამენ.

გუმბარიძე აირჩიეს საქართველოს პრეზიდენტად.

18/XI 89

შაბათია.

ვნევარ. ფეხი მტკივა საშინლად.

მთელი დღე სესიას ვუცქერი.

რბილად მიდის.

არაფერი სახეირო ამ პარლამენტისგან არაა მოსალოდნელი.

სესია დამთავრდა. ლაყბობის მეტი არაფერი მომხდარა.

19/XI 89

კვირაა.

გურამ პეტრიაშვილმა დამირეკა და ტელეფონში ორ საათს მელაპარაკა.

ყველაფერში გეთანხმებიო. მართლაც, რომ ძნელი, მაგრამ საჭირო ბრძოლა წამოიწყეო. ეს ჩვენი სახელოვანი წისქვილები ეროვნულ ბრძოლაში თუ არ ჩავაყენეთ, არაფერი გამოგვივაო.

სალამოს ტელევიზორში თეატრმცოდნე ნათელა არველაძემ თქვა: ქართულ თეატრს თითქოს სძინავსო, 9 აპრილი მოხდა და თეატრში ამ თემაზე სიო არ იძვრისო.

აბა, სხვა რა ვთქვი მე, ასე ჯგუფურად და ენერგიულად რომ დამესხნენ თავს?

20/XI 89

ტელეფონის ყურმილის ალებას ვერ ავუდივარ, იმდენი მირეკავს და მიცხადებს, რომ მართალი ვარ.

ამ დარეკვით ყველაფერი მთავრდება. არავის მოსდის აზრად, კოლექტიური წერილი დანეროს. ამასობაში კი უტიფრობა თავის საქმეს აკეთებს. უნიჭობა მუდამ ერთადაა.

ლამით ექსტრასენსი კაშპიროვსკი ტელევიზიით ხალხს ატყუებდა.

21/XI 89

უფერული, უინტერესო დღე იყო.

სალამოს „ნოვი მირში“ დაბეჭდილი №8,9,10 „არხიპელაგ გულაგის“ კითხვა გავაგრძელე.

ლმერთო, რა საშინელებანი გამოგვივლია. რა ურჩხულად გამოიყურება ლენინი.

22/XI 89

მწერალთა კავშირში მუხრან მაჭავარიანმა პრეზიდიუმი მოიწვია.

მოულოდნელად, ჩემთან შეუთანხმებლად განაცხადა: ახლა „კრიტიკის“ შესახებ ვილაპარაკოთო.

მუხრანის მერე ტარიელ ჭანტურიამ გამაკრიტიკა რობერტ სტურუას გაკრიტიკების გამო.

მას მხარი აუბეს: ოთარ ჭილაძემ, ოთარ ჭელიძემ.

დამიცვეს შოთა ნიშნიანიძემ, გურამ ფანჯიკიძემ, ენვერ ნიჟარაძემ, ჯანსუღ ლვინჯილიამ, რომან მიმინოშვილმა...

ბოლოს მუხრანმა ბრძანა მიშველაძემ სტურუას საჯაროდ ბოდიში უნდა მოუხადოსო.

უარი ვთქვი; თქვენ ის პრეზიდიუმი ხართ, ზვიად გამსახურდია რომ ერთხმად გარიცხეთ-მეთქი.

23/XI 89

შეხვედრა მქონდა მედიცინის მუშაკთა კულტურის სასახლეში.  
ჩინებულად ჩაიარა.

მკითხეს სტურუაზეც.

სალამოს მეტად უსიამოვნო ამბავი შევიტყვე: ოსეთში სამიტინგოდ წა-  
სული ჩვენი ახალგაზრდები რუსის ჯარს ცხინვალში არ შეუშვია და, თურმე,  
ღამეს იქვე, მინდორში (ამ სიცივეში) ათევენ!

ასე ზრუნავს საქართველოსთვის რუსის მთავრობა!

24/XI 89

მთელი დღე რუსთაველის პროსპექტზე გავატარე.

მთელი თბილისი აქ არის.

ხალხი დრტვინავს. ბორგავს. მოითხოვენ გამყიდველი მთავრობის გა-  
დადგომას რომელმაც ცხინვალში ჩასულ ქართველებს რუსის ჯარი დაახ-  
ვედრა.

ჩაატარებდნენ მიტინგს ცხინვალში და ამით დამთავრდებოდა  
ყველაფერი. ჩანს, ვილაცას ხელს აძლევს სისხლისღვრა.

გვიან ღამით შევიტყვეთ, რომ სიცივისაგან გათოშილი, მშვიერი ქა-  
რთველები უკან დაბრუნებულან.

მადლობა ღმერთს, უსისხლოდ გადავრჩით.

25/XI 89

„ახკომში“ დაბეჭდილია წერილი გურამ გვერდნითელის, ემზარ კვი-  
ტაიშვილის, გურამ ბენაშვილის, აკაკი განერელიას და როსტომ ჩხეიძის  
ხელმოწერით.

ბოდიშს უხდინან რობერტ სტურუას და აცხადებენ, რომ გადაიან კრი-  
ტიკის რედკოლეგიიდან. ეგ არაფერი, აცხადებენ, რედაქტორს ჩვენთვის  
„განცხადების“ ტექსტი არ უჩვენებიაო.

რაშია საქმე?

აკი თვითონვე მოაწერეს ხელი რედაქციის განცხადებას?

ასეთი ორპირობა?

26/XI 89

მივედი „ახკომის“ რედაქციაში.

მივიტანე რედკოლეგიის წევრების მიერ ჩასწორებული და ხელმოწერი-  
ლი „განცხადება“.

რედაქტორს – მერაბ ბალარჯიშვილს, ძალიან გაუკვირდა.

მსგავსი თვალთმაქცობა ჯერ არ მინახავსო.

ახლა ვხვდები, რა ხდებოდა ოცდაჩვიდმეტში.

ესენი ხომ ჩემს დახვრეტასაც მოაწერენ ხელს. ჩემი „მეგობრები“.

27/XI 89

დიდი ჩხუბითა და დავიდარაბით მოვახერხე „ახკომში“ საპასუხო წერი-  
ლის დაბეჭდვა.

ასე და ამრიგად, ვამხილე „კრიტიკის“ რედკოლეგიის წევრები თვალთ-  
მაქცობაში.

რაი მერე?

მათზე სამუდამოდ გამიტყდა გული. ემზარს მაინც რალა მოუვიდა. რა პირობით ჩამომართმევენ ხელს ემზარი, გურამი?

28/XI 89

დღეს მწერალთა კავშირის პრეზიდენტის განცხადება დაიბეჭდა სესიასთან დაკავშირებით.

მუხრანმა სამდივნოზე დამიძახა და კატეგორიულად მომთხოვა ახსნა-განმარტება „მომხდარ ინციდენტთან“ დაკავშირებით.

ენყინა, რომ მართალი აღმოვჩნდი.

გარეთ გამომაცილა და კიბეზე ჩამჩურჩულა: ისე, მე რომ შენს ადგილას ვიყო, „კრიტიკის“ რედაქტორობას თავს გავანებებდი, სანერვიულო საქმეაო.

29/XI 89

კიტა ბუაჩიძემ – ცნობილმა დრამატურგმა და დისიდენტმა, ნიჭიერმა მწერალმა და მართალმა კაცმა, რომელიც 20 წელი იჯდა, წერილი მომწერა: რუსთაველის თეატრის საკითხში აბსოლუტურად მართალი ხარო. თან გამომიგზავნა მის მიერ რვა წლის წინათ დაწერილი თითქმის იდენტური წერილი. მეო, ის რაც ახლა ხდება, ცხრა წლის წინათ ვინინასწარმეტყველეო.

უნდა დავბეჭდო პირველ ნომერში.

30/XI 89

დღეს მუხრან მაჭავარიანმა ტელეფონზე დამირეკა – პირველ საათზე სამდივნოზე გამოცხადდი; უნდა გაგათავისუფლო რედაქტორობიდანო.

კეთილი და პატიოსანი, მაგრამ ხომ შეიძლება გკითხო; რატომ-მეთქი.

ნუ მკითხავო. როცა იქნება, გაიგებ, რომ მე არაფერ შუაში ვარო.

მე ვხვდები, რაშია საქმე. ეს არის გივი გუმბარიძის, ხუტა ბერულავას და, რა თქმა უნდა, მუხრან მაჭავარიანის ერთობლივი შეთქმულება ჩემს წინააღმდეგ.

სიამოვნებით დავთმობ მთავრობის მიერ ნაბოძებ ხალათს. მე ვიცი, ეს ჩემი პოზიციის, ჩემს მიერ გამოშვებული „კრიტიკის“ ნომრების გამო ხდება. „სტურუა“ მხოლოდ საბაბია.

მუხრანი რატომ არ მეუბნება სიმართლეს?

1/XII 89

სამსახურში არ წავსულვარ.

ძალიან ცუდ ხასიათზე ვარ.

ადამიანთა ამ მასშტაბის სისაძაგლეს ვერ წარმოვიდგენდი.

არც „კრიტიკის“ რედაქტორობა მინდა და არც „კრიტიკოსების“ (გ. გვერდნითელი, ა. განერელია, გ. ბენაშვილი, ე. კვიციანიშვილი, რ. ჩხეიძე) სახის დანახვა და მათთან თანამშრომლობა.

სალამოს ფანჯიკიძემ დამირეკა; ეტყობა, ვენალები და ძალიან აინტერესებს, დავეთანხმები თუ არა ჩემს განთავისუფლებას. მეო, წინააღმდეგი ვარო. მჯერა.

გამათავისუფლეთ-მეთქი, ოღონდ თქვენს სამსჯავროზე არ გამოვალ და ჭკუის დარიგებებს არ მოვისმენ-მეთქი.

მუხრანი, თურმე, ბდღვინავდა, ხუტა გადი-გამოდიოდა – რას ჰქვია, არ გამოცხადდა, დღეს სამსახურიდან უნდა მოგვეხსნათო.

სასაცილო სიტუაციაა, თავისი მინაარსით საზიზღარი რომ არ იყოს.



## 2/XII 89

ჩემი ძმისშვილის – ეკა მიშველაძის, ქორწილში გახლდით.

კარგ, ზრდილ ყმანვილს – დათო კვიციანიშვილს, გაჰყვა.

ვითამადე. დიდი ქორწილი იყო.

ვიმღერე და ვიცეკვე კიდეც.

შინ მთვრალი დავბრუნდი.

კვიციანიშვილების გვარმა ჩემი მეგობარი ემზარი გამახსენა.

## 3/XII 89

დღეს კვიციანიშვილების ოჯახში იყო ქორწილი.

ემზარის ახლო ნათესავი აღმოჩნდა სიძე.

კაცი შემომიგზავნა, თუ შემომიშვებსო ქორწილში, ბოდიშს მოვუხედი. შევცოდე და მაპატიოსო.

შემოვიდეს-მეთქი.

ჩემსკენ წამოვიდა ხელის ჩამოსართმევად, მაგრამ ზურგი შევაქციე.

მომორებით დაჯდა, თავჩაქინდრული. მიყვარს ემზარი და მისგან არ ველოდი ზურგში ხანჯლის ჩაცემას. ვერ გავძელი, მასთან ერთ სუფრაზე.

ხუთ წუთში ავდექი და სუფრა დავტოვე.

მასპინძელს ბოდიში მოვუხადე.

## 4/XII 89

ორშაბათია.

ვესაუბრე მთავრობის სასახლის წინ მოშიმშილე დედებს. ისინი რუსეთში, ახლახან (მშვიდობიანობის დროს) ჯარში დახოცილი ბიჭების დედები არიან.

მოუწოდებენ ქართველ ახალგაზრდებს, უარი თქვან რუსის ჯარში სამსახურზე.

ხუტა ბერულავა და მუხრან მაჭავარიანი გააფთრებით მებრძვიან.

კაცი გაუგზავნიათ პოლიკლინიკაში, ვარ თუ არა ბიულეტენზე.

## 5/XII 89

შეხვედრა მქონდა რადიოქარხანაში.

ყველანი მეკითხებოდნენ, დღეს „კომუნისტში“ დაბეჭდილ ჩემს წერილზე – (ნუ გავაზვიადებთ“).

დიდის ვაიანწარობით დაბეჭდა სტატია „კომუნისტის“ რედაქტორმა და ქვეშ მიანერა: რევან მიშველაძეს არ ვეთანხმებითო.

ეს კარგია. „კომუნისტი“ რომ დამეთანხმება, მაშინაა ცუდად ჩემი საქმე.

შეხვედრაზე დიდი სიყვარული გამომიცხადეს: იცოდე, ბატონო რევან, ახალგაზრდები თქვენს გვერდით ვართო.

## 6/XII 89

სომხეთში ჩატარდა სესია და დაადგინეს: სომხეთი გამოეყოს საბჭოთა კავშირს.

სხვა საკითხია, როგორ შეხედავს ამ ფაქტს მოსკოვი.

რაც მთავარია, სომხებმა ხომ დაადგინეს!

## 7/XII 89

მცხეთის რაიკომის მდივანს ჩავაკითხეთ მედეა კახიძემ, გრიგოლ ჯუ-  
ლუხიძემ და მე, პოეტ დავით ნავდარაშვილის სამსახურში მოწყობის საქ-  
მეზე.

დაგვპირდა, დავეხმარებო.

## 8/XII 89

დღეს „ლიტერატურულ საქართველოში“ ჩემთვის სრულიად მოულოდ-  
ნელად, განცხადებაა: მიშველაძე განთავისუფლდეს „კრიტიკის“ რედაქტო-  
რობიდან და თეიმურაზ დოიანაშვილი დაინიშნოსო.

ეგ არაფერი. ჩემს წინააღმდეგ ორი მოზრდილი წერილი შეუთითხნიათ:  
ერთს ხელს აწერს აკაკი ვასაძე, მეორეს – სოსო ცისკარიშვილი(!)

„გაიპე გულო, რაკი ენა უნდა დადუმდეს“.

მიყელეს მტრებმა. შური აბობოქრდა.

ამ ბინძური კამპანიის მთავარი დამნაშავეები იცოდეს შთამომავლობამ:  
გივი გუმბარიძე, მუხრან მაჭავარიანი, ხუტა ბერულავა, ვასაძე...

მგონი, ამით ყველაფერი არ მთავრდება, „სანთელ საკმეველი...“

## 9/XII 89

მოდიან ნაცნობები, უცნობები, მიცხადებენ, რომ ეს ლიტერატურული  
ტერორიზმია, რომ ჩვენი საზოგადოება ამ საკითხს ასე არ დატოვებს...

ეს თანაგრძნობა სიყალბედ მეჩვენება. ღმერთო, შეგცოდე, იქნებ ვცდე-  
ბი, მაგრამ მეჩვენება, რომ არავინ ჩემს დასაცავად თავს არ გამოიღებს.

გულში ბევრსაც გაეხარებოდა. ჩანს, სეირის ნახვით მაინც ერთობა  
აღამიანი.

როგორ მოვიქცეოდი მე, სხვისთვის რომ დაეტეხათ ეს უსამართლობა?  
უსათუოდ დავიცავდი სახალხოდ. პროტესტს განავაცხადებდი.

ჯერ არსაიდან ხმა ჩემს დასაცავად, გარდა ტელეფონების ზარისა.

თუმცა... დღევანდელ „ახკომში“ მოთხრილია ხუტა ბერულავა. პო-  
ემა „რუსული გული“ იმ ფროლოვზე აქვს დაწერილი, ვინც 1921 წლის 25  
თებერვალს ქართველები დახვრიტაო.

აი, ეს ხუტა ბერულავა, მხსნის მე, რევაზ მიშველაძეს, და ჩემს წინააღ-  
მდეგ „პასკვილების“ ორგანიზაციას აკეთებს.

ნუთუ ჩემი მწერლობით არაფერი სასიკეთო გამიკეთებია? მე არ ვიდ-  
ექი ცერბეროვით ჩვენი ეროვნული ღირსების სადარაჯოზე? მე არ დავწერე  
მრისხანე ნოველა ასტაფიევზე, არ მივწერე „კომუნისტიდან“ წერილი რას-  
პუტინს? მე არ დავუჭირე მხარი ჩემი ნოველებით, წერილებით და ინ-  
ტერვიუებით ამ სახალხო ლაშქრობას? მე არ დავრბოდი წერილით ხელში  
აკადემიკოსთა და პროფესორთა კიბებზე ზვიად გამსახურდიას ციხიდან  
გამოსახსნელად?

სად არის ახლა ზვიადი?

აი, ასეთები ვართ ჩვენ!

შეუნდოს ყველას ღმერთმა.

## 10/XII 89

დღეს პოეტი თემურ ჩალაბაშვილი მესტუმრა და მამცნო: არაფორმალე-  
ბი აღმფოთებული არიან და ზვიად გამსახურდიამ და ვახტანგ გურგენიძემ

შემოგითვალეს; შენს დასაცავად წერილის დაწერას ვაპირებთ; რომელსაც გ. ჭანტურია, ნ. ნათაძე და ი. წერეთელიც მოაწერენ ხელსო.

ვთხოვე, მადლობა გადაეცი, მაგრამ წერილის გამოქვეყნება უხერხული იქნება, ხალხს, მართლაც, საწყალობლად მოვეჩვენები, თუ რამედ ვლირვარ, ისედაც უნდა იცოდეს-მეთქი ქვეყანამ.

#### 11,12/XII 89

გაიხსნა მოსკოვში დეპუტატთა ყრილობა.

გორბაჩოვი წარმოუდგენლად იკბინება, უხეშობს, დეპუტატებს სიტყვას ართმევს პირიდან, მიკროფონს უთიშავს.

ემინია, ძალაუფლება შეუმჩნეველად არ გამოაცალონ.

სალამოს მარჯვანიშვილის თეატრში თ. ჩხეიძის დადგმა „ლამბალო და ყაშა“ ვნახე.

ნიჭიერ რეჟისორს, თითქოსდა, გაუთანამედროვებია, კარგი სპექტაკლია.

#### 13/XII 89

მოსკოვში სესიაზე საოცარი ამბები ხდება.

დეპუტატები აშკარად გამოხატავენ უკმაყოფილებას სსრკ-ს სახელმწიფო წყობის და გარდაქმნის მიმართ.

გორბაჩოვი გააფთრებით იცავს თავს ხშირად აკრძალული მეთოდებით.

#### 14/XII 89

დღეს კათედრის სხდომა მქონდა.

კათედრის წევრებს პირდაპირ განუცხადე: თუ ერთი პროცენტი მაინც გვერათ ა. ვასაძის მონაჩმახისა, დღესვე გადავდგები კათედრის გამგეობიდან-მეთქი.

უნდა გენახათ, რა სიყვარული გამომიცხადეს.

ერთხმად დაგმეს „ლიტ. საქართველოს“ და ა. ვასაძის საქციელი.

კიდევ კარგი... ამათ მაინც ვყვარებივარ.

#### 15/XII 89

ჩავატარე ჩემი პოლიტიკური კლუბის „რას ვამბობთ, რას ვაკეთებთ“ მორიგი დისპუტი – „სტუდენტები და საზოგადოებრივი მეცნიერებანი“.

შესავალ სიტყვაში დისპუტს ასეთი მიმართულება მივეცი: „მარქსიზმი, როგორც ყალბი, გაკოტრებული მეცნიერება, არ უნდა ისწავლებოდეს სკოლებსა და უმაღლეს სასწავლებლებში. საერთოდ, დაუშვებელია ჩვენი უმაღლესი სასწავლებლების პოლიტიზაცია“.

ფაქტიურად კამათი არ ყოფილა, მიუხედავად იმისა, რომ 9 კაცი გამოვიდა (მათ შორის პროფ. თ. კუკავა, დოც. ვ. კახნიაშვილი, დოც. ვ. ჯალიაშვილი, დოც. ქ. ლარიბაშვილი...). ფაქტიურად ყველანი ამ აზრისანი აღმოჩნდნენ.

ბოლოს შევიმუშავეთ რეკომენდაციები.

#### 16/XII 89

დეპუტატთა მეორე ყრილობაზე სახაროვმა თქვა: კონსტიტუციიდან ამოვიღოთ მე-6 მუხლი სკკპ-ს მმართველი როლის შესახებო.

ორი წინადადებაც კი არ ჰქონდა ნათქვამი; გორბაჩოვმა უხეშად შეაწყვეტინა: არც თქვენ გესმით, რა უნდა თქვამთ და არც ჩვენო.

სახაროვი ტრიბუნას გაფითრებული მოშორდა და იმავე საღამოს გამოაცხადეს, გარდაიცვალაო.

ასეთი დემოკრატია გვაქვს ჩვენ.

17/XII 89

დილით ბორისმა (ჩემი ძმა) გამომიარა და გუდაურისკენ წასვლა შემომთავაზა, იქნებ გული გადააყოლოო.

წავედი, მაგრამ სევდა მაინც ვერ მოვიშორე.

მღრღნის საშინელი ეჭვი მხოლოდ ერთი რამის გამო; რატომ სდუმან ჩემი მეგობარი და თანამოაზრე მწერლები? იქნებ მართალი არიან ჩემი მტრები?

რა საშინელებაა ამის გაფიქრება.

რატომ აღმოვჩნდი ასე უპატრონო?

საღამოს მედუა კახიძემ დამირეკა და მაცნობა; უნივერსიტეტში შენს სანიანალმდეგო ხელმოწერებს აგროვებენ და გაფრთხილდით.

ესეც ახალი ამბავი. რაც იქნება, იქნება!

18/XII 89

დღეს დედაჩემს 69 წელი შეუსრულდა.

უფრო კეთილი, ღვთისნიერი, მლმობელი გული ქალი ამ ქვეყანაზე არ მეგულება.

საღამოს ნ. ჭითანავამ დამიბარა:

შენაო, ყველაფერში მართალი აღმოჩნდიო, შეცდომა იყო შენი განთავისუფლება და უნდა გვაპატიოო.

არაფერი მითქვამს, უხმოდ გამოვედი. ნოდარი კარგი კაცია, მაგრამ მისთვის არავის უკითხავს ჩემი მოხსნა.

19/XII 89

ვიღაცამ დამირეკა, გარეწართა ბანდას პასუხს რატომ არ აძლევო. არ მინდა დავეშვა ლიტერატურული მეჯღანეების დონეზე-მეთქი.

20/XII 89

მოახლოვებულია სესიაზე 9 აპრილის განხილვის დღე.

სამხედრო პროკურატურა ყოველი ლონით ცდილობს ფაქტების მიჩქმალვას.

დავწერე „წერილი ყრილობას“. იქნებ „პეგასის“ ეგიდით გავაპარო პრესაში?

ახლა ჩემი სახელით არავინ არაფერს დაბეჭდავს.

21/XII 89

რუმინეთის „ბელადმა“ ჩაუშესკუმ დემონსტრანტები დახოცა.

მთელი მსოფლიო აღშფოთებულია.

ჩამოვიარე რედაქციები. შევთავაზე ჩემი „მაგზოლეუმი“, მაგრამ საოთოფეზეც არ გამიკარეს.

ჩემი დანახვაც ეშინიათ, რას ვიზამ, შერისხული ვარ.

22/XII 89

„ლიტერატურული საქართველოში“ რამდენიმე წერილია იმის „დასამტკიცებლად“, არიან თუ არა მეგრელები ქართველები(?!), ესაა დღეს „პრობლემა“?

23/XII, 24/XII 89

შემადრწუნებელი ამბავი გადმოსცა „ამერიკის ხმამ“.

რუმინეთში ამბოხებულებმა საბჭოთა წყობილება დაამხეს და რადიოტელევიზია დაიკავეს. ეს დიდებულია, მაგრამ შემადრწუნებელი ის არის, რომ ჯარმა დემონსტრანტებს ომი გაუმართა. რამდენიმე კაცი მოკლულია.

რა ძვირი გვიჯდება მარქსო და ლენინო, – თქვენი შემზადებული საშინელი ბანგისაგან განთავისუფლება.

25/XII 89

ამბოხებულებმა ჩაუშესკუ და მისი ცოლი დახვრიტეს.

რა სამართლიანიც უნდა იყოს განაჩენი, დახვრეტა მაინც სისასტიკეა. საქართველოს (9 აპრილის) საკითხის განხილვა ხვალისთვის გადაიდო.

26/XII 89

დღეს გამოვიდა ყრილობაზე სობჩაკი და ნაიკითხა დასკვნა, სადაც ცხრა აპრილის დანამაულში ამხილა საქართველოს მთავრობა, ჯარის სარდლობა და კინალამ მოსკოვის ხელისუფლებაც.

მერე გამოვიდა სამხედრო პროკურორი და ყველაფერი უკულმა შეატრიალა. ქართველებმა, თვით დახოცეს თავიანთი ქალებიო.

საქართველოს დეპუტაციამ პროტესტის ნიშნად დარბაზი დატოვა.

მხოლოდ გორბაჩოვის პირადი თხოვნის შემდეგ (!!) დაბრუნდნენ ისინი დარბაზში.

დღეს პლენუმი ჩატარდა მოსკოვში და გორბაჩოვმა განაცხადა, რომ ლიტვის ცკ-ს გადაწყვეტილება, გამოეყოს სკკპ-ს, „უკანონო“.

აი, როგორი დემოკრატია გორბაჩოვი.

28/XII 89

კათედრის სხდომა ჩავატარე: „1989 წლის შედეგები და ჩვენი ამოცანები“.

ვრცელი სიტყვა ვთქვი. დავახასიათე კომუნისტური წყობის საშინელებანი და შევეხე ქართველი მწერლის, მეცნიერის ადგილსაც ამ ბრძოლაში.

სალამოს კარგი კაცის – დავით გოქსაძის, დაკრძალვაზე ვიყავი.

29/XII 89

„ლიტერატურულ საქართველოში“ კვლავ არც ერთი სიტყვა ჩემს დასაცავად.

საოცარია! სად არიან ჩემი მეგობარი ქართველი მწერლები?

ნუთუ ლიტერატურულ ხულიგნებს ყველაფერი უნდა შერჩეთ?

20/XII 89

შაბათია.

კუს ტბაზე ფეხით გავიარეთ მე და აჩიკომ.

ნუგზარ ჯუღელი და ჯურხა ნადირაძე ამემგზავრნენ. ყველაფერში მართალი ხარო, ორივემ. მთელი საქართველო შენს გვერდით არისო. ოჯახებში შენს სადღეგრძელოს სვამენო.

31/XII 89

ინურება ეს საშინელი, ბინძური წელი – 1989!

საათებილა რჩება.

ჩემი ხალხის რამდენი სისხლი, იმედი და რწმენა წაიღო.

ნუთუ მომავალ წელს მაინც ვერ განვთავისუფლდებით ბოლშევიკური მარწუხებისგან?

ნუთუ ვერ მოვესწრები თავისუფალ საქართველოს?

დღეს ვკითხულობდი „განთიადის“ №4-ში მერაბ ელიოზიშვილის მოთხრობას „წრებრუნვა“. რუსთაველის თეატრზე ზუსტად იმ აზრისაა, რა აზრიც მე მაქვს. გამეზარდა.

გამარჯობა, უცნობო 1990!

ხვალ 50 წელი მისრულდება. ალბათ, არც ერთი გაზეთი ხმას არ ამოიღებს. არავინ აღნიშნავს. მე ხომ შერისხული ვარ საქართველოს ხელისუფლების მიერ...

მუხრანი და ხუტა იზრუნებენ, რათა ჩემი საიუბილეო „თემა“ არსად გაჭაჭანდეს.

კარგია. იუბილარის კმაყოფილ პოზაში თავი ვერც წარმომიდგენია.

ხვალ დილითვე გავიქცევი თბილისიდან ბაკურიანში.

1/1 . . . . 9/1 90

ბაკურიანში ვარ.

სიბერეს და მონოლილ სევდას ვებრძვი.

ცუდი ამბებია.

ოსები შემჭმელი თვალებით გვიცქერიან.

3 იანვარს „მოამბემ“ გვაცნობა, რომ ოსებმა აკვანში ცხრა თვის ბავშვი ტყვიით მოკლეს.

გამოვიდა მეორე დღეს გუმბარიძე ტელევიზორში და სიმშვიდისა და კეთილგონიერებისკენ მოგვინოდა.

დაუყოვნებლივ უნდა გაუქმდეს ოსეთის ავტონომიური ოლქი, როგორც უკანონო.

„ლიტერატურულმა საქართველომ“ როგორც იქნა, დაბეჭდა პატარა წერილი, რომელშიც მშვენიერი პიროვნებები მიცავენ ა. ვასაძის და ს. ცისკარიშვილის ხელყოფისაგან. აი ისინიც: აკადემიკოსი ა. აფაქიძე, ნონა გაფრინდაშვილი, სოლომონ ხუციშვილი, ვახტანგ გურგენიძე, მხატვრები, დემურ ბაშალაიშვილი, გიორგი თოთიბაძე, კომპოზიტორი ჯუმბერ ჯანდერი. ამაზე მეტი რეაბილიტაცია მე არ მჭირდება.

დანარჩენი საქართველომ თვითონ იცის.

ეგ არაფერი, მე ის მანუხებს, რომ საქართველოს მარიონეტული მთავრობა კვლავ საქართველოს დადებლების პოლიტიკას ადგას. საქართველოს მტრებს, მკვლელებს არც თვით სჯის და არც ჩვენ გვაძლევს საშუალებას, მტერს გაუუსწორედეთ.

10/1 90

დღეს მთავრობის სასახლის წინ მოშიმშილენი დასხდნენ.

ხუთ საათზე დიდი მიტინგი გაიმართა.

მოითხოვენ საბჭოთა ხელისუფლების დაუყოვნებლივ გაუქმებას (ი. ნერეთელი).

„არაფორმალთა“ ჯგუფი ცეკას შენობაში შეიჭრა და მოითხოვა: კომუნისტებმა სასწრაფოდ გაათავისუფლონ შენობა.

ქალაქი, როგორც ჟურნალისტებმა იცინ თქმა, „პარალიზებულია“.

დაინყო საყოველთაო გაფიცვა.

დღეს სწავლა არ დაწყებულა სკოლებში.

11/1 90

ქალაქი გაფიცულია.

არ მუშაობს საზოგადოებრივი ტრანსპორტი.

ქუჩაში დემონსტრანტები დადიან.

რუსთაველის პროსპექტი გადაკეტილია.

სამი საათი დავყავი მოშიმშილეებთან.

მანც ვფიქრობ, ცეცხლს ეთამამებიან.

მთავრობა მეღურ პოლიტიკას თამაშობს.

დღეს ჩემს წიგნს „განაჩენი“, გ. გვერდნითელმა ხელი არ მოაწერა სტამბაში გასაგზავნად.

12/1 90

„ლიტერატურულ საქართველოში“ სოლომონ ხუციშვილის „განცხადება“ დაბეჭდილი. ოთხმოცი წლის კაცი დაუშინებიათ ჩემს მტრებს და შემკრთალი წერს. მე მინანური მქონდა, რომელიც გაზეთში არ ჩანსო.

სინამდვილეში არავითარი მინანური არ ყოფილა. ერთხელ კიდეც მიკვირს ქამელეონობას საზღვრები რომ არა აქვს.

13/1 90

უნივერსიტეტში კრება ჩატარდა ოსეთში შექმნილი ვითარების გამო.

გამოვიდნენ ზვიად გამსახურდია, თემურ ქორიძე, მოკლული ცხრა თვის ბავშვის მამა. მერე რეზოლუცია მივიღეთ. ავდექი და კატეგორიულად მოვითხოვე, რეზოლუციაში შეეტანათ:

სამხრეთ ოსეთის ავტონომიური ოლქის – როგორც პოლიტიკური ერთეულის, გაუქმება.

მოეთხოვოს მთავრობას, დაუყოვნებლივ დააპატიმროს ოსი მკვლევები.

შეიქმნას მოხალისეთა რაზმი ქართველთა დასაცავად, რომელშიც პირველი მე ჩავენერები-მეთქი.

ორი წინადადება მიიღეს, მესამეზე თქვეს, ამას დადგენილებაში ნუ შევიტანთო.

სხვა გზა არ დაგვრჩენია, იარაღით უნდა დავიცვათ ჩვენი თავი.

14/1 90

კვირაა.

დაბადებული ვარ 1940 წლის 1 იანვარს. 50 შემსრულებია.

ნათესავ-მეგობრებისთვის პატარა ვახშამი გავმართე.

მხიარული, ტკბილი სუფრა იყო.



15/1 90

აზერბაიჯანსა და სომხეთს შორის ლამის ომი დაიწყო.

მეორე დღეა ხოცვა-ჟლეტა მიმდინარეობს.

იქეთ ირანი ბორგავს.

იქნებ ეს მსოფლიო ომის წინააღმდეგ?

რა გვეშველება, მსოფლიოვ, რა გვეშველება, ჩემო პატარა საცოდავო საქართველოვ.

ოთხ საათზე მთავრობის სასახლის წინ მიტინგს დავესწარი.

ზვიად გამსახურდია და გია ჭანტურია შეპაექრდნენ. ზვიადმა – ოსეთის ავტონომია უნდა გაუქმდესო. გიამ – არაო. ზვიადმა – არჩევნებში მონაწილეობა მივიღოთ, გიამ – არაო.

მერე რუსლან მიქაბერიძემ იკითხა თავისი მშვენიერი, სატირული ლექსები.

მოშიმშილეთა კარვები მოვიარე. ყველას სიტყვით მივმართე. პრეზიდენტის კიბეზე მსხდომ მოშიმშილებს ვესაუბრე.

16/1 90

უფერული, ჩვეულებრივი დღე იყო.

17/1 90

დღეს უნივერსიტეტში გამოცდა მქონდა.

ჩემდა გასაოცრად, სტუდენტები მშვენივრად მომზადებულნი მოვიდნენ.

ვისაც „ირაკლი აბაშიძე“ შეხვდებოდა, ბილეთის საკითხად, მთხოვდა თუ შეიძლება გამოვცვლი ბილეთს – ირაკლი არ გვიყვარსო.

ვუხსნიდი, რომ მართლები არ არიან, არ შეიძლება-მეთქი ადამიანზე კომუნისტური წარსულით ვიმსჯელოთ-მეთქი. ირაკლი ბრწყინვალე პოეტია-მეთქი.

ჩანს, სასტიკი დროა, რევოლუციების ეპოქა. რევოლუციამ მხოლოდ მაქსიმალიზმი იცის.

„სოფლის ცხოვრებამ“ შეკითხვები გამომიგზავნა. ვუპასუხე. ვნახოთ, დაბეჭდავენ თუ არა. ოთარ იოსელიანი გაბედული, მართალი რედაქტორია.

18/1 90

ჩავატარე საზოგადოებრივ-პოლიტიკური კლუბის „რას ვამბობთ, რას ვაკეთებთ“ მორიგი სხდომა. გავხსენი მწვავე სიტყვით. მოვითხოვე ოსეთის ავტონომიის გაუქმება და საქართველოს მარიონეტული მთავრობის გადადგომა.

სიტყვებით გამოვიდნენ ირინე ტალიაშვილი, თემურ ჩალაბაშვილი, სოსო ცინცაძე, ბორის ლომსაძე, გურამ ბერიშვილი, ქართლოს ლარიბაშვილი, ნოდარ გრიგალაშვილი და სხვები.

ბოლოს ხმის უმრავლესობით მივიღეთ საკმაოდ მკაცრი რეზოლუცია.

დავესწარი თენგიზ ჩანტლაძის ხსოვნის საღამოს.

თენგიზი უნიჭიერესი არტისტი იყო. მისი გარდაცვალების შემდეგ მისი თეატრი, ფაქტობრივად, დაიშალა, ჩემი მეგობარი იყო თენგიზი და თანამოაზრე.

19/1 90

„ლიტერატურულ საქართველოში“, როგორც იქნა, გამოჩნდა ჩემი დასაცავი წერილი. ერთადერთმა მწერალმა, ნოდარ ნუღლისკირმა, გაბედა დაეწერა: მიშველაძე მართალი იყო და მის მიმართ თავდასხმა არაკანონიერია, ხოლო გათავისუფლება მით უფრო მოულოდნელიო.

იქვე სოლომონ ხუციშვილს პასუხს აძლევს გაზეთი. არავითარი მინანერი თქვენს ხელმოწერას არ ახლდა და ტყუილს რატომ კადრულობთო.

ეგ არაფერი. ჩემი თავი ჯანდაბას.

დღეს რუსის ჯარები შეიჭრნენ ბაქოში და ხალხი დახოცეს საბჭოთა ხელისუფლების გადასარჩენად.

ნუხელის, გვიან ღამით, ირაკლი წერეთელმა მიტინგზე გამოაცხადა; დაეშალოთ მოშიშპილეთა მშვიდობიანი აქცია და დროებით შევაჩეროთ ეროვნული მოძრაობა, თორემ კრემლისგან ახალი პროვოკაცია მოსალოდნელიო.

იქნებ მართალია ირაკლი?

მე და აჩიკო გულამღვრეული დავბრუნდით შინ.

20/1 90

შაბათია.

დილით „განთავისუფლებას“ მოვუსმინე. მსოფლიო შეძრწუნებულია ბაქოში მომხდარი საშინელებებით.

ესეც თქვენი დემოკრატი გორბაჩოვი.

დეპუტატმა პოპოვმა „განთავისუფლების“ კორპენდენტთან საუბარში განაცხადა: ეროვნებათმორისი სისხლისღვრა გამოწვეულია გორბაჩოვის უნიათო პოლიტიკითო. კავკასია დაწყენარდება, თუ გავაუქმებთ ყალბ ავტონომიებს და ყველას თავ-თავის ქვეყანაში წავიყვან-წამოვიყვანთო.

21/1 90

„თბილისმა“ ჩემი საუბიბლეო თარიღი აღნიშნა. გამოაქვეყნა მიხეილ ქელივიძის წერილი და ჩემი ნოველა „დაღლილი კაცის ნათქვამი“.

მიხეილის წერილი მშვენიერია.

22/1 90

მუხრან მაჭავარიანმა იორამ ქემერტელიძის პირით შემომითვალა; განცხადება დაწეროს, რომ თავისი ნებით წავიდა „კრიტიკიდანო“. მეო, მისთვის კარგი მინდა, შეიძლება მალე „ცისკრის“ რედაქტორად დავნიშნოო. უარი შევეუთვალე.

23/1 90

როგორც იქნა, გ. გვერდნითელმა ჩემი წიგნი გაუშვა სტამბაში. ათი დღე ხელს არ აწერდა, მაგრამ ბოლოს მაინც მოაწერა.

„სოფლის ცხოვრებამ“ დაბეჭდა ჩემი ინტერვიუ.

„ახკომში“ ჩემი პოლიტიკური კლუბის განცხადებაა.

დღეს კარგი დღე იყო.

24/1 90

ერთი ამბავია „სოფლის ცხოვრების“ ინტერვიუზე.

ზოგი მეუბნება, ნამეტანი მკაცრად მიარტყი ცხვირში შენს მტრებსო.

25/1 90

მარტვილიდან გაზეთის რედაქტორის მოადგილე – დემურ კილასონია – ჩამოვიდა, უნივერსიტეტში მომაკითხა და ინტერვიუ მთხოვა. თანაც მეო მთელი რაიონის სახელით გილოცავთ და მარტვილში საიუბილეო საღამო უნდა გაგიმართოთ. ინტერვიუ მივეცი. საღამოზე უარი მოვახსენე. ახლა იუბილეების დრო არ არის-მეთქი.

ქუთაისს სძინავს? ნუთუ ქუთაისს სულ არ ვახსოვარ?

26/1 90

„თბილგანათებაში“ შეხვედრა გვექონდა კომპოზიტორ ვაჟა აზარაშვილს, გოგი თოთიბაძეს, დემურ ბაშელიშვილს და მე – „პეგასის“ ხაზით.

„პეგასი“ მშვენიერი ასოციაციაა. თუ დაგვაცალეს. მან ქართული კულტურის პროპაგანდა უნდა გასწიოს ჩვენში და საზღვარგარეთ. რაც მთავარია, იგი ცეკაზე და სამინისტროზე (კულტურის) არ არის ჩამოკიდებული. არ არის შეზღუდული, არტახებში მოქცეული.

„პეგასს“ სული უნდა ვუბეროთ, რომ არ ჩაგვაქრეს ხელში.

27/1 90

„თბილისში“ ჯ. ჩარკვიანის წერილია.

არაა ურიგო წერილი. საქართველომ სრული თავისუფლება უნდა მოიპოვოსო, წერს.

28/1 90

მირანგულ ავსაჯანიშვილის ბიჭის ქორწილში ვიყავით მე და აჩიკო. რიტუალების სასახლეში იქორწინეს.

ახალგაზრდებთან მოვხვდი სუფრაზე. ყველანი განსაკუთრებულ სიყვარულს და მონივნებას ამჟღავნებდნენ ჩემს მიმართ. თქვენაო, ბატონო რევაზ, ახალგაზრდების საყვარელი მწერალი ბრძანდებითო, ბრძოლაში თეატრის გაქართულების თაობაზე აბსოლიტურად თქვენს მხარეზე ვართო. ერთმა მათგანმა მომახარა, გუშინდელ „საქართველოში“ (სახალხო ფრონტის გაზეთი) თქვენზე ბრწყინვალე წერილიაო. გურამ პეტრიაშვილი თავგამოდებით გიცავთო. საინტერესოა.

სალამოს დემოგრაფიულმა საზოგადოებამ (ეს უკვე მერამდენედ) კატეგორიულად მთხოვა ვიყო მისი დეპუტატი უზენაეს საბჭოში.

ვიცი, მაინც არ ამირჩევენ, ამიტომ ვჭოჭმანობ.

29/1 90

დღეს მწერალთა კავშირის პრეზიდიუმის სხდომა გვექონდა.

დღის წესრიგში ორი საკითხი იდგა – ოსეთის საკითხი და მაიაკოვსკის რაიონისთვის თავისი ძველი სახელის – ბალდათის დაბრუნების საკითხი.

პირველ საკითხზე მუხრან მაჭავარიანმა განაცხადა – ავტონომიური ოლქის სტატუსის გაუქმების და როკის გვირაბის დაკეტვის საკითხი ჩვენ არ გვეხება, ჩვენ მხოლოდ ნაფი ჯუსოითის გარიცხვის საკითხი გვინტერესებსო.

მე პროტესტი განვაცხადე. მთავარი ის საკითხებია, ჩვენ ჩვენი პოზიცია უნდა გამოვხატოთ. ჯუსოითის გარიცხვას მოსკოვი მაინც არ დაგვიმტკიცებს-მეთქი. იმსჯელეს და საკითხი გადაიდო ჯუსოითის გამოუცხადებლობის გამო.

მეორე საკითხზე ყველანი ერთსულოვანი აღმოჩნდით. საქართველოში არცერთს ქალაქს არ ჰქვია რუსთაველი და ჭავჭავაძე, რატომ უნდა ერქვას მიაკოვსკი?

დავადგინეთ: მიაკოვსკის ნაცვლად ბაღდათს ბაღდათი ეწოდოს.

30/1 90

ქუჩაში შემხვდა მწერალი ამირან კალაძე და მითხრა; ვისაც კი შეეხვდი, ყველანი შენზე ლაპარაკობენო. მუხრან მაჭავარიანმა და ხუტა ბერულავამ სამუდამოდ თავი მოიჭრეს შენი მოხსნითო.

მე მეთქი, ამ ამბავს დიდ მნიშვნელობას არ ვანიჭებ. არ გეგონოთ, თითქოს გული მწყდებოდეს „კრიტიკაზე“. როგორც ჩანს, სამართლებრივ სახელმწიფომდე ჯერ კიდევ დიდი გზა გვიძევს-მეთქი.

სალამოს „მოამბემ“ გამოაცხადა: ვაჟა ლორთქიფანიძე მინისტრთა საბჭოს თავმჯდომარის მოადგილედ გადაუყვანიათ.

31/1 90

აჩიკოს პირველად პირში სიგარეტის სუნი ჰქონდა.

ძალიან გავუფავრდი.

ლამით ვფიქრობდი თვეების სახელწოდებებზე. ძველი სახელწოდებებიდან იანვარის, თებერვალის, მარტის და აპრილის სახელები არ მომწონს. ხომ არ შეიძლება ასე მოვნათლოთ:

იანვარი – ახალწლისთვე;

თებერვალი – რუსთვე;

მარტი – განახლებისთვე;

აპრილი – მზისათვე;

ეს ოთხი სახელი ჩემი შერქმეულია (იცოდეს შთამომავლობამ);

და მერე როგორც არის.

მაისი – ვარდობისთვე, ივნისი – თიბათვე, ივლისი – წიფობისთვე (და არა მკათათვე), აგვისტო – მარიაობისთვე, სექტემბერი – ენკენისთვე, ოქტომბერი – ღვინობისთვე, ნოემბერი – გიორგობისთვე, დეკემბერი – ქრისტეშობისთვე.

1/11 90

„ახკომში“ ჩემი ნოველაა „არჩევანი“.

ვუკბინე ჩვენს ყალბ დემოკრატias.

მიკვირს, რომ დაბეჭდეს.

ნელ-ნელა გამიარა სიბრაზემ, ზაფრმა, იქნებ ადამიანებისადმი რწმენაც და მიბრუნდეს და კალამს მოვკიდო ხელი.

„მამულოში“ ამირან კალაძის და ნოდარ წულუისკირის დიალოგია იმის შესახებ, თუ როგორ დაიბრუნეს „დაყრილი“ პარტიის მანდატები რ. ჯაფარიძემ, გ. ჯულუხიძემ, ნ. ჯალალონიამ, თ. ჩალაურმა, კარლო ტაბატაძემ, როდამ ჩაჩანიძემ, თ. ჭოჭუამ.

თუ მართალია, სირცხვილი სწორედ ეს არის. იმ დღეს წინა რიგში ვიჯექი და გადმოწოდებულ პარტიის მანდატებს მე ვაწვდიდი ნ. წულუისკირს, მე მანდატი თან არ მქონდა. ამიტომაც განცხადება დავწერე, პარტიიდან გავდივარ-მეთქიდა იქვე გადავეცი ნ. წულუისკირს. მან კი ნ. კანდელაკს გადასცა.

ბოლომით გულანთებულმა ერთმა ნაძირალამ დამაბრალა; მიშველაძემ სხვისი მანდატი დადოო. თავი კინალამ მოვიკალი.

ჩემი წერილი „9 აპრილის შემდეგ პარტიიდან გავდევარ-მეთქი“, ახლაც მწერალთა კავშირში დევს.

2/II 90

„ცოდნას“ ჩავაბარე ბროშურა „ეპოქა და თანამედროვე მწერლის როლი“. თუ ისე გადმოსცეს, როგორც დავწერე, ურიგო არ იქნება. ვლაპარაკობ მწერლის ადგილზე ეროვნულ-განმათავისუფლებელ მოძრაობაში.

მინდოდა ჩამეტარებინა ჩემი კლუბის დისპუტი „უზენაესი საბჭოს არჩევნები“, მაგრამ უარი მითხრეს, არჩევნებზე ყოველგვარი ზემოქმედება კანონით აკრძალულიაო.

ჩავატარე კათედრის სხდომა: 1. „მიმდინარე მომენტი და კათედრის ამოცანები“, 2. „უნივერსიტეტის ავტონომიის შესახებ“.

რაც შეეხება უნივერსიტეტის ავტონომიას, უსათუოდ უნდა მივალწიოთ და რაც შეიძლება, მალე.

3/II 90

შაბათია.

ჩემი მეზობლის, დავით პავლიაშვილის, სიდედრი დავკრძალეთ მუხათ-გვერდში.

რა ბრწყინვალე სოფელი იქნებოდა მალა მთაში. ახლა სასაფლაოს დაუპყრია. საფლავებს დაუფარავს მთელი სოფელი.

თოვლა. ცრემლი მომგვარა თოვლით შესუდრული საფლავების ხილვამ. აქ, სასაფლაოზე, ყველაფერი მთავრდება.

4/II 90

კვირა.

ჩვეულებრივი, ნაცრისფერი დღე.

5/II 90

დილით მარნეულები ვალერი გაბელაია დელეგაციით მენწია.

იზა ორჯონიკიძემ აგვიკლო და მისგან დაგვისხენითო.

რას აშავებს-მეთქი.

ობობასავით მოედო მარნეულს, რაიკომის მდივანი მუჭში მოიმწყვდია. თათრებთან შეთანხმებას მიაღწია. თანამდებობებს ანაწილებსო.

მომკალი და არ მჯერა-მეთქი.

რა პოეტის საქმეა ეს ყოველივე?

სალამოს სხვა დელეგაცია მესტუმრა. ილია მართლის საზოგადოების და სახალხო ფრონტის წარმომადგენლები. ჩვენ გადავწყვიტეთ, შევექმნათ საქართველოს გარეთ მცხოვრებ ქართველთა ეროვნული კონსოლიდაციის საზოგადოება „სვეტი ნათლისა“ და პრეზიდენტობაზე უარი არ გვითხრათო – განაცხადა რწმუნებულმა ანდრო გოგოლაძემ.

მოსაფიქრებელი ორი დღე მომეცით-მეთქი.

მოსკოვში პლენუმი დაიწყო.

ჯერჯერობით გასაიდუმლოებულია. ამაღამ „ამერიკის ხმას“ მოვუსმენ. იქნებ გვითხრას, რაზე იყო საუბარი.

6/II 90

მოსკოვში პლენუმზე ლიგაჩოვმა „ნამუსი“ არ შეუნახა გორბაჩოვს და შევარდნაძეს. როცა 7 აპრილს თბილისში ჯარების შეყვანა გადაწყდა, მაგიდას გორბაჩოვი და შევარდნაძეც უსხდნენო.

7/II 90

უნივერსიტეტის ავტონომიაზე საუნივერსიტეტო კრება ჩატარდა. როგორც შევატყვე, არც რექტორს და, მითუმეტეს, არც პრორექტორებს, წარმოდგენა არა აქვთ ავტონომიაზე უმაღლესი სასწავლებლისა.

8/II 90

გავასწორე, დავხვეწე ნესდება ახალი საზოგადოებისა (რომესაც „თვისტომი“ დავარქვი) და დავნიშნე კიდეც საინიციატივო ჯგუფის კრება შაბათს 12 საათზე.

9/II 90

დღეს „ლიტ. საქართველოში“ შარშან მისალოც 60 წელს ულოცავენ მუხრან მაჭავარიანს. მუხრანი მართლაც ეროვნული პოეტია.

მისადმი წყენამ კარგა ხანია გამიარა.

10/II 90

დღეს, 12 საათზე უნივერსიტეტის სხდომათა დარბაზში ჩავატარე საქართველოს გარეთ მცხოვრებ ქართველთა ეროვნული კონსოლიდაციის ხელშემწყობი საქველმოქმედო საზოგადოება „თვისტომის“ დამფუძნებელი საინიციატივო ჯგუფის პირველი სხდომა.

უამრავი ხალხი დაესწრო. ნავიკითხე პროგრამა (ჩემი დანერვილი) და ნესდება (ანდრო გოგოლაძის დანერვილი და ჩემი გასწორებული). გაიმართა საქმიანი სჯა-ბასი. თხუთმეტი ორატორი გამოვიდა. ყველამ ერთხმად აღნიშნა, რომ მართლაც საჭირო საზოგადოება იქმნება! მე ბოლოს განვაცხადე; პრეზიდენტის სკამი ჯერჯერობით თავისუფალია, მე თვითმარქვია არ გახლავართ, ვისაც აირჩევთ, ის იქნება-მეთქი. პროგრამისა და ნესდების მიმართ არაერთი შენიშვნა გამოითქვა. შენიშვნათაგან ზოგი სწორი იყო, ზოგი გულუბრყვილო, ისე, შენიშვნისთვის სათქმელი, ასე იყო, თუ ისე, თათბირმა კარგად ჩაიარა. დავთქვით, რომ ყრილობას ერთ თვეში ჩავატარებთ.

სად მცალაია საპრეზიდენტოდ, მაგრამ გული მიგრძნობს, რომ კარგ საქმეს გვაკეთებთ; ჩამოვასახლებთ საქართველოდან განთესილ შვილებს...

11/II 90

დილით ტელეფონით ველაპარაკე ზვიად გამსახურდიას. ვკითხე; ანდრო გოგოლაძეს თუ იცნობ და სანდო თუ არის-მეთქი. კიო, ვიცნობო, ჩვენი კაციაო. გამეხარდა.

10 საათზე მე და აჩიკო გუდააურში გავემგზავრეთ.

ამ უბენზინობის დროს, რასაკვირველია, ძნელია და ძვირი ერთგულებდე სათხილამურო სპორტს, მაგრამ სასიამოვნოდ დალლილ-დასვენებული დავბრუნდი.

12/II 90

დღეს მწერალთა კავშირის პრეზიდენტის სხდომა გვექონდა.

დღის წესრიგში კვლავ ოსეთის საკითხი იდგა.

სიტყვა ვთქვი: მე მომხრე ვარ როკის გვირაბის გაუქმების, ადამონ ნიხასის დაშლის და ნაფი ჯუსოითის გარიცხვის-მეთქი.

განსხვავებული აზრი მხოლოდ გიორგი ციციშვილმა გამოთქვა.

იქნებ გარიცხვა მეტისმეტიანო.

დავადგინეთ ავტონომიის გაუქმება, „ადამონ ნიხასის“ დაშლა, როკის ულელტეხილის ლიკვიდირება და ჯუსოითის გარიცხვა.

13/II 90

სამშაბათი.

დუშამბეში სომხებს დაერივნენ.

პანისლამური სამყაროს ანტისომხური მოძრაობიდან ერთი ნაბიჯია ანტიქართულამდე.

ომი იწყება ისლამსა და ქრისტიანობას შორის.

მარნეულის დელეგაცია ისევ მესტუმრა.

ხალხი ირჩევს ვალერი გაბელიას, რაიკომის მდივანს არ უნდა.

ნუთუ ესაა სამართალი.

ზვიადს დავურეკე, ვერ ჩავერევიო.

14/II 90

შეხვედრა მქონდა ვაჟა-ფშაველას გამზირზე საკვალიფიკაციო-ეკო-ნომიკურ ინსტიტუტში.

ჩემი შეხედულება თანამედროვეობაზე, ეროვნულ მოძრაობაზე ყველამ გაიზიარა. პირდაპირ ვთქვი; მოდიო, ვიკამათოთ-მეთქი.

კამათი არ შედგა. ყველანი მაგ აზრისა ვართო.

15/II 90

კათედრის სხდომა ჩავატარე.

ახალმიღებული ასპირანტები წიფურია, ცომიაა, სხირტლაძე და ჩოხ-არაძე გავანაწილე, სადისერტაციო თემები დავუმტკიცე.

16/II 90

„ლიტ. საქართველოში“ თამაზ ნივნივაძე ტყავს აძრობს დოიაშვილ-ბრეგაძეს.

ამჟღავნებს „კრიტიკიდან“ ჩემი მოხსნის ერთადერთ მიზეზსაც რაც ხ. ბერულავაზე თ. ნივნივაძის წერილის დაბეჭდვა იყო, რისთვისაც „დააპატიმრეს“ „კრიტიკის“ მეექვსე ნომერი.

ხომ ყველაფერი გაირკვა?

არა და ხომ შეიძლება აქამდე ვერ მეცოცხლა?

17/II 90

დეპუტატობის კანდიდატთა და საარჩევნო კომისიის სხდომა ჩატარდა.

ჩვენ - ჩვენი პროგრამა წარვადგინეთ.

თორმეტი კანდიდატი ვიყრით კენჭს.

ვნახოთ, რა იქნება.

18/II 90

კვირაა.



დავწერე პატარა ნოველა „მე რომ მკითხო“.

თითქმის სამი თვის შესვენების შემდეგ პირველად მოგვიდგ კალამს ხელი.

ეს კარგი ნიშანია. იქნებ ვძლიო წყეულ „აპათიას“, რამაც შემიპყრო „ლიტერატურული საქართველოს“ თავდასხმის შემდეგ.

19/II 90

მე და შოთა ნიშინანიძემ ვისაუბრეთ მწერალთა კავშირის ფოიეში.

საქართველოს ბრძოლაზე ჩვენი თვალსაზრისები ზუსტად ემთხვევა ერთმანეთს.

მერე მწერალთა კავშირის ხელმძღვანელობაზე ჩამოვარდა სიტყვა.

ორივეს მიგვაჩნია, რომ ხელმძღვანელობის სტრუქტურა უნდა შეიცვალოს.

20/II 90

მწერალთა კავშირში პრეზიდიუმის სხდომა გვექონდა წესდების საკითხზე. წესდების „პროექტი“ („ლიტ. საქართველოში“ გამოქვეყნებული) დავინუნეთ მე და თამაზ ჭილაძემ. მხარი დაგვიჭირა ე.წ. „ოპოზიციურმა ლიტერატურულმა ჯგუფმა“ დავით მჭედლოურის, მამუკა ნიკლაურის, გივი ალხაზიშვილის და ვახტანგ ხარჩილავას შემადგენლობით.

მე ვთქვი, ჩვენ თავისუფალი საქართველოსთვის ვემზადებით და წესდებაც დამოუკიდებელი საქართველოს შესაფერისი უნდა გვექონდეს-მეთქი.

რაც შეეხება ოს და აფხაზ მწერლებს, ისინი უნდა შემოვიდნენ, როგორც ასოციაციები და არა როგორც მწერალთა კავშირის სრულუფლებიანი ნევრები-მეთქი. ყრილობა 5-ის ნაცვლად 3 წელიწადში ერთხელ უნდა მოეწყოს-მეთქი. გამგეობა უნდა გაუქმდეს და პრეზიდიუმი უნდა გაფართოვდეს-მეთქი.

ელიზბარ ჯაველიძემ დააყენა საკითხი – ხუტა ბერულავა გაძევებულ იქნას სამდივნოდანო. მხარი დაუჭირა ჯანსუღ ლვინჯილიან.

21/II 90

მე და ბორისი რუსთაველის თეატრში დავესწარიტ სპექტაკლს - „გარეუბნის მარტოსახლი“.

უფრო ცუდი სპექტაკლი მე არ მინახავს.

ეს იყო უნიჭობის მწვერვალი.

პერსონაჟებს შორის ურთიერთობა არ არის, სიტყვებს ისვრიან. იცინიან და ტირიან სრულიად უმიზეზოდ, უაზროდ.

სიუჟეტი – არა, ხასიათები – არა.

ღმერთო, რა განუკითხაობაა.

დარბაზი თითქმის ცარიელი იყო. სპექტაკლი რომ დამთავრდა, სცენაზე ტამის სათხოვნელად გამოსულ მსახიობებს შევძახე: „თქვენი ბრალი არ არის-მეთქი“.

უკლებლივ ყველა გაიგონა და თავი დამიქნიეს.

22/II 90

კათედრის სხდომა მქონდა.

„ახკომში“ ალექსანდრე ფოცხიშვილის განმაქიქებელი წერილია ხუტა ბერულავაზე.

23/II 90

ისევ ხუტაა მოთხრილი „ლიტერატურულ საქართველოში“ თ. ნივნივა-დის მიერ.

რა ჩქარა გადაუხადა ღმერთმა სამაგიერო ჩემი გამწარებისთვის.

შუადღისას უნივერსიტეტში დიდი კრება გაიმართა.

კრებას უძღვებოდნენ ირაკლი კაკაბაძე, გაია მამალაძე და სხვები – არა-ფორმალები.

საკითხი იდგა უნივერსიტეტში პარტიული და კომკავშირის კომიტეტების გაუქმების შესახებ.

ტარიელ კვანჭილაშვილმა იკითხა, ვთქვათ პარტიული კომიტეტი გა-ვაუქმეთ, მაშ, რომელი პარტიის კომიტეტი უნდა შევქმნათო.

არც ერთიო, უპასუხეს, უნივერსიტეტი იდეოლოგიზებული არ უნდა იყოსო.

ერთხმად დავადგინეთ: ა) უნივერსიტეტში გაუქმდეს პარტიული და კომკავშირის კომიტეტები; ბ) გაიხსნას მესამე სართულზე სამლოცველო.

ხვალ დიდმა საბჭომ უნდა დაამტკიცოს ეს დადგენილება.

სალამოს მე და თემურ ჩალაბაშვილი მხატვარ ვახტანგ გულისაშვილს ვესტუმრეთ.

ჩვენ სასტიკ დროში ვიცხოვრეთ და მით ურფო მამაყებს ამ ბოლო დროს მოყვასისადმი ყურადღება რომ გავაფაციცეთ.

ჩვენ შეგვიძლია ავლელდეთ ნიკო ფიროსმანის ბედზე, მაგრამ დღეს რომ ნიკო ფიროსმანივით ლატაკ და სანყალ კაცს შევხვდეთ, გულგრილად ჩაეუვლით.

უჭირს ვახტანგ გულისაშვილს.

„წყალში დგას“ და ცეცხლი უკიდა. ნახატები უფუჭდება. სახლი ან-გრეულ-დანგრეული.

ხვალ უნდა ავტებო ზარების ცემა.

24/II 90

ისევ შედგა უნივერსიტეტში კრება პარტკომის და ალკკ-ს გაუქმების საკითხზე.

რექტორმა ნ. ამალლობელმა დაარღვია გუშინდელი შეთანხმება და საბ-ჭო არ მოინვია.

კრებამ ხელმეორედ მიიღო რეზოლუცია, რაკი რექტორი საბჭოს არ ინვესს, ორშაბათს 12 საათიდან ვაცხადებთ პარტკომის წინ უვადო შიმში-ლობას.

კრება რომ დამთავრდა, თავმჯდომარეს – დათო ტურაშვილს ველაპარაკე; პოლიტიკური ბრძოლის ფორმებს არა ხართ-მეთქი დაუფლებ-ული, შვილო. რად უნდა-მეთქი ამას შიმშილობა. დღეს მეორედ ვიკრიბებით; მიგველო რეზოლუცია, დადგენილება გატანილ იქნას უნივერსიტეტიდან პარტიული და კომკავშირული კომიტეტები. ამ დადგენილების შემსრულე-ბლად გამოგვეყო რამდენიმე კაცი. მიგვეტანა ეს დადგენილება და ვერ გაბე-დავდა ვერავინ, რომ არ შეესრულებინა-მეთქი. რატომ არ გვითხარით კრე-ბაზეო. ხელს ვინევდი, მაგრამ ყურადღება არ მომაქციე-მეთქი.

დღეს დავნერე პატარა ნოველა „იარა“.

25/II 90

კვლავ შევიკრიბეთ უნივერსიტეტიდან პარტკომის და ალკკ კომიტეტის გასატანად.

რექტორმა პირობა მოგვცა, ხვალ საბჭოს სხდომას მოვინვევ და გადავწყვეტო.

ვნახოთ.

27/II 90

მედეა კახიძე, ანზორ აბულაშვილი, ზაზა ბანელაშვილი და მე კასპში ვიყავით შეხვედრაზე. სოფელ ქვემოჭალის კლუბში დიდი შეხვედრა მოგვინყეს. დარბაზი ხალხით გაჭედილია. დაგვაყარეს შეკითხვები. მკითხეს ეროვნულ მოძრაობაზე, ჩემს პოლემიკებზე, ხუტა ბერულავაზეც კი.

კარგი შეხვედრა იყო.

28/II 90

დღეს საბოლოოდ გავთავისუფლდი პარტიის მძიმე უღლისგან, რომელიც ლამის 30 წელი ვატარე.

თსუ პარტიული კომიტეტის მდივანს – ჩარიტა ჯაშს, ჩავაბარე პარტიული და სათანადო განცხადება იმის შესახებ, რომ გავდივარ პარტიიდან.

1/III 90

დღეს უნივერსიტეტის 93-ე აუდიტორიაში საჯარო ლექცია მქონდა „ქართული მწერლობა და თანამედროვე ეროვნულ-განმათავისუფლებელი მოძრაობა“.

დარბაზი ხალხით გაჭედილია.

სხდომა გახსნა დეკანმა კორნელი დანელიამ და 50 წელი მომილოცა.

გულთბილი სიტყვა თქვა ჩემს შემოქმედებაზე პროფესორმა ჯემალ აფციაურმა.

მე პირადად ორი საათი ვილაპარაკე.

ჯერ მოხსენება წავიკითხე, რომელშიც დავამტკიცე, რომ ქართული მწერლობა საქართველოს ეროვნულ-განმათავისუფლებელ მოძრაობას ახლაც მეთაურობს.

მერე შეკითხვებს ვუპასუხე.

კარგი დღე იყო. შეხვედრის დასასრულიც მშვენიერი იყო. ჯემალ აფციაურმა შინ მიგვიპატიჟა და დიდი სუფრა გაგვიმართა.

2/III 90

სერგი ჭილაია დიდხანს მესაუბრა ჩემს ნაბიჯზე, არ უნდა გასულიყავი პარტიიდანო, ესენი კუდს კიდევ მოიქნევენო, რეპრესიები დაიწყებო, იჩქარეო. ვიჩქარე კი არა, პირიქით, დავაგვიანე-მეთქი. სანამ დავრჩენილიყავი-მეთქი იმ პარტიაში, რომლისაც არც ერთი დღე არა მჯეროდა, იმ პარტიაში, რომელმაც ჩემს სამშობლოს მონობის მეტი არაფერი მოუტანა-მეთქი.

მეო, ძველი კაცი ვარო, მე ოცდაჩვიდმეტი გამოვიარე და მეშინიაო.

3/III 90

შაბათია.

ყარამან ნემსაძის ორმოცდაათი წლისთავის ვახშამზე გახლდით.

ძლივს მივაგენით მე და აჩიკომ.

დიდი სიყვარულით შემხვდნენ.

ჩემს სადღეგრძელოში ერთმა ინჟინერმა (ომარი ერქვა, გვარი არ ვიცი) – ბატონი რევაზის წიგნი ქართულად ვერ ვიშოვე და მოსკოვში რუსულად ვიყიდე-რომ წავკითხე, მთელი კვირა დავდიოდი და მარტო, ჩემთვის ვი-ცინოდო.

გვერდით უკრაინიდან ჩამოსული რუსი მეჯდა. დათვრა და მთელი საღამო მარია: ქართველები, ასეთი კარგი ხალხი ხართ და, თუ ღმერთი გნამთ, ნუ გახვალთ საბჭოთა კავშირიდანო.

4/III 90

რევაზ ლალიძეზე მოგონებას ვწერდი.

რა კოლორიტული, რაოდენ ქართული ბუნების კაცი იყო.

5/III 90

მუხრანთან ვიყავი, ეროვნულ მოძრაობაზე ველაპარაკე.

ელაპარაკები, გგონია, გისმენს, მერე თავს აწევს, ნახევრადმძინარე თვალებით შემოგხედავს და გეკითხება:

– ა, რა თქვი?

სალამოს მიტინგზე ვილაცამ მოითხოვა ნაირა გელაშვილისა და რევაზ ჯაფარიძის წიგნების დაწვა. ისინიო თურქი მესხების ჩამოსახლებას მოითხოვენო.

ვაი, სირცხვილო?!

წიგნების კოცონზე დაწვა?

6/III 90

ელიზბარ ჯაველიძემ დამირეკა, „კრიტიკაში“ უსათუოდ უნდა დაბრუნდეთ. შენს სიმართლეში დავრწმუნდი და ბოლომდე გვერდით მიგულეო. შენს წინაშე „ლიტ. საქართველო“ დამნაშავეაო.

7/III 90

დილით თ. წიფწივაძემ გამომიარა, მწერალთა კავშირი უნდა ვაიძულოთ, „კრიტიკის“ რედაქტორად დაგაბრუნოსო.

2 საათზე პრეზიდენტი გვექონდა.

ელიზბარ ჯაველიძემ დასვა საკითხი: მიშველაძე რატომ გაათავისუფლეთ, ეს კანონის დარღვევააო.

გამოყვეს კომისია.

მერე ხუტა გაატარეს წნეხში ჩემი მოხსნისთვის.

რა ხდება: აკი აქამდე სდუმდნენ?

8/III 90

ქალთა დღე.

ჩამოვურეკე ნაცნობ-მეგობარ ქალბატონებს. ჩემი კათედრის წევრ ქალებს მივულოცე.

გახურდა პოლიტიკური ბრძოლა.

გორბაჩოვი ერთმმართველი პრეზიდენტის თანამდებობისკენ მიილტვის. ეს მონარქობას, მეფობას ნიშნავს.

მაშინ ნახე იმპერიის გამაგრება.

დღეს მიტინგზე ქართველმა დეპუტატებმა დაადგინეს, უარი თქვან დეპუტატთა ყრილობაზე გამგზავრებაზე და გორბაჩოვისთვის ხმის მიცემაზე.

ეს დიდი პროტესტია.

მიტინგზე ისიც ითქვა, რომ თუ გორბაჩოვმა თავისი გაიტანა, საქართველო სსრკ-დან ავტომატურად გასულად ითვლება.

სალამოს ტელეფონით ვესაუბრე პროფესორ ოთარ აბუთიძეს. უაღრესად ინფორმირებული მეცნიერ-პოლიტიკოსია. ნამდვილი ენციკლოპედიაა.

9/III 90

დღეს საქართველოს უზენაესი საბჭოს სესია ჩატარდა.

მიტინგებმა აიძულეს გუმბარიძე, სესიაზე მიელო მისთვის ფრიად არასასურველი დოკუმენტი:

საქართველო უარს ამბობს, დამტკიცდეს პრეზიდენტის პოსტი. უარს ამბობს, ხმა მისცეს გორბაჩოვს, როგორც პრეზიდენტს.

გამოვიდნენ გ. ციციშვილი, ჯ. ჩარკვიანი, ვ. ლორთქიფანიძე, დ. ხახუტაშვილი, ა. ბურჯანაძე.

კარგია. საქართველოს უზენაესი საბჭო პირველად ხალხის მხარეზე დგება.

10/III 90

მთელი დღე „ვეფხისტყაოსანს“ ვკითხულობდი.

ბევრი ვიყეფე „კრიტიკაში“. აკადემიის კომისიამ დაამახინჯა ჩვენი უპირველესი წიგნი-მეთქი, მაგრამ ყური არავინ მათხოვა.

საერთოდ, არსებობს, ნეტავ, საქართველოს მეცნიერებათა აკადემია?

თუ არსებობს, ნუთუ მშვიდად უცქერის, მისი კომისია როგორ რყენის „ვეფხისტყაოსანს“? ათას ლაფსუსთა შორის ერთის დასახელებაც კმარა, იგი ნაწვა და სხვა მოვა ტურფასა საბალნაროსა“, ასე შეცვალეს: „იგი წარწხდების, სხვა მოვა ტურფასა საბალნაროსა“.

„ვეფხისტყაოსანი“ კი არა, ქვეყანა დარჩა უპატრონოდ!

11/III 90

ფანჯიკიძემ დამირეკა და მითხრა, თხუთმეტი კაცი აგირჩიეთ მწერალთა კავშირიდან, 13-ში, 12 საათზე ფილარმონიის დიდ დარბაზში პოლიტიკური პარტიების ყრილობას უნდა დაესწროთ, სადაც დროებით, კოალიციურ მთავრობას აირჩევენო.

როგორც იქნა, გვეღირსება ნამდვილი მთავრობა.

12/III 90

მოსკოვში სესიაზე გამოაცხადეს, პრეზიდენტის არჩევნებს კარგი პირი უჩანსო.

სასაცილოა, რა არჩევნები, რის არჩევნები, როცა 1800 დეპუტატიდან 1600 იმპერიის მომხრე რუსია. საქართველომ და ლიტვამ რაც უნდა იყვირონ და „პროტესტონ“, მათი სურვილი წინასწარ განწირულია.

სალამოს ტელევიზიით გამოვიდნენ ირაკლი წერეთელი, ირაკლი ბათიაშვილი და ხონელიძე. ილაპარაკეს საქართველოს ეროვნულ მოძრაობაზე და ხვალინდელ ყრილობაზე.

ვნახოთ, რა იქნება, მე სიამოვნებით წავალ ხვალ. უკვე ლიტვამ დამოუკიდებლობა გამოაცხადა. „ღმერთო, ღმერთო, ეს ხმა ტკბილი, გამაგონე ჩემს მამულში“.

### 13/III 90

დღეს ფილარმონიის დიდ დარბაზში პოლიტიკური პარტიების ყრილობა გაიხსნა.

სიტყვებით გამოვიდნენ ნ. ნათაძე, ზ. გამსახურდია, ი. ბათიაშვილი, ი. ნერეთელი, თ. ქორიძე და სხვანი.

თ. ქორიძემ სასტიკად გააკრიტიკა სახალხო ფრონტი.

არ მომწონს, რომ „არაფორმალები“ ერთმანეთს დაერივნენ.

დღეს რესპუბლიკის პროკურორმა გადმოძვა „პროტესტი“, რომლითაც მუხრან მაჭავარიანის ბრძანება ჩემი მოხსნის შესახებ, როგორც უკანონო, გაუქმებულია.

მე მაინც არ დავბრუნდები „კრიტიკაში“.

მაგრამ ეს ფაქტი ურიგო როდია.

მტკიცდება ჩემი სიმართლე.

### 14/III 90

დავწერე „ერთი სევედიანი ისტორია“ – პატარა წერილი, რომელიც „ახალგაზრდა კომუნისტში“ მივიტანე.

არ მინდოდა ძველი იარის გახსენება, მაგრამ რედაქციამ მთხოვა.

„კრიტიკიდან“ შენი გათავისუფლების ისტორია მკითხველმა უნდა იცოდესო. ყველამ უნდა დაინახოსო სიმართლე.

ვნახოთ, დაბეჭდავენ თუ არა.

რა ხდება? რატომ შემობრუნდა პრესა ჩემსკენ?

### 15/III 90

დღეს მკითხველებთან შეხვედრა მქონდა ცეკავშირის ტექნიკუმის შენობაში.

წარვუდექი მრევლს ჩემი შეხედულებებით. რამდენიმე ნოველაც წავიკითხე.

მკითხეს ბევრი რამ, მათ შორის ცისკარიშვილის და ვასაძის ბინძური წერილების ისტორიაც.

### 16/III 90

უსიამოვნო საუბარი მქონდა მუხრან მაჭავარიანთან.

კონფერენციაზე ან შენ უნდა გამოსულიყავი, ან ჩვენთვის მოგეცა საშუალება გამოვსულიყავით-მეთქი. შენი სიჩუმით იქმნება ილუზია, თითქოს ქართველი მწერლები გულგრილნი არიან იმის მიმართ, რაც მიტინგებზე ხდება-მეთქი.

შენ რომ იქნები თავმჯდომარე, შენ მართე მწერალთა კავშირი, როგორც გაგეხარდება, ახლა მე ვარ უფროსიო, შემომიბღვირა.

ვინ ეცილება?

დღეს სალამოს რუსთაველის თეატრში ვნახე გურამ ბათიაშვილის „შეთქმულება“. ძველი პიესა „1832“, რომელიც რუსთაველის თეატრში 10 წელიწადს იდო, კაცმა რომ თქვას, რა სჭირდა ამ მშვენიერ პიესას არდასადგ-

მელი. მომენონა სპექტაკლი. ძლივს რუსთაველის თეატრში ქართული პიესა ვნახე ქართულ ტკვილზე. შესვენებისას მსახიობი ელენე საყვარელიძე გადამეხვია: ერთი კვირის წინათ ჩვენ: მე, მედეა ჩახავა, გიგოლა თალაკვაძე და სხვები შევედით რ. სტურუასთან და რეპერტუარის განახლება მოვითხოვეთ, წინააღმდეგ შემთხვევაში განვუცხადეთ, რომ აქციას მოვანყობოთ, მიშველაძე შენთან ყველაფერში მართალი იყო, უთხრაო მედეა ჩახავამ. ერთი კვირის შემდეგ ხუთივენი კულტურის სამინისტროში დაგვიბარეს და წინადადება მოგვცეს, პენსიაზე გავიდეთო.

ასეთი სამართალი აქვს, თურმე, კულტურის მინისტრს.

17/III 90

„ახკომში“ დაბეჭდილია პარტიათა ყრილობის დადგენილება და რეზოლუციები. ეროვნულმა მოძრაობამ არნახული ნახტომი გააკეთა.

„ბოიკოტი არჩევნებს, ბოიკოტი „საბჭოთა საქართველოს“, ბოიკოტი უმაღლესი საბჭოს სესიას, ბოიკოტი მთავრობას, ბოიკოტი საბჭოთა არმიას, ბოიკოტი კომუნისტებს!

დიდებულია. ამ რეზოლუციებით ყველაფერია ნათქვამი, ახლა მთავარი ან პრაქტიკაში გატარება („პრაქტიკაში“ რუსულია).

18/III 90

კვირაა.

მირანგულ ავსაჯანიშვილმა დამირეკა. ყური მოვკარი, რომ არჩევნებში შენი კანდიდატურის მოხსნას აპირებ, მართალია თუ არაო.

არც დასახელებაზე მიზრუნვია და არც კანდიდატურის მოხსნაზე ვიზრუნებ-მეთქი.

ახლა უნდა ვეცადო, არჩევნების დღეებში თბილისში არ გავჩერდე. ვინმეს არ ეგონოს, ქართველ ხალხს ხმას ვთხოვდე. თუ ჩემს ერს ვუღირვარ რამედ, ამირჩევნე, თუ არა და გული მიანც არ გამიტყდება. ჩემს საქმეს ძველებურად გავაკეთებ.

19/III 90

მიტევებისა და შეწყალების დღედ გამოაცხადა ეს დღე ეროვნულმა მოძრაობამ.

დავიძარით უნივერსიტეტიდან, სიონში უნეტარესმა ილია II-მ ლოცვა აღავლინა.

20/III 90

მწერალთა კავშირში პროზის სექციის სხდომაზე მე და ნოდარ წულუკისკირმა დავსვით საკითხი მწერალთა კავშირის არსებული სტრუქტურის გაუქმების შესახებ.

არ შეიძლება მწერალთა კავშირი რაიკომს ჰგავდეს.

შევარდნაძე ნამიბიაში ჩაფრინდა.

ლიტვას ბლოკირებას უკეთებს მოსკოვი.

21/III 90

საავადმყოფოში მივაკითხე ჩემს კახელ მეგობარს, კარგ ყმანვილს, ჯემალ სანდოშვილს ხელი გასივებია. „ტრომზს“ ვარაუდობენ.



„გეპარინი“ მჭირდებაო. მთელი თბილისი შემოვიარე და როგორც იქნა, ვუშოვე. თან ცოტაოდენი ფულიც (50 მან.) შევეუდე ბალიშქვეშ.

ამალამ მშვიდად დამეძინება.

ლიტვას ცუდ დღეში აგდებენ. იმპერია კბილებს აღრჭიალებს. უკანონოა ლიტვის გასვლა, ჯერ ვალი (?!) უნდა გადაგვიხადოსო.

22/III 90

ლიტვას მილიცია განუიარაღეს. ჯარისკაცებს, ვინც ლიტვის განთავი-სუფლების გამო შინ წავიდა, აპატიმრებენ.

მოსკოვი შურისძიებაზე გადავიდა.

ეს იმას ნიშნავს, რომ ლიტვას სასტიკად დასჯიან გასვლის გამო.

იმპერია არ დათმობს ძალაუფლებას.

ცუდ ხასიათზე ვარ.

23/III 90

დღეს მიტინგზე ირაკლი წერეთელმა გამოაცხადა: საქართველომ მხარი უნდა დაუჭიროს ლიტვას, ლიტვის დამარცხება ჩვენი დამარცხებააო.

ისტორიკოსმა აკაკი მათიაშვილმა რუსთაველზე შემომჩვილა; რა საშინელებაა, რომ მუხრან მაჭავარიანი არავითარ ეროვნულ აქციაში არ მონაწილეობსო.

სანყალ ვანო ქობალიას ოცდაცამეტი წლის ბიჭი მოუკვდა მენინგითი.

პანაშვიდზე ვიყავი.

ხვალ ბათუმში და იქიდან თურქეთში მივდივარ ერთი კვირით.

24/III 90 – 9/IV 90

თურქეთში ვიმოგზაურეთ (7 დღით) ნათელამ, აჩიკომ და მე.

თურქეთი ნახევრად ხრიოკი ქვეყანაა.

გასაგებია, რატომ ილტვოდნენ ჩვენსკენ.

მითხრეს, რომ თურქეთში 15 მილიონამდე ქართველი ცხოვრობს.

მართლაც, სტამბოლში, სამსუნში და ტრაპიზონში ყოველ ნაბიჯზე შეხ-ვედებით ქართველს.

ქართულს ძლივს ღერღავენ, თურქულ პასპორტში ეროვნება ყველას თურქი უწერია.

აკრძალულია ქართული ენა, ქართულ სკოლებზე ხომ ლაპარაკიც ზედ-მეტია.

ამანსინათ ამერიკის საგარეო საქმეთა სამინისტრომ თურქეთს ნოტა გამოუგზავნა, ქართულს რატომ ზღუდავთო, თურქეთმა უპასუხა, ჩვენთან ერთი ქართველიც კი არ ცხოვრობსო.

შევხვდი ქართველებს – ოთარ იმედაშვილს, ილია ხიმშიაშვილს, გურამ ხიმშიაშვილს, ჩელებაძეს...

მე ვფიქრობ, თქვენი მუშაობა ასე აჯობებს-მეთქი: თავდაპირველად საჭიროა ეროვნული გამოღვიძება. უნდა გაახსენოთ ყველას ქართველობა-მეთქი. მერე გზა თვითონ გამოჩნდება-მეთქი.

ჩამოვედი თბილისში. სასიხარულო ამბები დამხვდა. „ახკომს“ (27/III) დაუბეჭდავს ჩემი წერილი „ერთი სევდიანი ისტორია“. რომელშიც ხ. ბერუ-ლავას ვაკრიტიკებ.

„ლიტ. საქართველოს“ დაუბეჭდავს ჩემი 50 წლისთავისადმი მილოცვები.

9/IV 90

წუხელის მთავრობის სახლთან გავათენეთ დაახლოებით 10 ათასმა ქართველმა.

რა თეატრალური გლოვა ვიცით.

რა ფეიერვერკი იყო. დაწვეს როდიონოვის ფიტული.

დილის 7 საათზე დავბრუნდით შინ.

10/IV 90

2 საათზე მწერლები მარნეულს, თამარის ვენზეთ.

გაიხსნა 9 აპრილის მემორიალი.

სიტყვა ვთქვი.

მერე ნიკო ბარტყულაშვილის ოჯახს ვენზეთ (ლამარა, მაია, გია, დათო).

მშვენიერი ქართული სოფელია თამარისი.

რა მაღლიერებას გამოთქვამენ ჩვენს მიმართ.

თქვენაო, მწერლებმა, მინის ნაკვეთები დაგვირიგეთო.

შინ დაბრუნებისას ერთხელ კიდე ჩავუარეთ მიხაკების ზღვას.

ერთი საოცარი საქმე აღსრულდა; აზერბაიჯანელები შეგვირიგდნენ. მიხვდნენ, რომ რუსები ჩვენი საერთო მტრებია.

მოდოდნენ და მოდიოდნენ დელეგაციებად.

11/IV 90

დღეს, როგორც იქნა, რექტორს ხელი მოვანერინე სოსო ბუხაიძისთვის შტატის გამოყოფაზე.

გახარებული ვარ.

55 წლის გახდა სოსო და ახლა, ამ სიბერეში ძლივს აღირსევ შტატი.

გამოვიდა პროფკავშირის გაზეთი „კაბადონი“. პირველ ნომერს არა უშავს. ვნახოთ, იქცევა თუ არა მეზობლად ორგანოდ.

მწერალთა კავშირში წესდებაზე დიდი კამათი გვქონდა.

მე მხარი დავუჭირე მწერალთა კავშირში „პარტიული წყობის“ რღვევის წინადადებას.

12,13,14/IV 90

„თვისტომის“ ყრილობა ჩატარდა.

აკაკი ძიძიგური თავმჯდომარეობდა.

ერთხმად ამირჩიეს პრეზიდენტად.

ვიცე პრეზიდენტებად – ანდრო გოგოლაძე და სევარიონ ნადირაძე.

უნდა დავესმაროთ საქართველოს გარეთ მცხოვრებ ქართველებს. დიდი ტვირთია, მაგრამ უნდა გავწიო.

აკაკი ძიძიგურმა ბიბლიოთეკის შენობაში ერთი ოთახი თავაზიანად დაგვითმო.

ხვალ აღდგომაა.

15/IV 90

ქრისტე აღდგა!

რა მშვენიერი, რა ძლიერი და რა წმინდაა ქრისტე.

მართლა შეიძლება მტრების დამარცხება სიყვარულით.

16/IV 90

მთელი დღე ვიცე-პრეზიდენტებთან – ანდრო გოგოლაძესთან და სე-  
ვარიონ ნადირაძესთან გავატარე.

ჯერ რედაქციები ჩამოვიარეთ; პროგრამის დაბეჭდვას ვერავინ ბედავს  
– ძალიან გაბედულიაო.

შევადგინეთ გეგმა. წესრიგში მოვიყვანეთ ოქმები და რეზოლუციები.

17/IV 90

მთელი დღე „პირველი სხივის“ მასალებს ვასწორებდი.

ახალგაზრდებს ვერ ვუღალატებ.

არა და წელში გამტეხს ამდენი საქმე.

ჯერ მართო „თვისტომის“ ფეხზე დაყენება, მისი პრეზიდენტობა პატა-  
რა საქმეა? აქ კათედრა, იქ ცოდნის კლუბი, ჩემი მთავარი საქმე – ნოველა,  
საქართველოს პოლიტიკურ ბრძოლაში მონაწილეობა. ღმერთო, შემენი!

18/IV 90

სამი საათი ასწორა კარლო ბუხნიკაშვილმა (მინისტრთა საბჭო) ჩვენი  
„თვისტომის“ წესდება. როგორც იქნა, დაიყვანა საბჭოურ კონდიციამდე.

რა ჩემი ბრალიაო, ბოლოს გვითხრა, გვინდა თუ არა, ჯერ კიდევ არსე-  
ბობს წყეული საბჭოთა ხელისუფლებაო.

19/IV 90

დილის 5 საათზე გულის ბრაგუნმა გამომალვინა. წნევა 160-115, ნა-  
თელა შეშინდა.

დავურტყი წნევის ნამლები. გაბურბუსალეებული ნავედი სამსახურში.

20/IV 90

გუმინ სალამოს „კრიტიკიდან“ ა. გაბელიამ დამირეკა, ხვალ რედაქციის  
თათბირი გვაქვს და დავგვესწარიო.

მივედი. რედაქციის თანამშრომლების გარდა იქ იყვნენ სახალხო ფრონ-  
ტის, დემოგრაფიული საზოგადოების, მერაბ კოსტავას საზოგადოების,  
საზოგადოება „თვისტომის“ და პრესკლუბის, აგრეთვე სხვადასხვა ლიტერ-  
ატურული ორგანიზაციების წარმომადგენლები.

მწერალ ალექო გაბელიას მიერ წაკითხულ იქნა რედაქციის ღია წერი-  
ლი, რომელსაც ხელს აწერს „კრიტიკის“ ლიტერატურულ თანამშრომელთა  
უმეტესობა. ღია წერილში საუბარია იმის შესახებ, რომ მკვეთრად გამოკვეთი-  
ლი ეროვნული პოზიციის გამო ორი თვის წინათ „კრიტიკის“ რედაქცია დარ-  
ბეულ იქნა. უკანონოდ გაათავისუფლეს რედაქტორი რ. მიშველაძე და მალე  
რედაქციის სამი წამყვანი თანამშრომელი – გ. ჯულუხიძე, ნ. გრიგალაშ-  
ვილი, ს. ნადირაძე აიძულეს წასულიყვნენ რედაქციიდან.

სიტყვები წარმოთქმეს: ს. სიგუამ, გ. ჯულუხიძემ, ს. ნადირაძემ, რ.  
მიშველაძემ, ჯ. ჯიქიამ, თ. ჩალაბაშვილმა, თ. ვეშაპელმა, ა. ჩხაიძემ, თ.  
დოიანაშვილმა, ლ. ბრეგაძემ და სხვებმა.

თათბირმა რედაქციის თანამშრომელთა სურვილისა და საქ. სსრ  
პროკურატურის, რესპუბლიკის პროფკავშირის და რესპუბლიკის სახალხო  
კონტროლის გადაწყვეტილებათა შესაბამისად დაადგინა: აღდგენილ იქნან  
სამსახურში რ. მიშველაძე (მთავარი რედაქტორი), გრ. ჯულუხიძე (რედაქ-

ტორის მოადგილე), ნ. გრიგალაშვილი (განყოფილების გამგე), ს. ნადირაძე (ლიტმუშაკი).

„კრიტიკას“ დაუბრუნდეს სახელწოდება და „ქართული მწერლობის“ ნაცვლად ეწოდოს „კრიტიკა“.

ამის შემდეგ თათბირის მონაწილენი ეწვივნენ მწერალთა კავშირს, აჭედეს მწერალთა კავშირის მდივნის, „კრიტიკის“ კურატორის – ხ. ბერულავას კარები და მწერალთა კავშირის მდივნის გ. ფანჯიკიძის და სხვა თანამშრომელთა თანდასწრებით ერთხელ კიდევ წაიკითხეს რედაქციის ღია წერილი. „კრიტიკის“ თანამშრომლები აცხადებენ, რომ თუ მათი კანონიერი მოთხოვნები არ დაკმაყოფილდება, იძულებული გახდებიან მიმართონ უკიდურეს ზომას – გამოაცხადონ შიმშილობა მწერალთა კავშირის შენობაში, მუხრან მაჭავარიანის კაბინეტის წინ.

21/IV 90

დილიდან უქეიფოდ ვარ.

ფანჯიკიძემ დამირეკა, ხუტას ფიცრები ჩამოუგლეჯია და უსირცხვილოდ შესულა თავის კაბინეტშიო.

თავმოყვარეობა არ ჰქონია.

რომ მცოდნოდა, რა საკითხზე მეძახდნენ, არამც და არამც არ მოვიდოდი „კრიტიკაში“.

უსიამოვნოა ჩემთვის ყოველივე.

„კრიტიკაში“ დაბრუნებას ფიქრშიც არ გავივლებდი, რომ დამენახა, ჩემს ადგილზე ეროვნული ბიჭები, თანამოაზრენი მოვიდნენ-მეთქი.

ჩემს გარდა სამი უდანაშაულო, ნიჭიერი კაცი გააგდეს. ყურნალს სახელი შეუცვალეს. ანგარიშსწორების ტრიბუნად გამოიყენეს.

ვემუდარე რედაქციის ბიჭებს, ჩემი გულისთვის ცხოვრებას ნუ გაერთულებთ, შიმშილობას ნუ გამოაცხადებთ-მეთქი, მაგრამ არ დამიჯერეს. გადანყვეტილებაზე მტკიცედ დგანან.

ნუთუ, დაუშვებს მუხრან მაჭავარიანი მწერლების შიმშილობას?

ნუთუ, არაფერს ეუბნება მას ხ. ბერულავას კარების აჭედვა?

22/III 90

დღეს გაზეთ „კაბადონში“ ფოტოები და ინფორმაციაა დაბეჭდილი – „რამ აამღვრია წყალი“, ნათქვამია, რომ მიშველადის უსამართლოდ გათავისუფლების გამო რედაქცია და არაფორმალური საზოგადოებები პროტესტს გამოთქვამენო.

პრესაშიც გაჟონა. ახლა უკან დახევა აღარ შეიძლება.

მე რედაქციის გვერდით უნდა ვიყო.

23/IV 90

დღეს „კრიტიკის“ რედაქციის თანამშრომლებმა და ქალაქის ახალგაზრდებმა რედაქციის წინ მიტინგი მოაწყვეს.

მიტინგის მონაწილეებმა ერთხმად დაადგინეს რ. მიშველადის დაბრუნება „კრიტიკაში“.

როგორც საღამოს თამაზ ნიწნივაძემ დამირეკა, მუხრანს განუცხადებია; უნდა დავაბრუნო მიშველადე, სხვა გზა არა მაქვსო.

24/IV 90

ვენევარ. სურდო შემეყარა.  
კვლავ „ვეფხისტყაოსანს“ ვუკირკიტებ.

25/IV 90

დღეს დამირეკეს მწერალთა კავშირიდან: თქვენი გულისთვის 5-მა ახალგაზრდა მწერალმა შიმშილობა გამოაცხადაო.

თურმე, 12 საათზე „კრიტიკის“ თანამშრომლები მისულან მუხრანთან. მუხრანს ჩემს დაბრუნებაზე კატეგორიული უარი უთქვამს.

ახალგაზრდა მწერლები (ა. ჩხაიძე, ა. გაბელია, ს. ნადირაძე, თ. ვეშაპელი, გ. კიკოლაშვილი) გამოსულან და იქვე საშიმშილოდ დამსხდარან.

მივვარდი მწერალთა კავშირში. ნუ იზამთ ამას-მეთქი. არ დაიშალებს.

რა საშინელებაა. ჩემი გულისთვის ეს კარგი ბიჭები ნუხდებიან.

26/IV 90

მთელი დღე საშინლად აფორიაქებული ვარ. ადგილს ვერ ვპოულობ.

შუალამისას მივედი მოშიმშილეებთან. „ნუ შვრებით-მეთქი ამას, ბიჭებო, გთხოვთ, გვევდრებით, შეწყვიტოთ-მეთქი, შიმშილობა“.

27/IV 90

მწერალთა კავშირის პრეზიდიუმის სხდომა გაიმართა. საგანგებოდ, შიმშილობასთან დაკავშირებით.

მუხრან მაჭავარიანმა საოცარი სიმშვიდით განაცხადა: მთელმა მწერალთა კავშირმა რომ გამოაცხადოს შიმშილობა, „კრიტიკის“ რედაქტორად მიშველადეს მაინც ვერ დავაბრუნებ, ვინაიდან, როგორც ცეკადან მაცნობეს, იგი ანტისაბჭოთა მწერალიაო.

ავდექი ბოლოს და განვაცხადე: რაკი მაჭავარიანს არ ჰყოფნის ვაჟკაცობა, რომ აღიაროს თავისი შეცდომა, სამაგიეროდ, მე მყოფნის ვაჟკაცობა უარი განვაცხადო „კრიტიკის“ რედაქტორობაზე, რათა ჩემი გულისთვის მოშიმშილე ახალგაზრდებს ზიანი არ მიადგეთ-მეთქი.

პრეზიდიუმის სხდომა ხვალისთვის გადაიტანეს.

28/IV 90

დღეს მწერალთა კავშირის პრეზიდიუმის სხდომაზე მურმან ლებანიძის წინადადებით, როგორც უკანონოდ გათავისუფლებული, აღმადგინეს „კრიტიკის“ რედაქტორის თანამდებობაზე.

არავის ეგონოს, რომ „კრიტიკის“ რედაქტორის თანამდებობა ისევ „მოვიპოვე“-მეთქი, გავიფიქრე და იმ ნუთშივე, იქვე დავწერე განცხადება „კრიტიკის“ რედაქტორობიდან გათავისუფლების შესახებ.

პრეზიდიუმს სხვა გზა არა ჰქონდა; „კრიტიკის“ რედაქტორად ჩემივე წინადადებით არჩეულ იქნა ჯანსუღ ღვინჯილია ნიჭიერი, მებრძოლი კაცია, რაც მთავარია, განონასწორებული და პატიოსანი.

29/IV 90

მე და აჩიკო ვიყავით ახალგაზრდა პოეტ სევარიონ ნადირაძის ქორწინილში. მეგრელი გოგონა შეურთავს. იქ სხვა ახალგაზრდა პოეტებიც იყვნენ: თ. ფირცხალაიშვილი, მ. ლანიშაშვილი, კახა ლორია (კრიტიკოსი, ჩემი ასპირანტი), ა. ჩხაიძე, გ. კიკოლაშვილი და სხვები.

თინა ვეშაპელმა დამირეკა: „კრიტიკის“ რედაქტორობაზე უარი არ უნდა გეთქვათო.

30/IV 90

ცუდ ხასიათზე გავიღვიძე.

ყურში უსიამოდ ჩამესმის მუხრან მაჭავარიანის მიერ დასმული შეკითხვა პრეზიდენტზე: „კრიტიკაში“ ორი მონინალმდეგე მიშველაქესაც ჰყავს, ახლა იმათ რომ გამოაცხადონ შიმშილობა, რაღა ვქნათო.

როგორ გაებადრა სახე, როგორ გაეხარდა, როცა რედაქტორობაზე უარი განვაცხადე.

რა დაუშავე, ვერასგზით ვერ მივხვდი.

მე და აჩიკო სალამოს მერი ვაშაკიძესთან ვიყავით სტუმრად. იქ იყვნენ სოსო, გედეონ ხელაია, მზია მიქაძე, ულამაზესი დალი თუშიშვილი და სხვები.

ვითამადე.

1/V 90

ქვეყანა მონყენილია.

თბილისში პარადი არ ჩატარდა.

კომუნისტების ზეიმები მოდიდან გადის.

სულ სხვა საქართველოში ვცხოვრობთ.

2/V 90

მილიციამ გამოგვიძახა მცხეთაში. მე და აჩიკო წავედით.

დაუჭერიათ ქურდები, ვინც 4 სახლი გატენა მუხათნყაროში და მათ შორის ჩვენიც.

ჩვენგან მარტო ტელევიზორი იქნა წაღებული. წარმოგვიდგინეს ქურდები: 23 წლის გოგო - გიორგაძე და მისი საყვარელი 27 წლის ვაჟი. შემეცოდნენ. ორივემ იტირა, ბატონო რევაზ, რა ვიცოდით, თუ თქვენს სახლსაც ვტეხავდითო.

აპატიეთ-მეთქი, ვუთხარი მილიციის უფროსს. თურმე რას აპატიებენ, ჩემს გარდა 14 სახლი ჰქონიათ სხვადასხვა დროს გატეხილი.

3/V 90

ლიტვის კვალდაკვალ ლატვიაც აპირებს სსრკ-დან გასვლას!

„ღმერთო, ღმერთო, ეს ხმა ტკბილი გამაგონე ჩემს მამულში“.

4/V 90

დავამთავრე „პირველი სხივის“ რედაქტირება. ნიჭიერი ბავშვები კვლავ არიან. ახალბედისთვის, დებიუტანტისთვის ხელის განვდენა ჩემი სასიამოვნო მოვალეობაა.

დამირეკა ფანჯიკიძემ. მუხრანი, თურმე, კატეგორიული წინააღმდეგი იყო, გამოეცხადებინა გაზეთში პრეზიდენტის დადგენილება ჩემი აღდგენისა და ჩემივე განცხადებით გათავისუფლების თაობაზე.

სალამოს მე და აჩიკო მცხეთაში ჩავედით. ჩვენი ტელევიზორი არც ახლა გამოგვატანეს. ჯერ ბოლომდე „ამოცნობილი“ არ არისო.

5/V 90

პატამ (ჩემმა დისწულმა) ცოლის შერთვა გადანწყვიტა. დღეს ნიშნობა ჰქონდა. სამივე ძმები ვახლდით. მშვენიერი ოჯახია, არქიტექტორ დავით ქავთარაძის ქალიშვილი – ნინო მოჰყავს. იქ შევხვდი ლევან სალარაძის (სირია) დებს და ძმას.

საწყალი ლევანი, როგორ სტკიოდა საქართველო.

მთელი ქვეყანა სსრკ-დან ლატვიის გამოსვლაზე ლაპარაკობს.

იმლება იმპერია!

6/V 90

კვირაა.

„თვისტომის“ პრეზიდენტის მიმართვა დავნერე ყველა ქართველისადმი; რათა დაგვეხმაროს ქართველობა ქართველთა ჩამოსახლების რუკის შედგენაში.

7/V 90

ასანა ნადირაძე მელაპარაკა, მუხრანი გრძნობს, რომ შენს წინაშე დამნაშავეა, მაგრამ ყველაფერს მას ნუ დააბრალებ, მთავრობამ აიძულაო.

მე ვუპასუხე, მუხრანის პოეზიას პატივს ვცემ და მასზე აუგს არასოდეს ვიტყვი-მეთქი.

8,9/V 90

ტელევიზიაში დიდი ალღუმია.

გამოდიან 80-ს მიტანებული მოხუცი ვეტერანები და გორბაჩოვს მოუწოდებენ რეპრესიებისაკენ.

ხომ არ არის ეს დადგმული?

10/V 90

ჩვეულებრივი, მშვიდი დღე იყო.

ყველანი გუშინდელ მიტინგზე ლაპარაკობენ.

„ინტერფრონტი“ ჩაიშალა.

11/V 90

მწერალთა კავშირში წლიური პრემიების მინიჭების კომისიის სხდომა გვექონდა.

12/V 90

ვიყავით მე და სოსო ბუხაიძე ენვერ გიორგხელიძის ოჯახში სტუმრად. იქ იყო ედუარდ შევარდნაძის სიძე – ზვიად მოსაშვილი. ავადმყოფია საწყალი, ფერი არა აქვს. ლაპარაკი ედუარდზე ჩამოვარდა. მე ვუთხარი; გადაეცი-მეთქი ჩემგან, როგორმე მიაღწიოს ჩვენი მღრღნელი ავტონომიების გაუქმებას, მერე დანეროს განცხადება და გამოერიდოს გორბაჩოვს, თორემ რუსები „პერესტროიკის“ მთელ მარცხს მაგას დააბრალებენ-მეთქი.

13/V 90

კვირაა.

„ტელევიზიაში“ ჩამწერეს „თვისტომზე“. გადასცეს „მომამბეში“.



შემხვდა ნიჭიერი ტელეჟურნალისტი ნანა წითელაშვილი. ბატონო რეზო, შოთა ნიშნინიძეზე გადაცემას ვამზადებთ და თქვენი იმედი გვაქვსო. სიამოვნებით-მეთქი.

14/V 90

„ცოდნაში“ თათბირი – შეჯახება იყო. ასეთი რამ ახლა ყოველ დანესე-ბულტაშია. ნუგზარ წერეთელს აუხირდა თანამშრომელთა ჯგუფი; გადად-ექიო.

სიტყვით გამოვედით მე და გურამ შარაძე. ვცადეთ შერიგება – და-შოშმინება მოქიშპეთა. განსაკუთრებით ღია ლაზაშვილი აქტიურობდა: ნ. წერეთელი პარტიის წევრია (კომუნისტი) და მოგვმორდესო, არ შეიძლება-მეთქი ერთი ჯობით გავდენოთ ყველა პარტიის წევრი. მათ შორისაც ბევრია-მეთქი პატრიოტი.

სალამოს ტელევიზიით „დილოგი“ გადაიცა.

ზვიად გამსახურდია სამხედროებს ებაასებოდა.

ტყავი გააძრო ოკუპანტებს. კარგ ხასიათზე დავდექი. ზვიადი, მართ-ლაც, ნათელი გონებაა.

15/V 90

მამაჩემის ბიძაშვილი, ნინო მიშველაძე, გარდაიცვალა.

ღვთისნიერი, სათნო, ტკბილი ნინიკო. მწერალ ბორის კანდელაკის მეუღლე. უნიჭიერესი ფეხბურთელის – ჯუმბერის დედა.

ძალიან მენყინა.

ადგილს ვერ ვპოულობ.

16/V 90

„თვისტომის“ კანტორაში (კეცხოველის 7) მიღება მქონდა. ათამდე მთხოვნელი მოვიდა. ბაქოში მცხოვრებ ბექაურს სამშობლოში დაბრუნება სურს. არ მივეხმარო?

ცხინვალელი ქართველი ქალი იყო. ჩემს ოჯახს ოსები გადაწვით ემუქრებიანო. აიბარგე ჩვენი მიწიდანო.

ბედის ირონია... შუა ქართლში ქართველს ოსი ემუქრება – აიბარგეო.

ვინ დაგვწყევლა, რა დავაშავეთ ასეთი.

17/V 90

კათედრის წევრებმა საიუბილეო ვახშამი გამიმართეს.

ყველა ყველა და ამათ, მე მგონი, გულწრფელად ვუყვარვარ.

არ თქმულა არც ერთი ყალბი სიტყვა, არც ერთი ნაძალადევი სადღე-გრძელო.

18/V 90

დღეს „ლიტერატურულ საქართველოში“ როგორც იქნა, დაბეჭდეს ჩემი ნოველა „მავზოლეუმი“.

მილოცავენ, მირეკავენ, მოსწონთ.

გავიგე შემადრწუნებელი ამბავი. ემზარ კვიციანიშვილის ბიჭს – დათოს, თავი მოუკლავს, მეხუთე სართულიდან გადმომხტარა.

საშინელებაა. რა დღეში იქნება ემზარი.

დათო ჩემი სტუდენტი იყო. ნიჭიერი, თავმდაბალი ბიჭი.

რით ვანუგეშო ჩემი ემზარი. კიდევ კარგი, რომ სოფიკო ვერ მოესწრო ამ დღეს.

19/V 90

შაბათია.

ეროვნულ ფორუმზე მონვევა მივიღე.

დავურეკე ზვიად გამსახურდიას.

არ პასუხობს.

თუ ზვიადი არ შეირიგეს, იქ მისვლა არ ღირს.

20/V 90

დეიდა ნინიკო გავასვენეთ.

„კომუნისტში“ ჩემი ნოველაა „იაპონელი“.

21/V 90

მწერალთა კავშირში მუხრან მაჭავარიანმა თავისთან მიხმო, ფანჯიკ-იძეს ველოდებოდი, არ მინდოდა მუხრანთან მარტო შესვლა.

უბედური კაცი ვარო, თავმჯდომარეობა ჩამიფლავდაო, უნდა ნავიდე აქედანო. შენი თავიც მომამდურესო.

მდუმარედ ვუსმენდი. არც ჰო მითქვამს, არც არა.

22/V 90

დღეს უნივერსიტეტში პირველკურსელებთან ჩათვლა მქონდა.

ორასამდე სტუდენტს გავესაუბრე. ზოგი მათგანი დაბადებულია ლიტ-ერატორად. ზოგი „ტყემალზე ზის“.

ხვალ ეროვნული ფორუმი.

ვნახოთ, რა გამოვა. თუ სსრკ-დან გასვლაზე დადგა საკითხი, მე მხარს დავუჭერ.

23/V 90

10 საათზე დაიწყო ეროვნული ყრილობა.

დაახლოებით 6000 კაცი ვესწრებოდი.

გახსნა ირაკლი წერეთელმა. კარგი სიტყვა თქვა. მერე გამოვიდნენ გია ჭანტურია, სუმბათაშვილი, ხაინდრავა, ჯ. ჩარკვიანი, მაჭავარიანი, ირაკლი კაკაბაძე, ისევ ირაკლი წერეთელი.

მე პირადად გული მწყებოდა, რომ ყრილობას არ ესწრებოდნენ ზ. გამსახურდია, ა. ბაქრაძე და ნოდარ ნათაძე. მაგრამ ყრილობა იმპერიისადმი ზიზღის ნიშნით მიმდინარეობს და მე სულითა და გულით მხარს ვუჭერ.

რეზო ჭეიშვილი, თამაზ წიგნივაძე, იორამ ქემერტელიძე, ვაჟა აზარაშვილი და მე ერთად ვიჯექით.

ეტყობა, ეს ყრილობა მხოლოდ ეროვნული კონგრესის არჩევის პრინციპებს გამოიშუშავებს. მეტს არაფერს იზამს.

24/V 90

ეროვნულ ფორუმზე კონგრესის არჩევნების წესზე დიდი კამათი გაიმართა.

ირაკლი წერეთელი უკვე ჩამოყალიბდა ერთ-ერთ ლიდერად.

შუადღისას ემზარის დათოს დაკრძალვაზე ვიყავი. სალამოს – გოგი შალამბერიძის წლისთავზე.

სანყალი ემზარი, საბრალო გოგი.

25/V 90

სადიპლომო შრომების დაცვა მქონდა უნივერსიტეტში და ფორუმის ბოლო დღეს ვერ დავესწარი.

მითხრეს, რომ მაინცდამაინც სახარბიელოდ ვერ დამთავრებულა.

ადგილებიდან წამომხტარან დელეგატები და წერეთელ-ჭანჭუჭიასთვის დაუძახიათ – ვინ ხართ თქვენ, ბელადობას რომ იჩემებთ, სად არის გამსახურდიაო.

ამასობაში გამსახურდია თავის მიტინგებს ატარებს, ხან რუსთაველზე, ხან მაჩაბელზე. უკანონოდ იქნას ცნობილი ფორუმით, გაჰყვიროს.

ეს არ ვარგა.

რა დროს კინკლაობის და განხეთქილების დროა.

სალამოს ელგუჯა მალრადემ დამირეკა; დამითმე „კრიტიკის“ რედაქტორობაო. დათმობილი არა გაქვს-მეთქი? თურმე ორშაბათს ახალი რედაქტორის არჩევნებია, რაკი ჯ. ლვინჯილიას უარი უთქვამს.

26/V 90

დღეს საქართველოს დამოუკიდებლობის დღესასწაულია.

12 საათზე ვესწრებოდი მთავრობის სახლთან მიტინგს, – წერეთელი-ჭანჭუჭიას ბრიგადა ხელმძღვანელობდა.

6 საათზე ვაკის ეროვნულ სტადიონზე მიტინგი გაიმართა. გახსნა თემურ ქორიძემ. პირველი სიტყვა ზვიადმა თქვა. შინაარსი ასეთი იყო. გვებრძვის ანტიქრისტე, ავაზაკი ბარაბა! – ქართველო ერო, გააკეთე სწორი არჩევანი. მერე ქორიძემ წაიკითხა ვილაცის (!!) წერილი. ზვიადი გმირად გამოვაცხადოთ სიცოცხლეშიო. ტაში, ბრბო! ზვიადი ხელში აყვანილი შემოატარეს სტადიონს.

სამარცხვინო პროვინციალიზმად მეჩვენა ეს ხელში აყვანა.

27/V 90

კვირაა.

მთელი დღე აგარაკზე ვმუშაობთ მე და აჩიკო.

ჩემი შვილი 17 წლის ხდება. სკოლა დაამთავრა. სხვანაირი გახდა. ჩუმი, გულჩახვეული, ძველებურად აღარ მეგულგახსნილება.

28/V 90

მწერალთა კავშირში პრეზიდენტი ჩატარდა.

წესდების საკითხი იდგა.

მუხრანი ცოტა ხანს კიდევ უნდა იყოს თავმჯდომარის პოსტზე და ამიტომ უარს ამბობს წესდების შეცვლაზე.

სალამოს ნივნივაძემ დამირეკა და დაწვრილებით ვუამბე პრეზიდენტის ამბები.

29/V 90

დღეს ზურაბ ლლონტს გავყევი „გამარჯვებაში“. იქ მეურნეობის დირექტორ ჯოხაძეს დაველრიჯე, რატომ აწვალე ბთ ამ კაცს, თავისი მკვდარი

მამის დანატოვარ სახლს რატომ არ უფორმებთ-მეთქი. კიდეც კარგი, მიცნო. დაგვპირდა, გავაკეთებო, გამეხარდა.

უნივერსიტეტში დიპლომების დაცვა გავაგრძელებთ. დათო ტურაშვილმა დაიცვა. დიპლომი, რასაკვირველია, სუსტი იყო, მაგრამ თვით დათო კარგი ბიჭია. ბევრი ტკბილი სიტყვა ვუთხარი.

6 საათზე დოცენტი გრიშა პაჭკორია (72 წლის) მოვნათლეთ მე და სოსო ბუხაიძემ დიდუბის ეკლესიაში. საოცარი სურათი იყო.

9 საათზე მომღერალი ქალის, ლამარა გორდაშვილის, სალამოზე გახლდით, მსახიობის სახლში.

### 30/V 90

„მერანის“ წიგნის კორექტურას ვკითხულობ.

მშვენიერი წერილი დაუნერია შოთა ნიშნიანიძეს ჩემზე.

ზუგდიდიდან რეჟისორი მერაბ ჯაფარიძე ჩამოვიდა და თქვა, რომ ზუგდიდის თეატრში დგამს ჩემს პიესას.

ცოტა ხომ არ მოძველდა-მეთქი, ვკითხე.

არ მიხარია თეატრებთან ურთიერთობა ჩემი შარშანდელი კონფლიქტის შემდეგ.

ნათელა (სვეტა) ავად გამიხდა. მაღალი სიცხე აქვს. ჩანს, გაცივდა.

### 31/V 90

დღეს უნივერსიტეტში ილია ჭავჭავაძის კაბინეტი გაიხსნა.

დავესწარი გახსნას. ძალიან მიხარია.

კაბინეტის გამგედ ჩემი მეგობარი ლადო მინაშვილი დანიშნეს.

### 1/VI 90

დღეს, ბავშვთა დაცვის საერთაშორისო დღეს, სამინელი ამბავი მოხდა. თბილისში ჩამოვარდა ფუნიკულიორის საბაგირო გზის ორი ვაგონი. ოცდაათი ბავშვი დაიღუპა.

მაშინვე გავვარდი შემთხვევის ადგილზე.

საშინელებაა.

შვილო, ბავშვები, ალბათ, გაცეცხასაც ვერ მოასწრებდნენ.

ყველაფერი მოშლილია ამ საზიზღარ სახელმწიფოში.

### 2/VI 90

შაბათია.

გავარკვეე ავარიის მიზეზი. ოცდათორმეტი წელია საბაგირო მუშაობს და თურმე ერთხელაც არ გაურემონტებიათ.

### 3/VI 90

დავწერე სტატია – „ნუ ვაყოვნებთ“. მოვითხოვ, სასწრაფოდ გამოვაცხადოთ დამოუკიდებლობა.

სახელმწიფოებრიობა რომ აღდგება, თავისუფლების მოვლის სურვილი გაგვკაერთიანებს, ერთ მუშტად შეგვკრავს.

### 4/VI 90

უნივერსიტეტში ვინახულე მოშიმშილენი.

დღეს შიმშილობის V დღეა.

მათი მოთხოვნაა ეროვნული ფრონტის გამთლიანება და დამოუკიდებელი საქართველოს გამოცხადება.

მე მხარს ვუჭერ-მეთქი, ბიჭებო, თქვენს აქციას.

ვატყობ, ძალიან უჭირთ შიმშილობა.

ღმერთმა ნუ ქნას, რაიმე მოუვიდეთ.

ორ საათზე უნივერსიტეტში მოვიდნენ გამსახურდია და წერეთელი (რა თქმა უნდა, ცალ-ცალკე).

ვცადე შერიგება, მაგრამ არ გამოდის.

თუნდაც ფიქტიურად მაინც უნდა შერიგდეთ-მეთქი, ხალხის შესახებადაც ეს საქართველოს სჭირდება-მეთქი.

ვინ დაგიჯერა.

5/VI 90

გკითხულობ ჩემი წიგნის კორექტურას.

თბილისში ასიცხდა.

6/VI 90

მედია კახიძე, ნოდარ გურუშიძე, გრიგოლ ჯულუხიძე და მე ყვარელში გახლდით.

იქაურმა მდივანმა, თემურ ოსეფაშვილმა, ბევრი ვაჟკაცური საქმე გააკეთა. განსაკუთრებით ლეკების გასახლებას ცდილობს.

სოფლებში – თივი, ახალსოფელში და თხილწყაროში ლეკები ცოტანიდა დარჩნენ.

კარგია.

7/VI 90

უნივერსიტეტში შიმშილობა კვლავ გრძელდება.

ღღეს 4 საათის განმავლობაში გუმბარიძე შეხვდა უნივერსიტეტის თანამშრომლებს და ერთგულად იცავდა თავის გადაწყვეტილებას (კრემლისაგან ჩაგონებულს); სესიას 15 ივლისამდე არ მოვიწვევო.

ავდექი და ვუთხარი; რაშია საქმე, ამ სტუდენტების სიცოცხლე ფეხზე რატომ გკიდია-მეთქი. ამ მოშიმშილეების პირით მთელი საქართველო ღაღადებს. უნდა მოიწვიოთ სესია და საქართველოს დამოუკიდებლობა გამოაცხადოთ-მეთქი.

მოვლენებს ნუ დავაჩქარებთ, ბატონო რეზოვო, თავის დროზე გავაკეთებთ ყველაფერსო.

კი, მაგრამ, რამდენ ხანს იცოცხლებენ მოშიმშილენი-მეთქი.

არ ვიციო.

არ იცის და არც აინტერესებს.

ბოლოს დავრჩი მოშიმშილეებთან და ასეთი გამოსავალი ვიპოვეთ. დავანყებინოთ სესია და ამათ შეწყვიტონ შიმშილობა, მერე კი სესია რომ დაიწყება, ახალი მოშიმშილენი დასხდნენ. სწორედ იმ ახალმა მოშიმშილეებმა აიძულონ სესია გამოცხადდეს საქართველოს დამოუკიდებლობა.

8/VI 90

მარტვილში 50 წლისთავის იუბილე გადამიხადეს.

გახსნა ვაჟა აბაკელიამ.

მომესალმნენ გივი ელიავა და მურმან სულავა.  
აგრეთვე ახალგაზრდები – ფორმალეები თუ არაფორმალეები.  
უამრავ შეკითხვას ვუპასუხე.  
ადრესები, მილოცვები... ჭეშმარიტად ზეიმი იყო.

ნაბადი და ყანნები მაჩუქეს.  
ჩემთვის ძნელი იყო ქება-სიყვარულის მოსმენა, მაგრამ რომ იცოდეთ, როგორ გავიმართე წელში.

თითქმის ყველა ორატორი ამბობდა, თქვენს ლიტერატურულ მტრებს ყურადღება არ მიაქციოთ, იმათ თავიანთივე ბოღმა დააღრჩობსო.

საბოლოო სიტყვაში ვთქვი: ჩვენს ხალხს, აღარც კი მეგონა ახლა მწერლისთვის და მისი იუბილესთვის თუ ეცალა-მეთქი. დიდი მადლობა, ვეცდები არც მომავალში შეგარცხვინოთ-მეთქი. მერე მოვდექი კომუნისტურ პარტიას, ვერც გუმბარიძე-გორბაჩოვს აფუარე გვერდი, ამათგან სიკეთე არაა-მეთქი მოსალოდნელი.

9/VI 90

დღეს გივი ელიავამ (ეთნოგრაფი, ენათმეცნიერი, სამეგრელოს ენციკლოპედია, გულმხურვალე ქართველი) მიმინვია მუზეუმში.

თითქმის საბით დავეყავი მარტვილის მუზეუმში.

დავათვალიერე უნიკალური კოლექცია. ხელი შევახე 300 მილიონი წლის წინანდელ ქვებსა და ძვლებს.

ეს ყველაფერი გივი ელიავამ მოიპოვა და დააღაგა. ვაჟა აბაკელიას ვთხოვე, გივი ელიავას 70 წლისთავი სექტემბერში უნდა აღვნიშნოთ-მეთქი.

სიამოვნებით დამეთანხმა.

მერე ზღაპრულ მარტვილის ტაძარს ვეწვიე. მცირე სამლოცველო მე-7 საუკუნის – ულამაზესია, თვით ტაძრის ერთი მხარე მე-7 საუკუნისაა, მეორე მე-10 საუკუნისაა. ფანტასტიკური ფრესკა ღვთისმშობლისა.

ვაჟა აბაკელიამ მითხრა აქ მინდა გიორგი ჭოყნდიდელის ძეგლი დავდგაო. ადგილის შერჩევაში მომეხმარეო. აღვუთქვი დახმარება. უნდა შევუთანხმდე კარგ მოქანდაკეს.

10/VI 90

გივი სომხიშვილმა შინ მიმიპატიჟა. ეს ის გივია, უდანაშაულოდ რომ ჩასვეს ციხეში, სადაც ხუთი წელი გაატარა. იყვნენ თ. ჩალაბაშვილი, ე. მალრაძე, გ. ხარაიძე.

სალამოს გრიშა ჯუღლუხიძისთან გახლდით. ბევრი ვისაუბრეთ.

11/VI 90

მორის ფოცხიშვილს 60 შეუსრულდა.

ფილარმონიაში მშვენიერი სალამო გაუმართეს.

მისი სურვილით მხოლოდ მუსიკოსები მიესალმნენ, არც ერთი მწერალი არ მისალმებია (?!).

სიამოვნებით მივესალმებოდი, რომ ეთხოვა.

მორისი ჭეშმარიტად ეროვნული, დიდებული პოეტია.

12/VI 90

დღეს ინტერვიუ მივეცი „ამერიკის ხმის“, „საკდესის“ და „აპნ“-ის კორესპონდენტებს „თვისტომის“ გამო.

„თვისტომში“ მივიღე 4 ფერგანიდან ჩამოსული ე.წ. „თურქი მესხი“. ოთხივეს ქართული გვარი აქვს. ოთხივე ქართულად ლაპარაკობს. ოთხივე ამბობს: ჩავინერთ პასპრორტში ქართველს, მოვინათლებით ქრისტიანად, ბავშვებს შევიყვანთ ქართულ სკოლაში, ოღონდ ჩამოგვიშვით საცხოვრებლად.

რაშია საქმე?

შეიცვალეს ტაქტიკა? იქნებ, ეს ფანდია, იქნებ ტყუილს ამბობენ?

რა ვიცი... რა ვიცი...

თუ მართალს ამბობენ, ცოდოა, ხელი ჰკრა. თუ ცრუობენ – საშინელებაა.

13/VI 90

დღეს მწერალთა კავშირში პრეზიდენტი სხდომა ჩატარდა.

სხდომაზე ორი საკითხი იდგა: 1. დავით მჭედლოურის განცხადების განხილვა, 2. ლიტფონდის დირექტორის არჩევა.

მუხრან მაჭავარიანმა ნაიკითხა დ. მჭედლოურის განცხადება – გავდივარ მწერალთა კავშირიდან, რადგან მუხრან მაჭავარიანის ხელმძღვანელობის სტილი ჩემს პრინციპებს არ შეესაბამება. მწერალთა კავშირის ხელმძღვანელობაში უზნეობა და უპრინციპობაა გამეფებულიო.

სათითაოდ თითქმის ყველამ (ტ. ჭანტურია, ე. ჯაველიძე, მ. ლებანიძე, რ. მიმინოშვილი, ო. ჭილაძე, გ. მერკვილაძე, ა. სულაკაური) მოითხოვა დ. მჭედლოურის გარიცხვა, თუ იგი ბოდიშს არ მოუხდინდა მ. მაჭავარიანს.

ბოლოს მე ვთქვი: საიდან მოვიდა თქვენში ეს ფეოდალიზმი, თქვენ დაგავინწყდათ ის, რომ დავით მჭედლოური მწერალთა კავშირიდან გადის. მწერლის მწერალთა კავშირიდან გასვლის მიზეზს არ კითხულობთ და რა ბოდიშზეა ლაპარაკი. ვიმსჯელოთ და ვნახოთ, იქნებ, ბოდიში თვით მ. მაჭავარიანს აქვს მოსახდელი-მეთქი. რაშია საქმე, რამ გაგაგულქვავათ ასე, ნუთუ კაცის ბედი არაფრად გიღირთ-მეთქი.

სიჩუმე ჩამონვა.

ფანჯიკიძემ თქვა; სწორს ამბობს მიშველაძე, ნუ გამოვიტანთ ნაჩქარევ დასკვნას, გადავდოთ ეს საკითხიო.

სალამოს „თვისტომის“ პრეზიდენტი სხდომა მქონდა. ანდრო გოგოლაძის გარდა ყველა ესწრებოდა.

14/VI 90

უნივერსიტეტის ფილოლოგიის ფაკულტეტის V კურსელებმა სახელმწიფო გამოცდების ჩაბარებაზე უარი თქვეს.

რა მიზეზით? არ გვაქვს სურვილიო.

საიდან მოვიდა ეს გაიოლება ცხოვრების?

თავისუფალ საქართველოს სწორედ რომ კარგი სპეციალისტები სჭირდება.

არა მგონია მართებული იყოს ეს ნაბიჯი.

15/VI 90

სუმბათაშვილმა დღეს „თბილისში“ გამოაქვეყნა ამაზრზენი სტატია, რომელშიც გაამასხარავა 5 მოშიმშილე სტუდენტი.



როგორ შეიძლება უმრწმელს ძმათა განწირული კვეთება მასხრად აიგდოს „პოლიტიკოსმა“.

ჯერ რედაქცია გავლანძღე, მოშიმშილეებთან მივედი; ნუ გეშინიათ-მეთქი, ბიჭებო, თქვენ ნამდვილი გმირები ხართ, სუმბათაშვილი შემცდარია-მეთქი.

დღეს უნივერსიტეტში პარიზელ ვიქტორ ხომერიკს შევხვდით. ვკითხე, რა აზრისა ხართ-მეთქი ჩვენს ეროვნულ მოძრაობაზე. ყველაფერი კარგია, რომ არ ჭამდეთ ერთმანეთსო.

#### 16/VI 90

მსოფლიო ჩემპიონატს ინტერესით ვადევნებ თვალს.

ბრაზილიის გულშემატკივარი ვარ.

ბრაზილია, მართლაც რომ ბრწყინვალე გუნდია.

დღეს კოსტა-რიკას მოუგო.

გურამ გვერდნითელის ბიჭის – მამუკას ქორწილში გახლდით.

შოთა ნიშნიანიძემ თამადად დამასახელა ჩვენს სუფრაზე. სხვადასხვა დარბაზში სამ ადგილას იყო სუფრა გაშლილი.

ვითამადე, მიუხედავად იმისა, რომ გურამმა ამ ზამთარს საკმაოდ მანყენინა; კაცმა თავისი ხელითვე ჩასწორებული განცხადება უარჰყო, არ წამიკითხავსო.

წყენა, რომ იტყვიან, ჭიშკრამდე არ მიმყვება.

#### 17/VI 90

გუშინდელ „თბილისში“ ჩემი სტატიაა „ნუ დავაყოვნებთ“.

ვაცხადებ: დაუყოვნებლივ უნდა გამოვაცხადოთ რუსეთისგან გამოყოფა და საქართველოს დამოუკიდებლობა-მეთქი.

რაც დრო გავა სიტუაცია შეიცვლება და უფრო დავეშორდებით-მეთქი სანუკვარ მიზანს.

აღბათ, მიპასუხებენ ჩვენი პოლიტიკური ლიდერები.

არაუშავს, მიპასუხონ, ოღონდ საქმე გაკეთდეს.

#### 18/VI 90

ვნახე რუსთაველის თეატრში დათო ტურაშვილის პიესა, ქუთაისის თეატრის დადგმა.

რა თქმა უნდა, პიესა არ არის, არც ხასიათებია და არც სიუჟეტი, მაგრამ დათო კარგი ბიჭია და ვენაცვალე მის გაბედულებას, რომ პირდაპირ პიესას დაეჭიდა.

სწორედ მას სჭირდება სულის ბერვა, დახმარება, გამხნეება. მადლობა მოვახსენე თეატრის მთავარ რეჟისორს სვანაძეს პიესის დადგმისთვის მის თეატრში (დადგმა ვილაც უცნობ გოგონას ეკუთვნის, გვარი არ მახსოვს).

#### 19/VI 90

ზუგდიდიდან დეპუტა მივიღე 20-ში პრემიერააო.

ხვალ დილით 6 საათზე უნდა წავიდე.

#### 20-21/VI 90

ზუგდიდში ჩემი პიესის პრემიერა შედგა.

გადაკეთებულ პიესას („სპექტაკლი ფეხით მოსიარულეთათვის“) „ნგრევა“ ვუწოდებ.

ახალგაზრდა, გაბედულმა რეჟისორმა მერაბ ჯაფარიძემ დადგა.

კარგი სპექტაკლი გამოვიდა. ხალხმაც კარგად მიიღო.

მე მგონი, კიდევ ერთი ყუმბარა ვესროლელ საძულველ საბჭოთა ნყო-ბილებას.

## 22/VI 90

დავწერე მიმართვა ქართველი საზოგადოებისადმი სათაურით „ყუ-რადღება“. ნუ გავუფუჭებთ-მეთქი ხასიათს საქართველოში დაბრუნების მსურველ ქართველებს, ნუ აღვმართავთ-მეთქი მათს წინაშე ათასგვარ ბი-უროკრატულ-ჩინოვნიკურ ბარიერს.

მე- როგორც „თვისტომის“ პრეზიდენტი, საქვეყნოდ ვაცხადებ-მეთქი, რომ საქართველოს მთავარი საქმე დღეს მისი დარღვეული ეთნიკური სხე-ულის გაძლიერებაა.

## 23/VI 90

აკაკი წერეთელზე (150) წერილი მთხოვა „ცისკარმა“.

მინდა დავწერო ის, სხვას რომ არ დაუწერია.

კლასიკოსზე კი არა, კაცზე, ვალებით განამებულ, საჩხერის მტკრიან გზაზე გაბმულ კაცზე, რომელმაც საქართველოს შესწირა გვარიშვილობაც, მამამისის სიმდიდრეც, ოჯახიც...

წინო მიშველადის ორმოცი იყო.

საოცარია, როგორ ეგუება სიკვდილს ადამიანის ბუნება. სასაფლაოზე რომ ვნახე, მეგონა მისი ადგილი სწორედ იქ იყო, თითქოს სულ იქ იყო და აქ არასოდეს ყოფილა.

## 24/VI 90

დღეს კვირაა.

ბრაზილიამ არგენტინასთან საფეხბურთო ჭიდილში წააგო 0:1. ორი ტაიმის განმავლობაში ბრაზილიელთა უპირატესობა ამკარა იყო და მინც წააგეს. ასე უსამართლოა ფეხბურთი.

ჩემთვის მსოფლიო ჩემპიონატი დამთავრდა.

ხომ უნდა იყოს რაღაც წესი და კანონი. ერთი თამაშის დროს სამჯერ რომ ბურთი ძელს მოხვდება, არაფერს უნდა ნიშნავდეს?

## 25/VI 90

დავინყე ნოველის წერა იმის შესახებ, თუ როგორ მართავს კვბ (სუეკი) და ცკ ჯერ კიდევ გამოუცდელ სახალხო მოძრაობას.

ვნახოთ, რა გამოვა.

თბილისში ძალიან ცხელა.

აჩიკო ფიზკულტურის ინსტიტუტში ჩააბარებს.

ასე გადავწყვიტეთ.

სპორტი ჩემი სიყმაწვილის ოცნება იყო. ჯანმრთელი, სუფთა ხალხის სარბიელი.

სხვა რა უნდა ისწავლოს დღეს კაცმა.

ფილოლოგი? – ამისთვის განსაკუთრებული ნიჭია საჭირო, რაც აჩიკოს არა აქვს.

ანტიერესებს ფიზკულტურა. ჰოდა, გამოვიდეს სპორტსმენი, რითიაც უდი, თუ კაცი იქნება, თავს აქაც გამოიჩინს.

26/VI 90

მთელი დღე მწერალთა კავშირის პრეზიდიუმის სხდომაზე ვიჯექი ყეყენით.

მუხრან მაჭავარიანმა ბრძანა: ოთარ ნოდია რაკი სამდივნოს ბრძანებას მისი მოხსნის შესახებ არ ემორჩილება, პროკურატურას უნდა გადავცეთო.

ასეთივე აზრის იყვნენ მურმანიც, ტარიელიც, მიმინოშვილიც, ო. ჭელიძეც, გ. ნატროშვილიც, ელგუჯა მალრაძეც...

ავდექი და ვთქვი: როგორ შეიძლება, მწერლებმა მწერალი პასხუისგებაში მივცეთ-მეთქი. ნუთუ მთლად გაცოფდით, ნუთუ სირცხვილი და სიბრაღული ყველამ დაკარგეთ-მეთქი.

გაჭრა ჩემმა სიტყვამ. გადანყვიტეს სამთავრობო კომისიას გადაეცეს საკითხი. ეს კი ო. ნოდიას გადარჩენას ნიშნავს – ამ ეტაპზე მაინც.

27/VI 90

დღეს დავამთავრე ნოველა „თოჯინების თეატრი“.

გახარებული ვარ.

ეროვნული მოძრაობის გათიშვაზე დავწერე.

28/VI 90

„თვისტომის“ ბინის სამათხოვროდ ჩამოვიარე დანესებულებები.

ჰეიდარ ფალავანდიშვილმა უარი მითხრა.

ჯერჯერობით საიმედო არაფერი ჩანს.

ერთი პატარა ოთახი გვინდა, მეტი არაფერი.

29/VI 90

ყვარელში შეხვედრა მომიწყვეს.

ნიგნის მოყვარულთა საზოგადოების ინიციატივაა.

რაიკომ-ალმასკომს გვერდი ავუარე (საერთოდ არ მსიამოვნებს გაკოტრებულ ხელისუფლებასთან ურთიერთობა), პირდაპირ დარბაზში შევედი და მე თვით გაეხსენი შეხვედრა.

სამი საათი ფეხზე ვიდექი.

შეკითხვები... შეკითხვები. მშვენიერი შეხვედრა გამოვიდა.

თბილისიდან მახლდნენ გურამ ბუხნიკაშვილი და ლეილა ბარაბაძე.

30/VI 90

„ახალგაზრდა ივერიელში“ ჩემი წერილია „ყურადღება“.

სიტყვა-სიტყვით დაუბეჭდავთ, არაფერი შეუცვლიათ.

„თვისტომმა“ უნდა გააკეთოს დიდი ეროვნული საქმე – ქართველების დაბრუნება საქართველოში.

ვიცი, დამესევთან ცრუპატრიოტები, მაგრამ უკან არ დავიხევ.

1/VII 90

კვირაა.

ხვალ დემოგრაფიული საზოგადოების კონფერენციააო, დამირეკეს.

დემოგრაფიული საზოგადოება კარგი საზოგადოებაა, მაგრამ ამ ბოლო დროს ეროვნულ მოძრაობას, ცოტა არ იყოს, ჩამოცილდა და კომერციაზე გადავიდა.

კომერციაც საჭიროა, თუ იგი ქვეყნის სამსახურშიც დგას.

ეროვნული საზოგადოება მანაც ეროვნული საზოგადოება უნდა იყოს.

უპირველეს ყოვლისა, მას სინამდინდე და უანგარობა მოეთხოვება.

მეთოხედფინალში დარჩნენ ინგლისი, არგენტინა, გვრ, იტალია.

ვინ გაიმარჯვებს?

2/VII 90

ელიზბარ ჯაველიძეს მივუტანე ნოველა „თოჯინების თეატრი“.

დღეს სიტყვით გამოვედი დემოგრაფიული საზოგადოების კონფერენციაზე.

3/VII 90

მთელი დღე „თვისტომში“ მოქალაქეთა მიღება მქონდა.

თხუთმეტამდე მთხოვნელს მოვუსმინე.

ყველას მივეცი შუამდგომლობა საქართველოში ჩამოსასვლელად, ქართველებს რასაკვირველია.

მერე „რესპუბლიკის“ კორესპონდენტი გალინა ხარებაშვილი მენვია და მესაუბრა „თვისტომის“ ამოცანებზე.

„თვისტომმა“ ძალიან ჩამითრია.

4/VII 90

ვაშაძეებ ნიგნს „იღბლად გადარჩენილი ნოველები“. ნიგნში შევა ის ნოველები, რომლებიც ვერ დავბეჭდე, ან ცენზურამ დაასახიჩრა. ამ ნიგნის გამოცემას რუსთაველის საზოგადოება მპირდება.

5/VII 90

ირაკლი აბაშიძესთან ვიყავი ენციკლოპედიაში პატარა ადგილი გამომიყავი „თვისტომისთვის“-მეთქი.

არაფორმალური საზოგადოების მეშინიაო. მე ძველი კაცი ვარ და, თუ ძმა ხარ, ფათერაკს რასმე არ შემამთხვიოო. ბოლოს დავითანხმე.

ირაკლი აბაშიძე ძალიან მიყვარს.

6/VII 90

ფაკულტეტის საბჭოს ოთხსაათიანი სხდომა გვექონდა.

გვესწრებოდნენ რექტორატიდან ლევან ალექსიძე და ვახტანგ გოგუაძე. კურსდამთავრებულებმა პრინციპულად არ ჩააბარეს სახელმწიფო გამოცდები. მივცეთ თუ არა მათ დიპლომი?

საბჭომ გადაწყვიტა არ მიეცეს.

აღბათ, სწორია, როგორ შეიძლება ფილოლოგიური ფაკულტეტის სტუდენტი უარს ამბობდეს ქართული ენისა და ლიტერატურის ჩაბარებაზე.

მე ვთქვი: მანაც ნუ ვიქნებით სტუდენტებთან ასე კატეგორიულები-მეთქი. შევხვდეთ, გულდასმით მოვესაუბროთ, იქნებ შევთანხმდეთ-მეთქი.

7-8/VII 90

შაბათ-კვირა მუხანყაროში გავატარე.

დავწერე ნოველა „რა იციან მეზობლებმა“.  
ნოველაა ნახევრად სახუმარო. კაცს რომ გააღიმიებს ისეთი.  
წავიკითხე ჩემი წიგნის „განაჩენის“ კორექტურა.  
ფუჟურე მსოფლიო ჩემპიონატის ფინალს – გფრ-არგენტინა.  
პენალტით ძლივს მოუგო გერმანიამ.  
მარადონა ტიროდა.

წაგების გამო კი არა, სიბრაზის გამო: მსაჯმა პენალტი „აჩუქა“ გერ-  
მანელებს.

9/VII 90

დილით ვალერი გაბელიამ მომაკითხა.

კიდევ ერთი უსამართლობის შესახებ მიაგზო.

მოატყუეს, გააცურეს. გადადექი მეურნეობის დირექტორობიდან და  
სხვა, უკეთეს ადგილზე გაგიშვებთო.

რაიკომის მდივანი – მემარნიშვილი გადაეკიდა გაბელიას და დაამარცხა  
მართალი ბიჭი, რომელსაც მთელი სოფელი უჭერდა მხარს.

მოტყუებული გაბელია სოფლიდან წამოსვლისთანავე სამართალში  
მისცეს. შენ და ფანჯიკიძემ უნდა მიშველოთო.

აი, ასეთი წყობა გვაქვს ჩვენ და ასეთი სამართალი.

10,11,12/VII 90

ვაჟა ლორქიფანიძეს ვეახელ „თვისტომის“ ბინის საკითხზე, გოგი ან-  
დრონიკაშვილს დაურეკე-მეთქი.

დამპირდა.

თბილისში საშინლად ცხელა.

„ახალგაზრდა ივერიელის“ რედაქტორთან მივყევი ყვარლის დელ-  
ეგაციას. კოლექტიურ წერილში ყვარლები ამტკიცებენ, რომ ლეკთა  
სოფელთან პიკეტი თვით ლეკებთან შეთანხმებით მოენყო.

რედაქტორმა მყავე სახე მიიღო.

13,14,15/VII 90

კუს ტბა ორჯერ გადავცურე სიგრძეზე.

ჩემი თავი შევამონმე, ხომ არ დავბერებულვარ.

ჯერ არა. არ ვილლები.

მეწვია მიშა ქვლივიძე. მითხრა, ჩვენს საერთო იდეაზე პოლიტიკური  
თეატრის შექმნის შესახებ, უკვე ველაპარაკე გიგა ლორთქიფანიძეს. თანახ-  
მაა. ხორავას სახლის სცენა თვეში 4-ჯერ დაგვითმოსო.

ფფიქრობ, კარგი თეატრი შეიქმნება: მე და მიშა ქვლივიძე სცენაზე ერ-  
თად გამოვალთ.

ელცინი გავიდა პარტიიდან. ძალიან გამეხარდა.

მეწვია ახალგაზრდა ნიჭიერი მხატვარი ნუკრი ასლამაზიშვილი.

ყურადღებით ვათვალიერე მისი ნახატები. კარგი ბიჭია.

მივწერე ჯემალ ლოლუას და ჯანსუღ ლვინჯილიას – დაეხმარეთ-მეთქი.

16/VII 90

დღეს აჩიკოს პირველი გამოცდა აქვს ფიზკულტურის ინსტიტუტში.

მე ღრმად ვარ დარწმუნებული, რომ აჩიკომ სწორი გადაწყვეტილება  
მიიღო.

კაცი გამოვა, ჯანმრთელი, სულმრთელი.

ქურდობას არ ისწავლის.

დღეს „რესპუბლიკაში“ დაბეჭდილია ვრცელი ინტერვიუ ჩემთან სათაურით „თვისტომი“ თვისტომს დაეძებს“. ვლასარაკობ ჩემს დამოკიდებულებაზე საქართველოს პრობლემებთან.

17/VII 90

გუშინ აჩიკომ ხუთიანი მიიღო ცურვაში.

გახარებული მოვიდა, ყველაზე უკეთ გავცურეო.

18/VII 90

ვამზადებ წიგნს – „იღბლად გადარჩენილი ნოველები“.

მანუხებენ უნივერსიტეტის მისაღებ გამოცდებთან დაკავშირებით.

ვერ გავაგებინე ამ ხალხს, რომ მე არა ვარ „გამოცდების“ კაცი.

არ ვეკუთვნი არც ერთ საგამოცდო მაფიას.

19/VII 90

ყველაფერი წინასწარ იყო გათვლილი ჩვენი მტრების მიერ. ჩვენი მტრები-მეთქი რომ ვამბობ, ეს სიტყვა აჩემებული როდი მაქვს. დიახ, მტერს საკმაოზე მეტად კონკრეტული სახე აქვს: ეს არის საქართველოს დათრგუნვის მოსურნე იმპერიული ძალები.

ვაი, რომ ნებით თუ უნებლიეთ, ჩვენც ვუნყოფთ ხელს.

სათანადო კაბინეტებში (ღრმად მჯერა) წინასწარ იყო გათვლილი ის, რაც ახლა ხდება და შეიძლება გათვლილი იყო 1-2 წლის წინადაც.

ვითამამოთ გადაუნყვეტი უნიათო ხელისუფლების როლი, გავუნანილოთ ხელისუფლება ეროვნულ მოძრაობას, რის შემდეგაც მას სწრაფად მიეტმასნებთან ფულის შოვნის სურვილით ანთებული პირები, ეროვნული მოძრაობა სინმინდუე ველარ ილაპარაკებს, მერე ლიდერები გადავკიდეთ ერთმანეთს და ესეც შენი ჩავლილი ეროვნული მოძრაობაო.

ჩვენ კი ეროვნული მოძრაობის შეფერხებას იმით ვუჭერთ მხარს, რომ ერთი მხრივ კომუნისტურ პარტიის დამოუკიდებლობაში ვხედავთ გამოსავალს, რაც ჩემი ფიქრით აბსურდია, არ შეიძლება მთელისგულისნაწილი მთელისაგან განსხვავებული იყოს. როცა იმ ნაწილის მეთაური მთელის სახელმძღვანელო აპარატში შედის. და მეორეც საქართველოს უმთავრესი საქმე მისი ეროვნული სხეულის გაძლიერება, ფერხდება პროვოკაციული, წინასწარდაგეგმილი დათმობებით.

მე თავისუფალი მწერალი ვარ. არცერთ პარტიას არ ვეკუთვნი და, რა თქმა უნდა, არც კომუნისტურ პარტიას, რომელსაც კარგა ხანია დაუუქნიე ხელი.

ახლა საქართველოში მიტინგები და ქუჩის მოძრაობანი მიჩუმდა და მიწყნარდა.

მაგრამ ღრმად სცდებიან საქართველოს ეროვნული მოძრაობის განვლების მოსურნენი.

ეს ქარიშხლის წინ ჩამოვარდნილი სიჩუმეა.

საქართველო თავისუფლებისთვის ბრძოლაში უკან აღარასოდეს აღარ დაიხევს.

ეკოლოგიურად კი მაგრამ, ეროვნულად არავითარი საერთო სახლი არ

არსებობს და არც საჭიროა. კავკასიაში ქართველს თავისი სახლი აქვს.

20/VII 90

მილიციის სამმართველოს წინაშე შუამდგომლობა თბილისში ჩანერ- ისთვის გავუწიე ბაქოდან ოჯახით ჩამოსულ ქართველს ომარ კვირტაიას, რომელსაც ენერგიულად აწვალებდა ჩვენი ბიუროკრატია.

21, 22/VII 90

ძირითადად აგარაკზე, მუხანყაროში გავატარე.

დავწერე ორი ნოველა „დრამატურგ გაგადის ჩვენება“ და „რა იცინა მეზობლებმა“.

ვკითხულობ ბევრს.

ვცდილობ გავერკვე ჩვენი ეროვნული მოძრაობის შეფერხების მიზეზ- ბში.

ამბიციურობამ, ერთიანი მიზნის უქონლობამ, მწყობრი გეგმის გარეშე მოქმედებამ დაგვწია უკან.

დღეს ტელევიზიაში მე და თამაზ ტყემალაძემ ორმოცწუთიანი დიალო- გი ჩავწერეთ. იქაც იყო „ეს არ თქვა, ეს არ შეიძლება“ მოტივები, მაგრამ თამაზის წყალობით მაინც გაბედული საუბარი გამოვიდა.

სხვათა შორის, მივაკითხე ზოგ არაფორმალთა გაზეთს, იქაც არ უნდათ თავისუფალი მწერალი. თუ იმას დასწერ, რაც ჩვენი პარტიის ინტერესებს შეესაბამება, კი ბატონოვო.

ისევ ამოდ, ენაგადმოგდებული დავრბივარ „თვისტომის“ ბინაზე.

23...31/VII – 1/VIII 90

ზვიად გამსახურდიას პარტიამ მატარებლები გააჩერა სამტრედიიაში.

დგას ახლა 30 მატარებელი მგზავრებით სავსე. საშინელი ანტისანი- ტარიააო „მოამბემ“.

მიზანი? „მრგვალი მაგიდა“ აცხადებს: უზენაესი საბჭოს სესია, ნაცვ- ლად 17 აგვისტოსი გაიმართოს 7 აგვისტოს.

ვერ გავიგე, რა პრინციპული მნიშვნელობა აქვს.

საერთოდ, თითოეულ პოლიტიკურ ნაბიჯს თავისი მკვეთრად გამოხატ- ული მიზანი უნდა ჰქონდეს.

„მერანში“ ჩემს ახალ წიგნს – „განაჩენს“ მივაკითხე. დამატრიცებუ- ლიაო, მალე ბეჭდვა დაიწყებაო. მიხარია.

„მერანის“ წინ რეზო ინანიშვილი შემხვდა. ამასწინათო, მითხრა, ჩემს დღიურებს ვათვალიერებდიო, ერთ ადგილზე ჩამინერიაო – რევაზ მიშველაძე ამაყად, ცოტა ამპარტავნულად დაგვცქერისო. ახლა, „მნათობში“ და „გან- თიადში“ შენი ნოველები რომ წავიკითხე, დავრწმუნდი, რომ მართლაც გაქვს საბუთი და საფუძველი ბევრ ჩვენს კოლეგას ზემოდან დასცქეროდეთ. მხ- არზე ხელი დამადო და გამშორდა

რეზოს ფერი არ მომეწონა. სიკვდილის ფერი ჰქონდა სახეზე. ცრემლი მომერია, მაგრამ არ დავანახე, არ შევიმჩნიე.

2/VIII – 27/VIII 90

ბიჭვინთაში, მწერალთა სახლში ვიყავით – აჩიკო, ნათელა და მე.

ვერ დავისვენე.

ვწერდი ბევრს. რვა ნოველა დავწერე.



თან აფხაზეთის ცხოვრებაში რაც შემეძლო ჩავიხედე.

ჯერ „თურქი მესხები“ შემოგვისია გორბაჩოვმა.

9-10 აგვისტოს ლამის მკერდით შევკარით ლესელიძის ჭიშკარი.

თვალი არ მომიხუჭავს. 10 აგვისტოს მიტინგზე ლამის ერთსაათიანი სიტყვა ვთქვი. საქართველომ თავისი საზღვარი უნდა დაიცვას-მეთქი. გვეყო „გულმონყალება“ მიწების გაცემაში-მეთქი.

17 აგვისტოს რადიოში მქონდა დიალოგი, 25 აგვისტოს ტელევიზიაში. მე და თამაზ ტყემალაძე ვსაუბრობდით.

მე მგონი, ურიგო დიალოგი არ გამოვიდა.

25 აგვისტოს აფხაზეთმა საქართველოდან გასვლა – დამოუკიდებლობა გამოაცხადა.

წინა დღეებში გუმბარიძე გაჰყვიროდა – ჭორებს ავრცელებენ, თითქოს აფხაზეთს გასვლა უნდა, ეგ სიცრუეაო.

28/VIII 90

წუხელ, გვიან ღამით აიღეს ლენინის ძეგლი თბილისში.

ეს საქართველოში საბჭოთა ხელისუფლების დამთავრებას ნიშნავს!

ბედნიერი ვარ.

გვიან ღამემდე ვერ ვიძინებ.

თავისუფლებამდე, საქართველოს დამოუკიდებლობამდე ჯერ კიდევ შორია.

მაგრამ, ცისკარი უკვე მოადგა ფანჯრებს.

29/VIII 90

„თვისტომის“ განცხადება დაწვრიე აფხაზეთის საკითხის გამო.

„დროა სამოცდაათწლოვანი ბანგიდან ყურები გამოვიფხიკოთ და საგნებს თავისი სახელი დავარქვათ-მეთქი“.

ვნახოთ, თუ შეეძელი დაბეჭდვა.

30/VIII 90

დღეს „ახალგაზრდა ივერიელში“ მარიკა ლორთქიფანიძის წერილია აფხაზეთზე. ძლივს, პირველად ქართველმა მეცნიერმა ისტორიკოსმა თქვა სიმართლე აფსუებზე.

ეს სიმართლე ცოტა დაგვიანებული ხომ არ არის? ადრე მარიკა სხვა აზრისა იყო.

31/VIII 90

„თვისტომის“ განცხადება „ახ. ივერიელში“ მივიტანე, შეიძლება სამშაბათს დაბეჭდონ.

1/IX 90

დიდგორში წავედით მე და ლევან სანიკიძე მემორიალის გახსნაზე.

იყო საზეიმო აღლუმი, ცეკვა-სიმღერა. დიდი საქმე გაკეთდა, მაგრამ მე მაინც სევდამ შემიპყრო.

ჩემი სევდა გამჟღავნდა კიდევ ინტერვიუში, რომელიც ნიჭიერმა მწერალმა ქალმა ირინე ტალიაშვილმა ტელევიზიისთვის ჩამომართვა.

ამდენი ფული თუ გვაქვს-მეთქი, ნუ გადავყვებით საზეიმო სანახაობებს, ახლა საქართველოს ამისთვის არა სცალია, უკეთესია იმ ფულით იარაღი შე-

ვიძინოთ, საქართველოს ჯარი შევქმნათ და საქართველოს საზღვრები გავამაგროთ, ის საზღვრები, ახლა რომ ფაქტიურად დაუცველია-მეთქი. ეს ჩემი სიტყვა სალამოს ტელევიზიამ, რა თქმა უნდა, არ გადასცა. მერაბ ბერძენიშვილს (მემორიალის ავტორს) ენეინებაო.

მერაბის საწინააღმდეგო მე რა უნდა მქონდეს, მერაბი ჩემი უსაყვარლესი მოქანდაკეა. „კიდევაც დაიზრდებიან“ საქართველოსთვის ყველაზე საჭირო ქანდაკებაა, მაგრამ მე ჩემი აზრი ვთქვი, საქართველოს ახლანდელ გასაჭირზე.

## 2/IX 90

საქართველოს გამყიდველებმა ხელი მოაწერეს რუსეთთან ახალ კულტურულ-ეკონომიკურ ხელშეკრულებას.

ქურდულად, ჩუმად გავარდნენ მოსკოვში და საქართველო ფაქტის წინაშე დააყენეს. არ უკითხავთ ნებართვა, არც უმაღლესი საბჭოს დეპუტატებისთვის (საქართველოს სესია 17 აგვისტოს რომ გაიმართა), არც პრესაში გამოუქვეყნებიათ ხელშეკრულების თუნდაც ზოგადი პრინციპები.

ეს ხომ შემზადებაა ახალი სამოკაშვირეო ხელშეკრულებისთვის, რომელსაც კრემლი ამზადებს?

ამით ხომ საქართველო კვლავ ვარდება მშვიერი რუსეთის ეკონომიურ-პოლიტიკურ კაბალაში.

გავვარდი ტელევიზიაში და რადიოში. იქნება მოვახერხო და საქართველოს ვუთხრა, რომ ეს ერის გაყიდვის ტოლფასია.

ტელევიზიაში აჩიკო გოგელიამ უარი მითხრა გამოსვლაზე, გუმბარიძეს ვერ ვანეინებო.

რადიოში „პიკის საათში“ ჩამწერეს ჟურნალისტებმა ნატო ონიანმა და ზვიად ქორიძემ. ბატონო რეზო, თუნდაც მომხსნან ზვალ დილით, ამას მაინც გადავცემო, ნატომ.

ვნახოთ.

## 3/IX 90

დილის 8 საათზე პიკის საათმა გადასცა ჩემი – „თვისტომის“ პროტესტი ხელშეკრულების მიმართ.

1 საათზე, ჩანს, ხელისუფლებამ მიიღო ზომები და რადიომ სასტიკად გამლანძღა – მიშველაძეს ამ ხელშეკრულების სიკეთე ვერ გაუგიაო.

„თბილისში“ მივიტანე „თვისტომის“ განცხადება „რა გვეჩქარებოდა“, ვამათრახებ გუმბარიძის კომპანიას.

დავბეჭდავო, მელუხამ.

ზვალ, ალბათ „ახ. ივერიელში“ იქნება ჩემი განცხადება აფხაზეთზე. ვიბრძვი კბილებით.

## 4/IX 90

კლუბმა „ალისფერი იალქნები“ (დავით ზოდელავა) მომწერა დეპუტატად დაგასახელებთო.

თავს ვიკავებ, არ მინდა, ჯერჯერობით პოლიტიკოსებს კონკურენცია გავუწიო.

დღეს „ახალგაზრდა ივერიელში“ დაბეჭდილია აფხაზეთზე „თვისტომის“ განცხადება.

კიდევ ერთხელ ვუცხადებ „აფხაზებს“, რომ ისინი არიან ადიღეველნი და აფხაზები ჩვენა ვართ – სუფთა ქართველები.

არ იციან, რომ ჩემი დანერილია და მირეკავენ; ნაიკითხე დღეს „ივერიელში“ „თვისტომმა“ რა დღეში ჩააგდო აფსუებით!

მიხარია.

5/IX 90

„თბილისში“ „თვისტომის“ განცხადებაა „რა გვეჩქარებოდა“.

ახლა „თბილისიდან“ ვამხილე საქართველოს ხელისუფლების საზიზღარი პოლიტიკა.

რა ეშველება იმ ქვეყანას, რომელსაც შიგნით ამდენი გამყიდველი ჰყავს. გალაკტიონის კაბინეტისთვის უნივერსიტეტში 1 (ერთი) ოთახი მოვამატებინე – გახარებული ვარ.

სანდრო მრეწლიშვილმა, მგონი „ტვირთის“ რეპეტიციები დაიწყო თავის „მეტეხის თეატრში“.

6/IX 90

დღეს კათედრის სხდომა მქონდა.

ვილაპარაკე საქართველოს ხელისუფლების გამცემლურ საქციელზე.

ზვიად გამსახურდიამ მითხრა (მწერალთა კავშირთან თავის რეზიდენციაში შედიოდა) ყოჩაღ, ვნახე გაზეთში „თვისტომის“ ბრძოლა.

რას შვრებით, რატომ აგვიანებთ-მეთქი. ეგ ხელშეკრულება არჩევნების შემდეგ გაუქმდებაო.

შევატყვე, დიდი იმედი აქვს, რომ პრეზიდენტად აირჩევენ.

შოთა ნიშნიანიძემ დამირეკა. შევთანხმდით და 3 საათზე „მერანში“ შევხვდით ერთმანეთს.

მარჯუა თავისი ახალი ნიგნი წარწერით: „დღევანდელი საქართველოს დიდ მესიტყვეს, უპირველეს ნოველისტს“.

მინდაო, შენი გემოვნებით შევარჩიო ლექსები და ერთი „რჩეული“ ერთად შევადგინოთო.

სიამოვნებით დავთანხმდი.

7/IX 90

„ლიტ. საქართველოში“ მივიტანე ნოველა „ამერიკა, ამერიკა“.

სტამბაში ვიყავი, ჩემი წიგნის – „განაჩენის“ ბეჭდვა ჯერ არ დაუწყიათ. საღამოს შოთა ნიშნიანიძემ დამირეკა – ცკ-ს (გუმბარიძე, გურგენიძე) თავის სადეპუტატო სიაში უნდა შემიტანოს და რას იტყვიო.

არ ვუზრჩიე. როგორ შეიძლება შენი სახელი კომუნისტ დეპუტატთა შორის იყოს-მეთქი. და საერთოდ, რატომ არ გამოდიხარ-მეთქი პარტიიდან.

8/IX 90

შაბათია. შოთა ნიშნიანიძის რჩეულისთვის წინასიტყვას ვწერ.

ვკითხულობ აბდაუბდა გაზეთებს.

კვლავ ანგარიშსწორება. კვლავ „ძმათა ომი“, – „ქართულ ფილმში“ და „ქართულ ქრონიკაში“ გიორგი ჭანტურია უმონყალოდ ლანძღავს ზვიად გამსახურდიას.

საღამოს სამასკაციან ქორწილს ვუთამადე – ავლაბარში, ჭრელაშვილის შესახვევში.

ქორწილზე იჯდა კაკული ვასაძის მეგობარი, ერთი უნიჭო, თვითმარ-  
ქვია პროზაიკოსი.

მისმა ნახვამ გუნება გამიფუჭა.

### 9/IX 90

კვირა დღე მუხანყაროში გავატარე.

ვკითხულობდი, ვწერდი ახალ ნოველას, მაგრამ ვინ დაგაცალა.

მეზობელი მურთაზ გოგოძე „თავს დამესხა“ და შინ დამპატიჟა.

ვიპურმარილეთ. რა მშვენიერი სიტყვა გვაქვს „ვიპურმარილეთ“.

მურთაზ გოგოძე გულითადი, ალალი ქართველია.

### 10/IX 90

დღეს „თვისტომს“ პერმიდან ბობლიაშვილთა ოჯახი ეწვია.

საქართველოში დაბრუნება გვინდა და თუ შეიძლება, გვიშუამდგომლეთ  
თელავის ხელმძღვანელობასთანო.

თუშები იყვნენ. პერმში რამ ნაგიყვანათ-მეთქი. „უძრაობის პერიოდში  
საქართველოში არც მინა მოგვცეს და არც სამსახურო“.

ქმარი მხატვარია, ცოლი – მასწავლებელია. ერთი მცირეწლოვანი ბიჭი  
ჰყავთ.

მივეცი შუამდგომლობა და დავპირდი, რომ თელავის აღმასკომის თავმ-  
ჯდომარეს პირადად დავურეკავ.

„მერანში“ ნუგზარ შატაიძე შემხვდა. ინფარქტი გადაუტანია. შევწუხდი.  
ნიჭიერი კაცია ნუგზარი. რომ გამეგო მისი ავადმყოფობა, მივაკითხავდი.

მშვენიერ მოთხრობებს წერს.

### 11,12/IX 90

არაფერი საინტერესო არ მომხდარა, განსაკუთრებული.

ზვიადის „მრგვალმა მაგიდამ“ გამოაქვეყნა მემორანდუმი. მხარი დავუ-  
ჭირე. ენახოთ დაბეჭდავს თუ არა, „ახ. ივერიელი“.

მითხრეს, რომ თემურ ქორიძე ბეჭდავს „სახალხოში“ წერილს ჩემს წი-  
ნააღმდეგ.

არ გამკვივრებია. ეს ის თემურ ქორიძეა...

ვამზადებ „თვისტომის“ კონფერენციას – „ქართველები საქართველოს  
გარეთ“.

### 13/IX 90

„თვისტომის“ კონფერენციაზე მომხსენებელს დავეძებ მთელი დღეა.

მწერალთა კავშირის სამდივნომ ლიტერატურულ ასოციაციათა სა-  
კოორდინაციო ცენტრი შემდეგი შემადგენლობით დაამტკიცა:

რ. მიშველაძე (თავმჯდომარე)

შ. ნიშნიანიძე

გურამ პეტრიაშვილი

ი. ქემერტელიძე

ირინე ტალიაშვილი

თ. წივნივაძე

ე. მალრაძე

### 14/IX 90

„სახალხო განათლებაში“ თ. ქორიძის წერილი გამოქვეყნდა.

არ წამიკითხავს, არც წავიკითხავ.

ერთი სულიერ-ფიზიკური წყობის „მოღვაწეებს“ საკუთარი ორგანიზაცია აქვთ. „სამეული“ შეთანხმდა, რ. მიშველაძეს ჭკუა ესწავლოსო. ფიზიკური მონაცემების საერთოობაზე დამყარებული მათი კავშირი ერთი სულის შებერვით დაიშლება, მაგრამ თავს როგორ გავუყადრებ.

რა საშინელებაა, რა განუკითხაობა.

მითხრეს, თ. ქორიძის წერილში წერია, რომ რ. მიშველაძეს ჩეხოვს და დ. კლდიაშვილს ნუ ადარებთო. არ არის ამხელა მწერალიო. თუ ეს წერია და მეტი არაფერი, კიდევ არა უშავს.

მეც კატეგორიული წინააღმდეგი ვარ მწერალთა ურთიერთშედარების.

15/IX 90

შაბათია.

გრიგოლ ჯულუხიძეს 50 შეუსრულდა.

მე, ნათელა, შოთა ნიშნანიძე, მისი ცოლი თამრიკო, გურამ გვერდნითელი, აჩიკო და კიდევ ორიოდე კაცი დაგვპატიჟა.

ვითამადე, ბევრი ვიცინეთ.

გრიშა ჩემი მეგობარია. წესიერი, ნიჭიერი პოეტი.

16/IX 90

კვირაა.

ყვარელში, ახალსოფელში მივემგზავრებით: შოთა ნიშნანიძე, გიორგი წერეთელი, ავთანდილ ადეიშვილი, გრიშა ჯულუხიძე და მე.

ავტობუსში პოლემიკაა პოლიტიკაზე. ყველანი პოლიტიკოსებად ვიქეცით. რა უბედურებაა.

გვიან დავბრუნდით.

დიდებულია კახეთი. უპირველესად, კახელი კაცის ფენომენით.

უცერემონიო, ალალი, იუმორით სავსე, დინჯი, გამტანი კახელი კაცი...

17/IX90

ჩემი წიგნის ბეჭდვა დამთავრდა.

ოთხშაბათს სასიგნალო მექნება.

ბენზინი ვერ ვიშოვე.

ყველაფერი ჭირს. მოქალაქენი ერთმანეთს სიგარეტის ნამწვავებს თხოვენ ქუჩაში.

ოთხშაბათს ქუთაისში მიწევს წასვლა. უნივერსიტეტის გახსნასთან დაკავშირებით.

18/IX – 23/IX 90

ქუთაისში ვიყავით უნივერსიტეტის და სასულიერო აკადემიის გახსნაზე. სიტყვით გამოვედით ლევან სანიკიძე და მე უნივერსიტეტის გახსნაზე. დიდი ზეიმები იყო.

„სახალხო განათლებაში“ რეზო ჩხარტიშვილის წერილია ქორიძის პასუხად და ჩემი მიმართვა (20 სექტემბრის ნომერში).

24/IX 90

ჩავატარე “თვისტომის“ საერთაშორისო კონფერენცია.

კარგად ჩაიარა. ამერიკელი ქართველის ბონდო კეკელიას გამოსვლამ დაამშვენა.

კარგად გამოვიდა ვახტანგ გურგენიძე.

25,26,27/IX 90

ჩვეულებრივი მუშა დღეები იყო.

ერთი დიდი განათება (ჩემთვის)! – გამოვიდა „განაჩენი“ – საქართველოს ეროვნულ მოძრაობაზე დაწერილი ნოველების კრებული.

28,29/IX 90

შოთა ნიშნიანიძის რჩეულის შედგენა და წინათქმა დავამთავრე.

30/IX 90

კვირაა.

უახლესი ლიტერატურის სწავლების პროგრამას ვადგენ. ვიცი, ეწყინება მუხრან მაჭავარიანს, მაგრამ მისი ადგილი არ ჩანს პროგრამაში. ურიგო პოეტი არ არის, მაგრამ შოთა ნიშნიანიძეს მხრებამდღც ვერ მიწვდება. მხატვრული დონით, ვერსიფიკაციული სიახლეებით.

1,2,3/X 90

რუსთაველზე, „მერანის“ მალაზიაში იყიდება „განაჩენი“.

ალაგ-ალაგ რიგიც კი დგას.

როგორც კი მალაზიასთან გამოვჩნდები, მკითხველები მოდიან და ავტოგრაფებს მთხოვენ.

ვაჟა აბაკელიამ მარტვილში ჭყონდილობაზე მიმინვია.

შეიძლება ნავიდე.

დღეს საშინელი ამბავი გავიგე: ლამის 1 საათზე ზვიადის დაცვის 2 წევრი დაუხოცავთ (რა თქმა უნდა, დაცვის თუ რაზმის წევრებზეა ლაპარაკი), რა ვერ გაიყვეს? ნეტავ ჭორი აღმოჩნდებოდეს.

რა ხდება? ნუთუ თავისუფლების ღირსი არა ვართ? ნუთუ მოსეს გზა უნდა გავიაროთ და გზაში დავინოცოთ?

4/X 90

დღეს ქალაქის პოლიციის შეფმა ტელევიზიით გამოაცხადა, რომ „ეთერი გიორგის“ წევრები ერთმანეთს დაესხნენ თავს და ერთმანეთი დახოცეს. რამდენად მართალია, ვინ იცის.

სანდრო მრეველიშვილმა დამირეკა, 13-ში ვხსნი სეზონს შენი სპექტაკლითო.

სანდრომ ჩემი ნოველის მიხედვით კარგი სპექტაკლი დადგა: „უფანდუროდ ნამღერი“.

გაბედული მოქალაქეობრივი სპექტაკლია და სწორედ ამიტომ ტელევიზიით არ გადასცეს.

5-8/X 90

მარტვილში ვიყავი ჭყონდიდელის 900 წლისთავის ზეიმზე.

ორმოცი ათასამდე კაცი მოვიდა.

როგორ ჭირდება საქართველოს დაბნეულ ხელისუფლებას და აბურდულ სახალხო მოძრაობას გიორგი ჭყონდიდელისთანა მრჩეველი და ჭკვიანი კაცი.

ადგილობრივ მთავრობას ცდა არ დაუკლია, მაგრამ ისე მაინც ვერ გაუმართავს ღონისძიება, როგორც საჭირო იყო.

ოდენ „კონცერტების“ ამარა, განა შეიძლება ამოდენა ზეიმი?  
სიტყვა არავის უთქვამს. ჩანს, ხელისუფლებას შეეშინდა ეროვნული მიტინგის გამართვისა.

9-11/X 90

ჭიათურაში ვიყავით შეხვედრაზე ლევან სანიკიძე, თამაზ ნივნივაძე და მე.

ჭიათურაში ბევრი კარგი მკითხველია. ქუჩაში გვაჩერებდნენ. ჩვენი თხზულებების სათაურებს გვახსენებდნენ, წიგნები მოჰქონდათ და ავტოგრაფებს გვთხოვდნენ.

მშვენიერია ზემო იმერეთი.

დიდი კულტურული ტრადიციის მქონე – აკაკის იმერეთი.

12/X 90

მივედი მარჯანიშვილის თეატრში.

შენს პიესას ვერ ვდგამთ, რაკილა ცხრა აპრილის პრობლემა ახლა აქტუალური აღარ არისო, თემურ ჩხეიძემ.

სხვა პიესა უნდა დაგვიწეროო.

უარი მოვახსენე და ჩემი პიესა წამოვიღე.

სალამოს მცხეთაში შეხვედრა მქონდა. მასწავლებლებს შევხვდი.

დამირეკეს ტელევიზიიდან. როგორც დეპუტატობის კანდიდატი, უნდა გამომხვიდეთ.

ღირდა ამ საარჩევნო კამპანიაში გასვლა?

13-14/X 90

ტელევიზიით გამოვედი და ჩემს საარჩევნო პროგრამაზე ვილაპარაკე. ავხსენი ჩემებურად, რა უშველის საქართველოს.

რა და ეროვნული ფენომენის გაძლიერება-მეთქი.

სალამოს (14) მთელი ჩემი ჯვალაბით საერო თეატრში გახლდით („საერო“ ჰქვია მეტეხის თეატრს).

სეზონი გახსნეს ჩემი განახლებული დადგმით „ტვირთი“ (უფანდუროდ ნამღერი).

მაყურებელმა, რომ იტყვიან, გულთბილად მიიღო.

15,16(X 90

დასაბეჭდად ვამზადებ წიგნს – „იღბლად გადარჩენილი ნოველები“.

ბევრმა დამირეკა ტელევიზიით გამოსვლის გამო.

კამილა კორინთელმა (მთარგმნელი) შიში გამოთქვა – ვაითუ არაქართველები მოვიმდუროთო.

ვინც მტრულად მოგვეკიდა, ისინი მომდურავებიც არიან, ჩვენს მიწა-წყალს გვართმევენ ავი სტუმრები, ხოლო ქართველთმოყვარე სტუმრებს არავინ ერჩის-მეთქი.

16-ში მთელი დღე ავტოპროფილაქტიკაში გავატარე.

17/X 90

აკაკი წერეთლის საიუბილეო კომისიის სხდომა გაიმართა.

ვთქვი, იუბილის გადადება მიზანშეწონილად არ მიმაჩნია-მეთქი.

გუმბარიძე (რაჭომლაც) დამეთანხმა. საერთოდ, ხშირად ამბობდა: მიშველაძე სწორია, ბ-ნ რევაზს ვუჭერ მხარსო.



რაშია საქმე? რაღაც საშინელს მიმზადებენ. ამიტომ მისვამენ თავზე ხელს.

ამ ხელისუფლებისგან კარგს არაფერს ველი.

18-20/X 90

ინსტრუმენტალურ ქარხანაში დეპუტატებთან შეხვედრაზე დამიძახეს. მაგრამ უარი ვთქვი.

არ მიყვარს მწკრივში ჩაჯდომა და ხმებისთვის მათხოვრობა.

ჩემი სტილი არ არის.

უნივერსიტეტში სტუდენტთა სამკაცციანმა ჯგუფმა შიმშილობა გამოაცხადა. საზოგადოება „სტალინი“ გაუქმდეს და არჩევნებში მონაწილეობა აკერძალოსო.

შევედი, ვესაუბრე. ეს რა დემოკრატიაა-მეთქი, ბიჭებო, როგორ შეიძლება ერთი პარტია მეორის გაუქმებას ითხოვდეს, ბოლშევიზმისგან რითი განვსხვავდებით-მეთქი.

როგორ ფიქრობთ, შედეგი? უმაღლესმა სასამართლომ „მოშიშვლეთა დანოლით“ უარი უთხრა „სტალინს“ არჩევნებში მონაწილეობაზე.

18-ში სიტყვა ვთქვი დილომში სახელოვნო კოლეჯის გახსნაზე.

20-ში სიტყვა ვთქვი ბრაზილიელ მხატვართა გამოფენის გახსნაზე.

„ლიტერატურულ საქართველოში“ ჩემი ნოველა „ამერიკა, ამერიკა“.

თეატრალური საზოგადოების სტამბას ჩავაბარე დასაბუჭდად ჩემი წიგნი „იღბლად გადარჩენილი ნოველები“. სტამბის დირექტორი ტრისტან სიღამონიძე კარგი კაცია.

ნოდარ გრიგალაშვილს ეკუთვნის ჩემი პიესების გამოცემის ინიციატივა და რედაქტორიც (კარგი რედაქტორია, ნიჭიერი კრიტიკოსი და პოეტი) თვითონ არის.

21/X 90

დავწერე ახალციხელი ყურნალისტის კუკური თორდიასადმი მისალმების ტექსტი და ხელი მოვანერინე კარგ ქართველ მწერლებს.

დაბადების დღეს ვულოცავთ კუკური თორდიას, რომელიც 40 წლის წინათ წავიდა და დასახლდა მესხეთ-ჯავახეთში.

ვისაც მივმართე, იმათგან ხელი არ მომიწერა მხოლოდ ერთმა – ტარიელ ჭანტურიამ.

არ ვკიცხავ. ტარიელს კოლექტიურ წერილებზე თავისი მოსაზრება აქვს. კოლექტიურ მისალმებებსაც და ნეკროლოგებსაც არ აწერს ხელს.

22/X 90

გუშინ დათო ქადაგიძე და ზაურ მეძველია იყვნენ ჩემთან და მაცნობეს, რომ ჩვენი ბლოკი პარტიიდან გასულთა სიის დაუზუსტებლობის გამო მოუხსნიათ არჩევნებიდან.

ისე, კაცმა რომ თქვას, ბევრია ჩვენს ბლოკშიც იქეთ-აქეთ რომ აწყდება. პარტიაშიც უნდა დარჩენა და ეროვნულ მოძრაობასაც მიეჭმასნოს. მაგრამ ჩვენ რა შუაში ვართ? ვინც უკვე კარგა ხანია გავედით პარტიიდან?

ვიცი, ეს რატომაც მოხდა...

23/X 90

დავურეკე აკაკი კარანაძეს; თქვენ უმაღლესი სასამართლოს თავმჯდომარე ხართ, განიხილეთ არჩევნებში ჩვენი ბლოკის მონაწილეობის კანონწესიერების საკითხი-მეთქი.

თუ გუმბარიძე გვეტყვის, განვიხილავთ.

მეც რას ვრეკავდი. თურმე ჩვენი „გამოყვანა“ ცეკას ხელით მომხდარა. ასეც ვეჭვობდი.

24/X 90

სანდრო მრევლიშვილმა „ნაპრალის“ დადგმა მინდაო. სანინალმდეგო ხომ არაფერი გაქვსო.

ჩემი თავი გენაცვალოს-მეთქი. ერთადერთი სანდრო შემრჩა რეჟისორებში ერთგული.

რობერტ სტურუამ, თემურ ჩხეიძემ, მამუკა სვანაძემ და კოტე მახარაძემ პირი მიშალეს, როგორც ჩანს, დაპირება და სიტყვის გატეხვა თეატრში ჩვეულებრივი ამბავია.

25,26/X 90

„ლიტ. გაზეთში“ გაზეთ „კავკაზიდან“ გადმობეჭდილი სტატიია. ვილაც ჩეჩენ-ინგუშის მიერ დანერილი მე და ფანჯიკიძეს გვაკრიტიკებს – აფსუებთან დაკავშირებით.

დავწერე მრისხანე რეპლიკა. ორშაბათს მივუტან „ლიტერატურულ საქართველოს“.

დღეს არჩევნებია.

27...30/X 90

კოლაუ ნადირაძე გარდაიცვალა.

რაინდი პოეტი.

გაუსრელი, გაულუნავი, ფოლადისებური კოლაუ.

ლამის 100 წლისა.

დავწერე წერილი სამგლოვიარო. ხვალ იქნება „კომუნისტში“ (ნუთუ ამ გაზეთის სახელის შეცვლას ვერ ველირსებით?).

დღეს გურამ პეტრიაშვილი შემხვდა სახეგაბადრული. გავიმარჯვეთო, მალე ახალ მთავრობას შეადგენსო ზვიადი.

ვნახოთ რა იქნება. თუ საჭესთან ზვიადი დადგა, ძალიან უნდა იფრთხილოს. კრემლი ზვიადს გამარჯვებას არ აპატიებს.

მთავრობაც ფრთხილად, მოზომილად უნდა შეადგინოს. არ შეიძლება მისი ამქრის ყველა ნევრის გამინისტრება.

ზოგ მათგანს ორ ბატსაც ვერ ჩააბარებ.

31/X 90

„კომუნისტში“ კოლაუზე ჩემი წერილია.

ხვალ საინგილოში მივდივარ, მოულოდნელად მგზავნის უნივერსიტეტი და ვწუხვარ, დაკრძალვას ვერ დავესწრები.

დათო შარაბიძე მოვიდა ჩემთან – ასპირანტი.

ხვალ შევდეთში მივდივარო.

გავატანე წერილი შალვა თევზაძესთან.

იქაური „სათვისტომოს“ უფროსია. დათო კარგი ბიჭი ჩანს.

#### 1-4/XI 90

მანგლისში ვიყავით შეხვედრაზე მედეა კახიძე, ლევან სანიკიძე და მე. ვისხენებდით გზაში თამაზ ნიგნივაძის წერილებს გ. კარბელაშვილზე, ა. კალანდაძეზე, გ. ვარდოსანიძეზე და ხუტა ბერულავაზე დანერილთ. ლევანმა მითხრა, თუ გახსენდება ჩემი წიგნებიდან რამე კურობო. როგორ არა, ერთ შენს წიგნში დედა ცხრა აკვანს ერთდროულად არწევს-მეთქი.

მერე რა უჭირსო.

რა და როცა უმცროსი (ცხრათაგან) სააკვნეა, მაშინ პირველი უკვე, სულ მცირე, 16 წლის მაინც იქნება-მეთქი. თექვსმეტი წლის „ბავშვის“ აკვანში ჩანვენა გაჭირდება-მეთქი, მაგას როინ მეტრეველი გეტყოდაო. სწორედ მან მითხრა-მეთქი.

ბევრი ვიცინეთ.

მანგლისელებს მივულოცე საბჭოთა ხელისუფლების დამხობა.

#### 5-7/XI 90

მამაჩემს 75 შეუსრულდა.

შევიკრიბეთ შვილები. სევდაც ახლდა სუფრას. სევდა იმაზე, რომ და-მიბერდა ჩემი ამაყი და ვაჟკაცი მამა.

ზვიადი გამოვიდა ტელევიზიით. ჯერაო, ჩვენ არჩევნებში არ გაგვიმარჯვნია, კომუნისტებმა ხმა გაავრცელეს, რომ ჩაგვაძინონ სიხარულისგანო.

მთავარი ბრძოლები აწი გველისო.

როგორ მინდა, ზვიადმა თავისი ამპარტავნობა და ამბიციები ჩამოიბერტყოს და სწორედ ისეთ პრეზიდენტად იქცეს, როგორიც ახლა სჭირდება საქართველოს.

#### 8,9,10/XI 90

ხვალ ხელახალი არჩევნებია.

გუშინ „თვისტომის“ საკითხზე მინისტრთა საბჭოში მისული, შევესწარი, როგორ ჩაალაგა ნოდარ ჭითანავამ ბარგი და როგორ წავიდა შინ.

შემეცოდა. 14-ში ახალი მთავრობა მოვა.

ღმერთმა საწაღმართოდ მოიყვანოს.

#### 11,12/XI 90

დღეს (11) ვალერი გაბელიას ბავშვის ნათლობის პურ-მარილზე შეხვდით ირაკლი წერეთელს, თორნიკე ფიფიას და სხვებს. დიდხანს ვისაუბრეთ. არ გეგონოთ, რომ რაკი პარლამენტი და კონგრესი გავინაღდეთ, ბრძოლა ამით დასრულდა-მეთქი. წინ უფრო დიდი ბრძოლები გველის და უნდა ვეცადოთ, თავი არ შევიტყვინოთ-მეთქი. არ იფიქროთ, თითქოს რუსეთი დათმობს საქართველოს, რა ენერგიული მიტინგებიც უნდა ჩაატაროთ-მეთქი. საჭიროა ძალთა კონსოლიდაცია და ფრთხილი, ჭკვიანური ევროპულ-აღმოსავლური პოლიტიკა-მეთქი.

დღეს (12) მუხრან მაჭავარიანმა დამიძახა და ბრძანება დამახვედრა, ბრძანებაში წერია, რომ მე დანიშნული ვარ მწერალთა კავშირის ლიტერატურულ ასოციაციათა საკოორდინაციო ცენტრის ხელმძღვანელად ხელფასით თვეში 220 მან. ეტყობა, სინდისის ქენჯნამ შეაწუხა მუხრანი...

ვიმუშავებ. ვინძლო ახაგაზრდა მწერლებისთვის სასარგებლო აღ-  
მოგონდე.

13,14/XI 90

დღეს უბედნიერესი დღე იყო ჩემს ცხოვრებაში.

გული დამწყდა ერთადერთხელ და მე მგონი, პირველად, რომ დეპუ-  
ტატი არ ვიყავი და უშუალოდ არ მქონდა საშუალება მხარი დამეჭირა უზენ-  
აესი საბჭოს თავმჯდომარედ ზვიადის არჩევისთვის და უფრო მეტად იმისთ-  
ვის, რომ დღეს ეროვნულმა სესიამ გააუქმა საბჭოთა საქართველოს დროშა,  
გერბი, ჰიმნი და დამტკიცა 1918 წლის დროშა, ჰიმნი და გერბი.

ესეც ასე. დამოუკიდებელ საქართველოს ვუახლოვდებით. ჯერჯერო-  
ბით კი გარდამავალი პერიოდი გვაქვს. მე ვფიქრობ, ეს „გარდამავლობაც“  
სწორად მოიფიქრა ზვიადმა.

პირდაპირ დამოუკიდებლობა რომ გამოგვეცხადებინა, რუსეთი ხვალვე  
გაგვაუქმებდა და გავბითურდებოდით.

ახლა მთავარია ავტონომიების გაუქმება. ეს იქნება ჩემი ოცნების ახ-  
დენა.

მიმიძღვის მე, რევაზ მიშველაძეს, რაიმე წვლილი თავისუფლების დღის  
მოახლოებაში?

მე მგონი მიმიძღვის.

ჩახედავს საქართველო ოდესმე მაინც ჩემს წიგნებს? ჩაუკვირდება, რას  
ვწერდი და როგორ ვწერდი?

15/XI 90

დღეს უზენაესმა საბჭომ მუშაობა დაამთავრა.

მიიღეს კანონები ჯარის და ამნისტიის შესახებ.

ქართველი ახალგაზრდა რუსის ჯარში აღარ წავა.

ყოჩაღ ზვიად!

ქალებს ციხიდან გამოუშვებენ.

ყოჩაღ ზვიად.

რას იტყვის რუსი?!

16,17/XI 90

მოსკოვში სესია მიმდინარეობს.

გამოდინა დეპუტატები და ზოგი პირდაპირ, ზოგი გადაკვრით, გორბა-  
ჩოვის გადადგომას მოითხოვენ.

გამოდის გორბაჩოვი და თითქოს აქ არაფერიაო, კვლავ თავისი ძალაუ-  
ფლების განმტკიცებას ცდილობს.

გაკოტრებული პრეზიდენტის მოკრძალება როდი ჩანს მის გამოსვლაში.  
უტიფარი კაცია.

მოსკოვში სესიაზე გამოვიდა ზვიადის მოადგილე, ახალგაზრდა კაცი  
აკაკი ასათიანი.

ზეპირად, თამამად, გადაჭრით თქვა: „საქართველომ გარდამავალი  
პერიოდი გამოაცხადა, ოღონდ გორბაჩოვის გარდამავალი პერიოდისგან  
განსხვავებით, ჩვენ წინ კი არ წავალთ, არამედ უკან, დემოკრატიული საქა-  
რთველოსკენო. თანაც, ამთავითვე უნდა გაგიცხადოთ, საქართველო სამო-  
კავშირეო ხელშეკრულებას ხელს არ მოანერსო.

გორბაჩოვს სიბრაზისგან ყბა მოექცა. ფერი დაკარგა შევარდნაძემ.

დასასრულ, გორბაჩოვი გამოვიდა და განუცხადა: ახალი მოდის ექსტრემისტული ხელისუფლება არ გამოხატავს საქართველოს აზრს. მე უკვე მომდის ცნობები, რომ ქართველები უკმაყოფილონი არიან რუსეთთან კავშირის განწყვეტის იმ ქადაგებით, რითაც ახალმა პარლამენტმა თავისი ეროვნული ცხოვრება დაიწყო.

ასეც ველოდი. რუსი აგრე იოლად არ დაგვემოხს.

საჭიროა ნაბიჯ-ნაბიჯ, გონივრულად და ფრთხილად ვიაროთ წინ.

გურამ პეტრიაშვილმა დამირეკა, შენი „განაჩენი“ ნავიკითხე, ალფრ-თოვანებული ვარო. მართლაც განაჩენიაო. როგორაა ახლა ახალი მთავრობის საქმე-მეთქი, ვიბრძვით და შენი თანადგომის იმედიც გვაქვსო.

18/XI 90

ვიზვარ და ჟურნალ „ლიმილის“ გეგმებს ვაწყობ.

სატირიკოს-იუმორისტთა ასოციაციამ მთხოვა ვუწინამძღვრო ამ ჟურნალს. იგი ორ თვეში ერთხელ გამოვა და იქნება სოლიდური ლიტერატურული ჟურნალი.

დავურეკე ფანჯიკიძეს, ნივნივაძეს და პეტრიაშვილს – დამპირდნენ მასალებს მოგიტანთო.

საქმე მაკლდა?

მაგრამ ახალი სალიტერატურო ჟურნალი ურიგო საქმე არ არის.

ნესიერმა კაცმა, კარგმა მწერალმა ვალერიან მამუკელაშვილმა შემავა „ლიმილის“ რედაქტორობის ეუფანი.

19/XI 90

ამირან კალაძე შემხვდა დღეს მწერალთა კავშირში.

ამირანი დეპუტატია. ახალ ხელისუფლებას წარმოადგენს.

ავტონომიები დროულად უნდა გაუქმდეს, ასე გადაეცი-მეთქი ზვიადს.

ოსეთს გავაუქმებთ, მაგრამ აფხაზეთს და აჭარას ვერაო.

რატომ-მეთქი?

ვერ მომცა დასაბუთებული პასუხი.

ვიცი მტკივნეული იქნება, მაგრამ ხომ ფაქტია, რომ ავტონომიები საქართველოს მუცელში ჩადებული ის შენელებული მოქმედების ბომბებია, ბოლშევიკებმა რომ გვიანდერძეს და ადრე თუ გვიან ამოქმედდებიან, თუმცა, როგორც პროფ. გივი ჟორდანიამ მითხრა, აფხაზეთისა და აჭარის ავტონომიები ნოე ჟორდანიას შეუქმნია 1919 წელს.

20, 21,22/XI 90

21-ში მცხეთაში, ქსანში მქონდა შეხვედრა.

ვუპასუხე შეკითხვებს: რა გველის, რა გადააჩენს საქართველოს.

დღეს (22) გაზეთებში „ახალ საქართველოსა“ და „თბილისში“ გამოქვეყნებულია საზოგადოება „თვისტომის“ მიმართვა ქართველი ერისადმი.

ცოტა არ იყოს, ხმამაღლაა დაწერილი, მაგრამ, ჩემი ფიქრით, საჭირო მიმართვაა.

რა ვქნა, მე ჩემი გზა მაქვს.

დღეს სესია გაიხსნა.

თემურ ქორიძემ თავისი კომისიის სახელით გივი გუმბარიძისა და გურამ ენუქიძის პასუხგებაში მიცემა მოითხოვა.

ამას მოჰყვა გუმბარიძის სასოწარკვეთილი გამოსვლა. ზვიად გამსახურდიამ გუმბარიძეს მიკროფონი გამოუერთო.

კომუნისტები რისი ღირსიც არიან იმას იხვეჭენ, მაგრამ როგორ შეიძლება, უკვე მეორე სესიაზევე რეპრესიებისა და კონფრონტაციისკენ მონოდება.

ქორიძემ იქვე თქვა, ქართული ხელოვნება ამ 70 წლის მანძილზე ქართული სულის წინააღმდეგი იყო.

ვინ – გალაკტიონი, გამსახურდია, მ. ჯავახიშვილი, შ. ნიშნიანიძე, ანა კალანდაძე, ქართული სულის წინააღმდეგ მუშაობდნენ?

23/XI 90

სატირიკოს-იუმორისტთა ასოციაციამ ერთხმად ამირჩია ჟურნალ „ლიმილის“ რედაქტორად.

მაშ ასე, დაარსდა ჟურნალი, რომელსაც ჰყავს რედაქტორი, მაგრამ არა აქვს ხელფასი რედაქტორს (ეგ არაფერი), ჟურნალს არა აქვს ბინა, არ ჰყავს თანამშრომლები, არ აქვს ქალაქი, არ აქვს სტამბა: ყველაფერი მე უნდა ვიშოვო.

24/XI 90

შაბათია.

ჩავრთე ტელევიზორი. ჩემს ფილმს „მსაჯს“ უჩვენებდნენ.

1981 წელს გადაიღო გენო ჩირაძემ.

გული ამერია, რომ ვუყურებდი.

ჩემი თავი საოცრად უნიჭო მწერლად მომეჩვენა.

კიდევ კარგი, არც ერთი სიტყვა არ არის შიგ ჩემი. მარტო სიუჟეტია ალებული.

იცოდეს ეს შთამომავლობამ.

25/XI 90

კავთისხევში, ვაჟა ხოკერაშვილის ბინაში სტუმრად მიმიწვიეს.

კარგი ქართული ოჯახია.

დამხვდნენ კავთისხევის ხელმძღვანელები, ადგილობრივი ინტელიგენცია, ფორმალეზი და არაფორმალეზი.

ვილაპარაკეთ საქართველოს პრობლემებზე.

26/XI 90

კალმიკიიდან ჩამოვიდა გიორგი ცხადაძე.

ოთხი შვილის მამა ვარო. თავის დროზე ახმეტაში მინა არ მომცეს და კალმიკიაში წავედიო.

წაუკითხავს „თვისტომის“ შესახებ და საქართველოში დაბრუნება გადაუწყვეტია.

ვესაუბრე დიდხანს.

დავუნერე შუამდგომლობა დმანისის რაიკომის მდივან ომარ ელოშვილთან.

გახარებული, ფრთაშესხმული წავიდა.

27,28,29/XI 90

უამრავი ხალხი მოდის „თვისტომში“.

მოვიდა თელავიდან შეფიცულთა რაზმის წევრი – ვასილ კიკნაძე. გადაწყვეტით თელავში შევქმნათ „თვისტომის“ რეგიონალური ორგანიზაცია. ჩვენ მიგვაჩნია, „თვისტომი“ დღეს ერთ-ერთი ეროვნული სასარგებლო საზოგადოებააო.

მადლობა მოვახსენე.

დღეს, 29–ში გალაკტიონის სემინარზე მოვიწვიე ორი ბულგარელი მწერალი ვესელა (პოეტი ქალი, პროფესორი) და ივანე ბინაძე. ივანე ბინაძე ქაქუცას რაზმის წევრის შვილია. მოხუცია.

შეხვედრამ დიდებულად ჩაიარა.

დღეს გაზეთებში შემადრწუნებელი ცნობაა – აფხაზეთში აფსუა ყაჩაღებმა შეურაცხყვეს კათალიკოსი ილია II.

რა საშინელებაა.

ნუთუ ყველაფერი უნდა მოვითმინოთ.

როგორ მოიქცეოდა ასეთ შემთხვევაში XII საუკუნის საქართველო – ნამდვილი საქართველო.

30/XI – 1,2/XII 90

მწერალთა კავშირში მივედი და ორი საათი ვიყეფე; ნუთუ აფსუა ყაჩაღებს ესეც უნდა ვაპატიოთ-მეთქი.

მოვიდა ლევან ხაინდრავა (70 წლის, ავადმყოფი კაცი), ისიც ჩემსავით გადარეულია.

სხვა რომ ვერა გავანყეთ, მუხრანის კაბინეტიდან ტელეფაქსით „ამერიკის ხმის“ და „ბიბისის“ კორესპონდენტებს მოსკოვში გადავეცით ეს შემზარავი ინფორმაცია.

სალამოს მორის ფოცხიშვილს დაუურეკე; რა ვქნათ, ზვიადი ამ ფაქტზე რატომ სდუმს-მეთქი.

რასაც მოიფიქრებთ, მეც თქვენთან ვარ, ჩემი გვარიც მოანერეთო, მორისმა.

რა უნდა ჰქნას მორისმა. თანაგრძნობის და აღშფოთების მეტი რა შეუძლია.

ქალაქში დიდი შიმშილობა იწყება.

ხალხი კვლავ აღრენილია. იგრძნობა გულის გატეხვის დასაწყისი და მოუკიდებლობის მიმართ.

დამირეკა ხონელმა ჟურნალისტმა მადონა ჩხეტიანმა. თუ შეიძლება, ინტერვიუ უნდა ჩამოგართვათო.

3,4/XII 90

ოპერის ბაღში ჯაბა იოსელიანის მაშველმა რაზმმა შიმშილობა გამოაცხადა.

მივედი. ზღვა ხალხი ირევა. 4 საათზე მიტინგი დაიწყო. გამოვიდა ირაკლი წერეთელი, სოფელ მუხრანის წარმომადგენელი, მიტროპოლიტი დავითი (ცხუმ-იმერეთის)...

ირაკლი ამბობს, ზვიადი სამ დღეში დიქტატორად იქცაო. ნახეთ, რა



ამპარტავნულად უჭირავს თავიო, ნახეთ, თუ შეასრულა 1% მაინც ის, რასაც ოპოზიციაში ყოფნის დროს მოითხოვდაო. „გარდამავალი ეტაპი“, დემილი აფხაზეთის და ოსეთის მიმართ, კადრების დანთავება, ცილისწამებანი კონგრესისა და მასშველთა რაზმეულის მიმართ, სსრკ კონსტიტუციის მოქმედების არ შეჩერება საქართველოში, შელამაზება-მოდელირება ამ კონსტიტუციის, ქორიძის პარპაში, უზურპაცია საინფორმაციო ორგანოებისა, რომლებიც მთლიანად მის კონტროლს დაუქვემდებარა, არაკომპეტენტური პირების დანიშვნა მინისტრებად, უარის თქმა კონგრესმენების ხაინდრავას და (გვარი ვერ გავიგონე) მიღებაზე. ყოველივე ეს აუტანელს ხდის ზვიადის პარპაშს და უნდა გადადგესო.

იგივე თქვეს სხვა ორატორებმაც. მეუფე დავითმა შერიგება მოითხოვა. ცუდ ხასიათზე ვარ. ნუთუ გადააყენებენ ზვიადს?

ხალხი ამბობდა, თუ შიმშილობამ მასობრივი ხასიათი მიიღო, ზვიადი უნდა გადადგესო.

რა ბზიკმა გვიკბინა.

ნუთუ ძალუმად ამოქმედდება “უჩემოდ ვინ იმღერეთას“ ქართული სინდრომი, იქნებ ზვიადიმაც ზოგი რამ დათმოს, დაუყვავოს ოპოზიციას. განა გუშინ ჭანტურია-წერეთელი-ბაქრაძე-ნათაძის გვერდით არ იბრძოდა?

4/XII 90

დღეს „ახალი საქართველოს“ ახალ რედაქტორს მამუკა ფაჩუაშვილს მიუუტანე წერილი „ღია წერილი ფაზილ ისკანდერს“. ვნახოთ, დაუბეჭდავს თუ არა.

ვესაუბრე კარგა ხანს. ზვიადი ზოგ რამეში ცდება და უნდა მიანიშნომეთქი. არ შეიძლება დიქტატორობა და ამპარტავნობა-მეთქი.

სალამოს ჟურნალისტთა კავშირში შ.ს. მინისტრს დილარ ხაბულიანს მიღება ჰქონდა. ზრდილობიანი ბიჭი ჩანს. ვნახოთ, თუ არ გაფუჭდა.

მწერალთა კავშირში ამირან კალაძე შემხვდა. ისე საზიზღრად იქცევა ქორიძე, ლამის თავი გავანებო დეპუტატობასო.

შეთანხმებულივით იგივე გამიმეორა ირინე ტალიაშვილმაც. ირინე კარგი გოგოა.

„ახალ საქართველოში“ ინფორმაციაა „ლიმილის“ რედაქტორად ჩემი არჩევის შესახებ.

5/XII 90

ირაკლი წერეთლის გამოსვლა მოვისმინე ოპერის ბალში.

არგუმენტირებულად, ძირითადად სწორად გააკრიტიკა უზენაესი საბჭო.

ბოლო ფრაზა არ მომეწონა: თუ ჩვენს ულტიმატუმს არ შეასრულებს, ზვიადი უნდა გადადგესო, გამოაცხადა.

ისევ ულტიმატუმში.

თამაზ წივნივაძეს დავურეკე. როგორაა საქმეები-მეთქი?

ვთხოვე, მომცეს რაიმე „ლიმილისთვის“.

სალამოს მიხეილ ქვლივიძემ დამირეკა „ლიმილისთვის“ ლექსები შეგირიეო.

### 6-13/XII 90

ისეთი დაძაბული დღეები მქონდა, მაგიდასთან ვერ მივედი და ჩემს დღიურებს სტრიქონი ვერ მივუმატე.

11 დეკემბერს „ახალგაზრდა ივერიელში“ დაბეჭდილია ჩემი „ღია წერილი ფაზილ ისკანდერს“.

ვათარგმინებ და გავვზავნი „პრავდაში“, მაგრამ ვინ დაბეჭდავს.

11 დეკემბერს ზვიად გამსახურდიამ უზუნაესი საბჭოს სხდომაზე წაიკითხა ბრწყინვალე მოხსენება და მერე სესიამ მიიღო დადგენილება „სამხრეთ ოსეთის“ გაუქმების შესახებ“.

უბედნიერესი კაცი ვარ. პირველმა ამ დადგენილების მიღების მეორე დღესვე, 12 დეკემბერს მე დაუჭირე მხარი ზვიად ტელევიზიით.

ძლივს ვნახე ვაჟკაცური საქართველო.

„მაგრამ ხანგრძლივ ეს სოფელი გაახარებს ვისმეს განა?“ 12 დეკემბერს ვილაც ოსმა გარეწარმა 3 კაცი მოგვიკლა ქუჩაში ცხინვალში და 3 დაგვიჭრა. ცხინვალსა და ჯავაში კომენდანტის საათია.

13 დეკემბერს „საქართველოს რესპუბლიკაში“ დავბეჭდე „თვისტომის“ გამომხმაურება.

როგორმე, როგორმე პრაქტიკულად გავატაროთ ეს დადგენილება.

გარეწარმა ბოლშევიკებმა რა სამინელი მემკვიდრეობა დაგვიტოვეს? რა საჭიროა სამი ავტონომია ერთი ციცქნა საქართველოში.

### 13, 14, 15/XII 90

„ვრემიაში“ ორჯერ გამოაცხადა მოსკოვმა, რომ საქართველოს გადანყვეტილება ოსეთის ავტონომიის გაუქმებაზე უკანონოა და მოვუნოდებთ საქ. უზუნაეს საბჭოს თვითონვე გაასწოროს მეცდომადი.

საკვირველია, ჩრდილოეთ ოსეთი შედის რსფსრ-ში, სამხრეთ ოსეთი კი ცალკე რესპუბლიკად უნდა გავიდეს და დამპყრობელმა საქართველოს მიწა უნდა წაილოს?

რა გვეშველება? ეს თუ დავთმეთ, ახლა თუ დავმარცხდით, თავზე დაგვასხდებიან მტრები.

მზად ვარ ავტონმატივ ხელში ვიომო უკანასკნელ ამოსუნთქვამდე. უნივერსიტეტის სტუდენტებს მოვწუოდე, თუ არაფერი გამოვიდა, შეექმნათ მოხალისეთა რაზმი, მე გაგიძღვებით და წავიდეთ-მეთქი.

თითქოს ყველა დამეთანხმა, საქმე საქმეზე რომ მიდგება?

არის საერთოდ ქართველი კაცი მებრძოლი?

დავამთავრე ორი ნოველა, ერთს ჰქვია „დამცემი“, მეორეს „ჭკირჭკიტა“.

დამცემი რუსის ჯარზე და მის ზნეობრივ გახრწნილებაზეა, ჭკირჭკიტა „ძმათა ჭამის“ ქართულ თვისებაზე.

### 16,17/XII 90

ოსეთში კვლავ დაძაბული მდგომარეობაა.

გამოვიდა ზვიადი ტელევიზიით, დაბნეული ჩანდა.

გამოვიდნენ ნათაძე და ჯაბა იოსელიანი. ზვიადს აკრიტიკებენ. არ მომწონს ეს ამბავი.

ზვიადი უძალაუფლებო კაცის შთაბეჭდილებას სტოვებს.

## 18/XII 90

დღეს აკაკი წერეთლის საიუბილეო საღამო ჩავატარეთ რუსთაველის თეატრის მცირე დარბაზში, წიგნის მოყვარულთა საზოგადოების ეგიდით.

შესავალი სიტყვა ვთქვი.

სიტყვებით გამოვიდნენ სოლ. ხუციშვილი, ნ. ტაბიძე, მ. ქვლივიძე, მსახიობები გიზო სიხარულიძე, თინა ელბაქიძე, მომღერალი მედეა ძიძიგური და რაც მთავარია თამარ იშხნელი, რომელსაც ცოცხალ აკაკისთან უმღერია.

## 19,20,21/XII 90

20-ში უნივერსიტეტის სამეცნიერო სესიაზე მოხსენებით გამოვედი – აკაკი წერეთელი და თანამედროვეობა.

ყველაფერი ვთქვი, რისთვის არის საჭირო აკაკი ჩვენი თანამედროვეებისათვის.

ირინე ტალიაშვილმა დამირეკა, ნავიკითხეთ „კაბადონში“ თქვენი ინტერვიუ: ზვიადს არ ესიამოვნაო.

ქალის პირობაზე ცოტა მკვახედ ველაპარაკე. როდიდან გახდით შენ და ზვიადი ჩემი აღმზრდელები-მეთქი.

რაც არ მომწონს, არ მომწონს და არც ვფარავ, რაც მომწონს, თქვენს გვერდით ვარ-მეთქი.

მოსკოვში შევარდნაძემ გადადგომა გამოაცხადა.

მთელი დეპუტატთა ყრილობა (გორბაჩოვიანად) მუხლებზე დაეცა: ნუ მიგვატოვებო.

## 22,23/XII 90

ვასნორებ „ლიმილის“ მასალებს.

მომიტანეს რალაც უნიჭობანი და „თურმე“ ახლა მე უნდა ვიტირო, როგორც დიდი თავის პატრონმა.

ქალაღი, სტამბა, კაბინეტი ყველაფერი მე უნდა ვიშოვო.

23-ში საღამოს ირაკლი აბაშიძემ დამირეკა;

ეს რა ბრწყინვალე ნოველა დაგინერია ჩემზე, მადლობელი ვარ, ასე თუ გიყვარდი, არ მეგონაო.

„განაჩენში“ მაქვს ნოველა ირაკლიზე „ვინძლო, არ ინანოთ“. სულ აღარ მასხოვდა.

ლამით ვილაც გარენარმა დამირეკა: შენს შვილს – აჩიკოს მოსაკლავად დასდევენ და გაფრთხილდითო.

რატომ? რა დავაშავეთ-მეთქი. დაკიდა ყურმილი.

## 24, 25/XII 90

25-ში მცხეთაში მიმინვიეს ნატახტარის საშუალო სკოლაში საშობაო დღესასწაულზე.

ჩემს სიცოცხლეში პირველად გახლდით საშობაოდ (არაკომუნისტურ) დღესასწაულზე საქართველოში.

რა მშვენიერია. პირველი საშობაო მეჯლისი.

ბავშვებს ლენინის სურათების ნაცვლად ჯვრები ეჭირათ და ლოცვებს წარმოსთქვამდნენ.

სხვა საქართველოში ვცხოვრობთ.

26,27,28,29/XII 90

ინურება 1990.

ბევრი ვიბრძოლეთ, ბევრი ვიჯანჯლარეთ, ბევრი ვითავცემეთ, დიდი ნახტომი გააკეთა საქართველომ ისტორიაში, ტარიელის სიტყვით რომ ვთქვათ, „გრძელი როქი“, დავამხვეთ კომუნისტების ტირანია, მაგრამ დამოუკიდებლობას მაინც ვერ ველირსეთ და ამ საუკუნეში, ალბათ, ვერც ველირსებით.

რუსის ჯარის გაყვანაზე ფიქრიც არ შეიძლება ამ ეტაპზე.

შევარდნაძე გამოავლეს კრემლიდან.

უმაღლურად, უმაღლობოდ. ნეტავ სხვას რას ელოდა; ერთგულად რომ ემსახურებოდა იმპერიას და ჩემს თხოვნაზე: ოსეთ-აფხაზეთ-აჭარის ავტონომიები გააუქმებინეთ-მეთქი, თვალები რომ გადმოკარკლა – ოსები და აფსუები ჩვენი ძმები არიანო, როგორ მოგივიდათ თავში ავტონომიების გაუქმებაო.

28 დეკემბერს ოსი მკვლელი ფუხაევი დააპატიმრეს ჩვენებმა ოსეთში, შეიარაღებულმა ოსებმა ქართულ მილიციას ალყა შემოარტყეს და მძევლად აიყვანეს 14 მილიციელი. შეშინდა კვანტალიანი. გამოაშვებინა ოსი მკვლელი და 14 მძევალსაც გაათავისუფლეს ოსებმა.

აი, ასე „ვფლობთ“ ძალაუფლებას ოსეთში.

ასეთ „დახმარებას“ გვინევს რუსის ჯარი.

ჩემი კათედრის ნეკრებმა ლორიამ და ნიშნიანიძემ დისერტაციები დაიცვეს.

ორივე ნიჭიერი, მცოდნე ახალგაზრდაა.

30,31/XII 90

მთელი ორი დღეა რადიო-ტელევიზიაში ცეკვა-თამაშია.

რა გვეცეკვებ-გვემღერება?

ვინ მისცა ტელევიზიას მითითება – ხალხი ამ საახალწლოდ კარგ ხასიათზე დააყენეთო?

ოსები მილიციელებს (ქართველებს) მძევლად იტოვებენ, აფსუები დედას გვაგინებენ, 31–ში მალაზიებში პურიც კი არ იმოვებოდა, ხალხი მანვნის, კარაქის და გაყინული ხორცის რიგში ერთმანეთს ხოცავს და ტელევიზიაში დილიდან საღამომდე რომ ცეკვა-თამაშია, ნუთუ ვინმე ფიქრობს, რომ ეს „იმოქმედებს“ ხალხის განწყობილებაზე?

1/ I 91

ახალ წელს ჩემს ბინაში შევხვდით.

მთელი ოჯახი - და-ძმები, მშობლები.

წყნარად, მშვიდად ვიმუშაიფეთ.

მგონი პირველად შევხვდით ახალ წელს ისე, რომ სიმღერა-ცეკვა არ გაგხსენებია.

ხალისი არ არის.

განწყობილება უნდა ყველაფერს.

საქართველო განსაცდელშია – რა მეახალწელზეიმება.

2/ I 91

„ლიმილის“ პირველი ნომრის რედაქტირება დავამთავრე.

მივაკითხე ვახტანგ ვსვანჯიას – ქალაქი ექვსჯერ გაძვირდა. ქალაქს თუ იშოვი, მარტო სტამბის ხარჯები იმდენია, რომ ვერ აუხვალაო.

ქალაქი სად გაქრა მეთქი. სადაო და მოსკოვმა 4 ქალაქის ფაბრიკიდან 3 დაკეტა, რომ ჟურნალ-გაზეთების გამოცემა შემცირდეს და ბევრისა – შეწყდესო.

მაშ ასე, ერთი მხრივ “პრესის თავისუფლება“, მეორე მხრივ ქალაქი არ არის. რა თავში იხლი პრესის თავისუფლებას?

3,4,5,6/ 91

ენერ ნიგნს „მინანერები სატელეფონო ცნობარზე“.

ზაურ ბოლქვაძეზე, ირაკლი და გრიგოლ აბაშიძეებზე, ანზ. აბულაშვილზე, შოთა ნიშნიანიძეზე, რაულ ჩილაჩავაზე უკვე დავწერე.

ვიცი, მტრებს გამიმრავლებს, მაგრამ ვერ შევძელი, არ დამენერა.

ოსები კვლავ დაესხნენ (4, I 91) თავს ჩვენს მილიციას.

ჩვენ კვლავ მიმტვევბლობით ვპასუხობთ.

ხვალ შობაა! 7.

7-10/ 91

გორბაჩოვმა ბრძანებით, იმპერიული მედიდურობით გაგვიუქმა ჩვენი უზენაესი საბჭოს გადანყვეტილება ყოფილი სამხრეთ ოსეთის შესახებ და საქართველოსკენ დაძრა სადესანტო ჯარები.

იმ წუთშივე დავწერე საზოგადოება „თვისტომის“ მიმართვა – „მოვუნოდებთ ქართველ ერს!“ უკვე დაიბეჭდა „საქართველოს რესპუბლიკაში“.

9 იანვარს ტელევიზიაში ჩამწერეს – საქართველოს ეროვნული დაუმორჩილებლობისკენ მოვუნოდე. დავგმე გორბაჩოვის ანტიდემოკრატიული, დაპყრობითი პოლიტიკა, მაგრამ ეთერში არ გადასცეს. შეეშინდათ, ხალხი ამხედრდება და სისხლი დაიღვრებაო.

ზვიადმა სესია ჩაატარა და თავისი გადანყვეტილება ოსეთზე ძალაში დატოვა.

სესიაზევე ითქვა, რომ ინტელიგენცია დუმსო.

რა დუმილია, როცა ორჯერ ჩამწერეს და არ გადასცეს.

ვილაცის ტრადიციულ, ბოლშევიკური გონება მაინც მართავს ჩვენს ტელევიზიას.

11-14/ 91

გუმინ (10) გადასცეს ტელევიზიით ჩემი ჩანაწერი ეროვნულ დაუმორჩილებლობაზე. ბევრმა დამირეკა.

ნოდარ ადეიშვილმა, ტელევიზიით ჯერ მწერლის ასეთი მომწოდებლური და ვაჟკაცური გამოსვლა არ მომისმენიაო.

შაბათს 13-ში, მთავრობის სასახლის წინ შეკრებილებთან მივედი. შემომეხვივნენ: ბატონო რეზო, რა გვეშველებაო.

რა გვეშველება და იარაღი უნდა ავისხათ. რა გინდა ახლა აქ. ჩვენ თოფით უნდა გამოვგლიჯოთ ოსებს სამაჩაბლო-მეთქი.

ტაში დამიკრეს.

ორშაბათს მინდა წასვლა ოსეთში, თუ ათამდე კაცი მაინც ავიყოლიე.

ერთხელ დაბადებული ერთხელ უნდა მოკვდეს.

ჩვენ თუ მამულისთვის თავგანწირვის გრძნობა არ დავიბრუნეთ და სიკვდილის შიში არ დავძლიეთ, არაფერი გვიშველის.

11 იანვარს ოსები კვლავ დაესხნენ თავს ქართულ მილიციას. 3 მილიციელი მოგვიკლეს.

„ჯვარს ეცვი თუ გინდა, საშველი არ არის, არ არის, არ არის“.

ყოველ ფენის ნაბიჯზე მიტინგებია. ერთხმად გმობს საქართველო გორბაჩოვის 7 იანვრის „საშობაო საჩუქარს“.

ამ დილით (14) რადიომ გადმოსცა, ლიტვაში სისხლისღვრის შესახებ. ტანკებით შევიდა რუსის ჯარი ლიტვაში პრეზიდენტის ბრძანებით.

გორბაჩოვმა საბოლოოდ ჩამოიგლიჯა დემოკრატიის ნილაბი და თავისი ნამდვილი სახით – ჯალათი დიქტატორის სახით წარუდგა მსოფლიოს.

14-ში სალამოს თიანეთიდან ფარნა მოსიაშვილი მოვიდა.

თიანეთში სახალხო ლაშქარს ვაგროვებთ ოსეთში წასასვლელად. თქვენ რა აზრის ხართო.

თქვენს შორის ჩავდგები და უკანასკნელ ამოსუნთქვამდე ვიბრძოლებ-მეთქი.

გახარებული წავიდა.

15-20/ 91

16 იანვარს მიხეილ ქვლივიძის შემოქმედებითი სალამო ჩატარდა „ცოდნის“ დარბაზში.

სალამოს მე ვუწინამძღვრე.

მიშა ძალიან კმაყოფილი დარჩა. საერთოდ მიშა უაღრესად კეთილშობილი კაცია, ნამდვილი პოეტი.

მთელი გატაცებით ვწერ წიგნს „სატელეფონო წიგნზე მინანურები“. მინდა ყველა ცოცხალი ქართველ მწერალზე მოვასწორო ჩემი აზრის თქმა.

ტელევიზიამ და რადიომ გადმოსცა „თვისტომის“ მიმართვა ჩრდილო ოსეთში მცხოვრებ ქართველთადმი და აქაური ოსების მიმართ – ურთიერთგაცულის თაობაზე.

ხვალ 2 საათზე „ლიმილი“ სტამბას უნდა ჩავაბარო.

ვესაუბრე მამუკა ფაჩუაშვილს, წერილზე „დივერსია საკუთარი ხალხის წინააღმდეგ“, არა ხართ-მეთქი მართალი, არ შეიძლება ამგვარი წერილების გამოქვეყნება, რატომ კრავთ ხელს ინტელიგენციას-მეთქი.

21-26/ 91

გორბაჩოვმა ერთხელ კიდევ დასცინა ქვეყანას.

24 იანვარს გამოსცა დადგენილება საბანკო ოპერაციებზე. ეს არის ფაქტიურად ქონების კონფისკაცია და იმპერიის ყველა მოქალაქის ყაჩაღად გამოცხადება.

100 და 50 მანეთიანების გადასახურდავებლად რომ მოიტანენო, სადის-ტურად განაცხადა პრემიერმა პავლოვმა, ვკითხავთ, სად იშოვეთ ეს ფულიო. წარმოგიდგენიათ ასეთი დაცინვა?

ბანკიდან თვეში მხოლოდ 500 მანეთის გამოტანა შეიძლება. რომ გაგიჭირდეს რამე, დასამარხი ფული უნდა ისესხო.

26 იანვრის „საქართველოს რესპუბლიკაში“ ჩემთან ვრცელი ინტერვიუა საქართველოს დღევანდელ ვითარებაზე.

27,28/ 91

დღეს გორბაჩოვმა გამოაცხადა, რომ 1 თებერვლიდან სსრკ-ს ყველა დედაქალაქში შევა ჯარი და დაიწყება პატრულირება.

ეს ფაქტიურად დიქტატურის ტრიუმფია!

ესეც შენი გორბაჩოვი. პერესტროიკის ავტორი პირსისხლიან ტირანად იქცა.

დღეს შევხვდი შვეციის სათვისტომოს თავმჯდომარის (თავ-რე გიგა თევზაძე) მოადგილეს მარინა აქსელს (ცხონდიას). ჩამოვანერინე, რა უნდა გააკეთოს საქართველო-შვეციის ურთიერთობისთვის.

29–31/ 91

სასტუმრო „აფხაზეთში“ ვესაუბრე სამაჩაბლოდან ლტოლვილ ქართველებს. დამფრთხალ-დამინებული კაცები გინახავთ? საშინელი სანახავია. ქალები და ბავშვები რომ გამოარიდეთ, გასაგებია, მაგრამ თქვენ რატომ იქ არა ხართ, ნუთუ სისხლით მოპოვებული სამაჩაბლო უნდა დავთმოთ-მეთქი. იარაღი არა გვაქვს და სიკვდილის გვეშინიაო.

ქართული სკოლა რომ დაგინვეს ოსებმა, თქვენ რატომღა არ დანვით მათი სკოლები, ამას რა იარაღი უნდოდა – ნავთი და ასანთი-მეთქი. გაჩუმდნენ. მოუწონდე დაბრუნდნენ და იბრძოლონ. მე თვით გაგიძღვებით-მეთქი. არა, თქვენი სიკვდილიც არ გვინდაო, „მხედრონმა“ უნდა იბრძოლოსო.

„მხედრონმა“ 30/-ს გამოაცხადა ერაყში გაგვიშვით საბრძოლველად ამერიკის დასახმარებლადო.

„საქართველოს რესპუბლიკაში“ კვლავ მოუწონდა „თვისტომმა“ ლტოლვილთ დაბრუნდნენ სამაჩაბლოში, ხოლო ჩრდილო კავკასიაში მცხოვრებმა ქართველებმა გაუცვალონ სახლები აქაურ ოსებს და დაბრუნდნენ სამშობლოში.

ზვიადმა საქართველოს დაყოფა „საპრეფექტოებად“ გადაწყვიტა. არ მომწონს პრეფექტი. ნუთუ ქართული „სადროშო“, „საერისთავო“, „საბჭო“, „საგამგებლო“, „საკრებულო“ არ ვარგა?

1-7/II 91

ვამზადებდი კონფერენციას „საქართველოს თანამედროვე ვითარება“. „თვისტომის“ კონფერენცია 7 თებერვალს ჩავატარე. სამი მოხსენება იყო:

საქართველოს საგარეო ვითარება – ლევან ალექსიძე.

ადგილობრივი მმართველობის კანონი – ზაურ ჯინჯოლავა.

სამაჩაბლოს საკითხი – ვალერიან გოგოლაშვილი.

ჩემს შესავალ და შემაჯამებელ სიტყვაში, ცოტა არ იყოს, მოვცხე გამსახურდიას: ა) კამათის ეთიკის დარღვევის საკითხი, ბ) პრეფექტურის კანონის მექანიკურად გადმოღების გამო, დ) სამაჩაბლოდან ქართული მილიციის გამოყვანის გამო.

მივიღეთ მიმართვები და რეზოლუციები. ვნახოთ თუ დაბეჭდეს გაზეთებმა.

დავინყე ორი ნოველა: „ოინი“ (სიუჟეტი ჩემმა ცოლმა ნათელამ მომანოდა. სხვათა შორის, ცოლის ქება აუგია, მაგრამ უნდა ვაღიარო მკვირცხლი გონების და მალალი გემოვნების, ჭკვიანი ქალია), „იერუსალიმი-თბილისი“ – ეს ნოველა ებრაელებს მივუძღვენი.



მეტი რა მექნა ამ ერთ კვირაში.

8-14/II 91

11 თებერვალს ზვიადს ვეახელ.

დიდხანს ვილაპარაკეთ. თბილად შემხვდა.

შენ, რომც აღარაფერი გააკეთო დღეიდან, მარტო იმით ხარ უკვდავი, რომ საქართველოში კომუნისტური წყობა დაამხვე-მეთქი.

მერე, მე უფლება მაქვს ნაკლებეც გითხრა-მეთქი ორიოდ სიტყვა. სამი ნაკლი ჩამოვუთვალე, სამი შეცდომა. 1) ნუ გადაცდები ეთიკის ნორმებს კამათის დროს. 2) ოსეთიდან მილიცია არ უნდა გამოგეყვანა, 3) „პრეფექტი“ დემოკრატიის პრინციპებს არ ეთანხმება. პირველი და მესამე შენიშვნა მიიღო, ვიფიქრებო, მეორეზე თქვა, ჩვენ სხვა გზა არ გვქონდაო. რუსმა ულტიმატუმი წაგვიყენაო.

დიდხანს ვილაპარაკეთ. დაღონებული, გაფითრებული მეჩვენა. მინდოდა დამოუკიდებლობამდე მიმეყვანა ქვეყანა, მაგრამ როგორც ჩანს, არ დამცალდებაო.

თვალში ცრემლი ედგა.

რუსები არ დათმობენო საქართველოს.

12-ში „თბილისმა“ კარგად დაბეჭდა „თვისტომის“ კონფერენცია.

სხვა დღეებში შრომა, წვალება, ბრძოლა.

„ლიმილის“ რეგისტრაციაში გატარებას ზოგი ფუნქციონერი გადაელობა, მაგრამ ზვიადის დახმარებით ყველაფერი მოგვარდა.

15-20/II 91

18 თებერვალს, ღამით, შავნაბადაზე რუსის ჯარი თავს დაესხა იქ განლაგებულ „მხედრიონს“. დაიჭრა 4 რუსი და 2 ქართველი, დააპატიმრეს 20 კაცი.

ია მუხრანელი დანიშნეს „ზარიას“ („ვესტნიკ გურზიი“) რედაქტორად. მივედი „ლიმილისთვის“ – ერთი ოთახი ვთხოვე. უარი მტკიცა.

21-25/II 91

დაიჭირეს ჯაბა იოსელიანი და „მხედრიონის“ წევრთა დიდი ნაწილი.

„მხედრიონი“ ძალაუფლების ხელში ჩასაგდებად ემზადებოდაო.

არ მომწონს ეს ამბები.

საერთოდ, რეპრესიები ზვიადს არ ეკადრება.

იქნებ ვცდები? იქნებ ეს „ლონისძიებანი“ აუცილებლად საჭირო იყო?

დაველოდოთ „ხვალეს“.

უნივერსიტეტში დიდი მიტინგი ჩატარდა ზვიადის წინააღმდეგ.

მოითხოვდნენ ჯ. იოსელიანის დაუყოვნებლივ გათავისუფლებას. თ. ქორიძე კინალამ „განიწკნეს“ ქალებმა.

უსიამოვნო ხასიათზე დავდექი.

ვაპირებდი გამოსვლას ზვიადის პოლიტიკის დასაცავად, მაგრამ იმ ნკ-მუტუნ-გნიასში სიტყვის თქმას აზრი აღარ ჰქონდა.

26/II – 4/III 91 წ.

გაზეთ „ულუმბოში“ დაბეჭდილია რედაქტორის – გიორგი ლეონიძის ინტერვიუ ჩემთან (28, II) – „ნუთუ ყველაზე გულჩვილნი ჩვენ უნდა აღმოვჩნდეთ?“

ცოტა არ იყოს, ცხარე ინტერვიუა – ვსაყვედურობ მილიციას, რომელმაც ვერ დაიცვა სამაჩაბლო, ვსაყვედურობ სამაჩაბლოელ ქართველ ლტოლვილებს – კურდღლებივით რომ გამოიქცნენ, ვსაყვედურობ მთელს ქართველ ერს – რომელშიც კომუნისტურ წყობას ურთიერთმიშველების, სამშობლოს დაცვის ნიჭი ჩაუკლავს.

„კაბადონიდან“ მაცნობეს, გ. ყორანაშვილს ძალიან ემცხეთა თურმე ჩემი პასუხი. დამცინისო, პასუხი უნდა დამიბეჭდოთო, გაზეთის რედაქციაში მივარდნილა.

ერაყში ომი დასრულდა.

5,6,7/III 91

6-ში ზვიად გამსახურდიამ გვიხმო მწერლები: შ. ნიშნიანიძე, მ. ლებანიძე, გ. გაჩეჩილაძე, გ. გვერდნითელი, მ. ხეთაგური, ი. ბოგომოლოვი და მე. გვთხოვა, მოსკოვში ჩაბრძანდით და იქაურებს სიმართლე უამბეთ საქართველოზეო. დელეგაციის ხელმძღვანელობა მე დამავალა. 8-ში უნდა გავფრინდეთ.

8/III – 13/III 91

მოსკოვში ვართ.

მურმან ლებანიძე და შოთა ნიშნიანიძე 20 წელია ხმას რომ არ სცემდნენ ერთმანეთს. გზაშივე შევარიგე.

ჩავედით. ჩვენს წარმომადგენლობაში ოსები დაგვხვდნენ პლაკატებით – „ქართველი ჩვენი კეთილი ძმა და მასპინძელია“ „დამნაშავეა კრემლი!“

შევხვდით მოშიმშილეებს – ვალტერ შურლაიას, გაია თასოევს და ეთერ შუკვანს.

მოსკოვი, ჩვენს მიმართ დაყრუვდაო, ვ. შურლაიამ. თქვენ, მწერლები თუ გვიშველითო.

ჩვენც მაშინვე ჩავერთეთ.

დავურეკეთ მწერლებს, მოვედეთ რედაქციებს. მივედით ტელევიზიაში – განცხადებით: სანამ გაგრძელდება საქართველოზე ცილისწამებანი?

პირველი სალამო 8-შივე იმ სალამოსვე გავმართეთ საკრებულოში.

ყველანი გამოვედით.

მეორე, დიდი შეხვედრა საქართველოს კულტურის ცენტრ „მზიურში“ გავმართეთ 11 მარტს 5 საათზე.

უამრავი ხალხი მოვიდა – მწერლები, ჟურნალისტები, უცხოეთის კორესპონდენტები, უბრალოდ მოქალაქენი.

შესავალი სიტყვები მღელვარებით ვთქვი.

მერე დავენარდი.

პირველი სიტყვა მ. ლებანიძეს მივეცი.

მერე შოთა ნიშნიანიძე,

გოგი გაჩეჩილაძე,

გურამ გვერდნითელი,

მზია ხეთაგური,

იგორ ბოგომოლოვი...

დიდი კამათი გაიმართა.

გამოდინ ვლადიმირ სოლოუხინი,

ვლადიმირ ვოინა,  
ვლადიმირ ლეონოვიჩი,  
იან გოლცმანი,  
ელიზბარ ანანიაშვილი,  
კარგად ჩატარდა.

მე მგონი, გავარღვიეთ ინფორმაციული ბლოკადა.

მოვაქციეთ ხალხი ჩვენი სიმართლისკენ.

ბრალი დავდეთ იმპერიას.

მესამე შეხვედრა 12-ში – მოსკოველ ოსებს შეეხვდით, იმავე დღეს მწერალთა კავშირში დიდი თათბირი გავმართეთ რუს მწერლებთან.

შესავალ სიტყვაში გაცოცება გამოვთქვი – რატომ სდუმს-მეთქი რუსული მწერლობა.

აკი ასე განებივრებული ვიყავით-მეთქი თქვენი ყურადღებით.

მეორე შეხვედრაზე ნოდარ ნათაძე გვახლდა.

ოსეთის საკითხზე ითხოვა და მივეცი სიტყვა. ყოველ დღით და საღამოს ველაპარაკები ზვიადს ტელეფონით. ძალიან ლელავს, ძალიან ნერვიულობს. ვამშვიდებ – ყველაფერი კარგად იქნება-მეთქი.

მე მგონი შევასრულეთ ჩვენი ეროვნული ვალი.

13-ში გამოვფრინდით შოთა, გოგი და მე. მურმანი და გურამ გვერდნი-თელი დარჩნენ რალაცა საქმეებზე.

დამავიწყდა. ზვიადმა ტელეფონში მითხრა, მანდ ნ. ნათაძეა და სიტყვა არ მისცეო (?!), ნოდარს მაინც მივეცი სიტყვა.

12-ში მოსკოვში მუხრანი ჩამოვიდა. ჩაის ვსვამდით სასტუმროში მე, შოთა ნიშნინიძე და მურმან ლებანიძე. დაგვადგა თავზე უსალმოდ, რას მერჩი, კაცო შენო, პირდაპირ მომმართა, ვხედავ ჩემს ადგილზე გნიშნავს ზვიადი, ჩამოდი და დაჯექი ბარემო. რაზე ატყობ-მეთქი, გამეცინა, რალა შენ დაგნიშნა დელეგაციის ხელმძღვანელადო. გავვოგნდი.

14/III – 22/III 91

ტელევიზიაში, გაზეთებში არ წყდება საუბრები მოსკოვურ შეხვედრებზე.

მეგონა, ჩემს რუსულზე გაიღიმებდა თბილისი, პირიქით, ყველამ მითხრა, რა დიდი საქმე გააკეთეთო.

გუშინ, 20-ში ვესწრებოდი სესიას. ზვიადმა მოსაწვევი ბარათი გამომიგზავნა.

რალაც კანონების შელამაზებაზე იყო ლაპარაკი.

გავბრაზდი და ამირან კალაძეს ვუთხარი – როგორ გეკადრებათ ასეთი რამ, თქვენი სესია იმ ოთხი ქართველი ახალგაზრდის დაწვის ამბით უნდა დაწყებულიყო-მეთქი.

საშინელი, ვანდალური, კანიბალური ამბავი მოხდა.

ეს ჰიტლერსაც კი არ ჩაუდენია.

გაიქცა ამირანი და განცხადება გააკეთა.

სესია თითქოს გამოერკვა.

21-ში „საქართველოს რესპუბლიკამ“ და „ვესტნიკ გრუზიიმ“ დაბეჭდეს ჩემთან ინტერვიუები.

მთელი დღე უნივერსიტეტში ვქაქანებდი, ვყვიროდი, ვბლაოდი: ნავი-  
დეთ, ვიძიოთ შური ოთხ დამწვარ ქართველზე-მეთქი. გაგიგონია?

კამეჩებევით დაიზლაზნებოდნენ სტუდენტებიც და ჩემი კოლეგა ლექ-  
ტორებიც.

23/III-31/III – 1,2/IV 91

მთელი კვირა რეფერენდუმის მზადების ნიშნით ჩატარდა.

ელცინი და გამსახურდია ყაზბეგში შეხვდნენ ერთმანეთს.

მეორე დღესვე ამის შესახებ მთელი იმპერია ალაპარაკდა.

ხელშეკრულებაში სწერია: „ყოფილი სამხრეთ ოსეთის ავტონომიური  
ოლქი“.

ამან გააცოფა რსფსრ-ს პარტიული დეპუტაცია და აი შედეგიც.

რსფსრ-მ 31-ში მიიღო რეზოლუცია ოსეთის ავტონომიის აღდგენის  
შესახებ.

ვინ კითხავდა რსფსრ-ს.

ელცინმა გაგვიყიდა. ამბობენ ზვიადი რომ არ შეეგება, ამაზედაც გა-  
ბრაზდაო.

ასეა თუ ისე; გორბაჩოვს ხელ-ფეხი გაეხსნა.

მანაც არ დააყოვნა და 1 აპრილს მიიღო დადგენილება სამაჩაბლოში  
საგანგებო წესების შემოღების შესახებ.

ეს იმას ნიშნავს, რომ „ოსეთი“ (!) სამაჩაბლო – ჩვენი მიწა დაეკარგეთ.

გაგიჟებული დავდივარ ქუჩებში.

კიდევ ერთხელ იზეიმა უნამუსობამ.

ვაი, მცირერიცხოვანი ერის ბრალი.

დღეს ოთარ იოსელიანმა დამირეკა გაზეთ „ცხოვრების“ რედაქტორად  
დამნიშნესო.

მივედი, მივულოცე, სხვათა შორის ვკითხე: შენ ხომ ვერ მომცემ-მეთქი  
ერთ ოთახს – „ლიმილისთვის?“

დიდი სიამოვნებითო.

მამ ასე „ლიმილის“ რედაქციის ოთახიც ვიშოვე.

3,4/IV 91

ზვიადის მდივანმა ლალი მაისურაძემ დამირეკა, ზვიადი გიხმობსო. მი-  
ვედი. სამი საათი მაცდევინა. თავი შეურაცხყოფილად ვიგრძენი. ბოლოს  
მოილო მოწყალება, შევედი. ფეხზე არ წამოდგა. მეგონა, მადლობის სათქმე-  
ლად დამიბარა მოსკოვის ეპოპეის გამო.

შე კაი კაცო, თუ გძულდი, რატომ დამთანხმდი დელეგაციის ხელმძღ-  
ვანელობაზეო, მაჯახა. ვინ გითხრათ-მეთქი. მოსკოვში მუხრანისთვის გითქ-  
ვამს – რას მეტენება ეს ზვიად გამსახურდიაო. არ მინდოდა მოსკოვში წა-  
მოსვლაო. სიცრუეა-მეთქი.

მუხრანი ტყუილს არ მეტყოდაო. გავშრი. ეგ ყველაფერი მუხრანის  
სინდისზე იყოს-მეთქი და გამოვედი.

4 აპრილს გორბაჩოვის განკარგულებით სამაჩაბლოში რუსის ჯარი შე-  
ვიდა.

ეს თითქმის ისეთივე დაპყრობა, ანექსიაა საქართველოსი, როგორც იყო საქართველოს 1921 წლის 25 თებერვლის ანექსია.

რას ვიზამთ, დაპყრობილი ვართ ჩვენ უკვე თითქმის ორასი წელია.

მინც რაღაც გამოგვაპარა, რაღაც დავაკელით სამაჩაბლოს პრობლემას. რა დავაკელით თქვენ ჩემზე უკეთ იცით:

არ გვაცალა რეფერენდუმის ბრწყინვალე შედეგების რეალიზება მოსკოვმა.

როგორ „ვეყვარებივართ“ რუსეთის უმაღლესი საბჭოს დეპუტატებს. რა ერთსულოვნად მიიღეს დადგენილება – საქართველოს ანექსიაზე. რაღაც დავაკელით-მეთქი.

ჩვენც როცა ასე ენერგიულები ვართ ერთმანეთის მიმართ ქიშპობაში, ლამის გულგრილნი აღმოვჩნდეთ ველურების მიერ ოთხი ქართველის დანვის ფაქტის მიმართ.

ესე იგი, რაღაც გვაკლია. ესე იგი ჩვენი პასუხისმგებლობა ერისა და ისტორიის წინაშე ჯერ კიდევ შეგნებული არა გვაქვს. ესე იგი ჯერ კიდევ შორ-შორს დევს ჩვენ არსებაში ფინთიხი და მუფუზალი.

რა უნდა გავაკეთოთ?

კრემლის აგრესიას ენერგიული პროტესტი, გამოსვლები, მიტინგები საყოველთაო ზიზღი უნდა დავუპირისპიროთ.

დაუყოვნებლივ უნდა დაბრუნდნენ ქართველი ლტოლვილები თავიანთ მშობლიურ მიწაზე.

მიწის არც ერთი მტკაველი უბრძოლველად არ უნდა დავთმოთ.

და ბოლოს ჩვენს უზენაესს საბჭოს მოვუწოდოთ, რა სასტიკადაც უნდა მოგვექცნენ და რა დიდიც უნდა იყოს კრემლის დანოლა, არ დავუშვათ ე.წ. სამხრეთ ოსეთის ავტონომიის აღდგენა.

დღეს 4 აპრილს ტელევიზიით გამოვედი და მოვუწოდე ქართველ ხალხს: არ დავთმოთ-მეთქი არც ერთი მტკაველი ჩვენი მიწისა.

5-8/IV 91

წითელი პარასკევი! აღდგომა!

უკეთილშობილესი რელიგიის – ქრისტიანობის ულამაზესი დღესასწაული.

რა ბრძენი და დიადი, რა გაუხუნარია ქრისტე თავისი ცხოვრებითა და წამებით. როგორ სჭირდება იგი დღეს ამ არეულ კაცობრიობას სათნოებისა და უნაპირო სიკეთის ქადაგებით.

„გიყვარდეთ მტერი თქვენნი“.

ახლა ჩვენი უბედურება?

არის მითქმა-მოთქმა და მიტინგები: ზვიადმა სამაჩაბლო დავაკარგვინა და უნდა გადადგესო.

რასაკვირველია, სამაჩაბლო ზვიადის შეცდომაა, მაგრამ გადადგომის მოთხოვნა სისულელეა.

ახლა ალბათ, სამაჩაბლოს არდაკარგვის ერთადერთი გზა სამაჩაბლოში დასახლდეს, რაც შეიძლება მეტი ქართველი. ლტოლვილებიც დაბრუნდნენ და სხვებიც დაემატნონ.

დავურეკავ და ვეტყვი ზვიადს, მაგრამ დამიჯერებს?

ტელევიზიამ „ლიმილის წუთები“ შემოიღო. რა მედიმება, მაგრამ გიგა მახვილადეს უარი ვერ ვუთხარი. ჩამწერეს. იუმორის და სატირის მახვილი-თაც უნდა ვიბრძოლოთ-მეთქი დამოუკიდებლობისთვის.

9 აპრილი, 1991

დღეს საქართველოს რესპუბლიკის უზენაესი საბჭოს სესიაზე ზვიად გამსახურდიამ საქართველოს დამოუკიდებლობის აღდგენა გამოაცხადა.

მწერლებიდან არადეკლარაციური მხოლოდ მე ვიყავი მინვეული სესიაზე. ერთი არ გადმოიციემა, რაც დარბაზში სუფევდა.

ვტიროდით და ვეხვეოდით ერთმანეთს.

ბენდიერი ვარ, რომ ამ დღის მომსწრე და მონაწილე ვარ.

ანი თუნდ მოვკვდე, აღარ ვინალვლი.

ზვალიდან დამოუკიდებელი საქართველოს მოქალაქე ვარ.

მოვკვდები, როგორც თავისუფალი საქართველოს მოქალაქე?

შეგვარჩენს მძვინვარე რუსეთი ამ ნაბიჯს?

10-13/IV 91

იმპერიამ მაშინვე გვიპასუხა – თავისუფლების ქარტიაზე.

შემოიყვანა ჯარები სამაჩაბლოში.

გაგრიდან თბილისისკენ მოემართებიან ტანკები.

ერთი ქვედანაყოფი სამაჩაბლოდან თბილისისკენ მოდის.

გაიფიცა რკინიგზა და ნავსადგურები.

ჩრდილოეთიდან მატარებლები ვერ შემოვლენ, სანამ მოსკოვი არ გაიყვანს სამაჩაბლოდან ჯარებს, გამოაცხადა ზვიადის პრესცენტრმა.

„ვრემია“ კვლავ გამაღიზიანებლად ლაპარაკობს ქართველი „ბავეიკების“ აგრესიაზე მშვიდობიანი „სამხრეთ ოსეთის ავტონომიური ოლქის“ მიმართ.

საქართველოს რესპუბლიკას მიძიმე დღეები უდგას.

არც ერთი ნაბიჯით უკანდახევია!

ვიბრძოლებ თოფით ხელში დამოუკიდებელი საქართველოს დასაცავად.

11 აპრილს „თბილისში“ გამოვაქვეყნე ჩემი დამოუკიდებულება დამოუკიდებლობის აღდგენის მიმართ სათაურით – „ახლა მთავარია“.

მსოფლიო ისევ სდუმს. საქართველოს დარბევა მსოფლიოს არ ანალვლებს.

დღეს (13) „თავისუფლებამ“ ორი სიტყვით თქვა საქართველო გაიფიცა რუსის ჯარის სამაჩაბლოდან გაყვანის მოთხოვნით.

ერაყიდან გამოყრილ ქურთებს მთელი მსოფლიო ეხმარება. საქართველოს არავინ.

14, 15/IV 91

ზვიადი 14 აპრილს საქართველოს პრეზიდენტად დავასახელეთ.

ამაში მე ვერ ვხედავ ამბიციურობას (როგორც სხვები ამბობენ).

პრეზიდენტობა ჩვენს პოლიტიკას უფრო დამაჯერებელს გახდის.

მსოფლიო უფრო მოუსმენს პრეზიდენტს, ვიდრე უზენაესი საბჭოს თავმჯდომარეს.

16-25/IV 91

ყელამდე ჩაფლული ვარ საქმეებში.

უამრავი მთხოვნელი მოდის „თვისტომში“. რაც შემოიძლია, ვეხმარები. ზოგნი მიდიან თბილისიდან, ბრუნდებიან ქართველები.

17 აპრილს ანა კალანდაძის საიუბილეო საღამოს (60 წ.) ვუწინამძღვრე. თვით ანამ ისურვა ასე.

24-ში მცხეთაში, წინამძღვრიანთ კარის სასწავლებელში მქონდა შეხვედრა. ძალიან საინტერესოდ წარიმართა.

ღირექტორი – გივი ბადრიშვილი კარგი კაცი ჩანს.

26/IV-30/IV 91

პრეზიდენტის არჩევნები ახლოვდება. ბარე 9 კაცმა წამოაყენა კანდიდატურა.

მე, რა თქმა უნდა, ზვიადს მივცემ ხმას.

29 აპრილს მთელს საქართველოში საშინელი მიწისძვრა იყო.

განსაკუთრებით რაჭა დაინგრა, საჩხერეც! ესლა გვაკლდა.

27 აპრილს ზვიადმა მიხმო. მიდი მუხრანთან და გადაეცი, მიწა გა-მოჩენილმა მწერლებმა დამიჭირონ მხარი პრეზიდენტად არჩევაშიო, შენ გაუკეთე ორგანიზებაო. მივედი მუხრანთან, რატომ თვითონ არ დამირეკაო, ეწყინა. ალბას სატელეფონოდ არ მიიჩნია-მეთქი. დაწერე ტექსტით, მთხოვა. დაწერე. ამას ფანჯიკიძე არ მოაწერსო. შევედი ფანჯიკიძესთან – მოაწერა. ახლა სხვებს მოაწერიანო. ჯერ შენ მოაწერე, შენს ხელმოწერას რომ დაინახ-ავენ, სხვებიც მოაწერენ-მეთქი, არაო, მე ბოლოს მოვანერო. მოვანერინე შოთას, მურმანს... დილით „საქართველოს რესპუბლიკაში“ მხოლოდ მუხრანის ხელმოწერით დაიბეჭდა. საღამოს მანანა მირეკავს, რატომ სხვებმაც არ მოაწერესო...(?! ) ყველამ მოაწერა-მეთქი. გაუკვირდა.

1/V-6/V 91

დავდივარ მეცნიერებთან, სამხედროებთან, გეოლოგებთან... ვეკითხები: შეიძლება თუ არა ტექნიკურად მიწისძვრის ხელოვნურად გამოწვევა. სსრკ-ს აქვს თუ არა ამის შესაძლებლობა. ზოგი ორჭოფულად იძლევა პასუხს, ზოგი თავს მიქნევს. თუ ამის შესაძლებლობა არსებობს, კრემლი არ დაგვინდობდა.

რა ვიცი, ღმერთო შეგცოდე. გორბაჩოვი ისეთი ვერაგია, საქართველოს არ დაინდობდა.

3,4 მაისის გაზეთებში „თვისტომის“ სახელით მივმართე საქართველოს გარეთ მცხოვრებ ქართველებს, გააგებინეთ მთელ მსოფლიოს ჩვენი გასაჭირი და დაგვეხმარეთ-მეთქი.

4,5 მაისს საჩხერეში გავემგზავრეთ მე და იორამ ქემერტელიძე – „ცისკრის“ რედაქტორი. ჩემი დეიდაშვილი.

შევხვდით სახლდანგრეულ ხალხს.

გავამხნევეთ, მივფერეთ.

რაც საშუალება მქონდა ფულითაც წავაშველე ხელი ზოგიერთ მათგანს. ხალხი შიშისგან გაოგნებულია. სახლში ვეღარ შედიან შიშით.

დავამშვიდე; მეტი აღარ იქნება-მეთქი.

რომ იქნეს?

7/V-12/V 91

ავად ვარ, ვწევარ.



მუხლის მყესის ანთება მაქვს. საჩხერეში ყოფნის დროს ნანგრევში ჩამივარდა ფეხი, უხერხულად შემოვტრიალდი და მუხლი დავიზიანე.

სამი დღე ვერ ვინძრეოდი, ახლა არა მიშავს.

მსოფლიო უღიმღამოდ გვეხმარება.

ჩანს, სომხეთი უნდა იყო, გასაჭირში (სპიტაკი) რომ მთელმა მსოფლიომ ხელი გამოგინოდოს.

ემიგრაცია არ გვყავს და იმიტომ.

საქართველოში საპრეზიდენტო დოღია გამართული.

ზვიადს ლანძღავენ ნათაძე, ადვაძე, შენგელაია (კანდიდატები) და რომან მიმინოშვილი.

ყველა ამბობს, რა არ ვარგა, მაგრამ უკეთეს, რეალურ გზას არავინ გვთავაზობს.

მეც ვხედავ, რომ ოსეთის საკითხში ზვიადმა შეცდომა დაუშვა, მაგრამ ნუთუ ყელში უნდა ვეცეთ საქართველოს თავშენირულ კაცს ამის გამო?

არ მომეწონა, რომ მინისძვრის მესამე დღესვე, ზვიადმა გაფიცვა და ეროვნული დაუმორჩილებლობა შეწყვიტა.

ბევრი ამბობს, მინისძვრა კრემლის მოწყობილია.

### 13/V-17/V 91

საპრეზიდენტო მართონი აპოგეას აღწევს.

ზვიადის წინააღმდეგ გაერთიანდნენ პრეზიდენტობის კანდიდატები.

შემოდგომის ბუზებივით იკბინებიან.

ერთი ამბობენ ბაჟით გავმდიდრდებითო, მეორენი საქართველო პატარ-პატარა საერისთავოებად (კუთხეების მიხედვით) დავყოთო, მესამენი – მიწა თათრებსა და სომხებს სამუდამო საკუთრებაში დავურიგოთო, მეოთხენი – რუსებს ნუ გამოვეყოფითო.

ამასწინათ მილიციამ ამხილა ერთი შემზარავი ფაქტი. ადვაძეს მოსკოვიდან 4 „კაგებეშნიკი“ ჩამოუყვანია თავის პირად დაცვად.

ეს იმას ნიშნავს, რომ პრეზიდენტობის კანდიდატმა მოსკოვთან ალიანსი შეკრა.

ადვაძეს კარგად ვიცნობ. განათლებული ინტელიგენტია.

თუ მართალია, რასაც მის დაცვაზე ამბობენ, ასეთ ნაბიჯს ადვაძისგან არ ველოდი.

### 18/V-24/V 91

21 მაისს რადიოთი გამოვედი და ვთქვი – ერთი რამ ვერ გამიგია, რატომ მოხდა, რომ ოთხივე პრეზიდენტობის კანდიდატმა პირი შეჰკრა-მეთქი ზვიად გამსახურდიას წინააღმდეგ. მ. გორბაჩოვმა 6 ნელინადში ქვეყანა ეკონომიკურად გაანადგურა, მიუხედავად იმისა, რომ დასავლეთი სიმპათიით უცქერის, ხოლო 6 თვეში უფალუტო გამსახურდია რა ხეირს დაგვაყრიდა-მეთქი. ჯერ ხომ ჩვენ, ფაქტიურად, სახელმწიფო არც კი ვართ-მეთქი.

ჩამწერეს ტელესტუდიაშიც, მაგრამ რატომღაც არ გადასცეს. ჩანს, რედაქტორმა მ. ჩომახიძემ იაქტიურა (ჩანერის დროსაც შემნიშნა), რაკილა მე ზვიადზეც ვთქვი პანანკინტელა შენიშვნა – თვითონაც მოზომოს-მეთქი ეპითეტები.

თანდათან ვრწმუნდები, რომ ზვიადი განდიდების მანიითაა შეპყრობილი. ოდნავ შენიშვნასაც ვერ იტანს, ლიზიანდება.

22 მაისს ვიყავი მასთან კაბინეტში. ვესაუბრე. ნუ აღიზიანებ ხალხს შემართული მუშით, არც ისაა კარგი, რომ მშვილდ-ისრის სროლაშიც პირველი ადგილი მიგაღებინეს და პრიზი მოგცეს. დაანებე თავი მაოძე-დუნობას და სტალინობას-მეთქი. ცალ ყურში შეუშვა ჩემი ნათქვამი და მეორეში გამოუშვა.

ზვიადი მიყვარს და არ მინდა დამარცხდეს.

შენაო, ჩემს მტერს – ნათაძეს რატომ მიეცი სიტყვა პრესკონფერენციაზე მოსკოვშიო. ხომ იცი რომ ის ავადმყოფია, შიზოფრენიკიაო.

შენი დეპუტატი ეგ არის და მე საერთოდ არც ერთი თქვენგანის საავადმყოფო ფურცელში არ ჩამიხედავს-მეთქი. სიბრაზისგან სახე მოემგელა. უკან არ დავიხიე. არ მომწონს რადიო-ტელევიზიაში წამდაუნუმ შენს ლექსებს რომ კითხულობენ. გალაკტიონობასაც ნუ შეითავსებ, გაგიჭირდება-მეთქი, კარგად ჩახედე ჩემს ლექსებს და მერე იმ შენს საყვარელ გალაკტიონსო – თვალმოჭუტვით, ზიზლით მითხრა. ერიჰაა!

25/V-27/V 91

24-ში გვიან ღამით გადასცეს ჩემი გამოსვლა ტელევიზიით. მხარი დავუჭირე ზვიადს.

დღეს (27) გამოაცხადებენ კენჭისყრის შედეგებს.

ნუხელის ეროვნულ სტადიონზე ქართული გვარდიის აღლუმი იყო.

ცრემლი მომადგა. მოცუხცუხებდნენ უიარალო ქართველი ჯარისკაცები, ეროვნული გვარდიის ორასიოდე წევრი. რა შეიძლებოდა ყოფილიყო უფრო ამაღელვებელი.

ვილაცამ დაუსტვინა კიდეც ტრიბუნაზე. დიახ, გარეწარიც ბევრი გვირევიან.

ახლა ვნებები დაცხრება ალბათ, ყველანი ჩვენ-ჩვენს საქმეს დავუბრუნდებით. მთელი თავისი ისტორიის მანიილზე საქართველოს პირველი პრეზიდენტი ჰყავს.

ვნახოთ რას იზამს ზვიადი.

მან თავისი ისტორიული მისია ნაწილობრივ უკვე შეასრულა.

არა მგონია, მომავალში უკან დაიხიოს.

28/V-5/VI 91

დღიურების დასაწერად ვერ ვიცლი.

ერთხელ კიდევ გადავიკითხე ჩემი ახალი ნოველა „დახვრეტამდე ერთი წუთი რჩება“. არაა ურიგო.

გამოვაქვეყნო? ჯერ ერთი ვერ გაბედავენ მის დაბეჭდვას და მეორეც მაშინვე გადამეკიდებიან „ძლიერნი ამა ქვეყნისანი“.

როგორ ვწუხვარ, რომ დემოკრატიამ განზე ჩავგვიარა.

სულ უფრო ნერვებს მიშლის ზვიადის კბილის კრაჭუნი.

სამი დღის წინ კომპოზიტორ ჯუმბერ ჯანდიერის გამოსაქომაგებელი წერილი დავწერე. კაცი უსახსროდ, უსამსახუროდაა. დადის ის წერილი ახლა წრეზე და ჯერჯერობით ჩემს „ძმებსაც“ (მ. ფოცხიშვილი, რ. ჯაფარიძე, შ. ნიშნიანიძე...) ემინათ ხელმოწერის.

გუშინ 4 ივნისს სანდრო მამასახლისმა უნივერსიტეტში ფოტოსურათი გადამიღო და რადიოფირზე ჩამწერა. „ისტორიისთვისო!“  
დავჭირდებით ჩვენ ისტორიას?

6/VI-18/VI 91

გამეხარდა სოსო სიგუას დანიშვნა „ლიტერატურული საქართველოს“ რედაქტორად. სოსო ნიჭიერი და პატიოსანი ბიჭია.

ძლივს პროფესიონალი მწერალი მოვიდა ჩვენს გაზეთში.

უკვე ერთი წელია, მწერალთა კავშირი არ ფუნქციონირებს.

პარასკევს, დილის 5 საათზე, მინისძვრამ შეგვაბზრიალა. შიშით, არ შემშინებია, მაგრამ არასასიამოვნო გრძნობამ შემიპყრო – დგახარ უმწეოდ, ვერაფერს ცვლი.

13 ივნისს „ახალ ივერიაში“ დავბეჭდე ინტერვიუ (მესაუბრა ტარიელ სართანია). გულახდილად ვთქვი, რასაც ვფიქრობ. შეიძლება ენყინა ზვიადს, რომ ორიოდ შენიშვნა მივეცი. რა ვქნა, მე სხვანაირად არ შემიძლია. ჩემს პრინციპს ვერ ვუღალატებ.

ახლა ისევ აღზევდება ზვიადის მიერ გაძლიერებული მაფია. ისევ დაიწყება ლაშქრობანი ჩემს წინააღმდეგ.

19/VI-1/VII 91

ცხელი ზაფხულია.

„ცხოვრებაში“ დავბეჭდე ნოველა „დახვრეტამდე ერთი წუთი რჩება“.

ვერ წარმოვიდგენდი, თუ ასეთი აჟიოტაჟი მოჰყვებოდა.

ნოველა, რომელიც ეროვნულ ძალთა შერიგების იდეითაა გაჟღერებული, მძაფრად განიცადა მთელმა საქართველომ.

გაზეთი დაიტაცეს. უამრავმა კაცმა დამირეკა. სხვათა შორის არცერთს საყვედური არ უთქვამს.

ცოტა არ იყოს, მაგრამ მოხვდათ ზვიადს და სხვებსაც, რაკილა ასე გაერთვნენ ერთმანეთის ქამაში.

ზვიადი და ქორიძე, თურმე, კბილებს აღრჭიალებდნენ.

ნოველამ ჭეშმარიტად გამოაცოცხლა და დააფიქრა საქართველო.

გუშინწინ ზვიადმა გამოაცხადა, სომხები და ქართველები ერთი ერი ვართო და ამით მთელი თურქულენოვანი სამყარო გადაჰკიდა ქართველებს, გუშინ კანონით გააუქმა მეზღელთა ამხანაგობები და ხალხს პანანინა მინის ნაკვეთები წაართვა.

28-ში ერთი მოსმენით (!) მიიღეს კანონი მოქალაქეობის შესახებ. საქართველოს მოქალაქეობა მისცეს საქართველოში მცხოვრებ ყველა გადამთიელს. საქმეა ეეს?

აპოლონ სილაგაძე შემხვდა და მითხრა, შენზე დიდ თავდასხმას ამზადებენო.

გურამ პეტრიაშვილს ველაპარაკე დღეს (1/VII) რედაქციების შენობის წინ. რატომ არ იღებ ხმას ზვიადი რომ სისულელეს ამბობს-მეთქი. ჩამოვუთვალე, ამრეზილად შემომხვდა და გამშორდა.

2/VII-16/VII 91

13 ივლისს „ცხოვრებაში“ დაიბეჭდა ჩემი დიალოგი „მოვლენათა ცხელ კვალზე“.

დღი ამბავი ატყდა. მამუკა ფაჩუაშვილმა მითხრა – ქორიძე ცოფებს ჰყრისო.

ვერ შევეძელი გაჩუმება.

ზვიადი დღითი დღე თვითონ იჭრის თავს თავისი წინდაუხედავი საქციელით.

ახლახან 7 ლექტორი გააგდეს სულხან-საბას პედინსტიტუტიდან, რექტორიც მიაყოლეს.

მაქვს მე უფლება ინტელიგენტს, არ დავიცვა ინტელიგენტები?

თუ ზვიადის რეპრესიებს ნაფუყრუებთ, ნელ-ნელა „გამოსშირავენ“ მთელს ინტელიგენციას.

17/VII-23/VII 91

ვიცოდი 13 ივნისის და 13 ივლისის „ცხოვრება“ უკვალოდ რომ არ ჩაივლიდა, მაგრამ ამდენ ლანძღვა-გინებას ნამდვილად არ ველოდი.

19 ივლისს „ლიტ. საქართველო“ დამესხა თავს, როგორ გაბედე და ზვიად გამსახურდიას შენიშვნა მიეცეო.

ჩმახავენი რალაცას, ცილს მწამებენ, როგორც შეუძლიათ.

პროზაიკოსი (!) გურამ სხირტლაძე მესხმის თავს.

ახლა იხსენებენ ზვიადთან სიახლოვეს, ზვიადს მე შენიშვნები შეეკადრე, მეტი არაფერი.

მუხრან მაჭავარიანი, გურამ ფანჯიკიძე, ენვერ ნიჟარაძე რალამ გაანაწყენა? გურამმა მაინც როგორ მოაწერა ხელი წერილს ჩემს წინააღმდეგ? ზვიადს იცავენ ჩემგან?

იმ სამდივნოში ერთადერთ კაცს გურამს ვენდობი. არ მჯერა, რომ გამწირავდა.

ვუპასუხე, თუ გაბედა და დაბეჭდა სოსო სიგუამ.

24/VII 91

„საქართველოს რესპუბლიკაში“ ჩემი წერილია.

კიდეც რამდენიმე შენიშვნას ვუმატებ ახალ ხელისუფლებას.

დღეს „საქართველოს რესპუბლიკაში“ ჩემზე აღვირახსნილი გინებაა. თემურ ქორიძე უნიჭოს, გამოგონილ მწერალს და მტრულ ბანაკში გადაბარგებულს მიწოდებს.

მივიტანე დღესვე გაზეთში განცხადება: „ხელს ვიღებ მწერლობაზე, თავზე ნაცარს ვიყრი და ვთხოვ ქორიძეს მირჩიოს – რა გზას დავადგემეთქი“.

შეიძლება დაბეჭდონ ეს ირონია?

ყველაზე კარგი პასუხი ეს იქნება.

აბა, ქორიძესთან სერიოზულ კამათს ხომ არ ვიკადრებ.

25/VII-1/VIII 91

24 ივლისს „საქართველოს რესპუბლიკაში“ ჩემი განცხადებაა. თ. ქორიძეს ვპასუხობ, მწერლობას თავს ვანებებ და მირჩიე, როგორ მოვიქცე-მეთქი. ხარხარებდა მთელი საქართველო.

ამ ირონიით საკმაოდ მაგარი სილა გავანანი ქორიძეს.

ქორიძემაც არ „დააყოვნა“ და 25 ივლისსვე „მიპასუხა“.

კარგად გადაგინწყვეტიაო.

31 ივლისს „ცხოვრებაში“ ჩემზე შალვა ამინაშვილის წერილია – „მკითხველის საპროტესტო წერილი თეიმურაზ ქორიძეს“. ჩემს დასაცავად დანერვილი ეს წერილი სასიამოვნო მოულოდნელობა იყო.

ერთი კაცი მაინც გამომიჩნდა დამცველი.

ეუბნება ქორიძეს, ოცდაჩვიდმეტი წლის კომუნისტების მეთოდებით მოქმედებთო.

30 ივლისის „საქართველოს რესპუბლიკაში“ „ღიმილის“ რეკლამაა და ჩემთან საუბარი.

მეკითხებიან, მწერლობას თავს მართლაც ხომ არ ანებებთო.

როგორ გეკადრებათ-მეთქი.

2/VIII-25/VIII 91

ცხელი აგვისტო.

სამი ახალი ნოველა დავწერე. მათ შორის ერთ-ერთს – „მესამე საყვედურის მოლოდინში“ – დავარქვი: „ეს ნოველა თეიმურაზ ქორიძეს არ ეძღვნება-მეთქი“.

9-18 აგვისტოს მახინჯაურში ვიყავი. დასასვენებელ სახლ „ნარინჯში“ ლექციებს ვუკითხავდი მასწავლებლებს; როგორ უნდა ასწავლონ თანამედროვე ქართული მწერლობა.

ვიყავი ფოთის წყალმთხილამურეთა ევროპის ჩემპიონატის გახსნაზე.

ჩემგან ათიოდ მეტრში მთავრობის ლოჯაში იჯდა ზვიადი. რასაკვირველია, თვალი ამარიდა. მეც არ წავნეულვარ...

დიდი პატივი გვცეს ფოთელმა მწერლებმა კუკური კუკულაძემ და მერაბ ასანიძემ. აღფრთოვანებით მეუბნებოდნენ: ბატონო რეზო, თქვენს მხარეს ვართო.

18-ში დავბრუნდი თბილისში და 19-ში მოსკოვში შეთქმულება მოხდა გორბაჩოვის წინააღმდეგ.

იანაევის ბანდამ აიღო ძალაუფლება.

20-ში „საქართველოს რესპუბლიკაში“ მივიტანე წერილი, სადაც ვამბობდი: კომუნისტების აღორძინება არ დავუშვათ-მეთქი. მაგრამ არ დაბეჭდეს. რატომ? რედაქტორმა ჯერ ზვიადის პოზიცია გაურკვეველიაო. ჩემი ხომ გარკვეულია-მეთქი. რატომ არ მაძლევთ თავისუფალ მწერალს ტრიბუნას-მეთქი?

მოსკოვი გაერთიანდა ელცინის ირგვლივ და მოხდა სასწაული – შეთქმულება დამარცხდა. გორბაჩოვი (ბრიყვი გორბაჩოვი!) ისევ იმპერატორია. ჩვენ ჩვენი გზა გვაქვს.

მე ვფიქრობ, სწორად მოიქცა ზვიადი, როცა არც იანაევის მხარე დაიჭირა და არც გორბაჩოვის.

გორბაჩოვს ჩვენთვის ხეირი არ დაუყრია და მოსკოვში საიმპერატორო დუელი ჩვენ ისე უნდა აღვიქვათ, როგორც სხვა სახელმწიფოს პრობლემები.

ეჭვი მაქვს, თვით გორბაჩოვი ხომ არ იყო მე-9 შეთქმული მის წინააღმდეგ მონყობილ შეთქმულებაში.

ელცინმა რუსეთში შეაჩერა კომპარტიის საქმიანობა, დღეს (25/VIII) გორბაჩოვმა მოაწერა ხელი კომპარტიის საქმიანობის შეჩერებაზე მთელ

სსრკ-ში.

სწორია. აქამდე უნდა მომხდარიყო. მსოფლიოში არ არსებობს კომუნისტურზე უფრო დანაშაულებრივი პარტია.

26-ში მოსკოვშიც და თბილისშიც დანიშნულია სესიები. საინტერესო ამბები მოხდება.

26-29/VIII 91

რევოლუცია გრძელდება.

საბჭოთა კავშირი თითქმის დაიშალა.

უკრაინამ დამოუკიდებლობა გამოაცხადა.

გორბაჩოვმა კომპარტია ლიკვიდირებულად გამოაცხადა და გენერალური მდივნობიდან გადადგა.

საგარეო საქმეთა სამინისტრომ მინისტრად შევარდნაძე მოითხოვა, მაგრამ გორბაჩოვმა და ელცინმა პანკინი დანიშნეს.

ზვიადის ავტორიტეტი დღითიდღე ეცემა.

გაირკვა, რომ შეთქმულების დღეებში მას მიუმართავს პატრიკეევისთვის (საქართველოში რუსის ჯარის სარდალი), იანაევის მხარეზე ვარო. თუ ჩვენთან ხარ, გვარდია გააუქმეო, სარდალს შეუთავაზებია, რაზეც ზვიადი დათანხმებულია.

ზვიადმა თურმე საქართველოს სხვადასხვა პარტიათა ლიდერებს ნება არ მისცა იმ დღეებში შეთქმულთა წინააღმდეგ გამოსულიყვნენ.

რა არის ეს? შიში თუ მანევრი?

ჩემი ორგვერდიანი წერილი, რომელიც 20 აგვისტოს „საქართველოს რესპუბლიკაში“ მივიტანე, რომ დაებეჭდათ, ხომ გადავრჩებოდით ამ სირცხვილს?

ხომ მქონია სწორი პოლიტიკური ალლო?

როგორ მწყდება გული, რომ ზვიადს ზოგი რამ არც თვით ესმის და არც ჭკვიანი მრჩეველი უდგას გვერდით. არადა, ზვიადის მსგავსი განათლებული პატრიოტი მეორე არ ჰყავს დღეს საქართველოს.

30/VIII-25/XIX 91

დემოკრატიული რეფორმებისთვის მებრძოლი ოპოზიციის წინააღმდეგ ზვიადმა ერთ თვეში (2 და 21 სექტემბერს) ორჯერ გამოიყენა შეიარაღებული რაზმები.

საშინელებაა, რაც თბილისში ხდება.

ზვიადმა მისდაუნებურად ქართველი ერი ორად გაყო და ერთმანეთს დაუპირისპირა.

საქართველო განსაცდელის წინაშე დადგა.

ოპოზიცია გამაგრდა უნივერსიტეტის, ცირკის, ტელევიზიისა და ფილარმონიის შენობებში.

გულუბრყვილო, პოლიტიკაში გაუთვითცნობიერებელ მოქალაქეებს აქეზებენ, გაუსწორდით ქართულ ინტელიგენციასო.

რა ხდება?

26-30/IX 91

აიღეს შავნაბადა.

კიტოვანმა გვარდია ტელევიზიის შენობაში შეხიზნა. იქაა სიგუაც.  
ახლა ოპოზიცია მხოლოდ ტელევიზიის შენობაშია.

26 სექტემბერს ირაკლი ნერეთელმა დღის 1 საათზე გამოაცხადა: 4 საათზე შევიკრიბოთ და ზვიადის დასამხობად წავიდეთო.

მამინვე ავვარდი კიტოვანთან და სიგუასთან; იქ იყო ირაკლიც, ეს არ ჩაიდინოთ, სისხლი დაიღვრება, ხომ არ გაგიჟდით-მეთქი. უზუნაესი საბჭო-სკენ წასულ ხალხს ტყვიას დაუშენენ და თავდამსხმელები თქვენ იქნებით-მეთქი.

დამიჯერეს და უარი თქვეს ამ ნაბიჯზე.

როგორც ვატყობ, ესენიც დაბნეულები არიან, ვერ გადაუწყვეტიათ, რა გააკეთონ.

მე მოვითხოვ ეროვნული ყრილობის ჩატარებას, იქ საბუთიან მსჯელობას.

სხვა ნაბიჯი (დამხობა, გადმოგდება) დამლუპველია.

ვურჩიე ეს ოპოზიციის ლიდერებს, თავს მიქნევდნენ, მაგრამ საქმე არ ჩანს.

ამასობაში ზვიადი ყოველ საღამოს ოპოზიციის წარმომადგენლებს ბანდიტებად აცხადებს.

გადადგომაზე არც ფიქრობს.

კაცმა რომ თქვას, რატომ უნდა გადადგეს?

1/X 91

ინტერვიუ მივეცი ინგლისის ტელევიზიის წარმომადგენელს.

ვთქვი, რომ პრეზიდენტის ძალით გადაყენების მომხრე არა ვარ. არ ვემხრობი ხელისუფლების იმ წარმომადგენლებს, რომლებმაც – ქართველი ერი შუაზე გახლიჩეს და ერთმანეთს დაუპირისპირეს-მეთქი.

ვესაუბრე ვაჟა ადამიას (რუსთაველის ძეგლის უკან მერაბ კოსტავას ეზოში), რომელსაც საქართველოს რადიო ყოველ ათ წუთში ბანდიტად აცხადებს.

თუ ძმა ხარ, პროვოკაციას არ ნამოეგო, ხალხს ტყვია არ ესროლო-მეთქი.

არაო, ბატონო რეზო, მე მხოლოდ თავდაცვის მიზნით მაქვს ეს იარაღიო.

ხომ ხედავთ, მთელი ინტელიგენციის დაჭერას აპირებენო.

მანქანის მართვის მოწმობას უნდა „ფსიხოს“ – ცნობა და ქვეყნის მართვას არა? რატომ არ მოვითხოვთ ჯანმრთელობის ცნობა, ზოგიერთს როცა ვირჩევდით?

2/X 91

გუშინ მუხრან მაჭავარიანმა მწერალთა კავშირი დაკეტა.

2 საათზე სათათბიროდ შეკრებილი მწერლები შენობაში არ შეგვიშვეს და იძულებული გავხდით, მიტინგი ქუჩაში ჩაგვეტარებინა.

გამოვედით: გ. ფანჯიკიძე, თ. წიწნიაძე, მე, ნ. შატაიძე, ზ. კალანდია, თ. მალაფერიძე, ანზ. სალუქვაძე, ა. ვასაძე, ჯ. თითმერია, ნ. გაბრიჩიძე, დ. მჭედლური, კ. იმედაშვილი და სხვები.

დავადგინეთ: უნდობლობა გამოეცხადოს მ. მაჭავარიანს.



სასწრაფოდ დაინყოს მოლაპარაკება დაპირისპირებულ მხარეთა შორის. მონვეულ იქნას ეროვნული ყრილობა, რომელიც განიხილავს საქართველოს ხელისუფლების ბოლო თვეების საქმიანობას.

მოვუწოდეთ სხვა შემოქმედებით კავშირებს, გამართონ ანალოგიური მიტინგები.

### 3,4,5/X 91

კიტოვანის და ადამიას ნაწილები ქალაქიდან გავიდნენ თუ არა, გამსახურდია მამინვე გამოაცხადა ისინი დამარცხებულ პუტჩისტებად.

3-ში დილით პრეზიდენტის ძალებმა ალყა შემოარტყეს კიტოვანს (თბილისის ზღვაზე) და ცეცხლი დაუშინეს. ხალხი (ჩვენ) მამინვე შევიკრიბეთ მთავრობის სახლთან და მოვითხოვეთ, გამსახურდიას შეენყვიტა ძმათამკვლელი ომი.

გამსახურდიას აზვირთებული ხალხის შეეშინდა და ცეცხლის შეწყვეტის ბრძანება გასცა. ღამის 2 საათზე ხალხი რომ შეთხელდა, ვილაც პროვოკატორმა ბრძანება გასცა, ტყვიით გამასპინძლებოდნენ რუსთაველზე მდგომ ხალხს.

სასწრაფოდ აიღეს რუსთაველზე გამართული სულელური ბარიკადები. ვინც წინააღმდეგობა გაუწია, ცხვირში ძმარი ადინეს.

დილით უნივერსიტეტთან შეიკრიბა გაგიჟებული ზღვა ხალხი.

რალაც მიმართვას ხელი მოვანერეთ.

შაშხანიანი გვარდიელები რუსთაველზე „ნადირობენ“ სხვის ბინებში თავშეფარებულ დემონსტრანტებზე.

მოვიდნენ დეპუტატები. ნ. ნათაძეს და ე. შენგელაიას ეკითხებიან; სად არის კიტოვანი, ხომ დაგვაპირდა, როგორც კი სისხლი დაიღვრება, კვლავ შემოვალთ თბილისში.

არ ვიცითო, მხრებს იჩეჩავენ.

გაგზავნეს დეპუტაცია (ე. შენგელაიას ხელმძღვანელობით) კიტოვანთან. შემოთვალა, ტყვია-ნამალი არა მაქვსო.

მიტინგზე ირაკლი ნერეთელი მოუწოდებდა ხალხს, დავიდრათ სასახლისკენო, მაგრამ შეშინებული ხალხი არ გაჰყვა.

დღეს (5-ში) სალამოს სესიის საგანგებო სხდომაა მონვეული.

სესია რას გადაწყვეტს? იგი ყველა ოპოზიციონერს პუტჩისტებად გამოაცხადებს და პასუხისგებაში მისცემს.

გამთენიისას ვაჟა ადამიას მამა ვნახე.

არ ვიცი ვაჟა სად არის, ალბათ, მცირე რაზმით ტყეში გაიხიზნაო.

ის, რაც ხდება, ისტორიული დანაშაულია. არ შეიძლება, არ გვეკადრება ზვიადის დამხობა.

### 6-11/X 91

სესიაზე მაგრად გაიბრძოლეს „ფრაქციონერებმა“, მაგრამ მათი ხმა არავინ იღო ყურად.

ზვიადმა თავისი გაიტანა.

აკ. ასათიანი არადემოკრატიულად აწყვეტინებდა ხმას „უმცირესობას“.

დაადგინეს, სექტემბერ-ოქტომბრის მოვლენები ჩაითვალოს პუტჩად (სახელმწიფო გადატრიალების ცდად) ყველა გამომდინარე შედეგებით.

ხელისუფლებას უკვე აღარ ენდობა ბევრი, განსაკუთრებით 4-5 ოქტომბრის შემდეგ, მაგრამ ძალა ჯერ კიდევ მის ხელშია. ხომ უნდა გავითვალისწინოთ, რომ ორივე მხარეს ქართველები დგანან. არ შეიძლება ასე. არ არიან მართლები სიგუა და კიტოვანი.

მწერლებს გვინდოდა ნაღმა (ხალხისკენ) შემოგვებრუნებინა ამპარტავანი ხელისუფლება, მაგრამ დავმარცხდით. ზვიადი ზიზლით გვიცქერის.

მეო, 8 ოქტომბერს განაცხადა, რომ გადავდგე, საქართველო არსებობას შეწყვეტსო. კანალიზაცია აღარ იმუშავებსო. იქნებ მართალია, მაგრამ პრეზიდენტმა ნერვები უნდა მოთოკოს.

12/X-10/XI 91

ვერ მოვიცალე დღიურებისთვის.

თავბრუდამხვევი, გამოაგნებული ამბები ხდება.

დეპუტატმა ავთ. რცხილაძემ თ. ნივნივადეს სასამართლოში უჩივლა.

დაინიშნა სასამართლო. მოსამართლესთან შევედით თამაზი, ნ. გრიგალაშვილი, ნ. ნათაძე, თ. ნინიძე, კ. გაბაშვილი და მე. რა ხდება-მეთქი. მწერლის სასამართლო 1906 წლის მერე (აკაკი რომ გაასამართლეს) არ ყოფილა-მეთქი.

რცხილაძეს შეეშინდა სასამართლოს წინ მოზღვავებული ხალხისა და არ გამოცხადდა. არც მომდევნო სამშაბათს მოვიდა.

სასამართლოდან მე და ირაკლი აბაშიძე ერთად წამოვედით. ბატონი ირაკლიც გულდამდღურულია.

5 ნოემბერს ზვიადი შეხვდა „ინტელიგენციის“ წარმომადგენლებს. დარბაზში უნიჭო ფუნქციონერები და რენეგატი, ხელმოცარული მეცნიერები ისხდნენ.

ვინმე ფოჩხუამ, რეჟისორმა ლალი ნიკოლაძემ (!) გიზო კეკელიძემ ოპოზიციური ინტელიგენციის მიმართ რეპრესიები მოითხოვეს.

თვით პრეზიდენტის გამოსვლა საშინელება იყო: ნ. ნათაძე და ე. შენგელაია მანქანის ქურდობაში დაადანაშაულა.

მწერლებს, მეცნიერებს, ვინც ზვიადს ტაშს არ ვუკრავთ, ბანდიტები გვინოდა.

ხშირად ვეკითხები ჩემს თავს: ვის მხარეს ვარ მე?

ვასკვნი, რომ არც ზვიადის მხარეს ვარ და არც ამ აქტიური, მღელვარე ინტელიგენციის. ორივე მხარეს საქართველო ძმათა ომისკენ მიჰყავს.

11/XI-20/XI 91

17 ნოემბერს გალაკტიონს ასი წელი შეუსრულდა.

რადიო-ტელევიზია ხმას არ იღებს. ხელისუფლებას, ჩანს, გალაკტიონი არ ახსოვს.

ჩამოვურეკე მწერლებს, ნაცნობებს და გავედით გალაკტიონის ძეგლთან.

ორასამდე კაცი მოგროვდა.

ირაკლი აბაშიძეს ვთხოვე; თქვენ უხუცესი ხართ და გაუძეხით-მეთქი მიტინგს. სიამოვნებითო.

ასე რომ, მიტინგი მშვენიერი შესავალი სიტყვით გახსნა ბ-ნმა ირაკლიმ.

პირველი სიტყვა მე ვთქვი. მერე გამოვიდნენ ლაშა თაბუკაშვილი, აკაკი ვა-საძე, ნაირა გელაშვილი და დათო ტურაშვილი.

გამოსვლაზე უარი თქვეს ლევან სანიკიძემ, ნოდარ გურეშიძემ, ემზარ კვიციანიშვილმა, ვახტანგ ჯავახიძემ და სხვებმა.

ამ შეხვედრას ჩემთან ერთად ორგანიზატორობდა აქტიური, საქმიანი, განათლებული კობა ჯუღელი.

18 ნოემბერს უნივერსიტეტის წინ თბილისის სტუდენტობის მიტინგი გაიმართა.

ბრწყინვალე მიტინგი იყო. რა მშვენიერი იყვნენ სტუდენტები.

19 ნოემბერს მცხეთაში, სოფელ მუხრანში შეხვედრა მომინყვეს. ღირექ-ტორი ნოდარ ბლიაძე „ორპოზიციონერი“ აღმოჩნდა.

გამომსვლელები ერთხმად აღნიშნავენ: პირველად მიშველაძემ გააფ-რთხილა საქართველო მოსალოდნელი საფრთხის – ძმათა დაპირისპირების შესახებო.

სუფრასთან დიდხანს ტკბილად ვისაუბრეთ. წვეთი არ დამიღვია. იქვე მაცნობეს, დაპატიმრებულია მონარქისტი ჟორჟოლიანი.

21/XI-6/XII 91

ზვიადი კვლავ თვითნებურად იქცევა.

მის წინააღმდეგ ამხედრდნენ სტუდენტები, მაგრამ არც მათი დაჟინებ-ული თხოვნით ათავისუფლებს პოლიტპატიმრებს.

ჩვენ, მწერლები, ორიოდე გამონაკლისის გარდა (მაჭავარიანი, კალაძე, პეტრიაშვილი) ცუდ დღეში ვართ.

არავითარი სიტყვის თავისუფლება.

5 დეკემბერს უნივერსიტეტში გალაკტიონის 100 წლის იუბილე ჩავა-ტარეთ.

როინ მეტრეველმა კარგი შესავალი სიტყვით გახსნა.

კარგი რექტორია როინი.

მოსხენებები წავიკითხეთ რისმაგ გორდეზიანმა, კუჭუჭი დანელიამ, აკაკი ხინთიბიძემ, სოლომონ ხუციშვილმა და მე.

სალამოთი დიდი პოეზიის სალამო გაემართეთ. – ირაკლი, ზაურ ბოლქვაძე, ლია სტურუა, მიშა ქვლივიძე, ვახტანგ ჯავახიძე, ემზარ კვიციანი-შვილი, გრიშა ჯულუხიძე, თემურ ჩალაბაშვილი, ნოდარ გურეშიძე, ცნობილი არტისტები – თათია ხაინდრავა, ელდინო სალარაძე, ზურაბ ცინცქალაძე და ახალგაზრდა მწერალთა წრის წევრები გამოვიდნენ.

პირველი სიტყვა მე ვთქვი.

კარგი სალამო გამოვიდა.

7/XII-22/XII 91

დღეს 22 დეკემბერია.

მეორე დღეა ოპოზიცია მიტინგს აწყობს მთავრობის სახლთან და ცდი-ლობს აილოს ავტობუსის ჯებირი, ოთხ წყებად რომ შემორკალვია უზენაესი საბჭოს შენობას.

დღეს, დილის რვა საათიდან, როგორც რადიომ გვაუწყა, ოპოზიცია მ სასახლის იერიში დაიწყო.

რადიოში სროლის ხმა ისმის.

გავედი მანქანით, მაგრამ რუსთაველის ძეგლის იქეთ არ გამიშვეს და უკან დავბრუნდი.

ვრეკავ ტელეფონზე იმათთან, ვინც იქვე ახლომახლო ცხოვრობს. მეუბნებიან, რომ უზენაესი საბჭო ალყაშია, რომ ზვიადს წინადადებას აძლევენ, დატოვოს პრეზიდენტობის პოსტი და გადადგეს.

არ შეიძლება ამის გაკეთება. არა ვარ მომხრე შეიარაღებული ძალით ხელისუფლების გარეკვისა.

სამაგიეროდ, ზვიადმა და კომპანიამაც ძალიან გაალიზიანა ხალხი; ქედმაღლობით, მედიდურობით, ამპარტავნობით, წამდაუნუმ „მტრების“ და „აგენტების“ ძახილით.

იქნებ როგორმე მოილაპარაკონ, იქნებ სისხლი არ დაიღვაროს? ნუთუ ასე ძვირად უღირს ზვიადს თავისი ტახტი?

მანაც ველი გონივრულ ნაბიჯს. გიზო ნიშნიანიძე მირეკავს; არიან დახოცილები და დაჭრილებიო.

ღმერთო, გვიშველე!

რა ვქნა? როცა საქმეში შაშხანა ერევა, იქ მე ვინლა მომისმენს?

23/XII-3/1 92

თურმე, რა საოცარ დროში ვცხოვრობ.

თორმეტი დღეა თბილისში ნამდვილი ომია ქართველებს შორის. იქნებ მოსკოვი ხელმძღვანელობს ამ ოპერაციას?

დაიღუპა სამასამდე და დაიჭრა ხუთასამდე კაცი.

დანგრეულია რუსთაველის პროსპექტზე ყველა ლამაზი შენობა.

დაინვა ბანკი, I სკოლა, სასტუმრო „თბილისი“, მხატვრის სახლი (ყოფილი „ინტურისტი“), კავშირგაბმულობის სახლი...

ოპოზიცია დაჟინებით მოითხოვს ზვიად გამსახურდიას გადადგომას.

ზვიადი ჯიუტად ებლაუჭება პრეზიდენტის სკამს.

იღუპება საქართველო.

დამნაშავე მანაც ოპოზიციაა. ზვიადს, მიუხედავად შეცდომებისა, ისტორია გაამართლებს.

თავიდან ეს ყველაფერი ომობანას თამაშს ჰგავდა, მაგრამ თვალწინ მისი დაცვიდან თვრამეტი წლის ბიჭი რომ დაეცა, გულმა როგორ გაუძლო, არ გამოსულიყო და არ ეყვირა: შეჩერდით, ბავშვებს ნუ დახოცავთ, გადავდგებიო!

გადაუდგენენ ბესიკ ქუთათელაძე, ივანე ქელიძე, მურმან ომანიძე (!) ჯონი ხეცურიანი, ნოდარ გიორგაძე...

25 დეკემბერს გულმა აღარ მომიტმინა და გავარღვიე ოპერასთან ცოცხალი ჯვებრი. თეთრი პლაში გავიხადე და ავაფრიალე. უნდა მივიდე მთავრობის სახლთან და შუაში ჩავდგე. დაე, მომკლან. ოღონდ შეჩერდნენ. ძმები ერთმანეთს ნუ დახოცავენ.

ვიღაცამ ხელი მტაცა და ლამის ხელში აყვანილი უკან გამომათრია. შეიძლება ორივე მხარემ გესროლოს, რეზო, ახლა ისინი სრულ ჭკუაზე არ არიანო. ვიცანი, იურისტი კარლო გოგოტიშვილია, ჩემი სტუდენტობის მეგობარი.

რა დააშავე ასეთი, ჩემო უბედურო სამშობლოვ?!

ახალი წელი შავად გაუთენდა საქართველოს.

30-ში კგბ-ს ჯურღმულებიდან გაათავისუფლებს ქანტურია, იოსელიანი და ხაინდრავა.

იოსელიანმა „მხედრონი“ შეკრიბა და ოპოზიციას შეუერთდა.

ორი დღეა ტელევიზია ამუშავდა.

უჩვენებენ, როგორ ესროლა „ომონმა“ მშვიდობიან დემონსტრაციას – 2/IX, 16/IX, 21/IX, 24/IX, 5/X-ს.

დღეს გამოაცხადეს, დროებითი მთარვობა იქმნებაო.

ვნახოთ...

სად არის ახლა მუხრან მაჭავარიანი?

3/1-8/1 92

4 იანვარს, ღამით, 3 საათზე ზვიადი აიძულეს, თავისი ამალით ბუნკერიდან გაქცეულიყო.

სომხეთი, ქალაქ იჯევანში გადავიდა თავისი ამალით...

ვაი, სირცხვილო. მსოფლიოში თავი მოგვეჭრა. როგორ შეიძლებოდა პრეზიდენტის (თუნდაც ზვიადისთანა ნევრასტენიკის) გაძევება.

9/1-19/1 92

„ისევ აგორდა თვითმობრავი ქური“.

ზვიად გამსახურდია სომხეთიდან ჩეჩნეთში გაფრინდა.

9 იანვარს ტელევიზიით გამოვედი და ჩემი აზრი გამოვთქვი იმის შესახებ, რაც მოხდა, რატომ მოხდა, რა შეცდომები დაუშვა გამსახურდიამ და რაში შეცდა ჩვენ – ოპოზიციას.

„მხედრონის“ ქალებმა დამირეკეს და დედა მაგინეს. ველოდი, მაგრამ მე ხომ არცერთ მხარეს არ ვამართლებ. იმთავითვე შერიგებას ვქადაგებდი.

გარდაიცვალა რევან ინანიშვილი, დღეს ვასაფლავებთ ირაკლი აბაშიძეს. ამ ორ უძვირფასეს ცხედარს ღირსეულად ვერ დაიტვირთებს სამოქალაქო ომის საფრთხის წინაშე მდგარი, დაბნეული, ცრემლგამშრალი საქართველო.

მწერალთა კავშირის პრეზიდენტი სხდომა გავმართეთ, როგორც იქნა.

გადადგა მუხრან მაჭავარიანი, გადავაყენეთ ხუტა ბერულავა.

ავირჩიეთ კომისია 15 კაცის შემადგენლობით, რომელიც უხელმძღვანელებს მწერალთა კავშირი მოამზადებს ყრილობას. კომისიაში რატომღაც მეც დამასახელეს. თავმჯდომარეა გურამ ფანჯიკიძე. „ლიტერატურული საქართველოს“ რედაქტორად თამაზ ნივნივაძე ავირჩიეთ, „ცისკრიდან“ თეიმურაზ დოიაშვილი დავითხოვეთ და დათო მალრახე გავარედაქტორეთ, დათო ზრდილი ყმანვილია.

რამ გააგიჟა ეს დინჯი და ჭკუადამჯდარი ერი? როგორ შეიძლება კერპად აქციო ვინმე? გადავხედოთ, ვინ მოვიდა ზვიადის ადგილას? კიტოვანი და ჯაბა. რომელია ზვიადიზე დიდი პატრიოტი?

ვისი გულისთვის იწყებენ სამოქალაქო ომს?

ჭკუასუსტია ყველა, ვინც მზადაა თავის სკამისთვის საქართველოში სისხლის გუბე დააყენოს?

თბილისის ომი ძალაუფლებისთვის ომი იყო.

ორივე მხარეს საქართველოს პირტიტველა ავტომატიანი ბიჭები ფეხებზე ეკიდა.

20/1-30/1 92

საქართველოში სამოქალაქო ომია.

ქუჩაში ავტომატიანი ბიჭი გავაჩერე.

ვის უნდა ებრძოლო, შვილო, ვის უნდა ესროლო-მეთქი. იქითაც და აქეთაც მოტყუებული ქართველები არიან-მეთქი. ნუ გეშინია, ქართველებს არ ვესვრიო. დაქირავებული რუსების და ჩეჩნების ჯინი მჭირსო.

ეროვნულმა გვარდიამ ბრძოლით აიღო სამტრედია, აბაშა (ქუთაისის წინააღმდეგობა არ გაუწევია), სენაკი. ბოლოს 27-29-ში ფოთი და ზუგდიდი „დაეცა“.

ზვიადი გროზნოში გაიქცა.

თბილისში დემონსტრაციები გრძელდება.

მოკლეს ბერდია ბერიამვილი...

ვინ რას ერჩოდა პოეტ კაცს, რა დააშავა?

თოფით ხელში ვმორიგეობთ ჩვენი სახლის დასაცავად.

31-3/II 92

თბილისი კვლავ აბობოქრდა.

ყოველდღე მიტინგ-მანიფესტაციებს მართავენ.

მიუხედავად იმისა, რომ სამხედრო წესებია გამოცხადებული, ხალხი გააფთრებით მიიწვეს დროებითი მთავრობის რეზიდენციისკენ, აწყობენ პიკეტირებას, რათა სიგუა კაბინეტში არ შეუშვან, ესვრიან ქვებს, უშვერი სიტყვებით ილანძღებიან.

1 თებერვალს სპორტის სასახლეში თბილისის მცხოვრებთა კრება გაიმართა. სიტყვით გამოვედით: მერაბ ალექსიძე, მე, ოთარ მელვინეთუხუცესი, გიგა ლორთქიფანიძე, ჯანსუღ კახიძე, ბუბა კიკაბიძე, ირაკლი ნერეთელი...

ვთქვი: სნგ-ში შესვლის წინააღმდეგი ვარ-მეთქი, რუსის ჯარის სტატუსის შეცვლის წინააღმდეგი ვარ-მეთქი, ჩვენ დაპყრობილი, ანექსირებული ქვეყანა ვართ და რუსის ჯარს ზვიადმა სწორად მისცა ოკუპანტის სტატუსი-მეთქი. ძალადობის წინააღმდეგი ვარ-მეთქი. მე თოფით ხელში თბილისს ვდარჯაობ-მეთქი. ყველამ უნდა დავიცვათ პოლიტიკურ მაფიათაგან ჩვენი ღირსება, ჩვენი ოჯახის სინძინდე და პატიოსნება-მეთქი. ამით ჩვენ საქართველოს დავიცავთ-მეთქი.

დარბაზს მოეწონა, მაგრამ ტელევიზიით არ გადასცეს. ჩანს, ახალი ხელისუფლების თვალსაზრისს ზვიადზე მთლად არ ვეთანხმები, და ამიტომ.

2 თებერვალს გვარდიამ დემონსტრანტებს ესროლა. მოკლა 1, დაჭრილია 20 კაცი. ცუდი ამბავია. გამოსავალი?! ესენი ზვიადზე უარესს იზამენ.

4/II-10/III 92

ათასი პრობლემა ერთად დამეცა თავზე და დღიურების საწერად ვერ მოვიცალე.

ჯერ იყო და კათედრის წევრი, სათნოებით აღსავსე ქალი, ღია შატბერ-აშვილი, გარდამეცვალა.

მერე 5 მარტს სატელეფონო მუქარა აღმისრულეს, მამისეული სახლი დამინვეს. ვინ დაიღო ეს ცოდვა? გადაჭრით ვერავის დავაბრალებ. ერთი კია:

არც ზვიადისტებს ვენახები გულზე და არც შევარდნაძისტებს.

ლამის ოთხ საათზე სახლს „გაურკვეველი მიზეზებით“ (როგორც სახანძრომ დაასკვნა) ცეცხლი გაუჩნდა. დაინვა ყველაფერი. ქალაქის ნაგლეჯიც არ გადარჩა.

ალბათ, მხოლოდ განგებას შეეძლო ჩემი ბებერი მშობლების და ძმის (თავისი სამი შვილით) გამოყვანა იმ სტიქიიდან.

სახანძრო მოვიდა და უზენზინობის გამო წყალს ვერ ტუმბავდა თურმე. რით გავამხნევო, რა ვუთხრა ჩემებს, გაფიქრებაც კი მზარავს იმისა, რომ ეს ყოველივე ჩემი მიზეზით მოხდა.

არა, ქართველი კაცი მე ასე არ გამიმეტებდა.

ჯერ ერთი, მე ნეიტრალურ პოზიციაზე ვიდექი თავიდანვე და მეორეც, რა შემატყვევს შევარდნაძისტებმა, რომ ჩემი დამინება ეგრე „იოლად“ შეიძლება.

სახლის დანვა რა დაშინების ან ზემოქმედების ფორმად, ნეტავ? ნუთუ მე იმის მიხედვით შევიცვლი აზრს დიქტატორზე ან სამხედრო ხელისუფლებაზე, სახლს დამინვავენ თუ ამიშენებენ?

9 მარტს საქართველოში შევარდნაძე დაბრუნდა.

მე არ ვეკუთვნი შევარდნაძით აღფრთოვანებულთა რიცხვს. მისი „მეფობის“ წლები საქართველოში კარგად როდი მახსოვს.

ეჭვი მღრღნის, იქნებ სულ სხვა მიზნით გამოგზავნა რუსმა შევარდნაძე?

10/III-26/III 92

25-ში მწერალთა XI ყრილობა ჩავატარეთ...

„კარვის ქალებმა“ ყრილობის დანწყების წინ მოედანზე დანვეს ჭაბუას, მორის ფოხიშვილის, შ. ნიშნიანიძის, ჩემი, ოტია იოსელიანის, გ. ფანჯიკიძის, ჯანსულის, ტ. ჭანტურიას, რ. ჭეიშვილის და სხვათა ნიგნები. მათ შორის თურმე - ნ. ნათაძის რედაქტორობით გამოცემული „ვეფხისტყაოსანიც“.

ყრილობის დანწყების წინ მუხრანი განცხადებით გამოვიდა - მეო, ეს ყრილობა და საერთოდ გამსახურდიას დამხობა უსამართლობად მიმაჩნია და მომყევით, ვინც ჩვენთან ხართო.

უკან გაჰყვა 15-მდე კაცი. მათ შორის ხუტა, ელიზბარ ჯაველიძე, სოლომონ დემურხანაშვილი, თ. დოიაშვილი და სხვანი.

გამოვედი მოკლე სიტყვით; მწერლობის საქმე ახლა გახლენილი ერის გამთლიანებაა-მეთქი. თავმჯდომარედ გ. ფანჯიკიძე ავირჩიეთ, მოადგილედ - რ. ჭეიშვილი.

27/III-7/IV 92

ისევ აირია ქვეყანა (თუმცა როდის დაენყო).

რადიო აცხადებს: ზუგდიდიდან დაიძრა ზვიადის მომხრეთა 500-კაციანი ლაშქარი. დაიპყრეს აბაშა, სენაკი, ხობი, ფოთი. გამოყარეს ადგილობრივი ხელისუფლება და ზვიადისეული პრეფექტები დააბრუნესო.

თბილისიდან დაიძრა გვარდია.

„აილეს“ ფოთი, ზუგდიდი, აბაშა, ხობი... დარბეულმა ზვიადისტებმა თავი აფხაზეთს შეაფარეს. აფხაზეთმა შეიფარა ლტოლვილები და ენგურს-მომდგარ გვარდიას გზა ტანკებით გადაუკეტა.



საქართველომ არ გაბედოს დამოუკიდებელი აფხაზეთის დაპყრობა, თორემ სისხლი დაიღვრება და ჩრდილოეთიდან მაშველ ძალებს ვუხმობთო, არძინბამ.

„მაშველნი“ ჩეჩნები და რუსები არიან.

ასე მოგვიწყოს საქმე ჩვენმა უთავობამ.

საქართველოს ისტორიის მთელს მანძილზე პირველად ვერ შევდივართ ჩვენს მიწაზე – აფხაზეთში.

ახლა კი ამკარად ჩანს, რომ ეს ომი რუსების ინსპირირებულია.

რუსის იმედი რომ არ ჰქონდეს, არძინბა რას გაბედავდა!

8/IV-12/IV 92

ათ აპრილს მწერალთა კავშირში ედუარდ შევარდნაძე გვეწვია.

თავის გამოსვლაში სამჯერ თქვა – მწერლობა ერის საამაყო ნაწილიაო.

ეს ერთგვარი რეაბილიტაცია, ცნობა იყო ქართული მწერლობისა ამ უკანასკნელი ორი წლის ფონზე – როცა ხელისუფლება მწერლობის ლანძღვის მეტს არას აკეთებდა.

სიტყვები ვთქვი: გ. ფანჯიკიძემ, რ. ჯაფარიძემ, გ. გვერდნითელმა, მე, ჯანსუღ ჩარკვიანმა, ა. სულაკაურმა, რ. ქეიშივილმა.

მე, პირადად, კმაყოფილება გამოვთქვი ხელისუფლების წარმომადგენლის მწერალთა კავშირში მოსვლის გამო და ვკითხე: რატომ არ გვეცნობს რუსეთი, ხომ არ შევდივართ სნგ-ში (თანაც გავაფრთხილე, თუ სნგ-ში შევალთ, მე ასეთ მთავრობასთან არ ვითანამშრომლებ-მეთქი), რატომ აწერია ჩვენს პასპორტებს კვლავ „გრაჟდანი სსსრ?“ რატომ არ გადის რუსის ჯარი? ნუთუ მართლა ვერ შევალთ ჩვენს ისტორიულ მიწაზე აფხაზეთში? სანამ იქნება დახლები ცარიელი? ყველა კითხვაზე პუნქტ-პუნქტად მიპასუხა. ვერ დავმაღავ, დინჯად, აუჩქარებლად გამოვიდა.

ნუ ვიჩქარებთო, ჩვენ ურთულეს ეპოქაში ვცხოვრობთ და ყოველი ნაბიჯი შეიძლება საბედისწერო აღმოჩნდესო.

11 აპრილს იმ შეხვედრის ჩანაწერი (შემოკლებით) ტელევიზიამ გადასცა. ესენგეში შესვლაზე ლაპარაკიც ზედმეტიაო; შევარდნაძემ, ვნახოთ, როგორ შეასრულებს დანაპირებს.

13/IV-9/IV 92

საქართველოში რუსის ორგანიზება-წაქეზებით დივერსია დივერსიაზე ხდება.

აფეთქებენ ხიდებს, წყალსადენებს, რკინიგზებს, ცეცხლს უკიდებენ დანესებულელებს, აშინებენ მშვიდობიან მოქალაქეებს – გაფიცვას შეუერთდით, სამუშაოდ არ გახვიდეთ, თორემ მოგასობთო.

თბილისში, ხელისუფლებაში განხეთქილებაა. შევარდნაძე და სიგუა ერთმანეთს დაუპირისპირდნენ. შევარდნაძე სიგუას ადანაშაულებს უმეცრება-უმოქმედობაში და ფასების თვითნებურად ზრდაში, სიგუა კი, მე მგონი, უკმაყოფილოა იმის გამო, რომ შევარდნაძის ჩამოსვლის შემდეგ „მეორე პლანზე“ აღმოჩნდა. სინამდვილეში, შევარდნაძეს ბრალს სდებს რუსიფიკატორულ პოლიტიკაში.

ჯანდაბას ყველა მთავრობა, მე იმას ვდარდობ, რომ ხალხს უჭირს. ადამიანები შიმშილით იხოცებიან. გახშირდა ბანდიტიზმი, შარაგზის ყაჩაღობა, სახლებში შევარდნა გვარდიელის ფორმაში გამოწყობილი მძარცველებისა. ავტომატიანი ლანჩირაკები ქვეყანას ანიოკებენ. გამკითხველი არავინ არის.

2 მაისს ნითელწყაროში (დედოფლისწყარო) მიმინვიეს. შეხვედრაზე, რაც შემეძლო, ობიექტურად ვილაპარაკე. ახალ მთავრობასაც უკვე დავუპირისპირდი, რადგანაც ვატყობ, ქვეყანას არც ესენი შველიან-მეთქი. ვილაც მოხუცი ქალი შეხვედრის შემდეგ ქუჩაში გამომყვა, შვილო, თავს გაუფრთხილდიო.

„საქართველომ“ ვინმე თამარ აბულაძის წერილი გამოაქვეყნა – მიშველაძეების სახლი „გაზის მოვარდნის“ გამო დაინვაო. იძულებული გავხდით 8 მაისს გაზეთში „მეპასუხნა“ და გაზის სამმართველოდან ცნობა მომეტანა, რომ გაზის მიზეზით სახლი არ გადამწვარა, ესეც არ იყოს, მე ხომ გადაჭრით არავისთვის დამიბზალეხია. ნ. გრიგალაშვილი ვაჟკაცი ბიჭია, მაგრამ, ჩანს, შეცდომაში შეიყვანეს.

„ლიტერატურულმა საქართველომ“ მიკბინა, „სალაღობო კალენდარში“ (რომლის რედაქტორიც მე ვარ) რუსთაველია „ნაბურთავებიო“. 8 მაისის „ლიტ. საქართველოში“ ვუპასუხე.

საოცარი ამბავია; გგონია, საქვეყნო საქმეს აკეთებ, დიდ პრობლემებს და ერის ბედს სჯი, შენი ჭკუით. მოგეპარება ქურდულად შურიანი ფინია და კანჭზე თავის შხამიან კბილებს ჩაგასობს.

თბილისში პროკლამაციები დაყარეს – 26 მაისამდე აჯანყებას ვაპირებთ, კანონიერი პრეზიდენტი უნდა დავაბრუნოთ და შეიარაღდით, ვისაც გული გერჩითო.

ქვეყანა სამოქალაქო ომის მიჯნაზეა.

ჰაერში დენტის სუნი ტრიალებს.

10/V-30/V 92

25-26 მაისს თბილისში ამერიკის სახელმწიფო მდივანი ბეიკერი სტუმრობდა. თან ახლდა ნატოს ჯარების სარდალი, ამერიკაში ცნობილი გენერალი ჯონი (მალხაზ) შალიკაშვილი. ბეიკერიც შევარდნაძესავით უშიშარი აღმოჩნდა. ორივენი შიმველი ხელებით მოვიდნენ რესპუბლიკის მოედანზე. გზა გაიკვლიეს ოციათას ჭრელი ორიენტაციის ქართველთა შორის და სიტყვებით გამოვიდნენ.

ჩვენ ტაშით ვხვდებოდით ბეიკერს, მაგრამ რუსეთი გაგვინანყენდა.

რუსეთი ხომ იმპერიის დაშლას ჯერ არ აპირებს.

როგორ გაბედა ურჩმა (ჯერ კიდევ თავისად გვთვლის) საქართველომ დამოუკიდებლად ბეიკერის მონვევაო.

ადგა და იმ დღესვე ჩრდილოეთ ოსეთს დაავალა საქართველოსთვის გაზი გადაეკეტა.

მეხუთე დღეა უგაზოდ ვართ. ე.ი. საჭმელს ვერ ვამზადებთ, პურს ვერ ვაცხობთ. კატასტროფული რიგებია.

მოსკოვი გვემუქრება, თუ ჭკუაზე არ მოხვალთ, დენსაც გადაგიკეტავთო.

ესეც შენი „კეთილი რუსი“.

მწერალთა კავშირში გამგეობის სხდომა გვექონდა, მიგველო თუ არა მონაწილეობა საკავშირო მწერალთა ყრილობაში. ჭაბუამ და თამაზ ჭილაძემ განაცხადეს: უნდა მივიღოთო. მე და აკაკი ბაქრაძე კატეგორიული წინააღმდეგი წავედით.

ბოლოს გადაწყდა. მეთვალყურედ ორი კაცი გავაგზავნოთ.

საერთოდ, ერთხელ და სამუდამოდ ჩვენ მაინც გამოვიდეთ ამ მონური სტრუქტურებიდან, რაკი საქართველო ჯერ კიდევ ვერ გამოდის-მეთქი.

მოსკოვში, ლიტფონდის რესტორანში გაზრდილ რუსოფილებს ამკარად არ ესიამოვნათ ჩემი რადიკალიზმი.

რით დამთარვდება გაზის ბლოკადა? ნუთუ დააჩოქებს რუსეთი საქართველოს?

28 მაისს ზუგდიდიდან შევარდნაძის „გვარდია“ გამოაძევეს.

გვარდიაც სამარცხვინოდ იქცევა ამ ბოლო დროს.

ამბობენ, ჯარისკაცები ბანდიტობენ მაშინ, როცა ქართველი ხალხი უნდა დაიცვას გარეშე მტრებისგანო.

სოხუმში დააპატიმრეს მოლოდინაშვილი.

დავწერე ნოველა „ნეკროლოგი სიკვდილის მიზეზს არ იუნყებოდა“.

ჭირდება ვინმეს? არის ახლა ლიტერატურის დრო?

1/VI-15/VI 92

9-ში შემოქმედებითი კავშირების გაერთიანებული პლენუმი ჩავატარეთ. გ. ფანჯიკიძემ და გ. ლორთქიფანიძემ თ. სიგუა გააკრიტიკეს, თურმე სახელმწიფო საბჭოზე უთქვამს: თუ თეატრები და გამოცემლობები თავს ვერ ინახავენ, დაეზუროთო.

11-ში ახალციხეს გავემგზავრეთ უნივერსიტეტის ძველი ავტობუსით. იქ პირველი საუნივერსიტეტო კონფერენცია ჩატარდა და მოხსენება წავიკითხე. „სამცხე-ჯავახეთი“ თანამედროვე ქართულ ლიტერატურაში“. მქონდა შეხვედრები იქაურ მწერლებთან, მსახიობებთან.

კონფერენცია კარგად იყო მოწყობილი.

მესხეთის უნივერსიტეტის (ჩემი წინადადებით ახალციხის უნივერსიტეტის ნაცვლად „მესხეთის უნივერსიტეტი“ უწოდეს). ახალგაზრდა რექტორი – მერაბ ბერიძე – საქმიანი, ნიჭიერი კაცია.

11 ივნისის გაზეთ „წიგნის სამყაროში“ ჩემი ინტერვიუ გამოქვეყნდა. მესაუბრა ჟურნალისტი მზია ნარმანია. პროტესტი გამოვთქვი ე.წ. სახელმწიფო საბჭოში მწერალთა სიჭარბის წინააღმდეგ, გავაკრიტიკე სახელმწიფო საბჭოს პოზიცია თურქი მესხების ჩამოყვანასთან დაკავშირებით.

ვ. გოგუაძემ (საბჭოს მდივანი) თავდაჭერილად მაგრძნობინა, შევარდნაძეს არ ესიამოვნაო.

რა ექნა. მთავრობების ცვლა ზოგიერთივით ჩემს პრინციპებს ვერ შემაცვლევინებს.

ივნისის პირველ რიცხვებში ტელევიზიით გამოვედი და ვთქვი: რატომ სდუმს ჩვენი მეგობარი დასავლეთი. რატომ არ უგზავნის ბეიკერი ნოტას რუსეთს გაზი რომ გადაგვიკეტა-მეთქი. ან ჩვენი სახელმწიფო საბჭო რატომ არ აკეთებს განცხადებას მსოფლიოს გასაგონად-მეთქი?

არც ეს ესია მოვინებოდა შევარდნაძე-სიგუას.

ახალციხეში გავიცანი ორი კარგი ქართველი – იური გელაშვილი და რაგული სამოსონიძე. საქმის ხალხი. გელაშვილმა, სათევზე მინდოდა გამე-მართა, დავინყე კიდევ ეს საქმე, მაგრამ იმდენი თოფიანი კაცი დამესია (ფულის გამოძალვის მიზნით), რომ იძულებული ვარ ან თავი დავანებო, ან ავტომატის მითმე დავიქირავო, რათა დამიცვასო. იქვე იყო ჩემი მეგობარი პროკურორი გონა მარტინენკო.

მინდა, თუ მშვიდობა იქნა, ორი თვით ჩავიდე მესხეთ-ჯავახეთში და ნოველების ციკლი შევექმნა.

#### 16/VI-23/VI 92

მწერალთა კავშირში პროზის სექციის სხდომა გაიმართა.

ფარული კენჭისყრით პროზის სექციის თავმჯდომარედ ამირჩიეს.

გეგმა შევადგინე და ნანა კანდელაკს ჩავაბარე. მინდა ახალგაზრდა მწერლებს დავეხმარო, ჩრდილში მირჩენილთ მოვეფერო და გული გაუუკეთო – ერთი სიტყვით, მწერლებს შრომა გაუუადვილო – თუ ღმერთმა დაძაგალა. მწერალთა კავშირი გამოცოცხლდა.

ჩავატარეთ აკაკის – 150 წლისთავის იუბილე. ისე ჩატარდა, როგორც დღევანდელ საქართველოს შეეფერებოდა; მომჭირნედ (საზღვარგარეთელი სტუმრები ვერ მოვიწვიეთ), ცოტა ნაჩქარევად (დრო ცოტა გექონდა), მაგრამ მაინც კარგად და სასიამოვნოდ.

ხალხი შიშით იჯდა ოპერის დარბაზში. ნუთუ მართლა იუბილესთვის მოვიცალეთ, ემანდ არ აგვაფეთქონო.

აფეთქებაზე გამახსენდა: თავისი სახლის წინ მანქანა აუფეთქეს და მოკლეს „მხედრონის“ აქტიური ნევრი თამაზ ყურაშვილი („ბუღა“).

ცხინვალთან უკვე რუსებმა (პირდაპირ რუსებმა არა, – ოსების ხელით) შემოგვიტიეს ვერტმფრენებითა და ტანკებით.

შევარდნაძემ მსოფლიოს მიმართა – რუსების აგრესია დაიწყო და გვიშველეთო.

რუცკოიმ (რუსებს შევარდნაძე, მგონი, უკვე აშკარა მტრად მიაჩნიათ) შევარდნაძის განცხადებას ანტირუსული და ცინიკური უწოდა.

დამთავრდა რუსთან მეღიაობის და კატა-თაგვობანას თამაშის პერიოდი, დროა საგნებს თავისი სახელი დავარქვათ: დამპყრობელია – მორჩა და გათავდა.

დამპყრობლის, აგრესორის ჯარი კი უნდა გავიდე საქართველოდან.

რატომ სდუმს დასავლეთი?

სად არიან ჩვენი მეგობრები ბეიკერი და გენშერი?

ისევ ის ხდება, რაც 1918-21 წლებში მოხდა. მსოფლიო თავს არ გამოიდებს და ისევ ჩაგვტოვებს რუსების პირში.

„ცისკრის“ რედაქტორად რედაქციამ წამოაყენა ზაურ კალანდია. მე მხარს ვუჭერ. კარგი, ნიჭიერი, ზრდილი ყმანვილია.

#### 24/VI-29/VI 92

ოცდაოთხ ივნისს, დილის ექვს საათზე, ჩემმა დამ – ნათელამ დამირეკა: ვილატებმა ტელევიზია და ტელეფანდა აიღესო.

ვეცით რადიოს. ლაპარაკობდა ვალტერ შურლაია: შევარდნაძის და

სიგუას ხუნტა დამხობილიაო. ვინც ახლა ჩვენს მხარეს გადმოვა, წარსულ შეცდომებს ვაპატიებთო. მოდით, მოგროვდით ყველა ტელევიზიასთანო.

დაახლოებით 7 საათზე რადიომ ხმა გაკმინდა, სამაგიეროდ, შევარდნადის რადიო ჩაირთო: სიმშვიდე შეინარჩუნეთო, ბანდიტები ალყაშემორტყმულნი არიან და მალე დავაპატიმრებთო.

ვერ დავმალავ. სახლიდან გასვლის სურვილი არ გამჩენია. ანგელოზებს ვერც ერთ მხარეს ვერ ვხედავ, როგორმე უჩემოდაც აუვლენ-მეთქი ერთმანეთს. ყოველ შემთხვევაში – იზა ორჯონიკიძის და შევარდნადის სახელმწიფო საბჭოს დაცვის დიდი წადილი არა მაქვს. იმასაც ვერ დავმალავ, რომ მეცოღებოდა გამსახურდიას მიერ მოტყუებული ხალხი და განსაკუთრებით ვალტერ შურლაია. მოსკოვში პრესკონფერენციების გასამართავად რომ ვიყავით მწერლები, ერთ ოთახში გვეძინა მე და შურლაიას. ზრდილობით სავსე, კეთილშობილ ბიჭად დამამახსოვრდა – თანაც ფანატიკურად შეყვარებული ჩანდა ზვიადზე.

მოკლედ, პირველ საათზე გამაყრუებელი სროლა მიწყნარდა და გამოაცხადეს – ბანდიტები დავაპატიმრეთო. 5 კაცი მოკლეს, იქეთ-აქეთ. დაილენა ტელევიზიის შენობა, დააპატიმრეს სამოცამდე.

23-ში ღამით ნანა წითელაშვილის (ჟურნალისტი) მოწვევით აკაკი ძიძიგური, გიორგი ჭანტურია და მე ტელევიზიაში გახლდით, ჩანერა გვექონდა 12 საათზე, შუალამისას, ერთად გამოვედით. კარებში ორ მომცრო მილიციელს ვუთხარი კიდევ: ბიჭებო, ამაღამ ტელევიზიაზე თავდასხმა რომ მოხდეს, თქვენს იმედზე ვართ-მეთქი? გაიცინეს, არა, ბატონო რევაზ, სრული სინყნარეაო. კარგი სინყნარე ყოფილა: ზუსტად სამი საათის შემდეგ ტელევიზია აულიათ.

რომ იტყვიან, ერთ ფეხზე გამოვასწარი.

იმავე დღეს, 24-ში მთელ საქართველოში მოხდა თავდასხმები. ზუგდიდში, წალენჯიხაში, აბაშაში, ხობში, მარტვილში, სენაკში... აფხაზეთში თავს დაესხნენ შინაგან საქმეთა მინისტრს – ლომინაძეს. სცემეს და კაბინეტიდან გამოაგდეს.

იმავე დღეს შევარდნაძე დაგომისში გაფრინდა და ელცინს შეხვდა. მოლაპარაკება, როგორც გაზეთები იუწყებიან, საქართველოსთვის სასარგებლო იყო. არ მჯერა.

ვნახოთ, რა იქნება ხვალ.

30/VI-9/VII 92

4 ივლისს წალენჯიხაში თავს დაესხნენ სკოლის შენობაში დაბანაკებულ „მხედრიონს“. იქვე იყო ჯაბა იოსელიანი და, როგორც მერე გაირკვა, მწერალი ლაშა თაბუკაშვილიც.

ცხრა საათის გააფთრებული ბრძოლის შემდეგ მხედრიონელებს ტყვიანამალი გაუთავდათ. ერთმანეთს შეჭფიცეს, ცოცხლად არ დანებებოდნენ „მტერს“ (ვაი, ასეთ საქართველოს!) და სწორედ მაშინ, როცა ყველა იმედი გადანურული იყო, საიდანღაც გაჩნდა ქუთაისის ბატალიონი და მხედრიონელები გადაარჩინა.

ოცამდე კაცია მოკლული და სამოცამდე დაჭრილი.

იმ საღამოსვე შევარდნაძემ ზვიადს ფაშისტი, ხოლო მის მომხრეებს ფაშისტები უწოდა (ესეც შენი ნერვებდანყობილი შევარდნაძე), იქვე განაცხადა,

ზუგდიდთან გაძარცვეს მატარებელი და ძარცვაში 1500 კაცი მონაწილეობდაო. ეს კი მთელი სამეგრელოს ყაჩაღად გამოცხადებას ნიშნავს. იქნებ 1443 კაცი იყო? როგორ შეიძლება ასე გაუჯავრდე მთელს სამეგრელოს?! არ მომწონს ეს ამბავი. არც ის მომწონს, ტელევიზიამ ყვარელში მხედრიონის წევრის დასაფლავება რომ უჩვენა და ჟურნალისტმა კომენტარი გაუკეთა – მტერმა მოგიკლათ ეს შვილი, კახელებო.

რაო, კახეთს ვაქეზებთ სამეგრელოზე?

არც ოსეთის და აფხაზეთის მიმართ ზედმეტად დამთმობი პოლიტიკა მომწონს.

ღმერთმა ჰქნას, ვცდებოდე. იქნებ შევარდნაძე უფრო ღრმად და შორს ხედავს!

ალბათ...

10/VII-27/VII 92

ერთიმეორეზე უარესი ამბები ხდება:

ნალენჯიხასთან ახლოს, თავს დაესხნენ მინისტრთა კაბინეტის თავმჯდომარის მოადგილის, სანდრო კავსაძის, ავტომანქანას. მოკლეს ჩხორონყუს გამგებელი და სამი კაცი. მძლოლი, ექიმი, თვით სანდრო კავსაძე გაიტაცეს. დღეს 27 ივლისია. სამიოდე დღის შემდეგ გამოაბრუნეს ექიმი და მძლოლი, თვით სანდრო კავსაძე დაპატიმრებული ჰყავთ.

ამბობენ, ნალენჯიხის ტყეებში იმალებიანო. ზოგი იმასაც ამბობს, გროზნოში ზვიადთან წაიყვანესო.

სამეგრელოში ისევ დაუმორჩილებლობაა, სძარცვავენ მატარებლებს, თავს ესხმიან ადგილობრივ ხელისუფლებას და მილიციას.

პროტესტის ნიშნად ნალენჯიხა მთლიანად დაიცალა. იქაური მცხოვრებნი ტყეს შეეხიზნენ.

შევარდნაძემ გადაწყვიტა, თავისი ამალით სამეგრელოში ჩავიდეს.

შემხვდა ვახტანგ გოგუაძე. ნუ ნახვალთ-მეთქი. იქ სისხლი ახლახან უსამართლოდ დაიღვარა და არ მიგიღებენ. მე ვიცნობ მეგრელი კაცის ხასიათს-მეთქი. სამეგრელოს დარბევას თქვენ არ გაპატიებენ-მეთქი. გაეცინა, მე რა შუაში ვარო.

– არაო, ნასვლა აუცილებელიაო. შევარდნაძეს ისეთი მომწუსხველი საუბარი აქვს, ნახავ, მტერსაც კი მოაქცევს და მოაბრუნებსო.

ჩემი ვარაუდი გამართლდა.

ტელევიზორში ვხედავდი, როგორ ეძახდნენ შევარდნაძეს იუდას, მკვლელს და გარენარს. ესროდნენ ქვებს.

ძიულეული იყო, შეენწყვიტა ვიზიტი და უკან გამობრუნებულიყო.

ძალიან ცუდი ფაქტია. მთელმა საზღვარგარეთმა გაიგო.

ჯერ უნდა ჩასულიყვნენ სამეგრელოში თბილისში მცხოვრები მეგრელები. დალაპარაკებოდნენ მეზობელ-ნათესავებს. მერე მილიციას უნდა დაეჭირა ბანდიტები (თუ კი ასეთები არიან), მერე სამეგრელოს უნდა ეგრძნო ეკონომიური მხარდაჭერა საქართველოს ხელისუფლებისგან და ამის შემდეგ უნდა ჩასულიყო შევარდნაძე. ასე რომ, ვიზიტი, როგორც ვინინასწარმეტყველე, მოუმზადებელი იყო და მარცხითაც დამთავრდა.

აფხაზეთის სესიამ (ქართველები არ ესწრებოდნენ) არძინბას მეთაურო-



ბით საქართველოსგან სრული გამოყოფა და დამოუკიდებლობა გამოაცხადა. შევარდნაძე ჯერჯერობით უძღურია, მას, როგორც ჩანს, არავითარი გავლენა არ აქვს არძინბაზე (ანუ შესაბამისად ელცინზე).

წავაგეთ სამაჩაბლოც. დერეფანი უნდა გაკეთებულიყო ჩრდილოეთ ოსეთსა და საქართველოს შორის და არა ცხინვალსა და საქართველოს შორის. ჩრდილოეთიდან ბრუნდებიან ოსი ლტოლვილები. ჩვენი იურისდიქცია ოსეთზე არ ვრცელდება. ეს კი, უკვე შევარდნაძის „გენიალური პოლიტიკის“ დამარცხებას ნიშნავს.

ღმერთმა ჰქნას, ვცდებოდე.

მწერლობაშიც დაძაბულობაა.

პრეზიდენტის სხდომაზე ჭაბუამ რუსეთის პენკლების წერილი წაიკითხა ქართული პენკლებისადმი.

თამაზ ჭილაძემ – ეს ხომ ფაქტიურად მალლა მდგომის მითითებებია დაბლა მდგომისადმიო.

ჭაბუა გაცეცხლდა. ერთმანეთს უშვერი სიტყვები ჰკადრეს.

ჭაბუამ – უნიჭო ხარო.

თამაზმა – ქურდი ხარ, „დათა თუთაშხია“ მოპარული გაქვსო.

ერთი სიტყვით, შედგენენ ერთმანეთს.

ჭაბუამ სხდომა დატოვა. თ. ჭილაძემ – თუ სამაგალითოდ არ დასჯით ხულიგნობისთვის ამირეჯიბს, მე მწერალთა კავშირიდან გავალო.

დავიშალეთ, რათა ერთი კვირის შემდეგ შევკრებილიყავით და გვემსჯელა ამ საკითხზე.

ჩემი რჩევა – რა ჩვენი სამსჯელოა, ორი კაცი ერთმანეთს შეეკამათა, რა გასახმაურებელია-მეთქი, ყურად არავინ იღო.

10/VII-5/VIII 92

31 ივლისს საქართველო ერთხმად მიიღეს „გაეროში“.

ეს იმას ნიშნავს, რომ საქართველო სრულფასოვან სახელმწიფოდ ჩათვალეს.

ამჯერად რუსეთმაც ხმა მოგვცა.

უეჭველია, „გაეროში“ ჩვენი მიღება შევარდნაძის ავტორიტეტმა განაპირობა, მაგრამ მე სიხარულთან ერთად შიშიც მიპყრობს.

რით „დააბა“ რუსეთი შევარდნაძემ? ხომ არ დაჰპირდა ელცინს სანაცვლოდ სამაჩაბლო და აფხაზეთი?

ღმერთმა ნუ ქნას, ჩემი ეჭვი გამართლდეს.

1 აგვისტოს მწერლები ჩარგალში გავემგზავრეთ პატარა ავტობუსით („რაფს“ ეძახიან):

რ. ჭეიშვილი, დ. მჭედლოური, ტ. ჭანტურია, ი. ქემერტელიძე, ლ. მრელაშვილი, გ. ბენაშვილი, ე. ლლონტი, შ. ხოდაშენელი, მე და კომპოზიტორი შალვა დავითაშვილი.

ჩარგალში მზიანი დღეა. ბევრი ხალხი მოვიდა. გვიმასპინძლა სახლ-მუზეუმის დირექტორმა – ვაჟას შვილიშვილმა – ალექსი რაზიკაშვილმა.

რ. ჭეიშვილმა, დ. მჭედლოურმა და მე სიტყვები ვთქვი. ა. რაზიკაშვილმა აივანზე სუფრა გაგვიშალა. იქვე იყო ვაჟა ადამიაც.

გურამ ბენაშვილი შეზარხობდა. მოვიდა, უსიტყვოდ გადამეხვია, გად-



ამკოცნა და მითხრა: ვიცი, რაც... მაქვს შენთან ნაჭამი, მაგრამ უნდა მაპატიოო – ხუტას და მუხრანის მეთაურობით ჩემს წინააღმდეგ შეთქმულებაში მონაწილეობას გულისხმობდა.

ვერაფერი ვუთხარი.

დღეს (5 აგვისტო) „განთიადში“ პაოლო იაშვილზე ავთ. ნიკოლეიშვილის წერილს ვკითხულობდი და ბევრი რამ მენიშნა ჩემი ბიოგრაფიიდან. პაოლოს, ლამის, მთელი მწერალთა კავშირი დაესხა თავს, მოლაღატე და ჯაშუში ხარო.

მასხოვს ჩემს წინააღმდეგ მუხრან მაჭავარიანის და ხ. ბერულავას ბრძოლის კამპანია. ჯერ რედკოლეგიის ყველა წევრის მიერ ხელმოწერილი განცხადება „ახკომში“, ხუტას და მუხრანის მეცადინეობით, უარყო გრიშა ჯულუხიძის გარდა რედკოლეგიის ყველა წევრმა – გ. გაჩეჩილაძემ, ე. კვიციანიშვილმა, გ. გვერდნითელმა, გ. ბენაშვილმა...

ტვინში სისხლი კინალამ ჩამექცა. ნუთუ ასე ადვილად შეიძლება გაგყიდონ და უნამუსოდ იცრუონ-მეთქი შენმავე ძმაკაცებმა.

ამ „სპექტაკლის“ ბოლო წევრი – გ. ბენაშვილი ჩარგალში შემირიგდა.

რა ამაზრუნეი დღეები მქონდა. მუხრანი და ხუტა „კრიტიკიდან“ რომ მაგდებდნენ. პრეზიდენტის სხდომაზე მუხრანმა მოიწვია „კაგებეს“ აგენტი სამი მწერლუკა. უკვე გაშიფრული სუკის თანამშრომლები დარაზმა ჩემს წინააღმდეგ.

მარტო მაშინ კი არა, მერეც არაერთგზის გამოიყენა ჩემს წინააღმდეგ მუხრანმა ერთგული „სამეული“.

დრო ყველაფერს ჰკურნავს?

არა მგონია.

ახლა ვერ მერევიან, თორემ ახლაც ბაღლაში აქვთ სულში. თ. ნივნივაძემ მითხრა, რა დაუშავე ორ „მეგობარ“ პოეტს – თავი მოიკლეს და „ლიტერატურულ გაზეთის“ რედკოლეგიაში შენი თავი არ შემაყვანინესო. რა მოტივით-მეთქი – ეგაო, ქკუის სწავლებას დაგვიწყებსო.

შური! როდის იყო ვინმეს ქკუას ვარიგებდი. ჩემი ნაკლი ის არის, რომ პირში თქმა მიყვარს.

6/VIII-23/VIII 92

ზუგდიდში მოსალაპარაკებლად ჩასული შინაგან საქმეთა მინისტრი გვენცაძე და მისი თანმხლები პირნი დააპატიმრეს.

14 აგვისტოს „საქართველოს რესპუბლიკაში“ გამოვაცქეყენე დიდი სტატია სათაურით: „რა გადაარჩენს საქართველოს?“ სხვათა შორის, ვწერდი ახალი ხელისუფლების ღირსებებზე და ნაკლებზე.

14 აგვისტოს საქართველოს ეროვნული არმია კიტოვანის წინამძღოლობით აფხაზეთში შევიდა.

გაიმართა ბრძოლები.

იხოცება ხალხი.

მე ტელევიზიით მხარი დავუჭირე ქართული ჯარის შესვლას საქართველოში (აფხაზეთში) და ვთქვი, კი არ უნდა შესულიყო, თავიდანვე იქ უნდა მდგარიყო-მეთქი. აფხაზეთი საქართველოა და ქართული ჯარი, აბა, სად უნდა იყოს-მეთქი.

გარეწარმა არძინბამ (ორიოდე კვირის წინ აფხაზეთის საქართველო-დან გამოყოფა და დამოუკიდებლობა რომ გამოაცხადა) უკანასკნელ ღონეს მიმართა, აგვიმხედრა გულუბრყვილო, უკულტურო და უწარსულო აფსუე-ბი. თვითონ გუდაუთაში გამაგრდა.

შევარდნაძე შიშმა შეიპყრო, რაკილა ელცინმა განაცხადა, მე კატეგორი-ულად მოვთხოვე შევარდნაძეს, მაგრამ არ გამოჰყავს ჯარებიო. ეს ნიშნავს, რომ რუსი კვლავ ვერაგობს, არ გვეხმარება ჩვენი ტერიტორიის დაცვაში, მაშინ, როცა ეს ფუნქცია მან იკისრა დაგომისის ხელშეკრულებით და თა-ვისი წყეული ჯარები აქა ჰყავს.

ელცინის განცხადებით გულმოდგინეული ჩრდილოეთი კავკასია საქა-რთველოს დასალაშქრავად ერთიანდება. „მთიელთა კონფედერაციამ“ შეკრიბა მოხალისეთა ლაშქარი და 23 აგვისტოდან საომარი მდგომარეობა გამოგვიცხადა.

ჩვენ კი ჯერ საყოველთაო მობილიზაციასაც არ ვაცხადებთ.

დავურეკე ვახტანგ გოგუაძეს: რას ელოდებით, სასწრაფოდ გამოაცხა-დეთ მობილიზაცია, მიმართეთ „გაეროს“, „ნატოს“ (ჯონი შალიკაშვილი), მოგვაშველონ ჯარები, თორემ რუსეთი ახლა უკვე ჩრდილოეთ კავკასიის ხელით ჩვენს დაპყრობას აპირებს-მეთქი.

ვეტყვი შენს აზრს შევარდნაძესო, დამპირდა.

უთხრა? ვინ იცის.

შედეგი არ ჩანს.

24/VIII-26/VIII 92

25 აგვისტოს რადიოში გამოვედი და ვთქვი, რატომ ბოლომდე არ ვიცით საქმის მიყვანა, რად ველოლიავებით არძინბას – მან ხომ ეს ომი წამოიწყო-მეთქი.

26-ში დილით ჩემმა ცოლმა ოდნავ გამოალო კარი და კარზე გამობმული მავთული შენიშნა. დავუძახეთ მილიციას.

მოვიდნენ. გამზადებული ხელყუმბარა აღმოჩნდა. თუ კარს ბოლომდე გამოვწვევდით, აფეთქდებოდა.

აი, ტერორიცი! ეს ან ზვიადისტების გაკეთებულია, ან აფხაზი ტერ-ორისტების, ან ჩვენი საყვარელი ხელისუფლების. არც ერთს არ ვეხატები გულზე.

მე სიკვდილის არ მეშინია, მაგრამ ჩემი ოჯახის წევრებს რაღას ერჩოდ-ნენ?

26/VIII-2/IX 92

აფხაზეთში ომი დღითი დღე ფართო მასშტაბებს იძენს.

როგორც ჭრელი გველები, ისე გადმოდიან საქართველოს დასაპყრობად ჩრდილოეთკავკასიელი ბნელი, მუსლიმანური ტომები.

ილუპებიან ქართველი ბიჭები. ჩემი შვილი 31-ში დაბრუნდა გაგრიდან. ჰყვება, ათიოდე, რუსების მიერ მონყალეზად მოგდებული, ძველი თუხთუხა ტანკი გვაქვს და სამ ჯარისკაცზე ერთი ავტომატიო.

დღეს, 1 სექტემბერს, 60 ცხედარი ჩამოასვენეს ანგელოზივით ქართვე-ლი ბიჭების.

ისეთი გრძნობა მაქვს, თითქოს მთელი მსოფლიო ჩვენს მოსპობას ცდილობს.

15 აგვისტოს რუსებმა 1000 ავტომატი „აჩუქეს“ აფხაზებს (გამოაცხადეს, ნაგვართვისო?!). ხოლო 31 აგვისტოს გუმისთასთან რუსებმა ცეცხლი გაგვიხსნეს. სულმა წასძლიათ ქართველთა დახოცვისკენ. აქამდე აფხაზ-ჩეჩენთა ზურგს ეფარებოდნენ, ახლა ვეღარ მოითმინეს და გვესროლეს. შევარდნაძემ ელცინს პროტესტი განუცხადა. ელცინმა ახალგამოღვიძებული სახე მიიღო, მე არაფერი ვიცოდიო.

გუდაუთას ანი რაღას ავიღებთ. ხვალ ელცინთან შეხვედრათ. რას დაავალებენ შევარდნაძეს? რით შეუკრავენ ჩვენს არმიას ხელ-ფეხს?

2/IX-26/X 92

ისე გავიდა თვე, რომ ქალაქს და კალამს არ გაგვკარებოვარ.

დღედაღამ ენაგადმოგდებული დავრბივარ; საქართველოში სამამულო ომია და საომარი მდგომარეობა უნდა გამოცხადდეს, „ყველაფერი ფრონტისთვის“ – ეს ლოზუნგი ამოვიღოთ ძველი სტრატეგიული სკივრიდან-მეთქი.

ვინ გისმენს.

შევარდნაძე ყოველდღე ატარებს 5-საათიან სახელმწიფო საბჭოს სხდომებს უმედეგოდ – საბჭო, როგორც მოველოდი, მხოლოდ სალაყბოა და მეტი არაფერი.

ნერვიულობისგან კუჭის წყლული გამომიზეზდა, მუხლის ანთებამაც შემომიძია. ჯობით დავდივარ.

ოქტომბრის პირველ დღეებში აფსუა-ჩეჩენებმა რუსის ჯარის უშუალო დახმარებით შემოგვიტყეს და გაგრა ნაგვართვის. „ვრემიამ“ აჩვენა, რა ფართხაფურთხით გამოიბოდნენ ჩვენი ბიჭები ახალი, რუსული, დისტანციური მართვის ტანკების დანახვისას.

მესამე დღეს ნაგვართვის განთიადი და ლესელიძეც.

თითქმის დავმარცხდით.

ჩვენი „გვარდია“ სოხუმისკენ გამოიქცა და აქ გამაგრდა.

ჯერჯერობით ჩეჩენები, რუსები და აფსუები სოხუმს არ უტყვენ.

შევარდნაძე გაფითრებული, შეშფოთებული ლაპარაკობს: რუსებმა (ელცინმა) მოგვატყუეს, 3 სექტემბრის ხელშეკრულებით ხელები შეგვიკრეს და აფხაზებს იარაღ-ცოცხალი ძალით დაეხმარნენო.

მე ვიცი, რომ ჩვენ აფსუა-ჩეჩენებთან კი არა, რუსებთან დავმარცხდით, მაგრამ დამარცხებულის სინდრომი სამინელი ყოფილა.

აღებულ ტერიტორიაზე მტრებმა ქართველთა ხოცვა-ჟლეტა მოაწყვეს. სამასი ქართველი ერთბაშად დახვრიტეს სტადიონზე. აუპატიურებდნენ მცირეწლოვან გოგონებსაც კი. მთლიანად დახვრიტეს ქართველი ექიმები და ქართველი ავადმყოფები საავადმყოფოში. სასქესო ორგანოები დააჭრეს და ისე მოკლეს აფხაზკურორტის დირექტორი ბარამია.

აფხაზეთიდან გამოქცეულთა რიცხვმა 30 ათასს გადააჭარბა.

ჯერჯერობით ჩვენი თავზარდაცემული ჯარი სოხუმიდან ნაბიჯს ვერ დგამს წინ.

1 სექტემბერს რუსებმა 6 ტანკი დაგვიწვეს. 3 სექტემბერს შევარდნაძეს ეს ფაქტი არ უხსენებია.

11 ოქტომბერს პარლამენტის არჩევნები ჩატარდა. აირჩიეს შევარდნაძე თავმჯდომარედ.

არა და შევარდნაძის პოლიტიკამ აბსოლუტური კრაზი განიცადა. დაგვარგეთ სამაჩაბლო (დაგომისის ხელშეკრულება).

დაგვარგეთ აფხაზეთი (3 სექტემბრის მოსკოვის ხელშეკრულება).

უკან ნავედით ეკონომიურად.

ვერ ავლაგმეთ ბანდიტები!

სად ჩანს შევარდნაძის დიდი სიბრძნე? ეს დავწერე ბორჯომის გაზეთში

10 ოქტომბერს.

ამის გამო:

კვლავ გადამიკეტეს (ეს უკვე მერამდენედ) გზა რადიო-ტელევიზიისკენ.

არ გადასცეს 9 სექტემბერს ჩანანერი ტელევიზიით (რ. ოსეფაიშვილმა ჩანერა).

არ გადასცეს 22 ოქტომბერს ორი ჩანანერი (ც. შანიძემ ჩანერა).

ესეც თქვენი დემოკრატია.

ისე არ მოვკვდებოდე, რომ აფსუა-ჩეჩენი მკვლელების დარდი ჩამყვეს სამარეში, სხვისას არას დავეძებ.

ნუთუ გაგრას ველარასოდეს დავიბრუნებთ?

ერთი თვის წინ ჩვენი ჯარი გუდაუთას მიადგა და შევარდნაძე გაჭი-ჭინდა – არ შეხვიდეთო!

რაშია საქმე?

27/X-5/XI 92

მცხეთაში და ლამისყანაში დავით გურამიშვილის საიუბილეო დღეები გაემართეთ. ორივეგან სიტყვით გამოვედი, ორასი წლის დავით გურამიშვი-ლი დღესაც გვაფრთხილებს – „თურქი, სპარსი, ლეკი, ოსი, ჩერქეზ, ლლილ-ვი, დიდო, ქისტი, – ყველა ჩვენი მტერია-მეთქი. გვაფრთხილებს – როგორც მამლები, ნუ დანიწკნით ერთმანეთს-მეთქი.

3 ნოემბერს რუს-აფსუა-ჩეჩენთა გაერთიანებულმა ჯარმა სოხუმს შეუ-ტია. რის ვაი-ვაგლახით მოიგერია ჩვენმა ჯარმა შეტევა, მაგრამ დაგვარ-გეთ 35 კაცი და სამი ტანკი. ფაქტიურად რუსეთს ვებრძვით. 3 და 4/XI-ს რუსულმა თვითმფრინავებმა დაგვბომბეს სოხუმთან (ამის შესახებ გ. ხაინ-დრაევამ განაცხადა), ჩვენი პარლამენტი კი უბრალო ნოტასაც არ უგზავნის რუსეთის მთავრობას.

რაშია საქმე?

ჯანრი კამია მენვია უნივერსიტეტში. დიდხანს ვილაპარაკეთ. ოპტიმის-ტია. ასე და ასეა ჩვენი საქმე, რუსი გვლუპავს-მეთქი, სამაგიეროდო, მორალ-ური გამარჯვება ჩვენს მხარეზეაო. ევროპის პრესა კარგს ნერს ჩვენზეო.

ეს რა შეღავათია-მეთქი, რატომ გვეპყრობა-მეთქი ევროპა და ამერიკა ღარიბი ნათესავივით, რატომ ქმედითად არ გვეხმარება-მეთქი. დრო მოვა – დაგვეხმარებაო.

როდის მოვა ეს დრო? სანამ პეტრე მოვიდოდეს, პავლეს ტყავს რომ გააძრობენ?

4-ში პარლამენტმა დაიწყო მუშაობა. ისევ სატელევიზიო მეტიჩრობანი, პარტიული ამბიციები, სხდომის კულტურის დაბალი დონე.

6/XI-9-XI, 92

პარლამენტის პირველმა სხდომებმა ჩემზე ამაზრზენი შთაბეჭდილება დატოვა.

ყოველგვარ მოლოდინს გადააჭარბა არადემოკრატიულობამ.

როცა სიგუას არჩევის საკითხი დადგა; ჯერ 7-ში უყარეს კენჭი და მერე 8-ში. 7-ში ელექტროგამომთვლელზე ჩაფლავდა სიგუა, მაგრამ 8-ში ბიულეტენებით ხელმეორედ უყარეს კენჭი და აიარჩიეს.

ეს არის უპრეცედენტო შემთხვევა არჩევნების ისტორიაში.

აი, როგორი დემოკრატები ვართ.

მე მგონი, ეს სპეციალურად გაკეთდა.

ჯერ წყალში გადააგდეს სიგუა, მერე ამოიყვანეს, გადაარჩინეს. ამით აგრძნობინეს, პარლამენტის ყურმოჭრილი მონა იქნებიო.

თუ ხვდება ამას სიგუა?

10/XI-16/XI, 92

აფხაზეთში დაილუპა ნუკრი ასლამაზაშვილი – ახალგაზრდა მხატვარი. გვარდიელი. ავლანეთის ომში ნაბრძოლი.

ულამაზესი, უჭკვიანესი ჭაბუკი იყო. ჩემთან მოვიდა და თავისი ნახატები მიჩვენა შარმან. მაშინვე ჩამოვატარე რედაქციები, რამდენიმე ნახატი „ლიმილში“ – დაუბეჭდე. ახლა სახლში მაქვს ჩემდამი მოძღვნილი მისი კარიკატურა - „გემრიელ კაცს – რევაზ მიშველაძეს“.

ცუდ ხასიათზე ყოფნა რას მიქვია, მკვდარი ვარ.

14-15-ში ვანში ვიყავით. გალაკტიონის იუბილე ჩავატარეთ. ნოდარ ტაბიძე არ იყო. ქუთაისიდანაც არც ერთი მწერალი არ ჩამოვიდა (?)

დღეს 16 ნოემბერია. გალაკტიონის იუბილეს ვატარებთ ოპერის თეატრში. გურამი გახსნის.

თუ მომცეს სიტყვა – მხოლოდ გალაკტიონის ცხოვრების პირად მაგალითზე ვილაპარაკებ.

17/XI-22/XI, 92

17 ნოემბერს ოპერაში გალაკტიონის ასი წლის იუბილე ჩავატარეთ.

კარგად წარიმართა.

გ. ფანჯიკიძემ გახსნა. სიტყვები გრ. აბაშიძემ, რ. ჭიშვილმა, მე, მ. ლებანიძემ და სხვებმა ვთქვით.

შევარდნაძე ესწრებოდა.

ჩემს სიტყვაში, სხვათა შორის, აღვნიშნე, გალაკტიონმა ისიც გვასწავლა, რომ მწერალი ხელისუფლებას არ უნ და ჩაეხუტოს, ან რაც უფრო უარესია, თავი არ გაისაპნოს-მეთქი.

ბოლოს შევარდნაძე კულისებში ამოვიდა, ყველას ხელი ჩამოგვართვა და ლიმილით მითხრა: ბატონო რეზო, მართალია, გალაკტიონი მთავრობას არ ეხუტებოდა, მაგრამ პარტიაზე ბევრი ლექსი დაწერაო.

ასეთი გადაკვრითი პოლემიკა პირველი არ არის ჩვენს შორის. ჩემს ყოველ ფრაზას მტკივნეულად განიცდის და ცდილობს, სამაგიერო გადამიხადოს.

მე ჩემი გზა მაქვს.

21 ნომბერს „საქართველოს რესპუბლიკაში“ გამოვაქვეყნე ნოველა „საქართველო რუსის თვალთ“.

რუსი ისეა გაბითურებული, როგორც იმსახურებს. ირონია თვალში საცემია, ალბათ, ბევრს არ მოეწონებოდა ზევით.

ცუდად ვარ. კუჭის წყლული მანუხებს.

ნათელას არ მინდა ვაგრძნობინო.

23/XI-27/XII, 92

მთავრდება ეს ნელიც. სევდიანი, სისხლიანი, ტკივილიანი ნელი.

ჩემს სამშობლოს „სისხლი და ცხედრები“ რომ უხვად მოუტანა.

შარშან ამ დროს ოპოზიცია თბილისს ანგრევდა გამსახურდიას დასამხობად.

ახლა? რა მოგვიგია შევარდნაძის ჩამოყვანით?

ვაის გავეყარე, უის შევეყარე ხომ არ გამოგვივიდა?

ჩვენი ხელისუფლების პოლიტიკა ისევ რუსის მონობაში საქართველოს შებრუნების პოლიტიკაა და სხვა არაფერი.

„დაგომისის“ ხელშეკრულებით სამაჩაბლო დაეკარგეთ. შეიძლებოდა, სამშვიდობო ძალები ისევ ოსებისგან და რუსებისგან ყოფილიყო შედგენილი?

3 სექტემბრის ხელშეკრულებით აფხაზეთს ვკარგავთ.

ჩვენი შვილების სისხლი უმოწყალოდ იღვრება.

შიშშილი, ყაჩაღობა.

უკან-უკან მივდივართ.

ვყვე პრესაში, რადიოში, ტელევიზიაში (21 დეკემბერს ხორავას სახლში საღამო გავმართე, იქაც ვთქვი): ჩვენ რუსს ვერ მოვერევით, იქნებ სჯობდეს, გაეროს და ამერიკის არხებით ვიმოქმედოთ რუსეთის იმპერიაზე-მეთქი.

ვის ესმის.

ამ განწყობილებით ვხვდები ახალ ნელს.

28/XII 92-10/1 – 93 წ.

უგემურად შევხვდით ახალ ნელს ქართველები.

უიმედობის, მელანქოლიის ტყვე ვარ.

ნურა-კითხვის ხალისი არა მაქვს.

ტელე-რადიო საშინლად მაღიზიანებს ცეკვა-თამაშის და საახალწლო ღრეჯვა-იუმორის გახშირებით.

ახალი წლის ღამეს მთელი თბილისი ზანზარებდა, ისეთი ბათქა-ბუთქი ატყდა.

თოფების, ავტომატების, ტყვიამფრქვევების ხმა ისე არეულიყო ერთმანეთში, გეგონებოდათ, ტყვიის წვიმა მოდის, ესაა ომი დაიწყო.

რა იყო ეს? პროტესტი ხელისუფლების უნიათობის მიმართ, თუ გაფრთხილება?

იქნებ ორივე ერთად?

პარლამენტის „განცხადების“ გამო შევარდნაძე და ჩიკვაძე ორი კვირაა თავიანთ ინტერვიუებში ბოდიშს უხდიან რუსეთს.

გუმინწინ რუსებმა სოხუმი მეათეჯერ რომ დაბომბეს, შევარდნაძე იძულებული გახდა „გაეროსთვის“ წერილი გაეგზავნა – სამშვიდობო ჯარები შემოიყვანო, მეორე ხელით კი გოცირიძე (ვიცე-პრემიერი) აფრინა მოსკოვს – სამანეთო ზონაში ვრჩებით, თქვენი ძმა ვართო.

ასეთია შევარდნადის „პოლიტიკა“. რა ჰქნას. ორ ცეცხლშუაა.

სამანეთო ზონაში დარჩენა ხომ სნგ-ში შესვლას ნიშნავს.

კიტოვანი აშკარად გადაუდგა შევარდნაძეს.

„იბერია სპექტრში“ ინტერვიუ დაბეჭდა: ჩვენ ძალაუფლება იმიტომ გადავეცით შევარდნაძეს, ჩვენზე გამოცდილი და სახელმწიფოს მართვაში ჩახედული გვეგონა, ეს კი პირიქით იქცევა, ქვეყანა დალუპვამდე მიიყვანაო.

ერთი სიტყვით, მთავრობაში განხეთქილება დაიწყო. შევარდნაძის „მე-სიობის“ იმედი საპნის ბუშტივით გაქრა. ხალხში უიმედობამ დაისადგურა.

მთავარია, სიმაართლეს ამბობდეს მწერლობა – ეს მოუსყიდველი რაზმი, კარიერის კიბეს რომ არ ებლოტიანება და ხელისუფლებისგან მხოლოდ ერის სწორად გაძლოლას მოითხოვს.

ზუგდიდში ორი კვირაა გრძელდება მჯდომარე აქცია მოთხოვნით – შევარდნაძე გადადგეს! უკვე სტუდენტებიც შეუერთდნენ.

26 ნოემბერს სტუდენტურმა ორგანიზაციებმა შევარდნაძეს გაფრთხილების წერილი მისწერეს; რადიკალურად შეცვალე რუსებისადმი და აფსუებისადმი შენი კომპრომისული პოლიტიკა, თორემ სტუდენტობა ერის მოლაღატედ გამოგაცხადებთო.

ტელევიზიით პასუხი გასცა. ზოგი სტუდენტი ინფორმირებული არ არისო.

სოხუმს ყოველდღე ბომბავენ.

ილუპებიან ჩვენი ულამაზესი ბიჭები.

ხსნა არსით არის.

საახალწლო მილოცვაშიც („საქ. რესპუბლიკა“, 1 იანვარი) ეს განწყობილება გამოვხატე.

11/1-25/1 93

გაზეთები წერენ, რომ შარშან, 14 დეკემბერს, შევარდნაძის დავალებით ცქიტისვილიმა გულაუთაში ხელი მოაწერა შეთანხმებას აფხაზეთიდან ქართველთა ჯარების გამოყვანის შესახებ.

ამ საიდუმლო შეთანხმებამ გაჟონა. მაშინ ნადარეიშვილმა, ნათაძემ, წერეთელმა... განგამი ატეხეს და შევარდნაძემ განაცხადა: „მე არ ვიცი, სამხედროები რაღაცაზე შეთანხმებულან, თუ საქართველოს არ უნდა, ნუ შევასრულებთ“.

ახლაც: 6 თუ 7 იანვარს თავდაცვის საბჭოს სხდომაზე უთქვამს: – გამოვიყვანოთ ჩვენი ჯარი აფხაზეთიდან, თორემ რუსი დაგვსჯისო.

არძინბაო? სიგუას უკეთიხავს. არძინბა პოლიტიკური ფიგურაა და ჯერ-ჯერობით უნდა დარჩესო, უბრძანებია.

კიტოვანს და სიგუას პროტესტის ნიშნად სხდომა დაუტოვებიათ.

მე მითქვამს და თქვენი ნებააო, უთქვამს შევარდნაძეს. ეს ნათაძემ მითხრა.

მერე ირანში ნაბრძანდა ჩვენი მეთაური. ირანის შაჰმა პატივით მიიღო, მაგრამ არცერთ კონკრეტულ ხელშეკრულებაზე ხელი არ მოუწერიათ.

რატომ ენდომება ირანს საქართველოს ეკონომიკური შველა?

მოსკოვიდან ვინმე კოვალევიჩის ხელმძღვანელობით დელეგაცია ჩამოვიდა, „დიდი ხელშეკრულების“ III გადამწყვეტი რაუნდი უნდა შედგესო.

თბილისში ელცინსაც მოელიან.



დავრბივარ აფხაზეთიდან ლტოლვილთა დასაბინავებლად – ჭირს.

23 იანვარს სერგი ჭილაია დავკრძალეთ.

ბევრი ვირბინეთ მე და ფანჯიკიძემ, სახელმწიფოს ხარჯზე და-კრძალვისთვის რომ მიგვეღწია.

„თამაშიდან გასული“ სერგი აღარავის ახსოვდა.

მთავრობა პანაშვიდზეც არ მოვიდა.

სამგლოვიარო მიტინგზე სიტყვები ვთქვით: გ. ფანჯიკიძემ, გრ. აბაშიძემ, გ. ციციშვილმა, მე, გ. გვერდნითელმა და დ. მჭედლურმა.

არძინბა თავისიანებმა მოკლესო. ტელევიზიამ გვითხრა. მეორე დილით არძინბა „თავისუფლებიდან“ მოგვესალმა.

26/1-30/1 93

ირაკლი წერეთლის და ნოდარ ნათაძის თაოსნობით 26 პარტია შეიკრიბა და დაადგინეს: 1. საქართველომ, როგორც ოკუპირებულმა ქვეყანამ, ხელი არ მოაწეროს არავითარ ხელშეკრულებას რუსეთთან, სანამ რუსის ჯარი არ გავა საქართველოდან. 2. უნდობლობა გამოეცხადოს შევარდნაძის აშკარად პრორუსულ პოლიტიკას.

გაზეთები ლამის ერთხმად აკრიტიკებენ შევარდნაძეს.

გაზეთ „მიმოხილველში“ რამიშვილი მისეულ პორტრეტს ხატავს შევარდნაძისას.

უნივერსიტეტში შემომიარა მურმან ლებანიძემ (ნათესავზე მთხოვა, აფხაზეთში იბრძვის და მიშუამდგომლე – მოსამზადებლიდან არ გამიირცხო-ნო), დაფვექით ჩემს კაბინეტში და ორ საათზე მეტ ხანს ვისაუბრეთ საქართველოს უბედურ ბედზე.

წელიწადია, ლექსი არ დამინერიაო. ძალიან გულგატეხილი ვარო, ვისზე-მეთქი, ჩემს ხალხზეო...

გულგატეხილი შეიძლება იყო ზვიადზე, შევარდნაძეზე, პარლამენტზე, მაგრამ ქართველ ხალხზე გული არ გაგიტყდეს, ჩვენ ბრწყინვალე ერი ვართ-მეთქი. როგორ შეიძლება, პოეტს თავისი ერის იმედი არ ჰქონდეს-მეთქი.

შევარდნაძეზე ჩამოვარდა სიტყვა. მე მგონია, მოგტყუვდით, ეღუარდი რუსის დავალებითაა ჩამოსული და ჩვენს თავისუფლებას დალუპავს-მეთქი.

რა ვიცი, არა მგონიაო, ეღუარდი ამას არ იზამს თავის სახელს სან-ყევრად არ დაუგდებს შთამომავლობასო. მე მისი მჯერა და მხარს ვუჭერო.

„საქართველოს რესპუბლიკაში“ ნოველები გამოვაქვეყნე აფხაზეთის ომზე.

31/1-21/11 93

8 თებერვლის „თბილისში“ გამოვაქვეყნე წერილი: „ვაი, რა მწარედ ვტყუვდებით!“ დიდი აჟიოტაჟი გამოიწვია.

პირდაპირ ვთქვი; რა უბედურებაც გვჭირს, რუსეთისგან გვჭირს და ჩვენს დამპყრობელთან სამეგობრო ხელშეკრულება არ უნდა დავდოთ, მიუთმეტეს, კაბალურ სანყისებზე-მეთქი.

დავინუნე ხელშეკრულების პროექტის ზოგი მუხლი.

არაა კარგად ჩვენი საქმე. ვიცეპრემიერი შახრაი ჩამოვიდა თბილისში. დაკეტილი კარის მიღმა ორი საათი ესაუბრა შევარდნაძეს.

სოხუმს ისევე ბომბავენ.

რუსმა ჯარი არ გაიყვანა აფხაზეთიდან, დაპირების მიუხედავად.

19 თებერვლის „ლიტ. გაზეთში“ ჩემს ნოველას – „ვერ მოვისვენებ“ თბილად გამოეხმაურა გიორგი ალავერდაშვილი.

21 თებერვალს ჩატარდა ეროვნული სათათბიროს II საგანგებო კონფერენცია. არც ერთი მწერალი არ ესწრებოდა ჩემს გარდა.

ირაკლი წერეთელმა კარგი მოხსენება გააკეთა.

გამოვიდნენ მ. ქურდიანი, რუსლან ლონლაძე, გურამ გოგბარიძე, თემურ ჟორჯოლიანი, ვაჟა ადამია, გია ხოშტარია, ნოდარ ნათაძე, ქართლოს ლარიბაშვილი, აკაკი ასათიანი.

წყნარად, მშვიდად, მონოდეგების, ექსცესების გარეშე საუბრობდნენ.

ყველაზე კარგი ის იყო, რომ ერთმანეთის გვერდით ვიჯექით “ზვიადისტები” და “არაზვიადისტები”. ეს უკვე კარგი ნიშანია.

ვილაც პროვოკატორმა დარბაზში ხელყუმბარა ააფეთქა.

ვიცოდი, რომ რალაც უნდა მომხდარიყო. შინაგანად მზად ვიყავი. „არ შეგეშინდეთ, კარებს ნუ მიაწყდებით, ერთმანეთს არ გადაუაროთ-მეთქი!“ – ვიღრიალე.

ყველანი შედგნენ. ზოგი დარბაზში შემობრუნდა.

კონფერენცია გაგრძელდა.

22/II-8/III 93

კონფერენციის მეორე დღეს „თბილისში“ გამოვაქვეყნე ინტერვიუ: „ერთმანეთისკენ მორცხვად გავაპარეთ თვალი“. ვწერდი: ზოგმა ინტელიგენტმა თავი შეირცხვინა; ამ კონფერენციის ინიციატორები, ლამის მტრებად გამოაცხადა-მეთქი. ხელისუფლებაც ძალიან შეშინდა, დაიწყეს შემოქმედებითი ინტელიგენციის დაბარება და ხვენწა – „გვიშველეთ“-მეთქი, მზე ჩრდილოეთიდან არასოდეს ამოვა-მეთქი. როგორც ჩანს, ეწყინა ხელისუფლებას, რადგანაც მწერალთა კავშირის ერთმა ხელმძღვანელმა შემოფოთებით მითხრა: „რას ჩააცვიდი ხელისუფლებას. შევარდნაძემ კი არ დაგვიბარა, ჩვენ თვითონ მივედითო“.

უვაჟკაცო კაცია-მეთქი ამის მთქმელი, ვერ ვიტყვი, მაგრამ, ეტყობა, დაავალეს, ეს სიტყვები მოწმეთა თანდასწრებით ეთქვა ჩემთვის.

გაზეთ „ხმა ერისას“ მარტის ნომერში ინტერვიუ მაქვს. იქაც ვთქვი ჩემი სათქმელი: „დაგომისი“ და „3 სექტემბერი“ ჩვენი დიპლომატიის მარცხი იყო-მეთქი.

5 მარტს უნივერსიტეტში გავმართეთ ლიტერატურული საღამო.

როინ მეტრეველმა ქართული მწერლობის ფასი კარგად იცის. ჭეშმარიტად ეროვნული პიროვნებაა. ცოტა ენერგია როდი დახარჯა, რომ საღამო ღირსეულად ჩატარებულიყო.

მოვიწვიეთ თითქმის ყველა ცნობილი ქართველი მწერალი – ანა კალანდაძე, შოთა, გრ. აბაშიძე, მორისი, ფანჯიკიძე, რ. ჭეიშვილი... მოკლედ, უმრწემეს ქართველ მწერლებამდე.

დარბაზში ნემსი არ ჩავრდებოდა. როინმა საღამოს თავმჯდომარეობა მე დამავალა.

ეს მეორე ღონისძიება იყო როინის და ჩემს მიერ ჩაფიქრებული საქართველოს გასაერთიანებლად.

7 მარტს სალამო ტელევიზიამ მთლიანად გადასცა.

8/III-21/III 93

16, 17 მარტს რუსეთმა სასტიკად შემოუტია სოხუმს.

რუსის თვითმფრინავებმა ჯერ დაბომბეს, მერე სარტილერიო ცეცხლით იავარჯყვეს საქართველოს ეს ულამაზესი ქალაქი.

ორი ღამე ცეცხლი წვიმდა სოხუმის თავზე.

შევარდნაძე სოხუმში ჩაფრინდა.

როგორც იქნა, დარწმუნდა, რუსი გვებრძვისო და მსოფლიოს გასაგონად გამოაცხადა რუსული აგრესიის შესახებ.

სამასამდე ქართველი დაიღუპა. მათ შორის ჩემი ბიძაშვილის შვილი – ლევან თოდუა.

დაზაფრული დავდივარ.

ამ დღით (19–ში) რუსეთის თავდაცვის მინისტრმა გამოაცხადა (გრაჩოვი); ქართველებს ჩვენ არ ვებრძვით, თვითონ ბომბავენ სოხუმს და ჩვენ გვაბრალებენო.

შეიძლება, წარმოიდგინო უფრო დიდი სიგიჟე?

რუსის გონების სიმწირეს, მართლაც, რომ საზღვარი არა აქვს.

22/III-5/IV 93

1 აპრილს რუსებმა კვლავ დაბომბეს სოხუმი. 110 კაცი დაიღუპა და რვაასი საცხოვრებელი სახლი დაინგრა.

პარლამენტმა მოითხოვა, დაუყოვნებლივ ვამცნოთ ის ბარბაროსული აქტი მსოფლიოს, მივმართოთ დასავლეთს და გაეროსო.

შევარდნაძე კატეგორიულად წინააღმდეგი გამოვიდა.

რა მნიშვნელობა აქვს, გაერო მაინც არ გვეხმარებაო.

ტელევიზიას მითითებას აძლევს. ნუ გაამახვილებ ყურადღებას აფხაზეთის ომზეო.

სწორედ ესაა მიფუჩეჩების პოლიტიკა.

უფრო მეტიც, ერის ღალატი.

მეთათსევე ვიმეორებ: ახლა ყოველ ხუთ წუთში მსოფლიოს უნდა მივმართავდეთ.

2 აპრილს ხელოვნების მუშაკთა სახლში საზოგადოებას წარვუდგინე 5 ახალგაზრდა პოეტი: მიხეილ ლანიშაშვილი, სევარიონ ნადირაძე, ტრისტან მახაური, ზურაბ ჯაფარიძე და მურღვა არდოტელი (ნიკო ზვიადაური). ეს უკანასკნელი ვერ ჩამოვიდა ხევსურეთიდან, მაგრამ მისი ლექსები წავიკითხეთ. მიხარია-მეთქი, ვთქვი შესავალ სიტყვაში, ამ უბედურების ყამს ლექსისთვის რომ მოიცალეთ და მობრძანდით-მეთქი. ამ ხუთ ახალგაზრდა პოეტს შემოქმედებითი პრინციპები, საქართველოსადმი სწორი დამოკიდებულება აერთიანებთ-მეთქი. ეს დღე ისტორიულ დღედ უნდა ჩაითვალოს, რადგანაც ეს პოეტური დასი ორგანიზებულად პირველად გამოდის-მეთქი ასპარეზზე. გზას ვულოცავ ჩემს უმრწემეს ძმებს და შემოქმედებით გამარჯვებებს, ერის სამსახურს ვუსურვებ-მეთქი.

5 აპრილს ჭაბუა ამირეჯიბი, ლევან სანიკიძე, თამაზ წიფნიაძე და მე დიდუბის სამხედრო კომისარიატს ვენვიეთ, წვევამდელებს ვესაუბრეთ, სამშობლოს წინაშე თავიანთი მხედრული ვალი მოვაგონეთ.

6/IV-10/V

იოსებ ნონეშვილის გახსენების საღამო მოვანყვეთ ჯერ მწერალთა კავშირში და მერე – კარდენახში (გურჯაანი).

კარდენახში, რატომღაც, სამიოდე მწერალი აღმოვჩნდით.

ეტყობა, იოსების მიმართ ქიშპობის, შურის პროცესი დღესაც გრძელდება.

მწერალთა კავშირში ერთხელ კიდევ ვცაადე „ვეფხისტყაოსნისთვის“ მეშველა (ერთხელ უკვე გადავყევი ამ საქმეს), მაგრამ, როგორც ვატყობ, ახლაც ამაოდ.

შევქმნათ-მეთქი კომისია „ვეფხისტყაოსნის“ ტექსტის შემსწავლელი.

მოიწვიეს გურამ კარტოზია. „ვეფხისტყაოსნის“ დამახინჯების აქტიური მონაწილე.

ჯერ მე ვილაპარაკე, მერე კარტოზიას მისცეს სიტყვა.

რა თქმა უნდა, კარტოზიას არც ერთი ფრაზა მართალი არ იყო, მაგრამ მ. ლებანიძის და გ. ფანჯიკიძის გარდა არავინ გამოიმექომაგა.

კომისიის შედგენა მომავალი კვირისთვის გადაიდო (?)

19-ში ჭაბუა ამირეჯიბის 70 წლისთავის იუბილე მინდა გავმართო.

ჭაბუა თანახმაა. მადლობელი ვარო, ჩემო რეზო, არ მეგონა, თუ ასე გიყვარდიო.

ჩემო ჭაბუა-მეთქი, სამოციანი წლების ქართველი კაცის ფსიქიკაზე არცერთ ნაწარმოებს იმხელა გავლენა არ მოუხდენია, „დათა თუთაშხიამ“ რომ მოახდინა-მეთქი.

ახლა საქართველოს თავზე ახალი დამოკლეს მახვილი გაჩნდა.

შევარდნაძემ კიტოვანი და იოსელიანი ფაქტიურად ჩამოიცილა.

ლმერთმა ჰქნას, ანი მაინც წაიყვანოს ნალმა საქმე.

8 მაისს ახალგაზრდა მწერალთა წრის წევრები სოფელ გომბორს ვანვიე.

კარგი ლიტერატურული ბავშვები არიან: გულწრფელი, სუფთანი: ს. ნადირაძე, მ. ლანიშაშვილი, ტ. მახაური, ქ. დოლიძე, ზ. ჯაფარიძე, ი. შიოლაშვილი და სხვანი.

11/V-20/V 93

14 მაისს მოსკოვში დაიბარა შევარდნაძე ელცინმა. დაიბარა, როგორც ვასალი, როგორც ცეკას მდივანს დაიბარებდნენ ურდოში კომუნისტური რეჟიმის დროს.

შევარდნაძეც გახარებული ეახლა პატრონს და აღუთქვა – სოხუმიდან მიძიე ტექნიკას და არტილერიას 20 მაისიდან გავიყვანო.

ეს კი მეტისმეტია.

დაგომისის ხელშეკრულებით შევარდნაძემ გასცა სამაჩაბლო, 3 სექტემბრის ხელშეკრულებით მტერს ჩააბარა გაგრა-ლესელიძე, განთიადი და ახლა მრავალტანჯულ, დანგრეულ-გაპარტახებულ სოხუმს აბარებს.

ჰაერში ლალატის სუნი ტრიალებს.

15 მაისს „შანსის“ კორესპონდენტმა, მარიამ კახაძემ, ინტერვიუ ჩამომართვა. პირდაპირ განვაცხადე: შევარდნაძის პოლიტიკამ ვერ გაამართლა, ეს კაპიტულანტური პოლიტიკაა და დაუყოვნებლივ უნდა გადადგეს-მქეთი. დღეს ოცია. ვნახოთ, დაბეჭდავს თუ არა „შანსი“ ჩემს ინტერვიუს.

19 მაისს მწერალთა კავშირში ჭაბუა ამირეჯიბის დაბადების 70

ნლისთავის აღსანიშნავი საიუბილეო საღამო ჩავატარეთ. საღამოს ინიციატორი მე გახლდით. როგორც არ უნდა ვეთანხმებოდე ჭაბუას დღევანდელ პოზიციას, „დათა თუთაშხია“ მაინც მეოცე საუკუნის მეორე ნახევრის საქართველოში უპირველესი რომანია. ბოლო ხანებში არც ერთ ნიგნს არ მოუხდენია საქართველოს სულიერ ცხოვრებაზე ისე დიდი გავლენა, როგორც „დათა თუთაშხია“ მოახდინა.

გურამ ფანჯიკიძემ გახსნა საღამო. მოხსენება მე გავაკეთე. სიტყვები: გრიგოლ აბაშიძე, მურმან ლებანიძე, რეზო ჭეიშვილი, გიგა ლორთქიფანიძე, ჯანსუღ ჩარკვიანი, ელგუჯა მალრაძე, არჩილ სულაკაური, ტარიელ ჭანტურია, გენო კალანდია, ოთარ ჭილაძე, ილია რურუა, დავით მჭედლოური, გიზო გაბისკირია, ბორის დავითაია, ზაურ ბოლქვაძე. ჭაბუამ დიდი მადლობა გადაგვიხადა,

26/V-1/VI 93

26 მაისის გაზეთ „შანსში“ გამოვაქვეყნე ინტერვიუ – „შევარდნაძე დამსახურებულ პენსიაზე“.

ძალიან გახმაურდა.

ღმერთი, რჯული, შევარდნაძის დიდი იმედი მქონდა და აღარც ვაპირებდი ხელისუფლებასთან ახალ დაპირისპირებას, მაგრამ დუმილი ვერ შევძელი.

რომ არ მეთქვა, გული გამისკდებოდა.

ელცინთან შეხვედრისას ყველაფერი ნათელი გახდა.

შევარდნაძე მტრისთვის სოხუმის ჩაბარებას აპირებს.

მთელი თბილისი „შანსს“ დაეძებდა.

„ზეიადისტებმა“ ამიკლეს ქებით, „შევარდნაძისტებმა“ – გინებით.

მე არცერთ მხარეს არ მივნიშებოვარ. მე ჩემი – რევაზ მიშველაძის გზა მაქვს.

გამსახურდიას პრეზიდენტად ჩამოყვანას მივესალმები, შევარდნაძე კი უსათუოდ უნდა გადადგეს-მეთქი.

31 მაისს, ორშაბათს, ტელევიზიამ ჩემზე ქება-დიდება გადასცა რუბრიკით – „ნარდგენილია აკაკი წერეთლის პრემიაზე“.

გამიკვირდა.

ან არ ნაუკითხავთ „შანსი“, ან კოჭი გამიგორეს.

დღეს 1 ივნისია. მწერალთა კავშირში პრეზიდენტის სხდომა გვექონდა.

არც ერთ მწერალს კრინტი არ დაუძრავს არც „შანსზე“, არც ნუხანდელ ტელეგადაცემაზე.

შური! „ნუხილი სხვისა სიკეთესა ზედა“.

პრეზიდენტმა დაამტკიცა „ვეფხისტყაოსნის“ ტექსტის დამდგენი კომისია: რ. მიშველაძე (თავმჯდომარე), გურამ ფანჯიკიძე, გრიგოლ აბაშიძე, ნოდარ გრიგალაშვილი, კობა იმედაშვილი, ანა კალანდაძე, ზაურ კალანდია, დავით მჭედლოური, ჯანსუღ ლვინჯილია, მურმან ლებანიძე, ემზარ კვიციანიშვილი, შოთა ნიშნიანიძე, თამაზ ნივნივაძე, ვახტანგ ჯავახაძე, მურმან თავდიშვილი, გრიგოლ ჯულუხიძე, ზაზა ალექსიძე.

2/VI-18/VI 93

დღეს 18 ივნისია.

12 საათზე სიტყვა ვთქვი ყოველთა ქართველთა მსოფლიო კონგრესის პირველ კონფერენციაზე.

3 საათიდან ტელევიზორთან ვზივარ, პარლამენტის სესიაზე შევარდნადის გადადგომის საკითხი დგას.

ირაკლი წერეთელი და ნოდარ ნათაძე აყენებენ შევარდნადის გადაყენების საკითხს.

ზოგი მომხრეა, ზოგს შევარდნაძე კვლავ „ბრძენ“, „შეუცვლელ“ კაცად მიაჩნია.

ბოლოს მაინც ვერ შეთანხმდნენ.

შევარდნაძე „ცეცხლოვან“ სიტყვას ამბობს. დაპირებების კორიანტელს აყენებს. ამჯერად გადაჩრა.

16 ივნისს აკაკი წერეთლის პრემიის პირველი ლაურეატი გავხდი.

არ ველოდი, სიმართლე გითხრათ.

მეწყინა, რომ შ. ნიშნიანიძე „გააშავეს“. ცხრა კანდიდატიდან ყველაზე მეტად შოთას ეკუთვნოდა ეს პრემია.

17 ივნისს უნივერსიტეტში შეხვედრა მოეუწყვე ომის მონაწილე ქართველ მწერლებს: ნანა კანდელაკს, აკაკი გენაძეს, თეიმურაზ ჯანგულაშვილს, ვახტანგ გორგანელს, ლადო სულაბერიძეს, ვასი გვეტაძეს.

ამ დროს ზოგი ჩემი კოლეგა რადიო-გაზეთ-ტელევიზიიდან შევარდნაძეს ეხვეწება: გამკაცრდი, ნუ ხარ ასეთი გულჩვილი, დასაჯე ოპოზიციონერებიო.

19/VI-14/VII 93

ომით, ტკივილით, მტანჯველი, მოლოდინით გავიდა ეს თვე (ცხრამეტი ივნისიდან – 14 ივლისამდე).

ორ ივლისს მტერმა სასტიკად დაბომბა სოხუმი.

ტამიშთან 600-კაციანი დესანტი გადმოსხეს. ჩვენებს, როგორც ჩანს, ღრმა ძილით ეძინათ.

წაგვართვეს სოხუმთან ორი სოფელი: ახალშენი და შრომა.

ჩვენც ვუტევთ, რაც შეგვიძლია.

შევარდნაძე 10 დღეა აფხაზეთშია.

13 ივლისს თავდაცვის მინისტრმა, ყარყარაშვილმა, აფსუას მხარეს გამოუცხადა – 24 საათში თუ ბრძოლას არ შეწყვეტთ, შეტევაზე გადმოვდივართო.

შეიძლება ასე გააფრთხილო და მოამზადო მონინალმდეგე?

ამ განცხადებამ მთელი ჩრდილოეთ კავკასიის აღშფოთება გამოიწვია.

დღეს (14/VII) გადის ულტიმატუმის 24 საათი.

ვნახოთ, ხვალ რა იქნება.

13-ში მორის ფოცხიშვილი დავასაფლავეთ.

დავკრძალეთ სამთავროს ტაძრის ეზოში, მცხეთაში.

დავწერე ორი გამოსათხოვარი წერილი. ერთს მწერლების გვარი მოვანერე („თბილისში“), მეორეს – ჩემი („საქართველოს რესპუბლიკაში“).

ოფიციალურ ნეკროლოგში მწერალთა კავშირს ჩემი გვარი „გამორჩენია“. არა და მორისის უახლოეს მეგობართა შორის ვითვლები.

მჭედლოურმა საიდუმლოდ მითხრა, ჩანს, შეეშინდათ, შევარდნაძესთან



შენი ხელმოწერისა, იციან, რომ შევარდნაძეს არ უყვარხარო.

რაც მთავარია, მაგნიტუდობა: 8 ივლისის „ლიტერატურულ საქართველოში“ გამოვაქვეყნეთ (ჩემი დანერილია) მიმართვა გამომცემლობებისადმი. ხელს ვაწერთ გ. ფანჯიკიძე, მე, ანა კალანდაძე, შოთა ნიშნიანიძე, მურმან ლებანიძე, თ. ნივინიძე, ჯ. ლეინჯილია, ვ. ჯავახაძე, ნ. გრიგალაშვილი, ე. კვიციანიძე...

როგორც იქნა, დაგვირგვინდა „ვეფხისტყაოსნის“ დამახინჯების წინააღმდეგ ჩემი ბრძოლა იმით, რომ გამომცემლები გავაფრთხილეთ: არ დაუშვან აკადემიური ტექსტის დამდგენი კომისიის მიერ დაშვებული შეცდომების გამეორება მასიურ გამოცემებში.

ივნისში გამოვიდა ეროვნული იდეოლოგიის პარტიის გაზეთი „მეობა“. ჩემი ვრცელი ინტერვიუა დაბეჭდილი.

ამ გაზეთში ყოფილი ზვიადისტები არიან, მაგრამ, რაც მთავარია, საშუალებო პოზიცია უჭირავს გაზეთს.

15/VII-31/VII, 93

27 ივლისს შევარდნაძის თანხმობით ვ. გოგუაძემ ხელი მოაწერა რუსეთთან და აფხაზეთთან შეთანხმებას „ცეცხლის შეწყვეტის საკითხებზე“.

სინამდვილეში, ჩემი ფიქრით, ეს არის კაპიტულაცია.

შეთანხმებაში პირდაპირ წერია: „საქართველოს შეიარაღებული ძალები 10-15 დღეში დატოვებენ აფხაზეთის ტერიტორიას“...

თითქოსდა, აფხაზეთი სხვა სახელმწიფოა. ჩვენ კი ოკუპანტები ვიყავით. არც ერთხელ არ წამოცდა შევარდნაძეს სიმართლე, რომ ჩვენ ჩვენს მიწა-წყალს ვიცავდით რუს და აფსუა გადამთიელთაგან.

მანამდე 3-4 დღით ადრე მწერალთა კავშირში შევარდნაძე მოვიდა.

ჩემი კოლეგების მლიქვნელური სიტყვების ფონზე საკმაოდ მწვავედ გავაკრიტიკე. არ მოაწეროთ-მეთქი ხელი ამ „შეთანხმებას“, მაგრამ „შეაყარე კედელს ცერცვი“. გაძლევთ პირობას, რომ სოხუმში თოფი აღარ გავარდებო, შევარდნაძემ. აფხაზეთის საქმეს ჩემს თავზე ვიღებო.

თუ სამაჩაბლოს ვარიანტი განმეორდა (საქმე იქითკენ მიდის), საბოლოოდ ვირწმუნებ, რომ ჩვენი პოლიტიკა, რბილად რომ ვთქვა, მცდარია.

28 ივლისს „თბილისს“ ვაახლე წერილი იმის თაობაზე, რომ არ ვეთანხმები „შეთანხმებას“, მაგრამ არ დაბეჭდეს.

ჩანს, დაბრუნდა კომუნისტური წყობა, მხოლოდ იმას ბეჭდავენ, რაც „ცკ-ს მდივანს“ ესამოვნება.

30 ივლისს „ლიტერატურულ საქართველოში“, როგორც იქნა, დაბეჭდეს ჩემი ნოველა „ძიძგი, ძიძგი, მამალო“.

1/VIII-29/VIII 93

საქართველოში საშინელი შიმშილი მძვინვარებს.

დღითი-დღე ვრწმუნდები, რომ ეს დაგეგმილი შიმშილია.

საქართველოს დაჩოქება (ესენგეში ჩოქვით შესაყვანად) გრძელდება.

ჩემი წერილი რუსეთ-არძინბასთან კაპიტულანტური შეთანხმების დადების შესახებ არ დაბეჭდეს: „თბილისმა“, „ივერია-ექსპრესმა“, „7 დღემ“, სადაც კი ხელი მიმინვდება, გამოვთქვამ პროტესტს, მაგრამ ვის ესმის. ვგრძნობ, რომ ვკარგავთ აფხაზეთს.



25 აგვისტოს მწერალთა კავშირში გვესტუმრა ქუთაისის მერი თემურ შაშიაშვილი.

გაგვაცნო გეგმა-მარიამობის დღესასწაულის – შერიგების დღის აღნიშვნისა 28 აგვისტოს:

ილოცებს ილია II და მერე სიტყვას იტყვის სახელმწიფოს მეთაური.

ეს მკვდარი ღონისძიება იქნება-მეთქი. ორსაათიანი ლიტანია ხალხს მოსწყინდება და შინ წავლენ. შევარდნაძესაც აღარავინ მოუსმენს. იგი ხომ თავის „ზრებს“ დღეში სამჯერ სატელევიზიო გამოსვლით გამოთქვამს-მეთქი. ვინ მისმინა! ჩემს წინააღმდეგ გამოიყვანეს ლიტერატორი ქალი – კივილით იცავდა ჩემგან შევარდნაძეს.

28-ში მწერალთა კავშირის ავტობუსით რ. ჭეიშვილი, ო. ჭელიძე, ვ. ჯავახიძე, ი. ბაზაძე, ნ. გრიგალაშვილი, ლ. სანიკიძე, ა. სალუქვაძე და მე ქუთაისის გავემგზავრეთ.

როგორც ვინინასწარმეტყველე, ისე გამართლდა ყველაფერი.

ყალბი დაპირებებით თავმოებზრებული ხალხი მალე დაიშალა და წავიდა-წამოვიდა. მე და ლევანი „ამალას“ ახლოს არ გავკარებთ.

ჩემთვის რომ დაეჯერებინა შაშიაშვილს – გამოეყვანა სამიოდე კაცი, შვილმკვდარი დედა, ახალგაზრდა, უპირველესად ისინი, ვისაც მორალური უფლება აქვს შერიგებაზე ილაპარაკოს, ეს დღე, მართლაც, ეროვნული შერიგების დღე იქნებოდა.

28 აგვისტოს, დილით, 5 საათზე, ლოთი ქობალია 300-კაციანი რაზმით სენაკში და აბაშაში შევიდა. დაამხეს იქ შევარდნაძის ხელისუფლება და სამტრედია-ფოთის ასალბად ემზადებიან.

ვაი, ჩვენს თავს!

30/VIII-11/IX, 93

ლოთი ქობალიამ მთელი სამეგრელო დაიკავა და 6 სექტემბერს გალში შევიდა.

ზუგდიდში ჩატარდა სესია. ჩამოვიდა პრემიერ-მინისტრი გუგუშვილი და შეუდგა მოვალეობის შესრულებას.

ცხენისწყალთან კბილებამდე შეიარაღებული ქართველები ერთმანეთის პირისპირ დგანან.

საქართველო ფაქტიურად ორ ცალკე სახელმწიფოდ გაიყო.

სანამ იქნება ასე?

შევარდნაძის მხარე გაჰყვიროს რადიო-ტელევიზიაში: მეგრელებმა გზა გადაკეტეს და თბილისელთა შიმშილით დახოცვა უნდათო.

სამეგრელოს მთავრობა ამტკიცებს – სიცრუეა, გზა გადაკეტილი არ არის. ჩვენ მხოლოდ სამეგრელოს მარბიელ შევარდნაძის შეიარაღებულ ლაშქარს არ შემოვუშვებთ სამეგრელოში. ეს არის და ესო.

ქობულეთში დაიწყო მოლაპარაკება ექსპრეზიდენტის წარმომადგენელსა და შევარდნაძის წარმომადგენლებს შორის ასლან აბაშიძის შუამდგომლობით.

ნუთუ ზვიადმა და შევარდნაძემ არ იციან, რომ სამოქალაქო ომის დაწყება ორივესთვის სავალალოდ დამთავრდება?

რუსმა მარიონეტები საქართველოს ესენგეში შესაყვანად გამოგზავნა.

ამავე მიზნით დაამხო რუსმა აზერბაიჯანში ელჩობის ხელისუფლება და იქაც ყოფილი ცეკას მდივანი ალიევი დანიშნა.

ალიევმა უკვე განაცხადა, მალე აზერბაიჯანი ესენგეში შევაო. ამასვე მალე გააკეთებსო შევარდნაძე.

ქართველთა მსოფლიო კონგრესის პრეზიდენტის სხდომაზე მე და გურამ შარაძემ სასტიკად გავაკრიტიკეთ საქართველოს ხელისუფლების გამყიდველური პოლიტიკა.

კიდევ ერთი საწყენი საქმე. უფვას თასის გათამაშებიდან გამოგდეს თბილისის „დინამო“ და ორი წლით დისკვალიფიკაცია მისცეს მსაჯს ქრთამი შეაძლიესო.

ავი ბედი გვდევს, მოსვენებას არ გვაძლევს!

რატომ არ ცხადდება საყოველთაო მობილიზაცია? რით აფხსნათ საქართველოს ტელევიზიის უმოქმედობა მტრისადმი ეროვნული ზიზღის გაღვივების და რუსეთთან ომის საერთო-საყოველთაო ომად მიჩნევის საქმეში?

12/IX-28(IX), 93

27 სექტემბერს სოჩის შეთანხმებიდან (27/VII) ზუსტად ორი თვის თავზე რუსმა, ჩეჩენმა და აფსუა მკვლელებმა სოხუმი წაგვართვეს.

სისხლისგან დაცლილმა ჩვენმა ჯარმა უკან დაიხია.

რით ვანუგეშო ჩემი ტანჯული ხალხი?!

რუსმა დაგვსაჯა თავისუფლების სურვილისთვის.

საქართველოს წაგლიჯა იმპერიამ საუკეთესო ისტორიული ნაწილი: ჯერ სამაჩაბლო, მერე აფხაზეთი.

დაგვრჩა 45 ათასი კვ.კმ-67-დან.

ესეც შევარდნაძის „ბრძნული“ პოლიტიკა.

მსოფლიომ ყური დაიყრუა ჩვენს უბედურებაზე.

ჩემი შვილი 15 დღეა იბრძვის აფხაზეთში. არ ვიცი, ცოცხალია თუ არა.

თუმცა ჩემი უბედურება რა მოსატანია იმასთან, რაც გვჭირს.

შევარდნაძემ 26 სექტემბერს დეპეშა გაუგზავნა ელცინს, საქართველო თანახმაა სნგ-ში შემოვიდესო, მაგრამ უკვე გვიან იყო.

რუსმა დამსჯელობითი ექსპედიცია არ შეაჩერა.

52%-დან (შვიდასი ათასამდე) არც ერთი ქართველი აღარ დარჩება აფხაზეთში.

მტერმა სისხლის ნიაღვარი დააყენა.

გუშინ დილით (27/IX) ველაპარაკე ვახტანგ გოგუაძეს, იმედის წყალი გადანურული არ ჰქონდა. ორ საათზე კი სოხუმი დაეცა.

ახლა ნაძირალა პოლიტიკოსები ჩიფჩიფებენ; მეგრელებმა გვილალატეს, თორემ ომს მოვიგებდითო.

ჯერ ერთი, ლოთი ქობალია, ალბათ, ვერ გადავიდა რუსის მიერ გამაგრებულ კოდორზე და მეორე, ვის მოუუგებდით ომს – რუსს?

კიდევ კარგი, კოდორსგამოღმა დარჩენილი ქართველთა ჯარის მცირე ნაწილიც რომ არ მივახოცეთ რუსის გამძვინვარებულ ჯარს.

შევარდნაძის ბოლო მიმართვა ქართველი ერისადმი ცრემლით და ტკივილითაა სავსე.

ჭეშმარიტად ტრაგიკული პიროვნებაა.

მეცოდება.

მაგრამ „სხვა ვინ არ არის ცოდო...“

29/IX-5/X, 93

3 ოქტომბერს ჩემი აჩიკო დაილუპა.

ჩეჩენგ-აფსუას დაგებულმა ნაღმმა იმსხვერპლაო, ფაცაციაამ. ოლონდ არ იცის სად და როდის. მე მგონი, სოხუმიდან გამოსვლისას დაილუპაო, მეუბნება.

ჩემზე უბედური კაცი აღარ არის ამ დუნიაზე.

ერთადერთი შვილი, ერთადერთი იმედი.

ჩემი აჩიკო...

იქნებ შენმა სიკვდილმა წამით მაინც ჩააფიქროს, შვილო, ის, ვინც ძმა-თა შორის სიკვდილს თესავს.

ვის ჰქონდა უფლება ჩემთვის ერთადერთი შვილი წაერთმია.

ქუთაისში გავფრინდით მე და ნათელა აჩიკოს ჩამოსასვენებლად.

თბილისიდან ოთარ ფაცაცია და ირაკლი მენაღარიშვილი გაგყვევენ.

თვალეებში ვატყობდი ორივეს, რომ აჩიკო აღარ იყო ცოცხალი. დაჭრილიაო, ეუბნებოდნენ ჩემს ცოლს.

როგორც შაშიაშვილი ამბობს: ხონში ჩეჩენთა ტანკი შესულა. ჩეჩენებს მიუტოვებიათ ტანკი და იქვე სახლში მიმალულან. აჩიკო და მისი თანამებრძოლები ყიჟინით მივარდნიან ტანკს. ეს იყო ჩეჩენური მახე. პირველი აჩიკო შემხტარა. უსვრიათ და იქვე გადანოლილა ტანკზე.

არ დაიჯერო, აჩიკო სოხუმიდან სასიკვდილოდ დაჭრილი ჩამოიყვანეს და ქუთაისში გარდაიცვალაო, ფაცაციაამ.

9/X – შაბათი, 93

ლამის პირველი საათია.

სასტუმრო ოთახში ჩემი შვილი ყინულის სანოღში წევს.

ლამის ერთი კვირაა მდულარე ცრემლებით, მოთქმით დავტირით.

დღეს კუბოში ჩაასვენებენ და 2 საათზე პროცესია სასაფლაო გზას გაუყვება.

მე ვერ გიყურებ კუბოში, შვილო!

გაზეთები აჭრელებულია შენი სურათებით.

თურმე, მართლა გმირი ყოფილხარ!

10/X-30/X, 93

ნუთუ, ყველაფერი დამთავრდა ჩემთვის.

ნუთუ, წელში ვერასოდეს გავიმართები.

სახლიდან გამოსვლა არ მინდა.

არა მგონია, ოდესმე კალამს მოვკიდო ხელი და ნოველები ვწერო.

ყველაფერმა აზრი დაკარგა.

ეს რა დედალგულა ვყოფილვარ.

დღედაღამ ვტირი.

მინდა, რაც შეიძლება ჩქარა გავიდე დრო, ჩქარა დავბერდე და მოვკვდე. აჩიკოს სიკვდილს, ალბათ, ვერ გადავიტან.

რაც დრო გადის, უარეს დღეში ვარ.

გვერდით მიდგანან ჩემი უახლოესი მეგობრები: სოსო ბუხაიძე, გივი გამსახურდია და იგორ კვესელავა, მაგრამ რაღას მიშველიან.

ნათელა რომ არ მეცოდებოდეს, თავს მოვიკლავდი.

არ მინდა მარტო დავტოვო ჩემი უბედური, ბებერი ცოლი.

მოგიკვდა ჩემი თავი, შვილო!

1/XI-23/XI, 93

მწუხარე, თალხისფერი დღეები.

ჩემი სახლი, ჩემი მთავარი საზრუნავი აჩიკოს სასაფლაოა.

თვალს ვარიდებ კედელზე მის ლამაზ სურათს.

სად გაექცევი ხსოვნას, ნივთებს... აჩიკოს დახეულ ფეხსაცმელებს, მის პერანგ-შარვლებს.

საითაც გავიხედავ, ყველაფერი აჩიკოსთან მაკავშირებს: სახლი, გარაჟი, სტადიონი, კუს ტბა...

ჩემი თავი მხოლოდ აჩიკოს გვერდით მახსოვს.

ყველაფერს მისი ხელი ატყვია, მისი ურჩი და ძლიერი ნება მმართავს ახლაც მე, დასუსტებულს და სასომიხდილს.

გაზეთები ყოველდღე ახსენებენ აჩიკოს სახელს.

ამით უფრო მემატება ცრემლი და ურვა.

რა უნდოდა შენთან სიკვდილს – ჩემო მიმინოსავით შემართულო, ფრ-თალალო ბიჭო.

დიდებული ლექსები დანერგე ჩემს დაღუპულ შვილზე შოთა ნიშნიანი-ძემ, გრიგოლ ჯულუხიძემ და ემზარ კვიციანიშვილმა.

საქართველოში კვლავ უბედურება ტრიალებს.

აფხაზეთი და სამაჩაბლო ისევ მტრის ხელშია.

რუსეთმა დაგვიმონა, დაგვაქცია და გაგვთელა.

გუშინ მე და ვაჟა აბაკელიამ მანქანა გაუწერეთ მათხოვარ დედაბერს. გავესაუბრეთ, ნიკო კეცხოველის და აღმოჩნდა.

ვარუქეთ ცოტა ფული.

24/XI-15/XII, 93

ინურება ეს საზიზლარი წელი.

ყველაზე უბედური წელი საქართველოს ისტორიაში.

საქართველოს უბედურება ჩემზეც განაწილდა, რომ უფრო მეგრძნო საშინელება, რაც რუსეთმა თავს დაგვატენა.

საშინელი შიმშილი და განუკითხაობა ტრიალებს ირგვლივ.

ყაჩაღობა, მკვლელობა...

დაჩოქილ საქართველოს მღვდელ გაპონივით შეუძღვა ესენგეში შე-ვარდნაძე.

სამასი ათასი ლტოლვილი, აფხაზეთიდან რუსის ჯარის მიერ თხებივით გამორეკილი ქართველები, ყოველ ფეხის ნაბიჯზე მხვდებიან. მოთქვამენ...

გამკითხავი არავინ არის.

მსოფლიო გაუყურდა ამ საუკუნის ტრაგედიას. რა დავაშავეთ?

გავედი სახლიდან. ლექციებს ვკითხოვლობ.

ჟურნალზეც ვზრუნავ.

მწერალთა კავშირშიც დავდივარ. სიტყვაც ვთქვი პავლე ინგოროყვას იუბილეზე, მაგრამ ამას ყველაფერს რობოტივით, მექანიკურად ვაკეთებ.

გული მაქვს ამოცლილი.

დილით რომ გავიღვიძებ, მინდა ყველაფერი სიზმარი იყოს.

მივაყურადებ, იქნებ დაბრუნდა, იქნებ ჩემი ცისფერთვალეა ბიჭის ჩახველება გავიგონო.

ნათელა წავა-წამოვა ოთახში და ისევ არიკოზე იწყებს ლაპარაკს.

სულ არიკოს ხსენებაშია.

ადრე მაშინებდა არიკოს ტანსაცმელი, ახლა პირიქით, მინდა მისი ჩანაცვამი ჩავიცვა. ასე მგონია, ასე ურფო ახლოს მყავს გულთან.

ლამაზი სასახლე-სასაფლაო გაუუკეთე ჩემს ანგელოზს.

ჩემი სასაფლაოც ეს არი.

მოვიდა არიკოს შეყვარებული გოგო-ნატო.

ხუთი საათი გაუჩერებლად ტიროდა.

შენც დამნაშავე ხარ, შვილო, შენც... შენ მაინც რატომ ვერ გააჩერე-მეთქი.

ყველას გაეპარა.

„სიბერეს და მომავალ ცოლ-შვილს“ გაეპარა, როგორც შოთა ნიშნიანიძემ დანერა.

მკვდარი, ალბათ, ყველა საყვარელია, მაგრამ ვინც მხვდება, სასწაულებს ამბობს მის სიკეთეზე, ვაჟკაცობაზე, მიმდობ ხასიათზე, სიაღალე-გულუბრყვილობაზე.

თურმე, მეც არ გიცნობდი კარგად, შვილო.

რომ იცოდე, მშობელმა რა სამინელებაა შვილის სიკვდილი, ფრჩხილებით დაკანრავდა-მოსპობდა ყველა იარაღს დედამინაზე.

გურჯაანში ვიყავი ნათესავებთან, თვალმიხელაშვილებთან. ცრემლები მალრჩობდა იმ ადგილებში რომ გავიარე, სადაც შარშან მე და არიკო ვნადირობდით.

16/XII-93 – 12/II 94

პირველ ახალწელს შევხვდით არიკოს გარეშე.

რომ ყოფილიყო, ნაძვისხეს მოანყობდა, სახლს გაალამაზებდა, ბიჭებს დაუძახებდა, იქეიფებდა. შემეხვეწებოდა: ახლა ეს მოყევი, ახლა ეს იმღერეო. იცინებდა, იხითხითებდა თავისი ლამაზი სიცილ-თვალეებით.

მუმიებზე ვიფიქტე მე და ჩემი ცოლი გალიგვებულ რადიატორთან.

ხანდახან ჩუმად, უსიტყვოდ გავხედავდით ერთმანეთს.

ახლა უფრო მიყვარს ჩემი ცოლი, ვიდრე ოდესმე.

მიყვარს და მეცოდება.

დამნაშავედ ვგრძნობ თავს, რომ ვერ დავიფარე, ვერ შევინარჩუნე, არიკო. გამოვაქვეყნე „საქართველოს რესპუბლიკაში“ არიკოზე ნოველა „სიზმარი“.

„ლიტერატურულ გაზეთში“ გრიგოლ ჯულუხიძის მშვენიერი, ამატირებული ლექსია არიკოზე.

ოპერაში დაგვიძახეს და შევარდნაძემ დალუპული ბიჭების 12 მშობელს ორდენები გადმოგვცა.

ვახტანგ გორგასლის I ხარისხის ორდენი – ჩემი შვილის სიცოცხლის ფასად.

რა სასაცილოა სიამაყე და გულზე პატრიოტულად ხელის ბრაგუნიც ახლა ჩემი მდგომარეობიდან.

კვიტხე, თქვენ ხომ იცოდით, ბატონო ედუარდ, რომ შიშველი ხელებითი (და საერთოდაც) ჩვენი შვილები რუსებს ვერ დაამარცხებდნენ, რატომ ნაიყვანეთ, რატომ გასწირეთ-მეთქი.

მდუმარედ შემომაცქერდა. რა უნდა ეპასუხა.

3 თებერვალს ელცინი (იმპერატორი) თბილისს ეწვია. დიდი პატივით (როგორც მეფეს ეკადრება) მიიღეს. დაასაჩუქრეს, დაბადების დღე მიულოცეს და რუსეთთან სამშვიდობო ხელშეკრულებას ხელი მოაწერეს.

რუსეთს სამხედრო ბაზების უფლება მივეცით საქართველოს ტერიტორიაზე, სამანეთო ზონაში მიღებაც ვთხოვეთ.

მოკლედ, ისევ შევბრუნდით იმპერიაში.

ამ სასაცილო პომპეზური მასპინძლობიდან სამი დღის შემდეგ (7 თებერვალს) აფსუა-ჩეჩენ-რუსთა გაერთიანებულმა ბანდამ სასტიკად დაარბია გალში დარჩენილ-დაბრუნებული ქართველობა.

რვა სოფელი გადაწვა, ორასამდე ქართველი დახვრიტა. ოთხი ათასამდე გამორეკა ამ ცივ ზამთარში და წალენჯიხის ტყეებში შეყარა, რათა ორ მეტრომდე თოვლში, ყინვაში წამებით დახოცილიყვნენ.

8,9,10 თებერვალს განამებული ხალხის ნაწილმა წალენჯიხაში ჩამოაღწია. თან მოჰქონდათ მკვდრები, გაყინულ ხელ-ფეხს ძლივს მოათრევდნენ.

ისევ დევნა, ისევ გოლგოთა. მეექვსეჯერ გვიმუხთლა რუსეთმა. ახლა მანც რაღას იტყვის მეექვსეჯერ მოტყუებულ-გაცურებული შევარდნაძე?

7-ში მწერალთა კაშვირში ჯაბა იოსელიანი მოვიდა.

პრეზიდენტს შეგვხვდა. შექმნილ ვითარებაზე გვესაუბრა.

სხვათა შორის, გულახდილად, ვაჟკაცურად ილაპარაკა. მიკიბე-მოკიბვის და ფაქტების შელამაზების გარეშე.

ჩემს კითხვაზე – ხომ შეგვათრიეს ესენგეში, ხომ დაგვაჩოქეს საბოლოოდ, ახლა მანც რაღა საჭირო იყო გალის დარბევა-გადაბუგვა, რატომ დღეს რუსეთი-მეთქი, გვიპასუხა: მე თვითონაც ვერ ვხვდები, რაშია საქმეო. იქნებ ელცინმა არც იცის, რაც გალში ხდებაო.

ჯაბა ისე მიამიტი კაცი არ არის, რომ მართლა სჯეროდეს, რაც გვიპასუხა.

მსოფლიო? რატომ აგვიანებს ასე საეჭვოდ გაერო რეაგირებას?

12/II-5/III 94

პირველ მარტს პარლამენტის სხდომას დავესწარი.

როგორც პრესის წარმომადგენელს („ლიმილის“ მთავარ რედაქტორს), მოსაწვევი ბარათი გამომიწერეს.

როგორ შემეძლო არ დავსწრებოდი ამ კრებას, რომელზეც საქართველოს ბედი წყდებოდა.

ეს იყო ერთ-ერთი უსაშინლესი სანახაობა, რაც ჩემს ცხოვრებაში მინახავს.

ყელის გამოლადვრამდე იხვეწებოდა, ჰყვიროდა, იმუქრებოდა ოპოზიცია (ნ. ნათაძე, თ. პაატაშვილი, მ. ურიდია, ფ. საყვარელიძე, ი. სარიშვილი, ლ.

შაკიაშვილი, ა. ბობოხიძე, ი. მელაშვილი...), როგორმე გადადებულყო კენჭისყრა. „სამშობლოს გამყიდველებს“, „ერის მოლაღატეებს“, „კომუნისტებს“ უწოდებდნენ სადისტური სიმშვიდით მხსდომ რუსეთუემებს, პარლამენტის მორჩილ უმრავლესობას. ვაი, რომ გამყიდველთა შორის რამდენიმე მწერალ-დეპუტატიც იყდა.

ხელისუფლებას ყველაფერი გათვლილი ჰქონდა და ამიტომაც მშვიდად იყო.

ბოლოს წყალნადებული ოპოზიცია ხავსს ჩაეჭიდა – მოითხოვა, თანამდებობაზე დანიშნული დეპუტატები მაინც ნუ მიიღებენ მონაწილეობას კენჭისყრაში, ისინი ხომ წესდებით პარლამენტის წევრებად აღარ ითვლებიანო. არც ამ სრულიად ბუნებრივ მოთხოვნაზე დათანხმდა სპიკერი.

შედგა კონსტიტუციურად სრულიად უკანონო კენჭისყრა და „უმრავლესობამ“ გაიმარჯვა.

საქართველო სნგ-ში შევიდა.

კიდევ ერთი სამარცხვინო ფურცელი გადაიშალა ქართველი ერის ისტორიაში.

არა და, არ არის საქართველო ამის ღირსი.

ესენგემი შესვლისთვის რომ „მოემზადებიანთ“, დაამარცხეს, დაარბიეს, დაამშიეს, ხერხემალში გადატყეს საქართველო, ერის მოაზროვნე ნაწილი (და მე მგონი, უმრავლესობაც) არ არის რუსეთის იმპერიის წიაღში შებრუნების, დამოუკიდებლობის დაკარგვის მომხრე.

პარლამენტზე მალლა ხომ რეფერენდუმი დგას, ჩაატაროს რეფერენდუმი შევარდნაძემ და ნახავს, რა სურათსაც მიიღებს.

წყეული იყოს 1994 წლის პირველი მარტი.

იგი შავი ასოებით ჩაინერება საქართველოს ისტორიაში.

ვინ იცის, კიდევ რამდენი წლით შევყავით თავი მონობის ყულფში.

იმედი! იმედი!

მთავარია, თავისუფლებისთვის ბრძოლა არ შევანელოთ. მთავარია, დამოუკიდებლობის სურვილი არ ამოვიღოთ გულიდან.

კულუარებში ვისაც კი მივწვდი, ავუხსენი, რომ ესენგემი შესვლა ჩვენი ხელით ჩვენი დამოუკიდებლობის დასამარებას ნიშნავს. ხელისუფლებიდან ერთადერთმა რ. ბერიძემ (პარლამენტის სპიკერმა) მისცა ხმა სნგ-ს წინააღმდეგ.

რა პასუხს გასცემენ შთამომავლობას საქართველოს დამოუკიდებლობის დაკარგვისთვის ხმის მიმცემი დეპუტატები?

6/III-21/III 94

უსიხარულო დღენი მიჰქრიან.

16 მარტს შევარდნაძეს შევხვდი.

დაახლოებით ერთ საათს ვიჯექით პირისპირ, მის კაბინეტში.

თბილად მიმილო. მეუღლის ჯანმრთელობა მკითხა.

უნდა გაუძლოთო. ხომ არაფერი გიჭირთო.

მადლობა მოვახსენე, ძალიანაც რომ გვიჭირდეს, თქვენ არ შეგანუხებთ, თქვენ ჩვენთვის სადა გცალიათ-მეთქი.

ვისაუბრეთ საქართველოს ბედზე...



კვითხე, ესენგეში შესვლის წინააღმდეგი გახლავართ, თქვენ ეს იცით-მეთქი.

გასაგებია, ეს შენი რწმენაა, რასაც ძალიან ვაფასებო. შენ ის კაცი არა ხარ, შენი შეხედულებანი კონიუნქტურაზე ააშენოვო.

თუ გქონდათ-მეთქი ჩამოსვლის დროს განზრახული ესენგეში შესვლა? არაო. თუ დააკვირდები, ბევრი ვეცადე, არ შევსულიყავიო.

რუსებმა ორჯერ გამწირესო – ერთხელ სოხუმში, მეორედ, გამსახურ-დიას სამტრედია რომ ააღებინეს და თბილისისკენ მოჰყავდათო.

თბილისთან ძალაუფლებისთვის საშინელი ხოცვა-ჟლეტა გაიმართებო-და და მთელი საქართველი დაილუპებოდაო.

თუ გაქვთ იმედი, რომ აფხაზეთს დავიბრუნებთ-მეთქი.

აღრე მეტი იმედი მქონდა, ამერიკაში ვიზიტმა ცოტა არ იყოს, შემაფიქრინაო.

არძინბა დასავლეთმა მხარედ აღიარა და არა საქართველოს შემად-გენელი ტერიტორიის ექსტრემისტ წარმომადგენლად. ეს იმას ნიშნავს, რომ დიდი სიძნელები გველისო.

თანაც, ახლა ელცინი ძალაუფლებას მთლიანად ვერ ფლობს, რუცკოი და ხაზბულატოვი ციხიდან მისი სურვილის წინააღმდეგ გამოუშვეს, პარლამენტი თვითნებობს, ასეთ შემთხვევაში, მე მგონი, წართმეული აფხაზეთის დაბრუნება გაგვიჭირდებაო.

თუ ასეა, თქვენ უნდა იზრუნოთ იმაზე, რომ თქვენი გვარი მაინც გადაარჩინოთ, თუ გინდათ ავცდეთ სერგო ორჯონიკიძის ზვედრი, თუ მარტის ბოლომდე ვერ დავიბრუნეთ აფხაზეთი, უნდა გადადგეთ და გააკეთოთ აღსარების მსგავსი განცხადება იმის შესახებ, თუ როგორ მოგატყუათ ვერაგმა რუსეთმა და როგორ დაიპყრო ამ საუკუნეში მეორედ საქართველო-მეთქი.

გაფართოვებული, ნაღვლიანი თვალებით მიმზერდა.

ვერ შევატყვე, ისულგულა თუ არა ჩემი რჩევა.

ტკბილად გამომაცილა.

22/III-29/IV 94

ვაკის პარკის გვერდით, ჩასასვლელთან, ქუჩას აჩიკოს სახელი მიანიჭეს. აჩიკოს სახელი მიანიჭეს მის მშობლიურ 54-ე სკოლასაც.

იქნება თბილისში არჩილ მიშველაძის სახელობის სკოლა და არჩილ მიშველაძის ქუჩა.

მეტი რა შეეძლო გაეკეთებინა ოცი წლის ბიჭს თავისი სამშობლოსთვის და თავისი თავისთვის.

სიცოცხლე მისცა სამშობლოს.

სამშობლო კი უბედური ბედის წყალობით კვლავ თავდაღმა მიექანება.

ოთხ ადგილას ვმუშაობ, რომ ლუკმაპური ვიშოვო და აჩიკოს საფლავის მომვლელ ქალს ორიოდე კაპიკი გადავუხადო.

მხოლოდ დიდვაჭრები და ბანდიტები ირჩენენ დღეს თავს საქართველო-ში.

21 აპრილს „შანსში“ ინტერვიუ მქონდა. კიდევ ერთხელ გავიმეორე: ნუ ვეძებთ ჩვენში მოლაღატეებს და ჩვენს თავში ომში დამარცხების მიზეზებს.

დროა, ამ ომს თავისი ნამდვილი სახელი – რუსეთ-საქართველოს 1992-93 წლების ომი დავარქვათ-მეთქი.

ხელისუფლებას არ მოეწონა ჩემი ინტერვიუ. ვახტანგ რჩეულიშვილმა – არ გეთანხმებიო. გიგა ლორთქიფანიძემ – შენი, ინტერვიუ რომ წავიკითხე – წნევამ ამინაო. დავანებოთ თავი რუსის გალიზიანებას, თორემ უარესს გვიზამსო.

29 აპრილს, პარლამენტში, დიდი შეხლა-შემოხლა, განევ-გამონევა გაიმართა. ნათაძემ რჩეულიშვილს „სიყვარულით“ ნაბიჭვარი უწოდა, რჩეულიშვილმა სახეში „ბორჯომი“ შეასხა.

შეფურთხებას „ბორჯომი“, რასაკვირველია, სჯობს.

### 30/IV-30/V 94

14 მაისს საქართველომ აფხაზეთთან ხელი მოაწერა ხელშეკრულებას, რომლის ძალითაც ენგურზე შეიქმნა ოცდაათკილომეტრიანი „სამშვიდობო“ ზონა. ამ ზონაში რუსის ჯარი ჩადგება. ამავე ხელშეკრულებით საქართველომ დალის ხეობიდან დაუყოვნებლივ უნდა გაიყვანოს პარტიზანული შენაერთები. ე.ი. „აფხაზეთის სვანეთიც“ გაიყვანა, მტერს ჩავაბარეთ.

რა შეიძლებოდა მომხდარიყო ამაზე უარესი?

თურქეთთან (სხვა სახელმწიფოსთან) ჩვენ გვაქვს ასმეტრიანი საზღვარი, ხოლო ევროპის სახელმწიფოებს ერთმანეთთან საზღვარი საერთოდ არა აქვთ. ჩვენ კი, დამპყრობელმა რუსეთმა აფხაზეთთან (ჩვენს მიწასთან) ოცდაათკილომეტრიანი საზღვარი დაგვიდო. ესე იგი, მთლიანად და სავსებით მოგვწყვიტა აფხაზეთი.

და ამ დამამცირებელ, კაპიტულანტურ ხელშეკრულებას ხელს ჩვენივე ხელისუფლება უწერს რუსეთს.

საქართველოში მაისში ორი ზეიმი ჩატარდა: 23-25 მაისს უნივერსიტეტის იუბილე, 26 მაისს – დამოუკიდებლობის 76 წლისთავი.

თუ უნივერსიტეტის იუბილეს, როგორც ცოდნის ტაძრის, ეროვნული ინტელიგენციის აღმზრდელი დაწესებულების ზეიმს, კიდევ აქვს რაღაც გამართლება, 26 მაისს თავისუფლების მოედანზე დამარცხებული ჯარის პარადის გამართვა ყოვლად გაუმართლებელია.

ტრიბუნაზე კომუნისტურად, ყელმოღერებით მდგარი ბელადები – გამარჯვებულის იერით მდგარი შევარდნაძე და გოგუაძე დამპყველ, კუპონით გაუბედურებულ ხალხს ხელისაწვევით ესალმებოდნენ.

რას ვზეიმობთ? დამოუკიდებლობის დაკარგვას? 30 ათასი ბიჭის წართმეულ სიცოცხლეს? 300 ათასი უსახლკარო ქართველის სიბეჩავეს თუ წაგლეჯილ 25 ათას კვადრატულ კილომეტრს?

სიბრაზისგან გული კინალამ გამისკდა, ტელევიზორში პარადს რომ ვუცქეროდი.

25 მაისს საერთაშორისო სიმპოზიუმზე მოხსენებით გამოვედი. ვისაუბრე იმაზე, თუ როგორ „სძულდათ საუკეთესო ქართველ მწერლებს დამპყრობელი რუსეთის იმპერია. ბოლოს სხვადასხვა ქვეყნიდან ჩამოსულ მეცნიერებს შენიშვნის სახით მოვახსენე – რატომ გაიმეორეს თქვენმა ქვეყნებმა 1921 წლის შეცდომა, რატომ მოხდა, რომ დასავლეთმა და ამერიკამ ერთი

საპროტესტო ნოტაც კი არ გაუგზავნეს რუსეთს, რომელმაც ასე უმოწყალოდ ფეხქვეშ გათელა-მეთქი საქართველო 1992-93 წლების რუსეთ-საქართველოს ომში-მეთქი.

თავები ჩაქინდრეს.

ერთმა „ფხიზელმა“ ლიტერატორმა პროტესტი გამოთქვა ჩემი მოხსენების პოლიტიკური მიმართულების გამო.

შესვენების შემდეგ შევაჩერე დერეფანში – მე მამაშენს – ელიზბარ უბილავას და შენს მეუღლეს ნიკა ანდრონიკაშვილს პატივს ვცემ და როგორ ვნანობ, რომ ასეთი შეზღუდული გონების „ლიტერატურათმცოდნე“ ყოფილხარ-მეთქი.

1/VI-22/VI 94

მამუკა ნიკლაურმა და მე მუხათნყაროში ღარიბულ სუფრასთან შუალამემდე ვისაუბრეთ.

ჯიუტი ერთგულება დასახული მიზნისადმი. შეუპოვრობა ერის მოლატეებისადმი, მათი დაუმორჩილებლობა რუსული ალიკაპის მიმართ – ახლა ესაა მთავარი.

თავიდანვე რომ სწორი პოზიცია დაეჭირა დასავლეთის მიმართ ზვიადს, ალბათ, რუსეთი ასე უტიფრად და ულმობლად ვერ გაბედავდა ჩვენს დასჯას.

აჩიკოზე მშვენიერი ლექსები დანერეს ჯანო ჯანელიძემ და აკაკი გენაძემ.

სკოლამ (54-ე) და ინსტიტუტმა (აჩიკო უნივერსიტეტთან ერთად ფიზიკულტურის ინსტიტუტშიც სწავლობდა) ხსოვნის საღამოები გაუმართეს ჩემს გამირ შვილს.

ლევან სანიკიძე, შოთა ნიშნიანიძე და მე ვესწრებოდით. ბევრი ვიტირე. უჭირს საქართველოს.

მატყუარა ხელისუფლება ხელს არ ანძრევს, ქვეყანა სიდუხჭირისგან რომ იხსნას. ოთხ ინსტიტუტში ვკითხულობ ლექციებს, რომ ორი კაპიკი ვიშოვო და ოჯახი გამოვკვებო.

ჩვენი თავი ჯანდაბას, ოჯახის ახალ წევრს, შიო მიშველაძეს (უკვე 5 წლისაა), რომ მოშივდეს, სირცხვილით დავინწვები.

დიდი იმედით შეჰყურებს თავის „მწერალ ბაბუას“ შიო.

რუსეთი კვლავ დაგვცინის. ენგურთან თავის სახლში დასაბრუნებელი ქართველების გადარჩევა დაიწყეს.

აფსუს!

23/VI-20/VII 94

19 ივლისს მორის ფოცხიშვილის გარდაცვალების წლისთავი იყო.

ახალგაზრდა მსახიობებმა რუსთაველის თეატრში მორისის პოეზიის საღამო გამართეს.

შოთა ნიშნიანიძე და მე ერთად წავედით.

დულდა და მქუხარებდა სცენაზე მორისის პოეზია.

ბევრი ლექსი, თითქოსდა, დღევანდელი დღისთვის – დღევანდელ დღეზე იყო დანერილი.

ერთ ლექსში ბრალს სდებდა ერის მოღალატე ქართველს, რომელმაც ისევ დათვს ჩაუგდო ხელში საქართველო.

პირდაპირ ზედგამოჭრილი იყო...

მაცურებელმაც იგრძნო ეს.

დარბაზში ტაშმა იგრილა. ფეხზე წამომდგარნი უკრავდნენ ტაშს მორისს და მსახიობებს.

20/VII-20/VIII 94

ინურება ეს ზაფხულიც.

კიდევ ერთი მწუხარე ზაფხული საქართველოსთვის.

საქართველოს მთავარი პრობლემა ისევ გადაუწყვეტელია.

„სამშვიდობო ძალებმა“ კიდევ ერთხელ მწარედ მოგვატყუეს.

უფრო სწორად, მოატყუეს შევარდნაძე, მე თავიდანვე ვიცოდი, რა სამშვიდობო ძალებს გამოგვიგზავნიდა რუსეთი.

ალბათ აქვს საზღვარი საქართველოს დამცირებას.

რუსის ჯარისკაცებმა მავთულხლართები გაავლეს ზუგდიდის გასწვრივ. აფხაზეთი საბოლოოდ მოსწყვიტეს საქართველოს.

19 აგვისტოს ათი ათასამდე ქალ-ბავშვი მშვიდობიანი მსვლელობით აპირებდა გალში, თავის სახლებში დაბრუნებას.

რუსმა ჯარისკაცებმა ისინი კონდახებისა და ჰანლურის ცემით უკან გამოაბრუნეს.

რა საშინელებაა უღონობისა და უილაჯობის განცდა.

ახლახან ტვინში სისხლი ჩაექცა საქართველოს უბედურების გადამკიდეს – გრიგოლ აბაშიძეს.

სიონიდან გამოვასვენეთ.

რატომ მწერალთა კავშირიდან არ უნდა გამოვასვენოთ-მეთქი, ამით ხომ მწერალთა კავშირის მნიშვნელობა მცირდება, რომელი ეპისკოპოსი ან ბლალორჩინი იყო-მეთქი გრიგოლ აბაშიძე, მწერალთა კავშირის ბიბლიოთეკაში ჩემთვის ჩავილაპარაკე, იქ იმ დროს ერთი სუკის აგენტი მწერალი იჯდა, და ეს საკმარისი აღმოჩნდა იმისთვის, რომ „საქართველოს რესპუბლიკაში“ გრიგოლ აბაშიძის ნეკროლოგიისათვის ჩემი გვარი არ მიენერათ. არა და – ბ-ნი გრიგოლი უსაზღვროდ მიყვარს და კარგი მეგობრებიც გახლდით.

მაგრამ ეს არაფერი.

მე საქართველოს დარდი მკლავს. რა ბედნიერია ჩემი აჩიკო, რომ რუსის მიერ (და რუსის დაქირავებულ ქართველთა მიერ) საქართველოს განადგურებას ვერ მოესწრო.

იმპერიის აღორძინება იმაშიც ჩანს, რომ თითქმის ყველა თანამდებობაზე (რაიონებშიც გამგებლად) ყოფილი პარტიული ფუნქციონერები დასვეს.

რუხთან, ზუგდიდთან სხედან ლტოლვილები, მოშიმშილეები და მოთქვამენ – დააბრუნონ თავიანთ სახლებში.

აფხაზეთის იარაღით დაბრუნების ილუზია გაქრა. ახლა იქ რუსის მრისხანე ჯარი დგას საქართველოს ხელისუფლების მიერ მოწვეული და ხელდასხმული.

ბოლომდე გაიყიდა საქართველო.

ახლა, სანამ ეროვნული ძარღვი კიდევ ფეთქავს, სასწრაფოდ უნდა შეი-

კრიზოს პარლამენტი და სასწრაფოდ უნდა გაუქმდეს 14 მაისის ხელშეკრულება, გაყვანილ უნდა იქნან რუსის „სამშვიდობო ძალები“ საქართველოს ტერიტორიიდან.

რუსეთის ანექსიას ჩვენ მაინც ნუ დავეთანხმებით.

21/VIII-21/IX, 94

საქართველოში პური გააძვირეს.

ათასი კუპონიდან პური ორასიათას კუპონამდე აიყვანეს და ამას ეკონომიკურ რეფორმას ეძახიან.

მწერალთა კავშირში 1924 წლის აჯანყებისადმი მიძღვნილი ორი საღამო გამართეთ.

ამით მწერალთა კავშირმა თავისი პოზიცია გამოხატა.

მე და აკაკი ბაქრაძე გამოვედით.

ვთქვი – რა კეთილშობილნი ჩანან ისინი, ვინც 1924 წელს საქართველოს დამოუკიდებლობისთვის ბრძოლას შეეწირა და რა უბადრუკი ის ჩემი კოლეგები, ვინც საქართველოს თავისუფლების განსყიდვას, საქართველოს სნგ-ში შესვლას ხელი მოაწერა-მეთქი.

საქართველოს დამონების დაკანონება ისე გრძელდება.

ქართული ჯარის შექმნა-გამაგრებაზე ლაპარაკიც აღარ არის.

ენგურის ხიდთან ისეუ ამაოდ შიმშილობენ ლტოლვილნი.

გრაჩოვმა შევარდნაძე გუდაუთაში ჩააფრინა და არძინბასთვის ხელი ჩამოართმევინა.

მერე სოჭში, იმპერატორ ელცინთან ჩაიყვანა ორივენი, როგორც კურდღლები, ელცინმა ჯერ შევარდნაძე მიიღო და მერე არძინბა.

მერე არძინბა... შევარდნაძისთვის მიცემული პირობის გასაბათილებლად.

ამ შეხვედრიდან მესამე დღეს არძინბამ გამოაცხადა – არავითარი ლტოლვილების დაბრუნება, 1 ოქტომბრიდან მხოლოდ საბუთების გადასინჯვას ვინყებთო.

ასე იცის იმპერიამ.

თვითმფრინავში შევარდნაძემ განცხადება გააკეთა:

ელცინს ვკითხე, თუ ჩემი პიროვნება არ განყოფილ, გადამაყენეთ და სხვა დანიშნეთ-მეთქი.

ნუთუ ვერ მიხვდა ამხელა გამოცდილების პოლიტიკოსი, რომ ამით მან საქართველოს დამოუკიდებლობას გადაუსვა ხაზი და მსოფლიოს ამცნო, რომ რუსის დანიშნულია?

გამწარებული ხალხი შიმშილისგან თავის დასაღწევად კვლავ ჩარჩობს, ხოცავს, ძარცვავს ერთმანეთს.

მე და ლევან სანიკიძე საბურთალოდან მოვდიოდით.

ვაკე-საბურთალოს გასასვლელში, ჯერ ავტომატის ჯერი მოგვესმა, ხუთ წუთში ზემოდან წითელი „ჟიგული“ გადმოვადო ვიღაცამ. „ჟიგულში“ სამი დაცხრილული ბიჭი აღმოჩნდა.

ალბათ, ესეც „გაუხსნელ საქმედ“ დარჩება.

ახლოვდება ჩემი შვილის დალუპვის წლისთავი.

შარშან ამ დროს იგი ჯერ კიდევ ცოცხალი მყავდა.

ბოლნისში „სიონობა“ დაარსდა, მწერლებიდან ლევან სანიკიძე და მე გამოვედით. ვთქვი: სადაც სიონი დგას, იქ საქართველოა, სადაც ლიხნის ტაძარი, ბიჭვინთის ტაძარი და სხვა ქართული ძეგლები დგას, იქაც საქართველოა, იცოდეს მტერმა-მეთქი.

22/IX-5/XI, 94

10-დან 17 ოქტომბრამდე ყოველთა ქართველთა მსოფლიო კონგრესი ჩავატარეთ.

კონგრესის თავმჯდომარე რეზო ჩხეიძეა. მე და ლევან სანიკიძე პრეზიდენტის ნევრები ვართ.

300 ემიგრანტი ქართველი ჩამოვიყვანეთ მსოფლიოს ყველა ქვეყნიდან. ამდენი ფული კონგრესმა ვერ მოაგროვა და რ. ჩხეიძემ შემწეობა მთავრობას სთხოვა. მთავრობამ კი, თავის მხრივ, თურმე დასაპატიჟებელთა სიაც შეაცვლევინა რ. ჩხეიძეს და თავისი პირობებიც უკარნახა: კონგრესი ხელისუფლების „ბრძნული პოლიტიკის“ აღსანიშნავ საზეიმო შეხვედრად უნდა იქცესო.

დაიწყო 10 ოქტომბერს, ფილარმონიის დიდ დარბაზში.

რ. ჩხეიძემ გახსნა. გამოდის ილია II, თავისუფალ, დამოუკიდებელ საქართველოზე ბრძნულად, მისებურად ლაპარაკობს, გამოდის შევარდნაძე. არც ერთი სიტყვა იმაზე, რომ ხელახლა დაგვიპყრო რუსეთმა და საქართველო ილუპება. გამოდიან უცხოელი ქართველები ბაგრატიონ-დედოფლები და ბურბონები, ამერიკელი პენსიონერი ზალდასტანიშვილი, ნოე ჟორდანიას ვაჟი – რეჯებ ჟორდანიას და ნიკო ნიკოლაძის შვილიშვილი. არც ერთი სიტყვა საქართველოს უბედურებაზე. თითქოს, შარშან რუსეთთან სამინელი ომი არ გადაგვეხადოს, თითქოსდა რუსს 30 ათასი ბიჭი არ მოეკლას, 300 ათასი ქართველი სახლ-კარიდან არ გამოეყაროს და 25 კვ.კმ არ ჩამოეჭრას საქართველოსთვის.

ლამის სისხლი ჩამექცეს.

რა ხდება, ჩვენ ხომ ეს კონგრესი სხვაგვარად გვექონდა ჩაფიქრებული.

ამ დროს ჩემი გვარი მომესმა (ყოჩალ, ბატონო რევაზ).

ახლა მე ვიცი:

ტრიბუნაზე რომ შევდექი და დარბაზს გადავხედე, საოცარი სიმშვიდე დამეუფლა.

ერთადერთი ის მანუხებდა, ვაითუ, შემანყვეტინონ და სათქმელი ვერ მოვასწრო-მეთქი.

მადლობა ღმერთს, ყველაფერი კარგად დამთავრდა.

ვთქვი, საქართველო დღეს ოკუპირებული და ანექსირებულია-მეთქი, ვთქვი, რა გააკეთე, მსოფლიოვ, საქართველოს საშველად-მეთქი... (ჩემი სიტყვა უცვლელად ერთადერთმა გაზეთმა – „ახალგაზრდა ივერიელმა“, დაბეჭდა).

ტაშის გრიალმა გამომაფხიზლა.

სცენიდან კარგა ხანს არ გამიშვეს.

დაჯდომის დროს შევარდნაძეს შევავლე თვალი, მიტკლის ფერი ედო.

მეორე დღეს საბურთალოს ძმათა სასაფლაოზე მთხოვა გამოსვლა რეზო ჩხეიძემ და იქაც თითქმის იგივე გავიმეორე: აქ რუსის ტყვეით განგ-

მირულ ჩვენს შვილებს სძინავთ-მეთქი (ეს სიტყვა „ლიტერატურულმა საქართველომ“ დაბეჭდა მოგვიანებით, 4 ნომბერს).

14 ოქტომბერს დასავლეთში გავემგზავრეთ კონგრესის წევრებთან ერთად ლევან სანიკიძე და მე.

მიხარია, რომ მე და ლევანი ამ ბოლო დროს ერთად ვართ, ყველგან ერთად გამოვდივართ.

ჩვენი აზრები ბევრნილად ემხთვევა ერთმანეთს.

კარგია, რომ მეგობარი ამავე დროს შენი თანამოაზრეც არის.

სიტყვები ვთქვით ქუთაისშიც და ბათუმშიც. მე და ლევანს საერთო საზეიმო განწყობილებაში დისონანსი შეგვქონდა რუსეთ-საქართველოს ომი-სა და საქართველოს ოკუპაციის ფაქტის ხაზგასმით.

ახლა სტუმრებზე; რამდენიმე გამონაკლისის გარდა, დაბალი დონის, არაფრის გამკეთებელი უცხოელი ქართველები იყვნენ ჩამოსულნი. საქმეზე („დედა-ენის“ წაღება, საქართველოს მდგომარეობის შესახებ სტატიის გამოქვეყნება...) რომ დაელაპარაკებოდი, სიტყვას ბანზე აგიგდებდნენ. თავიდან იცილებდნენ კონკრეტული საქმის გაკეთებას. ბოლოს, ბანკეტზე გულმა არ მომიტოინა და ვთქვი, სამასი ქართველი ხართ ჩამოსული და თითოეულმა თითო კონკრეტული საქმე თუ არ დაივალეთ, ამ კონგრესს ფუჭად ჩავლილად ჩავთვლი-მეთქი. შეიშმუნენ, არა გვყავს, არა ეროვნულად მოაზრონე დიასპორა საზღვარგარეთ.

სასაფლაოზე გამოვიდა რუსის ქალი გორიუხინა და ტირილით თქვა, ამ საფლავებს და ბატონ რევაზ მიშველაძეს რომ შეეცქერი, მრცხვენია რუსეთის გამო, თქვენ ხომ რუსებმა დაგიხოცეს შვილებიო.

მადლობა ღმერთს, იშვიათად, მაგრამ ასეთი რუსებიც არსებობენ.

უნივერსიტეტში გავმართეთ ტერენტი გრანელის (აფხაზეთის უნივერსიტეტში ითავა) და გაბრიელ ჯაბუშანურის საღამოები.

ბევრი ხალხი მოვიდა.

ახლა ჩვენ ყველაფერი უნდა გავაკეთოთ, რათა მწერლობას ისევ ნდობით შეხედოს ქართველობამ.

სამწუხაროდ, ხელისუფლება ყველაფერს აკეთებს, რათა მწერლობის და პროგრესული ჟურნალისტიკის ხმა ჩაკლას.

ნავგართვეს ქალაღდი, სტამბები.

აღარ გამოდის „ცისკარი“, „მნათობი“, ჩემი ჟურნალიც – „ლიმილი“ შეფერხდა.

„ლიტერატურული საქართველოდა“ ფეთქავს თამაზ ნივნივაძის დიდი ძალისხმევით და ისიც 100 ათასის ნაცვლად 2 ათასი იბეჭდება.

6/XI-17/XI, 94

ქუთაისში გადაიხადეს საჯარო ბიბლიოთეკის 120 წლისთავი.

თბილისიდან აკაკი ძიძიგური, ლევან სანიკიძე, რეზო ჭეიშვილი და მე მივიწვევით.

წვიმდა ქუთაისში.

გასაოცარი ის გახლდათ, რომ ბიბლიოთეკის იუბილეზე უამრავი კაცი მოვიდა. იარუსებიც ვერ იტევდა მაყურებელს.

ვთქვი – ერი, რომელსაც შეუძლია ბიბლიოთეკის იუბილე იზეიმოს



და ამ შიმშილ-სიცივეში ამდენი ადამიანი მოვიდეს თეატრში, არ მოკვდება-მეთქი.

ბიბლიოთეკა-აზრის, სიბრძნის განძისაცავია და ჩვენ მისი ფასი კარგად ვიციტ-მეთქი.

ბოლოს, მინდა ის ახალგაზრდა ვახსენო ამ ტრიბუნიდან, რომელიც ხვალ პირველი შემოაღებს სამკითხველოს კარებს, ამოივლის კიბეებს და სიცივედავიწყებული წიგნს მიუჯდება-მეთქი.

სწორედ იმ საყდრულ მყუდროებაში უნდა დაიბადოს ის ღვთიური ფიქრი, ასე რომ ესაჭიროება დღეს ქართველ ერს, რომელიც რუსის მონობისგან დაგვიხსნის და თავისუფალ, ჭეშმარიტად დამოუკიდებელ საქართველოს მოიტანს-მეთქი.

კარგა ხანს გუგუნებდა ტანში.

ძალიან საინტერესო კაცია ბ-ნი აკაკი ძიძიგური – ეროვნული ბიბლიოთეკის თავკაცი – იუმორით სავსე, მთელი ენციკლოპედიაა.

ქუთაისში არ იყო დენი წყალი, გაზი.

მაგრამ ქუთაისი მანაც ქუთაისობდა.

თავისი პენი და მომხიბვლელობა არ დაეკარგა.

ლამის 2 საათზე წამოვედით და დილის 6 საათზე დავბრუნდით თბილისში.

18/XI-94 – 18/I 95

ისე ვიყავი დამუხტული ბოლოდროინდელი ეპოქალური კატაკლიზმებით, რომ დღიურებისთვის ვეღარ მოვიცალე.

რუსეთმა ვეღარ აიტანა „დემოკრატიული სახელმწიფოს“ გრიმ-პარიკი, ნიღაბი მოისროლა და ჩეჩნეთს თავს დაესხა.

დღეს 18 იანვარია. დღესაც ბომბავენ გროზნოს. რუსეთის უძლეველი არმია უმონყალოდ ხოცავს ჩეჩენ ქალ-ბავშვთ და მოხუცებს.

ჩეჩნები შარშანწინ საქართველოს წინააღმდეგ გამოიყენა რუსეთმა, საქართველო აფსუა-ჩეჩენთა დახმარებით დაიპყრო და ახლა თვით ჩეჩნეთს დაესხა თავს.

„გათიშე და იბატონე“ – იმპერიის ნაცადი ლოზუნგია.

მაგრამ ქართველები ვერც ამჯერად ჩაითრია ჩეჩნეთის წინააღმდეგ ომში.

თუმცა, ვინ დაგიმადლის. ჩრდილოეთკავკასიელ ტომებს საქართველოსთან თავიანთი ანგარიში აქვთ. პირველი შესაძლებლობისთანავე კბილთაღრჭიალთ წამოვლენ საქართველოზე.

ასეთია ჩვენი ბედი.

რუსეთმა ჯერ საქართველო და აზერბაიჯანი დაიპყრო, მერე მოლდოვა, ახლა ტაჯიკეთს და ჩეჩნეთს იპყრობს, „თეთრ დათვს“ თავისი ყოფილი კოლონიები ახლიდან დასაპყრობად ექცა.

სანამდე დახუჭავს თვალს მსოფლიო რუსეთის – ხალხთა საპყრობილეს წინაშე?

აფხაზეთის და სამაჩაბლოს დაბრუნება თანდათანობით აუხდენელ ოცნებად გვექცა.

13 იანვარს თბილისიდან კიტოვანის მეთაურობით ოცი ავტობუსი დაიძრა.

მიზანი? აფხაზეთის გასათავისუფლებლად მივიღვართო.

იქნებ მართლაც მიდიოდნენ?

შევარდნაძემ უბრძანა კაგებეს და კიტოვანის მოიერიშე ლაშქარს ხაშურში გზა გადაუჭრეს.

კიტოვანი, სურგულაძე და ხუთასამდე მოლაშქრე დააპატიმრეს.

ბრალდება? თქვენ აფხაზეთის გასათავისუფლებლად კი არ მიდიოდით (რაც, სანამ საქართველოში რუსის ჯარი დგას, პრაქტიკულად შეუძლებელია), გინდოდათ, სამეგრელო აგეჯანყებინათ შევარდნაძის წინააღმდეგო.

გუშინ სიგუაც მისცეს პასუხისგებაში.

აფხაზეთის ოპერაციის ჩაშლით ფრთაშესხმული არძინბა ზეიმობს.

რატომ ვუვლით, რატომ ვინახავთ ასე სისხლისმამელ „ბატონ არძინბას“, (შევარდნაძის გამოთქმა) ვერ გამიგია.

თუმცა („ერთი თხისკენ და ერთი მგლისკენო“) ხუთასი კაცით და ვერც ასჯერ ხუთასით, რუსი აფხაზეთს რომ არ დაგვითმობდა, ფაქტია.

ბრძოლა კი მაინც მოგვინევს.

უაფხაზეთობას არ უნდა შევურიგდეთ.

ნიკო ლორთქიფანიძის პატარა ნოველა „ქედუხრელი“ მახსენდება; პატარა ბიჭი (ოციოდე წლისა) მარტო შეებრძოლა თათრებს. ციხე ვერ აიღო, მაგრამ მის კვალზე ერთი თვის შემდეგ ათასები მოვიდნენ.

ასეთია თავისუფლებისთვის ბრძოლის ლოგიკა.

... ახალ წელს სამნი შევხვდით – შიო, ნათელა და მე.

უაჩიკობა, რაც დრო გადის, უფროდაუფრო მიძნელდება.

19/1-4/VII 95

საქართველო ისევ დაპყრობილია.

რუსეთმა საქართველოს დროშა ჩამოხსნა სარფში და რუსული დროშა დაჰკიდა.

ამით საქართველო, როგორც დამოუკიდებელი სახელმწიფო, ისევ წაიშალა მსოფლიოს პოლიტიკურ რუკაზე.

რუსების სასაზღვრო ჯარების სარდალს ჟურნალისტმა ჰკითხა, რატომ ჩაიდინეთ ესო.

ნიკოლაევს (სარდალი) ეს შეკითხვა, ჩანს, არ ესიამოვნა და მკვახედ უპასუხა:

ვისაც ეს საკითხი აინტერესებს, კარგად ჩახედოს რუსეთ-საქართველოს ხელშეკრულებას – ხელმოწერილს ედუარდ შევარდნაძის მიერო.

ოპოზიცია კვლავ თავდადებით იბრძვის ხელისუფლების გამყიდველური პოლიტიკის წინააღმდეგ, მაგრამ უშედეგოდ.

ტერორი გრძელდება, მოკლეს სულიკო ხაბეიშვილი.

რუსეთმა „ჩეჩნეთის სამშრობის“ საბაბით საქართველოში უამრავი რუსი ჯარისკაცი შემოიყვანა.

26 მაისს კიდევ ერთხელ ჩატარდა არარსებული ქართული ჯარის პარადი ნათხოვარი რუსული ტანკებით. სამარცხვინო სურათი იყო; ჯავშნოსან მანქანებზე 20 რუსის ჯარისკაცს შორის 1 ქართველი ჯარისკაცი იჯდა.

ხაშუმში შეხვედრა გვქონდა. გამოვედით ლ. სანიკიძე, მე, გურამ გოგიაშვილი, ვახტანგ ქარუმიძე, მინისტრი ავთანდილ სილაგაძე და სხვანი.

ვთქვი, საქართველო დაპყრობილია, დამოუკიდებლობის მეორე რაუნდი (ამ საუკუნეში) დასრულდა და ქართველებმა მახვილის ფერვა უნდა დაეინყოთ, ისტორია ისევ მოგვცემს შანსს მონობისგან თავი დავიხსნათ-მეთქი.

ზოგიერთებს არ ესია მოვენათ.

ქუთაისში შაშიაშვილმა და მაგალი თოდუამ (რექტორი) გელათის აკადემია დააარსეს. ლევან სანიკიძე და მე – ჩვენი პოლიტიკური ორიენტაციის გამო (შევარდნაძეს რომ ტაშს არ ვუკრავთ) არ შეგვიყვანეს აკადემიკოსებად.

კონფლიქტი მაქვს ტელემაუნყებლობასთან:

დამირეკა ცირამუამ, ბატონო რევაზ, კონსტიტუციის პროექტზე ხომ არ გამოთქვამდით თქვენს აზრს „მაცნეში“-ო.

მივედი, ჩამწერეს. არ ვეთანხმები-მეთქი სამხარეო მოწყობის პროექტს. ეს კონსტიტუცია კუთხური პარტიკულარიზმის წიაღში დაგვაბრუნებს-მეთქი.

მეორე დღეს დამირეკეს. თქვენს გამოსვლაზე უარი თქვესო.

აი, რა დემოკრატიაა ტელემაუნყებლობაში.

თუ რუსთაველის პროსპექტზე მუხლზე ეცემი, მობრძანდით ბატონო, თუ არა და მტერი ხარ საქართველოსი.

ამ ამბიდან ერთი კვირის შემდეგ „ალიონში“ ჩამწერეს – ნავიკითხე ნოველა „ოთხი ათასი წლის ფიალა“. „ალიონის“ მთავარ რედაქტორს – ოთარ შაოროძეს დაუფურეკე სამი დღის შემდეგ (თვითონ ხომ არ იკადრებდა ჩემთან დარეკვას), მიპასუხა, თქვენს ნოველას ვერ გადავცემთო (მიზეზი არ უთქვამს).

მაგრამ უკან დახევას არ ვაპირებ; ტელევიზიის ხელმძღვანელობას უნდა ვანანებინო, რომ უკვე ორი წელია, რაც ქართული მწერლობა საერთოდ გამოაძევა ტელევიზიიდან.

რატომ? გასაგებია, არ უნდა გაღვივდეს ეროვნული ცეცხლი. ქართველ ერს უნდა შეექმნას შთაბეჭდილება, რომ მწერალს – ეროვნულ გუშაგს – ღრმა ძილით სძინავს.

არის მეორე მიზეზიც – ჭკვიანი კაცი არ უნდა გამოჩნდეს ეკრანზე, რათა პასუხი არ გაეცეს უბრალო, მოტყუებული მოქალაქის კითხვას: ვის ხედავთ დღეს უკეთესს.

მწერალთა კავშირში ჩვეულებრივი სიჭრელეა. ფაქტიურად, თუმცა არ ვიმჩნევთ, დაყოფილი ვართ შევარდნაძის მომხრეებად და მოწინააღმდეგეებად. თუმცა, შეხედულებათა სხვადასხვაობამ ხელი არ უნდა შეგვიშალოს ეროვნული საქმეების კეთებაში.

ამასწინათ მწერალთა კავშირის პრეზიდენტზე ერთი კარგი საქმე გადავწყვიტეთ: დიდუბის პანთეონში ჰ. გონაშვილის და ო. კელაპტრიშვილის გადმოსვენება.

ხმები ლამის შუაზე გაიყო: ავდექი და ვთქვი: თავს ნუ მოიჭრით-მეთქი. ჩემმა სიტყვამ ბევრს შეაცვლევინა აზრი. გამიკვირდა – მ. ლებანიძე, ა. სულაკაური და მ. ქვლივიძე – წინამდევნი აღმოჩნდნენ.

უცნაურია ადამიანი!

როგორც იქნა, გამოვეცი „ლიმილის“ პირველი ნომერი.

აჩიკოზე გამოვიდა კრებული – „არჩილ მიშველაძე – ოცი წლის გმირი“. ყველას მოსწონს. რამდენი რამ დაინერა ჩემს ვაჟკაც ბიჭზე. იგი უკვდავებაში დაბინავდა. ამ წიგნის გამოცემაში ოთარ ფაცაცია დამეხმარა.

ათასი ცალი დავაბეჭდინე რის ვაინაჩრობით ჩემი ნოველების ახალი ნიგნი – „სამოცდარვა ახალი ნოველა“.

5/VII-26/VIII 95

ივლისი და თითქმის აგვისტო, მუხათნყაროში გავატარე.

დავწერე ახალი ნოველები, სად დავბეჭდო, არ ვიცი.

აგვისტოს პირველ რიცხვებში ლევან სანიკიძე ტელევიზიით გამოვიდა.

სამი რამ თქვა: 1) საქართველო უნდა შეურიგდეს იმ ფაქტს, რომ ჩვენ რუსეთის არჩივი ვართო. 2) შევარდნაძემ უნდა იყაროს კენჭი პრეზიდენტობაზეო. 3) სამხარეო მოწყობაში ცუდი არაფერი არისო.

ხომ არ დამიბერდა ლევანი?

ხელისუფლება თავისას მიერეკება.

რუსეთის დავალებას ერთგულად ასრულებს.

24 აგვისტოს ჭაბუა ამირეჯიბს შევხვდი მის ბინაზე.

დიდხანს ვისაუბრეთ. „გორა მბორგალი“ მაჩუქა წარწერით; „რევაზ მიშველაძეს – ბრწყინვალე მწერალს“.

ვკითხე, „დათა თუთაშხია“ საქართველოს ბედზე ასე კარგად რომ დავწერე, როგორღა მიეცი ხმა სნგ-ში საქართველოს შესვლას-მეთქი.

სხვა გზა არა გვქონდაო.

მსოფლიოს უნდა ვუთხრათ, რომ რუსეთმა დაგვიმონა, დაგვიპყრო და სნგ-დან გამოვიდეთ-მეთქი.

რუსეთი მსოფლიოს თვალწინ კატასავით დავგახრჩობსო.

ერთი პირი თუ გვექნა, ვერ დავგახრჩობს, მთელი კავკასია უნდა აღდგეს ჩეჩნეთივით-მეთქი. მსოფლიოს არ უნდა დავუშალოთ, რაც გვჭირს-მეთქი.

გაჩუშდა. ჭაბუა დიდი მწერალია. ძალიან მიყვარს.

იმავე დღეს, 24 აგვისტოს, ჩვენმა პარლამენტმა ახალი კონსტიტუცია მიიღო.

ვესწრებოდი პარლამენტის სხდომას.

ტაში არ დამიკრავს. მე – ერთადერთს არ დამიკრავს ტაში. აჩვენეს ტელევიზიით, მარტო მე ვიდექ ხელდაშვებული.

ეს კონსტიტუციაც ხალხის მორიგი მოტყუებაა.

სახელმწიფო აღარა ვართ და რუსი ისევ გვათამაშებს დროშა-გერბობანას და კონსტიტუციობანას.

მოგეკითხებათ ყველაფერი! მოგეკითხებათ საქართველოს გაყიდვა, ოცდაათი ათასი ბიჭის სისხლი.

27/VIII-7/X 95

“შანსში“ გამოვაქვეყნე ახალი ნოველა „ტიკინები“.

ნოველის ქარგა: სასამართლო. ბრალდებულთა სკამზე საქართველოს 5 ფუნქციონერი ზის.

ბრალი ედებათ სამშობლოს ღალატში და საქართველოს დანგრევაში.

თავს იმართლებენ თავიანთი ინტელექტის და კაცობის პოზიციიდან. ნოველის პროტოტიპების ამოცნობა იოლია.

ატყდა ერთი ამბავი.

„ტიკინები“ ლიტერატურულ სენსაციად იქცა.

„მანსის“ ორი ტირაჟი ელვის სისწრაფით გაიყიდა.

საქართველოში ფოსტა არ მუშაობს. მაგრამ გაზეთს, როგორც რედაქტორმა – ნიჭიერმა, გაბედულმა ჟურნალისტმა ბონდო ქურდაძემ მიიხრა, უამრავი გამოხმაურება დაუგროვდა.

მაქებენ, გაბედულებას მიწონებენ.

დამირეკა ჩემმა მეგობარმა, ისტორიკოსმა იგორ კვესელავამ, მაგარი ნოველააო, მისი მწერა.

არ გეშინიანო? ქუჩაში მეკითხებიან.

რისი უნდა მეშინოდეს? შიშის გრძნობა აჩიკოსთან დავმარხე.

შევარდნაძეს 29 აგვისტოს თავს დაესხნენ პარლამენტის ეზოში, მანქანა აუფეთქეს, სასწრაფოებრივად გადაარჩა. საზიზღრობაა, ლაჩრობაა ტერორისტული აქტი საერთოდ.

მეორე დღესვე დაიწყო რეპრესიები.

ყველა ტერორისტული აქტი და ეს უკანასკნელიც უშიშროების სამსახურს (იგორ გიორგაძე) და მხედრიონს (ჯაბა იოსელიანი, გიგა გელაშვილი) დააბრალეს.

უკვე სამასამდე მხედრიონელი და უშიშროების თანამშრომელი დაპატიმრებულია.

გამოაცხადეს: ტერაქტები იგორ გიორგაძის მამის – პანტელეიმონ გიორგაძის ბინაზე იგეგმებოდაო, იქ მეხუთე სართულზე პატიაშვილიც ცხოვრობს და, ალბათ, ისიც ესწრებოდა „სხდომებსო“.

გაიცა სანქცია მოსკოვში გაქცეული იგორ გიორგაძის დასაკავებლად, მაგრამ რუსეთის ხელისუფალნი გიორგაძის გადმოცემას აგვიანებენ.

ეს ხომ რუსეთ-შევარდნაძეს შორის საბოლოო კონფრონტაციას ნიშნავს.

21-27 სექტემბერს ქუთაისში ვიყავი.

დავით აღმაშენებლის ძეგლი დაიდგა და სხვაც ბევრი საინტერესო ღონისძიება ჩაატარა თეიმურაზ შაშიაშვილმა.

სამწუხაროდ, საქართველოს ტელევიზიამ მიაფუჩიჩა ეს დიდი ეროვნული დემონსტრაცია.

ლევან სანიკიძეს სიტყვა არ მისცეს და გულდანყვეტილი იყო.

ჩემზე ლაპარაკიც არ ყოფილა.

სამაგიეროდ, ქუთაისის თეატრში საზეიმოდ გადმომცეს დავით კლდიაშვილის პრემია.

რუსთაველის თეატრში ჩატარდა პაოლო იაშვილის იუბილე.

სიტყვა ვთქვი.

ტელევიზიით მარტო ჩემი სიტყვა გადასცეს.

ლამარა გიორგაშვილმა, ნაზი ლლონტმა და კამპანიამ ქუთაისიდან დაბრუნებულს სიურპრიზი დამახვედრეს: ჩემი თანხმობის გარეშე „დემოკრატიული პარტიის“ თავმჯდომარედ ავურჩევით.

ჯერ გავბრაზდი, უარი ვთქვი, მაგრამ ბოლოს ერთი თვით დამიყაბულეს. მხოლოდ ერთი თვით.

დეპუტატობის კანდიდატადაც დამასახელეს ვაკის რაიონში.

დარწმუნებული ვარ, არ ამირჩევენ, რადგანაც ვაკეში უმეტესობა პრივილეგირებული არისტოკრატია – ამ ხელისუფლების მომხრეები ცხოვრობენ.

კატეგორიულად უარს ვამბობდი დეპუტატობაზე და პარლამენტის სკამის ხეხვაზე უკანალით, მაგრამ ამ ბოლო დროს სურვილი გამიჩნდა საქართველოს მტრებს „პაი“ მაინც შეეძახო და ხელი აეფუქშიო. იქვე, პარლამენტში.

ეს კარგად იცის ხელისუფლებამ და ყველაფერს გააკეთებს, რათა „მიშველაძე პარლამენტში არ მოხედეს“.

ამიტომაც საარჩევნო ციებ-ცხელება დიდად არ მალეღვებს.

8/X-5/XII, 95

როგორ არ ვიცოდი, რა იქნებოდა „არჩევნები“, მაგრამ საქართველოს აბუჩად აგდებას მაინც არ ველოდი.

არჩევნები იყო არა მარტო გაყალბებული, არამედ – კორუმპირებულიც. ჯერ, რაც ათასპროცენტიანი სიმაართლეა, რაც მე გადამხდა:

ჩვენთან – დემოკრატიულ პარტიაში, საარჩევნო კომისიის თანამშრომელი ქალი მოვიდა და ქრთამად 2000 დოლარი მოვგთხოვა პარტიის საარჩევნო რეგისტრაციისთვის.

უარი რომ ვუთხარი (ქრთამი 3 კაცის თანდასწრებით მოითხოვა, ურცხვად), გამოგვიცხადა: ხვალ მოუსმინეთ „მაცნეს“ ტელევიზიით, ნახავთ, რა დღე დაადგება თქვენს პარტიასო.

რომ მითხრეს, სასაცილოდ არ მეყო, „პროვოკაცია“ მეგონა.

მართლაც, გაგვიუქმეს რეგისტრაცია ქრთამის მიუცემლობისთვის.

გავიქეცი უზენაეს სასამართლოში.

საქმე გაარჩია მოსამართლე დალი ხელაიამ.

მოგებული პროცესი სრულიად მოულოდნელად წაგვაგებინა.

მივედი თავმჯდომარე მინდია უგრეხელიძესთან; ღიმილით, მაგრამ უარით გამომისტუმრა.

შევედი უგრეხელიძის მოადგილე დევდარიანთან.

ბატონო რეზო, გენიოსი კაცი ხარ და ნუთუ ვერ ხვდები, შენი დეპუტატობის საქმე ჩვენს დონეზე რომ არ წყდებაო.

ვხვდებოდი მუხთლობას, მაგრამ მინდოდა საბოლოოდ დავრწმუნებულიყავი-მეთქი.

აი, თურმე როგორი უზენაესი სასამართლო გვქონია.

2 ნოემბერს გაზეთ „ალიას“ მივეცი ინტერვიუ.

ეს ყალბი არჩევნებია. გავა მხოლოდ 3 პარტია. სამივე შევარდნაძის მომხრეების. სულ ტყუილად ჩალიჩობენ პრეზიდენტობის კანდიდატები (ბაქრაძე, ლიპარტელიანი, ლარიბაშვილი, პატიაშვილი) მეთქი.

ისე აგიხდეთ ყველაფერი კარგი, როგორც მე ეს საშინელი წინათგრძნობა ამიხდა.

6-ში უკვე მირეკავდნენ: წინასწარმეტყველი ყოფილხარო.

26 ნოემბერს პრეზიდენტმა ფიცი დადო.

20-24 ნოემბერს რეზო ჩხეიძე და მე (კონგრესის პრეზიდენტთან ერთად) საინგილოში ვიყავით.

აზერბაიჯანელმა კომუნისტებმა 1956-62 წლებში ხრუშჩოვის თანხმობით 60 ათასი ქართველი აზერბაიჯანელად ჩაწერეს – შეუცვალეს გვარი და ეროვნება.

ახლა საინგილოში 70 ათასი ქართველი ცხოვრობს. აქედან 65 ათასი გვარგადაკეთებულია. მხოლოდ 5 ათასი კაცი ატარებს ქართულ გვარს.

ახლა საჭიროა, შევარდნაძემ უთხრას ალიევს, რომ ეს უმსგავსობა გასწორდეს.

ეტყვის? ანდა თუ ეტყვის, ალიევი გააკეთებს?

მსოფლიოს თვალწინ ეს უკვე მერამდენე ქართული ტრაგედია თამაშდება.

ჩვენთვის დაყრუვდ-დამუნჯდა მსოფლიო, თორემ სხვას ყველას გამოუჩნდა პატრონი.

საინგილოში ჩვენი იქ ყოფნის დროს ერთი სასწაული მოხდა: მამა დანიელმა 57 მუსულმანი ინგილო მონათლა. ეს იყო დაუვინყარი, სულსმემძვრელი სანახაობა.

1 დეკემბერს უნივერსიტეტში შეხვედრა მოგვიწყეს მე, მიშა ქვლივიძეს, ლევან სანიკიძეს და ზაურ ბოლქვაძეს.

გაჭედილი იყო დარბაზი, სტუდენტები ფანჯრის რაფებზე ისხდნენ.

რა მოხდა.

ხომ არ მოვბრუნდით ლიტერატურისკენ.

ჯაბა იოსელიანი დაიჭირეს.

6/XII-95 – 3/1 96

18 დეკემბერს ტელევიზიაში „პირისპირ“ (გადაცემა) ვისაუბრეთ ჭაბუა ამირჯიბმა, ვალერი კვარაცხელიამ და მე.

ვთქვი, რასაც ყოველ ფეხის ნაბიჯზე ვამბობ:

საქართველო დაპყრობილია რუსეთის მიერ და ოკუპირებულია 1993 წლის 5 ოქტომბრიდან-მეთქი.

ჭაბუა შემედავა: არა ხარ მართალიო. ჩვენ ახლა დამოუკიდებელი ქვეყანა ვართო. როგორ ვართ დამოუკიდებელი, როცა ერთი თვის წინათ სარფში რუსებმა საქართველოს დროშა ჩამოხსნეს და რუსული დროშა გადმოჰკიდეს-მეთქი. და, საერთოდ, მწერალს უფლება არა აქვს, თავის ხალხს სიმართლეს უმაღლავდეს-მეთქი.

ამაზე ჭაბუა ძალიან გაცხარდა. მეო, არავის სიმართლეს არ ვუმაღავო. კიდევ კარგი, პირდაპირ ეთერში ვიყავით.

ველარ მოვითმინე და, ცოტა არ იყოს, მაგარ-მაგარი რალაცეები ვთქვი საქართველოს ახლანდელ მარიონეტულ ხელისუფლებაზე, პარლამენტზე.

როცა გადაცემა დამთავრდა და გარეთ გამოვდიოდით, მითხრა – შენ მაჯობე ძმაო, იმიტომ, რომ კრიტიკა უფრო ადვილია, დაცვაა ძნელიო.

ისე, ერთი რამ გახსოვდეს, რეზო, ჩვენ უპატრონო, უნათესავო ერი ვართ, რუსი კი ისეთი ნაძირალაა, არ დაგვინდობსო. ფაქტიურად, გეთანხმები, მაგრამ ახლა სიფრთხილე გვმართებსო.

ორი დღის განმავლობაში ჩემს ბინაში ტელეფონის ზარი არ შეწყვეტილა.

არ ვიცი, რა ვთქვი ასეთი, რომ მთელი საქართველოს აღტაცება გამოვინვიე.

შენაო, მეუბნებიან ტელეფონით, იმ სამიოდე მწერალთა შორის ხარ, ვისაც ვაჟკაცობა შერჩენია და საქართველოს მტერს არ ეპუებაო.



თურმე, ხალხმა ყველაფერი იცის.

მეორე დღეს ერთი ამბავი ატყდა.

მოქალაქეთა კავშირის ფრაქციის სხდომაზე ერთი „მოქალაქე“ გამოვიდა და „პარლამენტისა და პრეზიდენტის შეურაცხყოფისათვის“ გადაცემა „პირისპირ“-ის სასწრაფოდ დახურვა მოითხოვა.

აი, რას ჰქვია „პროვინციული ფაშიზმი“.

„პროვინციული ფაშისტები“ გამსახურდია და ეროვნული მოძრაობის წარმომადგენლები კი არ იყვნენ, პროვინციული ფაშისტები სხვაგან უნდა ვეძებოთ.

ეროვნული ხელისუფლების დამამხობელ ზოგ „ინტელიგენტს“ მეტი უფლება რომ ჰქონდეს, ნახევარ საქართველოს დახვრეტდა.

დღეს 3 იანვარია.

უხალისოდ, უქეიფოდ ვზივარ ჩემს მონყენილ ბინაში და ვწერ ახალ ნოველას.

გარეთ ნისლიანი დღეა.

რეზო ჩხეიძემ დამირეკა და ახალი წლის მოლოცვა წელსაც დამასწრო.

დიდი კაცია რეზო ჩხეიძე. შევთანხმდით: 3 დღის შემდეგ შევხვდეთ და ერთად მივიდეთ შევარდნაძესთან, რათა კატეგორიულად დაუწყენოთ საკითხი: დაურეკოს ალიევს, სთხოვოს 65 ათას ინგილოს, დაუბრუნოს ქართული გვარ-სახელი.

ორიოდე კვირის წინ „საქართველოს რესპუბლიკაში“ გამოვაქვეყნე ნოველა – „ნათლილება საინგილოში“ და საინგილოში ჩვენი ვიზიტის ამბები აღვწერე.

ბ-ნ რეზოს მოსწონებია ის ნოველა და მითხრა: თემურ ფალავანდიშვილს დავავალე, ამ ნოველის მიხედვით დოკუმენტური ფილმი გადაიღოსო.

ვალერი კვარაცხელიამ დამირეკა და მითხრა: უამრავი წერილი შევიდა ტელესტუდიაში; ჩვენი გადაცემის გამეორებას მოითხოვენ, მაგრამ ხელმძღვანელობა უარზე დგასო.

4/1-4/III 96

„შანსელებმა“ მთხოვეს, ბატონო რევაზ, გვსურს ყოველ ნომერში დაგვეჭდოთ თქვენი ნოველა, თუ გაუძლებთ გაზეთის ტემპს და მოგვანვდითო. „შანსის“ რედაქტორი ბონდო ქურდაძე, გაბედული, ზრდილი ბიჭია.

ცდუნება დიდი იყო. დღეს, როცა არ გამოდის „მნათობი“ და „ცისკარი“, „ლიტერატურულ გაზეთს“ მიზერული ტირაჟი აქვს. იქნებ „შანსის“ ტრიბუნა (დიდტირაჟიანი, ზომიერი მიმართულების გაზეთია, არცერთ პარტიას არ ემხრობა, ძირითადად ოპოზიციურია...) გამოვიყენო მკითხველისთვის იმის გასაგებინებლად, რას ვაკეთებ მე.

და აი, უკვე თითქმის თვეა „შანსის“ ყოველ ნომერში ვიბეჭდები. ვწერ ორ დღეში თითო ნოველას. ამოვალაგე უბის ნიგნაკები. „შანსი“ მაჩქარებს. თუ გავუძელი ამ ტემპს, ალბათ, „შანსი“ ერთ მოზრდილ ნიგნს დამანერინებს.

19 იანვრის დადგენილება (სნგ), რომელზეც შევარდნაძე დიდ იმედს ამყარებდა, ხოლო მე ვამბობდი, მორიგი სატყუარაა-მექეთი, მართლაც, „ბლეფი“ აღმოჩნდა.

კიდევ ერთხელ დაგვცინა რუსეთმა.

პარლამენტმა მიიღო მიწის კანონი პირველი მოსმენით.

მწერალთა კავშირში (ფანჯიკიძე, მე, დ. მჭედლოური) სასტიკად გავილაშქრეთ ამ კანონის წინააღმდეგ, ეგ საქართველოს გაყიდვას ნიშნავს-მეთქი, მაგრამ ჩვენმა „პარლამენტმა“ კანონი მაინც მიიღო.

ცუდადაა საქართველოს საქმე.

ლამის თავი მოვიკლა. ქვეყანა ილუპება და ვერაფერს ვშველი.

შ. ნიშნიანიძე, გ. გოგიაშვილი, ლ. სანიკიძე და მე მურად ჭოლოკავამ (პოეტი) გარდაბანში წავიყვანა. გვიჩვენა გაყიდული ქართული მიწები, რომელზეც ელვის სისწრაფით სახლდებიან მოძმე ერის წარმომადგენლები.

აი, რისთვის სურდათ მიწის კანონი.

დაძმარებულ ხასიათზე დავბრუნდით.

3 მარტს წმინდა სამების ტაძრის საძირკვლის კურთხევა ჩატარდა.

მე მორწმუნე არა ვარ, მაგრამ ეს დიდი ეროვნული საქმეა.

5/III-2/IV, 96

„მანსში“ ვაგრძელებ ნოველების ბეჭდვას.

თითქმის ყოველ მეორე დღეს ახალ ნოველას ვწერ.

ტვინი მისკდება, წნევა მიწევს ახალი სიუჟეტების მოფიქრებაში, მაგრამ დაღლას არ ვეპყები.

„მანსის“ ტირაჟი გაორმაგდა. ეს მხოლოდ ჩემი ბრალი არ არის, საერთოდ, კარგი გაზეთია.

გაზეთი ელვის სისწრაფით სალდება.

მკითხველი, მგონი, შემოვებრუნე ლიტერატურისკენ.

საქართველო ისევ თავდაღმა მიექანება.

შევარდნაძე ელცინს ეახლა მოსკოვში.

ამჯერადაც მოატყუა იმპერატორმა: აფხაზეთში მიმავალი გემები ფოთში შემოვლენ და ქართველებმა გააკონტროლეთო.

„მოიტყუა“ თავი შევარდნაძემ და თავის მხრივ ჩვენ მოგვატყუა.

მე და ლევან სანიკიძე ქუთაისში ვიყავით.

უნივერსიტეტში ოთხი ლექცია წავიკითხეთ.

სამინელი ქარი ქროდა ქუთაისში.

როგორც იქნა, დავითანხმეთ მე და ვახტანგ გურგენიძემ გალაკტიონის ბინაში მცხოვრები ქიშვარდ ცირეკიძე, გადავიდეს სხვაგან საცხოვრებლად. დიდ ბინას მოითხოვს.

ვიყავით ქალაქის მერთან ფანჯიკიძე და მე.

დაგვიპირდა; მერია შეუძენს ბინას ცირეკიძეს და გავასახლებთო.

ვნახოთ.

მე და ლევან სანიკიძე 29 აპრილს გამოვედით ქორეოგრაფთა ყრილობაზე.

30 აპრილს, შაბათს, უნივერსიტეტში იყო დიდი კრება საქართველოში (ბაზალეთის ტბასთან) თურქული უნივერსიტეტის გახსნის თაობაზე.

გაირკვა (მაღსაზ ბარამიძის სიტყვიდან), რომ თურქული უნივერსიტეტის გახსნის ინიციატორები არიან დემირელი და შევარდნაძე.

„ჭრელი“ კრება იყო. სხვადასხვა პოლიტიკური ორიენტაციის ადამიანები ისხდნენ დარბაზში, მაგრამ იმ დღეს პირველად ვნახე ჩვენი ინტელიგენცია ერთი იდვით დამუხტული.

გამოვედით მე, კ. დანელია, გ. ლორთქიფანიძე, მ. ბარაიძე, ირა გოცი-რიძე, ჯ. ჭუმბურიძე და სხვანი.

სასტიკად დავგმეთ საქართველოში თურქული უნივერსიტეტის გახსნის იდეა.

ვნახთო, რა მოჰყვება.

2/IV-13/IV 96

უნივერსიტეტის კრებას დიდი გამოხმაურება მოჰყვა.

ინტელიგენცია დაირაზმა თურქული უნივერსიტეტის წინააღმდეგ. საბ-როტესტო კრებები ჩატარდა მწერალთა კავშირში, აკადემიაში, სხვადასხვა უმაღლეს სასწავლებლებში და დაწესებულებებში.

სასწრაფოდ გვიპასუხა ტელევიზიამ. გამოიყვანეს ხელისუფლების დამეპაშები და დღეშეთის გამგებელიც.

გვიკვირს, რატომ ეჩვენება უკუღმა ინტელიგენციას საქართველოსთვის ეს ფრიად სასარგებლო საქმეო.

პარლამენტმა აფხაზეთის საკითხი განიხილა. კარგად გამოვიდნენ თამაზ ნადარეიშვილი, ზურაბ ერქვანია, გენო კალანდია და ჯანო ჯანელიძე.

მოითხოვეს რუსის ჯარის გაყვანა აფხაზეთიდან და აფხაზეთის ოკუ-პირებულ ზონად გამოცხადება.

სანამ რეზოლუციას მიიღებდნენ, შევარდნაძე გამოვიდა და პარლა-მენტს ცივი წყალი გადაასხა:

არავითარი რუსის ჯარის გაყვანა! არავითარი ოკუპირებულ ზონად გა-მოცხადებაო. ელცინი ჩვენს მხარეზეა, მაგრამ სასაზღვრო ჯარების სარ-დალი, ნიკოლაევი, არ უჯერებსო. მე, ამასწინათ, ტელეფონით ველაპარაკეო არძინბას.

რას ვიზამთ, ასეთია დიდი პოლიტიკა; საქართველოს პრეზიდენტი, თურმე, ღამლამობით, ჩუმჩუმად საქართველოს ნომერ პირველ მტერს ელაპარაკება. ალბათ, ასეა საჭირო. მე ვერ ვხვდები, მაგრამ, მე ვინ რას მეკითხება.

ამ დღეებში შევარდნაძე თურქეთში იყო.

მეჯლისზე სიტყვით გამოვიდა.

არც ერთი სიტყვა არ უთქვამს იმაზე, რომ თურქეთში ქართველები ცხოვრობენ. რომ დღეს თურქეთის ტერიტორიაზე უამრავი ქართული ის-ტორიული ძეგლია.

რას იტყოდა ტაო-კლარჯეთში მცხოვრები მილიონობით ქართველი. ნუთუ ასე ვახსოვართ, ნუთუ ასე ზრუნავენ ჩვენზე „დამოუკიდებელ საქა-რთველოში“.

„შანსში“ (11 აპრილი) გამოვაქვეყნე ნოველა „სად იყავით მაშინ“. ეს არის მოტყუებულ-გაცრუებული ინტელიგენციის ლაღადისი.

ბევრმა დამირეკა.

ნოველას ასე ვამთავრებ: „შოთა სამხარაძეს (მე) ეჩვენებოდა, რომ შინი-სკენ შამხანის ლულა მიაცილებდა“.

12 აპრილს ხარაგოულში შეხვედრა მოგვინყვეს შოთა ნიშნიანიძეს, ლე-ვან სანიკიძეს და მე.

გალარიბებული, გაძარცვული, მოწყენილი, მშვიერი, მაგრამ მაინც პენი-ანია ჩემი იმერეთი.

სასიამოვნო აღმოჩენა; როგორც გავარკვეით, ჩვენს წიგნებს პერიფერიებში უფრო კითხულობენ, ვიდრე დედაქალაქში.

13-ში საავადმყოფოში ვინახულე ჩემი უსაცვარლესი ბიძაშვილი, ექიმი მირიან მიშველაძე. იგი, ორი ვაჟკაცის მამა – სოხუმიდან ლტოლვილი, კვდება უიმედოდ და უილაჯოდ.

მიდიან ლტოლვილები...

ძნელი ასატანია გაუთავებელი მოტყუება.

აფხაზ ლტოლვილთა ყრილობა ჩატარდა.

ერთადერთი მწერალი მივედი. მაინტერესებდა, რაზე ისაუბრებდნენ პარლამენტის შემდეგ.

ილაჯგანყვეტილი, დადელღებული ადამიანები ისხდნენ დარბაზში და იდგნენ ტრიბუნასთან.

ზურაბ პაპასკირს სიტყვა ვთხოვე, უარი მითხრა, პროგრამა გადატვირთულიაო.

უნივერსიტეტში ქართული ენის დღე ჩავატარეთ.

სიტყვა ვთქვი.

14/IV-5/VI, 96

2-3-4-5-6 მაისს ქუთაისში ხუთდღიანი ზემი ჩაატარა თემურ შაშიაშვილმა.

არ ვაპირებდი წასვლას, მაგრამ გია ხურციძემ (თანაშემწე) დაჟინებით მთხოვა და ხათრი ვერ გავუტყხე.

ორი ავტობუსით ჩავედით – ბაგრატიონები, მწერლები და მეცნიერები. თეთრ ხიდამდე მიგვიყვანეს და ბედის ანაბარა მიგვატოვეს.

მერი და ქალაქის ელიტა №1 სტუმარს (შეგარდნაძეს) დასდევდა. ჩვენვის დავეკარგეთ, ვილას ვახსოვდით.

დღენახევარი გავძელი და გამოვიპარე.

ამ ქუთაისურ ზემზე დავწერე ნოველა „სერობა“. „მანსში“ ვბეჭდავ.

თ. შაშიაშვილი წესიერი, ენერგიული, ნიჭიერი კაცია, მაგრამ თუ ამთავითვე არ შევნიშნე, შეიძლება მისთვისვე უარესი იყოს.

30 მაისს ვიყავით სიღნაღში: რეზო ჭეიშვილი, ჭაბუა ამირეჯიბი, ლევან სანიკიძე, ტარიელ ჭანტურია და მე.

ვთქვი – მრცხვენია ამ ტრიბუნაზე რომ ვდგავარ-მეთქი – ბევრჯერ დარჩით მოტყუებული, – ვერ შეგისრულეს დანაპირები, არა გაქვთ შუქი, ბენზინი, სასუქი, შხამ-ქიმიკატები, გაზი, ხელფასი, მაგრამ გაქვთ ვაჟკაცობა და გაგიმარჯვოთ კახელებო-მეთქი.

2 ივნისს პატარძელულში ვიყავით გოგლაობაზე.

სიტყვა ვთქვით გ. ფანჯიკიძემ, ჯ. ჩარკვიანმა, მ. ქვლივიძემ, ლ. სანიკიძემ და მე.

„ოლე“ თავის დროზე კრიტიკა ვერ ამხელდა, თორემ საქართველოს სიმბოლოა-მეთქი.

„დაკიდებულ არწივს ჰგავხარ დამსხვრეული ფრთებით“ – ამბობს გოგლა და როგორ ჰგავს ოლე დღევანდელ საქართველოს-მეთქი.

„ნატვრის ხის“ ელიოზივით იყინება საქართველოს და ცის გახსნას ამოდ ელის-მეთქი.

6/VI-1/VII 96

„მანსში“ და „გრაალში“ ერთდროულად გამოვაქვეყნე ნოველა „გაილ-ვიდი“, ახალგაზრდობას ვტუქსავ ეროვნული გულგრილობის და ცეკვა-თამაშით ზედმეტად გატაცების გამო.

დიდი გამოსმაურება გამოწვია. ვილაც უცნობმა ახალგაზრდამ დამირეკა – სამართლიანად გვტუქსავთ, ბატონო რევაზ, მაგრამ ჩვენიც მოისმინეთ, დაბნეულები ვართ, არ ვიცით, ვის გავყევით.

დაბნეულები ხართ იმიტომ, რომ დაგაბნიეს-მეთქი.

ამ ხელისუფლებამ შეგნებულად მოსპო ეროვნული ორიენტირები.

გაულანძღავ-მოუსყიდველი აღარავინ დარჩა.

ეროვნულ დაფაზე მკაფიო გვარებს შლიან, ან ინსინუაციის საბურველში ხვევენ.

პარტიებს შიგნიდან აფეთქებენ (ედა), მწერლები ლამის მათხოვრებად გვაქციონ, მარჯანიშვილის და რუსთაველის თეატრიდან 35 მსახიობი დაითხოვეს („მანსში“ გამოვაქვეყნე მათს გამოსასარჩლებლად ნოველა „სხვა რაღა დარჩა“), ახლახან თბილისში 40 000 მასწავლებელი ქუჩაში დატოვეს...

ცოდვის გაკითხვა.

ეკონომიკა გაყინულია. მრეწველობა არ მუშაობს და ხელისუფლება შტატების შემცირებით ცდილობს ბიუჯეტის შევსებას.

საქართველო მაინც ითმენს და ითმენს.

რუსეთში უშიშროების საბჭოს მდივნად (ელცინის მარჯვენა ხელად) დანიშნეს გენერალი ლებედი; იგი არ მალავს თავის ზიზღს საქართველოს მიმართ, პირველივე დღეს გამოაცხადა გრაჰოვი და ნადიბაიძე ხელისუფლების წინააღმდეგ შეთქმულებას აწყობდნენო.

ჩვენი მსოფლიო პოლიტიკოსები საქართველოს დაქცევას ერთგულად განაგრძობენ.

გამკითხავი არავინ არის.

3-ში რუსეთი ახალ იმპერატორს აირჩევს.

ალბათ, ელცინს დატოვებენ. დასავლეთი იმპერიის დაქცევაში ელცინზე უკეთესს ვის მოძებნის.

2/VII-1/IX, 96

მიირწევა საქართველო დუნე, ერთფეროვანი, უხალისო ცხოვრების ტალღებზე.

არავითარი პროგრესი, არავითარი წინსვლა.

შევარდნაძე უნაუნა გააქანა რუსეთის საგარეო საქმეთა მინისტრის მოადგილემ, პასტუხოვმა, ჩრდილოეთ ოსეთში და სამხრეთ ოსეთის პრეზიდენტს ჩიბიროვს შეახვედრა.

ჯერ არძინბასთავის ჩამოართმევენეს ხელი, მერე ჩიბიროვს აახლეს.

შედეგი? ნული.

ენად გაიკრიფა პრეზიდენტის პრესის სამსახური.

ესო, ქართულ-ოსური კონფლიქტის მოგვარების გზაზე გადადგმული მესამე დიდი ნაბიჯიაო.

პირველი ორი ნაბიჯი რომელს დაარქვეს, ნეტავ?

ამ შეხვედრამდე სამი დღით ადრე პასტუხოვმა საქართველოს ელჩი რუსეთში – ვაჟა ლორთქიფანიძე „ჩააბრძანა“ გალში.

აფსუების ერთგულმა პასტუხოვმა ამ შეხვედრის დასასრულს განაცხადა: შეხვედრის მიზანი ის იყო, რომ დავრწმუნებულიყავით, მართლა ბრუნდებიან თუ არა ქართველები გალშიო აფხაზების ნებართვის გარეშე, სტიქიურად.

დახეთ ეშმაკ პასტუხოვს; მსოფლიოს (პირველ რიგში, გაეროს დამკვირვებლებს) გააგებინა: ხომ ხედავთ, უდისციპლინო ქართველები სტიქიურად ბრუნდებიან და ყველა მოსალოდნელ შედეგზე ჩვენ (შუამავლებს) ხელი დაგვიბანიაო.

ვ. ლორთქიფანიძე წამოეგო ამ ანკესს და მთელი სერიოზულობით განაცხადა – დიახ, ერთი მესამედი ლტოლვილებისა უკვე დაბრუნდა გალშიო. პირსისხლიანი არძინბა კი ამ დროს „პრაავდამი“ ინტერვიუს აძლევს: ჩვენ ქართველებთან ერთ სახელმწიფოში ცხოვრებას არ ვაპირებთო.

30 აგვისტოს მოქალაქეთა კავშირმა ფორუმი გამართა.

ჩვეულებრივი, თითქმის კომუნისტური თავყრილობა იყო. ტყუილი დაპირებებით, საამური ცხოვრების ილუზიით.

ყვანიამ საქართველო „გაახარა“ – ზოგიერთი მოქილიკის საპასუხოდ, თითქოსდა მილიონი სამუშაო ადგილის დაპირება არ შევარსულეთ, უნდა განვაცხადო, რომ ცხრაასი ათასი სამუშაო ადგილი უკვე მოგეცითო. სად არის მერეო, ვილაცამ ჰკითხა. სოფლად რომ ცხრაასი ათასი კაცი საკუთარ მიწის ნაკვეთს ამუშავენს, განა იმას უმუშევარი ეთქმისო? ყვანიამ.

სასაცილო ის იყო, რომ დარბაზში არავის გაცინებია.

ასე ატყუებენ უბედურ საქართველოს.

ელცინი, რასაკვირველია, კვლავ აირჩიეს პრეზიდენტად.

ინაუგურაციაზე სამი წინადადება ძლივს თქვა.

მეტყველების აპარატი მოშლილი აქვს. ლოთია.

შევარდნაძის შეხვედრაა დაგეგმილიო, გაჰყვიროდა. ჩვენი „მასმედია“ შევარდნაძე მართლაც, ჩავიდა მოსკოვში, მაგრამ ელცინმა, როგორც ჩანს, ამჯერად ვერ მიიღო რესპუბლიკის ხელმძღვანელი, სამაგიეროდ, ჩვენი პრეზიდენტი პასტუხოვმა მიიღო. რას ვიზამთ.

აკურთხეს პრეზიდენტად ელცინი და მეორე დღესვე ჩანვა. აცხადებენ მოსკოვის მახლობელ სანატორიუმში ჯანმრთელობას იკაჟებსო.

სამაგიეროდ, ლებედმა ჩეჩნეთის ომი დაამთავრა. მოლაპარაკების შედეგი გაინტერესებთ?

რუსეთის ჯარმა დაუყოვნებლივ უნდა დატოვოს ჩეჩნეთი, ხოლო ჩეჩნეთის პოლიტიკური სტატუსი განიხილება მხოლოდ ათი წლის შემდეგ.

ალბათ, იმედოვნებს ეშმაკი რუსეთი, რომ ათ წელიწადში სათანადოდ დააუთოვებს ჩეჩნეთს.

ასეა თუ ისე, დღესდღეობით პატარა ჩეჩნეთმა დაამარცხა დიდი რუსეთი.

ბარაქალა, მამაცო ჩეჩენო!

2/IX-96

უღიმამოდ ჩაიარა პირველმა სექტემბერმა.

ისე, როგორც საქართველო თვლემს.

ასე მგონია, ერთი ცხოვრება დავასრულე და სრულიად სხვა ცხოვრება დავინწყე.

თითქოსდა მე მე აღარა ვარ.

რა იყო მაინც ის ოთხი წელი (1990, 91, 92, 93)

როგორ დულდა საქართველო. რა დრამატული იყო ყოველი დღე.

ჩაკვდა ყველაფერი.

იმედს, რწმენას ჩასცა მახვილი საქართველოს მარიონეტულმა ხელისუფლებამ.

სად არიან უთვალავი ოპოზიციური პარტიები და საზოგადოებანი. სად გაქრა მათი ცეცხლოვანი მანიფესტები და რეზოლუციები.

კიდევ რამდენ ხანს ვიქნებით რუსობაში?

დღეს რუსთაველის თეატრში აფხაზეთის დევნილი უნივერსიტეტის შეხვედრა შედგა.

რექტორმა, აკადემიკოსმა ოთარ ჟორდანიამ გახსნა.

ბ-ნი ოთარი ზრდილობით საგსე, ქველი, ნიჭიერი კაცია, ნამდვილი კოლხი.

რუსთაველის თეატრი გადაჭედილი იყო. რომ იტყვიან, ნემსი არ ჩავარდებოდა.

რექტორმა, სხვებთან ერთად, სცენაზე სანიკიძე და მე გვიხმო.

შეხვედრა სასწავლო წლის დაწყების ზეიმად იყო ჩაფიქრებული, მაგრამ, ეს შეხვედრა აფხაზეთზე ნოსტალგიით, სამშობლოს სევდით იყო დაღდასმული.

როცა რიგმა მომიწია, ვთქვი: 1993 წლის 27 სექტემბერს რუსმა საქართველოდან ქართველები გამოგვრეკა. ეს უპრეცედენტო სისასტიკეა მსოფლიოს ისტორიაში-მეთქი.

დღეს „გენიოსი ქართველი პოლიტიკოსები“ აფხაზეთში ღირსეულ დაბრუნებაზე საუბრობენ, არ არსებობს ღირსეული დაბრუნება, ისე, როგორც ღირსეული გამოქცევა არ არსებობს-მეთქი. ოღონდ იცოდეთ, ჩვენი დამარცხება შეძლო მსოფლიოში ერთ-ერთმა ყველაზე მრავალრიცხოვანმა რუსის ჯარმა და არა ერთმა მუჭა აფსუამ-მეთქი.

თქვენ, ვინც ამ დარბაზში სუფევთ, მსოფლიოს აჩვენეთ, როგორ უნდა იცხოვროს ერმა ლტოლვილობაში, როგორ უნდა იცხოვროს ხიზანმა მწერალმა, როგორ უნდა გაძლოს დევნილმა უნივერსიტეტმა-მეთქი. დაბრუნებულებს თქვენ უკვე კარგად გეცოდინებათ, როგორ უნდა მიეპატრონოთ თქვენს მიწას-მეთქი.

აფხაზეთის უნივერსიტეტმა რკინის გამძლეობა და სიცოცხლისუნარიანობა გამოავლინა-მეთქი.

მომავალ ახალ სასწავლო წელს ღმერთმა სოხუმში შეგახვედროთ-მეთქი.

ბოლო სიტყვა ითხოვა უნივერსიტეტის ლექტორმა ბერიამ.

ჩვენ კარგად ვიცით, რომ საქართველოს დღევანდელი ხელისუფლების შეცდომის მსხვერპლი ვართ და მანამ ჩვენი მოთმინების ფიალა ბოლომდე არ ავსებულა, ხელისუფლებამ დროულად გამოასწოროს თავისი შეცდომაო.

მისმა სიტყვამ შეაზანზარა დარბაზი და ზეიმი მრისხანების ყიჟინამ შეცვალა.

საღამოს რეზო ჩხეიძე, ლევან სანიკიძე და მე თბილისის პოლიციის ურფოსთან ბ-ნ დემურ მიქაძესთან გახლდით ერთი ინგილო ყმაწვილის ჩაბურდული საქმის მოსაგვარებლად.



პოლიციის შეფმა ყურადღებით, პატივისცემით მივიღო და დაგვპირდა, რომ ინგილოს შესაძლებლობის ფარგლებში დაეხმარებოდა.

3-4/IX 96

დღით თბილისის ვიცემერთან – მელორ ტყემელაშვილთან და ქალაქის მთავარ არქიტექტორთან, ოთარ არველაძესთან, ერთად ვახტანგ გურგენიძე და მე გალაკტიონის სახლ-მუზეუმის გახსნასთან დაკავშირებით ქიშვარდ ცირეკიძეს ვესტუმრეთ.

ბატონი ქიშვარდი ის კაცია, რომელიც გალაკტიონის ბინაში ცხოვრობს და აგერ, ლამის, ოცდაათი წელია, საქართველოს ხელისუფლებამ ბინა ვერ გამოძებნა ცირეკიძის სხვაგან გადასაყვანად.

არა და, ვახტანგ გურგენიძეს თავის არქივში კარგა ხანია მზადა აქვს გალაკტიონის სამუზეუმო გამოფენა. შეიძლება თბილისში XX საუკუნის უპირველესი პოეტის სახლმუზეუმი არ გვექონდეს?

თუმცა, გალაკტიონის სახლ-მუზეუმი ხომ უდიდესი ფუფუნებაა იმ სიჯიუტის ფონზე, რასაც ჩვენი ხელისუფლება კულტურის მიმართ სჩადის – მე ხომ მას ათი წელია ვეხვეწები და „ვეფხისტყაოსნის“ მაღაზია ვერ გავახსნევინე.

ჩამოდიან უცხოელები, გვეკითხებიან, სად ვიშოვოთ ქართველთა ბიბლია, ქართველთა უპირველესი განძი „ვეფხისტყაოსანი“ და ჩვენ ხელებს ვასავსავებთ.

რას ნაიღებს უცხოელი საქართველოდან „ვეფხისტყაოსანზე“ უკეთეს? იქნებ არტელ „შრომის“ მიერ შეკერილ შარვლებს?

მელორ ტყემელაშვილმა დღეს, ვატყობ, გულთან მიიტანა გალაკტიონის მუზეუმის საქმე. გურგენიძის გამოფენაც დავათვალიერეთ, იქნებ დაგვადგეს საშველი.

ნაშუადღევს ქალაქის მერს – ბადრი შოშიტაიშვილს ვეახელ ისევ გალაკტიონის მუზეუმის საკითხზე.

ყურადღებიანი, თავმდაბალი კაცია. ყველაფერს გავაკეთებო, ვნახოთ. ქალაქის მერიიდან მწერალთა კავშირში შევიარე.

ფანჯიკიძეს მწერალთა კავშირის რეორგანიზაციაზე ვესაუბრე.

ჩემთვის ყველა მწერალი ძვირფასია. ყველა უნდა გადარჩეს. ელიტარული ჯგუფის გამოყოფა მწერალთა კავშირის დაშლას გამოიწვევს-მეთქი.

თუ შიმშილია, ყველამ უნდა ვიშიმშილოთ-მეთქი.

გურამი ყურადღებით მისმენდა. როგორც ჩანს, პრეზიდენტზე მწვავე ლაპარაკი გვექნება.

მე ამას ყველაფერს ვიტყვი.

4 სექტემბერს კასპში ვიყავი.

„დედა ენის“ გამოცემა სურს მწერალთა კავშირთან არსებულ საბავშვო გამოცემილობას და კასპის ახალ გამგებელს – ზურაბ ქარუმიძეს, შემწეობა-სპონსორობა ვთხოვეთ.

ყურადღებიანი, წესიერი ახალგაზრდა კაცია. მოგვისმინა და, შესაძლებლობისამებრ, დახმარება აღვითქვა.

სალამოს ტელევიზიით მოვისმინე პარლამენტის სესიაზე მამუკა გიორგაძის გამოსვლა.

დავანებოთ თავი რუსეთთან ცერემონიებს და მონურ მორჩილებას, ერთხელ და სამუდამოდ დავადგინოთ სამშვიდობო ძალების გაყვანა აფხაზეთიდან.

პარლამენტის „მოქალაქე-უმრავლესობა“ შეიმუშვნა, ამკარად დაეცყოთ, რომ რუსეთს ვერ შევლევინა.

ეს იმ დროს ხდება, როცა ჩეჩნეთიდან თავდახრილნი გადიან კუდამოძიებული, დამარცხებული რუსი დამპყრობლები.

როდის გავიღვიძებთ, როდის?

დანოლის წინ დიდხანს ვკითხულობდი ე.წ. „ზვიადისტურ“ პრესას.

რუსეთთან დამოკიდებულებაში, საქართველოს თავისუფლების გააზრებაში დიდი სიმართლე მათს მხარეზეა.

5/IX 96

თბილისში ახლა სამი განმაურებული სასამართლო პროცესი მიმდინარეობს.

პირველი: – ასამართლებენ კიტოვანს, სურგულაძეს და ფისუნს, ბრალად ედებათ უკანონო შეიარაღებული ფორმირების შექმნა და პროვოკაციული გამგზავრება აფხაზეთის გასათავისუფლებლად.

რამდენიმე სხდომას დავესწარი. ვერა და ვერ გავიგე, რისთვის ასამართლებენ ამ სამეულს. ვთქვათ, მიდიოდნენ აფსუების წინააღმდეგ საბრძოლველად, თუმცა ზუგდიდთან მდგარი რუსის ჯარი მათ კუდიტ ქვას ასროლინებდა. შეიძლება თუნდაც გადარეულ პიროვნებებს ასამართლებდე იმის გამო, რომ ისინი საქართველოს მოსისხლე მტრის, არძინბას, წინააღმდეგ ბრძოლას აპირებდნენ? ხშირად მაგონდება ნიკო ლორთქიფანიძის პატარა მოთხრობის („ქედუბრეღნი“) პერსონაჟი. იგი მარტოდმარტო მიუხტა ციხეს, ხუთიოდე მომხდური სიცოცხლეს გამოასალმა და თვითონაც დაიღუპა. ნ. ლორთქიფანიძემ თავისი მწერლური ლოგიკით ის ყმანვილი გმირის შარავანდელით შემოსა, ჩვენი დემოკრატიული სასამართლოს ლოგიკით კი იგი საბრალდებო სკამზე უნდა დაესვათ, როგორც სახელმწიფო დამნაშავე.

გაგვაგებინეთ, რისთვის გვასამართლებთ, სამშობლოს სიყვარულისთვის? – კითხულობს სურგულაძე.

მე მგონი, მათ სხვა რალაცის გამო ასამართლებენ. იმ სხვა „რალაცას“ კი, ალბათ, ვერ ამხელს ჩვენი ხელისუფლება.

მეორე გახლავთ – ქობალია, ბოკუჩავა, ძიძიგურის სასამართლო პროცესი, ისინი ზვიადისტები არიან და ისჯებიან კანონიერი (? ხელისუფლების ჩამოგდების მცდელობისათვის. მერედა რატომ? ასევე არ დაამხო ამ ხელისუფლებამ ზვიადი მოსკოვის დახმარებით?

ეს პროცესიც კუროიზებითაა აღსავსე.

– როდის შემდეგ გახდა კანონიერი ის „სახელმწიფო საბჭო“, რომელიც მოვიდა ყაჩაღების ხელდასმით, მას შემდეგ, რაც ბანდიტებმა მოსკოვის აგენტების ნაქეზება-დახმარებით, მართლაც, რომ კანონიერი პრეზიდენტი ჩამოაგდეს და საქართველოდან გააქციესო – კითხულობს სამტრედიის ყოფილი პრეფექტი ზვიად ძიძიგური.

იბღვირებიან მოსამართლენი.

ძნელია მათთვის „ჰქმნა მართლისა“.

მათ ხომ სხვა დავალება აქვთ ზემოდან მიცემული, სიმართლე კი სრულად სხვა მხარესაა.

მესამე პროცესი თეატრალურ ბუფონდას წააგავს; ერთმანეთს სამკვდრო-სასიცოცხლოდ შებმია სამი ქართველი მანდილოსანი. ქართველი საზოგადოებისთვის არც თუ უცნობი სამი გრაცია – ნესტან კირთაძე, კლარა აბრამია და იზა ორჯონიკიძე. სამივე სასამართლოზე მოვასწარო დღეს თითო საათით მისვლა.

### 6-7/IX 96

გაზეთებში დაბეჭდილია სტუდენტთა საგანგებო კომიტეტის მიმართვე ხელისუფლების მიმართ თურქული უნივერსიტეტის თაობაზე.

მეგონა, ხელისუფლება ამ ერთს მაინც დაგვითმობდა, თურქული უნივერსიტეტის პრობლემას ქართული ინტელიგენციის სურვილისამებრ გადაწყვეტდა, მაგრამ ღრმად მოგტყუვდით. მთავრობა ჩვენი თხოვნა ფეხებზე დაიკიდა.

სტუდენტთა მიმართვაში ერთი შეცდომა მაინცაა დაშვებული, შეჩერდეს თურქული უნივერსიტეტის (ფარისევლურად შავი ზღვის ქვეყნების უნივერსიტეტს უწოდებენ) გახსნის დადგენილებაო.

სტუდენტებს კატეგორიულად უნდა მოეთხოვათ „შეჩერდეს თურქული უნივერსიტეტის ფუნქციონირებაო“, მორჩა და გათავდა.

7 სექტემბერს ჩარგალში ვიყავით მწერლები – ვაჟაობაზე.

სიტყვები ვთქვით: გურამ ფანჯიკიძემ, ოთარ ქელიძემ, ნოდარ გურეშიძემ, მე, ჯიბო ლომაშივლმა, ზაზა ბანელაშვილმა, ვალერი ასათიანმა და სხვებმა.

ვთქვი: მოვიდით აქ, რათა ერთხელ კიდევ ჩაგვესმას ვაჟას ომახიანი, ფხიანი, მართალი სიტყვა: „ვერ მაანონებთ, კარგ ყმასა, რაც არ უჯდება ჭკვაშია“. დღეს საქართველო უარეს დღეშია, ვიდრე ვაჟას დროს იყო. ჩვენ ხშირად უნდა მოვიდეთ ვაჟასთან და მისგან უნდა ვისწავლოთ, როგორ ვუერთგულოთ ქვეყანას და რა მონოლითური რწმენით უნდა ვიაროთ სამშობლოს თავისუფლების გზაზე-მეთქი.

### 8,9/IX 96

მურთაზ გოგოძეს სამოცი შეუსრულდა.

მუხატყაროში გავუმართეთ პატარა ვახშამი მეგობრებმა.

შარშან ინფარქტი გადაიტანა. სულით ძლიერი, გაუტყეხელი კაცია.

მე და შიო თბილისში რომ ვბრუნდებოდით, შუახსნის რუსი დაგვემგზავრა. ბნელიდა. რომ გავუჩერე, „სპასიბო“ გვტყორცნა, უკანა კარი გამოაღო და დაჯდა ისე, რომ ჩემთვის არ შემოუხედავს.

საიდან ბრძანდებით-მეთქი.

კემეროვოდან ვარ, მართლმადიდებელი რუსიო.

აქ საიდან მოხვდი-მეთქი.

თხუთმეტი წელია საქართველოში ვცხოვრობო.

სამხედრო ხართ-მეთქი?

ღიახ, თადარიგის პოლკოვნიკი გახლავართო. პენსიაზე აქ გავედი და რუსეთში წასვლას აქ დასახლება ვარჩიე, კემეროვოში მკაცრი კლიმატიაო.

საქმე თითქმის არაფერი მაქვს და ყოველდღე ფეხით საშუალოდ 10-15 კილომეტრს დავდივარ ამ ტყეებშიო.

საქართველოში რაიმე თუ განყენინეს-მეთქი.

რაზე მეკითხებიო.

საერთოდ-მეთქი.

არაო. ძალიან შევეგუე აქაურობასო.

გაგონილი მაინც გექნებათ, 1992-93 წლებში რუსეთმა საშინელი ომი გამოგვიცხადა. მოგვიკლა 30 ათასი პატრიოტი, ქართველთა გენოციდი ჩაატარა აფხაზეთ-სამაჩაბლოში და მესამედი ტერიტორია ნაგვართვა-მეთქი. ვიცოო.

რა გინდოდათ, რა დაგიშავეთ-მეთქი.

გაუგებრობას ჰქონდა ადგილიო.

კიდევ ერთი ასეთი „გაუგებრობა“ და, ხომ იცით, საქართველო არ იარ-სებებს-მეთქი.

მე უსაქართველოდ სიცოცხლე ვერ წარმომიდგენიაო.

მიუხედავად იმისა, რომ სულ რაღაც სამი წლის წინათ ტანკებით გადაგვიარეთ, ქუჩაში ვინმემ შეურაცხყოფა თუ მოგაყენათ, ან სადმე წარწერას თუ მოჰკარი თვალი: „რუსებო, წაეთრიეთ შინ!“-მეთქი.

არაო.

იცით თუ არა, აზერბაიჯანიდან, ბალტიისპირეთიდან, უზბეკეთიდან და ტაჯიკეთიდან პანლურით რომ გაყარეს რუსები-მეთქი.

ვიცოო. ერთს გეტყვით და გთხოვთ, დამიჯეროთ, ლოთ ელცინს და „ტუპიაკ“ გრაჩოვს რუს ხალხთან ნუ გააიგივებთ, ხოლო 92-93 წლების ომი თქვენს მეთაურს დააბრალებთო.

მეთაური ხომ მსოფლიო პოლიტიკოსია და თანაც რუსული ორიენტაციის კაცი (რაც არაერთხელ გამოუხატავს), ის მაინც რატომ განირეთ-მეთქი.

„მსოფლიო პოლიტიკოსი“ რომ არ გყოლოდათ მეთაურად და მხოლდ ადგილობრივი მამსტაბის, ე.ი. ქართველი პოლიტიკოსი გყოლოდათ, ეს უბედურება არ დაგემართებოდათო. სწორედ რომ მისმა „მსოფლიო პოლიტიკამ დაგლუპათ თქვენო, რაც შეეხება შევარდნაძის „რუსულ ორიენტაციას“, არც ისეა საქმე, თქვენ რომ გგონიათო. იგი ორმაგ თამაშს თამაშობს, იქეთაც არის და აქეთაც, ამიტომაც კარგა ხანია რუსეთს მისი არ სჯერაო, ესეც არ იყოს, რუსეთი შევარდნაძეს არასოდეს აპატიებს იმპერიის დაშლაში და გერმანიის გაერთიანებაში აქტიურობის გამოჩენასო. ერთმა ქართველმა – სტალინმა აგვაშენა და მეორემ – შევარდნაძემ დაგვაქციაო.

ახლა ღამეა. თქვენ დამპყრობელი ერის წარმომადგენელი ხართ და თანაც ყოფილი სამხედრო, არ გეშინიათ? ისე ჩაჯექით მანქანაში, ჩემთვის არ შემოგიხედავთ-მეთქი.

რისი უნდა მეშინოდეს. თუ ყაჩაღი ხართ, ამ ხელჯოხს და გაცვეთილ ჩექმებს უყოყმანოდ დაგიტომობთ... საერთოდ კი თქვენ უალრესად კეთილი ხალხი ხართ და მშვენივრად იცით, ვინ არის თქვენი მტერი. მონეტიალუ ივანუშვიას რუსობის გამო არ მოკლავთ, გამოცდილი მყავხართ ათასგზისო.

სუცუბიძის პლატოზე გამაჩერებინა მანქანა. ძმასავით გადაამკოცნა და სიბნელეს შეერია.

9 სექტემბერს მე და ვალერიან მამუკელაშვილმა ჟურნალ „ლიმილის“ ახალი ნომერი ლილოს ბაზრობაზე წავიღეთ გასასაღებლად.

რა დრო დადგა!

ჟურნალი, წიგნი არავის უნდა.

ბაზრის დირექტორმა, ახალგაზრდა ინტელიგენტმა ლევან გაგუამ და მისმა მოადგილემ – თენგიზმა გულთბილად მიგვიღეს.

ჟურნალი დაიტოვეს. თქვენ არ შეგანუხებთ, ჩვენ თვითონვე მოვუვლითო.

10/IX 96

გაზეთ „დროს“ რედაქტორმა, სიმპათიურმა ქალბატონმა, მარინე გიგი-ნიემვილმა, მკითხა აზრი (საგაზეთოდ) თურქული უნივერსიტეტის გახსნის თაობაზე.

ვუპასუხე; მეგონა ამ ერთ თხოვნას მაინც შეუსრულებდა ხელისუფლება ქართული ინტელიგენციას, მაგრამ ახლაც ცივი წყალი გადაგვასხეს და თურქული უნივერსიტეტი მისაღები გამოცდების ჩასატარებლად ემზადება. ახლა ისლა დაგვრჩენია, ჩვენი სტუდენტებიანად ქუჩაში გამოვიდეთ-მეთქი. რაც შეეხება პარლამენტს, არავითარი იმედი არა მაქვს, რომ წინ აღუდგება ხელისუფლებას. ახლანდელი პარლამენტი ქვევრს ემსგავსება; რასაც ჩასახებენ, იმასვე ამოიძახებს-მეთქი.

სიყვარულით შეხვდა ჩვენი პრეზიდენტი ოვსთა სეპარატისტ ბელადს ჩიბიროვს ვლადიკავკაზში. გულში ჩაიკრა, მოეფერა, მაგრამ კიდე ერთხელ მოატყუეს „მსოფლიო პოლიტიკოსი“. ჩიბიროვმა დღეს სამხრეთ ოსეთის რესპუბლიკაში საპრეზიდენტო მმართველობის შემოღება გამოაცხადა.

შეშფოთდა შევარდნაძე. კი მაგრამ, რას იტყვის ჩვენი შუამავალი მოსკოვი? მოსკოვმა კი მშვიდი კომენტარით უპასუხა: ჩვენ ვთხოვეთ ჩიბიროვს, არ დაერღვია საქართველოს ტერიტორიული მთლიანობა, მაგრამ არ დაგვიჯერა და რა ვქნათ, გენაცვალე, ძალას ხომ ვერ დავატანთო. საპასუხოდ ხომ შეუძლია შევარდნაძეს დააყენოს საკითხი ოსეთიდან სამშვიდობო ძალების გაყვანის შესახებ? დააყენებს და კარგ ჩიტსაც დაიჭერს. მაშინვე ყურს აახვეს მოსკოვი. მოკლედ, „ნურც გაფრინდები, ნურც მოფრინდებიო“.

ამ საღამოს ცოტა გამომიკეთდა მოშხამული ბუნება, ჩვენმა დინამომ მოსკოვში, თავსხმა წვიმაში თავგანწირულად ითამაშა და „ტორპედოს (მრისხანე „ტორპედოს“) მოუგო.

11/IX 96

დღეს მწერალთა კავშირში სარეფორმო კომისიის სხდომა გვექონდა.

წყეულმა საბაზრო ეკონომიკამ, თურმე, დღის წესრიგში დააყენა მწერალთა კავშირის რეორგანიზაციის საკითხი.

კერძოდ, პრეზიდენტი ზოგი წევრის აზრით, მწერალთა კავშირში წლების განმავლობაში უამრავი არამწერალი დაგროვდა და ისინი ცოცხალ ლიტერატურულ პროცესში აღარ მონაწილეობენ. ამიტომ საიჭროა მოხდეს მწერალთა კავშირის რიგების გადახალისება, ან თვითლიკვიდაცია მოვახდინოთ და თავიდან ავირჩიოთ წევრები, ან შევექმნათ „მწერალთა აკადემიური

ასოციაცია“ (მწერალთა კავშირის ბაზაზე), რომელიც თავის რიგებში მხოლდ მოქმედ, ნამდვილ მწერლებს გააერთიანებს.

მე კატეგორიული პროტესტი განვაცხადე. თქვენ ფაქტიურად მწერალთა კავშირის წმენდა ჩაგიფიქრებიათ. ეს ოცდაჩვიდმეტში უკვე გაკეთდა-მეთქი. რა უფლება აქვს ყრილობის მიერ არჩეულ პრეზიდიუმს მწერალთა კავშირის გარეთ დატოვოს მისი ამომრჩევი მწერლები-მეთქი. ჯერ ერთი, ისინი, თქვენ რომ თამაშიდან გასულ მწერლებს ეძახით, თქვენ არ მიგიღიათ მწერალთა კავშირში. მიიღეს ირაკლი აბაშიძის, გრიგოლ აბაშიძის ან შოთა ნიშნიანიძის თავმჯდომარეობის დროს და თქვენ რა უფლების ძალით წყვეტთ მწერალთა კავშირში მათი ყოფნა-არყოფნის ბედს-მეთქი.

პირიქით, ამ შიმშილობის დროს უფრო უნდა შეეკავშირდეთ-მეთქი.

მაშინ, როცა მე დავგმე მარჯანიშვილის თეატრის ხელმძღვანელობის საქციელი, როცა ოცდაათობმეტი საუკეთესო მსახიობი ქუჩაში დატოვეს, რა სინდისით დავუჭერ მხარს მწერალთა კავშირის ფაქტიურ დაშლას-მეთქი. მე გთხოვთ, ამოიღოთ გულიდან ეგ სულელური ჩანაფიქრი და მტერს ერთხელ კიდევ ნუ გააცინებთ-მეთქი.

ნამომესივინენ „ჰუმანისტი“ მწერლები; შენაო, სიტყვები ცოტა შეარჩიეო, მთავარია, გვეყოს გაბედულება და მწერალთა კავშირის ავგიას თავლა ერთხელ და სამუდამოდ გავწმინდოთო. ვინც არ არის მწერალი, დროა, სხვა საქმეს ეწიოსო.

ღმერთო, ღმერთო! რა დაუნდობლები ვართ ერთმანეთის მიმართ. როგორ გინდა შეატყობინო ოთხმოცი წლის მწერალს, შენ უკვე მწერალი აღარა ხარო. ხომ მაშინვე გაუსკდება გული.

ჩემს მხარეს აღმოჩნდა გურამ ფანჯიკიძე და პრეზიდიუმის სამიოდე წევრი. მართალია მიშველაძეო, ეს რეორგანიზაცია, მართლაც, წმენდას დაემსგავსებაო.

შემდეგ ოთხშაბათს კვლავ უნდა დავუბრუნდეთ ამ საკითხს.

12-15/IX 96

საბურთალოს ძმათა სასაფლაოზე, სადაც აჩიკო მყავს, საყდარს აშენებენ.

ყველანი, ვინც სასაფლაოს მიგვაჯაჭვა ჩვენმა ებუდერმა ბედმა, ვტრი-ალეუბთ მშენებლობაზე. რითაც შეგვიძლია, ვეხმარებით ხუროთმოძღვრებს, მაგრამ ჩვენს შორის განსაცვიფრებელია ვაჟა ტაბატაძის ენთუზიაზმი და თავდადება.

ბატონ ვაჟასაც შვილი ჰყავს აქ დაკრძალული. ოდესმე უსათუოდ უნდა დავნერო ამ უანგარო, პატრუქივით ანთებულ კაცზე.

ვაჟა ტაბატაძე დილიდან საღამომდე საყდარს დაჰფუსფუსებს. ხარაჩიოებზე დგას, სამშენებლო მასალა თვითონ მოაქვს, შავ მუშადაც ხშირად მუშაობს. არ ვიცი, რა ენერგია იპოვა ამ შოოსანმა კაცმა თავის თავში და რა სიყვარულმა თუ რწმენამ ამოძრავა მისი სხეული საქვეყნო, წმინდა საქმის საკეთებლად.

აფერუმ, თქვენს ვაჟაკობას, ვაჟა ბატონო.



დღეს, 15 სექტემბერს, ვნერდი წინათქმას გია ჭანტურიასადმი მიძღვნილ კრებულზე, რომელიც შესულია მოგონებანი საქართველოსთვის ზვარაკად შენიშულ ამ ჭეშმარიტ მამულიშვილზე.

საოცარია, 1985 წელს გიას დაუნერია ლირიკული ჩანახატი „ახალი იერემიას გოდება“, რომელშიც თითქმის იწინასწარმეტყველა თავისი სიცოცხლის სამინელი აღსასრული.

რისთვის მოჰკლეს? სამშობლოს სიყვარულისთვის.

16-17/X, 96

შევხვდი თბილისის მერს – ბადრი შოშიტაიშვილს.

დიდხანს ვისაუბრეთ.

ერუდირებული, დახვეწილი ინტელიგენცია. პატიოსანი კაცი. ამბიციისა და პატივმოყვარეობისგან თავისუფალი.

გუშინ დაბრუნდა ამერიკიდან.

ასფალტის ქარხანას, საავადმყოფოს, ნაგვისგადასამუშავებელ ფაბრიკას, დიზელ-გენერატორებს, ცეცხლმქრობ მანქანას უფასოდ, საჩუქრად გვაძლევს. ჩვენგან არაფერი უნდათ, ოღონდ ათასში ერთხელ, სხვათა შორის, ჩაგვილაპარაკებენ – ნუ ჩამომეკიდეთ ამ რუსებს. ვიცით, ძალა აღმართს ხნავს, მაგრამ მიმიკით მაინც აგრძნობინეთ, რომ თქვენ რუსეთის კოლონიად დარჩენას არ აპირებთო.

რა უპასუხე მეთქი?

მეც მიმიკით დავეთანხმე. ხმამალა აზრის გამოთქმა პოლიტიკოსების საქმეა, მე კი ამერიკაში სამეურნეო საკითხის მოსაგვარებლად ვიყავიო.

18-20/X 96

სამაჩაბლოში და აფხაზეთში საპარლამენტო არჩევნები დანიშნეს.

კიდეც ერთხელ გააცურა შევარდნაძე პასტუხოვმა.

ჩამოვიდა აფხაზეთში, იახლა ლორთქიფანიძე და მსოფლიოს ყურნალისტების წინაშე განაცხადა – ლტოლვილების 60% უკვე დაბრუნდა გალშიო.

ეს სჭირდებოდა პასტუხოვს ნაძირალა არძინბას არჩევნების გასამართლებლად.

მერე ნაიყვანა პასტუხოვმა შევარდნაძე ვლადიკავკაზში და ჩიბიროვს (!) შეახვედრა.

სინამდვილეში ჩუმად, კარს უკან ჩიბიროვიც და არძინბაც დამოძღვრა; ჩვენ რომ წავალთ, არჩევნები დანიშნეთო.

სეპარატისტები ასეც მოიქცნენ.

შევარდნაძე ხელებშეკრული (როგორც ყოველთვის) და პირშიჩაღდაგამოვლებული დარჩა.

საქართველოში პანიკაა.

ჩაატარებენ არჩევნებს და მერე უბატონოდ ხმას ვერ გასცემ არძინბას და ჩიბიროვს.

ყვანიამ ველარ მოითმინა და პარლამენტზე განაცხადა: რას გვიკეთებს სამშვიდობო რუსის ჯარი უკანონობის გარდაო. თუმცა თავისივე ხმის თვითონვე შეეშინდა და დაამატა; ჩვენ რუსეთთან კონსტრუქციული დიალოგის მომხრე ვართო.



დავით მჭედლურმა, ჯანსუღ ღვინჯილიამ და მე მწერალთა კაშვირში დიდხანს ვისაუბრეთ საქართველოს დემოგრაფიულ მდგომარეობაზე.

დღეს საქართველოში ქართველი მხოლოდ 41%-ია.

700 000–მდე ქართველი შიმშილს გაექცა საზღვარგარეთ.

საქართველოს ხელისუფლებამ, დემოგრაფიული კატასტროფის კვალი რომ წაეშალა, შემოიღო პასპორტები, რომელშიაც ეროვნება არაა მითითებული.

ვიყავი ფოთში.

შევხვდი ფოთის მერ ნუგზარ ნადარაიას, ელგუჯა ამაშუკელს და ვახტანგ დავითაიას.

ელგუჯა და ვახტანგ დავითაია ფოთში ნადარაიას დიდი ხელშეწყობა-ძალისხმევით ცოტნე დადიანის ძეგლს დგამენ.

შემჭამესო კრიტიკან-ინტრიგანებმა, ნადარაიამ, რა დროს ძეგლია, ქვეყანა შიმშილობსო.

გამოდი ერთი, თუ კაცი ხარ, ტელევიზიით და შენი აზრი პირუთვნელად უთხარი ხალხსო.

იმ საღამოსვე გამოვედი ადგილობრივი ტელევიზიით და ვთქვი; მართალია, ჩვენ გალახულ-დაპყრობილი, მგლოვიარე ქვეყანა ვართ და მე კატეგორიული წინააღმდეგი ვარ გაუთავებელი ზეიმ-კონცერტების, ზოგი რეგიონის ხელმძღვანელი რომ გაუტაცნია, მაგრამ საქართველოს უპირველესი ზნეობრივი გმირის, ცოტნე დადიანის, ძეგლის დადგმა სწორედ ამ დროს, როცა საქართველოს ასე სჭირდება გამხსნევება, რწმენის დაბრუნება და არასრულფასოვნების კომპლექსისგან გათავისუფლება, დროულ და საჭირო საქმედ მიმაჩნია-მეთქი.

ცოტნე დადიანის ძეგლის დადგმა თავისებური პროტესტია დამპყრობელი რუსეთის მიმართ და საქვეყნო განცხადებაა იმ აზრისა, რომ ჩვენ მონობას არ შევეგუებით-მეთქი.

21-23/IX 96

ვინმე ნუგზარ მჭედლიშვილმა (ქუთაისის რეზინის ქარხნის დირექტორი) გაზეთ „კავკასიონში“ დაბეჭდა წერილი, რომელშიც აკრიტიკებს ჩემს ნოველას („სერობა“) და რაც მთავარია, წერს: ნოველაში ნახსენები ჭიმჭიმისი-ქუთაისია, პროფესორი – რევაზ მიშველაძე, ხოლო ქალაქის თავი – თემურ მაშიაშვილიო.

ჩანს, მჭედლიშვილს ერთგულების დამტკიცება სურდა შაშიაშვილისთვის და პირიქით კი გამოუვიდა.

ორიოდე სტრიქონით ვუპასუხე: ჩემი ნოველა მარტო შაშიაშვილს კი არა, მსოფლიოს ყველა იმ მოქალაქეს შეეხებოდა, ვინც დაპყრობილ ქვეყანაში შვიდდღიან ზეიმებს აწყობს-მეთქი. შაშიაშვილის გვარის ჩანერა რომ მდომოდა, განა მე თვითონ ვერ ჩავწერდი-მეთქი. ჩემი ნოველა კონკრეტულ პიროვნებას რომ ეხებოდა, იგი ნარკვევი იქნებოდა და არა მხატვრული ნაწარმოები-მეთქი.

რას ვიზამთ, ნუგზარ მჭედლიშვილისთანა არამკითხე მოამბეები ჯერ კიდევ არსებობენ ამ ჭრელ ქვეყანაზე.

შაშიაშვილი, ვერ დაუფარავ, ენერგიული, ნიჭიერი, პატიოსანი კაცია, მე, როგორც მწერალი და თემურის მეგობარი, მოვალე ვარ, რაც არ მომე-

წონება, მიფუთითო. ასე უფრო შევეწევი შაშიაშვილის მართალ საქმეს და ჩემს ქუთაისს. არა მგონია, ჩემი ალეგორიული მოთხრობა სწყენოდა შაშიაშვილს. თუ ცოტა გულზე მოხვდა, ეს იმას ნიშნავს, რომ ნოველამ მიზანს მიაღწია.

დღეს, 23 სექტემბერს, რადიოში მოვკარი ყური: შოთა ნიშნიანიძისთვის, ოთარ ჭელიძისთვის გურამ ფანჯიკიძისთვის და ჩემთვის „მესხეთის“ ლიტერატურული პრემია მოუნიჭებიათ უკანასკნელ ხანებში გამოქვეყნებული ნაწარმოებებისთვის.

24-29/IX 96

წავიკითხე დავით მჭედლოურის ორი წიგნი – ლექსები და წერილები.

მართალი, ნიჭიერი, მებრძოლი მწერალია.

ლევან სანიკიძე და მე ქუთაისში გახლდით.

უნივერსიტეტის რექტორის განკარგულებით, ნახევარ შტატზე ვმუშაობთ ქუთაისში პროფესორებად.

სიამოვნებით მივიღეთ ორივემ ეს მოწვევა, რაკილა მიზეზი გვექნება თვეში ერთხელ ორი-სამი დღით ვენვიოთ მშობლიურ ქუთაისს და ჩვენი ლექტორობით ახალგაზრდობას ცოტათი მაინც გამოვადგეთ.

ამჯერად, ქუთაისში ჩვენი ყოფნა შაშიაშვილის მიერ ლიბოდადებულ ქუთაისის დღეებს დაემთხვა.

მე და ლევანი ჩვენი ბოლოდროინდელი პრინციპული პოზიციის გამო არ გავკარებივართ მოზიემებს.

ერთი ეგ იყო: ლამის ორ საათზე ორკესტრის გრიალმა გამოგვავლიცა. ვიკითხეთ. თეთრ ხიდთან მესამე დღეა „ბოვშებს“ აცეკვებენო.

ჩავიცვით და წავედით ზეიმის სანახავად.

საშინელება ვიხილეთ.

შუალამეგადასულზე დაახლოებით ათასამდე 15-16 წლის ქუთაისელი, ექსტაზის, უძილობის თუ კიდევ სხვა რამის გამო გამოთაყვანებული, თავგამეტებით ცეკვავს თეთრხიდაგალმა მწერალთა სახლის წინ.

დღეს 27 სექტემბერია. რუსეთთან უთანასწორო ომში საქართველოს დამარცხების დღე, აქ კი ახალგაზრდებს ფერხული ჩაუბამთ, გრიალებს ორკესტრი, კისერგადადებთ ცეკვავენ უმრწემესი ქუთაისელები.

არც დარდი დალუპული 30 ათასი თანატოლის გამო, არც სევდა გამესამედებული საქართველოს გამო.

როგორც რადიომ გადმოსცა, დღეს აფსუები ქართველ დამპყრობელთაგან (!?) გათავისუფლების მესამე წლისთავს ზეიმობენ.

არძინბას პარალელურად აქ, ქუთაისშიც, ზეიმობენ, მაგრამ რას?

თქვენი ცოდვა მიეცეთ, ასფალტზე გავეშებით მროკავო ბავშვებო, ვინც თქვენ ტვინი აგირიათ და ეროვნული საფიქრალი დაგავინყათ.

მთელი ღამე ამაზე ვლაპარაკობდით, მთელი ღამე თვალი არ მოგვიხუჭავს მე და ლევან სანიკიძეს.

გათენდა თუ არა, თბილისისკენ გამოვეშურეთ.

ავთანდილ ნიკოლეიშვილმა გამოგვაცლია.

მისხარია, რომ ძლივს, ალბათ, პირველად, ქართული უნივერსიტეტის რექტორი ფილოლოგია. მწერალი, საზოგადო მოღვაწე, თავმდაბალი, ნესიერი კაცი.

და რაც მთავარია, სალად, ეროვნულად მოაზროვნე

30/IX 96

ფალიაშვილის ქუჩაზე პროფესორ აკაკი თოფურისა შევხვდი.

80 წელი მივულოცე.

ოთხმოც წლამდე მოვაძალდე წუთისოფელიო, იქნებ კიდევ მეცოცხლა ცოტახანს, მაგრამ მშვიერი ვკვდებიო...

უნივერსიტეტში მუშაობისთვის თავი გაუნებებია.

პენსია თერთმეტი ლარი მაქვსო.

ახლახან მოგონებათა მშვენიერი წიგნი დაწერეთ, ჰონორარი არ გერთ-მეთქი? ვკითხე.

რა პირით უნდა გამოვართვა სპონსორს ჰონორარიო. კაცმა წიგნი რომ დამიბეჭდა, იმისიც დიდი მადლობელი ვარო.

საფლავეში ჯავრად ჩამყვებოდა იმ წიგნის დაუბეჭდაობა. ექვსასი გვერ-დია. თითქმის სამი წელი თავაულებლად ვწერდიო.

ჯიბეში „მანსში“ ალებული ოცდახუთი ლარი მქონდა. მამაშვილურად გთხოვთ, არ ითაკილოთ, გამომართვით-მეთქი.

ამაყი და ჯიუტი კაცია ბატონი აკაკი.

უარი მტკიცა.

ჰაერში განვდილი ფულიანი ხელი შემატოვა და წავიდა.

მიდის, ჯოხს მიაკაკუნებს.

რა დააშავა ასეთი ნაჯაფმა, ნიჭიერმა მწერალმა და მეცნიერმა.

რატომ დააგდო უპატრონოდ და უსახსროდ აკაკი თოფურიები ჩვენმა ხელისუფლებამ?

1/X-11/X 96

„მანსში“ გრძელდება ჩემი ნოველების ბეჭდვა.

რომ ვკითხულობ, ასე მგონია, მკითხველს ვალიზიანებ (ან თავს ვაბეზ-რებ) ასე ხშირი ბეჭდვით.

3 ოქტომბერს 3 წელი შესრულდა აჩიკოს წასვლიდან.

სამი წელი. სამი წლის წინ იყო 16 სექტემბერს (16 სექტემბერს დაიწყო სოხუმის იერიში), სალამოს, გარაჟი საოცრად მილაგებულ-დანკრიალებული რომ დამხვდა და გასაღების ჭუჭრუტანაში წერილი: „მამა, არ გეწყინოს, მე სხვანაირად არ შემეძლო“.

წავიდა და წავიდა.

რა მალე გავიდა სამი წელი.

აქამდე ქვეშეცნეულად სულ მეგონა, სადღაც წავიდა და დაბრუნდება-მეთქი.

ახლა თანდათან ვიჯერებ, რომ აღარასოდეს დარუნდება.

თუ ვნახავ, მხოლოდ სიზმარში და ორიოდ ვიდეოფირზე.

სოფენაში არ იძირება, რაც დრო გადის, უფროდაუფრო ცხადად მახსოვს.

ყოველ ღამე, გამთენიის ოთხ საათზე ერთსა და იმავე სურათს ვხედავ: ოთარ ფაცაცია მირეკავს, ბატონო რეზო, მგონი, თქვენი შვილი დაჭრილია. ზუსტად ვერ გეტყვით, სოხუმიდან თუ სვანეთიდან ქუთაისში გადმოუფრე-ნიათ. აეროპორტში გელოდებით. მეუღლეს ნუ შეაწუხებთ.

„მეუღლეს ნუ შეაწუხებთ“ – ზარივით რეკავს ყურებში.

გასაგებია, რაც მჭირს, მაგრამ თავს არ ვუტყდები.

არ შეიძლება ასე მოხდეს.

მე და ნათელა აეროპორტში გავრბივართ.

გზაში ერთმანეთს არ ველაპარაკებით.

ხანდახან გადავხედავთ ხოლმე ერთმანეთს, თვალებში ვცდილობთ, რალაც ამოვიკითხოთ.

იმედს ვებლაუჭებით.

„დავიღუპეთ, თემურ?“ – ვეკითხები შაშიაშვილს.

სახე განზე მიაბრუნა.

ფაცაცია გვერდიდან არ მოგვშორებია.

აეროპორტში რომ მოასვენეს დიდი და პატარა ტიროდა.

დავაჟაკცებული, წვერმოძვებული, რალაც უფრო დიდი მეჩვენა.

უნდა იამაყოთ, თქვენ გმირის მამა ხართო. სოხუმში ფოცხვერივით იბრძოდაო, ვილაც სამხედროფორმიანები მეუბნებოდნენ.

ღმერთო ჩემო, რა უადგილო იყო ეს გამხნევება.

...სამი წელი გავიდა. დაკარგულ აფხაზეთს და სამაჩაბლოს მაინც ვერ ვიბრუნებთ.

ნაგვართვა რუსეთმა მესამედი საქართველო, ხოლო ჩვენი ცვედანი, მარიონეტული ხელისუფლება გაუთავებლად ატყუებს ხალხს, ცოტაც მოვითმინოთ და რუსეთი სინით მოგვართმევს წართმეულ მიწებსო.

## 12/X-29/X 96

ლევან სანიკიძე და მე კულტურის მინისტრს, ვალერი ასათიანს, ვეახელით შუამდგომლობით – დაუშვას მერაბ კოსტავას სახელობის თეატრი რუსთავის თეატრალურ ფესტივალზე.

დაგვიანებულიაო, მინისტრმა. აფიშები დაბეჭდილიაო. ახლა, თქვენი ხართო, მხოლოდ იმას მოვახერხებ, რომ კონკურსგარეშე დავუშვებო.

„კონკურსგარეშე“ მონაწილეობაზე თეატრმა უარი თქვა.

არა და აფსუსია, მშვენიერი სპექტაკლი დადგეს – თუშეთზე.

ჯერ ქართული თეატრის სცენაზე, რამდენადაც ვიცი, თუშეთი არ ყოფილა.

დიდებულად ჩატარდა ივანე ჯავახიშვილის 120 წლისთავის იუბილე.

როინ მეტრეველმა ბრწყინვალე სიტყვა თქვა – დარბაისლურად, გამარ-თულად.

ხოვლეში მეც მომცეს სიტყვა ქართველ მწერალთა სახელით.

ჩავატარე კათედრის სამეცნიერო სესია მიძღვნილი ი. ჯავახიშვილისადმი.

წავიკითხე მოხსენება: „ივანე ჯავახიშვილი და თანამედროვე ქართული ლიტერატურა“.

მცხეთაში ახალი დრამატული თეატრი გაიხსნა.

შალვა დადიანის „გუშინდელნი“ წარმოადგინეს.

თეატრის დაბადებას ლევანი და მე ვესწრებოდით. სიტყვა ვთქვით.

ოქტომბრული ზეიმის კასკადი თბილისობით დამთავრდა.

თბილისობა 25-27 ოქტომბერს ჩატარდა.

დაახლოებით 50 000 კაცი გამოვიდა ქუჩაში.

ხელისუფლების წარმომადგენლებს ყოველ მოსახვევთან ტაშის გრი-  
ალით ეგებებოდნენ.

ხალხი!

ხალხი ბრბო ხომ არ არის?

მომეჩვენა, რომ იმ დღეებში იმ ხალხს აფხაზეთი და სამაჩაბლო ფეხე-  
ბზე ეკიდა.

30/X-1/XI 96

ისევ ამაოდ დავრბივართ მე და ვახტანგ გურგენიძე გალაკტიონის  
სახლ-მუზეუმის გახსნაზე.

ისევ განუკითხაობის ყრუ კედელი.

ქალაქის მერიამ, თითქოსდა, მოინდომა, შეეცადა გალაკტიონის ბინა  
ქიშვარდ ცირეკიძისგან, მაგრამ მერე, როგორც ჩანს, ეძვირა და თავი გაანე-  
ბა.

ეს მაშინ, როცა საქართველო მილიონებს ხარჯავს უსაგნო ზეიმებზე,  
მეჯლისებზე, გამოგონილ იუბილეებზე, განახლებულ “თბილისობაზე”.

რა ვუყოთ, საქართველოს მთავრობას ჯერ გალაკტიონისთვის არ სცა-  
ლია. არ უღირს დიდად გალაკტიონი.

31 ოქტომბერს რეზო ძნელაძე (უნივერსიტეტის დოცენტი, ენათმეცნ-  
იერი) და მე ბოლნისის ვენზევით.

ბოლნისი და მისი შემოგარენი დაგვათვალიერებინა და გვიმასპინძლა  
უაღრესად განათლებულმა, პატრიოტმა კაცმა, ბოლნისის პროკურორმა  
თენგიზ მარჯანიშვილმა.

ყველას თითქმის, უსინდისო ფუნქციონერთა გარდა, ერთი აზრი გვაქვს  
საქართველოს მომავალზე.

ამოვიდა ყელში რუსეთის ცინიზმი.

რუსის ჯარმა უნდა დატოვოს საქართველოს ტერიტორია.

თბილისში გვიან ღამით დავბრუნდით.

2-3/XI

2 ნოემბერს უნივერსიტეტს ეწვია ირანის პრეზიდენტის პირველი მოადგ-  
ილე. თეთრწვერა, მსუქანი, სათვალღიანი, ჭკვიანური გამომეტყველების მა-  
მაკაცი – ჰასან ჰაბიბი.

დიდ საბჭოზე მივიღეთ.

როინ მეტრეველი მისებურად, დინჯად, დიპლომატიურად მიესალმა.

სტუმარმა ბრწყინვალე სიტყვა წარმოსთქვა.

აქამდეო, სპარსეთი საბჭოთა რესპუბლიკებმა იცოდნენო, როგორც  
ბნელით მოცული, დესპოტური, შაჰის ტირანიის ასპარეზი, ისლამური ქვეყ-  
ანა – ჰარამხანებით, შაჰის ბრწყინვალე სასახლით, ჩადრიანი ქალებით,  
დათრგუნვილი დემოკრატიით და მორწმუნე ფანატიკოსებით...

ყველა, ყველა და საქართველოს მაინც არ უნდა დაავიწყდეს, რომ ჩვენ  
კარის მეზობლები ვართ და თანაც ისეთი მეზობლები, ერთმანეთს რომ ვერ  
გავექცევით, გულითაც რომ გვინდოდეს, გეოგრაფიულ მდებარეობას ვე-  
ლარ შევიცვლით. ესეც არ იყოს, ჩვენს ისტორიას გარდა ომებისა (და ის-  
ტორიკოსები, რატომღაც მხოლოდ ომებს იხსენებენ), კულტურულ-სავაჭრო  
ურთიერთობების საუკუნეებიც ახსოვს და მოდით, უფრო ახლოდან, შიგნი-

დან შევხედოთ ერთმანეთს. ჩახედეთ ჩვენს არქივებს, თქვენი ისტორიისთვის რამდენ ძვირფას განძს იპოვით, შევხედოთ უბრალოდ კეითლი თვალთი ერთმანეთს, ერთმანეთის ჰაბიტუსსაც შევავლოთ თვალი. იქნებ, გვენიშნოს ზოგი რამ და კეითლი „თეთრი დათვის“ მითიც სხვა შინაარსისა აღმოჩნდეს ბოლო წლების გადამკიდვე ქართველებისთვისო.

ეს იყო ეშმაკი და ბრძენი აღმოსავლეთის ლალადისი.

დარბაზი სასვე იყო შავწვეროსანი ლამაზი სპარსელებით, რომელთაც, ღმერთო, ვერაფრით განასხვავებდი ქართველთაგან.

გავიფიქრე ჩემთვის – ანი მაინც გვასწავლოს ჭკუა ისტორიის გაკვეთილებმა. არა! არა! არავის უბეში, არავის ქვეშევრდომად და სატელიტად აღარ უნდა დარჩეს საქართველო. ხომ ვნახეთ, რა სიკეთე დაგვმართა სკვითთან ორასწლოვანმა ჩახუტებამ. ახლა მაინც გამოვიფხიკოთ ყური...

ნატო! ნატო! ყველაზე საიმედო ნავსაყუდელი საქართველოსთვის ნატოა.

არას გვარგებს რუსი, გავაძევოთ და სამაგიეროდ თურქეთ-ირანს გავუწვეთ?

არავის რომ არ გავუწვეთ არ შეიძლება?

ჩვენ უნდა ვიყოთ ნეიტრალური, მკაცრად დამოუკიდებელი ქვეყანა თანამედროვე ცივილიზებული ევროპა-ამერიკის კოალიციაში და ნატოს სამხედრო მანქანის ფრთებსშეფარებული.

ესაა გადარჩენის ერთადერთი გზა.

3 ნოემბერი კვირაა.

შიოსთან ერთად ფეხით ავედი კუს ტბაზე.

გზაში „ვეფხისტყაოსნის“ ადგილების ზეპირად თქმაში ვეჯიბრებოდი ერთმანეთს.

მჯობნის. ნახევარი „ვეფხისტყაოსანი“ ზეპირად იცის.

3-4/XI 96

გაზეთ „საქართველოში“ (ნ. გრიგალაშვილი) ჩემი ინტერვიუ დაიბეჭდა. ვლასარაკობ საქართველოს პარლამენტის და პრეზიდენტის მარიონეტულ პოლიტიკაზე. „როცა საქართველოს ხელისუფლებამ გულრიფშიდან ოთხმოცდაათი დამწვარი ბიჭის ცხედრების ჩამოსასვენებელი სახსრებიც ვერ გამოძებნა, რა სინდისით ატარებს მეჯლისებს და ძვირადღირებულ თბილისობა-ბანკეტებს-მეთქი“, ვამბობ.

პროფესორი თენგიზ სანიკიძე (ცნობილი ლექსიკოგრაფი) ჩემს ლექსიკონს ადგენს. გამაცნო მასალა. არ ველოდიო, მეუბნება, ბევრი სიტყვა (განმარტებით ლექსიკონში რომ არაა შეტანილი) ვიპოვე თქვენს ნოველებშიო.

თუ გამოსცა წიგნად, მაშინ ნახე მოშურნეთა დოლი.

ალბათ, თვითონ მოაგვარა ეს საქმეო, იტყვიან.

ღმერთი, რჯული, ვერც წარმოვიდგენდი, თუ ჩემს ლექსიკონს ოდესმე ვინმე შეადგენდა.

5-8/XI 96

უნივერსიტეტის გამომცემლობამ ჩემი წიგნი გამოსცა სახელწოდებით „მინანურები სატელეფონო წიგნზე, წერილები, დიალოგები“.

თითქმის ყველა ქართველ თანამედროვე მწერალზე მითქვამს ჩემი მოკრძალებული სიტყვა.

„მინანერები“ 1993 წელს „ლიტერატურულ საქართველოში“ დაიბეჭდა. ვახტანგ ხარჩილავამ დაბეჭდა მშვენიერი წერილი „მინანერების“ შესახებ.

ვახტანგის გარდა, მე მგონია, მაღლობელი არავინ დარჩენილა. ყველა მწერალს გენიოსი ჰგონია თავი. დარმწუნებული ვარ, ყველა ფიქრობს, მართალია, მაქვს მიშველაძე, მაგრამ მეტი ქების ღირსი ვარო.

ასეთია კრიტიკოსის ბედი.

რატომ ჰგონია პოეტს ან პროზაიკოსს, რომ კრიტიკა ლიტერატურული „მომსახურების სფეროს“ განეკუთვნება.

5 ნოემბერს მე და ლევან სანიკიძე ბათუმის ოპერის თეატრის პრემიერას ვერდის „ოტელოს“ დავესწარი. დიდებულად იმღერეს ხომერიკმა (ოტელო) და სახამბურიძემ (იაგო). საერთოდ, კარგი სპექტაკლია.

მასხოვს პირველი წასვლა ბათუმში ა. ხომერიკის დასისა.

ღალატად ჩაუთვალა ოპერის თეატრის ხელმძღვანელობამ ხომერიკს ეს ნაბიჯი და რამდენიმე მსახიობი მოხსნეს კიდეც სამსახურიდან.

მე გამოვექომაგე მაშინ მოხსნილებს, მაგრამ „ლიტერატურულმა საქართველომ“ მაშინ ჩემი რეპლიკა არ დაბეჭდა (ჯანსუღ კახიძეს მოერიდა).

განა ბათუმის ოპერის თეატრის დაბადება და „ოტელოს“ ტრიუმფი ქართული ხელოვნების გამარჯვება არ არის?

რას მიქვიათ ბათუმის, ქუთაისის და თბილისის „ოპერა“ (!) ჩვენ განა ყოველი ქართველი ხელოვანის გამარჯვება ჩვენსავე ზეიმად არ უნდა მიგვაჩნდეს?

ოჰ, ეს შური, შური... ნოემბერს უნივერსიტეტში ტრაგიკულად დაღუპული ახალგაზრდა პოეტის, ზურაბ ჯაფარიძის ხსოვნის სალამო გვექონდა. მე ვთქვი შესავალი სიტყვა. კარგად გამოვიდა როინ მეტრეველი. რექტორმა გულით დაიტირა უდროოდ წასული კარგი ბიჭი.

ზურაბ ჯაფარიძე ჯიხვზე სანადიროდ წავიდა და თოვლში ჩაიჩუმქრა.

ექვსი თვის შემდეგ იპოვეს.

მასხოვს, როგორ დავრბოდით სამაშველო სამსახურებსა და თავდაცვის სამინისტროში ორჯერ ვერტმფრენიც გაგზავნეს, მაგრამ ვერ აღმოაჩინეს.

რა ბედნიერები იყვნენ ქეთი დოლიძე და ზურაბ ჯაფარიძე. რა ლამაზი, პოეტური ოჯახი ჰქონდათ.

რატომაა წუთისოფელი ასე შეუბრალებელი.

ოთხსაათიანი მიღება მქონდა „სტუდენტური პაემანის“ რედაქციაში.

რედაქტორი გიორგი მამაცაშვილი გაბედული, პატიოსანი, ნიჭიერი ყმანვილია.

ბევრს რასმე აკეთებს სტუდენტი ახალგაზრდობის ეროვნულად მობილნიზებისთვის.

დიდხანს, გულახდილად ვისაუბრეთ. მკითხეს ჩემი აზრი შევარდნაძეზე, ჯაბა იოსელიანზე, კვაჭანტირაძეზე, სამომავლო გეგმებზე.

9-12/XI 96

ლევან სანიკიძე, ვახტანგ ქარუმიძე და მე ხაშმში წავედით ძველი ხაშმის VII საუკუნის სამონასტრო კომპლექსის დასათვალიერებლად.



მდინარე ლაფნიწყლის პირას ვახტანგ გორგასალის დროინდელი დიდებული ძეგლი – საყდარი აღმართულა.

ერთნავიანი ბაზილიკა-საყდარი ანჩისხატის ტიპისა, ირგვლივ ათამდე ნაგებობა, ეკლესიის მსახურთა საცხოვრებლები, სატრაპეზო, „აკადემიის შენობა“, მარანი, საკუფნაო.

ათასწლოვანი ქვევრები, ანკარა წყარო...

საოცარი სანახაობაა.

დიდხანს ვიარეთ წინაპართა ნაკვალევზე ლამის იავარქმნილ, დანგრეულ ტალანებში.

ხაშიმ უძველესი, ვახტანგ მეფის მიერ დაარსებული სოფელია.

უძველესი ბუხრები, ძვალთაშესალაგი, უჯარმის ციხე-ქალაქი...

აქ დაიჭრა სასიკვდილოდ დევკაცი ვახტანგ გორგასალი.

იგი დაჭრილი მანამ იქნევედა ხმალს, სანამ სისხლისგან დაიცლებოდა და ფერლონემიხდილს საომარ არენას გამოარიდებდნენ.

უკან დაბრუნებისას ივრისპირას უზარმაზარი უდაბნოდქცეული ჭალა გადაიშალა ჩვენს თვალწინ.

მანქანა შევაჩერეთ.

აქაო, გვისხნის ბ-ნი ვახტანგი, ერთი კერძო ფირმა თევზსაშენის მოწყობას აპირებდაო, ჭალა ტრაქტორებით მოასწორა, ძველთაძველი მუხები ამოძირკვა, მერე გაარკვია, რომ წყალსაცავში წყალი „იპარებოდა“ მეჩხერი ფსკერის გამო, მიატოვა ეს გაჩანაგებული ჭალა და წავიდაო.

სამინელი სანახავია აქაურობა.

ირგვლივ ულამაზესი ფერები – უზარმაზარი ხეები, ხობხის და ღურაჯის კრიახი, ხვინჭი, კუნელი, ასკილი, ქაცვი წითელ-ყვითლად ღუის, შაშვი ლამის მხარზე დაგაფრინდეს, აქ კი ნატრაქტორალ ჭალაში, სიჩუმეს და სიკვდილს დაუსადგურებია.

რას სჩადიხარ, ადამიანო, რას?!

11 ნოემბერს ცხინვალის სეპარატისტული არჩევნების შედეგები გამოცხადდა.

სამხრეთ ოსეთის პრეზიდენტი გახდა ჩიბიროვი.

ჩვენმა პარლამენტმა მორიგი კნავილ-სხდომა ჩაატარა. კი არ გამართა, მართლაც, რომ ჩაატარა.

უკანონოდ ცნეს სამაჩაბლოს არჩევნები და დაიშალნენ.

13/XI 96

გუშინ დავკრძალეთ იორამ ჩადუნელი – ქართული დეტექტიური პროზის თვალსაჩინო წარმომადგენელი.

დაკრძალვაზე რესპუბლიკის გენერალური პროკურორის მოადგილეებს გილიგაშვილს და ბალუაშვილს ვესაუბრე სიკვდილით დასჯის კანონზე. ვუთხარი, სანამ ჩვენთან მართლმსაჯულება არასრულყოფილია და ზოგჯერ სახელმწიფოს პირველ კაცზეა დამოკიდებული, ვინ დაიჭირონ და ვინ გაუშვან, სანამ ჯერ კიდევ ადგილი აქვს უდანაშაულო კაცის დამნაშავედ მიჩნევას და დახვრეტასაც კი, მანამ სიკვდილით დასჯის კანონი ბევრ ცოდვასთანაა დაკავშირებული და არ უნდა არსებობდეს-მეთქი.

ზოგ რამეში დამეთანხმნენ, ზოგში – არა.

მერე, სხვათაშორის ვიკითხე, თენგიზ სიგუას ირგვლივ წრე ხომ არ ვინროვდება, დაჭერას ხომ არ უპირებთ-მეთქი. შენ როგორ ფიქრობო, კითხვა შემომიბრუნეს; ჯერჯერობით, როგორც ვხედავ, ადამიანს მეორადი დანამაულებლისათვის იჭერენ, ხოლო რისთვისაც სიგუამ პასუხი უნდა აგოს, თქვენ მას ხელს ვერ მოჰკიდებთ, ვინაიდან ასეთ შემთხვევაში, სიგუას გვერდით სხვებიც აღმოჩნდებიან და იქნებ სიგუაზე უფრო დიდი „ღლაკებიც“ მეთქი.

„შანსის“ რედაქციაში ბონდო ქურდაძეს და ვალერი კვარაცხელიას ვესაუბრე ჩვენი პარლამენტის დელეგაციის ვიზიტზე მოსკოვში.

ჩვენი დელეგაცია ზურაბ ჟვანიას თავკაცობით რუსეთის დუმის თავმჯდომარემ სელენიოვმა მიიღო. აფხაზეთის და ოსეთის არჩევნებზე რატომ აზრს არ გამოთქვამთო, ჟვანიამ ჰკითხა.

ეგ თქვენი საშინაო საკითხია. ჩვენ საქართველოს შინაურ საქმეებში ხომ არ ჩავერევითო, მელაკუდა სელენიოვმა.

ჩვენს წარმომადგენელს მაშინვე უნდა ეკითხა: თუ ჩვენს საქმეში არ ერევით, რატომ დგას რუსის ჯარი ენგურზე, რატომ არ აბრუნებთ ლტოლვილებს აფხაზეთში, რატომ აძლევთ ტრიბუნა-ასპარეზს ყაჩაღ არძინბას?

მაგრამ ეს შეკითხვები არ დასმულა, მიტომ, რომ ამ დელეგაციაში არც ერთი ჭეშმარიტი დიპლომატი არ იყო, ან ეს ვოიაჟიც თვალთმაქცობა იყო, ყალბი ფაციფუცისთვის მოგონილი.

ვაიმე, ვის ხელში ხარ, ჩემო უბედურო სამშობლოვ?

ნიჭიერ ექიმს, პროფესორ შოთა ჯაფარიძეს, 50 შეუსრულდა. შოთა, ლამის, ერთადერთი პროფესორია, ამ მგლური საბაზრო ეკონომიკის პირობებში უფასოდ რომ ჰკურნავს ავადმყოფებს.

„შანსს“ შევთავაზე ამ კარგ კაცზე, ქველმოქმედზე რაიმე დაებეჭდათ, თორემ ძალიან კბენია გაზეთად აქციეთ-მეთქი.

14-16/XI 96

16 ნოემბერს თელავში ლადო მრელაშვილის დაბადების 70 წლისთავის იუბილე გაიმართა.

ეს იყო ამ ბოლო ხუთი წლის მანძილზე მწერალთა კაშვირის გარეთ გამართული პირველი იუბილე ცოცხალი მწერლისა.

კახეთის გამგებელმა, გია არსენიშვილმა, გახსნა. კარგი სიტყვა თქვა. მოხსენებით მე გამოვედი.

იუბილარს გულთბილად მიესალმნენ ოთარ ჭელიძე, დავით მჭედლოური, ლევან სანიკიძე, მედეა მეზვრიშვილი, გურამ გვერდნითელი, ანზორ აბულაშვილი, შოთა ხოდაშენელი, კარლო კობერიძე, ვალერიან მამუკელაშვილი, ფარნა რაინაული და სხვები.

მერე ვახვანიშვილების XVI საუკუნის დარბაზში გაიმართა პურობა.

ლევან სანიკიძემ ითამადა.

ამ იუბილეს დიდი მნიშვნელობა ჰქონდა; ქართველი მწერლისკენ, ნიგნისკენ მოახედა საქართველო.

ლადო მშვენიერი მწერალია – მართალი, უკომპრომისო, ძარღვიანი ქართული ემარჯვება.

ზოგი მწერლის ნაწიქ-უკუწიქობამ და პოლიტიკურმა სალტო-მორტალემ ბევრი რამ დაგვაკლო მკითხველის თვალში მწერლებს.

ახლა, ვხედავ, ნელ-ნელა ბრუნდება ჩვენსკენ ხალხი. თეთრსა და შავს არჩევს. იცის, ვინ იბრძვის ბოლომდე საქართველოს თავისუფლებისათვის და ვინ ჰყიდის ურცხვად.

17-18/XI 96

გალაკტიონს ასხუთი შეუსრულდა.

ამაოდ ვირბინეთ მე და ვახტანგ გურგენიძემ სახელმწიფო კანცელარიისა და მერიის დერეფნებში. ვერა და ვერ მივალნიეთ გალაკტიონის მუზეუმის გახსნას.

სახელმწიფომ, რომელიც თბილისობის დღესასწაულზე და სახელისუფლებო დელეგაცია-მეჯლისებზე მილიონობით ლარს ხარჯავს, „სახსარი“ ვერც ამჯერად გამოძებნა გალაკტიონის ბინის გამოსათავისუფლებლად.

„ლიტერატურულ საქართველოში“ დავბეჭდე სტატია „გალაკტიონი“. გალაკტიონის ტანჯული პიროვნება, XX საუკუნის პოეზიის ზევისის ჩემეული პორტრეტი დავხატე.

მოეწონათ.

ბევრმა დამირეკა და მომილოცა. განსაკუთრებით აღფრთოვანების სიტყვები მითხრეს ყურმილში ზურაბ რატიანმა და დევი სტურუამ.

19.XI.96

დღეს კარგი დღე იყო.

უნივერსიტეტის ახალგაზრდა მწერალთა წრე მცხეთას ვენვიეთ.

ექვს საათზე თეატრის ახალ შენობაში შეხვედრა გაიმართა.

გავსებულა დარბაზი. შემემინდა. ჩემი უმრწმესი მეგობრები შეძლებენ თითო-ოროლა ლექსის ნაკითხვით ამ ხალხის დაკავებას?

თანაც თავიდანვე არ მესიამოვნა ერთი გარემოება, მავანთ საქველმოქმედო მოსაზრებით (ფული ენციკლოპედიას უნდა გადაეირცხოსო) ბილეთებზე გაუყიდათ.

ენციკლოპედიის სანინალმდეგოდ ენა ვის მოუბრუნდება, მაგრამ ბილეთი ხომ უფრო პრეტენზიულს ხდის ჩვენს გამოსვლას და მაყურებელიც უფრო მომთხოვნი, მკაცრი იქნება.

შესავალ სიტყვაში ვთქვი, უპირველესად თქვენ უნდა გითხრათ მადლობა; ამ ცივ თეატრში ასე ერთსულოვნად რომ მობრძანდით-მეთქი.

ჩვენგან ბევრს სანახაობრივად ნურას ელოდებით, ოღონდ ერთში დარწმუნებული ბრძანდებოდეთ, აქ გამოსული ყველა ახალგაზრდა მწერალი იქნება დიდი დაპირება ჩვენი ხვალისდელი ლიტერატურის საამაყოდ და, თუ დააკვირდებით, თითოეული მათგანი შიგნიდან იქნება განათებული საზოგადო ვალის ღრმა შეგნებით. აქ არ იქნება სიტყვით ფონგლიორობა. ოცდახუთი წელია მე ახალგაზრდა მწერლებს, ერის სამსახურს, ქვეყნის თავისუფლებისთვის ბრძოლას ვასწავლი და ჩათვალეთ, რომ დღეს ბებერ მცხეთაში, სადაც ილია ჭავჭავაძის აჩრდილი დაბიჯებს, სცენაზე გულისკანკალით გამოდიან ილიას შვილთაშვილები და თავიანთ პირველ ლექსებს წარმოთქვამენ-მეთქი.

ჩემმა სიტყვამ დარბაზი სასიკეთოდ მონუსხა და ახალგაზრდა მწერლები გამახსენა.

გამოვიდნენ ქეთი დოლიძე, მიხეილ ლანიშაშვილი, ზეთისო მამისიმედიშვილი, გიორგი არაბული, ბადრი პატაშური, თამარ ლომიძე, ქეთევან მეფარიშვილი, ტრისტან მახაური... და მშვენიერ ქალთა ახალშექმნილი კვარტეტი, რომელსაც “მოლოდინი“ შევარქვი.

შეხვედრამ ჩემს მოლოდინს, მართლაც, რომ გადააჭარბა.

ახალგაზრდული ლექსი მცხეთამ გულთბილად მიიღო.

ტაშის გრიალი არ ცხრებოდა.

მეამაყებოდა ჩემს განვრთნილებს „ბისზე“ რომ იძახებდნენ და ლექსებს ამეორებინებდნენ.

ჩანს, ყველაფერი არ დაკარგულა.

ჩანს, უღმობელმა საბაზრო დრომ ვერ ჩაკლა ქართველში ლექსის სიყვარული.

ბოლოს მადლობა მოვახსენეთ ქვემო ქართლის გუბერნატორს წესიერ, ენერგიულ, პატრიოტ კაცს, შალვა ობგაიძეს და მის მომხიბვლელ მეუღლეს ქეთევან შარაბიძეს, რომელთაც, მართლაც რომ დიდებული მასპინძლობა გაგვინიეს სცენაზეც და სცენის გარეთაც-მარანში.

## 20.XI.96

თბილისში არსებობს ერთი ნახევრადსახელმწიფო ინსტიტუტი, რომელსაც ეკონომიკის ინსტიტუტი ჰქვია.

დღეს ამ ინსტიტუტში სამეცნიერო-მეთოდური კონფერენცია ჩატარდა სწავლების ახალი მეთოდების საკითხებზე.

მოხსენებები ნავიკითხეთ ლევან სანიკიძემ, გივი მიქელაძემ, რეზო ქოლოშვილმა და მე.

ვთქვი: ამასწინათ ამ ინსტიტუტის პირველკურსელებთან ლექციაზე ვიკითხე, რომელ წელს იყო აფხაზეთში რუსეთ-საქართველოს ომი და ვერ მიპასუხეს-მეთქი. ახლა სხვა დროა. სხვა თაობა, სხვა ახალგაზრდები მოვიდნენ. ბევრმა ისიც არ იცის, რომელ საუკუნეში ცხოვრობს და თქვენი ვალია, მოაქციოთ ისინი აქტიურ ქართველებად, პატრიოტებად, დაპყრობილი საქართველოსთვის მებრძოლებად-მეთქი. თანაც აღარ არის ახლა მედავითნე, მოლაღადე ლექტორის დრო. ინფორმაციის საშუალებებით და საბაზრო ფეიერვერკით დაღლილ სტუდენტს დღეს კონკრეტული საუბარი სჭირდება და არტისტიზმს იგი პროვინციალიზმად აღიქვამს, ამიტომ ლექცია ჩაანერინეთ სტუდენტებს, მითუმეტეს, რომ დღეს ყველა სახელმძღვანელო მოძველებულია. თქვენ კი (ზოგიერთი) იმპერიის დროს დანერვილი სახელმძღვანელოებით უკითხავთ ლექციებს-მეთქი. არ შეიძლება პროფესორის ნაკითხული ლექციებიდან ერთი პატარა რვეული მაინც არ დარჩეს სტუდენტს-მეთქი.

ძველი სკოლის პროფესორები შეიმშუმუნენ.

ჩვენთან ხომ „ჭკუის მასწავლებელი“ ყველას სძულს, მაგრამ ისე შევატყვე, გულში მაინც დამეთანხმნენ და მეც სხვა სურვილი არა მქონია.

## 21.XI.96

გორს ვენვიეთ ანა კალანდაძე და მე.

გორის საოსტატო სემინარიას (ამჟამად მე-9 სკოლა) 150 წელი შეუსრულდა.

ანა კალანდაძე და მე მიგვიწვიეს ქართველ მწერალთაგან.

დიდებული იუბილე გადაუხადეს ამაგდარ სკოლას გორელებმა.

ამ სკოლაში ვაჟა-ფშაველა სწავლობდა და ნიკო ლომოური მასწავლებლობდა.

დარბაზი პირთამდე სავსე იყო.

დიდებულად გამოვიდა ქალბატონი ანა.

ვთქვი, ყველა ქართული სკოლა პროტესტია გარუხების, გათათრების, გასომხების წინააღმდეგ მიმართული-მეთქი.

დღეს მასწავლებლობა გმირობას ნიშნავს-მეთქი.

ვულოცავ ამ დღეს ყველას დირექტორიდან (ცირა ჯაჯანიძე) იმ პირველკლასელი მონაფის ჩათვლით, ვინც ახლახან მიიყვანა სკოლაში დედამ გაცვეთილი ჩანთით და მისი ურფოსი ძმის ნაქონი „დედაენით“-მეთქი.

სამი ტაძარი აქვს ქვეყანას – ღვთის სახლი, სკოლა და თეატრი-მეთქი.

ერი, რომელიც სკოლას ასეთ იუბილეს გადაუხდის, უკვდავია-მეთქი.

დროა, ერთმანეთი ხელისცეცებით ვიპოვოთ იმ სიბნელეში, მარიონეტულმა ხელისუფლებამ რომ „მოგვიპოვა“ და ერთად, ხელისხელჩაჭიდებულებმა უნდა ვიაროთ ჭეშმარიტად თავისუფალი საქართველოსკენ-მეთქი.

რწმუნებული ირაკლი ბოჭორიძე ზრდილობიანი, კარგი ახალგაზრდაა.

ასეთი სუფთა ბიჭები სჭირდება დღეს საქართველოს ხელმძღვანელ პოსტებზე.

22, XI 96

დღეს აფხაზეთიდან ლტოლვილ მწერალს, ევგენი აქუბარდიას, 70 წელი შეუსრულდა.

მწერალთა კავშირში შევიკრიბეთ გენო კალანდია, ჯანო ჯანელიძე, გურამ ოდიშარია, ზაურ კალანდია, მე და, რა თქმა უნდა, ბატონი ევგენი.

ჭიქა შამპანურით მივულოცეთ 70, გამაგრება, გაძლება, გაძელქვება ვუსურვეთ.

ჩემს გვერდით იჯდა და საოცარი რამ მითხრა ევგენიმ: შენაო, ჩემზე „ბედნიერი“ ხარო. სამინელება ყოფილა მტანჯველი მოლოდინიო. შენ შვილის საფლავი მაინც გაქვს. მე საფლავი რომ მქონდეს, ერთხელ და სამუდამოდ ვირწმუნებდი და შევეგუებოდი ჩემს მდგომარეობასო. არ იცი, რა ძნელია ყოველი ლტოლვილის, ყოველი აფხაზეთში მებრძოლის თვალებში შენს შვილს რომ დაეძებო.

ევგენის ვაჟკაცი რუსეთთან ომის დროს უგზო-უკვლოდ დაიკარგა. ასევე არ იცის თავისი შვილის ასავალ-დასავალი ჟურნალისტმა ოთარ გაგუამ და კიდევ რამდენმა.

სალამოს ფოთის მერმა ნუგზარ ნადარაიამ დამირეკა; 24-ში ფოთში ცოტნე დადიანის ძეგლის გახსნა გვაქვს და უსათუოდ უნდა ჩამოხვიდეო.

უნდა წავიდე. ცოტნე ჩვენი უპირველესი გმირია, მრავალგანზომილებიანია მისი გმირობა.

ყველაფერთან ერთად იგი ზნეობრივი გმირიც არის.

სჭირდება დღეს საქართველოს მისი სახება.

23-25/XI 96

ფოთში „ფაზისქალაქობა“ 24 ნოემბერს ცოტნე დადიანის ძეგლის გახსნით დაგვირგვინდა.

ზღვა ხალხი მოვიდა ზეიმზე.

კოტე მახარაძემ გახსნა (!). კითხვა-დახილის ნიშანი იმიტომ დავსვი, რომ წესით ფოთის მერს, ნუგზარ ნადარაიას, უნდა გაეხსნა, თორემ კოტე მახარაძის სანინალმდეგო ვის რა აქვს. კოტე მშვენიერი მსახიობი და ფეხბურთის კომენტატორია, მაგრამ იმ მაშსტაბის საზოგადო მოღვაწე არ არის, რომ ასეთ ისტორიულ ღონისძიებას უწინამძღვროს. ესეც არ იყოს, მიტინგი იმას უნდა წაეყვანა, ვინც გულის სისხლი ჩაანურა ამ ქვეყნისთვის და სახალხო საქმეს და ამ შეჭირვების დროს სახსრები გამოძებნა, რათა ფოთში ამ დღეებში ცოტნე დადიანის, ივანე ჯავახიშვილის და იაკობ გოგებაშვილის ძეგლები დადგმულიყო. გახსნილიყო ფოთის ისტორიული მუზეუმი, „ფაზისის“ აკადემია და სხვ.

ვრცელი სიტყვით გამოვიდა ედუარდ შევარდნაძე. ხაზი გაუსვა ცოტნეს ძეგლის დადგმის დიდ მნიშვნელობას ქართველთა კონსოლიდაციის საქმეში და ჩვენი სამომავლო ცხოვრების იმედიანი კონტურებიც მოხაზა. აფხაზეთს და სამაჩაბლოს მალე დავიბრუნებთო, განაცხადა, რაზეც ლოდინით დაღლილი მასის ტაში დაიმსახურა.

გამოვიდნენ ცოტნე მირცხულავა, ვალერი ასათიანი, ლევან სანიკიძე, ნუგზარ ნადარაია...

ქართველი მწერლების სახელით მე მომცეს სიტყვა.

ვთქვი:

„ბატონებო, –

კაცი, რომელიც თავისი სიცოცხლიდან ლამის 700 წლის შემდეგ ძეგლად აღიმართა ამ მოედანზე, თავისუფალი საქართველოს ერთი შეთქმულთაგანი იყო და როცა დამპყრობელ მონღოლთა ზანაკში აბეზარ ქარ-სიცხეში თავის დასჯილ თანამოძმეთა შორის ჩაჯდა, რა თქმა უნდა, არ ფიქრობდა იმაზე, რომ დიდი ხნის შემდეგ გრძნეული მოქანდაკე საქრეთელს აიღებდა და საუკუნეებს უამბობდა ამ ბეჭარწივოსანი გმირის უკვდავებაზე.

ცოტნე დადიანი ქართველთა უპირველესი ზნეობრივი გმირია.

შეიძლება იფიქრო კაცმა, დგანან ახლა თავიანთი წილი ცოტა მზით განათებულ მოედანზე საუკუნეთა დელგმა-გვემას გადარჩენილი ქართველნი, რომელთაც სამშობლო თითქმის ხელში შემოეფცქვენათ და ძეგლებს დგამენო.

ეს მარტო ძეგლი არ არის, ეს ოდენ ხელოვნების ნიმუში არ გახლავთ, ეს ქართველთა გადაშენებისადმი პროტესტის ნიშნად მალლა შემართული მუშტია. ამიტომაც მაღლობის ღირსია დღეს ყველა, ვინც ეს ძეგლი შეჰქმნა, მისი დადგმა ითავა, მისი ლიბო გაამაგრა და ჩაადლუაბა.

ეს ძეგლი კი არა, კივილია, საუკუნეებს რომ გამოივილის, საქართველოს მთებში რომ წროილებს და კოსმოსში იკარგება.

ისევ და ისევ დავით აღმაშენებლის და ცოტნე დადიანის სიბრძნე და უკვდავება გააერთიანებს და გადაარჩენს საქართველოს.

ნუ გაიხარებენ ჩვენი მტრები.

ცოტნე დადიანის გენი ისევ ფეთქავს. ცოტნე დადიანის სისხლი ისევ მიმოდის ჩვენს ძარღვებში. ცოტნე დადიანის ბრალიცაა, ამასწინათ იმპერიასთან უსამართლო ომში ჩვენი პირტიტველა ბიჭების სიკვდილთან შე-



თამაშება. დიალ, „თამაშად და მღერად“ – როგორც რუსთაველი ბრძანებს, მიიჩნია 30 ათასმა და უფრო მეტმა გმირმა მამულისათვის სიკვდილი.

ეს იმას ნიშნავს, რომ ჯერ ყველაფერი არ დაკარგულა.

ჰოპლა, ჩვენ ვცოცხლობთ!

ქართული მიწებისკენ შურით მზირალნი და გაიძვერა მოყვარენო, გეშინოდეთ ცოტნეს მხარზე მჯდომი არწივისა. იგი ხვალინდელი საქართველოა“.

## 26/XI 96

მწერალთა კაშირში კარლო არსენაშვილის ახალი წიგნის განხილვა იყო. ზურაბ ჭუმბურიძემ იმოსხენება (არ შეიძლება ვითომ „იმოსხენება“, ან „მოგვასხენა“? „გააკეთა მოსხენება“ – არ ვარგა).

სიამოვნებით დავესწარი ამ განხილვას და სიტყვაც ვთქვი („სიტყვაც ვთქვი“, არ ვარგა, სიტყვას იტყოდა, აბა, ხომ არ იმღერებდი, არც „სიტყვით გამოვედი“ ვარგა. იქნებ „შევესიტყვე“?). სიამოვნებით შევესიტყვე კარლო არსენაშვილს.

წიგნს საბავშვო ანერია, მაგრამ ისეთია, დიდებიც რომ წაიკითხავენ.

ინერება ზოგჯერ ბავშვებზე ბავშვებისთვის, ზოგჯერ ბავშვებზე დიდებისთვის, კარლოს წიგნი, უფრო ამ უკანასკნელთა რიგს მიეკუთვნება.

ჩუმი და მოკრძალებული მწერალიაო, ვილაცამ თქვა.

ჩვენ ხშირად გვერევა ერთმანეთში ადამიანის მოქალაქეობრივი თავმდაბლობა და მისი შემოქმედებითი სახე.

რაკი მწერალი არ ბრახუნობს, სახელისთვის არ ნადირობს და პიტინასავით ცხვირში არ გვირის თავის ნაწერებს, ასეთ მწერალს ერთხელ და სამუდამოდ მივაკერებთ „ჩუმი“, „უპრეტენზიო“ მწერლის სახელს.

მწერლობაში ჩემი და უპრეტენზიო ადამიანები არ არსებობენ.

განხილვამ კარგად ჩაიარა (არც „ჩაიარა“ ვარგა, „ჩატარდა“ სჯობს).

სალამოს „მაცნემ“ გვამცნო, რომ 15 მხედრიონელ ყმანვილს 10-15 წლით პატიმრობა ჩამოურიგეს. იდგნენ ისინი მოტყუებული, ხელისუფლების მიერ შეთამამებულ-გამოგონილი ყმანვილები.

ჯერ გმირებს ეძახდნენ (როცა ჭირდებოდათ), ახლა ყაჩაღებად უხმობენ. არ შეიძლება, არა, 700 ახალგაზრდა ყაჩალი იყოს!

## 27/XI, 96

როგორც მოველოდი, ამერიკელმა და ინგლისელმა დამკვირვებლებმა სოხუმში განაცხადეს – აფხაზეთში არჩევნები უღალესად დემოკრატიულად ჩატარდა და ლეგიტიმურად უნდა ჩაითვალოსო.

ერთ-ერთი დამკვირვებელი – ინგლისელი ლორდი, მეორე დღეს თბილისს ეწვია. თამაზ ნადარეიშვილმა მიიღო და ჰკითხა: რატომ განაცხადეთ ასეთი რამ. თქვენ ხომ იცით, რომ ინგლისი საქართველოს მთლიანობას აღიარებს, ხოლო სეპარატისტების მიერ დანიშნულ-ჩატარებული არჩევნები საქართველოს მთლიანობის ხელყოფააო – ეს იგივეა, მოტლანდიამ ინგლისისგან სრული გამოყოფა გამოაცხადოსო.

ლორდმა უპასუხა; ჯერ ერთი, ინგლისი არ დაუშვებს მოტლანდიაში ისეთი ხელისუფლების მოსვლას, რომელიც მოტლანდიის სრულ დამოუკიდებლობას გამოაცხადებს და არც ასეთი არჩევნების ჩატარების საშუალებას



მისცემსო. მეორეც, მე ვთქვი მხოლოდ, როგორც დამკვირვებელმა, რომ არჩევნები დემოკრატიულად ჩატარდა. დანარჩენი თქვენს შუამავალს – რუსეთს მოჰკითხეთო. თქვენ არ ენდობით ამერიკას და ინგლისს. შუამავლად მაინცდამაინც რუსეთი აირჩიეთ და ახლა, რა, გინდათ უბრალო დამკვირვებლებმა თქვან ის, რასაც თქვენ თვითონ არ ეუბნებით მსოფლიოსო? თქვენ ხომ არსად არ ამბობთ, რომ რუსეთმა ნაგართვათ ტერიტორიებიო. ჩვენ, დამკვირვებლები, პოლიტიკაში არ ვერევითო.

გაშრა. ხმა ვერ ამოიღო თ. ნადარეიშვილმა. რა უნდა უთხრას. მართალია კაცი. თამაზი ამბობს სათქმელს, მაგრამ თამაზი მხოლოდ აფხაზეთის ხელისუფლებაა (ისიც უიურისდიქციო), საქართველოს ხელისუფლება არ არის.

დღეს ჩემთან მოვიდა აფხაზეთიდან ლტოლვილი, ხანშიშესული კაცი ფარფალია.

ბატონო რევაზ, მშვიერი ვკვდები, იქნებ დაურეკოთ პურის ქარხნის დირექტორს – კალანდაძეს, მუშად მიმიღოსო.

ვთხოვე ბიჭიკო კალანდაძეს. ყურადღებით შემხვდა. გულთანაც მიიტანა ჩემი სათხოვარი; ქარხნიდან შტატების შემცირების გამო (გაზი რომ გამოგვირთეს) გათავისუფლებული 80 მუშა აღდგენის რიგში მიდგასო. ყოველდღე ცხადდებიან ისინი და თუ რომელიმემ გააცდინა, იმის მაგივრად მუშაობენო. მოვიდეს, ოთხმოცდამეერთედ ჩავაყებენ რიგში და როცა მოუნევს, მივიღებო.

ღმერთო, როგორ უჭირს ხალხს.

რა ვქნა, რით დავეხმარო.

28-29/XI 96

პირველ საშუალო სკოლაში, ანუ თბილისის პირველ გიმნაზიაში 29 დეკემბერს ბაბო მჭედლიძის ასი წლისთავის აღსანიშნავი საღამო გაიმართა.

მე და რევაზ ძნელაძე ნახევარი საათით ადრე მივედი. მაინტერესებდა, როგორი იყო თბილისის ომის (1991-92წწ.) დროს დანგრეულ-იავარქმნილი გიმნაზია აღდგენის შემდეგ.

დირექტორმა-ქ-ნმა ლია შენირულმა, თავაზიანად დაგვათვალთქმინა კაბინეტ-ლაბორატორიები და საკლასო ოთახები.

სადღაა ბრწყინვალე პირველი სკოლა!

უბრალოდ, სადად, თეთრად შელებილი ქერ-კედლები. სადღაა მისი ძველი „კარნიზ-ჩუქურთმები“ და ულამაზესი კარები.

„დამკვერელური ტემპით“ აღუდგენიათ მენობა.

რამდენიმე ადგილას უკვე გამსკდარა კედლები.

ამ გიმნაზიაში ნიკოლოზ ბარათაშვილი, გრიგოლ ორბელიანი, გიორგი ერისთავი, რაფიელ ერისთავი, ილია ჭავჭავაძე... სწავლობდნენ.

დაინვა არქივიც დაინვა ბიბლიოთეკაც, დაინვა უმდიდრესი კაბინეტები...

ბაბო მჭედლიძის იუბილე მშვენივრად ჩატარდა.

გამოვიდნენ გიორგი ციციშვილი, დევი სტურუა, აკაკი ძიძიგური, ვახტანგ ტუსკია, მედეა სიხარულიძე, მე...

გავიხსენე უმშვენიერეს ქ-ნ ბაბოსთან შეხვედრის ეპიზოდები. ვთქვი,

რა გულისტკივილით მესაუბრებოდა იგი „ვეფხისტყაოსნის“ დამმახინჯებელ აკადემიურ კომისიაზე, „როგორ ვასწავლო სკოლაში: „კაცს შუბი ვკარ, ცხენი დავეცო-ის“ ნაცვლად - „კაცსა შევეც, ცხენი დავეცო“.

ბოლოს ვთქვი, კიდევ კარგი, რომ ქ-ნი ბაბო ვერ მოესწრო ქართველების მიერ პირველი სკოლის დახგრევას, თორემ მისი ტანჯული გული ვერ გაუძლებდა-მეთქი.

გული ამერია, როცა ქ-ნ ბაბოზე იმ საღამოს „მგზნებარე“ სიტყვა სწორედ იმ უბადრუკმა „მწერლუკამ“ თქვა, თბილისის დამანგრეველებს გვერდით რომ ედგა დეკემბრის ჯოჯოხეთურ დღეებში.

თვალთმაქცობას და უტიფრობას ხომ ზღვარი არა აქვს.

30/XI, 96 – 1/XII 96

შაბათს (30) მთელი დღე „ლიმილის“ მასალებს ჩავკირკიტებდი.

ვურეკავ ცნობილ მწერლებს, მომანოდეთ რამე-მეთქი, მაგრამ შოთა ნიშინაიძის და ერთი-ორი კაცის გარდა, როგორც ირკვევა, თანამედროვეობის მწვავე პრობლემებზე არავინ არაფერს წერს.

რა მოუვიდათ ჩენ სახელოვან მწერლებს?

განა ახლა, როგორც არასდროს, არ არის საჭირო, მწერალმა თავისი ომანიანი, მართალი სიტყვა თქვას და რუსი დამპყრობლების წინააღმდეგ ზიზლით განაწყოს დაპყრობილი საქართველო.

აფსუს, სადღა არიან ილია, აკაკი, ვაჟა?!

სამწუხაროდ, ბევრ ჩემს კოლეგას საქართველო ფეხზე ჰკიდია თავისი 60-70-75 წლისთავის იუბილეები და თავისი „რჩეულების“ გამოცემა-და-სპონსორობითაა გართული.

სპონსორობაზე გამახსენდა; ჩემს წიგნებს არ დავეძებ, ლამის მათხოვრად ვიქცე ბანკირთა და ფულიან ბიზნესმენტთა წინაშე, რომ როგორმე „ლიმილი“ ვაცოცხლო, კილოგრამობით ვსესხულობ ქალაქს, ჩემს სიმწრით ნაშოვნ კაპიკებს ვუხდი სტამბას. ხელფასზე „ლიმილიდან“ უარი ვთქვი, რა დროს ხელფასია.

სად არის შევარდნაძის მიერ ხელდასმული „კულტურის გადამრჩენი კომიტეტი?“

კვირას საგარეჯოში ექიმ შოთა ჯაფარიძის 50 წლისთავზე ვიყავით ლე-ვან სანიკიძე და მე.

მიყვარს ექიმთა საზოგადოებაში ყოფნა. განათლებული, წიგნიერი ხალხია ექიმები.

კარგად დამამახსოვრდნენ ჯანმრთელობის მინისტრი ავთანდილ ჯორბენაძე, სამედიცინო ინსტიტუტის რექტორი რამაზ ხეცუროიანი, ბესიკ კილასონია, ანტონ კეკელიძე, ნოდარ ლომიძე, ვახტანგ ყიფიანი და სხვანი.

იქვე გავიცანი მეტად სიმპათიური წყვილი-ექიმი თამაზ სანებლიძე (პო-ეტია, მშვენიერი ლექსთა კრებული მაჩუქა) და მისი მეუღლე ქ-ნი ნანა.

დიდებული იყო (როგორც ყოველთვის) შოთას მეუღლე, ულამაზესი ქ-ნი ლალი.

2-3/XII. 96

საბერძნეთიდან დაბრუნდა ჩემი ნათლული გია.

სად იყავი, არ ჩანდი გია-მეთქი.

რვა თვეა საბერძნეთში ვარ, ნათლია, გუშინ ჩამოვედიო.

რა გინდოდა, ბიჭო, საბერძნეთში-მეთქი.

სამუშაოდ წავედით სამი ამხანაგო.

რას აკეთებდით-მეთქი.

მშენებლობაზე ვმუშაობდით დღიურ მუშებადო.

რას გაძლევდნენ-მეთქი.

დღეში 20 დოლარსო.

სამუშაოს აქ ვერ იშოვიდი-მეთქი?

ვერ ვიშოვე, ბატონო, ვაჭრობა მე არ შემეძლია და სხვა საქმე საქართველოში კარგა ხანია, არ არსებობსო. მშენებლობა აღარ არი და ქარხნები აქ არ მუშაობსო.

ბევრი არიან დღიურ მუშებად საბერძნეთში ქართველები-მეთქი?

ძალიან ბევრიო. იმდენად ბევრი, რომ აქამდე თუ უვიზოდ გვიშვებდნენ, ახლა თუ ვიზა ან რამენაირი მოწვევა არა გვაქვს, საზღვარზე აღარ ატარებენ ქართველსო.

მარტო ქართველზე ვრცელდება ეგ წესი-მეთქი?

მხოლოდ ქართველებზეო.

რით დავიმსახურეთ-მეთქი.

ძირითადად ქალების „დამსახურებააო“.

?!  
?

ათენის გარეუბანში არის ომანის რაიონი, სადაც ქართველ მეძავეებს ღამის მთელი კვარტალი აღებული აქვთო.

ბერძნებში ძალიან მაზანდა აქვს ქართველ გოგოებს. გვითხრეს, ტემპერამენტიანი ქალებია და ავადმყოფობასაც ნაკლებად ავრცელებენ, თანაც პოლონელ და ფრანგ ქალებთან შედარებით იაფად „მუშაობენო“.

კიდევ კარგი, რაკი ასეა, მიხარია, რომ „არ გვარცხვენენ“ ჩვენ ტემპერამენტიანი გოგოები-მეთქი.

ათენში ერთი ქალი გამოვიჭირეთ ქუჩაშიო. ბერძენად გაგვეცნო, ბერძნულს სუფთად ლაპარაკობდა. მთელი ღამით წამოგვყვა სასტუმროში, სამივეს „გაგვიმასპინძლდა“ და დღით ანგარიშსწორებაზე რომ მიდგა საქმე, ქართულად გვითხრა; არა, ბიჭებო, თქვენგან ფულს არ ავიღებ, ქართველი ვარო.

სიბრაზისგან ტუჩებს ვიჭამდი, ჩემი გია კი ჩვეულებრივად ყვებოდა საბერძნეთში ქართველ ქალთა „გმირობის“ ამბებს.

არ არის ახლა ეს სანოველო ამბავი?

#### 4.XII 96

მწერალთა კავშირში პრეზიდენტი სხდომა გვექონდა.

წლიური ლიტერატურული პრემიების მინიჭების საკითხი იდგა.

სხვათა შორის, კანდიდატებად წარმოდგენილი იყვნენ ელიზბარ უბილავა და შალვა ფორჩხიძე.

სანამ კენჭისყრა დაიწყებოდა, სიტყვა ვითხოვე:

მე კარგად ვიცი, რას ჰქვია ფარული კენჭისყრა. ვინც წარმოდგენილია კენჭისსაყრელად, ყველა ღირსეული კანდიდატია, ამიტომაც გთხოვთ, ნუ ვატყენთ გულს რომელიმეს და იქნებ ფანჯიკიძემ გამოძებნოს დამატებითი

სახსრები, რათა ყველა კანდიდატურას მიეცეს ეს წლიური წამახალისებელი პრემიები-მეთქი.

ატყდა დავა-კამათი.

ასე როგორ შეიძლებაო. ეს ფინანსური დახმარება როდია, ეს პრემიის მინიჭებაა და მხოლოდ ფარული კენჭისყრით უნდა მიენიჭოსო.

ვუყარეთ კენჭი ფარულად.

კაცთმოყვარე, კეთილი მწერლებისგან შემდგარმა ჟიურიმ გააშავა ელიზბარ უბილავა (80 წ.) და შალვა ფორჩხიძე (75 წ.).

რა გახარებულები იყვნენ, რა ნათელი გადასდიოდათ ჩემს კოლეგებს სახეზე.

შედეგები რომ გამოაცხადეს, კვლავ ვითხოვე სიტყვა: „უმორჩილესად გთხოვთ, დაფუმატოთ პრემირებულთა სიას ელიზბარ უბილავა და შალვა ფორჩხიძე. ორივე ხანდაზმული, დამსახურებული მწერალია და ხელს ნუ ვკრავთ-მეთქი, ნუ გავატანთ სიბერეში ჯავრს მოძმე-მოკალმეთა გაუტანლობის შესახებ. არ გვეკადრება. გამოძებნოს ფანჯიკიძემ სახსრები-მეთქი.

დამეთანხმნენ გურამ ფანჯიკიძე, დავით მჭედლური, ელგუჯა მალრაძე და მიხეილ ქვლივიძე.

კენჭი ვუყაროთო, მურმან ლებანიძემ.

რა საჭიროა კენჭისყრა, ჩვენ თვითონ შევთანხმდებით-მეთქი.

კენჭი უყარეს და ხელმეორედ გააშავეს ელიზბარ უბილავა და შალვა ფორჩხიძე.

ასეთი მღმობელი და მონყალე გული აქვს მწერალთა კავშირის პრეზიდენტს.

დაძმარებულ ხასიათზე დავბრუნდი შინ.

რა მონყენილი სახეებით დადგებიან „ჩემი მეგობრები“ ასი წლის შემდეგ ელიზბარ უბილავას და შალვა ფორჩხიძის კუბოებთან.

რა გულისამაჩუყებელ, მთრთოლვარე სიტყვებს იტყვიან ასი წლის შემდეგ ამ ორი პატიოსანი მწერლის დაკრძალვაზე.

ყველანი ჩვენმა სინდისმა გაგვასამართლოს.

5,6/XII 96

ახალციხეს ვენვიე.

მესხეთის უნივერსიტეტის სტუდენტობამ და პროფესურამ შეხვედრა მომიწყო.

დიდი ეროვნული საქმე გაკეთდა ამ მხარეში თბილისის უნივერსიტეტის ფილიალის შექმნით.

გაცოცხლდა აქაურობა. ქუჩაში ახალგაზრდების ჟრიალული, ქართული ლაპარაკი ისმის.

უნივერსიტეტის რექტორი, მერაბ ბერიძე, პატრიოტი, ნიჭიერი კაცია. შესანიშნავი ორგანიზატორიც. სულ რაღაც შვიდ წელიწადში ფეხზე დააყენა უნივერსიტეტი. კულტურის ცენტრად, საგანმანათლებლო კერად, ეროვნულ წისკვილად აქცია.

შეხვედრამ გულთბილად ჩაიარა.

მოსხენებები, სიტყვები, საინტერესო შეკითხვები...

მეორე დღეს ჩემს მასპინძელს ვთხოვე ახალქალაქში წაყვანა. მინდოდა,

შემემონებინა თბილისში დარხეული ქორი („ახალქალაქს სომხები გვართ-მევენ“).

რა დიდებული სანახები, რა საქართველო.

მარჯვნივ დავტოვეთ ზღაპრული ხერთვისის ციხე. აჰა, თოვლიანი ამი-რანმთა და ახალქალაქიც. ახალქალაქის ისტორიული ციხე. მაღლობაზე შე-ფენილი ქალაქი-სიმაგრე.

დავდივარ ახალქალაქის ქუჩებში.

იქნებ... იქნებ ჯერ ყველაფერი არ დაკარგულა?

არის ამ ქალაქში ვინმე, რომელიც იტყვიო, მაღლობელი ვართ, ქართ-ველნო, საკუთარი მინა რომ დაგვითმეთ და შეგვიფარეთ, ჩვენ კარგად ვიც-ნით, რომ თქვენი ხიზნები ვართო?

გაფაციცებით შევყურებ თვალებში სომხებს, მინდა რომელიმე მათგა-ნის გამოხედვაში ეს აზრი ამოვიკითხო.

თქვენც არ მომიკვდეთ, სუფთა სომხურ ქალაქად ქცეულა ჩვენი ახ-ალქალაქი. სომხური ლაპარაკი, სომხური წარწერები, სომხური ძეგლები...

ამ უკანასკნელზე უნდა შევჩერდე.

ქალაქის ცენტრში ლენინის ძეგლის ფუნდამენტზე მესროპ მამტოციის ძეგლი დაუდგამთ. იქვე, გვერდით რამდენიმე უშველებელი ლოდი მოუტა-ნიათ და მოქანდაკე გამალებით მუშაობს. მოსე ხორენელის ძეგლი უკვე დამ-თავრებული აქვს, ალბათ, ორიოდ დღეში დადგამენ ახალქალაქის რომე-ლიმე ქუჩაზე. მივედით ახალქალაქის ციხესთან. ციხის წინ ისტორიული სომეხი მეომრის ძეგლი დაუდგამთ. სომხური წარწერით დამშვენებული, ზედ კარიბჭესთან, მოდი და იკითხე ახლა შენ, ქართველო ისტორიკოსო, რა კავშირი აქვს სომეხს ქართულ ციხესთან-თქო.

მაშ ასე, ჯავახეთის სომხური ექსპანსია-ოკუპაცია დასასრულს უახ-ლოვდება.

სომხური ძეგლებით მოიფინა ახალქალაქი.

სად სძინავს სამცხე-ჯავახეთის ხელმძღვანელობას?

7-12/XII 96

11 დეკემბერს უნივერსიტეტში ანა კალანდაძე გვეწვია.

გადაჭედო დარბაზში ძვირფას სტუმარს გულთბილად შეეხვდით.

რ. მეტრეველმა ბრძანა შესავალი სიტყვა.

გამოვიდნენ კ. დანელია, ა. ხინთიბიძე, მ. ლორთქიფანიძე, ნ. ამაშუკე-ლი, ტ. კვანჭილაშვილი...

მე „დავაფინყე“ პრეზიდენტი, თუმცა საგანგებოდ დამირეკეს და მთხოვეს, ანა კალანდაძეს მიესალმეო.

ეგ არაფერი. გული იმაზე მწყდება, რომ ხომ შეეძლო ქ-ნ ანას ეფიქრა, რ. მიშველაძემ თავი შეიკავაო.

12 დეკემბერს პარლამენტში რუსი ფუნქციონერი სელენიოვი გამოვი-და და ქართველები რუსოფობიაში დაგვადანამაულა. ეს მაშინ, როცა, მიუხე-დავად იმისა, რომ რუსმა 3 წლის წინ ჩვენი დამოუკიდებლობა ფეხქვეშ გა-თელა, თბილისში ერთი წარწერაც არ გაჩენილა: „რუსებო, წაეთრიეთ შინ!“

ახია ჩვენზე.

13-28/XII 96

„ასავალ-დასავალში“ ჩემი და ზურაბ რცხილაძის საუბარია დაბეჭდილი. ვამბობ, რომ მომენონა პარლამენტის სხდომაზე ეროვნულ-დემოკრატიების მიერ სელეზნიოვის გამოსვლის დროს დარბაზის დატოვება, რომ ჩვენი ხელისუფლება ამ ერთ მცირეოდენ გაბედულებას სვალ-ზეგ გაუთავებელ ბოდიშებს მოაყოლებს.

ვაკრიტიკებ მარიონეტულ ხელისუფლებას გაუბედავობისთვის და საქართველოს ტელევიზიას ჟურნალისტური ცვედნობისთვის.

24 დეკემბერს ქუთაისის უნივერსიტეტში ლევან სანიკიძის 70 წლისთავის იუბილე გაიმართა.

რექტორმა, ავთანდილ ნიკოლეიშვილმა, გახსნა.

მომხსენებელი მე გახლდით.

კარგად ჩატარდა. ბატონ ლევანს დიდი სიყვარული გამოუცხადეს.

25 დეკემბერს მე და ლევან სანიკიძე ბათუმში ჩავედით.

ბათუმში დიდი დაძაბულობაა.

16 დეკემბერს ბათუმის ქუჩებში ჯავშანტექნიკა გამოჩნდა.

23-24 დეკემბერს ბათუმში შევარდნაძე ჩავიდა მრავალრიცხოვანი ამალით. 5 საათს ისაუბრეს დახურულ კარს მიღმა შევარდნაძემ და აბაშიძემ და მერე შევარდნაძე თბილისს გაფრინდა.

ჩვენი ჩასვლის დროს შევარდნაძე ბათუმში არ იყო.

შევხვდით და ვესაუბრეთ ასლან აბაშიძეს.

საუბარი ტელევიზიამ ჩაინერა. არ ვიცი, გადასცემენ თუ არა.

შევარდნაძე-აბაშიძის ურთიერთობას კეთილსასურველს ვერ დაარქმევ. ყველაფერი უნდა ვიღონო, რომ აჭარა კონფრონტაციის ახალ კერად არ იქცეს.

12 მკვლეელი მომიგზავნესო, ასლან აბაშიძე ამბობს.

მართალია?

29.XII.96 – 1.1.97

მიიწურა ეს წელიც.

საქართველოსთვის კიდევ ერთი უღიმღამო წელი ამ საუკუნეში.

რა იყო ყველაზე ცუდი 1996-ში? უპირველესად ის, რომ ერს ეძინა.

ძარცვავდნენ, ატყუებდნენ, მინებს ართმევდნენ, ჰყიდდნენ და ქართველ ერს ჯიუტად ეძინა.

ვერ იქნა და ვერ გააღვიძეს ერთგული მეციხოვნის, მართალი მოყმის ამაყ ყივილზე („მოყმე ამაყად ჰყიოდა“ რუსთ.) ხანდახან თავს წამოსწევდა და ისევ მიიძინებდა.

არსაიდან ხსნა, „არსით ძახილი“...

ერთი კვირაა ჩვენი სამარცხვინო ტელევიზია 40 წლისთავის იუბილეს იხდის. თავს იქებენ და იჯილდოვებენ. ეს ის ტელევიზიაა, აფხაზეთის დაკარგვაში დიდი ღვაწლი რომ მიუძღვის. რატომ და როგორ, ეს ათასგზის მითქვამს და აღარ გავიმეორებ.

31 დეკემბერს და 1 იანვარს გაუთავებელი ცეკვა-თამაში იყო ტელევიზიაში.

„გამარჯვებული“, გამთლიანებული საქართველო“ ხბოს კუნტრუშით ხვდებოდა ახალ წელს.

რა გვეზეიმებოდა?

„ელიტა“ თასით ხელში სვამდა ერის სადღეგრძელოს.

უბედურება ის იყო, რომ უკბილო ხუმრობებზე (ე.წ. „კაფიებზე“) თვი-თონვე ეცინებოდათ.

დიდხანს გრძელდებოდა ის გულისამრევი კაფიობა და ხალხისთვის თვალში ნაცრის შეყრა.

ვხვდებოდით ახალ წელს და სულ არ მიხაროდა.

დამნაშავედ ვგრძნობდი თავს ყველა ლტოლვილის, შიმშილით დაოსებულის, მარიონეტული ხელისუფლების მიერ ყველა გაუბედურებული კაცის წინაშე.

სროლამ, საახალწლო ბათქაბუთქმა გამომარკვია.

## 2.1 – 14.1 97

ნინო ქუთათელაძემ დამირეკა 8 იანვარს ტელევიზიიდან, ახალ ციკლს ვიწყებ, „მწერლის ერთი დღე“ ჰქვია და უნდა ჩაგწეროთო.

რამ გაახსენა მწერალი ტელევიზიას, ნინო, რას მივანეროთ ეს სენტი-მენტალობა-მეთქი, ვკითხე.

მთელი წელია თითქმის არაფერი გაგვიკეთებიაო, ტელევიზიის ხელმძღვანელობა ჩვენს რედაქციას „არ სწყალობსო“. ჩანს, ზემოდან აქვს მითითებაო. ვერც იმას გეტყვით, რომ შარშანდელი ინერციის გადამკიდე, გაუშვებენ ამ გადაცემას, მაგრამ მაინც უნდა მოვამზადო და ძალიან გთხოვთ, უარი არ მითხრათო.

მივედი, ჩამწერეს.

დაახლოებით ასე ვთქვი:

„ორმოცდაათს კარგახანია გადავშორდი და ახლალა ვატყობ ჩემს თავს, ტყუილ-მართალის გარჩევა, როგორც იქნა, ვისწავლე.

კარგა ხანს მჯეროდა, რომ რასაც ხელისუფლება იტყოდა, წმინდა წყლის სიმართლე იყო, ახლა ვხვდები, რა უნდა დაიჯერო და რამდენად:

მაგალითად, თუ გეტყვიან, სტიქიამ ოთხი მილიონი დოლარის ზიანი მოგვაყენაო, უნდა იცოდე, რომ სინამდვილეში ერთი მილიონის ზარალი მოუყენებია.

თუ გეტყვიან, მოსახლეობას 5 მილიონი დოლარის ჰუმანიტარული დახმარება დაუფრიგეთო, უნდა მიხვდე, რომ ერთი მილიონი დოლარის დახმარება მაინცაა დარიგებული.

თუ გეტყვიან, სუბუმი საიმედოდაა დაცული, იქ ჩიტიც ვერ შემოფრინდებაო, უნდა მიხვდე, რომ წასულია სოხუმის საქმე.

თუ გეტყვიან, მოგვილოცავს, ბაზალეთზე თურქული უნივერსიტეტი აღარ ამენდებაო, უნდა იცოდე, რომ თურქული უნივერსიტეტი დაარსებულია და უკვე ფუნქციონირებს, სადღაც, სხვა ადგილზე.

როცა გეტყვიან, 15 იანვრიდან იწყება ლტოლვილთა დაბრუნება აფხაზეთშიო, უნდა იცოდე, რომ ეს კეთილი ტყუილია, რადგანაც 15 იანვარი ძალიან ახლოა და ტყუილის მოკლე ფეხები მალე გამოჩნდება. ბოროტი ტყუილი მაშინ იქნებოდა, რომ ეთქვათ, 15 მაისს ვბრუნდებით აფხაზეთშიო. 15 მაისი, მოგვხსენებათ, შორია და შეიძლება, მოლოდინისგან გული გაგისკდეს.



ასე უფროსილდება ხელისუფლება ჩვენს ნერვებს.

ახლა, დაპყრობილ საქართველოში, ჩვენი ტელეგადაცემების მიხედვით თუ ვიმსჯელებთ, გაუთავებელი ცეკვა-თამაშია. აქამდე მეგონა, რომ ამას ხელისუფლება იმიტომ აკეთებდა, ცეკვა-თამაშით მთავარი საფიქრალისგან განზე გავყევანეთ და ამით დაემალა ქვეყნის უბედურებაში თავისი დანაშაული. ახლა ვფიქრობ, ამას იმიტომ აკეთებენ, რომ წრეგადასული ზარ-ზეიმი შეგვაძულონ და მარტო დაგვტოვონ ჩვენს ვეებერთელა სევდასთან.

რაც უფრო უგემოვნო ხუმრობებს და უკბილო ანგლობებს გვთავაზობენ სცენიდან, უნდა მიხვდე, რომ ამას სპეციალურად აკეთებენ, რათა ბოლოს და ბოლოს დასერიოზულდე, ნაკლები ილადავო და მეტი იფიქრო დაქცეული ქვეყნის გადარჩენაზე.

ვზივარ ახლა ზამთრის ცივ დღეს ჩემს მაგიდასთან და ვფიქრობ იმაზე, რომ, რაც ტყუილ-მართლის საზღვარს მივაგენი, ცხოვრება უფრო საინტერესო გახდა.

თურმე ხელისუფლება კი არ გვატყუებს, არამედ ჩვენს მიმხვედრიანობას ავარჯიშებს.

და ამ დღეებში მაინც მოვიდა ჩემთან დიდი, სასურველი სიმართლე.

მოქანდაკე თენგიზ კიკალიშვილი მენჯია და მაცნობა, რომ გალაკტიონის ნილაბი, რომელსაც ოცდაათი წელია ვეძებდით, ნაპოვნია. იგი თვით ბატონ თენგიზს აღმოუჩენია მოქანდაკე გორგოძის (ამ უკანასკნელმა აულ ნილაბი გალაკტიონს გარდაცვალების მესამე დღეს) სარდაფში.

თენგიზ კიკალიშვილი ამ საჩუქარს უძღვნის ქართულ მწერლობას, თბილისის უნივერსიტეტს და, რა თქმა უნდა, მთელს საქართველოს.

იანვრის ბოლოს ნილაბი სამუდამოდ დაიმკვიდრებს ადგილს თბილისის უნივერსიტეტის „გალაკტიონის კაბინეტში“.

ჩანაწერი (ტექნიკურად) ურიგო როდი გამოვიდა, მაგრამ ეჭვი მეპარება, რომ ირონიისმიმხვედრმა ტელევიზიის ხელმძღვანელობამ მას მწვანე გზა მისცეს.

ვნახოთ. დღეს 14 იანვარია და ტელევიზიიდან ბაიბური არ ისმის.

## 15.I – 18.I.97

ელცინის ავადმყოფობის გამო 17 იანვარს დანიშნული სნგ-ს მეთაურთა შეკრება გადაიდო.

ჩვენი ხელისუფლება ბრახუნობდა; რაკი აფხაზეთს და სამაჩაბლოს არ გვიბრუნებს რუსეთი, სნგ-ს შეხვედრაზე სამშვიდობო ჯარის გაყვანის საკითხს დავსვამით.

ეს ბოლო სამი დღე კი, როგორც მოსალოდნელი იყო, „გონს მოეგნენ“ და განაცხადეს – სამშვიდობო ჯარის გასვლის კი არა, მანდატის გაფართოების საკითხს დავაყენებთო.

– არა! არა! ამათი იმედი არ უნდა გქონდეს, ქართველო ერო!

აფხაზეთი და სამაჩაბლო გაყიდულია.

ტელევიზიას, როგორც მითხრეს, გადაუცია ჩვენი ჩანაწერი („ზამთრის ერთი დღე“). ოღონდ იმ დროს გადაუცია, როდესაც ლამის მთელ საქართველოში დენი გამორთულია (თვით ტელევიზიას გენერატორი კვებავს). ასე რომ, ერთით ნულია ხელისუფლების საპროპაგანდო სამსახურის სასარგებლოდ.

სამაგიეროდ, მთელმა საქართველომ ნახა უნიჭიერესი რეჟისორის, რობერტ სტურუას მიერ გადაღებული სატელევიზიო ფილმი „მეხანძრის სიზმარი“. უფრო დიდი საშინელება არც მინახავს და არც გამიგონია, ეს იყო უნიჭობის ფეიერვერკი. ჩვენი ცნობილი, საყვარელი მსახიობები სანყალობლად დახტუნავდნენ ეკრანზე, იმანჭებოდნენ, კანში ძვრებოდნენ. რა ხდებოდა, რატომ და რისთვის, კაციშვილი ვერ გარკვევდა. შენ, შე კაი კაცო, ცნობილი ოსტატი რომ ხარ და შენი შემოქმედების ავტორიტეტი მისხალ-მისხალ მოგიპოვებია, არ უნდა იკითხო გადაღების დროს, რობერტიჩ, რატომ გადავდივართ ამ მალაყებს, ამიხსენი, თუ ღმერთი გნამსო.

16, 17 იანვარს ლევან სანიკიძე, ვახტანგ ქარუმიძე და მე აჭარაში გახლდით.

ვნახეთ სტიქიისგან დანგრეული აჭარის სოფლები.

რეზინისჩექმებიანი ასლან აბაშიძე თვითონ ხელმძღვანელობდა სტიქიით დაზარალებულთა შველა-დაბინავებას.

იმავე საღამოს (16) მე და ლევანი აჭარის ტელევიზიით გამოვედით.

მეორე დღეს გამოსაცილებელ საუზმეზე დიდხანს ვისაუბრეთ საქართველოს ბედზე, პოლიტიკაზე, ეკონომიკაზე.

მე და ასლანი ცოტა მსუბუქად შევკამათდით.

მე ვეცადე დამემტკიცებინა მისთვის, რომ საქართველოს რუსეთზე დიდი და ვერაგი მტერი არც ჰყოლია და არც ახლა ჰყავს, ასლანი არ დამეთანხმა.

სამსაათიანი კამათის მერე მე ჩემს მოსაზრებაზე დავრჩი, ასლანი – თავისაზე.

უკან დაბრუნებისას რიკოთის უღელტეხილზე თოვდა.

მანქანები თოვლ-ყინულზე სრიალებდნენ. ჩვენიც მოცურდა, კინალამ ხევში გადავეშვით.

ბოლოს ვიღაც ლვითან-მადლიანმა საბურავის ჯაჭვები გვათხოვა და, როგორც იქნა, ავედით უღელტეხილზე. ვჩქარობთ. 2 საათზე გორში, კარგი პოეტის და კარგი კაცის, ჯემალ ინჯიას, იუბილეა დანიშნული და უნდა ჩავუხსნათ.

„არა მე მიცნო და არა მეო“, ვეხუმრებოდით ერთმანეთს გზაში მე და ლევანი.

ბოლოს გაირკვა, რომ ჩვენს მძღოლს, ვახტანგის სიძეს, კარგ ბიჭს, გელა გელაშვილს, ჯაჭვების კეთილ მთხოვებლებსთვის 15 ლარი მიუცია. თავიდან ოცს ითხოვდაო.

ესეც ჩვენი პოპულარობა! იუბილეს მაინც ვერ ჩავუხსნართ.

19 – 23/1 97

20 იანვარს ისტორიული ამბავი მოხდა.

მოქანდაკე თენგიზ კიკალიშვილმა გალაკტიონის კაბინეტს საჩუქრად გადმოსცა გალაკტიონის ნილაბი.

ეს ნილაბი გალაკტიონის სიკვდილის მეორე დღეს აულო მოქანდაკე შაქრო გორგოძემ. მწერალთა კავშირმა 500 მანეთი ვერ გამოძებნა მაშინ ამ ნილაბის შესაძენად, გორგოძე გარდაიცვალა, ნილაბი სადღაც სარდაფში მიაგდეს და დაიკარგა.

თენგიზ კიკალიშვილმა იპოვა იგი ერთი კვირის წინათ და ჩემთან მოიტანა. კულტურის სამინისტროს რომ ვაჩუქო, ვიცი, დაკარგავენო.

ეს კეთილშობილი მოქანდაკე იმდენად ღარიბია, რომ შავი ხავერდის ფულიც კი არა ჰქონდა ნიღბის ფონისთვის. ჩემი ცოლის კაბა დავჭერი და მივუტანე.

დიდი ამბავი იყო უნივერსიტეტში. ვინ არ მოვიდა ნიღბის გადმოცემის ცერემონიაზე.

ვილაპარაკე გალაკტიონისადმი ყველა ხელისუფლების გულგრილ დამოკიდებულებაზე.

ტელევიზიამაც გადაიღო.

გაზეთ „ქართულ ფილმს“ ათი წელი შეუსრულდა და 21 იანვარს ამ თარიღთან დაკავშირებით რეზო ჩხეიძის ხელმძღვანელობით საღამო გაიმართა. ლევან სანიკიძე და მეც მიგვიპატიჟეს.

22 იანვარს მსახიობის სახლში ცნობილი ფეხბურთელისა და მსახიობის, მიხეილ ჯოჯუას, დაბადების 70 წლისთავის იუბილე გადაიხადეს.

მიმა კარგი პიროვნებაა.

ვესწრებოდი. იუბილე კარგად ჩატარდა.

სიტყვა რომ ეთხოვათ, ვიტყოდი, იქეთ აღარ მივეძალე.

24/1 – 12/11 97

საქართველოს პრეზიდენტი საფრანგეთს სტუმრობდა ასკაციანი ამალით. (ასკაციანი ამალით! 95 კაცი რომ წაყვანა, იმ 5 კაცის „ვიზიტის“ ფულით შეგვეძლო გალაკტიონის სახელის გამოსყიდვა, მაგრამ გალაკტიონის მუზეუმი ვილას ახსოვს...).

იქ პარიზში კორესპონდენტი ეკითხება შევარდნაძეს: „ნატოს „გაფართოებას როგორ უცქერითო. ჩვენაო, ევროკავშირის გაფართოების მომხრე ვართო. „ნატოში“ რომ მიიღონ საქართველო, თანახმა ხართ თუ არაო. არაო (!?) თქვა შევარდნაძემ და გაიცინა. რატომაო? სულერთია, ჩვენ მაინც არ მიგვიღებენო.

რომ ეთქვა, გვინდა „ნატოში“ შესვლაო, არ უნდოდა მერე თავის ცენტრში, ურდოში, მოსკოვში ჩასვლა? დაბნეული, შეშინებული სახე ჰქონდა საქართველოს პრეზიდენტს, ამას რომ ამბობდა. მე მესმის მისი.

8 თებერვალს საგარეჯოს რაიონის სოფელ ყანდაურაში ჩემმა აკადემიამ („ქართული ფენომენის აკადემია“) კონფერენცია ჩაატარა თემაზე, „რა გადაარჩენს საქართველოს“.

გამოვედით და საქართველოს ხსნის გზებზე ვილაპარაკეთ: ლევან სანიკიძემ, ვახტანგ ქარუმიძემ, ოთარ ჟორდანიამ, გურამ გოგიაშვილმა, თენგიზ სანიკიძემ, ჯანგი მამალაძემ და მე.

ბოლოს ვუთხარი კახელებს, რატომ სძინავს ქვეყანას, რატომ უცქერით „მშვიდად“ საქართველოს დაქცევას-მეთქი. „წინამძღოლი არა გყავსო“, ვილაცამ დაიძახა დარბაზში.

9 თებერვალს „ასავალ-დასავალისთვის“ ვრცელი ინტერვიუ მივეცი ნიჭიერ პოეტ ქალს – ბელა შალვაშვილს.

საღამოს გ. ფანჯიკიძემ დამირეკა; შენ რომ გაზეთისთვის მასალები დამიტოვე, მარტო შენი ნოველაა და იუმორი არ ჩანსო. არადა ერთად, ერთმანეთზე მიმაგრებული, ჩავაბარე. ჩანს, ვილაცამ მაგიდიდან მოპარა.

რა მასალებია? მწერალთა კავშირის ხელმძღვანელობამ გადაწყვიტეთ, ახალი გაზეთი დავაარსოთო, გაზეთს „ქართული მწერლობა“ ერქმევა.

გაზეთ „საქართველოს რესპუბლიკაში“ დიდებული წერილი დაუბეჭდავს ჩემს ნოველებზე ბატონ გიორგი ნატროშვილს, თვალზე ცრემლი მომერია. ჩვენ ხომ ასე გადავეჩვიეთ ერთმანეთის მიმართ თბილ სიტყვას ამ მგლურ დროში.

სად მოიცალა 85 წლის სანოლს მიჯაჭვულმა კაცმა ჩემი ნოველებისთვის.

დიდი მადლობა, ბატონო გიორგი.

13.11 – 16/11 97

14 თებერვალს სვანურ სოფელ „ლამშვენიერაში“ ვიყავით ხარძიანების დედის დაკრძალვაზე.

„ლამშვენიერა“ რუსთავს ქვემოთ, ჯანდარის ტბის ნაპირას ახალი სოფელია სვანებით დასახლებული. ავთანდილ მარგიანმა დააარსა.

რაფში ვიყავით ჩვენი საძმო-სამეგობროს წევრები: ჯაბა ონიანი, ლევან სანიკიძე, ვახტანგ ქარუმიძე, მურადი ცინცაძე, ნუგზარ ალექსიძე, იური დუმბაძე და მე.

1500 სვანი მოვიდა დაკრძალვაზე.

1500 ლომი. დათვისტორება, მაღალი, ხორხიდან სევდა-ბოლმით მოლაპარაკე, სევდიანი, მაგრამ ბრძოლის ჟინით ანთებული სვანი.

რა ვქნათო, ბატონო რევაზ, როდემდე ვიყოთ რუსის მონებიო. ჩვენ აქ უმეტესობა ლტოლვილები ვართო, მოთმინების ძაფი წუთი-წუთზე გაგვიწყდება და რაკი ქვეყნად სამართალი აღარ არსებობს, ჩვენ თვითონვე გავაჩენთ ჩვენს სამართალსო.

წინამძღოლი გვჭირდება და ერთი დაძახება, მეტი არაფერი გვინდა, ჩვენ დავანახებთ მსოფლიოს, შეგვიძლია თუ არა ომიო.

იმედმიცემული დავბრუნდი შინ.

გზაში ლევანს ვეუბნებოდი – დღეს ჩვენ, ფაქტიურად, ქართული სახალხო ლაშქარის ერთ-ერთი საიმედო და ნაცადი რაზმი ვნახეთ. წართმეული ქართული მიწის დამბრუნებელი სწორედ რომ ეს მხედრობაა და არა ნადიბაიძის ჯარი-მეთქი.

ავთანდილ მარგიანიც იქ იყო, რასაკვივრელია.

ვერ გავიგე, რას მერჩიანო. ვგრძნობ, ჩემს ირგვლივ წრე ვინროვდებო. ჩემს ქვეყანას ვემსახურე, როგორც შემეძლო. არაფერი დამიშავებია, გარწმუნებთ, ბატონო რევაზ, კაცობაში არასოდეს ჩავჭრილვარ და არასოდეს შეგრცხვებათ ჩემთვის ხელის ჩამორთმევაო.

ახლა საქართველოში ის ტენდენცია მიდის, რომ თუ ვინმე დარჩა მოვაჟკაცო, იმასაც შიშის ქარი ჩაუყენონ მუხლებში, ან კორუფცია დააბრალონ, ან სხვა რამ მოუგონონ, რათა ყურმოჭრილ მონად აქციონ და ქვეყნისთვის ბრძოლის სურვილი დაუკარგონო.

იქნებ მართალია?

17-25/11 97

საქართველოს პრეზიდენტი აზერბაიჯანს სტუმრობდა.

ძველებურად, კომუნისტურად მიიღეს.

აეროპორტიდან ბაქომდე ქუჩაში ხალხი იყო ჩამწკრივებული.

ქუჩაშივე დაუკლეს ცხვარი ტრადიციისამებრ.

აზერბაიჯანელ ძმებს შევარდნაძე ძალიან „ნაყვარებათ“.

მალალმა სტუმარმა თავის ვრცელ სიტყვაში ყველაფერზე ილაპარაკა, მაგრამ დარწმუნებული ვარ, ალიევისთვის პირად საუბარში მინიმუმებითაც არ უთქვამს: 1959-60 წლებში საინგილოში 60 000 ქართველს გვარ-სახელი და ეროვნება რომ შეუცვალეთ აზერბაიჯანელებმა, ახლა ხომ წყეული კომუნისტური ეპოქა აღარ არის, ხომ ძმები ვართ, დაუბრუნოთ ისევ ქართული გვარ-სახელი და ეროვნულობა ქართველებსო.

ამით როგორ შეანუხებდა ალიევს, ვიზიტი ხომ ძირითადად მსოფლიო პრობლემების მოგვარებას ისახავდა მიზნად.

სამაგიეროდ, ბაქოდან დაბრუნებულ შევარდნაძეს აქაურმა აზერბაიჯანელებმა ულტიმატუმი დაახვედრეს, დაუყოვნებლივ დაუბრუნე მარნეულის თათრულ სოფლებს ზვიადის დროს გადარქმეული სახელებიო.

ასეა, როცა სტუმარი ხვდება, რომ შენი ინგილო ფეხებზე გკიდია, ხიზანი ცდილობს, თავისკენ მიითალოს.

კვლავ ძილი... ძილი...

საქართველოს უახლოეს ხანში გაღვიძების ნიშან-წყალი არ ეტყობა.

მოსკოვში ელცინს „ნატოს“ გაფართოების პრობლემაზე მოსათათბირებლად ამერიკის სახელმწიფო მდივანი, მაღლენ ოლბრაიტი, ეწვია.

ოლბრაიტი ჩეხი ებრაელია. რუსული ბრწყინვალედ იცის.

ელცინი რუსულად ელაპარაკებოდა.

ოლბრაიტიც რუსულადვე პასუხობდა და მერე თავის თარჯიმანს უთარგმნიდა ინგლისურად.

ნოველის თემაა.

26/II – 8/III 97

პიონერთა სასახლეში ლადო ასათიანის დაბადების 80 წლისთავი აღნიშნეს.

მშვენიერი ლიტერატურული კომპოზიცია გაითამაშეს ბავშვებმა.

მამაჩემი წავიყვანე.

მამა ლადოს თანაკურსელი და მეგობარი იყო.

ქუთაისში 7 თვისა ლადოს მოვუნათლივარ.

კარგი სიტყვა თქვა მამაჩემმა.

ბოლოს ცრემლი მოადგა თვალებზე. შემეშინდა, წნევამ არ აუწიოს-მეთქი. რუსთაველის საზოგადოების ყრილობა ჩატარდა.

გურამ გეგეშიძემ მოკლე, მაგრამ საქმიან მოხსენებაში, სინანული გამოთქვა იმის გამო, რომ თ. სიგუას ჯიბრზე გაჩნდა რუსთაველის თვითმარქვია საზოგადოება.

ჩვენაო, ხელისუფლებამ ბანკში ანგარიში შეგვიჩერა და ვილაცხებმა კარები აგვიჭედესო.

იძულებული გახადეს თ. სიგუა, გადამდგარიყო.

მივედი თ. სიგუასთან და ვუთხარი, მე ხმას არ მივცემ თქვენს გადადგომას, ეს გაქცევას, ლალატს ნიშნავს-მეთქი.

რა ვქნაო, მაიძულესო.

2 მარტს პარლამენტის აფხაზური ფრაქციის წევრები: გერმანე ფაცაცია, ბორის კაკუბავა, გენო კალანდია, გია გვაზავა და სხვები სამიმშილოდ დასხდნენ. მოთხოვნა: დაუყოვნებლივ გაყვანილ იქნას რუსეთის ე.წ. სამშვიდობო ჯარი აფხაზეთიდან და სამაჩაბლოდან.

მომიმშილებთან 4 მარტს შოთა ნიშნიანიძე და მე მივედით.

გავამხნევეთ, მხარი დაუჭირეთ.

პარლამენტარები შიმშილობენო, დაიძრა თბილისისკენ მოსკოვიდან დუმის დელეგაცია. დელეგაციას ფეხდაფეხ მოჰყვა ადამიანის უფლებათა ცნობილი დამცველი-კოვალოვი.

რა მოხდაო, კითხულობენ რუსები, რა ბზიკმა უკბინაო მორჩილ, ერთგულ, ქედდახრილ საქართველოს.

როცა აუხსნეს, წართმეული ტერიტორიები დაგვიბრუნეთო, ამირიზენ დუმელები. ჭკუას მოუხმეთ, თორემ უარესი მოგივათო.

თვით შევადრდნაძეც კი უკვე ამკარად გამოთქვამს ელცინის ხელისუფლებისადმი უკმაყოფილებას.

ვნახოთ, რა მოჰყვება ამ აქციას.

გამოვიდა ოპოზიციური გაზეთი „ბედი ქართლისა“ (რედაქტორი გია თვალავაძე).

პირველივე ნომერში ჩემი ვრცელი ინტერვიუა.

9/III-18/III 97 წ.

12 მარტს მოსწავლეთა სასახლეში ილია ჭავჭავაძის დაბადების 160 წლისთავის აღსანიშნავი ლიტერატურული საღამო გაიმართა.

საღამო ნიჭიერმა ლიტერატორმა, თინიკო გაბუნიაშვილმა, მოამზადა.

ვესწრებოდით ჯუმბერ ჭუმბურიძე, თენგიზ არჩვაძე, ლადო მინაშვილი და მე.

დარბაზი სავსე იყო ახალგაზრდებით. რალაც სხვანაირი დრტვინვა გაისმა, როცა ერთმა დეკლამატორმა დიდი ილიას სიტყვები მოაფრქვია დარბაზს: „ოჰ, ღმერთო, ღმერთო სულ ძილი, ძილი, როსლა გვეღირსოს ჩვენ გაღვიძება“.

მომეჩვენა, რომ ეს საღამოც საქართველოს გასაღვიძებლად იყო ჩაფიქრებული.

საღამოს დამთავრებისას მეც მომცეს სიტყვა.

„ილიას დაწყებული ბრძოლა ჯერ არ დამთავრებულა-მეთქი, დღესაც რუსეთის კლანჭებში გმინავს საქართველო და მისი გამოსნის საქმეზე თქვენმა თაობამ უნდა დააგვირგვინოს-მეთქი. არ დაუჯეროთ, ვინც გატყუებთ, თითქოს საქართველო დამოუკიდებელი და თავისუფალი იყოს-მეთქი“.

რას ვიტყვოდი სხვას.

პარლამენტის შენობაში დეპუტატები კვლავ შიმშილობენ.

ყოველდღე დავდივარ მათთან.

ერთხელ შიოც მივიყვანე.

ხელისუფლებამ თითქმის სასიკვდილოდ განირა ეს ბიჭები.

გერმანე ფაცაციაშვილმა მითხრა, ხომ ხედავ, როგორ აჭიანურებენ განხილვის დაწყებას პარლამენტზე, ალბათ, ჩვენს სიკვდილს ელოდებიანო.

რუსეთი გაგულისდა და კბენა დაგვიწყო.



ჯერ გაზი გადაგვიკეტა, მერე ბათუმთან თურქ მეზღურთა შხუნას ცეცხლი გაუხსნა და ერთი მეზღური მოჰკლა.

ბუნებრივია, თურქები შემოგვედავენ, გაგვაგებინეთ, საქართველოა ჩვენი მესაზღვრე-მეზობელი, თუ რუსეთიო.

რუსეთმა ამ გასროლით ორი საქმე გააკეთა: ჯერ ერთი, თურქეთი მოგვამდურა, მეორეც, გვაგრძნობინა, ნუ ხტუნავთ, არავითარი სახელმწიფო თქვენ არა ხართ და არავითარი საზღვარი არა გაქვთო.

რუსეთის ამ თავგასულობამ შევარდნაძის პროტესტიც კი გამოიწვია. ძლივს...

ზურაბ ჟვანია ქართველ პარლამენტართა „ყოჩაღი რაზმით“ ამერიკიდან დაბრუნდა.

როგორც ტელევიზიით ნაიტრაბახეს – კლინტონის გარდა (კლინტონი ნაიქცა და მუხლის ოპერაცია გაუკეთეს იმ დღეებში) ყველა თანამდებობის პირს (პრეზიდენტის კანცელარიაშიც და გაეროშიც) გაგვაგებინეთ, რომ სამშვიდობო ჯარი თავის მისიას ვერ ასრულებსო.

19-25/III 97 წ.

მოშიშმილეთა აქცია, როგორც მოსალოდნელი იყო, უშედეგოდ დამთავრდა.

თუმცა არც თუ მთლად უშედეგოდ, ამ აქციამ ნიღაბი ჩამოხადა საქართველოს მარიონეტულ ხელისუფლებას და ცხადი გახადა, რომ ამ ხელისუფლებას არ სურს აფხაზეთის და სამაჩაბლოს დაბრუნება.

პარლამენტმა და პრეზიდენტმა ოცდაორი დღე ატყუეს განწირული მოშიშმილეები და ბოლოს ბრანწი უჩვენეს, მაინც არ მიიღეს გადაწყვეტილება აფხაზეთიდან და სამაჩაბლოდან რუსის საოკუპაციო ჯარის გაყვანის შესახებ.

ჰელსინკში ელცინი და კლინტონი შეხვდნენ ერთმანეთს.

კლინტონმა ფაქტიურად დასტყუა რუსეთის ლოთ იმპერატორს თანხმობა ნატოს აღმოსავლეთით გაფართოებაზე.

ქართული ფენომენის აკადემიის ეგიდით 21 მარტს დედოფლისწყაროს ვენზეთ შოთა ნიშნინიძე, ლევან სანიკიძე, ვახტანგ ქარუმიძე, ჯანგიორ მამალაძე, მამუკა თავხელიძე და მე.

ჩავატარეთ კონფერენცია თემაზე „რა გადაარჩენს საქართველოს“. შეხვედრა გახსნა და საინტერესო ეროვნული სიტყვა თქვა გამგებელმა თემურ მოლაშვილმა.

სამი საათის განმალვობაში სავსე დარბაზი გასუსული ისმენდა ჩვენს გამოსვლებს.

გვიან ღამით დავბრუნდით თბილისში.

23 მარტს აფხაზეთის უნივერსიტეტმა ლადო ასათიანის, სევერიან ისიანის, გიორგი ნაფეტვარიძის, მირზა გელოვანის, ალექსანდრე საჯაიას და ვლადიმერ უბილავას ხსოვნის საღამო გამართა.

გაოცებას იწვევს ამ „დევნილი უნივერსიტეტის“ სიცოცხლისუნარიანობა. რექტორი ბ-ნი ოთარ ჟორდანია, უალრესად ნიჭიერი, იმედიანი და ენერგიული კაცია.

რუსეთის პარლამენტის დელეგაცია გვეწვია. ამჯერად გუდაურში, სუფთა ჰაერზე ინებეს ჩვენი ცხვარ-პარლამენტარების დამოძღვრა-დამინება.



## 26.III-8.IV 97

კიდევ ერთხელ მოატყუეს საქართველო.

28 მარტს, როგორც იქნა, ჩატარდა სამჯერ გადადებული სამიტი.

ქართული პოლიტიკური ელიტა წამდაუნუმ გაიძახოდა, რუსეთთან შეთანხმება მიღწეულია, 28-ში სამიტი გადანაცველს და რუსის სამშვიდობო ჯარი ლალიძგაზე გადაინაცვლებსო.

შეურიგებელ ოპოზიციას ეს „გამარჯვება“ ეპატარაებოდა. ბარემ რაკი ზუგდიდიდან წავა რუსის ჯარი, ბარემ ფსოუმდე გადაინაცვლოსო.

ოპოზიცია ბჭობდა, შევარდნაძეს კი, ალბათ, გულში ეცინებოდა.

მოვიდა 28 მარტიც.

ყველასგან მოულოდნელად, საქართველოს პრეზიდენტს ლალიძგაზე „სამშვიდობო ჯარის“ გადანაცვლების შესახებ სიტყვაც არ დაუძრავს.

პირიქით, „სამშვიდობო“ რუსის ჯარის მანდატის გაფართოვება მოითხოვა.

რაც მოითხოვა, დაუმტკიცა კიდევ სამიტმა.

ამით აფხაზეთის დაბრუნების საქმეში ერთი ნაბიჯით უკან დავიხიეთ.

თუ აქამდე მხოლოდ 24 კილომეტრიან ზონაში პარპაშებდა რუსი, ახლა მთელი გალის ტერიტორია დავუთმეთ. ნებისმიერ ქართველს გააჩერებს აფსუა სეპარატისტის მოკავშირე რუსი, დააბრალებს პარტიზანობას და ადგილზე დახვრეტს.

ქართველებზე მზრუნველმა მთავრობამ სამიტზე თავისი ნამდვილი სახე გამოაჩინა.

ახლა ფრაქცია „აფხაზეთი“ ეკითხება შევარდნაძეს, ხომ დაგვიპირდი ლალიძგას, რატომ მოგვატყუეო.

შევარდნაძე პასუხს არ იძლევა.

ლტოლოვილებმა, როგორც იქნა, შეაპარეს მიტინგები ფხიზელ ხელისუფლებას. „ივერიის“ წინ ყოველდღე იმართებოდა საინფორმაციო მიტინგები.

ამით შეთამამებულმა ოპოზიციამ 3 აპრილს (პარლამენტზე აფხაზეთის საკითხის განხილვის დღეს) დიდი საპროტესტო მიტინგი დაგეგმა, მაგრამ ამაოდ.

დილიდან რუსთაველის პროსპექტი ხელისუფლების დამცველთა ლეგიონებით გაივსო, წინა დღით (2 აპრილს) კი „მოქალაქეთა კამფორმა ფილარმონიაში თბილისელთა კრება გამართა. აღარ შეიძლება უმადური ხალხის მოთმენაო, ახლა თბილისის ნალექვით ემუქრებანიო, დავირაზმოთ, თბილისელებო, მტრების დავიცვათ თბილისიო, გაჰყვიროდნენ ძირძველი თბილისელები.

„დაიცვეს“ თბილისი 3 აპრილს თბილისელებმა და ხელისუფლებამ.

რუსთაველზე მიტინგი კი არა, ერთი ოპოზიციონერიც არ გააჭაჭანეს.

ბორის კაკუბავამ უფადო მიმშილობა გამოაცხადა მოთხოვნით: „გავიდეს რუსის ჯარი საქართველოდან“.

ხელისუფლება უმაღ ბორის კაკუბავას (და ძმათა მისთა) სიცოცხლეს შეეღევა, ვიდრე – რუსის „სამშვიდობო ჯარს“.

რუსის ჯარი რომ გავიდეს, იცის ხელისუფლებამ, რომ იგი თავისი ხალხის პირისპირ დარჩება და პასუხის გაცემა მოუწევს უამრავ უხერხულ კითხვაზე.

6 მაისს ბათუმს გავფრინდით გურამ შარაძე, რეზო ჩხეიძე, ლევან სანიკიძე, დათო ურუშაძე და მე.

საქმე? ხვალ ბათუმში წმინდა ბარბარეს ეკლესიის გახსნა-კურთხევაა.

გახსნაზე ვერ ჩამოვიდა საქართველოს პრეზიდენტი, როგორც „გაირკვა“, კათალიკოს-პატრიარქს სიცხემ აუწია და ვერ აკურთხებს ღვთის სახლს, ბათუმში დილით გამოგვიცხადეს, რომ ასლან აბაშიძეს სტენოკარდიული შეტევა აქვს.

ასე რომ, ზეიმს პირველ პირთა ბრწყინვალეობა აკლდა, მაგრამ მაინც ლაზათიანად ჩატარდა.

დიდი საქმეა ბათუმში ქრისტიანული ეკლესიის აშენება.

იქეთობისას მე და ლევან სანიკიძემ ქუთაისში გამოვიარეთ და უნივერსიტეტში ლექციები წავიკითხეთ.

გაზეთ „დროში“ (№11, აპრილი) ჩემი ვრცელი ინტერვიუა სამიტის უშედეგო შედეგებზე და სხვა უბედურებაზეც, საქართველოს რომ სჭირს.

#### 9/IV-10/V 97

რუსეთმა განაცხადა, სამიტის გადწყვეტილებას სამშვიდობო ჯარის მანდატის გაფართოებაზე შევარსულებთ, თუ აფხაზეთის თანხმობაც იქნებაო.

ხომ ვამბობდი, მსოფლიოში ყველაზე მაღალი და ბოლო ინსტანცია არძინბაა-მეთქი.

ჩვენი უნიათო ხელისუფლება ამგვარი აფიორისთვის პროტესტსაც კი არ უცხადებს რუსეთს, დროის გაყვანისა და საკუთარი ხალხის მოტყუების პოლიტიკას ადგას.

რუსეთმა საქართველოს გავლით დიდძალი იარაღი მიანოდა სომხეთს, რამაც აზერბაიჯანის აღშფოთება გამოიწვია.

რუსეთი სახელმწიფოდაც არ გვთვლის. საქართველო მისთვის უბრალოდ „გასასვლელი ეზოა“.

4,5,6 მაისს ყოველთა ქართველთა კონგრესის დელეგაცია საინგილოს ვესტუმრეთ.

იქეთობას დიდი წინააღმდეგობა გვქონდა საზღვარზე. აზერბაიჯანელმა მესაზღვრეებმა უარი გვითხრეს სახარების შეტანაზე. ბოლოს ხვეწნა-მუდარამ, ვილაცებთან ტელეფონით დაკავშირებამ და რეზო ჩხეიძის ავტორიტეტმა თავისი გაიტანა.

მე ჩემი აზრი მაქვს სახარების გატან-გამოტანაზე.

მსოფლიოში ოცი მილიონი ქართველია და აქედან 16 მილიონი მუსულმანია. რას ვიკლავთ თავს მაინცდამაინც ქრისტიანული ლიტერატურის პროპაგანდისათვის? განა ეროვნულობის განმსაზღვრელია ქართველისთვის, რომელ ღმერთს ემსახურება და სად ლოცულობს? რატომ ვიმდურებთ „სახარებისთვის“ ან მეზობლებს და ან მუსულმან ქართველებს?

დავურიგოთ ხალხს „ვეფხისტყაოსანი“ (ჩვენი ბიბლია), „დედა-ენა“, ქართველ მწერალთა სხვა წიგნები და სახელმძღვანელოები, არ აჯობებს?

სამი დღე დავყავით საინგილოში. კახი, ბელაქანი, ზაქათალა... აღიბეგლო-ალიბადი... სკოლებში შეხვედრები, საუბრები გაუბედურებულ,

გვარწართმეულ ქართველებთან. ეტყობა, ჩვენი წერილი (კონგრესის) ალიევისადმი, რომელშიც ვთხოვდით აზერბაიჯანის პრეზიდენტს, ქართველებისთვის უკანონოდ წართმეული ქართული გვარები დაებრუნებინა, პრეზიდენტს არც გადასცა ერთმა ქართველმა ხელისუფალმა. მის სინდისზე იყოს.

ჩვენ ხომ ნიდაგ „არწყინების და არგალიზიანების“ პოლიტიკას უნდა ვადგეთ.

ალიბეგლოს თეატრში ინგილოებმა რეზო ჩხეიძეს 70 წლისთავის იუბილე გაუმართეს, მოხსენებით მე გამოვედი.

ეს, მე მგონი, პირველი შემთხვევაა, რომ საინგილომ ცოცხალ მოღვაწეს იუბილე გადაუხადა.

ალიბეგლოს თეატრის ხელმძღვანელი, ანზორ დოღენჯაშვილი, ნიჭიერი კაცია და, რაც მთავარია, ჭეშმარიტი პატრიოტი. შექმნა და 16 წელია ხელმძღვანელობს საინგილოს ერთადერთ ქართულ თეატრს.

უკან წამოსვლის დროს აზერბაიჯანელი მესაზღვრეები შუბლშეკრულნი დაგვხვდნენ, ეტყობა, ინფორმირებულნი იყვნენ ჩვენი „პატრიოტული ვოიაჟით“, თავიდან ფეხებამდე გაგვჩხრიკეს, ცივად გვეპყრობოდნენ.

დავდივართ მე და შოთა ნიშნიანიძე საქმოსან-დირექტორების კარდაკარ (შოთა ცოტნე დადიანის ფონდის პრეზიდენტი, მე – ვიცე-პრეზიდენტი), ვთხოვთ, ორიოდ გროში გადმოურიცხონ ფონდს, რათა შევძლოთ განსაკუთრებით გაჭირვებულ ხელოვანთ ჩვენი მხრივ დახმარების ხელი გავეწოდოთ.

მაისს რუსთავეში ვიყავით. თითქმის ყველა დიდი ქარხანა მოვიარეთ. დაწესებულებათა ხელმძღვანელები ჩვენს გულისამაჩუყებელ აჯა-ხვენას გულთბილად ხვდებიან, მაგრამ თავის მხრივ დასძენენ, რომ ქვეყანას ძალიან უჭირს და იქნებ ახლა ზღაპრების წერის და ძეგლების დადგმის დრო არ იყოსო.

ჩვენ არ ვეთანხმებით.

მერე კამათს აღარ აგრძელებენ და კარებამდე მეგობრულად მოგვაცლილებენ. გვპირდებიან, რომ პირველივე შესაძლებლობისთანავე დაგვეხმარებიან.

ვნახოთ...

11-25. 97

16 მაისს ფოთის თეატრის შენობაში შეხვედრა მქონდა.

ფოთელებმა დიდი სიყვარული გამომიცხადეს.

სამი საათის განმალგობაში სცენაზე ვიდექი.

განსაკუთრებით ამაღელვებელი სიტყვა თქვა ფოთის უნივერსიტეტის რექტორმა, პროფესორმა თემურ ფაჩულიამ.

ვუპასუხე უამრავ შეკითხვას. სხვათა შორის, მკითხეს, რა აზრის ბრძანდებით ფოთის ახალ მერზეო.

ნუგზარ ნადარაიას ნაცვლად ფოთში ახლახან ივანე ზოდელავა დანიშნეს, ნინო ჟვანიას ვაჟი. ნიჭიერი, ზრდილი ყმანელია, ბავშვობიდან ვიცნობ.

მე ვფიქრობ, ამ უძველეს კოლხურ ქალაქს ვანო ზოდელავა კარგ სამსახურს გაუწევს-მეთქი, მხარი დავუჭირე.

გაზეთ „ახალ თაობაში“ ჩემი ინტერვიუ დაიბეჭდა. რომ გადავხედე, ცოტა არ იყოს, ზედმეტად პესიმისტურია. ჩემი იმედი თავისუფალი საქართველოს ხილვისა, ნელ-ნელა ინავლება. საქართველოს საღათას ძილით სძინავს-მეთქი, ვამბობ.

23 მაისს უნივერსიტეტის 107-ე აუდიტორიაში სტუდენტებმა გამართეს კონფერენცია აფხაზეთის საკითხზე.

მომხსენებლებად სტუდენტები გამოვიდნენ.

თქვეს, დროა, სტუდენტობამ ხმა აიმალოსო. ჩვენ კარგად ვხედავთ, რომ საქართველოს დღევანდელი მარიონეტული ხელისუფლება აფხაზეთის და სამაჩაბლოს დამბრუნებელი არ არისო.

კონფერენციაზე უფროსი თაობიდან ოთხი პიროვნება ვიცავით მინვეული: დოცენტი მერაბ ვაჩნაძე, დოც. ინგიშტერ ცქიტიშვილი, ქ-ნი ჯულიეტა მილდიანი და მე.

მთხოვეს სიტყვა.

მიხარია, რომ ახალგაზრდობის გაღვიძების ნიშანწყალს ვხედავ-მეთქი. ეს შეხვედრა ჩემთვის ძვირფასია, როგორც მეუდაბნოე კაცისათვის წყალი, რადგანაც ოთხი წელია თავი მოგაბეზრეთ გაუთავებელი წუნუნით იმაზე, რომ ახალგაზრდები საქართველოს ბედის მიმართ გულგრილად, ინდიფერენტულად არიან-მეთქი განწყობილნი. ახლა მთავარია, არ ჩააქროთ ნაღვერდალი, მეტი იხმაუროთ, უფრო აქტიურად გამოხატოთ თქვენი პოზიცია. იცოდეთ, აფხაზეთს და სამაჩაბლოს მხოლოდ პარტიზანული ომით დავიბრუნებთ-მეთქი. რაც შეეხება თქვენს მოხსენებებს, ძველი ლიტერატურის ტყვეობაში ხართ. ცნობილი ქართველი ისტორიკოსებისა და ენათმეცნიერების მიერ 70 წლის მანძილზე საბჭოთა სისტემის გავლენით გამოთქმული აზრების სანინალმდეგოდ ახლახან პროფესორმა მიზჩუანმა დაამტკიცა, რომ არავითარი აფხაზი ერი, აფხაზური ენა და აფხაზური კულტურა სამყაროში არ არსებობს. აფხაზები ჩვენ ვართ – დასავლეთ საქართველოში მცხოვრები ქართველები, ხოლო ისინი, ვინც დღეს თავს აფხაზებს უწოდებენ, სინამდვილეში ჩრდილოეთკავკასიელი ადიღეველი ტომებია, აფსუები არიან და ჩვენ მიწაზე სულ რაღაც 200 წლის წინათ ჩამოსახლდნენ-მეთქი.

კონფერენციაში მიიღო რეზოლუცია, რომელშიც საქართველოს ხელისუფლებას მოუწოდებენ, ან დროულად დაადგეს აქტიური მოქმედების გზას, ან გადადგეს.

26/V-6/VII 97

26 მაისს კიდევ ერთი ყალბი ზეიმი გამართა მარიონეტულმა ხელისუფლებამ.

„ყალბს“ იმიტომ ვუწოდებ ამ ზეიმს, რომ იგი სახალხო ზეიმი არ არის. საქართველოს არეზეიმება.

ზეიმობს მხოლოდ საპარადო-საჩვენებელი ჯარი და მაფიასთან ჩახუტებული ხელისუფლება.

რას ზეიმობენ? იმას, რომ საქართველო დაპყრობილია? 26 მაისს საქართველოს ე.წ. დამოუკიდებლობის დღეს უნდა იმართებოდეს სამგლოვიარო

მიტინგები, მანამ, სანამ საქართველო კვლავ არ მოიპოვებს ჭეშმარიტ დამოუკიდებლობას.

სხვას რას ზეიმობენ? იმას, რომ საქართველო დაცვედნებული, დადედლებული და ჩაძინებულია?

26 მაისს, საღამოს, ტელევიზიამ გადმოსცა, რომ ზეიმი ჩინებულად ჩატარდა, თუმცა ფილარმონიის შენობასთან მოხდა პატარა ინციდენტი. შუალამით უცხოეთის საინფორმაციო საშუალებებმა გადმოსცეს, რომ ეს „პატარა ინციდენტი“ ზვიადისტების მშვიდობიანი მსვლელობის გამეტებული დარბევა აღმოჩნდა.

როგორც ჩანს, დემონსტრანტების ცემა დემოკრატიული საქართველოს ატრიბუტია.

...ნიგნის მოყვარულთა საზოგადოებამ ფრიდონ ხალვაშის ახალი ნიგნის პრეზენტაცია გამართა. მშვენიერი შესავალი სიტყვა თქვა დევი სტურუამ.

ფრიდონ ხალვაში ნიჭიერი მწერალი და სწორი ეროვნული ორიენტაციის მქონე მოღვაწეა.

სიამოვნებით ვილაპარაკე მის პროზაულ შემოქმედებაზე.

ცნობილ სპორტსმენს, გენერალ გივი ყვარელაშვილს, ორმოცდაათი შეუსრულდა.

საშემში იუბილე გადავუხადეთ მეგობრებმა და გულშემატკივრებმა.

კრებები ამ ბოლო დროს, მოგეხსენებათ, იშვიათად იმართება. როგორც ჩანს, კრებაზე გადასანწყვეტი პრობლემები აღარ არსებობს.

გამონაკლისი იყო ამასწინათ ჩვენი (ფილოლოგიის) ფაკულტეტის თანაშემრომელთა კრება. კრება შტატების შემცირების მეტად მტკივნეულ საკითხს შეეხო. მთავრობამ ასეთი ბრძანება დაუშვა: ყველგან, ყველა სახელმწიფო დაწესებულებაში შტატები შემცირდეს ათი პროცენტით. ე.ი. ყოველი მეათე მოსამსახურე უმუშევარი რჩება (პარლამენტის თავმჯდომარე ყვანია კი, როცა ირჩევდნენ, მილიონ სამუშაო ადგილს ჰპირდებოდა ხალხს).

გულმა არ მომითმინა ამ საშინელი უსამართლობის გამო და სიტყვით გამოვედი.

„სად წავიდეს ეს ისედაც მიზერულ ხელფასზე მყოფი ხალხი. ვისა აქვს უფლება, ქუჩაში გააგდოს ჩვენი მეცნიერების მომავალი, შემცირება ხომ ძირითადად ახალგაზრდა თაობას (ასისტენტები, ლაბორანტები) შეეხება-მეთქი...“

კიდევ ერთხელ დარჩა ჩემი ხმა „ხმად მლაღადებლისად უდაბნოსა შინა“.

საქართველოს პარლამენტმა დაადგინა, თუ რუსის ჯარმა თავისი სამშვიდობო ფუნქცია (ლტოლვილთა დაბრუნების შესახებ) არ შეასრულა, იგი 31 ივლისიდან უნდა გავიდეს აფხაზეთის ტერიტორიიდან.

შემფოთდა (მოჩვენებითად) დამპყრობელი. საქართველოში გახშირდა რუსი გენერლების და ჩინოვნიკების ვიზიტები. ერთ მათგანს – თავდაცვის საბჭოს მდივან ბატურინს, თბილისი და კახეთი პურ-მარილით შეეგება აეროპორტშივე (როგორც სსრკ-ს დროს იყო). არძინბასთან მოჩვენებით მოლაპარაკებებს მართავენ, მერე თბილისში ბრუნდებიან და ხელებს ასავსავენ ბენ – „ყველაფერზე უარს ამბობს ეს კაცი, რა ვქნათ, არ ვიცითო. ვერ ერევა სანყალი რუსეთი არძინბას, რა ქნას, ძალას ხომ არ დაატანს, დემოკრატიის

ეპოქა; ესეც არ იყოს, რუსს ხომ საერთოდ არ ახასიათებს ძალისმიერი მოქმედება“.

ასე გვატყუებენ და დრო გაჰყავთ.

არძინბამ, როგორც იქნა, ინება მოსკოვში ჩასვლა. მან, სეპარატისტთა თვალწინააღმდეგარა ერთ დღეში მოიარა რუსეთის პირველ პირთა კაბინეტები. ტელევიზიამ უჩვენა, სიცილ-ლიმილით რომ ელაპარაკება რუსეთის საგარეო საქმეთა მინისტრს – პრიმაკოვს. არარსებული სახელმწიფოს თვითმარქვია ხელმძღვანელი დიდი პატივით მიიღეს და გააცილეს. ჩავიდა სოხუმში და განაცხადა: არავითარი ლტოლვილთა დაბრუნება, არავითარი ავტონომია საქართველოს ფარგლებში. თუ გსურთ, როგორც თანაბარ, მეზობელ სახელმწიფოს სამეზობლო ხელშეკრულებაზე მოგინერთ ხელსო.

ასეთია რუსეთის „სამშუამავლო მისია“.

ალექსანდრე შუშანაშვილმა თბილისის სახელმწიფო უნივერსიტეტში დაიცვა დისერტაცია ილია ჭავჭავაძის მკვლელობაზე. დაამტკიცა: ილია რომელიმე პარტიას ან ოხრანკას არ მოუკლავს, ყაჩაღებმა მოკლეს გაძარცვის მიზნით. იქნებ მართალია? ალექსანდრე კაცია და ოდენ საბუთებით მსჯელობდა?

არა მგონია, ასე იყოს.

ტაბახმელაში საზღვარგარეთ მცხოვრებ ქართველთა კონფერენცია ჩატარდა სანდრო ნონეშვილის თაოსნობით. საინტერესოდ წარმართა შეხვედრა. სანდრო საქმიანი და ფრიად განათლებული ახალგაზრდაა.

ერთ-ერთ სხდომაზე გამოვედი. ორი რამაა ჯერჯერობით უცხოეთში მცხოვრებ ქართველთა ამოცანა: 1. თქვენი მთავრობების ყურადღება მიაპყროთ იმ გარემოებას, რომ საქართველო დაპყრობილია რუსეთის მიერ და იტანჯება. 2. შეკავშირდით, ერთ მუშტად შეიკარით, რათა ეროვნული ცნობიერებით ისინიც კი დაიმუხტონ, ვისაც თავისი ქართული წარმომავლობა დაკარგული აქვს-მეთქი. არ გენყინოთ და ჯერჯერობით არც ერთი ამ ფუნქციას არ ასრულებთ-მეთქი.

21 ივნისს სტუდენტ გიორგი მამაცაშვილის ქორწილს დავესწარიტ როინ მეტრეველი, თემურ ხუროძე და მე. მშვენიერი ფაქტია – უნივერსიტეტის რექტორის გამოჩენა სტუდენტთა ქორწილზე. ვის დავუმალო, როინი სტუდენტთა და თანამშრომელთა შორის მაღალი ავტორიტეტით სარგებლობს. სამართლიანი, ობიექტური კაცია.

ზაურ ბოლქვაძე გარდაიცვალა – ჩემი უახლოესი მეგობარი და ბრწყინვალე პოეტი.

დიდუბეში დაკრძალეთ. დაკრძალვაზე სიტყვა ვთქვით გურამ ფანჯიკიძემ, შოთა ნიშნიანიძემ, ჯანსუღ ლვინჯილიამ, მურმან ჯგუბურიამ და მე.

ზაური ყველას უყვარდა. დაკრძალვაზე ზღვა ხალხი მოვიდა.

7/VII-8/VIII, 97

„საქართველოს“ რედაქტორმა, ნოდარ გრიგალაშვილმა, დამირეკა და „მახარა“: – ბატონო რევაზ, ხვალინდელ ნომერში შენზე თემურ ქორიძის წერილი იბეჭდება და არ გენყინოსო.

გადავმალე მეორე დღეს „საქართველო“ და პირკატა მეცა.

პირველ გვერდზე ჩვენი (ქორიძის და ჩემი) სურათებია დაბეჭდილი და



ქორიძის სტატიის სათაური რედაქტორს დიდი სიყვარულით, გემოსჩატანებით დაუბეჭდავს: „მიშველაძე ცრუობს“.

რაც შეუძლია, მლანძღავს ქორიძე; მიშველაძეო, კომუნისტების დროს კომუნისტებს აკრიტიკებდაო, ზვიადის დროს, ზვიადს, ახლა შევარდნაძეს აკრიტიკებსო. სამართლებრივ სახელმწიფოში რომ ვცხოვრობდეთ, მიშველაძე კარგა ხანია საბრალდებულო სკამზე უნდა იჯდესო. მიშველაძე უნიჭო მწერალიაო. იგი თავის პასკვილებს ნოველებად ასალებსო.

ყველაფერი ნათელია.

ფიცში ვერ ჩავიყოლებ, რედაქტორმა მითხრა: ხომ ნახე, რა წინასიტყვა ნაფუძვლვარე ქორიძის წერილსო. რა მექნა დემოკრატი რედაქტორი (!) ვარო, ხვალვე დავბეჭდავ გაზეთში ბოდიშსო.

მართლაც, გამოაქვეყნა მეორე დღეს ბოდიშის მსგავსი სტრიქონები, მაგრამ ეს უკან მიდევნებულ ლამპარს ჰგავს.

არ ვემდური გრიგალაშვილს. რა ქნას...

სწორედ რომ ქორიძე ამოიღო ხელისუფლებამ ნაფტალინისუნიათი, ძველი, მტვრით სავსე პოლიტიკური სკივრიდან.

ქორიძე ხომ ერთადერთია (კინალამ “კაცია” ნამომცდა) საქართველოში, ვისაც საპასუხოდ თავს არ გაუფყადრებ.

ამას წინათ უნივერსიტეტში თურქეთის პრეზიდენტი, დემირელი, გვეწვია.

როინ მეტრეველმა მშვენიერ, მართლაც, რომ დარბაისლურ-დიპლომატიური და პოლიტიკურად გამართული სიტყვით მიმართა.

დემირელი საპატიო დოქტორად ავირჩიეთ.

საინტერესო სიტყვა თქვა ედუარდ შევარდნაძემ. დემირელიო, ბძრანა, ის კაცია, რომელიც პატარა სახელმწიფოს პრეზიდენტს ზემოდან ცქერით კი არ ესაუბრება და ჭკუას კი არ არიგებს, როგორც ზოგი ჩვენი მეზობელი, არამედ ხვდება, როგორც ტოლი ტოლს და თავისუფალი სახელმწიფოს ხელმძღვანელი თავისუფალ სახელმწიფოს ხელმძღვანელსო.

შეხვედრა რომ დამთავრდა, ბატონმა ედუარდმა დაცვის რკალი გამოარღვია, ჩემსკენ წამოვიდა, ხელი გამომინოდა და ირგვლივ მყოფთა გასაგონად მითხრა: ვკითხულობ, რეზო, ყველაფერს და, იცოდე, არავინ მოგატყუოს; მე არა მწყინს. შენ მართალი კაცი ხარ, ნამდვილი მწერალი ხარ და სწორედ ასე უნდა ამბობდეო.

გამაკვირვა პრეზიდენტის მოსვლამ და თბილმა სიტყვებმა.

რაც მე ამ ბოლო დროს ჩემს ინტერვიუებში და ე. შევარდნაძეს ვაკრიტიკებ, ასეთ შეფასებას ნამდვილად არ ველოდი.

პრეზიდენტის ჩემთან შეჩერებამ, თითქოს დიპლომატიური ეტიკეტიც კი დაარღვია. ამაღა გაკვირვებული შესცქეროდა ამ სცენას. დემირელი შორიახლო იდგა ღარიბი ნათესავით.

დელეგაცია რომ წავიდა, მეკითხებოდნენ ნაცნობ-მეგობრები; რა გითხრა, რატომ შეჩერდა შენთანო.

ამ შეხვედრიდან სამი დღის შემდეგ საქართველოს პრეზიდენტი ამერიკაში გაფრინდა.

მიიღო კლინტონმა, გამოვიდა გაეროში, შეხვდა ჯონი შალიკაშვილს...

და მანც, ლამის უიმედოდ დაბრუნდა.



ჩანს, ამერიკაში უთხრეს: ჯერ არ დამდგარა ის დრო, რომ რუსეთს ხელი აუქნო. მონსტრი ჯერ ისევ ძლიერია და ეცადე, არ გაგსრისოსო. ამ ეტაპზე ჩვენ მხოლოდ ფინანსურად და სამხედრო კონსულტაციებით შეგვიძლია დაგეხმაროთ.

უგუნებოდ დაბრუნდა შევარდნაძე ამერიკიდან.

ბრიფინგზე განაცხადა: ჯერ მზად არა ვართ, რუსის სამშვიდობო ჯარი გავიყვანოთ აფხაზეთიდან. რუსის ჩამნაცვლებელი რეალური ძალა არ ჩანს, ხოლო ცარიელ ადგილს მაშინვე ჩრდილოეთკავკასიელი მეზობელ-მოსახლისენი დაიჭერენ და კავკასიური ომი დაიწყებაო.

ამ შემთხვევაში მართალი მგონია შევარდნაძე. თუმცა მისმა განცხადებამ ოპოზიციის ყალყზე შედგომა გამოიწვია და პრეზიდენტს კიდევ ერთხელ უწოდეს გამყიდველი.

ლტოლოვილებში აპათიამ დაისადგურა.

ბევრმა მათგანმა სამუდამოდ დაკარგა აფხაზეთის და სამაჩაბლოს დაბრუნების იმედი და ქუჩაში გამოვიდნენ ტრანსპარანტებით: „ძირს გამყიდველი ხელისუფლება“.

ლტოლოვილებს გაძვირებული ბაზრით გამწარებული, ილაგვანყვეტილი მოქალაქენიც შეუერთდნენ.

საოცარი ერთი რამ არის: ასიათასამდე ლტოლოვილი ზუგდიდში ცხოვრობს და საინფორმაციო საშუალებანი დაბეჯითებით ამტკიცებენ, რომ ენგურის ხიდან სიმშვიდეა.

სად გაქრა ლტოლოვილთა გულზე ხელის ბრაგუნე – თუ 31 ივლისს რუსის ჯარი აფხაზეთიდან არ გავიდა, ჩვენ გავიჩინებ სამართალს და თვით შევალთ აფხაზეთშიო.

არავინ არსად შემსვლელი არ არის, როგორც ვხედავ. ლტოლოვილები როგორც გამოიქცნენ კურდღლებივით, ისეთივე კურდღლურ პოლიტიკას ადგანან დღესაც.

ელოდებიან, მე და ჩემი ცხონებული შვილი, აჩიკო მიშველაძე როდის გავუთავისუფლებთ გალს და მივართმევთ სინით.

ვინც უნდა იბრძოლოს თავისი სახლ-კარის დაბრუნებისათვის, ვინც არ უნდა დააძინოს არძინბა განუწყვეტელი პარტიზანული ომით, თბილისში სამონყალო შუშაბანდებს შეჩიზვნია და ლოდინს მისცემია.

ვაი, სირცხვილო!

ხმა გავრცელდა: ჩეჩნებმა აფხაზეთში ორასამდე „მოხალისე-ბოევიკი“ შეიყვანესო.

მართალი იქნება.

5-6 აგვისტოს საქართველოს ეწვია „სამხედრო იმედი“ – ამერიკელი გენერალი – ჯონ შალიკაშვილი.

თვითმფრინავიდან რომ ჩამოვიდა, კარგად დავაკვირდი, საკვოიაჟით ატომური ბომბი არ ჩამოუტანია თავისი დაპყრობილ-დაჩაგრული სამშობლოსთვის საჩუქრად.

ხუმრობა იქეთ იყოს და შალიკაშვილი სამხედრო კონსულტაციებით, ალბათ, გვეხმარება, მაგრამ საკითხავია, ვის უწევს კონსულტაციას? არარსებულ ქართულ არმიას?

გაისეირნ-გამოისეირნებს “თავის მამულში” ამერიკელი გენერალი, გურ-ჯაანში ყანნით საქართველოს სადღეგრძელოს დაღევს და წავა, საიდანაც მოვიდა.

საქართველო დარჩება თავის უსაშველო სევდასთან პირისპირ.

## 9.VIII-9/IX 97

14 აგვისტოს რუსეთ-საქართველოს ომის (1992-93) დაწყების დღეს, რუსეთის საგარეო საქმეთა მინისტრმა, პრიმაკოვმა, სისხლიანი არძინბა თბილისში ჩამოიყვანა.

ეს იყო საქართველოსთვის მოულოდნელი, ამაზრზენი ფაქტი.

ამით რუსეთმა მსოფლიოს უთხრა; საქართველო ჩემი ტერიტორიაა და რაც მსურს, იმას ვაკეთებო.

შევარდნაძე იძულებული გახდა, შეხვედროდა არასასურველ სტუმარს და არა მარტო შეხვედროდა, გადახვეოდა კიდეც.

დილამდე გასტანა შევარდნაძე-არძინბას „მოლაპარაკება“.

დილით „ორი პრეზიდენტი“ პრესკონფერენციას მართავს: „საერთო განცხადებას მშვიდობიანი მოლაპარაკებების გაგრძელების შესახებ ხელი მოვანერეთ, თუმცა მთავარ საკითხებზე ვერ შევთანხმდითო“. რა იყო მთავარი საკითხები? რჩება თუ არა აფხაზეთი საქართველოს შემადგენლობაში და დაბრუნდებიან თუ არა ლტოლვილები აფხაზეთში.

აფხაზეთის ქართულმა ხელმძღვანელობამ შევარდნაძე-არძინბას შეხვედრა მორიგ ფარსად მიიჩნია და თ. ნადარეიშვილმა გადადგომაზე გააკეთა განცხადება.

სასწრაფოდ ჩატარდა ლტოლვილთა ყრილობა, რომელმაც უნდობლობა გამოუცხადა საქართველოს ხელისუფლებას და რუსეთს – როგორც შუამავალს.

ბოლოს აფხაზეთის სესიამაც განიხილა არძინბას ვიზიტის საკითხი. შეხვედრაზე ვრცელი სიტყვა თქვა შევარდნაძემ.

ჩემი ლანძღვით საქმეს ვერ ვუშველითო. აბა, მითხარით, თუ გაქვთ რომელიმე ჩემგან განსხვავებული, რამე ახალი, ჭკვიანური წინადადება აფხაზეთის დაბრუნებაზეო. ვერავინ ვერავითარი საქმიანი წინადადება ვერ წამოუყენა.

ნადარეიშვილმა უკან წაიღო თავისი განცხადება გადადგომის შესახებ.

21 აგვისტოს კომპოზიტორ ჯუმბერ ჯანდიერს ვენვიე.

მომასმენინა ჩემს ლექსზე („დავით და კონსტანტინე“) დანერილი მისი ახალი სიმღერა.

ძალიან მომეწონა. რექვიემის მსგავსი, მელოდიური, შთამბეჭდავი სიმღერაა. საერთოდ, ჯუმბერი უაღრესად ნიჭიერი კომპოზიტორია.

92 წლისა გარდაიცვალა საბავშვო მწერალი – ლავრენტი ჭიჭინაძე. ბატონი ლავრენტი შესანიშნავი მწერალი და პატიოსანი მოქალაქე იყო.

შოთა ნიშნიანიძე და მე ვიყავით დაკრძალვაზე.

მერე ათი დღე მუხატწყაროში გავატარე. დავამთავრე პიესა თოჯინების თეატრისთვის – „მოდვარი მელა“. ეს პიესა თოჯინების თეატრის სამხატვრო ხელმძღვანელის – ვახტანგ მალლაფერიძის შეკვეთით დავწერე. წავუკითხე, მოეწონა. ვნახოთ, დადგამს თუ არა.

ავგისტოს ბოლოს მუხატწყაროში საშინელი ამბავი მაცნეს: ქობულეთში გურამ ფანჯიკიძე ზღვაში დამხრჩვალა.

დაუჯერებელი და შემადრწუნებელია. გურამი ხარივით ჯანმრთელი იყო. ხშირად ერთად ვისვენებდით ქობულეთში. ბრწყინვალედ ცურავდა. ამბობენ, შეცურდა და ნაპირიდან 20-30 მეტრში ამოტრიალდა, გული გაუსკდაო.

2 სექტემბერს დავკრძალეთ. დ. მჭედლურმა წინა დღეს გამაფრთხილა, სამგლოვიარო მიტინგზე სიტყვა უნდა თქვაო, დაკრძალვის დღეს მოვიდა და ბოდიში მომიხადა; ლეკიშვილის დონეზე შენ და ლევან სანიკიძე სიიდან ამოგიღესო.

გამიკვირდა.

3 ოქტომბერს დილით დამირეკეს, სასწრაფოდ ტარდება პრეზიდენტი სხდომა და 12 საათზე მწერალთა კავშირში მობრძანდითო.

ნეტავ რა ხდება-მეთქი. არ ვიცო, მდივანმა გოგონამ.

მივედით. მთელი „ოტარიდი“ იქ იყო.

თავმჯდომარე უნდა ავირჩიოთო, თქვა რეზო ქვიშვილმა. წინადადება თუ გაქვთო.

სანამ გონს მოვიდოდით, ელგუჯა მალრაძემ – არის აზრი, თამაზ ნივნივაძემ უხელმძღვანელოს მწერალთა კავშირსო.

ჯერ მიცვალებული არ გაცივებულა, რა საჩქაროა ასე უნა-უნა თავმჯდომარის არჩევაო, ღვინჯილიამ, ციციშვილმა და კალანდიაძემ.

– ხომ გაგიგონიათ ფრანგული ანდაზა: „მეფე მოკვდა. გაუმარჯოს მეფეს!“ მასხრად აიგდო ჩვენი მწუხარება არჩილ სულაკაურმა.

მივხვდი, რაშიც იყო საქმე.

ნივნივაძის წინააღმდეგი არც მე ვარ, მაგრამ სანამ ავირჩევდეთ, რამდენიმე რჩევა-სათხოვარი მექნება თამაზთან-მეთქი: პირველი – „ოტარიდმა“ ცუდი გავლენა იქონია მწერალთა კავშირის გამთლიანებაზე, ახლა, რაკი „ოტარიდის“ ხელმძღვანელს მწერალთა კავშირის თავმჯდომარედ ვირჩევთ იქნებ აჯობებდა, „ოტარიდი“ თავისი ნევრებიანად მწერალთა ერთიან ოჯახს დაუბრუნდეს-მეთქი, მეორე: სასურველია, „ლიტერატურული საქართველოს“ რედაქტორის კანდიდატურაზე ვიფიქროთ, რადგანაც თავმჯდომარეს საქმე ისედაც თავზე საყრელად ექნება და გაზეთის რედაქტორობას ველარ შეითავსებს-მეთქი.

მურმან ლებანიძემ და არჩილ სულაკაურმა ქვა ააგდეს და თავი შეუშვირეს. არავითარ შემთხვევაშიო, „ოტარიდი“ ოტარიდად უნდა დარჩეს, ხოლო ნივნივაძე ერთდროულად თავმჯდომარეც იქნება და გაზეთის რედაქტორიცო.

კი ბატონო, თუ შეძლებს „ფიგარობას“-მეთქი და დავეყქი.

გული ამირია მსცოვან მწერალთა მელურ-მლიქვნელურმა განცხადებებმა.

ჩვენ ხომ მწერალთა კავშირი არა ვართ, ჩვენ ვართ მხოლოდ პრეზიდენტი, იქნებ თამაზისთვის ჯერ მოვალეობის შემსრულებელი დაგვერქმია-მეთქი.

არავითარ შემთხვევაშიო, დაიბუხუნა მწერალმა ელგუჯა მალრაძემ, რას ჰქვია მოვალეობის შემსრულებელი, თავმჯდომარე უნდა ერქვას, მორჩა და გათავდაო.

ღმერთმა ქნას, წიგნივაძემ კარგად გასწიოს ეს მძიმე ეროვნული უღელი.  
ღმერთმა ქნას, გაამთლიანოს და შეკრას მწერალთა კავშირი, ღმერთმა ქნას, მოახედოს საქართველო ქართული მწერლობისკენ. თამაზი ჩემი მეგობარია. ნიჭიერი მწერალია და მისი გამარჯვება მხოლოდ გამიხარდება.

ხუთ სექტემბერს შოთა ნიშნიანიძე, ლევან სანიკიძე და მე გარდაბნის რაიონის სოფელ „ცხენის“ ვესტუმრეთ. დავათვალიერეთ ეს უძველესი სოფელი, მთის კორტოხზე მდგარი თამარის ეკლესია.

კარგმა კაცმა, იუზა მაჭავარიანმა, გვიმასპინძლა.

10/IX-20/X 97

მწერალთა კავშირი, როგორც მოსალოდნელი იყო, ასოციაციებად ქუც-მაცდება.

„ლიტერატურულ საქართველოში“ დაიბეჭდა, რომ შეიქმნა „ცისკრის“, „მნათობის“ და „მერანის“ გაერთიანებანი.

ხოზე ადეივილსაც კი შეუქმნია თავისი გაერთიანება.

მე არცერთ გაერთიანებაში არა ვარ.

ჩანს, არავის გავახსენდი.

როინ მეტრეველის და ლევან სანიკიძის რჩევით, ჩვენ, უნივერსიტეტში და ჟურნალ „ბურჯში“ („ლიმილს“ სახელი გადავარქვე და „ბურჯი“ ვუნოდე) მომუშავე მწერლებმაც, შევექმენით გაერთიანება „ბურჯი“.

თავმჯდომარედ მე ამირჩიეს.

მიუხედავად იმისა, რომ კატეგორიული წინააღმდეგი ვარ „ასოციაციური სისტემისა“, იძულებული გავხდი (ჩათრევას ჩაყოლა ვამჯობინე), მე გავასოციაციებულყავი.

სხვა გზა არ მქონდა.

ყველა წევრმა უნდა შექმნას ასოციაცია, მხოლოდ ამით შევძლებთ, ჩავშალოთ მწერალთა კავშირის წმენდის კამპანია.

თამაზ წიგნივაძე არაფერ შუაშია, იგი იარაღად გამოიყენეს მწერალთ-მოდულე „მწერლებმა“.

ენახოთ, რას მოგვიტანს მომავალი.

17 ოქტომბერს თბილისის 31-ე საავიაციო ქარხანაში მიგვიწვიეს შოთა ნიშნიანიძე, ლევან სანიკიძე და მე.

შოთა ავადმყოფობის გამო ვერ წამოვიდა.

მე და ლევანი გამოვედით ქარხნის დიდ სცენაზე.

სამსაათიანი გულახდილი საუბარი გაიმართა.

ქარხნის დირექტორმა, ავთანდილ ხოფერიამ, თავაზიანად დაგვათვალიერებინა გიგანტური ქარხანა.

კუთდება ექვსადგილიანი ახალი თვითმფრინავი „ტუ-58“.

19 ოქტომბერს, კვირას, იყალთოში შოთაობა ვიზუივით.

ზინა კვერენჩხილაძე, ლევან სანიკიძე და მე საპატიო მოქალაქეებად აგვირჩიეს.

15 ოქტომბერს უნივერსიტეტში მოსე გოგიბერიძის 100 წლისთავის იუბილე ჩატარდა.

მოხსენება წავიკითხე თემაზე: „მოსე გოგიბერიძე და ქართული მწერლობა“.

გაზეთ „მაცნეში“ (13 ოქტომბერი) და „ასავალ-დასავალში“ (14 ოქტომბერი) დაბეჭდილია ჩემი ინტერვიუები.

იყალბოთ მე და თ. ნივნივაძემ გულახდილად, თბილად ვისაუბრეთ. დამპირდა, „ბურჯის“ გამოცემაში ფინანსურად დაგეხმარებო.

21/X-10/XI, 97

კომინიოვში სნგ-ს მეთაურთა შეხვედრა გაიმართა.

შევარდნაძე გამოსულა კატეგორიული მოთხოვნით, ან დაგვიბრუნეთ აფხაზეთ-სამაჩაბლო ან გაგვიშვით სნგ-დანო.

არც ერთი შეუსრულეს და არც მეორე.

ბოლოს, მიუხედავად იმისა, რომ შევარდნაძეს არაერთი პრეზიდენტი მიმხრობია, პრინციპს გაუტანია თავისი და რუსებს კვლავ გაუგრძელეს „სამშვიდობო ვადა“ ორი თვით.

ამასობაში ახალმა ინტრიგამ მიიპყრო ქართველი საზოგადოების ყურადღება. ბათუმის ყოფილმა მერმა, თამაზ ხარაზმა, ტელევიზიით ამხილა ზურაბ ჟვანია და როსტომ დოლიძე. ამ ზაფხულს საიდუმლოდ მიხმეს ურეკში და ასლან აბაშიძის წინააღმდეგ შეთქმულებაში მონაწილეობის მიღება შემომთავაზესო.

კვლავ გაშიშვლდა ვნებები. ახმაურდა პრესა. შევარდნაძემ პროკურატურას საქმის გამოძიება დაავალა.

„საქართველოს რესპუბლიკასა“ და „მანსში“ გამოვაქვეყნე წერილები სათაურით: „შეჩერდით“. ეს იმპერიის მორიგი პროვოკაციაა და ანკესზე არ წამოვევით, თორემ აჭარას წაგვგვრიან-მეთქი.

იგივე გაუუმეორეთ როინ მეტრეველმა, ლევან სანიკიძემ და მე ბათუმში მემედ აბაშიძის ძეგლის გახსნაზე შევარდნაძეს და ასლან აბაშიძეს.

ბათუმში ასლანმა ელუარდს ხმალი აჩუქა და თავისი ერთგულება საჯაროდ დაუდასტურა.

ინციდენტი ჩაქრა. ჩაქრა კი?

ჩემი ინტერვიუები გამოქვეყნდა ამ დღეებში „მაცნეში“, „ასავალ-დასავალში“ და „დროში“.

ნოემბერს ყვარელში ილია ჭავჭავაძის დაბადების 160 წლისთავი აღინიშნა.

მე და ლევან სანიკიძე „პრეზიდენტში“ აგვიწვიეს, მაგრამ სიტყვები არ მოგვეცეს. გუბერნატორ გია არსენიშვილს მიჰყავდა სხდომა.

მწერლებიდან სიტყვები თქვეს თამაზ ნივნივაძემ, ელგუჯა მალრაძემ და ჯანსუღ ჩარკვიანმა.

საინტერესოდ გამოვიდა პრეზიდენტი.

11/XI-5/XII, 97

ილია ჭავჭავაძის იუბილე გაიმართა ოპერის თეატრში.

მე და ლევანს არც ოპერაში გვათქმევინეს სიტყვა.

სხდომა გადაიტვირთებაო.

რას ვიზამ, „ჩემი დრო“, როგორც ჩანს, არ დადგება. „სხდომის გადატვირთვის“ მიზეზით მეუბნებოდნენ უარს ირაკლი აბაშიძის, გრიგოლ აბაშიძის, ნოდარ დუმბაძის და მუხრან მაჭავარიანის დროს.

მხოლოდ შოთა ნიშნიანიძის თავმჯდომარეობის დროს შემეძლო თავისუფლად გამოსვლა.

ზუგდიდში ილია ჭავჭავაძის ძეგლის გახსნა და სიტყვა უნდა თქვაო, ზაურ კალანდიაძე.

არ წავედი. ვიცოდი, იგივე განმეორდებოდა და მომზადებულ სიტყვას შემატოვებდნენ.

8 ნოემბერს საჩხერეში მომიწყვეს შეხვედრა.

შოი, ნათელა და მე წავედით.

არც ერთი მწერალი არ დავიმგზავრე, არ შეევანუხე.

საჩხერის გამგებელმა, ცეზარ ლაშხმა, გახსნა შეხვედრა.

კარგად ჩაიარა, თბილი სიტყვები მითხრეს.

სალამოს სოფელ ჭალაში, ოლეგ მაჭავარიანის სახლში გამართეს ბანკეტი.

ტბელ აბუსერიძის პრემიაზე წარადგინეს ჩემი წიგნი „მინანერები სატელეფონო წიგნზე“. ვნახოთ, მომცემენ თუ არა პრემიას.

რუსეთმა ყაზბეგთან საზღვარი გადმოსწია 1300 მეტრით. ეს უზარმაზარი ტერიტორიის წართმევაა.

საქართველოს პრეზიდენტს ამ მეკობრეობაზე პროტესტი არ განუცხადებია. მხოლოდ საგარეო საქმეთა მინისტრის მოადგილემ – კაკაბაძემ, განაცხადა მორცხვად და ისიც გააჩუმეს.

ახალგაზრდებმა რუსეთის საელჩოსთან საპროტესტო აქცია წამოიწყეს.

რუსეთის საინფორმაციო საშუალებები დასცინიან აქციის მონაწილეებს. „ამაყი ქართველი ყმანვილები საელჩოსთან სხედანო“.

მეორე დღეს ახალგაზრდების საპროტესტო დელეგაცია საზღვრის აღსადგენად ჯვრის უღელტეხილისკენ გაემგზავრა, მაგრამ რუსმა მესაზღვრეებმა გააფრთხილეს, არ მოგვიახლოვდეთ, თორემ გესვრითო. რა ექნათ ჩვენ ბიჭებს. თავს ხომ არ შეაკლავდნენ. უკან დაიხიეს და ახლომახლო ქვებზე ჩამოსხდნენ. მეორე დღეს კი თბილისში დაბრუნდნენ.

რუსეთი აშკარა ზიზღს გვიცხადებს. აფხაზეთი და სამაჩაბლო არ იკმარა, ახლა დარიალსაც გვართმევს.

ამ დროს თბილისში კედლებზე ერთი წარწერაც არ ჩანს: „რუსებო, წაეთრიეთ შინ“.

რამ დაგვადელდა ასე?

ჯაბა იოსელიანის პროცესი დაიწყო 1 დეკემბერს.

განსასჯელნი გალიებში ჩასვეს მაიმუნეზებით.

გაზეთ „ახალი თაობის“ კორესპონდენტმა მკითხა, რას იტყვით ამაზეო.

ეს პროცესი ჩვენი ხელისუფლების დიდი მარცხია-მეთქი. ნუთუ ასე ემინათ 72 წლის ჯაბა იოსელიანის, რომელი კოტოვსკი ევა მყავს, მესამე სართულიდან რომ გადაბტეს-მეთქი.

მეორე დღესვე დაბეჭდეს ეს ჩემი შენიშვნა.

განსასჯელებმა, როგორც ტელევიზიამ გამოაცხადა, უარი განაცხადეს პროცესში მონაწილეობაზე, სანამ გალიებს არ აიღებენ.

ვნახოთ, რა გამოვა.

პროკურორ რეზო ყიფიანის სამოცდაათი წლისთავის საღამოზე თამაზ ნადარეიშვილის (აფხაზეთის აქაური პრეზიდენტი) გვერდით ვიჯექი.

იმედი თითქმის გადანურული აქვს.



რუსეთმა ფსოუსთან საზღვარი გახსნა და აფხაზეთი ფაქტიურად მიერთაო.

პარტიზანული ომის გარდა არაფერი გვიშველის-მეთქი.  
თვითონაც ამ აზრისაა.

6/XII-20/XII, 97

15 დეკემბერს „ასი ახალი ნოველის“ გამო შეხვედრა მომიწყვეს გორის იაკობ გოგებაშვილის სახელობის საშუალო სკოლაში.

შეხვედრა მშვენიერი შესავალი სიტყვით გახსნა სკოლის დირექტორმა, ქალბატონმა ცირა ქრისტესიაშვილმა.

მოსწავლეებმა დიდებული სიტყვები წარმოთქვეს და, რაც უფრო მესიამოვნა, წარმოადგინეს სცენები ჩემი ნოველებიდან.

ქართულმა თეატრმა და კინომ ხომ ჩემთვის ვერ მოიცალა და ვერ მოიცალა.

ამ გახსენებაზე: რა ჰქნა თოჯინების თეატრის სამხატვრო ხელმძღვანელმა, ვახტანგ მაღლაფერიძემ, ამ ზაფხულს რომ საბავშვო პიესა დამანერინა და დიდი ზარ-ზეიმით მიიღო? მისგან ბაიბური არ ისმის. ნუთუ, ვახტანგიც მატყუარა რეჟისორთა კოჰორტას დაამშვენებს?

რუსთაველის თეატრში 19 დეკემბერს „ცისკრის“ დაარსებიდან 145 და აღდგენიდან 40 წლის იუბილე გაიმართა.

მიყვარს „ცისკარი“ და სიამოვნებით დავთანხმდი რედაქტორ ზაურ კალანდიას გამოსვლაზე. აი, რა ვთქვი:

„სამოციანი წლების პარმალზე ვინც ახალ ლიტერატურულ ჟურნალს „ცისკარი“ უწოდა, მშვენივრად იცოდა, რომ ის საქმე იყო ბოლომდე მისაყვანი, რისთვისაც გიორგი ერისთავი და ძმანი მისნი ციხეში ისხდნენ.

მართლაც, რომ ცისკარივით ამობდღვრიალდა ქართული მწერლობის კაბადონზე.

ყოველ ახალ ნომერში თითო ყუმბარა მაინც იდო დახავსებული იმპერიის ასაფეთქებლად.

თითქოსდა შეთქმულთა ჟურნალი იყო.

მიგვეკონდა ხელნაწერები. ნახევარტონებით, მინიშნებებით ველაპარაკებოდით ერთმანეთს ავტორები და რედაქციის თანამშრომლები.

იქ არ იყო განდობა და გულზე მჯილის ცემა.

არავინ გეტყოდა, „ვიცი, ვხვდები, საითაც უკაკუნებო“.

„რაკი შენც ასე ფიქრობ, მე ვალდებული ვარ, დავიცვა შენი ნაფიქრალი, რაკილა იგი ჩვენი საერთო სევდაა, ხოლო შენ ჩვენი ამქრის წევრი ხარ“, – არ გეტყოდნენ, მაგრამ ხვდებოდი.

სია არ გვეკონია-მეთქი ჩამონერილი რეჟიმის წინააღმდეგ შეთქმულთა, მაგრამ რალაც სასწაულებრივი მანქანებით მაშინვე დაირხეოდა განგაშის ხმა თანამზრახველთა შორის: „ცისკარი გააჩერეს“.

და იყო ბაგირის გაუთავებელი გადაქაჩვა მიამიტსახემილებულ მწერლებსა და ცეკას შორის.

რალა შორს წავიდე, ჩემს თავზეც ტრიალებდა მკაცრი ცენზურის ნისქვილის ქვა.

დავწერდი ნოველას მძლოლზე, რომელსაც სიცოცხლე გაუმწარეს



ჩინოვნიკებმა. ცეკა ავტომანქანას ეტლად გადამაკეთებინებდა; მძღოლს – მეეტლედ, გარაჟს – თავლად, ხოლო მოქმედებას სულ მცირე ერთი საუკუნით უკან გადამანვეინებდა.

დავწერდი ნოველას ქვეყანაზე, რომელსაც გამოჩრჩეტილები ბებრები მართავენ, ხოლო მათ შორის უპირველესი დღის უმეტეს ნაწილს სურდოკამერაში ატარებს, დამიძახებდნენ და მეტყობდნენ, ხომ არ აჯობებს ეს ამბავი სადღაც შორს, კუნძულ იპიაზე, ხდებოდესო.

დავწერდი ნოველას მინისტრზე, რომლის თარჯიმანმაც გაცილებით მეტი იცის თავის უფროსზე, მიჩვევდნენ, ქვეყანა, რომელზეც წერ, შეიძლება, აფრიკაში იყოს და მეშუამა ერქვასო.

ეს ორთაბრძოლები ხშირად რედაქტორის ყურის აწევით მთავრდებოდა. ახლა სხვა დროა.

ახლა ჩვენ, რედაქტორები და მწერლები, ფულიანი ბიზნესმენებისა და ბანკირებისთვის, შოთა ნიშნიანიძისა არ იყოს, „აბუზარა მათხოვრები“ ვართ და მეტი არაფერი.

ერთი მდიდარი ფირმის პრეზიდენტმა პირდაპირ მითხრა ამასწინათ: თუ გიჭირს ჟურნალის გასაღება, სხვა უფრო სარფიან საქმეს მოკიდე ხელი. სხვა დროა ახლა, ნუ გგონია, ქვეყანა შენი ჟურნალის ახალი ნომრის მოლოდინით ათენ-ალამებსო.

ჩვენ ასეთი დროისთვის, ასეთი საქართველოსთვის არ გვიბრძოლია.

ამ მაღალი ტრიბუნიდან მაღლობა მინდა ვუთხრა იმ დიდებულ, ჭეშმარიტ მკითხველს (თუკი ცოცხალი გადარჩა), მხარში რომ ედგა „ცისკარს“ და სულს უბერავდა, თანაგრძნობით და თანადგომით სიცოცხლეს უხანგრძლივებდა.

მაღლობა მინდა ვუთხრა „ცისკარს“ ლამის საუკუნენახევრის განმალვობაში ეროვნული ცეცხლის გაღვივებისთვის.

მაღლობა მინდა ვუთხრა „ცისკრის“ ახლანდელ რედაქტორს, ზაურ კალანდიას, ამ უმადურ ეპოქაში ჟურნალის გადარჩენისთვის.

და, რაც მთავარია, ცისკრის ყველა დროის ყოფილ რედაქტორს მივმართავ მაღლობის სიტყვით, ვისაც სასმენელი ჯერ კიდევ შერჩა:

ძვირფასებო, კარგა ხანია ჩვენს გამო მიღებული ყველა საყვედური მოგეხსნათ.

ან და მარადის თქვენი პირადი საქმე სუფთა და ნათელია.

ჩვენ ვებრძებით და რიგრიგობით გავიკრიფებით ამ წუთისოფლიდან.

„ცისკარი“ კი რჩება წყვილადში ანთებულ ჩირაღდნად.

ასოციაცია „საქართველო და გარესამყაროს“ წევრებმა თავიანთ კონფერენციაზე მიმინვიეს. ბატონო რეზოვო, შემომჩვილეს, ჩვენ ტაო-კლარჯეთის შესწავლით ვართ დაკავებული და ხელისუფლების მხრიდან დიდ წინააღმდეგობას ვაწყდებითო. ჩინოვნიკები გვეუბნებიან, ნუ აღიზიანებთ თურქეთს, ჩვენ ველარასოდეს დავიბრუნებთ ტაო-კლარჯეთს და დაანებეთ ფუჭ ოცნებას თავიო.

ვრცელი (ლამის საათიანი) სიტყვა ვთქვი. საქართველოს დაკარგული ტერიტორიების ყოველ კუთხე-კუთხულს უნდა ვსწავლობდეთ, ყოველი კენჭის გადაადგილება უნდა აღვწუსხოთ. იმედი არ უნდა დავკარგოთ, დრო მოვა, დავიბრუნებთ წართმეულ მიწებს-მეთქი.

ინურება 1997-იც. ახალ წელს საქართველო კვლავ დაპყრობილი ხვდება და, ვინ იცის, იქნებ ახალ საუკუნესაც.

21/XII, 97-7/II 98

ახალი წლის ღამით ჩვეულებრივად თოფების ბათქაბუთქით არ შეხვდა თბილისი.

მხოლოდ ბავშვები ატკაცუნებდნენ ღია ფანჯრებში შუშხუნებს.

რაც თავი მახსოვს, საათი თორმეტს შემოჰკრავდა, „კახური მრავალჟამიერი“ გვილოცავდა ტელევიზია ახალ წელს.

წელს „რატომღაც“ ტელევიზიამ ამ ტრადიციას გადაუხვია.

ჩინოსანთა უკბილო ხუმრობები და უნიჭო ფრაზები ისმოდა მხოლოდ. თექვსმეტ იანვარს ტელევიზიიდან მენვივნენ სამსახურში. ბატონო რევან, გვითხარით, რა მოგეწონათ და რა არ მოგეწონათ 1997 წელსო.

ვთქვი გულახდილად; დასანყისში ერთი სამი მოსაწონი რამ წარვუძმღვარე, მერე მივაყოლა, რაც არ მომეწონა. ბოლოს ვთქვი, ასე ჩაძინებულნი საქართველო მე კომუნისტების დროსაც არ მახსოვს-მეთქი.

ერთი კვირის მერე გადასცეს ჩემი სიტყვა – ნეტა, სულ არ გადაეცათ, სულელად, ხელისუფლების მეტობებდ გამომიყვანეს. რაც „მომწონებია“, მხოლოდ ის დაუტოვებიათ, დანარჩენი მოუჭრიათ. ასე რომ, ერთ-ერთ ყვეყნად ვჩანდი ეკრანზე.

შევარდნაძეს 25 იანვარს, როგორც აღნიშნეს, სამოცდაათი შესრულებაია.

პრეზიდენტმა ოფიციალურ იუბილეზე უარი თქვა, ვრცელი სატელევიზიო ინტერვიუთი დაკმაყოფილდა.

შევარდნაძე ნიჭიერი კაცია, ლაპარაკი იცის, ჩამოთვალა საქართველოს „არნახული“ (მართლაც, რომ არნახული) ნარმატებანი და დაგვირდა, მომავალში უფრო უკეთ იქნება საქმეო.

ერთი იაღლიში მაინც დაუშვა; გელა ჩარკვიანის კითხვაზე, თუ გქონდათ რაიმე კონკრეტული გეგმა, საქართველოში რომ ჩამოდიოდით 1993 წელსო, უპასუხა: რასაკვირველია, მქონდა, წინასწარ ვიცოდი, რომელი ფორმირება როდის უნდა ჩამომეცილებინა სახელმწიფო საბჭოდანო.

ერიჰაა! ამას წინასწარ ჰქონია დაგეგმილი კიტოვანის და იოსელიანის დაჭერა, თენგიზ სიგუას გაგდება. მაშ, რა შუაშია აქ „ტერაქტი“? იკითხავს ჩემსავით გულუბრყვილო მკითხველი.

„ტერაქტზე“ გამახსენდა: გრძელდება „ჯაბას და კამპანიის“ სასამართლო, რომელსაც ზოგნი ირონიულად (აღბათ!) საუკუნის სასამართლოს უწოდებენ.

ხაჩიშვილი, გელაშვილი და სხვანი (ჯაბასთან ერთად ბულბულებივით გალიაში მსხდომნი) ყელის გაგლეჯამდე ამტკიცებენ, რომ უდანაშაულონი არიან, ხოლო „ალიარებები“ ძალით (ფრჩხილების დაძრობით და ბოთლზე დასმით) გამოსტყუეს.

რა ვიცი, კაცნი ვართ.

ლტოლოვილები ერთმანეთს დაერივნენ. ნადარეიშვილმა და ერქვანიამ კაკუბავა არძინბას აგენტად გამოაცხადეს.

არის ასეთი მეცნიერი-ლტოლოვილი ოთარ მიქიაშვილი. სოხუმის უნივერსიტეტის პროფესორი. შემხვდა ამასწინათ და თითქოს ჩემს გულში იჯდა:

უზუსტესი ანალიზი გაუკეთა აფხაზეთ-სამაჩაბლოს საქმეს. ეს ტერიტორია რუსეთს (არც თუ ქართველთა შენევის გარეშე) იმპერიის დაშლის და გერმანიის გაერთიანების სანაცვლოდ აჩუქეს და ამ მიწების დაბრუნებაზე მხოლოდ ოცნება თუ შეგვიძლია (ყოველ შემთხვევაში, ამ საუკუნეში).

„ცისკარმა“ და „მერანმა“ რუსთაველის პრემიაზე წარადგინეს ჩემი წიგნი „ასი ახალი ნოველა“.

მურმან ლებანიძე და ტარიელ ჭანტურია (საბუთები რომ მივიტანე) თბილად შემხვდნენ, მაგრამ წყალი გადამინურეს; გული არ დაგწყდეს, ჯერ-ჯერობით ექვსი კონკურენტი გყავს (?!) მიღებით კი, ჩვენი წინასწარი ვარაუდით, ვერცერთი ვერ მიიღებთო.

8/II-11/II 98

თებერვალს ღამით 11.15 საათზე კრწანისის რეზიდენციისკენ მიმავალ შევარდნაძის ჯავშნოსან მანქანას თავს დაესხნენ ტერორისტები.

შეიარაღებულ თავდასხმაში, როგორც ამბობენ, ოც კაცამდე მონაწილეობდა.

თხუთმეტი წუთის განმავლობაში თბილისი ზანზარებდა.

პრეზიდენტს ესროდნენ არა მარტო ავტომატის ცეცხლით, ჰაუბიცებით, ტყვიამფრქვევებით, და გრადის ტიპის ყუმბარებითაც.

მისი მანქანისგან ნამსხვრევები დარჩა. თვით კი სასწაულებრივად გადარჩა.

პრეზიდენტის დაცვის ორი წევრი დაიღუპა. თავდამსხმელთაგან კი ერთი – ეროვნებით ჩეჩენი.

მეორე დღეს 1 საათზე მწერალთა კავშირში შევიკრიბეთ.

მომხდარის გამო აღშფოთება გამოვთქვით და ტერაქტი რუსეთის მოწყობილად მივიჩნიეთ მე, ტარიელ ჭანტურიამ, თამაზ ჭილაძემ, გურამ გვერდნითელმა, რეზო ჭეიშვილმა, დავით მჭედლურმა, ლევან მალაზონიამ, ელგუჯა მალრაძემ და სხვებმა.

ეს უკანასკნელი ამაო გაბრძოლებაა რუსეთის, რათა კავკასია დაინარჩუნოს.

ჩანს, მავრმა (შევარდნაძე) თავისი საქმე შეასრულა და მავრი უნდა წავიდეს, ასე გადაწყვიტეს კრემლში.

შევარდნაძემ ამ თავდასხმას „საერთაშორისო ტერორიზმის“ გამოვლინება უწოდა და თუმცა არა პირდაპირ, მაგრამ მინიშნებით მაინც რუსეთისკენ მიუთითა.

12/II-8/III 98

9 თებერვლის ტერაქტს 19 თებერვლის ტერაქტი მოჰყვა.

პირველი ტერაქტის შემსრულებლები უკვე დავიჭირეთო, ჩვენი პოლიცია ამბობს. ახლა დამკვეთს ვეძებთო.

ქლაქში ხმა გავარდა, რუსებმა დაგვემეს ტერაქტი და რაკი შემსრულებლებმა (ერთი ჩეჩენი მკვდარი იპოვეს ტერაქტის ადგილას) დავალება ვერ შეასრულეს, მათი გვარები და მისამართები საქართველოს პოლიციას რუსეთმა გადასცაო.

სხვათა შორის, მართალს ჰგავს.

თებერვლის ვნებათაღელვა არ ჩამცხრალიყო, რომ 19 თებერვალს ზუგ-

დიდში გოჩა ესებუამ და სხვა თორმეტმა მებრძოლმა გაეროს „დამკვირვებლები“ მოიტაცეს.

„ტერორისტები“ (როგორც ტელევიზია უნოდებს) ჯიხაშკარში გამაგრდნენ.

ექვსი-შვიდი დღე ალყაშემორტყმულ ბიჭებთან უშიშროების წარმომადგენლები მოლაპარაკებას აწარმოებდნენ.

უშიშროების მინისტრის გამჭრიახობამ (ჯემალ გახოკიძე, მშვიდი, ჭკვიანი კაცია) გაჭრა და ტერაქტი უსისხლოდ დამთავრდა.

გოჩა ესებუა ორ ძმაკაცთან ერთად გააპარეს, დანარჩენებმა მძევლები გაათავისუფლეს და „ხელისუფლებას ჩაბარდნენ“.

ხელისუფლებამ მეორე დღესვე გაათავისუფლა ტერორისტები.

ამჟამად დავიბენი.

თუმცა ვზივარ და ვნერ ნოველას ამ კარგ ბიჭებზე – ტერორისტებს რომ ეძახიან.

ჩემი ფიქრით, გაეროს „უსაქმურ დამკვირვებლებს“ მართლა სჭირდებოდათ შეჯანჯვლარება.

რას აკეთებენ. „გაერომ“ 21 რეზოლუცია მიიღო საქართველოზე და არც ერთი არ შეასრულა.

კარგად მოიქცა შევარდნაძე, რომ ამ, მართლაც, ეროვნულ ბიჭებს დანაშაული აპატია.

რაც შეეხება 9 თებერვლის ტერაქტს, მე ვფიქრობ, ეს სამინელებაა. ვერ წარმოვიდგენდი, თუ ასე დაუცველი იყო ქალაქი.

ნუთუ შეიძლება, შუა ქალაქში ოცამდე მიმედ შეიარაღებული ტერორისტი შემოგეპაროს და პრეზიდენტის კორტეჟს სროლა აუტეხოს.

ფვანია, სააკაშვილი, რესპუბლიკის პროკურორი და სხვანი პრესკონფერენციებზე ხაზს უსვამენ, რომ კვალი მოსკოვში მიდის.

19 თებერვლის ტერორისტებმა სამი მოთხოვნა წამოაყენეს: რუსის ჯარის დაუყოვნებლივ გაყვანა საქართველოდან, პოლიტიკური პატიმრების გათავისუფლება და შევარდნაძის შეხვედრა ძალით დამხობილი ხელისუფლების წარმომადგენლებთან.

ეს ბოლო (მესამე) პუნქტი შესრულდა. შევარდნაძე შეხვდა ყოფილ ვიცე-სპიკერს, ნემო ბურჭულაძეს, ყოფილ განათლების მინისტრს, ლია ანდლულაძეს და საქართველოს ყოფილ ელჩს რუსეთში – ჩაჩავას.

რაზე ილაპარაკეს, უცნობია.

ფაქტი ის არის, რომ ინციდენტი მშვიდობიანად დამთავრდა.

9 თებერვალს შევარდნაძის მოკვლის მცდელობა თავის თავზე აიღო ჩეჩენმა, ჯოხარ დუდაევის „მარჯვენა ხელმა“ – სალმან რადუეემა. მე ვმონანნილობდი ამ ტერაქტში თბილისელ ზვიადისტებთან ერთად.

რატომღაც არ დაუჯერეს.

გამოძიება გრძელდება.

მანანა არჩვაძე-გამსახურდიამ ნემო ბურჭულაძე კაგებეს აგენტად გამოაცხადა, ხოლო გოჩა ესებუაზე განაცხადა – „ასეთს არავის ვიცნობ“.

გაზეთებმა გამოაქვეყნეს, რომ გეგეჭკორი, ჯავახაძე და მე („ასი ახალი ნოველის“ გამო) წარდგენილი ვართ რუსთაველის პრემიაზე.

გეგეჭკორიც და ჯავახაძეც – ორივენი ჩემი მეგობრებია. ნიჭიერი პოეტები და სუფთა, პატიოსანი პიროვნებებია. მაგრამ გეგეჭკორს ბოლო ხუთ წელიწადში რომ ქვეყანა დაინგრა, ხმა არ ამოუღია, ერთი გულისმოსაფხვანი სიტყვა არ უთქვამს ქართველი ერისთვის, ხოლო ჯავახაძემ ის წიგნი, რომლის გამოც წარუდგენიათ („უცნობი“), 1988 წელს დაწერა, პირველად 1990 წელს გამოაქვეყნა (მცირე მოცულობისა), მეორედ 1992 წელს – ვრცელი...

ასე რომ, მორალური უფლება კენჭის ყრისა რუსთაველის პრემიაზე ამ ჩემს ორ უსაყვარლეს პოეტებს არა აქვთ.

თუმცა მე ამ სტრიქონებს ჩემს დღიურში ვწერ და ხმამაღლა როგორ წამომცდება, ან სხვას როგორ ვეცხვი.

ღრმად ვარ დარწმუნებული, რომ მე განზე დამტოვებენ და იმ ორიდან ან ორივე მიიღებს, ან – ვახტანგ ჯავახაძე.

რატომ? ორი მიზეზისა გამო; ჯერ ერთი, ჩემი ოპოზიციონერობის გამო (ის წიგნი თავიდან ბოლომდე არსებული, პოსტკომუნისტური ხელისუფლების კრიტიკაა) რუსთაველის პრემიას არ მომცემენ (შევარდნაძეს არ ესიამოვნებო); მეორეც, ვახტანგ ჯავახაძის და გივი გეგეჭკორის მხარეზეა (ამას არც მალავს) პრემიების კომიტეტის თავმჯდომარე – მურმან ლებანიძე, როგორც თვითონ მითხრა.

ღმერთმა შეარგოთ!

9/III–20/III 98

საქართველოში თურქეთის პრემიერი ჩამოვიდა და გამოაცხადა: ნავთის გზა საქართველოზე გაივლისო, ამერიკის პრეზიდენტმა დაურეკა შევარდნაძეს – ამერიკა შენს გვერდით არისო, ალიევმა უარი თქვა 19 მარტს მოსკოვის სამიტში მონაწილეობის მიღებაზე.

შევარდნაძემაც განუცხადა, ჩემი უსაფრთხოება დაცული არ იქნება და თავს ვიკავებო. ის იყო მთელი საქართველო გაიძახოდა – ყოჩაღ, შევარდნაძე, ახლა კი გველირება ესენგედან გამოსვლაო. რომ 17 მარტს მოულოდნელად შევარდნაძე აცხადებს: მივიღე გადაწყვეტილება, მოსკოვს გავემგზავროო.

ყველას ცივი წყალი გადაგვასხა. რატომო? ჰკითხეს. მოსკოვს უნდა ვაჩვენო, რომ ჯანმრთელი ვარო. ეს საოცარი არ არის? ჯანმრთელი რა; მძლეოსანია, სიგრძეზე ხტება თუ სიმაღლეზე?

მოსკოვმა საპასუხოდ კიდევ ერთხელ მოიმაღლიერა შევარდნაძე. დაიჭირა მოსკოვში აბსნაძე და ბურჭულაძე და ბორკილებით ჩამოუყვანა (გიორგაძეს ჯერ იტოვებს).

მთავარია, შევარდნაძის პირადი მონინალმდევნი გყავდეს ციხეში, საქართველო ჯანდაბას!

რაკი რუსეთი ოპოზიციონერ-ძებნილებს გვაბარებს, ესე იგი, ხვალიდან ისევ ჩვენი ძმა და მეგობარი იქნება. სამაჩაბლო-აფხაზეთს დაგვიბრუნებს თუ არა, ვის ენაღვლება.

აი, ასეთი პოლიტიკა გვაქვს ჩვენ.

მილოცავენ რუსთაველის პრემიაზე წარდგენას.

ჩემმა საყვარელმა გაზეთმა „მანსმა“ დაწერა: მიშველადის 100 ნოველა ასჯერ სჯობია ყველაფერს, რაც ბოლო ათ წელიწადში საქართველოში შექმნილა მწერლობაშიო.

არ გამეხარდა ეს სტრიქონი, ზოგჯერ ქება გინებაზე უარესია. ჯერ ერთი, მთლად ასე არ არის და, მეორეც, ხომ გადამეკიდა „მთელი ქართული მწერლობა“, ეგონებათ, მე წავახალისე თ. ფლენტი ამის დასაწერად.

მოსკოვის სამიტი გადაიდო აპრილის ბოლომდე ელცინის ავადმყოფობის გამო.

კიდევ ერთი სატყუარა დაჰკიდეს საქართველოს ცაზე.  
ველოდოთ, რა მოხდება აპრილის ბოლოს.

21/III-30/III 98

აჭარაში მენყერმა ოთხმოცამდე სახლი ჩაიტანა.

თბილისიდან შინაგან საქმეთა სამინისტრომ ავტომატებით შეიარაღებული ოცი კაცი გაგზავნა სტიქიით დაზარალებულთა დასახმარებლად.

ასლან აბაშიძემ „დამხმარებლები“ აჭარაში არ შეუშვა; როდის იყო, დამენყრილთა საშველად ხალხი ავტომატებით მოდიოდაო.

ამაზე თბილისში „სკანდალი“ ატყდა; არიქა, ასლან აბაშიძე სეპარატისტობსო.

შეხლა-შემოხლა (ჯერჯერობით მხოლოდ სიტყვიერი) კვლავ გრძელდება.

უჩუჩხურებენ აჭარას, რათა დალუპულ-დაძირულ ქვეყანაში ხალხის ყურადღება აჭარაზე გადაიტანონ. ამით ხელისუფლება თავის უღიმღამო არსებობას გააგრძელებს.

პრესაში იბეჭდება წერილები ჩემს ას ნოველაზე.

განსაკუთრებით „შანსი“ „მწყალობს“.

28 მარტს გაერთიანებული სამედიცინო აკადემიის საპატიო აკადემიკოსად ამირჩიეს ექიმებზე და ავადმყოფებზე დაწერილი ნოველების გამო.

31/III-5/IV, 98

დავამთავრე სახელმძღვანელო „უახლესი ქართული ლიტერატურის ისტორია“.

ეს იქნება მეცნიერების სარბიელზე ჩემი მთავარი წიგნი.

ვცადე, ახლებურად დამენერა. გადამეფასებინა ზოგი ლიტერატურული მოვლენა. ეროვნული პოზიციიდან დამენახა მეოცე საუკუნის მწერლობა.

გაირკვა, რომ მეოცე საუკუნის თითქმის ყველა მწერალს დამპყრობელი რუსი სძულდა.

„საბჭოთა კრიტიკა“ კი მოვლენას პირიქით წარმოაჩენდა.

მივუტანე გამომცემლობებს და სტამბებს ჩემი სახელმძღვანელო.

სულ მცირე 5000 ლარი მომთხოვეს გამოსაცემად.

მე ამხელა ფული ვინ მომაშავა.

მივედი უნივერსიტეტის რექტორთან.

ჩემო როინ, ხუთი წელი ვწერდი ამ სახელმძღვანელოს. დანარჩენი შენ იცი-მეთქი.

გამომართვა და უსიტყვოდ წაანერა:

„ნიკო ბერძენიშვილს. აუნთეთ მწვანე შუქი, საჭირო სახელმძღვანელო“.



მიუტანე ნიკოს (გამომცემლობის დირექტორს) და გადაეცი ჩემგან, უახლოეს თვეებში გამოსცესო.

აი, ასეთი კაცია როინი.

უშურველი, მეგობრული, გამგები...

31 მარტს შევარდნაძემ პიონერთა სასახლეში გვიხმო ინტელიგენციას და პარლამენტარებს.

მწერლებიდან თ. წიგნივაძე, მ. ლებანიძე, ტ. ჭანტურია, ლ. სანიკიძე და მე გახლდით.

პრეზიდენტმა დამოუკიდებლობის რეფერენდუმის დღე მოგილოცა.

სიტყვები თქვეს ბ. შოშიტაიშვილმა, რ. მეტრეველმა და ლ. ლოლობერიძემ.

შევარდნაძემ ზვიად გამსახურდიას სადღეგრძელო დალია. გამიკვირდა და მომეწონა.

და იმავე საღამოს ტელევიზიამ საშინელი ცნობა გადმოსცა.

სამეგრელოში, სოფელ სანორიოში, ჩვენმა მამაცმა პოლიციამ მოკლა გოჩა ესებუა – 19 თებერვლის „ტერორისტი“.

ოთხი უცხოელის გატაცებაზე ნოველა დავნერე და 28 მარტს მივიტანე „ლიტ. საქართველოში“. ნოველა გოჩა ესებუას მიუძღვნენი.

იუმორით ვწერ იმაზე, რომ ქართველი კაცი ბუნებით არ არის მკვლელი და ტერორისტი, რომ ეს აქცია ბიჭებმა საქართველოს გასაღვიძებლად და მსოფლიოს ყურადღების საქართველოსკენ მისაპყრობად ჩაიფიქრეს.

მთელი ღამე არ მეძინა.

დილით უჩა შერაზადიშვილმა დამირეკა; ბატონო რეზო, გაიგებდით ესებუას სიკვდილს, როგორ მოვიქცეთ, დავბეჭდოთ თქვენი ნოველა?

აუცილებლად დაბეჭდეთ და თან მიანერეთ, რომ გულით დავსტირი სამშობლოსთვის დაცემული ბიჭის ცხედარს-მეთქი.

მართლაც, დაუბეჭდავთ და კარგი მინაწერიც მიუყოლებიათ: „ავტორთან ერთად ჩვენც ვუთანაგრძნობთ დალუპულთა ოჯახსო“.

კარგი საქმე გააკეთა ამით წიგნივაძემ.

ამ მინაწერთი მან საქართველოს ხელისუფლებას გააგებინა, რომ ჩვენ კაცის მოკვლის მომხრე არა ვართ, ქართველი მწერლები, და პატრიოტი კაცისა მითუმეტეს.

ზუგდიდში სამძიმრის დეპეშა გავუგზავნე გოჩა ესებუას დედას.

6/IV–20/IV 98

პრესაში იბეჭდება რეცენზიები ჩემს „ას ნოველაზე“ რუბრიკით: „წარდგენილია რუსთაველის პრემიაზე“.

წინასწარ ვიცო, რომ საქართველოს ამ უპირველეს ჯილდოს ვერ მივიღებ.

სირცხვილის გრძნობა მეუფლება, როცა რუსთაველის პრემიების კომიტეტის წევრებს ქუჩაში ვხვდები. არ იფიქრონ-მეთქი, რომ ხმას ვთხოვ და სწრაფად ვმორდები, ხან კი ამკარად თვალს ვარიდებ.

კარგად მესმის მათი, აუხსნიან ხელისუფლებას ასე სურსო და ისინიც იმას მისცემენ ხმას, ვისზეც ხელისუფლება შეაჩერებს არჩევანს.

არც იმის იმედი მაქვს, რომ ხმებს ობიექტურად დაითვლიან. არჩევნების გაყალბებაში დაოსტატებული „ვართ“.



რუსთაველის პრემია კი არა, ამას წინათ უნივერსიტეტში ქართული ენის დღე ჩატარდა (ზუსტად 14 აპრილს).

შემთხვევით გავიგე, უნივერსიტეტის ეზოში პროფესორი ვალიკო მეტრეველი შემხვდა; შეხვედრაზე რატომ არა ხარო. ქართული მწერლობის მთელი ნალები იქ არისო.

შევედი სხდომათა დარბაზში.

რექტორს გვერდით უსხედან მურმან ლებანიძე, ტარიელ ჭანტურია, თამაზ ნივნივაძე და ლადო მრელაშვილი.

ვდგავარ კედელთან. დარბაზში ადგილი არ არის. როინ მეტრეველმა შემამჩნია.

ეტყობა, შინაურ მღვდელს შენდობა არა აქვს, რაკილა პრეზიდენტში თანამედროვე ქართული ნოველის კლასიკოსს, რევაზ მიშველაძეს, ვერ ვხედავთო... და დიდი თავაზიანობით სცენაზე მიმინვია.

უარი ვკადრე. მე მასპინძელთაგანი ვარ-მეთქი. არ მომეშვა. თავის გვერდით დამსვა და სიტყვაც მათქმევინა.

თხუთმეტჯერ ჩატარდა უნივერსიტეტში ქართული ენის დღე. თოთხმეტჯერ მიმიპატიუეს. ამ ბოლო შეხვედრაზე არა.

გაირკვა, რომ ამ ღონისძიების მომწყობი და სულისჩამდგმელი ამირან გომართელი ყოფილა – ჩვენი ახალი დეკანი.

მასვე გაუფრთხილებია სტუმრები. მე, ჩანს, თვალში არ მოვუდივარ, ან „უბრალოდ“, დავავინყდი“.

სხდომის შემდეგ ღარიბი ნათესავით ცალყბად მიმინვია პურ-მარილზე. რა თქმა უნდა, არ ნავედი.

მიპატიებია ამირანისთვის. ახალგაზრდა და ეტყობა, იბნევა ხოლმე „ღონისძიებების“ ჩატარებისას.

21/IV-10/V 98

საქართველოს ახალი თავდაცვის მინისტრი ჰყავს – დავით თევზაძე.

ჩემი მეგობრის, კარგი მეცნიერის, უპატოსნესი კაცის, დავით თევზაძის შვილი – 6 შვილის მამა.

ახალი მინისტრი ეროვნული კაცია და დარწმუნებული ვარ, ეროვნულ არმიას შექმნის.

ტელევიზიით მასაუბრეს ჩემს წიგნზე - „ასი ახალი ნოველა“ – რუბრიკით „ნარდგენილია რუსთაველის პრემიაზე“.

ნეტავ, თუ შეინახავენ ჩანანერს?

მითხრეს, რომ ზოგიერთები ენერგიულად მუშაობენ კომიტეტის წევრებს შორის – გივი გეგეჭკორს და ვახტანგ ჯავახაძეს მიეცით ხმა, შევარდნაძეს არ სურს, რომ პრემია მიშველაძემ მიიღოსო.

არა მგონია, ეს შევარდნაძის აზრი იყოს.

5,6,7 მაისს რეზო ჩხეიძესთან ერთად საინგილოს ვენწვი.

ჩავიტანეთ ქართული წიგნები, სანერ-კალმები, რვეულები, ფანქრები, საშლელელები...

მეხუთე წელია, რეზო ჩხეიძემ ენერგიულად მოკიდა ხელი საინგილოს მეცენატობას, მწერალთაგან მე დაუუდექი გვერდით და წელიწადში ორჯერ მაინც ჩავდივართ სერგო ორჯონიკიძის მიერ გაყიდულ ინგილოთა გასამხნეებლად, მაგრამ რაი მერე?!

ყოველ წელიწადს უარესდება ამ განწირული ქართული ტომის მდგომარეობა.

1959 წელს ძალით გვარგადაკეთებულ 10 ათასი ინგილოს გვარების დაბრუნება არ ხერხდება.

ბაქო უარს ამბობს. მე და რეზო ვარისხებთ ზარებს, მაგრამ არც ეს კმარა, საქართველოს ხელისუფლება მხარს არ გვიჭერს, აზერბაიჯანელებს ნერვებს ნუ მოვუშლითო.

შემოგვივლეს ინგილოებმა; უკიდურეს დღეში ვართო. სამსახურს არ გვაძლევენო. ყველანი სახლებს ვყიდით და აქედან აბარგებას ვაპირებთო.

სად მიდიხართ-მეთქი.

საქართველოშიო.

თქვე კაი ხალხო, ოთხასი წელი ბატონობდნენ არაბები საქართველოში, მაგრამ არ ავყრილვართ და არ გადავსახლებულვართ, აქედან თუ წახვალთ, საქართველო ხომ აღარ იარსებებს ამ თავის ძირძველ, ისტორიულ მიწაზე-მეთქი.

რა ვქნათო, ილაჯი გაგვიწყდაო. ალიევი გულდაგულ პატრონობს საქართველოში მცხოვრებ აზერბაიჯანელებს, ჩვენ კი შარშან ბაქოში ყოფნის დროს შევარდნაძემ არც მიგვიღოო.

უკან რომ დავბრუნდით, აქაურმა გამგებელმა გვითხრა; ხომ ხედავთ, თვით შევარდნაძესაც არ მიაჩნხართ ქართველებად იმიტომ, რომ ინგილოები აზერბაიჯანელები ხართო. თქვენი ჩამოტანილი ფანქრები და საშლელები საქმეს ვერ უშველისო. საქართველოს მთავრობა უსაშველოდ გვატყუებს, რომ ლაგოდენში ანძაგამძლიერებს დადგამენ, რათა ინგილოებმა ქართული ტელე-რადიო გადაცემები მივიღოთო. პრესაზე ხომ ლაპარაკი ზედმეტიო.

მედა რეზო ამჯერად მუსულმან ინგილოთა სოფლებში არ შეგვიშვეს. ისინი ქართველები არ არიან და თქვენი ქართული წიგნები არ უნდათო.

შარშან თუ იყვნენ და თუ უნდოდათ-მეთქი?

წელს ასეა საქმე და გირჩევთ, ნუ ეწვეით ანტიაზერბაიჯანულ პროპაგანდასო.

ეს უკვე გაფრთხილებაზე ცოტა მეტი (მუქარა) იყო.

ნუ გემინიათ, სამართალი პურს სჭამს, ასე არ დარჩებით, იქნებ 21-ე საუკუნეში ამერიკამ გადახედოს საზღვრებს და საინგილო ისევ საქართველოს დაუბრუნოს-მეთქი.

მეტი არ იქნა ჩემი მტერიო, მასწავლებელმა ანდრო ოთარაშვილმა. რა იმედით გველაპარაკებით, როცა თქვენ თვითონ საქართველოში ქართველებს პასპორტში ეროვნება „ქართველი“ არ გინერიათო.

რა უნდა მეპასუხა. მართალი იყო ის კაცი.

8 მაისს ზაზა ფანასკერტელის ინსტიტუტში დიდი შეხვედრა მომინყვეს.

გახსნა რექტორმა, პროფესორმა გურამ ხაჭაპურიძემ.

მოსხენება წაიკითხა პრორექტორმა გურამ ცინცაძემ.

სიტყვები თქვეს სტუდენტებმა.

რა თბილი სიტყვები, რა შედარებები, რა სურვილები...

ვიგრძენი, რომ ამაოდ არ დავმშვრალვარ.

მეც გადამიგდია ერში თავისუფლებისთვის ბრძოლის თესლი.

იგი უსათუოდ გალვივდება.

ახალგაზრდები ჩვენს ქვეყანას რუსის მონობაში არ ჩატოვებენ.

დღეს მოსაწვევი მომიტანეს. ქუთაისი ჩვენი მშობლიური IV საშუალო სკოლის ინიციატივით თეატრში შეხვედრას გვინცობს როინ მეტრეველს და მე.

როინი ძალიან მიყვარს. ჭეშმარიტ მოღვაწედ მიმაჩნია და მიხარია, რომ ერთად წარვუდგებით (ანგარიშით!) ჩვენს მშობლიურ ქალაქს.

რაც შეეხება 29 აპრილის „სამიტს“, ისე დამთავრდა, როგორც უნდა დამთავრებულიყო.

საქართველოს დელეგაციამ აფხაზეთში რუსის სამშვიდობო ძალების ყოფნის ვადის გაგრძელება მოითხოვა.

სამიტმა „შტრიკბრეხერთა“ თხოვნა დააკმაყოფილა.

11/V–16/V 98

ათ მაისს ქალაქის მერიის მრჩეველთა საბჭოს სხდომა გვექონდა.

ვიცე-მერმა, გიგი წერეთელმა, წინადადება შემოიტანა, თბილისის ერთ-ერთ ქუჩას პირველი პრეზიდენტის, ნოე ჟორდანიას, სახელი ეწოდოსო.

ნოდარ ლომოურმა და ლევან სანიკიძემ სასტიკი პროტესტი გამოთქვეს.

ავდექი და ვთქვი: მოგწონთ თუ არა ნოე ჟორდანიას, იგი დამოუკიდებელი საქართველოს პრეზიდენტი იყო და არა გვაქვს მორალური უფლება მისი სახელის იგნორირების-მეთქი. აქვე წინადადება შემომაცქეს, ამავე სხდომაზე თბილისის რომელიმე ქუჩას ზვიად გამსახურდიას სახელი ვუნოდოთ. ამით შერიგების პროცესსაც დავაჩქარებთ და პირველი და მეორე პრეზიდენტის სახელსაც უკვდავყოფთ-მეთქი.

უნდა გენახათ ნოდარ ლომოურის განინმატება.

თუ მსგავსი განცხადება კიდევ განმეორდება, მე დავტოვებ მრჩეველთა საბჭოსო, თანაც ბ-ნმა ნოდარმა მისი ასაკისთვის შეუფერებელი ენერგიულობით აუნია ხმას. რომ დაამთავრა, მშვიდად დავძინე, ნუ გვაშინებს ნოდარ ლომოური საბჭოს დატოვებით. ზვიად გამსახურდიას დიდი დამსახურება მიუძღვის საქართველოს წინაშე და ბედის ირონია აქ ის არის, რომ ქუჩისთვის ზვიადის სახელის დარქმევა ნოდარ ლომოურის გადასაწყვეტია-მეთქი.

იმსჯელეს და ჩემი და გიგის წინადადება ორი კვირით გადადეს. ალბათ, ქალაქის მერი შევარდნაძეს მოეთათბირება.

13 მაისს ქუთაისის თეატრში შეხვედრა მოგვინწყევს როინ მეტრეველს და მე.

თეატრი „გადაჭედილი“ იყო.

დიდებული სიტყვები გვითხრეს.

უხერხულობისგან ყურები გვეწვოდა, დიდ ეროვნულ მოღვაწეებად რომ გამოგვაცხადეს.

მეორე დღეს, 14 მაისს, თეატრის შენობაში ქუთაისის საზოგადოებამ თბილისის სახელმწიფო უნივერსიტეტის იუბილე გამართა.

გამოვედით მაღლობის სიტყვით რ. მეტრეველი, ლევან სანიკიძე, ოთარ ჯაფარიძე, მე...

გვიან ღამით დავბრუნდით თბილისში.

17/V–21/V 98

17 მაისს მწერალთა კავშირში რუსთაველის პრემიის კომიტეტის სხდომა გაიმართა.

რა თქმა უნდა, იქ არ მივსულვარ. თვალში ვინმეს გლახად არ შევეჩხრო-მეთქი.

გადავიკიდე ჩანთა და ფალავანთა კლუბში სავარჯიშოდ წავედი 12 საათზე.

ვატყობ, შინაგანად დაძაბული ვარ. როგორც ჩანს, ბერდები, პატივმოყვარეობის ჭია შეგჩვევია-მეთქი, დავტუქსე ჩემი თავი.

ორზე დავბრუნდი შინ. ცოლმა მომახარა – მწერალთა კავშირიდან დაგვირეკეს, რუსთაველის პრემიის ლაურეატი ხარო.

ეს უმაღლესი ჯილდოა. რუსთაველის პრემია მარტო მე კი არა, მთელმა ჩემმა თაობამ მიიღო.

სალამოს შევიტყვე, თ. ნივნივაძეს, რ. ჭეიშვილს, ვ. ასათიანს და გ. კალანდიას უმარჯვიათ.

კომიტეტის ყველა წევრმა მომილოცა, მურმან ლებანიძის, ტარიელ ჭანტურიას, თამაზ ჭილაძის და ნოდარ გურაბანიძის გარდა.

სწორედ 4 შავი მივიღე და 29 თეთრი.

18-ში დილით ზუგდიდს გავემგზავრეთ ნათელა, შიო და მე.

ზუგდიდის უნივერსიტეტში ვახტანგ კვარაცხელიას თაოსნობით (რექტორი) დიდი შეხვედრა მომიწყვეს.

გულთბილად მომილოცეს რუსთაველის პრემია.

მეორე დღეს გორა ესებუას ოჯახს ვესტუმრე. ჭეშმარიტი ვაჟკაცის დაკარგვა მივუსამძიმრე გულდამდულრულ მშობლებს.

გავედი ენგურის ხიდთან.

მოთმინებისფალავანთა ხალხი დრტვინავს, შფოთავს, დენთის სუნი ტრიალებს.

შორიდან სროლის ხმა ისმის. „ჩვენი პარტიზანები ისვრიან“ – მეუბნება ჭარმაგი გალელი.

მისარია.

რასაც მთავრობა ვერ აკეთებს, ხალხმა უნდა გააკეთოს.

20-ში დავბრუნდი თბილისში.

როინ მეტრეველმა მომილოცა რუსთაველის პრემია.

როინი უშურველი კაცია. მჯერა, ნამდვილად გაეხარდა, მაღალი ჯილდო რომ მეღირსა.

21 მაისს ქალაქის მერიის მრჩეველთა საბჭოს სხდომა გვექონდა.

ისევ გაიმართა კამათი იმის შესახებ, ენოდოს თუ არა თბილისის ერთ-ერთ ქუჩას ნოე ჟორდანიას სახელი.

ისევ გამოვთქვი ჩემი აზრი: თუ ნოე ჟორდანიას სახელს ვარქმევთ, საქართველოს მეორე პრეზიდენტის, ზვიად გამსახურდიას, სახელიც დავარქვათ-მეთქი რომელიმე ქუჩას.

გაიმართა „ცხოველი აზრთა“ გაცვლა-გამოცვლა.

რა დროს გამსახურდიააო, შევარდნაძეს ეწყინებოო, გამსახურდია გიჟი იყო და მეტი არაფერიო...

მხარი დამიჭირეს გიგა ლორთქიფანიძემ, ვახტანგ დავითაიამ, გურამ შარაძემ, თენგიზ ჯანელიძემ, გიგა ბათიაშვილმა...

ბოლოს მაინც ჩემმა წინადადებამ გაიმარჯვა კენჭისყრით.

დღეიდან ყოფილი ლენინის პროსპექტი (მ. კოსტავას ქუჩა) ოთხად იყოფა: ერთ ნაწილს ეწოდება მერაბ კოსტავას ქუჩა, მეორე ნაწილს – ზვიად გამსახურდიას ქუჩა, მესამე ნაწილს – ნოე ჟორდანიას ქუჩა, ხოლო მეოთხე ნაწილს – ნოე რამიშვილის ქუჩა.

ღამით ტელევიზიამ გამოაცხადა: გალში აფსუებმა ორასი პოლიციელი (დამსჯელი რაზმი) შეიყვანეს და პარტიზანებმა 35 აფსუა პოლიციელი დახოცესო.

ტელევიზორში არძინბას შეშფოთებული სახეც გაკრთა.

ძლივს გავიღვიძეთ ქართველებმა.

ათასჯერ ვთქვი: არ უნდა დავაძინოთ, არ უნდა მოვასვენოთ ჩვენი მიწის დამპყრობნი.

22/V – 8/VI 98

20-24 მაისს საქართველო არაჩვეულებრივმა ალტკინებამ, საომარმა მღელვარებამ მოიცვა.

გალში მოხალისეები, პოლიციელები და ჯარის მცირე ნაწილები გაჩნდნენ..

ზუგდიდში თავდაცვის ახალი მინისტრი – თევზაძე, და შინაგან საქმეთა მინისტრი, თარგამაძე, ჩავიდნენ.

გალის ბევრ სოფელში ქართული დროშა აფრიალდა.

და ისევე ლალატი!

25 მაისს შევარდნაძემ გამოაცხადა, უკანდახევის გადანყვეტილება მივიღე. ხუთი თითივით ვიცნობ ჩვენს ჯარს და ეკონომიკას, აფხაზეთი ფართომასშტაბიან კავკასიურ ომში გვიპირებს ჩათრევასო.

ბრძანა შევარდნაძემ და ჩვენი შემართული მეზობლები გალიდან გამოიყვანა. მეორე დღეს „მხარეებმა“ გაგრაში ხელშეკრულებას მოაწერეს ხელი ცეცხლის შეწყვეტის შესახებ.

ეს იყო მეორე კაპიტულაცია აფსუების წინაშე.

რუსებმა გვილალატეს. გალში ტანკები და მძიმე არტილერია შემოიშვეს, აქედან (ზუგდიდიდან) კი ჩვენი ავტომატიანი ბიჭებიც არ გაათარეს.

ხელშეკრულება ახლაც დაარღვია არძინბამ, არძინბამ კი არა, რუსმა მოგვალორა. აფსუს! არ ყოფდეს რუსი თავის დინგს, ვნახავდი, რა ჩიტს დაიჭერდა არძინბა.

ადგილს ვერ ვპოულობ.

დახოცეს რუსებმა და აფსუებმა ჩენი პარტიზანები. ორმოცი ათასი ლტოლვილი, ნიფხავპერანგისამარა გამოქცეული ხალხი დაგროვდა ზუგდიდში.

ყოველდღე ვრეკავ ზუგდიდში. ცოდვის გაკითხვააო, ჩემი სიდედრი მეუბნება. ორმოცი ათასი კაცი ენგურსგალმა შესცქერის, როგორ იწვის მათი სახლები და კბილებით ტუჩებს იკვნეტენ, რუსი „მშვიდობისმყოფელები“ კი დასცინიან: „ვოტ ტაკ ვამ ი ნადაო“.

გაზეთ „სამსჯავროს“ ინტერვიუ მივეცი, როდის მოელება-მეთქი ბოლო ქართველთა გენოციდ-დაცვენების კომპანიას, რამდენჯერ შეიძლება მოტყუვდეს-მეთქი ჩვენი პრეზიდენტი.

ახლა ორი გზა რჩება-მეთქი:

გაუძღვეს წინ შევარდნაძე და პარლამენტი, მეც მათთან წამოვალ და სამშვიდობო მარშით შევბრუნდეთ-მეთქი გალში. თან გავიყოლოთ-მეთქი უცხოელი კორესპონდენტების დიდი ჯგუფი.

2.. წავიდეს-მეთქი შევარდნაძე 20 დღით უცხოეთში. ჩამოუჯდეს კიბეზე ამერიკის და სხვა ზესახელმწიფოთა პრეზიდენტებს. იქნებ რამეს მიაღწიოს, იქნებ იქედან იმოქმედოს ელცინზე, თორემ გაიძვერა არძიხბასთან გარიგებებს აზრი არა აქვს-მეთქი.

იგივე (უფრო ვრცლად) გავიმეორე „ევრიკას“ სატელევიზიო არხით გამოსვლისას 6 ივნისს. მთელი საათნახევარი ვიყავით პირდაპირ ეთერში მე და შიო.

დღეს, 8 ივნისს, კულტურის მინისტრ ვალერი ასათიანს შევხვდი.

ზუგდიდიდან წუხელ დავბრუნდიო. ჯოჯოხეთი ტრიალებსო.

წარმოიდგინე ორმოცდაათი დამშეული ადამიანი.

პურს, მხოლოდ პურს გვთხოვენ და ვერ ვაძლევთო.

შემზარა ამ ხალხის საცოდაობამო.

გავედი ენგურის ხიდან. გაცეკეროდი წართმეულ საქართველოს, იქვე დააბიჯებდა რუსი და ჩემი ხალხის საშველად არ მიშვებდა. ასე უმწეოდ არასოდეს მიგრძენია თავიო.

თანამედროვე საქართველოს ისტორიის კიდევ ერთი შავი ფურცელი გადაიშალა ჩემს წინ.

ვინ არის დამნაშავე?

ოპოზიცია შევარდნაძის დაუყოვნებლივ გადადგომას და გასამართლებას მოითხოვს.

რა შეიცვლება შევარდნაძის გადადგომით?

რაო, ელცინი საქართველოს ხელახლა დაპყრობის მისეულ გეგმაზე ხელს აიღებს?

9/VI-5/VII 98

ერთი კვირაა თამაზ წივნივაძე, მელორ ტყეშელაშვილი და მე თბილისში კარდაკარ დავდივართ, რომ გამგებლებს, მინისტრებს და ხელმომართულ ფირმებს ორიოდუე კაპიკი გადმოვარიცხინოთ გალაკტიონის ფონდის ანგარიშზე.

გვსურს, ბოლოს და ბოლოს, ოცი წლისთავზე მაინც დავაყენოთ საშველი გალაკტიონის მუზეუმის საქმეს. ოცი წელია, დავრბოდით ამ საქმეზე ცხონებული ვახტანგ გურგენიძე და მე. ვახტანგი გარდაიცვალა. საფლავში ჩაჰყვა გალაკტიონის სახლ-მუზეუმის ჯავრი.

უნდა განახათ, რა ტირილით და უფულობაზე წუნუნით გვხვდებიან „ყოჩაღი ბიჭები“. ერთ საღამოს რესტორან „ევროპაში“ ათას დოლარს დაუყრიან ოფიციალტს მაგიდაზე, ხოლო გალაკტიონის მუზეუმისთვის გასამეტებელი ორასი ლარი კი არა და არ მოეძევევბათ.

3 ივლისს თამაზ წივნივაძე, რეზო ჭეიშვილი, ძმები კალანდიები, სოსო არემიძე, დემურ მიქაძე და მე ზუგდიდს გავემგზავრეთ.

სამინელებსი მეთქი რა მინახავს, მაგრამ ზუგდიდში და ენგურისპირა სოფლებში – ორსანტიასა და განმუხურში ნანახმა ყოველგვარ მოლოდინს გადააჭარბა.



მშვიერი, სახლ-კარდამწვარი, გაუბედურებული, სასონარკვეთილი ხალხი... კარვებში და გომურებში ცხოვრობენ.

შემოქმედებენ ჩვენს მანქანებს. ჩვენი ხელით და სოსო არეშიძის დახმარებით შეგროვილი საჩუქრები ჩაუტანეთ (პური, ტანსაცმელი, ნიგნები...) უნდა გენახათ, რა ზედახორა გაიმართა.

შიმშილმა ბევრს თურმე თავმოყვარეობა დააკარგვინა.

იყვნენ ჭირთამთმენიც, დარბაისლურად განზე მდგომნიც. ერთი ხეიბარი მასწავლებელი მოვიდა (ვალერი ბენია), გავძლებ უპუროდ, ბატონო რეზო, ოღონდ შენი დანერილი თუ გაქვს რამე ჩამოყოლილი, ის მაჩუქეო. ნავანერე ჩემს ნიგნს: „გამაგრდი, ვალერი ბატონო“, და გავუნოდე. იქნებ ძველი სათვალეები გაქვთ, უსათვალოდ ვართო, რამდენიმე კაცმა. ერთს ჩემი სათვალე ვაჩუქე.

ორი ქალი მომიახლოვდა – თქვენი ყოფილი სტუდენტები ვართო, ბავშვები შიმშილით გვეხოცება, როგორ იქნება ჩვენი საქმეო. დავაიმედე. მალე გამოსწორდება-მეთქი, ამოვიქექე ჯიბეები – ოცდაათ-ოცდაათი ლარი ვაჩუქე. რეზო ჭეიშვილი და თამაზ ნივნივაძე იცრემლებიან.

ერთი შემადრწუნებელი ამბავი გავიგეთ. ჩვენაო, ლტოლვილებმა, ასე მოუშზადებლად, ერთი პერანგით როგორ გამოვიქცეოდით, ბოლოს და ბოლოს ერთ ჩემოდანს მაინც წამოვიღებდით, საქონელს მაინც გამოვირეკავდით. მაგრამ მოგვატყუეს, ლალატის მსხვერპლი ვართო.

დადიოდნენ მსუბუქი მანქანებით ვილაცეები. სუფთა ქართული, სუფთა მეგრულით გვეხმინებოდნენ – აბა, ჩქარაო, სამი საათით გავდივართ ენგურის გალმა. აქ ახლა ბრძოლა გაიმართება, სამი საათის შემდეგ ვბრუნდებით და მთელი გალი-ლალიძამდე ჩვენი იქნებაო.

ენა დაგვება, პირი გავვიშრა. რა მოხდა? ვინ ჩაიდინა ეს საშინელი ლალატი? ნუთუ ჩვენმა ხელისუფლებამ. ნუთუ ვაჩუქეთ რუსეთს აფხაზეთი და ახლა უკანასკნელი ზომა მივიღეთ ქართველებისგან ამ კუთხის საბოლოოდ გასაწმენდად?

გონებას არ სურს, არ ძალუძს, დაიჯეროს ასეთი რამ.

სად არის ქართული ჯარი? ენგურიდან თბილისამდე არსად ერთი ქართველი ჯარისკაციც არ შეგვხვდრია.

ორი ტანკი რომ გამოვიდეს ხიდზე, ისე მოვა და აიღებს ქუთაისს, ქვასაც არავინ ესვრისო, რეზო ჭეიშვილმა. ეს ხუმრობა არ გახლდათ. სიმართლე იყო.

გვიან ღამით გულმკვდარნი დავბრუნდით თბილისში.

ღამის თბილისს არაჩვეულებრივი, საზეიმო ელფერი ჰქონდა.

ღამის რესტორნებში თავდაუზოგავად ქეიფობდნენ „ბიძები“ უასაკო მქდავებით მუხლდამშვენებულნი.

იქ, ზუგდიდთან კი ამ დროს 40 000 კაცი შიმშილით კვდება.

შევარდნაძეს ვურჩიე, მშვიდობიანი სვლით, უცხოელ ყურნალისტთა თანხლებით დავაბრუნოთ ეს ხალხი თავის მიწაზე, მეც გვერდით დაგიდგებიო-მეთქი.

რჩევისთვის მადლობა მითხრა, მაგრამ ასეთი ნაბიჯისგან თავი უნდა შევიკავოთ, უსაფრთხოების გარანტია არა გვაქვსო.

ვინ მოგვცემს უსაფრთხოების გარანტიას?



დრო კი გარბის. გაივლის ზაფხული და ეს ჩაუცმელ-დაუხურავი, მიუსაფარი ხალხი დაგვეხოცება.

ვინ აგებს პასუხს?  
არავინ.

6/VII-18/VIII 98

დაიძაბა ურთიერთობა თბილისსა და ბათუმს შორის.

ასლან აბაშიძემ ბათუმში აღორძინების (ფაქტიურად ყველა ოპოზიციური ძალის) ყრილობა ჩაატარა.

პრესამ ეს ამბავი აჭარის დაკარგვის ნიშნად აღიქვა. შევარდნაძე ჯერ-ჯერობით გარეგნულ სიმშვიდეს ინარჩუნებს.

„ლიტერატურულ საქართველოში“ და „ასავალ-დასავალში“ დაბეჭდე ნერიოლები, სადაც მკითხველს ვესაუბრები გალის ტრაგედიაზე და ბრალს ვდებ საქართველოს ხელისუფლებას უმოქმედობაში, პოლიტიკურ სიბეცეში. ხოლო შევარდნაძეს ხელმოცარული პრეზიდენტი ვუნოდე.

ჩანს, ენყინა ბატონ ედუარდს ეს „ეპითეტი“ და ამას წინათ რესპუბლიკურ თათბირზე (ფაქტიურად „აქტივის კრება“) მიპასუხა: ერთმა მწერალმა ხელმოცარული მინოდა, მაგრამ მე დავამტკიცებ, რომ ხელმოცარული არა ვარო.

ნეტავ, მართლა დაამტკიცებდეს.

გაერომ არ სცნო გალის მოვლენები ქართველთა გენოციდად.

არა გვყავს, არა, პატრონი იმ უბრალო მიზეზის გამო, რომ საქართველოს ხელისუფლება არ ამბობს სიმართლეს იმის შესახებ, თუ ვინ წაგვართვა აფხაზეთი და სამაჩაბლო.

შევარდნაძემ კვლავ გაუგრძელა რუსებს სამშვიდობო მანდატი.

ქართული ჯარის დადელღებას საზღვარი არა აქვს. ახლახან, აგვისტოს შუა რიცხვებში, 25-მა სომეხმა ახალქალაქში მანევრების ჩასატარებლად მიმავალ ქართულ ბატალიონს გზა გადაუკეტა და არ შეუშვა ახალქალაქში. შეშინებული ჩვენი ბატალიონი ფაცხაფუცხით გამოიქცა ახალციხისკენ. ამ სამარცხვინო ფაქტის გამო გუბერნატორი გიგლა ბარამიძე ამბობს, დიდი გონიერება გამოვიჩინეთ, არ აყვეყით „პრავაკაცის“ და სხვაგან ვატარებთ მანევრებსო.

ესეც ასე... შევარდნაძის ბრძნული პოლიტიკის შედეგად ჯავახეთიც დაკარგეთ. სომხებმა ახალქალაქის გზა გადაგვიკეტეს.

იმის მაგივრად, რომ ალყაში მოექციათ და შეებოჭათ ოცდახუთივე თავდამსხმელი, ჩვენ გაცლა ვამჯობინეთ.

„არსაიდან ხსნა“, როგორც პოეტი იტყოდა.

„დროს“ ორგვერდიანი ინტერვიუ მივეცი – ჟურნალისტმა დალი ჩიკვაიძემ (ლამის პირველი შემთხვევა) ზუსტად ისე დაბეჭდა, როგორც ვილაპარაკე.

ერთი კვირა გავატარე მუხათნყაროში.

სამი ნოველა დავენერე.

რუსთაველის პრემიის მიღების შემდეგ კალამი მემძიმება ხელში. ყოველ სიტყვას ათასნაირად ვწონი და ვზომავ.

დღეს, 18 აგვისტოს, რეზო ჩხეიძის (კინოსტუდია) კაბინეტში შევი-

კრიბეთ. ყოველთა ქართველთა მსოფლიო კონგრესი აწყობს ექვსდღიან მოგზარუობას ტაო-კლარჯეთსა და კაბადოკიაში. სიამოვნებით დავთანხმდი დელეგაციის წევრობაზე. ოშკის, ხახულის, ხანძთას, შატბერდის, ოპიზას... ნახვა ხომ ჩემი დიდი ხნის ოცნებაა. ჯერ მწერალს ტაო-კლარჯეთში, მგონი, არ გაუვლია, უკანასკნელ ასწლეულში. ვნახავ, როგორ „უვლიან“ თურქები ქართულ ისტორიულ ძეგლებს.

გავდივართ 20 აგვისტოს.

19/VIII-3/X 98

რეზო ჩხეიძემ, არჩილ მინდიაშვილმა (სამების ტაძრის ხუროთმოძღვარი), მე და ისტორიკოსმა ქეთი აბაშიძემ მოვიარეთ ტაო-კლარჯეთი და კაბადოკია.

კაბადოკია მარშრუტს სპეციალურად დავამატეთ, თურქეთის ხელისუფლების თვალისასახვევად, რაკილა თურქები მარტოოდენ ქართული ძეგლების დათვალიერების უფლებას არ იძლევიან. ტურისტულ-სამარშრუტო რუკაზე ტაო-კლარჯეთის მონასტრები საერთოდ არ ჩანს. თითქოს ისინი არც არსებობდნენ.

გული მომიკვდა ძველი, სახელოვანი საქართველოს ხილვით. თურქეთის მიერაა მიტაცებული დღეს ზუსტად მესამედი საქართველო. ამ მიწების დაბრუნების იმედი, ალბათ, ასიდან ორი პროცენტიან, მეტი არა. ტაო-კლარჯეთს კი არა, აგერ რუსეთის მიერ გუშინ წართმეულ აფხაზეთ-სამაჩაბლოსაც ვერ ვიბრუნებთ.

ახლა კი ხახული მეჩეთადაა გადაკეთებული. იშხანი შუაზეა გატინხრული სხვადასხვა საყოფაცხოვრებო დანიშნულების სათავსოებად, ოშკზეც ტუალეტები და საწყობებია მიშენებული. ბანა მინასთანაა გასწორებული, შატბერდში თივა ჰყრია და საქონლის სადგომადაა ქცეული. ასევე საქონლის სკორეთია საგვე გენიალური ოთხთა ეკლესიაც. ხანძთა საერთოდ იავარქმნილია.

ქართული წარწერებით დახუნძლულ ბევრ ტაძარზე სომხური აბრა გაუკრავთ და აწერია: სომხური კულტურის ძეგლიაო. თურქს ქართული ასოები დავანახე და ავუხსენი, სომხებს ამ ძეგლებთან არავითარი კავშირი არა აქვთ-მეთქი. ჩამოგლიჯა სომხური აბრა და მოისროლა. თუ თქვენი, გურჯებისაა, რატომ არავინ მოდის, არ პატრონობს, აქ სულ სომხები მოდიანო. რა დასამალია, ჩვენ სომხები უფრო გვძულს, ვიდრე ქართველები (ვინ უფრო უყვართ, არ უთქვამს).

დავუარე და ხელით ავაგლიჯე ოთხთა ეკლესიას ათასწლის ხაცის და ბალახი, ასე რომ მოსდებია მის წმინდა სხეულს.

უკან დაბრუნებისას რეზო ჩხეიძემ და მე ართვინში შევიარეთ.

ართვინის ვილაიეთის ხელმძღვანელს მიღება ვთხოვეთ.

მიგვილო.

ჩვენ ყოველთა ქართველთა მსოფლიო კონგრესის ხელმძღვანელები ვართ, იქნებ ართვინში ქართულ წერა-კითხვის შემსწავლელი საკვირაო სკოლა გაგვეხსნა-მეთქი.

ატრიალა კრიალოსანი ხელში ეშმაკმა თურქმა. ვისთვის გინდათ ეს სკოლაო, აქ ხომ ქართველები აღარ ცხოვრობენო.

არა და ართვინის ყოველი მერე თუ არა, ყოველი მესამე მცხოვრები გურჯია.

იქნებ თურქებს გაუჩნდეთ სურვილი ქართული წერა-კითხვის შესწავლის-მეთქი.

არა მგონიაო.

ჩვენთან, თბილისში, თურქული კოლეჯი გაიხსნა და მას დემირელის კოლეჯი ჰქვია. იქნებ აქაც გაგვეხსნა საკვირაო სკოლა-მეთქი.

სხვა არა იყოს რა, უხერხულია. რასაც მე ახლა თქვენ მოგახსენებთ, შევარდნაძე-დემირელის ერთობლივ განცხადებაშია-მეთქი ჩადებული.

იფიქრა, იფიქრა, სადღაც გადარეკ-გადმორეკა და ბოლოს ღიმილით გამოგვიცხადა: თურქეთის მხარე თანახმაა, ოღონდ ამას პრეზიდენტის, საგარეო საქმეთა სამინისტროს და განათლების სამინისტროს ბარათი დაჭირდებაო.

გახარებული გამოვედით ვილაიეთის გუბერნატორის კაბინეტიდან.

მე და ბატონი რეზო სიხარულით ერთმანეთს ვეხვეოდით.

22 აგვისტო ისტორიული დღეა. ამ დღეს რეზო ჩხეიძემ და მე საფუძველი ჩავეყარეთ ქართული საკვირაო სკოლის გახსნას თურქეთში.

პირველ სექტემბერს სწავლა ჩვეულებისამებრ დავიწყეთ.

სწავლა არ დაწყებულა ზუგდიდში და მის ახლომახლო სოფლებში, რაკილა სკოლებში ლტოლვილები ცხოვრობენ.

26 სექტემბერს ალექსანდრე ყაზბეგის დაბადების 150 წლისთავის იუბილე გავმართეთ ყაზბეგში.

მწერლებიდან თ. წიფნივაძემ, გ. ბენაშვილმა და მე ვთქვით სიტყვები.

ვრცელი სიტყვით გამოვიდა შევარდნაძე.

დაპირდა მოხვევებს, ამ საუკუნის ბოლომდე აფხაზეთს და სამაჩაბლოს დავიბრუნებო.

მერე გუდაურში ათკაციან ბანკეტზე სამი საათი იჯდა ჩვენთან შევარდნაძე.

მწერლებთან მუსაიფს მონატრებული ვარო.

ბევრი ვისაუბრეთ საქართველოს ბედზე.

ვიხუმრეთ კიდევ.

შევარდნაძეს იუმორის გრძნობა აქვს.

ხშირად იცინის და სასაცილო ამბებსაც კარგად ჰყვება.

4/X – 30/X

ოცდამეთხუთმეტე შოთაობაზე ვიყავი იყალთოში.

აკადემიის რექტორმა, გოგი შათირიშვილმა, როგორც იყალთოს საპატრიო მოქალაქეს, რუსთაველის პრემია მომილოცა.

კარგი ვაჟკაცია გოგი შათირიშვილი. ოცდამეთხუთმეტი წელია, სათავეში უდგას დიდ ეროვნულ საქმეს – იყალთოს აკადემიას. უანგაროდ, დიდი რუდუნებით, მაღალ დონეზე ატარებს სახალხო ზეიმს – შოთაობას.

წელს იყალთოს საპატრიო მოქალაქეებად აირჩიეს ანა კალანდაძე, ლადო მრელაშვილი და ისტორიკოსი რამინ რამიშვილი.

ლევან სანიკიძეს და მე შეხვედრა გვქონდა თბილისის 124-ე საშუალო სკოლაში.

როგორც იქნა, შევავროვეთ გალაკტიონის ბინის გამოსასყიდი თანხა და გადავეცით მოქალაქე ქიშვარდ ცირეკიძეს. დავუთქვით, ერთ თვეში უნდა დაგვიცალოს ბინა.

ოც ოქტომბერს გვაცნობეს, ბატონი ქიშვარდი ავად გახდა და საოპერაციოდ ერევანში წაიყვანესო.

ხომ ცირკი იქნება, ერევნიდან დაბრუნებულმა ქ. ცირეკიძემ გვითხრას, ერევანში თქვენი ფული შემომხეხარჯა და რაკილა ბინას ვერ ვყიდულობ, ბუნებრივია, ვერც დაგიცლით. ამიტომ განუსაზღვრელი ვადით მადროვეთო.

შეიძლება, გული გამისკდეს, ასე მგონია, წვიმაში გარეთ დარჩენილი გალაკტიონი თავის ბინაში შეშვებას მთხოვს.

19 ოქტომბერს საქართველოში შემადრწუნებელი ამბავი მოხდა.

სენაკის სამხედრო ნაწილის უფროსმა, აკაკი ელიავამ, 17 ტანკი, ოცდ-აორი „ბეტერი“ და სხვა საბრძოლო ტექნიკა ქუჩაში გამოიყვანა და აღმოსავლეთისაკენ დაიძრა. ამბოხებულ სამხედროთა მოთხოვნა: გადადგეს შევარდნაძე და დაბრუნებულ იქნას საქართველოს კანონიერ ხელისუფლება. აიღეს აბაშა, სამტრედია და ქუთაისის მოადგენენ. ხონთან კოლონას გუბერნატორი თემურ შაშიაშვილი და უშიშროების მინისტრი ჯემალ გახოკიძე გადაუდგენენ.

ხანგრძლივი მოლაპარაკება იმით დასრულდა, რომ აკაკი ელიავამ ბრძანება გასცა, უკან გაბრუნებულიყვნენ, რაკილა მთავრობა ცეცხლის გახსნით იმუქრებოდა.

შეტრიალდნენ სენაკისკენ ტანკები და ამ დროს გაუგონარი ამბავი მოხდა: თავდაცვის მინისტრმა „ამბოხებულებს“ ცეცხლი გაუხსნა.

ელიავამ ბრძანა, დაბრუნდით სენაკშიო და თვითონ რამდენიმე თანამზრახველთან ერთად ტყეს მისცა თავი.

ასეთი „მოლაპარაკება“ ვიცით ჩვენ.

საკუთარ ხალხთან ბრძოლაში მაგრები ვართ.

ამბოხებულები ხომ შეტევაზე არ მოდიოდნენ. რა საჭირო იყო სროლა, მითუმეტეს, მოლაპარაკების შემდეგ.

თუ ასეთი მარჯვე არმია გვყავდა, რატომ გამობუნძულდნენ ზუგდიდიდან. რატომ ვერ გასცეს პასუხი აფსუა ნაძირლებს?

ნუთუ, ჩვენ ჯარი „ზვიადისტების“ დასარბევად და საკუთარი ხალხის დასახოცავად გვინდა.

ამ შეტაკებაში დაილუპა ოთხი მეომარი. დაიწვა ოთხი ტანკი. ნუთუ, არ შეიძლებოდა ოცი წლის მოტყუებული ყმანვილების უსისხლო განიარაღება.

„ბაქო ჯეიჰანის“ ნავთობსადენზე ხელმოწერა 29 ოქტომბერსაც ჩაიშალა.

ამბობენ, რუსებმა და სომხებმა იმოქმედეს, რათა ხელშეკრულება ჩაშლილიყო.

კიდევ ერთი კრახია ეს ჩვენი ხელისუფლების.

რომ იტყვიან, საქართველოს ბედი არ სწყალობს.

31/X-10.XII

საქართველოში შიმშილი მძვინვარებს.

ყოველ ფეხის ნაბიჯზე ხელგანვდილი მათხოვრები დგანან.

ქუჩა სავსეა უპატრონო ბავშვებით და უსაკო მეძავეებით.

დაინყო ლარის ინფლაცია.

ხელოვნურად შეკავებულმა ლარმა, რომელსაც საქვეყნო, სასაქონლო საფუძველი არ ამაგრებდა და მატყუარა ხელისუფლებამ ლამის ლარს გაუტოლა, სადინარი იშოვა და ელვის სისწრაფით დაემუა.

ამ გარემოებამ ყველაფრის გაძვირება გამოიწვია.

მთავრობა ქვეყანას კვლავდაკვლავ უტიფრად ატყუებს.

ცრუ იმედებით კვებავს.

რვა თვეა, ხელფასები და პენსიები არ დარიგებულა.

შეშინებული, მაგრამ ილაჯგანყვეტილი ხალხი ქუჩაში გამოდის პატარ-პატარა ჯგუფებად. პოლიცია ათიოდე კაცს ერთად მდგარს რომ შენიშნავს, მივარდება და რეზინის ხელკეტებით თავ-პირს უსისხლიანებს.

აკრძალულია მიტინგები...

ასე იცავენ შევარდნაძის რეჟიმს, მაგრამ როდემდე?

სრული კრახი განიცადა ჩვენმა საგარეო პოლიტიკამ.

აკლებული იყო რადიო-ტელევიზია, ნოემბრის ბოლოს შევარდნაძე სოხ-უმში ჩავა, არძინბასთან ერთდა ხელს მოანერს შეთანხმებას, რის საფუძ-ველზეც ყველა ლტოლვილი თავის კერას დაუბრუნდებო.

როგორც მოსალოდნელი იყო, 21 ნოემბერს შევარდნაძემ გამოაცხადა, არძინბასთან შეხვედრა გაუკვეველი დროით გადაიდო.

კიდევ ერთხელ გადაესხა ცივი წყალი დაჩაგრულთა იმედებს.

დაინყო გრძელი წვიმების პერიოდი.

ცივა.

წვიმაში ალაგ-ალაგ თოვლიც გაერევა.

ზუგდიდიდან მაცნობეს, რომ გალიდან გამოდევნილები საშინელ დღეში არიან.

წარმოიდგინეთ ამ სიცივე-სინესტეში კარავში ყოფნა.

ხელისუფლებამ ხელი დაიბანა.

ვილაცამ ზუგდიდის საგუბერნატორო შენობა ააფეთქა, რასაც უმწეო, უპატრონო დედა-შვილი შეეწირა.

არა მგონია, იმ საცოდავი, ლტოლვილი დედა-შვილის მოსაკლავად ყო-ფილიყო გამიზნული ეს აფეთქება.

ჩატარდა ადგილობრივი ხელისუფლების, საკრებულოთა არჩევნები.

მიუხედავად მოქალაქეთა კავშირის ენერგიული ცდისა, ერთხელ კიდევ თვალში ნაცარი შეეყარათ ამომრჩეველთათვის, ამჯერად ხალხმა „მმართველ პარტიას“ უნდობლობა გამოუცხადა.

მოსახლეობის 62 პროცენტი არჩევნებზე საერთოდ არ გამოცხადდა.

„მოქალაქეებს“ თვით მოქალაქეთა კავშირის წევრებმა და შტრეიკბრეხ-ერებმა მისცეს ხმა (სულ 19%).

გაიმარჯვა ოპოზიციამ.

ახლა მთავარია, ოპოზიცია ერთ მუშტად შეიკრას, რისი იმედიც არ მაქვს.

ეროვნულ მოძრაობას სძინავს.

ეროვნული მოძრაობის ლიდერებმა დიდი კაბინეტები გაიკეთეს და თა-

ვიანთ გაგვიმულსახოვან სურათებს აკრავენ ლობე-კედლებზე.

ახლაო, ამბობენ, ქუჩაში გამოსვლის (“ქუჩის აქციების”) დრო არ არისო.

არ „სიამოვნებთ“ რეზინის ფოხი კისერზე.

ესენი ქვეყანას ვერ უშველიან.

ახალგაზრდები?

ყველაზე სამარცხვინო დღეს საქართველოში ახალგაზრდობის დიდი ნაწილია.

გართობა, დროსტარება, ცეკვა-თამაში, ნარკოტიკი – ესაა დღეს ახალგაზრდობის მთავარი საქმე.

ვაი, ჩვენს დღეს, ასეთი ახალგაზრდობის ხელში.

ასე როგორ მოწამლეს, ასეთი რა ბანგი ასვეს ახალგაზრდობას.

ამ დღეებში ორი შეხვედრა მქონდა მკითხველებთან.

ჯერ თბილისში „მცირე აკადემიის“ სტუდენტ-მასწავლებლებს შევხვდი (გ. საითიძე – დეკანი).

მერე სიღნაღის უნივერსიტეტის წარმომადგენლებს (გ. ნადირაშვილი – რექტორი).

გულახდილად ვუთხარი ახალგაზრდებს – თქვენს ადგილას მე შემრცხვებოდა-მეთქი.

რამ გაგიცივავთ გული, რამ დაგადედლათ, რამ დაგაცვედნათ-მეთქი ასე.

ახლა აფხაზეთის გამოსხნის ლაშქრის შეგროვება რომ გამოვაცხადო მე, დარწმუნებული ვარ, თქვენგან ორი კაციც არ ჩაენერება-მეთქი.

ისხდნენ თავჩაქინდრული.

და მაინც მჯერა, რომ ილია ჭავჭავაძის, აკაკი წერეთლის ქვეყანა „არ მომკვდარა, მხოლოდ სძინავს და ისევე გაიღვიძებს“.

აფხაზეთი, სამაჩაბლო...

რაც დრო გადის, დღითიდღე ვშორდებით საქართველოს ამ ორ მოჭრილ ძუძუს.

კვლავ სადისტურად გვანამებს, გვამაიმუნებს რუსეთი.

ერთადერთი ლამპარი ბჟუტავს იმედისა – პარტიზანული მოძრაობა.

ამასწინათ პარტიზანებმა სამი გალელი პოლიციელი, სადამსჯელო ექსპედიციის სამი წევრი გამოასალმეს სიცოცხლეს.

ჩვენმა ხელისუფლებამ მაშინვე „რეაგირება გააკეთა“.

„საჭიროა, ქართველებმა და აფხაზებმა გაერთიანებული ძალით ვებრძოლოთ პარტიზანთა ბანდიტურ დაჯგუფებებსო“.

აბა რა, არძინბას და რუსეთს ხომ არ ვაწყენინებთ.

9 დეკემბერს აფხაზეთიდან ლტოლვილთა შეკრებაზე დამიძახეს.

თამაზ ნადარეიშვილმა განაცხადა, დროა, შევექმნათ პოლიტიკური მოძრაობა: „აფხაზეთის განთავისუფლების კავშირი“ და ბედნიერი ვიქნებით, თუ ბატონი რევაზ მიშველაძე ჩვენთან იქნებაო.

უყუყუმანოდ დავეთანხმე.

მე, რევაზ მიშველაძე, თუ რომელიმე პარტიაში შევალ, ეს იქნება მხოლოდ „აფხაზეთის გათავისუფლების ფრონტი“-მეთქი.

მოკრძალებით შემომპარეს, „ფრონტის“ თავმჯდომარის (თ. ნადარეიშვილი) მოადგილედ გიპირებთ არჩევასო.

ჩემი წიგნი „უახლესი ქართული ლიტერატურის ისტორია“ ერთ თვეში ათასი ცალი გაიყიდა.

მოდინ, მთხოვენ, არც ერთი ცალი აღარ დამრჩა.

თუ ღმერთმა დამაცალა, იქნებ ათასი ცალი კიდევ ჩამოვაბეჭდვინო სტამბას.

ძვირი ჯდება ქალაღი.

არა და ძალიან მინდა, საქართველოს უმაღლეს სასწავლებლებში დაინერგოს ეს წიგნი.

შევეცადე, იგი ეროვნული პოზიციით დამეწერა.

განსხვავებით სხვა სახელმძღვანელოთა ავტორებისგან, მეოცე საუკუნის ყველა მწერალს მოვუძებნე ისეთი ნაწარმოებები, რომლითაც ავტორი ეროვნული ბრძოლის მონაწილედ მოიაზრება.

სხვანაირად არც შეიძლება ყოფილიყო.

ქართველი მწერალი იმ დღიდანვე რჩება საქართველოს გათავისუფლებისთვის ბრძოლაში, რა დღიდანაც პირველი ქართული მხატვრული ნაწარმოები დაიწერა.

ჩვენი ერის ცხოვრების სტილი ხომ გამუდმებული ბრძოლაა გადაღმთიელთაგან თავის დასაცავად.

მწერალი კი ერის სულიერი ბელადი და მეზარახტრეა.

ამიტომ სასაცილოდ მეჩვენება ზოგი თავგახურებული პოლიტიკანის მტკიცება, ეროვნულ-გამათავისუფლებელი მოძრაობა საქართველოში XX საუკუნის 80-იანი წლებიდან დაიწყო.

სინამდვილეში ფარნავაზ მეფის დროიდან დაიწყო (სამწუხაროდ, ჩვენი ისტორიული ხედვა უფრო იქეთ ვერ წვდება) და დღემდე გრძელდება.

თბილისის მერია ოპოზიციამ „დაიპყრო“.

ქალაქის საკრებულოს თავმჯდომარედ ლეიბორისტი ლადო კახაძე აირჩიეს, გამიხარდა

გაცოფებულმა მოქალაქეთა კავშირმა ქალაქის საკრებულოს სასამართლოში უჩივლა; საკრებულოს თავმჯდომარის არჩევა წესის დარღვევით მოხდაო.

ასე იბრძვიან „მოქალაქენი“, ასეთი ობიექტურნი და ინტელიგენტურნი არიან ისინი.

თბილისში ეროვნული ბრძოლის დროშას მანანა არჩვაძე-გამსახურდია აფრიალებს. მხოლოდ ქალბატონი მანანა თავისი მცირე რაზმით გამოდის ქუჩაში, აწყობს საპროტესტო აქციებს და ხელისუფლების რისხვასაც ეს უმიმართ ქალი თავის თავზე იღებს.

უმონყალოდ არბევენ, ამცირებენ, სცემენ ყოველდღიურად ზვიადის-ტებს.

მოჰკლეს კიდევ ცემით ზვიადის ხელისუფლების ერთ-ერთი წარმომადგენელი – ნუგზარ ლეჟავა (ენერგეტიკის მინისტრის მოადგილე), მოჰკლეს და მერაბ კოსტავას ეზოში დააგდეს.

მერე „გამოძიება“ დანიშნეს და „გაირკვა“, რომ თურმე ნუგზარ ლეჟავა მერაბ კოსტავას ეზოში ხიდან ჩამოვარდნილა, ეს მაშინ, როდესაც, როგორც



ამბობენ, გვამს აშკარად ეტყობოდა ცემის კვალი.

ზვიად გამსახურდიას გარდაცვალების ხუთი წლისთავის აღსანიშნავი მიტინგის მოწყობის მცდელობისას კვლავ დაარბიეს მომიტინგენი, ავტობუსებში შეტენეს, ქალაქიდან ოცდაათ კილომეტრზე გაიყვანეს, სცემეს და თოვლიან მინდოზე დააგდეს.

ხელისუფლება კვლავ ძველებურად მიერეკება.

„იყიდება საქართველო!“ ყველაზე აქტუალური დღეს ნიკო ლორთქიფანიძის ეს სიტყვებია.

საშინელი კანონით გადამთიელებზე იყიდება ქართული მინები. ვნერთ ამის თაობაზე კოლექტიურ განცხადებებს, მაგრამ ყურსაც არავინ იბერტყავს.

„პრივატიზაციის“ მგლური პრინციპით თითო-ოროლა ყაჩაღმა დაისაკუთრა საქართველოს მთელი სიმდიდრე: ნიალისეული, ქარხნები, შენობები... ახლახან გაიყიდა „თელასი“. საქართველოს სინათლე გაუყიდეს.

„ასავალ-დასავალში“ რომელიღაც კახელი მასწავლებელი აცხადებს: „რატომ ხმას არ იღებთ, სადა ხართ, მუხრან მაჭავარიანო, აკაკი ბაქრაძევ და რევაზ მიშველაძევო“.

მე, ჩემდა თავად, ხმასაც ვიღებ და მეტსაც ვშერები, მაგრამ ვის ესმის. ახლახან ორი ვრცელი ინტერვიუ დავბეჭდე „მეოთხეში“ და „ქალი და მამაკაცში“. ვამხილე საქართველოს დამლუპველნი.

„ლიტერატურულ საქართველოში“ დავბეჭდე ნოველა „რატომ? რატომ?“ სადაც პირდაპირ ჩამოვგლიჯე ნიღაბი იმას, ვინც აფხაზეთი და სამაჩაბლო წაგვართვა – რუს დამპყრობელს.

და მაინც, მგონია, რომ ეს არ არის საკმარისი.

საქართველოს უილაჯობისგან სასონარკვეთილი თითებს ვიკვნეტ და მი და მო ვასკდები.

მთავრდება 1998. კიდევ ერთი უბედური წელი ამ მრისხანე ათასწლეულისა...

გამოდიან ტელევიზიით ხელისუფლების წარმომადგენლები და უტიფარი ღიმილით აუწყებენ ხალხს, რომ 1998 წელს ქვეყანა მათი მეცადინეობით „ჩიხიდან გამოვიდა“, რომ არაერთი სამშვიდობო მოლაპარაკება საქართველოს სასარგებლოდ დამთავრდა და 1999 ახალი გამარჯვებების წელი იქნება.

ამ დროს ორმოციათასი ლტოლვილი ზუგდიდის შემოგარენში კარვებში ათენ-ალამებს, სიცივითა და შიმშილით კვდება.

ბათუმიდან ჩამოვიდა ჩემი მეგობარი, მწერალი იური ბიბილიევილი.

იური ნატანჯი კაცია, კარგა ხანს კომუნისტების ციხე ახეხინეს, როგორც პოლიტიკურ პატიმარს. დღეს პარლამენტის წევრია და უარს აცხადებს „უვანიას პარლამენტში“ მუშაობაზე. არავითარი სალი აზრი პარლამენტში არ გადისო, მოქალაქეთა კავშირი რასაც უნდა, იმას აკეთებსო.

31 დეკემბერს შევარდნაძემ რუსთაველის პრემიის დიპლომები და სამკერდე ნიშნები გადმოგვცა.

სიტყვა მთხოვეს. დაახლოებით ათ წუთს ვილაპარაკე. ჩემს უმთავრეს ფუნქციად რუსეთის კლანჭებისგან საქართველოს გამოხსნისათვის ბრძოლა მიმარჩნია-მეთქი.

„მომბეუმი“ იმ ათი წუთიდან მხოლოდ ნახევარი წუთი დატოვეს.

ეგ არაფერი.

სანამ პირში სული მიდგას, ჩემს საქმეს არ ვუღალატებ, საქართველოს გამოღვიძებისა და ეროვნული დროშის ქვეშ დარაზმისათვის სულსაც არ დავიშურებ.

მსოფლიო ჯერჯერობით სდუმს, ნაბიჯსაც არ დგამს საქართველოს გადასარჩენად.

სჯიჯგინს საქართველოს ეროვნულ სხეულს პირსისხლიანი რუსი და საქართველოს მარიონეტული ხელისუფლება.

რა იქნება ხვალ?

„მაღე გათენდება? ღამე საზიზღარი?!“

1/1-1/1 99

საქართველოს ხელისუფლებამ კიდევ ერთი გაუგონარი ღალატი ჩაიდინა. 1999 წლის 14 იანვრიდან ძალაში შევიდა პარლამენტის მიერ მიღებული და პრეზიდენტის მიერ ხელმოწერილი კანონი, რომელიც კრძალავს ეროვნების ჩანერას პიროვნების დამადასტურებელ საბუთებში (პასპორტი, პირადობის მოწმობა, დაბადების მოწმობა).

რაც ხუთი ათასი წლის განმავლობაში ვერ შეძლეს საქართველოს მტრებმა, რაც 70 წლის განმავლობაში ვერ მოახერხა საბჭოთა იმპერიამ „დამოუკიდებელი“ საქართველოს ხელისუფლებამ ერთი ხელის მოსმით გააკეთა – ქართველ კაცს ეროვნება დაუკარგა.

მე და გურამ მარაძე ჩაფუდექით სათავეში ეროვნულ მოძრაობას „საქართველო უპირველეს ყოვლისა“.

ვატარებთ მიტინგებს, პრესკონფერენციებს, თითქმის ყოველდღე ყველა გაზეთშია ჩვენი ინტერვიუები და ნერილები.

შევარდნაძემ გამოაცხადა, მეო, პარლამენტში წარვადგინე კანონპროექტი, სადაც ეროვნულობის გრაფას ყველგან ვტოვებდით. ვინ ამოიღო პარლამენტში, არ ვიციო. ვავალებ პარლამენტს ხელახლა განიხილოს ეს კანონპროექტი. თუ არ გაასწორებენ (ე.ი. ეროვნულობის გრაფას თუ არ დააბრუნებენ) კანონს ვეტოს დავადებო.

მეგონა, შევარდნაძე თვალთმაქცობდა.

არ შეიძლება-მეთქი, გურამს ვეუბნებოდი, პრეზიდენტის დასტურის გარეშე გაესწორებინათ მისი კანონპროექტი ფვანიას, ბურჯანაძეს, ჩიტაიას, სააკაშვილს და ლადო ჭანტურიას-მეთქი.

აღდგომა და ხვალეო, განხილვაზე გამოჩნდებო, ამბობდა გურამი.

პრეზიდენტის პარლამენტში გამოსვლამდე ერთი კვირით ადრე საპარლამენტო მოსმენა გაიმართა.

პარლამენტში „ელიტარული ინტელიგენციის“ მთელი ხროვა მოჯარდა. პირაქაფებულნი გაჰკიოდა პრეზიდენტის უახლოეს მეგობართა ის კოჰორტა, ვინც გვერდით ედგა რუსს 1991 წლის ნოემბერ-დეკემბერში და ხელს უშვერდა ზვიად გამსახურდიასკენ, რად გვინდა ეროვნულობაო.

ვერც ახლა ხვდები, რომ ეს ყველაფერი პრეზიდენტის მოწყობილია და თვით პრეზიდენცია მოთავე, რომ ქართველს ქართველობა ნაჰგვარონ-მეთქი, ვეუბნებოდი გურამს.

ახდა ჩემი წინათგრძნობა.

პრეზიდენტის შუამდგომლობით ხელმეორედ განხილვა გაურკვეველი დროით გადაიდო. შევარდნაძემ კიდევ ერთხელ გვიმოუხთლა და მის მიერ „შეცდომით ხელმონერილ“ კანონს ვეტო არ დაადო.

ასე რომ, 1999 წლის 14 იანვრიდან საქართველომ, როგორც ეროვნულ-მა სახელმწიფომ, არსებობა შეწყვიტა.

ავიკელი გაზეთები მოწოდებებით.

გამოვდივარ ტელევიზიის არასამთავრობო არხებით: მოფუნოდებ საქართველოს გაღვიძებისკენ.

აღშფოთებული ხალხი ქუჩაში მხვდება.

ყოველდღე მხამავს საქართველოს მთავრობის მიერ მოსყიდული მას-მედია.

რად გვინდა ეროვნება, რა დროს ქართველობაა ევროსაბჭოში შევდივართ, ეროვნებათა ინტეგრაცია ხდებაო.

ყელის გაგლეჯამდე ვყვირი, რომ ეს ყველაფერი ერთხელ უკვე იყო, რომ სოციალ-დემოკრატებმა წამოიწყეს საუკუნის გარიჟრაჟზე ეროვნებათა წაშლის კომპანია და რომ ამ ბრძოლას შეენირა ილია ჭავჭავაძე...

უტიფრად, უსაბუთოდ გვეკამათებინ „კოსმოპოლიტი“ ინტელიგენტები (მათ შორისაა, ჩემდა გასაოცრად, აკადემიკოსი ნოდარ ამალღობელი), ე.წ. „თავისუფლების ინსტიტუტის“ ენერგიული, მაგრამ აბსოლუტურად უვიცი ბიჭები და განსაკუთრებით ისინი, ვისაც „ქართველობაში“ თვითონვე უჭირს. დღედაღამ რეკავს ჩემი ტელეფონი.

საქართველოში სხვადასხვა კუთხიდან გვატყობინებენ (გურამს და მე), რომ ჩვენს გვერდით არიან, რომ ცოცხალი თავით არ დათმობენ ეროვნუ-ლობას! გვიგზავნიან ხელმონერებს. ერთსულოვნად გვიჭერენ მხარს იმერე-თი და აჭარა.

ჩემდა სამწუხაროდ, არაერთი პარტია განუდგა ილიას გზას და ეროვნუ-ლობის საზღვასმის წინააღმდეგია. კერძოდ სახალხო პარტია, ეროვნულ-დე-მოკრატიული პარტია, „ქარტია – 96“ და სხვ.

მხვდებიან იმ პარტიის ლიდერები და მორცხვად თვალს მარიდებენ, ან მათვალაიერებენ როგორც მეზობოური ერის ცხოველს.

პროვოკატორი კოსმოპოლიტები გაფუჭებული პატიფონივით იმეო-რებენ – რა დროს ვაჟა და ილიაა. სირცხვილია ეროვნულობაზე ლაპარაკიო. 27 თებერვალს ჩვენი მოძრაობის ყრილობა ჩავატარეთ.

ფილარმონიის დიდ დარბაზში ორი ათასამდე კაცი შეიკრიბა.

გურამმა გახსნა შთამბეჭდავი შესავალი სიტყვით.

მე მოხსენება წარმოვთქვი.

გამოვიდნენ გივი ჟორდანი, ლევან ფრუიძე, იაკობ ახუაშვილი, პაატა ცნობილაძე, სანდრო ნონეშვილი, გიორგი ივამრაშვილი, იზა ცნობილაძე, მერაბ თავაძე, ოთარ შალამბერიძე, ჯემალ ჯიქია, ომარ კვესიტაძე, მანუჩარ მაჩაიძე, იზა გოგიშვილი, ქერიმ ამოევი და სხვები.

ყრილობა ჭეშმარიტად ეროვნულ ძალთა დემონსტრაციად იქცა.

ოთხ საათს მიმდინარეობდა.

ბოლოს ჩემი წინადადებით მოძრაობის თავმჯდომარედ გურამ შარაძე ავირჩიეთ.

მუშტმემართული დარბაზი ერთხმად გუგუნებდა ახალ ჰიმნს.  
თვალცრემლიან ადამიანებს შინ წასვლა არ სურდათ.

შინ მოსულს სასიამოვნო ამბავი მაცნობეს – მომენიჭა მემედ აბაშიძის პრემია.

დადგენილებას ასლან აბაშიძე აწერს ხელს.

ჩემმა მეგობარმა მწერალმა იური ბიბილეიშვილმა ჩამომიტანა ბათუმიდან ეს ცნობა.

მამ ასე: მიღებული მაქვს საქართველოში არსებული ყველა პრემია: ნიკო ლორთქიფანიძის, დავით კლდიაშვილის, აკაკი წერეთლის, სახელმწიფო, შოთა რუსთაველის და მემედ აბაშიძის.

ამას სანეკროლოგო მასალად ვაწვდი მკითხველს და არა თავის მოსაწონებლად.

ოლონდ საქართველო მანახა მტერზე გამარჯვებული, ოლონდ საქართველო დამაბინავებინა XXI საუკუნეში თავისი ეროვნული სახით და აღაწერა დავეძებ.

გემო დაკარგა ჩემთვის, კარგახანია, ყოველმა ლიტერატურულმა გამარჯვებამ და სახელმწიფო ჯილდომ.

## 2/II-25/III 99

ხელისუფლებისადმი პროტესტის ნიშნად თავი მოიკლა ნიჭიერმა რეჟისორმა ილია ჩაჩანიძემ.

დატოვა წერილი, რომელიც რამდენიმე გაზეთში დაიბეჭდა („თვალთაი“, „კვირის პალიტრა“).

იმ წერილში ცხონებული ილია პრეზიდენტს მიმართავს – გადადექი, ხომ ხედავ, ქვეყანას ველარ უძღვები. ხალხი დაამშიე და გაალატაკე. ხელოვნება აღარავის სჭირდება. მე, როგორც რეჟისორმა ფუნქცია დავკარგე. იქნებ ჩემმა, როგორც ერთი ბატონის თავმენირვამ ერი ცოტა ხნით მაინც გამოაფხიზლოსო.

დამენანა. ილიას კარგად ვიცნობდი, ზრდილობით სავსე, მოყვარული ყმაწვილი იყო, სადიპლომო ნამუშევრად, მახსოვს ჩემი ნოველა გადაიღო („ვინ დამეძებს“). ამ ექვსი თვის წინათაც მოვიდა ჩემთან. თუ სპონსორი ვიპოვე, თქვენი ნოველების სრულმეტრაჟიანი ფილმის გადაღებას ვაპირებო.

თავის მოკვლა მაინც არ არის გამოსავალი.

ახალგაზრდა კაცი იყო, უნდა ებრძოლა. 1999 წლის 21 მარტს გალაკტიონის სახლ-მუზეუმი გავსვენით.

ახდა ჩემი ოცდაათწლიანი ოცნება.

დასრულდა ოცდაათწლიანი სიარული ხელისუფლების კიბეებზე და გალაკტიონის ბინის გამოსყიდვისთვის მათხოვრობა – ხელგანვდილი დგომა მინისტრებისა და ფულიანი ბიზნესმენების კარებთან.

ბოლო ორი წლის მანძილზე ორი კაცი ამომიდეგა გვერდით – თამაზ ნივნივაძე და მელორ ტყემელაშვილი.

რომ არა მათი ერთგული მცდელობა და ავტორიტეტი, ეს დიდი ეროვნული საქმე არ გაკეთდებოდა.

რა ბედნიერი ვიყავი ვერ წარმოიდგენთ, გალაკტიონის ნივთებს, ხელნაწერებს, ფოტოსურათებს რომ ვალაგებდით დამტკვერილი ყუთებიდან და კედლებზე ვაკრავდით.

სახლ-მუზეუმის გახსნაზე პრეზიდენტი მოვიდა და ვრცელი სიტყვა თქვა.

გამოვედით თამაზ წივნივაძე, მე, ლია სტურუა, ნოდარ ტაბიძე, სტუ-დენტი გიორგი მამაცაშვილი...

გალაკტიონი თავის ბინაში დაბრუნდა ორმოცი წლის შემდეგ.

გაზეთები ჩვენს სამეულს გმირებად გვაცხადებდნენ.

პრეზიდენტმა ამ „დამსახურებისთვის“ სხვებთან ერთად ღირსების ორ-დენით დამაჯილდოვა.

უარის თქმა უხერხული იყო, თანაც მეტიჩრობა გამომივიდოდა.

ოცდაათხუთს მარტს მივმართე ქართველ ერს. „ქართული ეროვნული სახ-ელმწიფოს გაქრობა სამი თვეა დაკანონდა... საქართველოში უკვე იბადებიან უეროვნებო ბავშვები და ერის გაქრობის პროცესი დაწყებულია... ხელისუ-ფლება კი ამას მშვიდად უმზერს-მეთქი.

პრეზიდენტი პარლამენტის ზოგი ეგზალტირებული წევრის ზენოლის ქვეშ არის და ვეტოს უფლებას რატომღაც არ იყენებს-მეთქი.

გამოფხიზლდეთ, ქართველებო, თორემ მერე გვიან იქნება „დღითი-დღე ვკარგავთ ძირითადი, ავტოქტონური ერის იურიდიულ და მორალურ უფლებას-მეთქი“.

შუალამისას “მესმის მესმის სანატრელის“ განწყობილება დამეუფლა, როცა მოვისმინე, რომ ნატომ როგორც იქნა გადადგა ნაბიჯი ბოსნიის და-საცავად სერბიის მიერ (და შესაბამისად რუსეთის) ოკუპაციისგან. სერბიაში რუსეთის სამხედრო ბაზებია.

ელცინმა კლინტონს თავისი აკანკალებული პარალიზებული თითი დაუ-ქნია, არ გაბედო ჩვენი ბაზების დაბომბვაო, მაგრამ დაბომბვა მაინც დაიწყო. რთულდება გაეროს მეშვიდე პუნქტი მშვიდობის ძალით დამყარების თაობაზე.

ახლა მაინც, ახლა მაინც დააჩოქებენ რუსეთს (როგორც აგრესორს) და მოფამფალებულ ისტორიულ კბილებს დააძრობენ.

რუსეთი ყოველგვარ პროვოკაციაზე წავა, მაგრამ მსოფლიო ომის დაწყებას მე მგონი, ვერ გაბედავს.

შეშინებული პრიმაკოვი ამერიკაში მიფრინავდა და შუაგზიდან უკან და-ბრუნდა.

ახლა კი ჩამესახა იმედი, რომ იქნებ დავუსხლტეთ იმპერიას და აფხა-ზეთ-სამაჩაბლოც დავიბრუნოთ.

ვნახოთ რა მოხდება ხვალ.

26/III-12/IV 99

„ნატო“ იუგოსლავიის სამხედრო ობიექტების დაბომბვას აგრძელებს.

ბევრი იყვირა რუსეთმა, ეს აგრესიაა, ჩენ იუგოსლავ ძმებს დავებმარე-ბით, არ მივცემთ ამერიკას იუგოსლავიასო, მაგრამ ყური არავინ ათხოვა.

როგორც ჩანს, დასავლეთს სურს მსოფლიო ომში ჩაითრიოს რუ-სეთიდა სამუდამოდ დასამაროს, მაგრამ რუსეთს ჯერჯერობით ჰყოფნის ჭკუა და ცოცხალი ძალით არ ეხმარება იუგოსლავიას. მარტო “მორალ-ური მხარდაჭერა“ კი იუგოსლავიას არ ჰყოფნის. “ნატოს“ ავიაციამ ყველა

სტრატეგიული ობიექტი, ყველა სამხედრო ქარხანა და ხიდი დაუბომბა იუგოსლავიას. ნატოს მოთხოვნა ერთადერთია – მოაწეროს ხელი მილოშევიჩმა სამშვიდობო ხელშეკრულებას კოსოვოსთან და შეწყვიტოს ალბანელი ხალხის გენოციდი.

ჯერჯერობით მილოშევიჩი საკუთარი სახელმწიფოს დანგრევის ხარჯზე “გმირულად” უარს ამბობს ბოსნიის გათავისუფლებაზე სერბი ოკუპანტებისგან.

ვნახოთ სანამ გაგრძელდება ასე.

საცხრააპრილო „ლიტერატურულ საქართველოში“ გამოვთქვი ჩემი აზრი ცხრა აპრილის მნიშვნელობაზე საქართველოს ისტორიაში. სხვათა შორის, იქვე გავიხსენე მწერალთა კავშირის მაშინდელმა ხელმძღვანელობამ რომ უარი თქვა კომუნისტური პარტიიდან გამოსვლაზე; ჩვენაო, ცკ-ს პლენუმის წევრები ვართ და მანდატებს იქ ჩავაბარებთო.

ისიც გავიხსენე, როგორ შევადგინე მანანა არჩვაძესთან ერთად ტექსტი და როგორ დავდიოდი ხელმოწერებზე ზვიად გამსახურდიას და ეროვნული მოძრაობის სხვა მოთავეთა ციხიდან გამოსახსენელად.

...მერე მათი გათავისუფლება ჩემს მეტმა ყველამ დაიბრალა.

იური ბიბილეიშვილმა „ლიტერატურულ საქართველოში“ ჩემზე თბილი, საქებარი წერილი გამოაქვეყნა.

ასევე ძალიან მომეწონა „ახალ საქართველოში“ დაბეჭდილი ცისანა ლლონტის რეცენზია ჩემს სახელმძღვანელოზე.

დარწმუნებული ვარ, რაც დრო გავა ამ სახელმძღვანელოს უფროდაუფრო ფასი დაედება.

სულ ათასი ცალი დაბეჭდეს. უკვე ბესტსელერად იქცა.

ოპერის თეატრში 31 მარტს ზვიად გამსახურდიას სამოცი წლისთავის იუბილე ჩატარდა.

მე არ დავსწრებივარ უმოსანვევობის გამო.

მოთხრეს ძალიან კარგად ჩატარდაო.

ფიქრობ, „შუმი ზვიადისტების“ გარდა ქალბატონ მანანას ჩემისთანა „ნეიტრალური“ პირებიც უნდა დაეპატიჟნა იუბილეზე.

დისერტაცია დაიცვა ჩემმა ასპირანტმა ირინე ინანეიშვილმა.

საბჭოზე გამოსვლის დროს ხაზი გავუსვი აკაკი პაპავას შესახებ სადისერტაციო ნაშრომის შექმნის ეროვნულ მნიშვნელობას. უკვე დროა მივხედოთ ჩვენს ე.წ. ემიგრანტულ ლიტერატურას-მეთქი. ასევე უნდა დაინეროს ნაშრომები შალვა ამირეჯიბზე, გიორგი გამყრელიძეზე, სიმონ ბერეჟიანზე, მინდია ლაშაურზე (კუჭუხიძე) და სხვებზე-მეთქი.

ჟურნალ „ცისკრის“ მეორე ნომერში დაიბეჭდა ჩემი ვრცელი საყმაწვილო მოთხრობა „ყველა ვარსკვლავი როდი ანათებს“.

ეს მოთხრობა 1959 წელს დაწერე თვრამეტი წლის ბიჭმა. წარვუდგინე „საბლიტგამს“ გამოსაცემად, მაგრამ ვილაცამ ისეთი საშინელი შინარეცენზია დაწერა, რომ გამოცემაზე ფიქრიც არ შეიძლებოდა.

ორმოცი წელი მედო უჯჯამი ეს „ანტისაბჭოთა“ მოთხრობა და ახლა, ზაურ კალანდიას კარგი ბიჭობით, ელირსა დღის სინათლე, „ლიტერატურულ აჭარას“ ჩემი ორი ახალი ნოველა დაუსტამბავს (№1).



ძალიან მაფიქრებს ასლან აბაშიძის და შევარდნაძის ურთიერთობა.

ამასწინათ ჩემი ინიციატივით თამაზ ნივნივაძე, ლევან სანიკიძე, ლია სტურუა და მე აჭარის წარმომადგენლობას ვენვით თბილისში.

იქ ვახტანგ რაზმაძემ საოცარი რამ გვაუწყა. აჭარის ხელმძღვანელობასთან გამოცხადებულა ვინმე კედელაშვილი, რომელსაც უთქვამს, თბილისში დამავალეს ასლან აბაშიძის მოკვლა და სათანადო ანაზღაურებასაც დამპირდნენო.

მე ეს არ მჯერა.

და თუ ეს მართალია, ცუდად ყოფილა ედუარდ შევარდნაძის საქმე.

ჩემს მონოდებას, შევარდნაძემ ვეტო დაადოს საქართველოს დამაქვევარ კანონს პირადობის საბუთებიდან ეროვნულობის გრაფის ამოღების შესახებ, შევარდნაძე დუმილით შეხვდა.

ნუთუ თვითონაც ქართველი ერის გაქრობის მომხრეა?

13.IV-26.V 99 წ.

ამერიკა იუგოსლავიას ძველებურად ბომბავს უკვე თვეზე მეტია.

განადგურა თითქმის მთელი სამხედრო ბაზები, სტრატეგიული ხიდე-ბიდა ელექტროსადგურები იუგოსლავიის ტერიტორიაზე.

მილოშევიჩი უკან არ იხევს. რა ენაღვლება პრეზიდენტს უბრალო ხალხის ქონება და სისხლი.

რუსეთი და ჩინეთი აფხაკურდნენ, მაგრამ ხმა ჩაიწყვიტეს.

ნატოსი ყველას ეშინია.

ამ ვითარებაში, როცა შუა ევროპაში ომის ხანძარი მძვინვარებს, უფრო საშიშია ქართული განძის საგამოფენოდ საზღვარგარეთ გატანა და ისიც კერძო ფირმის მეპატრონე ვინმე გუროვის ეგიდით.

ამ საკითხთან დაკავშირებით სტუდენტებმა შიმშილობა გამოაცხადეს. მივდივარ მათთან, ვესაუბრები, ვუნონებ გაბედულებას.

მეწვია „ახალი თაობის“ კორესპონდენტი გიორგი კვიციანი. ნიჭიერი ახალგაზრდა ჩანს. პირველად ვიგრძენი მასთან საუბრისას, რომ მელაპარაკება ჟურნალისტი, რომელსაც ჩემი რალაც მაინც აქვს წაკითხული.

საუბარი „ახალ თაობაში“ დაიბეჭდა.

შოთა ნიშნიანიძემ დაბადების 70 წლისთავის იუბილე გადაიხადა მეგობართა ვიწრო წრეში.

ვითამაღე. მისასალმებელი წერილიც დავწერე.

მეოცე საუკუნეში გალაკტიონის შემდეგ ქართულ პოეზიას შოთა ნიშნიანიძეზე დიდი პოეტი არა ჰყავს.

ავად არის ჩემი შოთა და გაფიქრებაც კი მზარავს იმისა, რომ შეიძლება რამე მოუვიდეს.

შოთა ნიშნიანიძე ჩემი უპირველესი მეგობარია.

ამასწინათ შოთამ „ლიტერატურული საქართველოდან“ შევარდნაძეს წერილი მისწერა. მადლობას უხდის საიუბილეო თარიღის მილოცვისთვის და იქვე დასძენს: სამწუხაროდ, შენ ჩემი პრეზიდენტი კი არა ბიზნესმენების და ბანკირების პრეზიდენტი ხარო.

გურამ შარაძე და მე გორში ვიყავით.

თეატრში კარგი შეხვედრა გაგვიმართეს.



თბილისში მრჩეველთა საბჭოზე იდგა სტალინის ძეგლის აღდგენის საკითხი. როგორც მოსლაოდნელი იყო, მარიკა ლორთქიფანიძემ და სხვებმა უარი თქვეს. კენჭისყრა გაიმართა და მხოლოდ სამი აღმოვჩნდით ძეგლის აღდგენის მომხრე, - გურამ შარაძე, თენგიზ ჯანელიძე და მე.

ამ გასხენებაზე გამოვიდა ნაპოლეონ ქარქაშაძის საინტერესო წიგნი „სტალინი“ ჩემი წინასიტყვაობით.

მომეწონა ბ-ნი ნაპოლეონის პოზიცია.

სტალინის ფენომენს ჩვენ უნდა განვიხილავდეთ როგორც მსოფლიო ფიგურის ფენომენს და მასთან ანგარიშის გასწორებას უნდა მოვეშვათ, ეს უკვე გააკეთეს რუსებმა.

სულხან-საბას უნივერსიტეტში აჩიკოს სახელობის სკოლამ (54-ე) ჩაატარა ბოცვაძეთა პედაგოგიური დინასტიის იუბილე. ფაქტიურად ნუნუ ბოცვაძის იუბილე იყო. ქ-ნი ნუნუ მართლაც დიდი პედაგოგია, ჩემმა შიომ ლექსი წაიკითხა.

იუბილის ჩატარებიდან ერთი თვის შემდეგ ნუნუ გარდაიცვალა.

გული ჩამწყვიტა მისმა გარდაცვალებამ. უნივერსიტეტის წინ უკვე გაიმართა ორი მიტინგი.

ჩანს, სტუდენტებმა გაიღვიძეს.

გურამ შარაძე და მე თელავის უნივერსიტეტმა მიგვიწვია. საინტერესო კითხვები მოგვცეს. გვიან ღამით დავბრუნდით თბილისში.

აღმფოთებული ვარ განათლების მინისტრის ალეკო კარტოზიას უზრდ-ელობით.

დავწერე XI კლასის ქართული ლიტერატურის სახელმძღვანელო, მივუ-ტანე მინისტრს, რვა თვე ედო მაგიდაზე და რომ მივედი, ბოდიშმოუხდელად მკითხა, რატომ არ წარმოადგინეთ ტენდერზე სახელმძღვანელო.

რა უნდა მექნა? უტიფარ მინისტრზე „საქართველოში“ დავწერე სტა-ტია: „აი, რა მინისტრი გვყოლია“. სტატია ვამთავრებ რესპუბლიკის პროკუ-რორის გაფრთხილებით. თუ სადმე შემხვდა, ყურს ავუწევ-მეთქი.

გარდამეცვალა დედის ბიძაშვილი კლავდია წერეთელი (პოეტ იორამ ქე-მერტელიძის დედა).

ვესაუბრე თავდაცვის მინისტრს დავით თევზაძეს და ეს საუბარი გამოვაქვეყნე კიდეც „ასავალ-დასავალში“.

21 მაისს სიტყვა ვთქვი აფხაზეთის უნივერსიტეტის იუბილეზე.

22 მაისს უშიშროებამ და შინაგან საქმეთა სამინისტრომ ათი შეთქმული დააპატიმრა. როგორც აცხადებენ, ისინი ტერაქტს აპირებდნენ შვედრდნაძის წინააღმდეგ.

არ ვიცი, რამდენად მართალია.

ექვი მეპარება 30 კაცი სხვადასხვა უწყებიდან იყოს ტერაქტის ჩამ-ფიქრებელი.

ხომ არ არის ეს მორიგი წმენდა?

25 მაისს სიტყვა ვთქვი კონსერვატიულ (მონარქისტული) პარტიის ათი წლისთავის იუბილეზე.

თბილად მოვისხენიე თემურ ყორყოლიანი.

დღეს 26 მაისია.

ამ სტრიქონებს დაღვრემილი ვწერ, არ მეზვიმება.

საქართველოს საქმე ამ ხელისუფლების ხელში დღითი-დღე უკან მიდის. დაიწყოს საარჩევნო დოლი და მოქალაქეთა კავშირი აცხადებს: ხმა მოგვეცით, თორემ დაიღუპებითო.

მეტს რაღას დავიღუპებით?

უარესი რა მოგვივა?

27.V – 5.VIII

10 ივნისს აჭარის წარმომადგენლობაში მიმინივეს და საზეიმოდ გადმომცეს მემედ აბაშიძის პრემია.

ჭურნალისტის კითხვაზე, რას გავალებთ ეს პრემია, ვუპასუხე: არაფერს-მეთქი. მე პრემიის მიღების შემდეგაც ისევე ვიბრძოლებ საქართველოს მთლიანობისთვის, ისევე გამოვექომაგები აჭარას (რა თქმა უნდა, სამართლიან ბრძოლაში) როგორც აქამდე ვექომაგებოდი-მეთქი.

გაიმართა ჟურნალ შარაძის პარტიის „საქართველო უპირველეს ყოვლისა“ პირველი ყრილობა.

გურამის შემდეგ მე გამოვედი და ცოტა არ იყოს, სკეპტიკურად შევხედე ამ პარტიის შანსს, თავისი წარმომადგენლები ჰყავდეს კარლამენტიში. ეროვნული პარტია როგორ არა ხართ, მაგრამ სწორედ მაგ ეროვნულობის გამო შეეცდებიან თქვენს გაშვებას, მოქალაქეთა კავშირი თავის პოზიციას არ დათმობს, ხმებს გააყალბებს-მეთქი.

მერე ვისაუბრე ჩემსა და რუს პოეტ ევგენი ევტუშენკოს შორის მომხდარ ინციდენტზე. თბილისში მყოფ ევტუშენკოს გრიბოედოვის თეატრში ერთ-ერთ შეხვედრაზე მოვავაღონე ჩვენი შვიდი წლის წინანდელი დიალოგი. მე, როგორც ქართველ მწერალთა დელეგაციის ხელმძღვანელმა, მოგინვიეთ პრესკონფერენციაზე, რასაც ქართველი მწერლები ვმართავდით ლიტერატორთა ცენტრალურ სახლში. ამ პრესკონფერენციაზე ვაპირებდით საუბარს რუსეთ-საქართველოს სამომავლო ურთიერთობაზე-მეთქი. თუ გახსოვთ, თქვენ გვიპასუხეთ, რომ განწყვიტეთ ყოველგვარი ურთიერთობა საქართველოსთან, რომელიც აფხაზეთის დამპყრობელი, აგრესორი აღმოჩნდა-მეთქი, მახსოვს, მერე რა გნებავთო, უკმეხად მიპასუხა, ახლაც იმ აზრის ხართ, თუ შეიცვალეთ აზრი-მეთქი. ახლაც იმას ვფიქრობ, რომ ორივე მხარე დამნაშავეა, განსაკუთრებით კი თქვენ – ქართველებიო. რა გინდოდათ, მშვიდობიან, მშრომელ აფხაზებს თავს რომ დაესხით და დაპყრობა დაუპირეთო. ვინ გითხრათ, რომ აფხაზეთი საქართველო არ არის-მეთქი, თქვენ ძალიან კარგად იცით, რომ არავითარი ისტორიული კავშირი არა აქვს აფხაზეთს საქართველოსთანო. ვერ მოვითმინე და „მსოფლიო მანანალა“ ვუწოდე. საცემრად გავინიე, მაგრამ არ გამიშვეს. გაზეთებმა კი მეორე დღეს დაწერეს, მიშველაძე რუს სტუმარს თავს დაესხაო, მესამე დღეს დღითი საქართველოს ტელევიზიით გამოვიდა ევტუშენკო და განაცხადა, მე, შესარიგებლად ჩამოსულს, მწერალი მიშველაძე თავს დამესხა, გვიან შევიტყვე, რომ მას აფხაზეთში ერთადერთი შვილი მოუკლეს და ეს რომ მცოდნოდა, უკმეხად არ დაველაპარაკებოდაო.

ნაძირალა ევტუშენკო, თურმე მე ჩემი შვილის გამო ვარ გაცხარებული. შენ დამნაშავე ერის შვილი ხარ-მეთქი მივახალე, რუსეთის ბრალია ყველაფერი-მეთქი, მაგრამ ჩემს ნათქვამს ყური არ ათხოვა.

მურმან ლებანიძემ „ლიტერატურულ საქართველოში“ გამოაქვეყნა ლექსი სამეგრელოზე. ქართულთან მეგრულო ენავე, ხმა აღარ ამოგელებაო – ნერს, თქვენ, მეგრელებმა, „დუმანს სიტყვა უქციეთ საქმედ, თქვენ სხვა აღდართ თქვენს მარტივ გლეხშიო“.

აღშფოთდა მთელი საქართველო ამ ლექსზე. დაინერა უამრავი გამოხმაურება. მეც ვერ შევიკავე თავი და „საქართველოში“ მაგრად მოვცხე „ხელმწიფის ნავში ჩამხტარ“ მგოსანს. ამ ლექსის გამო მურმანი კოლხეთის აკადემიის წევრობიდან გარიცხეს. მურმანი მიყვარს, მაგრამ, როგორც ჩანს, ერთი ალილუია მღვდელსაც შეეშლება.

„ახალ საქართველოში“ გრძელდება როსტომ ჩხეიძის ვრცელი ნარკვევი „ოტარიდზე“, როსტომ ჩხეიძე ობიექტურად, ლოგიკურად ამტკიცებს, რომ თავის დროზე „ოტარიდი“ შეიქმნა გურამ ფანჯიკიძის თავმჯდომარეობიდან გადასაყენებლად. დღეს კი, როცა ფანჯიკიძე აღარ არის ცოცხალი, რა აზრი აქვს ამ ასოციაციის არსებობასო.

მართალს ამბობს რ. ჩხეიძე. ასოციაციებად მწერალთა კავშირის დაშლა მწერალთა დაჟინებით მოხდა, ამით ანგარიში გაუსწორეს მათი აზრით, „ნაკლებადნიჭიერ“ ქართველ მწერლებს. ეს იყო დანაშაული ქართველი მწერლობის წინაშე.

ვთქვი, ნუთუ არ უნდა ამოიღოთ გულიდან მწერალთა კავშირის წმენდის ეს გულისამრევი ფიქრი-მეთქი. რა უფლებით აუქმებთ კ. გამსახრუდიას, გ. ტაბიძის და შალვა დადიანის შექმნილ მწერალთა კავშირს-მეთქი.

ლამის მთელი პრეზიდენტი დამიპირისპირდა.

გავცხარდი და მეორედ მოვითხოვე სიტყვა ასოციაციები უნდა გაუქმდეს და ერთიანი ეროვნული მწერალთა კავშირი უნდა შეიქმნას-მეთქი.

საკითხი, როგორც მოველოდი, შემოდგომისთვის გადაიდო.

23 ივლისს შოთა ნიშნიანიძე გარდაიცვალა.

თავზარი დამეცა.

წავიდა ჩემი უპირველესი მეგობარი.

გარდაცვალების მეორე დღესვე მოვითხოვე, კატეგორიულად უნდა ვიბრძოლოთ, რომ შოთა მთანინდაზე დაიკრძალოს-მეთქი. ორი დღის ბჭობის შემდეგ ხელისუფლებამ დაადგინა შოთა ნიშნიანიძის დაკრძალვა დიდუბეში.

სამ გაზეთში („საქ. რესპუბლიკა“, „ლიტ. საქართველო“, „თბილისი“) დავებქდე გამოსათხოვარი სიტყვა და სამივეგან ვთქვი, რომ მომავლის საქართველო შოთა ნიშნიანიძეს თავის კუთვნილ ადგილს მიუჩენს მთანინდაზე.

გაირკვა, მწერალთა კავშირის თანამშრომლები ამბობდნენ, რომ რამდენიმე მწერალს უთამაშია შავბნელი როლი, რათა შოთა მთანინდაზე არ დაეკრძალათ.

სამგლოვიარო მიტინგზე გამოვედით: მე, ვაჟა ლორთქიფანიძე, თამაზ ნიწინვაძე, ბაკურ გულუა, გოგი გაჩეჩილაძე და შევარდნაძე. იგი ბოლომდე ესწრებოდა მიტინგს.

გვერდით მედგა. ვისარგებლე შემთხვევით და ვუთხარი: ორი სირცხვილი დაგვემართა: 1. მთანინდაზე რომ არ დაკრძალეთ და მეორე, ნილაბი რომ არ ავუღლეთ-მეთქი. პირველზე მიპასუხა რა ვქნა, რეზო, მე თანახმა ვიყავი, მაგრამ თქვენს შორის (მწერლებს გულისხმობდა) არ იყო ერთობაო,

მეორე ფაქტორმა გულწრფელად შეანუხა, უხმო ირაკლი ანდრიაძეს. ირაკლი მიდგა-მოდგა, მაგრამ ბოლოს განაცხადა, უკვე გვიანიაო.

დავკრძალებით შოთა.

ჩემი აზრით, იმის შესახებ, რომ შოთა ნიშნიანიძის სახე არ უნდა დაეკარგოს საქართველოს და საჭიროა ნიღბის აღება, ავანთე გიზო ნიშნიანიძე, გიგლა გობეჩია და თეიმურაზ ჩალაბაშვილი.

საჭირო იყო ოჯახის წევრების დათანხმება, სიძემ – ლაშამ უარი გვითხრა, მივედი თამრიკოსთან (შოთას მეუღლე), მართლაც რომ ღირსეული ცოლი ჰყოლია ჩემს შოთას, თუ ეს აუცილებელია, თანახმა ვარო.

ლამის 11 საათზე მღვდლის, ოჯახის წევრების (სიძე და სიძის ძმა) და სხვათა თანხლებით მოვიყვანეთ მოქანდაკე, მუშები და მიცვალებული ამოვასვენეთ. მოქანდაკემ ერთ საათში აულო ნიღაბიდა კუბო ისევ ჩავასვენეთ საფლავში.

მე, ამის მომსწრეს და მოთავეს სისხლი გამეყინა ძარღვებში. გულისცემა გამიხშირდა და წნევამ ამინია. გავგზავნე ჩემი დისშვილი – ზაზა მალაზიაში, რამდენიმე ლიტრი არაყი მოვატანინე და ყველამ შენდობა ვთხოვეთ დიდი შოთას სულს შენუხებისთვის.

არ ვიცი, საეკლესიო თვალსაზრისით ეს მკრეხელობაა თუ არა, მაგრამ ისტორიისთვის დიდი საქმე გაკეთდა. 4 აგვისტოს პოეტმა თემურ ჩალაბაშვილმა შოთას ნიღაბი შინ მომიტანა. პირველ სექტემბერს წავიღებ და ამ ნიღაბს ჩემს კაბინეტში, უნივერსიტეტში დავკიდებ.

დღეს, 5 აგვისტოს თამაზ ნადარეიშვილს განვუცხადე, რაკი აფხაზეთის განთავისუფლების პარტია ბლოკში გაერთიანებას მოქალაქეთა კავშირთან აპირებს, მე უარს ვაცხადებ ვიყარო კენჭი თქვენს პარტიის ეგიდით მოქალაქეთა კავშირთან ჩემი პრინციპული მსოფლმხედველობრივი წინააღმდეგობის გამო-მეთქი, რატომო? მკითხა. პარტია, რომელიც ეროვნულობის დამსამარებელია, ჩემი პარტია არ იქნება-მეთქი.

## 6.VIII – 1.X. 99

ევგენი ევტუშენკოს ვოიაჟზე საქართველოში ნოველა დაწერე და „ლიტერატურულ საქართველოში“ გამოვაქვეყნე, სხვათა შორის ვნერდი, ამ უღირს სტუმარს, რომელმაც ფეხებზე დაიკიდა საქართველოს ბედი და რუსეთისგან დაჩეხილ ჩემს სამშობლოს ერთი სიტყვითაც არ გამოექომაგა (პირიქით, ჩვენ დაგვდო ბრალი – თავისუფლება როგორ მოითხოვეთო), რამდენიმე ქართველი პოეტი ფეხქვეშ ეგებოდა-მეთქი. ეს ემცხებთა თურმე არაერთ მასპინძელს, რაკილა ევტუშენკოს „შემძრომი“ შორის თვითონაც იყო. ერთი განანყენებული უნიჭო პოეტი „ლიტერატურულ გაზეთში“ მისი დაბალი გემოვნების შესაფერისი ლექსით გამოემეპასუხა.

მწერალთა კავშირში ოცდახუთი მწერალი გვიხმეს. ესაო, ნივნივაძემ, დამფუძნებელთა შეკრებააო. კიდევ ერთხელ განვაცხადე, თუ მწერალთა კავშირის ყველა წევრი წევრად არ დარჩება და თანაბარ უფლებებში არ იქნება სხვებთან, მე გავალ მწერალთა კავშირიდან-მეთქი. „გადი და ახალი მწერალთა კავშირი დააარსეო“, მურმან ლებანიძემ.

გაზეთებში გამოვაქვეყნე განცხადება აფხაზეთის გათავისუფლების პარტიიდან ჩემი გასვლის შესახებ. ვნერ, ვერ ვიქნები ალიანსში მოქალაქეთა კავშირთან, რადგან ამ პარტიამ ქართველს ეროვნება წაართვა-მეთქი.

სანამ კანდიდატების წარდგენის ვადა ამოიწურებოდა, ორი დღით ადრე ჩემთან მოვიდნენ ვალერი გელბახიანი და ჯემალ გოგიტიძე. მთხოვეს, იქნებ „ალორძინებიდან“ მიყარა კენჭი. თქვენი ავტორიტეტი ძალიან გვჭირდებაო. დავთანხმდი. სიაში 39-ედ (!!) მივუნერვიართ, ვნახოთ, რა გამოვა.

შევარდნაძე ამერიკაში იყო. გაეროში სიტყვით გამოვიდა. სხვათა შორის, წინა გამოსვლებთან შედარებით გაბედული სიტყვა თქვა, გაეროს მკვდარ რეზოლუციებზე ილაპარაკა, მაგრამ რუსეთი მაინც არ ამხილა მსოფლიოს წინაშე.

ამასობაში რუსეთმა დალესტინის კონფლიქტის მომიზეზებით ჩეჩნეთის დაბომბვა დაიწყო.

საშინელებაა. რუსული ავიაცია უმონყალოდ ბომბავს ჩეჩნეთის სოფლებს და ქალაქებს, იხოცებიან უდანაშაულო ადამიანები. ლტოლვილებით ივსება მეზობელი ქვეყნები, ჩვენთანაც ბევრი შემოვიდა პანკისის გზით.

გამძვინვარებულ რუსს არაფრის გაგონება არ სურს. მიუხედავად მსოფლიოს დიდი სახელმწიფოების (აშშ, გერმანია) პროტესტისა, დაუნდობლად აგრძელებს ბომბვას და თან აცხადებს: „ნახოს ჩეჩნეთმა როგორი ომი იცის რუსმაო“. თუ ასე გაგრძელდა, ჩეჩნეთში ქვას ქვაზე დაადულებენ.

ვიყავი ოზურგეთში. მხარი დავუჭირე მაჟორიტარად ზვიად ცეცხლაძის კანდიდატურას.

თბილისის ტელევიზია უკანასკნელი სიტყვებით ლანძღავს ასლან აბაშიძეს.

2.X – 5.XI 99 წ.

საარჩევნო მართონი გრძელდება.

მოქალაქეთა კავშირი შეშინებულია. სოციოლოგიური გამოკვლევა კარგს არაფეს უქადის.

შევარდნაძე პირადად ჩაუდგა სათავეში საარჩევნო კამპანიას.

ერთი გამოსვლის დროს სიტყვა გაექცა და ასეთი „სიბრძნე დაახეთქა“. თუ ხელისუფლებაში სხვა პარტია, სხვა ბლოკი მოვიდა, ეს სახელმწიფო გადატრიალებას ნიშნავსო.

ღმერთო, რა კადნიერებაა. იმის მაგივრად, პრეზიდენტს ეთქვა, ვინც გაიმარჯვებს იმასთან ვითანამშრომლებო, ასეთი „დემოკრატიული ლოზუნგი“ ისროლა.

ამით არჩევნებში მონაწილე ყველა ბლოკი საქართველოს მტრად, სახელმწიფო გადატრიალების მონაწილედ გამოაცხადა.

აჭარის მიმართ ოფიციალური მასმედია (განსაკუთრებით ტელევიზია) შხამს ანთხევს, მე „აჭარის ბლოკის“ ლიდერები შეხვედრებით მაინცდამაინც არ მანუხებენ. როგორც ვგრძნობ, თავი ჩემზე უკეთეს ორატორებად მიაჩნიათ.

ერთადერთხელ დამიძახეს მცხეთაში. ამომრჩევლებთან შეხვედრაზე – 29 ოქტომბერს.

სიტყვები ვთქვით – აკაკი ასათიანმა, ვახტანგ ბოჭორიშვილმა, მუხრან მაჭავარიანმა, ელიზბარ ჯაველიძემ, ვახტანგ გვარამიამ და მე.

ვახტანგ რჩეულიშვილი არ გვესწრებოდა იმ საპატიო მიზეზის გამო, რომ თავი აქვს გახეთქილი და წინა ექვსი კბილი ჩამოღებული.

თვითონ და მისი ოჯახის წევრები დაბეჯითებით აცხადებენ, რომ უწყლო (!) აუზში თავით გადახტა და დაიმიტვრაო, რაც ძნელად დასაჯერებელია.

31 ოქტომბერს არჩევნები გაიმართა. ჩვენს ბლოკს ბოლომდე არ ეყო “თოფისნამალი”. ვაფრთხილებდი წინასაარჩევნო ლამაზ სიტყვაობაზე უფრო აუცილებელი საარჩევნო ყუთებთან დგომა და გაყალბების წინააღმდეგ ბრძოლაა მეთქი საჭირო. ჩანს, არ დამიჯერეს.

თავი ქუდში ეგონათ.

მოქალაქეთა კავშირმა ყოვლად უსინდისო მეთოდებით გააყალბა არჩევნები.

ჩვენ ფაქტიურად მხოლოდ აჭარაში გავიმარჯვეთ.

ჯერ საბოლოო შედეგი არ გამოცხადებულა, მაგრამ როგორც მოლოცვათა ნიაღვრიდან ვატყობ, უკვე პარლამენტის წევრი ვარ.

წინ გამოუცნობოი „ფიორდებია“ (ლადო ასათიანს დავესესხები).

არ მიყვარს ცხოვრების სტილის შეცვლა, ბუნებით კონსერვატორი ვარ, მაგრამ სხვა გზა არაა, უნდა ვიბრძოლო.

მაქვს ჩემი პროგრამა მინიმუმი, – უნდა დავასრულოთ კონსტიტუცია, უნდა მივალწიო რუსი სამხედრო ბაზების გაყვანას საქართველოდან, ორჭოფული პოლიტიკის დასრულებას და საბოლოოდ გადართვას დასავლეთის ორიენტაციაზე, ეროვნულობის აღდგენას, გუბერნატორების ინსტიტუტების გაუქმებას, უფასო საშუალო განათლებას და სამედიცინო მომსახურების შემოღებას. უნდა მივხედო ქართველი მწერლისთვის სამუშაო პირობების შექმნას.

სასტიკი წინააღმდეგი ვარ მწერალთა კავშირის დაყოფისა. ყველა წევრი თანაბარი უნდა იყოს, რაც მთავარია გარდა საბუთებში ეროვნულობის აღდგენისა, უნდა ვიბრძოლო პარლამენტმა ქართული ენა სახელმწიფო ენად გამოაცხადოს, ხოლო ქრისტიანობა – სახელმწიფო რელიგიად.

6.XI – 23.XI 99 წ.

თბილისს რომის პაპი – იოანე პავლე მეორე ესტუმრა.

გადაწყვეტილი იყო რიყეზე ჩაეტარებინა ლოცვა, მაგრამ სამღვდელობებამ და ზოგიერთმა „უშიშარმა“ მართლმადიდებელმა პროტესტი გამოთქვა.

როგორ შეიძლება კათოლიკემ – მწვალებელმა საქართველოში და ისიც წმინდა რიყეზე ლოცვა ჩაატაროსო.

მე თავგადაკლული მორწმუნე არ გახლავართ და ამეებისა ბევრი არაფერი გამეგება, მაგრამ მაინც არ მიმაჩნია სწორად ამგვარი „პროტესტი“.

რომის პაპი უაღრესად ჰუმანური და განათლებული პიროვნებაა. იგი მწერალიც არის (დრამატურგი). რომის პაპის ერთი პიესა მარჯანიშვილის თეატრმაც დადგა რამდენიმე წლის წინათ. თბილისში მისი ჩამოსვლა ერთხელ კიდევ მოაპყრობს ევროპის თვალს საქართველოსკენ. რა არის ამაში ცუდი?

ბოლოს გადაწყდა პაპს ლოცვა სპორტის სასახლეში ჩაეტარებინა.

პაპთან მიღებაზე შევარდნაძემ ხუთიოდე მწერალი მოიწვია (წიგნივაძე, ოთარ და თამაზ ჭილაძეები, რეზო ჭყიშვილი, მურმან ლებანიძე, მე, რასაკვირველია, მოსაწვევი არ გამომიგზავნეს).



სტამბოლში სამიტი გაიმართა.

ეუთოს ამ გრანდიოზულ შეხვედრას უდიდეს სახელმწიფოთა პირველი პირები ესწრებოდნენ.

ელცინს მოსთხოვეს ჩეჩნეთის დაბომბვა შეენწყვიტა.

მსოფლიოს პირველმა პირატმა მაგიდაზე თითის კაკუნით განაცხადა – ვინ გკითხავთ, რუსეთის საქმეში რომ ერევით, ჩეჩნეთი ჩემია და რასაც მინდა, იმას ვუზამო.

ამ თავზედურ სიტყვას მაშინვე უპასუხეს კლინტონმა და შევარდნაძემ.

ორივემ ზომიერად, ინტელიგენტურად ჭკუისკენ და მშვიდობისკენ მოუხმეს ელცინს.

განაწყენებულმა ელცინმა იმ დღესვე დატოვა სამიტი. ამ უკანასკნელმა კი თავისი საქმე განაგრძო და მიიღო გადაწყვეტილება, რუსეთმა ერთი წლის განმავლობაში გაიყვანოს ბაზები საქართველოდან.

20 ნოემბერს პარლამენტის პირველი სესია გაიმართა.

დასაწყისშივე ზოგი რამ არ მომეწონა. მაგალითად ის, რომ ოპოზიციას ცალკე მიგვიჩინეს ადგილები. რისი შეეშინდათ, რაო? ყურზე ვუკებნდით “მოქალაქეებს”?

ჩვენ ხომ ყველანი ერთი პარტიის წევრები ვართ. იმ პარტიას ახლა საქართველოს ხსნის, საქართველოს შველის პარტია ჰქვია და თუ ვერაფერი გავაკეთეთ ამ დარბაზში კეტიტ შემოსული ქართველი კაცი არ დაიწყებს იმის გარკვევას, ვინ რომელი თეორიული დოქტრინის მიმდევარია, ყველას ერთნაირად გაგვრეკავენ-მეთქი, განვაცხადე.

მეორეც, სიტყვა არ მისცეს მიკროფონი გამოურთეს ნოდარ გრიგალაშვილსაც.

შევარდნაძე კარგად გამოვიდა. იქნებ სურვილი გვქონდა მის გამოსვლასთან დაკავშირებით აზრის გამოთქმისა?

ჩქარობენ, ეშინიათ, მიგვარბენინებენ, ხომ დამთავრდა არჩევნები, რილასი ეშინიათ?

24.XI – 25.XII – 99 წ.

ყელამდე ჩავერთე საპარლამენტო საქმიანობაში.

ამირჩიეს სამოქალაქო ინტეგრაციის (ადრე ეროვნულ საქმეთა კომიტეტი ერქვა) კომიტეტის თავმჯდომარის მოადგილე.

თავმჯდომარე სიმპათიური ახალგაზრდა გელა კვარაცხელიაა. თვითონაც არ მოსწონს ზურაბ ფვანიას და მიშა სააკაშვილის მიერ თავსმოხვეული სახელი კომიტეტისა (რას ჰქვია სამოქალაქო ინტეგრაცია? რა ვირემმაკობა! როგორ შეიძლება მოქალაქეთა ინტეგრაცია), მაგრამ რა ჰქნას, თავს ზევით ძალა არ არის.

თვითონაც სურს გავიტანოთ და გავაუქმოთ სამარცხვინო კანონი – საქართველოს უეროვნებო ქვეყნად გამოცხადების შესახებ, მაგრამ ჯერჯერობით ბიურო (ფვანია) წინააღმდეგია. თუ ბევრს ვიყვირებთ, შეიძლება იმ კანონზე მსჯელობის უფლება ჩამოგვართვანო (თქვენ არ გეხებათო) ამბობს.

მე ჩემსას მაინც ვეცდები.

ვაძლევ გაზეთებს ინტერვიუს, სადაც მოვითხოვ ეროვნულობის რეკვიზიტის კანონის გამოტანას განსახილველად.



სიტყვით გამოვდივარ თითქმის ყოველდღე პარლამენტის სესიაზე. მეუბნებიან, ენერგიული პარლამენტარი ხარ, მაგრამ გული არ გაგბინეთქონ „მოქალაქეებმა“.

მართლაც მე არ შემძლია გულსგარეთ ლაპარაკი.

26.XII – 99 – 8.I 2000 წ.

ახალ საუკუნეში გადავედით.

თუმცა ესეც საკამათო გამხდარა.

პრესაში მეცნიერთა დიდი კამათია.

ერთნი ამბობენ XXI საუკუნე 2000 წლიდან იწყებაო. მეორენი – 2001 წლიდანო. ჩემი გამოხატარებებით 2000 წლის 1 იანვარი XXI საუკუნის პირველი დღეა.

ასეა თუ ისე, მე უკვე სამოცი წლის ვარ.

1 იანვარს გავხდი სამოცის.

ბევრმა ტელეფონით მომილოცა, თურმე კალენდარში (მაგიდის) ვყოფილვარ აღნიშნული და, ალბათ, იქედან გაიგეს.

შინ მესტუმრენ. ლევან სანიკიძე, ვახტანგ ქარუმიძე, სოსო ბუხაიძე, იგორ კვესელავა, ელგუჯა აკობია, დავით ტიგინაშვილი, ოთარ აბუთიძე, გურამ გოგიაშვილი, ვაჟა აბაკელია და სხვები.

მომილოცა პრეზიდენტმა ედუარდ შევარდნაძემ.

ლამის გვერდნახევარი დაუთმო ჩემს საიუბილეო თემას „საქართველოს რესპუბლიკამ“, რისთვისაც დიდი მადლობელი ვარ.

ტელევიზიას კრინტი არ დაუძრავს.

ტელევიზია მემდურის.

არა ვარ მე იუბილის კაცი. ვერ ვიტან ყვეყურად ჯდომას და ქების მოსმენას.

მითუმეტეს ახლა არ არის იუბილეების აღნიშვნის დრო.

ქვეყანა დამარცხებული და დაჩოქებულია.

ხალხი მშიერია.

მე პარლამენტში მხოლოდ იმიტომ შევედი, რომ ჩემი უბედური ხალხის სვე შემემსუბუქებინა.

რამე მაინც გამეკეთებინა მისთვის ისეთი, რითაც ქართველს მომავლის იმედს დავუბრუნებდი.

ჯერჯერობით სიტყვის გარდა ვერაფერს ვახერხებ.

ორი რამ დამამახსოვრდა სამოცი წლის პარმალზე მძაფრად. ჯერ ცუდს ვიტყვი.

ოცდარვა დეკემბერს მწერალთა კავშირში გამგეობის სხდომა გვქონდა.

მერამდენედ ვთქვი აღარ მახსოვს (იმ დღესაც გავიმეორე) მოვეშვათ „ასოციაციობანას“ და ერთიანი ეროვნული მწერალთა კავშირი შევქმნათ, ცალ-ცალკე მტერი ადვილად მოგვერევა, ხომ ხედავთ, ახალი ჯურის კოს-მოპოლიტები ილია ჭავჭავაძეს ლანძღავენ და ჩვენი პატრიოტული პოზიციის გამო ფაშისტებს გვეძახიან-მეთქი.

სხდომის დამთავრების შემდეგ ჩემთან მოვიდა ლია სტურუა. ლიას ორმოცი წელია ვიცნობ და მასთან ყოველთვის კარგი ურთიერთობა მქონდა.

რეზო, „ლიტერატურული საქართველოდან“ უჩა შერაზადიშვილმა დამირეკა და შენს სამოცი წლისთავზე მილოცვა მთხოვაო. ვიცი, გამიგებო, მე ჯერ არც ერთ ცოცხალ მწერალზე არ მითქვამს არც კარგი და არც ცუდი სიტყვა და ჩემს პრინციპს ვერ გადავალო.

ძვირფასო ლია, ჩემთან რატომ მოხვედი ამის სათქმელად. მე ხომ შენთვის არაფერი მითხოვია-მეთქი. არაო, მაგრამ, ალბათ, გეტყვიან რომ უარი ვთქვიო. როგორც შენ გაგეხარდება ისე მოიქეცი, რაკი ასეთი „პრინციპი“ გქონია ძალიან გთხოვ არ დაარღვიო-მეთქი. გარეთ გამომყვა. მთხოვდა, მემუდარებოდა, რომ სწორად გამეგო. ახლა შენზე რომ დავწერო, მე რე ტარიელ ჭანტურია მომთხოვსო, გივი გეგეჭვორი მომთხოვსო, ეშვარ კვიტაიშვილი მომთხოვსო, ბესიკ ხარანაული მომთხოვსო და შენი ჭირიმე ნუ ჩამაყენებ ამ დღემოი.

ლია, რას მელაპარაკები, ვერ გავიგე-მეთქი, ნუთუ ისეთ პატარა კაცად მიგაჩნვიარ, რომ ძალიან მინდა შენი „მოსალმება“-მეთქი.

ლია-მეთქი, მაინტერესებს შენ პოეტის კარგ თვისებად მიგაჩნია, რომ სიცოცხლეში არცერთ მის თანამედროვეზე კარგი არაფერი უთქვამს-მეთქი? დიახო. მე მაგალითად, მწერალთა კავშირის ოთხასი წევრიდან 350-ზე დამინერია ჩემი შეხედულება, ხოლო ზოგ მათგანზე არაერთგზის-მეთქი.

შენო შენი სტილი გაქვს ცხოვრებისა, მე კი ჩემიო.

ერთი სიტყვით უსიამოვნოდ დავშორდით ერთმანეთს და, ალბათ, სამუდამოდაც.

შეიძლება ითქვას ლია სტურუამ ჩემთვის სრულიად მოულოდნელად ჩამაშხამა ჩემი სამოცი წელი.

რა უნდოდა, რისთვის მოვიდა, რას მიმტკიცებდა, ვერ გავიგე.

არასოდეს არ ვიყავ მის პოეზიაზე მაღალი წარმოდგენის. ხელოვნური, თითიდან გამონოვილი, თვითმიზნურად ბუნდოვანია მისი პოეზია, მაგრამ მაინც გაფაციცებით დავეძებდი ლიას ლექსში პოეზიის საეჭვოდ გაბნეულ მარცვლებს, ახლა კი ჩემგან სამუდამოდ თავისუფალია: ლია სტურუას ლექსს სიკვდილამდე აღარ ნავიკითხავ.

ეს საზიზღარი განწყობილება ერთმა კეთილშობილმა ქალბატონმა გამომიკეთა:

პროფესორ ლუარა სორდიას ჩემი სამოცი წიგნიდან ამოუკრებია შეგონებანი, გამონათქვამები, ხატოვანი თქმები, ფრაზები და დაბადების დღეს წიგნად გამოცემული მომართვა.

გულწრფელად ვუთხარი: ეს ჩემო ლუარა, იმ სამოცი წიგნის დაწერაზე უფრო ძვირად საქმეა. როდის მოასწარი ყველაფერი როგორ ნაიკითხე, რამ ამოგანერინა-მეთქი. ათი წელი ვმუშაობდი ამ წიგნზეო.

აი კეთილშობილი ქალი. არ ვიცი როგორ გადავიხდი ქალბატონი ლუარას მაღალ ყურადღებას.

„საქართველოს რესპუბლიკაში“ გულწრფელი თბილი სტრიქონები მომიძვნეს რეზო ჩხეიძემ, ანზორ აბულაშვილმა, გოდერძი ჩოხელმა, ივან ბოგომოლოვმა, ჯანსუღ ღვინჯილიამ, იური ბიბილიევიშვილმა, მაყვალა გონაშვილმა, ჯანსუღ კორძიამ, იზა ჯაჭვაცემ, მურმან ოდიშარიამ, მზია ჩხეტიანმა და თეიმურაზ ჩალაბაშვილმა.

ჩემი ფიქრი ამ ნაახალწლევს ისევ ჩემს ტანჯულ ქვეყანას დასტრიალებს.

ელცინი გადადგა და ასპარეზი საქართველოს მიმართ მასზე არანაკლებ მტრულად განწყობილ პუტინს დაუთმო.

საქართველოს მიმართ რუსეთის მუქარა არ წყდება.

პანკისის ხეობაში ცხრა ათასამდე ჩეჩენი ლტოლვილი დაგროვდა.

ამბობენ, რომ მათ შორის „ბოევიკები“ და ნარკოტიკების გამსაღებლებიც ბლომად არიან.

ჩენი საშველი არ არის.

პანკისის ხეობა ლტოლვილებმა უკვე აიღეს, ჩეჩნები ახმეტაში და თელავშიც მედიდურობით დადიან. ხელისუფლება ზომებს არ იღებს, რომ ამდენი ლტოლვილი თურქეთს, აზერბაიჯანს და სხვა სახელმწიფოებს გადაუნანილოს.

კვლავ უსინათლობა, უხელფასობა, მიუსაფრობა, შიმშილი.

9.1 – 25. III 2000 წ.

ისე სწრაფად, თავანყვევით რბიან დღეები, რომ დღიურებისთვის ველარ მოვიცალე.

სამაგიერდ თითქმის ყოველ სესიაზე გამოვდივარ პარლამენტში.

ექომავობ ჩემს უბედურ ხალხს, მაგრამ ოდენ ერის კანტიკუნტ გავლიძებას თუ ვახერხებ, მეტს ვერაფერს.

მკაცრი დიალოგი მქონდა მუხრან მაჭავარიანთან.

ამოიღე-მეთქი ხმა, ერთხელ მაინც მიდი სატელეფონო მიკროფონთან, სირცხვილია, ხალხი შემოგყურებს-მეთქი.

ჩემი საქმისა მე ვიციო.

ალბათ “თავისი საქმისა“ თვითონ იცის.

გაიშალა საპრეზიდენტო არჩევნების კამპანია.

სამი რეალური კანდიდატია პრეზიდენტობის: ედუარდ შევარდნაძე, ჯუმბერ პატიაშვილი და ასლან აბაშიძე.

ედუარდ შევარდნაძე აურაცხელი დაცვით და თავისი ინტელიგენციით... დადის რაიონებში და მშიერ ხალხს მორიგი ტყუილების კორიანტელში ხვევს.

ჯუმბერ პატიაშვილი თავისი შეზღუდული სამუალებებით (მჭევრ-მეტყველება აკლია) ალაგ-ალაგ გამოჩნდება ხოლმე, მაგრამ ლაყე კვერცხებს ესვრიან და შევარდნაძის მომხრენი სხვა „პრავაკაცისაც“ უწყობენ.

ასლან აბაშიძეს ჯერ ვერ გადაუწყვეტია, გამოვიდეს თუ არა ბათუმიდან და დანარჩენ საქართველოშიც გაიაროს. ასე რომ, ცუდადაა საქართველოს საქმე.

გამოვდივარ და ვბლავი ხან საპარლამენტო ტრიბუნიდან, ხან ინტერვიუს ფორმით რომ ქართული ეროვნული ცნობიერების წინააღმდეგ გლობალური შეტევა მიმდინარეობს, რომ ილიას მიერ ნანდერძევი სამი დასაცავ-საპატრონო განძიდან („მამული, სარწმუნოება, ენა“) მამული უკვე ნაგვართვეს, აფხაზეთ-სამაჩაბლო წაიღეს და ქართული მინა შაგრენის ტყავივით დაპატარავდა.

სარწმუნოებას დღედაღამ ებრძვიან სხვადასხვა რელიგიური სექტები (მათ შორის აქტიურობენ იელოველები) და მათი მხარდამჭერი თავისუ-

ფლების ინსტიტუტის უზრდელი, უმნიფარი ბიჭები გიგა ბოკერიას წინამძღოლობით.

ენა შერყენილი რეკლამა-აბრებით გააბინძურეს და ახლა მიადგენენ ერის უპირველეს ბურჯს – მწერლობას. საჯარო ბიბლიოთეკის დირექტორი ლევან ბერძენიშვილი თავისი ბადრიჯნისხელა ენით წამდაუნუმ ჩანს ტელეეკრანზე: ილია ჭავჭავაძეს და აკაკი წერეთელს უნიჭო პოეტებად ნათლავს. ვინმე ზურა შათირიშვილი „ამტკიცებს“ ვაჟა-ფშაველას დრო წავიდაო. პოეტი კოტე ყუბანეიშვილი ასევე ტელევიზიით გაჰყვირის „გალაკტიონი ერთი სოფლელი ბიჭი იყო და ფერწანდო პესოას დონეზე ყოფნას ხომ ვერ მოვთხოვთ, რაც შეეხება ნიკოლოზ ბარათაშვილს – იგი უბრალოდ ცუდი პოეტი...“

ვაი, შე უბედურო საქართველოვ, ვაი ამნაირი „ახალი ქართველების“ ხელში ერის უპირველესო ჭირისუფალო ქართული მწერლობავ!

ბედის ირონია ის გახლავთ, რომ მთელ ამ პროცესს – ქართული ეროვნულობის დამსობა-დამცირების კამპანიას ხელმძღვანელობს საექვრო ეროვნების პიროვნებათა ჯგუფი – ზურაბ ჟვანიას, ელენე თევდორაძის, მანანა გიგინეიშვილის, გიორგი ბარამიძის, რეზო ადამიას და სხვათა სახით. მათ დაპყრობილი აქვთ პარლამენტი და ყველაფერს აკეთებენ საქართველოს დასამსობად.

როგორც იქნა, შევატანივე პარლამენტის სხდომათა მაისის გეგმაში კანონპროექტი პიროვნების აღმნიშვნელ დოკუმენტებში ეროვნულობის გრაფის აღდგენის შესახებ, მაგრამ არავითარი იმედი არა მაქვს რომ სალი აზრი გაიმარჯვებს.

საპარლამენტო უმრავლესობას, მოქალაქეთა კავშირის წევრები წარმოადგენენ, მართალია მოქვეყნირშიც არის თითო-ოროლა (მაგ. როლანდ გილიგაშვილი...) სალად მოაზროვნე კაცი, მაგრამ ისინი ამინდს ვერ ჰქმნიან. ვნახოთ, რა პოზიციას დაიკავებს შევარდნაძე.

თუ იგი თვალთმაქცი არ არის, სულ რალაც ერთ თვეში გამორჩნდება. კარგი ქართველის – ომარ გოცაძის ოჯახში ვიყავით – თამაზ წივნივაძე, ვაჟა ლორთქიფანიძე (პრემიერ-მინისტრი), რამაზ ხეცურიანი, რამაზ ხუროძე, მუხრან მაჭავარიანი, ზვიად ცეცხლაძე, ელიზბარ ჯაველიძე და მე.

პირველად ვიჯექი ისეთ სუფრაზე, სადაც „დაუძინებელი მტრები“ პირისპირ ისხდნენ.

ვიხუმრე, ალბათ გაგებული გაქვთ, რომ პატიაშვილი გადის პრეზიდენტად და იმიტომ დაზავდით-მეთქი.

როგორც „გემის თავგები“ თავის გადასარჩენად დაჯარდით-მეთქი.

ისე გავიდა, ბატონო რეზო, შენი მტერი, როგორც ჯუმბერ პატიაშვილი გავა პრეზიდენტადო, ვაჟა ლორთქიფანიძემ მიპასუხა.

დიდხანს ვისაუბრეთ თბილად, უმუალოდ, სიყვარულით...

იანვარში „ლიტერატურულმა საქართველომ“ გამლილი გვერდი მიუძღვნა ჩემს მე-60 წელს. თბილად მესალმებთან. თამაზ წივნივაძე, ანა კალანდაძე, როინ მეტრეველი, ზაურ კალანდია, ოტია იოსელიანი, ავთანდილ ნიკოლეიშვილი და სხვანი.

კათედრის წევრებმა გულთბილი ვახშამი გამიმართეს რესტორანში.

ყველგან უხერხულად ვგრძნობ თავს. ჩემი თავი დავიჭირე იმაში, რომ თურმე ქების მოსმენა სასტიკად არ მსიამოვნებს.

ამ ერთი კვირის წინ წინასაარჩევნო შეხვედრაზე ჯუმბერ პატიაშვილის მანქანას საბურავები დაუხვრიტეს და ავარია გააკეთებინეს. მანქანა ქალს დაეჯახა და მძიმედ დააშავა. ჯუმბერმა გულ-მკერდის დაჟეჟილობა მიიღო.

ასე ჰყვავის ჩვენში დემოკრატია. ბათუმიდან იური ბიბილეიშვილმა დამირეკა, სტამბისთვის გადაუცია 400-გვერდიანი წიგნი ჩემს შემოქმედებაზე. დიდი მადლობის მეტი რა მეტექმის. მაინც ეჭვი მღრღნის – ღირს ამხელა ყურადღებად რევაზ მიშველაძე?

რა ბედნიერი ხართ თავდაჯერებულო მწერლებო.

როგორც იქნა (სიდედრის მიერ ზუგდიდში გაყიდული სახლის ფულით რუსთაველის და მემედ აბაშიძის პრემიების დანაზოგით) საბურთალოზე სანახევროდ მოვამთავრე სამოთახიანი კოტეჯი. ალბათ დამთავრდება ჩემი უძილო ღამეები, ამ ჩემს ბინაში (თამარაშვილის 11) რომ გამიტარებია მანქანების ღრიალ-გრიალში.

ნუთუ მეღირსება მაგიდასთან მშვიდად, სიჩუმეში მუშაობა?

არა და რამდენი რამ მაქვს სანერი და საფიქრალი.

მოვესწრები ჭეშმარიტად თავისუფალ, დემოკრატიულ საქართველოს?

26.III-1.V 2000 წ.

აზერბაიჯანიდან ჩამოვიდა მწერალი ვუგარ ალიევი და ჩამომიტანა ჩემი ნოველების კრებულის თარგმანი, ასევე მშვენიერი ყდა აზერბაიჯანული წიგნისა და ტიტული. აი, ჭეშმარიტი მთარგმნელი და კაცი, არც ვიცნობდი. მოულოდნელად შემომიყვანა უნივერსიტეტში პროფესორმა ნოდარ კეკელიძემ, გამაცნო და თან ასეთი სასიხარულო ამბავიც მახარა. რაკი სიტყვას ჩემი თარგმანების ამბავი მოჰყვა, ბარემ აქვე გავაგრძელებ, რომ ესპანეთიდან ნანა კობახიძემ დამირეკა და მაცნობა შენი წიგნი უკვე ასაწყობად მივეცი და ერთ თვეში სასიგნალო ხელთ მექნებაო.

ასლან აბაშიძემ და ვასილ პატარქალიშვილმა („მედია ჰოლდინგის“ პრეზიდენტი) გაზეთ „არგოს“ რედაქტორობა მთხოვეს. უარი ვერ ვუთხარი. საქართველოში ყველაზე დიდი – 32-გვერდიანი გაზეთია. კვირაში ერთხელ გამოდის, ცოტა გამიჭირდა დასაწყისში (ამხელა გაზეთის ნაკითხვა არ გინდა?), მაგრამ მერე დამერე ავანყვე საათივით, სიამოვნებით ვთანამშრომლობ ჩემს ახალგაზრდა კოლეგებთან. თუ რაიმე შეეშლებათ, ტაქტიანად გავუხსნორებ ხოლმე.

თბილისში გამაცნეს ახალგაზრდა ამერიკელი მხატვარი, რომელიც სიღნაღში ჩასულა შარშან და სიღნაღიდან ალაზნის ველისთვის რომ გადმოუხედავს უთქვამს, მორჩა, მე აქედან არსად წავალ. პირველივე შემხვედრი გოგონა ცოლად შეურთავს (ფანდურით ხელში მიდიოდა თურმე ქუჩაში და უთხოვია დაუკარიო...) და სიღნაღში დასახლებულა. ხატავს და ბედნიერია, უშუქობას და სიცხვეს როგორ ეგუებით-მეთქი ვკითხე; ვეგუები კი არა, ძალიან მომწონს, ამაზე ნოველა უნდა დაწერო უსათუოდ. საქართველო გაზარდაცების საშუალებას არ გაძლევს. თუ შეგცივდა, ტყეში უნდა გახვიდე და ფიჩხი მოაგროვო. რა შეიძლება იყოს ხრამუნა თოვლზე ტყეში რომ ფიჩხს აგროვებ, იმაზე დიდი სიამოვნებაო.

ამ დღეებში ეუთოს საპარლამენტო ანსამბლის პრეზიდენტს ქ-ნ ჰელენ დეილს შევხვდით პარლამენტის შვიდი წევრი (მე, ვახტანგ ბოჭორიშვილი, როსტომ ჯაფარიძე, სოსო სიგუა, ვახტანგ გვარამია, ელიზბარ ჯაველიძე და სანდრო ბრეგვაძე). ეუთოს ერთ-ერთმა ხელმძღვანელმა ქ-ნმა ჰელენ დეილმა იმ „ქმედით დახმარებაზე“ ილაპარაკა, რასაც ეუთო უწევს საქართველოს.

ვერ მოვითმინე და ყველას დავასწარი სიტყვის თქმა. ქალბატონო-მეთქი, ყველას ძალიან გიყვარვართ, მაგრამ ნელ-ნელა ვიძირებით, ტერიტორიებს ვკარგავთ და თქვენგან ცრემლიანი თანაგრძნობის მეტი არაფერი ჩანს-მეთქი.

რატომ გრძელდება ჩვენი უაზრო შეგულიანება, რათა კატამ – რუსეთმა საბოლოოდ მოკუნტრუშე თავგვივით შეგვახრამუნოს-მეთქი.

თქვენ სტუმარი ხართ. საქართველო კი უფრო მძიმე დღეშია, ვიდრე სტუმარს შეიძლება მოეჩვენოს-მეთქი.

თქვენ იცით, რომ აფხაზეთი და სამაჩაბლო ნაგვართვა რუსეთმა, მაგრამ არ იცით, რომ ახლაც ჩეჩნეთთან ომის შემდეგ რუსმა მესაზღვრეებმა შატილთან სამი სოფელი ჩაგვიყლაპეს, არც ის იცით, რომ შარშან „სპირტის“ გახმაურებული კონფლიქტის დროს რუსმა ლარსთან ორი კილომეტრით გადმოსწია-მეთქი საზღვარი.

უფრო ქმედითი დახმარების იმედი რომ გვექონდეს თქვენგან, საქართველო უფრო მეტრუნდებოდა-მეთქი დასავლეთისკენ. რატომ არ შეიძლება განმეორებულიყო საქართველოში კოსოვოს მოდელი. ნუთუ ვერ ხვდებით, რომ აფხაზეთის და სამაჩაბლოს გარეშე საქართველო სახელმწიფოდ არ მოიაზრება-მეთქი.

დრო უნდა გავიდესო... ჩვენ ამის ძალა არ გვაქვსო. ეს თქვენი შინაური საქმეაო... მოკლედ, რაღაც მიკბამოკბა.

27 აპრილს ჩემთან პარლამენტში მოვიდა გაზეთ “დეილ ნიუსის“ კორესპონდენტი და თურქი მესხების საქართველოში დაბრუნების პრობლემაზე მესაუბრა. ვუთხარი, 1944 წელს ისინი საქართველოდან გაასახლეს სულ ოცი ათასამდე, ახლა კი 300 000 გვიბრუნდებიან, ოთხასი წლის წინათ საქართველოდან გასახლებულმა ფერეიდნელებმა ქართული ენა (მშობლიური ენა) დღემდე შეინახეს, ხოლო ორმოცი წლის წინათ გასახლებულ „თურქ-მესხთაგან“ ქართული ერთმაც არ იცის, იმიტომ რომ ისინი ქართველები არ არიან. ჩვენ მართალია ინტერნაციონალისტები და ტოლერანტები ვართ, მაგრამ 300 000 უცხოელის ერთბაშად მიღების და დაბინავების საშუალება გალღეტილ საქართველოს კი არა, ამერიკას არა აქვს-მეთქი. ვინც მათ შორის ქართველია ეროვნება ქართველს ჩაინერს პასპორტში და პირადობის მონმობაში, ქართულს ისწავლის და ბავშვს ქართულ სკოლაში ასწავლის, ისინი შეიძლება დაბრუნდნენ და ისიც ნაწილ-ნაწილ 10 წლის განმავლობაში, ოღონდ კომპაქტურად კი არა, ცალ-ცალკე დავასახლებთ, რათა მერე ავტონომიის მოთხოვნის სურვილი არ გაუჩნდეთ-მეთქი.

კამათი გამიმართა. ეს ვინრო ნაციონალისტური შეხედულებააო.

თარჯიმანს ვთხოვე, აეხსნა სტუმრისთვის, რომ ის ელაპარაკება საქართველოს პარლამენტის ეროვნებათა საქმეების კომიტეტის თავმჯდომარის მოადგილეს, რომელსაც არავითარი სურვილი და დრო არა აქვს კორესპონდენტთან პაექრობის-მეთქი.



როცა თარჯიმანმა უთარგმნა, კორესპონდენტი კიდეც რალაცის თქმას აპირებდა, მაგრამ აუდიენცია დამთავრებულად გამოვაცხადა.

საპრეზიდენტო მართონი დამთავრდა. საქართველოს მოსახლეობის 78%-მა, როგორც საარჩევნო კომისია (ჯუმბერ ლომინაძე) იუნყება, ხმა მისცა ედუარდ შევარდნაძეს, რომელიც მეორეჯერ არჩეული ოფიციალური პრეზიდენტი.

დამარცხდა ჯუმბერ პატიაშვილი, ასლან აბაშიძემ ბოლო დღეს მოხსნა თავისი კანდიდატურა. ჯუმბერთან ერთად დამარცხდნენ პატატვრანი კანდიდატები – ჯოგლიძე, ლარიბაშვილი, ყლენტი...

აღდგომას, 30 აპრილს შედგა პრეზიდენტის ინაუგურაცია. შევარდნაძემ განსაკუთრებით კარგი სიტყვა თქვა სვეტიცხოველში. ინაუგურაციაზეც და საღამოს კრწანისში, პრეზიდენტის რეზიდენციაში გამართულ ბანკეტზეც სამი მწერალი ვიყავით მინვეული – ჭაბუა ამირეჯიბი, მურმან ლებანიძე და მე.

წივნივაძე ვერსად შევნიშნე და ძალიან მენყინა, ხომ არ იმოქმედა ამ ბოლო დროს წივნივაძის წინააღმდეგ გაშლილმა კამპანიამ?

ხომ არ იმარჯვებს ჟვანიას ბლოკი ქართული მწერლობის და ყოველგვარ ეროვნულობის დასათრგუნავად?

ჩვენი სამეგობრო ოთხეული – სოსო ბუხაიძე, გივი გამსახურდია, იგორ კვესელავა, მე კვლავ მტკიცეა. ჯერჯერობით ვუძღვებთ.

განსაკუთრებით იგორ კვესელავა აქტიურობს. საინტერესო წერილებს წერს ეროვნულ მოძრაობაზე. "ოთხი მაიმუნის" საქმე სიყრმიდან მოდის და ერთმანეთი ძალიან გვიყვარს.

2.V – 6.X. 2000 წ.

ზაფხული ნაყოფიერი მქონდა.

დავწერე ათიოდე ახალი ნოველა.

ჯერჯერობით, მგონი, არა მიშავს. კალამი მომდევს.

სიბერის სუნთქვას ვერ ვგრძნობ.

შოი მეშვიდეშია.

მის სტუდენტობას თუ მომასწრებს უფალი, მაღლობელი ვიქნები.

უძიძემსი დღეებია ჩემთვის 25 აგვისტო და 3 ოქტომბერი (აჩიკოს დაბადების და გარდაცვალების დღე).

ვწერ სახელმძღვანელოს „მხატვრული ნაწარმოების შეფასების პრინციპები“.

ასეთი სახელმძღვანელო დღემდე არავის დაუწერია.

ვნახოთ, რა გამოვა.

პარლამენტმა პირველი სამი თვე დამაბნია, კალაპოტიდან ამომავლო.

სასწარმოკვეთილებამ ჩავვარდი. ვიფიქრე ჩემს მთავარ საქმეს – მწერლობას მოვცდები-მეთქი.

მერე ნელ-ნელა მოვბილიზდი, დრო გავანანილე, ახლა ძველებურად ყველაფერს ვასწრებ და არც მაინცდამაინც, ვილღები.

წივნივაძე და მე ჩაბმული ვართ ბრძოლაში ეროვნული ცნობიერების დასაცავად.



გვიტყვენ „რეფორმატორები“ ყველა არხიდან („რუსთავი 2“, შავრაზმული გაზეთები), მაგრამ ჯერჯერობით ვიგერიებთ.

გურამ შარაძე იელოველებს თავგანწირვით ებრძვის.

19 ოქტომბერს მწერალთა ყრილობა გვაქვს.

თამაზს უნდა, მე ვყავდე პირველ მოადგილედ. ჯერ არ გადამინყვეტია – 24 სექტემბერს ქუთაისმა 60 წლის იუბილე გადამიხადა.

გამოვიდნენ თამაზ ნივნივაძე, თეიმურაზ ლანჩავა, ავთანდილ ნიკოლეიშვილი, ლევან სანიკიძე, რეზო ჩხეიძე, ზურაბ კუხიანიძე, დოდო ჭუმბურიძე, რეზო კლდიაშვილი, ხოზე ადეიშვილი, ვაჟა ჭყონია, ნესტან კვიციანი, გონერი ქვიციანი...

ვრცელი სიტყვა წარმოთქვა თეიმურაზ შამიაშვილმა.

ყველანი გულწრფელად, უშურველად ღრმა პატივისცემით ლაპარაკობდნენ.

ორ ოქტომბერს თბილისის ციხიდან თორმეტი პოლიტპატიმარი გაიქცა. გვირაბი გათხარეს და გაიქცნენ.

იქნებო, ჟურნალისტები ამბობენ, ეს ხელისუფლების მიერ იყოსო მოწყობილი, რათა პოლიტპატიმრები აღარ გვყავდნენო.

ვინ იცის... მე უფლება არა მაქვს, ჭორებს ავყვე.

ამ ფაქტს ჯონი ხეცურიანი და გივი ყვარულაშვილი გადააყოფეს.

ჩვენთან ხომ არავინ არაფერზე აგებს პასუხს, რალა ამ ორ კაცს აგებინეს პასუხი.

ამ „კაზუსის“ გამო, ალბათ, კიდევ გადაინევს ეროვნული რეკვიზიტის საკითხის განხილვა.

იუსტიციის მინისტრად შევარდნაძე მიხილ სააკაშვილს ნიშნავს.

გარდაიცვალა ოთარ მამფორია. თბილისში, დიდუბეში დავკრძალეთ.

უნივერსიტეტში გურა კვარაცხელიას სამოცი წლის იუბილეს ვუნიშნაძღვრე. ბათუმიდან მაცნობეს (იური ბიბილეიშვილმა), რომ ჩემი სამოცი წლის აღნიშვნა აქვთ განზრახული.

ვფიქრობ, მეტისმეტია. ერს არ იეუბილება, მაგრამ გამხნევებაც ხომ არის საჭირო.

ჰოდა, ჩემს იუბილეს გამხნევების სიტყვის სათქმელად გამოვიყენებ.

შევარდნაძე იყო უნივერსიტეტში. დიდ საბჭოზე საჯაროდ ვკითხე, თუ შეეძლებოდა-მეთქი თქვენი პრეზიდენტობის განმავლობაში აფხაზეთის და სამაჩაბლოს დაბრუნებას.

რა თქმა უნდაო (აბა რას იტყოდა), მე ვფიქრობ, ვერ შეეძლებოდა.

უხასიათოდ ვარ.

საქართველოს საქმეები უკან-უკან მიდის.

მასწავლებლები გაიფიცნენ. ზოგ რაიონში (დუშეთი, მარტვილი, ახალციხე) სწავლა არ დანწყებულა, რაკილა მასწავლებლებს ხელფასი არ მიუღიათ. ეს ცუდი ნიშანია.

როგორ სძინავს პრეზიდენტს?

7/X – 23/X 2000 წ.

ოპოზიციას შევთავაზე, დაარსდეს ქართული ეროვნული ცნობიერების გადარჩენის საზოგადოება.

საზოგადოების პროგრამა უკვე გამოქვეყნდა გაზეთ „ახალ ერაში“. დამფუძნებელთა ჯგუფის სახელით ხელს ვანერთ: მე, მუხრან მაჭავარიანი, გურამ შარაძე, ამირან ნადარაია, ელიზბარ ჯაველიძე, ზურაბ ქაფიანიძე, მანუჩარ მაჩაიძე. მალე ყრილობას გავმართავთ და პრეზიდენტს ავირჩევთ.

2000 წ. 21 ოქტომბერს ჩატარდა საქართველოს მწერალთა XX ყრილობა.

თამაზ ნივნივაძემ გახსნა შესავალი სიტყვით. ყრილობას შევარდნაძე არ ესწრებოდა, მაგრამ გამომგზავნა თავისი ორი ერთგული კაცი – გია არსენიშვილი და სულხან მოლაშვილი.

ყველაფრიდან ჩანდა, რომ ხელისუფლება შიშობდა, მწერლებს გაუბედურებულ საქართველოზე არ დაცდენოდათ სიტყვა.

თუმცა ყრილობა შევარდნაძისადმი ერთგულების ნიშნით მიმდინარეობდა, გამოვყვი და ვთქვი, ჩვენ აქ ერის ჭირისუფლები ვართ და უპირველესად საქართველოს სატყვივარზე უნდა ვილაპარაკოთ-მეთქი. არ მომწონს წუნწუნი მწერლების შიმშილის შესახებ-მეთქი, საქართველოს როგორც უჭირს, მწერალიც ისე უნდა ცხოვრობდეს-მეთქი. ჩვენ აქ ეროვნულ პრობლემებზე უნდა ვმსჯელობდეთ, შევარდნაძემ ამ ერთი კვირის წინ განაცხადა, რომ გუდაუთის სამხედრო ბაზა რუსის ჯარის სარეაბილიტაციო ცენტრად უნდა გადაკეთდესო. სანამ ვითმინოთ ოპორტუნისტული, დაცვედნებული ხელისუფლება, სანამ ვითმინოთ უშუქობა და უხელფასობა, რატომ ვერ აძლევს მწერალთა კავშირი გაერთიანების მაგალითს ქვეყანას. განა ჩვენი სირცხვილი არ არის რომ ყრილობას არ ესწრებიან მუხრან მაჭავარიანი, ნოდარ ნულეისკირი, მიხეილ ქვლივიძე, ოთარ ჩხეიძე, ნაირა გელაშვილი, ნუგზარ შატაიძე, გოდერძი ჩოხელი და სხვანი-მეთქი. რატომ მიგანჩნიათ საქებრად რომ 5 წლის მანძილზე მწერალთა კავშირის ნევრად არც ერთი ახალგაზრდა მწერალი არ მიუღიათ-მეთქი. შეწყდეს კამათი, არჩევნებზე გადავიდეთო! – იყვირა ფერდაკარგულმა არსენიშვილმა.

ჯემალ ჯაყელმა თავმჯდომარედ ნივნივაძე დაასახელა. მხარი დავუჭირე. ერთი კვირის წინათ ნივნივაძე შემითანხმდა, თუ ძმა ხარ, თავმჯდომარეობაში ნუ შემეცილები, მე რომ ახლა აქედან წავიდე, ჩემი მტრები გამპუტებენო. თუ იკადრებ ჩემს მოადგილეობას სიკვდილამდე დაგიმადლებო. დავთანხმდი იმ პირობით, რომ მწერალთა კავშირში დავაბრუნებდი განდგომილ „ზვიადისტ მწერლებს“ და მწერალთა კავშირს, ეროვნულ სახლად ვაქცევდით.

კალანდიამ, მოდით, ღია კენჭისყრით ავირჩიოთო. ნივნივაძე ღია კენჭისყრით ერთხმად გავიდა.

მერე მოადგილის არჩევნები დაიწყო.

პირველი მე დამასახელა ლევან სანიკიძემ.

დარბაზში ტაშის გრიალი გაისმა. ფეხზე ადგომით, ოვაციით შემხვდნენ, მერე დაასახელეს ჯანსუღ ღვინჯილია. ჯანსუღ ღვინჯილიამ მოხსნა თავისი კანდიდატურა, რაკილა აშკარად იგრძნო ყრილობის დამოკიდებულება ჩემს მიმართ. ბოლოს, ყველასგან სრულიად მოულოდნელად ზაზა აბზიანიძემ გურამ ბენაშვილის კანდიდატურა დაასახელა. დარბაზში მკვდრული სიჩუმე ჩამოვარდა.

გურამს შეეხედე, მეგონა წამოდგებოდა და მოხსნიდა თავის კანდიდატურას. განა თვითონ არ იცის, რომ ხუთიოდე უნიჭო წერილის ავტორია და მწერალთა წინამძღოლობის არც მორალური უფლება აქვს და არც ნიჭი უწყობს ხელს.

თქვენც არ მომიკვდეთ, სინდისის ქენჯნაც არ უგრძენია, ყელმოღერებით იჯდა და ჭერს ასცქეროდა.

თურმე ჩაწყობილი აქვს საქმე შევარდნაძესთან და მისი სიძე სულხან მოლაშვილიც იმიტომ მობრძანდა, რომ მავანს შეახსენოს, ხელისუფლებას ბენაშვილი სურს, ხომ ნახე, მიშველაძე ზვიადისტობისკენ იხრება, აბა შენ იცი და შენმა ბიჭობამო.

თურმე უკვე ამუშავებული არჩევნების გამყალბებელი მანქანა, უკვე მიცემული აქვს დავალება გვერდნითელს (გამოცდილ-გამოქექილს ამ საქმეში) და მე განირუული ვყავართ.

გამოაცხადეს: 5 ხმით მიშველაძეს ბენაშვილმა აჯობაო. მწერლები (ნამდვილ მწერლებზე ვამბობ) შეძრწუნებულნი სტოვებდნენ ყრილობას.

ასე რომ, კიდევ ერთი ფარსი გათამაშდა.

ჩემთვის ეს, რასაკვირველია, უკეთესი გახლავთ.

უკვე მივეცი რამდენიმე ინტერვიუ.

გავიდა ერთი კვირა და თითქოს ყრილობის მიერ მოგვრილმა ელდამაც გამიარა. მით უმეტეს, როცა ვიცი, რომ ნივნივაძე ნიჭიერია. მას ჩემი მოადგილეობა ერჩია, მაგრამ ბენაშვილი მოახვიეს.

ჯანდაბას ჩემი თავი, მე ვინ ოხერი ვარ, როცა საქართველო იღუპება.

უშუქობა, შიმშილი...

ხალხი ქუჩაში გამოდის, გადაკეტილია ცენტრალური ქუჩები.

მოლაღატი ხელისუფლება ქვეყანას კვლავ ტყუილი დაპირებებით კვებას.

კვლავ ვერ შევატანინე ყვანიას დღის ნესრიგში საქართველოში ეროვნების აღდგენის საკითხი.

ახლა ყვანია შევარდნაძეს აბრალებს, შევარდნაძე ყვანიას. ეს ხომ მათი ცნობილი ფანდია.

გამოვედი და ვამხილე პარლამენტში ეს მაიმურობა.

რეზო ჩხეიძის წინააღმდეგ ბრძოლა 10 წელია გრძელდება.

რაკილა „ჯარისკაცის მამის“ ავტორს ვერაფერი მოუხერხეს, გადაწყვიტეს ზემოდან მოუყარონ. რეზოს მთელი კინოსტუდია უჭერს მხარს, ელდარ შენგელაიას კი ხელისუფლება და საპარლამენტო უმრავლესობა.

გამოვედი და აშკარად დავუჭირე მხარი რეზო ჩხეიძეს. ვთქვი, კულტურის სამინისტროში „კინოცენტრი“ შექმნა კიდევ ერთი ბიუროკრატიული აპარატის შექმნას ნიშნავს-მეთქი. ეს ყველაფერი ხომ ერთი კაცის – რეზო ჩხეიძის წინააღმდეგ ხდება-მეთქი.

პარლამენტიდან რომ გამოვედი, კინოსტუდიის თანამშრომლები ალტაცება-ტამით შემეგებნენ.

24.XI 2000 – 16.II 2001 წ.

უღიმღამოდ, გაუხარებლად დაიწყო XXI საუკუნე საქართველოსთვის.

ტელევიზიით (31-XII) შუალამისას ლევან სანიკიძე და მე გამოვედით. მივულოცეთ ვითომ ახალი წელი გაუბედურებულ ქვეყანას. მე ვთქვი, პირველ

რიგში ფეშენებელური რესტორნების წინ მდგარ მათხოვრებს და უპატრონო ბავშვებს ვულოცავ-მეთქი ახალ წელს.

გარდამეცვალა ორი საუკეთესო მეგობარი ზურაბ კუტალიევილი და ხუტა ყუფარაძე. ორივე უპატიოსნესი, კეთილი, პატრიოტი, ვაჟკაცი.

ვიტირე, რაც შემძლო დავეხმარე მათს ოჯახებს დაკრძალვაში.

„მანსში“ ინტერვიუ ჩამომართვეს. წამომცდა სიმართლე ხელისუფლების ირგვლივ შემოჯარულ ეროვნულფიქრგაცლილ მწერლებზე.

გამოვაცხადე, შეიძლება ჩვენ, ეროვნულმა მწერლებმა ცალკე, თავისუფალი მწერალთა კავშირი შევქმნათ-მეთქი, გაიმართა „ლიტერატურული საქართველოს“ ფურცლებიდან ჩემი ლანძღვა-გინების კორიანტი. მალე დავაარსე საქართველოს მწერალთა დარბაზი, ოღონდ მწერალთა კავშირის შიგნით, კავშირიდან გაუსვლელად. ეს როგორ გაბედეო, დამესიგნენ მწერალი-წრუნუნები.

ძირითადად ხელისუფლების ყურმოჭრილი მონა, უნიჭო, ნკავნკავა, ფინია-მწერლები მლანძღავენ.

თურმე უნიჭო ვყოფილვარ, თურმე რუსთაველის პრემია არ მეკუთვნოდა და მოუციათ როგორც მონყალბა, თურმე განდიდების მანიით ვარ შეყვრობილი.

განსაკუთრებით აქტიურობენ: ია სულაბერიძე, კობა არაბული, გურამ ბენაშვილი, ალექო გაბელაია, ჯემალ დავლიანიძე...

გეუბნებათ ეს გვარები რამეს, ძვირფასო მკითხველებო, თუკი ჩემს დღიურებს ოდესმე ჩახედავთ?

მე მხარში ამომიდგნენ და „ლიტერატურული საქართველოს“ ღირსეული პასუხი გასცეს.

ლევან სანიკიძემ, მერაბ ელიოზიშვილმა, სოსო სიგუამ, ვალერიან მამუკელაშვილმა და მკითხველთა დიდმა ჯგუფმა კოლექტიური წერილით.

ცილისწამების რა ნიაღვარია რომ იცოდეთ: თურმე მე ეროვნული ბრძოლა დავიბრალე, თორემ საქართველო ფეხებზე მკიდია. თურმე ჩემი უღიმამო ნოველებით თავი მომაქვს და კლასიკოსად ჩემს გამოცხადებას, მევე ვუნყო ხელს...

ქვეყანას რომ პატრონი არა ჰყავს, კარგახანია ვიცი, მაგრამ შევარდნაძე რომ თავზე ხელს უსვამს ზოგიერთს და მიდი, მიდი, რაც უფრო აამღვრევ წყალს, რაც უფრო გადაჰკიდებ ადამიანებს ერთმანეთს, ისინი კინკლაობით დაიღლებიან და მთავარი სამიზნე – მე დაგავინყდებითო, ფაქტია.

ფვიქრობ, სწორად მოვიქეცი თუ არა, სიმართლე რომ ვთქვი და ინსუნუაციები თავს დავიტყვენ, მე მგონი, სწორად მოვიქეცი, გაჟეჟილს გატეხილი სჯობია და „რაც არ უნდა კაცმა მალოს, ჭირი თავსა არ დამალავს“.

სწორად თქვა ამასწინათ მუხრან მაჭავარიანმა მწერალთა კავშირში მწერლები აღარ არიანო.

როგორ უნდა მიანლიო კაცმა იმას, რომ მწერალთა კავშირში მწერლები აღარ იყვნენ.

არადა დიდხანს ვითმინე ეს უხამსობა. სად უნდა წავიდე, მწერალთა კავშირი ხომ ჩემთვის მშობლიური სახლია. ორმოცი წელია დავდივარ მაჩაბლის ქუჩაზე.

შეხედეთ გამომცემლობა „მერანს“, გვერდნითელმა მთელი შენობა გააქირავა და იმით თვითონაც, კარგად ითბობს ხელს.

მწერალთა კავშირში ნიჭის, დამსახურების პატივისცემა დაიკარგა.  
რა კომიტეტია პრემიების ის კომიტეტი ოტია იოსელიანს და ლევან სან-იკიძეს რომ გააწვავებენ და ლია სტურუას მისცემენ რუსთაველის პრემიას.

ამ სირცხვილს, ამ სულიერ დისკომფორტს ვერ გაუძელი შენ რევაზ მიშველაძემ და ამიტომ აჯანყდი.

ახლა უფრო მომწონს ჩემი თავი.

არ დავბერებულვარ, არ ჩამკვდარა ჩემში პროტესტის გრძნობა.

საქმე საქმეზე რომ მიდგეს, ვისაც ვეჭომაგები ესენი პირველნი აწვევენ ხელს მიშველაძე მწერალთა კავშირიდან გაირიცხოსო.

გაირიცხული არა ვარ?! მე ხომ სანამ მედროვეთა პარპაში არ დამ-თავებულა, იქ ფეხს აღარ შევდგამ.

ოტია იოსელიანი იყო ჩამოსული გვიშტიბიდან.

დამირეკა. მივჯექით ერთ პატარა რესტორანში და ლამის 6 საათი ვის-აუბრეთ.

გაგიჟებულია, მავანთა თავხედობა არ მიკვირს, ეგ მათი ხელობაა, მაგათ თუ არ ითავხედეს, აბუჩად აიგდებენ, მე შენ გეტყვი ლიტერატურული ქმ-ნილებებით სავსე ხურჯინი აქვთ მხარზე მოგდებული, მე უფრო მწერლების დუმილი და შევარდნაძის ხუმტურებზე ტაშის დაკვრა მიკვირსო, ოტიამ.

დავშორდით იმ იმედით, რომ ნამდვილ მწერალთა კავშირში შევხვდებ-ით ერთმანეთს..იქნება? ყოველ შემთხვევაში შევარდნაძის ხელში არა.

17.II – 31.III – 2001 წ.

სამტრედიამი გრიგოლ ჯულუხიძის 60 წლისთავის იუბილე ჩატარდა.

ჩავედი, რასაკვირველია.

გრიშა უაღრესად პატიოსანი კაცი და ნიჭიერი პოეტია.

მთავარი მოხსენება გრიგოლ ჯულუხიძის ცხოვრებასა და შემოქმედე-ბაზე მე დამაკისრეს.

მოვეფერეთ გრიშას.

თეატრის შენობაში ციოდა. გრიშას ხალვათად ეცვა. სცენაზევე გავიხადე ჩემი „სვიტერი“ და ჩავაცვი.

ტაში დასცხეს.

რა იყო სატაშო? მე ხომ ეს ტაშისთვის არ გამიკეთებია. მე პალტო მეცვა და არ გავცივდებოდი.

ირანის ელჩმა მიგვინვია (მე, ვახტანგ შამილაძე, ზურაბ ქაფიანიძე და კიდევ რამდენიმე პარლამენტარი).

ჩვენთანო ქართული მწერლობა თითქმის არ ითარგმნება სპარსულ ენაზეო, მოგვიბოდიშა.

აგერაა ნოვალისტი რევაზ მიშველაძე და თარგმნეთო, შეაგება ბ-ნმა ვახტანგ შამილაძემ.

ელჩმა დაუქნია თავი და ჩემი გვარი ჩაიწერა, მაგრამ მეტი არ იქნა ჩემი მტერი...

ჯაბა იოსელიანმა და კომპანიამ მეომრის დღე დაანესეს – 25 მარტი. მიმინვეს როგორც სამშობლოსთვის დალუპული გმირის მამა.

ღითირამბები მითხრეს.

აჩიკოს საფლავთან ჯაბამ მუხლი მოიყარა.

ჭადრაკის სასახლეში სამეცნიერო კონფერენცია ჩატარდა მიწის საკითხებზე. გამოვედი და ვთქვი: მიწა მარტო ჩვენ კი არა, 30-ე საუკუნის ქართველსაც ეკუთვნის. ამიტომ ნუ მიგყიდით გადამთიელს, ნუ გავასხვისებთ, თორემ შთამომავლობა შეგვაჩვენებს-მეთქი.

ზვიადისტების მიტინგზე წავედით პარლამენტიდან მე, ანზორ აბრალავა, ზურაბ ქაფიანიძე, ნოდარ მოდებაძე და სხვები.

შეუთანხმებლად გამომაცხადეს – სიტყვა ეკუთვნის ჩვენს სახელოვან მწერალს რევაზ მიშველაძესო.

გამოვედი. ოპოზიციის სახელით მომიტინგეების გაერთიანებისაკენ.

ხელისუფლების დამხობისკენ მოვუნოდე. თანაც ვუსაყვედურე მიტინგის ხალხმცირობა.

მიმიწვიეს კინოსერიალში “ძილსი წინ”.

უარი არ მითქვამს.

იმედო კახიანთან ერთად ერთი სცენა გავითამაშეთ.

მე ჩემი სათქმელი ვთქვი.

ნიკო ლეკიშვილმა ლუარა სორდიას მიერ ჩემზე დანერული წიგნის გამოცემა დაასპონსორა. მადლობა მოვახსენე.

ჟურნალისტთა კავშირში ზურაბ ნინუამ პრესკონფერენცია ჩაატარა.

ისაუბრა იმაზე, თუ როგორ გააგდეს თეატრიდან სრულიად უსაბუთოდ და უმიზეზოდ.

როგორ უმტრეს მართალ კაცს მერაბ კოსტავას და ზვიადის ერთგულების გამო.

როგორ გააუქმეს ავლაბარში ქართული თეატრი და როგორ გახსნეს შიგ ჯიხურები და სამორინო დახლები.

მხარი დავუჭირე მის მართალ მოთხოვნას – დააბრუნონ თეატრში.

მეორე დღეს იგივე განვაცხადე პარლამენტის სხდომაზე.

ზურაბ ნინუა თვითმკვლელობით იმუქრება, თუ თეატრში არ დააბრუნებთ.

მისმა შვილმა პოეტმა რატი ნინუამ ამ ხუთიოდე თვის წინათ ამავე მიზეზით მოიკლა-მეთქი თავი.

სახეზე შევატყვე პარლამენტის წევრებს რომ აბსოლუტურად ფეხებზე დაიკიდეს ჩემი გაფრთხილება და ზურაბ ნინუას სასონარკვეთაც.

მე აღარ ვკითხულობ, მაგრამ როგორც მეუბნებიან, ძველებურად მთათხავს „ლიტერატურული საქართველო“.

ახია ჩემზე და ქართველ მწერლებზე საერთოდ.

ვიყავი შევარდნაძესთან 30 მარტს.

ორი საათის განმალგობაში ვკამათობდით ამ სიტყვის სრული მნიშვნელობით.

ჩემი ვიზიტის მიზანი პრეზიდენტთან იყო ეროვნების გრაფის შეტანა საბუთებში.

მე, ხომ გამოვგზავნე კანონპროექტი. არ გააქვს ფვანიას განსახილველად და რა ვქნა მეო.



ვინ დაგიჯერებს მაგ ნათქვამს-მეთქი.  
ხალხი ამბობს, ერთი ხელით გაგზავნა ხოლო მეორე ხელით თვითონვე ამუხრუჭებს-მეთქი.

არ ელოდა ასეთ პირშიმთქმელობას.

უკან დაიხია.

რა ვქნაო. რა და ვიკამათოთ მე და შენ, როგორც ქვეყნისთვის, ქართველი ერის მომავლისთვის აჯობებს, ისე მოვიქცეთ-მეთქი.

ბოლოს, როგორც იქნა, შევთანხმდით: დაბადების მონომობაში ჩაინერება: „ეროვნება (მოქალაქეობა) – ქართული და სურვილისამებრ ფრჩხილებში ეროვნული უმცირესობის ეროვნება (სომეხი) ან სხვა. გამონაკლისი პრეზიდენტის დაჟინებით იქნება მხოლოდ აფხაზეთისთვის ეროვნება (მოქალაქეობა) აფხაზი ან აფხაზური.

რომ გამოვედი, ჟვანიას ვუამბე შევარდნაძესთან ვიზიტის შესახებ. ძალიან გაეხარდა რომ ეროვნული რეკვიზიტის საკითხში ჩემსა და პრეზიდენტს შორის მიღწეულია შეთანხმება, ახლაო, მითხრა, ამ საკითხის გატანას ნინ ალარაფერი დაუდგებაო.

ენახოთ, რას იზამს.

ვეჭვობ, ახალ მიზეზს გამოძებნიან და კვლავ ითვალთმაქცებენ ორივენი.

ალარ მჯერა ხელისუფალთა გულწრფელობის.

1/IV – 15/IX 2001 წ.

აპრილში ირანში მომიწია წასვლამ (16.IV-19.IV). პარლამენტის დელეგაცია სტუმრობდა ირანს. ოთხნი ვიყავით: ზურაბ ჟვანია, მე, გივი შულაროვი, პეტრე ცისკარიშვილი.

თეირანი... ისპაჰანი... ფერეიდანი.

ფერეიდნელმა ქართველებმა დაუვინყარი შეხვედრა გაგვიმართეს.

ვტიროდით სტუმრებიც და მასპინძლებიც.

სპარსეთში გამოცემული ჩემი წიგნი თითქმის მთლიანად ფერეიდანში დავარიგე.

გარდაიცვალა ჩემი მეგობარი გურამ ზედგინიძე.

სიმონ ბალახაძემ დამირეკა და მაცნობა ლიტერატურული გაზეთის „მთანმინდის“ გამოცემა მინდა და უნდა დამეხმაროო.

ნოველა მივეცი, პარლამენტში სპონსორიც მოვუძებნე, ერთი ნომერი გამოსცა და გაჩერდა. ეტყობა ვერ „გაქაჩა“.

საინგილოში ვიყავით რეზო ჩხეიძე, მე და კამპანია.

გავამხნევეთ გულგატეხილი ინგილოები, წიგნები ჩავიტანეთ... ქურმუხობას დავესწარი.

აჭარაში დაბადების 60 წლისთავის დიდი იუბილე გამიმართეს – ივნისში.

29-ში „მწვანე კონცხზე“ სასოფლო ინსტიტუტში, 30-ში უნივერსიტეტში (1 საათზე) და 5 საათზე თეატრში ჩატარდა ჩემი საიუბილეო დღეები...

გრანდიოზული საღამო გამართა თეატრში. გამოვიდნენ: ჯ. ჯაყელი, ს. სიგუა, ი. ბიბილეიშვილი, ა. აბრალავა, გ. ყორღანია...

23 ივლისს ხობში გადამიხადეს 60 წლისთავი.

ეს იყო სრულიად სამეგრელოს მიერ გადახდილი იუბილე.



ულრმესი და უძვირფასესი დაფასება ჩემი მწერლობის და საზოგადო ღვანლისა.

იუბილეს ჩეჩნეთის დელეგაციაც დაესწრო.

თეთრი ნაბადი და ქამარ-ხანჯალი მაჩუქეს ჩეჩნებმა – ხიზრი აღდამოვის ხელით.

17 ივლისს მერაბ ელიოზიშვილმა კინოს სახლში სიმღერის საღამო გამართა.

მღეროდა ჩემი მერაბი – რა ალალი, რა საყვარელი, რა თვინიერი იყო. ზაფხულმა უღიმღამოდ ჩაიარა.

შიო ათი დღით ზღვაზე მყავდა და ყურის ანთებით გამიხდა ავაღ.

თბილისში წამოსვლისას ოტია იოსელიანს გამოვუარეთ მე და შიომ.

ოტია ივდა თავის მღვიმე-ტაძარში მარტოხელა, ჩაკირულ-ჩაბოლილი, გამხდარი, შეუცვლელი...

მუშაობდა.

დამინახა თუ არა, არც კი გაკვივრებია, თითქოს მელოდა, თითქოს იმ დილით ვყავდი ნანახი.

სად ხარ, რეზოია, შენ ამდენხანსო, ორი საათი მქონდა დრო, აჩქარებული ტემპით ვლაპარაკობდი.

რა დიდებული მოსაუბრე და რა მართალი მწერალია ოტია.

დაიწყო პარლამენტის „ცეცხლოვანი“ დღეები.

11 სექტემბერს ვრცელი სიტყვით გამოვედი და ბრალი დავდე საქართველოს ხელისუფლებას ერის გახლეჩაში.

ხალხს გული მოვფხანე, მაგრამ რად გინდა, კვლავ მგლური კანონით, კვლავ კორუფციის ბოგინით ცხოვრობს საქართველო.

ოტია ჩემი ჟურნალის რედკოლეგიაში შევიყვანე.

„მწერალთა დარბაზის“ (თავისუფალ მწერალთა კავშირის) იდეა ფრთებს შლის, ნამდვილი მწერლები ჩვენს მხარეს არიან მურმანი, ოტია, მ. ელიოზიშვილი, ნ. ნუღისკირი...

მაღე, ალბათ, ჩვენს ლიტერატურულ გაზეთს – „მწერალი“ (ან სხვა სათაური) გამოვცემთ.

7 სექტემბერს ზ. ჟვანია, ნ. ბურჯანაძე, მ. სააკაშვილი და მე ეროვნული რეკვიზიტის საკითხე შევარდნაძესთან მივედით. გაირკვა, რომ ეროვნების ჩანერის წინააღმდეგი მამაცი „სამეულია“, შევარდნაძე თურმე არაფერ შუაშია.

16.IX – 12.XI 2001 წ.

29 ოქტომბერს მწერალთა საერთო კრება შედგა. 169 მწერალი ესწრებოდა, მათგან მწერალთა კავშირის წევრი – 127.

შეგვეძლო ყრილობა დაგვერქმია, მაგრამ არ ვქენი. არ მინდა მწერალთა კავშირი დაიშალოს, ამიტომაც მწერალთა კავშირის წიაღშივე შევქმენით გაერთიანება „საქართველოს მწერალთა დარბაზი“.

მწერალთა დარბაზის ამოცანა მე გავაცანი კრებას:

უნდა ჩამოყალიბდეს ხელისუფლებისგან დამოუკიდებელ, თავისუფალ, ეროვნულ მწერალთა გაერთიანებად.

მწერალთა კავშირიდან 1992 წელს გასულ მწერალთა დაბრუნებით შერიგების მაგალითი მისცეს საქართველოს.

გაუქმდეს სამდივნო-პრეზიდენტი და მწერალთა კავშირის თავმჯდომარე მხოლოდ 2 წლით იქნას არჩეული.

მიეცეს ფართო ასპარეზი ახალგაზრდობას. მოიშალოს ხელოვნური ბარიერები კავშირში მიღებისა. ახალი წევრი აირჩიოს კრებამ დამსწრეთა უმრავლესობით.

მწერალთა დარბაზის თავმჯდომარედ მე ამირჩიეს.

გამოვეცი სალიტერატურო გაზეთი - „მწერლის გაზეთი“, რედაქტორობა სოსო სიგუამ იკისრა.

სოსო ნიჭიერი და წესიერი კაცია.

ფორმალურად შევძელი ეროვნულ მწერალთა შეთანხმება-შერიგება.

„ლიტერატურულ საქართველოში“ გამოუქვეყნებიათ განცხადება – მიშველაძე მწერალთა კავშირიდან უნდა გავრიცხოთო.

ჩვენმა გაზეთმა დიდი გამოხმაურება გამოიწვია. „მწერლის გაზეთის“ პირველი ნომრის ავტორები არიან – რევაზ მიშველაძე, ლევან სანიკიძე, გოდერძი ჩოხელი, თამაზ ჩხენკელი, სოსო სიგუა, ოტია იოსელიანი და სხვები...

მწერალთა დარბაზის დელეგაცია – 40 მწერალი ბათუმს ვანვით, უნივერსიტეტის გახსნის ცერემონიაზე სიტყვით გამოვედი.

აღფრთოვანებულები დარჩნენ.

9 ნოემბერს, პარასკევს აფხაზეთის აკადემიის პრეზიდენტის შოთა მისაბიშვილის წინადადებით, აფხაზეთის მეცნიერებათა აკადემიის აკადემიკოსად ამირჩიეს.

პარლამენტი ძველებურად არაეროვნული ცხოვრებით ცხოვრობს, თუმცა ახალგაზრდებმა ხელისუფლება გვარიანად შეაჯანჯლარეს:

ამ ოცი დღის წინათ გაიმართა ხუთდღიანი მიტინგი პარლამენტის წინ ხელისუფლების გადაადგომის მოთხოვნით.

შევარდნაძემ (შემკრთალმა) ყველა მინისტრი გადააყენა.

გადადგა ჟვანიაც.

ორი კვირა საქართველოში სახელისუფლებო ვაკუუმის დღეები იყო.

ბოლოს წინო ბურჯანაძე „ავირჩიეთ“ პარლამენტის თავმჯდომარედ.

ვნახოთ რას იზამს.

„თეთრმა მელამ“ მოქნილი პოლიტიკით კიდევ ერთხელ გადაირჩინა თავი.

აფხაზეთის საკითხების შუამავლად ასლან აბაშიძე დანიშნა.

ასლანი არძინბასთან ურიგოდ არ არის და ვინ იცის, იქნებ დაიყოლიოს ფართო ავტონომიის სტატუსზე.

მეტი არაა ჩემი მტერი.

საერთოდ საქართველოში „საინტერესო დღეები“ იწყება.

მალე მინისტრობაზე გაიმართება დოლი!

ქვეყნის დარდი ვის აწუხებს: მთავარია მინისტრობა!

13/XI 2001 – 1.IV 2002 წ.

2001 წლის ოქტომბერში მწერალთა კავშირიდან გამრიცხეს. გამგეობის 40 წევრიდან სხდომას ესწრებოდა 15. ვინც არ ესწრებოდა, როგორც მითხრეს, მეორე დღეს ჩამოუარეს, მაგრამ ზოგიერთებმა უარი უთხრეს;

მწერლის გარიცხვაში მხარს ვერ დაგიჭერთო. აი ისინიც, ვინც ხმა მისცა ჩემს გარიცხვას:

თ. წიფნივაძე, გ. ბენაშვილი, ლია სტურუა, გენო კალანდია, ზაურ კალანდია, ტაგუ მებურიშვილი, ჯანო ჯანელიძე, შოთა ქავთარაძე, მურმან ჯგუბურია, ივანე ამირხანაშვილი, ია სულაბერიძე, შადიმან შამანაძე, კობა არაბული, ემზარ კვიციანიშვილი, ირაკლი სამოსონაძე, ლალი ჯაფარაშვილი.

მოგვიანებით ლია სტურამ, შადიმან შამანაძემ, გენო და ზაურ კალანდიებმა უარყვეს დანაშაული. ჩვენ გარიცხვაზე თანხმობა არ მიგვიციაო. მოკლედ ორმოციდან 11 „მწერალი“ მომხრეა ჩემი გარიცხვის. ეს იმას ნიშნავს, რომ გარიცხვა უკანონოა. მაგრამ სადაა კანონი.

გამგეობის სხდომაზე ვილაცხას უკითხავს ეს ამბავი შევარდნაძემ თუ იცისო. იქნებ გარიცხვა ნამეტანია 1937 წლის მერეო.

რაც კ. გამსახურდია, ტიციაანი, მიხეილ ჯავახიშვილი, პავლე ინგოროყვა და პაოლო იაშვილი გარიცხეს, მწერალთა კავშირიდან არავინ გარიცხულაო.

ჩვენ შევარდნაძესთან შეუთანხმებლად ნაბიჯს არ ვდგამთო, უპასუხენიათ. აიძულეს მწერალთა კავშირი დაეტოვებინათ: აკაკი განერელიას, აკაკი ბაქრაძეს, ლევან სანიკიძეს, მუხრან მაჭავარიანს, ნოდარ წულეისკირს, ოთარ ჩხეიძეს, როსტომ ჩხეიძეს, მიხეილ ქვლივიძეს, ვახუშტი კოტეტიშვილს, სოსო სიგუას, დილარ ივარდავას, ელიზბარ ჯაველიძეს, ნუგზარ შატაიძეს, დავით მალრაძეს, ნაირა გელაშვილს... ბოლოს მე გამრიცხეს...

ასეთი „დემოკრატია“ საქართველოში, რაკილა მე შევექმენი ეროვნულ მწერალთა ასოციაცია. რაკილა ვცადე კომუნისტური, დამსჯელობითი ფუნქციისგან გამეთავისუფლებინა მწერალთა კავშირი და გარდამექმნა იგი ქემ-მარიტ შემოქმედებით კავშირად, თანასწორთა კავშირად და რაკილა მოვინდომე მწერალთა კავშირში დამებრუნებინა მუხრან მაჭავარიანი, ნოდარ წულეისკირი, ელიზბარ ჯაველიძე, სოსო სიგუა და სხვა ე.წ. „ზვიადისტი“ მწერლები, ეს არ მაპატიეს.

საქართველოს მწერალთა დარბაზის თავმჯდომარეობა დიდი პატივია ჩემთვის და დიდ სიამოვნებას მანიჭებს ის გარემოება, რომ ჩვენი რიგები დღით-დღე იზრდება.

უკვე ორასზე მეტი ნამდვილი მწერალი განეწვერიანდა „დარბაზში“.

გაზეთს მე და სოსო სიგუა ვუძღვებით. უამრავი ლექსი, მოთხრობა, წერილი გვაქვს სარედაქციო პორთფელში.

„მწერლის გაზეთი“ მართლაც რომ ეროვნული გაზეთია – ილიას გზით მავალი.

ავტორთა სიას რომ გადახედოთ, გული გაგინათდებათ, პატიოსანი ეროვნული მწერლები იბეჭდებიან. ჩვენთან დაუზარებლად თანამშრომლობენ მუხრანი, ოტია იოსელიანი, მერაბ ელიოზიშვილი, გოდერძი ჩოხელი, ნოდარ წულეისკირი, თინათინ მღვდლიაშვილი, უნიჭიერესი ახალგაზრდა პოეტები...

გაზეთის ტირაჟმა 2000-ს გადააჭარბა.

ჩავატარეთ გალაკტიონის, ლადო ასათიანის, მერაბ ელიოზიშვილის საღამოები.

პარლამენტი, უნივერსიტეტი, გაზეთი, სანერი მაგიდა – ამ ოთხ „ვეშ-აპს“ დიდი დრო და ენერგია მიაქვს.

წერთაც ბევრს ვწერ, ახალი ნოველები დამიგროვდა.

სიხარულს განვიცდი, როცა ჩემს გაზეთს და ჩემს ჟურნალს („ნუგეში“) ავიღებ ხელში.

მე მხოლოდ იმიტომ წამოვიწყე ეს ბრძოლა, რომ გვერდით უნდა დავდგომოდი ათი წლის მანძილზე განამებულ ე.წ. „ზვიადისტ მწერლებს“.

მე ხომ მთელი სიცოცხლის მანძილზე ეროვნულ მოძრაობას ვუთანაგრძნობდი.

სანამ ფეხზე ვდგავარ და პირში სული მიდგას, საქართველოს დაცვედნებას, შევარდნაძის რეჟიმს არ შევურიგდები.

უკვე კოდორის ხეობაც ჩააბარა მტერს შევარდნაძემ.

ეროვნება ისევ გაუქმებულია, ვבלავით პარლამენტში მე და გურამ შარაძე, მაგრამ „ქარავანი თავისი გზით მიდის“.

„გაიპე გულო! რაკი ენა უნდა დადუმდეს“ (შექსპირი).

2002 წლის თებერვალში პარლამენტის დელეგაცია (ნინო, მე, ლ. თედი-აშვილი, მამედ მამედოვი) აზერბაიჯანში ვიყავით. გვიდარ ალიევთან შეხვედრაზე ვთქვი – ქართველებს რომ 1964 წელს ეროვნება და ქართული გვარები წაართვეს საინგილოში უნდა დაუბრუნოთ-მეთქი, ალიევმა თანხმობა განაცხადა, თურმე მოგვატყუა.

## 2.IV 2002 – 12.X.2002

ინგილოები მოვიდნენ ჩემთან პარლამენტში მიღებაზე და შემომჩვილეს, რა სიხარულით მივიღეთ ბატონი რეზო, თქვენი შეთანხმება ალიევთან ჩვენთვის გვარების დაბრუნების თაობაზე, მაგრამ ზაქათალას გამგებელმა წყალი გადაგვასხა. ჩვენი განცხადებები უკან დაგვიბრუნა და სამი თითის კომბინაცია გვიჩვენაო.

წავიყვანე ინგილო სტუდენტები, მარნეულები პარლამენტარი მამედ მამედოვი და წავედით საინგილოში. ზაქათალას გამგებელმა ცივად მიგვილო. აფუხსენი, ჩვენ პარლამენტარები გახლავართ, ალიევი დაგვიპირდა, რომ ქართველებს (ინგილოებს) თავიანთ ისტორიულ გვარებს დაუბრუნებენ-მეთქი. მერედა ვინ გითხრათ, რომ აზერბაიჯანში ქართველები ცხოვრობენო. თქვენ ინგილოები მართლა ქართველები ხომ არ გგონიათო, ეს არის აზერბაიჯანული ტომი და ქართულის ცოდნა არაფერს ნიშნავს, ბევრმა აზერბაიჯანელმა ინგლისურიც კარგად იცისო. თავი ვერ შევიკავე და მეც მაგრად დავხვდი, ბოლოს მოვახსენე: თქვენთან კამათს არ ვაპირებ, ისევ ალიევთან მივალ და ვეტყვი როგორ უშლით ხელს თქვენსავე პრეზიდენტს საქართველოსთან მეგობრობაში-მეთქი.

გამგებელმა ჩვეულ სიცბიერეს მიმართა. ნუ ლელავთ, თუ ალიევმა თქვა, ყველაფერი მოგვარდება, უბრალოდ, ორიოდე კვირა მომეცით, ბაქოს შევეუთანნდეთო.

დღეს 10 ოქტომბერია, ლამის ხუთი თვე გავიდა, მაგრამ ქართველებს საინგილოში კვლავ ჯიუტად ეუბნებიან უარს თავიანთი გვარების დაბრუნებაზე.

ნინო ბურჯანაძე მეუბნება, რა ვქნა ბატონო რეზო, მე არა მაქვს უფლება აზერბაიჯანის პრეზიდენტს დავურეკო, ბატონ ედუარდთან მიდიო.

მივედი შევარდნაძესთან. როგორც იქნა, ოცდამეცხრე დარეკვაზე მიმილო.

ჯერ ეროვნულ რეკვიზიტზე ვესაუბრე.

უაზროდ შემომცქერის:

ეს საკითხი კიდევ არ გადაწყდაო?

ვითომ არ იცის, რომ არ გადაწყდა.

მერე ქართული ენის კანონის გატანას ვერ მივალნიეთ მე და შარაძემ-მეთქი, ვუთხარი.

– რა უშლის ხელსო.

– თქვენი თანხმობა-მეთქი.

რა ჩემი თანხმობა უნდა, პარლამენტარები თქვენ ხართ, გაიტანეთ და დაამტკიცეთო.

ისევ თვალთმაქცობა (ზაქათალის გამგებელს რას ვერჩი).

თქვენ უნდა უთხრათ, ნინოს-მეთქი.

გაიცინა, ნინო მე არ მემორჩილებათ.

### 13.X 2002 – 1.I.2003

ეს ერთი წელიც ბარდება ისტორიას.

„მწერლის გაზეთი“ ჩემი უმთავრესი საზრუნავი.

გაზეთს საოცარი „ჩათრევა“ სცოდნია..

ლექსები ბევრი გვაქვს, პროზა ნაკლებად შემოდის, ჩანს საქართველოში ნოველას მხოლოდ მე და ოტია ვწერთ. ოტია გვიმტიბიდან ამ ბოლო დროს მხოლოდ ლექსებს გვიგზავნის და იძულებული ვარ „მწერლის გაზეთი“ ოდენ ჩემი ნოველებით შევაავსო.

გაზეთი დღითიდღე უფრო პოპულარული ხდება, ტირაჟი გავზარდეთ, მაგრამ ორ დღეში მთლიანად სალდება.

ხალხს, ჩანს, აინტერესებს ეროვნული, ოპოზიციური ლიტერატურა.

ამერიკის თანადგომამ, ცოტა არ იყოს, წელში გავგმართა.

პანკისის ხეობაში ამერიკის მხარდაჭერით შევედით და იქ საქართველოს ხელისუფლება აღვადგინეთ.

ამისთვის საქართველოს დასაბომბად გამზადებული პუტინისთვის ბუშს თითის დაქნევა დაჭირდა.

„თეთრი დათვი“ შეშინდა და უკან დაიხია, ნეტა ასე დაგვიტომობდეს აფხაზეთ-სამაჩაბლოსაც.

პარლამენტში კვლავინდებურად ვიბრძვი საქართველოში ეროვნება ქართველის აღდგენისათვის.

ჩემმა კომიტეტმა (ეროვნულ საქმეთა კომიტეტი) გადაწყვიტა რომ ყველაზე სწორი ფორმულირება ამ ეტაპზე ის იქნება, რომ საბუთებში საქართველოს ყველა მოქალაქეს ჩაენეროს „ეროვნება (მოქალაქეობა) ქართული“.

ნინო ბურჯანაძეც ამ აზრისაა.

ამ ევროპული წესით საქართველოში ქართულ ეროვნებასაც აღვადგენთ და სეპარატიზმის ახალი ავტონომიებით მოთხოვნასაც აღმოვფხვრით.

თითქოსდა ყველაფერი კარგად მიდის. დავაგროვე ხელმოწერები, კომიტეტების დადებითი გამოხმაურებები... გული მაინც ცუდს მიგრძნობს და აი, 25 დეკემბერს მეძახის ნინო ბურჯანაძე.

ბატონო რეზო, ამ დღით შევარდნაძემ დამირეკა და მთხოვა, ცოტა ხნით გაზაფხულამდე გადავდოთ ეროვნული რეკვიზიტის კანონის კენჭისყრა.

გული კინაღამ გამიჩერდა, წნევამ ამინია. ნინო, მეოთხე წელია საქართველოში გაუქმებული ეროვნების აღდგენას ვცდილობ, ნუთუ ყველას – შენც და შევარდნაძესაც ჩემი სიკვდილი გინდათ-მეთქი.

შემატყო, რომ ადამიანისფერი აღარ მედო, დამიყვავა, კიდევ მოველაპარაკებო.

4 საათზე დაიწყო პარლამენტის სხდომა.

5 საათზე შევარდნაძის მდივანი მირეკავს, შევარდნაძე გთხოვთ 6 საათზე მობრძანდეთო.

მივდი. უფრო დაბერებული, დაღლილი, შეშუპებული სახე აქვს. თითქოს არაფერი მომხდარიყოს, ხელი ჩამომართვა და გადაამეხვია.

შენს ნოველებს ვკითხულობო, ხანდახან მლანძღავ, მაგრამ არა უშავსო. ხმას არ ვიღებ.

ერთი დიდი სათხოვარი მაქვს და უნდა შემისრულოო. გაზაფხულამდე გადავდოთ ეროვნების აღდგენაო.

ამ საკითხზე უკვე მესხუთეჯერ გხვდებით, ნუთუ არ მოგბეზრდათ-მეთქი, ნუთუ უხერხულობას არ გგვრით რომ უეროვნებო სახელმწიფოს პრეზიდენტი ხართ-მეთქი.

მირჩევნია, ეროვნება ქართველი გამქრალი იყოს, მირჩევნია მთელი ტალახი ჩემს საფლავს დაატყდეს, ვიდრე ახლა საქართველო აირიოს და ქვეყანა დაგვეშალოსო.

რა დაშლის-მეთქი.

ჩვენაო, სომხები და აზერბაიჯანელები მოგვერევიანო, არ იცი შენ, რომ ჯერ კიდევ სახელმწიფო არა ვართო.

აბა რა ვართ-მეთქი, ამერიკამ ჩვენი გულისთვის რუსი ლამის მოიმდუროს და სომხებს და აზერბაიჯანელებს როგორ შეაჭმევს ჩვენს თავს-მეთქი. სწორედ ამერიკა გვთხოვს, რომ გაეროს მიერ დამტკიცებულ პროექტი მივიღოთ და ყველას ავტოქტონური ერის ეროვნება ჩავუნეროთ-მეთქი.

არაო, მე სანამ პრეზიდენტი ვარ, ამას არ დაეუშვებო. გთხოვ, კაცურად გამიგეო.

ჩვენ ეროვნებას არავის ვართმევთ, მე ეროვნება „ქართველის“ აღსადგენად ვიბრძვი-მეთქი.

კარგი, რაკი ვერ შევთანხმდით, გაზაფხულამდე მაინც მეცი პატივი და ნუ გაიტან. მარტში კი პირველსავე კვირას უყარეთ კენჭიო.

პირგამშრალი წამოვედი.

მარტივ მოვა.

რა შეიცვლება? ნუთუ შევარდნაძე იზრუნებს რომ მარტამდე რამე ისეთი მომიწიოს, რომ ეროვნების აღდგენის თავი აღარ მქონდეს.

1.1 2003 – 3,1 2003

ახალ წელს მამაჩემთან და დედაჩემთან ერთად შევხვდი მამაპაპეულ სახლში – ჩემი უმცროსი ძმის ბორისის ოჯახში.

მამაჩემი 88 წლისაა, დედაჩემი – 83-ს.



რა ბედნიერებაა, რომ ისინი ცოცხლები არიან. ორივეს მშვენიერი მეხსიერება აქვს, აზროვნებენ სხარტად, სწორად, ბრძნულადაც კი.

მთელი ცხოვრება ჭკუას მარიგებენ, ნუ ებრძვი ხელისუფლებას, დაანებე თავი დონკიხოტობას, ქვეყანას შენ ვერ გაასწორებ და მოგკლავენ ან დაგასახიჩრებენო.

ძვირფასებო-მეთქი, ვპასუხობ, სამოცდასამისა ვხდები. აწი ველარ შევიცვლები. რაც მოსახდენია მოხდეს, ჩემი საქმე გაკეთებული მაქვს. რაც შემეძლო სინდისიანად ვემსახურე ქვეყანას, მწერალიც ურიგო არ უნდა ვიყო, სიკვდილამდე ვერ გაგზომდები და ვერც უკან დავიხევ-მეთქი.

2003 წელსაც მოვესწარი.

რა ბედნიერი ვიქნებოდი, ჩემი აჩიკო რომ გვერდით მყავდეს.

შიო – წყნარი, ფიქრიანი ნიჭიერი ბიჭია. მე არ მიჩვენებს, მაგრამ ბუბია-მიმა მითხრა, ჩუმჩუმად ლექსებსაც წერსო.

1 იანვარს – ჩემი დაბადების დღეს ჩემთან იყვნენ ნათელა, ბორისი, გოგი თავიანთი შვილებით. სოსო ბუხაიძე, იგორ კვესელავა, სოსო სიგუა და მურმან თავდიშვილი. აგრეთვე ჩემი კათედრის წევრები თამუნა პაიჭაძე, მაია სულაბერიძე და ნინო მინდიაშვილი.

გამოვეცი „მწერლის გაზეთის“ საახალწლო ნომერი.

მუხრან მაჭავარიანის ლექსებთან ერთად ოტია იოსელიანის კარგი მოთხრობაა დაბეჭდილი.

გარდაიცვალა ჩვენი დარბაზის წევრი, შესანიშნავი პოეტი ქიშვარდ ისაკაძე, 31-ში დავკრძალეთ.

დაკრძალვაზე ზვიადის ქვრივი – მანანა არჩვაძეც იყო. ცივად მივესალმეთ ერთმანეთს.

უსულგულოდ შევეყურებდი ტელევიზორს იმ დღეებში. გაუთავებელი ცეკვა-თამაში. რა უხარია ამ დამარცხებულ, ტერიტორიებდაკარგულ ქვეყანას, ვერა და ვერ გამიგია.

თუ ვინმე დაიბადა 1 იანვარს ყველა ახსენა და ყველას მიულოცა პირველმა არხმა. მე, რასაკვირველია არავის გავხსენებიავარ. ჩანს, მოდიდან გავედი, როგორც მწერალი. ახლა ლაშა ბულაძეების, რატი ამალლობლების, კოტე ყუბანეიშვილების და დათო ტურაშვილების დროა.

ღმერთმა ხელი მოუმართოთ. მე გული მხოლოდ იმაზე მწყდება, რომ თავიანთ „როთულ“ სტრიქონებში ხანდახან დაავინყდებათ, გაებნევათ ხოლმე ყველა შემოქმედის მთავარი საფიქრალი და საზრუნავი – საქართველო. 2003!

„ჰოპლა, ჩვენ ვცოცხლობთ!“

ნეტავ 2003 წელს თუ ვინმე გამიხსენებს. თუ ვინმე წამიკითხავს. საერთოდ საქართველო იქნება?

ოღონდ საქართველომ იარსებოს და ჩემი თავი ჯანდაბას.

4.I 2003 – 9.IV 2003

8 იანვარს მე და შიო ბაკურიანს ვესტუმრეთ, ათი წელია არ ვყოფილვარ ბაკურიანში, რომ არა ზვიად ცეცხლაძე, შეიძლება კიდევ კარგა ხნით გადამედო იქ ჩასვლა. ცხოვრება გაძვირდა, ბაკურიანში სასტუმროს ცეცხლის ფასი აქვს და ჩემისთანა ხელმოკლე კაცი ვერ მისცემდა თავს ასეთი



ფუფუნების უფლებას. ზვიადმა ყოველგვარი თხოვნის გარეშე (ან როგორ გაუზუბდავდი) მომიტანა საგზური და წინ დამიდო. ვიცი, შენ ბაკურიანი გიყვარს, ნაიყვანე შვილიშვილი და დაისვენეო. დახვდე ფასს, 700 დოლარი გადაუხდია. ორი კაცი არ მეგულება დღეს საქართველოში ამხელა პატივს რომ გცემს, მაღლობის სათქმელი ენა გამიძრა. გადამეხადოს-მეთქი. ენას ვიმტვრევ, როგორ გადავუხადო.

ბაკურიანი დიდებულია, როგორ ყოველთვის, პირველ დღესვე დავდექი თხილამურებზე, არ დამვიწყნია. შიოს აჩიკოს თხილამურები მოვარგე. ვასნავლი, სხვათა შორის, ადვილად ათთვისა, მეორე დღეს ისე გავთამამდი, რომ კოხტის კლდესაც შევებდე. საკმაოდ გამიჭირდა. მაგრამ დავეშვი მშვიდობიანად. ქვემოთ ტელევიზიის ყურნალისტები დამხვდნენ, იქვე ვახტანგ რჩეულიშვილიც, რომელიც დამწყები მოთხილამურეა, მაგრამ ისე დაჯერებულად დგას თოვლიყინულზე, ნეტა ასე მარჯვედ პოლიტიკაშიც ვიდგეთ ორივენი.

გვიან სალამოთი ჩემმა ძმამ – ბორისმა თბილისიდან დამირეკა. რას ხეთქავ ამ შენს მტრებს გულზე, ახლა ტელევიზიამ „მომაბეში“ აჩვენა შენი სრიალი და განაცხადა, მწერალი მიშველაძე გინესის წიგნშია შესატანი, სამოცდასამი წლისა კოხტაზე ჯერ არავინ დაშვებულაო.

ბონდო მაცაბერიძემ დამირეკა, შენი რჩეულის აწყობას მალე მოვრჩები და იმ კვირაში საკორექტუროდ გამოგიგზავნითო.

დავურეკე ოტიას 14 იანვარს. ძველით ახალი წელი მივულოცე. ძალიან გაეხარდა. რას შობი, ტელევიზორში გნახე, სრიალი დაგინყიაო. ამ უბედური საქართველოს შემყურე, ჩვენ ყინულზე ვდგავართ ისედაც, ნამეტანი არ მოსრიალდე „მითქვია“ შენთვისო.

გამოსაცემად ვამზადებ ნერილების კრებულს სათაურით – „არ უნდა მეთქვა?“

ამ ბოლო სამი წლის მანძილზე რაც „არამხატვრული“ დამინერია, უნდა შევიტანო.

ინტერვიუები არ შემაქვს.

ვჭოჭმანობ: შევიტანო თუ არა „ნივნივაძე-ბენაშვილის“ ეპოპეა.

სამწუხაროზე სამწუხარო ამბავი შემემთხვა, მამაჩემს – 88 წლის კაცს ტვინში სისხლი ჩაექცა. ექიმებმა მწვავე ინსულტი დაუდგინეს, მეტყველება და ცნობიერება წაერთვა. ვერაფერს ვშველოდით და ვიტანჯებოდით შვილები. დედაჩემი 83 წლის თინა გველესიანი სასაუბლოდან უზის, რა ჭქნას, ტირილი და ცრემლისღვრა ჩვენს ოჯახში.

პროფესორმა რომა შაქარაშვილმა დაუნყო მკურნალობა. ჩვენც, რაც შეგვეძლო შევეშველეთ ნამლების შოვნაში და მოხდა სასწაული. თვენახევრის შემდეგ მამაჩემს ცნობიერება ნელ-ნელა უბრუნდება, ლაპარაკს სწავლობს. ადრე თუ ვკითხავდით რამდენი შვილი გყავსო და ვერ ამბობდა, ახლა ეცინება ამაზე, ოღონდ ერთია – რა მომივიდა, კითხულობს, ერთბაშად დაბნეულდაო. თითქოს დავყრუვდი, თითქოს წარსული დაიკარგა. ყველაფერი ერთმანეთში აირია. ვგრძნობდი, რომ სიტყვებს ვისროდი და მიკვირდა, თქვენ რატომ ვერ გაგებინებდითო.

პარლამენტში წინასაარჩევნო ციებ-ცხელება დაიწყო, საზიზღრად იქცევა ჩემი ფრაქციის ზოგიერთი წევრი. სახე მოემგელათ. დასმენით, სხვა-

თა ზურგსუკან ლანძღვით, წამდაუნუმ პრესკონფერენციების ჩატარებით და ბათუმში სირბილით სურთ მიიპყრონ ასლან აბაშიძის ყურადღება.

მე ჩემად ვარ, ბათუმში რვა თვეა არ ვყოფილვარ. ვიქნები თუ არა მომავალ პარლამენტში, სულაც არ მანაღვლებს. ამ ოთხმა წელმა ძალიან დამღალა, თუ მთხოვს ასლან აბაშიძე, ალბათ დავეთანხმები, თუ არა და იქეთ არ ვიაქტიურებ, გულს მირევს „საარჩევნო აქტიურობა“.

სადაც უნდა ვიყო, მე თბილისსა და ბათუმს შორის ურთიერთობის ნორმალიზებისთვის ვიბრძოლებ.

წარმოუდგენელი ამბები ხდება ე.წ. ტრადიციულ მწერალთა კავშირში.

როგორც ვინიასწარმეტყველებდი, ნივნივადე და ბენაშვილი ერთმანეთს შეებნენ.

გაზეთებში უკანასკნელი სიტყვებით ლანძღავენ ერთიმეორეს.

„ლიტ. საქართველოში“ თამაზ ნივნივადემ გამოაქვეყნა ბრძანება, რომლის ძალითაც მან გააუქმა მწერალთა კავშირის თავმჯდომარის მოადგილის შტატი და ბენაშვილი მოხსნა.

როგორც მითხრეს, ბენაშვილი თავისი მომხრეებით მივარდა მწერალთა კავშირში, კაბინეტის დაკეტილი კარი შეამტვრია და თავის სავარძელში ჩასკუპდა.

ახლა გაშმაგებით ებრძვიან ერთმანეთს.

რომ მკითხონ, ნივნივადე მიჩვენია იმ დაცვედნებულ-დადებლებულ მწერლებს, რომლებმაც პირში წყალი ჩაიგუბეს, როცა რევაზ მიშველაძე უსინდისოდ გარიცხეს მწერალთა კავშირიდან.

დათო ტაკიძის 50 წლისთავის საღამო გავმართეთ მწერალთა დარბაზის სახელით.

მწერალთა კავშირში 2 აპრილს ზაურ ბოლქვაძის 70 წლისთავის მოსაგონარი საღამო გაიმართა.

დამირეკა ზაურის უსათნოესმა მეუღლემ ნანა დარჩიამ, მთხოვა შენ ზაურს განსაკუთრებით უყვარდი და უნდა მოხვიდეო.

უარს როგორ ვკადრებდი.

გარიცხვის შემდეგ (2001 წლის ნოემბერი), მწერალთა კავშირის შენობაში ფეხი არ შემიდგამს.

გამოაცხადა თუ არა ნივნივადემ, სიტყვა რევაზ მიშველაძეს ეკუთვნისო, დარბაზში ტაში დაირხა...

ვთქვი, ზაურ ბოლქვაძის ვაჟკაცობის, მისი სიკეთის, მისი მაღალი ზნეობის კამერტონზე უნდა გავწმინდოთ დამტვერილი ნერვები ყველა ქართველმა მწერალმა-მეთქი. კარგა ხანს ვილაპარაკე, ზაურზე სათქმელს რა გამომიღევდა.

ოთხი მეგობარი მყავდა მწერლობაში – ლევან სანიკიძე, შოთა ნიშნიანიძე, მორის ფოცხიშვილი და ზაურ ბოლქვაძე. ახლა ოთხივე იქეთ, იმ დიდ სოფელშია და ველი როდის მიხმობენ-მეთქი.

სიტყვა რომ დავამთავრე, დარბაზში ზოგის თვალში ცრემლი აკიაფდა.

მწერალთა კავშირის თანამშრომლები დერეფანში გამოსულს მეხვეოდნენ, მკოცნიდნენ, რეზო როდის დაბრუნდები, შენი გამოჩენით დღეს განათ-

და აქაურობა. ვერ წარმოიდგენ რა ხდება, მწერლები მწერალთა კავშირში აღარ დადიანო.

ოტიამ დამირეკა წყალტუბოდან, სათოთხმეტაპრილოდ სამ ლექსს გიგზავნიო.

ჩამოვიდა გრიგოლ ჯულუხიძე სამტრედიიდან, ავად ვარ, გული და თირკმელები მტკივაო.

მივიყვანე შესანიშნავ ექიმ მამანტი როგავასთან. იგი, სხვათა შორის, ტერენტი გრანელის დის შვილიშვილია და მწერლები ძალიან უყვარს.

გადავუხადე ჩემს გრიმას ანალიზების წამლების, მკურნალობის ფული. 100 ლარი (ხელფასი ახალი ალებული მქონდა), ჯიბის ფულად მივეცი.

გახარებული წავიდა, ამით მინას მოვახვეწევენ და სათესლე სიმინდის ვიყიდო.

უპატიოსნესი, სანთელივით კაცია გრიმა ჯულუხიძე, კარგი პოეტი და ჩემი უღალატო მეგობარი.

ხვალ ცხრა აპრილია.

ცხრა აპრილს დაღვრილმა სისხლმა ერთ მუშტად შეკრა საქართველო.

#### 10.IV 2003-1/VI 2003

მეოთხე თვეა ავად ვარ.

ჯერ იყო და გრიპი მქონდა. არ „ჩავუნეცი“ და როგორც გამოირკვა, უსიცხო ფილტვების ანთებაში გადამეზარდა, როცა ძალიან დავსუსტდი, „ვიკადრე“ ექიმებთან მისვლა. დამჩხვლიტეს ნემსებით, გამჭყიპეს ანტიბიოტიკებით, ხუთი დღე საავადმყოფოში მჯიჯგენეს (დილომი) და გამომიშვეს.

გამომიშვეს, მაგრამ ლადო ასათიანისა არ იყოს, „ფილტვების მხრივ არავითარი გაუმჯობესება არ მიმიღია“.

უკვე მაისია. თებერვლიდან ავად ვარ. მახველებს და ღამლამობით მაოფლიანებს, საქართველოში ჩემი მომრჩენი ექიმი, ჩანს, არ მოიძებნება, ვერ მომიხსნეს გრიპოზული მდგომარეობა და ოფლიანობა-ხველება, ხან ანთების ნარჩენი მოვლენებიაო, ხანაც ალერგიას დააბრალებს. წამლები კეთილსინდისიერად ვსვი, მაგრამ ამაოდ. დღეიდან ყველა წამალი გადავყარე. გადავასუფთავე ჩემი მაგიდა. მარტო სუფთა ქალაქები დავტოვე და შევუდექი უნამლო ცხოვრებას. ვნახოთ როგორ წავა საქმე. სიკვდილისა სულაც არ მეშინია. მაგრამ არა მგონია, სიკვდილი ჩემთან ასე გველურად, მოპარვით მოვიდეს.

ჩემი ავადმყოფობა რა მოსატანია, მამაჩემია ძალიან ცუდად. ორი თვის წინ ოთხმოცდარვა წლის კაცს ინსულტი დაემართა. სისხლის ჩაქცევამ დამბლა გამოიწვია. ცნობიერებაც დაებინდა. თავის ოთხი შვილის ჩამოთვლა უჭირდა. იტყოდა: ნათელა, რეზო... და გაჩერდებოდა, გოგი და ბორისი აღარ ახსოვდა. დავახვიეთ ექიმები. განსაკუთრებული პატივი რომა შაქარაშვილმა მცა. ამ ათიოდე დღის წინ, როგორც იქნა, გამოვაბარუნეთ, ფეხზეც წამოვაყენეთ, მაგრამ რომელიღაც ანტიბიოტიკმა კვინკეს შეშუპება დამართა და უმძიმეს დღეში ჩავარდა.

მერე ყელი შეუშუპდა და ნერწყვსაც ველარ ყლაპავს.

ასე რომ, 2003 წელი ძალიან ცუდად დაიწყო ჩემთვის და ჩემი ოჯახისთვის.

კონსტანტინე გამსახურდიას 110 წლისთავი ვიზეიმეთ. „მწერლის გაზეთის“ სპეციალური ნომერი მივუძღვენით.

პარლამენტში ისევ რიარიაა, ეროვნული რეკვიზიტის კანონზე მე და გურამ შარაძე ერთმანეთს დავეჯახეთ. ვერ დავარწმუნე, რომ თუ ევროპული მოდელი (ყველას ავტოქტონური ერის ეროვნება ჩავუნეროთ) არ მივიღეთ, საქართველო სეპარატისტთა საიერიშოდ გადაიქცევა.

23 მაისს თამაზ ნივნივაძემ გამოაცხადა რევაზ მიშველაძე მწერალთა კავშირის წევრად აღდგენილიაო.

შევრიგდით, როგორც იქნა. ინიციატივა ჩემგან წამოვიდა „ქიშპი და გათიშულობა არას მოგვიტანს, მწერლებმა უნდა მივცეთ საქართველოს გაერთიანების მაგალითი-მეთქი“. დავწერე ჩემს გაზეთში, აიტაცა თამაზმა და მწერალთა კავშირს ჩამოარეცხა ის სირცხვილი, რაც დამართა ზოგმა სულსწრაფმა კოლეგამ ჩემს გარიცხვას რომ ხელი აუწია.

მას ასე, გამრიცხეს 2001 წლის 1 ნოემბერს და აღმადგინეს 2003 წლის 23 მაისს.

ჩემი გამრიცხავები „მილოცავენ“. მიპატიებია მათთვის. ისეთივე ენერგიულობით აღმადგინეს თურმე, როგორი ენერგიულობითაც გამრიცხეს.

უცნაურია ბუნება კაცთა.

„დარბაზი“ რასაკვირველია, თავის სიცოცხლეს გააგრძელებს. იგი იქნება ერთგვარი „საბაზო“ კავშირი მწერალთა საერთო-ეროვნული კავშირისათვის.

საერთოდ კი, მწერლობა ერთ მუშტად უნდა შეიკრას საქართველოს საშველად, თუმცა ერთი პირი ვინ მოგვცა, თითქმის ორი წელი გარიცხული ვიყავი მწერალთა კავშირიდან და ერთი (თუნდაც ხუთი მწერლის ხელმოწერით) განცხადებაც არსად დაბეჭდილა. რისთვის გარიცხეთ რუსთაველის პრემიის ლაურეატი, ნომერი პირველი ნოველისტი თანამედროვე საქართველოშიო.

ახლა ერთმა-ორმა დამირეკა, რატომ შეურიგდით. კუდიტ ქვა ვასროლინე.

სეირის ნახვა სურდათ, მეტი არაფერი.

რაც მეტად დავკორტინდით და დავასუსტებდით მე და ნივნივაძე ერთმანეთს, მათთვის როგორც ჩანს, მეტი სიამოვნება იყო.

ასეა, არასრულყოფილი არსებაა ადამიანი.

არასრულყოფილი რომ არ იყოს, რა აყურებინებს ხარისა და ადამიანის ორთაბრძოლისთვის ტორეადორის არენაზე.

2/VI – 15/VII 2003

გრიპმა, როგორც იქნა, უკვალოდ გამიარა.

ომარ გოცაძემ (ნივნივაძის მეგობარი) თავის ოჯახში ჩვენი შერიგების პურ-მარილი გაშალა.

სუფრას ვუსხედით: მუხრან მაჭავარიანი, როინ მეტრეველი, რამაზ ხუროძე, თამაზ ნივნივაძე, თემურ ხუროძე, ელიზბარ ჯაველიძე, როლანდ გილიგაშვილი, რამაზ ხეცურიანი, გურამ ქარქუაძე და მე.

კეთილი, ვაჟკაცი, უანგარო კაცია ომარ გოცაძე.

მწერალთა კავშირის თანამშრომლები ჩემს გამოჩენას ცრემლით და სიხარულით შეხვდნენ.

ყველას შევეურიგდები ერთის გარდა: ჯემალ დავლიანიძე ჩემს ბარო-ბაზე ფეხს ვერასოდეს დაადგამს.

სოსო სიგუას ვაჟის – არჩილის ქორწილზე ვითამადე.

23 ივნისიდან 27 ივნისამდე საქართველოს პარლამენტის დელეგაციის წევრის სტატუსით ისრაელს გახლდით.

დელეგაცია: ნინო ბრუჯანაძე (ხელმძღვანელი), წევრები მათა ნადირაძე, გია ბარამიძე, რევაზ მიშველაძე, ჯემალ აჯიაშვილი.

ისრაელი – ისტორიულ ადგილთა მონახულების ჩემი უკანასკნელი ოც-ნება იყო.

სამი რელიგიის სამშობლო – იერუსალიმი საოცრებაა თავისი მინისქვე-შა და მინისზედა ტაძარ-მეჩეთებით.

ჯვრის მონასტერში რუსთაველის ფრესკას ვემთხვიე.

იოანე დამასკელის და მაქსიმე აღმსარებლის ფეხებთან „მოკალათე-ბულა“ შოთა რუსთაველი – უპირველესი მწერალი დედამინის ზურგზე და პირველი ნომერი ქართველი.

თავისი თავი თვითონვე მიუხატავს გენიალურ მოხუცს კედელზე.

2 მილიარდად შეაფასეს ბერძნებმა ქართველთა მონასტერი.

მოგვეცით 2 მილიარდი დოლარი და თქვენი იყოსო, გვითხრეს.

გაცვქვენილ საქართველოს 2 მილიარდი ვინ მიაშავა.

28 ივნისს დაებრუნდი იერუსალიმიდან და 4 ივლისს მამა გარდამეც-ვალა.

წავიდა... ჩემს ხელებში დალია სული 88 წლის ჩემმა მამიკომ – ავქსენტი მიშველაძემ.

სუფთად, ვაჟკაცურად იცხოვრა.

აჩიკოს ტრაგედია რომ არა, უბედნიერესი კაცი იყო.

ნიჭიერი, ლამაზი, მსმელი – მოქეიფე და მოარძიყე. მეტი რა უნდა კაცს?

10 ივლისს დავკრძალეთ.

„არაგვი“ ქელეხზე ზღვა ხალხი მოვიდა.

ახლა ვიგრძენი ობლობა 63 წლის ბებერმა.

მე ხომ მამაჩემს მივურბენინებდი ყოველთვის ჩემს პირველ წიგნს.

ჭარმაგ კაცსაც მამაჩემი მარიგებდა და მამხნელებდა.

ახლა – 83 წლის დედაჩემი უფრო მეცოდება.

წუხელისო, მამაჩემის გარდაცვალების მეორე დღეს გვითხრა, მთელი ღამე ჩამესმოდა აქსენტის ხმაო. „თინა, თინა! რამ დაგაძინა შე ქალო! წყა-ლი მომანოდე, გამიშრა პიროო!“

შევარდნაძემ თანაგრძნობის ბარათი გამომიგზავნა მამის გარდაცვა-ლების გამო.

დაკრძალვაზე ჩვენს სახლთან სიცხის მიუხედავად, როგორც მითხრეს, დიდი რიგი იდგა. არ დამავინწყდეს:

მსახიობმა პავლე ნოზაძემ და მე „ქართული ნოველის თეატრი“ დავაარ-სეთ.

თეატრმა პირველი წარმოდგენა მცხეთაში გამართა.

სპექტაკლს ერქვა „საუკუნის კაცის აღსარება“, ჩემი რამდენიმე ნოველა ერთ მივიზე ავაგე და შევეცადე მაყურებლისთვის მომეთხრო XX საუკუნეში ქართველი კაცის ცხოვრების შესახებ.

სპექტაკლს დიდი წარმატება ხვდა.

ესწრებოდნენ კულტურის მინისტრი სესილი გოგიბერიძე, გუბერნატორი არმაზ შამანაური, მცხეთის მაჟორიტარი ბადრი ხატიძე, რომან რურუა, თამაზ გიორგაძე და სხვები.

ტელევიზიამ და პრესამ ფართოდ გააშუქა სპექტაკლი.

ეს მოხდა 3 ივლისს, ხოლო 4 ივლისს მამა გარდამეცვალა.

ასე ჩამმწარდა ახალი თეატრის დაბადების სიხარული.

## 16.VII – 1.IX 2003

19 ივლისს ბათუმს ვესტუმრე.

ჩემი მეგობარი იური ბიბილეიშვილი დამხვდა.

დიდი პატივი მცა.

იმ საღამოსვე ასლან აბაშიძემ მიმილო.

მადლობა მითხრა, იური ბიბილეიშვილს წიგნზე „ლიდერი“ - წინას-იციყვაობის დაწერისთვის.

რა მშვენიერი წინასიციყვაობააო, მე ამდენი ქების ღირსი არა ვარო.

შევბედე ბათუმის სამეცნიერო-კვლევითი ინსტიტუტის სათხოვარი ხელფასების მომატების შესახებ.

მაშინვე გასცა განკარგულება და 117 მეცნიერ მუშაკს ხელფასი გაუსამ-მაგა.

გაგიჟდა იური სიხარულით, შენაო, ყოვლისშემძლე ყოფილხარო. მე ცხ-რაჯერ ვთხოვე, მაგრამ არ გააკეთაო.

ღამის ორ საათამდე სასტუმრო „კორტების“ აივანზე ვისხედით. მაგუ-ლის იგონებდა და თან ცრემლს ღვრიდა.

არ მეგონა, თუ ასლანი ასეთი სენტიმენტალური იყო.

საღვეთქებზე დაწერილი ჩემი წერილებიც კი („მაგული, დღეს დამაგვი-ანდება, სადილად არ მელოდო“) შეუნახავსო.

ნეტავ ერთი ლექსი მის სიცოცხლეში დამეწერაო.

ვერ მოვუარეო.

ეგ იყო ჩემი გამწონასწორებელი, თორემ მე ბრაზიანი ვარო.

ცხვირსახოცი ამოიღო, ეს მაგულის მიერ გაუთავებული ბოლო ცხვირ-სახოციაო და იტირა.

25 ივლისს მწერალთა კავშირში ლაშა გახარიას წიგნის პრეზენტაცია ჩავატარეთ.

სამოცს მიტანებულმა ლაშამ, რომელსაც ყელის კიბო აქვს (ღმერთმა გადაარჩინოს), როგორც იქნა, პირველი წიგნი გამოსცა.

ჭეშმარიტი, ხალასი პოეტი.

სიტყვა შევანიეთ წიგნივადემ, ვალერი ასათიანმა, ტაგუ მებურიშვილმა, ლია ნადარეიშვილმა, მზია ხეთაგურმა... და მე.

მწერალთა ბაღში ჩატარდა პრეზენტაცია.

უეცრად საშინელი თქემი დააცხრა თბილისს.

წვიმდა კოკისპირულად.

ესეც პოეტური იყო.

7 აგვისტოს წყნეთში პოეზიის დღესასწაული გაიმართა.

ორმოცამდე გამოჩენილმა პოეტმა მიიღო მონაწილეობა.

დღესასწაულის ორგანიზატორებმა მთხოვეს, მწერალთა კავშირის სახელით მე გამეხსნა ეს დღესასწაული.

აფიშაზე ასეც დაანერეს: „სალამოზე შესავალ სიტყვას წარმოთქვამს რუსთაველის პრემიის ლაურეატი რევაზ მიშველაძე“.

კარგად ჩაიარა.

დღესასწაულის მონაწილეებს ჩემი სამტომეული გადავეცი საჩუქრად. ორმოცდაათი სამტომეული წავიღე მანქანით, მაგრამ მაინც არ მეყო. მოდიოდნენ, მთხოვდნენ; ბატონი რეზო მე არ შემხვდაო.

კიდევ კარგი, რომ ჩემი წიგნები ვილაცას უნდა ამ დაქცეულ საქართველოში. წიგნზე გამახსენდა: გამოვეცი ლიტერატურულ-პუბლიცისტური წერილების კრებული „არ უნდა მეთქვა?“

უკანასკნელი 2-3 წლის განმავლობაში დაწერილ წერილებს მოვუყარე თავი.

პოლემიკა, რასაკვირველია, არ შევიტანე.

ვცდილობ სამუდამოდ დავივიწყო ის საშინელი სიზმარი, რასაც წიგნივადესთან ჩემი პაექრობა – ომი ერქვა.

რა სულმდაბლები, რა მშობრები, რა პატარა კაცუნები ყოფილან მწერლები (თითო-ოროლა გამონაკლისს არ ვგულისხმობ).

სისხლის გეში რომ აიღეს, როგორ დაჯარდნენ და დაირაზმნენ ჩემს წინააღმდეგ.

ასე მოხდა 37-შიც.

ტიციანი, პაოლო, ჯავახიშვილი – მწერალთა შურმა და ბეზღმა დაღუპა. ნუ ცდილობენ ისტორიკოსნი ყველაფრის ბერიაზე გადაბრალებას.

მხვდებიან ახლა მწერალთა კავშირში ჩემი გულნამცეცა მტრები.

ზოგი „ცალყბად“ მილოცავს დაბრუნებას. ზოგი სახეს შეაბრუნებს, ვითომ ვერ დამინახა.

რა პირით უნდა ჩამომართვან ხელი.

შიო ცეკავშირის სახელმწიფო ინსტიტუტის კოლეჯში ჩარიცხეს.

კარგი ინსტიტუტია – მკაცრი დისციპლინით. ვფიქრობ, კარგად ისწავლის.

ამ წელს დასვენება ვერ მოვახერხე.

მუხანყაროში ვიყავით ერთი კვირა – ეს იყო და ეს.

შიო ჩემზე მაღალია. მომესწრო.

მანქანის მართვას ვასწავლი, ნელ-ნელა შიგა და შიგ.

პარლამენტის სხდომები მთელი ზაფხული გრძელდებოდა.

მთავარი საკითხი ბიუჯეტის სეკვესტრი და საარჩევნო კოდექსის დამტკიცება იყო.

სეკვესტრს, რასაკვირველია, მხარი არ დაუჭირეთ.

ამის გამო შევარდნაძემ და ჯორბენაძემ „მაგრად ათრიეს“ პარლამენტი.

ნინო ბურჯანაძე საბოლოოდ გადავიდა ოპოზიციაში და, როგორც მოსალოდნელი იყო, ჟენიასთან გაერთიანდა.

რაც შეეხება საარჩევნო კოდექსს, დავამტკიცეთ, მაგრამ ფრიად ნაკლებლოვანია.



მაგალითად, ახალი საარჩევნო კოდექსით ამ არჩევნებში (2003 წლის 2 ნოემბერი) აუცილებელი არ არის საქართველოს პარლამენტის წევრმა ქართული ენა იცოდეს.

ბევრი ვიყიფე პლენარულ სხდომებზე: მითხარით აბა, სად, რომელ ქვეყანაში აირჩევენ პარლამენტის წევრად მოქალაქეს, რომელმაც სახელმწიფო ენა არ იცის-მეთქი, მაგრამ ყური არავინ მათხოვა.

მაინც ისე დაამტკიცეს, როგორც სურდათ.

აგვისტო მიიწურა და ჯერ კიდევ არავინ იცის, ვინ იქნება „ალორძინების“ სიაში მომავალი პარლამენტის წევრობის კანდიდატად. გასაიდუმლოებულია.

ჩემს საქმედ მიმანია ცენტრსა და აჭარას შორის ურთიერთობის დათბობისთვის ხელისშეწყობა. რასაც, როგორც შემედლო, ვაკეთებდი ამ ოთხი წლის განმავლობაში.

ვიქნები თუ არა მომავალ პარლამენტში დიდად არ მანაღვლებს.

რევაზ მიშველაძეს თავისი ბეჭედი, თავისი სახელი და გვარი აქვს, რაც ყველგან თან გაჰყვება.

საამქვეყნო სახელისუფლებო პატივი დიდად არ მეპიტნავება.

სხვათა შორის, ის უფრო მიკლავს გულს, რომ პარლამენტის წევრი ვარ და ბევრს ვერაფერს ვშველი ამ ქვეყანას.

შევარდნაძემ თავისი მაინც ჰქნა – რუსეთს კვლავ დაუმონა საქართველო.

გაზი და ელექტროენერგია რუსეთის ფირმებს დაუქვემდებარა, ეს კი იმას ნიშნავს, რომ ენერჯის საჭე რუსეთის ხელშია. მცირე „ურჩობის“ გამოძულავების შემთხვევაში გამოგითიშავს რუსი გაზს და სინათლეს.

ეს კი, რასაც ნიშნავს, ყველას კარგად მოეხსენება.

ვიყვირე პარლამენტში: რას ჩადიხართ? ეს ხომ დამოუკიდებლობის და-კარგვაა-მეთქი, მაგრამ ყური არავინ გაიბერტყა.

არავითარი დემონსტრაციები... არავითარი პროკლამაციები, საქართველოს პოლიტიკური ორიენტაციის შეცვლის გამო...

ქვეყანას კვლავ სძინავს.

9 აგვისტოს მამაჩემის ორმოცი გვექონდა.

დედაც ძალიან ცუდად მყავს...

2.IX – 26. X. 2003 წ.

საქართველოში საარჩევნო ციებ-ცხელებაა.

ქართული ფენომენი არ იცნობს საარჩევნო მარათონს.

ისტორიულად ჩვენთან არჩევნები არ ტარდებოდა, მეფე განაგებდა ყველაფერს.

მეოთხეჯერ ვატარებთ პარლამენტის არჩევნებს და, რაც დრო გადის, უფროდაუფრო ველურ ფორმას იღებს.

თითქოსდა მთელ საქართველოს პარლამენტში უნდა მოხვედრა.

თავ-პირს აღენავენ ერთმანეთს „მოქიშპე“ პარტიათა „ყოჩაღი ბიჭები“.

ქართველები ქართველებს ისე გამეტებით ურტყამენ, ისე „ერთგულად“ რომ აფხაზეთში გვებრძოლა, სამარცხვინოდ არ დავმარცხდებოდით.

მითხრეს, პარლამენტის წევრობა 200 ათასი დოლარი ღირსო.

სრულიად ბუნებრივია, მე უკაპეიკო (კიდევ ისედაც რომ მქონდეს, ვინ

გამიბედავს ფული მომეციო და ან რად მინდა ფულით ნაყიდი პარლამენტარობა) არავითარი პრეტენზია არა მქონდა ხელმეორედ არჩევის.

არ დავმაღავ, თუ ამირჩევდნენ, უარს თუნდაც იმიტომ არ ვიტყვოდი, რომ დაწყებული საქმეები მსურდა ბოლომდე მიმეყვანა. როგორმე გამეტანა ეროვნული კანონები (ეროვნული რეკვიზიტის, რელიგიის, ქართული ენის და ა.შ.).

განსაკუთრებით ენერგიულობდნენ „ალორძინების“ სიის შედგენის დროს ჩემი პანანინა მტრები.

რევაზ მიშველადის ყოფან პარლამენტში მათ ხელს არ აძლევდა. ალბათ, მხოლოდ იმიტომ, რომ ძნელად აღსაზრდელი ვარ და ამ ორი პირნავარდნილი კარიერისტიკის ბნელ საქმეებში არ ვმონაწილეობ.

მითხრეს, შეადგინეს წინასწარი სია და ქუჩიდან თავიანთი სუფრის თანამეინახენი (პოლიტიკასთან რომ არავითარი შეხება არა აქვთ) შეიყვანეს და კიდევ ერთი-ორი ის „ფულის ტომარა“, ვისგანაც ხელიც გვარიანად მოითბესო.

ასეთ მგლურ ვითარებაში ჩემთვის სრულიად მოულოდნელი იყო, როცა „ალორძინების“ დეპუტატობის კანდიდატთა შორის აღმოვჩნდი და ისიც გამსვლელ მე-16 ნომრად.

როგორც მითხრეს, ასლან აბაშიძეს უმარჯვია. უთქვამს მიშველადე სხვა კაცია, მის სიტყვას ფასი და წონა აქვს, ამიტომ უსათოუდ უნდა დარჩეს პარლამენტშიო.

შემოეყრებოდათ გულზე ჩემს „მეგობრებს“.

ხარაგაულში ჩავედი. უამრავი ამომრჩეველი დიდი სიყვარულთი შემხვდა.

ვერ წარმოვიდგენდი, ასე თუ ვუყვარდი ხარაგაულს.

დავარიგე ჩემი წიგნები და ყველა სკოლას საჩუქარიც მივართვი ქართულ კლასიკოსთა სურათები.

ეს იყო ის მცირე ნობათი, რაც გამაჩნდა.

...ბათუმში ახალგაზრდები ჩავიდნენ ტრანსპარანტებით ხელში „აჭარა უასლანაბაშიძეოდ“.

როგორც ტელევიზიამ უჩვენა, „ალორძინების“ აქტივისტებმა ცხვირპირი დააღენეს დავითაშვილს და ბერძენიშვილს.

საერთოდ მე პოლიტიკაში ცემა-ტყეპნის მომხრე არა ვარ და ორივე მხარეს ვამტყუნებ.

არც სტუმრად მოსული კაცის გამეტება შეიძლება და სტუმარმაც უნდა იცოდეს, რომ მასპინძლის შეურაცხყოფა არ უნდა იკადროს.

27.X – 18.XI. 2003 წ.

ქუთაისში ავთანდილ ნიკოლეიშვილის ინიციატივით ლიტერატურისმცოდნეთა პირველი რესპუბლიკური სამეცნიერო კონფერენცია გაიმართა. კონფერენციის თემა იყო „გალაკტიონ ტაბიძის შემოქმედება“. თბილისიდან ვმონაწილეობდით ამირან გომართელი და მე.

კიდევ ერთხელ მოვიხილე და მოვისიყვარულე ჩემი ქუთაისი, გალაკტიონის ჭყვიში რიონისპირა პატარა ქოხი, სადაც მეოცე საუკუნის უპირველესი პოეტი დაიბადა. 2 ნოემბერს კვლავ ამირჩიეს პარლამენტის წევრად.

3 ნოემბრიდან თბილისში და მთელ საქართველოში ერთდროულად დაი-

ნყო ხელისუფლების სანინაალმდეგო დემონსტრაცია-აქცია ლოზუნგით „გადადგეს შევარდნაძე!“

გამუდმებულ მიტინგებს ხელმძღვანეობდნენ სააკაშვილი, შვანია და ბურჯანაძე.

ოცდაათი ათასზე მეტი შევარდნაძეზე განწყენებული მოქალაქე გამოვიდა რუსთაველის პროსპექტზე.

ეს ხომ ერთხელ უკვე იყო.

გარედან მართულმა ეგზალტირებულმა ბრბომ დაამხო ზვიად გამსახურდია, რასაც საქართველოს დაქცევა მოჰყვა.

ის იარა ერს ჯერკიდევ ვერ მოუშუშებია და აი, ახალი სამოქალაქო ომის საფრთხი სწინაშე ვდგავართ.

მალე ერთმანეთს დაჭამენ პრეზიდენტის სკამისთვის.

არ შეიძლება მიტინგით პრეზიდენტის გადაგდება.

არავითარი სურვილი არა მაქვს ჩამომხრჩვალნი (როგორც ჩაუშესკუ) შევარდნაძე ან ფეხით გათელილი შვანია ვიხილო.

არ შეიძლება ქართველები პოლიტიკური ამბიციების გამო ერთმანეთს დავეერიოთ.

## 19.XI – 23.XI

ჩემი შიში გამართლდა, 21 ნოემბერს ქუთაისში გახლდით. უნივერსიტეტში ლექცია ნავიკითხე და თბილისში რომ ვბრუნდებოდი, სურამის უღელტეხილთან წამოვენიე, დაახლოებით ოციათასკაციან მსვლელობას (ავტობუსებით, მიკროავტობუსებით, მსუბუქი მანქანებით).

ეს იყო ლაშქრობა თბილისისაკენ შევარდნაძის დასამხოზად.

იმსახურებს თუ არა შევარდნაძე გადაგდებას?

რასაკვირველია, იმსახურებს.

ამ პრეზიდენტის გზა დანაშაულებით არის სასვე.

დაამხო ეროვნული ხელისუფლება (ზ. გამსახურდია).

წამოინყო პროვოკაციული ომი და სამარცხვინოდ წააგო.

საქართველოს დააკარგვინა აფხაზეთი და სამაჩაბლო (24 ათასი კვ.კმ.) და მერე თითო-თითზე არ დააკარა აფხაზეთის და სამაჩაბლოს დასაბრუნებლად. გააბატონა თავისი ნათესაობა და საქართველო დატოვა 14 ლარი პენსიის იმედად.

ხალხს დააკარგვინა სახელმწიფო ბანკში შეტანილი ანაბრები და ფულის ანაზღაურებაზე სამი თითის კომბინაცია უჩვენა.

წამოინყო სულელური პოლიტიკა ნახევრადპრორუსული და ნახევრადპროამერიკული, რითაც ვერც ამერიკის გული მოიგო და ვერც რუსეთის.

საქართველო გადააქცია ე.წ. „ინტერნაციონალურ ლაბორატორიად“, სადაც გაუქმებულია ეროვნება „ქართველი“ და ყოველ მხრივ ხელი შეუწყო უცხო თესლის მომრავლებას ქვეყანაში, რის გამოც დღეს საქართველოში ქართველი (ანუ ავტოქტონური) ერი მხოლოდ 46 პროცენტია.

ამ ბოლო დროს საქართველოს ენერგორესურსები რუსეთს მიჰყიდა და ენერგოსისტემის მართვა რუსეთს ჩააბარა.

ქვეყანა ჩაიფლო კორუფციის ჭაობში და რაკილა კორუფციას ძირითადად მისი კლანის ბოზოლები ეწვეიან ქვეყანაში დაამკვიდრა დაუსჯელობის სინდრომი.

საქართველო აღარ არის სამართლებრივი სახელმწიფო, არავინ არაფერზე პასუხს არ აგებს.

და ბოლოს უსინდისოდ გააყალბა 2 ნოემბრის საპარლამენტო არჩევნები. ხმის მიცემის უფლება წაართვა ათიათასობით მოქალაქეს საარჩევნო სიაში შეუტანლობით.

ყოველივე ამისთვის შევარდნაძე ღირსია დაატოვებინონ პრეზიდენტის პოსტი, ეს არის ჩემი ღრმა რწმენა, მაგრამ იმაშიც ღრმად ვარ დარწმუნებული, რომ ყველა რევოლუციას ნგრევა და ქაოსი მოაქვს.

22 ნოემბერს ახალარჩეული პარლამენტის წევრები გამოვცხადდით პირველ სესიაზე.

ჯერ კვირუმი არ შედგა. ხუთის ნახევარზე მოვიდნენ „ახალი მემარჯვენეები“ და სესია დაიწყო.

როგორც მოსაოდნელი იყო, არ ესწრებიან მხოლოდ „ნაციონალისტები“ და „ბურჯანაძე-დემოკრატები“.

შემოსასვლელში პირველი არხის ტელევიზიას ინტერვიუ მივეცი. ვთქვი, რომ ვშიშობ, არ გაჩაღდეს ახალი სამოქალაქო ომი, ამიტომაც ჩემს პირველივე სიტყვაში საქართველოს შერიგებისკენ და გამთლიანებისკენ უნდა მოვუწოდო-მეთქი.

მანამდე ორჯერ გამოვედი პარლამენტის წინ მიტინგზე და ვთქვი: არ შეიძლება პარლამენტის წინ გაუთავებელი მიტინგები, მოვუწოდებ პოზიციას და ოპოზიციას შეწყვიტოთ ცენტრალურ მოედანზე სერობა და მიტინგები გადავიტანოთ იპოდრომზე, ან დინამოს სტადიონზე-მეთქი, ამ გამოსვლის გამო ორივე მხარე მაკრიტიკებდა.

ვის უნდა თურმე დამშვიდდეს და დანყნარდეს თბილისი.

რა გვინდა იპოდრომზეო, გაჰყვიროდნენ ექსტაზში შესული მომიტინგენი. სანამ სესია დაიწყებოდა, „რუსთავი-2“-მა უჩვენა როგორ შეცვივიდნენ სახელმწიფო კანცელარიის მოედანზე მომიტინგენი.

სესია რომ დაიწყო, ჩემს გვერდით მჯდომ ჰამლეტ ჯიპაშვილს ჩავუღლაპარაკე თხუთმეტ წუთში ამ დარბაზშიც შემოიჭრებიან, ნეტავ შერიგების ორიოდ სიტყვის თქმას მინც მოვასწრებდე-მეთქი.

ჰამლეტს გაელიმა. რა გულუბრყვილო ხართ, ბატონო რეზო, პარლამენტის სხდომაზე შემოჭრას ჯერ ერთი სახელმწიფო დაცვა არ დაუშვებს. ეს ხომ სისხლის სამართლის დანაშაულიაო.

ზუსტად იმ ვადაში, რაც მე ვთქვი, შემოსასვლელთან ჩოჩქოლი ატყდა და უეცრად ქარიშხალივით შემოიჭრნენ მომიტინგეები. პრეზიდენტი მაინც განაგრძობდა გამოსვლას.

მივედი და შევძახე: შენი ბრალია ეს ყველაფერი, ბატონო პრეზიდენტო, არ შეწყვიტო სიტყვა-მეთქი.

შემომხედა და თავი დამიქნია.

შემეცოდა ადამიანურად.

პრეზიდენტი, მიუხედავად მისი წინააღმდეგობისა, დაცვამ ხელში აყვანილი გააშორა ტრიბუნას.

მალე ტრიბუნაზე აიჭრა ნინო ბურჯანაძე და გამოაცხადა, რომ კონსტიტუციის თანახმად ხელში იღებს ძალაუფლებას.

ზოგიერთ პარლამენტარს მაგრამაც მოხვდა, განსაკუთრებით აგრესიას ამჟღავნებდნენ მომხდელური რჩეულიშვილის, გოგტიციძის და სხვათა მიმართ. ჩემზე ხელის აღმართვა არავის უკადრებია. შემინებული ჩემი ცოლი პარლამენტში მოვარდა ჩემს გადასარჩენად. ყოჩაღ ნათელა!

მშვიდად გამოვედი პარლამენტის შენობიდან და შინ დავბრუნდი.

შევარდნაძე კრწანისის რეზიდენციაში დაბრუნდა და საქართველოში საგანგებო მდგომარეობა გამოაცხადა.

გვიან ღამით თბილისში რუსეთის საგარეო საქმეთა მინისტრი ივანოვი ჩამოვიდა.

იგი შეხვდა ექსტრემისტ ლიდერებს.

ორი საათი ესაუბრა მათ და მერე უკომენტაროდ დატოვა პარლამენტის შენობა.

23 ნოემბერი. გიორგობის დღესასწაული.

საკაპშვილი დილიდანვე მოუწოდებს მომიტინგეებს, რომ პირველ საათზე მთელი საქართველო უნდა მოგროვდეს პარლამენტის წინ, რადგანც 23 ნოემბერი რევოლუციის გამარჯვების გადამწყვეტი დღეა.

აჯანყებულებმა წუხელის გვიან ღამით აიღეს სახელმწიფო კანცელარია, გამოიტანეს და დაწვეს შევარდნაძის სავარძელი.

ვიმეორებ, ქაოსისა და ნგრევის მომხრე არ ვარ, მაგრამ შინაგანად, ჩემი პოზიციით ამკარად სააკაპშვილის მხარეს ვარ.

მიტიנגზე აცხადებენ, რომ პოლიციელები და შინაგანი ჯარის მეთაურები ერთიმეორის მიყოლებით გადადიან მუამბოხეთა მხარეს, რაც შევარდნაძეს საშუალებას არ მისცემს განახორციელოს საგანგებო მდგომარეობა.

პირველ საათზე სააკაპშვილმა გამოაცხადა, რომ შევარდნაძემ სააკაპშვილის, შუვანიას და ბურჯანაძის დაპატიმრების სანქცია გასცა.

შევარდნაძეს გადაუდგა პირველი არხი. შევარდნაძემ საგანგებო მდგომარეობა გააუქმა.

ორ საათზე პარლამენტის წევრებს დაგვირეკეს, რომ კრწანისის რეზიდენციაში მოწვეულია ახალარჩეული პარლამენტის საგანგებო სხდომა.

მისვლაზე ცივი უარი განვაცხადე, დამრეკავს ვუპასუხე, რომ მე ვარ საქართველოს პარლამენტის წევრი და სხდომაზე მივალ მხოლოდ პარლამენტის შენობაში. არავითარი სურვილი არა მაქვს შევარდნაძის დაცვის კამპანიაში მივიღო-მეთქი მონაწილეობა.

მოგვიანებით მირეკავს ნინო ბურჯანაძის სახელით დათო შანიძე.

ბატონო რევაზ, თქვენ თანამედროვე ლიტერატურის კლასიკოსი ბრძანდებით და ქ-ნ ნინოს თქვენი მხარდაჭერის იმედი აქვსო.

ვუპასუხე, გადაეცით ნინოს ჩემი სალამი და კეთილგანწყობა, ნინო ქუთაისში ჩემს თვალწინ გაიზარდა. ვიცი მისი ღრმა განსწავლულობა და ობიექტურობა. მე მას როგორც პარლამენტის წევრი ვახლდი აზერბაიჯანში და ისრაელში და არაერთგზის ვთქვი (და დავწერე კიდევ) რომ ნინო დიდი ნაოსნობისთვის მზად მყოფი პოლიტიკოსია-მეთქი,

მაგრამ აქვე ვთხოვ, არ დაუშვას ნგრევა და ანარქია.

რუსეთის საგარეო საქმეთა მინისტრი ორჯერ წავიდ-წამოვიდა კრწანისის რეზიდენციასა ად პარლამენტს შორის, ასრულებდა თითქოსდა შუამავლის

როლს, ბოლოს, საღამოს სააკაშვილს და ჟვანიას შეუძღვა შევარდნაძესთან, დატოვა ისინი შევარდნაძის კაბინეტში, თვით კი ბათუმს გაფრინდა.

ორი საათის შემდეგ შევარდნაძემ გამოაცხადა, რომ ოპოზიციის ლიდერებთან მოთათბირების შემდეგ გადაწყვიტა გადადგეს პრეზიდენტის პოსტიდან.

მეო, შემეძლო თავი დამეცვა, ჩემს ხელთ არსებული ყველა საშუალებით, მაგრამ ამას არ ვაკეთებ, რადგანაც სისხლი დაიღვრებაო.

შევარდნაძის ამ ნაბიჯმა მისადმი სიბრალულით განაწყო პრეზიდენტისადმი სიძულვილით განმსჭვალული სააკაშვილი და ჟვანიაც კი.

ორივემ განაცხადა, რომ მიესალმებიან პრეზიდენტის ამ გონივრულ ნაბიჯს და მისცემენ მას რა უსაფრთხოების გარანტიას, შეუქმნიან ყოველგვარ პირობებს, რომ თავისუფლად იცხოვროს და იმუშაოს საქართველოში.

პრეზიდენტის გადადგომიდან ხუთი ნუთის შემდეგ პრეზიდენტის მოვალეობის შესრულება ხელთ აიღო ნინო ბურჯანაძემ და გამოაცხადა, რომ 45 დღის განმავლობაში ვალდებულია დანიშნოს პარლამენტის ხელახალი და პრეზიდენტის არჩევნები.

მთელი ღამე ზეიმ-ბრაციბორუცობდა პარლამენტის წინ შეკრებილი ხალხი.

ყველა დარწმუნებულია, რომ ზეგვიდან დავიბრუნებთ აფხაზეთს და სამჩაბლოს, ხოლო მაზეგ ქუჩებში დაზვავდება დოვლათი, ხოლო ონკანიდან წყლის ნაცვლად რძე წამოვა.

სამწუხაროდ, არ მოხდება ასე.

ჟვანიამ მიტინგს რომ განუცხადა, ჩვენი მიზანი მიღწეულია და ახლა დაუბრუნდით თქვენს სახლებს, იცხოვრეთ თქვენთვის ჩვეული წესითო, ხალხი შეცბა და შეჩოჩოლდა. ადგილიდან არავინ დაძრულა.

როგორ, სულ ესაა, რაც შევარდნაძის გადადგების შედეგად მივიღეთ?

ჩემთვის პირადად მთელს ამ ორომტრიალში ყველაზე სასიამოვნო ის გახლავთ, რომ შევარდნაძე, კაცი, რომელიც ყელში ამოუვიდა მთელს საქართველოს, რომელმაც დანგრევამდე მიიყვანა ქვეყანა, როგორც იქნა მოშორდა სახელმწიფოს სკამს და მეორე: საქართველოს პოლიტიკური ორიენტაცია ორ სკამზე ერთდროულად ჯდომას ასცილდება და დაადგება ჩემთვის ფრიად სასურველ კურსს.

შიში რისი მაქვს? ქვეყანაში არ დაიწყოს რევოლუციის შედეგების გამო გულგატეხილთა ახალი მოძრაობა. არ გაჩაღდეს ანარქია, დაცემა, ქურდობა. არ დაიწყოს ანგარიშსწორებანი, რაც საპასხუო რეაქციას გამოიწვევს და რაც მთავარია, არ დაეკარგოთ აჭარა.

ეჭვი მეპარება, რომ ასლან აბაშიძე, სააკაშვილთან ითანამშრომლებს, რამაც შეიძლება ჩოლოქთან საზღვრის ჩაკეტვა და აჭარის იზოლირება გამოიწვიოს. ცუდად მენიშნა ის გარემოებაც, რომ იგორ ივანოვი ბათუმში გაფრინდა.

ვნახოთ, რა მოხდება. მე როგორც მწერალი და როგორც პარლამენტარი, ძველებურად ჩემს საქმეს ვუერთგულეებ. როგორც აქამდე ვიბრძოლებ ორივე ნაპირის შესარიგებლად, ვიბრძოლებ საქართველოს გამთლიანებისთვის და ეროვნული ცნობიერების გადარჩენისთვის.



ღმერთმა ქნას, ერის ნებამ გაიმარჯვოს, ღმერთმა ჰქნას, რომ „ჭინჭრაქამ კვერცხი დადოს არწივისა“ (როგორც სულკურთხეული აკაკი იტყოდა).

24.XI – 24.XII 2003 წ.

მოხდენილი სახელმწიფო გადატრიალების შემდეგ პარლამენტის ე.წ. თავმჯდომარემ ნინო ბურჯანაძემ აიღო ხელში პრეზიდენტობა და რაკი ახალი პრეზიდენტის არჩევამდე მისი უფლებები შეზღუდულია, ოსტატურად იცილებს თავიდან „სამეულისთვის“ არასასურველ თანამდებობის პირებს.

„კმარა“ არ უფიქრდება იმ ფაქტს, რომ მისმა პატრონებმა ძალით აიღეს ხელში ძალაუფლება და თუ ადრე და მალე სასამართლოს წინაშე არა, უფლისა და ისტორიის წინაშე, როცა იქნება, მაინც წარსდგებიან.

ნინოს დიდი საკადრო ცვლილებების გატარების უფლება არა აქვს, რაკი, მცირე შანტაჟი და, მსხვერპლი „თავისი ნებით“ სტოვებს თანამდებობას.

ასე გაათავისუფლეს (გააგდეს) თითქმის ყველა მინისტრი და ახლა უნივერსიტეტის რექტორს მიადგენენ.

რექტორმა დიდი სამეცნიერო საბჭო შეგვკრიბა და გადადგომა გამოაცხადა. ჩვენ უარი ვთქვივით... ნუგზარ ფოფხაძემ თქვა, რომ რექტორის გადადგომა აშკარა ზენოლის ქვეშ მოხდა.

აჭარამ საზღვრები ჩაკეტა და უარი განაცხადა „სამეულთან“ თანამშრომლობაზე. ეს საშინელებაა. ვინ მისცა ასლანს ამის უფლება.

მომიტინგებთან მიშა სააკაშვილი მობრძანდა უნივერსიტეტში.

ჯერ რიხით დაიწყო: რა იყო, რაზე შეიკრიბეთო. მე თქვენი ყვირილის არ მეშინიაო, თქვენ თუ 20 ათასი მოხვედით, მე- 100 ათას კაცს მოვიყვანხვალვეო!

მეო, აქ იმიტომ მოვედი, რომ გამოგიცხადოთ, უნივერსიტეტი დამოუკიდებელია და ბუზსაც ვერავინ აგიფრენთო. მე თვითონვე ვეახლები ამ წუთში რექტორს და დავითანხმებ დაბრუნდესო.

მართლაც, ნახევარი საათის შემდეგ ორივენი (მიშა და როინი) მომიტინგეთა წინაშე გამოვიდნენ და მიტინგიც დაიშალა.

ამასობაში „კონტრრევოლუცია“ გააქტიურდა.

შევარდნაძე გონს მოეგო. დასავლეთის ზოგი გაზეთი წერს – პრეზიდენტს გადადგომის აქტზე ხელი არ მოუწერია, ასე რომ კვლავ პრეზიდენტად ითვლებათო.

საქართველოში ერთ-ერთმა ყველაზე დიდმა პარტიამ – „ლეიბორისტებმა“, რომელსაც შალვა ნათელავძილი ხელმძღვანელობს, უარი განაცხადა „სამეულთან“ თანამშრომლობაზე.

შალვამ სამეულს „პოლიტიკური ბანდა“ უწოდა, ხოლო მომხდარს „სახელმწიფო კარის“ გადატრიალება.

„ეროვნულ-დემოკრატიებმა“ (ირინა სარიშვილი) განაცხადეს, რომ ისინი არ ცნობენ ნინო ბურჯანაძეს, როგორც პრეზიდენტის მოვალეობის შემსრულებელს, რადგანაც ახალი პარლამენტი თავის პირველ სხდომაზე უკვე შეიკრიბა, ხოლო კონსტიტუციის მიხედვით ახლის შეკრებისთანავე ძველი ავტომატურად წყვეტს არსებობას, ასე რომ ნინო ბურჯანაძე 22 ნოემბრის 4 საათიდან უკვე აღარ იყო პარლამენტის თავმჯდომარე.



ასლან აბაშიძემ განაცხადა, რომ ურთიერთობას ნყვეტს ხელისუფლებასთან და „ალორძინების“ სიით არჩეული დეპუტატები გაგვინვია პარლამენტიდან.

სად ვარ მე, - რევაზ მიშველაძე ამ უმძიმეს სიტუაციაში?

რასაკვირვებელია, არცერთ რევოლუცია-კონტრრევოლუციაში არ ვმონაწილეობდი და არ ვმონაწილეობ!

მე ეროვნული პოზიციის მწერალი ვარ და საქართველოს არსებობის გაგრძელებისთვის ვიბრძვი.

შევეცდები ჩემი ავტორიტეტით, ჩემი ცოდნა-გამოცდილებით ხელი შევეწყო ახალი ხელისუფლების აღზრდას ქვეყნის სასიკეთოდ.

ახლა მთავარზე მთავარია – აჭარა არ დავკარგოთ.

ასლანი მოსკოვშია და ალბათ, სრულიად ბუნებრივია – აჭარის უსაფრთხოების რუსული გარანტიისთვის იბრძვის.

შეეხვდი ნინო ბურჯანაძეს.

ნინომ მთხოვა, ბატონო რეზო, გევედრები იქნებ აჭარასთან ურთიერთობის დარეგულირებაში გვიშველო.

ასლანი გონიერი კაცია. ვფიქრობ ნინოსთან და ზურაბთან ურთიერთობაზე უარს არ იტყვის.

ვნახოთ რა მოხდება.

არასწორად მიმაჩნია პარლამენტისადმი ჩვენი ბოიკოტი. ჩვენ („ალორძინების დეპუტატები“) სწორედ რომ პარლამენტში უნდა შევიდეთ და პარლამენტის მიკროფონიდან ვამცნოთ რა მოხდა და რა გადაარჩენს საქართველოს.

ოთხმა პალამენტარმა (სიგუა, ქაფიანიძე, მაჭავარიანი, ნადირაძე) ფრაქცია XXI საუკუნიდან გასვლა გამოაცხადა. ისინი, სრულიად ბუნებრივია, განაწყენებული იყვნენ იმის გამო, რომ არ აღმოჩნდნენ ახალი პარლამენტის ნევრთა სიაში.

ჟურნალისტები ქვეყანას აფრთხილებენ, რომ მოსალოდნელია რევანშისტთა გამოსვლა. შეიძლება „გადამდგართა“ პროტესტს ტერაქტების სერიაც მოჰყვესო...

ამერიკელები უკვე აღარ მალავენ რომ „სამეულმა“ მათი ფინანსურ-მორალური დახმარებით მოახდინა რევოლუცია. ჯერ იყო და ბუმმა დაურეკა ნინოს, მერე ნიდერლანდებში ამერიკის სახელმწიფო მდივანმა კოლდინ პაუელმა სპეციალურად მიიწვია ნინო და ერთი საათი დახურულ კარს მიღმა ესაუბრა. 6 დეკემბერს ამერიკის თავდაცვის მინისტრი ჩამოვიდა თბილისში და საქართველოს ხელისუფლებას სამხედრო თანადგომა გამოუცხადა. აქვე მან მოუწოდა რუსეთს გაიყვანოს თავისი სამხედრო ბაზები საქართველოდან.

დიდი ამბები ხდება.

თუ მართლა ამოაკვეთინეს საქართველოდან რუსეთს ფეხი და აფხაზეთ-სამაჩაბლო დავიბრუნეთ, ისედაც ვარ, მაგრამ ახლა უყოყმანოდ დავდექი „სამეულის“ მხარეზე, თუმცა ეჭვი მეპარება, რომ ეს ასე მოხდება.

ვაი თუ, ამერიკამ და რუსეთმა საქართველო დაინაწილონ: აფხაზეთი-აჭარა-სამაჩაბლო – რუსეთს, დანარჩენი კი ამერიკას..

ეს იქნება ყველაზე დიდი უბედურება საქართველოსთვის, რაც საფლავშიც გადამატრიალებს.

25.XII 2003 – 3.I. 2004 წ.

ასლან აბაშიძესთან მორიგეობით ჩადიან ნინო ბურჯანაძე, ზურაბ ყვანია და ამერიკის ელჩი რიჩარდ მაილსი. სურთ, როგორმე დაითანხმონ ასლან აბაშიძე, რომ აჭარამ საპრეზიდენტო არჩევნებში მიიღოს მონაწილეობა.

რიჩარდ მაილსი ისე მონდომებულია, რომ უკვე ამკარაა, საქართველოში სახელმწიფო გადატრიალება ამერიკამ მოახდინა.

ასლანი ჯერჯერობით უარზეა. იგი არ ენდობა ძალადობით მოსულ ხელისუფლებას და აცხადებს, რომ პრეზიდენტის რიგგარეშე არჩევნები არაკონსტიტუციურია.

ჩავედით აჭარაში ჰამლეტ ჭიპაშვილი, მიხეილ ოსაძე და მე. შევხვდით ასლან აბაშიძეს.

სამივემ ვურჩიეთ რომ არჩევნებში მონაწილეობაზე უარის თქმა ნიშნავს აჭარის საქართველოს საზღვრებსგარეთ მოქცევას, რასაც ისტორია არ გვაპატიებს. თანაც არა მგონია დღესდღეობით გონივრული იყოს აშშ-თან დაპირისპირება. ამერიკას ისეთი „უჩინარი“ ძალები აქვს, რომ სამიოდე საათში გადმოიტანს თბილისიდან აჭარაში რევოლუციას და თვით „აჭარის მოსახლეობას“ დაამხოვინებს ადგილობრივ ხელისუფლებას.

როგორც ჩანს, ჩიტი ხელის აქნევას ელოდა, რაკილა ბატონი ასლანი იოლად დაგვთანხმდა.

მამ ასე: არჩევნები ჩატარდება აჭარაში, გაიხსნება საარჩევნო უბნები, ხალხი აირჩევს (ან არ აირჩევს პრეზიდენტს), მაგრამ თვით პარტია „აღორძინება“ არჩევნებში მონაწილეობას არ მიიღებს.

„მე პარტიის ამგვარ „ერთსულოვნებას“ არ ვეთანხმები. რა მოხდა, „აღორძინებასაც“ ჰქონდეს თავისუფალი არჩევის უფლება.

გუშინ სააკაშვილი უნივერსიტეტში გვეწვია. დიდ საბჭოზე ვრცელი სიტყვა თქვა.

სხვათა შორის, განაცხადა: მეო, 36 წლის კაცი ვარ და გაძლევთ პირობას, თუ ამირჩიეს, მეორე ვადით კენჭს არ ვიყრიო, ახლა ხშირად მაკრიტიკებენო, რჩევას ყველასგან არ მივიღებო! რჩევას და შენიშვნას ისეთი პატიოსანი კაცისგან მივიღებ, როგორც რევაზ მიშველაძეაო. გამიკვირდა. საბჭოდან გამოსულს დერეფანში მიშას ცოლი სანდრა გადამეხვია. მეო, ბატონო რეზო, ძალიან მიყვარხართო, დაფუდეთ მიშიკოს შენი სტატია და ვუთხარი, ასე, ეს კაცია შენი კეთილისმსურველი, სწორად გაკრიტიკებს და დაუჯერეო.

ახალ წელს შინ შევხვდით, მე, ჩემი ცოლი, შიო და სოსო ბუხაიძე ვუჯექით სუფრას.

თორმეტი რომ შესრულდა, დედაჩემს მივულოცეთ.

ცუდად არის დედა.

წელს პირველად შევხვდი ახალ წელს უმამაჩემოდ.

ცრემლი გვანვებოდა მთელ ოჯახს ყელში, მაგრამ ძალით ვიმხიარულებდით თავს.

სიმღერა და ცეკვა-თამაში, რასაკვირველია, არ გაგვიმართავს.

პირველ იანვარს მენვიენენ მურმან თავდიშვილი, სოსო სიგუა, გრიშა ჯულუხიძე მეუღლით, ჩემი ძმა ბორისი, ძმისშვილი შავლეგო, მეზობლები – სერგი მელაძე, თამაზ ჩიხლაძე და თენგიზ ქუთათელაძე, ვახტანგ ქარუმიძე ოჯახით... ჩემი კათედრის ორი ნევრი – მაია და თამუნა.

დაბადების დღეს არასოდეს არ ვიხდი და არც არავის ვპატიჟებ. ვისაც გავახსენდები ყველაზე ახლო მეგობართაგან – მოდის. არ მიყვარს ქების სადღეგრძელოები.

1 იანვარს სამოცდაოთხი წლის გავხდი.

თუ ესაა სიბერე, არც თუ ისე საშიში ყოფილა, რადგანაც დაძაბუნებას ვერ ვატყობ ჯერ თავს.

მკლავიც ძველებურად მერჩის და მე მგონი გონებაც.

საახალწლოდ აჭარის წარმომადგენლობაში მიღება გაიმართა.

ჰამლეტ ჭიპაშვილმა აჭარის დეპუტაციიდან მხოლოდ სამი გორა პაიჭაძე, მიხეილ ოსაძე და მე დაგვპატიჟა.

საქართველო პატარაა, ყველამ ყველაფერი იცის.

ახლახან გამოვეცი წიგნი „ოთხი საპარლამენტო წელი“. სტენოგრაფისტებს ამოვალეზინე ჩემი გამოსვლები. პარლამენტში 1999 წლის 1 ნოემბრიდან 2003 წლის 1 ნოემბრამდე, ჯერჯერობით სხვათა აზრი არ ვიცი, მაგრამ მე თვითონ რომ წაეკითხე, კმაყოფილი დავრჩი. ოთხი წლის განმავლობაში ყველა ჩემი გამოსვლა მხოლოდდამხოლოდ ეროვნული ცნობიერების ლოცვავანმტკიცებისკენ, საქართველოს ტერიტორიული მთლიანობის აღდგენისკენ, გაჭირვებული ხალხისთვის ქმედითი სახელმწიფოებრივი დახმარების აღმოჩენისკენ არის მიმართული.

2 იანვარს მიშა სააკაშვილს ოპერაში ამომრჩეველები შეხვდნენ.

გულით მსურდა მისვლა, მაგრამ რომ გამოვჩენილიყავი ოპერაში, მაშინვე აცნობებდნენ ასლან აბაშიძეს - „მიშველაძემ გვილაღატა, სააკაშვილს ჩაეხუტაო“. რაკი „ალორძინება“ ბოიკოტს უცხადებს სააკაშვილს, მოვერიდე ოპერაში მისვლას, მაინც ვუჭერ მხარს მიმიკოს. იქნებ მართლა უშველოს ქვეყანას.

მუხრან მაჭავარიანმა თქვა პირველი სიტყვა პრეზიდენტობის კანდიდატთან შეხვედრაზე. სააკაშვილი ნამდვილი გმირიაო, მან ერთადერთმა შეძლო შეუძლებელი, შევარდნაძე უსისხლოდ გადაგდოო.

როგორც იქნა გადავხურეთ წმინდა გიორგის სახელობის ეკლესია, რომელიც ჩემი სახლიდან (დელისის III შესახვევი, №35) ორასიოდ მეტრში, შესანიშნავ, მზიურ, მყუდრო ადგილას ავაშენეთ. ეს არის ულამაზესი ერთნაიანი ბაზილიკა. ჯერ უპერანგოდ დგას, მაგრამ ღვთის შეწევნით დავამთავრებთ. ეს საქმე ჩემი ინიციატივა-წინადადებით განვახორციელეთ მეზობელთა ოთხეულმა (რევაზ მიშველაძე, სერგო მელაძე, თენგიზ ქუთათელაძე და თამაზ ჩიხლაძე), საქმიანად დაგვეხმარნენ სერგოს ბიჭები – გიორგი და მიხეილ მელაძეები. ამოვიქექეთ ჯიბეები, არ დავზოგეთ უკანასკნელი კაპიკები და ბედნიერი ვარ, რომ ყოველ დილით ჩემი ფანჯრიდან ვხედავ ჩვენი საერთო რუდუნების პირმშოს – ღვთის სახლს. უკეთესს რას გავაკეთებდი, ხვალინდელი თუ დღევანდელი საქართველოსთვის. უკეთესს რა ძეგლს დავუდგამდი სამშობლოსთვის თავდადებულ ჩემს გმირ შვილს – არჩილ მიშველაძეს.

#### 4.I, 2004 – 26.I 2004

საქართველოს ახალი პრეზიდენტი ჰყავს.

საარჩევნო ყუთების დახურვამდე 5 საათით ადრე, ცენტრალური საარჩევნო კომისიის თავმჯდომარე ჭიაბერაშვილი უკვე ულოცავდა სააკაშვილს „ბრწყინვალე გამარჯვებას“.

მეორე დღეს სააკაშვილი უცხოელ დიპლომატებს ხვდებოდა, როგორც უკვე არჩეული პრეზიდენტი და მასმედიის აზრით მთელ მსოფლიოს აუწყებდა რომ საქართველოში ყოველგვარი დარღვევის გარეშე ჩატარდა სამაგალითო, თავისუფალი, დემოკრატიული არჩევნები.

ასეა თუ ისე, ამერიკა მხარს უჭერს საქართველოს ფაქტიურ ხელისუფლებას და მთელი დასავლეთი მიესალმება საქართველოში დემოკრატიული არჩევნების ჩატარებას.

25 იანვარს საქართველო მოიცვა პრეზიდენტ სააკაშვილის ინაუგურაციამ.

საზეიმო ცერემონიალს, რომელმაც ორ დღეს გასტანა, 25 ქვეყნის დელეგაცია ესწრებოდა.

აშშ-დან თვით სახელმწიფო მდივანი კელდინ ჰაუელი ჩამოვიდა.

24 იანვარს სააკაშვილი პრეზიდენტად აკურთხა კათოლიკოს-პატრიარქმა ილია მეორემ. პრეზიდენტის ხელდასხმა ჩატარდა გელათის მონასტერში, დავით აღმაშენებლის საფლავს შეჰფიცა სააკაშვილმა, რომ ერთგული იქნება იმ პრინციპებისა, რითაც დავით აღმაშენებელი ხელმძღვანელობდა.

მეორე დღეს პარლამენტის შენობის წინ პრეზიდენტმა საქართველოს კონსტიტუციაზე ხელდადებით ფიცი დადო.

ინაუგურაციის ცერემონიალი მართლაც რომ მომხიბვლელად ჩატარდა.

მე, როგორც საქართველოს პარლამენტის წევრი, თავიდან ბოლომდე ვესწრებოდი ამ ცერემონიას.

მთავრობისა და პარლამენტის წევრები VI სექტორში განვთავსდით, V და IV სექტორები უცხოეთის ელჩებმა და დელეგაციებმა დაიკავეს, პირველ რიგში იდგნენ ამერიკის სახელმწიფო მდივანი კელდინ ჰაუელი და რუსეთის ელჩი ივანოვი.

ამ ორ პიროვნებაზე უფრო სწორედ მათ მთავრობებზეა დამოკიდებული ამჟამად საქართველოს ბედი.

საკაშვილმა შთაბეჭდავი სიტყვა თქვა.

სანამ ინაუგურაცია დაიწყებოდა, სააკაშვილმა მოასწრო ორი ალღუმი მიელო ბათუმში (8:00) და ფოთში – 9:00 საათზე.

ფიცის დადების შემდეგ 3:30-ზე რუსთაველის პროსპექტზე ჯარების პარადი გაიმართა.

მეორე ოპერაში კონცერტი, 20:30 საათზე მერიაში თბილისის ინტელიგენციასთან შეხვედრა 9 საათზე მიღება პარლამენტში, ხოლო 10:30 საათზე საზეიმო ბანკეტი მეტეხი-პალასში.

ძალიან დამლელი დღე იყო, მაგრამ უაღრესად კმაყოფილი ვარ, რომ ჩემს სამშობლოში ახალმა სიომ დაჰბერა.

ოპოზიციამ ბათუმიდან სააკაშვილის გამოფრენისთანავე ასლანის სანი-ნალმდეგო უზარმაზარი მიტინგი გამართა. აპირებდნენ მეთაურის რეზი-

დენციის შტურმით ალებას, მაგრამ ვერ შეძლეს, ასლანმა შენობას პოლიციის კორდონი შემოავლო.

23 იანვარს თბილისის სახელმწიფო უნივერსიტეტში დისერტაცია დაიცვა ქ-ნმა ინგა შამილიშვილმა თემაზე - „ეროვნული თემატიკა რევაზ მიშველაძის შემოქმედებაში“.

ეს იყო პირველი შემთხვევა უნივერსიტეტის ისტორიაში, რომ დისერტაცია იქნა დაცული უნივერსიტეტის მოქმედ, ცოცხალ პროფესორზე. დაცვამ ბრწყინვალედ ჩაიარა. ძალიან მრცხვენოდა, იმდენს მაქებდნენ დისერტანტი, ოპონენტები (ავთო ნიკოლეიშვილი, დავით კოტორაშვილი) და დისერტანტის მეცნიერ-ხელმძღვანელი სოსო სიგუა.

დაცვა რომ დამთავრდა, ჯუმბერ ჭუმბურიძემ მითხრა: ნუ ხარ ზედმეტად თავმდაბალი, აბა, რა შენი ბრალია, რომ ცოცხალი კლასიკოსი ხარო.

30 იანვარს „მწერლის გაზეთსა“ და „ლიტერატურულ საქართველოში“ გამოვაქვეყნე ნოველა „ხავერდოვანი რევოლუცია“. ეს არის პირველი მხატვრული ნაწარმოები – „ხავერდოვანი რევოლუციაზე“.

„ბადეში“ უკვე მოხვდნენ აკაკი ჩხაიძე, ფეხბურთის ფედერაციის თავმჯდომარე ჟორდანიას, ენერგეტიკის ყოფილი მინისტრი მირცხულავა, ეძებენ დასაჭერად ქვემო ქართლის ყოფილ გუბერნატორს მამალაძეს და ა.შ.

ხელისუფლების რკინის ხელს კრიმინალური სამყარო გააქტიურებით პასხუობს. გახშირდა მკვლელობები, ყაჩაღობები და ა.შ.

რა დაალაგებს ამ ქვეყანას.

27.1 – 27.11 2004 წ.

დავბერდი კაცი და ერთი რამ ვერა და ვერ ვისწავლე – უსამართლობასთან შეგუება, თვალის დახუჭვა საქვეყნო უბედურებაზე, განზე გადაგომა ჩემთვის წყნარად ყოფნა, ღმერთმა მაშოროს.

პარლამენტში თითქმის ყოველდღე გამოვდივარ.

არ მომწონს ბოლო ხანებში პარლამენტის მიერ მიღებული კანონები – „დასამენის ინსტიტუტის შემოღების“, „დაუსაბუთებელი ქონების ჩამორთმევის“, „საარჩევნო კანონში ცვლილებების შესახებ“.

კარგია რომ დამნაშავეებს იჭერენ, მაგრამ ცუდია, რომ ზოგი ჩინოვნიკი ეროვნულ ცნობიერებას არ იცავს, საარჩევნო კანონში პირდაპირ სწერია, რომ პარლამენტის წევრისთვის სახელმწიფო (ე.ი. ქართული) ენის ცოდნა აუცილებელი არ არის.

საკამპილი იყო მოსკოვში პუტინთან, ესტუმრა ამერიკის პრეზიდენტს ბუშს, მაგრამ საქართველოს მთავარი საქმე – აფხაზეთის და სამჩაბლოს დაბრუნება ერთი ნაბიჯითაც კი წინ არ წანეულა. ეს რა თქმა უნდა, სააკამპილის ბრალი არ არის.

პარლამენტმა 25 თებერვალს მუშაობა დაამთავრა, დილის სხდომაზე შევასხენე პარლამენტს (თავმჯდომარე ბურჯანაძეს რასაკვირველია, დაავინწყდა), რომ 25 თებერვალი საქართველოს უბედურების დღეა, რომ ამ დღეს ნითელმა XI არმიამ – რუსეთმა დაიპყრო საქართველო და პატივი ვცეთ-მეთქი საქართველოს თავისუფლებისთვის ბრძოლაში დაღუპულ გმირების სსოვნას.

მინდოდა საბოლოო განცხადება გამეკეთებინა – მინდოდა ჩამომეთ-

ვალა, რა იყო ამ პარლამენტის ნაკლი და რა ნუდა გააკეთოს ახალმა პარლამენტმა, მაგრამ სიტყვა არ მომცეს.

იცოდა, ნინო ბურჯანაძემ რასაც ვიტყოდი და „განცხადებებისთვის დრო აღარ დარჩა“, მომიბოდიშა.

ახალი პარლამენტისთვის საარჩევნო მართონი უკვე დაიწყო.

ნინო ბურჯანაძე, რომელმაც ავტორიტეტი ხალხში სანახევროდ მაინც დაჰკარგა, ცდილობს კანდიდატთა ისეთი სია შეადგინოს და ისეთი არჩევნები ჩაატაროს, რომ ერთპარტიული პარლამენტი მივიღოთ.

ასლან აბაშიძემ საარჩევნო კომისიაში ახალი სია წარმოადგინა – მე, როგორც მითხრეს, მე-14 ადგილზე ვარ.

ექვი მეპარება, რომ ახალ პარლამენტში მოვხვდე.

კაცმა რომ თქვას, დიდი სურვილი არც მაქვს.

27 თებერვალს საქართველოს მწერალთა ყრილობა ჩატარდა თავმჯდომარედ მაყვალა გონაშვილი აირჩიეს.

მოადგილეებად – რეზო ჭეიშვილი, ვაჟა ოთარაშვილი და რევაზ მიშველაძე.

იქნებ (თუ ხელი ძალიან არ შემიძალეს) გავაცოცხლო მწერალთა კავშირი.

ჯერჯერობით ის მოვახერხე, რომ მწერალთა კავშირი მწერალთა ფედერაციულ კავშირად გადავაკეთე და ყველა ასოციაციის სახლად ვაქციე.

ამერიკიდან მონვევა მომივიდა, შეხვედრას გინცობთ მანჭეტენზე ერთ-ერთ თეატრში, როგორც გამოჩენილ ნოველისტსო“, მაგრამ წასვლაზე უარი უნდა ვთქვა. დედაჩემია ძალიან ცუდად და ჩემი თბილისიდან გასვლა არ გეგმის.

## 27.II 2004 – 29.III 2004

მიხეილ სააკაშვილმა ამერიკა და ევროპა მოიარა.

უცხოეთში თბილად ხვდებიან. ჩანს, თვითონაც კომუნიკაბელური ყმანვილია, ენები იცის და თამამია (რაც ამერიკულ ხასიათს ეთანწყობება).

„ალორძინებამ“ საარჩევნო სია (პარლამენტის წევრთა კანდიდატურების) გამოაქვეყნა. მე მე-14 ნომრად ვწერივარ, გული დამწყდა. დავაპირე საერთოდ უარის თქმა კენჭისყრაზე, მაგრამ ჰამლეტ ჭიპაშვილმა და თემურ მეგრელიშვილმა გამაჩერეს. გამოუვალ მდგომარეობაში ჩააყენესო ასლანი, ხომ იცი შურთო შენი. ყველაფერს აკეთებენ, რომ როგორმე თავზე გადაგახტენო“.

ამასობაში შემადრწუნებელი ამბავი მოხდა, აჭარაში ასლან აბაშიძემ მიხეილ სააკაშვილი არ შეუშვა. გაბრუნდა, ფოთში დაბანაკდა.

იმ დღეს მეორეჯერაც სცადა აჭარის დაპყრობა, მაგრამ კვლავ უშედეგოდ.

ამასობაში სიტუაცია უაღრესად გამწვავდა.

მივედი ზაზა შენგელიასთან, რათა ორივე მხარისთვის ტელევიზიით კეთილგონიერებისკენ მომენოდებინა, მაგრამ არ გამომიყვანეს.

ამასობაში პრეზიდენტი თბილისში დაბრუნდა (ყვანია ფოთში დატოვა) და ნინო ბურჯანაძე გაგზავნა ბათუმში, გაიგე ერთი, აჭარა მემორჩილება თუ არაო.



როგორ არ ვემორჩილებიო, ასლანმა, მაგრამ რაც მას სურს (ვარდების რევოლუციის ექსკორტი ბათუმში) არ ენცინოს და ვერ დაუშვებო. რამდენჯერმე მომინია გაზეთებ-ტელევიზიაში გამოსვლამ მოწოდებით - "რას ჩადიხართ?"

საქმეში უცხოეთის ელჩები (რ. მაილსი...) და ევროკავშირი (შვიმერი) ჩაერივნენ. მოსკოვიდან ლუჟკოვი ჩამოვიდა და ასლან აბაშიძეს გვერდით დაუდგა.

რატომ უნდა ჩაიგდოს ასეთ სამარცხვინო მდგომარეობაში ასლანმა თავი?

ამასობაში პარლამენტის არჩევნების დღე - 28 მარტიც მოვიდა.

საკაპშილმა ჟვანია და ყველა მინისტრი აჭარაში აფრინა - რადაც უნდა დაგიჯდეთ აჭარაში ჩვენმა პარტიამ არჩევნები უნდა მოიგოსო.

რა არ დააბრალა ზურაბ ჭიაბერაშვილმა აჭარას, 7 საათზე ისიც კი გამოაცხადა, ასლან აბაშიძის განკარგულებით აჭარაში საარჩევნო უბნების დარბევა დაიწყო, მაგრამ კოვზი ნაცარში ჩაუფარდა. აღორძინებამ გაიმარჯვა.

დღეს 29 მარტია. საარჩევნო ხმების რაოდენობით აჭარა მეორე ადგილზეა (8,2 პროცენტი, მაგრამ მეეჭვება, რომ ჭიაბერაშვილი აჭარის გამარჯვებას შეეგუოს. მას ჰსურს, აჭარას საერთოდ არ ჰყავდეს წარმომადგენლები საქართველოს პარლამენტში.

ვერც კი ფიქრობს იმაზე, რომ ავტონომიის წარმომადგენელთა გარეშე საქართველოს პარლამენტი სრული ვერ იქნება.

ვნახოთ, რა მოხდება.

მწერალთა კავშირში უამრავი საქმე მაქვს.

ჯერ ერთი თვეც არ არი, რაც ამირჩიეს და შეიძლება ითქვას, რომ გავაცოცხლე მწერალთა კავშირი.

იგი უკვე აღარ არის მიტოვებული აკლდამა.

ჩავატარე: შოთა ნიშნიანიძის 75 წლისთავის იუბილე, ტარას შევჩენკოს დღე, ოტია იოსელიანთან შეხვედრა, ახალგაზრდა მწერალთა ლიტერატურული საღამო და 29 მარტს ზვიად გამსახურდიას დაბადების 65 წლისთავი. ჩემი წინადადებით ზვიად გამსახურდია სიკვდილის შემდეგ აღდგენილ იქნა მწერალთა კავშირის წევრად.

### 30.III-14.V 2004

არჩევნები იმით დამთავრდა, რომ 8,2%-ით გასულ აჭარის დეპუტაციას სააკაშვილმა უარი უთხრა პარლამენტში შესვლაზე.

ზურაბ ჭიაბერაშვილმა უკვე გამოცხადებული 8,2% მეორე დღესვე 6,5%-მდე ჩამოუნია. აჭარას საქართველოს პარლამენტში თავისი წარმომადგენლები არ ეყოლება.

მაშ ასე, პარლამენტში არ შეუშვეს მუხრან მაჭავარიანი. პარლამენტში აღარ ვიქნებთი მე და გურამ შარაძე. ვინ იბრძოლებს იმისთვის, რომ პიროვნების დამადასტურებელ საბუთებში ეროვნება "ქართველი" ჩაინეროს, რომ საქართველოში ქართული ენა სახელმწიფო ენად გამოცხადდეს, რომ შეიქმნას ეროვნული სკოლა და ა.შ.

ინტერვიუ მივიეცი ამერიკაში გამომავალი (ინგლისურად და ქართულად) გაზეთის - „ივერიის“ კორესპონდენტს.



ასლან აბაშიძემ დაუშვა საბედისწერო შეცდომა და აჭარაში შესასვლელი ყველა ხიდი ააფეთქა.

ამ უგუნურმა ნაბიჯმა აჭარის მოსახლეობის უმეტესობა ასლანის წინააღმდეგ განაწყო. ხალხს მოეჩვენა, რომ ასლან აბაშიძე აჭარის საქართველოდან გამოყოფას აპირებს.

უნივერსიტეტის წინ გაიმართა ასლანის საწინააღმდეგო მიტინგი. მოსკოვიდან ჩამოსულ იგორ ივანოვს რუსეთის ყოფილი საგარეო საქმეთა მინისტრი ასლან აბაშიძე და მისი შვილი გიორგი მოსკოვში გაჰყვნენ. ასლანს სხვა გზა აღარ ჰქონდა, მას უსათუოდ დააპატიმრებდნენ.

დაარბიეს ასლანის აპარტამენტები, ბინა, აუქციონზე გასაყიდად გამოიტანეს ასლან აბაშიძის პირადი ნივთები.

მთელ აჭარაში დაიწყო დევნა. რამდენიმე გაზეთს, მათ შორის „ალიას“ მივეცი ინტერვიუ,

იქვე არ დამიმაღლავს ასლანის პიროვნული ნაკლი – ამპარტავნობა და განდიდების მანია.

აჭარაში ახალი ცხოვრება დაიწყო.

თუ ასეთივე იერიშს სააკაშვილი აფხაზეთ-სამაჩაბლოზე მიიტანს, უყოყმანოდ მის გვერდით დავდებები.

12 მაისს დედა გარდამეცვალა.

ჩემი კეთილი, ლამაზი დედიკო აღარ არის.

ყველანი სიკვდილის შვილები ვართ, მაგრამ ჩემი უსათნოესი დედა სიკვდილის წინ ისე განამდა, რომ კინაღამ დავკარგე ყოველგვარი რწმენა უფლისადმი.

ნუთუ ასე უსამართლოა გამჩენი? ჯერ ოცი წლის აჩიკო წამართვა (1993), ერთი წლის განმავლობაში დედა და მამა (2003-2004).

არა უშავს. მაინც ვერ დავგმობ ღმერთს. ჩემი შერყეული რწმენა ალბათ აღმიდგება, მაინც ბოლომდე მივყვები ჩემს გადაღლებულ ნუთისოფელს, რომელმაც ასატანზე მეტი სამსალა მასვა.

15.V – 15.VI – 2004 წ.

მთლიანად მწერალთა კავშირით ვარ დაკავებული.

27 მაისს პოეტ იზა ჯაჭვადის შემოქმედებითი სალამო ჩავატარე.

2 ივნისს – ნოდარ ხუნდაძის დაბადების 75-ე წლისთავი აღვნიშნეთ.

6 ივნისს მე და მერაბ ელიოზიშვილი ქალთა კოლონიას ვენვიეთ.

პატიმარ ქალებთან გულთბილი საუბარი გაიმართა.

ზოგი, მართლაც უდანაშაულოდ ზის.

7 ივნისს მწერალთა კავშირში პავლე ინგოროყვას დაბადების 120 წლისთავისადმი მიძღვნილი მოსაგონარი სალამო გავმართეთ.

შესავალი სიტყვა მე ვთქვი. მოხსენება რეზო კვერენჩილაძემ გააკეთა.

9 ივნისს ქეთი დოლიძის შემოქმედებითი სალამო გვქონდა.

10 ივნისს ნატო ვაჩნაძის დაბადების 100 წლისთავის აღსანიშნავად ნატოს საფლავზე შევიკრიბეთ.

ქართველი მწერლების სახელით სიტყვა ვთქვი პირველ ქართველ კინოვარსკვლავზე.

უნივერსიტეტში ლადო ასათიანის გარდაცვალების 60 წლისთავის სა-  
მეცნიერო სესია ჩავატარეთ.

12 ივნისს მუხრან მაჭავარიანის დაბადების 75-ე წლისთავის აღსანიშნავ  
სუფრას ვუთამადე.

მუხრანმა დიდი სიყვარული გამომიცხადა: – დღეს ქართულ მწერლო-  
ბაში შენზე დიდი პროზაიკოსი არ მეგულებაო.

ბოლოს მუხრანმა, ნივნივაძემ, როინმა, ძმებმა ხუროძეებმა, მე, ომარ  
გოცაძემ, ვაჟა ლორთქიფანიძემ და სხვებმა სამახსოვრო სურათი გადავი-  
ღეთ.

საკაშვილი ცხინვალში ვარდების რევოლუციის მოხდენას აპირებდა, მა-  
გრამ როგორც ჩანს, რუსი არ აპირებს ჩვენთვის შიდა ქართლის დაბრუნე-  
ბას.

ცხინვალის თვითმარქვია მმართველმა კოკოითმა გამოაცხადა, საქარ-  
თველოსთან ყოველგვარ ურთიერთობას ვწყვეტო.

რუსმა გამთენიისას 60 ტანკი შემოიყვანა როკის გვირაბიდან და საქა-  
რთველოს საზღვრის (რატომ ღმერთი არ გაიცინებს) გასწვრივ განალაგა.

ესეც შენი კეთილი პუტინი.

არ გვიბრუნებს, არა, დამპყრობელი რუსის მიტაცებულ ტერიტორიებს.

12 ივნისს ქართულ სოფელ თამარაშენში ოსმა ნაძირალებმა ქართველი  
მსახიობები, სპორტსმენები, განათლების და კულტურის მინისტრები არ  
შეუშვეს.

საკაშვილმა ტელევიზიით განაცხადა, რალაც გაუგებრობაა, ახლავე  
პუტინს გადავურეკავო.

ასე „ხშირად“ ურეკავდა შევარდნაძე ელცინს 1993 წელს, რუსმა  
ჯალათებმა კი ლამის ნახევარი საქართველო დაიპყრეს და ჩამოგვაჭრეს.

რასა იქმს ამერიკა?

ნუთუ ხელი დაიბანა ძია სემმა საქართველოზე?

„მარტოკამ უნდა ვიომო“...

18 ივნისს ოტია იოსელიანი, მაყვალა გონაშვილი, მე, ლადო მრელაშვი-  
ლი და ვაჟა ოთარაშვილი კულტურის მინისტრს გოკა გაბაშვილს ვეახლეთ.

ორი მთავარი სათხოვარი გვქონდა: 1) მწერლებს სტიპენდია 92 ლარი  
შეუნყვიტეს და მიზეზი უნდა გვეკითხა მწერლობის “მოყვარული” მინისტრი-  
სათვის; 2) ერთხელ და სამუდამოდ უნდა გაგვეგებიინებინა მინისტრისთვის  
რომ, ქართველი მწერლები მაჩაბლის 11-ში რუსთაველის მუზეუმის გახსნას  
ვაპირებთ და რესტორან “ფიროსმანს” არ გავახსნივინებთ.

ორსაათიანი ცხარე კამათის შედეგად აი რას მივაღწიეთ: 65 წელს გადა-  
შორებული მწერლები მიიღებენ სტიპენდიას თვეში 50 ლარის რაოდენობით.

მაჩაბლის 11-ში გაიხსნება რუსთაველის მუზეუმი და ხელისუფლება  
შენყვეტს ამ შენობის სახელისუფლებო ბაგირით გადაქაჩვას.

ეს ყველაფერი ჯერჯერობით მინისტრთან მხოლოდ სიტყვიერი შეთანხ-  
მებაა.

მწერალთა კავშირის შენობაში წვიმა ჩამოდის. ოტია ქერზე ავიდა.  
მტვერში ამოგანგლული ჩამოვიდა და თან 1 კრამიტი ჩამოიტანა. გვიხს-  
ნის: კრამიტი ალაგ-ალაგ გამოსაცვლელია; ჩავალ გვიმტიბში, ვიშოვი ასეთ  
კრამიტს და მე თვითონ გადავხურავო.

ასეთია ოტია, ეს დაპირება, რასაკვირველია, ტყუილია (აზნაურ ტიმოთე დახუნდარელის დაპირებას ჰგავს), მაგრამ ოტიასებურია და იმედიანი.

16.VI – 25.VIII – 2004 წ.

ოტიამ, როგორც მოველოდი, დანაპირები არ შეასრულა, დაავინყდა, ალბათ.

მწერალთა კავშირის მთელი საქმეები მე დამანვა კისერზე. რეზო ჭიჭიშვილი განაწყენებულია, რატომ თავმჯდომარედ არ ამირჩიესო და ქუთაისიდან თითქმის არ ჩამოდის.

ივნისის შუა რიცხვებში სომხეთში მიმინვიეს. სიტყვა ვთქვი სომეხ მწერალთა მსოფლიო ფორუმზე და სომხეთის მწერალთა კავშირის 70 წლისთავის იუბილეზე.

სომხეთის მწერალთა კავშირის თავმჯდომარე ლევან ანანიანთან ქართველ და სომეხ მწერლებს შორის არაერთი სამეგობრო ღონისძიება დაგვეგმე.

კულტურის მინისტრმა თავი შეირცხვინა. არც დანაპირები 50 ლარიანი პენსია დაუნიშნა მცხოვან მწერლებს და არც მწერალთა კავშირის აპარატი დაგვიფინანსა.

ერთი სიტყვით, დაგვაგდო ბედის ანაბარა.

22 ივლისს თბილისში კოკისპირული წვიმა მოვიდა. წვიმამ მწერალთა კავშირის სახურავი ჩამოანგრია, კაბინეტები, კლუბი დატბორა. წყალი ჩავიდა ბიბლიოთეკაში.

შევატყვე, რომ ჩემს მეტი თითის გამძრევი არავინ იყო, ჩავიცვი რკინის ქალამნები და მივუვარდი მთავრობას, მერიას, მთაწმინდა-კრწანისის გამგეობას. არ გრცხვენიათ-მეთქი? ამ შენობაში აკაკის, გალაკტიონის, მიხეილ ჯავახიშვილის, გამსახურდიას სული ტრიალებს და როგორ ბედავთ, რომ ამ ისტორიულ სასახლეს ყურადღებას არ აქცევთ-მეთქი.

კეთილი ინებეს და გამოგზავნეს ინჟინრები. დადგინდა, რომ მთლიანადაა გადასახურავი.

ვეახელი ქალაქის პრემიერს ბრეგაძეს – თუ ხარ ამ ქვეყნის პატრიოტი, უნდა გვიშველო-მეთქი.

დაგვირდა რამეს მოვახერხებო.

მე მგონი, გვეშველება.

თუ არა და უნდა ჩამოვისპონსორ-ჩამოვიმათხვორო და როგორმე წვიმების დაწყებამდე შენობა გადავახურინო.

გარდაიცვალა გივი ინკირველი.

24 ივლისს დავკრძალეთ.

21-ში მწერალთა სასახლეში გურამ გოგიაშვილს 70 წლისთავის იუბილე გავუმართეთ...

24 ივნისს მწერალთა კავშირის მიმღები კომისიის სხდომა გვექონდა.

60 ახალი წევრი მივიღეთ.

კარგია, გაძლიერდა საქართველოს მწერალთა კავშირი, ძირითადად მივიღეთ ახალგაზრდები, ჩემი დაჟინებული თხოვნით, როგორც იქნა მივალწიე იმას, რომ მწერალთა კავშირი აღარ არის ბებერ მწერალთა საკრებულო.

სადაც ახალგაზრდობა არ არის, იქ სიკვდილი იწყება.

უნივერსიტეტის რექტორს როინ მეტრეველს გაზეთებმა კვლავ დასდეს ბრალი კორუმპირებულობაში.

„კმარამ“ სასამართლოში სარჩელი შეიტანა. როინის წინააღმდეგ სტუდენტები განუწყვეტილად აწყობენ აქციებს. დაპატიმრებები გრძელდება. დააპატიმრეს სასოფლოს ყოფილი რექტორი ნაპოლეონ ქარქაძეძე. ძალიან მენყინა.

25 ივლისს ქალაქის საკრებულოში ქართულ-ოსურ დიალოგში მივიღე მონაწილეობა.

განვაცხადე: ყველაფერი რუსის ბრალია-მეთქი.

იგივე აზრი გამოვთქვი მწერლის გაზეთის მე-13 (მეასე) ნომერშიც.

ახლა ჩემი მთავარი საქმე მწერალთა კავშირის შენობის გადახურვაა.

მუშებს თავზე ვადგავარ. დილით ყველაზე ადრე მე მივდივარ. ჩემს სიხარულს საზღვარი არა აქვს.

რაც ვერ გააკეთა (ან არ გააკეთა) ვერცერთმა თავმჯდომარემ, მე შევძელი.

მაჩაბლის 11-ში ჩემი განკარგულებით გავხსენით კონსტანტინე და ზვიად გამსახურდიების მემორიალური ნივთების მუზეუმი და მანანა არჩვაძე-გამსახურდია ჩაუყენეთ სათავეში.

მანანა კაბინეტში მენვია და 3 საათის განმავლობაში მელაპარაკა, შენ ზვიადს ძალიან უყვარდი და ყველაზე მეტად გენდობოდაო, შენსა და ზვიადს შორის ურთიერთობის გაფუჭება მუხრანის ბრალიაო.

ეჭვი აიღო, თითქოს ზვიადი შენ გნიშნავდა თავმჯდომარედ და ამიტომ გადაგეკიდაო.

ასეც ვიცოდი.

მაჩაბლის 11-ში პირველ რიგში უნდა გავხსნა რუსთაველის მუზეუმი. ამით ჩემი დიდი ხნის ოცნება უნდა ავიხდინო. ახლა გაზეთში უნდა გამოვაცხადო, რათა მწერალთა კავშირში შეგროვდეს “ვეფხისტყაოსნის“ ყველა ძველი გამოცემა. ასევე ხელნაწერები და გამოცემები სხვადასხვა ენაზე.

მწერალთა კავშირის შენობის გადახურვაზე კიდევ ერთი წინააღმდეგობა შემხვდა, ვილაც გარენარმა მაყვალას უჩურჩულა – ფასადის (მაჩაბლის ქ.) მხარეს კრამიტი თუნუქით არ შეცვალოთ, თორემ შენობა დაზიანდებაო. მაყვალა ნიჭიერი, ეროვნული, საღად მოაზროვნე ქალია, მაგრამ მაინც შეეყოყმანდა.

გავვარდი კულტურის სამინისტროში და დავადგენინე შენობის მთელი სახურავის გამოცვლა.

მივალნიე ჩემსას.

ანი შემიდლია მშვიდად ვიყო, მწერალთა კავშირის სასახლის ჭერიდან ნყალი აღარ ჩამოვა.

## 26.VIII-1.IX.2004

ათ დღეზე მეტია ფაქტიურად ომში ჩავეებით.

რუსებმა (ოსებთან ერთად) ქართულ სოფლებს ცეცხლი დაუშინეს.

თამარაშენში და ერედვში ათამდე კაცი მოკლეს, ორმოცზე მეტი დაჭრილია.

თითქმის ყველა სახლი დანგრეულია.

საკაპშვილი და ბარამიძე მოსკოვში სამშვიდობო ხელშეკრულებებს დებენ, მაგრამ როგორც 12 წლის წინათ აფხაზეთში, ვერაგი რუსი ახლაც არღვევს, “ხელშეკრულებებს” და ცეცხლს გვიხსნის.

ამაოა გაეროს, ეუთოს, ამერიკის ადმინისტრაციის მიმართეები რუსეთისადმი შეეშვას საქართველოს.

ამერიკის თავდაცვის მინისტრი დონალდ რასფელდი სპეციალურად ჩადის რუსეთში და თავდაცვის მინისტრ ივანოვს ხვდება. ივანოვი უმტკიცებს, ჩვენ არ ვისვრითო და კინალამ ოსებთან მოსალაპარაკებლად გზავნის ამერიკის თავდაცვის მინისტრს.

დუმა საქართველოსადმი ზიზლით გამსჭვალულ დადგენილებას იღებს.

„ნენაფიჟუ კავკაზ“ მთელი მსოფლიოს გასაგონად აცხადებს ჟირინოვსკი და მას დუმაში ერთი კაციც არ ეკამათება.

მოკლედ, შავ დღეში ვართ.

ლამის გული გამისკდეს. ვურეკავ მწერლებს, ნავიდეთ, ჩვენ ვიბრძოლოთ-მეთქი!

უგულოდ მეხმაურებიან.

ალბათ, ნავალ და რუს დამპყრობელს თავს შეეკავავ, თუ უახლოეს დღეებში “პოლიტიკოსებმა ურთიერთობა არ დაარეგულირეს”.

ნინო ბურჯანაძე ცხინვალში არ შეუშვებს.

ლტოლვილთა განუწყვეტელი ნაკადი მოედინება ქართული სოფლებიდან.

ესეც “ახალი ლტოლვილები”...

მუხანყაროში ერთი კვირით ავედი, მაგრამ ომი რომ დაიწყოს, დასვენება შეეწყვიტე და ჩამოვთბილისდი.

ოთხიოდე ნოველა დამინერია ამ ზაფხულს.

არაფერი არ მინდა.

წერაც უაზრობა მგონია.

რა საშინელებაა, პატარა უმწეო საქართველოს რუსი ორას წელზე მეტია მსოფლიოს თვალწინ თავში უჩაჩქუნებს და ჩვენი პატრონი არავინ არის.

კონდოლიზა რაისს (ამშ) ურეკავს სააკაპშვილი, მაგრამ ამერიკელი ლედი საქართველოსთვის ვერ იცლის, რომ ბუშს მოახსენოს საქმის ვითარება.

## 2.IX-10.IX 2004

ბოლოს ყველაფერი ისე დამთავრდა, როგორც ველოდი.

კიდევ ერთხელ გვიმუხთლა რუსმა.

პუტინმა სააკაპშვილს გაუდიმა მზაკვრულად – ჩვენ არ ჩავერევიტ, შედი ცხინვალში, შენი ტერიტორიაა და გააკონტროლეო.

საკაპშვილმა გადადგა ერთი ნაბიჯი სამაჩაბლოს შემოსაერთებლად და რუსსი არტილერიაშაც არ დააყოვნა.

დაგვამარცხეს სასტიკად. მოგვიკლეს 30 ჯარისკაცი. ახლა ქართულ სოფლებშიც აღარ გვიშვებენ. თავზე დაგვალენეს ჩვენი სახელდახელოდ მოწყობილი საგუმბაგოები.

ამერიკა? ხმა არ გაიღო. სიტყვითაც არ წამოგვეშველა.

„თავში ქვა იეც და ისა ჰქენიო“.

საკაპშვილის იმიჯმა ერთბაშად აინია ერის თვალში.

2 სექტემბერს ჩეჩნებმა ჩრდილოეთ ოსეთში – ბესლანში სკოლის შენობა დაიკავეს მოთხოვნით – გავიდეს რუსი ჩეჩნეთიდან!

რუსებმა არ დაინდეს სკოლაში მისული 500 ბავშვი და მათი მშობელ-მასწავლებლები, „ჭაუბიცები“ ესროლეს სკოლას და 15 ჩეჩენ-ტერორისტთან ერთად 400 უდანაშაულო მოსწავლე გაანადგურეს.

ასეთია რუსი. ასეთი პრეზიდენტი ჰყავს დღეს რუსებს.

ზიზღი დამპყრობელი რუსის მიმართ მთელს კავკასიაში მძვინვარებს.

სომხის გარდა რუსი აქ არავის უყვარს.

ახლა შიგ საქართველოში რა ხდება.

ფინანსთა მინისტრ ზ. ნოლაიდელთან მივყავი, რატომ არ გვადლევ “მწერლის გაზეთისთვის“ ბიუჯეტის მიერ გამოგზავნილ ფულს, რომ გაზეთი არ დაიხუროს-მეთქი.

არ გაძლევთ, ნადიდა გვიჩივლეო.

8 სექტემბერს მაყვალამ, მე და ვაჟამ მწერალთა კავშირში პრესკონფერენცია გავმართეთ მწერალთა კავშირის შენობის წართმევის წინააღმდეგ.

ვთქვი: გითხრათ სიმართლე, ეს ყველაფერი ეკონომიკის სამინისტროს მიერ მწერალთა კავშირის კუთვნილი ისტორიული შენობის წართმევა ხუმრობა მგონია-მეთქი.

თავს ვირწმუნებ იმაში, რომ ხელისუფლება ვერ გაბედავს (მით უმეტეს რევოლუციით მოსული ხელისუფლება) შემოენყოს ამ შენობას და ქუჩაში გაყაროს ჭაბუა ამირეჯიბი, ანა კალანდაძე, ოტია იოსელიანი, ნოდარ წულეისკირი, მერაბ ელიოზიშვილი, რეზო ჭეიშვილი, მაყვალა გონაშვილი, რევაზ მიშველაძე და სხვანი.

მოუშალოს ქართულ მწერლობას ეს ერთადერთი ისტორიული ბუდე.

11.X – 8.XI. 2004

პრესკონფერენციას შედეგად ის მოჰყვა, რომ 15 სექტემბერს კულტურის მინისტრის – გოკა გაბაშვილის ხელმოწერით წერილი მივიღეთ – დაუყენებლივ გაათავისუფლეთ მწერალთა სასახლეო.

ჩვენ, რასაკვირველია, ცოცხალი თავით არ ვაპირებთ დავთმოთ.

ვუჩივლეთ სასამართლოში ფვანიას და კამპანიას (კახა ბენდუქიძეს და გოკა გაბაშვილს) მოსამართლე ტარიელ ზამბახიძე (ან გარდაცვლილი კრიტიკოსის – ვლადიმერ ზამბახიძის ძმისშვილი) ფვანიას ზენოლის ქვეშ იმყოფება და სასამართლო ამკარად ტენდენციურად მიჰყავს; თანაც გვაგრძნობინებს, რა ვქნა, თქვენი გულისთვის მოსამართლის მუნდირს ვერ დავკარგავო.

მწერალთა სასახლეში ამდენი მწერალი არასოდეს მოსულა. ჩემი კაბინეტი სკასავით ბზუის. გამოვეცით “მწერლის გაზეთის“ სპეციალური ნომერი, რომელშიც დაბეჭდილია ყველა სახელიანი მწერლის საპროტესტო წერილი.

ამას წინათ სამეგრელოში ნათესავი გარდამეცვალა და გული მომიკვდა ამ მშვენიერი კუთხის ხილვით – საშინელი სიღარიბე, მიტოვებული, გაძარცვული სახლები, აბსოლუტური უშუქობა, წყვდიადს მოუცავს მთელი საქართველო.

აიძულეს როინ მეტრეველი რექტორობიდან გადაამდგარიყო. შემინებული როინი სულ „მადლობის ძახილით“ წავიდა. განათლების მინისტრმა ლომაიამ კანონპროექტი გააშანშალა – 65 წლის ზედა ასაკის თანამშრომელი არ



დავინახო უნივერსიტეტში. ამ კანონით უნივერსიტეტიდან 9 000 თანამშრომელი და მათ შორის 2000 პროფესორი ქუჩაში რჩება – უსახსროდ და უილაჯოდ.

რექტორის კანდიდატურად წარმოგვიდგინეს რუსუდან ლორთქიფანიძე, რომელსაც ერთი დღეც არ უმსახურია უნივერსიტეტში, როგორც ამბობენ, იგი რომში მოდების ატელიეში მუშაობდა დიზაინერად, მერე ცოტა ხანს ელჩად დაანინაურეს და ახლა რექტორად უპირებენ დასმას.

ჩემთან დელეგაცია დელეგაციაზე მოდის. უნივერსიტეტი ამ სირცხვილს უნდა გადაარჩინო და რექტორობაზე კენჭი უნდა იყარო.

ამ „მოძრაობას“ ყური მოჰკრა ფილოლოგიის ფაკულტეტის დეკანმა, მომეცნინო ჩინოვნიკმა ამირან გომართელმა და ხუთშაბათს 4 ნოემბერს თავის კაბინეტში მიხმო. იქ დამახვედრა (იცოდა მარტო რომ ყოფილიყო, ყურს ავახვედი) კახა ჭეიშვილი, გია ალიბეგაშვილი, ტარიელ სიხარულიძე და კიდევ ორიოდე თანამშრომელი.

ჩვენი კოლექტიური თხოვნააო, ამირანმა არ იყარო კენჭი რექტორობაზეო. შენო, ოპოზიციონერი ხარ და ამ საქმეს ეროვნული ელფერი მიეცემაო. რაც ლომიას კიდევ უფრო გააბრაზებს. იგი შეურიგებლად გადაეკიდება მთელს უნივერსიტეტს და განსაკუთრებით ჩვენს ფაკულტეტსო.

კი, მაგრამ ვინ მოგავლინა, ამირან, შენ ჩემს აღმზრდელად, მე შენ თვალში ხომ არ გეპატარავები. თუ ვიყრი კენჭს მადლობას უნდა მეუბნებოდე, რადგანაც მე მსხვერპლს ვიღებ, რომ უნივერსიტეტის ეროვნული პრესტიჟი გადავარჩინო-მეთქი.

დეკანმა ამაზე ველარაფერი თქვა და მოდი ყველაფერი საბჭომ გადაწყვიტოსო, საბჭო კი 10 ნოემბრისთვის დაინიშნა.

ვიცი: გომართელი ყველაფერს გააკეთებს, რომ 10-ში საბჭო არ შეიკრიბოს, ხოლო თუ შეიკრიბა, ჩემი კანდიდატურა არ გავიდეს რექტორობაზე კენჭის საყრელად.

ვნახოთ.

ვაჟკაცურად უჭირავს თავი თამაზ ნივნივაძეს.

მართალია, მწერალთა კავშირში ნივნივაძის საქმეების შესასწავლად თვეზე მეტია პროკურატურაა შემოსული, მაგრამ ნივნივაძე არ შემკრთალა.

ამ ორიოდე კვირის წინ გოკა გაბაშვილს „ჯორჯიან ტაიმის“ ფურცლებიდან საკმაოდ მკაცრი წერილი მივწერე, რამდენიმე გაზეთმა გადაბეჭდა.

როგორც მითხრეს იმ „ღია წერილმა“ მამა-შვილი გაბაშვილები გაანანყენა.

ვნახოთ, ახლა მათი რიგია, რას მოჩმახავენ და რას მიხიმანებენ.

9.XI – 27.XI 2004

10 ნოემბერს სწორედ ის მოხდა, რასაც მოველოდი.

ფილოლოგიის ფაკულტეტის საბჭოს სხდომაზე დეკანმა, ამირან გომართელმა განაცხადა:

მოგესხენებათ, პრეზიდენტს და პარლამენტს რუსუდან ლორთქიფანიძე უნდათ რექტორად. არ ღირს ხელისუფლების გადაკიდება, გონივრული იქნება, თუ ჩვენი ფაკულტეტი არ წარადგენს კანდიდატს, როგორც ეს ისტორიის ფაკულტეტმა გააკეთაო.



გადავხედე საბჭოს წევრებს, ყველამ პირში წყალი დაიგუბა, აუტკივარი თავის ატკივება არავის სურს, ისევ მე უნდა ვიხსნა ფაკულტეტის საბჭო სირცხვილისგან.

ბატონებო, ნუთუ უნივერსიტეტის უპირველესმა, სიბრძნისმეტყველების ფაკულტეტმა მხარი უნდა დაუჭიროს იტალიიდან ჩამოყვანილ არამეცნიერს, არაპედაგოგს, რომელსაც ერთი დღეც არ უმუშავია უნივერსიტეტში. რა ქვეყანა დაიქცევა ჩვენი რიგებიდან რომ შევარჩიოთ ალტერნატიული კანდიდატურა, შიშა და დუმილს გვაპატიებენ? ჩვენი დიდებული წინაპრები აკაკი შანიძე, არნოლდ ჩიქობაძეა, გიორგი ახვლედიანი და სხვანი-მეთქი?

თქვენ ვის დაასახელებდითო, დეკანმა.

ხომ ვერ ვიტყვოდი, ჩემს თავს-მეთქი.

ნებისმიერი ჩვენი საბჭოს წევრი გამოდგებოდა რექტორად, თუ გნებავთ მიხეილ ქურდიანი-მეთქი.

კიდევ თუ არის კანდიდატურაო, დეკანმა.

სამარისებური სიჩუმე.

ასეთები არიან ადამიანები.

სანამ საბჭო დაიწყებოდა, მოსაცდელში თითქმის ყველა საბჭოს წევრმა მითხრა: შენზე უკეთეს სარექტორო კაცს ვერ ვხედავთ საქართველოში, რუსთაველის პრემიის ლაურეატი ხარ, პარლამენტში იყავი, დიდი მწერალი და მეცნიერი ხარ, საზოგადო მოღვაწე ხარ და ხალხს უყვარხარო.

ახლა, საქმე საქმეზე რომ მიდგა, არავინ მასახელებს.

ფარულად ფუყაროთ კენჭი ქურდიანსო.

რა საჭიროა ფარული კენჭისყრა, ერთი კანდიდატურაა. ღიად მივცეთ ხმა და გავათავოთ-მეთქი.

არაო, ფარულადო, გაჭირვებულდა დეკანი და დეკანის მომხრეთა „კოპორტა“.

ჩემი გავიტანე. ახალგაზრდა (52 წლისაა, მგონი) ნიჭიერი კაცი მიხეილ ქურდიანი წარვადგინეთ რექტორის კანდიდატად.

დამთავრდა სხდომა და რამდენიმე პროფესორი ამედევნა:

შენ უნდა გეყარა კენჭი. მიშას არავინ აირჩევს. ავტორიტეტი არა აქვს, შენ უთუოდ გახვიდოდო.

ზიზლით გავხედე ამ კაცუნებს.

23 ნოემბერს სამების გრანდიოზული ტაძარი აკურთხეს, ეს დიდი მადლია, ქართველი ერის დიდი გამარჯვებაა.

24 ნოემბერს „ხულიგნობის“ მუხლით დააპატიმრეს გურამ შარაძე. მიუსაჯეს 15 დღე პატიმრობა და 2400 დოლარის გადახდა, ვილაც პოლონელი პიდარასტის ნახატები ჩამოხიაო.

28.XI – 26.XII – 2004

შარაძე 15 დღიანი პატიმრობიდან მოტეხილი, განერვიულებული გამოვიდა.

დამირეკა და საყვედური მითხრა, რატომ არ ამოიღეთ ხმაო.

ფუპასუხე; შენ ვილაცამ გაგაგულისა, თორემ ჩემთან ამ თემაზე საუბარი არ უნდა გაგებოდა-მეთქი.

შენი დაპატიმრებისთანავე გავვარდი შინაგან საქმეთა სამინისტროში,

მივედი პროკურატურაშიც, მეორე დღესვე „მწერლის გაზეთში“ შენი დაპატი-  
რების გამო საპროტესტო განცხადებაც გამოვაქვეყნე („მწერლის გაზეთი“,  
1-15 დეკ.) და მწერალთა კავშირის გამგეობის სხდომაზეც დავადგინე (იხ.  
ოქმი №11), რომ შენი დაკავება გოკა გაბაშვილის ანგარისსწორება იყო. შენ  
კი ეს ჩანს, არაფერი არ იცი და რაღაცას მიედ-მოედები-მეთქი.

მოკლედ, მწარე-მწარე სიტყვები ვუთხარით ერთმანეთს.

აი, რა შეუძლია დასმენას.

13 დეკემბერს უნივერსიტეტის დიდმა საბჭომ ახალი რექტორი – რუსუ-  
დან ლორთქიფანიძე აირჩია.

„მწერლის გაზეთის“ ახალ ნომერში მწვავე მონინავე გამოვაქვეყნე იმის  
შესახებ, რაც ქვეყანაში ხდება.

გამოვაქვეყნე აგრეთვე ამონარიდები (ბოდვები... მკრეხელობა...) ლიტ-  
ერატურულ ნაძირალათა ნიგნებიდან.

გაზეთი მაშინვე დაიტაცეს.

მწერალთა კავშირში მორიგეობა კვლავ გრძელდება.

მურმან ჯგუზურიამ ჩემზე მშვენიერი წერილი გამოაქვეყნა.

ღრუბლიანი დღეებია... სულშიც ღრუბელი, უიმედობა ისადგურებს.

კულტურის სამინისტრომ ანა კალანდაძის იუბილე (80 წ.) გამართა ოპე-  
რის თეატრში.

ჩვენთვის, მწერალთა კავშირისთვის არაფერი უკითხავს. ამით კიდევ  
ერთხელ გამოგვიცხადა ზიზღი, იგნორირება.

იუბილე, როგორც მოველოდი, უღიმღამოდ ჩატარდა.

მშრალი, ოფიციალური სიტყვები ითქვა.

პირზე მადგა თბილი, ლირიკული სიტყვა, სიტყვის მოცემა კი არა, მო-  
სანვევიც რომ გამომიგზავნეს, გამიკვირდა. ამფითეატრის ბოლო რიგზე,  
მარტო ვიჯექი.

ინურება კიდევ ერთი კომპარივით მძიმე, საშინელი წელი (2004) საქა-  
რთველოსთვის.

კარგს აღარაფერს ველი.

1 იანვარს 65 წლის ვხდები, ამისთვისაც გმადლობ, უფალო!

გუშინ შევიტყვე, რომ ქუთაისის უნივერსიტეტის რექტორს პატიოსან,  
უნიჭიერეს ავთო ნიკოლეიშვილს სტუდენტები აუშხედრეს და გადააყენეს.

27.XII – 31.XII 2004 წ.

გამომცემლობა „დიდოსტატმა“ ამ წინასაახალწლოდ გამახარა.

გამოსცა ჩემია ხალი ნოველების წიგნი სახელწოდებით „რას მერჩოდი“,  
წიგნში 2003-2004 წლებში დაწერილი ნოველები შევიდა.

ზაურ იობაია ფუტკარივით კაცია. სწორედ მან ირბინა სტამბაში, რომ  
წიგნი 65 წლისთავისთვის მომსწრებოდა.

საახალწლოდ პრემიები მივანიჭეთ მწერლებს: ილია ჭავჭავაძის პრემია  
– ანა კალანდაძედეს, აკაკი წერეთლის – მერაბ ელიოზიშვილს, გალაკტიო-  
ნის – ოთარ შალამბერიძეს, ჭოლა ლომთათიძისა – შალვა მჭედლიშვილს  
(ანა კალანდაძის ყოფილი ქმარი, უპატიოსნესი პიროვნება, ციხე-გულაგებში  
ნათრე-ნაგვემი სამშობლოს სიყვარულის გამო).

მართალია, ფულს ვერ ვაძლევთ მწერლებს, მაგრამ პრემიებით ძალიან  
გაიხარეს.

შეიდი წელია მწერალთა კავშირში ლიტერატურული მოღვაწეობისთვის არავინ წაუხალისებიათ.

მერედა ვარგა ასე?

მე ყველა მიყვარს. ეგ კი არა თავს დამნაშევედ ვგრძნობ გაჭირვებულ მწერალს, რომ ვერაფრით ვეხმარები. თუ ორიოდ კაპიკი მოვიხელთე, 10-10 ლარად ვურიგებ მწერლებს.

ჩემმა უმცროსმა მეგობარმა ბონდო მაცაბერიძემ სახელმწიფო პრემია მიიღო. ძალიან გამეხარდა.

უნივერსიტეტში პოლიკარპე კაკაბაძისადმი მიძღვნილი სამეცნიერო სესია ჩავატარე. კარგი მოხსენებები წაიკითხეს ჩემმა კათედრის წევრებმა.

უკრაინაში პრეზიდენტად იაშჩენკო აირჩიეს. ეს იმას ნიშნავს, რომ უკრაინა რუსეთს ხელიდან გამოგლიჯა ამერიკამ. რუსი გააფთრებით უჭერდა მხარს იანუკოვიჩს.

ამ ამბით აღფრთოვანებული ჩვენი პრეზიდენტი კიევს გაფრინდა და ალბათ, იქ შეხვდება ახალ წელს.

შევარდნადის ინტერვიუა „ჯორჯიან ტაიმსში“, არავითარი ვარდების რევოლუცია არ მომხდარაო, ამბობს, ეს იყო ძალადობრივი დამხობა ხელისუფლებისო. ცალ ხელში ვარდები ეჭირათ და მეორე ხელში ავტომატებიო. სააკაშვილის ხელისუფლება დანაშაულებრივი ხელისუფლებააო. მართო სახელმწიფო რეკეტი ეყოფათ დანაშაულადო. თუმცა ახლა ვერ ვხედავ საქართველოში ამათ გადამგდებ რევოლუციურ ძალასო. ამკარად თვალთმაქცობს შევარდნაძე.

გუმინ პარლამენტში, როგორც იქნა, ითქვა, იმათი გვარები, ვინც ხალხს ანაბრები შეუჭამა.

ზვიად ძიძიგურმა თქვა – დაუზბრუნოთ მენაბრეებს თავიანთი ფულიო. გამოვარდა მათა ნადირაძე და ჩვენს იმედს ცივი წყალი გადაასხა.

ჩვენი ხალხი შეგნებულაო, უარს იტყვის ამ ფულზეო. მით უმეტეს, რომ აფხაზეთი და სამაჩაბლო გვაქვს დასაბრუნებელიო.

არა და ზოგმა უკანასკნელი კაპიკები, დასამარხი ფული შეიტანა სახელმწიფო სალაროში და უნამუსოდ წაართვა შევარდნადის ბანდამ.

მე ბოლო რვა წიგნის ფული მქონდა სალაროში და კაპიკი არ დაუბრუნებიათ.

ასეთი ყაჩაღების ხელში ვიყავით, როგორც ირკვევა.

რუსი ისევ დაგვცინის და გვტკვირავს, ამასწინათ შევხვდი რუსეთის საელჩოს მთავრ მრჩეველს – ვინმე ვასილ სემიონოვიჩს.

რატომ არ გვიბრუნებთ ჩვენს ტერიტორიებს-მეთქი.

ვინ გართმევთო. ჩვენ რა შუაში ვართო,თუ თქვენს ტერიტორიად მიგაჩნიათ შებრძანდით და გააკონტროლეთო.

თუ ჩვენია, რუსის ჯარი რატომ დგას-მეთქი?

რუსეთის ბაზები თქვენთანაც არის – ბათუმსა და ახალქალაქში. მანამ არ გავიყვანთ, სანამ რუსეთის სამხრეთიდან სამიშროება ემუქრებაო.

აი, რუსული იმპერიული აზროვნება!

ამერიკა?

ჯერჯერობით ტერიტორიების დაბრუნების საზით ვერაფერს გვეხმარება.

### 1.1 – 20.1 2005 წ.

სამოცდახუთი შემისრულდა, არავინ მომილოცა. როგორც ამბობენ, სიბერეა. მე ვერაფერს ვგრძნობ-მეთქი რომ დავიტრაბახო, არ ვიქნები მართალი.

მუხლები ძველებურად აღარ მემორჩილება. კიბეზე ასვლა მიჭირს.

ვარჯიშით ჩვეულებისამებრ ვვარჯიშობ უროთი და ჰანტელებით. ცოტას დავრბივარ კიდევც, მაგრამ თხილამურებზე ალბათ ველარასოდეს დავდგები და გული მწყდება.

ჩემი ახალი წიგნი ბევრს ვაჩუქე, ახლა წიგნს თითქმის აღარავინ ყიდულობს.

თუ არ მატყუებენ, ძალიან მოსწონთ.

მე, პირადად კი ამ ახალი წიგნიდან განსაკუთრებით მიყვარს ორი ნოველა: „ლომი“ და „რას მერჩოდ“.

სადაა კინო, თორემ ორივე გამზადებული სცენარია.

7 იანვარს კონსტანტინე ლორთქიფანიძეს 100 წელი შეუსრულდა.

მწერალთა კაშვირის ინიციატივით მარჯანიშვილის თეატრის გვერდით (გალაკტიონის სახლთან) სადაც ბ-ნი კონსტანტინე ადრე ცხოვრობდა, მემორიალური დაფა გაეხსენით.

სიტყვა ვთქვი:

კონსტანტინე კარგი მწერალი იყო. მხატვარმა ზურაბ წერეთელმა (ნათესავი ყოფილა) კარგი ბანკეტი გადაუხადა.

მოვიგონეთ კონსტანტინე.

ტერიტორიების (აფხაზეთი, სამაჩაბლო) დაბრუნების საქმე კვლავინდებურად შავადაა.

საკაშვილმა სტრასბურგში ევროსაბჭოს სესიაზე განაცხადა: მზად ვარ საქართველო გადავაკეთო ფედერაციად, მზად ვარ, აფხაზეთს და სამხრეთ ოსეთს მივცე ლამის სრული დამოუკიდებლობა (ოღონდ ფორმალურად საქართველოს საზღვრებში)...

რუსეთმა (ბალაფშის და კოკოითის პირით) სასტიკი უარი განაცხადა.

რატომ ვერ გაიგეს ქართველებმა, რომ ჩვენ (აფხაზეთი, სამხრეთ ოსეთი) დამოუკიდებელი სახელმწიფოები ვართ და საქართველოში არასოდეს დავბრუნდებითო, განაცხადეს თვითმარქვია პრეზიდენტებმა – ბალაფშმა და კოკოითმა.

მსოფლიო დუმს.

ჩვენს ძმა ამერიკას ამაზე კომენტარი არ გაუკეთებია.

ჩანს, რუსეთის ამერიკასაც ეშინია (თუ ჩვენ იმდენად არ ვუღირვართ, რომ თავი აიტკიოს).

რჩება ასე, დამცირებული და დამარცხებული საქართველო 2005 წელსაც.

ჩემი საქმე რომ იყოს, რაკი დღისით მზისით აშკარად გვართმევენ ჩვენს მინა-წყალს, უფრო ქმედით ღონისძიებებს მივმართავდი.

ხომ ვერ დააჩოქა რუსმა ჩეჩნეთი?!

ახლა საჭიროა მწერლებმა ერი შეევანჯღლიოთ და შიშის, არასრულფასოვნების სინდრომი განვდეგნოთ მისი არსებიდან.

ამ პრობლემის შესახებ ამ დღეებში დავწერე ნოველა „ქართველები“ რომელსაც თებერვლის პირველ რიცხვებში „მწერლის გაზეთში“ გამოვაქვეყნებ.

26 იანვარს ლევან სანიკიძის ოთხმოცი წლისთავი შესრულდა.

გავედით საფლავზე ოჯახის წევრები და პირადი მეგობრები, სულ ოცოდე კაცი (მწერლებიდან მარტო მე ვიყავი). არ იყვნენ როინ მეტრეველი, მარიამ ლორთქიფანიძე, ოთარ ჯაფარიძე, ისტორიკოსები დეკანი მერაბ ვაჩნაძე. იყვნენ: ვახტანგ გოგუაძე, ვალერი კვარაცხელია, პაატა კოლუაშვილი, კაკო ასათიანი (ოჯახით) და რამდენიმე ნათესავი (რასაკვირველია შვილი – გუბაზი, მეუღლე ლალი, რძალი – ირმა და შვილიშვილები).

ლევანი ჩემი უპირველესი მეგობარი იყო. ძალიან მაკლია.

ო, რა დღეში იქნებოდა, ახლა ცოცხალი რომ ყოფილიყო.

გაზეთებში გამოვაქვეყნე ლევანის 80 წლისთავზე წერილები.

სხვას არავის გახსენებია. ლევანის ფასი ჯერ საქართველომ არ იცის, როგორც ჩანს.

21.I-2005 – 15.III-2005

რუსუდან ლორთქიფანიძემ (თსუ ახალი რექტორი) დამიბარა და მითხრა ხომ შეასრულა სააკაშვილმა ჩემთვის მოცემული პირობა, ხომ აღარ ართმევენ მწერლებს კუთვნილ შენობასო.

ჯერჯერობით სინყნარეა და ანი არ ვიცი როგორ იქნება-მეთქი.

მწერალთა კავშირის ერთადერთი გაზეთი “მწერლის გაზეთი” რომ სულს ლაფავს, თუ იცის პრეზიდენტმა, ან ის თუ მოეხსენება, კულტურის მინისტრი გოკა გაბაშვილი რომ პორნოგრაფიულ ჟურნალ-გაზეთებს აფინანსებს, ხოლო მწერლებზე გამწყრალია-მეთქი.

როცა საშუალება მექნება, ვეტყვი, რომ „მწერლის გაზეთს“ მიხედოსო, რუსიკომ.

სხვათა შორის, სასიამოვნო მოსაუბრე, ინტელიგენტური, ყურადღებიანი ქალია.

განათლების რეფორმა (უკვე პარალმენტის მიერ დაკანონებული) გრძელდება.

აკრედიტაციაზე უარი უთხრეს 270 უმაღლესი სასწავლებლიდან – 200-ს. გაუქმების საშიშროება ემუქრება ქუთაისის ა. წერეთლის სახელობის სახელმწიფო უნივერსიტეტს (?!!) და ცხინვალის უნივერსიტეტს.

3 თებერვალს თბილისში, საბურთალოს ქუჩა №53-ში, გამთენიისას დაქირავებულ ორთახნიან ბინაში რაულ უსუპოვთან ერთად მკვდარი აღმოაჩინეს საქართველოს პრემიერ-მინისტრი ზურაბ ჟვანია.

საშინელება! სამარცხვინო საშინელება.

მე რომ დამეპატიჟებინა სახლში არც ბურჯანაძე მოვიდოდა და არც ჟვანია.

ეგ კი არა, ექვსი თვეა მიღებს ვითხოვ როგორც მწერალთა კავშირის მდივანი და ჟვანიამ „დრო ვერ გამოძებნა“.

ოფიციალურად აცხადებენ, გაზით გაიგუდნენო.

ალბათ, მართლაც გაიგუდნენ, მაგრამ როგორ, რა ვითარებაში?

თუ ეძინათ? რატომ და რისთვის, როცა ჟვანიას სახლი იქვე 200 მეტროში იყო, თავის ცოლ-შვილთან ვერ მივიდა?

თუ ჩაცმულები იყვნენ, საუბრობდნენ ე.წ. სამსახურებრივი “საიდუმლო სერობა” ჰქონდათ (რაც ძალიან საეჭვოა) რა საიდუმლო სალაპარაკო უნდა ჰქონოდათ, რაც სახელმწიფო კანცელარიაში არ შეიძლებოდა? იქ ხომ ჟვანიას რამდენიმე ოთახი აქვს და მის საუბარს არავინ იწერს.

ხოლო ზურაბ ჟვანია ხომ სააკაშვილის უპირველესი მეგობარი და ბრძენი მრჩეველი იყო, ხომ გამორიცხულია რომ, იგი შეთქმულებას აწყობდა სააკაშვილის წინააღმდეგ და ამისთვის ჰყავდა არალეგალურ შეხვედრაზე ქვემო ქართლის გუბერნატორის მოადგილე, 25 წლის ლამაზი თათრის ბიჭი?

მეგობარი იყო, აცხადებენ, პრემიერ მინისტრის პირად მეგობრებს ასე თუ ისე იცნობს საზოგადოება და მათ შორის უსუპოვი არასოდეს დასახელებულა. დაცვის ნევრებმაც, რაკი 12-დან 5 საათამდე ჟვანია ტელეფონს არ იღებდა, ფანჯრა შეამტვრიეს და შევიდნენო, ესეც ძალიან საეჭვოა.

დაცვა პრემიერ-მინისტრისთვის როგორც არ უნდა დაავიანდეს, მის ფანჯრის ჩატეხვას ვერ გაბედავს.

თუ არ ეძინათ, გაზი ხომ ხუთ წუთში არ ჰკლავს, ვერ გაიგებდნენ?

ამ საეჭვო კითხვებს უნდა გაეცეს პასუხი.

ამიტომაც ნაქარევად მიმარჩნია ჟვანიას დიდუბის პანთეონში დასაფლავება.

„დიდუბის პანთეონი“ ხომ მწერალთა და საზოგადო მოღვაწეთა პანთეონია. დღემდე ასე იყო. რომელი ხელმძღვანელი პირია იქ დასაფლავებული, – მახარაძე, ცხაკაია? ჩარკვიანი? მგელაძე? მუყავანაძე? ჯავახიშვილი? პატარიძე?

ჯერ გაირკვეს ჟვანიას დამსახურება ქართველი ერის წინაშე და მერე მიგველო გადაწყვეტილება მისი დიდუბით უკვდავყოფის შესახებ.

განა უკეთესი არ არის დიდუბეში გადავასვენოთ, ვიდრე დიდუბის პანთეონიდან გადმოვასვენოთ?

დასაფლავებს ჟვანია მთელი პომპეზურობით და ატყდა ჩვენს ზედმეტად პოლიტიზირებულ მასმედიაში ჭორის ზვავი: „ჟვანია მოკლულია პოლიტიკურ-ქიშპურ ნიადაგზე“.

უღიმამოდ ასეთი ჭორიც გაკეთდა: ჟვანია ეროვნულმა ძალებმა მოაშთვეს თავისი სომხურ-ებრაული წარმოშობის გამო.

მე პირადად ორივე ჭორი სისულელედ მიმაჩნია.

მოსამართლე ტარიელ ზამბახიძემ 6 თებერვალს განაჩენი გამოგვიგზავნა მწერალთა კავშირში.

განაჩენში გარკვევით სწერია მწერალთა კავშირის სასახლე (მაჩაბლის 13) ჩამოერთვას და კულტურის სამინისტროს გადაეცესო.

ტყუილი აღმოჩნდა „აღმფოთება“ – ვინ ართმევს შენობას მწერლებსო“.

9 თებერვალს პრეზიდენტი პარლამენტში საანგარიშო სიტყვით გამოვიდა. სისულელეები ილაპარაკა.

ავთანდილ ნიკოლეიშვილის ვაჟმა ოთარმა საკანდიდატო დისერტაცია



დაიცვა. ვითამადე. სუფრასთან გამოჩენილი ისტორიკოსები და ფილოლოგები ისხდნენ – რასაკვირველია, ყველა ჩვენგანის საზრუნავი საქართველოს მდგომარეობაა.

პრემიერ-მინისტრად ფინანსთა მინისტრი კაცთმოძულე ზურაბ ნოღაიდელი დაინიშნა სააკაშვილმა.

„ფერი ფერსო“, – ნათქვამია.

„კალმასობამ“ (გ. ბენაშვილი, თ. დოიაშვილი, ნ. დარბაისელი, ლ. ბრეგაძე) ტარიელ ჭანტურია და ლია სტურუა ააბურთავა. ორივენი სასტიკად გააკრიტიკეს. მართალია, ტარიელის და ლიას „მცირეპოეტობა“ მაშინ გაახსენდათ, როცა ზემოთ ჩამოთვლილმა გულნამცეცა ლიტერატორებმა სახელმწიფო პრემია ვერ მიიღეს, მაგრამ თუ მიზეზი ამაზრზენია, სამაგიეროდ რასაც სწერენ – სიმართლეა.

როცა ლია სტურუა რუსთაველის პრემიაზე წარადგინეს, მე დავწერე „მწერლის გაზეთში“ თუ ამ პოეტის თუნდაც ერთი ლექსის სათაურს ვინმე დაასახელებს მკითხველთაგან, მარჯვენა მომჭერთ-მეთქი, მაგრამ ვინ მისმინა.

მე თუ არ ვითავე, არც მწერლებს ახსოვს და არც მეცნიერებს ლევანი, შოთა, მორისი, ზაურ ბოლქვაძე, მწერლობაში ეს ოთხი უახლოესი მეგობარი მყავდა. ოთხივენი „გაღმა სოფელში“ არიან. თითქმის მარტო დავრჩი.

ჭეშმარიტ მეგობრობას მიწვევენ იგორ კვესელავა, სოსო სიგუა, იური ბიბილეიშვილი, გივი გამსახურდია და მურმან თავდიშვილი. ამ ბოლო დროს დამიძმაკაცდა მურმან ჯგუბურია.

ესაა სულ.

სხვათა იმედი არა მაქვს.

ლევანს მე თუ არ ვუპატრონე, სხვა არავინაა მისი პატრონი.

„მწერლის გაზეთში“ და „საქართველოს რესპუბლიკაში“ ლევანის 80 წლისთავს გამოვეხმაურე.

მოვძებნე ან გარდაცვლილი ცოლ-ქმრის – ნათელა ონაშვილის და გურამ პაპინაშვილის ბინა.

გურამმა, მახსოვდა, ლევანის ბიუსტი გააკეთა (პორტრეტი).

სანამ 200 ლარი არ გადავუხადე, გურამის ქალიშვილს – მაიას, ბიუსტი არ გამომიჩინა.

თან გაბრაზებით მითხრა, ორი წელია ვურეკავ სანიკიძეებს, მაგრამ არა თუ ფულის გადახდა, არც დაინტერესდნენ ბიუსტითო.

ასე რომ, ჩემი მწირი შესაძლებლობით გამოვისყიდე ლევანის ბიუსტი და უნივერსიტეტში ჩემს კაბინეტში სამუდამოდ მივუჩინე ბინა.

თითქოსდა ტვირთი მომეხსნა. დიდ სულიერ კმაყოფილებას ვგრძნობ.

11 მარტს უნივერსიტეტში ლევან სანიკიძის იუბილე მოვანწყე.

რექტორს – რუსუდან ლორთქიფანიძეს გავახსენე. მე მოხსენებით გამოვედი. სიტყვები თქვეს: მარია ლორთქიფანიძემ, როინ მეტრეველმა, ოთარ ჯაფარიძემ, გრანი ქავთარიამ, გოგი გოგოლაშვილმა და სხვებმა.

16.III – 1.IV – 2005

მწერალთა კავშირში ლევან სანიკიძეს დაბადების 80 წლისთავის იუბილე გადავუხადე.



მაყვალამ გახსნა. მე მოხსენებით გამოვედი.

ასე რომ, ლევანის წინაშე ჩემი მეგობრული ვალი ამჯერადაც მოვიხადე: ჯერ თბილისის სახელმწიფო უნივერსიტეტში მოვუწყვე იუბილე, მერე მწერალთა კავშირში.

ძალიან მაკლია ლევანი.

ორმოცი წელი ძმებავით მხარდამხარ ვვიდოდით.

„მწერლის გაზეთში“ და „ჯორჯიან ტაიმსში“ გამოვაქვეყნე პუბლიცისტური წერილების სერია „20 რჩევა პრეზიდენტს“.

26 მარტს ჩემთან იყო სილოვან ნარიმანიძე.

ბატონ სილოვანს 80 წელი შეუსრულდა. დავპირდი, რომ გაზეთშიც მივცემ საიუბილეო გვერდს და მწერალთა კავშირის შენობაშიც გადავუხხი საიუბილეო საღამოს.

28 მარტს ფრიდონ ხალვაში მენვია კაბინეტში.

ნიჭიერი, დამსახურებული, პატრიოტი კაცია.

ამ ორმოცდაათი წლის წინ სწორედ მან დააყენა მწერალთა ყრილობაზე გონივრული წინადადება – რა საჭიროა აჭარის ავტონომია, ავდგეთ და გავაუქმოთო.

ამით აჭარის ხელმძღვანელობაც გადაიკიდა და „ცენტრიც“.

რა ვქნათ მაისში რომ 80 გისრულდება-მეთქი, ვკითხე.

შენს იმედზე ვარო. იქნებ მთავრობაში მიხვიდე და შეახსენოო. საერთოდ შენ როგორ გესახება ეს თარიღიო.

მე-მეთქი, ჩემო ფრიდონ, ვფიქრობ ოპერის თეატრში უნდა გადავინადოთ შენი იუბილე. ეს საჭიროა საქართველოსთვის, აჭარის და დანარჩენი საქართველოს გამთლიანებისთვის, აჭარელის გამხნეებისთვის-მეთქი. ცრემლი მოერია.

მართალი ხარო. მე ანი 4 ფიცრის მეტი არაფერი მჭირდება, მაგრამ იქნებ „აჭარელი პოეტის“ დაფასებამ კარგი როლი შეასრულოსო.

მივალ, როგორც მწერალთა კავშირის ხელმძღვანელი მთავრობაში.

თუ არაფერი გამოვიდა, ჩვენი ძალებით და სახსრებით გადავიხდით ფრიდონის იუბილეს.

27 მარტს რუსთაველის პროსპექტზე და მერიის წინ ხელისუფლების საწინააღმდეგო დიდი მიტინგი მოეწყო.

„ცხოვრება უფრო გაუსაძლისი გახდა“, „ვშიმშილობთ“, არა გვაქვს დენი და გაზი“, გაჰყვიროდნენ მომიტინგენი.

მათ ზუგდიდიდან და წალენჯიხიდან ჩამოსული გაჭირვებულებიც შეუერთდნენ.

იყაყანეს და დაიშალნენ.

იმ ადგილას, სადაც რუსთაველზე, კავშირგაბმულობის სახლის წინ 1956 წლის 9 მარტს მომიტინგენი დახვრიტეს, მემორიალური დაფა გაიხსნა.

ავტორია ვახტანგ დავითაია, მართლაც, მშვენიერი დაფაა – ტყვიებით დახვრეტილი.

სიტყვა ვთქვი. ეს იყოს-მეთქი გაფრთხილება ხელისუფლების მიმართ, რომ საკუთარ ხალხს არასოდეს, არცერთმა ხელისუფლებამ ტყვია არ ესროლოს-მეთქი.

ამ დღეებში დავწერე ლიბრეტო ამირან შალიკაშვილის პანტომიმის თეატრისათვის.

ამირანი ძალიან საინტერესო და ნიჭიერი კაცია.

ქართული თეატრი პანტომიმისა, რომელიც მან შექმნა, ბრწყინვალე თეატრია.

არაერთგზის იყო ჩემთან მწერალთა კავშირში, შენი ნოველები, ისე პოლიტიკურია, იქნებ რამე დამინერო ჩემი თეატრისთვისო.

თეატრი საერთოდ, ისეთი წმინდა რამაა ჩემთვის, რომ რეჟისორს როგორ გავანბილებ (მითუმეტეს თუ ნიჭიერია).

ვიფიქრე, ვიფიქრე და ტერენტი გრანელზე შევჩერდი.

საქართველოს თავისუფლების დაკარგვა (21 ნლის 25 თებერვალი), მარო მაყაშვილი და ტერენტი გრანელი დავუკავშირე ერთმანეთს.

ტერენტი იმ დროს სამჯერ დააპატიმრეს და ჩეკამ გაგიჟებამდე მიიყვანა.

დავწერე ლიბრეტო 2 საათში (ერთი დღე ვიფიქრე...).

მივუტანე ამირანს.

დასის წინ ხმამაღლა წაიკითხა.

უნდა გენახათ რა სიხარული, რა ცრემლისღვრა იყო თეატრში.

ყველას (განსაკუთრებით ამირანს) ძალიან მოეწონა.

უსათუოდ ჩავუშვებ უახლოეს დღეებში და სექტემბერში, პრემიერას ვითამაშებო.

ვნახოთ, რას იზამს.

## 2.IV 2005 – 8. IV. 2005

ბონდო მაცაბერიძემ („ბაკმი“) კიდევ ერთხელ გამახარა: ბულგარეთში დასტამბული ჩემი ნოველების რჩეული („ჩემი დარდი და სიყვარული“) მომიტანა.

ეს ჩემთვის დიდი, დიდი სიხარულია.

საერთოდ წიგნის გამოცემას შვილის დაბადებასავით განვიცდი.

ჩემთან სახლში ბონდომ, რუსუდანმა (გამომცემლობის რედაქტორი) ჩემმა მეზობელმა სერგო მელაძემ და მე აღვნიშნეთ წიგნის გამოსვლა.

ბრწყინვალე გამოცემაა.

7 აპრილს მწერლები და მეცნიერები მარტყოფს ვენციეთ, მარტყოფის ბრძოლის 380 წლისთავის აღსანიშნავ შეკრებაზე.

სპარსელ დამპყრობთა წინააღმდეგ მიმართული აჯანყების და ამ ბრძოლაში გიორგი სააკაძის მიერ გამოჩენილი საარაკო გმირობის შესახებ ვილაპარაკეთ მე, გივი ჯამბურიათ, ბადრი ქუთათელაძემ, დევი კაჭარავამ, სილოვან ნარიშანიძემ, აკაკი მათიაშვილმა, ბონდო კოპაძემ, ნუგზარ ნაღარაიამ, ზურაბ ანთაძემ და სხვებმა.

სოფლის ყრილობას წინადადებით მივმართე დაწესდეს ეროვნული სახალხო დღესასწაული „მარტყოფობა“.

სოფელმა ერთხმად მიიღო ჩემი წინადადება.

ამრიგად ან და მარადის მარტყოფში, 7 აპრილს, ხარება დღეს ყოველწლიურად გაიმართება მარტყოფობა და ამ დღესასწაულის დაარსებაში მცირედი წვლილი მეც მიმიძღვის.

#### 9.IV – 20.V – 2005

წინადად გამოვეცი „20 რჩევა პრეზიდენტს“. ელვისისწრაფით გაიყიდა, გამომცემელ იობაიას ვუთხარი, შემოსავალი, მე კაპიკი არ მინდა, იქნებ გაზეთის ორი ნომრის ფული მაინც დავაგროვოთ-მეთქი.

გაზეთის ერთი ნომერი 240 ლარი გვიჯდება. მე და სოსო სიგუა ხელფასს მთლიანად გაზეთს ვახარჯავთ! სოსომ მითხრა, ეს რომ გაიგოს ჩემმა ცოლმა, თავს ჩამოიხრჩობსო.

მწერალთა კავშირში ტიცინ ტაბიძის 110 წლისთავის იუბილეზე ქართული პოლიტიკის „ახალი ვარსკვლავი“ გია მასისაშვილი მოვიდა. მშვიდი, ნიჭიერი, განონასწორებული ყმაწვილია.

მეო, მითხრა, ბატონო რეზო, თქვენი ყველაფერი წაკითხული მაქვსო. ამერიკაში მიმქონდა თქვენი წიგნები და იქ ვუთარგმნიდი ჩემს მეგობრებსო, სიცილით იხოცებოდნენ და მეუბნებოდნენ; მარკ ტვენი თქვენ საქართველოში გყოლიათო.

გვიან ლამემდე ვისხედით მწერალთა კავშირის ბაღში.

მომენონა მისი პროგრამა.

მასის 10-ში საქართველოში ამერიკის პრეზიდენტი ბუში ჩამოვიდა.

მომენონა მისი უცერემონიობა. ორთაქალის აბანოებთან მოცეკვავეებს ცეკვაშიც კი აჰყვა.

თქვენს გვერდით გვიგულეთო, დაგვიპირდა.

საკავშილო ჩვეულებისამებრ ემოციურად გამოვიდა.

ბუშს ერთი კონკრეტული საკითხი არ დაუსვამს. არც რაიმე ხელშეკრულებაზე ყოფილა ლაპარაკი. ეს ვიზიტი არაოფიციალური ვიზიტი – გამოსეირნება იყო.

26 მაისს საქართველოს დამოუკიდებლობის დღისადმი მიძღვნილი პარადი ჩატარდა.

მოდლიდნენ ავტომატჩაბლაუჭული ჩვენი ჯარისკაცები და დიქტორი გაჰყვიროდა:

„ეს ის ჯარისკაცებია, ვინც შარშან ცხინვალის საბრძოლო ოპერაციებში დავალება ბრწყინვალედ შეასრულესო.“

არადა ჩვენ ხომ ვიცით, როგორ გამოაბუნძულეს ჩვენი „მამაცი მეომრები“ ცხინვალიდან.

25 მაისს პირველ საშუალო სკოლაში მიმინვიეს მარჯორი და ოლივერ უორდროპების ხსოვნის საღამოზე.

იყვნენ ინგლისის ელჩი, მისი მეუღლე და 21 წლის ვაჟიშვილი.

თავი მოიკლა დავით მჭედლურმა.

დავასაფლავეთ 29 მაისს.

მე დავურეკე დავითის მეუღლეს და ვთხოვე, მწერალთა სასახლის შენობიდან გამოვასვენოთ-მეთქი. უარი თქვა.

ბოლო დროს დეპრესიაში იყო, ასეთ ნაბიჯს ველოდითო, ცოლმა.

ორი წერილი დაუტოვებია.

ერთი მეუღლისადმი, მეორე – გივი ალხაზიშვილისადმი.

ბოლო დროს „მერანში“ გივი ალხაზიშვილის მოადგილედ მუშაობდა.

რას წერს-მეთქი, გივის ვკითხე, დაკრძალვაზე იყო მოსული.

პირადად უბედური კაცი ვარო. შვილმა, ვაჟს გულისხმობდა, ვილაცას

თოფი ესროლა და სამი ოპერაციის ფული დათოს გადასახდელი შეიქნა, მაპატიეთ, ყველას ბოდიშს გიხდითო...

ასე მიაშობო გივი ალხაზიშვილმა ორივე წერილის მოკლე შინაარსი.

ერთი სიტყვით ნიჭიერი, პატიოსანი პოეტი დავით მჭედლური აღარა გვყავს.

თავის მოკვლას მე, რასაკვირველია, ვერ გავამართლებ, მაგრამ რატომ უნდა მიიყვანო მწერალი, მოღვაწე, ხელოვანი იქამდე?

იყო კაცი და აღარ არის კაცი.

გაზეთად („ასავალ-დასავალის“ დამატებად) გადაკეთდა „ცისკარი“, დაიხურა ჟურნალი „მნათობი“.

15 ივნისს უმაღლესი სასამართლო კიდეც ერთ ფარსს მოაწყობს და, ალბათ, მწერალთა კავშირის შენობას სამუდამოდ წაგვართმევს.

მწერალთა კავშირში დ. მჭედლურის გამოსათხოვარ მიტინგზე ვთქვი, რომ დ. მჭედლურის უკანასკნელი გასროლა გაფრთხილება ყველასთვის-მეთქი.

იგი ვაჟკაცი იყო და ბოროტებას ვერ დაუზავდა-მეთქი.

21.V – 2005 – 12.VII. 2005

მწერალთა კავშირში ქურთი პოეტის ჯვარდოე ისკოს 75 წლის საღამო გავმართეთ.

თვით პოეტი გარდაცვლილია, ბევრი ქურთი მოვიდა.

მე გავხსენი საღამო.

სიტყვა თქვა ქერიმ ამოვემა – ქურთულ-ქართულად.

საღამომ თბილად ჩაიარა.

მთელ საქართველოში ნიაღვრებია. დაიტბორა ნათესები, ჩაინგრა ხიდები, წყალმა წაიღო სახლები. ამბობენ, რომ მსგავსი სტიქიური უბედურება საქართველოს, კარგახანია, არ სწვევია.

თბილისიც კი მენწყერების ზონად გამოცხადდა. მთანმინდისა და მადათოვის კალთები ჩამოინგრა, დაიტანა სახლები, ადამიანთა მსხვერპლი თბილისში ჯერჯერობით არ არის.

17 ივნისს თბილისში გიორგი სააკაძისადმი მიძღვნილი ახალდაარსებული დღესასწაული „სააკაძეობა“ დაიწყო.

გიორგი სააკაძის ძეგლთან ზღვა ხალხი შეიკრიბა, გამოვედით თამაზ გამყრელიძე, მე, ნოდარ ასათიანი, კაკო მათიაშვილი, ზურაბ ქაფიანიძე, ბონდო კობაძე და სხვანი.

18 ივნისს ზეიმი კასპში გაგრძელდა. 3 ავტობუსით გავემგზავრეთ თბილისიდან.

ვიყავით სააკაძის საგვარეულო-სამფლობელო სოფელ ნოსტეში. ბრწყინვალე ადგილას დგას სააკაძის საგვარეულო კოშკი. მთელს ქართლს გადაჰყურებს.

ერთანმინდის დიდებულ ტაძარში ვილოცეთ გიორგის და პაატას სულებისთვის. იქ ხომ პაატა დაკრძალული. მამულს ზვარაკად შეწირული 17 წლის ბიჭი.

ოთხ საუკუნეზე მეტია მოსძახის საქართველოს გიორგი სააკაძის მგზნებარე სული ნუ „გათათრდების“ და ნუ გასპარსდების გამაფრთხილებელი ძახილით.

სალამოს კასპის კულტურის სახლში დიდი ზეიმი მოეწყო.

პირველი სიტყვა მე მომცეს. გამოვიდნენ აგრეთვე როინ მეტრეველი, მაყვალა გონაშვილი, დიმა ჯაიანი, ჯემალ ლალანიძე, დავით ტაკიძე, თემურ ჩალაბაშვილი და სხვები.

მწერალთა კავშირში 20 ივნისს მწერალთა სასახლის აშენებიდან 100 წლის აღსანიშნავი სალამო გავმართეთ.

ვილაპარაკეთ იმაზე, თუ როგორ გვიანდერძა ეს შენობა სულკუთხეულმა დავით სარაჯიშვილმა, როგორ დაგვიკანონა შალვა ელიავამ (რევეკომი) 1991 წლის 28 თებერვალს და როგორ გვართმევს ახლა ეკონომიკის სამინისტრო.

23 ივნისს მწერალთა კავშირში ოტია იოსელიანის დაბადების 75 წლისთავის იუბილე გავმართეთ.

მაყვალამ გახსნა. მე მოხსენება გავაკეთე.

გამოვიდნენ გიგა ლორთქიფანიძე, გივი ბერიკაშვილი, სოსო სიგუა, მურმან თავდიშვილი, დათო ტაკიძე, მიხეილ მახარაძე, გიზო ზარნაძე, მურმან ჯგუბურია და სხვები.

ოტიამ გრძელი, საინტერესო სიტყვა თქვა. მიყვარს ოტია. მწერალი, რა თქმა უნდა, საშუალოა, მაგრამ მოქალაქეა სამაგალითო; ჩაკირული, ტკბილმწარე სიტყვიანი, უცერემონიო იმერელია, გლეხის ნილაბი აქვს, მაგრამ საკმაოდ განათლებულია, და რაც მთავარია, პატრიოტია. ყოველთვის მხარში მდგა. ეროვნულობის აღდგენისთვის ბრძოლა რომ წამოვიწყე, ყოველთვის მენმარებოდა წყალტუბოდან. ვერ იტყვი მასზე ხელისუფლებას გუნდრუკს უკმევსო. ქართული მწერლობის „ოთარაანთ ქვრივი“ შევარქვი და ასეც მოვიხსენიე მოხსენებაში.

ბოლოს ჩემს კაბინეტში ავედი 5-6 კაცი: მეუფე თადეოზი, ოტია, მაყვალა, მე, გიზო ზარნაძე, სოსო სიგუა, ზაურ იობაია (მერიქიფობდა). გვიან ღამემდე ვისაუბრეთ თითო ჩიქაზე და ღარიბულ პურმარილზე, ვისაუბრეთ საქართველოს სეზე. სხვა რა გვექონდა სალაპარაკო.

უნივერსიტეტში „რეფორმა“ კვლავ გრძელდება.

საათების ახალი განრიგით (6-8-12) უნივერსიტეტის თანამშრომელთა 60% ქუჩაში რჩება. როგორმე 4-6-10-ს უნდა მივალწიოთ.

25 ივნისს რუისობას დავესწარი.

ქართლში ერთ-ერთი ყველაზე დიდი სოფელია. შემოვუარე მე-7 საუკუნეში აშენებულ რუისის ტაძარს. სანთლები ავანთე ჩვენი მიცვალებულების სახელებზე. საქართველოს გადარჩენა შევავედრე უფალს.

ეს ის რუისია, სადაც დავით აღმაშენებელმა რუის-ურბნისის ისტორიული საეკლესიო კრება ჩაატარა. ამ კრებამ ბევრად განსაზღვრა საქართველოს მართლმადიდებლური ეკლესიის საერთო მიმართულება და სამოციქულო ეკლესიის ადგილი ცენტრალიზებულ სახელმწიფოში.

დავლიე წყალი ტაძრის წინ მდებარე იმ უძველესი წყაროდან, საიდანაც წყალს სვამდა დავით აღმაშენებელი. საოცარი გრძნობა დამეუფლა. რა ახლოს ვართ ერთმანეთთან გუმინდელი და დღევანდელი საქართველო.

რუისობა ბოლო წლებში ამ სოფლის უდროოდ დაღუპული ახალგაზრდების ხსოვნას დაუკავშირდა და „რუისობას“ მეორე სახელად ხალხ-

მა ახალგაზრდა პოეტის რატი (ტატო) ნინუას პატივსაცემად „ტატობა“ დაარქვა. რატი ნინუამ თავი მოიკლა უნივერსიტეტის შენობაში 2001 წელს. გამოვედით: მე, მაყვალა გონაშვილი, ვახტანგ გოგუაძე, ვაჟა ოთარაშვილი, ვალერი კვარაცხელია, გიზო ზარნაძე, რუსუდან ჭანტურიშვილი, გივი სიხარულიძე, ტრისტან მახაური...

28 ივნისს გალაკტიონის მუზეუმში გიგა ლორთქიფანიძეს მოვუწყვეთ შეხვედრა.

„დათა თუთაშხიას“ ავტორი ბრწყინვალე რეჟისორია და ბატონი გიგა ჩემს სულიერ ძმად მიმაჩნია.

თბილი, ლირიული შეხვედრა იყო.

გამოვედით – რეზო ჩხეიძე, ოთარ მელვინეთუხუცესი, მე, მაყვალა გონაშვილი, ამირან გომართელი და სხვანი.

შეხვედრაზე უნივერსიტეტიდან მივედი.

მთელი დღე საპროტესტო აქციებით ტორტმანებდა უნივერსიტეტი.

750 თანამშრომელი ქუჩაში გამოყარა ლომაიამ.

საშინელება!

დაიხურა რუსთაველის, აკაკის, ვაჟას, გალაკტიონის, გამსახურდიას კაბინეტები და ყველა სამეცნიერო ლაბორატორია.

ხვალ კათედრებს გააუქმებენ და ჩვენც ქუჩაში მოგვისვრიან.

9 ივლისს სილოვან ნარიშკინიძის 80 წლისთავის იუბილე გავმართეთ მწერალთა კავშირში. მოხსენებით გამოვედი და ვუთამადე კიდევ სილოვანს.

ნ ივლისს დანიშნული იყო უზენაესი სასამართლო მწერალთა კავშირის შენობის კუთვნილობის საკითხთან დაკავშირებით.

12 საათზე ჩავატარეთ დიდი საპროტესტო მიტინგი მწერალთა სასახლის წართმევის მცდელობასთან დაკავშირებით.

ათასამდე კაცი დაესწრო.

მერე კოლექტიური სვლით გავეშურეთ სასამართლოსკენ.

სასამართლო 3 საათზე დაიწყო.

მოსამართლე ნინო ქადაგიძემ პროცესი გახსნა და მაშინვე გადადო მოტივით – ორივე მხარეს მოლაპარაკებისთვის 20 სექტემბრამდე დროს ვაძლევით.

10 ივლისს მწერალთა სასახლეში რუსულენოვან თბილისელთა ინიციატივით ლერმონტოვის საღამო გაიმართა.

რუსულად გამოვედი და მივესალმე: ასეთ ღონისძიებებს ჩვენს შენობაში უფრო დიდი ენთუზიაზმით შევხვდებოდით, რუსეთი აფხაზეთს და სამაჩაბლოს რომ დაგვიბრუნებდეს-მეთქი.

დღეს 12 ივლისია. დილით მე და სვეტამ შიო ეროვნულ გამოცდაზე წავიყვანეთ.

მასხენდება 1990 წელს აჩიკო რომ წავიყვანეთ პირველ გამოცდაზე.

დღეს შიო აბარებს უმაღლესში.

უკვე დავაჟუკაცდა, ლამაზი, ჭკვიანი ბიჭი დადგა.

ცრემლი მომადგა გაი-ს პირველი კორპუსის ხახაში ათას ბავშვთან ერთად რომ გაუჩინარდა.

ვნახოთ, რას იზამს.



ამირან შალიკაშვილი მოვიდა ჩემთან მწერალთა კავშირში და მომიტანა დანვრილებითი გეგმა სპექტაკლისა, რომელსაც დგამს პანტომიმის თეატრში. ჩემს ლიბრეტოში სახოვნად, კონკრეტულად იყო ნაჩვენები პანტომიმის ენით, თუ როგორ მიიყვანა ხელისუფლებამ წამდაუნუმი დაჭერებით ტერენტი გრანელი გაგიჟებამდე. ბოლო სცენა – 1921 წელს იუნკრების ბრძოლა XI არმიის წინააღმდეგ და ტერენტის მიერ მარო მაცაშვილის ცხედრის ხელში აყვანაც. თითქმის მიჩქმალულია. რასაკვირველია, არ მომეწონა რეჟისორის “თვითშემოქმედება“, მაგრამ ხომ არ ვეტყვოდი, ვნახოთ, როგორი გამოვა სპექტაკლი. ერთი კი მწარედ შევნიშნე, თუ შენს სპექტაკლში არ გამოჩნდა ტერენტი გრანელი როგორც პოეტი, მე უარს ვიტყვი-მეთქი, ლიბრეტოს ავტორობაზე და ჩავამატებინე სცენები. ცოტა მოიღუშა, მაგრამ სხვა გზა არა ჰქონდა და დამთანხმდა.

ესეც ერთი გაკვეთილი. იმის დასტურად, თუ რატომ გავუზრბივარ რეჟისორებს და თეატრს საერთოდ. ისე გადაგიკეთებენ შენს ნახელავს, რომ შენვე ვერ იცნობ და ყოყმანი გიპყრობს, მოაწერო თუ არა შენი გვარი.

შიომ მესამე გამოცდა ჩააბარა.

სიტყვაძვირია, როგორ ჩააბარე ბაბუ, რა დანერე, ხომ არ გაგიჭირდამეთქი, ისე, რაო...

უნივერსიტეტიდან ისევ ერეკებიან თანამშრომლებს.

„ძველი სახე“ თითქმის აღარ დარჩა, ლექტორ-მეცნიერებს რომ თავი გავანებოთ, სამეურნეო სამსახურის თანამშრომლებიც კი გამოცვალეს და დაითხოვეს.

დილით გამოცხადდება კაცი სამსახურში და მის სკამზე სხვა ხვდება.

ზიზლს უცხადებს კახა ლომიაი უნივერსიტეტის უკლებლივ ყველა თანამშრომელს.

ჯერ პირადად მე არავინ მეუბნება ნადიო, მაგრამ თუ კათედრას წამართმევენ, ჩემს მიერ აღზრდილ კათედრის წევრებს ქუჩაში გამოყრიან, ეს ჩემს გაგდებასაც არ ნიშნავს? ძალღუმადურად ვითვლებოდე ჩემს მშობლიურ უნივერსიტეტში ერთ-ერთ პინგვინ-ემერიტუსად?

16 ივლისს მწერალთა კავშირში ქართული დეტექტიური ჟანრის ფუძემდებლის ორდე დგებუაძის დაბადების 100 წლისთავი აღვნიშნეთ.

გახსნა მაცვალა გონაშვილმა.

მოსხენებით მე გამოვედი.

სიტყვები: ვაჟა ოთარაშვილი, ლადო მრელაშვილი, ფრიდონ ხალვაში, თენგიზ სიგუა, შოთა დგებუაძე და ჯუმბერ თითმერია.

მანამდე, 15 ივლისს გრიშა ჟვანიამ მიმინვია თავისი დაბადების 90 წლისთავის იუბილეზე, რომელიც მეცნიერებათა აკადემიაში გაიმართა, სიტყვით მივმართე. გავამხნევე. იუბილის სულისჩამდგმელია იგორ კვესელავა.

ამასწინათ ამერიკის ელჩი საქართველოში „ვარდების რევოლუციის“ რეჟისორი რიჩარდ მაილსი გაიწვიეს საქართველოდან. ახალი ელჩი ჯერ სააკაშვილს არც შეხვედრიან.

თითქმის დაიხურა აფხაზეთის და სამაჩაბლოს თემა. დარჩა საქართველო აფხაზეთის და სამაჩაბლოს გარეშე. ამასწინათ ოსებმა ცხინვალთან ოთხი ქართველი გაიტაცეს და დახოცეს. გამკითხავი არავინაა.



მიხეილ ქვლივიძე გარდაიცვალა. 23 ივლისს დაეკრძალეთ. მე და მაცვალამ ოჯახს ვთხოვეთ მწერალთა სასახლიდან გამოგვესვენებინა, მაგრამ მიუღღებ უარი განაცხადა; რატომ? ჩავეკითხეთ და გვიპასუხა, სიცოცხლეში რომ არც ერთი პრემია არ მიუციათ, ამაზე იყო გაბრაზებულიო.

არადა, ახლა სხვა მწერალთა კავშირია.

21 ივნისს საქართველოს მწერალთა სასახლეში ოფიციალურად გაიხსნა ლიტერატურული თეატრი “მონოლოგი” და ქართველ ხელოვნების საუკეთესო ქმნილებათა მუდმივმოქმედი გამოფენა „ლაზარე“ (ინიციატორები საქ. მწერალთა კავშირი, ფირმა „ლაზარე“).

გამოფენას უხელმძღვანელებს მიხეილ ადემიშვილი, თეატრს – მაია მაჩაბელი.

გამოვედით: მაცვალა გონაშვილი, მე, ვაჟა ოთარაშვილი, მაია მაჩაბელი, მზია ხეთაგური და მიხეილ ადემიშვილი.

გახსნას დაესწრო ქალაქის ახალარჩეული მერი გიგი უგულავა.

ჩემს გვერდით გიგის დგომით ვისარგებლე და ვუთხარი როგორ იქნება, გიგი, ამ შენობის საქმე, ხომ იცი, 100 წელია ქართველ მწერლებს გვეკუთვნის ეს შენობა და ცოცხალი თავით არ დავეთმობთ-მეთქი.

არაო, ბატონო, რეზო, მშვიდად იყავითო, ვინ სულელს მოუვა თავში ამ შენობის წართმევაო.

22 ივლისს რეპრესირებულ და ომში დაღუპულ მწერალთა ხსოვნის დღე ჩავატარეთ.

აღვუთქვი მწერლებს, სანამ ცოცხალი ვარ, ვერავინ გაბედავს მწერალთა დევნას-მეთქი და სამუდამოდ გავაუქმე ჩვენს წესდებაში საზიზლარი მუხლი მწერლის კავშირიდან გარიცხვის შესაძლებლობის შესახებ-მეთქი.

13.VIII, 2005 – 3.X. 2005

10 სექტემბერს ჩარგალში ვაჟაობა ჩატარდა.

20 ვაჟაობას მიანც დაესწრებივარ და ყოველთვის (კომუნისტების მძინვარების დროსაც) ტარდებოდა ისე, როგორც უნდა ჩატარებულიყო: პოეზიის ზეიმს წარმართავდნენ მწერლები. გამოდიოდნენ, ამბობდნენ ვაჟას და საკუთარ ლექსებს, ლაპარაკობდნენ გენიოს პოეტზე...

ეს ვაჟაობა კი მის ორგანიზატორებს – გუბერნატორ ვასიკო მალაფერიძეს და მის მოადგილეს – ყოფილ დრამატურგ შადიმან შამანაძეს მლოქვენელობის გამომჟღავნების ტრიბუნად უქცევიათ.

ვაჟა ფეხებზე ეკიდა ყველა გამომსვლელს.

იყო მარტოოდენ კონცერტი. მიჰყავდა იგი ყოფილ ტელედიქტორს ზაზა ალექსიძეს.

არც ერთი მწერლისთვის სიტყვა არ მიუციათ.

ყველაზე სამარცხვინო ვაჟაობა იყო რაც ჩემს სიცოცხლეში მინახავს.

კონცერტი რომ მთავრდებოდა, თითქმის ძალით აიჭრა სცენაზე მწერალთა კავშირის თავმჯდომარე მაცვალა გონაშვილი და საკმაოდ მაგარი-მაგარი სიტყვები თქვა.

ეს ვაჟაობა კი არა, საზეიმო კონცერტიაო, რა უფლება გქონდათ აქ ჩამოსული მწერლებისა და პოეტებისთვის სიტყვა არ მიგეცათო.

გულშემღვრეული დავებრუნდი თბილისში.

17 სექტემბერს მწერალთა სასახლეში გაიხსნა მონოლოგის თეატრი.

თეატრის ხელმძღვანელობამ გადაწყვიტა პირველი სპექტაკლი ყოფილ-იყო „რევოლუციონერების მიშველაძე“.

ბილეთი 10 ლარი ღირდა.

თეატრის დაბადებას უამრავი მაყურებელი დაესწრო.

ახალი თეატრის დაბადება საზოგადოებას მიულოცეს გიგა ლორთქიფანიძემ და მათა მარტოხიძემ (თეატრის სამხატვრო ხელმძღვანელი).

ორი საათი ლამის გაუნძრევლად ვიდეო სცენაზე.

ვლადიმერ ვარაუდი ჩემს დამოკიდებულებაზე მწერლობასთან, როგორ იწერება ნოველა. რა მიმართა ჩემმართ მწერლობად. ვუპასუხე უამრავ კითხვას, გავიხსენე კურორტები.

რომ დავამთავრე, ტაში კარგახანს არ დამცხრალა.

როგორც მითხრეს, ეს იყო მხატვრული სიტყვის და არტისტიზმის ზეიმი.

ტელევიზიამ ფართოდ გააშუქა („იმედი“, „მზე“).

გაზეთებშიც არაერთი სტატია დაიბეჭდა („ასავალ-დასავალი“, „ახალი თაობა“).

ერთი სიტყვით, მწერალთა სასახლემ ახალი ფუნქცია შეიძინა. იქ უკვე თეატრიც არსებობს.

მწერლები მილოცავენ და მეუბნებიან შენ შენი დიდი მწერლური სახელით და ორგანიზატორული ნიჭით ჩვენი გადამჩენი ხარო.

შიომ ეროვნული გამოცდები ჩააბარა და საზოგადოებრივ მეცნიერებათა უნივერსიტეტის („სმუ“) სტუდენტი გახდა.

უნივერსიტეტში რეფორმა გრძელდება.

ეს ფაქტიურად „წმენდაა“.

უკვე დაითხოვეს („ახალი კონკურსი ვერ გაიარა“) ნოდარ ტაბიძე, ნიკო ლეონიძე, დიანა ტყეშელაშვილი, ლია ფერაძე, ვალერი ლორია, ზაურ ნუღლია, რომან შენგელია და სხვები).

ნოემბერში ჩემი ჯერიც დგება.

ეჭვი არ მეპარება, რომ უსათუოდ გამაგდებენ.

თუ უნივერსიტეტს ამ ეტაპზე მსხვერპლი სჭირდება, დე, მე ვიყო.

როგორ ლამაზადაც მოვედი და ვემსახურე თეთრ ტაძარს 40 წლის მანძილზე, ისე ლამაზად წავალ.

20 სექტემბერს მწერალთა კავშირის გამგეობის სხდომაზე გამგეობის წევრებმა მწერალთა ახალი „მეცხეობა“ დავამტკიცეთ.

120 ახალი წევრი შეემატა მწერალთა კავშირს, ესეც თქვენ მწერალთა კავშირის დაშლის მოსურნენო.

19 სექტემბერს ქალაქის პრივატიზაციის უფროსმა ვინმე დ. ჭედიამ მოულოდნელად მწერალთა კავშირის პოლიკლინიკის საჯარო გაყიდვა გამოაცხადა.

მივედით მე და მაცყალა. ვევედრეთ არ მოუშალოთ მწერლებს პოლიკლინიკა-მეთქი, აგრამ ვინ შეისმინა.

თქვენ შეისყიდეთო, ვინ გიშლითო, ცინიკურად გამოგვიცხადა.

ჩვენ ფული ვინ მოგვაშავა.

ასე რომ, გაგვიყიდეს.

ოცია იოსელიანმა დამირეკა: 4 სექტემბერს წყალტუბოში, ჩუნეშში, ნიკო ლორთქიფანიძის სახლში იქნებ შევიკრიბოთ, მწერლის სახლ-მუზეუმი პარტახდება და იქნებ ვუშველოთო.

წელს ნიკო ლორთქიფანიძის დაბადების 125 წლის იუბილე გვაქვს დაგეგმილი, მაგრამ რით, რა სახსრებით გადავიხადოთ?

გადასახდელი გვაქვს სოლომონ დოდაშვილის, გრიგოლ რობაქიძის, აკაკი წერეთლის, დავით გურამიშვილის... საიუბილეო თარიღები.

როგორ, არ ეკუთვნის საქართველოს ამ ღირსეულ მამებს იუბილეები ოპერის ან რუსთაველის თეატრებში.

რექტორატმა უარი მითხრა კათედრის დეპარტამენტად გადაკეთებაზე. არა და მთელ მსოფლიოში არსებობს თანამედროვე ლიტერატურის დეპარტამენტი.

კონკრეტულად შემეწინააღმდეგა რისმაც გორდეზიანის ავადმყოფი ბიჭი ლევან გორდეზიანი, რომელიც ე.წ. პრორექტორადაა დანიშნული.

ყველაფერი მზადდება იმისთვის, რომ მე, პირადად, უნივერსიტეტიდან გამიშვან.

წელს, 2005 წელს, 40 წელი შესრულდა, რაც უნივერსიტეტში ლექციებს ვკითხულობ.

„ახალი თაობის“ ინტერვიუში ვთქვი, ადრე თუ გვიან „რეფორმა“ ჩემამდეც მოვა, მაგრამ გააჩნია, ვინ გამაგდებს უნივერსიტეტიდან;

თუმცა... ნიჭიერთათვის ფენის დამღებები უნივერსიტეტშიც ხომ ბლომად არიან.

არაფერი გამიკვირდება იმის შემდეგ, რაც 2001 წელს მწერალთა კავშირიდან ჩემს გარიცხვას მწერალთა კავშირის პრეზიდიუმმა ერთხმად დაუჭირა მხარი.

დღეს, დილით, თეიმურაზ მალლაფერიძის წიგნს: „მარადი ანმყო“ ვკითხულობდი. როცა მიხეილ ჯავახიშვილზე ლაპარაკობს, ერთგან წერს: ოცდაჩვიდმეტი წელია. მწერალთა კავშირში კრებაა. მიხეილ ჯავახიშვილის პოზიცია უნდა შეაფასონ. თავმჯდომარე დ. დემეტრაძე კითხულობს: ვინ არის მომხრე რომ მიხეილ ჯავახიშვილი ფიზიკურად იქნას განადგურებულიო.

ყველანი ხელს სწევნ თანხმობის ნიშნად.

ერთადერთი – გერონტი ქიქოძე უხმოდ დგება და გადის.

ასე მოხდა და ასე მოხდება ჩემთან დაკავშირებითაც.

თავს არავინ გამოიდებს. მერე რა, რომ 25 ასპირანტი მყავს გაზრდილი და 5 დოქტორანტი.

მერე რა, რომ ფილოლოგიის ფაკულტეტზე ყველა სახელმძღვანელო ჩემი დანერგია, მერე რა, რომ რუსთაველის პრემიის ლაურეატი ვარ.

ამას ყველაფერს ფეხებზე დაიკიდებენ. საკონკურსო კომისია „იხელმძღვანელებს“ მხოლოდდამხოლოდ კახა ლომაიას და გიგი თევზაძის მითითებით. იმათი მითითება კი ასეთი იქნება: „ეროვნულ პოზიციაზე მდგომი პროფესორი რევაზ მიშველაძე უნდა წავიდეს უნივერსიტეტიდან“.

... და გამაგდებენ.

4.X.2005 – 12.XI-05

„რეფორმატორები“ რომ უნივერსიტეტში ჩემს წინააღმდეგ იბრძვიან და

ჩემს გასაგდებად ამხედრებულან, ერთხელ კიდევ დავრწმუნდი 15 ოქტომბერს.

კათედრის გამგეები შეგვკრიბა დეკანის მოვალეობის შემსრულებელმა ვინმე გოჩა ჯაფარიძემ.

ახალი კონკურსისთვის უნივერსიტეტის თანამშრომელთა ქულა-კრიტიკრიუმებზე იყო საუბარი.

სხვათა შორის, დეკანმა თქვა სახელმწიფო პრემიის ლაურეატს 20 ქულა უნდა დაენეროსო და მე მკითხა:

რომელ წელს მიიღეთ სახელმწიფო პრემიაო.

1987 წელს-მეთქი. ასეც ვიცოდი. სახე გაეზადრა. ჩვენი წესდების მიხედვით სახელმწიფო პრემია ბოლო 10 წლის განმავლობაში უნდა გქონდეს მიღებულიო.

კეთილი, მაგრამ 1998 წელს რუსთაველის პრემია მაქვს-მეთქი მიღებული.

რუსთაველის პრემია სახელმწიფო პრემია არ არის და ამიტომ ქულა არ დაგენერებათო.

როგორ? რუსთაველის პრემია საქართველოს უმაღლესი პრემიაა, ვინ გაითხრათ, რომ სახელმწიფო პრემია არ არის-მეთქი.

ამირან გომართელი წამოგდა და ამბობს: „ცრუობს მიშველაძე, რუსთაველის პრემია უბრალო, დარგობრივი პრემიაა, უმაღლესია სახელმწიფო პრემია, ამიტომ კატეგორიული წინააღმდეგი ვარ მიშველაძეს რუსთაველის პრემიაში ქულა დაენეროს, მითუმეტეს რომ რუსთაველის პრემია არცერთ ცნობილ მეცნიერს არ მიუღიაო“ - თქვა გომართელმა.

მეორე დღეს დეკანს მივუტანე ცნობა, რომ რუსთაველის პრემია არის „შოთა რუსთაველის სახელობის სახელმწიფო პრემია“ და იგი 1975 წელს მიღებული აქვს ნიკო კეცხოველს, ხოლო 1987 წელს აკაკი შანიძეს...

მაგრამ „რეფორმისტებს“ (ე.ი. ჩემს მტრებს) გადაწყვეტილება უკვე მიღებული ჰქონდათ და სამწუხაროდ დაიგვიანეო, დეკანმა.

ასეთი „ლოგიკა“ აქვს რევოლუცია-რეფორმას.

საკაპშვილის „გიჟობებს“ დასასრული არა აქვს.

ახლახან საგარეო საქმეთა მინისტრობიდან გააგდო სალომე ზურაბიშვილი – ნიკო ნიკოლაძის შვილიშვილი, რომელმაც დიპლომატის ისეთი ნიჭი გამოიჩინა, რომ რუსეთი აიძულა სამხედრო ბაზების გაყვანა დაენყო.

რას ნიშნავს ეს?

უარს ხომ არ ვამბობთ დასავლეთზე და ისევ რუსეთის ყულფში ხომ არ ვყოფთ თავს?

ასეთი ფუსფუსი საქართველოში უკვე იგრძნობა.

არ გრცხვენიათ? თქვენ, ვინც რუსის ჩექმის მონაწილეები იყავით, ახლა რუსის ხელითვე აპირებთ საქართველოს ხელისუფლების შეცვლას-მეთქი? – ვუთხარი რუსეთშიმეთა ერთ ჯგუფს.

მე მირჩევნია, მე თვითონ აღვზარდო სააკაშვილი ჩემი რჩევებით და როგორმე კაცობისკენ შემოვაბრუნო, ვიდრე რუსს გავურვიდე და რუსის მარიონეტული ხელისუფლება მოვიყვანო, ეს ერთხელ უკვე გამოსცადა-მეთქი უბედურმა საქართველომ.

არა და... არც სააკაშვილის მოჭკვიანებას ადგას საშველი.

ახლა ქართულ ფენომენზე ახალი შეტევა წამოიწყო:

დავით აღმაშენებლის ძეგლი ქალაქის ცენტრიდან გარეუბანში უნდა გადავიტანოთ.

არ შეიძლება ეროვნული ძეგლებით და ეროვნული ატრიბუტებით დავტვირთოთ ქალაქი. მსოფლიოს თვალში ეს პროვინციალიზმი იაო.

ამაზე მეტ სისულელეს წარმოიდგენს კაცი?

დარაჯობენ ახლა ჭეშმარიტი, თავგანწირული პატრიოტები (ორჯერ მეც გავედი) დავით აღმაშენებლის ძეგლს გაჰყვირიან; როგორ შეიძლება წმინდანის ძეგლის ხელყოფაო, მაგრამ ძალა აღმართს ხნავს.

მწერალთა კავშირში სოლომონ დოდაშვილის დაბადების 200 წლისთავის იუბილე ჩავატარეთ.

მოხსენებაში გამოვთვქი სურვილი, რომ დავაყენოთ მწერალთა სახელით საკითხი, კათალიკოს-პატრიარქის და წმინდა სინოდის წინაშე, რათა სოლომონ დოდაშვილი წმინდანად იქნას-მეთქი შერაცხული.

მხარი დამიჭირეს.

„გლობუსის“ თეატრმა ჩემი პიესის პრემიერა წარმოადგინა – „ჩემი გოლგოთა“, მთავარ როლს პალიკო ნოზაძე თამაშობს.

მალე პანტომიმის თეატრი წარმოადგენს „ტერენტი გრანელს“.

გამოვიდა ჩემი ახალი სახელმძღვანელო „თანამედროვე ქართული მწერლობის პრობლემები“.

მწერალთა სასახლეში მონოლოგის თეატრი ფრთებს შლის.

ჩემს შემდეგ ოტია იოსელიანი და სოფიკო ჭიაურელი წარუდგენენ მაცურებელს, 30 ოქტომბერს კი მერაბ ელიოზიშვილი.

ყველა სპექტაკლის წინ შესავალ სიტყვას ვამბობ და მაცურებელს წარუდგენ სპექტაკლის გმირს.

ასე, რომ, უკვე ორი თეატრის დაარსება მოვასწარი. ქართული ნოველის თეატრისა (2001 წელს) და მონოლოგის თეატრისა (2005 წელს).

### 13.XI.05 – 12.XII. 05

გრძელი წვიმები დაიწყო.

ცა მოქუფრულია, როგორც პატრიოტი ქართულის გული დღეს.

რამ უნდა გაგვანაროს.

რესპუბლიკის მოედნიდან დავით აღმაშენებლის ძეგლი აიღეს.

არავითარი ეროვნული არ უნდა ჭაჭანებდეს საქართველოში – ასეთია სოროსის ნება.

ქართველს არაფერი არ უნდა შეახსენებდეს, რომ ის ქართველია – აი, როგორ აზროვნებს ახალი ხელისუფლება.

აიღეს უპირველესი მეფის ძეგლი ხალხის თვალწინ, სპეცნაზის მეთვალყურეობით.

დავით აღმაშენებლის ძეგლს დედაქალაქიდან ჩვენი ცრემლები მიაცხილებდა.

მეორე დღეს სააკაშვილმა გამოაცხადა რესპუბლიკის მოედანს ვარდების რევოლუციის მოედანი უნდა დაერქვასო.

აი, თურმე რისთვის სჭირდებოდათ დავით აღმაშენებლის ძეგლის გადატანა.

ქალაქის შემოსასვლელში ერთ მთავარ მოედანს ზურაბ ჟვანიას მოედან-  
ი დაარქვეს.

მალე სააკაშვილის, ოქრუაშვილის, მერაბიშვილის სახელებსაც უკვ-  
დავჭყოფენ.

მისაღები გამოცდებიდან თსუ ისტორიის ფაკულტეტზეც კი ამოიღეს  
საქართველოს ისტორია.

ემზადებიან ვარდების რევოლუციის 2 წლისთავის გრანდიოზული ზეი-  
მისათვის.

მწერალთა დაჟინებული თხოვნით კახეთის გამგებლებმა ყვარელში ილ-  
იაობა გამართეს. სააკაშვილი, რასაკვირველია, არ მოვიდა.

ჩავედით მაცყალა, მე და ლადო მრელაშვილი.

სამმა სატელევიზიო არხმა ჩამწერა, ვთქვი (რას ვიტყოდი) საქართ-  
ველოში ილიას გზას არ უნდა გადაუხვიოს-მეთქი.

არცერთმა არხმა არ გადასცა.

### 13.XII.05 – 14.I.06

საზოგადოების ყველა ფენა – დაწყებული მწვერილმანე-მებაზრეებით –  
გათავებული აკადემიკოსებით დაირაზმა ხელისუფლების წინააღმდეგ.

იქმნება და იქმნება ახალ-ახალი ოპოზიციური პარტიები და საპრო-  
ტესტო დაჯგუფებანი.

მწერალთა კავშირში „განთიადს“ 30 წლისთვის იუბილე გაუუმართეთ.

გამოდინდნენ მწერლები და ლაპარაკობდნენ „ცისკარი“ და „მნათობი“  
დაიხურა და ერთადერთი „განთიადილა“ ბჟუტავს, რა დღეში ვართ, ამას რას  
მოვესწარითო.

ხელისუფლება პენსიების შემცირებასაც აპირებს. ყველა დაწესებულე-  
ბაში გრძელდება წმენდის კამპანია.

ე.წ. „ხანდაზმულებს“ ბედის ანბარა ჰყრიან ქუჩაში.

პანტომიმის თეატრმა (ამირან შალიკაშვილი) დადგა ჩემი პიესა „ტერენ-  
ტი გრანელი“.

16 დეკემბერს იყო პრემიერა.

სპექტაკლს დიდი წარმატება ჰქონდა.

ხელისუფლება, რა თქმა უნდა, არ მოვიდა.

ისინი თეატრებში არდადიან. სომხეთიდან მივიღე ჟურნალ „გარუნის“  
2005 წლის 7-8 ნომერი.

დაბეჭდილია ჩემი სამი ნოველა („ბოლო“, „დეპეშა“ და „სექსუალური  
ნოველა“), აგრეთვე შალვა ამინაშვილის ნოველა „ელო, შევიდეთ გომურში“,  
უთარგმნია ცნობილ სომეხ მთარგმნელს ჰრანია ბარიამიანს. მწერს, რომ  
ჩემი ნოველების წიგნი სომხურად მალე გამოვა და სარჩევსაც მიგზავნის,  
განსაკუთრებით შალვას თარგმანის დაბეჭდვა გამეხარდა.

13 იანვარს ვეახელი პრეზიდენტ მიხეილ სააკაშვილის დედას ქ-ნ გიული  
ალასანიას, იგი შავი ზღვის უნივერსიტეტის პრორექტორია, მითხრეს, საერ-  
თოდ არავის ლებულობსო, მაგრამ დავურეკე თუ არა, მაშინვე მიპასუხა.  
მობრძანდითო.

თავაზიანად მიმიღო და გულისყურით მომისმინა. საუბარი მწერალთა  
კავშირის შენობის წართმევას შეეხებოდა, თქვენს შვილს ეს ერთი ისტორი-



ული დანაშაული მაინც ააცილებთ-მეთქი. იცოდეთ მწერლები: დავით სარაჯიშვილის დანატოვარ ამ შენობას არ დავთმობთ ცოცხალი თავით, სისხლი დაიღვრება და პასუხისმგებელი თქვენი შვილი იქნება-მეთქი. 10 იანვარსაა დანიშნული სასამართლო და იქნებ ჩაერიოთ, მოახსენოთ პრეზიდენტს ქართველ მწერალთა გულისტკივილი-მეთქი.

მეო, ჩემი შვილისგან საერთოდ აკრძალული მაქვს მის ყოველგვარ საქმიანობაში ჩარევა, მაგრამ იმდენად უეჭვოდ მიმაჩნია თქვენი სათხოვარი, რომ გარწმუნებთ უსათუოდ ვეცყვიო. იმას კი ვერ დაგპირდებით, რა გადანყვეტილებას მიიღებს პრეზიდენტიო.

მადლობა მოვასხენე და ნამოვედი. მაყვალას დაჯურეკე, ძალიან გაეხარდა.

15.I. 06 – 5.III. 06

18 იანვარს მწერალთა კავშირში ინტელიგენციის დიდი მიტინგი გაემართეთ, ეს იყო საპროტესტო აქცია მწერალთა კავშირის შენობის დასაცავად. გამოვედით მაყვალა, მე, ვაჟა, ნესტან კირთაძე და სხვები.

მერე კოლექტიურად გავეშურეთ უზენაესი სასამართლოსკენ, სადაც 3 საათზე დაიწყო პროცესი.

პროცესზე ვრცელი სიტყვა ვთქვი. ათასი წელიც რომ გავიდეს, ამ შენობას მწერალთა სახლად მოიხსენიებენ და რა უფლება აქვს მასონურ ტალღაზე მოსულ ხელისუფლებას, მწერლებს ეს შენობა წაართვას-მეთქი. ამ ხელისუფლებას რომ ხალხი პანდურისკვრით გარეკავს, მერე რაღა ვქნათ, როგორ დავიბრუნოთ გოკა გაბაშვილის მიერ გაყიდული შენობა-მეთქი.

სასამართლოზე უამრავი მწერალი მობრძანდა, მათ შორის ლადო მრელაშვილი, ოტია იოსელიანი, ჯანსუღ ჩარკვიანი, ანზორ აბულაშვილი, დათო ტაკიძე, შალვა მჭედლიშვილი და სხვები.

მოსამართლეს პროცესი ცუდად როდი მიჰყავდა, მაგრამ სწორედ ეს მენიშნა ცუდად, ზოგჯერ მოსამართლე, ვითომ ობიექტურად აჩვენებს დარბაზს თავს და მერე განაჩენი ისეთი გამოაქვს, როგორსაც ზემოდან უკარნახებენ.

სასამართლო სამ საათში შეწყდა და გადაიდო 15 თებერვლის 3 საათისთვის.

რას ნიშნავს ეს გადადება?

იქნებ მართლა მიიღო რაიმე ზომები ქ-ნმა გიული ალასანიამ?

ღმერთმა ქნას, ასე იყოს.

ლამით „კურიერში“ გოკა გაბაშვილი გამოჩნდა და განაცხადა: ჩვენ ამ პროცესს მაინც მოვიგებთ და მწერალთა კავშირს – მაყვალა გონაშვილს და რევაზ მიშველაძის მეთაურობით გამოვაძევებთ იმ შენობიდანო.

20 იანვარს, ლამით ინგა გრიგოლიამ „იმედში“ მიგვიწვია პირდაპირ ეთერში. ერთ მხარეს ვიჯექით – მაყვალა, ოტია იოსელიანი, ჯანსუღ ჩარკვიანი, გოჩა ფიფია და მე. მეორე მხარეს – ლაშა ბულაძე, ლაშა ბაქრაძე, ბასა ჯანიკაშვილი და მამუკა ხერხეულიძე.

მეგონა კულტურის მინისტრთან ან პრემიერ-მინისტრთან მოგვინევდა კამათი, თორემ არავითარ შემთხვევაში არ მივიდოდი. რა გვექნა, ჩავებით.

ჯერ იყო და ლაშა ბულაძემ ოტიას ლაპარაკი არ აცალა. შენ უზრდელი, უტიფარი ბავშვი ყოფილხარო, იყვირა ოტიამ, ნამოხტა და გაიქცა.



ვთქვი: რა გვაქვს გასაყოფი ან ამ ბავშვებთან საჩხუბარი-მეთქი. ამ ხელისუფლებას მხოლოდ 2 ერთგული „მწერალი“ შერჩა, დანარჩენები ე.წ. წვიმის რევოლუციის მწერლები უკვე დარწმუნდნენ, რომ არაეროვნული ხელისუფლება გვყავს და ჩვენსკენ, ოპოზიციაში გადმოვიდნენ-მეთქი, აქ იმიტომ არ ჩანს არც ერთი მინისტრი, რომ კარგად იციან, სათქმელი არაფერი აქვთ. შენობის წართმევა მხოლოდ საბაბია, მათ საერთოდ შემოქმედებითი კავშირების გაუქმება აქვთ განზრახული, რადგანაც სძულთ ის შემოქმედებითი ინტელიგენცია, ვინც გვერდით არ უდგას და თავიანთ ბინძურ საქმეზე კვერს არ უკრავს-მეთქი.

რასაკვირველია „მონინაალმდეგე ბანაკმაც“ მიიღო ზომები და ჩვენ თუ ვარდების რევოლუციის მხარეს ვართ, თქვენ ასლან აბაშიძის მხარეს იყავითო. მისი სიით მოხვდით პარლამენტშიო. ვუპასუხე, კი მაგრამ თქვენი ბელადი მიშა სააკაშვილი თუ გახსოვთ, ვის გუნდში იყო, განა შევარდნაძის ერთგული მონაფე და დღესაც მისი იდეების გამტარებელი არ არის-მეთქი?

საერთოდ, ცუდ გუნებაზე დამაყენა იმ გადაცემამ, იმდენად ცუდ გუნებაზე, რომ წნევამ ამინია და ღამით კინალამ სისხლი ჩამექცა. მთელი ღამე არ მიძინია.

ქალბატონმა გიული ალასანიამ, როგორც ჩანს, თავისი სიტყვა შეასრულა, მწერალთა კავშირის შენობის სასამართლო 15 თებერვალს 15 მარტისთვის გადაიდო.

არ ვიცი, რა მოხდება 15 მარტს.

„მწერლის გაზეთში“ გამოვაცქეყენე ნოველა „ზამთარია, მათოვს, მანვიმს“. ნოველა ეხება ჩვენს გაუსაძლის ყოფას, ქათმის გრიპს, ცივ ზამთარს (უგაზო, უშუქო) და უნივერსიტეტში პროფესორ-მასწავლებელთა დევნას.

ბევრს მოეწონა.

ოცდახუთ თებერვალს გარდამეცვალა სიდედრი ხუტა ჯიქია. გულწრფელად დავიტირე. ორმოცი წელი ერთად ვცხოვრობდით. ზუგდიდდან უამრავი ნაცნობ-მეზობელი ჩამოვიდა.

დავწერე საუნივერსიტეტო რეფერენდუმის მოთხოვნა, დადის ეს ქალაქი უნივერსიტეტში და ჯერჯერობით მხოლოდ ოცმა პროცენტმა მოაწერა ხელი. ზოგი ქვემეფრია პროფესორი (მათ შორის ელგუჯა ხინთიბიძე) თავს იკავებს. გაიხსენეთ ჩეხოვის „კაცი ფუტლიარში“. დიას, ბევრი ბელიკოვი გვყავს უნივერსიტეტში „კაკ ბი ჩევო ნე ვიშლო“. ამ ყოყმანმა და შიშმა დალუპა უნივერსიტეტიც და საქართველოც.

პარლამენტის შენობასთან პერმანენტული მიტინგი მიმდინარეობს სააკაშვილის წინააღმდეგ.

პრეზიდენტის ბრძანებით დასავლეთ საქართველოდან ავტობუსებით წამოსული ხალხი გორთან შეაჩერეს და გზის გაგრძელების უფლება არ მისცეს.

იცის სააკაშვილმა, რას ნიშნავს თბილისში ავტობუსებით ლაშქრობა.

იგი დოცლაპია შევარდნაძის შეცდომას არ დაუშვებს.

თუ გაჭირდა, ესვრის კიდეც ოპოზიციას.

ჭადრაკის სასახლეში ოპოზიციონერ პოლიტიკოსთა თათბირი გაიმართა.

გამოვედი და ვთქვი, მე რუსული ორიენტაციის მომხრე ვერ ვიქნები და მოემვით იგორ გიორგაძის ჩამოყვანაზე ფიქრს-მეთქი.

„რუსეთუმეებს“, ალბათ, არ მოეწონებოდათ.

რა ვქნა; მე 1832 წლის შეთქმულთა, ილიას და აკაკის გზას ვერ ვუღალატებ.

პანტომიმის თეატრის თხოვნით დავწერე პიესა-სცენარი სპექტაკლისა „წმინდა გიორგი“.

ამირან შალიკაშვილს ძალიან მოეწონა, მსურდა ამომეცნო რატომ გააღმერთეს ქართველებმა წმინდა გიორგი. რატომა იგი ჩვენში მიჩნეული უპირველეს ღვთაება-წმინდანად და რით აიხსნება რომ არცერთ ქრისტიანულ ქვეყანაში არ არის წმინდა გიორგის სახელობის იმდენი ეკლესია (366) რამდენიც საქართველოში.

მე მგონი, ამირან შალიკაშვილი შეძლებს ამ მასალაზე კარგი სპექტაკლის გაკეთებას, თუ უწმინდურის მხრიდან ნახალისება, ლოცვა-კურთხევა და თუნდაც სიმბოლური ფინანსური მხარდაჭერა ექნა.

მწერალთა კავშირში ყრილობისთვის მზადება მიმდინარეობს.

მაყვალამ მითხრა, ბატონო რეზო, თუ გნებავთ თქვენ იყარეთ კენჭი თავმჯდომარეობაზე და მე მოადგილე ვიქნებიო. უარი ვუთხარი. არ მინდა რისიმე ფინანსური პასუხისმგებელი ვიყო. ეს ჩემი საქმე არ არის, მე ამ ორ ნელინადში შეეძელი გამეცოცხლებინა მწერალთა კავშირი ან გაგრძელებას ყველა შეძლებს.

დავიღალე, ესეც არ იყოს, მაყვალა წესიერი, ნიჭიერი, ენერგიული ქალია და მასთან მუშაობა არ მიჭირს.

6.III.06 – 16.IV.06 წ.

15 მარტს უზენაეს სასამართლოში ერთხელ კიდევ შევიკრიბეთ მწერლები.

ამჯერად სამართალმა პური ჭამა, უზენაესმა სასამართლომ საქმე დაშალა და გამოძიებას დაუბრუნა.

სასამართლოს ტაში დავუყარით.

იქიდანვე მაყვალას, ვაჟას, ლადო მრელაშვილის და ანზორ აბულაშვილის თანდასწრებით დავურეკე პრეზიდენტის დედას, ქ-ნ გიული ალასანიას და მწერლების სახელით მადლობა მოვახსენე.

გაუხარდა, აშკარაა, მე რომ არ მივსულიყავი და არ მეთხოვა, უთხარი შენს შვილს ნუ ჩაიდენს საშვილიშვილო ცოდვას, ნუ წაართმევს მწერლებს ისტორიულ შენობას-მეთქი, ეს შენობა ახლა ჩვენი არ იქნებოდა.

თუმცა ამ ჩვენმა გამარჯვებამ ქართული ეროვნული ცნობიერების მტრები უფრო გააცოფა და სოროებიდან ამოიყვანა.

„მზეზე“ იმავე საღამოს გამოჩნდა კომიტეტის თავმჯდომარე და აცხადებს: ნუ ზეიმობენ მიშველაძე და ძმანი მისნი, არც ისეა საქმე. ჩვენ მწერალთა კავშირს ახლა პარლამენტიდან შევუტევთ და მაინც დავმლითო.

30 მარტს მას მართლაც დაუბარებია მწერალთა კავშირიდან გასული 50-მდე მწერალი პარლამენტში და ეს ახალი კანონპროექტი შეუთავაზებია: დაიშალოს მწერალთა კავშირი პატარ-პატარა ასოციაციებად და ჯგუფებადო.

აი, მზაკვრული გეგმა!

ვინ კითხავს პარლამენტს მწერალთა კავშირის დაშლას.

ამგვარი ტირანული ხელისუფლება არაერთი ახსოვს მწერალთა კავშირს.

მთავრობები იცვლებოდნენ: მწერალთა კავშირი რჩებოდა.

რაკი შენობა ვერნაგვართვის,ახლა სხვა მხრიდან მოგვიარეს.

1 აპრილს მწერალთა კავშირში ამასთან დაკავშირებით პრესკონფერენცია გაემართეთ.

ესწრებოდა შემოქმედებითი კავშირის ყველა ხელმძღვანელი.

კანონპროექტი, რომელიც პარლამენტს შეუმუშავებია, დიქტატურას საბოლოოდ ამკვიდრებს საქართველოში:

უქმდება ყველა შემოქმედებითი კავშირი და მის ნაცვლად იქმნება ფონდები, რომელთაც პირდაპირ გადაეცემა შემოქმედებითი კავშირების მთელი ქონება.

ამას იმიტომ აკეთებენ, რომ ხელოვნების მუშაკები ერთად აღარ შეიკრიბონ და ერთი პირი აღარ ჰქონდეთ.

ეს არის ამკარა ფაშიზმი.

აღშფოთება გამოვთქვით: გიგა ლორთქიფანიძემ, მაცვალა გონაშვილმა, ვაჟა აზარაშვილმა, გია ჯანბერიძემ, რევაზ მიშველაძემ, ვაჟა ოთარაშვილმა და სხვებმა.

მივიღეთ ერთობლივი რეზოლუცია, რომელიც გაზეთებში გამოვაქვეყნეთ, მაგრამ არ ვიცი, რა შედეგი მოჰყვება.

ბრძოლა, ბრძოლა და ბრძოლა!

არ გვასვენებს სააკაშვილი!

რამ შეაძულა ასე საკუთარი სამშობლო.

კიბოთი დაავადდა „მწერლის გაზეთის“ პასუხისმგებელი მდივანი, უანგარო პატიოსანი კაცი ზაურ იობაია?

როგორც ექიმები ამბობენ, დღეები დათვლილი აქვს.

ძალიან მწყდება გული.

უზაუროდ, მე და სოსომ გამოვეცით „მწერლის გაზეთის“ ახალი ნომერი.

14 აპრილს უნმინდესისა და უნეტარესის საქართველოს პატრიარქის ილია მეორის ფინანსური დახმარებით აღდგენილ იქნა ჟურნალი „ცისკარი“, სიტყვით გამოვედით თვით კათოლიკოს-პატრიარქი, გიორგი ანდრიაძე, ჯანსუღ ჩარკვიანი, გურამ დოჩანაშვილი, თამაზ ჭილაძე, ზაურ კალანდია და მე.

ამ ხელისუფლების მიერ „ცისკრის“ და „მნათობის“ დახურვამ შემაძრწუნა, მაგრამ გაკვირვებით არ გამკვირვებია-მეთქი. რა თქმა უნდა, ის ხელისუფლება, რომელიც ეროვნულ ცნობიერებას ებრძვის, ილია ჭავჭავაძის ხაზის გამგრძელებელ ჟურნალს უსათუოდ დახურავდა-მეთქი. ბედნიერია „ცისკარი“, რომ მისი მკვდრეთით ადღგომა სწორედ უნეტარესის სახელს დაუკავშირდა-მეთქი.

დარბაზში არც ერთი ბიზნესმენი არ იჯდა. ეს გარემოება უნმინდესმაც აღნიშნა.

ილია II-ს ოპოზიციად მოიაზრებს სააკაშვილის არაეროვნული ხელისუფლება.

ყოველ ნომერში გაზეთის “ოცდაოთხი საათი“, რომელიც ხელისუფლების ლაქიაა, მედროვე ჟურნალისტები ლანძღავენ ილია მეორეს.

ცინიზმი უფრო შორს ვერ წავა.

არ ვიცი, რა სასწაულებით დგას ფეხზე ჯერ კიდევ „ვარდების ხელისუფლება“.

ინტელიგენცია მხარს არ უჭერს (ჭეშმარიტ, ეროვნულ ინტელიგენციაზე ვამბობ), საშუალო და უმაღლესი სკოლა ერთხმად ეწინააღმდეგება, ბიზნესმენები გადაუდგნენ, მწერლები ვებრძვით, წვრილი მოვაჭრეები გადაიკიდეს. რა მალე შეაძულეს საქართველოს თავი და მიანც უტიფრად გაჰყვირიან: ჩვენ, ხალხის მხარდაჭერა გვაქვსო, რომელი ხალხის? ოკეანისგალმელ ხალხს (აშშ) თუ გულისხმობენ, თორემ საქართველოში ამათი ავტორიტეტი ნულის ტოლია.

ჩემი პატარა მტრები ისევ ფუთფუთებენ. შური კვალდაკვალ მდევს.

ზეინაბ სარიამ 14 აპრილს სადოქტორო დისერტაცია დაიცვა. 10 წლის განმავლობაში ვუნევდი მეცნიერულ კონსულტაციებს. დისერტაციის 4 ეგზემპლარი რომ წარმოადგინა, ეწერა “კონსულტანტი რევაზ მიშველაძე“. დაცვის დროს აღმოვაჩინე, რომ ავტორეფერატს ჩემი გვარი არ ეწერა. ვკითხე დისერტანტს, ტირილით მაცნობა, ელგუჯა ხინთიბიძემ წამაშლევინა თქვენი გვარიო.

ვკითხე ელგუჯას: მსგავსი არაფერი მომხდარაო. ლაპარაკიც კი არ გვექონია ამის შესახებო.

რასაკვირველია ელგუჯას ნავირემმაკალია.

რაკი ხმა გავარდა, მიშველაძეს ყველაზე მეტი დისერტაციის ხელმძღვანელობა უგროვდებაო (საკონკურსოდ), პატარა მელა ე. ხინთიბიძე შურმა შეანუხა და ცოტა შემამუხრუჭა.

ამას ჰქვია პატარა კაცობა, გავუბრაზდი სარიას და მისი დისერტაციის ბანკეტზეც, რასაკვირველია, არ წავსულვარ, თუმცა ღვთის წინაშე ხვეწნა-მუდარა არ დაუკლია.

სანამ შეიძლება გაგრძელდეს ასე?

მეცინება ელგუჯა ხინთიბიძის გულნამცეცობაზე.

ნუთუ “ბაყაყი და ხარის“ იგავი არ წაუკითხავს?

ნუთუ არ იცის, რომ რაც უნდა გაიბეროს, კოჭებამდე ვერ მომწვდება? ჩვენი „უსაყვარლესი ძმა“ რუსეთი საქართველოსადმი ზიზღს ძველებურად აფრქვევს. ერთი კვირაა, რაც რუსეთმა გამოაცხადა: ქართული ღვინო და ქართული ბორჯომი (კიდევ სადაურია ბორჯომი?) უხარისხოა და რუსეთის ბაზარზე აიკრძალოს შემოტანაო.

საქართველო პანიკამ მოიცვა.

წარმოიდგინეთ, საქართველოს ექსპორტი მხოლოდ ღვინო და ბორჯომია, ვყიდით მხოლოდ რუსეთში. რუსეთმა რაკი უარი გვითხრა, უნდა შეჩერდეს ღვინის და ბორჯომის წარმოება.

10 დღეში საქართველომ მილიონობით ზარალი ნახა.

საკაპშვილი სასონარკვეთილებაში ჩავარდა. სასწრაფოდ გავარდა ჩინეთში, იქნებ ჩინეთში გავასალო რუსეთის დაწუნებული ღვინო და ბორჯომიო, მაგრამ კოვზი ნაცარში ჩაუვარდა.

ჩინეთმა მე თვითონ მიჭირს ჩემი ღვინის და ჩაის გასაღებაო.

ირგვლივ ყველგან მარცხს მარცხზე განვიცდით.

ესეც სააკაპშვილის ბრძნული პოლიტიკა.

უნივერსიტეტში ახალი რექტორი გვყავს – გია ხუბუა.

ვიცნობ.

ალტერნატიულმა საბჭომ: კარები დავუკეტოთ და არ შემოვუშვათო.

მე არ დავეთანხმე. არ შეიძლება უნივერსიტეტში ქუჩის და მიტინგის მეთოდები დავნერგოთ-მეთქი.

გურამ შარაძე კარებში დახვდა რექტორს და სულ „ნაბიჭვარი“ და „ქურდი“ ეძახა.

ამისთვის დაიჭირეს და 15 დღით ჩასვეს.

ეს უკვე მეორე ჩაჯდომაა გურამ შარაძის.

აღშფოთდი, ორ გაზეთს ინტერვიუ მივეცი, ეს პოლიტიკური ანგარიშსწორებაა. კაცს ცოლი მძიმე ავადმყოფი ჰგავს, ნუთუ ამის საღირალი არაფერი გაუკეთებია საქართველოსთვის, რომ ხულიგნებთან და რეციდივისტებთან 15 დღით არ ჩასვათ-მეთქი:

ვინ გათხოვა ყური.

#### 17.IV – 6.VI. 2006

20 აპრილს, ხუთშაბათს, ფილოლოგიის ყოფილი ფაკულტეტის 9 ყოფილი კათედრის გამგე ამჟამად ჰუმანიტარული ფაკულტეტის რიგითი პროფესორები (მალე, ალბათ, ესეც აღარ ვიქნებით) რექტორის მოვალეობის ახალ შემსრულებელს – გია ხუბუას შევხვდით. თურმე, რუსიკო ლორთქიფანიძე სანატრელი გაგვიხდა, მართალია, ქ-ნ რუსიკოს თვითონ უნდა ეთქვა უარი რექტორობაზე, რაკილა ხვდებოდა, რომ მისი დამნიშნავები ამით ზიზ-ლს უცხადებენ უნივერსიტეტს და აქაოდა 5000 პროფესორ-მასწავლებელში ვერ ავარჩიეთ სარექტორო კაცი და გარედან მოგვყავს რექტორიო, მაგრამ ალლოიანი ქალია, თანაც ლორთქიფანიძეობასაც, ჩანს, დიდი მნიშვნელობა აქვს. ბოლო ხანებში რუსიკო ლორთქიფანიძე აღარ იყო ლომაიას დრაკონული სურვილის ბრმად შემსრულებელი. აღარ ანგრევდა უნივერსიტეტს, ამბობდა, რომ კათედრები და ასპირანტურა გააუქმებინეს, თავაზიანი, მომსმენი და დამთმობიც გახდა, მე ყოველთვის იმას ვაბმობ და ვწერ, რაც ვიცი და ერთ მაგალითს მოგახსენებთ, მარტის დასაწყისში შევედი პირადად და ავუხსენი, რომ კახას სამტატო განრიგით უამრავი უნივერსიტეტი უსამსახუროდ რჩებოდა. რა ვქნაო, მკითხა, რა და, დაამატე ფილოლოგიის ფაკულტეტს 6 პროფესორის ადგილი-მეთქი საკონკურსოდ. დამეთანხმა და მაშინვე დაწერა ბრძანება.

ახლა ხუბუამ (უფრო სწორად, იმან, ვინც ხუბუა დანიშნა), ხელალებით გააუქმა თითქმის ყველა ბრძანება რუსუდან ლორთქიფანიძის მიერ ხელმონერილი, ამით კახა ლომაიას შხამის გადმონთხევას კვერი დაუკრა პატარა ბიჭმა ხუბუამ, და კიდევ ერთხელ დაადასტურა, რომ არავითარი ინდივიდუალურობა მას, როგორც რექტორს, არ გააჩნია.

ერთი სიტყვით, მიგვიღო 20 აპრილს: მე ჯუმბერ ჭუმბურიძე, თენგიზ კიკაჩივილი, ლადო მინაშვილი, იუზა ევგენიძე, სოსო სიგუა და სხვები.

5 სათხოვარი ვთხოვეთ:

ა) გააცოცხლე კაბინეტები (რუსთაველის, ილიას, აკაკის, ვაჟას, გალაკტიონის, ივანე ჯავახიშვილის, გამსახურდიას, აკაკი შანიძის...). არაა ბევრი კაბინეტი, მე-5 თვეა უხელფასოდ დადიან უნივერსიტეტში ამ კაბინეტის თანამშრომლები. დანიშნე თითო კაბინეტში სამი მეცნიერ-თანამშრომელი, თუნდაც მიზერული 100-80 ლარით თვეში, ამით საზოგადოებრივი აზრის სიმპათიას დაიმსახურებ, მე მწერალთა კავშირის ერთ-ერთი ხელმძღვანელი ვარ, გაზეთი მაქვს, ჩემს ნათქვამს საქართველო უსმენს და ამ შენს საქციელს ყველას გავაგებინებ-მეთქი.

კატეგორიული, უიმედო უარი გვტყვიდა. სურვილის შემთხვევაშიც კი (განათლების სამინისტროსკენ გაიხედა) მე ამის კომპეტენცია არა მაქვსო.

შე კაი კაცო, ამის სახსრებს უნივერსიტეტივე გამოძებნი. დამატებით სახსრები არ გინდა, შენს მრავალრიცხოვან უაზრო ხარჯებს შეამცირებ და ყველაფერი რიგზე იქნება-მეთქი.

შეაყარე კედელს ცერცვი.

მეორე სათხოვარი ყბადაღებულ საკონკურსო კომისიებს შეეხებოდა.

ნუ დაარღვევთ პრეზიდენტის ბრძანებას შენ და ლომია, ახალ თანამდებობაზე პირდაპირ გადაიყვანე თანამშრომლები. არა აქვს უფლება 9-კაციან, სადაც რომელიმე დარგის (ვთქვათ, ახალი ქართული ლიტერატურის) სპეციალისტი მხოლოდ ერთი იქნება, კომისიამ გადაწყვიტოსო მეცნიერის ადგილი უნივერსიტეტში. თანაც არც ლექციებზე დასწრებაა გათვალისწინებული და არც გამოქვეყნებული შრომების ხარისხის შემოწმება ხერხდება-მეთქი, არაო, ლომიას დავალებით კონკურსი უნდა ჩავატაროო.

რა უფლება გაქვთ, უკვე არჩეულ პროფესორს რომ ხელახლა ირჩევთ, მაშინ ის 120-კაციანი უნივერსიტეტის დიდი სამეცნიერო საბჭო დამნაშავე საბჭოდ გამოაცხადეთ, გააუქმეთ მისი ყველა დადგენილება და დააპატიმრეთ ყველანი-მეთქი, მრავალმნიშვნელოვნად კი არა, ერთმნიშვნელოვნად გაიღიმა.

მესამე სათხოვარი წამოვიწყეთ, თუმცა ვხედავდით, რომ სათხოვრების გაგრძელებას აზრი არ ჰქონდა.

ის საკონკურსო კომისია, იქნებ საქმისმცოდნე ობიექტური, ნიჭიერი პროფესიონალებით – უნივერსიტეტის თანამშრომლებით დაგეკომპლექტებინათ-მეთქი.

არაო, ეს ლომიამ კატეგორიულად აგვიკრძალაო.

მეოთხე სათხოვრად კათედრის და ასპირანტურის აღდგენა ვთხოვეთ.

ახლა და შარშან ამთავრებენ ნიჭიერი ახალგაზრდები და რა ფორმით დავტოვოთ უნივერსიტეტში, თქვენ ხომ ასპირანტურაც და მინიმუმის ჩაბარებაც გააუქმეთ-მეთქი.

უარი გვითხრა.

მეხუთე სათხოვარი მაინც ვთქვი, წყალნაღებულებით ხავს ჩავებლაუქეთ, ჩვენ 60-ს გადაცილებული ღვანლმოსილი პროფესორები ვართ, იქნებ არაოფიციალურად ჩვენგან შექმნათ საკონსულტაციო საბჭო. კათედრის



ყველა წევრი ჩვენი გაზრდილია და იქნებ ჩვენ გვეჩია – ვინ იმსახურებს ასოცირებულ პროფესიონობას და ვინ თქვენს მიერ ამოჩემებულ ასისტენტ პროფესიონობას-მეთქი.

ამის შემდეგ გადავეცით უნივერსიტეტის რეფერენდუმის მოთხოვნები სათანადო ხელმოწერებით. გავეცნობი და თქვენს ფაკულტეტის თანამშრომლებთან შეხვედრაზე გიპასუხებთო. ხუთიოდე დღის წინ შეხვდა პროფესორ-მასწავლებლებს, მაგრამ რეფერენდუმის მოთხოვნებზე კრინტიც არ დაუძრავს.

მე მასთან შეხვედრაზე აღარ მივალ.

ახლა მინც ხომ უნდა გამოიბერტყოთ ყურები დუმის მოყვარულ კოლეგებო.

ახლა მინც ნულარ დაემსგავსებით თქვენი დუმილით. ცხვარს, რომელსაც პარსავენ და ხმას არ იღებს.

7 მაისს ხორავას სახლში ჩავატარეთ მწერალთა კავშირის XXII ყრილობა.

მავალა გონაშვილმა, მე და ვაჟა ოთარაშვილმა საანგარიშო მოხსენებები გავაკეთეთ.

დიდი კამათი ატყდა, ხელისუფლებას ყველა გამომსვლელი აკრიტიკებდა.

განსაკუთრებით პარლამენტის საზიზღარი კანონპროექტი გავაკრიტიკეთ, სადაც მწერალთა კავშირის ლიკვიდაციაზეა ლაპარაკი.

ხელახლა აგვიჩიეს. მავალა (თავმჯდომარედ), მე და ვაჟა მოადგილეებად. მდივნად დავით ტაკიძე.

„მწერლის გაზეთის“ გამოსაცემი ფული კვლავ არა გვაქვს. მე და სოსო მწერალთა კავშირის ხელფასს მთლიანად ვდებთ, რომ გაზეთი არ მოკვდეს.

უნივერსიტეტში დიდი საბჭოს სხდომები განვაახლეთ.

მოვიყვანეთ იურისტები, რომლებიც ამტკიცებენ, რომ პრეზიდენტს დიდი საბჭო არ გაუუქმებია, უბრალოდ შეაჩერა მისი სხდომები (რისი უფლებაც არ ჰქონდა), ამიტომაც შეგიძლიათ სხდომები ჩაატაროთო.

ასე რომ, ამჯერად უნივერსიტეტში ორხელისუფლებიანობაა.

ჩავატარეთ მიტინგი უნივერსიტეტის წინ 24 მაისს. გამოვედი და ვთქვი: თქვენ უნივერსიტეტის ნანგრევებზე დგახართ, ფაქტიურად ლომიაიმ და კამპანიაიმ გააუქმეს-მეთქი უნივერსიტეტი, ბრალი დავდე პრეზიდენტსაც და ქართულ ინტელიგენციასაც.

ჩემი გამოსვლა მთლიანად დაბეჭდა „ასავალ-დასავალმა“.

საქართველოს საქმე ცუდადაა.

რუსეთმა უარი გვითხრა თავის ბაზარზე ყოველგვარი ქართული პროდუქციის შეტანაზე. ველარ გავყიდით ღვინოს, ბორჯომს, ციტრუსებს, ნაბეღლავს, ჩაის, ვაშლს, ეს ნიშნავს ქართული ეკონომიკის დანგრევას, რადგანაც როგორც გაირკვა, ჩვენი იმპორტი მხოლოდ რუსეთისკენაა.

საკავშილმა ახლა კი მოიხარა ქედი და პუტინს (რომელსაც აქამდე „ლილიპუტს“ ეძახდა), მიღება სთხოვა.

13 ივნისს უნდა შეხვდნენ ერთმანეთს.

1-4 ივნისს ქართველ მწერალთა დელეგაცია სომხეთს ვეწვიეთ.



„ქართული ლიტერატურის დღეები სომხეთში“ ჩემმა მეგობარმა სომხეთის მწერალთა კავშირის თავმჯდომარემ ლევონ ანანიანმა ჩაიფიქრა.

არნახული მიღება მოგვიწყვეს.

ვინც ირგვლივ გვეხვია, ყველა ამ ორი ხალხის ძმობაზე და მეგობრობაზე ლაპარაკობდა.

2 ივნისს მწერალთა კავშირში ჩემი ახალი სომხური წიგნის პრეზენტაცია გაიმართა, ქება-დიდებათ გამოვიდნენ სომხური პროზის თვალსაჩინო წარმომადგენლები, მოხუცი, დარბაისელი სომხები - „ვარპეტნი“.

ჩვენო ასეთი დონის ნოველისტი ამჟამად მსოფლიოში არ გვეგულებათ.

პრესამ და ტელევიზიამ ფართოდ გააშუქა ჩვენი ლიტერატურის დღეები.

ჩვენ დელეგაციაში შედიოდნენ: მაყვალა გონაშვილი, მე, ტარიელ ხარხელაური, ვახტანგ ლლონტი, გურამ ოდიშარია, გივი შაჰნაზარი და ანაიდა ბოედსტანჯიანი.

სხვათა შორის, ერევნის უნივერსიტეტშიც გვექონდა შეხვედრა. იქაურმა რექტორმა მითხრა – რეფორმა ჩვენც ჩავატარეთ, მაგრამ უნივერსიტეტიდან არც ერთი თანამშრომელი არ გაგვიშვიაო.

„შტატების შემცირება“ – რასაც თქვენი ხელმძღვანელები ქადაგებენ, მოგონილია, „ბოლონის“ პროცესი ამას არ ითვალისწინებსო.

ჩამოვედი და მოვახსენე ყოველივე აქაურ რექტორს, მაგრამ ყურად არ ილო. მე დავალბებული მაქვს 3200 თანამშრომელი 800-ზე დავიყვანოო.

სადიზმი და უღმობლობა გაამეფეს უნივერსიტეტში სააკაშვილმა და ლომიაიმ.

7.VI – 31.VIII – 2006 წ.

უნივერსიტეტში ისევ რიარიაა.

მინისტრმა კახა ლომიაიმ 1 ივლისს უნივერსიტეტის ყველა თანამშრომელი გაგვათავისუფლა. ეს იმას ნიშნავს, რომ უნივერსიტეტი აღარ არსებობს. ერთი ხელის მოსმით დაგვითხოვა ყველა – პროფესორიც და ლაბორანტიც.

3 ივლისს შევიკრიბეთ დიდი საბჭოს წევრები. დავგმეთ ლომიაი-ხუბუას საქციელი, გამოვაცხადეთ უნივერსიტეტის ავტონომია და რექტორად ჯემალ მეზონია ავირჩიეთ.

მერე ყველანი მივადექით რექტორის მოვალეობის შემსრულებელს და განვუცხადეთ ჩვენი გადანწყვეტილება.

ხუბუამ ჩვეულებისამებრ შემოგვიღრინა. მე საბჭოს არ ვემორჩილები, მე აქ ლომიაიმ დამაყენაო და პოლიციას გამოუძახა.

ეს უკვე მესამედ შემოვარდა უნივერსიტეტში 500 კაციანი რაზმი და დაარბია უნივერსიტეტის პროფესურა.

პირდაპირ იმ ჯგუფთაში მოვხვდი. არ ინდობდნენ ქალებს, მოხუცებს, ძირს ცვიოდა პორტფელები, სათვალეები...

ეს იყო საშინელი სანახაობა. რამდენიმეს გული შეუწუხდა.

სიბრაზისგან ხელები მიცახცახებდა.

პოლიციელებს ვეუბნები – თქვენ ხომ ქართველები, ჩვენი შვილები ხართ, არ გრცხვენიათ, პროფესორებს რომ დაერიეთ-მეთქი?

ვინ გისმინა.

გამძვინვარებული სახეები ჰქონდათ პოლიციელებს.

ისე გვიყურებდნენ, როგორ უსაზიზღრეს არსებებს, ჩვენი გასრესვა სურდათ.

წნევამ ამინია და კედელს მივეყრდენი, რომ არ წავექცეულიყავი.

რექტორის კაბინეტიდან ცემით გამოდევნილი პროფესორ-მასწავლებლები სააქტო დარბაზს შევეფარეთ.

ჩანს მიხვდნენ ჯალათები, რომ აქ შემოსულებს ჩვენი ქალები სახეებს ჩამოაკანრავდნენ შეურაცხყოფისთვის და კლუბში არ შემოსულან.

სამაგიეროდ, უფრო საშინელ ფანდს მიმართეს, კარები ჩაგვიკეტეს.

არ გაჭრა ხვეწნა-მუდარამ, დილაშდუ არც წყალი მიანოდეს და არც ტუალეტში გასვლის ნება დართეს „ამბოხებულებს“.

შუალამისას ბევრს გული შეუღონდა.

მხოლოდ დილის 10 საათზე გადაწყვიტა ლომიამ დატყვევებულებისთვის ბადრავის თანხლებით ტუალეტში გასვლის ნება მიეცა.

მეორე დღეს ჟურნალისტები და პარტიების წარმომადგენლები შეუშვეს სააქტო დარბაზში გამაგრებულებთან.

პრესკონფერენცია ჩავატარეთ.

ცეცხლოვანი სიტყვები “გვტყორცნეს“ პარტიების ბელადებმა და წავიდნენ.

ჩვენი პატრონი არავინაა.

უნივერსიტეტში 500-მდე პოლიციელია.

პროფესორებს შენობაში აღარ გვიშვებენ.

შემოიღეს რალაც „მწვანე საშვი“, იმ საშვით შედიან მხოლოდ ხუბუას ერთგული თანამშრომლები.

მივედი კარებთან.

გამოცდა მაქვს და შემიშვით, 45 წელია ამ შენობაში ვმუშაობ-მეთქი.

ძალიან დიდხანს გიმუშავიაო, დამცინა კადრების განყოფილების ახალმა გამგემ.

ახლა უკვე აღარ მუშაობ და ველარ შეგიშვებთო.

12 ივლისს რექტორმა (გ. ხუბუა) მიხმო: ბატონო რეზო, პროგრამაზე მუშაობა უნდა შემოგთავაზოთო. კი მაგრამ, მოხსენი ყველა თანამშრომელი და ვის შევუდგინოთ პროგრამა-მექთი. ესაო, დროებითიაო, ახალი წესით, კონკურსამდე ყველა უნდა გათავისუფლდესო. ისინი ხომ ტექნიკური მუშაკები არიან-მეთქი. კონკურსი ყველამ უნად გაიაროსო. არ შეგიძლია? ასე გამომწვევად, ასე ხისტად არ ელაპარაკო, დიდ სამეცნიერო საბჭოს. იქნებ დასწრებოდი მის სხდომებს, მოგველაპარაკა, რალაცას შენც დათმობდი, ჩვენც და საქმეს (ანუ უნივერსიტეტს) ეშველებოდა-მეთქი. როგორ შემიძლია არალეგიტიმურ საბჭოსთან ვითანამშრომლოო. უკვე გასაგებია, რისთვისაც მოგიყვანეს უნივერსიტეტში, ჩემგან იოტისოდენა თანაგრძობის იმედიც ნუ გექნება-მეთქი. ვწყვეტ შენთან ყოველგვარ კავშირს და მეორედ არ გაბედო ჩემი „გამოდახება“-მეთქი.

მეგობრების და კათედრის წევრების რჩევით შევიტანე საბუთები საკონკურსო კომისიაში ე.წ. სრული პროფესორის თანამდებობის დასაკავებლად.

ამის შესახებ გაზ. “ასავალ-დასავალისთვის“ მიცემულ ინტერვიუში გან-  
ვაცხადე, – რა თქმა უნდა, კონკურსი არასამართლიანად მიმაჩნია, მხარს არ  
ვუჭერ, მაგრამ საკონკურსოდ საბუთები იმიტომ წარვადგინე, რომ საქარ-  
თველოს ვუჩვენო იმ ხელისუფლების უსინდისობა. მე რომელსაც მთელს უნი-  
ვერსიტეტში გამოქვეყნებული შრომების, ასპირანტების რაოდენობით კოჭე-  
ბამდეც ვერავინ მომწვდება, დარწმუნებული ვარ, “გამაშავებენ“, რადგანაც  
გადაწყვეტილებას მიიღებენ მხოლოდ პოლიტიკურს-მეთქი.

26 ივლისს გამოცხადდა კონკურსის შედეგები. ჩემი კათედრის 27  
წევრიდან დატოვეს მხოლოდ 3. თანაც სამივე ყველაზე უნიჭო და უპერ-  
სპექტივო, ოღონდ ამ ხელისუფლების მხარდამჭერნი. მე, რასაკვირველია,  
„ქულები არ მიყო“.

არ დარჩენილა მეცნიერ-ფილოლოგი, რომ არ დაერეკოს.

ზოგი მეუბნება: „ნაძირალა ზურა კიკნაძისგან სხვას რას მოელოდი.  
ზოგი მარწმუნებს, შენზე ლომიამ პირადად დაავალა ბელა ნიფურისა, რა-  
დაც უნდა დაგიჯდეს, არ მოხდეს, რომ რევაზ მიშველაძე უნივერსიტეტში  
დარჩესო.“

ასე და ამგვარად, 2006 წლის 26 ივლისიდან აღარ ვარ უნივერსიტეტის  
თანამშრომელი.

45 წელი მოვათიე უნივერსიტეტში.

ბოლოს უბოდიშოდ, უსაბუთოდ გამოვგრეკეს, მარტო მე კი არა, თითქ-  
მის (3-4 შტრებიხერის გარდა) მთელი დიდი სამეცნიერო საბჭო.

“ვის შევივლო, რუსთაველი მკვდარი“.

15 აგვისტოს დამირეკა დეკანის მოვალეობის შემსრულებელმა ვინმე  
ჩიქოვანმა: ბატონო რეზო, დამატებით კონკურსს ვაცხადებთ (რამდენიმე  
ვაკანსია დარჩა) და ხომ არ მიიღებთ მონაწილეობასო.

ერთხელ ხომ “გამაშავეთ“ და მეორეჯერ ჩემი “გაშავების“ სიამოვნებას  
ვერ მოგანიჭებთ-მეთქი.

ისე მაინტერესებს რა კრიტერიუმებით ხელმძღვანელობდით – თუ ქუ-  
ლებს ობიექტურად დათვლიდით ხინთიბიძე და გორდეზიანი ჩემს ნახევარ  
ქულასაც ვერ მოაგროვებდნენ, ნუთუ ჩემი დანაშაული ის არის, რომ მათ  
უყვართ სააკაშვილი, მე კი არ მიყვარს-მეთქი.

თქვენი გადასაწყვეტია, მე კი მოვალე ვარ გორჩიოთო, ჩიქოვანმა.

გარეწრები, რომლებმაც უნივერსიტეტი დაამხვეს „ობიექტურობას“  
მეთამაშებიან.

რასაკვირველია, არ ვითანამშრომლებ მათთან.

ხვალ 1 სექტემბერია.

პირველად პირველ სექტემბერს არ ვიქნები ჩემს მშობლიურ უნივერ-  
სიტეტში.

გულდაწყვეტილი იმის გამო როდი ვარ, რომ საქართველოს გამყიდ-  
ველმა ხელისუფლებამ, ქვეყნის დაუძინებელმა მტრებმა ჩვენ, უნივერსიტე-  
ტის ამაგდარი პროფესორები ქუჩაში გამოვგრეკა; გული იმაზე მწყდება,  
რომ არც ერთი სტუდენტი არ დაგვიდგა გვერდითი და ჩვენს მიმართ თანა-  
გრძნობა არ გამოხატა.

არ მიყვარს ასეთი სტუდენტობა, აღარ მინდა ასეთი საქართველო.

1.IX-11.XI 2006 წ.

პირველ სექტემბერს გარდაიცვალა ჩემი სიძე – ლადო მრეღავშილი. ძალიან მენყინა. ლადო დიდი მწერალი იყო. იგი ცხოვრებაში და შემოქმედებაში ზოგიერთივით არ დაბნეულა, ყოველთვის ეროვნულ პოზიციაზე იდგა.

ამ ბოლო დროს თავისი რობაიებით მამაცურად გამოხატა თავისი დამოკიდებულება საქართველოს გამყიდველი ხელისუფლების მიმართ.

ჩემთვის უმძიმესი ტვირთი ისაა, რომ მე მომიწია ლადოს ნეკროლოგის დაწერა და მის ქელეხზე თამაძობა.

გუშინ პანაშვიდზე მაყვალა გონაშვილმა მითხრა, რომ რუსთაველის პრემიების კომიტეტი გაუუქმებია ამ ხელისუფლებას. კულტურის უმნიფარ მინისტრს გოკა გაბაშვილს უთქვამს უახლოეს ათ წელიწადში ვერავის ვხედავ ისეთს, რომ რუსთაველის პრემიის ღირსი იყოსო. მაშ ასე, კიდევ ერთი ეროვნული წისქვილი გააუქმეს. არ გამიკვირდება, თუ ჩვენ რუსთაველის პრემიის ლაურეატებს ამ ტიტულს ჩამოგვართმევენ.

ლადოს დაკრძალვაზე ბევრი ნაცნობ-მეგობარი მოვიდა.

სამგლოვიარო მიტინგი მაყვალამ გახსნა. სიყტვები ვთქვით მე, ჯანსუღ ჩარკვიანიმა, ვაჟა ოთარაშვილმა, მერაბ ელიოზიშვილმა, შოთა ხოდაშენილმა, ბერდია ნანობაშვილმა, დავით ტაკიძემ...

დავკრძალეთ 5 სექტემბერს ვერის სასაფლაოზე.

გერმანიიდან ჩემი ნოველების საარბრიუკნეში გამოცემული წიგნი მივიღე, თარგმნა ჰაინც ფენრიხმა, კარგი გამოცემაა.

ოქტომბრის პირველ დეკადაში თბილისში ჩავატარეთ სომხური პოეზიის დღეები.

ჯერ მწერალთა სასახლეში გავმართეთ სომხური პოეზიის დიდი საღამო, მერე სტუმრები გვყავდა კახეთში, ქუთაისში და ბათუმში. სომეხი პოეტები კითხულობდნენ სომეხ-ქართველთა მრავალსაუკუნოვან ძმობაზე, სომხეთის მწერალთა კავშირის თავმჯდომარემ ლევონ ანანიანიმა რამდენჯერმე წაიკითხა ჩემდამი მოძღვნილი ლექსი, რომელიც შესანიშნავად თარგმნა მაყვალა გონაშვილმა და დაიბეჭდა “მწერლის გაზეთში”.

სომხები რომ გავაცივლეთ, მაყვალას ვუთხარი; მე მგონი არანაკლები სიტბო და სიყვარულთი ვუმასპინძლეთ სომხებს, მაგრამ თუ ატყობ, მაყვალა ხელისუფლების მიერ ტელესტუდიებისთვის მიცემულმა დირექტივამ აქაც გვიწია. არცერთმა არხმა ინფორმაციაც კი არ მისცა ამ საერთაშორისო მნიშვნელობის ღონისძიებაზე-მეთქი.

მეც მაგ საკითხზე ვფიქრობდით, მაყვალამ, არა და ხომ გახსოვთ, სომხეთში ყოფნის დროს ყოველდღე ტელევიზორში ვჩანდით, ხოლო თქვენი წიგნის პრეზენტაცია თავიდან ბოლომდე გადაიცაო.

გვეგონა, მოგვაშორა ხელისუფლებამ ავი თვალი, მაგრამ შევმცდარვართ: მაყვალას გააცნეს პარლამენტში შეტანილი კანონპროექტი იმის შესახებ, რომ შემოქმედებით კავშირებს ყოველგვარი საკუთრება უნდა ჩამოერთვას და კულტურის სამინისტროს გადაეცეს. გიგა ლორთქიფანიძემ მითხრა, ელდარ შენგელიას დასურეკე, ნუთუ მართლა ქუჩაში გაგვყრიან შემოქმედებით ინტელიგენციას-მეთქი და იცით რა მიპასუხა?

ნამდვილად ასე იქნება, ეგ უკვე გადანყვეტილი გვაქვსო.

კი მაგრამ რა კანონის ძალით-მეთქი, ვკითხე ელდარსო გიგამ.

მიპასუხა: რეველუცია კანონს არ ემორჩილებაო.

აი, რა დემოკრატია დაამკვიდრა ვარდების რეველუციამ.

არ უნდათ არა, არავითარი ეროვნული უწყება არ უნდათ.

უნივერსიტეტი სამუდამოდ დასამარდა.

შეკვეცილ-კასტრირებულ მეხუთედუნივერსიტეტში უნიჭო ახალგაზრდები გააჯეჯილეს.

დამატებით კონკურსში ხუბუხას და ჩიქოვანის თხოვნით მქონდა საბუთში შეტანილი, რათა ლომიას გარეწრობაში საბოლოოდ დავრწმუნებულიყავი.

27 ოქტომბერს მიბარებს ბელა ნიფურია (მინისტრის მოადგილე) და მეუბნება, ბატონო რეზო, გთხოვთ დათანხმდეთ ხელშეკრულებაზეო.

მაგრამ მე ხომ კონკურსში ვმონაწილეობ, იქნებ სრულ პროფესორად გავდივარ-მეთქი, არაო სათქმელად არ გეუბნებით, მაგრამ სრული პროფესორის მხოლოდ ერთი ადგილი გვაქვს და ზურაბ კიკნაძე უნდა გავიყვანოთო.

თუ ასეა, რატომ დამიძახა და რატომ მთხოვა გ. ხუბუამ კონკურსში მონაწილეობის მიღება-მეთქი. რაა, რატომ მეთამაშებით კონკურსობანას. შენ ხომ იცი, ბელა, რომ 200 ქულით ვუსწრებ უნიჭო ზურაბ კიკნაძეს-მეთქი.

კიო, ნამდვილად ეგრეაო, მაგრამ ლომია პირადად ვერ გიტანთ და ხელშეკრულებაზეც ძლივს დავითანხმეთო. საერთოდ აპირებდა თქვენს გაძევებას უნივერსიტეტიდანო. გამოტანა საბუთების უხერხულია, თუ ვერ გავიმარჯვე, მაშინ დამიდევით ხელშეკრულება-მეთქი.

როგორც გენებოთო, ცივად მითხრა.

5 ნოემბერს გია ხუბუა მირეკავს. კვირაა.

ბატონო რეზო, ჩემი რჩევაა ხვალვე დაუყოვნებლივ გაიტანოთ თქვენი საბუთები საკონკურსო კომისიიდან, თორემ მერე ნულარაფერში დამემდურებითო.

რატომ-მეთქი? ასეა საჭირო. ტელეფონში მეტს ვერაფერს გეტყვით, ახლა გერმანიაში მივფრინავ და რომ ჩამოვალ ხელშეკრულებას გავიფორმებთო.

გაოგნებული დავრჩი.

როგორ გაბედა ხუბუამ ასე პირდაპირ ეთქვა ის, რაც მითხრა.

ეს ხომ იმას ნიშნავს, რომ არავითარი კონკურსი არ არსებობს. დანახეს, რა, რომ ზ. კიკნაძეზე ბევრად მეტი ქულა გამოდიოდა, ასეთ ვერაგობას მიმართეს. ეს ხომ პირდაპირი ძალადობაა.

რა მექნა? ავდექი და მეორე დღესვე 6 ნოემბერს მივუტანე განცხადება ჰუმანიტარული ფაკულტეტის დეკანს დარეჯან თვალთვაძეს:

„გთხოვთ მიიღოთ ცნობად, რომ ახალგაზრდობის სასარგებლოდ ჩემი ნებით ვწყვეტ საუნივერსიტეტო დამატებით კონკურსში მონაწილეობას და ვთანხმდები უნივერსიტეტთან ხელშეკრულებით თანამშრომლობის შემოთავაზებულ წინადადებაზე-მეთქი“.

იოლი სამსახურია, ბატონო რეზო, ამას დღესვე გადავცემ საკონკურსო კომისიასო, მითხრა ქ-ნმა დარეჯანმა და ჩემს განცხადებას პატარა ყვითელი ქაღალდი მიანება სათანადო რეზოლუციით.

წამოვდი და ეს ამბავი უნივერსიტეტის კიბესთან შეხვედრილ ნოდარ ტაბიძეს ვუამბე.

ცნობილი ხელწერააო, ნოდარმა, მაგრამ ეს განცხადება არავითარ შემთხვევაში არ უნდა დაგვეწერა. შენი მონაცემებით ესენი ხაფანგში იყვნენ გაბმულნი თავგებოვნით. ზ. კიკნაძის გაყვანით იმიტომ არიან დაინტერესებულინი, რომ ზურაბმა დიდი სამსახური გაუწიათ. მისი ხელით მოხდა უნივერსიტეტის წმენდაო.

დღეს 11 ნოემბერია. ჩემი „კონტრაქტი“ ჯერ კიდევ ხელმოუწერელია. ლომიასა და ხუბუასაგან ახალ ვერაგობას ველი, შეიძლება რაკი კონკურსიდან მომიშორეს, კონტრაქტზეც უარი მითხრან.

ვერ გაბედავენო, სოსო სიგუა მეუბნება. ესენი რომ ვერ გაბედავენ ასეთი რამ არ არსებობს.

6 ნოემბერს მწერალთა კავშირში რამაზ პატარიძეს შევხვდით, ვრცლად ვილაპარაკე ამ ბრწყინვალე მეცნიერის დამსახურებაზე. საინტერესოდ ისაუბრეს მურმან ჯგუბურიამ, ავთო ჩხაიძემ, რენე კალანდიამ და სხვებმა, რამაზ პატარიძეც უსახსროდ დატოვეს.

## 12.XI – 30.XII 2006

17 ნოემბერს მწერალთა სასახლეში გალაკტიონის დაბადების 115 წლისთავის იუბილე აღვნიშნეთ.

მოხსენება მე გავაკეთე და სალამოს მე ვუწინამძღვრე.

გამოვიდინე: ფრიდონ ხალვაში, მურმან ჯგუბურია, ტაგუ მეზურიშვილი, დავით ტაკიძე, ბელა შალვაშვილი, ხათუნა ყორღანია, ბადრი ქუთათელაძე, გიზო ჭელიძე, შალვა საბაშვილი და სხვები.

ხელისუფლებამ, რასაკვირველია, გალაკტიონისთვის ვერ მოიცალა, ტელეარხებიდან მხოლოდ „იმედი“ მოვიდა.

ირაკლი ოქრუაშვილი გადადგა. სააკაშვილის რაზმს ერთი ღონიერი ბურჯი გამოეცალა. ჩანს, ირაკლიმ დაინახა ამ ხელისუფლების სრული უპერსპექტივობა და გაეცალა.

25 დეკემბერს ვალიკო მამუკელავშილს 80 წელი შეუსრულდა. საიუბილეო ბანკეტი გაუმართეს შვილებმა. 100-მდე სტუმარი ჰყავდა. ვითამადე. კარგი კაცია ვალიკო.

27 დეკემბერს ზაურ ბოლქვაძის წიგნის პრეზენტაცია იყო გამომცემლობა „ინტელექტში“. ზაურის „100 ლექსი“ გამოსცა ინტელექტმა ჩემი წინასიტყვიით. ზაური ჩემი უსაყვარლესი მეგობარი იყო. მისი სურათი ჩემს მაგიდაზე (მინის ქვემოთ) მაქვს და ყოველდღე დავხედავ ხოლმე. კაცური კაცობის, პატიოსნების, ნიჭიერების განსახიერება იყო ზაური. გიგი ხორნაულმა მომიტანა „ნიანგი“, რომელშიც ზაური 50 წელს მილოცავს (1990 წლის ნომერია). რა თბილი, რა გამამხნეველებელი ლექსი დაუწერია.

გამოვიდა წიგნი „ვინ, ვინ არის?“ ჩემი ბიოგრაფიული მონაცემები საკმაოდ ვრცლად შეუტანიათ.

ზაურ ბოლქვაძის წიგნის პრეზენტაციაზე გამოვედით მე, ჯანსულ ჩარკვიანი, ტარიელ ჭანტურია, როინ მეტრეველი, ვილენ მარდალეიშვილი, ანზორ ბურჯანაძე, დალი ფანჯიკიძე, ემზარ კვიციანიშვილი, კახმეგ კუდავა (გამომცემელი), მედეა ნონეშვილი, ნანა დარჩია (ზაურის მეუღლე) და ზაურის ქალიშვილი, სახელგანთქმული პიანისტი – ელისო.

20 დეკემბერს მწერალთა სასახლეში რეზო ინანიშვილის დაბადების 80 წლისთავის იუბილე გავმართეთ.



გამოვედით მაყვალა გონაშვილი, ოტია იოსელიანი, ჯანსუღ ჩარკვიანი, ფრიდონ ხალვაში, მე, ბელა შალვაშვილი და სხვები.

20 დეკემბერს გია ხუბუამ მონყალეზა მოილო და ხელშეკრულებაზე ხელი მომანერინა, ეს იმას ნიშნავს, რომ მცირე ძაფით კვლავ ვიქნები დაკავშირებული უნივერსიტეტთან. მან გამაფრთხილა: უმორჩილესად გთხოვთ, ეს ამბავი არავის უთხრა. ლომიას ყურამდე რომ მიმივდეს იმ წამსვე გამაგდებსო. პირადად გამაფრთხილა – მიშველაძე არ გააკარო უნივერსიტეტსო.

ასეთი ამბავი ხდება. უნივერსიტეტის დიდი საბჭოს 235 წევრიდან მხოლოდ 5 დატოვეს პროფესორად, 7-ოდე ხელშეკრულებით აგვიყვანეს, უნივერსიტეტში, სადაც 40 წელი ვიმუშავე, ვერავის ვცნობ, საპროფესოროში უცნობი ადამიანები სხედან, სხედან მკაცრი, გამტკნარებული სახეებით, თვითონვე გრძნობენ, რომ სხვის ადგილზე არიან მოყვანილნი („გოდრებით ჩამოდგმულნი“ კინალამ წამომცდა).

### 1.1. 2007 – 31.III. 07

სახალწლოდ სააკაშვილმა რიყეზე გააკეთებინა 2 ტონა საცივი, 23 მეტრი ხაჭაპური და 17 მეტრი გოზინაყი, დაპატიჟა (რა თქმა უნდა, წინასწარ შედგენილი სიით) რიყეზე „თბილისელები“.

ეს იყო სამარცხვინო სანახაობა, გათოშილი ხალხი გაუსაძლის ყინვაში ერთი ნაჭერი ხაჭაპურის რიგში იდგა დამცირებული, გათელილი. ცრემლები მომანვა ამ „სანახაობას“ ტელევიზორის ეკრანზე რომ შევცქეროდი.

ღმერთო, სანამდე მიიყვანეს ადამიანი...

მერე იყო გაუთავებელი “ბრაციბრუცი” თავისუფლების მოედანზე.

ხოლო მეორე დღეს გაძვირებული გაზი, შიმშილი, უპენსიობა, ქუჩაში გამოყრილი შრომისუნარიანი ხალხი და მაიმუნადქცეული მოქალაქენი“.

შენს კისერზე იყოს, ამერიკავ, ჩვენი ცოდვა.

1 იანვარს ჩემი დაბადების დღეზე (რატომ არ დაინვა) მენვივნენ დამები, სოსო სიგუა, მურმან თავიძეშვილი, ბორის დარჩია და ორი მეზობელი.

2 იანვარს გარდაიცვალა ჯუმბერ თითმერია. კრიტიკოსი და მთარგმნელი იყო. პატარა-პატარა ნკიპურტებსაც წერდა.

ჯერ მწერალთა კავშირის გაზეთ „ლიტერატურულ საქართველოში“ მუშაობდა. მერე უღალატა პროფესიონალურ მწერლობას, პოლიციასთან თანამშრომლობა დაიწყო და კარგა ხანს შინაგან საქმეთა სამინისტროს გაზეთს რედაქტორობდა.

ზვიად გამსახურდიას დაუძინებელი მტერი იყო.

5 იანვარს ჩემს შვილიშვილს მიოს 18 წელი შეუსრულდა. დაბადების დღე გადაეუხადე და ვუთამადე კიდევ.

შოი ნიჭიერი, ჭკვიანი, დამჯერე ბიჭია.

5 იანვარს უნივერსიტეტის მარიონეტულმა 12 წევრიანმა საბჭომ რექტორად ერთხმად აირჩია უალტერნატივო კანდიდატი, უნივერსიტეტის ყველა რექტორზე სამარცხვინო გია ხუბუა.

უნივერსიტეტში ხელშეკრულებით ვკითხულობ 2 საგანს – თანამედროვე ქართულ პროზას მაგისტრატებთან და მხატვრული ნაწარმოების შეფასების პრინციპებს. სადღაა ის უნივერსიტეტი მე რომ მიყვარდა და 40 წელი ვემსახურე. ყოველ ფეხის ნაბიჯზე დაცვის მუშაკები დგანან. რექტორის კაბინეტს



3 სამხედროფორმიანი, იარაღიანი ტუტუცი დარაჯობს. უნივერსიტეტში აღარ არის დისერტაციების დაცვა, გაუქმებულია ასპირანტურა. ჩემი ასპირანტები მიმოიფანტნენ. აღარავინ ითხოვს სამეცნიერო თემების შესრულებას, სხვა დროს ხომ მთელი 2 თვე ვანდომებდით სამეცნიერო შრომების კითხვას. აღარ ტარდება სტუდენტთა სამეცნიერო კონფერენციები. დეკანმა დარეჯან თვალთვაძემ სილაბუსი მომთხოვა, როგორც დამწყებ ლექტორს სთხოვენ, მივუტანე. წაიკითხა და ლექცია „ეროვნული საკითხი ქართულ პროზაში“ წამიშალა. არ გირჩევთ ამ საკითხის შეტანასო.

სიტყვა „ქართული“ და „ეროვნული“ არ უნდა ჭაჭანებდეს უნივერსიტეტში. ასეთი მითითება აქვს და რა ქნას დარეჯანმა.

მეზიზღება შესვლა უნივერსიტეტში, შევდივარ როგორც უცხო გარემოში, თითქმის არავინაა ნაცნობი, რომ მიესალმო. გარბი-გამორბიან უცხოეთიდან ჩამოყვანილი თითქმის ქართულის არმცოდნე „ლექტორები“. ეს უნივერსიტეტი არ არის, ეს კოლეჯია. სადღაა ეროვნული უნივერსიტეტი.

სამიოდე სტუდენტი ავანთე; მისწერეთ სააკაშვილს გაუქმებული კაბინეტები აღადგინოს-მეთქი. მისწერეს. მთელ ფაკულტეტზე მხოლოდ შვიდმა სტუდენტმა მოანერა ხელი. სააკაშვილისგან, როგორც მოველოდით, პასუხი არ ჩანს.

ხელისუფლებამ კიდევ ერთი საშინელება დაატეხა თავს ქვეყანას, გამოაცხადეს, რომ თითქმის ყველა საავადმყოფო პრივატიზაციას უნდა დაექვემდებაროს და უნდა გაიყიდოს.

სად უნდა იმუშაოს ამდენმა ექიმმა.

თბილისში დარჩება 2-3 საავადმყოფო, სადაც 1 დღე მკურნალობა 100 დოლარამდე ეღირება, ვინ გადაიხდის? ქურდი.

მოკლედ ავადმყოფობის უფლებასაც გვართმევენ.

პარლამენტს მიაღებინეს კანონი სახელმწიფო საჭიროებისთვის მოქალაქის პირადი ქონების ჩამორთმევის შესახებ.

ამ კანონით ხელგახსნილი ხელისუფლება იბარებს „საექვო პოლიტიკური ორიენტაციის“ მოქალაქეებს და სახლ-კარს უცერემონიოდ ართმევს.

რატომო, რომ ეკითხება მოქალაქე, პასუხობენ ამ ადგილას 30 წლის შემდეგ პარკი უნდა გაშენდესო.

არავითარი ანაზღაურება, „კომუნისტების დროს მიცემული ბინის ორდერები წაართვეს და ქუჩაში გამოყარეს ოპოზიციურად მოაზროვნენი, ჭაბუა ამირეჯიბი, ნინელი ჭანკვეტაძე, რამაზ იოსელიანი, ჯუმბერ ლეჟავა, ბუხუტი გურგენიძე, ზაზა კოლელიშვილი და სხვები...

ერთმა ფუნქციონერმა ტელევიზიით განაცხადა – ქუჩებისთვის სახელოვანი ადამიანების სახელის დარქმევა უნდა გაუქმდესო. რა საჭიროა თბილისში გიორგი ლეონიძის ქუჩაო. ნიუ-იორკში ავენიუებს მხოლოდ ნომრები აქვსო.

უნივერსიტეტის ნგრევის პოლიტიკამ ამ დღეებში კიდევ ორი „გაძვეებული“ პროფესორი შეიწირა – დევი კაჭარავა და ზაურ ნუღაია.

15 თებერვალს მარჯანიშვილის თეატრში ლადო ასათიანის 90 წლისთავის იუბილე გაიმართა. ეს იუბილე ჩვენ წამოვიწყეთ, იდეა ჩვენი იყო. მივწერეთ კულტურის სამინისტროს, რომ რომელიმე თეატრი დაექი-

რავებინა. ჩანს, კულტურის სამინისტრომ თავის თავზე აიღო ღონისძიების ორგანიზება. ჩვენ – მწერალთა კავშირი გაგვინაპირა და თვითონ ჩაატარა ულიმლამოზე ულიმლამო იუბილე, უნიჭო მსხაიობები კითხულობდნენ ლადოს ლექსებს. რა იქნებოდა საღამო, სადაც არც ერთი ნიჭიერი მწერალი არ გამოსულა და სიტყვები თქვეს – გურამ ბენაშვილმა, ზაზა აბზიანიძემ და იზა ორჯონიკიძემ. მე – ლადო ასათიანის ნათლულს და მწერალთა კავშირის თავმჯდომარეს – მაყვალა გონაშვილს სიტყვა არ მოგვცეს.

18 თებერვალს დავკრძალეთ მწერალი ზურაბ რცხილაძე – პატიოსანი კაცი.

21 თებერვალს მარჯანიშვილის თეატრში პანტომიმის თეატრმა ჩემი „ტერენტი გრანელი“ წარმოადგინა.

თეატრი სავესე იყო.

ბოლოს ნოდარ გურაბანიძე და ვასო კიკნაძე ამოვიდნენ კულისებში აღფრთოვანებულები. მოგვილოცეს მე და ამირან შალიკაშვილს.

სადღეისო სპექტაკლიაო, ვასომ, ტერენტის დროსაც ისევე ექცეოდნენ ხელოვნებას, როგორც დღეს ექცევიანო.

დღეს უარესიაო, ნოდარ გურაბანიძემ.

ათი დღეა ვზივარ და ვნერ ნიგნს „დოკუმენტური ნოველები“.

„დოკუმენტურობა“ თვით ცხოვრებამ მიკარნახა.

თანამედროვე მკითხველი დოკუმენტურ პროზას უფრო ეტანება, ვიდრე ფანტაზიით შექმნილს.

ჩვენი დრამატული ეპოქა კი ისე საინტერესოა, რომ ყოველ ფეხის ნაბიჯზე განვდის საინტერესო სიუჟეტებს.

ენახოთ, რა გამოვა.

ნიგნში ზოგ ადრეგამოქვეყნებულ დოკუმენტურ ნოველასაც შევიტან.

18 მარტს შოთა ნიშნიანიძის საფლავთან შევიკრიბეთ პოეტის მეგობრები და ოჯახი სწევრები.

ვუამბე, როგორ აფულეთ ნიღაბი დასაფლავებულ შოთა ნიშნიანიძეს.

შოთა ძალიან მაკლია.

22 მარტს ამირან შალიკაშვილის დაბადების დღე აღვნიშნეთ მის ნახევრადდანგრეულ, მაგრამ უაღრესად ცოცხალ და საინტერესო თეატრში.

შემომჩივლა ამირანმა, დავინყე რეპეტიციები შენი “წმინდა გიორგის” მაგრამ უსახსრობის გამო ვეღარ ვაგრძელებ დადგმას. დაფინანსება გამინახვევრეს. მსახიობებს ხელფასსაც ვეღარ ვაძლევო.

უნდა მივიღე მერიამი, იქნებ გადავარჩინო თეატრი.

17 მარტს გალაკტიონის მუზეუმში ჩავატარე სამეცნიერო სესია.

მოსხენებები წავიკითხეთ: ნოდარ ტაბიძემ, ვახტანგ ჯავახიძემ, მე, ლია სტურუამ და ლადო მინაშვილმა.

მწერალთა კავშირში მირზა გელოვანის დაბადების 90 წლისთავის იუბილე აღვნიშნეთ. სხდომას მე ვუძღვებოდი.

29 მარტს ვახტანგ გოგუაძემ დამირეკა. ხვალ ნიგნის მოყვარულთა საზოგადოებაში ჩემი ნიგნის „სტალინი – სამინელი სამსჯავრო“ პრეზენტაციაა და თუ მოხვალ ძალიან გამეხარდებაო.

მივედი და კარგი სიტყვაც ვუთხარი.

ვახტანგი ნიჭიერი კაცია.

გამოვიდა „მწერლის გაზეთი“, რომელშიც დაბეჭდილია ჩემი „ღია წერილი ვლადიმერ პუტინს“.

იქვეა ჩემი მეორე წერილი „ეროვნული შერიგება – უმთავრესი პრობლემა“.

შერიგების, ჰუმანურობის, ობიექტურობის მომხრე ვიყავი ყოველთვის და ახლაც ამას ვქადაგებ.

ჩემი დევიზია კარგზე კარგი ვთქვა, ცუდზე – ცუდი.

რადიკალიზმის (ასე რომ ბოგინობს ჩვენში) მომხრე არა ვარ.

#### 1.IV.07 – 29.V.07

1 აპრილს მთანმინდაზე მერაბ კოსტავას და ქაქუცა ჩოლოყაშვილის გვერდით დაკრძალეს ზვიად გამსახურდია.

დიდი ბატალიები უძღოდა ამ მოვლენას.

ჯერ იყო და საფლავი ვერ იპოვეს. რუსეთ-ჩეჩნეთის ომის დროს იავარქმნილიაო, გამოაცხადეს – მოგვიანებით დედამისის დაცვის ყოფილმა წევრმა აღნიშნა – ომი რომ დაიწყო, ჯოხარის განკარგულებით სხვა ადგილზე გადავასვენეთ და ის ადგილი მარტო მე ვიცო.

დაიწყეს გათხრა.

პრეზიდენტის ცხედარი იქედანაც გადასვენებული აღმოჩნდა.

ბოლოს შემთხვევით ნააწყდნენ ერთი დანგრეული შენობის კედელთან უპატრონო, საიდუმლო საფლავს.

ზვიადის ბიჭმა ცოტნემ საათზე იცნო მიცვალებული.

ნეშთი საბოლოოდ ამოსაცნობად როსტოვში წაიღეს. ორ კვირაში საექსპერტო კომისიამ დაადასტურა, რომ ცხედარი ნამდვილად ზვიად გამსახურდიასი იყო.

28 მარტს ჩამოასვენეს საქართველოში, ორი დღე კოლხურ კოშკში იყო პანაშვიდი.

31-ში სვეტიცხოველში დაასვენეს.

1-ში კი თბილისში ჩამოასვენეს, ნახევარი საათი პარლამენტის წინ დაასვენეს, მერე – მთანმინდაზე.

14 წლის შემდეგ ზვიად გამსახურდია თავის ქვეყანას, მშობლიურ მიწას დაუბრუნდა.

მართალია, დაბრუნდა ცხედრად, მაგრამ ქართველი ერის შეკავშირების, მისი თავისუფალი სულის შემონმების თვალსაზრისით მკვდარმაც დიდი საქმე გააკეთა.

ზღვა ხალხი მოვიდა პანაშვიდებზე და დაკრძალვაზე.

„ახალი თაობისთვის“ მიცემულ ინტერვიუში ვთქვი, რომ დღევანდელი ხელისუფალნი ვერ ეღირსებიან ასეთ პატივს და დიდებას.

ეს უზარმაზარი პროცესია არა მარტო ზვიადს დასტირის, იგი პროტესტიცაა დათრგუნვილი დემოკრატიის, ძალადობის, ეროვნული ცნობიერების ჩანჩხლის წინააღმდეგ.

ეს სამგლოვიარო პროცესია კი არა, ეროვნული დემონსტრაცია იყო.

მგლოვიარე საქართველო ამ დღეს აფრიალებდა მხოლოდ დამოუკიდებელი საქართველოს ულამაზეს შინდისფერ-თეთრ-შავ დროშას.

გადავხვებო ვიადის ბიჭებს... ამ დღემ, მე მგონი, შეარიგა კოკო და მანანა.

დაკრძალვის ორგანიზებაში თავი გამოიჩინა კეთილმონყობის სამსახურის უფროსმა კობა სუბელიანმა.

მევედი და მადლობა მოვასხენე – ყოჩაღ, კარგი ბიჭი ყოფილხარ-მეთქი. ნაწიკითხე ჩემი ახალი წიგნის კორექტურა.

მე მგონი აპრილში გამოვცემ, 16 აპრილს მწერალთა სასახლეში გაზ. „ლიტერატურული მესხეთის“ მე-100 ნომრის აღსანიშნავი შეხვედრა გავმართეთ.

კარგი საქმე გაკეთდა ამ მრავალტანჯულ კუთხეში სამწერლო გაზეთის გამოცემით.

17 აპრილს დავით მჭედლოურს 60 შეუსრულდებოდა.

მწერალთა კავშირში საიუბილეო-მოსაგონარი საღამო გავუმართეთ.

დათო პატიოსანი, ნიჭიერი კაცი იყო. სამწუხაროდ, თვითმკვლელობით დაასრულა სიცოცხლე.

ვთქვი, რომ ჩემი შეხედულება თვითმკვლელობაზე, ქრისტიანულისგან რამდენადმე განსხვავებულია.

თვითმკვლელობა ყოველთვის ცოდვად არ უნდა ჩაითვალოს.

კაცმა არ იცის ადამიანს როდის რა განცდა დაეუფლება და რას გადანყვეტს.

ამ დღეებში თავი მოიკლა პოეტმა ტაგუ მებურიშვილმა.

ყველას დაგვწყვიტა გული ტაგუმ.

ერთ წელიწადში ეს მესამე თვითმკვლელობაა – დ. მჭედლოური, გიორგი სანადირაძე, ტაგუ მებურიშვილი, განა ეს შემთხვევითია?

არ უნდა ლაპარაკი თვითმკვლელობები გაგვიმრავლდა გაუსაძლისი ყოფის გამო.

ხელისუფლება ყოველ ფეხის ნაბიჯზე ავინროვებს, ზიზლს უცხადებს ხელოვანთ, მწერლებს, მსახიობებს.

19 აპრილს მწერალთა კავშირში ვახტანგ ჭელიძის დაბადების 90 წლისთავის საიუბილეო საღამო გავმართეთ.

ვახტანგი ჭემშარიტი ინტელიგენტი, პატრიოტი, პროფესიონალი ლიტერატორი იყო.

ვრცელი შესავალი სიტყვა ვთქვი. გამოვიდნენ გურამ დოჩანაშვილი, ნუგზარ შატაიძე და სხვები.

25 აპრილს მე და მაცვალა ქუთაისში ჩავედით და თეიმურაზ ლანჩავას 60 წლისთავის იუბილეს დავესწარით.

თეიმურაზი ნიჭიერი, მწერლებზე მზრუნველი, საქმიანი ბიჭია, გამეხარდა, რომ განსხვავებით ხელისუფლების ოფიციალური გზისგან და სხვა გუბერნატორებისგან ქუთაისის გუბერნატორმა კაკო ბობოხიძემ ეროვნული პოზიცია დაიჭირა. მხარი დაუჭირა მწერლის იუბილეს.

29 აპრილს თენგიზ სვანიძის სამოცდაათი წლისთავი აღვნიშნეთ მწერალთა კავშირში.

31 აპრილს ლეგენდარული შალვა მჭედლიშვილის ოთხმოცდახუთი წლისთავის საიუბილეო საღამო გვექონდა.

ოცი წლის იყო შალვა დისიდენტური ლექსისთვის რომ დაიჭირეს და 15 წელი ციმბირის გულაგებში “იხდიდა სასჯელს”.

3 მაისს ანზორ აბულაშვილს შეუსრულდა 75, ანზორს მისი მართალი პოეზიისთვის (განსაკუთრებით „მახარობელი“ - „წუხელის ბიჭი დაბადებულა“...) დიდ პატივს ვცემ.

გავუძეხი ამ იუბილესაც.

ამასწინათ ზურაბ მამულაშვილის შემოქმედი სალამოც გავმართეთ.

15 მაისს მშვენიერი შემოქმედებითი სალამო გავუმართეთ ვაჟა ეგრისელს.

ვაჟა, ცოტა არ იყოს, განდიდების მანიითაა შეპყრობილი (ვინ არ არის...), მაგრამ ნიჭიერი პოეტი და მხარს ვუჭერ.

20 მაისს თავზარდამცემი ამბავი მოხდა: თბილისში მელიქიშვილის ქუჩაზე, სალამოს 8 საათზე მუხანათურად, მხეცურად მოკლეს გურამ შარაძე.

„მკვლელი“ მაშინვე დაიჭირა ჩვენმა „ჩაუქმა პოლიციამ“.

იგი აღმოჩნდა ვინმე გიორგი ბარათელი, გურამის ვაჟის გიორგის ყოფილი მეგობარი, რომელიც ბოლო 7 წლის მანძილზე უბრად იყო შარაძეების ოჯახთან.

ახლა გამოძიება ცდილობს საუკუნის მკვლელობა (გურამი ჭეშმარიტი მამულიშვილი და ეროვნული მოღვაწე იყო) ყოფით კინკლაობას დაუკავშიროს.

დღისით, მზისით, შუა ქუჩაზე კაცს მხოლოდ ის მკვლეელი მოჰკლავს, რომელსაც „დაჭერის“ (ამ სიტყვის საბოლოო მნიშვნელობით) არ ეშინია.

მოაბეზრა თავი, როგორც ჩანს თავისი ცოტნეიდური გაბედულებით გურამმა ხელისუფლებას და იგი განირეს.

გურამი ჩემი თანაკურსელი, მეგობარი და თანამებრძოლი იყო.

ჩვენ ერთად დავაარსეთ მოძრაობა „ენა, მამული, სარწმუნოება“ ამ 15 წლის წინათ.

მართალია ხანდახან შევკამათებოდით ცხარედაც, მაგრამ ორიოდე თვეში ისევ შევრიგდებოდით.

საერთო მიზანი, საერთო საბრძოლო ამოცანა გვარიგებდა.

ბოლოს იმაზე წავლაპარაკდით; რა გინდა გიორგაძის დაფინანსებულ პარტიაში გურამ, მთელი ცხოვრება რუსეთის წინააღმდეგ ვიბრძოდით და ნუთუ ჩვენი ცხოვრების აზრზე (ილიას გზა – რუსეთისგან საქართველოს გამოხსნა...) უარი თქვი-მეთქი, გაცინა. იმდენად მძულან ესენი, რომ ამათ დასამზობად რუსს კი არა, ეშმაკსაც შევეკვრებოი, იხუმრა.

მერე სერიოზულად მითხრა, დიდი იმედი მქონდა ამერიკის, მაგრამ ხომ ხედავ, ვერ გვპატრონობსო.

ამ საუბრიდან ერთი კვირის თავზე შინ მომიტანა მშვენივრად გამოცემული სურათებიანი ალბომის – „აკაკი წერეთელი“ – მესამე ტომი.

დიდხანს ვისაუბრეთ, ცოტა დავლიეთ. ეს იყო მისი ბოლო სტუმრობა ჩემს ოჯახში. 12 თუ 13 მაისს გახლდათ.

20-ში მოკლეს.

21 მაისს „იმედის“ არხით (ეკა ხოფერია) გამოვედით, ვერის სასაფლაოზე დავკრძალეთ.

დაკრძალვაზე არც ისე ბევრი მოქალაქე ჩანდა.

ვერ მოვკარი თვალი ხელისუფლების წარმომადგენლებს და თქვენ წარმოიდგინეთ არც ჩვენი „სახელოვანი“, 9 გვამში გამოვლილი, ინტელიგენციის წარმომადგენლები ჩანდნენ.

შეეშინდათ, ალბათ 28 მაისს 4-6 საათზე თავის კაბინეტში მხეცურად დაახრჩვეს (სკოჩებით შეკრეს და თავზე ცელოფანი ჩამოამხვეს, გაგუდეს) ზვიად ცეცხლაძე.

პარლამენტში ერთად ვიყავით.

მართლაც უანგარო, ყველასთვის ხელის გამამრთავი და შემწე, უალრესად გულისხმიერი კაცი იყო ზვიადი.

ვის რა დაუშავა?

რასაკვირველია, ეს მკვლელობაც გაუხსნელი დარჩება.

ასე ჩამოყალიბდა საქართველო განგსტერების საპარაპაშო ქვეყანად.

დამშეული ხალხი აქეთ-იქით აწყდება.

15-16 წლის ბავშვები ერთმანეთს ხოცავენ.

ყოველდღე კვდება თანატოლის ხელით 1-2 მოზარდი.

პომპეზური ზეიმებით და შადრევნებით ცდილობენ ამოავსონ თანამედროვე ქართველის სულის სიცარიელე და უსაბუთო დაპირებებით დაათრონ – გაართონ, როგორმე მორიგ არჩევნებამდე.

გამოვიდა ჩემი „დოკუმენტური ნოველები“, ალარაფერი მიხარია.

30.V. 2007-2.VIII.2007 წ.

2 ივნისს დაეკრძალეთ ზვიად ცეცხლაძე საბურთალოს სასაფლაოზე.

პოლიციამ გამოაცხადა, რომ მკვლელები დააპატიმრეს.

ზვიადის მკვლელი „აღმოჩნდა“ 17-18 წლის ახალგაზრდებისგან შემდგარი ბანდა. ნარკომანები ძირითადად. სულ 6 ნაძირალა დაასახელეს. 5 დაიჭირეს. 1 გაექცათ.

ფულის გამოძალვის მიზნით „სკოჩებით“ შეეკარითო. მერე გაგვახსენდა, რომ ასთმა ჰქონდა და ხელში შემოგვაკვდაო.

მართლა ასე იყო?

ვინ იცის.

1907 წლის 30 აგვისტოს წინამართან მუხანათურად მოკლეს ილია ჭავჭავაძე.

წელს ილიას დაბადებიდან 170 წელი და გარდაცვალებიდან 100 წელი სრულდება.

ეს წელი ილიას წელია.

მწერალთა კავშირმა ადრიდანვე დაიჭირა თადარიგი.

ბონდო კობაძემ რის ვაივავლაზხით, ჩამომათხოვრებული ფულით დააბეჭდვინა აფიშები და ბუკლეტები...

მოსაწვევი ბარათი გვაუწყებს, რომ 7 ივნისს წინამართან 5 საათზე ობელისკს ყვავილებით შევამკობთ და სამგლოვიარო მიტინგს გავმართავთ, 6:30 საათზე წმიდა ილია მართლის სახელობის ეკლესიაში ილიას სულის მოსახსენიებელი პანაშვიდი გაიმართება, 7 საათზე ილიას სახლ-მუზეუმთან ხალხმრავალი მიტინგი. 8 ივნისს 5 საათზე მთაწმინდაზე ილიას საფლავს მოვინახულებთ, ხოლო 9 ივნისს ყვარლისკენ გავემგზავრებით.



7 ენისს ორი ავტობუსით გავემგზავრეთ საგურამოსკენ.

წინამურთან კაციშვილი არ ჭაჭანებს.

ამ ორი ავტობუსის მგზავრებმა საკმაო ლოდინის შემდეგ წინამურთან სამგლოვიარო მიტინგი გაემართეთ.

გამოვიდნენ: რევაზ მიშველაძე, რევაზ ჩხეიძე, როინ მეტრეველი, ბადრი ქუთათელაძე...

მერე წავედით საგურამოს სახლ-მუზეუმისკენ.

წვიმს.

ილიას სახლ-მუზეუმი დაკეტილია.

გაძლიერებული დაცვა დგას კარებთან.

რა ხდება-მეთქი ვეკითხები დაცვის უფროსს.

კითხვა შემომიბრუნა.

როგორ? თქვენ არ იცით, რომ დღეს ილიას საიუბილეო დღეები დაიწყო. ყველგან აფიშებია გამოკრული-მეთქი.

ვინ ატარებსო, მეკითხება.

მწერალთა კაშვირი, მეცნიერებათა აკადემია, თბილისის სახელმწიფო უნივერსიტეტი, ფონდი „მამულიშვილთა გახსენება“ და საერთოდ, მთელი საქართველო-მეთქი.

ჩვენ არაფერი ვიცითო, იცრუა.

ყველამ კარგად იცოდა, მცხეთის ხელმძღვანელებს სათითაოდ დავურეკეთ.

რეზო ჩხეიძემ, ფრიდონ თოდუამ (აკადემიის ვიცე-პრეზიდენტმა) და მე-მეთქი ცხრაჯერ გავუმეორე.

ჩვენაო, ნაბრძანები გვაქვს მუზეუმის ეზოში არავინ შევუშვათ და არავითარი საიუბილეო მიტინგი არ ჩავატარებინოთო.

აი, თურმე რატომ დაიძალნენ გუბერნატორი (ვასიკო მალაფერიძე, ვიცე-გუბერნატორი (შადიმან შამანაძე), მცხეთის გამგებელი (ვახტანგ ყიფშიძე) და სხვანი მრავალნი...

ჩვენ ვაიძულეთ და სახლ-მუზეუმის ეზოში ილია ჭავჭავაძის დაბადების 170 წლისთავისადმი მიძღვნილი მიტინგი მაინც ჩავატარეთ.

ჩავატარეთ პოლიციელთა გარემოცვაში, ჩავატარეთ სევდიანად. დამცირებულებმა, შეურაცხყოფილებმა...

არ გვახლდა ტელევიზია.

არავინ ჩანდა ე.წ. „ოფიციალურ პირთაგან“. მიუხედავად იმისა, რომ ყველა მინისტრს და თვით სააკაშვილ-ნოღაიდელ-ბურჯანაძესაც გაეგზავნა მოსაწვევი ბარათები.

საოცარი ამბავია: თითქოსდა ორი საქართველო არსებობს.

ერთს უნდა ეროვნული თარიღები აღნიშნოს. ქართული სული გააძლიეროს... მეორეს სურს არ ახსენოს ეროვნული ნიშანსვეტები, არ გაიხსენოს, რომ ქართველია...

მეორე მხარეს საქართველოს დღევანდელი ხელისუფლება წარმოადგენს.

რა ძნელი მიხვედრა უნდოდა, სწორედ თბილისიდან მიცემული ზარის გამო არ გაგვეკარა მცხეთის ხელმძღვანელობა. არ შეკრიბა ხალხი, დაგვიკეტა ილიას სახლის კარები ჩვენ – ქართველ მწერლებს და მეცნიერებს.



ილიას მაინც რას ერჩოდნენ?

სანამ შეიძლება ამის მოთმენა, ქართველო ხალხო?

„ასავალ-დასავალში“ გამოქვეყნდა გურამ შარადის ქალიშვილის რუსუდან შარადის წერილი „ბარათელს გურამი არ მოუკლავს“, ამტკიცებს რუსიკო სხვადასხვა წყაროებზე და თვითმხილველებზე დაყრდნობით. მას უნახავს „აღდაღის“ ჩანაწერი ფირი, რომელზეც აშკარად ჩანს, რომ გურამს უკან მიჰყვება და ესვრის მაღალი, თმიანი მამაკაცი, მერე კადრში შემოდის მეორე, ასევე თმიანი ათლეტი, რომელიც ნაქცეულ გურამს საკონტროლო ტყვიას დაახლის. ასე რომ, გურამის მოკვლის ოპერაციაში მონაწილეობდა მინიმუმ ორი კაცი. პოლიციის მიერ მკვლელად გამოცხადებული გიორგი ბარათელი კი დაბალია და მელოტი. იგი კადრებში ახლომახლოც კი არ ჩანს.

ახლა რაღას იტყვიან, თავს რით იმართლებენ გურამ შარადის ქვშმარიტი მკვლელები?

23-30-31 ივლისს ქართველ მწერალთა ერთი ჯგუფი აჭარას ეწვია.

ამ ლიტერატურული სტუმრობის მიზანი იყო აჭარაში შექმნილი სოციალ-პოლიტიკური ვითარების გაცნობა და მკითხველებთან შეხვედრა.

აჭარის მწერალთა ორგანიზაციის (თავმჯდომარე დავით თედორაძე) და ადგილობრივი ხელისუფლების ხელშეწყობით მწერლებმა ლამის მთელი აჭარა შემოიარეს.

გულახდილი დიალოგი გაიმართა ბათუმის, ხულოს, ქედის და შუახევის მცხოვრებლებთან.

ხანგრძლივი პაუზის შემდეგ როგორც იქნა ნავსი გატყდა და პოლიტიკური ბატალიებით დაღლილმა აჭარლებმა პირადად იხილეს თავიანთი სულის მესაიდუმლენი – მწერლები. უშუალოდ მათგან მოისმინეს კომპეტენტური აზრების შესახებ იმისა, თუ რა ხდება საქართველოში და საით მიაქანებს ისტორიული ვითარება რუსთაველის ქვეყანას.

მსმენელნი კმაყოფილებით აღნიშნავდნენ, რომ ამგვარი შეხვედრები საჭირო და დროულია, რომ ხელისუფლებას ხეირს როდი დააყრის მწერლობის სრულიად აუხსნელი იგნორირება, რაიც ამ ბოლო დროს აშკარად თვალშისაცემია.

ეს სტუმრობა იმედს გვაძლევს რომ მთავრობა გონს მოეგოს და როგორც ჩანს, დაისაჭიროვა მწერალი, როგორც ბრძენი მრჩეველი და ერის მებაირახტრე.

მწერალთა დელეგაციაში შედიოდნენ: მაყვალა გონაშვილი (თავმჯდომარე), რევაზ მიშველაძე, ვაჟა ოთარაშვილი, თეიმურაზ ლანჩავა, გენო კალანდია, ზაურ კალანდია, ჯანო ჯანელიძე, თემურ ამყოლაძე, ელგუჯა თავბერიძე, დავით ტაკიძე (შემოქმედელი), ავთანდილ ბერიძე, ჯემალ ინჯია და სომეხი პოეტი გაგიკ დავითიანი.

მასპინძელთა მხრიდან გამოირჩეოდნენ დავით თედორაძე, სანდრო ბერიძე, იური ბიბილეიშვილი, ვახტანგ ლლონტი, ფრიდონ ხალვაში, ჯემალ ჯაყელი, შოთა ზოიძე, რამაზ სურმანიძე, ამირან ხაბაზი, ანა დუნდუა, ვახტანგ ახვლედიანი, თეიმურაზ კომახიძე, ანზორ კულდა და სხვები.

შეხვედრებში აქტიურად მონაწილეობდა აჭარის უზენაესი საბჭოს თავმჯდომარე, საქართველოს მწერალთა კავშირის წევრი, პროფესორი მიხეილ მახარაძე.

ახალგაზრდა კინორეჟისორმა დავარ გიგინეიშვილმა ჩემი ნოველა „მახე“ მოკლემეტრაჟიან ფილმად გადაიღო და პრეზენტაციაზე სენაკში მიმინვია.

ფილმი ურიგო როდია, მაგრამ მსახიობები მოიკოჭლებენ.

2 აგვისტოს ასანა ნადირაძის ორმოცზე ვიყავი. ასანას გული გაუხსნდა იმის გამო, რომ უნივერსიტეტიდან გააგდეს.

ეს უკვე მე-17 პროფესორია კახა ლომაიას კისერზე. გული უსკდება უმიზეზოდ გაგდებულ პროფესურას.

ორმოცზე გურამ დოჩანაშვილი შემხვდა. შენი დოკუმენტური ნოველები ძალიან მომეწონა. „შოთა ნიშნიანიძის ნილაბმა“ ისე ამაფორიაქა, მთელი ღამე ვერ დავიძინეო.

3.VIII – 28.VIII. 2007

მიმართვა ქართველ მწერლებს

ბატონებო!

21 აგვისტოს, დილის 4 საათზე, საქართველოს ხელისუფლებამ მწერალთა კავშირი დაარბია.

გამთენიისას ნიღბიანი სპეცნაზელები შეიჭრნენ მწერალთა სასახლეში და გაუგონარი ცინიზმით იავარქმნეს მწერალთა თავშესაფარი.

ენით გამოუთქმელი უმაგალითო ამბავი მოხდა.

მსგავსი რამ ფაშისტებსაც არ მოსვლიათ აზრად.

ისტორიამ იცის მაგალითები, რომ სიმართლის თქმისთვის დაეტუსალებინოს ესა თუ ის მწერალი, დაეხვრიტოს კიდევ კენის სულის აღზევების ეპოქაში, მაგრამ ხელისუფლებას ერთბაშად ამოემანთოს 475 მწერლის ბუდე, მოეშალოს მათთვის ტრიბუნა და ამით მოესპოს, მწერლებისთვის თავშეყრის საშუალება, აეკრძალოს მათთვის საჯაროდ აზრის გამოთქმა, დედამიწაზე ჯერ არ მომხდარა.

აღსრულდა ის, რისიც ყველაზე მეტად გვეშინოდა, გალიზიანებულმა ხელისუფლებამ წაგვართვა ისტორიული სასახლე და ამით თავისი სახე გამოაჩინა.

ამ ვანდალური საქციელით ხელისუფლებამ საბოლოოდ დაამტკიცა, რომ საქართველოს სათავეში მოვიდნენ ჩვენი ეროვნულობის დაუძინებელი მტრები, მაგრამ თუ ფაშიზმი გერმანელთა ნაციონალურ ნიშნებს ასე თუ ისე პატივს სცემდნენ, ამ ხელისუფლებას ჩვენი ნაციონალური სახე არ დაენახვება და არც გაეგონება.

ქუჩაში მოისროლეს ილიას, აკაკის, ვაჟა-ფშაველას, გალაკტიონის წიგნები და პორტრეტები.

შეურაცხვეს კლასიკოსთა ხსოვნა და შენობიდან განდევნეს მათი წმინდა აჩრდილები.

რუსთაველის სახლი დაარბიეს, ბატონებო.

ნუ გაიხარებენ საქართველოს დაუძინებელი მტრები.

საქართველოს მწერალთა კავშირი არსებობას წამითაც არ შეწყვეტს და მეტი მონდომებით და გაბედულებით ეტყვის ქართველ ერს მისთვის ესოდენ აუცილებელ, გულისმოსაფხან სიტყვას.

მწერლებო!

ისტორიამ დიდი გამოცდა მოგვინყო.

ახლა ჩვენი ვალაია, მთელ მსოფლიოს გავაგებინოთ, რომ ის რაც საქართველოში ხდება, ხელისუფლების ფაფხურია ქართული ეროვნული ცნობიერების ამოსაშთანავად.

ეს საქართველოს მოსასპობად გადადგმული ყველაზე ამაზრზენი ნაბიჯია.

ამ სავალალო ფაქტზე საუკუნეები ილაპარაკებენ.

არ შევუწახოთ ნამუსი გარენრებს, დაუნდობლად ვამხილოთ ისინი ჩვენს ნაწერებში.

„უკვდავჰყოთ“ სისხლიანი ხელისუფლების წრეგადასული თავხედობა.

ჩვენ ვცოცხლობთ!

მრავალჭირგამოვლილ ქართულ მწერლობას, თავისუფალ ქართულ სიტყვას ასე იოლად ვერ მოერევიან.

საქართველოს მწერალთა კავშირი.

29.VIII. 2007 – 30.IX. 2007

ეს მიმართვა ცხელ გულზე დავწერე.

მწერალთა კავშირს ალყა შემოარტყეს სპეცრაზმელებმა და რაც იყო შენობაში, ქუჩაში გამოყარეს.

ასეთი რამ დედამიწაზე არ მომხდარა.

475 მწერალს ხელისუფლება ერთბაშად გაუსწორდა.

სიბრაზისგან პირი მიძრება.

დავურეკე პრეზიდენტის დედას, ქ-ნ გიული ალასანიას, ნუთუ შენი შვილის დასტურით ხდება ეს საშინელება-მეთქი.

არა მგონიაო. ალბათ, ვილაცხები ჩემს შვილს უწყობენ ასეთ სცენებს, რომ ქართველ ერს შეაძულონო.

ვყვირით, თმებს ვიგლეჯთ, მაგრამ გამკითხავი არავინ არის.

იცით თუ არა, რას ჩადიხართ, რას ერჩით ილიას, აკაკის, ვაჟას წიგნებს, ქუჩაში რატომ გამოაგდეთ გამსახურდიას სავარძელი, გალაკტიონის მოტიანილი კარადა-მეთქი... ვინ ხართ, სად გაიზარდე-მეთქი.

ჩვენ რაც გვიბრძანეს, იმას ვაკეთებთო, სპეცნაზელებმა.

ორი წუთით მაინც შემიშვით ჩემს კაბინეტში, გაზეთის მასალებს, წიგნებს, პირად ნივთებს მაინც გამოვიტან-მეთქი.

ხვალ დილითო, დიდუბის ნავაგსაყრელზე იპოვი ყველაფერსო, ცინიკურად მიპასუხეს.

დანა რომ დამისვა სისხლი არ გამომივა.

ამ ყაჩაღობისადმი ჩემი დამოკიდებულება სახელდახელოდ გამოვაქვეყნე „ასავალ-დასავალის“ ინტერვიუში.

საზოგადოება, მასმედია აღმფოთებულია.

ჩემს ბინაში ტელეფონის ზარი არ წყდება.

რას აპირებთო, მეკითხებიან მწერლები.

იქნებ სამიმშილოდ დავჯდეთო.

ამათ გულს ვერაფრით აუწუყებ და თავსაც ვერ შეატოვებ.

მეორედ მოსვლაა საქართველოს თავზე.

„ახალ თაობაში“ და „ქრონიკაში“ დაბეჭდილია ჩემი ინტერვიუები. სააკაშვილის ხელისუფლებას გამყიდველებად ვაცხადებ.

ყოველდღე დავდივარ და 3 საათი ვდგავარ მწერალთა კავშირის წინ მანაბლის ქუჩაზე.

ჯერჯერობით არც რემონტი დაუნყიათ და არც არავინ შეუსახლებიათ.

როგორც ნოდარ გრიგალაშვილმა მითხრა დიდი ბრძოლები მიდის კულტურის სამინისტროსა და ეკონომიკის სამინისტროებს შორის:

კულტურის სამინისტროს სურს ჩვენი სასახლე „მწერლის სახლად“ გამოაცხადოს და შიგ შეასახლოს თბილისში არსებული ხელისუფლების მომხრე ლიტერატურული გაერთიანებანი, ხოლო ეკონომიკის სამინისტროს სურს შენობა სარფიან ფასად გაყიდოს. როგორც ჩანსო, პრეზიდენტი ეკონომიკის სამინისტროს უჭერსო მხარს.

თუ ასეა, მთლად დაღუპულია ჩვენი საქმე.

გამოუშვი „მწერლის გაზეთის“ საგანგებო ნომერი.

ეს გაზეთი ისტორიას შემოუნახავს უტყუარ საბუთს იმის შესახებ, თუ რა მოხდა 2007 წლის 21 აგვისტოს.

2 სექტემბერს პოლიციელებს დიდხანს ვესაუბრე.

რას სჩადით-მეთქი, ბიჭებო, სად გაიზარდეთ, ნუთუ ჩემგან, რუსთაველის პრემიის ლაურეატ რევაზ მიშველაძისგან იცავთ მწერალთა სასახლეს-მეთქი?

არაო, ბატონო რეზო, შენ კარგად გიცნობთ და ძალიანაც გვიყვარხართო, იმ ღამით ჩვენ გვითხრეს, რომ ვილაცქევთ ძალით დაიკავეს მწერალთა კავშირის შენობა და უნდა გამოვიყვანოთო – ჩვენ გვითხრეს, რომ მწერალთა შენობაში ლტოლვილები არიან შეჭრილიო. ახლა ხომ ხვდებით, რა ცოდვა ჩაგადენინეს-მეთქი, ახლა ვხვდებით, მაგრამ უკვე გვიანიაო. ისე ჩვენიც უნდა გაიგოთო, ცრემლმომდგარმა პოლიციელმა მითხრა, ბრძანება რომ არ შევასრულოთ სამსახურს დავკარგავთ და ხომ იცით რა ძნელია დღეს სამსახურის შოვნაო.

შემეცოდა ბიჭები. მერე მთხოვეს, თუ შეიძლება, თქვენთან სურათის გადაღება გვინდაო. გადავიღეთ სურათი.

ორი საათის მერე ისევ მივაღექი პოლიციელებს. მივიტანე განცხადება: „ყურადღება

ამ ოთახში 2 თვე ცხოვრობდა აკაკი წერეთელი.

იგი მემორიალური, ისტორიული ოთახია და რემონტს არ ექვემდებარება.

გთხოვთ შთამომავლობისთვის დაიცვათ ამ ოთახში არსებული ისტორიული ნივთები“.

თუ შეიძლება ეს განცხადება ჩემს კაბინეტის კარზე გააკრათ-მეთქი. ცოტა შეყოყმანდნენ და ბოლოს დამთანხმდნენ.

მწერალთა კავშირი და „მწერლის გაზეთის“ რედაქცია კვლავ ქუჩაშია.

არავითარი იმედი ამ ხელისუფლებასთან მოლაპარაკებისა არ არსებობს. მივედი კულტურისა და ეკონომიკის მინისტრებთან.

მე, 67 წლის (მათ მამებზე ასაკით უფროსი) კაცი 4-4 საათი მალოდინეს

კარებთან ორივემ. ბოლოს (არც გამოსულან კაბინეტიდან ბოდიში მაინც რომ მოეხადათ) მდივნის პირით გამომიცხადეს:

არ გვცალია და ვერ მიგიღებთო.

არც უთქვამთ, როდის მოვიდე, ან მოვიდე თუ არა საერთოდ.

ასეთი ხელისუფლება ჰყავს საქართველოს.

ეს გაუზრდელი მინისტრები, ეს ცინიკოსები დაიმსახურა ჩემმა ქვეყანამ?

„მწერლის გაზეთის“ ორი ნომრის გამოცემა მოვახერხეთ მე და სოსო სიგუამ.

თითქმის ყველა ცნობილი ქართველი მწერლის პოზიციაა გამოხატული ამ გაზეთში (გარდა გურამ დოჩანაშვილისა).

გურამმა – მე პოლიტიკაში არ ვერევიო.

პოლიტიკაში ნუ ჩაერევი, მწერალთა სასახლის წართმევაზე შენი აზრი არ გაგაჩნია-მეთქი? ვკითხე.

არ გამაჩნიაო!

რა უნდა ელაპარაკო. „კლასიკოს გურამ დოჩანაშვილს“ არ ანალვლებს მწერალთა კავშირის ბედი.

25 სექტემბერს პოლიტიკურ ასპარეზზე კვლავ გამოჩნდა ირაკლი ოქრუაშვილი.

ირაკლიმ დააფუძნა პოლიტიკური მოძრაობა „ერთიანი საქართველოსთვის“ და გამოაცხადა, რომ აპირებს არსებული, დესპოტური, დამნაშავე, კრიმინალი ხელისუფლების დამხობას.

იმავე საღამოს ინგა გრიგოლიამ „იმედის“ ეთერში მიიწვია ირაკლი ოქრუაშვილი, ირაკლის საოცარი გულახდილობით განაცხადა, რომ სააკაშვილი არის მკვლელი, მხდალი ბანდიტი და საქართველოს დაუძინებელი მტერი. მან ჩამოთვალა ბრალდებათა ნყება, კერძოდ:

საკაშვილმა მოაკვლევინა უვანია და საბურთალოს 53-ში გვამი მიიტანესო.

საკაშვილმა მე დამავალა ბ. პატარკაციშვილის მოკვლა, რაც არ შევასრულე და ამის გამო ამითვალწუნაო.

საკაშვილმა მისსავე კაბინეტში ჩემს თვალწინ დაავალა მერაბიშვილს – პარლამენტარ ვალერი გელაშვილს მოკვლით ნუ მოჰკლავთ, მაგრამ ისე სცემეთ, რომ კაცად აღარ ივარგოსო.

საკაშვილი დაჟინებით მოითხოვდა ჩემგან, მაკომპრომეტირებელი საბუთების შეგროვებას ეკლესიის უმაღლეს პირებზეო.

ფულის გამოძალვისთვის (200 000 დოლარი) დავაკავე სააკაშვილის ბიძა თემურ ალასანია. მაგრამ 10 წუთში დამირეკა თვით სააკაშვილმა და გამამწებინაო.

საკაშვილს სძულს სამეცნიერო და შემოქმედებითი ინტელიგენცია. იგი მათ ყველას, განურჩევლად ნიჭიერებისა, „ჩასარეცხებს“ ეძახისო.

გარდა ამისა, სააკაშვილი საერთოდ ვერ იტანს ქართველს 40 წლის ზემოთ. ყველას კორუმპირებულს და დამნაშავეს ეძახისო.

იარაღის ძირითადი შემსყიდველი (ექსპორტიორი) საქართველოში არის სააკაშვილის დეიდაშვილი ნიკა ალასანია, რომელიც თავდაცვის სამინისტროდან მილიონებს იღებს და იჯიბავსო.

შარშანნი თითქმის შემოერთებული გვექონდა ცხინვალის რეგიონი, სპეცოპერაციის შედეგად ფაქტიურად შესული ვიყავით ცხინვალში, მაგრამ სააკაშვილის სიმხდალის, სილაჩრის, სკამის დაკარგვის შიშის მიზეზით უკან დავიხიეთ და ვინ იცის ისტორია ასეთ შანსს მოგვეცემს თუ არაო.

საკაშვილის ნათესაობა ე.ი. თავად სააკაშვილი მომხვეჭელია და მისი ქონება რამდენიმე მილიარდით განისაზღვრებაო.

ეს და სხვა ბრალდებები ნაუყენა ოქრუაშვილმა ღია ეთერში პრეზიდენტს. სააკაშვილი ამ დროს ნიუ-იორკში იმყოფებოდა.

უკან დაბრუნებულ პრეზიდენტს გზაში (ვენაში) შეეგებნენ მერაბიშვილი და უგულავა და გადაცემის ჩანაწერი ჩაუტანეს.

განჩხლებულმა სააკაშვილმა გზაშივე გასცა განკარგულება ოქრუაშვილის დაპატიმრების შესახებ.

ამრიგად, ოქრუაშვილის ბრალდებებს მან კონტრარგუმენტები კი არ დაუპირისპირა, არამედ ხელალებით დააპატიმრა ოქრუაშვილი, რითაც ფაქტიურად აღიარა, რომ ოქრუაშვილი სიმართლეს ამბობდა.

ოქრუაშვილის დაპატიმრებამ აღაშფოთა ისედაც მოთმინების ფიალ-აავსილი ხალხი.

28 სექტემბერს, ოქრუაშვილის დაპატიმრების მეორე დღეს რუსთაველზე პარლამენტის წინ სააკაშვილის საწინააღმდეგო გრანდიოზული მიტინგი გაიმართა. ჩემი შეხედულებით ოქრუაშვილიც საკმაო დამნაშავეა და გამიკვირდა, რომ მიტინგს დაახლოებით 30 000 კაცი დაესწრო.

სიტყვებით გამოვიდნენ და სააკაშვილის უპირობო გადადგომა მოითხოვეს: გია თორთლაძემ (მიტინგის წამყვანი), თინა ხიდაშელმა, შალვა ნათელაშვილმა, კოკა გუნცაძემ, მერაბ კაციტაძემ, გია ცაგარეიშვილმა, კობა დავითაშვილმა, მოკლული რობაქიძის მამამ და სხვებმა.

მიტინგზე გადაწყდა შეიქმნას წინააღმდეგობის ფრონტი, – ოპოზიციურ ძალთა გაერთიანება. უახლოეს დღეებში სააკაშვილის დასამხობად.

ამასობაში საზღვარგარეთიდან დაბრუნებული სააკაშვილი ცოფებს ჰყრის.

დაიწყო ოპოზიციონერთა დაპატიმრების გაფაციცებული კომპანია.

ციხეები პოლიტიკურ პატიმრებს ვერ იტევს.

ოქრუაშვილის ადვოკატმა ეკა ბესელიამ ციხიდან პატიმარ ოქრუაშვილის წერილი გამოიტანა, რომელშიც იგი გატანჯულ ქართველ ერს გაერთიანებისკენ მოუწოდებს.

საკაშვილის იმიჯი მსოფლიოში კატასტროფულად ეცემა.

თვითონ იხტიბარს არ იტეხს და ტელევიზორში ძველებურად იღიმება.

ჰაერში დენთის სუნი ტრიალებს.

29 სექტემბერს შაბათს წყალტუბოს ვესტუმრეთ მე და სოსო სიგუა.

ჩუნეშში ნიკო ლორთქიფანიძის სამეცნიერო სესია ჩავატარეთ, ოტია იოსელიანს დიდხანს ვესაუბრე საქართველოს უბედო ბედზე და პრეზიდენტზე.

ჩვენი აზრები, როგორც ყოველთვის, ახლაც ყველაფერში ემთხვევა ერთმანეთს.

სოველ ჯორჯიაშვილიდან შალვა ამონაშვილმა გამომიგზავნა მის მიერ დანერული მშვენიერი წიგნი „ხიბლი რევაზ მიშველაძის ნოველებისა“.



1.X.2007 – 1.XI.2007

2 ოქტომბერს გამოვეცი „მწერლის გაზეთი“, რომელშიც გამოვაქვეყნე ოტია იოსელიანის ლექსი „იყიდება საქართველო“ და ჩემი ნოველა „მუღავერის ომი“.

გაზეთი სწრაფად გაიყიდა.

8 ოქტომბერს ტელევიზიამ საშინელი სურათი გადმოსცა:

იჯდა დაბნეული, გატეხილი, გაბრუებული, თვალებშიბნედილი ირაკლი ოქრუაშვილი და რაც 25 სექტემბერს ილაპარაკა, ყველაფერს უარყოფდა.

რაც ვთქვი, ყველაფერი მოგონილია და სიმართლეს არ შეეფერებაო, სააკაშვილზე გაბრაზებული ვიყავი და ამიტომ მოვუფიქრეო.

შეძრწუნდა მთელი საქართველო.

ხალხმა მაინც გაუგო გატეხილ ირაკლის.

იმავე ღამით ტელეგამოკითხვაში 65-მა პროცენტმა უთანაგრძნო; ამკარად ეტყობოდა, რომ ფსიქოლოგიური და ნარკოზული ზემოქმედების ქვეშ იყო.

ასე აქცია სააკაშვილმა ოქრუაშვილი პოლიტიკურ ლეშად, მაგრამ მხოლოდ დროებით.

ვაჟა ოთარაშვილი, რომელმაც თავისი გამომცემლობისთვის („ეროვნული მწერლობა“) დიდებული სასახლე შეიძინა, ფეხს ითრევს, რათა მწერალთა კავშირს თავშესაფარი შეუძინოს.

არა და ამის საშუალება აქვს. რუსთაველის პროსპექტზე ყოფილი „მერანი“ გაიყიდა და მწერალთა კავშირს 25%-ის წილი მგონი 800 000 დოლარამდე შეხვდა.

ამ ფულს ვაჟა ოთარაშვილი დაეპატრონა და ხელიდან არ უშვებს.

სხვათა შორის, ამდენივე ფული ცალ-ცალკე მიიღეს მწერალთა კავშირის და „მერანის“ სხვა ხელმძღვანელებმა. რ. ჭეიშვილმა, ვინმე გამეზარდაშვილმა, გივი ალხაზიშვილმა და გურამ გვერდნითელმა.

რა თქმა უნდა, ისე თამამად მითვალეს ფული, რომ 450 მწერალი არც გახსენებიათ.

მივედი ოთარაშვილთან, იქ იყვნენ სოსო სიგუა, ბადრი ქუთათელაძე, დათო ტაკიძე და ზაზა ქინქლაძე.

შენ გამომცემლობისთვის მშვენიერი “ვილა” გაქვს და მწერალთა კავშირისთვის თუნდაც სამოთახიანი თავშესაფრის ყიდვას რატომ აჭიანურებ, ჩემო ვაჟა-მეთქი, ვკითხე.

ვაჟამ მიკიბვ-მოკიბვა დაიწყო.

სოსო სიგუამ ჩემი მხარე დაიჭირა.

ნამოხტა მოპოეტიო ზაზა ქინქლაძე და ვაჟას გამოექომაგა. თურმე იგი წინა დღეს ვაჟა ოთარაშვილს სამსახურში მიუღია და ერთგულება დაუმტკიცა.

რას ერჩით ვაჟასო. ბოლოს და ბოლოს ფული მისია და როგორც უნდა ისე განკარგავსო.

შენ, ჩემო ზაზა, კუს მიერ ფეხის გამოყოფასავით მოგდის. რას ჰქვია ფული ვაჟასია, იმ გამომცემლობის დამფუძნებელი ხომ მწერალთა კავშირია-მეთქი.

ერთი სიტყვით ცხარედ შევლაპარაკდით.



11 ოქტომბერს ჩხორონყუში სოფელ მუხურს ვენვიეთ „შემოქმედებითი ინტელიგენციის“ რამდენიმე წარმომადგენელი.

ლაშა გახარიას 60 შეუსრულდა და მის მშობლიურ მუხურში გავიხსენეთ.

სახელდახელო ხსოვნის სალამოზე წინადადება შემოვიტანე მუხურის საშუალო სკოლას ენოდოს ლაშა გახარიას სახელი და სახლში, სადაც პოეტი დაიბადა, გაიხსნას სახლ-მუზეუმი.

სოფელი მონონებით შეხვდა ჩემს წინადადებას.

საინტერესო ამბები ხდება: ირაკლი ოქრუაშვილის ჩაფლავებამ ვერ შეაკრთო ოპოზიცია.

ხალხი აზვირთდა.

2 ნოემბერს დანიშნულია გრანდიოზული მიტინგი, სადაც ილაჯ-განყვეტილი და სასონარკვეთილი ოპოზიცია ერთხმად მოითხოვს ხელისუფლების გადადგომას.

„ასავალ-დასავალმა“ თითქმის მთლიანად გადაბეჭდა „მწერლის გაზეთი-დან“ ჩემი ნაწერები.

14 ოქტომბერს ავთანდილ ადეიშვილი დავასაფლავეთ.

გვინდოდა მწერალთა სასახლიდან გამოგვესვენებინა, მაგრამ ეკონომიკის მინისტრმა გიორგი არველაძემ უარი გვითხრა.

20 ოქტომბერს საჩხერეში „აკაკის დღე“ აღვნიშნეთ.

პირველი სიტყვა მე მომცა გამგებელმა.

სხვათა შორის, ისევ ილია და აკაკი მიგვიძღვებიან ეროვნული ფენო-მენის დასაცავად გამართულ ომში-მეთქი – ვთქვი.

აკაკის სახლ-მუზეუმის ერთმა თანამშრომელმა აკაკის ეზოში მიჩურჩულა – სააკაშვილი ამ ბოლო დროს სამჯერ იყო საჩხერეში, მაგრამ აკაკის სახლ-მუზეუმისკენ არც გაუხედავსო.

22 ოქტომბერს მწერალთა სასახლის წინ ხელისუფლების საწინააღმდეგო მიტინგი გავმართეთ.

გამოვედით მაყვალა, მე, ოთარაშვილი, ჯანსუღ ჩარკვიანი, ვაჟა აზარაშვილი, ნუკრი ქანთარია, მარინე ცხვედიაშვილი და სხვები.

23 ოქტომბერს თბილისის საქალაქო სასამართლომ განაახლა მწერალთა სასახლის საქმის განხილვა.

ეკონომიკის სამინისტრომ ვერ წარმოადგინა საბუთი, თუ რის საფუძველზე გადაიფორმა ქურდულად მწერლების კუთვნილი შენობა.

ბოლოს მოსამართლე ნათია ჯორბენაძემ ორივე მხარეს წინადადება მოგვცა ურთიერთშეთანხმებით გადაგვეწყვიტა დავა.

ეს გადაწყვეტილება იმედს გვისახავს, რომ შეიძლება მწერალთა სასახლე დაიბრუნოთ.

მივიღეთ მსოფლიოს 15 ქვეყნის მწერალთა კავშირების ერთობლივი განცხადება, რომელშიც იაპონელი, ინგლისელი, გერმანელი, ფრანგი, პოლონელი, რუსი, უკრაინელი, იტალიელი, ესპანელი მწერლები გმობენ მწერალთა კავშირის მიმართ ჩადენილ ყაჩაღობას და სააკაშვილს მოუწოდებენ სასწრაფოდ დაუბრუნონ მწერლებს კუთვნილი შენობა.

ოპოზიციის მიტინგები იმართება მთელს საქართველოში.

ვნახოთ, რა მოხდება 2 ნოემბერს.

„ასავალ-დასავალს“ ვრცელი ინტერვიუ მივეცი, სადაც მთელს ინტელიგენციას მოვწუოლე 2 ნოემბერს დადგეს რუსთაველის პროსპექტზე.

2.XI.2007 – 24.XI. 2007

2 ნოემბერს 100 ათასი დამშეული, გაუბედურებული, შეურაცხყოფილი კაცი დადგა რუსთაველის პროსპექტზე.

ოპოზიციის ხელმძღვანელებმა თორთლაძემ, ზურაბიშვილმა, ხაინდრავამ, დავითაშვილმა, ლ. გაჩეჩილაძემ, კახა კუკავამ, ლევან ბერძენიშვილმა და სხვებმა ხელისუფლებას იოლადადასაწყვეტი, ცოტა არ იყოს უკბილო მოთხოვნები წაუყენეს. მთავარი იმ ოთხიდან იყო არჩევნების თარიღის გადმონევა – დეკემბრის ნაცვლად აპრილში ჩატარება.

მე და სოსო სიგუა ერთად მივედით მიტინგზე. ტელეარხცმა „იმედმა“ ინტერვიუ მთხოვა.

ვთქვი:

მე აქ მოვედი ჩემი პროგრამით. მაქვს სამი მოთხოვნა.

პირველი – გადადგეს პრეზიდენტი.

მეორე – შეიქმნას კოალიციური მთავრობა (9X9)

მესამე – დაინიშნოს არჩევნები აპრილში, ამის გარეშე ვერ გადაწყდება ამ 100 000 კაცის და მთელი საქართველოს პრობლემები-მეთქი.

ჩვენაო, პრეზიდენტის გადაყენების მოთხოვნას არ ვაყენებთო, მითხრა „იმედის“ კორესპონდენტმა (ნათია ერქვა) და გავიფიქრე, რომ ჩემი ინტერვიუ არ გადაიცემოდა.

მართლაც არ გადასცეს.

მივხვდი, რომ ოპოზიციის ბელადები აუტკივარი თავის პოლიტიკას ადგენენ და მართლაც ასე მოხდა.

შეიყოლიეს ხალხი ლამაზი სიტყვებით და რევოლუციას არ მისცეს ლოგიკური დასასრული.

ლოგიკური დასასრული კი ის იყო, ისე აეღოთ ხელში ძალაუფლება, როგორც სააკაშვილმა და მისმია გუნდმა აიღო 2003 წლის 23 ნოემბერს.

ვერ ჩაავლო ხარს რქაზე ხელი ოპოზიციამ.

დალამდა.

ხალხი წავიდ-წამოვიდა.

მეორე დღეს პარლამენტის წინ რუსთაველზე მესამედიც არ მოვიდა.

ვთქვი: რევოლუციური მიტინგი ოპოზიციის ლიდერებმა დიდ სახალხო სეირნობად, კონცერტად გადააქციეს-მეთქი.

მე ჩემი სათქმელი მაინც ვთქვი ამ დღეებში გაზეთ „ასავალ-დასავალის“ და „რუსთავი 2“-ის (3 ნოემბერს) საშუალებით, მიტინგზეც ყოველდღე დავდივარ, მაგრამ ერთ-ერთ მობლავლე-გამომსვლელად არ მოვევლინე იქ შეკრებილ საზოგადოებას, იმიტომ, რომ კარგად ვხედავ – ეს ოპოზიცია უძლურია.

7 ნოემბერს სააკაშვილმა კაცობრიობის წინაშე გაუგონარი დანაშაული ჩაიდინა.

მეისტორიეც, დაიმახსოვრე 2007 წლის 7 ნოემბერი. დილის 8 საათზე პოლიციამ ჯერ პარლამენტის წინ მოშიმშილეთა აქცია (30 მოშიმშილე) დაარბია და მერე როცა 1 საათზე უამრავი ხალხი მოგროვდა რუსთაველზე ამ ვანდალური ფაქტის გამო პროტესტის გამოსაცხადებლად, სააკაშვილმა სპეცრაზმი – ნილბიანი, კბილებამდე შეიარაღებული მანქურთები მიუსია

უდანაშაულო ხალხს. მომნამლავი გაზით, წყლის ჭავლით, უმონყალო ცემით „გაათავისუფლეს რუსთაველის „პროსპექტი“. ქაშუეთის ეკლესიაში თავის გადასარჩენად შევარდნილ მომიტინგეებს ფეხდაფეხ შეჰყვნენ, ტაძარში ლოცვად შემდგარ მღვდლებსაც არ მოერიდნენ, ჯერ ოტებულთ სცემეს და მერე მომნამლავი გაზის ყუმბარა შეაგდეს ქაშუეთში.

ტაძარში და მთელს რუსთაველის პროსპექტზე სისხილს გუბე იდგა.

სასწრაფო დახმარების მანქანები დაჭრილთა და მოწამლულთა საავადმყოფოებში გადაყვანას ვერ აუდიოდნენ.

გადარჩენილები ქვევით, ბარათაშვილის ხიდისკენ დაეშენენ და რიყის მოედანზე კვლავ განახლდა მიტინგი.

სადამსჯელო ექსპედიციამ ხალხს რიყეზეც ჩააკითხა.

ოთხივე მხრიდან ალყა შემოარტყეს 10 ათასამდე მომიტინგეს.

გამძვინვარებული წესრიგის დამცველები ღვინის აღმართისკენ გაქცეულთ დაედევნენ და გამეტებით სცემდნენ. არ ინდობდნენ ქალებს, ბავშვებს და მოხუცებს.

ქალაქში პანიკა მძვინვარებდა.

ტელევიზიით გამოვიდა პრეზიდენტი და ისეთი სახე ჰქონდა, თითქოს დიდგორის ომი მოეგოს, „არავის არ დავინდობთ, ოპოზიციას მისხალს არ დავუთმობთ“. ისმოდა მისი გამოსვლის ქვეტექსტიდან.

„ღმერთი არ გაგინყრეთ... „სულს ამოგაძრობთ“ – უტიფრად აცხადებდნენ ხელისუფლების სხვა წარმომადგენლები.

სალამის დაარბიეს ტელეარხები „იმედი“ და „კავკასია“.

ოპოზიციურმა ტელევიზიამ რადიომაუწყებლობა შეწყვიტა.

შუალამისას სააკაშვილმა მთელ საქართველოში 15 დღით საგანგებო მდგომარეობა გამოაცხადა.

7 ნოემბერსვე ღამის 12 საათზე მოვასწარი და ტელეარხ „მზის“ საშუალებით ქვეყანას ვაუწყე ჩემი დამოკიდებულება ხელისუფლების მიერ ჩადენილი ისტორიული დანაშაულისადმი.

ვთქვი, რომ რუსთაველზე არ ყოფილა პარლამენტში ან კანცელარიაში შევარდნის მცდელობა. მომიტინგეებს არაფერი ისეთი არ ჩაუდენიათ, რაც სახელმწიფო აპარატს საშიროებას შეუქმნიდა და რისთვისაც საჭირო გახდებოდა სპეცრაზმის საშუალებით მიტინგის დარბევა.

სწორედ მაშინ, როცა ოთხი წლის წინ სააკაშვილი და მისი რაზმელები კანცელარიაში შევარდნენ, შევარდნაძეს ასეთი რადიკალური ზომებისთვის არ მიუმართავს-მეთქი.

რომელ დემოკრატიაზე ლაპარაკობთ-მეთქი.

ნუთუ იმედი აქვს სააკაშვილს, რომ ეს გალახული, მოწამლული, დარბეული ხალხი ოდესმე აპატიებს მას და შეურიგდება-მეთქი.

ყველაზე საშინელი ჩემთვის, როგორც მწერლისთვის იყო ის შეუბრალებლობა, რითაც ეპყრობოდა სპეცრაზმი თავის თვისტომს, თავის მოძმეს-მეთქი.

მთელი მსოფლიო აღაშფოთა სააკაშვილის მიერ 7 ნოემბერს ჩადენილმა დანაშაულმა.

როგორც გაზეთები უწყებთან, ამერიკის სახელმწიფო მდივანმა კონდოლიზა რაისმა სააკაშვილს დაურეკა:

– შენ აშკარად უღალატე დემოკრატიულ პრინციპებს და პრეზიდენტად ყოფნის მორალური უფლება არა გაქვსო.

დასავლეთის აშკარა საყვედურმა გაჭრა და 9 ნოემბერს სააკაშვილმა განაცხადა 25 ნოემბერს გადავდგები და 5 იანვარს საპრეზიდენტო არჩევნებს ვნიშნავ, იმ დღესვე ვნიშნავ პლემბიციუსტს, თუ როდის ჩატარდეს საპარლამენტო არჩევნებიო.

აშკარაა, რომ რუსთაველზე შეკრებილი დაჩაგრული ხალხის ნებამ გაიმარჯვა, მაგრამ ჩვენმა პრეზიდენტმა თავისი თავი კვლავ წამოაყენა პრეზიდენტობის კანდიდატად.

რასაკვირველია, მას საქართველოს მოსახლეობის 3%-იც არ უჭერს მხარს, მაგრამ როგორც სჩვევია, არჩევნებს გააყალბებს და ხალხს თვალში ნაცარს შეაყრის.

ოპოზიცია ამ „გამარჯვებამ“ დააბნია და ერთდროულად პრეზიდენტობის რამდენიმე კანდიდატი დაასახელა:

დავით გამყრელიძე, ლევან გაჩეჩილაძე, ბადრი პატარკაციშვილი, შალვა ნათელაშვილი და სხვები.

ოპოზიცია აშკარად არასახარბიელო მდგომარეობაშია ამ საპრეზიდენტო მარათონში.

საკაშვილის ხელშია პოლიცია, გუბერნატორები, ჯარი, ტელევიზია და ა.შ. ოპოზიციის მთავარი არხი „იმედი“ დახურულია. ერთადერთი „კავკასია“ ფეთქავს და მისი მაუწყებლობა თბილისს არ შორდება.

პრეზიდენტმა 23 ნოემბერს ნაციონალისტთა ყრილობა ჩაატარა, ჩაატარა კომუნისტურად ჩამორეკილი „დეპუტატებით“ აპლოდისმენტებით და ფეიერვერკებით, საშინელი სანახაობა იყო. შუბლზე ჰიტლერივით თმამომშლილი ქართველი ფიურერი ხმის ჩახლენამდე გაჰყვიროდა.

16-დან 21 ნოემბრამდე სომხეთში ქართული ლიტერატურის დღეები ჩატარდა. სომხებმა დიდ სიყვარულით მიგვიღეს. თითქმის მთელი სომხეთი მოვიარეთ. დღეში 3-4 გამოსვლა გვქონდა. დელეგაცია მაყვალამ შეადგინა.

ჩვენი დელეგაცია ასე გამოიყურებოდა: მაყვალა გონაშვილი, რევაზ მიშველაძე, დათო ტაკიძე, მზია ხეთაგური, ბადრი ქუთათელაძე, ბელა ქებური, მარინე ცხვედიაშვილი და ვლადიმერ სარიშვილი.

გამოვედით ერევანში, გორისში, კაპანაში და სხვა ქალაქებში, თუ დაბებში.

განსაკუთრებით მოწონებით ლაპარაკობდნენ მასპინძლები ჩემს წიგნზე, რომელიც სომხურად ჰრახჩია ბაირამიანმა თარგმნა.

მომანიჭეს დიდი სომეხი პროზაიკოსის აკსელ ბაკუნცის პრემია და გადმომცეს ოქროს მედალი.

ასევე ამირჩიეს ქალაქ გორისის სახელმწიფო უნივერსიტეტის საპატიო დოქტორად.

დახეთ, ბედის ირონიას, თბილისის სახელმწიფო უნივერსიტეტიდან გამომავდეს ხუბუამ და ლომიამ და სომხეთმა საპატიო დოქტორად ამირჩია.

აქვე, რომ არ დამავიწყდეს, მოწვევა მივიღე. პეტერბურგის უნივერსიტეტიდან – მინვევენ ქართველოლოგიური განყოფილების პროფესორად ორი წლის ვადით, რა თქმა უნდა, უარი უნდა ვთქვა, მწერალთა კავშირს და გაზეთს ვერ მივატოვებ.

25.XI. 2007 – 12.I. 2008

პრეზიდენტობისთვის ბრძოლის კომპანია გრძელდება.

საკაპშვილის ავტობუსებით დაჰყავს საქართველოს სხვადასხვა ქალაქში დაქირავებული ამომრჩევლები, უკან დასდევს ტელევიზია და სამიოდე უნიჭო მომღერალი – ლექსენი, ზუმბა, ლელა წურწუშია, ორიოდე უნიჭო მსახიობი – ზვიო ბლიაძე, ოთარ კობერიძე და გურამ სალარაძე... ო, ამგვარი ამალით დადის სააკაპშვილი და საქართველოს თვალში ნაცარს აყრის – ხომ ხედავთ, როგორ ვუყვარვართ და როგორ მხვდებიანო.

საკაპშვილის გვერდით არ არის არც ერთი ცნობილი ნიჭიერი ინტელიგენტი.

14 დეკემბერს ხელოვნების მუშაკთა სახლში ილია ჭავჭავაძის დაბადების 170 და გარდაცვალების 100 წლისთავი აღვნიშნეთ.

მაყვალამ გახსნა. მოხსენებითი მე გამოვედი. სიტყვები წარმოსთქვეს ჯანსუღ ჩარკვიანმა, ზინა კვერენჩხილაძემ, ვაჟა ოთარაშვილმა, დავით ტაკიძემ, ელდინო სალარაძემ, ი. კინწურაშვილმა და სხვებმა.

მზისა ნავროზაშვილის მეუღლის პანაშვიდზე ბადრი ბინაძე შემხვდა. იგი ნინო ბურჯანაძის ქმარია. მივედი და ვუთხარი – ბადრი, შენი ცოლი ახლა პრეზიდენტის მოვალეობის შემსრულებელია, იქნებ უთხრა მწერალთა სასახლის შენობა დაგვიბრუნოს-მეთქი. ვეტყვიო, დამპირდა, მაგრამ წინასწარ ვიცი, სურვილის შემთხვევაშიც ვერ გააკეთებსო. შენ მართლა პრეზიდენტი ხომ არ გგონია ნინო, მიშას პრეზიდენტობის სადავეები ხელიდან ერთი წუთითაც არ გაუშვიაო.

ჯუბა ჯანდიერის ვაჟის ქორწილზე ვითამადა.

კარგი ხალხია ჯუბა და ზურიკო, ნიჭიერები, პატიოსნები.

23 დეკემბერს ხელოვნების მუშაკთა სახლში ოთარ ურუშაძის წიგნის პრეზენტაციას დავესწარი და სიტყვა ვთქვი.

საკაპშვილი წინასაარჩევნოდ თვალთმაქცურად კეთილია, მაგრამ მწერალთა სასახლის დაბრუნებაზე კრინტსაც არ სძრავს.

როგორც ჩანს, მწერლობა ფირივით სძულს და თანაც სარაჯიშვილისეული სასახლე მისთვის მსუყე ლუკმაა.

მაყვალა და მე მივედით გიორგი არველაძესთან – ეკონომიკის მინისტრია. კატეგორიულად მოვთხოვეთ – მოეხსნა ალყა მწერალთა სახლისთვის და მწერლებისთვის გადმოეცა. ვერა და ვერ მოვუღბეთ გული პატარა გათამამებულ ყმანვილს, იმასაც კი არ შეგვპირდა, სააკაპშვილს მოველაპარაკებო, ჯერ არჩევნები დამთარგვეს და როგორ ხასიათზეც ვიქნებით, იმის მიხედვით გადავწყვეტ თქვენს საკითხსო.

ამასობაში ახალი წელიც მოვიდა.

გოგია უიშვილისებურად შეხვდა ახალ წელს გალახული, დამცირებული, შეურაცხყოფილი საქართველო.

სახალწლო ღარიბულ სუფრასთან ჩემს სახლში ახალ წელს ჩემი ცოლი ნათელა, შვილიშვილი შიო, სოსო ბუხაიძე და მე ვიჯექით.

1 იანვარს ჩემი დაბადების დღეს შავი დღისთვის შემონახული ორიოდე გროშით პატარა წვეულება გავმართე. 68 წლის შესრულება მომილოცეს სოსო სიგუამ, მურმან თავდიშვილმა, სერგო და გიორგი მელაძეებმა, ჩემმა დამ – ნათელამ და უმცროსმა ძმამ – ბორისმა.

არც რადიო-ტელევიზიას და არც რომელიმე გაზეთს არ გახსენებია ჩემი დაბადების დღე.

ასეც ველოდი.

მე ხომ ხელისუფლებისგან შერისხული რევან მიშველაძე ვარ.

გამიკვირდა, რომ არც ჩემი ყოფილი კათედრის წევრებს – გავახსენდი.

სწორედ იმათ, ვინც მე გამოვიგონე, ვისი მეცნიერ-ხელმძღვანელიც გახლდით, უნივერსიტეტიდან სააკაშვილ-ლომაია-ხუბუას მიერ გამოძევებული რევან მიშველაძე არ გახსენებია.

ბედის ირონიაა, ისინი ხომ ფეხქვეშ მეგებოდნენ და არ იცოდნენ როგორ გამოეხატათ ჩემი სიყვარული.

ერთმანეთს ასწრებდნენ, რომ ჩემთან შემოერბინათ (ან დაერეკათ) და დაბადების დღე მოელოცათ.

ორი ჩემი მონაფე – მგლისგან თამარ პაიჭაძისგან და რუსუდან ნიშნიანიძისგან (ერთგული „მიშისტები“) სასიკეთოს არას ველოდი, მაგრამ სხვებმა, ნუთუ სხვებს ასე ჩქარა დაგვიწყდი?

ასეთი ყოფილა ცხოვრების უღმობელი კანონი.

მაგრამ მე? მე ხომ არ ვიყავი ასეთი უმადური ჩემი მასწავლებლების მიმართ – მე ხომ სიცოცხლის ბოლომდე გულში ვიხუტებდი ყველა მათგანს – გიორგი ნატრაშვილს, სერგი ჭილაიას, აკაკი თოფურიას, შალვა რადიანს, ირაკლი აბაშიძეს და სხვებს.

საგანგებო წერილით ვეხმაურებოდი ხოლმე მათი ცხოვრების ღირს-შესანიშნავ თარიღებს.

26 დეკემბერს მოსკოვის უნივერსიტეტიდან დამირეკეს და შემმოთავაზეს პროფესორის თანამდებობა. ერთოთახიან ბინას მოგცემთ მოსკოვის ცენტრში და 600 ევროს ხელფასად. ვიცი, რომ ასეთი სახელოვანი მწერალი და მეცნიერი საქართველოში იდეებით და გთხოვთ უარი არ გვითხრათო. დიდი მადლობა მოვასხენე, მაგრამ 68 წლის გახლავართ და გამიჭირდება თქვენს თავაზიან შემოთავაზებაზე დაყაბულება. ესეც არ იყოს, საქართველოს ამ პოლიტიკურად ცხელ დღეებში ვერ მივატოვებ-მეთქი.

მოგვიანებით შევიტყვე, რომ მოსკოვში სამუშაო ადგილით ჩემს უზრუნველყოფაზე იზრუნა ჩემმა მეგობარმა, ჟურნალ „დრუჟბა ნაროდოვის“ მთავარმა რედაქტორმა, ჩემი ნიგნების რუსულად მთარგმნელმა ალექსანდრე ებანოიძემ. საშა ამ სიკეთეს ისე აკეთებდა, რომ მე არ მიმხელდა. სურდა მეფიქრა, რომ ჩემი ცხოვრების მძიმე დღეებში მე სწორედ მოსკოვს გავახსენდი. ესაა ნამდვილი სიკეთე. ისეც შენიანი, შენი მეგობარი თუ გაგიხსენებს, თორემ ვის დაჰკარგვიხარ, „ვინ დაგეტებს... ვინ გეძახის“...

5 იანვარს საქართველომ ახალი პრეზიდენტი აირჩია, თბილისში თითქმის ყველა ოლქში ლევან გაჩეჩილაძემ გაიმარჯვა, მაგრამ როგორც მოსალოდნელი იყო, სააკაშვილმა თვალნინ ააფცქვანა გამარჯვება გაჩეჩილაძეს.

თუმცა... იძულებული გახდა ელიარებინა, რომ თბილისში არჩევნები პირწმინდად წააგო, სამაგიეროდ 100%-ით მოიგო მარნეულში, ნალკაში და ახალქალაქში.

დიახ, თათრებს და სომხებს გადაუნყვეტიათ, ვინ იყოს საქართველოს პრეზიდენტი.



აი, რატომ ვწუხდით, რატომ ვყვიროდი მთელი სიცოცხლის განმავლობაში, არიქა, გამრავლების საქმეს მივხედოთ, თორემ სტუმარი ერები კურდღლებივით მრავლდებიან და მალე ჩვენ, ჩვენსავე ქვეყანაში უმცირესობა აღმოვჩნდებით-მეთქი.

არცერთმა ხელისუფლებამ ჩემს ყვირილზე ყურიც არ შეებერტყა და აი, შედეგიც.

დღეს აზერბაიჯანში არ ცხოვრობს არც ერთი სომეხი, სომხეთში არ ცხოვრობს არც ერთი აზერბაიჯანელი, საქართველოში კი 400 000 სომეხი და 500 000 აზერბაიჯანელი ცხოვრობს. შეიძლება სამილიონიან სახელმწიფოში მილიონამდე სტუმარი ერის წარმომადგენელი ცხოვრობდეს?

ღმერთმა დამიფაროს გადავუხვიო ტრადიციულ ქართულ ტოლერანტობას და სტუმართმოყვარეობას, მაგრამ ისიც ხომ ფაქტია, რომ ქართულ ენას, „ვეფხისტყაოსანს“ და ვარძიას... ჩვენს ეროვნულ ატრიბუტებს ქართველივით სხვა ვერ მოუვლის?

მე ვამტკიცებ, რომ 49% უცხოტომელს, არაავტოქტონურ მოსახლეობას ვერ აიტანს საქართველო. თუ სომხეთი და აზერბაიჯანი ბოლო ოც წელიწადში სუფთა ეთნიკურ, ეროვნულ სახელმწიფოებად იქცნენ, ჩვენ რა დავაშავეთ?

მისცეს ხმა არაქართველებმა იმ კაცს, ვინც ქართული ეროვნული ფენომენის დაუძინებელი მტერია, ვინც საბუთებიდან გააქრო ეროვნება „ქართველი“, ვინც წინააღმდეგ დიპლომატიის ელემენტარულ ნორმებისა საზღვარგარეთ, საერთაშორისო შეხვედრებზე ინგლისურად ჭიკჭიკებს, ვინც დაანგრია და იავარჰყო ყველა ეროვნული დანესებულება – მწერალთა კავშირი, უნივერსიტეტი, აკადემია.

დაიხ, უცხოტომელს ხელს არ აძლევს ეროვნული კულტურის დომინანტი საქართველოში.

ტელევიზია ყოველ წამს აცხადებს, რომ სააკაშვილმა მიიღო 53,21%, ხოლ ლევან გაჩეჩილაძემ 25,21%.

იმართება მიტინგები, პრესკონფერენციები... ოპოზიცია აფრიალებს გაყალბებულ ოქმებს, ამტკიცებს, რომ ბევრგან ხმა აქვთ მიცემული გარდაცვლილებს, ზოგი ოქმი პირდაპირაა ჩასწორებული. თუ სააკაშვილს ქობულეთში ერთ უბანში მიღებული აქვს 327 ხმა, თბილისში 327-სთვის წინ 1 მიუწერიათ და გამოვიდა 1327 ხმა. ასეთი მანიპულაციები განუცდია თითქმის ყველა ოქმს, მაგრამ შეაყარე კედელს ცერცვი.

საარჩევო კომისიის თავმჯდომარე ლევან მღებრიშვილი, აშკარა თაღლითია, იგი სადისტური ღიმილით ხვდება გამწარებულ ოპოზიციონერებს და დაპატიმრებით ეშუქრება.

ასე რომ, ჯერჯერობით ხსნა არსით არის. ამერიკის სახელმწიფო დეპარტამენტი და ევროსაბჭო, აგრეთვე საქეიფოდ ჩამოსული დამკვირვებლები „ამტკიცებენ“ არჩევნები დემოკრატიულად ჩატარდა და ოპოზიციამ ერთი ადგილის ქნევას თავი გაანებოსო.

მხოლოდ რუსეთმა არ ცნო საქართველოში ჩატარებული „პრეზიდენტის არჩევნები“.

ოპოზიცია ხმების ხელახლა დათვლას და მეორე ტურის გამართვას ითხოვს.



„გამარჯვებული“ სააკაშვილი ზეიმობს და ეიფორიაში მყოფი ოპოზიციას სამი თითის კომბინაციას უჩვენებს.

13 იანვარს რესპუბლიკის მოედანზე ოპოზიციის დიდი მიტინგია დანიშნული. ვნახოთ რა მოხდება, თბილისში თოვლია და საშინლად ჰყინავს.

13.I.2008-5.IV. 2008

21 იანვარს ტვინში სისხლის ჩაქცევით გარდაიცვალა და 26 იანვარს ქუთაისში დავკრძალეთ ჩემი საუკეთესო მეგობარი, უნივერსიტეტის პროფესორი სოსო ბუხაიძე.

ვერ გაუძლო სოსომ ლომიას რეპრესიებს:

იგი ხომ უნივერსიტეტით ცოცხლობდა, უნივერსიტეტს შეჰხაროდა, მისთვის იღვწოდა.

სხვებთან ერთად გამოაძევეს რეფორმისტებმა.

სოსო კიდევ ერთი მსხვერპლია სააკაშვილის და ლომიას ბინძური პოლიტიკის.

13 თებერვალს ლონდონში გაურკვეველ ვითარებაში გარდაიცვალა ბადრი პატარკაციშვილი.

მაშინვე ვუკარნახე ვაზეთ „ალიას“ მწერალთა კავშირის განცხადება:

„საქართველოს მწერალთა კავშირი ღრმად მწუხარებით იუწყება, რომ 13 თებერვალს საქართველო სხელისუფლების მიერ მისი პიროვნების წინააღმდეგ გაჩაღებული ცილისმწამებლური, უსამართლო, უმადური თავდასხმების შედეგად გარდაიცვალა ბადრი პატარკაციშვილი.

გამოვაქვეყნე სამი ბიბლიური ნოველა, მწერლებს ძალიან მოეწონათ.

მურმან ჯგუბურიამ მითხრა, მსგავსი არაფერი ნამიკითხავსო. უსათუოდ ამ სამ ნოველაზე წერილი უნდა დაწეროვო.

წერილზე გამახსენდა; შალვა ამონაშვილმა გამოცხადა წიგნი „ხიზლი რევავი მიშველაძის ნოველებისა“, ძალიან მომეწონა, ეს, თუ არ ვცდები, ჩემს შემოქმედებაზე დაწერილი მეხუთე წიგნია. თუმცა... რა მნიშვნელობა აქვს... დღეს ლიტერატურა აღარავის აინტერესებს.

მკითხველსა და მწერალს შორის მიხეილ სააკაშვილმა გულგრილობის კედელი აღმართა.

აღბათ, არასოდეს არცერთ მმართველს არ სძულეხია ისე მშობლიური ხელოვნება, როგორც მიხეილ სააკაშვილს სძულს!

27 ებერვალს კათოლიკოს-პატრიარქმა უწმინდესმა და უნეტარესმა ილია მეორემ მწერლები მიგვიწვია.

მწერლებს დიდი მისია გაქვთო, უნეტარესმა, თქვენ უნდა შეაღვიძოთ დაბნეული ერი და ჭეშმარიტებისკენ გზა უნდა უჩვენოთო.

მაყვალას შემდეგ მე ვთქვი სიტყვა. ვთხოვე, ეშუამდგომლა პრეზიდენტთან, რათა ჩვენთვის დაებრუნებინა წართმეული სასახლე.

კათალიკოსმა აღგითქვა, უსათუოდ მივწერო, „წმინდა გიორგის“ დადგმის იდეა შევახსენე, მოიწონა.

იმ დღესვე მივუტანე წერილის ტექსტი, რომ კათოლიკოსისთვის საქმე გამეადვილებინა.

29 თებერვალს გაუგზავნა, დღეს 10 მარტია, მაგრამ პრეზიდენტისგან ბაიბური არ ისმის.

მეორე მაგალითი: 4 მარტს გამომცემლობა „სამშობლოს“ წინ შიმშილობა დაიწყო ჟურნალისტმა გიორგი მამაცაშვილმა.

ექვსი დღე იშიმშილა გიორგიმ.

ყოველდღე მივიდიოდი მასთან და თან ვამხმელებდი, თან ვურჩევდი შიმშილობა შეენწყვიტა.

უნდა იშიმშილო-მეთქი, შვილო, იმის წინ, ვისაც ცოტათი მაინც ეცოდები, ვისაც შენი სიკვდილი დაენანება-მეთქი.

გამართლდა ჩემი ვარაუდი.

„ასავალ-დასავალის“ ჟურნალისტ გიორგი მამაცაშვილთან სააკაშვილი კი არა ხელისუფლების არც ერთი წარმომადგენელი არ გამოჩენილა. მემუვიდე დღეს დასუსტებული, ჯანმრთელობაშერყეული გიორგი საავადმყოფოში გადაიყვანეს.

9 მარტს ოპოზიციამ პარლამენტის წინ შიმშილობა გამოაცხადა.

თავიდან ხუთნი შიმშილობდნენ: ძიძიგური, თორთლაძე, გუჯაბიძე, მოლაშვილი და დავითაშვილი, მერე სხვებიც შეემატნენ და მეორე დღეს მათი რიცხვი ოცდაათამდე ავიდა.

პარალელურად წინო ბურჯანაძის კაბინეტთან „ახალი მემარჯვენეები“ დასხდნენ სამიშმილოდ.

10-ში 2 საათზე მივედი მოშიმშილეებთან, უკან არ დაიხიოთ, მალე მთელი საქართველო შემოგიერთდებათ-მეთქი.

ვნახოთ, რა მოხდება.

10 მარტის ნომერში „ასავალ-დასავალმა“ ჩემი ნოველა „იუდა“ გადაბეჭდა „მწერლის გაზეთიდან“.

7 მარტს სააკაშვილი მასწავლებლებს შეხვდა და მიწასთან გაასწორა ლომიას განათლების რეფორმა.

არა და ამ რეფორმამ დაანგრია ქართული სკოლა და ქართული უნივერსიტეტი.

ლომაიას კი ჩვენი გაუბედურებისთვის პასუხს არავინ თხოვს. იგი მშვენივრადაა მოყუჩებული უშიშროების საბჭოს მდივნის თბილ ადგილზე.

ნუთუ იქამდე ვერ ვიცოცხლებ, რომ მთელი ეს დამნაშავეთა ბანდა გისოსებს მიღმა ვიხილო?

10 მარტს ანა კალანდაძე გარდაიცვალა.

დიდი პოეტი წავიდა ჩვენგან.

ღირსეული პატივი უნდა მივაგოთ.

მაგრამ რითი? რანაირად?

მაშინვე გავვარდი ეკონომიკის სამინისტროში.

4 საათი მალოდინა მოსაცდელში პატარა გოგომ – ეკა შარაშიძემ – ეკონომიკის მინისტრმა.

რას ითხოვსო, თავის თანამემნეს დააბარა – ხათუნას.

რას ვითხოვდი? ნება დაგვართოს ხელისუფლებამ ანა კალანდაძე მწერალთა სასახლის შენობიდან გამოვასვენოთ.

თანამემნე მინისტრთან შებრუნდა, იცით, რა, ამ საკითხს მინისტრი ვერ გადანყვეტსო.

ჩვენ ხომ მწერალთა კავშირის შენობის დაბრუნებას არ ვითხოვთ,

უბრალოდ მიცვალებულის იქედან გამოსვენების უფლება მოგვცეს-მეთქი.

ესაო, სააკაშვილმა უნდა გადაწყვიტოსო.

ჰკითხოს-მეთქი.

საკაშვილი მობილურს არ პასუხობსო.

კაბინეტში არ შემიშვა თანაშემწემ.

გენაცვალე, გაზეთში განცხადება უნდა მივცე-მეთქი.

მითხარით ან თანხმობა ან უარი-მეთქი.

მხრებს იჩეჩავენ. ჩვენ პატარა ხალხი ვართო.

ხედავთ? რა ქვეყანაში ვცხოვრობთ?

გულგახეთქილმა დავრეკე საპატრიარქოში.

კათალიკოსს მოვასხენებთ, რომ ანა კალანდაძე გარდაიცვალა და პრეზიდენტი მწერალთა კავშირიდან გამოსვენების უფლებას არ გვაძლევს-მეთქი.

ნახევარ საათში დარეკეო.

ნახევარ საათში მიპასუხეს, კათალიკოსის გადაწყვეტილებით ანა კალანდაძეს სამების ტაძრიდან გამოასვენებენო.

შეგბით ამოვისუნთქე.

შაბათს, 3 საათზე გამოვასვენეთ სამების ტაძრიდან ანა და დავკრძალეთ მთაწმინდის პანთეონში – 15 მარტს, 11 მარტს მოსამართლე ნათია ჯორბენაძემ ისევ გადადო მწერალთა სასახლის საკითხის განხილვა.

სამართლის კარზე მისულ 50 მწერალს წყალი გადაგვასხა – 8 აპრილს 1 საათზე მობრძანდითო.

როგორც ჩანს სააკაშვილი ჩვენთვის მწერალთა სასახლის დაბრუნებას არ აპირებს.

13 მარტს მწერალთა სასახლის წინ საპროტესტო აქცია გავმართეთ.

გამოვედით მაყვალა, მე და ვაჟა ოთარაშვილი.

3 საათზე პარლამენტის წინ გავაგრძელეთ მიტინგი და მოშიმშილეებს თანადგომა გამოვუცხადეთ.

კარვებში შევედი და ვესაუბრე გია თორთლაძეს, გია ცაგარეიშვილს, კობა დავითაშვილს, ზვიად ძიძიგურს, ირაკლი მოლაშვილს...

ყურებჩამოყრილი არიან.

რა შანსი გავუშვით ხელიდან სააკაშვილის ჩამოგდებისო.

ანი, ხალხი ძნელად გვენდობაო.

ისევ თქვენი – მწერლების ავტორიტეტი თუ გადაგვარჩენსო.

4 აპრილს რუსთავში ჩავედით და მწერალთა რუსთავის ქვეგანყოფილების შენობის წინ ხელისუფლების საპროტესტო მიტინგი ჩავატარეთ.

გამოვედით მაყვალა, მე, დათო ტაკიძე, მარინე ცხვედიაშვილი, ვანო ცინცაძე, ზაურ გაბესკირია, ალექსანდერ თოდუა და სხვები. მიტინგის მიზეზი ის გახლდათ, რომ სააკაშვილის განკარგულებით ჩატარებული სპეცოპერაცია მარტო დედაქალაქში კი არა, პერიფერიებშიც ჩატარდა. 5 დღის შემდეგ რუსთავის მწერალთა სახლიდანაც გამოყარეს მწერლები.

აფიორა აღმოჩნდა ტელევიზიებში გაჟღერებული ხმა მწერლებს შენობებს ვუბრუნებთო. სანამ საქართველოში სააკაშვილის პოლიტიკური რეჟიმი მძვინვარებს, ჩვენი საშველი არ იქნება.

2 აპრილს საქართველოს და უკრაინას უარი უთხრა ნატომ მიღებაზე, პუტინი უკანალით კაკალს ამტვრევდა, ნატო თითს უქნევდა; თუ საქართველოს და უკრაინას ნატოში მიიღებთ აფხაზეთსა და სამაჩაბლოში ჯარს შევიყვან და ევროპას გაზს შევუწყვეტო. შეშინდა ევროპა და კიდევ ერთხელ უარი გვითხრა. ერთხელ კიდევ გაგვყიდა.

სამების ტაძარში ანა კალანდაძის დასაფლავებაზე მე თვითონ გადავეცი პანაშვიდზე შემოსულ ნინო ბურჯანაძეს მწერალთა კავშირის თხოვნა შენობის დაბრუნების შესახებ, მაგრამ, როგორც ველოდით, პასუხის ღირსიც არ გაგვხდა.

სახალხო დამცველის შენობის (ეს შენობა – ბერიას სახლი, ყოფილი კომკავშირის ცკ-ს რეზიდენცია ზვიად გამსახურდიამ მწერალთა კავშირს გადასცა თავის დროზე) ნინ ადვოკატი მალხაზ ჯანგირაშვილი შიშმილობას განაგრძობდა. მივედი, ვინახულე, გავამხნევე, თავს ნუ შეაკლავ-მეთქი მალხაზ ამ ძაღლთაპირებს, ხომ ხედავ, ესენი არავის ინდობენ-მეთქი, ნუ ელი-მეთქი ამათგან მისხალ კომპრომისს და შეწყალებას.

#### 6.IV.2008 – 3.VI. 2008

11 აპრილს პანტომიმის თეატრის მთავარმა რეჟისორმა ამირან შალიკაშვილმა დამირეკა, შუადღისას საპატრიარქოდან სტუმრები გვეყოლება და თეატრში შემოიარეო.

მივედი, ამირანი ჩემი პიესის მიხედვით ამზადებს სპექტაკლს – „წმინდა გიორგი“. რეპეტიციას სამჯერ დავესწარი.

ჩემი აზრით, ბრწყინვალე სპექტაკლი გამოვა. თეატრს გადანყვეტილი აქვს პრემიერა მისიში ითამაშოს მარჯანიშვილის თეატრში.

სამნი მოვიდნენ, ანაფორიანი მღვდელი მამა დავითად გაგვეცნო. ორნი სამოქალაქო ტანსაცმელში, ახალგაზრდები იყვნენ.

მამა დავითმა დაიწყო. ჩვენამდე ხმამ მოაღწია, რომ თქვენ წმინდა გიორგიზე სპექტაკლს დგამთო. უნდა გითხრათ, რომ ეკლესია საერთოდ უარყოფს თეატრს, ხოლო წმინდანებზე სპექტაკლის დადგმა პირდაპირ მკრეხელობააო. ახლავე ხელი აიღეთ ამ განზრახვაზე და შეწყვიტეთ რეპეტიციები თორემო...

თორემ რა-მეთქი...

რა და თუ თქვენსას არ დაიშლით, იცოდეთ პრემიერის დღეს თეატრთან მრევლს მოვიყვან და სპექტაკლს ჩაგიშლითო.

სიბრაზისგან თითები გამეყინა.

თქვენ ინკვიზიცია ხართ, საპატრიარქოს კვბ, თუ ახალი მოდის ცენზურა-მეთქი? ვერ მოვითმინე, როგორც გინდათ ისე იფიქრეთო და წასვლა დააპირეს.

ახლა ჩვენი პოზიცია მოისმინეთ:

თქვენ, როგორც ჩანს, ისე დაყრუვდით და დაბრმავდით, რომ არ გინახავთ ქრისტეზე გადაღებული ბრწყინვალე ფილმები... არც მოსე წინასწარმეტყველზე. ჯერ დაესწართ რეპეტიციას და თუ რასმე მკრეხელურს იპოვით, მერე ვილაპარაკოთ-მეთქი. როგორ გეკადრებათო, ჩვენ თეატრში არ დავდივართო. მე ერთადერთხელ 4 წლისა წამიყვანეს თეატრში და მერე ახლოსაც არ გავკარებთივართო.

გაიხურეს კარი და წავიდნენ. მაშინვე დაფურეკე საპატრიარქოში მამა გიორგი ზვიადძეს. ასე იყვნენ თქვენგან და ასეთი დიალოგი გვექონდა-მეთქი.

მამა დავითს ვიცნობ, მაგრამ ესენი ჩვენ – საპატრიარქოს არ გამოგვიგზავნიან, როგორც ჩანს, თავიანთი ინიციატივით მოვიდნენო.

არ შეწყვიტოთ რეპეტიციები, და პრემიერაზე შევეცდები თვით პატრიარქი მოვიყვანო.

მამა დავითის „საიდუმლო სტუმრობაზე“ მაშინვე გამოვაქვეყნე წერილი „ასავალ-დასავალში“.

ანრიალდნენ „ბნელეთის მოციქულები“.

ესაო, პატრიარქის წინააღმდეგ გადადგმული ნაბიჯიაო. პირიქით, მე უნმინდესის მხარეზე ვარ, თქვენ კი, თქვენი არამკითხე მოამბეობით მას სახელს უტეხთ-მეთქი.

ვნახოთ, რა იქნება პრემიერაზე. ჯერჯერობით რეპეტიციები გრძელდება.

სხვადასხვა ოპოზიციურმა პარტიამ და მოძრაობამ მთხოვა მათი სიით მეყარა კენჭი პარლამენტში, მაგრამ ყველას მადლობით უარი ვუთხარი.

ჯერ ერთი, არც ერთი პარტიის წევრი არა ვარ და მეორეც, უკვე 68 წლის ვხდები და რალა დროს ჩემი დეპუტატობაა-მეთქი.

ბოლოს მაინც დამითანხმა შალვა ნათელაშვილმა.

შალვას პარტია („ლიბორისტები“) მართლაც რომ ეროვნული პარტიაა. ესეც არ იყოს, შალვა ქვეყნისთვის თავდადებული, შეურცხვენელი კაცია, სუფთა, ღარიბი პარტიაა ლიბორისტული პარტია, „გაერთიანებულ-მა ოპოზიციამ“ ბევრი შეცდომა დაუშვა, ლიბორისტები მტკიცედ ადგანან თავის გზას, ამიტომაც გამინია გულმა მათკენ.

გაზეთებიდან შევიტყვე რომ სიით მე-15 ვარ და თბილისის ჩუღურეთის რაიონში ვიყრი კენჭს მაჟორიტარად.

გუშინ, 25 აპრილს, შევხვდი შალვა ნათელაშვილს.

გულის უმძიმესი ოპერაცია გადაიტანა, მაგრამ მხნედ, იმედიანად გამოიყურება.

რომ იტყვიან, ბრძოლისთვის მზად არის.

ვნახოთ რას მოგვიტანს ეს განწირულის სულისკვეთება.

მე გამარჯვების იმედი არა მაქვს.

შალვა უფრო ოპტიმისტურადაა.

დიდხანს ვისაუბრეთ.

ნააღგომევეს დავიწყებ შეხვედრებს ჩუღურეთში, ასე ვთქვათ, წინასაა-რჩევნო კამპანია.

ხალხს დავპირდები, რომ სააკაშვილის მიერ გაუქმებულ ეროვნებას დავაბრუნებ საბუთებში, პირქვედამხობილ აკადემია-უნივერსიტეტებს და საერთოდ ლომიას საშინელი რეფორმით გაუქმებულ განათლების სისტემას ავალორძინებ.

მივხედავ შემოქმედებით კავშირებს, სამუშაო პირობებს შევუქმნი ფურნალისტიკას.

რაც შეეხება ეკონომიკას და წართმეული ტერიტორიების დაბრუნებას, თავს არ დავზოგავ, რომ ქართველი შიმშილით სიკვდილისგან ვიხსნა და წართმეული ტერიტორიები დავიბრუნო.

მარჯანიშვილის თეატრში ჩემი „წმინდა გიორგი“ 13-14 მაისშია დაგეგმილი.

კაცი ბჭობდა და ღმერთი იცინოდაო.

3 მაისს საპატრიარქოში დაგვიბარეს მე და ამირანი.

ჩემდა გასაოცრად მთავარ დამბარებელს მეუფე თეოდორეს გვერდით მამა გიორგი ზვიადაძე იჯდა.

მამა დავითის ფრაზები მენიშნა წმინდა მამათა სიტყვებში.

გთხოვთ, ყურად იღოთ ჩვენი შეგონება და ამოიღოთ გულიდან წმინდა გიორგიზე სპექტაკლის შექმნის განზრახვაო, გვირჩიეს.

ბოლოს სიტყვის მასალად დასძინეს:

ჩვენ, რასაკვირველია, სპექტაკლს არ ავკრძალავთ, ჩვენ მხოლოდ გირჩევთო.

ამ უკანასკნელ ფრაზას ჩავებლაუჭეთ და რეპეტიციები ცოცხალმკვდრებმა გავაგრძელეთ.

უნდა გენახათ 8 მაისს ჩვენი გაცემა, როცა „რუსთავი 2“-ის ეკრანზე გამოჩნდა ძვირფასი მამა გიორგი, რომელმაც საქვეყნოდ განაცხადა:

საერთოდ წმინდანებზე სპექტაკლის შექმნას სჯულის კანონი და საეკლესიო ტრადიცია კრძალავს. როგორ შეიძლება ცოდვილმა მსახიობებმა წმინდანის როლი შეასრულოსო.

ღმერთო შეგცოდე!

მამა გიორგი, მამ ანათემას გადავცეთ ყველა მსახიობი ვინც კინოში ქრისტე და მარიამ ღვთისმშობელი განასახიერა?

ავკრძალოთ ფილმები და სპექტაკლები ქეთევან წამებულზე, დავით აღმაშენებელზე, თამარ მეფეზე, ილია მართალზე?

სად, რომელ საღვთო სჯულში წერია ასეთი რამ?

შენ იცი და მე არ ვიცი ეს ამბავი მამაო გიორგი? მე, რომელმაც ოთხივე სახარება თითქმის ზეპირად ვიცი?

ეგ ყველაფერი კარგი, მაგრამ წმინდა გიორგიზე რომ სპექტაკლის დადგმა არ შეიძლება, როდის გაიგე ეს ამბავი, მამაო?

რატომ არ მითხარი შარშან სასულიერო აკადემიაში ეს განზრახვა რომ გაგანდე, ან რატომ არ გაგვიმხილე მაშინ, როცა მე და ამირანმა წმინდა გიორგის სცენარი მოგართვი?

დამერმწუნე, მიუხედავად იმისა, რომ გული სამუდამოდ მატკინე, ახლაც დიდ პატივს გცემ, მამაო გიორგი, როგორც ღრმადმორწმუნეს, კეთილშობილ კაცს და ჩემი კარგი სტუდენტის მამას.

ეგ არის, ვერ ამიხსნია შენი საქციელი.

მაშინ, როცა ჩვენს განზრახვას „წმინდა გიორგიზე“ კურთხევას აძლევს თვით პატრიარქი, რას მივანერო თქვენი თავგანწირული კვება ქართული თეატრის ისტორიას ლაქად შერჩეს თქვენი გაუაზრებელი ნაბიჯი?

ვერ დავიჯერებ, რომ იმ დღეს ტელევიზორის ეკრანიდან შენ, მამაო გიორგი, შენს სათქმელს ამბობდი, შენს გულისთქმას გამოხატავდი.

ხომ არ გაცდუნეს ბნელმა ძალებმა, მამაო გიორგი?

ხომ არ იჩინა თავი ამ საქციელში იმ თითო-ოროლა მედავითნის ახირებამ, ჩადგნენ საპატრიარქოსა და ქართულ თეატრს შორის?

იქნებ იმ ძალების გამოა, რომ დღემდე ზვიად გამსახურდიას მოძღვარს, ყირგამოვლილ მამა ამბროსის სალოცავად ერთი საყდარიც არ აღირსეს და დიაკვანი მამა ელიოზი (მწერალი მერაბ ელიოზიშვილი) მღვდლად არა და არ აკურთხეს?

14 მაისს პანტომიმის თეატრში „წმინდა გიორგის“ დახურული ჩვენება გაიმართა.

რაკილა 13-14 მაისს დანიშნული პრემიერა საპატრიარქოს საიდუმლო, ხელმოუწერელი წერილით მოიხსნა მე და ამირანმა გადავწყვიტეთ დახურული ჩვენება გაგვემართა.

როგორც ჩანს, საპატრიარქოდან მამა გიორგი ზვიადაძემ იაქტიურა. მან ტელევიზიითაც განაცხადა, რომ წმინდანებზე ფილმის ან სპექტაკლის დადგმა სჯულის კანონის და საეკლესიო ტრადიციის თანახმად მიზანშეუწონელია.

გონების სიბეცე უფრო შორს ვერ წავა.

სპექტაკლს დაესწრნენ გიგა ლორთქიფანიძე, მისი მეუღლე ქეთევანი, სანდრო მრეველიშვილი, ვახტანგ დავითაია, მაცყვალა გონაშვილი, ჯანსუღ ჩარკვიანი, შალვა დავითაშვილი, სოსო სიგუა, დავით კობახიძე, თამაზ ანთაძე, გოგი ჩლაიძე და სხვები.

სპექტაკლ „წმინდა გიორგით“ ყველა აღფრთოვანებული დარჩა.

მართლაც ბრწყინვალე წარმოდგენაა. შევთავაზეთ რეჟისორებს და მწერლებს, პატრიარქთან მივიდეთ და სპექტაკლის გარჩევის ნებართვა, ეკლესიურად კურთხევა ვთხოვოთ-მეთქი.

ჩემთვის სრულიად მოულოდნელად, გიგამ უკან დაიხია და მერე სხვებიც აპყვნენ.

შეიძლება პატრიარქი შეშინდესო, გიგამ, საპატრიარქოში არსებობს საიდუმლო სამღვდელო სამსახური, რომელსაც პატრიარქიც ემორჩილებაო. რაკი იმ „სამსახურმა“ ეს სპექტაკლი (უნახავად! ღმერთო ჩემო!) მკრეხელურად მონათლა, უმჯობესია სახელი შევუცვალოთ და ერთი თვის მერე ახლა სხვა სპექტაკლად წარმოვაჩინოთო.

მერედა სად არის ღმერთი?

ესაა გამოსავალი?

რა უფლება აქვს ეკლესიის ბნელ ძალებს ხელოვნებაში ჩარევის?

მთელი ღამე არ მეძინა. თეატრის მცირე, ტრადიციულ ტრაპეზზეც არ დავრჩი.

ერთადერთი მე ვიყავი, პრემიერის გადადების წინააღმდეგი.

რატომღაც მჯეროდა, რომ კათოლიკოსი გაგვიგებდა.

თუმცა... მართო ხომ ვერ მივალ, ან ვინ მიმიშვებს.

გზას გადამიკეტავენ.

ხომ იციან, რაზე უნდა მივიდე.

ძლივს „მთავლიტი“ მოვიშორეთ და თურმე მისი ადგილი საეკლესიო საიდუმლო „პოლიციაში“ დაიკავა.

ეს ქართული ეკლესიის ისტორიის სამარცხვინო თარიღია – 13, 14 მაისი.

21 მაისის არჩევნები სააკაშვილმა, როგორც მოველოდი, გააყალბა.



თანაც გაყალბებაც არის და გაყალბებაც; თუ 5 იანვარს თბილისში ყველა რაიონში წააგო არჩევნები, ახლა 21 მაისს ყველა რაიონში (ვაკის გარდა) მოიგო. ეს იყო გაყალბების „ზეიმი“.

რამდენჯერმე გამოვედი ტელევიზიით როგორც დეპუტატობის კანდიდატი ლეიბორისტული პარტიიდან და ვამხილე საარჩევნო კომისია, მაგრამ შეაყარე კედელს ცერცვი.

საკავშილს ამერიკა უჭერს მხარს და ორივენი საქართველოს ფეხქვეშ თელავენ.

მართალია, ნინო ბურჯანაძე ნაციონალისტებს გაეცალა (კენჭისყრაზე უარი თქვა), მაგრამ ოპოზიციაში ჯერ არ გადმოსულა.

ლეიბორისტულმა პარტიამ სასწაულებრივად გადალახა 5%-იანი ბარიერი – 7,5% აიღო, მაგრამ მე პარლამენტს გარეთ დავრჩი. 10% რომ აეღო მოვხვდებოდი, რადგანაც ლეიბორისტთა სიაში მე-14 ნომერი გახლდით.

ოპოზიციამ საერთოდ უარი თქვა პარლამენტში შესვლაზე.

150 ადგილიდან ოპოზიციას მხოლოდ 29 ადგილი დაუტოვეს.

კვლავ ერთპარტიული პარლამენტი მივიღეთ.

ოპოზიცია 10 ივნისს გრანდიოზული მიტინგის გამართვას აპირებს და პარლამენტის პიკეტირებას.

ვნახოთ, რა გამოვა.

სხვა გზა აღარ დარჩა.

როგორც თვითონ ჩაიგდო ხელში ძალაუფლება პარლამენტში შევარდნით, ისე უნდა წაართვა.

10-ში სამწუხაროდ, თბილისში არ ვიქნები, საბერძნეთში მივდივარ მწერალთა მსოფლიო ფორუმში მონაწილეობის მისაღებად.

2 ივნისს გარდაიცვალა მარი აბრამიშვილი. შესანიშნავი პოეტი, ეროვნული მოძრაობის მონაწილე, ნაციმბირალ-ნაგულაგარი. ოთხმოცს გადაშორებული იყო, მაგრამ მხნე და მებრძოლი.

2 ივნისს პანტომიმის თეატრში „წმინდა გიორგის“ პრემიერა გავმართეთ.

პრემიერა გაუხმაურებლად, უტელევიზიოდ ჩავატარეთ, რადგანაც გვეშინოდა მამა გიორგი ზვიადაძეს და საპატრიარქოს რაზმს თეატრი არ დაერბია.

სპექტაკლმა არნახული წარმატებით ჩაიარა.

ხანგრძლივი ტამის მერე მაყურებლის წინაშე აღფრთოვანების სიტყვები წარმოსთქვეს ჯანსუღ ჩარკვიანმა, მამა ბასილ კობახიძემ, გურამ გოგიაშვილმა, რეზო ესაძემ, ალიკო ასლანიშვილმა, დათო ტაკიძემ, ნომადი ბართაიამ, ნელი გურგენიძემ, შალვა დავითაშვილმა, ვაჟა აზარაშვილმა, ჯუმბერ ჯანდიერმა, იგორ კვესელავამ და ქალაქის მერიის კულტურისა და სოცუზრუნველყოფის სამსახურის უფროსმა მამუკა ქაცარავამ.

მე მგონი ამის შემდეგ სპექტაკლს მწვანე გზა ექნება.

საქმე ისაა, რომ პატრიარქს მე და ამირან შალიკაშვილმა ერთად მივუტანეთ ლიბრეტო. მოინონა და კურთხევა მოგვცა. „ბნელმა ძალებმა“ ისარგებლეს, მიუტანეს წერილი სპექტაკლის აკრძალვაზე და ხელი მოაწერინეს.

ეს უპრეცედენტო შემთხვევაა ქართული თეატრის ისტორიაში, თუმცა... მე საერთოდ რისთვის მიმიღწევია იოლად. ასეთი ბედი მაქვს...

4.VI.2008 – 6.VIII.2008

5 ივნისიდან 19 ივნისამდე საბერძნეთში ვიყავი.

როდოსში ევროპის მწერალთა ასამბლეაზე სიტყვით გამოვედი. ვილაპარაკე იმაზე, რომ დღეს მთელ მსოფლიოში შემცირდა წიგნის მკითხველი, რომ საქართველო ტრადიციულად ლიტერატურის ქვეყანაა. რომ საქართველო რუსთაველის სამშობლოა და ამ დარბაზში მყოფ ევროპის სახელგანთქმულ მწერალთა უმეტესობას „ვეფხისტყაოსანი“ წაკითხული არა გაქვთ. მაშინ, როცა გაჭირვებული ქართველი მწერლები მსოფლიო ლიტერატურას ფეხს ვაყოლებთ და ჩვენი მთარგმნელები თითქმის ყველაფერს ღრებულს თარგმნიან უცხოურიდან – რატომღაც ევროპის და ამერიკის ქვეყნებში თანამედროვე ქართულ მწერლობას „არ სწყალობენ“. შეიძლება მე ნაკლებად მქონდეს სანუწუნო; ჩემი ნოველები მსოფლიოს 14 ენაზე ცალკე წიგნებად გამოცემული, მაგრამ რა დააშავა თანამედროვე ნიჭიერმა პოეტმა ან რომანისტიმა „საკუთარ ქონში რომ იხრაკება საკუთარ ტაფაზე“ და ევროპაში ვერა და ვერ გააღწია-მეთქი. ესეც არ იყოს, ევროპა გვიცქერის როგორც ლარიბ ნათესავს და ხმას არ იღებს, მაშინ როცა დამპყრობელმა რუსმა აფხაზეთში ჯარი შეიყვანა, არც მამის მოცემაზე (ნატოში მიღება) შეინუხა ევროპამ თავი. ეს კი იმას ნიშნავს, რომ პატარა საქართველოს ბედი ევროპას ტრადიციულად არ ანალვებს-მეთქი.

რატომ ტრადიციულადო, ვილაცამ გვითხრა, იმიტომ, რომ 1921 წელსაც ასე შეგვაქციეთ ზურგი და რუსეთის ნითელი ვეშაპის პირისპირ მარტო დაგვტოვეთ-მეთქი.

მომეჩვენა, რომ დარბაზში აქა-იქ ზოგმა ევროპელმა „გენიოსმა“ თავი ჩაღუნა. თავის ჩაღუნვა თანაგრძნობად მივიჩნიე და გავაგრძელე. რატომ არ იღებთ ხმას იმ ვანდალურ ფაქტზე, რომ 2007 წლის 21 აგვისტოს ღამის 4 საათზე მწერალთა სასახლე დაარბიეს და მწერლებს დღეს თბილისში თავშესაფარი არ გაგვანჩნია-მეთქი.

„რა საშინელებაა“-ო, „ეს როგორ გაბედესო“, ამიოხრეს და მორიგ გამომსვლელამდე არ მიჰყოლიათ ჩემი გასაჭირი. ესაა ევროპა. 15 ივნისს როდოსიდან ათენში ჩამოვფრინდი. ქართული კულტურის ცენტრში მე და მაცყალას დიდი შეხვედრა მოგვინყვეს. შეხვედრის ორგანიზატორი იყო ცენტრის ხელმძღვანელი, ცნობილი მეცნიერი და დიპლომატი ავთანდილ მიქაბერიძე. საერთოდ ა. მიქაბერიძე უალრესად განათლებული კაცია, ჭეშმარიტი მამულოშვილი, მან ერთ მუშტად შეჰკრა საბერძნეთში სამუშაოდ ჩასული ქართველობა. რაც ავთომ გააკეთა, სამაგალითოა. შექმნა ქართული საკვირაო სკოლა, ქართული ინსტიტუტი, უფასო სამედიცინო მომსახურება და ეს ყველაფერი საკუთარი სახსრებით თავის სამეცნიერო შრომებში აღებული ორიოდე გროშით, ცრემლმორეული ლაპარაკობდა იმაზე, რომ რუსთაველის სამშობლოში დღეს ქართველი მწერალი და მეცნიერი იღვენება. ათენში ყოფნის 3 დღის განმავლობაში ნაბიჯზე არ მოგვპორებია. ბოლო დღეს პადაგრა (ჩემი მოურჩენელი, ერთგული ავადმყოფობა) გამირთულდა და

ძლივს დავაბიჯებდი, მაგრამ ავთოსთვის არ მიგრძნობინებია, პარტენონზე აუტანელი ტკივილით ავედი. აკროპოლზე ადრეც ვყოფილვარ, მაგრამ ავთოს ვუთხარი, პირველად ვარ-მეთქი და ისიც წარმოუდგენელი სიხალისით მიხსნიდა მსოფლიოს მე-8 საოცრების სიდიადეს. გამომშვიდობებისას აეროპორტში გამომაცილა და მისი ცენტრის მიერ გამოცემული ბრწყინვალე ნიგნები მაჩუქა.

19 ივნისს დავბრუნდი თბილისში, „ოპოზიცია“ თითქმის ჩამკვდარი დამხვდა.

პარლამენტის პიკეტირებას 10-ში რომ აპირებდნენ, დაუსწრიათ და 7-ში დილის 7 საათზე ჩაუტარებიათ პარლამენტის პირველი სხდომა. ნაციონალ-პარლამენტარები საიდუმლო ხვრელით შეუყვანიათ პარლამენტის შენობაში. ოპოზიციამ დილით რომ გაიღვიძა, ტელევიზიით უკვე პარლამენტის სხდომას გადმოსცემდნენ.

ამ გარემოებამ ოპოზიციის ნგრევა გამოიწვია.

გ. თორთლაძემ, გ. ცაგარეიშვილმა და ჯონდი ბალათურიამ პარლამენტში შესვლა გადაწყვიტეს. ასევე, როგორც მოველოდი, გია თარგამაძის პარტიამ პარლამენტში დღურთა თავი.

15-მა პარლამენტარმა (გამყრელიძემ, ნათელაშვილმა, გაჩეჩილაძემ, ბესელიამ...) უარი თქვეს პარლამენტარობაზე და დახიეს მანდატები, მაგრამ სააკაშვილს ამაზე დიდად არ უნალვლია. მას უკვე ჰყავს პარლამენტში თავისი „ცხვარი ოპოზიცია“, რაც იმას ნიშნავს, რომ სააკაშვილის პარლამენტი ერთპარტიული აღარ არის.

საშინელ ხასიათზე ვარ.

ახლა ოპოზიციონერი მამლაციანები ქართველ ერს ადებენ ბრალს, - ზოგმა ფული აიღო და სააკაშვილს მიეყიდაო. ერი არაფერ შუაშია. თვითონ აღმოჩნდნენ „ბელადები“ მშიშრები და უნიათონი.

3 ივლისს პანტომიმის თეატრში ოფიციალურად გაიმართა „წმინდა გიორგის“ პრემიერა. სპექტაკლს ამჯერადაც ზღვა მაყურებელი ჰყავდა. მობრძანდნენ ედუარდ შევარდნაძე, როინ მეტერველი, პროფესორი ოთარ ყორდანია, პროფესორი მედეა როგავა და სხვები. პრემიერამ დიდი წარმატებით ჩაიარა. ედუარდ შევარდნაძემ განაცხადა – ეს მსოფლიო მნიშვნელობის სპექტაკლია და მთელმა მსოფლიომ უნდა ნახოსო.

სპექტაკლის დაწყებამდე ქუჩაში იდგა ოთხიოდე ბნელეთის მოციქული ტრანსპარანტი ხელში „არ შეხვიდეთ, ამ წარმოდგენის ნახვა ცოდავად ჩაგეთვლებათ“. საპატრიარქოს ერთი ნაწილის ამ ნაბიჯმა სიხარული გამინახევრა. ვერ გამიგია, რა ხდება, ხმას რატომ არ იღებს პატრიარქი. ნუთუ თვითონაც ამ აზრისაა. ჩემი მეგობარი, მსცოვანი რეჟისორი რეზო ჩხვიძე შეშინდა და სპექტაკლზე არ მოვიდა. ვაი თუ პატრიარქს ჩემი მისვლა ეწყინოსო.

7.VIII – 12. IX. 2008

7 აგვისტოს ცხინვალის რუსეთ-საქართველოს ომი დაიწყო.

ეს არის რუსეთთან მეორე ომი ბოლო თხუთმეტი წლის განმავლობაში.

ბევრს ტრიაბახობდა სააკაშვილი რუსეთის პროვოკაციაზე არ წამოვეგებო, მაგრამ მაინც წამოვეგო.

იმდენი უჩხიკინეს კოკოითმა და კომპანიამ, რომ ჩვენი პრეზიდენტი საბოლოოდ გააბრაზეს.

ომის დაწყების მეორე დღესვე მივეცი ინტერვიუ „ასავალ-დასავალის“ კორესპონდენტს და ვარაუდი გამოვთქვი; როგორც ვხედავ, ყველაფერი ამ ომში 1993 წლის სტენარით მიდის და თუ გაეგონებ მე-7 პუნქტი არ აამუშავა (მშვიდობის ძალით დამყარება) ან ამერიკის ინიციატივით ევროკავშირმა და ნატომ დაუყოვნებლივ საერთაშორისო ცისფერჩაფხუტიანები არ გამოგზავნეს, საქართველო სასტიკად დამარცხდება და ჩვენი ყოფნა-არყოფნის საკითხი დადგება-მეთქი.

„ევროპაში ყველაზე ძლიერმა და ყველაზე კარგად შეიარაღებულმა“ (როგორც სააკაშვილი ტრაბახობდა) ქართულმა ჯარმა ერთ დღეში ცხინვალის აიღო და ჯავისკენ გაიწია, მაგრამ რად გინდა, მეორე დღეს როკის გვირაბიდან რუსეთმა 2000 ტანკი შემოიყვანა და ჩვენმა „მამაცმა მეომრებმა“ (აქ შეიძლება კაცი მოვკლესო), სააკაშვილისვე ბრძანებით მიატოვეს საომარი ტექნიკა, ავტომატები... და ფაცხაფუცხით გამოიქცნენ. ასე რომ, ამერიკელების განვრთნილ ჩვენს ჯარს საბრძოლო მზადყოფნა მხოლოდ ორი დღე ეყო. სააკაშვილის ტელევიზია რომ გაჰყვიროდა ცხინვალს ვაკონტროლებთო, მაშინ ჩვენი ჯარისკაცები უკვე შინ იყვნენ ფარდებდაშვებულ ბინა-ქოხებში ტელევიზორს შეჰყურებდნენ. ე მანდ არსად გამოგვაჩინონ, როგორ მოვძუნძულებთ გორისკენო.

რუსი აფხაზეთ-სამაჩაბლოს ნართმევით (როგორც 1993 წელს) ამჯერად არ დაკმაყოფილდა. ჯერ იყო და გორამდე შემოსდია ქართულ ჯარს, მერე მეორე ფრონტი გაგვისსნა აფხაზეთში და კოდორის ხეობა დაიკავა („დაუმორჩილებელი“ „ამაყი“ სვანები ერთმანეთს ისე ასწრებდნენ კოდორის ხეობიდან, რომ ერთი თოფიც არ გაუსვრიათ) ბოლოს კი, რაკი საბოლოოდ დარმწუნდა, რომ აზრი ქართული ჯარის სიძლიერის შესახებ მტკნარი სიცრუე და მითი იყო, რუსმა აგრესორმა მთელი საქართველოს დაპყრობა გადაწყვიტა.

დაიდრნენ რუსის ტანკები ერთდროულად საქართველოს ყველა სოფლისა და ქალაქისაკენ. რუსული ავიაცია ბომბავს სრულიად საქართველოს და პირველ რიგში ჩვენს სანაქებო სამხედრო ბაზებს.

ააფეთქეს ყველა სამხედრო კატარლა, ყველა აეროპორტი (გარდა თბილისის აეროპორტისა) თავის თვითმფრინავებიანად.

სადაა ჩვენი ძმა ამერიკა? რატომ არ გადაგვაფარა თავისი მფარველი კალთა.

ბუშმა და მისმა შოკოლადისფერმა სახელმწიფო მდივანმა კონდოლიზა რაისმა განცხადებით კი განაცხადეს, რაც ხდება, აღმაშფოთებელია, და დროა, რუსეთმა შეწყვიტოს აგრესიაო, მაგრამ რუსეთის ფიურერმა პუტინმა ამერიკის პირველი პირების ნათქვამი ერთ ადგილზე დაიკიდა.

მთელი საქართველო ცეცხლში იწვის, რუსული ვერტიმფრენები ტყეებს ცეცხლს უჩენენ.

განმკითხავი არავინ არის.

ბოლოს საფრანგეთის პრეზიდენტმა სარკოზიმ იმარჯვა, ჩაფრინდა მოსკოვში და რუსეთის პრეზიდენტ მედვედევს ცეცხლის შეწყვეტაზე ხელი

მოანერინა. მერე თბილისში ჩამოფრინდა და ახლა სააკაშვილს მოანერინა ხელი.

თითქოსდა ყველაფერი შეთანხმებულია, მაგრამ რუსის ჯარი არ გადის საქართველოდან.

ისევე გრძელდება მკვლელობები, ძარცვა, გაუპატიურება...

თბილისი გაივსო ლტოლვილებით.

ვინც გამოასწრო შიდა ქართლიდან (150 000-მდე ქართველი) თბილისში ცხელ ასფალტზე ათევს ლამეს...

ვინც ვერა, სახლები გადაუნვეს და იქვე ჩახოცეს.

ამბობენ რომ მკვდრებითაა მოფენილი შიდა ქართლი.

მწერლებმა რაც შეგვეძლო (შინ რაც გვებადა: ჩასაცმელი, დასახურავი, საკვები, ლეიბ-საბანი), შევავროვეთ და 18 აგვისტოს მივუტანეთ ლტოლვილებს, უნდა გენახათ რა ზედახორა გაიმართა. მეხუთე დღეა აქ ცყრივართ და ჩვენთვის არავის სცალიაო.

დამწვა მათმა საცოდაობამ.

მთელი ღამე ვერ დავიძინე.

19 აგვისტოს მწერლებმა პრესკონფერენცია გაემართეთ. გამოვედით ჯანსუღ ჩარკვიანი, მე, მაყვალა გონაშვილი, ვაჟა ოთარაშვილი და გურამ გოგიაშვილი.

„რუსთავი 2“-მა პანანკინტელა სიუჟეტი გადასცა.

12 აგვისტოს სააკაშვილმა თავისი მომხრეების სამარცხვინო მიტინგი გამართა რუსთაველზე.

ინტელიგენციის არც ერთი გონიერი წარმომადგენელი იქ არ მისულა. ორად-ორი არტისტი გურამ სალარაძე და ოთარ კობერიძე ყელყელაობდნენ.

რუსეთმა, როგორც მოსალოდნელი იყო, არ შეასრულა მსოფლიოს თვალწინ დადებული ხელშეკრულება ომის შეწყვეტისა და საქართველოდან ჯარის გაყვანის შესახებ.

ამერიკამ და ნატომ შავი ზღვის ევპატორიაში (ვითომდა ჰუმანიტარული ტვირთი გამოგვაქვსო) 3 სამხედრო ხომალდი შემოიყვანეს, მაგრამ რუსი მიანც ვერ შეაშინეს.

რუსებმა ტანკები მოსაჩვენებლად გაიყვანეს გორიდან და მთავარი სამანქანო მაგისტრალი გაათავისუფლეს, მაგრამ მძიმე ტექნიკა და არტილერია ტყეებში გადამალეს და ისევე აქ არიან. თითქმის ყველა სოფელში დგას 2 ტანკი და რამდენიმე ჯავშნიანი მანქანა.

რუსებს დეკავებული აქვთ საქართველოს ყველა სამხედრო ბაზა, ქვეყნისთვის სასიცოცხლო მნიშვნელობის ფოთის ნავსადგური და ა.შ.

რუსმა, ჩანს, ისე მაგრად ჩაგვასო ბრჭყალები, რომ ადრე და მალე არ მოგვეშვება.

25 აგვისტოს რუსეთის დუმამ ყველასთვის მოულოდნელად სცნო აფხაზეთის და „სამხრეთ ოსეთის“ დამოუკიდებლობა.

მეორე დღესვე, 26 აგვისტოს მედვედევმა ხელი მოანერა რუსეთის სახელმწიფო სათათბიროს დადგენილებას.

მაშ ასე, აფხაზეთი და სამაჩაბლო სამუდამოდ ჩამოგვაჭრა რუსეთმა.

ჩვენი ტელევიზია გაჰყვირის მსოფლიო რუსეთს ამ „პროვოკაციას არ აპატიებს!“... ნახავთ რუსეთი მალე სრულ იზოლაციაში მოექცევაო.

ვნახოთ.

მე კი ერთი რამ ვიცი, რომ ჩემი სამშობლო დაშლის პირასაა.

ახლა შეიძლება ჯავახეთში მცხოვრებმა სომხებმაც წამოყონ თავი. რუსმა ნაძირალეებმა იქნებ აჭარასაც მოათხოვნინონ საქართველოდან გამოყოფა.

როგორ შეიძლებოდა ომში ჩაბმა რუსეთის წინააღმდეგ.

ნუთუ ასე ძნელი მისახვედრი იყო, რომ რუსეთი დაგვამარცხებდა და ამ საუკუნეში მესამედ დაგვიპყრობდა?

უგუნურმა პოლიტიკამ საქართველო ილია ქავჭავაძის საქართველოში დააბრუნა.

საქართველო კვლავ დაპყრობილია და კვლავ რუსული ჩექმა დაბრახუნობს ქვეყანაში.

ახლა ისევ თავიდან უნდა დავიწყოთ ეროვნულ-განმათავისუფლებელი მოძრაობა თვითმპყრობელობის წინააღმდეგ.

25 აგვისტოს გაზეთ „კვირის ქრონიკაში“ დიტო ჩუბინიძე მენტიერვიუება, ვყვები ჩვენს უბედურებაზე, ვლანძღავ სააკაშვილს, მაგრამ მერე რა... გულს ვიოხებ და მეტი არაფერი.

ასეთ უმწეო მდგომარეობაში არასოდეს ვყოფილვარ.

გამოვეცი „მწერლის გაზეთის“ ახალი ნომერი. თავიდან ბოლომდე რუსეთის და ამ ხელისუფლების მიმართ პროტესტითაა გაჯერებული.

ვეკითხები მწერლებს – ჩვენ, ამ ომში დავმარცხდით, თუ გავიმარჯვეთ? აბსოლუტურად ყველა ჭკუათმყოფელი მწერალი გვპასუხობს, რომ დავმარცხდით.

საკაშვილი კი ოკუპირებულ საქართველოში გამარჯვებას ზეიმობს.

29 აგვისტოს მწერალთა კავშირის შენობაში, რომელსაც ერთი წელია პოლიციელები მწერლებისგან იცავენ, ეკონომიკის სამინისტრომ ავეჯი შეიტანა.

30 აგვისტოს მწერალთა კავშირის წინ მიტინგი გაემართეთ.

გახსნა მაყვალა გონაშვილმა.

გამოვედით: ჯანსუღ ჩარკვიანი, მე, ვაჟა ოთარაშვილი, გენო კალანდია, ჯანო ჯანელიძე და სხვები.

1 სექტემბერს ევროკავშირის სამიტი გაიმართა.

ბევრი იმსჯელეს ევროპის სახელმწიფოთა მეთაურებმა სარკოზის (საფრანგეთის პრეზიდენტი) ხელმძღვანელობით, სიტყვიერად მხარი დაგვიჭირეს, მაგრამ რუსეთისათვის სანქციების დაწესება ვერ გაბედეს.

გავემებულები „თეთრი დათვისა“ მთელ მსოფლიოს ეშინია.

რუსს კიდევ ერთხელ მისცეს რჩევა ჯარი გაიყვანოს საქართველოდან, მაგრამ მედვედევი და პუტინი ევროპის „თხოვნას“ ყურადღებას არ აქცევენ.

პირველ სექტემბერს დამარცხებულმა საქართველომ „ცოცხალი ჯაჭვის“ თეატრალური სანახაობა მოაწყო.

ეს სასაცილოზე-სასაცილო ღონისძიება იყო, მითუმეტეს იმ ფონზე, რომ ოკუპანტ რუსებს შუბლზე სინდისის ერთი პანანინა ძარღვიც არ შერხევიათ.

რასაკვირველია, ამ „სახალო ზეიმში“ (სახალხო გლოვის ნაცვლად რომ ჩატარდა) მონაწილეობა არ მიმიღია.



2 სექტემბერს მაცვალა გონაშვილის ინიციატივით მწერალთა კავშირის საპრემიო კომისიამ ჩემთვის სრულიად მოულოდნელად ილია ჭავჭავაძის პრემია მომანიჭა.

არ გამეხარდა-მეთქი ვერ ვიტყვი, მაგრამ დაპყრობილი საქართველოს საეკლავლო მდგომარეობამ დიდი ილიას სახელობის პრემიის მიღების სიხარული გამინელა.

8 სექტემბერს საფრანგეთის პრეზიდენტი და ნატოს გენერალური მდივანი მოსკოვში ჩავიდნენ და მედვედევს კიდევ ერთხელ მოთხოვეს თავისივე ხელმოწერილი ექვსპუნქტიანი ხელშეკრულების შესრულება.

გაზეთები (ევროპის) სწერენ, რომ შეხვედრა დაგეგმილი 1 საათის ნაცვლად 4 საათს გაგრძელდა, ბოლოს როგორც იქნა გატეხეს მედვედევი და დაითანხმეს (სასწაული მოხდა!), რომ ჯარი 10 დღის განმავლობაში უნდა გაიყვანო საქართველოდან.

მართლაც მეორე დღეს, თურმე ჯარისკაცებმა დაიწყეს მავთულხლართების აკეცვა-დახვევა და ტანკების ამოყვანა სანგრებიდან ზოგ ადგილას.

ჩემს სიხარულს საზღვარი არ აქვს.

სამწუხაროდ, იმავე საღამოს მედვედევმა (ჩანს პუტინთან მოლაპარაკების შემდეგ) დააზუსტა, ჩვენ ფოთიდან და სენაკიდან გავიყვანთ ჯარს, მაგრამ აფხაზეთში და სამხრეთ ოსეთში პირიქით, გავზრდით რუსულ შეიარაღებულ ძალებსო. თანაც ევროკავშირმა თავისი შეიარაღებული ძალები განალაგოს საქართველოს ტერიტორიაზე და არა აფხაზეთსა და სამხრეთ ოსეთში, რომლებიც უკვე დამოუკიდებელი სახელმწიფოებიანო.

ისევე აყვირდა სარკოზი, მედვედევმა ამჯერადაც მოგვატყუაო.

### 13.IX – 24.XI 2008

საქართველო რუსეთთან მოულოდნელმა მოუშზადებელმა ომმა ცოცხალ მსხვერპლს თავი რომ გავანებოთ, ეკონომიურად გააჩანაგა. იზრდება ფასები, მატულობს უმუშევრობა, რუსეთის ბაზარი აბსოლუტურად დაკეტილია საქართველოსთვის. რუსეთთან შეწყდა დიპლომატიური ურთიერთობა და რუსეთის ელჩი დაითხოვეს საქართველოდან.

საკავშირმა განაცხადა, რაც იყო იყო, ახლა დემოკრატიის მეორე ტალღას ვინყებო. შექმნა ანტიკრიზისული საბჭო, რომელსაც სათავეში ჩემი კარგი ნაცნობი, ცნობილი ალპინისტი (ამჟამად პარლამენტის წევრი) ნახევრადოპოზიციონერი გია თორთლაძე ჩაუყენა. მივედი გიასთან. უთხარი პრეზიდენტს, ახლა მაინც დაგვიბრუნოს მწერლებს მწერალთა სასახლე-მექთი. მესამე დღეს გიამ პარლამენტში განაცხადა; ანტიკრიზისული საბჭოს სახელით პრეზიდენტს უნდა მოველაპარაკო, რომ მწერალთა სასახლე მწერლებს დაუბრუნდესო.

როგორ თუ გია თორთლაძე გასაყიდად გამზადებულ სასახლეს გვართმევს და მწერლებს უბრუნებსო, პირკატა ეცათ ეკონომიკის სამინისტროს მესვეურებს. გამოვარდნენ ტელევიზიით და განაცხადეს: ჩვენ „მწერალთა კავშირს“ – ასეთ დანესებულებას არ ვიცნობთ. სასახლე ჩვენს განკარგულებაში დარჩებაო. აბა მწერლებმა რა ჰქნანო, ჰკითხა ჟურნალისტმა – თავში ქვა იცენ და ისა ჰქნანო, უპასუხეს სააკაშვილის ერთგულმა ლაქიებმა.



ასე რომ, ბრძოლას ვაგრძელებთ.

რუსები აფხაზეთიდან და სამაჩაბლოდან ჯარის გაყვანას არ აპირებენ. ყვეს ამერიკა, ყვეს ევროკავშირი, მაგრამ დამპყრობელი რუსის ქარავანი მიდის.

ამ ბოლო ომის შედეგად აფხაზეთის და სამაჩაბლოს გარდა წართმეულია კოდორის ხეობა, ახალგორის რაიონი და საჩხერის რაიონის ზედა ზონა – სოფელი პერევი.

როგორც ჩანს, ევროპა დაღალა ჩვენმა მამიდობამ და დაცხრა, პრეზიდენტი კი ძველებურად გაჰყვირის – ჩვენ გავიმარჯვეთო.

10-15 ოქტომბერს ერევანში ვიყავი მწერალთა და მთარგმნელთა მსოფლიო კონფერენციაზე. ვთქვი, რომ ასეთი ოფიციალურ-საზეიმო შეხვედრები არაფერს მოგვიტანს, რომ ჩვენი „კამათი“ ყრუ-მუნჯთა საუბარს ჰგავს. ყველა თავისას მიერეკება და წინა გამომსვლელს არ უსმენს, რომ წინის გამოცემა და მისი თარგმნა თვითდინებაზე მიშვებული, ვინც უფრო მოხერხებულია (ხოლო მოხერხებულები ძირითადად უნიჭოები არიან) ის „იმარჯვებს“. არაფერს არ ზრუნავს მთარგმნელთა ახალი თაობის აღზრდაზე. მხატვრული ნაწარმოების თარგმნაზე სოციალური დაკვეთა არ არსებობს და ამიტომაც ჩაკვდა ეს საქმე. სხვაც ბევრი რამ ვთქვი: უნიგნური პოლიტიკოსები მწერლის კეთილი ნების ხმას არ უსმენენ და ამიტომაც ერები გაუტურამგელდნენ-მეთქი ერთმანეთს.

ვთქვი... მაგრამ რა?

სხვათა შორის, „რუსულენოვანმა“ ქართველმა მწერალმა ალექსანდრე ებანოიძემ მხარი დამიჭირა; ერთადერთი საქმიანი გამოსვლა რევაზ მიშველაძისა იყოვო.

სომხეთში, როგორც ყოველთვის, ქართველებს განსაკუთრებული სიყვარულით და ყურადღებით გვეპყრობიან. მწერალთა კავშირის თავმჯდომარემ ლევან ანანიანმა გამოსათხოვარ ბანკეტზე თანადგომა მთხოვა. თან ბოდიშის მოხდით დასძინა, რუსი მწერლები რომ მოვიყვანო, ხომ არ გენყინებაო. ვერ გეტყვი, რომ ძალიან გამეხარდებო, მაგრამ რა უფლება მაქვს შენს სტუმრებს ბლევრა დაუწყო-მეთქი. რომ არ გავაგრძელო, ვითამადე როგორც შემძლო. რაც მთავარია, რუსებს ვუთხარი, ნუთუ იმდენად არ გიღირვართ ქართველები, რომ ერთ მწერალსაც კი არ გასჩენია პროტესტის გრძნობა თქვენმა პრეზიდენტმა რომ ტანკებით გადაგვიარა-მეთქი, შერცხვით და თავი ჩაქინდრეს.

3 ნოემბერს მე, მაყვალა გონაშვილმა და გიორგი გიგაურმა აკაკი გენაძე ვინახულეთ, მძიმე ოპერაცია გადაიტანა (ყელის კიბო აქვს), თავს ყოჩაღად გრძნობდა, ერთი კვირის შემდეგ მისმა ქალიშვილმა – ხათუნამ დამირეკა – გარდაიცვალაო. გაზეთში ნეკროლოგი რომ მიგვეცა, ბ-ნი აკაკის ბიოგრაფიული მონაცემები გგჭირდებოდა. პოლიციამ მწერალთა კავშირის შენობაში არ შეგვიშვა, რომ აკაკის პირადი საქმე გამოგვეტანა, აი, ასეთი პრეზიდენტი ჰყავს საქართველოს. რაც დრო გადის, ვითარება უფროდაუფრო აუტანელი ხდება. გავსებულია ციხეები პოლიტპატიმრებით, ტელევიზიებს დირექტივა აქვთ მიცემული – არც ერთი ეროვნული მოღვაწე ეკრანზე არ გამოაჩინონ.

მანაც მივალწიე აკაკი გენაძის დასაფლავებას დიდუბეში.

6 ნოემბერს ხელოვნების მუშაკთა სასახლეში მიხმეს, რუსულ-ქართული ლიტერატურული ურთიერთობების შემაჯამებელი კონკურსის ღონისძიებაზე.

საშა ებანოიძე, მე და გივი შაჰნაზარი გამარჯვებულად გამოგვაცხადეს, სიგელები და ფასიანი საჩუქრები ჩამოგვირიგეს.

13 ნოემბერს სამების ტაძარში გოდერძი ჩოხელის საღამო გავმართეთ.

მაყვალა, რეზო ჩხეიძე, მე, პაატა ნაცვლიშვილი და მეუფე თადეოზი გამოვედით.

22 ნოემბერს ხელისუფლებამ მწერალთა კავშირის კიდევ ერთხელ ოკუპირება სცადა, ოღონდ ამჯერად ეს ბნელი საქმე „შტრეიკბენერი“ მწერლების ხელით სურდა გაეკეთებინა, ჩუმად, ქურდულად შეაპარა სასახლეში ხელისუფლების ერთგული შვიდი მწერალი და სურდა გაეხსნა ე.წ. “მწერლის ხანლი“, რომელსაც ცყოლებოდა ხელისუფლების მიერ დანიშნული „ნითელი კომისარი“ დირექტორად, ხოლო მწერალთა კავშირის წევრებს მონყალებას მოიღებდნენ და ნებას დაგვრთავდნენ ბიბლიოთეკით გვესარგებლა. მესაკუთრე მწერალთა სასახლისა, რასაკვირველია, ეკონომიკის სამინისტრო იქნებოდა და არა მწერალთა კავშირი.

ჩემს დაძახილზე მწერალთა სასახლესთან 200 კაცი გაჩნდა. დავიწყე მიტინგი და ვთქვი, რომ ბნელი განზრახვა ფრთებს ისხამს. ქართველ მწერლებს სამუდამოდ ართმევენ კუთვნილ შენობას.

მიტინგზე მოულოდნელად კულტურის მინისტრი გრიგოლ ვაშაძე გამოჩნდა. სიტყვა მთხოვა, რასაკვირველია, დავუთმე მიკროფონი. ჩემთვისო, სიტყვა ასე დაიწყო: საქართველოში ჭაბუა ამირეჯიბზე, რევაზ მიშველაძეზე და გიგა ლორთქიფანიძეზე უფრო ძვირფასი და ავტორიტეტული ადამიანები არ არსებობენო. ვინ ჰკითხავს სხვას ამ საკითხის გადაწყვეტასო, 25 ნოემბერს, 12 საათზე გთხოვთ ჩემთან მობრძანდეთ (10-კაციანი დელეგაცია) და მოვილაპარაკოთო.

მივედით: გიგა ლორთქიფანიძე (ჭაბუამ წერილი გამოგზავნა), მე, მაყვალა, დავით შემოქმედელი, სოსო სიგუა, გოგი ქავთარაძე, სანდრო მრევლიშვილი, ნუკრი ქანთარია, ჯუმბერ ჯანდიერი, ჯანსუღ ჩარკვიანი და გურამ ბათიაშვილი.

კარგად მივივლო. დაგვამშვიდა, დაგვიყვავა, მოგვეფერა და დაგვიპირდა: თუ ათ დღეში სასახლე ვერ დაგიბრუნეთ გაძლევთ პირობას მინისტრობიდან გადავდგებიო. ვნახოთ, რას იზამს.

25.XI.2008 – 31.XI 2008

ერთი კვრის თავზე ისევ გვიხმო კულტურის მინისტრმა გრიგოლ ვაშაძემ, მივედით მ. გონაშვილი, მე, ვაჟა ოთარაშვილი, დავით ტაკიძე და გენო კალანდია.

არ დაგვიმალა, დიდ წინააღმდეგობას ვაწყდებო. პრეზიდენტს მწერალთა კავშირის გაგონებაც არ სურსო. იქნებ ასე შევთანხმდეთ: ფორმალურად სასახლე ეკონომიკის სამინისტროს საკუთრება იქნება, მოსაჩვენებლად (მეტი დემოკრატიულობა რომ მივანიჭოთ) „მწერალთა სახლს“ დავარქმევთ, ფაქტიურად კი თქვენს განკარგულებაში იქნებაო.

ჩართევას ჩაყოლა ვამჯობინეთ და დავთანხმდით.

გადაგვეკოცნა, გამოგვაცლილა, ხვალ განკარგულებას დავნერ და ზეგ შე-  
გიძლიათ შეხვიდეთ მწერალთა სასახლეშიო.

ეს იყო ორშაბათს, 8 დეკემბერს, მოვედით სახლში გახარებულები და  
სალამოს ტელევიზიამ გამოაცხადა, კულტურის მინისტრი სააკაშვილმა  
საგარეო საქმეთა მინისტრად გადაიყვანაო.

დავურეკე, მივულოცე და ცრემლმომდგარმა ვკითხე, როგორ იქნება-  
მეთქი ჩვენი საქმე?

რა ვქნა, ბატონო რეზო, თქვენი დიდი ხათრი მაქვს, მაგრამ ახალ მინის-  
ტრთან უნდა მიბრძანდეთო. არ კითხავთ ახალი მინისტრი ვინ არის? პარალ-  
მენტის წევრი, თავდაცვის კომიტეტის თავმჯდომარის მოადგილე ნიკა რუ-  
რუა.

გაზეთ „რეზონანსში“ დაიბეჭდა ცნობა, 23 ოქტომბერს პრეზიდენტს  
მოუწერია ხელი №505 განკარგულებაზე, რომლის ძალითაც მწერალთა სა-  
სახლის ბაზაზე შეიქმნა “მწერალთა სახლი“. ასე რომ, თვალთმაქცობა იყო  
მინისტრთან (ორკვირიან მინისტრთან) ჩვენი შეხვედრები და დისკუსიები.

დავკრძალები მწერალი შუშანა მგელაძე.

4 დეკემბერს სამების ტაძარში სულხან-საბა ორბელიანის დაბადების  
350 წლისთავის იუბილე გავმართეთ.

მაყვალამ გახსნა. მოხსენებით მე გამოვედი.

ვილაპარაკე ჩვენი ბრძენი პაპის უზადო მწერლობაზე, მის ენციკლო-  
პედიურ “სიტყვის კონაზე“, ბოლოს ჩვენს უმადურობასაც გავუსვი ხაზი,  
საქართველოს გადასარჩენად კაცმა მთელი ევროპა მოიარა, ჩვენ კი ფოთში  
ჩამოსული გავძარცვეთ და მეორე დღეს სვეტიცხოვლის გარშემო წვერით  
ვათრიეთ.

8 დეკემბერს მიხეილ თუმანიშვილის თეატრში მიხეილ ვაშაძის 100  
წლის იუბილე გავმართეთ.

გამოვედით: გიგა ლორთქიფანიძე, მე, ელდარ შენგელაია, რეზო ჩხეიძე,  
რეზო ესაძე, დათო ჯანელიძე, ზურაბ ქაფიანიძე, კახი კავსაძე და სხვები.

სალამო გოგი დოლიძეს მიჰყავდა.

გვიან ღამით ბატონი მიხეილის ვაჟმა თამაზ ვაშაძემ ბანკეტზე მიგვი-  
წვია.

1 დეკემბერს არაგვისპირას რესტორანში ომარ გოცაძემ გვიმასპინძლა.

სუფრას უსხდნენ როინ მეტრეველი, მუხრან მაჭავარიანი (მეუღლი-  
თურთ), ელიზბარ ჯაველიძე, ძმები ხუროძეები, თამაზ წივნივაძე, რამაზ  
ხეცურიანი და სხვები.

თამაძობა მე მოხოვეს.

პირველი სადღეგრძელო, რა თქმა უნდა, საქართველოს მივუძღვენი და  
ალავერდი მუხრანთან გადავედი.

მუხრანმა საქართველოს სადღეგრძელო კი არა, ჩემო რეზო, საქარ-  
თველოს შესანდობარი უნდა დავლიოთო. საქართველო, როგორც სახელმ-  
წიფო, რუსეთთან ამ უკანასკნელი ომის შემდეგ ფაქტიურად აღარ არსე-  
ბობსო.

თუ გახსოვს მუხრან, ოპერის თეატრში საქართველოს რომ წარუდგინე

საკაპშვილი პრეზიდენტად და საქართველოს გადამრჩენელი უწოდებდნენ. თავი ჩაქინდრა; მაგაზე დიდი შეცდომა ჩემს ცხოვრებაში არ დამიშვიაო.

საკაპშვილს ამ ბოლო ხანს თითქმის ყველა მისი ერთგული თანამებრძოლი გადაუდგა. ჯერ ოქრუაშვილმა დატოვა სააკაპშვილის „მატარებელი“, ოქრუაშვილს ნინო ბურჯანაძე მიჰყვა, ბურჯანაძეს ვარდების რევოლუციის ერთი ბურჯთაგანი – ეროსი კინმარიშვილი, მალე ყოფილი პრემიერი ნოლაიძეელი გადავიდა ოპოზიციაში და ახლახან საქართველოს ელჩი ამერიკაში ირაკლი ალასანია განუდგა. ყველა აქ დასახელებული „მიშისტი“ ერთხმად აცხადებს, რომ პრეზიდენტი „არაადეკვატურია“ და მკურნალობას საჭიროებს.

მიშიკო კი თითქოს აქ არაფერიო, იხტიბარს არ იტყვს. კვლავ ილიმება და შეცდომას შეცდომაზე უშვებს.

6 დეკემბერს, შაბათს მეუფე ამბროსი (ქათამაძე) დაეკრძალეთ.

იგი ზვიად გამსახურდიას პირადი მოძღვარი იყო. ზვიადს განდევნისას გროზნოში წაჰყვა. მანამდე რაჭა-ლეჩხუმის მთავარეპისკოპოსი იყო ზვიადის დროს.

როგორც ზვიადისტი ქართულმა ეკლესიამ მოიკვეთა (ილია II-ის ყველაზე დიდი შეცდომა) და მეუფის ტიტულიც ჩამოართვა.

ბოლო თვეებში განსაკუთრებით დამიახლოვდა. მწერალთა კავშირის ყველა ღონისძიებაში მონაწილეობას იღებდა, მგზნებარე სიტყვა-ლოცვით გამოდიოდა.

მთხოვა, იქნებ უწმინდესთან მიშუამდგომლო, არ მინდა ესპიკოპოსობა, სადმე ერთი პატარა ეკლესია მომცენ და მადობელი ვიქნები, ჩემთვის ვილოცებო.

ავანთე რეზო ჩხეიძე და გიგა ლორთქიფანიძე. ერთ კვირაში უნდა მისულიყავით უწმინდესთან ამ თხოვნით, მაგრამ მეუფე ამბროსი უეცრად გარდაიცვალა. ამბობენ, მეუფე სტეფანესთან (კათალიკოსის ერთ-ერთი მოადგილე) შელაპარაკება მოსვლია, როცა ამ უკანასკნელს ზვიადი აუგად მოუხსენებიაო.

დაბრუნდა შინ მეუფე ამბროსი და გული გაუსკდა.

სადა ხარ ღმერთო, არ გათავდა ზვიად გამსახურდიას დევნა?

12 დეკემბერს ხელოვნების მუშაკთა სახლში ცხინვალელ ლტოლვილებთან შეხვედრაზე მწერალთა კავშირის სახელით სიტყვით გამოვედი.

ვთქვი, რომ რუს-ოსთა გაერთიანებულმა ჯარმა ქართველებს სახლები გადაუნვა, სამაჩაბლოში სისხლის კალო დაატრიალა, სამაჩაბლოს გარეთ საქართველოში 80 000 ოსი მშვიდად ცხოვრობს. აბა, აგვისტოს ომის შემდეგ თუ რომელიმე მათგანისთვის მიუყენებია ქართველს შეურაცხყოფა-მეთქი. თუ რომელიმესთვის მოგვითხოვა საქართველოდან აბარება-მეთქი.

ტიროდნენ გაუბედურებული სამაჩაბლოელი ქართველები.

გარდაიცვალა სრულიად რუსეთის კათალიკოს-პატრიარქი.

დაკრძალვაზე უწმინდესი და უნეტარესი ილია II გაემგაზვრა.

დაკრძალვაზე პრეზიდენტი მედვედევს შეხვდა. ჩამოსვლისას აეროპორტში განაცხადა: მედვედევს შეხვდი და წინადადება მომცა: საქართველო-აფხაზეთ-ოსეთის კონფედერაციულ სანყისებზე გაერთიანების მომხრე

თუ ხართო. მე დავთანხმდი, იმიტომ, რომ სხვა გზა არა გვაქვსო, პატრი- არქმა.

რასაკვირველია, ფედერაცია ჯობდა, მაგარმ დასაწყისისთვის არც ესაა ცუდი.

კათალიკოსის ჩამოსვლის მეორე დღეს პერევიდან (საჩხერე) რუსის ჯარი გავიდა.

იმ საღამოსვე სააკაშვილმა განაცხადა – რუსეთს ჩვენი შეეშინდა და საქართველოდან გარბისო.

იმ საღამოსვე, რუსის ტანკები ისევ შემობრუნდნენ პერევეში.

ასე ჩამალა პრეზიდენტმა კათალიკოსის მიერ მედვედევთან მიღწეული შეთანხმება.

14 დეკემბერს სააკაშვილს მიუღია ხელისუფლების პოლიტიკის მომხრე, საქართველოს მწერალთა კავშირიდან განმდგარი მწერლები: გივი ალხაზიშ- ვილი, ლია სტურუა, როსტომ ჩხეიძე, გივი შაჰნაზარი, ტარიელ ჭანტურია, ლამა იმედაშვილი და რეზო ჭეიშვილი.

სტუმრებმა თურმე ერთგულება შეჰფიცეს მასპინძელს და მადლობა მოახსენეს იმისათვის, რომ პრეზიდენტი თანმიმდევრულად, ენერგიულად იბრძვის მწერალთა კავშირის წინააღმდეგ, ჩვენაო, ძალიან ვნუხვართო, რომ მწერალთა კავშირს ჯერ კიდევ შემორჩნენ ნიჭიერი მწერლებიო.

– ვინო? – უკითხავს სააკაშვილს.

– მაგალითად, ჭაბუა ამირეჯიბი, ოტია იოსელიანი, რევაზ მიშველაძე, ოთარ ჭილაძე, თამაზ ჭილაძე, მერაბ ელიოზიშვილი, ჯანსუღ ჩარკვიანი და სხვებიო, უპასუხნიათ.

ეგენი რა მწერლები არიან, ნამდვილი მწერლები თქვენ ხართო – ჩაიქ- ირქილა თურმე სააკაშვილმა.

ასე ლუპავს საქართველოს შინაური შუღლი, შური და ლალატი.

15 დეკემბერს მოსწავლეთა სასახლეში (ნოე ჟორდანიას რეზიდენცია) ჩოხოსან რაინდთა კორპუსმა ეროვნული მოძრაობის ახალგაზრდა წარმო- მადგენელთა შეხვედრა გამართა. შეხვედრას ჩოხოსანთა მეთაური გოგი დოლიძე წარმართავდა.

გამოვედით მარცხა ლორთქიფანიძე, რეზო ჩხეიძე, მე, ჯემალ ჭკუასე- ლი, ქეთი კიკნაძე და სხვები.

დარბაზში ერის გულშემატკივართა „კოცონი“ აგიზგიზდა, ეს თაობათა ესტაფეტის, თაობათა შეფიცვის დემონსტრაცია იყო.

22 დეკემბერს „მნიგნობრის“ დარბაზში რეზო ჩხეიძის 80 წლისთავი აღნიშნეს.

გიგა ლორთქიფანიძემ თქვა შესავალი სიტყვა.

გამოვედით მე, ჯუმბერ ლომინაძე, კახი კავსაძე, რეზო ესაძე, რეზო ბალანჩივაძე, გუგული მგელაძე და სხვები.

სალამომ კარგად, გულთბილად ჩაიარა.

წინადადება დავაყენე: ძველი კინოსტუდიის წინ რეზო ჩხეიძის ვარსკვ- ლავი გაიხსნას-მეთქი. ყველა ტაშისკვრით დამეთანხმა.

23 დეკემბერს საქალაქო სასამართლომ (მოსამართლე – ნათია ჯორ- ბენაძე) ჩაიდინა კიდევ ერთი დანაშაული ქართული ეროვნული მწერლობის წინაშე;

ჩამოგვართვა მწერალთა სასახლე და ოფიციალურად გადასცა სახელმწიფოს.

ამით დაამთავრა სააკაშვილმა თავისი „დემოკრატიული დამოკიდებულება“ ქართული მწერლობის მიმართ.

ვნერ ამ სტრიქონებს და თითები მეყინება.

აღბათ გული გამისკდება. ვალიდოლი დავიდე ენის ქვეშ, მაგრამ სუნთქვა მაინც მიჭირს.

ირგვლივ საშინელი წყვიდადია და იმედის ნიშანწყალიც არ ჩანს.

სანამ პირში სული მიდგას ბრძოლას არ შევწყვეტ ჩემი ქვეყნის გადასარჩენად.

გამოვეცი „მწერლის გაზეთის“ საახალწლო მრისხანე ნომერი, რომელშიც გამოვაქვეყნე წერილი ირმა რატიანის „შემოქმედებაზე“ “მერებუხე ვაიმეც-ნიერი“.

მკითხველს ვუამბობ იმის შესახებ, თუ როგორ მიათრევენ გლობალიზაციის სოროსულ ჭაობში საქართველოს კახა ლომია, გიგი თევზაძე, გია ხუბუა, ირმა რატიანი, ბელა ნიფურია, რუსუდან ნიშინიანიძე, თამარ პაიჭაძე და მათი მსგავსნი.

30 დეკემბერს მარიკა ბარათაშვილი დავკრძალეთ. ნერვები დამაგლიჯვეს, რომ ქ-ნი მარიკას დიდუბეში დასაფლავების ნებართვისთვის მიმელნია. 100 წლამდის ჯერ არცერთ ქართველ პოტს არ მიუღწევია, სხვა რომ არაფერი, თუნდაც ამისთვის ეკუთვნის, თქვე უღმერთოებო, დიდუბეში დაკრძალვამეთქი, ვყვიროდი და მერიის ჩარევის შემდეგ კეთილი ინებეს და დაგვრთეს ნება.

სამგლოვიარო მიტინგზე გამოვედით მაყვალა გონაშვილი, ჯანსუღ ჩარკვიანი, მარიკა ლორთქიფანიძე, ჯანო ჯანელიძე და მე.

მერე ქელეხზეც მომიწია თამადაობამ.

ხვალ ახალი წელია.

„ჯორჯიან თაიმსმა“ ინტერვიუ ჩამომართვა, სადაც ვამბობ, რომ ასე დამარცხებული, დაბნეული, დამცირებული და პირქვედამხობილი საქართველო ჯერ ახალ წელს არ შეხვედრია.

„იმედმა“ და „პირველმა არხმა“ დამირეკეს: 1 იანვარს ხართ დაბადებული და უნდა ჩაგწეროთო.

რა ბზიკმა უკბინათ, რამ გაახსენათ ჩემი თავი?

### 1.I. 2009 – 20.III 2009

ნახალწლევს ჩემს ცხოვრებაში პირველად მარცხენა მხარი ამტკიცდა. ტკივილი ისე ძლიერ მანუხებს, რომ მარცხენა ხელს თავს ზემოთ ვერ ვწევ. უროს რომ ვატრიალებდი, იმას ვაბრალებ. ჩანს, სახსრები გაცვდა, დაილალა, არ შეიძლება დიდი დატვირთვა.

არა და მე ხომ უვარჯიშოდ ვერ გავძლებ.

ახლა უროს ტრიალი კი არა, ჩაის დასხმაც მიჭირს.

ვზივარ შინ, მონყენილი.

ვასო კიკნაძის მოგონებების კარგ ნიგნს ვკითხულობ და გულს ვაყოლებ.



ჩემი დაუძინებელი მტერი ლომია რომ ამერიკაში გადაიყვანეს, მეგონა რექტორი გია ხუბუა დამიძახებდა და უნივერსიტეტში დამაბრუნებდა. თქვენც არ მომიკვდეთ.

არა და, მე როგორ ვიკადრებ, ხუბუას ვეახლო და უნივერსიტეტში დაბრუნება ვთხოვო.

ყველაზე მძიმედ უნივერსიტეტიდან გაძევებას განვიცდი. თითქოსდა ფუნქცია დავკარგე.

ერთბაშად ასი წლით დავბერდი.

უბედურება ისაა, რომ ჩემს დღეშია ყველა ეროვნულად მოაზროვნე პროფესორი.

სოროსულმა ხელისუფლებამ ფაქტიურად გააუქმა უნივერსიტეტი.

ნუთუ შერჩება ეს ყოველივე სააკამვილს?

ნუთუ არ მოჰკითხავს ამ დანაშაულს ქართველი ერი?

ღმერთის იმედი კარგახანია აღარა მაქვს.

ღმერთმა რომ ხელი აგვალო საბოლოოდ 2008 წლის აგვისტოში დავრწმუნდი.

როგორ ათარეშა ღმერთმა დამპყრობელი რუსის ტანკები საქართველოში?!

14 იანვარს თეატრალურმა საზოგადოებამ თეატრის დღესთან დაკავშირებით პრემიები მოგვანიჭა.

მე 2008 წლის საუკეთესო დრამატული ნაწარმოებების შექმნისათვის (კერძოდ, სცენარებისთვის „ტერენტი გრანელი“ და „წმინდა გიორგი“).

ამირან შალიკაშვილს „ტერენტი გრანელის“ და „წმინდა გიორგის“ დადგმისთვის მიანიჭეს სანდრო ახმეტელის პრემია.

ძალიან გამეხარდა.

ამირანმა უკვე დაიწყო „ქრისტეს“ რეპეტიციები.

ვეუბნები, არ იჩქარო, ამ სცენარს დიდი რულენებით ვწერდი, წარმოდგენა „წმინდა გიორგის“ არ უნდა ჰგავდეს-მეთქი.

გიგა ლორთქიფანიძემ 14 იანვარს ბრძანა, დღესდღეობით არ ვიცი მეორე შემთხვევა, რომ მწერალი თეატრს ისე ქომავობდეს და პატრონობდეს, როგორც რევაზ მიშველაძე პანტომიმის თეატრს უდგას გვერდითო.

აკაკი ბრეგვაძის გაზეთ „ციცინათელას“ ვკითხულობდი 3 თებერვალს, პროფესორი რეზო ჟორდანიას აკაკი შანიძის ამბებს იგონებს, ვიქტორ კუპრაძის (თსუ რექტორი იყო) მოსაცდელში აკაკი შანიძეს გალაკტიონი დაუნახავს. აქ რას აკეთებო, უკითხავს. რექტორს ველოდებო, უთქვამს გალაკტიონს, რას ჰქვია ელოდებო, შევარდნილა აკაკი ვიქტორ კუპრაძის კაბინეტში და იმ წუთში ხელგამოღობი კუპრაძე გამოგებებია გალაკტიონს, თან მდივნისთვის საყვედური უთქვამს რატომ არ მითხარით, გალაკტიონი რომ მობრძანდაო.

ახლა ჩვენს დროში გადმოვიწინაცვლოთ.

ბარე შვიდჯერ მივედით 5 პროფესორი (ჯ. ჭუმბურიძე, მე, თენგიზ კიკაჩიევილი, ლადო მინაშვილი, სოსო სიგუა, იუზა ევგენიძე) რექტორ ხუბუასთან, მაგრამ მხოლოდ მეშვიდე მისვლაზე მიგვიღო. არ მცალიაო, გვპასუხობდა.



ასე თავხედია სააკაშვილის მთელი რაზმი და თვით სააკაშვილი.

არავის არ ლებულობენ, თანაც უსირცხვილოდ იმალებიან. ტელეფონს არ იღებენ – სააკაშვილის ლაწირაკი ბიჭუნა მინისტრები.

ოპოზიცია 9 აპრილისთვის ემზადება, ტელევიზიითაც კი („კავკასია“, „მასეტრო“) ხმამაღლა აცხადებენ რომ 9 აპრილს დანყებული მიტინგი არ დამთავრდება სანამ სააკაშვილი არ გადადგებაო.

საკაშვილს ამკარად ეტყობა, რომ შეცბუნებულია, შეშინებულია, შინაგანად ამღვრეულია.

8 მარტს მიტევების დღეს კათოლიკოს-პატრიარქს გვერდით ამოუდგა და ქართველ ერს ჩადენილი მცირე შეცდომებისთვის პატიება სთხოვა.

არ იკითხავთ რა „მცირე შეცდომები“ ჩაუდენია? გაანადგურა ეროვნული ფენომენი, ზიზლი გამოუცხადა ყოველივე ქართულს, გაუყიდა ჩვენს შვილებს შინა-წყალი, წიაღისეული, ნავსადგურები, საავადმყოფოები, 30%-ით შეამცირა სკოლები, დაამხო უნივერსიტეტი, გააუქმა მეცნიერებათა აკადემია, დაარბია მწერალთა კავშირი, უურნალისტა კორპუსი, მეპატრონეს (ბადრი პატარკაშვილის ოჯახი) ძალით წაართვა „იმედი“ და ვიღაც არაბს (?!) მიჰყიდა, ხელოვნების მუზეუმიდან გაიტანა ფიროსმანის ერთ-ერთი ყველაზე საუკეთესო ნახატი „გიორგობა ბოლნისში“...

და ამის შემდეგ ჰყოფნის თავხედობა ერს პატიება სთხოვოს.

კულტურის ახალმა მინისტრმა რურუამ დაგვიბარა მე და მაყვალა მწერალთა სასახლის თაობაზე.

სადაც უნდა იჩივლოთ, არაფერი გამოგივათო, ხომ იცით, კანონიც ჩვენ ვართ და სამართალიცო. სასახლის 27 ოთახიდან მხოლოდ 3 ოთახს გამოგიყოფთ, თუ გაჭირვებულდებით არც ამას მოგცემთო. სააკაშვილი საერთოდ წინააღმდეგია, ამ 3 ოთახს ჩემს თავზე ვიღებო.

გადავხედეთ ერთმანეთს და დავთანხმდით ორი მიზეზის გამო. გადავარჩინეთ განადგურების პირას მისულ მწერალთა კავშირის არქივს და ჩვენ რომ შევალთ. ეს იმას ნიშნავს, რომ სააკაშვილის დამქაში მწერლები ძველებურად ვერ იპარპაშებენ.

რაკი შევთანხმდით, განკარგულებას დავენერ და ორ დღეში მოგართმევთო, მინისტრმა. 10 დღე გავიდა და არავინ გვეძახის. იამზე გვათუას (სასამართლოს უფროსი) ვურეკავ და ჩემთვის არაფერი უთქვამსო.

1 მარტს მ. ბერძენიშვილის სასახლეში მაყვალა გონაშვილის 50 წლის იუბილე ჩავატარეთ.

პირველი სიტყვა მე ვთქვი და ილია ჭავჭავაძის პრემია გადავეცი. მაყვალა ნიჭიერი პოეტი და რაც მთავარია, მებრძოლი, შეუპოვარი, ეროვნული ქალია.

6 მარტს მაყვალას მშობლიურ დედოფლისწყაროში (ნითელწყარო) მიგვინვიეს. იქაც გულთბილი შეხვედრა ჩატარდა. მაყვალას მივესალმეთ მე, ფრიდონ ხალვაში, გიორგი გიგაური, ბადრი ქუთათელაძე, ტარიელ ხარხელაური, ზურაბ ქაფიანიძე და სხვები.

გაზაფხულის სუნთქვა იგრძნობა თბილისში. ხეხილის და ვენახის გასხვლას მოვრჩით მე და შიო.

19 მარტს მე და მაყვალა კიდევ ერთხელ გვიხმო კულტურის ახალმა მინისტრმა ნიკა რურუამ.

მინისტრის მისაღებში დაგვხვდნენ რეზო ჭიშვილი, ბესიკ ხარანაული და ლაშა იმედაშვილი.

შევედით მინისტრთან.

ხელისუფლება ასე სვამს საკითხს: არსებობს მწერალთა კავშირი და არსებობს მეორე მხარე ანუ ის მწერლები, ვისაც არ სურს მწერალთა კავშირში გაერთიანება, როგორ მოვიქცეთ, იმათაც ხომ უნდათ თავშესაფარი, მინისტრმა.

ვინ არიან და სად არიან მწერალთა კავშირის ეს „დაუძინებელი მტრები“-მეთქი მინისტრს ვეკითხები.

აგერ სხედანო, ლაშას გარდა აქ ყველანი მწერალთა კავშირის წევრები მზივართ-მეთქი. ნუთუ ამ ორს (და კიდევ შვიდიოდე მწერლობაზე გაბრაზებულს) უნდათ მწერალთა 450-წევრიანი კავშირის გაუქმება-მეთქი. „მტრები“ თავჩაქინდრულნი სხედან, ხმას არ იღებენ.

ვკამათობთ. მინისტრი და პარლამენტის წევრი გია თორთლაძე ამბობენ, ჩვენ საწინააღმდეგო არაფერი გვაქვს, შენობა დაგიბრუნოთ, მაგრამ „მწერალთა კავშირი“ მოძველებული ერთობა ხომ არ არისო, ესაო ბევრს ალიზიანებსო. პირდაპირ არ ამბობენ, რომ სააკაშვილი ვერ გვიტანს (თანაც განსაკუთრებით მე და მაყვალა ვძულვართ), მაგრამ მიგვანიშნებენ.

ბოლოს „შეთანხმდით“. რასაკვირველია ეს იყო ზუსტად ის მომენტი, ჩათრევას რომ ჩაყოლა სჯობია:

მწერალთა კავშირის სასახლეს (მაჩაბლის 13) დაერქმევა „მწერლის სახლი“, სასახლეში განთავსდება მწერალთა კავშირის სამი კომისია: კლასიკური მემკვიდრეობის კომისია, ლიტერატურული დაოსტატების სალონი და ახალგაზრდა მწერლებთან მუშაობის კომისია, „მწერლის გაზეთის“, „მნათობის“ და „ცისკრის“ რედაქციები, აგრეთვე ლიტერატურული ფონდი.

ახლა, თუ შეგვიძლია, ხვალიდანვე შევიდეთ შენობაში-მეთქი, არაო, მინისტრმა, ჯერ გავარემონტებთ და, ალბათ, სექტემბერში შეხვალთო. იქნებ რამე დოკუმენტი გავაფორმოთ, თორემ საქმე ისე მიდის, შეიძლება ცხრა აპრილის მერე თქვენი ხელისუფლება აღარ იყოს და მერე ვისთან ვარკვიოთ-მეთქი სამართალი. ჩვენაო, ნიკა რურუამ არსად წასვლას არ ვაპირებთო. თქვენ თუ აპირებთ წასვლას, სხვა საკითხიაო. ეგ იმან იცის-მეთქი, თითი მაღლა ავიშვირე.

მე ვფიქრობ, ეს „შეთანხმება“ ხელისუფლების ფანდია, სატყუარაა, „პირბადა“ საცხრააპრილოდ გადმოგდებულნი. მებრძოლი მწერლები რომ გაგვარწმონ. იქნებ ხელშეკრულება დღესვე გავაფორმოთ-მეთქი, მინისტრს რომ ვუთხარი, რა საჩქარაოაო, ნუთუ სიტყვაზე არ გვენდობითო.

ახლაო, გვთხოვა, ტელევიზიას განუცხადეთ, რომ შევთანხმდითო.

აი, თურმე რისთვის იყო საჭირო ჩვენი „სერობა“.

გამოვედით და დამხვდა უამრავი „კამერა“.

მე ვთქვი: თუ ესეც მორიგი ტყუილი არ აღმოჩნდა, როგორც ჩანს, ხელისუფლება ნანობს 2007 წლის 21 აგვისტოს მწერალთა კავშირის დარბევის შემზარავ დანაშაულს და მისი „გამოსწორება“ გადაუწყვეტია-მეთქი. მწერალთა კავშირის მის კუთვნილ შენობაში ჯერჯერობით მხოლოდ სამი ოთახი გამოგვიყვეს, დანარჩენ 22 ოთახს კულტურის სამინისტრო იტოვებს-მეთქი.

ჩემთვის მთავარია, რომ ამ ისტორიულ სასახლეს „მწერლის სახლი“ დაერქმევა და იგი აღრა გაიყიდება-მეთქი.

არავის ეგონოს, რომ მე და რეზო ჭეიშვილი ერთმანეთს დავჭამთ; ვინ დაჯდება ფანჯარასთან-მეთქი. ჩვენ უფრო დიდი საქმეები გვაქვს, ვიდრე „ფანჯარასთან დაჯდომა“ და კაბინეტში ყოფნა. საქართველო უნდა გადავარჩინოთ-მეთქი.

ყველა ჭეშმარიტი მწერალი ერთმანეთის ძმა და მეგობარია და რას მიქვიან მწერალთა კავშირის წევრობა. მე არასოდეს განმისხვავებია მწერალი იმის მიხედვით, უდევს თუ არა ჯიბეში „წევრობის წიგნაკი“ მეთქი.

რასაკვირველია, ტელევიზიებმა ჩემი ნათქვამი დაჩეხეს და სამიოდე წინადადება დატოვეს.

18 მარტს შოთა ნიშნიანიძის საფლავთან მოვგროვდით შოთას მეგობრები, ოჯახის წევრები, მოსწავლეებიც მოვიდნენ ყვავილებით ხელში. მინისტრს ვთხოვე, 12 მაისს მარჯანიშვილის თეატრში შოთა ნიშნიანიძის 80 წლისთავის იუბილე ჩავატაროთ-მეთქი. დაგვეთანხმმა.

18 მარტს კონსერვატორიაში ნიჭიერი კომპოზიტორის გოგი ჩლაიძის საავტორო საღამოს დავესწარი.

### 21.III. 2009 – 8.IV. 2009

„საქართველოს რესპუბლიკა“-ში გამოქვეყნდა ჩემი ინტერვიუ მწერალთა კავშირის შენობასთან დაკავშირებით, ვთქვი, 27 ოთახიდან 3 ოთახი უნდა მოგვეცეს და თანაც გახარებული უნდა ვიყოთ-მეთქი. ხელთ არავითარი დოკუმენტი არა გვაქვს და მეშინია, ესეც ხელისუფლების საცხრააპრილო მორიგი სატყუარა არ იყოს-მეთქი.

22 მარტს პანტომიმის თეატრში ამირან შალიკაშვილის 70 წლისთავის იუბილე ჩატარდა.

წარმოადგინეს ჩემი „ტერენტი გრანელი“, მერე ამირან შალიკაშვილის შესრულებით „პანტომიმური ნოველები“ და ბოლოს იუბილარს მივესალმეთ: გიგა ლორთქიფანიძე, ჯანსუღ ჩარკვიანი, მე, მაყვალა გონაშვილი, დავით ტაკიძე, ვაჟა აზარაშვილი, ზურაბ ქაფიანიძე, შალვა დავითაშვილი, ომარ მხეიძე, რეზო ადამია, ტარიელ ხავთასი და სხვები.

გულწრფელი, ლამაზი იუბილე შედგა. ამირანი უნიჭიერესი კაცია და ყოველგვარი სიკეთის ღირსია. საიუბილეო ბანკეტს მე ვუთამადე.

25 მარტს სამების ტაძარში მარინე ცხვედიაშვილის და ჯემალ კუხალაშვილის შემოქმედებითი საღამო გაიმართა.

ორივენი ნიჭიერი ახალგაზრდები არიან. ჯემალი საყოველთაოდ ცნობილი მხატვარია, მარინე ორიგინალური პოეტი.

დამირეკა სომხეთის მწერალთა კავშირის თავმჯდომარემ ლევონ ანანიანმა. შვილის ქორწილი მაქვს და ერევანში ქორწილის თამადად გეპატიჟებო. ვერ მივდივარ. ჯერ ერთი 27-ში ოთარ ბაქანიძის 80 წლისთავს უნდა წარვუძღვე, ხოლო 28-ში ჩემი მეგობრის ბადრი ქუთათელაძის დაბადების დღეა (60-ის ხდება) და ვერ ვუღალატებ.

საკავშილმა რეპრესიები დაიწყო, რა თქმა უნდა, ველოდით, დაპატიმრებულია ნინო ბურჯანაძის პარტიის 10 წევრი და რაც მთავარია ნიჭიერი

ოპოზიციონერი ჟურნალისტი მალხაზ გველუკაშვილი. ტელევიზია ყოველდღე ფარულ ჩანანერებს უჩვენებს ოპოზიციონერებზე, როგორც ირკვევა, ყველას გვისმენენ და გვითვალთვალებენ. ჭეშმარიტად პოლიციურ სახელმწიფოში ვცხოვრობთ და მიუხედავად ამისა, არ უნდა შეგვემინდეს და ყველანი უნდა გავიდეთ 9 აპრილს სააკაშვილის საპროტესტო მიტინგზე (რასაკვირველია, ვინც დაჭერას გადავურჩებით).

31 მარტს უნივერსიტეტის VIII კორპუსში (გურამ შარაძის სახელობის მუზეუმში) ზვიად გამსახურდიას ხსოვნის დღე აღვნიშნეთ, ზვიადი 70-ის გახდა, კოკო გამსახურდიას შემდეგ სიტყვა მე მომცეს. მოვიგონე ჩვენი სტუდენტობა. გავიხსენე 1974 წელს ზვიადმა რომ კონსტანტინე გამსახურდიასთან წარმადგინა, მასთან უკანასკნელი დიალოგი რომ ჩავინერე და გამოვაქვეყნე „განთიადში“, ვთქვი, საქართველოს დღეს რაც ჭირს, იმის გამო ჭირს, რომ ერს ზვიად გამსახურდიას გზიდან გადაახვევინეს-მეთქი. მეცინება მიშვიკო ზვიადს რომ ფრთებს ატოლებს-მეთქი, კატა და ლომი უფრო ჰგვანან ერთმანეთს, ვიდრე ზვიადი და სააკაშვილი-მეთქი.

„რუსთავი 2“-მა ჩამწერა, მაგრამ, რა თქმა უნდა, არ გადასცეს.

იმავე დღეს, 31-ში 2 საათზე სრულიად საქართველოს ეროვნულ ყრილობას დავესწარი როგორც სრულუფლებიანი დელეგატი. მწერლებიდან მხოლოდ 3 – მე, ჯანსუღ ჩარკვიანი და სოსო სიგუა ვესწრებოდით. გახსნა კაკო ასათიანმა, გამოვიდნენ კოკო გამსახურდია, გუბაზ სანიკიძე, სალომე ზურაბაშვილი, გია მისისაშვილი და სხვები. დროებითი მთავრობის არჩევა გადადეს, მივიღეთ რეზოლუცია, რომ მხარი დაუჭიროთ 9 აპრილის აქციას.

1 აპრილს შალვა დავითაშვილის შემოქმედებით სალამოზე ვთქვი სიტყვა – სამების ტაძარში.

თეთრიწყაროდან შალვა ამირანაშვილის ქალიშვილი ქეთინო მესტუმრა და მაგიდაზე დამიდო 400-გვერდიანი ხელნაწერი. გადავშალე, აწერია “XX-XXI საუკუნეების გზაგასაყარი და რევან მიშველაძის შემოქმედება“. გაოცებისგან პირი დავალე. შალვამ შარშან გამოსცა ნიგნი „ხიბლი რევან მიშველაძის ნოველებისა“, ეს როდის დაწერა, როდის მოასწრო. რა კეთილშობილი უნდა იყოს კაცი, რომ ამხელა მოულოდნელობის წინაშე დაგაყენოს. შალვა სოფელში ცხოვრობს. სოფელს ჯორჯიაშვილი ჰქვია. დღისით მინას ეჭირდება, ღამით ღამის შუქზე წერს ბრწყინვალე ნოველებს, ესეებს და კრიტიკულ წერილებს. თუ ვინმეა უანგარო და კეთილშობილი, სწორედ შალვაზე ითქმის.

7 აპრილს მარიკა ბარათაშვილის სურათების გამოფენა მოეწყო ხელნაწერთა მუზეუმში. კედლებზე 100 წლის პოეტის საოჯახო ალბომი იყო გამოფენილი. მისმა ულამაზესმა შვილიშვილმა – ნანულის გოგომ (მგონი ირმა ჰქვია) მაჩუქა ბრწყინვალედ გამოცემული მარიკას მოგონებების ნიგნი „ასი წლის გადასახედიდან“. სიტყვები ვთქვით მაცვალამ, ჯანსუღმა, მე, დოდო იორდანიშვილმა და სხვებმა.

იმავე დღეს სალამოს მაცვალამ და მე თბილისის მეხუთე საავადმყოფოში (31-ე ქარხნის ტერიტორია) ოტია იოსელიანი მოვინახულეთ.

ოტია იოსელიანი დღეს ჩამოიყვანეს გერმანიიდან ნაოპერაციევი და მისი სურვილით ქალაქის ყველაზე განაპირა საავადმყოფოში მოათავსეს.

საავადმყოფოს მთავარმა ექიმმა ავთო გულიაშვილმა გვითხრა, მდგომარეობა უიმედოაო. წინამდებარე ჯირკვლის კიბოს მეტასტაზები მთელ სხეულზეაო მოდებული.

ოტია გარეგნულად მხნედ, ყინჩად გვესაუბრა, მაგრამ მის თვალებში ამოვიკითხე, რომ ყველაფერი იცის.

ასეთ დროს მიღებული ყალბი გულისგაკეთებით დავინყე:

– ოტია, შენი ავადმყოფობა რავა შეიძლება, შენი მედი აქვს საქართველოს.

– რაცხა ვერ ვატყობ, რო საქართველო ჩემ იმედზე იყოს.

– ყველას უყვარხარ, ოჯახი არ არის საქართველოში შენი წიგნი რო არ იდოს.

– შენ ჩემზე ნაკლებად არ იცი, რეზო, რო წიგნს დადება კი არა, ნაკითხვა უნდა.

– არც მკითხველები გაკლია.

– არ დეიჯერო მაგ ამბავი, ჩვენ თავს ვიტყუებთ ეს ოცი წელიწადია, თვარა ვის ჭირდები, ვინ მიგდებს ყურს. მაგენს რომ მწერლისთვის ყური დაეგდოთ, ქვეყანა ასე დაქცეული არ იქნებოდა.

– ასე უიმედოდაა ვითომ საქმე?

– ვერ ხედავ, მოთავებულია საქართველოს ამბავი. დევედით თხლეზე. ამ გიჟმა მთლად მოგვილო ბოლო.

– მითხრეს, ოპერაციამ კარგად ჩაიარაო, – ვცადე სხვა არხზე გადამერთო საუბარი, მაგრამ თვითონ აქეთ გადმოიქაჩა.

– რას დევექებ ოპერაციას. კაი იყო თავიდან არ მივსულიყავი ექიმთან. რავა შეიძლება რეზო, მაყვალასთან ბოდიში მომიხდია, პროსტატაზე დანის მიკარება. შენ სხვა მითხარი, ქვეყნის საქმე როა უიმედოთ, იმაზე ვიტყროთ, თვარა ჩემი თავი ჯანდაბას.

– შენნაირები მოურჩენიათ ქირურგებს? ახლა სხვათა შორის, მაგ ოპერაციას შეუცთომლად აკეთებენ.

– კი... აბა, კონსტანტინე გამსახურდია, შოთა ნიშნიანიძე და ლევან სანიკიძე ხო მოარჩინეს. ქე არიან ახლა იმ ქვეყნად საიმედოდ დაბინავებული.

– კაი, თუ კაცი ხარ, იმათ სხვა რამ სჭირდათ.

– დავანებოთ მაგას თავი. რუსთაველი ამბობს „რაცა ღმერთსა არა სწადდეს არა საქმე არ იქნების“. შენ იცი, მე დიდი მორწმუნე არ ვარ, მარა რუსთაველის ნამდვილად მნამს, რას შობით ზეგ?

– შევიკრიბებით რუსთაველზე და თუ ხალხის ნება იქნა გავუშვებთ ამ ხელისუფლებას.

– არაა მაგი მთლად იოლი საქმე. სააკაშვილი შევარდნაძე არაა, იცოდდე შენ, იმას ეშმაკობა არ აკლდა, მარა სიბრძნეც ჰქონდა. ისტორიის წინაშე პასუხისმგებლობას გრძნობდა. ამას ყველაფერი ფეხებზე ჰკიდია, შიშველი გადარეულია და რას მოიმოქმედებს მისი ამღვრეული გონება კაცმა არ იცის.

– ერთი ნაბიჯი არ გადმოდგა ხალხისკენ. ერთი ნაბიჯით არ დაიხია საქართველოს განადგურების გზიდან. ამ ცხელ დღეებში ჰაერში რო რევოლუციის სუნი ტრიალებს, იმას მაინც გავაკეთებდი, რომ ეროვნების და მამის სახელის გრაფას აღვადგენდი საბუთებში, უნივერსიტეტს გავაცოცხლებდი,

მეცნიერებათა აკადემიას ავალორძინებდი, ფიზკულტურის აკადემიას და-  
ვუბრუნებდი ქვეყანას, მწერლებს და ჟურნალისტებს თავის სახლში დავა-  
ბრუნებდი.

– აპა, დაგვიბრუნეს მწერალთა კავშირის შენობაო?

– შენც არ მომიკვდე, აგერაა მაყვალა, დაგვიბარა მინისტრმა და  
გამოგვიცხადა 27 ოთახიდან 3 ოთახს მწერალთა კავშირს დაგვიბრუნებთო.

– დანარჩენი?

– დანარჩენი ჩვენი იქნებაო. დანერე განკარგულება-მეთქი. ვიცოდი,  
რომ ამათი სიტყვის ნდობა არ შეიძლება.

– რა გეჩქარებათო. სიტყვაზე არ გვენდობითო? ტკბილი ღიმილით  
გამოვგისტუმრა – თქვა მაყვალამ.

– ამაზეც ფეხი აითრია. ყოველდღე ვურეკავ მინისტრის თანაშემწეს  
და მეუქნება, მინისტრმა თქვა, ჯერ ვერ მოვიცალეო. რემონტის ამბავს გა-  
ვარკვევ და მერე დავწერ ბრძანებასო, – დავამატე.

– რას გეტყვით, იცით? შეცდომა დაგიშვიათ, რა გქონდათ მაგენის სა-  
მათხოვრო. რას ჰქვია ოცდაშვიდი ოთახიდან სამს გიბრუნებთო. რა გვჭირს  
მაგენის სამონყალო, შენობა მთლიანად ჩვენია.

– სადაა სამართალი, ჩემო ოტია. სულ არაობას სამი ოთახი ვარჩიეთ. ჩა-  
თრევას ჩაყოლა ვამჯობინეთ. ორი წელია ქუჩაში ვართ. პატრიარქს სამების  
ტაძარში რომ არ შევეფარებინეთ, ვერცერთ იუბილეს, შემოქმედებით სალა-  
მოს ვერ გავმართავდით. სხვა ქვეყნებიდან სტუმრები რომ ჩამოგვდიან, არ  
ვიციტ, სად მივიღოთ, ვატყუებთ მწერალთა კავშირში რემონტი გვაქვსო და  
სახლში მიგვყავს.

– რატო, რატო არ ეუბნებით სიმათლეს. რას უნახავთ ნამუსს ამ უნა-  
მუსოებს. უთხარით, რომ ყაჩაღმა მთავრობამ საკუთარი შენობიდან ხუთასი  
ქართველი მწერალი გამოიკეცა.

– ისედაც ყველამ ყველაფერი იცის. ნამუსს ვუნახავთ კი არა, ორ  
კვირაში ერთხელ მწერალთა კავშირის შენობის წინ მიტინგს ვმართავთ.

– მერე?

– შეაყარე კედელს ცერცვი. ამათ არაფრის რცხვენიათ. გულს რომ  
მოვიოხებთ სიტყვით, ფანჯრებს გააღებენ მწერალთა კავშირში ჩაბუდებუ-  
ლი პოლიციელები და ნაღვლიანი თვალებით შემოგვცქერეიან.

– რას ამბობენ?

– რაო და ჩვენ პატარა ხალხი ვართო, დაგვაფალეს ცოცხალი თავით  
თავის სახლში მწერლები არ შეუშვათო და ჩვენც ვასრულებთ ბრძანებასო.

– სანამ აპირებთ ამ დღეში ყოფნას.

– მინისტრს ვთხოვეთ მე და მაყვალამ, ერთი საშვი მანაც გამოგვიწერე,  
რომ შენობაში დამლაგებელი შეეუშვათ, მწერლების პირად საქმეებზე მტ-  
ვერი რომ გადამინდოს. ორი წელია ნადგურდება არქივი.

– რა გიპასუხათ?

– არაო.

– ქუჩაში რო ნივთები გადაყარეს, რა ბედი ეწია?

– ვანის ქუჩაზე 1937 წელს ამენებულ საკონფისკაციო არქივში იატაკზე  
დაყარეს, ნახევარი პირწმინდად დაკარგულია. მაგალითად, გალაკტიონის



მიერ მოტანილი წიგნების კარადა და უამრავი მემორიალური ნივთი არსად ჩანს.

– კონსტანტინე გამსახურდიას სავარძელი იდგა სარკესთან მარჯვენა მხარეს.

– იმ სავარძელს, მწერალთა კავშირის დარბევის დღეს ვსტაცე ხელი და ჩემს სამუშაო კაბინეტში ავიტანე, ქუჩაში რომ არ გადაეგდოთ, ახლა აღარ ვიცი, იქ არის თუ არა. არ მიშვებენ და როგორ უნდა გავიგო.

– სადმე, რომელიმე ქვეყანაში თუ გნებავთ, გერმანიაში ჰიტლერის დროს თუ მომხდარა ასეთი საძაგლობა, თუ იცით ამნაირი მაგალითი.

– არსად, ოცია, მწერალთა კავშირის დარბევა-დანაიკება არცერთ დიქტატორს არ მოსვლია თავში.

– მეც ასე ვიცი. ამას რა ჭირი და სნება შეეყარა ამნაირი. ასე რამ შეაძულა მწერალი.

– მარტო მწერალი კი არა, საკუთარი სამშობლო, ჩემო ოცია...

ექიმი შემოვიდა და ბოდშით გვაუწყა – გადასხმა უნდა დავინყოთო.

გამომშვიდობებისას ოციამ ძველებურად ვერა, მაგრამ ხელზე-ხელი მოგვიჭირა და დაგვამუნათა:

– ჭკუით იყავით, ჭკუით. გველეშაპს მხოლოდ ჭკუით ამარცხებენ.

ზეგ 9 აპრილია.

რასაკვირველია, ყველა საღად მოაზროვნე მწერალი რუსთაველზე დავდგებით საქართველოს გადასარჩენად.

#### 9.IV.2009 – 25.V.09

ცხრა აპრილს თბილისში გრანდიოზული მიტინგების სერია დაიწყო სააკაშვილის დიქტატორული, ანტიეროვნული რეჟიმის წინააღმდეგ.

პირველ დღეს (9 აპრილს) რუსთაველის პროსპექტზე ნახევარ მილიონამდე კაცი გამოვიდა. პარლამენტის წინ სახელდახელოდ მოწყობილ ტრიბუნაზე ერთმანეთს ცვლიან ოპოზიციის ლიდერები: ლევან გაჩეჩილაძე, გუბაზ სანიკიძე, დავით გამყრელიძე, კახა შარტავა, გოგა ხაინდრავა, კახა კუკავა, შალვა ნათელაშვილი, ნინო ბურჯანაძე, სალომე ზურაბიშვილი, ირაკლი მოლაშვილი, ირაკლი ალასანია და სხვანი.

მართალია ლიდერები სხვადასხვა პარტიას წარმოადგენენ და საქართველოს მომავალ პოლიტიკურ მოწყობაზეც განსხვავებული აზრები აქვთ, მაგრამ ჩემთვის ფრიად სასიამოვნოა, რომ დღეს ისინი მხარდამხარ დგანან ერთი სურვილით ანთებულნი – უპირობოდ გადადგეს მიხეილ სააკაშვილი და დაინიშნოს ახალი საპრეზიდენტო და საპარლამენტო არჩევნები.

მე და სოსო სიგუა, რა თქმა უნდა, წინა რიგებში ვდგავართ. რუსთაველზე დიდი სივინროვეა და პატარა პანიკა რომ ატყდეს, ან პროვოკატორმა ჰაერში გაისროლოს, შეიძლება ქყლეტვაში ადამიანებმა ერთმანეთი გადათელონ.

9 აპრილის მიტინგი გვიან ღამით დამთავრდა, მაგრამ ლიდერებმა გამოაცხადეს – ჩვენ სააკაშვილის გადადგომამდე დამლას არ ვაპირებთ, ყოველ დღე პარლამენტთან მიტინგი 3 საათზე განახლებო.

მომდევნო დღეებში ოპოზიციამ ბრძოლის ფორმები გაამრავალფეროვ-



ნა, პარლამენტთან, ტელევიზიასთან და პრეზიდენტის ავლაბრის რეზიდენციასთან ამბოხებულებმა კარვები დასცეს და საკნები დადგეს. ამით ზემოთ ხსენებული 3 შენობა თითქმის პარალიზებული გახადეს.

რაც შემიძლია ვმონანილოვ ამ საერთო სახალხო რევოლუციაში. საერთოდ, მეამაყება, რომ ქართველი მწერლები ახლაც ბრძოლის ავანგარდში ვართ.

მიტინგები მიჰყავს დათო მალრადეს (სააკაშვილის ჰომის ავტორს) და პრეზიდენტის რაზმის ყოფილ წევრს, რომელიც დროულად მიხვდა, რომ სააკაშვილის ანტიეროვნული პოლიტიკა დამლუპველია ქვეყნისათვის. აგრეთვე პოეტ ლია ნაროუშვილის.

მიტინგებზე უკვე გამოვედით: ჯანსუღ ჩარკვიანი, რევაზ მიშველაძე, მაცყვალა გონაშვილი, დავით შემოქმედელი, ვაჟა ოთარაშვილი, ნანა ნითელაშვილი, ნათია ავსაჯანიშვილი და სხვები.

ტრიბუნაზე დგომის დროს 15 აპრილს ლევან გაჩეჩილაძეს, გუბაზ სანიკიძეს და გოგა ხაინდრავას გავესაუბრე: უფრო აქტიურად უნდა ვიმოქმედოთ, სახელმწიფო კანცელარიას და პარლამენტს ალყა უნდა შემოვარტყათ-მეთქი. ვერ ამისხნია-მეთქი თქვენი ყოყმანი. თუ 2003 წლის 22 ნოემბერს პარლამენტში სააკაშვილის შემოვარდნა კანონიერი იყო, ახლა რატომაა ოპოზიციის მიერ იგივე საქციელი არაკონსტიტუციური-მეთქი. მიპასუხეს, ბატონო რეზო, ყველაფერი დაგეგმილი გვაქვსო, თუ გაჭირდა, მაგ ნაბიჯსაც გადავდგამთო. ისე თუ მშვიდობიანად გინდათ სააკაშვილის გაშვება, ზვიადის უზენაესი საბოჭ და 2003 წლის პარლამენტი უნდა შევიკრიბოთ და რაკილა ორივე პარლამენტი რეპრესირებულია და ამავე დროს კანონიერად არჩეული, იქნებ ამ გაერთიანებულმა პარლამენტმა განახორციელოს-მეთქი სააკაშვილის იმპიჩმენტი და ახალი არჩევნების დანიშვნა. ეგაო, ჭკვიანური აზრიაო, მაგრამ რალა დროს ზვიადის პარლამენტიანო. ეგ რო გავაკეთოთ, ისინი იმ დროინდელი მთავრობის აღდგენასაც მოგვთხოვენ და მანანა არჩვადეს შემოგვთავაზებენ პრეზიდენტადო.

ერთი სიტყვით, ვნახოთ რა გამოვა.

მე ოპტიმისტურად ვარ განწყობილი. ლიდერებს დალლას ვერ ვატყობ.

ეს მარტო თბილისის რევოლუცია არ არის-მეთქი, ვუთხარი გუბაზ სანიკიძეს, რაიონებში უნდა გახვიდეთ და როგორც სააკაშვილმა ჩამოიყვანა ხალხი ავტობუსებით, თქვენც ისე უნდა გააკეთოთ-მეთქი.

კიო, გუბაზმა, ნალდგომევეს ორშაბათს გავდივართ რაიონებშიო.

ინტერვიუები ბრძოლის ბოლომდე გაგრძელების და სააკაშვილის საძაგელი რეჟიმის წინააღმდეგ უკვე გამოვაქვეყნე გაზეთებში: „ალია“, „საქართველო და მსოფლიო“, ჟურნალებში „რეიტინგი“ და „გუმბათი“, გაზეთ „რეზონანსში“ დავბეჭდე „რევოლუციური ჩანახატი“.

გული მწყდება, რომ მეცნიერებათა აკადემიის ხელმძღვანელები თამაზ გამყრელიძე და როინ მეტრეველი ჩირგვებში იმალებიან და სხვისი ხელით ნარის გლეჯვის პოლიტიკას ადგანან.

ასევე გული მწყდება, რომ ამ სახალხო რევოლუციაში ირაკლი წერეთელი არ მონაწილეობს.

სად არის ირაკლი?

როგორ შეიძლება ირაკლის უგულვებელყოფა? ჩემამდე ხმა მოვიდა, რომ ოპოზიციის ლიდერებმა იგი გაანანცენეს, ურბინეს, წინა რიგებში არ ჩაიყენეს.

დღეები დღეებს მისდევს. სამწუხაროდ, რუსთაველზე (ესე იგი მთელს საქართველოში) არაფერი იცვლება.

ყოველდღიურად 5 საათზე იწყება მიტინგი. მოდის თბილისის ყოველი კუთხიდან 10 ათასამდე კაცი. რევლუციის ლიდერები ყოველდღე სხვადასხვა სიტყვებით ლანძღავენ სააკაშვილს, მაგრამ ამის იქით საქმე არ მიდის.

საკაშვილი თავდაპირველად შეშინებული იყო, როცა დარწმუნდა, რომ ეს მარტოოდენ ვეგეტარიანული რევოლუციაა, შეტევაზე გადმოვიდა. ჯერ იყო და რუსთაველზე სახელდახელოდ მონყობილ საკნებს (ერთი საკანი №21 მწერლებისაა, რომელშიც მორიგეობით ვათევთ ღამეს მწერლები) გადაცემული კგბ-შნიკები მიუსია. თითქოსდა „მშვიდობიანი მოქალაქეები“ არიან და გზის გადაკეტვას აპროტესტებენო, ეს „მშვიდობიანი მოქალაქეები“ მუშტი-კრივზე გადმოვიდნენ და ჩვენგანაც მაგრად მოხვდათ ცხვირში.

6 მაისს პოლიციამ სამ ოპოზიციონერ ყმანვილს ტელევიზიის წინ პროვოკაცია მოუწყო და დააპატიმრა ხულიგნობის ბრალდებით. იმ დღესვე დაახლოებით 5 ათასი კაცი გააჩეჩილადის წინამძღოლობით გავემართეთ დილომში, პოლიციის სამმართველოსკენ. ვითხოვდით 3 არასრულწლოვანი პოლიტპატიმრის გათავისუფლებას.

პოლიცია ხელკეტებით და რეზინის ტყვიებით „გაგვიმასპინძლდა“. ორ კაცს რეზინის ტყვიით თვალი ამოუგდეს, სასტიკად სცემეს გააჩეჩილადე, ხოლო ლევან გაჩეჩილადეს, ზვიად ძიძიგურს, გაა მათსაშვილს, შალვა ოზგაიძეს და სხვებს შუბლში მოარტყეს ტყვიები (რეზინის) დამიზნებით. სისხლი გვადინეს, მაგრამ რაკი დაინახეს, რომ უკან დახევას არ ვაპირებდით შეეშინდა სააკაშვილს და იმ სამი ყმანვილი გამოაშვებინა. ეს იყო ამ 5 წლის განმალავობაში პირველი უკანდახევა პრეზიდენტის.

12 მაისს მარჯვანიშვილის თეატრში შოთა ნიშნიანიძის 80 წლისთავის იუბილე ჩავატარეთ. ხელისუფლების არც ერთი წარმომადგენელი, კულტურის მინისტრიც კი არ მოვიდა. ამირან შალიკაშვილის თეატრი პოლონეთში თეატრალურ ფესტივალზე უნდა წასულიყო. მინისტრმა უარი უთხრა დაფინანსებაზე. დავურეკე მინისტრის მოადგილეს და ვუთხარი, ხვალ დილით ყველა გაზეთში იქნება, როგორ სამარცხვინოდ იქცევით-მეთქი, შეეშინდათ და რალაც კაპიკები გამოუყვეს თეატრს.

17 მაისს აჭარაში, მალალმთიან სოფელ გეგელიძეებში ფრიდონობაზე მიგვიწვიეს. მაყვალა, მე, თეიმურაზ ლანჩავა, სოსო სიგუა და სხვები ვიყავით, კარგად ჩაიარა.

20 მაისს სამების ტაძარში გურამ შარაძის გარდაცვალების 2 წლისთავი აღვნიშნეთ. პირველი სიტყვა მე ვთქვი.

15 მაისს აბაშის გამგებელმა გურამ გუნავამ აბაშაში კონსტანტინეობაზე მიგვიწვია მე და სოსო სიგუა. ზეიმი მანანა არჩვაძემ (ზვიად გამსახურდიას ცოლი) ჩავგავშხამა, მე და სოსოს გვითხრა, რატომ ებრძვითო სააკაშვილს, იგი მშვენიერი პრეზიდენტიაო. მანანა არჩვაძე თუ ასეთი სულგრძელი აღმოჩნდებოდა, ვერ ვიფიქრებდი. თურმე საქმე ის არის, რომ სააკაშვილს მა-

ნანასთავის – როგორც პრეზიდენტის ქვრივისთვის პენსია დაუნიშნავს, ხოლო მისი შვილი გიორგი გამსახურდია აფხაზეთის შსს-ს მინისტრის მოადგილედ დაუნიშნავს ... და ეს საკმარისი აღმოჩნდა, რომ ზვიადის ცოლი სოროსელ სააკაშვილის მომხრედ ქცეულიყო.

ხვალ 26 მაისია, საქართველოს დაბადების დღე. თუ ხვალ არ დამთავრდა სააკაშვილი, მერე მისი გადაშენება კარგა ხნით გადაიდება.

დღეს გაზეთ „ქრონიკაში“ ჩემი და რამაზ კლიმიაშვილის წერილებია. ორივენი თითქმის ერთი აზრისა ვართ, იმის შესახებ, რომ ოპოზიცია შიშის გამო აჭიანურებს იმგვარი შეტევის განხორციელებას, პარლამენტზე და სახელმწიფო კანცელარიაზე რომ ჩაატარა 2003 წლის 22 ნოემბერს.

დამატებით რამაზ კლიმიაშვილი აცხადებს მოკვლით მემუქრებიან და ალბათ ორ დღეში ბოლოს მომიღებენო...

ამ დილით ვილაც ნაძირალებმა ტელეარხ „მანეტროს“ ხელყუმბარა ეს-როლეს ზუსტად 3:00 საათზე.

იერიშზე გადმოდის სოროსელი გარენარი.

ერთი წამითაც არ მეშინია, მაგათი ხელობა ხომ სიკვდილია.

ოპოზიციის ლიდერთა ერთი ნაწილი, როგორც დამპირდნენ, დასავლეთ საქართველოში გავიდა. უცნობის – გია გაჩეჩილაძის წინამძღოლობით მოიარეს ბათუმი, ზუგდიდი, ლანჩხუთი, ქუთაისი, სახელდახელო საპროტესტო მიტინგებს უამრავი კაცი დაესწრო, 25-ში დილით დემონსტრაციას გია გაჩეჩილაძე თბილისისკენ გამოუძღვა, ამაღამ მცხეთაში გაათევენ ღამეს და ხვალ – 26-ში თბილისში შემოვლენ.

ვნახოთ, რა იქნება ხვალ!

26.V.09 – 21.VII.09

დღეს 26 მაისია.

ოპოზიციის ლიდერებმა ეროვნულ სტადიონზე შეგკვრიბეს.

მოვედით ქართველები, ერთგულად უღალატოდ. სტადიონი გადაიჭედა. დაახლოებით 80 000 კაცი მოვიდა.

მიუხედავად ლევან გაჩეჩილაძის დაპირებისა, ეს შეხვედრა მიტინგად არ გადაიქცევაო, ეროვნულ ყრილობას ჩავატარებთ და სააკაშვილის გადაყენებას დავდგენთო, 80 000 გაუბედურებული ქართველი მაინც მოტყუებული დარჩა.

როგორც მოველოდი, ოპოზიციამ „ცეცხლოვანი“ გამოსვლებით შეიყოლია ხალხი, თითქმის ყველა ლიდერი გამოვიდა შალვა ნათელაშვილის გარდა.

წუხელის გვიან ღამით „მანეტრომ“ გვაუწყა „უცნობი“ პატრიარქს შესვლაო. გულმა რეჩხი მიყო. რალაცაშია საქმე, თორემ დასავლეთ საქართველოდან ფეხით ჩამოსულ, ცოცხალ-მკვდარ გია გაჩეჩილაძეს პატრიარქთან რა მიარბენინებდა-მეთქი.

„გრანდიოზული მიტინგი“ დასასრულს უახლოვდება. სულ ველი, აი, ახლა უყრიან კენჭს სააკაშვილის გადაგდებას, ან გამოაცხადებენ სამად გავიყოთ და დავიკავოთ პარლამენტი, სახელმწიფო კანცელარია და პრეზიდენტის რეზიდენციაო, მაგრამ თქვენც არ მომიკვდეთ. ესტრადა – ფიცარ-

ნაგზე ძლივს აათრიეს „უცნობი“, რომელმაც გამოაცხადა, ახლა ყველანი სამების ტაძარში მივიდეთ და პატრიარქთან ერთად ვილოცოთო.

ლოცვა მინდა მე?

ხალხი გაოგნდა, მოლაღატეებო! დაიძახა ვილაცამ.

– არ დავიდრათ! – იყვირა მეორემ, მაგრამ უკვე გვიან იყო.

მოტყუებული, გაბითურებული დამცირებული ხალხი გასასვლელისკენ მიემსურებოდა.

მთელი სხეული მიცახცახებებს შეურაცხყოფისგან.

ალარ მახსოვს როგორ მოვედი შინ.

კიდევ ერთხელ გამართლდა ჩემი ავი წინათგრძნობა.

კიდევ ერთხელ დავრწმუნდი, რომ ოპოზიციის ბელადებთან კი არა, სააკაშვილის მორჩილ ოპოზიციასთან გვაქვს საქმე.

სალამოს სამების ტაძრიდან ოტებული, განზილებული ხალხი კვლავ რუსთაველის პროსპექტს მოადგა.

სალომე ზურაბიშვილმა გაბედა ხალხისთვის ტყუილების ახალი კასკადი დაეფრქვია თავზე, მაგრამ ხალხმა სტვენა დაუნყო. „მატყუარებო“, „თვალთმაქცებო“, „გარენრებო“, ისმოდა შეძახილები. გამოვიდა „ტრიუმფატორი“ გია გაჩეჩილაძე და რომ უსტვინეს, ტირილი დაიწყო, უცებ დაჩიავდა, დაპატიარავდა კაცი, რომელიც დილით 12 საათზე ხელში აყვანილი, ვაშა-ურათი მიიყვანეს სტადიონზე, ასეა: მასხარას თავისი ადგილი აქვს... მასხარამ ბელადობა არ უნდა მოინდომოს, თორემ აუცილებლად დამარცხდება, საერთოდ კი „ბელადობიდან“ არარაობად ქცევამდე ერთი ნაბიჯია. ვინც ალგაზევა, იგივე დაგამხობს.

„მეო, მღვდელი ვაპონი არა ვარო, გიამ, „მე თქვენთვის არ მილაღატიაო. პატრიარქი ხელისუფლებამ ორი საათით დააპატიმრაო. ნუხელი პატრიარქი დამპირდა, რომ თქვენ სამების ტაძარში მიმეყვანეთ, სადაც პატრიარქი გამოაცხადებდა, რომ უორჩევს სააკაშვილს გადადგესო.

ასე შევთანხმდითო. უეცრად ტაძარში მერაბიშვილი და უგულავა შემოიჭრნენ და პატრიარქს საკურთხეველში შეუვარდნენო. პატრიარქს შეემინდა და თავისი დანაპირები ვერ შეასრულაო.

სინამდვილეში პატრიარქმა 180%-ით შეატრიალა თავისი „დაპირება“. პირიქით ხალხს უთხრა, სააკაშვილის გადაყენება არ გაბედოთ, ხომ ნახეთ, ერთხელ პრეზიდენტის გადადგებამ რა შედეგი მოგვიტანაო.

ასე, ცივი წყალი გადაასხა პატრიარქმა ხალხის სამართლიან რევოლუციურ ალტკინებას. გაჩეჩილაძეები კუდამოძუებულნი გაილაღნენ მიტინგიდან.

იმ ღამეს გამყრელიძემ აქოჩრილი ხალხის დასამოშმინებლად 2 საათით რკინიგზის მაგისტრალი გადაკეტა.

27 მაისს 5 საათზე ისევ განახლდა მიტინგი, მაგრამ ძალიან ცოტა ხალხი მოვიდა. ხელისუფლება ზეიმობს; ოპოზიცია ფაქტიურად დაიშალაო, ამის ნიშნები მართლაც არის. კოკო გამსახურდიამ გამოაცხადა, მე საკუთარი გზით ვივლი და ოპოზიციის აქციებში მონაწილეობას აღარ მივიღებო. ალასანია ადრევე აცხადებდა ქუჩის აქციებს ვემიჯნებო. ყველაზე სავალალო ის იყო, რომ გუბაზ სანიკიძემ გამოაცხადა, ჩვენმა სამიტინგო მოძრაობამ არ

გამართლა, ფორუმი ცალკე გადის და რაიონებში მივდივარ, რათა მთელი საქართველო ფეხით შემოვიარო. მართლაც, შეტორტმანდა ჩვენი რევოლუცია. დავრბივარ, ვხვდები ოპოზიციის ლიდერებს. მინდა დაშლის პირას მისული მოძრაობა ისევ შევაკონინო. შეიძლება რამე გამოვიდეს.

მწერალთა ყრილობის სამზადისში ვართ. ყრილობა 15 ივნისს უნდა გაიმართოს. ზოგი მწერალი მოდის და მთხოვს (ანზორ აბულაშვილი, ნოდარ კობერიძე, მურმან თავდიშვილი, ზაურ კალანდია...) თავმჯდომარეობაზე ვიყარო კენჭი. მე უარს ვამბობ, არ მინდა საბუღალტრო საქმეები ჩემს თავზე გადმოვიწერო. უწყისთან და ფულთან ურთიერთობა ყოველთვის მძულდა და ახლაც მძულს. ესეც არ იყოს, მაყვალა არაა ცუდი თავმჯდომარე, კოლეგიალურია. თუ ისევ ამირჩევენ მოადგილედ, თანახმა ვარ; უნივერსიტეტიდან საბოლოოდ ამომიკვეთეს ფეხი სააკაშვილმა და მისმა ბანდამ და მწერალთა კავშირში მაინც ვიმუშავებ. ჯერ კიდევ არ უნდა ვიყო მთლად დაბერებულ-დაჩაჩანაკებული...

ვნახოთ, რა იქნება.

მწერალთა ყრილობა 15 ივნისს მსახიობის სახლში 12 საათზე დაიწყო. ყრილობას 256 მწერალი დაესწრო, კრების თავმჯდომარედ გურამ გოგიაშვილი დაასახელეს. მეორე კანდიდატურად დავით თედორაძე. გურამმა 200 ხმა მიიღო, თედორაძემ – 3.

მერე მოხსენებები წავიკითხეთ მაყვალამ, მე და ოთარაშვილმა.

გამოვიდნენ: მეუფე თავდოზი, თეიმურაზ ლანჩავა, ზურაბ თორია, დათო თედორაძე, ფრიდონ ხალვაში, ვასო გვეტაძე, ვალერიან მაშუკელაშვილი, ზაურ კალანდია, გენო კალანდია, ფარნა რაინაული, ბალათერ არაბული და სხვები.

ბოლოს წავიკითხეს ჭაბუა ამირეჯიბის და ჯანსუღ ჩარკვიანის წერილები იმის შესახებ, რომ ისინი მხარს უჭერენ სამეულის (მაყვალა, მე, ვაჟა) ხელახლა არჩევას, რადგანაც მათ დაშლას გადაარჩინეს თავშესაფარნართმეული მწერალთა კავშირი.

გურამმა კენჭი უყარა: ღიად იყოს კენჭისყრა თუ დახურულადო. ყველამ ღიას დაუჭირა მხარი.

მერე სათითაოდ გვიყარეს კენჭი და ჩვენ ორნი (მაყვალა და მე) ზარზეიმით აგვირჩიეს. ოთარაშვილს მოკრძალებულმა რაოდენობამ, მაგრამ მაინც უმრავლესობამ დაუჭირა მხარი.

ბოლოს მიკროფონთან მივარდნენ „რევოლუციონერები“ ვახტანგ ხარჩილავა, ზაურ კალანდია, შარლოტა კვანტალიანი და სხვები. ზოგი ჰყვიროდა ჩვენ მიშველადის არჩევა გვინდოდაო, ზოგი იძახდა ხმები არ დათვლილა თორემ მაყვალა ვერ გადიოდაო.

არ იყვნენ მართალნი. ხმები დაითვალეს... საერთოდ ღია კენჭისყრის პრინციპი ასეთია. გურამს რომ ეთქვა: დავასახელოთ თავმჯდომარეობის სხვა კანდიდატურებიცო, დიდი შეხლა-შემოხლა და სათავმჯდომარო მართონი გაიმართებოდა, მაგრამ გურამს თავმჯდომარედ სხვა კანდიდატურა არ დაუყენებია, იმ უბრალო მიზეზის გამო, რომ მე თვითონ არ მსურდა თავმჯდომარეობა, მე ვხელმძღვანელობ მწერალთა კავშირის შემოქმედებით მხარეს. სხვა რამეები არ მაინტერესებს, ესაა სულ.

ასე რომ აგვიჩივებს მაცყალა (თავმჯდომარედ), მოადგილეებად: მე, ვაჟა ოთარაშვილი და ბალათერ არაბული, მდივნად დავით ტაკიძე.

28.VII.09 – 20.VIII.09

ცხელა თბილისში.

პატარა აგარაკი მაქვს მუხანყაროში, მაგრამ არ ავდივარ, რომ უნებლიედ ჩემთვის (და მთელი საქართველოსთვის) საძულველ ორ ნაციონალისტს, ორ პარლამენტარს, ორ სოროსელს ხათუნა ოჩიაურს და ნუგზარ ნიკლაურს არ შევეფეთო და „გამარჯობის“ თქმამ არ მომიწიოს. ორივენი იქვე, მეზობლად ცხოვრობენ და თავგადაკლული „მიშისტები“ არიან.

16 ივლისს ქალაქის მერიამ დაგვიძახა მწერლები და ხელოვნების მოღვაწენი. სპორტის სასახლის წინ შევიკრიბოთ და წინანდალში წავიდეთ, ხელოვნების მდგომარეობაზე ვისაუბროთო. რა თქმა უნდა, უარს ვიტყვოდი, მაგრამ დამირეკა მამუკა ქაცარავამ. ანგელოზივით სუფთა ბიჭმა, რომელიც ქალაქის კულტურის სამსახურის უფროსია, თუმცა სააკაშვილის ხროვასთან საქმე არა აქვს.

წავედით წინანდალში. მოულოდნელად გამოგვიცხადეს: რამდენიმე გამოჩენილი მწერალი, მუსიკოსი, მხატვარი და მსახიობი „კულტურის ამგდარის“ მედლით უნდა დაგვაჯილდოვოთო. მწერლებიდან ჭაბუა, ოტია, მე, ფრიდონ ხალვაში და გურამ გოგიაშვილი დაგვაჯილდოვეს. უარის თქმა გვიანი იყო. იქედან წაგვიყვანეს თელავში. გიგი უგულავამ 400-კაციანი ბანკეტის თამადაობა მთხოვა. უარმა არ გაჭრა. ვითამადე. როცა ერთმანეთს ვშორდებოდით, გიგის და მამუკას ვუთხარი: არ იფიქროთ, რომ რეზო მიშველაძე ხელისუფლებასთან ურთიერთობის დათბობას აპირებს-მეთქი. მე სააკაშვილს საქართველოს გაყიდვას, ეროვნული ფენომენის ფეხქვეშ გათელვას 1000 წელი არ ვაპატიებ და არასოდეს შევურიგდები-მეთქი.

20 ივლისს სააკაშვილი პარლამენტის წინაშე წარსდგა. გამოვიდა ისე, როგორც მოველოდი: ზოგადად, პომპეზურ-სულელურად გამარჯვებულის იერი გადაჰკრავდა სახეზე.

მაგრად გააკრიტიკეს გია თარგამაძემ, გიორგი ახვლედიანმა და მაგდა ანიკაშვილმა. სააკაშვილს სიტყვა არ დასცდენია (არც საბოლოო გამოსვლის დროს) სამუშაო ადგილებზე, ტერიტორიული მთლიანობის აღდგენის გზებზე, მწერალთა კავშირისთვის შენობის დაბრუნებაზე უნივერსიტეტზე, სპორტზე, მეცნიერებაზე.

მოკლედ, სამარცხვინოზე სამარცხვინო პრეზიდენტი გვყავს.

გამოვეცი „მოგონებანი გალაკტიონზე“, მე, მხოლოდ მე შევადგინე და ჩემი მუზეუმელი კოლეგების – ნატო გაბისონიას (დირექტორი) და ნოდარ ტაბიძის გვარებიც მოვანწრე. „ალიაში“ და „ჯორჯიან თაიმსში“ მკაცრი ინტერვიუები გამოვაქვეყნე არაფრისმაქნის ოპოზიციის „ლიდერებზე“.

თბილისში ამერიკის ვიცე-პრეზიდენტი ბაიდენი ჩამოვიდა. სააკაშვილმა იგი თავის ახალაშენებულ ბრწყინვალე რეზიდენციაში (მე ამ შენობას რამდენიმე თვის წინათ რაიხსტაგი ვუნოდე) მიიღო. სამარცხვინო, პომპეზური მიღება იყო. ბაიდენმა მხოლოდ და მხოლოდ ის განაცხადა, რომ ამერიკა კვლავაც დაუჭერს ომს მხარს საქართველოს. ეს იყო და ეს. კონკრეტულად



ამ ვიზიტს არავითარი შედეგი არ მოჰყოლია, არც რეზოლუცია გამოქვეყნებულა, არც კომუნიკე. ისიც კი ვერავინ (ამერიკა, ევროკავშირი) გაუბედა რუსეთს ახალგორი და პერევი მაინც დაუბრუნე საქართველოსო.

გათავხედებული რუსეთი ბაიდენის ვიზიტის კვალდაკვალ თრუსოს ხეობას და მამისონის უღელტეხილს ართმევს საქართველოს.

ჩემმა უერთგულესმა მეგობარმა იური ბიბილეიშვილმა დაამთავრა ნიგნი „რევაზ მიშველაძე ქართულ სალიტერატურო კრიტიკაში“. ნიგნი ოთარაშვილმა უნდა გამოსცეს. წარადგინა იურიმ და მითხრა: რალაც წაიღმიჭაო. ეს რა დიდი ნიგნი დაგინერიაო. ვნახოთ, რას იზამს. ყოველ შემთხვევაში მე ოთარაშვილს თავს არ გაუფყადრებ და არ ვთხოვ, ჩემზე ნიგნი გამოეცი-მეთქი.

21.VIII.09 – 22.X.09

27 აგვისტოდან 31 აგვისტომდე ქართველ მწერალთა და ხელოვანთა ექსპედიცია ტაო-კლარჯეთს გვასტუმრა თბილისის მერიამ.

რაკილა ჩვენ, ეროვნულად მოაზროვნე, კალმისა და ყალმის ოსტატები, ხელისუფლებისგან სრულ იგნორირებას და ჩვენი ოპოზიციური განწყობილების გამო დევნა-შევიწროვებას ვართ მიჩვეულნი, გითხრათ სიმართლე, მოულოდნელი იყო უგულავასგან ასეთი ქველმოქმედება.

გზაში გავარკვიეთ, რომ სააკაშვილთან ერთ-ერთი შეხვედრის დროს უგულავას მისთვის უთქვამს – არც ერთი ავტორიტეტული მწერალი და ხელოვანი ჩვენს გვერდით არ არის, პირდაპირ სამარცხვინო მდგომარეობააო. მე მაგათთან საპირფერო არაფერი მაქვს, არ არიან იმიტომ რომ ვძულვართ, ხოლო ვძულვართ იმიტომ რომ ბეცი „პოლიტიკოსები“ არიანო. მე ამაზე სხვა აზრისა ვარო, შეუბედავს უგულავას.

და აი შედეგი, სააკაშვილ-უგულავას დაპირისპირების გამო ჩვენ 45 ხელოვანი ტაო-კლარჯეთის „ექსკურსიით“ დაგვაჯილდოვეს.

ჩემმა მკითხველებმა იციან, რომ მე და რეზო ჩხეიძე (კინორეჟისორი) ათიოდე წლის წინათ უკვე გახლდით ტაო-კლარჯეთში და ამის შესახებ ვწერდი კიდეც „ლიტერატურულ საქართველოში“. ახლა ვისარგებლე შემთხვევით, უარს როგორ ვიტყვი ერთხელ კიდეც ვიხილო საქართველოს მოჭრილი ძუძუ, ჩვენი დიდების ნაშთი.

მოვიარეთ დოლისყანა, პარხალი, ოშკი, ხახული, ხანძთა, იშხანი, ოთხთა...

ისევ იგივე სავალალო სურათია.

ღვთის ანაბარაა მიტოვებული ჩვენი ზღაპრული ციხე-კოშკები და ეკლესია-მონასტრები.

რა დაგიშავეთ ასეთი, ღმერთო.

ინგრევა, ნადგურდება ათასწლოვანი ეკლესია-მონასტრები.

ვერც „იუნესკომ“ გვიშველა და ვერც თურქეთთან სამეგობრო ხელშეკრულებამ.

ხახული და პარხალი მეჩეთებადაა გადაკეთებული. ხახულში არ შეგვიშვეს, მოლას სძინავს და ვერ გავალვიძებთო. პარხალში მხოლდ 5 წუთით შეგვახედეს, დანარჩენ ტაძრებში შეშვებით შეგვიშვეს, მაგრამ სან-



თლების დანთების და გალობის უფლება არ მოგვცეს. როგორც კი სანთლები დავანთეთ, მოვარდნენ თურქები, სანთლები ხელიდან გამოგვგლიჯეს და ჩვენს თვალწინ ფეხქვეშ გათელეს.

ომკის სიახლოვეს ერთი შუახნის თურქი (დანყებით სკოლის მასწავლებელი ვარო) „გამოვიჭირო“ სასაუბროდ. ცოტა ინგლისური ესმოდა. რა იცით ამ ეკლესია-მონასტრების შესახებ, როგორ ფიქრობთ, თუ აქ საქართველო არ იყო, საიდან გაჩნდა ისინი ტაო-კლარჯეთში-მეთქი.

ჯერ ერთი, არავითარი ტაო-კლარჯეთი არ გამოვიჩინაო. ეს თქვენი მოგონილი სახელიაო. მეორეც VIII საუკუნეში თქვენ, ქართველები თავს დაგვესხით მშვიდობიან თურქეთს და დაგვამარცხეთ, რის შედეგადაც ოკუპირება გაუკეთეთ ამ მხარესო. ოთხი საუკუნის განმალგობაში როგორც აგრესორები ბატონობდით ჩვენს მიწაზე, გვხოცავდით მუსულმანებს და აშენებდით ქრისტიანულ მონასტრებსო. მე-13 საუკუნეში ჩვენ გავძლიერდით და გაგრეკეთ ჩვენი ტერიტორიიდანო. მაღლობელი იყავით რომ ეს ეკლესია-მონასტრები არ გავანადგურეთ, მაგრამ ჩვენ მათ არ ვანგრევთ, მხოლოდ როგორც თვალსაჩინო ფაქტს დამპყრობლის დანაშაულებრივი ქმედებისასო. ერიჰაა, საქართველო აგრესორი, დამპყრობელი... და თურმე გრიგოლ ხანძთელს თურქების დასასჯელად აუგია ეკლესია-მონასტრები. არც დავით და ბაგრატ კუროპალატები გაუგია ამ თურქს, არც დავით აღმაშენებელი და თამარ მეფე... კი მაგრამ, ჩემო კარგო, რა გინდოდათ თქვენ IX-X-XI საუკუნეში ამ მიწაზე, თქვენ ხომ მე-16 საუკუნეში შემოხვედით წინა აზიაში და მანამდე სახელმწიფოც არ გაგაჩნდათ-მეთქი. იქნებ სახელმწიფო, როგორც ასეთი, არ გაგაჩნდა, მაგრამ ცხოვრებით აქ ვცხოვრობდითო. საქართველოს ისტორიისა რომ არაფერი გაგეგება ვხედავ, მაგრამ თურქეთის ისტორია ხომ მაინც უნდა იცოდეთ, შე კაი კაცო, მასწავლებელმა-მეთქი, ვუთხარი, მაგრამ შეაყარე კედელს ცერცვი, თურქი მაინც თავის „აზრზე“ დარჩა.

რაც შეეხება ჩვენი უძვირფასესი საუნჯის – თურქეთის მიერ მიტაცებულ ქართულ მიწაზე არსებული ეკლესია-მონასტრების მოვლას, ასეთი სურათია, ჭოროხის ხეობაში ვულკანური წარმოშობის ოქროსფერ გრანდიოზულ კლდოვან მთებს შორის თურქები 15 ჰიდროელექტროსადგურს აშენებენ, გზები გაჰყავთ და კაშხლებს აგებენ. ამ გრანდიოზულმა მშენებლობამ უკვე შეინირა ჩვენი ორი ტაძარი – სწორუპოვარი ოპიზა და ულამაზესი ტბეთი. ამ მონასტრებს თურქებმა სპეციალურად ახალი გზები დაუპირისპირეს და ააფეთქეს, ამ სამინელ ვანდალიზმზე არც საქართველოს ხელისუფლება და არც იუნესკო ხმას არ იღებენ. რა ვქნათო, ძალა აღმართს ხნავსო.

კიდევ ერთი სამარცხვინო ფაქტი; თურქეთში მცხოვრები ქართველები-სთვის დასარიგებლად 200–მდე ქართული წიგნი („დედა-უნა“, „ვეფხისტყაოსანი“, ჩვენი წიგნები, ჟურნალი „ლიტერატურა და ხელოვნება“), წავიღეთ, მაგრამ არცერთ ქართველს არ შეგვახვედრეს, არ ვიცი ამაზე ვინ იზრუნა, მასპინძლებმა თუ ჩვენს რიგებში მყოფმა ზედმეტად ფრთხილმა ჩინოვნიკმა, ასე რომ, ის წიგნები და ჟურნალები უკან წამოვიღეთ. რა მოხდებოდა-მეთქი, ვუსაყვედურე ჩვენს „ექსკურსიამძღოლს“, ართვინში, სადაც 80 პროცენტი ქართველი ცხოვრობს, თუნდაც ერთი წამით შეგვეჩერებინა ავტობუსი,

პირველივე შემხვედრი ნებისმიერი ქართველისათვის დაგვეტოვებინა ეს 200 წიგნი, რათა მერე თვითონვე დაერიგებინა თავისი თანამემამულეებისთვის-მეთქი. ჩვენ ხომ დედა-ენა ჩავიტანეთ და არა თურქეთის ხელისუფლების სანინააღმდეგო პროკლამაციები-მეთქი.

არ შეიძლებაო, ასეთ რამეს თურქეთის კანონმდებლობა კრძალავსო, ჩვენ რომ წიგნები დაგვერიგებინა, ამას თურქები ქართულ პროპაგანდისტულ დივერსიად ჩაგვითვლიდნენ და შეიძლება ტაო-კლარჯეთის მარშრუტი სულ ამოეღოთ ტურისტული რუკიდანო. არ შეიძლება თურქების განაწყენება ისედაც ამრეზით გვიყურებენო.

კი მაგრამ ჩვენ რა, ბოლოს და ბოლოს ჩვენ ხომ სხვანაირად ვექცევით. ძმობა ცალმხრივი ხომ არ შეიძლება-მეთქი, განა თურქებმა არ იციან რომ დღეს თურქეთში 11 მილიონამდე ქართველი ცხოვრობს-მეთქი. აი, ამას რომ წერთ ქართულ პრესაში ეს აღიზიანებთ ყველაზე მეტადო. ესენი თვლიან, რომ თურქეთში არც ერთი ქართველი არ ცხოვრობსო. სამართალი არ არის? ღმერთი ხომ ხედავს, რომ საქართველოში 2 თურქული უნივერსიტეტი და 5 თურქული კოლეჯია, თურქეთში კი ერთი ქართული საკვირაო სკოლაც არ არის-მეთქი.

მაგას ბატონო რეზო, თურქეთის მხარეს ნუ დავაბრალებთ, ეგ ჩვენი ხელისუფლების ბედოვლათობის ბრალიაო, ჩაილაპარაკა ჩვენი დელეგაციის ერთმა სახელოვანმა წევრმა და იგი ყელამდე მართალი იყო.

12-13 სექტემბერს ქუთაისში გახლდით.

ჩემი ძმისშვილის – თათიას ლომისტორება 5 თვის ბიჭი მოვნათლეთ გელათის მონასტერში.

გული მოვიოხე ჩემი მშობლიური ქუთაისის ხილვით. ვენვიე გელათს, ბაგრატის ტაძარს... დავათვალიერე თითქმის განახლებული ქუთაისის ცენტრი, გავიარე თეთრ ხიდზე. რაც დრო გადის, უფრო და უფრო მენევა თავისკენ ქუთაისი.

მერე კარგი, ქუთაისური ლხინი გაიმართა თათიას მამამთილის თემურ ტაბიძის ოჯახში.

14 სექტემბერს საჩხერეში მუხრან მაჭავარიანის 80 წლის იუბილე გაიმართა. რატომღაც კულტურის სასახლე ვერ გაავსო ხალხმა. ეს, ალბათ, იმის ბრალიცაა ამ ორი კვირის წინ მუხრან მაჭავარიანს სააკაშვილი რომ „ესტუმრა“ და მუხრანმა გულში ჩაიხუტა, ასეთი რამეები „სახალხო პოეტს“ არ უნდა შეგეშალოს.

პირველი სიტყვა მე ვთქვი. ჩემს შემდეგ გამოვიდნენ ფრიდონ ხალვაში, გენო კალანდია, თამაზ ვაშაძე, მეუფე დანიელი, ნიკოლოზ კურტიანიძე, ელდარ ნადირაძე და სხვები. წაიკითხეს ედუარდ შევარდნაძის მილოცვა, მერე დაიწყეს მსახიობებმა მუხრანის საშუალო დონის, ოღონდ პუბლიცისტურად მახვილი ლექსების კითხვა. შუა იუბილეზე მუხრანი წამოდგა და გარეთ გავიდა: გავყევით მე, ცეზარ ლაშხი, ომარ გოცაძე და სხვანი, მეო, აიჩემა, სახლში უნდა წავიდეთო, შენ ხომ არ გაგიჟდი, ეს ხომ შეურაცხოფაა ამ ხალხის-მეთქი. მეო, ის არ მეკუთვნოდაო, რომ საჩხერეში ჩემს ხალხს ეს პატარა დარბაზი მაინც გაევსოო? მერე რა ჩიფჩიფითაა ეს უნიჭო მსახიობები ჩემს ლექსებს რომ კითხულობენო.

სიბერის მარაზში მორევია მუხრანს. ხომ არ ვეცყოდი, ეს ყველაფერი სააკაშვილის ვიზიტის ბრალა-მეთქი. რა უყუოთ, ხალხს ნვიმამ შეუშალა ხელი, არც გალაკტიონთან შეხვედრებზე იყო გადაჭედული დარბაზები-მეთქი, დავამშვიდე და შევბარუნე დარბაზში. უფრო სწორად საბოლოო სიტყვა ვატეშვინე, თორემ შერცხვებოდა მუხრანი მთელი საქართველოს წინაშე.

გარდაიცვალა ოთარ ჭილაძე.

ერთ-ერთი კარგი მწერალი წაგვივიდა.

მკვდარს, როგორც ეს საქართველოში ხდება „ენერგიულები“ დაეპატრონენ.

მისი უნიჭო ძმის – თამაზ ჭილაძის მეცადინეობით ოთარი არც მეტი, არც ნაკლები სამების ტაძრიდან გამოასვენეს და მთაწმინდაზე დაკრძალეს. მანამდე ერთი თვით ადრე ნოდარ ღუმბაძე გადაასვენეს მთაწმინდაზე. ერთიც და მეორეც, ჩემი მოკრძალებული აზრით, შეცდომა იყო.

მაშინ როცა შოთა ნიშნიანიძე დიდუბეში ასაფლავია, რაო დიდუბე ეცოტავათ ნოდარისთვის და ოთარისთვის?

ასეა თუ ისე 5 ოქტომბერს ოთარ ჭილაძე მთაწმინდაზე დაკრძალეთ.

მე ჩემი ვალი მოვიხადე. ტელევიზიითაც მივუსამძიმრე საქართველოს ოთარის წასვლა და „საქართველოს რესპუბლიკასა“ და „მწერლის გაზეთშიც“ დავბეჭდე გამოსათხოვარი.

ამაზრუნენი ის არის, რომ ხელისუფლებამ მწერალთა კავშირს არაფერი გვკითხა ოთარის დაკრძალვის ადგილის შესახებ. უფრო მეტიც, მაყვალას ოთარის სამგლოვიარო მიტინგზე სიტყვაც არ მისცეს. სამგლოვიარო მიტინგს როინ მეტრეველი უძღვებოდა.

როცა თამაზ გამყრელიძემ მწერალი აკადემიკოსის ადგილი გააუქმა, მეცნიერებათა აკადემიაში ერთი ამბავი ავტეხე. როგორ ბედავთ ამას-მეთქი. თამაზმა მითხრა- გავაუქმეთ იმიტომ, რომ დღეს ვერავის ვხედავთ მწერლებში აკადემიკოსობის ღირსადო. ჭაბუა, მუხრანი ან ოთარ ჭილაძე-მეთქი? შეფიქრებდა. თქვენ მაიმუნობას თავი გაანებეთ, თორემ „მწერლის გაზეთში“ გამოგარჭიანებთ, როგორც ქართული მწერლობის მტრებს-მეთქი.

ჩანს შეეშინდათ და ჩუმად ქურდულად გამოუცხადებიათ პოეტ აკადემიკოსის ერთი ვაკანსია სააკადემიკოსოდ. კანდიდატურაზეც თვითონ უზრუნვიათ, მუხრან მაჭავარიანი წარუდგენიათ – აქაც მწერალთა კავშირის გვერდის ავლით.

ამასწინათ ტექნიკური უნივერსიტეტის პროფესორის, ჩემი სიყრმის მეგობრის, იგორ კვესელავას შვილის – უჩას ქორწილზე ვითამადე.

უნივერსიტეტის ღირსეული რექტორი (დიდი ივერი ფრანგიშვილის შვილი) არჩილ ფრანგიშვილი მეუბნება – ბატონო რეზო, როგორ შეიძლება თქვენნაირი ორატორი და მეცნიერი ლექციებს არ კითხულობდესო. ჩემო არჩილ, სააკაშვილმა გამომაგდო უნივერსიტეტიდან-მეთქი. თუ იკადრებთ, ჩვენთან მოგინვეთ სრულ პროფესორადო.

მეორე დღეს კვესელავამ დამირეკა და თხოვნა გამიმეორა, მცირე ყოყმანის შემდეგ დავთანხმდი.

ვკითხულობ ლექციებს გეპეიში (ასე ერქვა ძველად), ვნახოთ როდის მიწვდება ეს ყველაფერი სააკაშვილის ფხიზელ ყურს და როდის გამომაგდებენ.

ისე... პატარ-პატარა „აღზრდის გაკვეთილები“ უკვე დამიწყეს.

მაყვალამ სერგო კაკალაშვილის დახმარებით ჟურნალი „გრაალი“ გამოსცა. კარგი ნომერია. ჩემი ნოველაც დაუბეჭდავს და რედკოლეგიაშიც შეუყვანივარ.

გაზეთებს ინტერვიუებს კვლავ ვაძლევ, ვლანძღავ ე.წ. დანიშნულ, თვინიერ ოპოზიციას, რომელმაც ხალხს უღალატა, ხალხი მოატყუა, გადამწყვეტ მომენტში შეშინდა და ნაბიჯი არ გადადგა.

12 ოქტომბერს ჩემთან სიმპათიური გოგონა მოვიდა. მეო, ჟურნალისტი თამარ დარახველიძე ვარო. ახალი არხი შევექმენითო ახალგაზრდა ჟურნალისტივმა „რეალ-ტივი“ ჰქვიაო. გვინდა, რომ როგორც ყველაზე სახელოვანმა მწერალმა და აქტიურმა პოლიტიკოსმა თქვენ თქვათ პირველი სიტყვა და თქვენ ჩაგწეროთ პირველებმა. რა პოლიტიკური ორიენტაცია გაქვთ-მეთქი; ნეიტრალური ტელევიზია ვართო.

ვენდე, მომატყუეს. სინამდვილეში ხელისუფლების ყოფილა. თუმცა ამას ჩემთვის მნიშვნელობა არა აქვს. მე არასოდეს დავცეკერი მიკროფონს რომელი არხია. მთავარია რას იტყვი და არა ვის ეტყვი.

მოკლედ ჩამწერეს, დავინყე სიტყვა ობიექტურად, როგორც მჩვევია. მე მწერალი ვარ, ე.ი. შუაკაცი ვარ. არცერთ პოლიტიკურ მოძრაობას არ ვეკუთვნი. ყველაფერს ობიექტურად ვაფასებ და მიკერძოებული ვერ ვიქნები-მეთქი, სააკაშვილმა მართლაც გააკეთა გზები, მოიყვანა პატრული, რომელიც „მილიციაზე“ უფრო წესიერია, შემოიღო ეროვნული გამოცდები, მაგრამ მე სააკაშვილს ვერასოდეს ვაპატიებ, რომ იგი ეროვნული ფენომენის მტერია, რომ გაყიდა საქართველოს მიწა-წყალი, რომ სახსრებში მოშალა აკადემია და დაარბია მწერალთა კავშირი და უნივერსიტეტი-მეთქი. რაც შეეხება იმას, რომ იგი პირველი მიუხტა რუსებს ცხინვალში, მე ამაში ვერ დავადანაშაულებ. მტერს, რომელიც შენს მიწაზეა შემოსული, დილაც შენ უნდა შეებრძოლო-მეთქი.

ამდგარან „რეალ-ტიველები“ და ჩემი ჩანანერი ისე დაუმონტაჟებიათ, რომ სააკაშვილის მეხოტბედ გამომიყვანეს. „მაგრამ“-ის შემდეგ რაც ვთქვი ყველაფერი წაუშლიათ. ჩემს გამოსვლაზე გამომეხმაურნენ თემურ შაშიაშვილი და სოსო რობაქიძე. ეს რა ჰქენი, სააკაშვილის მხარეს გადახვედიო? სააკაშვილის მხარეს დადგა „ტიფა“, როგორ მკადრებთ ასეთ რამეს, ნუთუ არ იცით სულგაყიდული ჟურნალისტები როგორ ამონტაჟებენ მასალას-მეთქი? ძლივს დავამშვიდე.

ახალციხეში „შოთაობა“ ჩატარდა, რუსთველოლოგიაში შეტანილი ნვ-ლილისათვის საგანგებო პრემია მომანიჭეს.

23.X.09 – 31.XII.09

გუშინწინ კინოს სახლში ინტელიგენციის შეხვედრა ჩატარდა. შეხვედრის ორგანიზატორი იყო „ჯორჯიან ტაიმის“ დამფუძნებელი მალხაზ გულაშვილი.

დარბაზმა ხალხი ვერ დაიტია, მე, სოსო სიგუა და იგორ კვესელავა ერთად ვიჯექით. მალხაზმა გახსნა. დღესო, თქვა თეა თუთბერიძის მიერ საიტზე განთავსებულ ცილისწამებზე უნდა ვიმსჯელოთო. საქმე კათოლიკოს-პატრიარქის შეურაცხყოფას შეეხებაო.

გამოვედით რეზო ამაშუკელი, ჯანსუღ ჩარკვიანი, მე, გოგი ქავთარაძე, გოგი გაჩეჩილაძე, ელიზბარ ჯაველიძე და სხვები.

გოგი გაჩეჩილაძემ პრეზიდენტი დაიცვა და ამით მთელ დარბაზს დაუპირისპირდა. გოგი ქავთარაძემ თავის სეხნიას სულ „პრავაკატორი“ და „პრეზიდენტის ლაქია“ ეძახა. მაგარი ის იყო, რომ გოგი იდგა და ილიმებოდა. მე რომ მის ადგილზე ვყოფილიყავი, გული გამისკდებოდა.

ქუთაისიდან ავთო ნიკოლეიშვილი ჩამოვიდა და მითხრა, შენი 70 წელი ახლოვდება, ქუთაისში დიდი იუბილე გვინდა ჩაგიტაროთ და რას იტყვიო. რა უნდა ვთქვა-მეთქი, ქუთაისი ჩემი სამშობლოა, თუ რამედ ვუღირვარ ქუთაისს, კი ბატონო, თანახმა ვარ, ოღონდ ხალხს ნუ შეანუხებთ, წინასწარ ნუ მოემზადებით, როცა მიხმობთ ჩამოვალ და თბილად, ტკბილად ყოველგვარი ოფიციალობის კარებზე ვისაუბროთ-მეთქი.

21 ოქტომბერს, ოთხშაბათს სამების ტაძარში მერაბ ელიოზიშვილის 75-ე წლისთავის იუბილე გავმართეთ. პირველი სიტყვა მე ვთქვი. გამოვიდნენ: დავით შემოქმედელი, ლამზირა ჩხაიძე (მსახიობი), გოჩა ხარანაული, ნინო სიხარულიძე, თემურ ჩალაბაშვილი და სხვები. ბოლოს მერაბმა ცრემლით სავსე სიტყვა თქვა და იგალობა კიდევ (იგი ხომ დიაკვანია – „მამა ელიოზი“).

5 ნოემბერს მწერალთა კავშირში გამგეობის სხდომა გვექნდა.

ჯერ ზურაბ ხონელიძემ (დიპლომატი) ილაპარაკა: საქართველოს სახელმწიფოებრიობა გაქრობის პირასაა, ერთადერთ საშველს ვხედავ; სამი რესპუბლიკის – საქართველოს, სომხეთის და აზერბაიჯანის კონფედერაცია უნდა შევქმნათ, თორემ სომხეთიც და აზერბაიჯანიც (რუსს რომ თავი გავანებოთ) ჩვენს წინააღმდეგ ირაზმებიანო.

მერე მწერლობას მოვუბრუნდით, ავდექი და ვთქვი: ჩვენ ყოველ წელიწადს „ეროვნულ მწერლობას“ ვუდგენთ გეგმას, მაგრამ ვაჟა ოთარაშვილი ამ გეგმას არ ასრულებს. მაგ. 2009 წლის გეგმიდან (24 ნიგნი) მხოლოდ 1 ნიგნი გამოსცა-მეთქი. თუ გამომცემლობა არ ფუნქციონირებს, რისთვის ვაცდენთ მწერალთა კავშირის ფულით ნაყიდ ამ ნახევარმილიონიან შენობას, გავეიდოთ ან გავაქირავოთ და ფული მწერლებს მოვახმაროთ-მეთქი. აყეფდა ვაჟა ოთარაშვილი. რაკი ასეა და შენიშვნას არ ლებულობ, უნდა ვთქვა, რომ შენ მწერლებს ფულს სძალავ. მაგ. ნიგნის გამოცემაში 700 ლარი ზოია ვაშაკიძეს წაართვი, 800 ლარი ფრიდონ ხალვაშს. ეს ხომ მწერლებს ძარცვას ნიშნავს-მეთქი. უფრო აპეტელდა ოთარაშვილი.

აქ მხილებას არ ელოდა. შემეძლო გაგჩუმებულიყავი, მაგრამ ვერ დავაჭირე ენას კბილი, მხოლოდ ერთი მიზეზის გამო – რაკი მწერალთა კავშირში ვშუშობ, ხომ უნდა გამოვექომაგო დაჩაგრულ მწერლებს, ახლა მწერლების „ვაჟაკობა“ ნახეთ. ცალ-ცალკე რომ ჩემთან შემოდიოდნენ და მაქეზებდნენ; აუტანელი გახდა ოთარაშვილის უნამუსობა და ყველამ ერთად ხმა ამოვიღოთო, როცა საქმე საქმეზე მიდგა, ყველამ ენა გადაყლაპა, პირში წყალი ჩაიგუბეს. არ გრცხვენიათ? ვაჟა ოთარაშვილმა ასე როგორ დაგამინათ-მეთქი ხმამაღლა მივმართე ჩემს „მეგობრებს“.

ასე დამთავრდა გამგეობის სხდომა.

მე 70 წლის კაცს წნევამ ამინია, „მწერლებმა“ კი საყელოში ნიკაპები ჩარგეს და გაიძურნენ.

რაც დრო გადის, უფრო და უფრო მიპყრობს ნერვიულობა, იმის გამო, რომ ჩემი საიუბილეო თარიღი ახლოვდება, ხომ არავინ დაიჯერებს, რომ არ მინდა, მართლა არ მინდა არავითარი საიუბილეო საღამო. მძულს ტაში, რომელსაც დამიკრავენ, დიახ, წინასწარ მძულს, ხომ ვიცი, რომ 100 კაციდან მხოლოდ 5 იქნება გულწრფელი. მხოლოდ 5 იქნება ვისაც ჩემი ნაწერები ნაუკითხავს. დანარჩენებს წარმოდგენა არ ექნებათ, ვინაა რევაზ მიშველაძე. ყურნალისტებმა ამ ბოლო დროს ინტერვიუებში დაიწყეს ჩემზე, როგორც ცოცხალ კლასიკოსზე მითითება. ერთი „მწერალი“ მეუბნება ხომ იცი, რომ კარგი მინდა შენთვის. ძალიან გთხოვ, აუკრძალო ყურნალისტებს „ცოცხალ კლასიკოსად“ შენი მოხსენიებაო, მართლაც დავურეკე დიტოს და გელას და ვთხოვე, თუ ძმა ხარ, ჩემთან მიმართებაში „კლასიკოსი“ აღარ იხმართ-მეთქი, რატომო? გაუკვირდათ, ჩვენ მართლა ასე მიგვაჩნიაო.

რა იყო იმ მწერლის მინიშნება? შური, სიხარბე – სხვა არაფერი.

მურმან თავდიშვილმა მშვენიერი „ესე“ დაწერა ჩემზე. ასევე შემაქო გულწრფელად ნოდარ კობერიძემ.

პარასკევს, 4 დეკემბერს ნიკოლოზ ბარათაშვილის სახლ-მუზეუმში ახალგაზრდა პოეტთა კონკურსში გამარჯვებულებს პრემიები და სიგელები გადავეცით. კონკურსის ჩატარებაში დიდი დახმარება გაგვინია თბილისის მერიამ, გიგი უგულავამ გამოყო სახსრები და თვითონაც მიიღო მონაწილეობა საზეიმო ცერემონიაში, ჩემთვის ამ კონკურსის განსაკუთრებული ღირებულება ის გახლავთ, რომ 170-მა ახალგაზრდა პოეტმა მიიღო მონაწილეობა, სიხარულს ვერ ვმაღავ, ეს იმის ნიშანია, რომ ლიტერატურა არ მოკვდება, ლექსი და მოთხრობა თავის დიდ მნიშვნელობას (ესთეტიკურს, შემეცნებითს) არ დაკარგავს. ცერემონიალის შემდეგ გიგი უგულავამ მკითხა, ბატონო რეზო, თქვენი იუბილე ახლოვდება, ხომ არაფერში ვარ საჭიროვო? მადლობა მოგახსენე, იუბილეს არ ვაპირებ-მეთქი. რატომო? ხალხს არ ეიუბილეება-მეთქი. არაო, პირიქით, თქვენი იუბილე ხალხის გასამხნეებლად და საჭირო და უარი არ თქვათო.

5 დეკემბერს, შაბათს ბადრი სირაძემ დუშეთში მიმინვია. დიდი სიყვარულით შემხვდნენ, თან წავიღე 30 წიგნი ჩემი სამტომეულისა, წიგნები ჩამოგიტანეთ-მეთქი რომ გამოვაცხადე, სიჩუმე ჩამოვარდა. დარბაზიდან ერთმა მორცხვად იკითხა: რა ღირსო. არაფერიც არ ღირს, უფასოდ, საჩუქრად ჩამოგიტანეთ-მეთქი, უფასოდო?! დაიძრა დარბაზი... ყველას ხომ ვერ განვვდებოდა, ვინანე, რომ მეტი არ წამოვიღე, თურმე, სიტყვა „უფასოდ“ დუშეთში კარგა ხანია აღარ იხმარება, „მწერლები ჩამოდიან და წიგნში 15 ლარს გვთხოვენ, სად აქვს სანყალ დუშელს 15 ლარიო“, გამგებელმა, ახლა თქვენს სიკეთეზე მთელი წელი ილაპარაკებენო.

რა დღეში ხარ უბედურო საქართველოვ, თუმცა... რა ჰქნას იმ მწერალ-მაც, ჭამა ხომ უნდა.

13 დეკემბერს „ალიაში“ დიტო ჩუბინიძემ ინტერვიუ ჩამომართვა. მუხრან მაჭავარიანი რომ პოეტ-აკადემიკოსად აირჩიეს და ოთარ ჭილაძეს კ. გამსახურდიას პრემია მიანიჭეს, ეს ხელისუფლების მიერ ინტელიგენციის მოქრთამვას ხომ არ ნიშნავსო.



ჯერ ერთი-მეთქი, ვპასუხობ, გამსახურდიას პრემიის მინიჭება მწერალთა კავშირის პრეროგატივაა და აკადემია როგორც ჩანს, მწერალთა კავშირის ფუნქციებსაც ითავებს, ვინ ჰკითხავს აკადემიას გამსახურდიას პრემიის მინიჭებას-მეთქი. მეორეც, როცა ანა კალანდაძე გარდაიცვალა, მე კატეგორიულად მოვთხოვე თამაზ გამყრელიძეს პოეტი-აკადემიკოსის ადგილი შეეწოსო სხვა პოეტით, მაგრამ მიპასუხა, ანას შემდეგ მე მწერალ აკადემიკოსად მისაღებს ვერ ვხედავო, გამიკვირდა: ჭაბუა, მუხრანი ან ოთარ ჭილაძე არ არიან აკადემიკოსობის ღირსი-მეთქი? მაშინ არაფერი მიპასუხა, მერე, როგორც ჩანს, დაფიქრდა და აი მუხრანი მიიღეს, რასაც მივესალმები-მეთქი.

14 დეკემბერს ტელევიზიის პირველი არხით გამოვედი, დისპუტი სამღვდელოებისა და ხელისუფლების ურთიერთდამოკიდებულებაზე იყო.

ჩვენ ორნი – პაატა ზაქარეიშვილი და მე ვიყავით საპატრიარქოს დამცველნი, დანარჩენი კი 19 კაცი საპატრიარქოს მოწინააღმდეგენი იყვნენ.

ვთქვი, არსად დედამინაზე ეკლესიის საქმეებში ისე ურცხვად არავინ ერევა, როგორც საქართველოში-მეთქი, ამაში ცოტა საპატრიარქოც არის დამნაშავე, ხელისუფლების დუდუკზე წამდაუნუმ რომ დატრიალდება-მეთქი. როგორ შეიძლება პრეზიდენტი სამების ტაძარში პოლიტიკურ სიტყვას წარმოთქვამდეს ან პატრიარქი მას საითაც ხელს დაუქნევინ, იქეთ მიჰყვებოდეს-მეთქი.

1.I.2010 – 29.II.2010

1 იანვარს სამოცდაათი შემისრულდა. ტრადიციისამებრ შინ პატარა სუფრა გავმართე. იყვნენ ჩემი დედამამიშვილები და გივი გამსახურდია, იგორ კვესელავა, სოსო სიგუა, მურმან თავდიშვილი, ანზორ აბრალავა (მეუღლით), თენგიზ ქუთათელაძე (მეზობელი) სულ 15-16 კაცი.

9 იანვარს რადიომ (ვანო ჯაფარიძე) ერთსაათიანი გადაცემა მომიძღვნა.

ტელევიზიის არცერთ არხს ერთი სიტყვა არ დასცდენია იმაზე, რომ ერთი ქართველი მწერალი რევაზ მიშველაძე 70 წლის გახდა. ასე აქვს საქმე დაყენებული მიხეილ სააკაშვილს. მისი სიძულვილი მწერლობისადმი ყოველგვარ ზღვარს სცილდება. ამ ბოლო დროს მთლად გაუტია, ხალხი შიშშილით გვეზოცება და ყოველდღე მილიონიან კონცერტებს ატარებს. საახალწლო ბოუ-კონცერტი ბათუმში 4 მილიონი დაუჯდა. წარმადგინეს დავით აღმაშენებლის პრემიაზე, ეს პრემიაო, მითხრეს ყოველთა ქართველთა მსოფლიო კონგრესმა დააფუძნაო. პრემიის მინიჭების დრო რომ მოახლოვდა ჩემთან მოვიდა ქალბატონი ჭყოიძე და მითხრა, მეო კონკურსის კოორდინატორი ვარო, რეცენზიების მიხედვით დავით აღმაშენებლის პირველ პრემიას თქვენ განიჭებთ და უარს ხომ არ ამბობთო. უარი რატომ უნდა ვთქვა-მეთქი, იქნებ გეუხერხულებათ რომ ჩვენი დამფინანსებელი პეტერბურგში მცხოვრები ქართველი ბიზნესმენი პუტინის მეგობარი ალექსანდრე ებრალიძეაო.

რატომ თავიდან ან მითხართ-მეთქი, ესე იგი ამ პრემიას ებრალიძე გვანიჭებს ქართველ მწერლებს.

მეორე დღესვე გაზეთებში („ასავალ-დასავალი“, „კვირის ქრონიკა“) და ტელევიზიით („რტვ“) გავაკეთე ასეთი განცხადება: „ვინაიდან საქართველო დაპყრობილი და ანექსირებულია რუსეთის მიერ და ვინაიდან პრეზიდენ-



ტი მედვედევი უტიფრად აცხადებს, რომ იგი არ აპირებს გააუქმოს თავისი გადაწყვეტილება აფხაზეთის და „სამხრეთ ოსეთის“ დამოუკიდებლობის შესახებ, მე ვერ მივიღებ ალექსანდრე ებრალიძის მიერ დაფინანსებულ დავით აღმაშენებლის პრემიას. აქვე ვაცხადებ, რომ ასევე კატეგორიული წინააღმდეგი ვარ საქართველოს გამალბებული ამერიკანიზაციის. ჩემი სამშობლოსთვის სულერთია მგელი შემჭამს თუ მგლისფერი ტურა. ჩემს მერე ასევე უარი თქვა ჭაბუა ამირეჯიბმაც.

ამირან შალიკაშვილმა იანვარში ორი სპექტაკლი („ტერენტი“, „წმინდა გიორგი“) სპეციალურად ჩემს იუბილეს მიუძღვნა.

როგორც მაყვალამ მაცნობა, 22 თებერვალს 4 საათზე მარჯანიშვილის თეატრში გაიმართება ჩემი საიუბილეო საღამო. მე პირადად ეჭვი მეპარება, რომ ეს საღამო გაიმართოს, რატომ?

თითქმის ყოველ მეორე დღეს ვაძლევ გაზეთებს ინტერვიუს და ვამხელ სააკაშვილის გამყიდველურ პოლიტიკას. სააკაშვილის ზიზლი ქართველი ერის მიმართ იქამდე მივიდა, რომ ქუთაისში მერაბ ბერძენიშვილის მიერ შექმნილი დიდების მემორიალი ააფეთქა, რასაც დედა-შვილის სიცოცხლე ემსხვერპლა. შემეძლო ამაზე გაჩუმება?

იქნებო, იუბილემდე მაინც არ აგინოთ სააკაშვილსო, მირჩევენ ჩემი კეთილისმსურველები, თუ ჩემი იუბილის გამართვა სააკაშვილის „ნებაზე“ დამოკიდებული, უარს ვამბობ ყოველგვარ იუბილეზე-მეთქი. განვაცხადე, ასეთია ჩემი დამოკიდებულება იუბილის მიმართ, რა შეიუბილეება ამ პირქვედამხობილ, დამარცხებულ საქართველოში.

23 იანვარს პანტომიმის თეატრმა ჩემდა „საბედნიეროდ“ მაყურებელს „წმინდა გიორგი“ უჩვენა. მაყურებლით გაჭედილ დარბაზს ჯერ ამირან შალიკაშვილმა მიმართა და „ახალი დროის ილია ჭავჭავაძე“ მინოდა. მერე მე მომცა სიტყვა – მადლობელი ვარ ბატონი ამირანის, მაგრამ მან ილიას კი არ შემადარა, ილიას კვალზე დადგომისკენ მომიწოდა-მეთქი.

რაც შეეხება ამ თეატრთან ჩემს მეგობრობას ქართულ თეატრში მოლაპარაკე მსახიობი აღარ დარჩა და ამიტომაც უსიტყუო თეატრს მოვაშურე-მეთქი, ვიხუმრე. მერე მთელი თეატრი დავპატიჟე 22 თებერვალს ჩემს იუბილეზე. სპექტაკლის მერე აღფრთოვანება გამოთქვა გოგი გაჩეჩილაძემ, მეო, მსგავსი არაფერი მინახავსო. ესაო მარტო წმინდა გიორგი კი არა, მთელი საქართველოს ისტორიააო.

24 იანვარს გიგა ლორთქიფანიძემ დამირეკა. აი, ახლა ხელში მიჭირავს შენი „რჩეული“ და ცრემლი ლაპალუპით ჩამომდისო. ეს რა გენიალური ნოველისტი ყოფილხარ, აქამდე როგორ არ გიცნობდი გენიოსადო. მე ერთი რიგითი კარგი მწერალი მეგონე, შენ მსოფლიოს უპირველესი ნოველისტი ყოფილხარო.

გამეხარდა. ესეც ერთი ნიშანი იმისა, რომ გულდასმით არავინ არავის კითხულობს. ჩანს, ეპოქაა ასეთი. ჩანს, მევე უნდა მეზრუნა ჩემი სახელის გახმაურებაზე. მეტი რა მექნა? საქართველოში არსებული ყველა პრემია მიღებული მაქვს. სკანდალები არ დამკლებია, როგორც ჩანს, ციხეში უნდა ვმჯდარიყავი მინიმუმ 5 წელი მაინც...

გიგა ჩემთვის უსაყვარლესი მოქალაქე და დიდი რეჟისორია.

1 იანვარს სოსო სიგუას თაოსნობით „მწერლის გაზეთის“ ჩემდამი მოძღვნილი საიუბილეო ნომერი გამოვიდა. არ დარჩენილა თითქმის არც ერთი სახელოვანი მწერალი თუ საზოგადო მოღვაწე, რომ არ მომსალმებოდა. შემეცხვება, ისეთი ქების კორიანტელი დამატებეს თავზე. ვუსაყვედურე სოსოს, მაგრამ უკვე გვიან იყო.

22 თებერვალს მარჯანიშვილის თეატრში გრანდიოზული იუბილე გამიმართეს. იუბილე, როგორც მაყვალამ მითხრა, თბილისის მერიის და კულტურის სამინისტროს ინიციატივით და დახმარებით მოეწყო.

მაყვალამ გახსნა თბილი ტკბილი სიტყვით. გამოვიდნენ. სოსო სიგუა, ფრიდონ ხალვაში, გიორგი გიგაური, ვაჟა აზარაშვილი, დავით შემოქმედელი, თეიმურაზ ლანჩავა, იური ბიბილიევილი, ავთანდილ ნიკოლეიშვილი, თენგიზ უთმელიძე, ომარ მხეიძე, ჩოხოსნები (მერაბ კირკიტაძის თაოსნობით) თენგიზ სვანიძე, ბადრი ქუთათელაძე, ჯემალ ინჯია და სხვები. ბოლოს პანტომიმის თეატრმა წარმოადგინა ჩემი სცენარით დადგმული პრემიერა „ქრისტე“.

როგორც ამბობენ, ბოლო 20 წლის მანძილზე ეს იყო ერთადერთი ეროვნული იუბილე. ზღვა ხალხი დაესწრო. როგორც მითხრეს, უადგილობის გამო უამრავი უკან გაბრუნდა.

ბოლო სიტყვა ხელისუფლების მიმართ ცოცხალი არ იყოს ქვეტექსტებიანი სიმწვავით გამომივიდა. დავამთავრე შექსპირით, ეს ფრაზა ჩემს დღევანდელ განწყობილებას შეესაბამება-მეთქი: „როგორ დაბნელდა, სული მეხუთება, შემისხენი საკინძე კორდელია!“

იქუხა ტაშმა და მომეჩვენა, რომ მთელი 10 წუთი მიკრავდნენ ტაშს.

მერე პატარა (100 კაციათი) ბანკეტი მქონდა „ლორდში“.

იუბილე ჩამამწარა მესამე დღეს ჩემი მეგობრის გივი გამსახურდიას შვილის კახას სიკვდილმა.

ამის გამო წნევამ ამინია და მთელი კვირა ვერავითარი წამლით ვერ დამინიეს.

30.II.2010 – 20.IX.2010

თბილისში მარტივ ზამთრის თვეა.

იუბილის მეორე დღესვე კვლავ ჩავები საქმეების ორომტრიალში.

ცივა.

მეორეჯერ წავიკითხე ჩემი პირველი რომანის კორექტურა. „ჩორჩოლს გადაჩვეული კაცი“ „10 წელი ვწერდი, არავის ვუმხელდი რომ პრესაში აჟიოტაჟი არ ამტყდარიყო. კარგი ბიჭი და უანგარო გამომცემელი ლევან ფოფხაძე მპირდება, რომ რომანს მაისის პირველ ნახევარში ჩამაბარებს.“

დიდი ენთუზიაზმით ვმუშაობ ტექნიკურ უნივერსიტეტში (რაც ჯავახიშვილის სახ. უნივერსიტეტიდან გამომავდეს, მე ხომ ტექნიკური უნივერსიტეტის პროფესორი ვარ) კულტუროლოგიის სახელმძღვანელოზე. კრებულში შეტანილი 12 თავიდან 6 თავის ავტორი მე ვარ. რედაქტორობაც მე დამავალა ჩემმა მეგობარმა ივორ კვესელავამ, რომელიც დეპარტამენტის თავმჯდომარეა. 3-ჯერ წავიკითხე კორექტურა, „ფილოსოფოსებს“ ნავუშაღლე ყველა უცხოური ტერმინი. რატომ გავინყებდათ, ბატონებო, რომ ეს

სახელმძღვანელო სტუდენტებისთვისაა განკუთვნილი და როგორ შეიძლება ამდენი უცხო სიტყვით ტვინი ვულრძოთ ბავშვებს-მეთქი. „პროფესორები“ ჩუმჩუმად მოდიოდნენ იგორთან და თავიანთ (ჩემს მიერ ჩასწორებულ) თავებს კითხულობდნენ. როგორც ჩანს, არ მოენონათ მათი „ფილოსოფიური ტერმინების ჩემს მიერ გაქართულება და რექტორთან მიჩვილეს, რევაზ მიშველაძემ სტატიები „დაგვიჩეხაო“. რექტორ ფრანგიშვილს დაუბარებია იგორი და უთქვამს, იქნებ, რაკი რევაზ მიშველაძე ავტორიცაა, რედაქტორად სხვა შეარჩიოო. იგორმა ეს ამბავი მოკრძალებით შემომაპარა, მიმიფურთხებია თქვენი „სახელმძღვანელოსთვის“-მეთქი, იგორს ვუთხარი. მე სიკეთე გაგიკეთეთ, ამათ ნანერზე თავი ვიმტვრეე და თუ არ გინდათ ბექდეთ რებუსური სტატიები, მე კი მაგ სახელმძღვანელოსკენ აღარ გავიხედავ-მეთქი, ისე ამიცრუვდა გული, რომ შეიძლება წამოვიდე საერთოდ ტექნიკური უნივერსიტეტიდან. იქედან, საიდანაც ჩემს ჩაყენებას რიგით პროფესორთა ასეულში ცდლობენ. ამჟამადაც რექტორმა და იგორმა დამიცვეს.

2 აპრილს „ქუთაისობაზე“ მიგვიწვეს. გავიხარე ჩემი ქუთაისით. ექვთიმე თაყაიშვილის ძეგლის გახსნაზე სიტყვები ვთქვით გილაურმა (პრემიერ მინისტრი), ქუთაისის გამგებელმა, რეზო ჭეიშვილმა, მე და ოტია იოსელიანმა. ოტიამ თავისი სიტყვა ასე დაასურლა: ქე გავხსენით დიდი ექვთიმეს ძეგლი აქანა, მარა რათ გინდა, მოვა | გადარეული (ალბათ პრეზიდენტი იგულისხმა) და დაანგრევსო.

გზაში მე და რეზო ჭეიშვილი შევკამათდით: მე ვამტკიცებდი შოთა რუსთაველი მსოფლიოში უდიდესი მწერალია-მეთქი, რეზო „ამტკიცებდა“ სუსტი მწერალიაო...

5 მაისს პანტომიმის თეატრს ვახლდი საჩხერეში. წარმოადგინეს (კულტურის სახლში) ჩემი სცენარის მიხედვით დადგმული „წმინდა გიორგი“. ვერ წარმოიდგენთ რა ხდებოდა, გაჭედო და რაბაზში წამდაუნუმ ტაში გაისმოდა. ბოლოს ისეთი ოვაციები გაიმართა, ამირან შალიკაშვილი ეხვეწებოდა ხალხს, ოღონდ ახლა გამომივით და მალე ისევ ჩამოვალთო.

7 აპრილს სამწლიანი იძულებითი შესვენების შემდეგ შევედით მწერალთა სასახლეში. ქალაქის მერიის (გიგი უგულავა, მამუკა ქაცარავა) თაოსნობით მგონი დაგვიბრუნეს სასახლე. რემონტი დაიწყეს, ჩვენ სიხარულით გაბრუებულებმა სასახლის ეზოში ზეიმი გავმართეთ. ჩემთვის სრულიად მოულოდნელად ზეიმზე გამოცხადდა კულტურის სამინისტროს და მერიის ყიურის გადაწყვეტილება.

„ქართული პროზის რაინდის“ წოდება მიენიჭოს 3 პროზაიკოსს – ჭაბუა ამირეჯიბს, რევაზ მიშველაძეს და ოტია იოსელიანს, ხოლო „ქართული პოეზიის რაინდისა“ – ფრიდონ ხალვაშს, ანზორ აბულაშვილს და ჯანსუღ ჩარკვიანს.

ჩემს მობილურში (877 42 54 72) ზარი არ წყდება. გვილოცავენ მწერალთა სასახლეში დაბრუნებას. დიახ, სააკაშვილის ხელისუფლება იძულებული გახდა ჩვენთვის შენობა დაებრუნებინა, თუ კიდევ რაიმე ორიგინალური აზრი მოუვათ თავში და ისევ არ წაგვართვეს. ჩემი შიში გამართლდა. მეორედ დღეს აღარ შეგვიშვეს მწერალთა კავშირში სააკაშვილის განკარგულებით.

ცხრა აპრილს გამარჯვების დღესასწაულებს დავესწარი სამგორში

და მცხეთაში. მოვეფერე 90-ს მიღწეულ ნაომარ მოხუცებს, ისინი ხომ სა-სიკვდილოდ განირა სააკაშვილმა. ყოველგვარი დახმარება მოუსპეს.

10 მაისს კარგი მხატვრის – რეზო ადამიას გამოფენის გახსნაზე გახ-ლდით. იმავე დღეს კინოსახლში ახალგაზრდების დისპუტი იყო, მაგრამ „პარტიული მიმართულება“ დავყნოსე და წამოვედი. არ მინდა რომელიმე რევანშისტული პარტიის გვერდით დავდგე.

12 მაისს სამების ტაძარში ვაჟა ეგრისელის დაბადების 70-ე წლისთავს წარუძეხი. ბევრი თბილი სიტყვა უთხრეს. ვაჟა ნიჭიერი პოეტია, მაგრამ თვითონ უშლის ხელს უფრო მეტად სახელის განთქმას. ზედმეტად თავმდ-აბალიაო, გაიფიქრებთ, პირიქით არის... თუმცა სიცოცხლეში პოეტს ეს ყველაფერი ეპატიება. წეროს მშვენიერი ლექსები და იძახოს ხანგამოშვებით „გენიოსი ვარო“, რას ვიზამთ, ბუნებაა, ხასიათია.

13 მაისს „ქალღეას“ აკადემიაში (პუშკინის 7) 70 წლისთავის იუბილე გადამიხადეს.

გამოვიდნენ: მაყვალა გონაშვილი, დავით შემოქმედელი ვაჟა ეგრისე-ლი, თამაზ ვაშაძე (მერობის კანდიდატი), ჯონი აფაქიძე, (აფხაზეთის უნი-ვერსიტეტის რექტორი), ლუარა სორდია, რეზო ადამია, ტიტე მოსია, გიზო ჭელიძე, იგორ კვესელავა, გივი გამსახურდია, ჯემალ ჯიქია, ციალა მესხია, სიმონ ზაქარაია, გულნაზ ხარაიშვილი, გივი კილასონია, გიული ჩქარეული, შოთა ხოჭავაძე-ეგრისპირელი, ვანო მეგრელი, ემირ ბურჯანაძე... და სხვები.

თბილი, გულწრფელი სიტყვები მითხრეს, მაგრამ ძალიან დავილაღე. იუბილე 4 საათს გაგრძელდა. არ შეიძლება-მეთქი ასე, ბოლოს ვთქვი, ხალხი შევანუხეთ-მეთქი, რას ვიზამთ, ქართული ამბავია.

15 მაისს ფრიდონ ხალვაშმა დამირეკა; ჩემო რეზო, შენ უნდა დამა-დგა თავი, ჩემმა იუბილემ შენი კაი კაცობის ეგიდით უნდა ჩაიაროსო. ყველაფრისთვის მზად ვარ ჩემო ფრიდონ-მეთქი, კონკრეტულად რას მა-ვალე-მეთქი 85 წლის ლომო, სიტყვაც უნდა მითხრა და საიუბილეო სუ-ფრაზეც უნდა მითამაძრო. უარს როგორ ვეტყვოდი, ფრიდონი ძალიან მი-ყვარს. მწერლობიდან 3 კაცი უნდა გამოხვიდეთო, მაყვალა, მუხრანი და მენო. დანარჩენს რუსთაველის თეატრის მსახიობები გააკეთებენო.

17 მაისია, ექვსის ნახევარზე მივედი რუსთაველის თეატრში. ფრიდონი ვესტიბიულში დგას და ტელევიუბიტერების შუქზე სტუმრებს ეგებება. ხომ არ წერვიულობ-მეთქი, ვკითხე. შენ როცა აქ მყავხარ, სანერვიულო რა მაქვსო, მიპასუხა. ცოტა ხანში მუხრანიც მოვიდა თავისი ცოლით და ქალიშვილით.

გადავეხვიეთ ერთმანეთს. კარგა ხანია არ მინახავხარ-მეთქი, კარ-გად გამოიყურები-მეთქი. 82 წლის კაცის პირობაზე არა მიშავსო. ისე ამ თბილისმა ძალიან დამალა, ახლა ნავალ არგვეთში და 3 თვეს აქეთ პირს არ ვიზამო.

დაიწყო საიუბილეო საღამო 7-ის 20 წუთზე. პირველი სიტყვა მაყვალამ თქვა. მერე ფრიდონმა წაიკითხა თავისი „თბილისო, მე რომ შენთან მოვედი“ და საიუბილეო სავარძელში ჩაჯდა. მეორე სიტყვა მუხრანს მისცეს. მუხრა-ნის შემდეგ თქვენ გამოხვალთო, მაყვალამ მიწურულა.

მუხრანი მხნე ნაბიჯებით ავიდა სცენაზე. ჯერ ფრიდონს გადაეხვია, მართალია, 85-ის გახდი, ჩემო ფრიდონ, მაგრამ არც მე ვარ პატარა, 82 მალე შემისრულდებაო.

მიკროფონთან მივიდა და დაიწყო:

ჩემო ფრიდონ, შემედლო ზეპირად მეთქვა, მაგრამ თუ ნებას დამრთავ, დანერილს წავიკითხავო. ასე მირჩევნიაო. სხვათა შორის, ჩემს ცხოვრებაში პირველად გამოვდივარ დანერილი სიტყვითო. გაკეცილი ქალაქები ამოილო ჯიბიდან და დაიწყო კითხვა მისებურად, რიხიანად.

ჯერ ცნობილი „თბილისო მე რომ შენთან მოვედი“ თქვა, პირველი სტროფი, მერე გააგრძელა: „ყველა ჭეშმარიტი პოეტის უპირველესი საზრუნავი საქართველოში სამშობლო იყო. სამშობლოზე ფიქრი მოსვენებას არ აძლევდა ილიას, აკაკის, ვაჟას, გალაკტიონს, ასეა ჩვენი ფრიდონიც“, ეს თქვა, ხელიდან ქალაქები გაუცვივდა და ჩაიკეცა. რბილად წაიქცა. თავი იატაკზე არ დაურტყამს. პირველ რიგში ვიჯექით მე, ჯანსული, მაყვალა, დავით ტაკიძე... წამოვცვივდით ყველანი, თვალები ღია ჰქონდა.

მუხრან! მუხრან! ნუ გეშინია! ჩაქაჩით ყველანი, თვალები გადაატრიალა, შემოგვხედა და მომეჩვენა, რომ ხელიც ჩაიქნია.

– სასწრაფო! სასწრაფო! ვყვირით ყველანი, დარეკილია ვილაცამ.

სცენაზე ამოვარდა კობა ამირხანაშვილის მეუღლე – ექიმი. რაც იმან იბრძოლა, ხან ენა ამოუქაჩა, ხან პირში სული უბერა.

ამასობაში (წაქცევებიდან 15-20 წუთში) სასწრაფოც მოვიდა. ოთხი ქალიშვილი გადმოხტა მანქანიდან, მე მგონი სტუდენტები უნდა ყოფილიყვნენ. კი მაგრამ, ვინმე გამოცდილი კარდიოლოგი ვერ გამოიყოლეთ-მეთქი? ვიყვირე. ჩვენ ვართ მორიგეებით, გოგონებმა, სასწრაფო პირდაპირ სცენაზე შემოვიდა.

დაიწყეს ბრძოლა ექიმებმა სიცოცხლისათვის, ელექტროშოკის ნემსები, მასაჟი, გადასხმა... ღვთის წინაშე არაფერი დაუკლიათ. თუმცა ერთმა მათგანმა შემოსვლისთანავე მაჯაზე ხელი რომ მოკიდა, თქვა – უკვე მიცვალებულია, არაფერი ეშველებათ.

ერთი საათი გაგრძელდა ბრძოლა მუხრანის სიცოცხლისთვის, მაგრამ იგი უკვე აღარ იყო ამქვეყნად.

ნახევრადმკვდარი მოვედი შინ, მთელი ღამე არ მიძინია. ფრიდონი საწყალობლად ქვითინებდა.

22 მაისს დავასაფლავეთ მუხრანი. მთაწმინდის პანთეონი, სადაც ნიკო ნიკოლაძის საფლავის გვერდით გაიჭრა მუხრან მაჭავარიანის საფლავი, ხალხით გაივსო.

სამგლოვიარო მიტინგი მაყვალა გონაშვილმა გახსნა. სიტყვები მე და გურჯა კვარაცხელიამ ვთქვით. ქელეხს გოგი გოგოლაშვილი თამაძობდა. ქელეხზე მე არ შემინიშნავს, ერთი ინციდენტი მომხდარა: იმედო ჯახუასა და რეზო ამაშუკელს შორის.

7 ივნისიდან 12 ივნისამდე ერევანში ვიყავით 5 მწერალი, სომხეთში ქართული ლიტერატურის დღეები გაიმართა. დიდებულად ჩაიარა ქართული პროზის ანთოლოგიის (ჩემი შედგენილია) და მაყვალა გონაშვილის სომხური ლექსების წიგნის პრეზენტაციებმა.

ჩემთვის სრულიად მოულოდნელად მომანიჭეს ავეტიკ ისაკიანის პრემია – უკანასკნელ წლებში შექმნილი მხატვრულ-პუბლიცისტური ნაწარმოებებისთვის და სომეხ-ქართველთა ძმობის განმტკიცებისთვის.

ერთი სიტყვით, სომხებმა დიდი პატივი გვცეს და ეს უპირველეს ყოვლისა სომხეთის მწერალთა კავშირის თავმჯდომარის ლევონ ანანიანის დამსახურებაა.

15 იენისს ტექნიკურ უნივერსიტეტში 70 წლისთავის იუბილე გადამინხადეს.

შესავალი სიტყვით გახსნა უნივერსიტეტის რექტორმა, აკადემიკოსმა არჩილ ფრანგიშვილმა.

საიუბილეო ადრესი წაიკითხა ჰუმანიტარული ფაკულტეტის დეკანმა რუსუდან ქუთათელიაძემ.

სალამოს წარუძღვა დეპარტამენტის თავმჯდომარე იგორ კვესელავა.

გამოვიდნენ: სოსო სიგუა (მომხსენებელი), თეიმურაზ ჯაგოდნიშვილი, ოთარ აბუთიძე, ანზორ აბრალავა, გივი გამსახურდია, დავით შემოქმედელი, მურმან პაპაშვილი, ზურაბ ხასაია, ნომადი ბართაია, მურმან თავდიშვილი, ნოდარ კობერიძე, თემურ ჩალაბაშვილი, თამაზ ებანოიძე.

გულთბილი სალამო იყო.

მომეჩვენა, რომ ტექნიკურ უნივერსიტეტში, სადაც სულ რვა თვეა ვმუშაობ, გაცილებით უკეთ იციან ჩემი ფასი, ვიდრე იმ უნივერსიტეტში, რომელსაც სიცოცხლე შევწირე.

როცა სააკაშვილმა, ლომაიამ და ხუბუამ უნივერსიტეტიდან გამომაგდეს არც კოლეგებში, არც ასპირანტ-დოქტორანტებში და არც სტუდენტებში ორი კაციც არ აღმოჩნდა დაენერა და თუნდაც რომელიმე პანანკინტელა გაზეთში გამოექვეყნებინა, რატომ გააგდეთ რევავ მიშველაძე უნივერსიტეტიდანო.

ასეთი უმადური აღმოჩნდა თსუ („ალმა მატერ!“) ჩემს მიმართ.

სწორედ ამიტომ უნივერსიტეტისკენ გახედვაც კი მეზიზღება.

იენისის ბოლო და ივლისის ნახევარი ტექნიკურ უნივერსიტეტში საბაკალავრო და სამაგისტრო შრომების დაცვას ვხელმძღვანელობდი.

19 ივლისს ჭაბუა ამირეჯიბს ვესტუმრე.

თამარაშვილის მე-8 კორპუსში ცხოვრობს ბოლო სართულზე.

კარი ჭაბუას დიდებულმა მეუღლემ თამარ ჯავახიშვილმა გამიღო და ჭაბუას კაბინეტ-სანოლში შემიძღვა.

ჭაბუა ზის მახვილის სავარძელში, ფეხებზე პლედი აქვს გადაფარებული, წელზევით შიშველია.

საოცარია, ოთხმოცდაათს მიტანებულ კაცს ისევ ისეთი განიერი მკერდი და ღონიერი მხარ-მკლავი აქვს, როგორც მახსოვს გაგრაში ამ ორმოცი წლის წინათ ერთმანეთს ცურვამი რომ ვეჯიბრებოდით.

ერთი ნაოჭი და სიბერის ლაქა არ ჩანს მის მკერდ-მკლავებზე.

გაუხარდა ჩემი დანახვა. გადამკოცნა, ყურში აპარატი გაიკეთა და სანერი დაფა მოიმარჯვა.

კარგად ყოფილხარ-მეთქი, დიდოსტატო.

რალა კარგად, ყურში არ მესმის და ვერ ვლაპარაკობო, დამინერა.

სამაგიეროდ, შენი დუმილი მთელ საქართველოს ესმის-მეთქი.

უნდა გაჰძლოთ, რეზო, როგორც ჩანს ადამიანის უპირველესი ნიჭი გაძლებს ნიჭიანო, დამინერა.



ყველაზე უფრო რა განუხებს-მეთქი.

საქართველოს უილაჯო მდგომარეობაო, დამინერა. ესენი ვინ მოვიდნენ. ეს სისხლის სიმართლის დამნაშავეებიო.

საქართველოს დაცვენება აქვთ დავალებული-მეთქი, ახლა მე დავუნერე, გამყიდველი ხელისუფლება სააკაშვილის ხელმძღვანელობით არ მიკვირს ჭაბუა, ეს ხელისუფლება არაქართული ხელისუფლებაა და ადრე თუ გვიან გადამენდება, მე უფრო ჩვენი ხალხის დადებლება მოცებს-მეთქი.

მართალი ხარო, დამინერა, ასე პირქვედამსობილი ქართველი ერი მე საქართველოს ისტორიიდან არ მახსოვსო, დამინერა.

სწორედ თანამედროვე საქართველოს დაცემაზე დავნერე ეს რომანი და პირველივე ეგზემპლარი შენ მოგიტანე-მეთქი და წიგნი გავუნოდე.

გამომართვა, წარწერა წაიკითხა:

„დიდოსტატო ჭაბუა, ამ რომანის დასაწერად შენ შემადგულიანე და აი, მოგართვი როგორც ჩემს მასწავლებელს“, წაიკითხა და ცრემლი მოადგა.

ყოჩაღ, გილოცავ, ერთი სული მაქვს, სანამ წავიკითხავო, დამინერა. რაზეა რომანიო?

ჩვენს დღეებზე, ჩვენს ცხოვრებაზე, ჩვენს უილაჯო ყოფაზე და რაც მთავარია, ჩვენი უბედურების მიზეზთ-მიზეზზე დამაყრობელ რუსეთზე-მეთქი.

ცერა თითოთ მანიშნა, კარგი გიქნიაო.

რომანის ბოლო გვერდი გადაშალა და წაიკითხა ის ადგილი, სადაც გელა კირთაძე რუსთა ოცეულს აფეთქებს და თავისი თავშენიწვით ჩაძინებული საქართველოს გაღვიძებას ცდილობს.

დამინერა: რეზო ორი რამ უკვე შემიძლია გითხრა – გენიალური სათაური შეგიჩვენია და ფინალი ძალიან შთამბეჭდავიაო. ხომ გახსოვს, 70 წლის იუბილეზე მოგნერე, შენ უსათუოდ უნდა დაწერო რომანი-მეთქი, მაღლობელი ვარ, რომ ჩემი რჩევა გაითვალისწინეო.

ჭაბუა, თუ მუშაობ-მეთქი, ვკითხე.

გითხრა სიმართლე, ბოლო წლები ძალიან დავსუსტდი და მუშაობას ვერ ვახერხებდი, ძალიან მომიხდა „კამელინი“ რომელსაც რვა თვეა დღეში ორჯერ ვსვამ, ძალიან მომიხდა, შეიძლება ითქვას საიქიოდან მომაბრუნა. შენც გირჩევ დალიო, ყველაფერს უხდება, ახლა ისე ვარ, შეიძლება ახალი რომანის წერა დავიწყეო, დამინერა.

თამრიკომ მაგიდიდან „კამელინის“ ყუთი გამომიწოდა. დავხედე, ფარმაცევტული რეცეპტი წავიკითხე, მართლაც დიდებული წამალი ჩანს.

წიგნს – ახალს რას ველოდით-მეთქი, ჩემო ჭაბუა.

ახლა გამოვა ახალი კრებული (უფრო პუბლიცისტიური), რომელსაც „ბოლოსწინა“ ერქმევა, ხოლო 90 წლის იუბილისთვის გამოვა ეპოპეა „ჩემი დროის საქართველო“ (თუკი წიგნის გამართვა-მონტაჟი ღმერთმა დამაცალაო) დამინერა.

ახლა ნოემბერში 89 წლის ხდება, ხოლო 2011 წლის ნოემბერში 90 უსრულდებაო, თამრიკომ.

ჭაბუა-მეთქი, მივუბრუნდი, შენი დაბადების 70-ე, 75-ე, მე-80 წლის-თავის იუბილეებზე მწერალთა კავშირში მომხსენებელი მე ვიყავი, შენი



90 წლის თავის გრანდიოზულ იუბილეზეც პირველ სიტყვას არავის დაუეთმო-მეთქი.

თვალეში შუქი ჩაუდგა.

შევთანხმდითო, დამინერა.

რას ფიქრობ ოპოზიციაზე-მეთქი.

არაფერსო, დამინერა და ხელი ჩაიქნია, ოპოზიცია ამ ხელისუფლებაზე უარესიაო, მიანერა დაფას.

ცამდე მართალი ხარ-მეთქი ჩემის მხრივ მივანერე.

რეზო, იცოდე, საქართველოს მოსპობას ესენი ვერ შეძლებენ, საქართველო ისეთი მაგარი კაკალია, რომელმაც იმპერიები მოინელა და ლამის ისტორია დაამარცხაო, დამინერა.

დაიმედებულა, კმაყოფილი მივდივარ-მეთქი ჩემო ჭაბუა, მიხარია რომ მხნედ გხედავ, იცოდე, მთელი საქართველო შენ შემოგყურებს, თანამედროვე საქართველოს უპირველესი კაცი ხარ-მეთქი.

პირველობის რა მოგახსენო, მაგრამ ვცდილობდი ჩემი ხალხის წინაშე თავი არ შემერცხვინაო, ალბათ ამდენხანსაც საქართველოს სიყვარულმა გამაძლებინაო, დამინერა.

წყალი მოსვა, ჰაერმწმენდს ხელისგულები მიუშვირა, მერე დაფაზე სიტყვები წაშალა და დაანერა: მწერალთა კავშირის შენობაზე რას ამბობენო.

არემონტებენ, ალბათ დაგვიბრუნებენ-მეთქი.

ფხიზლად იყავით, სააკაშვილისგან ყველაფერია მოსალოდნელიო, დამინერა.

არ დაგვიბრუნებენ და ისევ გამოვუნერთ ამ ხელისუფლებას ყოველკვირიან მიტინგებს, მწერალთა კავშირის შენობის წინ-მეთქი.

ამათ ილიას ძეგლის ალებისა არ შერცხვათ და მწერალთა კავშირის შენობის წართმევა შერცხვებათო? დამინერა.

წამოვდექი.

ალარ წაგართმევ დიდოსტატო მეტ დროს, ღმერთმა შენი თავი დიდხანს უმყოფოს-მეთქი საქართველოს და გადავეხვიე.

სამჯერ ვაკოცე: შუბლზე, ლოყაზე, მხარზე.

ხელზე მიწოდდა მეკოცნა და არ დამანება.

თამრიკო ჩემი ძველი დანჯღრეული აპარატით სურათს გვიღებდა.

რომ გამოვდიოდი, ერთხელაც მოვიხედე.

ხელთ ჩემი რომანი ეჭირა.

თითები გაუტკაცუნა ყდას, მერე გაიღიმა და ცერის აწევით ერთხელ კიდევ მომილოცა.

ალარ მახსოვს, მეცხრე სართულიდან როგორ დაეშვა ლიფტი მიწაზე.

12 სექტემბერს მაყვალა გონაშვილმა, დავით შემოქმედელმა და მე თბილისში, ლეონიძის ქუჩაზე №15 საავადმყოფოდან ახალგამოსული ოტია იოსელიანი ვინახულეთ.

ოტია მხნედ დაგვხვდა.

ჩამომიყვანესო შესამონმებლად, აბა რა მდგომარეობაა გერმანიაში გაკეთებული ოპერაციის შემდეგო. მითხრესო, რომ ყველაფერი კარგად არისო. ცოტა ბუასილი განუხებს, თორემ წინამდებარე ჯირკვლის და სადინარის მიმართულებით არავითარი საშიშროება არ გემუქრებაო.

მე პროსტატის მეშინოდა, თორემ გომორეას გაგუძლებ როგორმეო. დიდხანს იმონოლოგა. ჩვენ სიტყვის ჩაგდების საშუალება არ მოგვცა. რას შობით, ხო ხედავთ დააქცია ამ გიჟმა ქვეყანაო. შენ მაინც რამ გაგაჩუმა რეზოვო, მომიბრუნდა.

გაჩუმებული არ ვარ, ოტია, თუ ნაიკითხე, ამ ერთი კვირის წინ ტყავი გავაძრე ხელისუფლებას “ალიამი“-მეთქი.

მე ფეხზე ადგომა და მანქანის მართვა მიჭირს და გაზეთს ვინ მომიტანსო, დაიჩვილა, სამი შვილი მყავს, მარა რათ გინდა, ნყალშია სამივე გადასაყრელიო.

ამგენის გაზრდას სამი გოჭი რო გემეზარდა, უკეთესი იყოვო, დასძინა ნახევრადხუმრობით.

80 წლის იუბილის რუსთაველის თეატრში ჩატარებაზე უარი გვითხრა. თუ მაინცდამაინც არ დაიშლით, სადმე ერთი პატარა კლუბი მოეძებნოთ და იქ გადაამხადეთ, ოლონდ ტაში-ტუშის და ზეიმის გარეშე, ქვეყანაზე მუსაიფის ფორმით (ახლა რომ „რეჟიმს“ ეძახიან), ჩავატაროთ იუბილეო.

გადავეციტ “ქართული პროზის რაინდის“ სიგელი, რომელიც ამ ერთი თვის წინ კულტურის სამინისტრომ და მერიამ სამ პროზაიკოსს (ჭაბუა ამირეჯობი, ოტია იოსელიანი, რევაზ მიშველაძე) მოგვანიჭა.

გაეხარდა, მაგრამ იქვე დასძინა, ამ სატყუარათი მე ეგენი ვერ შემირიგებენო.

შენ, რეზო, ამათ ხანდახან რო დაუყვავებ ხოლმე მართალი ხარ, ეგება ტკბილი სიტყვით ამ ჯიბგირებს მწერალთა კავშირის შენობა გამოვტყუოთო.

გარეთ გამოსვლისას ოტიას მდივანმა თამუნამ თვალზე ცრემლმომდგარმა გვითხრა – არ იცის, თორემ თვენახევრის სიცოცხლე აქვს დარჩენილი, გუშინ ფრიდონ თოდუამ ნყალი გადაგვინურაო.

ცრემლგამშრალნი დავბრუნდით მწერალთა კავშირში.

ეჰ, ჩემო ოტია, ქართული მწერლობის ოთარაანთ ქერივო, ნუთუ ეს შენთან ბოლო შეხვედრა იყო?

17 სექტემბერს ურეკთან, აგარაკ შეკვეთილში ჯემალ გახოკიძის 60 წლისთავი აღვნიშნეთ.

ჯემალი წესიერი კაცია, თავმდაბალი და გულისხმიერი.

იუბილე ვინრო წრეში აღინიშნა, სუფრასთან ვისხედით: ფრიდონ თოდუა, როინ მეტრეველი, იგორ კვესელავა, ჯემალ ჯანაშია, ჯუმბერ სურმავა, შოთა შანიძე (მხატვარი), და კიდევ რამდენიმე ჩემთვის უცნობი კაცი.

20 სექტემბერს სწავლა დაიწყო და ორმოცდამეთხუთმეტეჯერ შევაღე სტუდენტური აუდიტორიის კარი როგორც ლექტორმა.

არ დამავინწყდეს, ჯავახიშვილს ან უკვე იავარქმნილ, ძლივსმფექთავ უნივერსიტეტს ნაძირალა ხუბუა მოაშორეს (სამეცნიერო ბიბლიოთეკიდან წიგნების ქურდობაში ამხილეს), ასე რომ ღვინის ქურდი მთხლეს გადააყოლეს.

ჩემი რომანი ძალიან მოსწონთ.

წიგნს უკვე აღფრთოვანებული რეცენზიები უძღვნეს – სოსო სიგუამ, იური ბიბილეიშვილმა, თენგიზ ჩხეიძემ, მურმან თავდიშვილმა და სხვებმა.

21.IX-2010 წ. – 31.XII-2010 წ.

სექტემბერი და ოქტომბერი ფრიად დატვირთული მქონდა.

მწერალთა კავშირის შენობის რემონტის საქმეზე დავრბივარ მერიამში და კულტურის სამინისტროში.

ფეხს ითრევენ. ორივე უწყებას სურს დაგვიბრუნდეს შენობა, მაგრამ ფეხს ითრევენ.

არ უნდათ აწყენინონ ქართული მწერლობის და საერთოდ ქართული ფენომენის მოძულე სააკაშვილს.

საკაშვილი სასტიკი წინააღმდეგია ყოველგვარი ეროვნული ღონისძიების ჩატარებისა.

ვიბრძვით ჩვენ – მწერლები და სამღვდელოება. ჩვენს მომზადებულ ღონისძიებებს კრძალავს სააკაშვილი.

ასე აკრძალა მან ქუთაისში აკაკის იუბილეს გამართვა, თუმცა საჩხერეში მაინც ჩავატარეთ.

გამოვედი სიტყვით სხვიტორში და მოვუწოდე ჩაძინებულ საქართველოს გაღვიძებისკენ.

ჩვენი და ეკლესიის რუდუნებით მარტვილში გაგმართეთ ჭყონდიდელობა, რომელსაც ხელისუფლების არც ერთი წარმომადგენელი არ დასწრებია.

24 ოქტომბერს ჭიათურაში გაგმართეთ „ჭიათურობა“ და იმავე დღეს აღვნიშნეთ ორი დიდი არტისტის მიხეილ ვაშაძის და გრიგოლ ყიფშიძის 100-100 წლისთავი.

30 ოქტომბერს კიდევ ერთხელ ვიძალეთ და მესხეთ-ჯავახეთში ჩავატარეთ ტრადიციული “შოთაობა“. უამრავი ხალხი დაგვესწრო.

ყველგან გამოვედივარ სიტყვით და ხალხს მოვუწოდებ რუსეთის წინააღმდეგ პარტიზანული ბრძოლისკენ.

რაკი ამერიკა და ევროკავშირი ვერაფერს გვშველიან, რუს დამპყრობელს პარტიზანული ომი უნდა გამოვუცხადოთ, არ შევეგუოთ მონობას. ამას გვასწავლის-მეთქი ჩვენი კლასიკური მწერლობა.

ჩემი რომანი „ჩურჩულს გადაჩვეული კაციც“ ხომ ამ მონოდებითაა გაუღენთილი.

ქალაქის საკრებულოს ლადო მრელაშვილის დიდუბეში გამოსვენება დავადგინე როგორც იქნა. ლადო დიდი მწერალი იყო და გული მწყდება, რომ სიცოცხლეში ვერ დავაფასეთ, როგორც ეკუთვნოდა.

აცვივდა. ალბათ მთებზე მალე მოთოვს.

მცხეთის გამგეობა ურისასვით მანვალებს, რომ 17 წლის წინათ თხინვალის საერთო კრების მიერ გამოყოფილი ხელისგულისოდენა ნაკვეთი რეესტრში არ გამიტარონ.

შენაო, შიგადაშიგ ინტერვიუებში სააკაშვილს ლანძღავ და რომ გაგვიგოს, ყველას გაგვყრის სამსახურიდანო.

მათიც მესმის.

ვის ხელში ხარ, უბედურო საქართველოვ!

20 ოქტომბერს სამების ტაძარში ჩემი ინიციატივით გრიგოლ რობაქიძის ხსოვნის საღამო გაგმართეთ.

პირველი სიტყვა მე ვთქვი.

28 ოქტომბერს „რადიო პირველი“ გამოვედი.

კარგმა ჟურნალისტმა თათა ჩხეიძემ მიმიწვია და პირდაპირ ეთერში დამსვა საღამოს 10 საათიდან დილის 7 საათამდე.

წარმოგიდგენიათ 9 საათი პირდაპირ ეთერში ყოფნა?

როგორც თათამ მითხრა, გადაცემა ინტერნეტით გადიოდა და ჩემი ხმა მთელ მსოფლიოს ესმოდა.

ყველაფერზე ვილაპარაკე: მწერლობაზე, ხელოვნებაზე, საქართველოს გადარჩენის გზებზე. ემიგრანტებს მივმართე, დაბრუნდით და, ქვეყანას რომელიც ხელიდან გვეცლება, მიხედეთ-მეთქი.

პირდაპირ ეთერში მეხმიანებოდნენ ქართველები მსოფლიოს ყველა კუთხიდან.

3 ნოემბერს ხორავას სახლში ოტია იოსელიანის 80 წლისთავის იუბილე გავმართეთ.

პირველი სიტყვა მე ვთქვი. გამოვიდნენ მაცვალა, გოგი ქავთარაძე, დავით შემოქმედელი, ოთარ მეღვინეთუხუცესი, გივი ბერიკაშვილი, ვაჟა აზარაშვილი, გოგი დოლიძე და სხვები.

ბოლოს ოტიამ მისებურად, გლახურად ყოველგვარი რევერანსების გარეშე განაცხადა: რა დროს იუბილეა ქვეყანა გველუპებაო.

არც არავისთვის მადლობა უთქვამს, არც როგორც იუბილარს მთავრობა დაუნდვია.

ასეთია ოტია.

ფრიდონ თოდუამ მითხრა, III სტადიის კიბო აქვს, თვეების სიცოცხლე აქვს დარჩენილიო.

შინ მოვდიოდი და ვტიროდი. კიდევ ერთი კარგი ქართველი, საშუალო მწერალი, მაგრამ ეროვნული ფენომენის დამცველი გვეცლება ხელიდან.

4 ნოემბერს ტანძიაში მივიწყებული საბაობა გავაცოცხლეთ მე და გოგი დოლიძემ.

ჩავედით, ხალხი შევანჯღრიეთ, შევალვიძეთ, გულის მოსაფხანი სიტყვა ვუთხარიო.

5 ნოემბერს თელავში ჩემი 70 წლის იუბილე აღნიშნეს.

იუბილე ქალაქის მერიის და კახეთის სამწერლო ორგანიზაციის ხელმძღვანელების ფარნა რაინაულის და აკაკი დაუშვილის ინიციატივით გაიმართა.

დიდებული სიტყვები გვითხრეს – ფარნამ, აკაკიმ, ნიკო გოგოჭურმა, მარიამ კოზმანაშვილმა, ნუნუ ძამუკაშვილმა, ირმა ჭაბაშვილმა, ნანა რჩეულიშვილმა, ნათია ბოტკოველმა, ცისანა თვალთაშვილმა და სხვებმა.

კვირას, 7 ნოემბერს ყვარელში ილიაობის ტრადიციული დღესასწაული გაიმართა.

მე, მაცვალა და ბადრი ქუთათელაძე ჩავედით.

დღესასწაული მართლაც სახალხო იყო.

მე და მაცვალამ ათასამდე კაცს სიტყვით მივმართეთ.

დღესასწაულზე, როგორც გუბერნატორმა გიორგი ჯავახიშვილმა გვითხრა, პრეზიდენტ სააკაშვილს ელოდნენ, მაგრამ არ ჩამოვიდა. აბა კუტუნიოს ან მერაია ქერის კონცერტი ყოფილიყო, თუ არ ჩამოვიდოდა.

18 ნოემბერს აჭარამ ჩემი 70 წლისთავი აღნიშნა.

იუბილე ბათუმის უნივერსიტეტის უზარმაზარ სააქტო დარბაზში გაიმართა, რადგანაც თეატრი თურმე მსურველთ ვერ დაიტევდა.

იუბილე უშუალოდ აჭარის უზენაესი საბჭოს თავმჯდომარის მიხეილ მახარაძის და აჭარის მწერალთა კავშირის თავმჯდომარის დავით თედორაძის ხელმძღვანელობით გაიმართა.

ეს გახლდათ ყველაზე გრანდიოზული იუბილე საქართველოში (მარჯანიშვილის თეატრში გამართული იუბილეს შემდეგ), რაც ჩემი შემოქმედების პატივსაცემად გაიმართა.

შესავალი სიტყვით დათო თედორაძემ გახსნა.

მოხსენება იური ბიბილეიშვილმა გააკეთა.

მისალმებებით გამოვიდნენ:

უნივერსიტეტის რექტორი – ალიომა ბაკურაძე.

მიხეილ მახარაძე (უზენაესი საბჭოს თავ-რე).

შოთა ზოიძე – პოეტი.

იგორ კვესელავა – აკადემიკოსი, ისტორიკოსი.

ვახტანგ შამილაძე – აკადემიკოსი .

ნომადი ბართაია – პოეტი.

ინგა შამილაშვილი – პროფესორი.

ნათია თვალაბაშვილი – სტუდენტი და სხვები.

იუბილეს თან ახლდა დიდი კონცერტი.

სანამ იუბილე დაიწყებოდა, უნივერსიტეტის ეზოში 500-მდე სტუდენტი და პროფესორი ხანგრძლივი ტაშით შემეგება.

სააქტო დარბაზმა ხალხი ვერ დაიტია. ბევრი ფეხზე იდგა.

მერე დიდებული ბანკეტი გამიმართეს.

ღამის 11 საათზე აჭარის ტელევიზიამ ერთსაათიანი ინტერვიუ ჩამომართვა.

ბათუმში რომ მივდიოდი, რადიომ გადმოსცა – 100 000 ქართველი მონამის შესახებ სიუჟეტი. არაბებმა 100 000 თბილისელს (?) ქრისტიანობის ერთგულებისთვის თავი რომ მოჰკვეთეს და მტკვარში გადაყარეს.

შემზარა ამ ფაქტმა. ჯერ ერთი, თბილისში სად იყო იმ დროს 100 000 კაცი, მეორეც ასე როგორ დაუდო 100 000-მა მორწმუნემ თავი ჯალათს მოსაკვეთად რომ ერთმა კაცმაც არ გაუნია წინააღმდეგობა.

არ მომასვენა ამ ამბავმა და თბილისში ჩამოსვლისთანავე დავწერე ნოველა “თავების ქრა ძნელი საქმეა“. დავბეჭდავ „მწერლის გაზეთის“ დეკემბრის ნომერში. ვიცი, თავს დამესხმიან „ბრმად მორწმუნენი“, მაგრამ შეგუებული ვარ.

ეს ნოველა დაცვედნებულ პირქვედაცემულ, ცხვარივით მორჩილ თანამედროვე საქართველოს ეძღვნება.

20 ნოემბერს ნატოს ლისაბონის სამიტი გაიმართა.

სამიტზე ჩასულმა პრეზიდენტმა ობამამ დიდი აჯა-თხოვნის შემდეგ, როგორც იქნა მიიღო სააკაშვილი და 15 წუთის განმავლობაში ესაუბრა.

საუბრის ტექსტი არსად დაბეჭდილა, მაგრამ როგორც სააკაშვილმა წაიტრაბახა, ობამამ მოუწონა საქმიანობა და კიდევ ერთხელ დაადასტურა, რომ მხარს უჭერს საქართველოს ტერიტორიულ მთლიანობას.

ამ შეფასებით ფრთებშესხმული სააკაშვილი ნატოს სამიტზე გამოვიდა და თავისი “რეფორმები” მაგალითად დაუსახა მთელ მსოფლიოს. იქვე პირობა დადო, რომ არასოდეს იფიქრებს წართმეული ტერიტორიების დაბრუნებაზე სამხედრო საშუალებით. რაკი მთელი მსოფლიო უძღურია რუსეთს ჩვენთვის წართმეული მიწები დაათმობინოს, სააკაშვილის გამოსვლა იმას ნიშნავს, რომ საქართველოს პრეზიდენტმა საბოლოოდ უარი თქვა წართმეული ტერიტორიების დაბრუნებაზე და თითქოსდა ბაბუამისის დანატოვარი ყოფილიყო, აჩუქა იგი ოკუპანტს.

მართალია, ისე, ზრდილობისთვის სამიტის რეზოლუციაში ჩაინერა საქართველოს ტერიტორიის 20% ოკუპირებული არისო, მაგრამ ნატოს რეზოლუციაში კატეგორიული ტონის ნატამალიც კი არ ჩანდა, რომ რუსეთმა საქართველოს დეოკუპაცია მოახდინოს. სამაგიეროდ, ნატო ტამისკერით შეხვდა პრეზიდენტ მედვედევს და სთხოვა მას ითანამშრომლოს ნატოსთან. ესეც მენი “ნატო”.

როგორც მოსალოდნელი იყო, არც მაპი მოგვეცეს და არც “აი, პაპი”. ასე რომ კვლავ დაგვაგდეს თეთრი დათვის საჯიჯგნად.

25 ნოემბერს თბილისში „სახალხო კრება“ გაიმართა.

„ოპოზიციონერებს“ კრებისთვის არც ერთი დარბაზი არ დაუთმეს და ამიტომ კრება ქუჩაში, პარლამენტის წინ ჩატარდა.

სახალხო კრების ლიდერები (ნონა გაფრინდაშვილი, ნინო ბურჯანაძე, გოგი ქავთარაძე, გია ბურჯანაძე, რეზო ესაძე, გუბაზ სანიკიძე, ეკა ბესელია...) კრების წინა დღეებში ხალხს მოუწოდებდნენ „ფიცით გითხრობთ“ დაშლა და სახლში გაშვება არ იქნება, დღედაღამ თქვენს გვერდით ვიქნებით სანამ სააკაშვილს არ გადავყენებთო, მაგრამ მათმა „სიმტკიცემ“ მხოლოდ 3 საათი გასტანა.

მიიღეს ტამის გრიალში რეზოლუცია სააკაშვილის გადაყენების შესახებ და როცა პრაქტიკული საქმე იყო საჭირო (პარლამენტის, სახელმწიფო კანცელარიის დაკავება...) ჩვენმა მონონებულმა „ბელადებმა“ ნაქებარი ძაღლივით ნიახურს გადააფსეს, საათზე დაიხედეს და ხალხს გამოუცხადეს, ნაით ახლა კუტუნებო სახლში და როცა საჭირო იქნება, კვლავ დაგიძახებთო.

ვიცოდი რა რომ „ოპოზიცია“ ხალხს ატყუებდა, 25-ში სახლიდან არ გავსულვარ.

როგორც მითხრეს, ხალხი სახალხო კრების ინიციატორებისადმი დედის გინებით და ქვების სროლით დაიშალა.

1 დეკემბერს ასტანაში (ყაზახეთი) უუთოს მორიგი სამიტი გაიმართა.

უუთოს სამიტი 1999 წლის სტამბულის სამიტის შემდეგ არ გამართულა.

54 ქვეყნის პირველმა თუ მეორე პირებმა (რუსეთის გარდა) ერთხმად აღიარეს, რომ რუსეთს ოკუპირებული აქვს საქართველოს ტერიტორიების 20 %, რომ რუსეთმა ამ მიტაცებულ ტერიტორიებზე განახორციელა ეთნონმენდა და უუთოს მთავარ ამოცანად მიიჩნიეს რუსეთმა გაიყვანოს ჯარი საქართველოდან.

გამოვიდა მედვედევი და თითქოს არ მოუსმენიაო მისი წინამორბედის გამოსვლები, ისევე „პირველ ჩვენებას“ დაანვა:



საქართველომ დაბოძა სამხრეთ ოსეთი და ჩვენ დავსაჯეთ აგრესორი საქართველო ამისთვის, ესაა სულ საქართველოს კონფლიქტის გეოგრაფიაო. ხოლო რუსეთის საგარეო საქმეთა მინისტრს (თბილისელ სომეხს) რომ ჰკითხეს რა აზრის ხართ სააკაშვილის წინადადებაზე, რომ მედვედევ-საკაშვილის მოლაპარაკება შედგესო, ლავროვმა (?) უპასუხა: ეს უკვე დაგვიანებულიაო.

აი, გათავზებდებულები რუსეთის სახე!

17 ნოემბერს გალაკტიონის დაბადების დღეს ტელევიზიის პირველ არხზე დილის გადაცემაში მიმინვიეს. ვილაპარაკე: როგორ გავხსენი გალაკტიონის კაბინეტი უნივერსიტეტში და როგორ გააუქმეს იგი სააკაშვილმა, ლომიამ და ხუბუამ... როგორ ვინვალე, რათა თბილისში გალაკტიონის სახლ-მუზეუმი გამეხსნა. როგორ დავრჩი გაოგნებული როცა შევიტყვე, რომ გალაკტიონის „ოჯახის წევრებს“ ნინო კვირიკაძეს და ნოდარ ტაბიძეს გალაკტიონის ყველა პირადი ნივთი სანაგვეზე გადაუყრიათ. მერე როგორ გავხსენი გალაკტიონის მუზეუმი (შევარდნაძის დახმარებით) და როგორ აღმოვაჩინე გალაკტიონის ნილაბი, გალაკტიონის კოსტუმი, გალაკტიონის ჩანთა და გალაკტიონის ქილოფის ქუდი, რაც ახლა მუზეუმში ინახება. ბევრმა დამირეკა, ეს არ ვიცოდითო.

14 დეკემბერს სამტრედიამ გადამიხადა 70 წლისთავის იუბილე.

თეატრის 300 ადგილიანი დარბაზი სავსე იყო. ბევრი ფეხზე იდგა.

იუბილის ორგანიზატორები იყვნენ ქალაქის გამგებელი და სამტრედიის მწერალთა გაერთიანების თავმჯდომარე, მწერალთა კავშირის წევრი თემურ ჯულაყიძე.

შეხვედრამ გულთბილად, საინტერესოდ ჩაიარა.

გამოვიდნენ თემურ ჯულაყიძე, გულიკო ჩაბრაძე, ილია ლეკვეიშვილი, აკაკი თევზაძე, თამარ რაზმაძე და სხვანი!

სამტრედიის სამხატვრო ძალებით წარმოადგინეს ნაწყვეტები ჩემი ნოვლებიდან.

უარღესად კმაყოფილი დავრჩი.

ჩამოსვლისთანავე უურნალომა „რეიტინგმა“ ინტერვიუ ჩამომართვა და იქ გამოვხატე ჩემი დამოკიდებულება საერთოდ იუბილეების მიმართ, მართალია ქვეყანას უჭირს, მაგრამ იუბილეები მაინც უნდა გაიმართოს, იგი მწერლის ავტორიტეტს ზრდის და საზოგადოებას წიგნისკენ მოახედებს-მეთქი.

28 დეკემბერს ქუთაისის დიდ თეატრში ჩემი 70 წლის იუბილე გაიმართა.

ქუთაისი ჩემი სიყრმის ქალაქია და ჩემი შემოქმედების ამოურწყავი წყაროც. ქუთაისის და საერთოდ იმერეთის სიუჟეტებით, პასაჟებით, თემებთაა გაჯერებული ჩემი ნოვლების დიდი ნაწილი.

მაგრამ ამ ტოტალური უნიგნურობის ეპოქაში იცის ეს ქუთაისმა?

მაშინ როდესაც ხელისუფლების პოლიტიკა მწერლის იგნორირებისკენ, მწერლის მთავარი საზრუნავის ეროვნული ფენომენის გაცამტვერებისკენაა მიმართული, მაშინ როცა წიგნის კითხვისკენ კი არა ლუკმა-პურის შოვნისკენაა მიბრუნებული ჩემი საყვარელი ქუთაისელის გულისყური, ვიგრძნობ მე ჩემი ქუთაისელი მკითხველისაგან იმ სიყვარულის მეთაედს, რა სიყვარულითაც მე მიყვარს ქუთაისი?



იუბილემ ყოველგვარ მოლოდინს გადააჭარბა.

იგი მართლაც რომ დიდებულად ჩატარდა.

2 საათზე დაინყო. თბილისიდან მახლდენ მხოლოდ იგორ კვესელავა და სოსო სიგუა.

თავდაპირველად ჩემი ნოველების მიხედვით დადგმული სპექტაკლი წარმოადგინეს ქუთაისის თეატრის მსახიობებმა (რეჟისორი თორნიკე მარჯანიშვილი).

იუბილე შესავალი სიტყვით თეიმურაზ ლანჩავამ გახსნა.

გამოვიდნენ: ავთანდილ ნიკოლეიშვილი, სიმონ არველაძე, ოთარ ჭუმბურიძე, იგორ კვესელავა, სოსო სიგუა, იური ბიბილეიშვილი, თემურ ჯულაყიძე, ავთანდილ ყურაშვილი, ზაალ ებანიძე, მაცაცო ლოსაბერიძე...

ბოლოს მადლობა გადავუხადე იუბილის ორგანიზატორებს (განსაკუთრებით თ. ლანჩავას) და ვილაპარაკე ჩემს დამოკიდებულებაზე თანამედროვე საქართველოს პრობლემების მიმართ.

ამით ჩამთავრდა ჩემი 70 წლისთავის საიუბილეო კვირა, მადლობელი ვარ ჩემი ხალხის, რომ ჩემი მოკრძალებული შრომა ასე დიდად შეაფასა.

მიიწურა 2010.

ჩემთვის ეს წელი იმით იყო ძვირფასი, რომ ჩემი პირველი რომანი “ჩურჩულს გადაჩვეული კაცი” გამოვაქვეყნე.

ამ წიგნით შევეცადე ჩემი ამღვრეული ეპოქა დამეხატა და ისტორიის ოკეანის საბედისწერო ღელვაში ლამის უიალქნო ნავივით მი და მო მცურავი ჩემი უბედური სამშობლო.

რა იყო საქართველოსთვის 2010?

კიდევ ერთი მძიმე წელი.

გაძლების წელი.

საქართველოს ტერიტორიის 25% ჩემი ქვეყნის უპირველეს მტერს – რუსეთს აქვს მიტაცებული.

რუსი სამხედრო ბაზებს აშენებს ოკუპირებულ ქართულ მიწებზე და დაშინებულ, დადედლებულ მსოფლიოს, თავის გაერო-ეთო-ევროკავშირიანად რომ რუსის წინაშე შიშით კანკალებს, უტიფრად ენას უყოფს, ხოლო მსოფლიოს ვეგეტარიანულ დიპლომატიურ ინსტიტუტებს ხანდახან მიკნავლებული ხმით რომ ამოიკვნესებენ – რუსეთო დაუბრუნე საქართველოს წართმეული მიწებიო, გალიფრებული რუსი სამი თითის კომბინაციას უჩვენებს.

არსაიდან ხსნა...

ჩვენი ხელისუფლება კვლავ თავისას მიერეკება, ევროკავშირის და ამერიკის ფულით საქართველოში სასტუმროებს და საბაგირო გზებს აშენებს.

საქართველოში მოსახლეობის 70 პროცენტი უმუშევარია.

მოსახლეობის 40% შიმშილობს ამ სიტყვის სრული მნიშვნელობით.

კატასტროფულად იზრდება ფასები პროდუქტებზე.

მატულობს ინფლაცია.

საბოლოოდ დამარცხებული და ნილაბჩამოგლეჯილი მატყუარა ოპოზიცია ცხენს რომ ვერაფერს აკლებს, უნაგირს ეჯაჯგურება.

პოლიტიკური პარტიების ლიდერები ერთმანეთის ლანძღვა-მხილებით

ისე გაერთვნენ, რომ საქართველო დაავინყდათ.

თუმცა, მე მგონი, არც არასდროს ახსოვდათ.

ერთი სიტყვით, მძიმე დღეშია ჩემი სამშობლო.

ვნახოთ რას მოიტანს 2011.

დღეს 31 დეკემბერია.

ტელევიზიის ყველა არხზე საახალწლო ბრაციბრუცია.

გული ამირია ამ ყალბმა ხელოვნურმა უნიჭო ზეიმომანიაში.

რუსთაველი ტარიელზე და ავთანდილზე ერთგან წერს:

“თხა მოკლეს და მიითრიეს იქვე მისხდეს ხისა ძირსა,

სვეს და ჭამეს, რაც რომ ჭამა შეჰფეროდა მათსა ჭირსა“

ცხოვრობს თანამედროვე საქართველო თავისი ჭირის, თავისი დარდის

შესაფერისად?

ჭკუამხიარულმა ხელისუფლებამ ხალხიც ხომ არ გააჭკუამხიარულა?

...სახალწლო ღარიბულ ტაბლას სამნი ვუზივართ:

მე, ჩემი ცოლი ნათელა და შვილიშვილი მხო.

სადაცაა 12 დარეკავს.

1/1-2011 – 11/11-2011

პირველი იანვარი ჩემი დაბადების დღეა. მეწვივნენ ჩემი უახლოესი მეგობრები და ნათესავები.

ათიოდე კაცი დაესწრო მე-8 ათწლეულში ჩემი გადასვლის აღსანიშნავ ვახშამს:

და – ნათელა, დისშვილი, ზაზა მრელაშვილი მეუღლითურთ.

მეგობრები: იგორ კვესელავა (მეუღლითურთ), მერაბ თავდიშვილი (მეუღლითურთ), სოსო სიგუა (უმეუღლეოდ), ჯემალ გახოკიძე (მეუღლითურთ)...

იგორ კვესელავამ ბრწყინვალედ ითამადა.

7 იანვარს მწერალთა კავშირის გამგეობის სხდომა გვქონდა.

გამომცემლობა „ეროვნული მწერლობის“ დირექტორად ახალგაზრდა პოეტი ჰენრი დოლიძე ავირჩიეთ.

ვნახოთ, გაამართლებს თუ არა. სამეურვეო საბჭოს (ბალათერ არაბული, გურამ გოგიაშვილი, მურმან თავდიშვილი, სოსო სიგუა, ზურაბ თორია) თავმჯდომარეობა გურამ გოგიაშვილს დავავალეთ. იქნებ აწი მაინც არავინ დააბრკოლოს მწერლები წიგნის გამოცემის გოლგოთის გზაზე?

იქნებ აწ მაინც გაუქმდეს მოგონილი ბარიერები?

მტრებმა მეორე ფრონტიც გამიხსნეს.

ჩემს ნოველას „თავების ჭრა ძნელი საქმეა“ („მწერლის გაზეთი“, დეკემბერი, 2010) დიდი გამოხმაურება მოჰყვა. ნოველაში 100 000 მონამის გაქილიკების ნიშნები „აღმოაჩინეს“. გარდა ამისა ერთ-ერთ ჩემს ინტერვიუში ნათქვამი: დიდგორის ველზე მტრის ჯარი ნახევარ მილიონზე ბევრად ნაკლები იყო და ნუ ვაზვიადებთ... ხელზე დაიხვიეს და ვისაც არ ეზარება, ჩემს აღზრდას ცდილობს.

ჯერ რეზო ამაშუკელმა მარიგა ჭკუა, მერე მარიკა ლორთქიფანიძე და როინ მეტრეველი შემეკამათნენ, მოზომილად, თბილად, არასანწყენად.

ბოლოს, 25 იანვარს საპატრიარქოში მიმინვიეს სხვა მწერლებთან ერთად. პატრიარქმა ასეთი ზოგადი ფრაზა ბრძანა: ზოგ მწერალს ეჭვი ნუ შეაქვს ასი ათასი მონამის არსებობაშიო, ნურც დიდგორის ბრძოლაში მოპირდაპირე ჯარების რაოდენობის გადასინჯვას ეცდება რომელიმე თქვენგანისო.

რა მექნა, ხომ არ ავდგებოდი და უწმინდესს კამათს ხომ არ დაეუნყებდი. ხომ არ ვეტყოდი: თქვენ ჩემი ნოველა არ წაგიკითხავთ, იმ ნოველაში სრულიადაც არ არის ლაპარაკი ჯალალედინის ეპოქაზე და ასიათას მონამეზე. მე ვწერ არაბების ბატონობის ხანაზე, ე.ი. ჯალალედინამდე 4 საუკუნის წინანდელ ამბავზე. თანაც ნოველაში სიუჟეტის საკვანძო ფრთა ასეთი გახლავთ: თბილისის ამირა ამბობს:

– განქარდა არაბთა უძლეველობის მითი, ათასისთავო.

– გისმენთ მბრძანებელო?!

– ქართველებმა ამ სიკვდილით დაგვამარცხეს“.

სწორედ ეს ქრისტესმიერი ჭეშმარიტება გახლავთ ჩემი ნოველის დედააზრი – სიკვდილით სიკვდილის დამარცხება“.

ნოველა თანამედროვე ქართველის შესაღვიძებლად და დაწერილი. ნუ დაეუდებთ რუსეთს თავს საჯალათო კუნძუზე, მტერს მტრულად უნდა დავხვდეთ, როგორც ამას დავით აღმაშენებელი და გიორგი სააკაძე გვასწავლიან და არა ტოტალური მორჩილებით-მეთქი. ესაა სულ.

რა იციან სოსო ჯაჭვლიანმა და ირინა სარიშვილმა რა წერია ჩემს ნოველაში. არ ვაპირებდი თქმას, მაგრამ სირცხვილით ვინვოდი სვანურ ანეკდოტებზე „დაფუძნებული“ სოსო ჯაჭვლიანის „მიიტა ნასოსი“ რომ ვნახე. თურმე თანამედროვე სვანები მხოლოდ და მხოლოდ ან უკბილოდ დადაობენ, ან თავების დაჯახების ჩემპიონატს ატარებენ. არა და მე თვითონ ნახევრად სვანი ვარ (დედა გველესიანი მყავდა) და საქართველოს ბედზე მჭმუნვარე უამრავ სერიოზულ სვანს ვიცნობ. არც ერთი მინიშნება თანამედროვე საქართველოს უბედურ სვეზე არც ერთი დამაფიქრებელი, ლირიული სცენა მთელ ფილმში არ არის, თუ თავში რკინის ფროს ჩარტყმის სულელურ პასაჟს არ მივიღებთ მხედველობაში. და აი, ამ ფილმის ავტორი მე ჭკუას მასწავლის.

ჩვენთან მომრავლდნენ ინტერვიუს რაინდები. ერთ-ერთ ინტერვიუში ამასწინათ სვანეთის ერთ ფრიად სამწუხარო შემთხვევაზე სოსომ მკითხველს დასკვნის გაკეთების მომენტი 50 წლით გადაუწია. არა, სოსო სვანეთი უფრო ღრმა ვიდრე შენ გგონია, სვანეთი ის არ არის მესტიაში უკრაინელ გოგონებს ტაშს რომ უკრავდა, გირჩევნია ამაზე იფიქრო და შენი მომავალი ფილმიც ქვეყნის სატიკვარზე შექმნა. რაც შემეხება მე, ჩემზე საუბრის დროს ჭკუას მოუხმე და სიტყვები მოზომე, შიშით რეზო მიშველაძეს შენი დაბერილი მკლავების კი არა, მამალი მგლის არ ეშინია.

ქალაქის მერიამ (მამუკა ქაცარავა) ნება დაგვრთო მწერალთა კავშირის ძველ შენობაში დაგვრუნდეთ.

სამი დღის განმავლობაში მწერალთა კავშირის ყველა თანამშრომელი და დამლაგებელი ვასუფთავებდით სამი წლის წინ წართმეულ გავერანებულ შენობას.

23 იანვარს დილით მწერალთა სასახლის კარებთან პატრული დაგვხვდა: ნაბრძანები გვაქვს შენობაში არ შევიშვათო.

რა მოხდა? ნუთუ პირი გვიშალეს?

დავურეკე მამუკა ქაცარავას. დღეს საქართველოში ოფიციალურ პირთაგან ქაცარავას გარდა ტელეფონს არავინ იღებს, შენუხებული ხმა ჰქონდა, ბატონო რეზო, მწერალთა კავშირში შესვლა ჩვენგან დამოუკიდებელი მიზეზის გამო რამდენიმე დღით გადაიდო, მაგრამ მე მგონი ყველაფერი კარგად დამთავრდებაო. ეჰ, ჩემო მამუკა, შენზე რომ იყოს დამოკიდებული ყველაფერი კარგად დამთავრდებოდა, მაგრამ მწერალთა კავშირის შენობის დაბრუნების გზაზე სხვა გველემაპი წევს.

იმ დროს როცა ქართულ ინტელიგენციას ათასი მტერი ჰყავს, თუ ქართული ტელევიზიის (უკლებლივ ყველა არხი) და თუ სოროსულ-გლობალისტური ხელისუფლების სახით ჩვენ ქართველები ერთმანეთს ვჭამთ. ხელისუფლებას რომ ვერაფერი დავაკლოთ ერთმანეთზე ვიყრით ჯავრს.

არაერთმა დამირეკა და მართალიც გამოდგა: რეზო ეს „კონფლიქტი მწერალთა კავშირში“ ხელისუფლებამ იმისთვის ააგორა და მასმედია იმისთვის აიტაცა, რომ მწერალთა სასახლის დაბრუნებაზე უარი გითხრანო. მე გულუბრყვილო კაცი არა ვარ, მაგრამ ასეთ მზაკვრობას ვერ წარმოვიდგენდი. მგონი მართალია.

ვის დავუმალო, მე არ ვლებულობ თანამდეროვე დაცვედნებულ-დადედლებულ საქართველოს. ჩემი ყოველი სტრიქონით ჩემს ხალხს გაღვიძებისკენ, მტრის მიმართ შეურიგებლობისკენ მოვუწოდებ. ამაზე დანერლი ჩემი რომანი „ჩურჩულს გადაჩვეული კაცი“ (რომელშიც ილაჯგანყვეტილი და იმედგადანურული მწერალი რუს ოკუპანტ-ჯარისკაცთა შორის მოკალათდება, თავს აიფეთქებს და ოცდაათ დამპყრობელსაც თან გაიყობს).

ამ პათოსითაა გაულენთილი ჩემი ბოლო პატარა ნოველა „თავების ჭრა ძნელი საქმეა“. არავითარი ასი ათასი მონამე, არავითარი ჯალალედინის ეპოქა იმ ნოველაში მინიშნებითაც კი არ არის ნახსენები და ჩემმა „აღმზრდებელმა“ რა მკრეხელობა დაინახეს დღემდე ვერ გამიგია (მთელი უბედურება იმაშია, რომ ჩემმა „მეგობრებმა“ პატრიარქიც კი შეიყვანეს შეცდომაში) და როცა ერთ-ერთმა გაზეთმა პატრიარქის ზოგად ფრაზაში მე არ დამინახა, აღმფოთდნენ, ეს რა ხდებაო, მაშ ჩვენ ეს შესვედრა რისთვის მოვანყეთ, თუ მიშველადისკენ არ გაიშვერენ ხელსო.

ათასჯერ ვიმეორებ: მე ალთას ვარ, ესენი ბალთას არიან. მე ნოველა IX საუკუნის თბილისზე დავწერე, დიდმა ისტორიკოსებმა გინდა თუ არა XIII საუკუნეს გულისხმობდით.

ერთმა ჩემთვის სათაყვანებელმა ქალბატონმა (რომლის „უტყუარმა“ ისტორიულმა თხზულებებმა საბჭოთა ეპოქაში აფსუების ავტოქტონურობის დამტკიცებით ქართულ ისტორიოგრაფიას დათვური სამსახური გაუწია) განაცხადა, ასი ათასი ქართველი რიგში კი არ ჩადგა, რეზოს ვენაცვალე, მთელ საქართველოში მოაგროვეს (რაკი თბილისში იმ დროს 100 000 მცხოვრები არ ცხოვრობდა) და ხელფეხშეკრული ჩამოიყვანეს თბილისშიო.

სად დაატიეს ძვირფასო, მარიკა მერე ეს 100 000 დაბორკილი ქართველი? მტრის მთავარი მოთხოვნა ხომ ის იყო, რომ ქართველებს ჯვარ-ხატები ფეხით გაეთელათ, ცოტა უხერხული ხომ არ არის ხელფეხშეკრულისთვის ამ როლის შესრულება? ან იქნებ ორიოდ ნუთით შეუხსნიდნენ ხელ-ფეხს და მერე ისევ შეუკრავდნენ?

როდის იყო ჩვენში თავიანთი აკადემიური პერსონის გარდა სხვა მიეჩნიათ ავტორიტეტად, მაგრამ იქნებ ერთი წამით მოვიცალოთ და სამხედრო საქმის, სამხედრო პოლიტიკის სპეციალისტს თამაზ მიქაუტიძესაც მოვუსმინოთ:

„ჯალალედინი თბილისში 3000 კაცით შემოვიდა... ჯალალი ხიდზე აღგებინებს ხატებს... ვინც ხატებს არ დააბიჯებს, თავს მოჰკვეთენ.

100 000 თბილისელი, 1226 წელი...

დააყენეთ რიგში 100 000 კაცი და თქვენ მიიღებთ ასკილომეტრიან რიგს თავით ხიდზე, ბოლოთი გურჯაანში...

ჯალათებს რომ ეს „სამუშაო“ (თავების კვეთა, რ.მ.) შეესრულებინათ დაჭირდებოდა 40 დღე და მეტიც...

რატომ ასაცოდავებ „მენსავე მოდგმას, რაში გჭირდება ეს?“ („საერთო გაზეთი“, 12.1.2011 წ.).

მეთათსევე ვიმეორებ ჩემს ნოველას ჯალალედინის ეპოქასთან (მითუმეტეს 100 000 მონამესთან, რ.მ.) საერთო არა აქვს, მაგრამ ხომ არსებულა განსხვავებული აზრი სპეციალისტთა შორის (ალარას ვამბობ ჩემს ტელეფონზე დამრეკავთა შეხედულებაზე: „აგაშენა ღმერთმა, ასი ათასი ჩვენც გადაჭარბებულად გვეჩვენებოდაო“).

ახლა მეორე ამბავი: ერთ-ერთ ინტერვიუში ვთქვი: ქართველებს გაზვიადება გვიყვარს, მე მგონი დიდგორის ომში რომ 60 ათასმა ქართველმა 500 000 თურქ-სელჯუკი დაამარცხა ესეც ცოტა გაზვიადებულია-მეთქი.

როგორ თუ გაზვიადებულიაო, ქოში უკულმა ჰყარეს ნაფიცმა ისტორიკოსებმა. დაიცხრეთ ამპარტავნობა ბატონებო და ყური მიაპყართ თქვენსავე კოლეგას სამხედრო ისტორიკოსს, პროფესორ სოსო მარგიშვილს:

„ილ-ლაზის არმია იყო ნამდვილად უზარმაზარი და ბევრად აღემატებოდა ქართულ არმიას, მაგრამ მისი წარმოდგენა 300 ათასად ან თუნდაც 100 ათასად ისტორიული რეალობის დარღვევაა... მოგონილი და გაზვიადებული ციფრი არაფრით ამაღლებს დიდგორში მოპოვებული გამარჯვების მნიშვნელობას, პირიქით, მას ზღაპრულ და დაუჯერებელ ელფერს აძლევს, შესაძლოა ესეც იყოს მიზეზი იმისა, რომ სამხედრო ხელოვნების ისტორიაში დიდგორის ბრძოლა სხვა ცნობილი მებრძოლების გვერდით არსად განიხილება“ (ყურნალი „თბილისელები“, 19 თებერვალი, 2007 წ.).

მე, რევაზ მიშველაძე ვფიქრობ, რომ ჩვენ ახლა წარსულის და თანამედროვეობის სწორი, ბრძნული შეფასება გვჭირდება. არასოდეს არც ერთ ეპოქაში არ შეგუებია ქართველი დამპყრობელს, როგორც ახლა ნაუნვა და შეეგუა. ეს იცით რისი ბრალაია? თურმე ჩვენ 2008 წელს ომი ფაქტიურად მოგვიგია, თურმე არც 1993 წელს დავმარცხებულვართ... მაგ სიმართლით იაროს იმან, ვინც ჩემს ტანჯულ ხალხს რომანტიკულ სიყალბებში აცხოვრებს და დღედაღამ ჩაუძახოს: ჩვენ ყველაზე მაგრები ვართო.

თუ ჩემი პოზიცია გაინტერესებთ, მე ორ ფრონტზე ბრძოლის პოლიტიკური მოლაპარაკების გზით წართმეული ტერიტორიების დაბრუნების და პარტიზანული ბრძოლის მომხრე ვარ. არ უნდა მოვასვენოთ, არ უნდა დავადინოთ ჩვენს მიწაზე დამპყრობელი. როგორ შეიძლება კოდორში და ახალგორში დღეს ერთი წარწერაც არსად იყოს. რუსებო წაეთრიეთ საქართ-

ველოდან!“ როგორ შეიძლება ცხინვალის მოედანზე უყოყმანოდ დაჩოქილ 50 ახალგაზრდას შორის ერთიც არ აღმოჩენილიყო – არ დავიჩოქებო, რომ ეყვირა?

ხალხი შიმშილით კვდება, ინფლაციამ ლამის სული ამოხადოს ქვეყანას და ამ დროს ჩვენ თურმე იმიტომ ვშიშნობთ, რომ ჩინელებმა ჭამა დაიწყეს, თურმე 8 მილიონს იმიტომ ვაძლევთ იტალიელ მომღერალს ერთ კონცერტში, რომ ამით უცხოელი ტურისტები მოვიზიდოთ (?!), თურმე სამხედრო ვეტერანებს იმიტომ ვერეკებით შიმშილობის ველიდან რომ „დემოკრატია“ ისტორიული ძეგლის სიახლოვეს მოშარდვას არ ჰქვია („დემოკრატია“ ისტორიული ძეგლის აფეთქებაა დღისით, მზისით), თურმე უმაღურმა რუსეთმა არ დაგვიფასა რომ ჩვენ რუსს (შევარდნაძისგან განსხვავებით) ჩეჩნეთის დამორჩილებაში დავეხმარეთ, არ დაიჯეროთ ეს მტკნარი სიცრუე, ძმებო, ჩეჩნებო!

მე ხშირად ვლანძღავ, გაყიდულ ოპოზიციას და თუ რატომაა იგი გაყიდული თქვენი გაზეთის ფურცლებზე არაერთხელ დავამტკიცებიათ.

ვის მოუვა აზრად, რომ მე რაკი ოპოზიცია ვერ შევიყვარე, ეს იმას ნიშნავს, რომ ხელისუფლებას მიუწოხდი.

ნურას უკაცრავად!

მე ის რევაზ მიშველაძე ვარ, რომელიც ხელისუფლებას ოდესმე აპატიებს 2007 წლის 7 ნოემბერს? მწერალთა სასახლის უმონყალო დარბევას? უნივერსიტეტის და აკადემიის ფაქტიურ განადგურებას? საჯიშე ყმანვილების ქუჩაში დახვრეტას? გამწარებული ლტოლვილების და ომის ვეტერანების გაუთავებელ დევნას და აბუჩად აგდებას?

არა ბატონებო, მე რევაზ მიშველაძე ისევ იქა ვარ, სადაც ვიდექი და ისევ იმას ვაკეთებ, რასაც მთელი სიცოცხლის განმავლობაში ვაკეთებდი.

დიახ, ყველა იმ ნამდვილ ოპოზიციურ (და არა თეატრალურ) მიტინგზე მივალ, სადაც ოპოზიციის ბელადები ლამაზსიტყვაობით და გულზე ხელის ბრაგუნით ასე დაგვაბოლებენ და მერე გამტკნარებული სახით არ გვეტყვიან: ნაით ახლა, კუტუნებო, სახლებშიო.

იქნებ ცნობილ ქართველ მწერალთა აზრმაც დააინტერესოს ჩემი არამკითხე მამიდები?

აი რას წერს ნოდარ კობერიძე:

„რატომ არ ვუფიქრდებით, იქნებ ამიტომაც ვართ ამდენი ხანი ასეთ დღეში, იქნებ ამიტომ გახდა ჩვენი მეგზური დამარცხება, იქნებ ამიტომ იკარგება ქართული ძირძველი ტერიტორიები, იქნებ ამიტომ დაგვეუფლა ათასი ჭირი და კვნესა, რომ დაჩოქება, თავჩაქინდრვა, ხელების ძაბუნად ჩამოყრა, დანებება, ცხოვრების წესად გაგიხსნია და ამ სინდრომმა ლამის ერთიანად წააღწიოს ერი თუ ბერი?! რატომ არ ვუფიქრდებით, იქნებ სწორედ ამას (და ეს ასეც არის) გვსაყვედურობს გულდათუთებული მწერალი თავისი ცრემლიან-ტკივილიან ნოველაში. მე კი ეს დავინახე და თქვენი არ ვიცი. ამ ამოძახილისკენ მიბიძგა ამ ნოველამ და მადლობასაც ვუთხნები რევაზ მიშველაძეს მისი შექმნისთვის“ („მწერლის გაზეთი“, 25 იანვარი, 2011 წ.).

ახლა მიხეილ ჩაჩუას მოვუსმინოთ:



„რევზა მიშველაძე ამ ნოველაში არც 100 ათასს ახსენებს და არც ეპოქას აკონკრეტებს. პირიქით, იგი სიკვდილით ქართველთა გამარჯვებაზეც მიანიშნებს.

...დავუშვათ, რომ მართლა მოკვებეს თავი ასი ათას ქართველს, რა არის ქართველებო საამაყო ამაში? ის რომ იმ ასიათასში ერთი ქართველიც ხომ არ აღმოჩნდა ისეთი, გმირობას ვინ ჩივის, წინააღმდეგობის მაგვარი რალაც ქმედება ჩაედინა? თქვენც არ მომიკვდეთ.

... განა ჩვენი დროის დიდმა ნოველისტმა რევზა მიშველაძემ ამ ნოველით ზუსტი დიაგნოზი არ დაუსვა მართლაცდა საღათას ძილით შეპყრობილ, პირქვედამზობილ, დაცვედნებულ-დამარცხებულ საქართველოს?“ („მწერლის გაზეთი“, 25.I.2011).

მართლად სჯიან ჩემი კოლეგები, მე წამებულის სულის შეწუხებაზე არც მიფიქრია, მე თანამედროვე დადედლებულ საქართველოსთან მქონდა საქმე და ჩემი კალმით ერთი გმირულის სულის წინააღმდეგობის უნარის აღზრდას ვცდილობ.

აი, რატომ არ მწყინს ზოგიერთი ჩასაფრებული ოპონენტის განიწმატება.

ეს იმას ნიშნავს, რომ ჩემმა ნოველამ გაიმარჯვა, არაა ადვილი დღეს მხატვრული ნაწარმოებით ელდაცემული, დამშეული, ილაჯგანყვეტილი მკითხველი აალაპარაკო.

როცა ილია ჭავჭავაძემ „ბედნიერი ერი“ დაწერა და თავის სათაყვანებელ ერს „ყველა ყრუი... ყველა ცრუი“ უწოდა ან აკაკიმ რომ „ფურთხის ღრისი ხარ, შენ საქართველოვ“, დაწერა, გულარხინობის ყურბალიშზე მთვლემარე, ნირვანაში მყოფ საქართველოს დიდ ნაწილს, რასაკვირველია, არ მოეწონებოდა ეს მკვახე შეძახილი. ძვირფასო „მოსამართლენო“, თქვენ საქართველო ილიაზე და აკაკიზე მეტად გიყვართ?!

ერთი ქართული ანდაზა ამბობს: „სვაგი სანამ ძვალს გადაყლაპავდეს ჯერ კისერს დააზომებსო“.

12.III.2011 – 18.III. 2011

12 თებერვალს პრეზიდენტი პარლამენტში წლიური ანგარიშით გამოვიდა.

ჩვეულებრივი ტრაბახის შემდეგ განაცხადა, რა დაგიმალოთ, ყველაფერზე ფასები იზრდება, ქვეყანაში დანყებულია ლარის სწრაფი ინფლაცია და მე ვერაფერს გიშველითო.

არც ერთი სიტყვა მეცნიერებაზე, არც ერთი სიტყვა ხელოვნებაზე, არც ერთი სიტყვა სპორტზე, არც ერთი სიტყვა უმაღლესი განათლების პრობლემებზე.

რა საოცარია, რამ შეაძულა ამ კაცს ასე ეროვნული მწერლობა, ეროვნული ფენომენი.

ქრისტინა-დემოკრატებმა (ახლედინი, თარგამაძე) გააკრიტიკეს, მაგრამ რად გინდა, შეაყარე კედელს ცერცვი.

შემაჯამებელ სიტყვაში ამკარად ჩანდა რომ არც ერთი რჩევა, არც ერთი შენიშვნა არ მიიღო.



პრესა-ტელევიზიებში ისევ გრძელდება მწერალთა კავშირის და მისი ხელმძღვანელობის ლანძღვა. ამჟამად რომ მავანთ გადანყვეტილი აქვთ მწერლების დამცირება, რათა ის ავტორიტეტი მოგვეშალოს, რითაც ჯერ კიდევ ვსარგებლობთ.

„ასავალ-დასავალის“ ფურცლებიდან ყველას ერთად ვუპასუხე და განვაცხადე, აღარა მაქვს სურვილი ამ სულელურ კამათში ჩავერიო-მეთქი.

ახლახან დავამთავრე ნოველა „ტაბახმელა“. იგი 1921 წლის 25 თებერვალს დალუპულ გმირ იუნკრებს მივუძღვენი. ნოველაში გამოყენებული მაქვს ადგილი რეზო გაბაშვილის მოგონებიდან იმის შესახებ, თუ როგორ ვერ შეგროვდა თბილისში 34 მოხალისეზე მეტი, რათა ტაბახმელასთან მებრძოლ იუნკრებს მიხმარებოდნენ.

ახლა ამაზე ატყდება ერთი ამბავი, ნახეთ როგორ დაამცირა მიშველადემ თბილისის მოქალაქენიო. ხელისუფლება კვლავ კატა-თავგობანას გვეთამაშება. ჩვენს მიერ განმენდილ-გასუფთავებულ მწერალთა კავშირის შენობაში კვლავ აღარ გვიშვებენ. რომ გვეგონა ხელისუფლებამ როგორც იქნა გაისიგრძეგანა რომ 2007 წლის 21 აგვისტოს მიუტევებელი დანაშაული ჩაიდინა მწერალთა კავშირის დარბევით და ასწორებს თავის შეცდომასო, თურმე შემცდარვართ.

18 თებერვალს, პარასკევს, ტელეარხ „მაცენტროზე“ გამოვედით მე, ჯანსუღ ჩარკვიანი, სოსო სიგუა და დავით ტაკიძე, ვილაპარაკეთ იმაზე, თუ ერთხელ კიდევ როგორ მოგვატყუა ხელისუფლებამ.

ცოტა ხანს კიდევ მოვიცდით მამუკა ქაცარავას და გიგი უგულავას ხათრით, რადგანაც მხოლოდ ეს უკანასკნელნი არიან მწერალთა კავშირის მხარეზე და თუ არაფერი გამოვიდა, განვაახლებთ მიტინგებს მწერალთა კავშირის შენობის წინ.

11 მარტს იაპონიას გაუგონარი ტრაგედია დაატყდა თავს:

ცხრა ბალიანმა მინისძვრამ გაანადგურა თითქმის მთელი ჩრდილოეთ იაპონია. მიწისძვრას ცუნამი მოჰყვა. ოცდაათი მეტრის ტალღებმა მოლოკა ოკეანის სანაპირო, წალეკა ყველაფერი და ლამის ტოკიომდე მოაღწია.

საშინელი სანახაობა იყო. ასანთის კოლოფებივით ტივტივებდნენ ტალღებზე სახლები, გემები, მანქანები... უკანასკნელი მონაცემებით დაიღუპა 14 ათასი ადამიანი და ერთი ამდენი უგზოუკვლოდაა დაკარგული.

მთავარი უბედურება ის არის, რომ სტიქიამ ატომური ელექტროსადგურები დაანგრია და რადიაციამ გაჟონა.

რადიაციული კატასტროფა კი მარტო იაპონიას კი არა მთელ დედამიწას ემუქრება.

მსოფლიო შემფოთებულია. მიმდინარეობს ღონისძიებები, რათა იაპონია მთლიანად დაიცალოს და მოსახლეობა მთელ მსოფლიოში გადანაწილდეს თუ ატომური ელსადგურების კონსერვაცია ვერ მოხერხდა.

გაოგნებული ვარ, ადგილს ვერ ვპოულობ, მე ხომ იქ ნამყოფი ვარ, რა საათივით აწყობილი, რა მაღალი კულტურის ქვეყანა იყო. მსოფლიო ვერ შევლის კოპნია იაპონიას, ჩვენ უძღურნი ვართ დალუპვისაგან ვიხსნათ აკუტაგავას ქვეყანა.

რა მოხდა? ნუთუ ღმერთი ერთხელ და სამუდამოდ გაუწყრა კაცო-

ბრიობას და წარღვნა მოუვლინა, მე შორს ვარ ნოეს კიდობნის ზღაპრის და-  
ჯერებისგან, მაგრამ წარღვნის მსგავსი რალაც რომ ხდება აღმოსავლეთში,  
ფაქტია.

ჩვენი პრეზიდენტი 25 დღეა ამერიკაშია.

15 მარტს სენატორების წინაშე გამოვიდა და თავის რევოლუციურ გა-  
მოცდილებაზე ილაპარაკა. ვარდების რევოლუციის მეორე დღესვე მე და  
ჩემმა გუნდმა მტკიცედ გადაწყვიტეთ ქვეყანა უფროსი თაობის ადამიან-  
ებისგან გაგვეწმინდაო, საოცარი ის არის, რომ ამას მშვიდად უსმენდნენ  
ამერიკელი სენატორები (მათ შორის ჯონ მაკკეინიც), ხედავთ რა უბედურე-  
ბა სჭირს საქართველოს? კაცი ხმამაღლა აცხადებს ჩემი მშობლებისგან ვწ-  
მენდ ქვეყანასო და პროტესტიც კი არავინ გამოთქვა. თურმე ჩვენ, ძველი  
თაობა, ყველანი საბჭოთა ეპოქაში ვცხოვრობდით და ამიტომაც საბჭოთა  
მენტალიტეტის ვყოფილვართ, ვინ ვართ, საბჭოთა მენტალიტეტის მე და  
ჭაბუა ამირეჯიბი, ვინც მთელი ცხოვრება საბჭოთა წყობილების წინააღმდეგ  
ბრძოლას შევალიეთ?

საქართველოში დღეს მართლაც მომწიფებულა რევოლუციური  
სიტუაცია და სააკაშვილი იმიტომაც აყოვნებს სამშობლოში დაბრუნებას.  
კატასტროფულად იზრდება ფასები. გრძელდება ინფლაცია. ბენზინის ფასმა  
უკვე 2 ლარს მიაღწია. ქვეყანა შიმშილობს, გაუსაძლისი ვითარებაა.

მწერალთა კავშირის შენობაში კვლავ ჯიუტად არ გვიშვებენ მწერლებს.

კულტურის მინისტრმა რურუამ უკვე დანიშნა მწერალთა სახლის დი-  
რექტორი ნატო ლომოური. რემონტი რომ დამთავრდებაო, შეიძლება მწ-  
ერალთა კავშირის 3 ოთახი მოგვეთო, თქვენსავე შენობაში, ისიც მაშინ თუ  
ჭკვიანად მოიქცევითო.

ალარ დამთავრდა ჩვენი აღზრდა-დაუთოვება.

ბოლშევიკური ხელისუფლება, თუ ოდესმე ჰყავდა, სწორედ ახლა ჰყავს  
საქართველოს.

ყოველ შემთხვევაში, არც სტალინს და არც ბერიას არ უთქვამთ,  
უფროსი თაობისგან უნდა გავთავისუფლდეთო.

17 მარტს, სასახლეში (მოსწავლეთა სასახლე) ახალგაზრდა პროზაიკოს-  
თა კონკურსის შედეგები შევაჯამეთ.

ჟიურის თავმჯდომარე მე გახლდით.

ასზე მეტმა პროზაიკოსმა (35 წლამდე) მიიღო მონაწილეობა, მოვიდნენ  
საინტერესო პროზაიკოსები. მიხარია, რომ კარგი ცვლა გვეზრდება.

17 მარტსვე, სალამოს ისევ გამოვედი „მესტროზე“ და ვაპირებო კულ-  
ტურის მინისტრი რურუა მწერალთა კავშირის შენობის ან უკვე საბოლოოდ  
წართმევს გამო.

19.III.2011 – 19.V. 2011 წ.

დიდი გატაცებით ვკითხულობ საქართველოს ტექნიკურ უნივერსიტეტ-  
ში კულტუროლოგიის კურსს და ვხელმძღვანელობ კულტუროლოგიის  
მიმართულებას.

სიამოვნებით უნდა გავუსვა ხაზი, რომ სტუდენტთა ახლანდელი თაობა  
ფრიად განსხვავდება 5 და 10 წლის წინანდელი თაობებისაგან.

ჯერ ერთი ლექციაზე უკლებლივ ყველა მესწრება. მერედა გაფაციცებით იწერენ რასაც ვუყვები. პირველ სართულზე წიგნის მალაზიაში ყიდულობენ ჩემს წიგნებს და ხელს მანერინებენ. ლამის სიხარულისგან ავტირდე: ნუთუ შემობრუნდა წიგნისკენ ჩვენი ახალგაზრდობა?

როცა გამოვაცხადე, ვის სურს კულტუროლოგიის ხაზით მეცნიერულ საქმიანობაში ჩაებას (მაგისტრატურა, დოქტორანტიურა-მეთქი), 75 სტუდენტიდან 70-მა ანია ხელი.

სახელისუფლებო ტელევიზიამ გადმოსცა ცნობა ერთი უსიამოვნო ფაქტის შესახებ.

ქუთაისში ჩასულან მწერლები (ახალგაზრდა მწერლებს მათ უკვე ვეღარ დაარქმევ, იმიტომ, რომ სამივენი ორმოცს გადაშორდნენ) დათო ტურამვილი, ბესო ხვედელიძე და ზაზა ბურჭულაძე.

თურმე ნუ იტყვი, „გაუგონარი ამბავი“ უნდა აცნობონ ქუთაისს, ევროპაში ქართული პროზის ანთოლოგია გამოსულა.

რაკილა თეატრში ცოტა ხალხი შეიკრიბა და ქუთაისმა ეს ცნობა დიდ სიახლედ არ მიიღო (აგერ მიდევს მაგიდაზე, მანამდე გამოცემული 5 ანთოლოგია) ჩემი უმრწემესი კოლეგები გაბრაზებულან, ხოლო ერთ მათგანს ზაზა ბურჭულაძეს ხალხის გასაჩუმებლად ლოზუნგი წამოუსროლია: „სიცოცხლე ქურდებს, სიკვდილი ბოზებს!“

ამ უხამსობაზე დარბაზი ორმოცდაათამდე ქუთაისელს დაუტოვებია და აღშფოთებულნი გარეთ გამოსულან.

ამ „აღმამფოთებელ ფაქტზე“ პრეზიდენტმა იმ საღამოსვე თვითმფრინავში კომენტარი გააკეთა: ეს მწერლები როგორც ჩანს, გასულ საუკუნეში ჩარჩენილანო.

ერთი კვირა ეს ჰქონდა ჩვენს მასმედიას სალაპარაკოდ.

კი მაგრამ, პრეზიდენტი რომელსაც არ აღეღვებს ქუჩაში გამოყრილი მწერლების ბედი, რომელსაც ერთხელ არ აუვლია ჭაბუა ამირეჯიბის კიბეები, რათა ოთხმოცდაათი წლის მწერალი მოენახულებინა, ზაზა ბურჭულაძის უკბილო ხუმრობამ ააღელვა?

რა დღეში ხარ, უბედურო საქართველო!

პრეზიდენტს ის ემცხეთა, რომ მისმა ფავორიტმა მწერლებმა საქებარი ძაღლივით „ნიახურს გადააფსეს“.

31 მარტს ზვიად გამსახურდიას და ჩემი უახლოესი მეგობრის იგორ კვესელავას დაბადების დღე იყო.

სახელდახელო სუფრაზე შევიკრიბეთ იგორის მეგობრები, ტექნიკური უნივერსიტეტის პროფესორები. იყო უნივერსიტეტის ახალგაზრდა რექტორი, ბრწყინვალე მეცნიერი და საზოგადო მოღვაწე არჩილ ფრანგიშვილი.

პირველი სადღეგრძელო თვით იგორის სურვილით ზვიად გამსახურდიას ხსოვნისა შევსვი.

მერე იგორის მეცნიერულ და პედაგოგიურ მოღვაწეობაზე ვილაპარაკე. იგორი მართლაც რომ სამაგალითო კაცია. თანამედროვე ისტორიკოსთაგან არავის დაუნერია ბოლო ოცნლეულის საქართველოს პოლიტიკური ისტორია ისე სრულად, როგორც იგორ კვესელავამ დაწერა. ესეც არ იყოს, იგი ბრწყინვალე ლექტორი და უანგარო, სპეცაკი მოქალაქეა.

სუფრა ლაზათიანად, ძმობის, ერთგულების ნიშნით ჩავატარე. დიდებული სიტყვა თქვა არჩილ ფრანგიშვილმა უნივერსიტეტის ამოცანების შესახებ.

იაპონიის კატასტროფა მთელ მსოფლიოზე ვრცელდება.

რადიაციის მომატება იგრძნობა ამერიკაშიც, ინგლისშიც და რასაკვირველია რუსეთშიც.

ხომ არ მოვიდა მსოფლიოს აღსასრულის უამი?

კაცობრიობას ძილი გაუტყდა, მშფოთვარებით ვუსმენთ უკანასკნელ ცნობებს.

2 აპრილს ნიჭიერმა პუბლიცისტმა დემიკო ლოლაძემ იგორი, სოსო სიგუა, ჯემალ გახოკიძე და მე შინ მიგვიწვია. დაგვათვალთვარებინა თავისი უმდიდრესი ფოტოკოლექცია. დემიკო დიდ საქმეს აკეთებს, იგი საქართველოს უქმნის და უნახავს უნიკალურ ფოტომატიანეს.

დემიკოს ოჯახში დაგვხვდა ნიჭიერი კარიკატურისტი ზაალ სულაკაური (ჩემი უნივერსიტეტელი მეგობრის ვალიკო სულაკაურის ბიჭი), სახელდახელოდ იქვე ზაალმა დახატა ჩვენი პორტრეტ-კარიკატურები და გვაჩუქა.

20.V. 2011 – 28.V.2011

ქალაქის მერმა გიგი უგულავამ 5 მწერალი – რუსთაველის პრემიის ლაურეატები – ჯანსუღ ჩარკვიანი, ბესიკ ხარანაული, ლია სტურუა, მე და რეზო ჭეიშვილი შეგვარჩია ისრაელის დელეგაციის წევრებად. უნდა გავფრინდეთ 26 მაისს და დავბრუნდეთ 3 ივნისს.

მე და რეზო ჭეიშვილმა მერს მდალობა მოვახსენეთ ყურადღებისთვის, ხოლო ისრაელში წასვლაზე უარი ვთქვით.

რეზოს ნაუსვლელობას ალბათ თავისი მიზეზი ჰქონდა, მე კი უარი შემდეგი გარემოების გამო ვთქვი:

უპირველეს ყოვლისა, გაბრაზებული ვარ იმის გამო, რომ ხელისუფლება 500 ქართველ მწერალს მასხრად გვიგდებს და მწერალთა კავშირის სასახლის დაბრუნებაზე კატა-თავგობანას გვეთამაშება. ამ ორიოდ კვირის წინათ მეხუთედ (უნამუსოდ) გვიშალა პირი და ჯიუტად არ გვიშვებს ჩვენს სახლში.

მეორე მიზეზი ის გახლავთ, რომ არ მინდა ჩემმა კოლეგებმა და ენაჭარტალა გაზეთებმა იყიპიპონ; აქაოდა ხომ ხედავთ, ხელისუფლებამ რუსთაველის პრემიის ლაურეატები მოისყიდაო.

მესამე: ჩემმა ძვირფასმა ებრაელებმა, ასე ბევრს და გულწრფელად რომ ლაპარაკობენ; საქართველო ძალიან გვიყვარს, რადგანაც 26 საუკუნის წინათ ნაბუქოდონოსორისგან დაფეთებულნი სწორედ საქართველომ შეგვიფარაო, იმდენი ვერ მოახერხეს, რუსთაველის ფრესკა დაეცვათ და გარენართა ხელყოფისაგან დაეფარათ, მე ნერვები არ მეყოფოდა თვალბდათხრილი რუსთაველი მენახა ჯვრის მონასტერში და ამიტომ ვთქვი უარი ისრაელში წასვლაზე.

ეერუსალიმში სულ ოცდაათამდე ქართული მონასტერია, რა მოხდებოდა ერთი მათგანი მაინც დაებრუნებია ისრაელს საქართველოსთვის და ერთ ქართულ მონასტერში მაინც ქართული წირვა-ლოცვა ყოფილიყო.

ვიცი, ჩვენთვის ძნელია, ბერძნებთან საქმის მოგვარება-დაგვიბრუნოს ჯვრის მონასტერი, მაგრამ როცა ამ საკითხს ისრაელი დააყენებს, არ შეი-

ძლება საბერძნეთმა ეს ერთი მონასტერი მაინც არ დათმოს. ბოლოს და ბოლოს მონასტერი ისრაელის ტერიტორიაზეა.

საქართველოში გაჰყვირიან მოახლოებულ რევოლუციასზე. დათბა და ჩვენ ხომ ურევოლუციოდ სწრაფდა მოვინყენთ ხოლმე.

ორი მოძრაობა – პარტია აპირებს უახლოეს დღეებში სააკაშვილის ხელისუფლების დამხობას:

1. ე.წ. „სახალხო კრება“ ნონა გაფრინდაშვილის და ნინო ბურჯანაძის თაოსნობით. კრებაში შედიან: გოგი ქავთარაძე, გია ბურჯანაძე, ელიზბარ ჯაველიძე, ირაკლი ბათიაშვილი, რეზო ესაძე და სხვა.

2. „ქართული პარტია“ – ოქრუაშვილის, ეროსი კინმარიშვილის და სოზარ სუბარის სარდლობით. ოქრუაშვილს დაპატიმრების ემინია და არ ჩამოდის. იგი ალბათ დისტანციური მართვის პულტით უხელმძღვანელებს რევოლუციას.

რაც შეეხება სააკაშვილს, გარეგნულად ისე ჩანს, რომ იგი არხეინადაა, არ იმჩნევს მოახლოებულ საშიშროებას, ძველებური ღიმილი დასთამაშებს სახეზე. თანდათანობით აშკარა ხდება, რომ სურთ წაშალონ საქართველო როგორც ეროვნული სახელმწიფო მსოფლიო რუკიდან და გადააქციონ იგი დასასვენებელ, საკურორტო-ტურისტულ ზონად. ახლახან კიდევ ერთი დარტყმა მიაყენეს ქართულ ენას: აკრძალეს უცხოური კინოფილმების ქართულად გახმოვანება. დასაშვებია მხოლოდ ტიტრით (კადრების ქვეშ წარწერებით) გაუშვან ფილმები. ვისაც ინგლისური არ ესმის ან წარწერის წაკითხვას ვერ ასწრებს, აუცილებელი არ არის უყუროს კინოსურათსო, განაცხადა ერთმა მაღალჩინოსანმა.

14 აპრილს უნივერსიტეტის სამეცნიერო კონფერენციაზე წავიკითხე მოხსენება – „ქართული ენის სახელმწიფოებრივი სტატუსის დაცვა 1978 წლის 14 აპრილს“.

17 მაისს სატელევიზიო არხ „რეალ ტვ“-ით გამოვედი:

ვთქვი, რომ ოპოზიციის გაერთიანება ვერ მოხერხდა, ბურჯანაძე და ოქრუაშვილი კრილოვის იგავის „გმირების“ მსგავსად ტვირთს სხვადასხვა მხარეს ეზიდებიან-მეთქი.

ესეც არ იყოს, ოპოზიციონერ ბელადთა უმეტესობა სააკაშვილის ყოფილი თანამებრძოლია და პრეზიდენტზე დროებით განაწყენებული, ეჭვი მეპარება, რომ ეს მილიონერი ყოფილი ჩინოსნები უბრალო მოქალაქეების ინტერესებს დაიცავენ-მეთქი.

არცერთ ოპოზიციურ პარტიას არ გამოუქვეყნებია რაიმე რეალური გეგმა, თუ როგორ აპირებენ ისინი გამარჯვების შემთხვევაში ქვეყნის მართვას-მეთქი.

საერთოდ, რუსეთისკენ მზირალი პარტიული პოლიტიკოსების არ მჯერა. ის ოპოზიციონერი რა ოპოზიციონერია, რომელიც რუსეთის ოკუპანტობას არ აღიარებს-მეთქი.

ასე რომ, მე მწერალი რევაზ მიშველაძე ვერ ვხედავ ჩემს ადგილს ამ ე.წ. გამოცხადებულ რევოლუციაში. ჩემს მოვალეობად მიმაჩნია დინჯად შევაფასო მოვლენები და ერს გონივრული რჩევა მივცე. ტრიბუნაზე ჩახვალ და გულზე ხელის ბრაგუნი მაძინ, როცა გულზე ხელის ბრაგუნი გულზე ხელის

ბრაგუნად დარჩება და რაიმე რეალური შედეგი არ მოჰყვება, კიდევ ერთხელ ხალხის მოტყუებაა. რაც საბოლოო იმედგაცრუებას გამოიწვევს-მეთქი.

18 მაისს რუსეთმა კიდევ ერთი პროვოკაცია მოუწყო საქართველოს:

რუსმა ოკუპანტებმა საჩხერის მახლობლად ტყეში ჯონჯოლის შესაგროვებლად შესულ ქართველ ბიჭებს სროლა აუტყვეს, 5 ახალგაზრდა ქართველიდან მძიმედ დაიჭრა ორი.

საქართველოს პარლამენტმა, ამერიკის საელჩომ და სხვა საელჩოებმა აღშფოთება გამოთქვეს ამ „ვანდალური აქტის“ გამო. აღშფოთება უშველის გაუბედურებულ, სამუდამოდ დახეობრებულ ორ ყმაწვილს (გადარჩებიან თუ არა, ესეც ჯერჯერობით კითხვის ნიშნის ქვეშ რჩება)?

18 მაისს დღის მეორე ნახევარში ქუთაისის ვენზე. სიმონ არველაძის 90 წლისთავის იუბილეს დავესწარი. დამსახურებულ მწერალს უანგარო, სპეტაკ მოლგანეს ბატონ სიმონს მწერალთა კავშირის „ადრესი“ და აკაკი წერეთლის პრემიის მინიჭების საბუთი გადავეცი. საიუბილეო ბანკეტზე მიუხედავად ქუთათურთა თხოვნისა, ვერ დავრჩი. იმავე ღამით დავბრუნდი თბილისში.

21 მაისს სახალხო კრების აქცია 3:30-ზე დაიწყო.

მოვიდა დაახლოებით ოცი ათასამდე კაცი.

მანქანაზე გამართული ტრიბუნა სახალხო კრების ლიდერებმა დაიკავეს, აქ არიან ნონა გაფრინდაშვილი, ნინო ბურჯანაძე, ირაკლი მათიაშვილი, გია ბურჯანაძე, გოგი ქავთარაძე, რეზო ესაძე, გია კობახიძე და სხვები.

მიტინგი მიჰყავს გია ბურჯანაძეს.

სათითაოდ გამოდიან ზემოთ ჩამოთვლილი ლიდერები და აცხადებენ, რომ აქცია არ დაიშლება, მანამ სანამ მიხეილ სააკაშვილი არ დატოვებს საქართველოს.

სალამოს 6 საათზე ირაკლი ბათიაშვილმა მიტინგს მოუწოდა, ყველანი წავიდნენ „საზოგადოებრივი მაუწყებლისკენ“ და აიძულონ გია ქანტურია, არხის პირდაპირ ეთერში გადასცეს აქცია...

გაისმა უკმაყოფილო შეძახილები: „ამისთვის მოგვიყვანეთ?! „ეს ხომ ფაქტიურად დაშლას ნიშნავს“.

...მაგრამ ბოლოს მაინც წავიდნენ და გარს შემოეწყვენ ტელევიზიას.

! არხი შეშინდა და პირდაპირ ეთერში დაიწყო მიტინგის გადაცემა.

ეს იყო სახალხო კრების პირველი გამარჯვება.

ღამით მომიტინგენი წავიდ-წამოვიდნენ და დარჩა მცირე ჯგუფი.

სწორედ იმ მცირე ჯგუფის დაპატიმრება გადწყვიტა პოლიციამ და დილის 7 საათზე თავს დაესხნენ მთელი ღამის უძინარ, განამებულ მომიტინგეებს, ატყდა სროლა, ცემა-ტყეპა, ნივილ-კივილი... მომიტინგენი ხელკეტებით დახვდნენ მოძალადე პოლიციელებს და უკუაქციეს. პოლიციამ შეძლო მხოლოდ ერთადერთი „ოპოზიციონერის“ გია უჩავას „გატაცება“.

22 მაისს 12 საათიდან დაიწყო ხალხმა დენა კოსტავას ქუჩისკენ.

დაიწყო მიტინგი, უეცრად ტაშის გრიალი ატყდა. მომიტინგეთა შორის გამოჩნდნენ ქართული პარტიის ლიდერები – ლევან გაჩეჩილაძე, ეროსი კინმარიშვილი, გია გაჩეჩილაძე, სოზარ სუბარი და სხვები.

ლევან გაჩეჩილაძემ განაცხადა: რაკი ამ დღილით ხელისუფლებამ საბოლოოდ ჩამოიხადა ნიღაბი და დაიწყო მშვიდობიანი მოქალაქეების რბევა,



„ქართულმა პარტიამ“ გადანყვიტა შეუერთდეს სახალხო კრებას და ერთად დაეამხოთ სააკაშვილიო.

ეროსი კინმარიშვილმა თქვა: 25 მაისს 2 საათზე ავლაბრის მოედანზე უნდა შეიკრიბოს მთელი საქართველო და გპირდებით, რომ ეს იქნება სააკაშვილის ხელისუფლებაში ყოფნის ბოლო დღეო.

ტელეარხმა „მაესტრომ“ გაავრცელა პარიზში მყოფი ოქრუაშვილის განცხადება; ყოფილი თავდაცვის მინისტრი აცხადებს, რომ 25 მაისს საქართველოში იქნება და დაამთავრებს სააკაშვილის ხელისუფლებას.

22 მაისსაც ცეცხლოვანი მიტინგი ჩატარდა, მაგრამ საქმე, როგორც მოველოდი არ ჩანს.

ჯერჯერობით მხოლოდ ლაპარაკია, ლაილაით კი რევოლუცია არ კეთდება.

22 მაისის მიტინგი გია კობახიძეს მიჰყავს.

ხალხი აქვითინდა, როცა „მოსისხლე მტრები“ ნინო ბურჯანაძე და ლევან გაჩეჩილაძე ერთმანეთს ჩაეხვივნენ და ერთმანეთი გადაკოცნეს.

ვნახოთ რა იქნება ხვალ.

მიხეილ სააკაშვილი, როგორც თქვენს, გუშინ უნგრეთს გაფრინდა, ხოლო სახელმწიფოს მეორე კაცი – პრემიერ-მინისტრი ნიკა გილაური პარიზში.

პარლამენტის სპიკერი ბაქრაძე თბილისშია, თუმცა ბაქრაძეს ვინლა იკითხავს.

ერთადერთი რამ მადარდებს.

რა თქმა უნდა, სააკაშვილი დამნაშავეა და უნდა დაემხოს, მაგრამ ვაი თუ ამით ისარგებლოს რუსეთმა და ტანკები შემოიყვანოს საქართველოში.

მე მხოლოდ ამ შიშის გამო არ გავედი სამიტინგოდ, ღმერთმა ნუ ქნას რუსეთის შემოსვლა.

საკაშვილს არ გადავაყოლოთ ქართველებო საქართველოს დამოუკიდებლობა!...

ეს სიმწრით მოპოვებული, ნახევრადხეიბარი დამოუკიდებლობა არ დავკარგოთ და კვლავ რუსის ჩექმა არ შევიდგათ მხარზე.

24 მაისს საღამოს გავრცელდა განცხადება, რომ ოქრუაშვილმა უარი თქვა საქართველოში ჩამოსვლაზე.

ოქრუაშვილის „მოადგილეები“ კინმარიშვილი და სოზარ სუბარი ტელევიზიით აცხადებენ, რომ სწორედ მათ ურჩიეს ოქრუაშვილს არ ჩამოსულიყო, რადგანაც საქართველოს ხელისუფლება მას აეროპორტშივე დააპატიმრებდა.

ოქრუაშვილისგან მე რასაკვირველია ველოდი, რომ იგი შეშინდებოდა და არ ჩამოვიდოდა, თუმცა გულის სიღრმეში დარწმუნებული ვარ, რომ ოქრუაშვილის ჩამოუსვლელია ამერიკის და რუსეთის პრეზიდენტების დონეზე გადანყდა.

ოპერაცია 25 მაისს რუსის ჯარის მიერ საქართველოს სრულ ოკუპაციას ითვალისწინებდა.

როგორც ჩანს, ამის შესახებ მედვედევმა ყოველი შემთხვევისთვის ობამას აცნობა. რაკი შენ (და ნატო) ლიბიაში შეხვედით მე საქართველოში შევდივარო;



ოქრუაშვილი ჩამოვიდოდა, მოხდებოდა პატარა შეხლა-შემოხლა და ოქრუაშვილს შემოჰყვებოდა რუსის ჯარი, ირკვევა, რომ თავის მხრივ სააკაშვილმაც მიიღო ზომები და ობამამ კატეგორიული უარი უთხრა რუსეთს საქართველოში შესვლაზე.

ოქრუაშვილის დემარშმა „სახალხო კრების“ მრისხანება გამოიწვია. ნინო ბურჯანაძემ ოქრუაშვილს და მის პარტიას მშიშრების ხროვა უწოდა. „ქართული პარტია“ ისევ გამოეყო სახალხო კრებას, თუმცა ლევან გაჩეჩილაძემ და მისმა ძმამ გია გაჩეჩილაძემ განაცხადეს, რომ ისინი ნინოს გვერდით დარჩებიან.

25 მაისს 2 საათზე ტელემაუწყებლობის წინ დაბანაკებული დემონსტრანტები ნონა გაფრინდაშვილის და ნინო ბურჯანაძის წინამძღოლობით რუსთაველის პროსპექტისკენ დაიძრნენ. მიტინგი პარლამენტის წინ გაგრძელდა, მომიტინგენი აცხადებდნენ, რომ ისინი ფეხს არ მოიცვლიდნენ და არ მისცემდნენ უფლებას “თვითმარქვია პრეზიდენტს” სააკაშვილს 26 მაისს მიეღო პარადი.

ხელისუფლებამ კატეგორიულად მოსთხოვა ოპოზიციას გაეთავისუფლებინათ რუსთაველის პროსპექტი.

„სახალხო კრებამ“ რუსთაველიდან გადაადგილებაზე სასტიკი უარი განაცხადა.

და მოხდა ის, რასაც ველოდი.

26 მაისს ღამის პირველის ნახევარზე ხელისუფლებამ მომიტინგეებს (ამჟამად 3 ათასამდე ოპოზიციონერი იდგა რუსთაველზე) ოთხი მხრიდან ალყა შემოარტყა.

პოლიციელები ნაბიჯ-ნაბიჯ მოინევენ. კბილებამდე შეიარაღებული „ნესრიგის დამცველები“ უიარალო, მშვიდობიან დემონსტრანტებს ზიზლით, აგრესიულად, თავგამეტებით ესხმიან თავს.

დაიწყო უთანასწორო კვეთება, პოლიციელები ნაქცეულ მოხუცებს, ქალებს და ბავშვებს ფეხით თელავენ, ჯგლეთა, ცემა, ნივილ-კივილი ერთ უიარალო ოპოზიციონერს ხუთი მკლავმიშველი, კუნთებმაგარი პოლიციელი გამეტებით ურტყამს.

ერთ საათში პარლამენტის მიმდებარე ტერიტორია განმენდილია.

ასფალტზე დაჭრილი და დახოცილი ადამიანები ჰყრია.

მიმოჰქრიან „სასწრაფოები“.

საშინლად წვიმს.

9 აპრილის შემდეგ რუსთაველი კიდევ ერთხელ მოირწყო სისხლით.

„მაცეტროზე“ გამოსული ოპოზიციის ლიდერები განწირული ხმით ჰყვირიან, რომ ასეთი სასტიკები 9 აპრილს რუსებიც არ ყოფილან.

პოლიციამ ხალხს გასასვლელი დერეფანიც არ დაუტოვა.

ერთადერთი ტელეარხი „მაცეტრო“ პირდაპირ ეთერში გადასცემს მომხდარს.

როგორც ირკვევა, დაპატიმრეს გოგი ქავთარაძე, ლუკა კურტანიძე, დიმა ჯაიანი, გია ბურჯანაძე, ლევან გაჩეჩილაძე, ნინო ბურჯანაძის ბიჭი – ანზორი და სხვები.

გვიან ტელეეკრანზე ნინო ბურჯანაძე გამოჩნდა და განაცხადა, რომ სააკაშვილმა კიდევ ერთხელ გამოხატა სიძულვილი ქართველი ხალხის მიმართ და მას მორალური უფლება აღარა აქვს თავს პრეზიდენტი უწოდოს.

შინაგან საქმეთა პრესცენტრის განცხადებით დარბევის დროს ორი ადამიანი (ერთი პოლიციელი და ერთი მომიტინგე) – ცხადად ქანტურაშვილი... გარდაიცვალა.

გაურკვეველია სად იმყოფებიან ნონა გაფრინდაშვილი, მურმან დუმბაძე, მსახიობი პაპუაშვილი, გია ბურჯანაძე, რეზო ესაძე, ელიზბარ ჯაველიძე და სხვები.

დაპატიმრებულია 200-მდე მოქალაქე.

საავადმყოფოები სავსეა დაჭრილებით და დასახიჩრებულებით.

ტელევიზია წამდაუნუმ აცხადებს უგზოუკვლოდ დაკარგულთა გვარებს.

როგორც იქნა, გათენდა.

რუსთაველზე სისხლი გადარეცხილია, სააკაშვილმა განკარგულება გასცა; 11 საათზე ჩატარდება პარადი, რომელსაც მე – მთავარსარდალი ჩაივბარებო.

ასე „მხიარულად“ შევხვდით 2011 წლის 26 მაისს.

გამოაცხადეს, რომ სასტიკად არიან ნაცემი თემურ შამიაშვილი, ლუკა კურტიანიძე, ლევან გაჩეჩილაძე, ანზორ ბინაძე და სხვები.

27 მაისს პარლამენტის მიმდებარე ტერიტორიაზე იპოვეს კიდევ 3 მიცვალეული, ერთ მათგანს ხელებზე და ფეხებზე ბორკილები ედო. ამკარაა, პოლიციას ისინი ცემის დროს შემოაკვდა და კვალის დასაფარავად იქვე დატოვეს მოსწავლეთა სასახლის ეზოში.

ამრიგად, მსხვერპლთა რაოდენობა ექვსამდე გაიზარდა. მსოფლიოს პრესა და ტელევიზია ერთხმად აღნიშნავს, რომ ხელისუფლებამ პასუხი უნდა აგოს.

სუბიშვილის ანსამბლმა განაცხადა, რომ უარი თქვა 26 მაისის ზეიმზე რუსთაველზე ეცეკვა ხორუმი.

მარჯანიშვილის თეატრში ლონისძიებაზე მისულ სააკაშვილს ერთმა ახალგაზრდა მსახიობმა „მკვლელი“ უწოდა. იგი მაშინვე დააპატიმრეს.

საკაშვილი თითქოს არაფერი მომხდარაო, ძველებურად ყელყელაობს.

ეკრანიდან იღიმება და უკრაინის ტელევიზიის კითხვაზე მიტინგის დაშლის დროს ხომ არ გადაამლაშეთო, პასხუობს, თქვენ ვინ გკითხავთ, ამერიკის ელჩმა ეს საქციელი მომიწონაო.

ვაი ასეთ ქვეყანას და ვაი ასეთ ამერიკის ელჩს.

ირაკლი ბათიაშვილი 28 მაისს გამოჩნდა, კინო „რუსთაველის“ სხვენზე ვიმალებოდით.

28 მაისს რუსთაველის ძეგლთან 5-ათასიანი მდუმარე აქცია გაიმართა სააკაშვილის წინააღმდეგ.

29.V.2011 – 28.VI.2011

2 ივნისს ხელისუფლებამ რუსთაველის კინოთეატრში მისთვის ჩვეული „შოუ“ მოაწყო.

ჩამოიყვანა ჰოლივუდის მსახიობები: შერონ სტოუნი და ენდი გარსია, აგრეთვე რეჟისორი ფილმისა „ავისტოს 5 დღე“, დაახვედრა თავისი მომხრე (მაგრამ უნიჭო) დასი და გამართა ჩვენება ავისტოს ომზე გადაღებული ფილმისა.

ფილმის ჩვენებამდე რეჟისორი გამოვიდა და მისდაუნებურად ახადა ფარდა ფილმის შექმნის ისტორიას.

მაშინ როდესაც მასმედია ავკიკლო: ავისტოს ომით, ე.ი. რუსეთის აგრესიით ჰოლივუდი დაინტერესდაო, აგერ რეჟისორმა განაცხადა: ჰოლივუდში ჩემთან მოვიდა ვინმე ნაყოფია და დიდი ფული შემომთავაზა, რათა რუსეთ-საქართველოს ომზე ფილმი გადამეღო, მე, რასაკვირველია, დავთანხმდი, თუმცა მანამდე არც ამ ომის შესახებ ვიცოდი რამე და გითხრა სიმართლე, არც საქართველო გამეგონაო.

აი, ასე გამოამქარავდა სიმართლე, თურმე ნუ იტყვი, საქართველოს გატყავებით ნაშოვნი ფულით გადააღებინეს ფილმი „ძღვევამოსილი“ ომის შესახებ.

სამთავრობო ტელევიზიები გაჰყვიროდნენ, ფილმი ცნობადმა სახეებმა – მწერლებმა, მხატვრებმა, მსახიობებმა და მუსიკოსებმა ნახესო.

როგორც გაირკვა, არც ერთი ცნობილი, ეროვნულად ღირებული პიროვნება ამ „მოუს“ არ ესწრებოდა.

რაც შეეხება ფილმს, ეს არის ჩვეულებრივი ამერიკული „ვესტერნი“ იაფფასიანი ტრიუკებით სავსე საომარ-მალაყებიანი ფილმი, რომელსაც საერთო არაფერი აქვს საქართველოს ტრადიციასთან.

მაშინ, როცა ქართველი რეჟისორები და მსახიობები შიმშილით იხოცებოდნენ, უცნაურია გვერდი აუარო თვისტომთ და ჰოლივუდს მიაშურო, განა ქართველმა მსახიობმა და რეჟისორმა უკეთ არ იცის, რა დაგვემართა?

5 ივნისს მთელ საქართველოში კოკისპირული წვიმა მოვიდა.

ნიაღვარმა და მენყერებმა როგორც ტელევიზია აცხადებს ქვეყანას 14 მილიონის ზარალი მიაყენა.

14 მილიონს ვინ ჩივის, დაილუპნენ ადამიანები. ჯერჯერობით 7 კაცია დალუპული, მათგან 4 ნაპოვანია, 3-ს უშედეგოდ ეძებენ.

ჩაინგრა გზები, დაინგრა ახალაშენებული დასასვენებელი სახლები და რესტორნები.

ტელევიზიით გამოვიდა ეკოლოგიის ყოფილი მინისტრი ჩხობაძე და გასაყეყჩრებელი რამ განაცხადა:

ოთხი წლის წინ გაუქმდაო სეისმური მდგრადობის და გეოლოგიური დასკვნის გამცემი სამსახურები, ახლა შენობის ასაშენებლად საჭირო აღარ არისო გეოლოგების დასკვნა, მრავალსართულიანი სახლები შენდებოაო ჰაიჰარად, ზოგი მათგანი მენყერულ ზონაშია აშენებული (სვანეთი, რაჭა, იმერეთი, სამეგრელო...) ზოგი კი პირდაპირ ქვიშაზეო (ბათუმი, ანაკლია), ამიტომაც ამ შენობებზე და გზებზე დახარჯული ფული წყალში გადაყრილია. ისინი პირველივე სტიქიური უბედურების დროს დაინგრევაო.

აკი ინგრევა კიდეც.

საქართველოს ტრადიციას დასასრული არ უჩანს.

დღემდე გრძელდება 26 მაისის აქციის მონაწილეთა დევნა-დაპატიმრე-

ბა. დღემდე ციხეში სხედან სოსო ჯაჭვლიანი, ლუკა კურტანიძე, გია ბურჯანაძე და სხვანი.

იბარებენ და აპატიმრებენ ყველას, ვინც იმ დღეს თუნდაც შემთხვევითი რუსთაველზე გაიარა.

ძებნაა გამოცხადებული ნინო ბურჯანაძის ქმარზე ბადრი ბინაძეზე, რომელიც გაქცეულია.

28 ივნისს დავურეკე ჩემს უძვირფასეს მეგობრებს ჭაბუა ამირეჯიბს და ოტია იოსელიანს.

ჭაბუას ჯანმრთელობა, როგორც მისმა თანამეცხედრემ ქ-ნ თამარმა მითხრა, სამი თვეა საგრძნობლად გაუარესდა, თებერვალში გაგვიცივდა და მაღალი სიცხეები ჰქონდაო, ახლა ფეხზე ვეღარ დგება და ძალიან დასუსტებულიაო.

გადაეცი-მეთქი თამრიკო, რომ როგორც არაერთხელ აჯობა სენს, დარწმუნებული ვარ ახლაც აჯობებ ჩემო ჭაბუა-თქო. გამაგრდი, გამხნევედი, ჯერ კიდევ დიდი გზა გვიძევს ნამდვილ, ნორმალურ, მთლიან საქართველოს უნდა მოვესწროთ-მეთქი.

მოგესხენებათ ჭაბუას უკვე 20 წელია ლაპარაკი არ შეუძლია და, რასაც ვეუბნებოდი, დაფაზე უწერდა თამრიკო.

ოტია იოსელიანიც ვერაა კარგად.

მითხრა, ვწევარო, ვუძალიანდები სიკვდილს, სანამ შემიძლიაო.

ახლა შეიძლება იქეთ ყოფნა სჯობდეს, აქეთ ყოფნასო.

მე მგონია არ მკითხავ, რატომაო.

არ გეკითხები ჩემო ოტია-მეთქი, ქვეყანა თავზე რო გვემსობა და ვერაფერს ვშველი ეს მკლავს, თვარა ავადმყოფობა ვერაფერს დამაკლებდა მეო.

ამ მთავრობამ ხალხს სამშობლო შეაძულაო. ვინც ახლა საქართველოს გარეთ ცხოვრობს, იმ მილიონიდან 5 პროცენტს თუ ენატრება საქართველოო.

21-ში გაქცეული ემიგრაციის 47 პროცენტი ნოსტალგიით მოკვდა, დღევანდელმა ემიგრაციამ არ იცის ასეთი ავადმყოფობაო.

ახლახან ავსტრიიდან დავბრუნდი და ვინც ვნახე იქ, ქართველი, არცერთს არ ჩამოუგდია ლაპარაკი შინ დაბრუნებაზეო.

რას შობით მაქანა, ხო ხედავთ, აბუჩად გვიგდებენ, ამეიღეთ ხმა ან თავი დეინვით „თავისუფლების მოედანზეო“. ო, დოუმშვენდათ ცხვირი რავარი მშვენიერი თავისუფლებაც ჩვენ მოგვიტანეს, ოკეანის გაღმელებმაო.

გათახსირებულ „ახალ ქართველებზე“ მაქვს ლაპარაკი, თვარა ამერიკელი დამპყრობელია და დამპყრობელივით მიექცევა, აბა რას იზამსო.

რა უნდა მეთქვა, ოტიას პირით ჭეშმარიტება ლაღადებდა და კვერი დავუკარი.

28 ივნისს საღამოს ტელევიზიამ („არტ“) აზრი მკითხა „საბას“ პრემიის გაცემაზე.

ვუპასუხე, საერთოდ კონკურსი უმადური საქმეა, თუმცა რომ მას ობიექტურის სახე ჰქონდეს, პირველ რიგში ავტორიტეტიანი ჟიური უნდა ჰყავდეს-მეთქი. მეორეც, ეჭვი მეპარება ჟიურის გემოვნებაში და სჯობს,

თუ ფული აქვს, პირდაპირ დაურიგოს ნიჭიერ და ხელმოკლე მწერლებს-მეთქი.

ვნახე 10 საათზე „საინფორმაციო გამოშვება“. ჩემი ათწუთიანი ნაამბობიდან, როგორც მოველოდი, მხოლოდ ერთი ფრაზა დაუტოვებიათ.

ეს „ტელევიზიონშიკები“ სახლში არ უნდა შემოუშვას კაცმა.

„რეიტინგში“ ჯერჯერობით გრძელდება ჩემ დღიურების („ოცი მრისხანე წელი“) ბეჭდვა.

ზოგს მოსწონს, უფრო მეტი იბღვირება, მიზეზი? მეო, ცოტა არ იყოს აგდებულად მიხსენიებო...

მეორენი ბრაზდებიან იმის გამო, რატომ არ მახსენებო საერთოდ.

29.VI.2011-8.VIII.2011 წ.

7 ივლისს ზურაბ ქაფიანიძე დავკრძალეთ დიდუბის პანთეონში.

ქაშუეთიდან გამოვასვენეთ.

ზურაბი დიდი ქართველი იყო. მოღვაწე... მსახიობი. ჭეშმარიტად ქართული სახეები შესძინა ქართულ კინოს და თეატრს.

მახსოვს, ჩემი ნოველებისგან პიესა რომ ჩამოქნა და ქუთაისის თეატრში დადგა.

ზურაბის დაკრძალვაზე ზღვა ხალხი მოვიდა.

არც ერთი „პირი“ საქართველოს ხელისუფლებიდან არ გამოჩენილა.

რატომ? ზურაბ ქაფიანიძე ხომ ოპოზიციონერი იყო და „ოპოზიციონერი მსახიობი ხომ არ შეიძლება კარგი მსახიობი იყოს“.

სამარცხვინოა ასეთი საქართველო.

მკვდარს ანგარიში გაუსწორეს.

სიტყვა არ მისცეს ზურაბის ახლო მეგობარ არტისტებს: თენგიზ არჩვაძეს, გივი ბერიკაშვილს...

რა იყო ეს? გამოუცდელია თუ ცოტა იმაზე მეტი? რალა ზურაბ ქაფიანიძის დაკრძალვა აირჩია ზოგმა თავის გამოჩენის ასპარეზად?

სალამოს ტელევიზიით შევიტყვე, რომ სააკაშვილის პრესცენტრიდან 4 ფოტოგრაფი დაუპატიმრებიათ, ბრალდება? ჯაშუშურ საქმიანობას ეწეოდნენო. ხელისუფლების ზოგიერთი წარმომადგენლის „მაკომპრომეტირებელ“ ფოტოებს აწვდიდნენ მტრულ სახელმწიფოებსო. „ხელისუფლების ზოგიერთ წარმომადგენელში“ ალბათ სააკაშვილი იგულისხმება, „მტრულ სახელმწიფოში“ რაესაკვირველია „რუსეთი“. ალბათ რამდენიმე „უხერხული“ ფოტო ჩვენი პრეზიდენტის „გაყიდეს“ ფოტოგრაფებმა და ამისთვის ისინი ჯაშუშებად გამოაცხადეს.

პატიმრობა 8 და 15 წლამდე შეეფარდებათო, გამოაცხადა გახარებულმა დიქტორმა.

ჟურნალ „გზის“ კორესპონდენტმა დამირეკა ფოტოგრაფების დაპატიმრებაზე რას იტყვითო?

რაც მოვისმინე, ყურით მოთრეული ბრალდებებია. ფოტოგრაფის მოვალეობაა სურათის გადაღება. თუ „მონტაჟია“ გაკეთებული და რეალური არ არის პრეზიდენტს სახელი რომ გაუტეხონ, მაშინ შეიძლება ბრალი დასდონ თორემ როგორ შეიძლება ფოტოგრაფს ჯაშუშობა დააბრალო-მეთქი. ნუ

გაკეთებს სისულელეებს ის, ვისაც სურათს უღებენ და ფოტოგრაფიც არ გადაიღებს-მეთქი. ერთი სიტყვით, რომ გითხრათ, არ მჯერა ფოტოგრაფების დანაშაული-მეთქი, დაახლოებით ასე დაუბეჭდავს კორესპონდენტს ჟურნალში და ქვემოთ მიუწერია; ვისაც დაფურეკე, ისეა ხალხი შეშინებული, რომ ყველამ უარი მითხრა კომენტარზე, გარდა ერთი ორი გაბედული პირისაო.

ოთხშაბათს, 13 ივლისს გარდაიცვალა ოტია იოსელიანი.

ყოველდღე ველოდი ამ ცნობას.

უკანასკნელად 21 ივნისს ველაპარაკე ჩემს ოტიას ტელეფონით, მითხრა ვწვევარო, მაგრამ მძიმედ ვარო არ უთქვამს. საერთოდ ოტიას ნუნუნო და კვენესა არ სჩვეოდა. ამ დღებში გინახულებ-მეთქი, მაგრამ, ვაგლახ, აღარ დამცალდა.

წავიდა „ქართული ლიტერატურის ოთარაანთ ქვრივი“, ასე ვუნოდე მას 80 წლისთავის საიუბილეო მოხსენებაში.

სად დაიკრძალოს?

მე პირადად მიმაჩნია, რომ უნდა დაიკრძალოს მთაწმინდაზე. ამ აზრისაა ზოგი (არა ყველა) ქართველი მწერალიც.

მივმართე მერიას. გულისხმიერმა ყურადღებიაანმა მამუკა ქაცარავამ ქალაქის მერთან შეთანხმებით მაცნობა, რომ დიდუბის პანთეონში დკრძალვა გადაწყვიტეთო.

მთაწმინდა-მეთქი?

მთაწმინდაო – პატრიარქის და პრეზიდენტის გადასაწყვეტიაო.

საპატრიარქოში შორენასთან (პატრიარქის თანამემწე) მივედი.

სამი საათის შემდეგ შორენამ მითხრა (მე პატრიარქთან არ შემიშვეს) პატრიარქის კურთხევაა დიდუბეში დაიკრძალოსო.

დაფურეკე ოტიას ბიჭს – დაჩის.

დაჩიმ, რაკი მთაწმინდა არ ხერხდება, იქნებ ბაგრატის ან გელათის ტაძრების ეზოში დავკრძალოთო.

მივბრუნდი საპატრიარქოში.

კარგა ხნის ლოდინის შემდეგ ამაზეც უარი მივიღე.

შორენამ მიმანიშნა, პატრიარქს ოტია ძალიან უყვარდა, მაგრამ თქვენ მიხვდებით, ბატონო რეზო, რომ ეს გადანწყვეტილება მხოლოდ მისგან არ მოდისო.

ერთი სიტყვით რჩება დიდუბე.

მერიიდან მამუკა ისევ მირეკავს, იქნებ შეათანხმეთ ოჯახთან, ბატონო რეზო, უკვე ტელევიზიით გადანწყვეტილება უნდა გამოვაცხადოთო.

ფურეკავ ისევ დაჩის, დიდი მადლობელი ვართ, ბატონო რეზო შენი და მერიის, მაგრამ აქ ოჯახმა მივიღეთ გადაწყვეტილება, რომ მამაჩემი აქ, ნეალტუბოში თავის ეზოში დაიკრძალოსო.

ამ თემაზე ჩემი კომენტარი ასეთია: ამ ბოლო 10 წლის განმავლობაში არაერთგზის დაირღვა მინისტრთა საბჭოს დადგენილება მთაწმინდაზე გარდაცვალებიდან 20 წლის შემდეგ დაკრძალვის შესახებ. რალა ახლა გახდნენ პრინციპულები პრეზიდენტი და საპატრიარქო? ყველა ყველა და მე ხომ ვიცი, რომ ოტიას (მკვდარს) ანგარიში გაუსწორეს თავისი ოპოზიციონერობის გამო. უკომპრომისო, მებრძოლი კაცი იყო ოტია. მე რომ მკითხოთ



უკანასკნელ წლებში დაკრძალულთაგან იგი ყველაზე მეტად იყო მთანმინ-  
დის ღირსი.

16 ივლისს თამრიკო და სოსო ცინცაძეებმა თავიანთ ახალ ვილაში მხ-  
ატვარ ედიშერ ბარამიძის ნახატები გამოფინეს.

კარგი, მაგრამ დაუფასებელი მხატვარი იყო ედიშერი და მომენონა მის-  
ადმი გამოჩენილი ყურადღება მხატვრის სიკვდილის შემდეგ.

გამოფენაზე გამაცნეს ჩინეთის საელჩოს პირველი მდივანი.

ვისაუბრეთ.

მომწონს-მეთქი ამ ბოლო დროს ჩინეთის აქტიურობა საერთაშორისო  
ასპარეზზე. კარგი იყო, რომ ხელი არ მოაწერეთ ნატოს გადაწყვეტილებას  
ლიბიის დაბომბვის შესახებ-მეთქი.

თქვენგან უფრო მეტს ველით-მეთქი.

ჩინეთი გიგანტი სახელმწიფოა და მომავალი მას ეკუთვნის, იქნებ მიან-  
იწმით რუსეთს, დავგიბრუნოს წართმეული ტერიტორიებ-მეთქი.

თავს მიქნევდა მისებური ჩინური ღიმილით.

19 ივლისს დილის 9 საათზე გავემგზავრეთ წყალტუბოში ოტია იოსე-  
ლიანის დაკრძალვაში მონაწილეობის მისაღებად. თხუთკმეტკაციან ავტო-  
ბუსში ვსხედვართ: მე, მირონ ხერგიანი, დავით ტაკიძე, ბალათერ არაბული,  
ლიდა სტვილია, მზია არველაძე, გურამ ბათიაშვილი, ზაალ ბოტკოველი,  
მზისა ნავროზაშვილი, ვილენ მარდალეიშვილი, მამუკა შვანგირაძე, ვაჟა აზ-  
არაშვილი, ლალი ბრეგვაძე, რეზო ადამია.

გელათში ჩავედით პირველ საათზე.

ტაძარში შუა ადგილას, საკურთხეველთან ახლოს ასვენია ოტია.

დავცქერი მის ცვილისფერ სახეს ფერკმრთალ, დამჭწნარ ხელებს, მისი  
განუყრელი ახალუხი აცვია და სვანური ქუდი ახურავს.

ახალუხის ჯიბეში ოტიას გრძელი მუნდმტუკები ჩანს.

სამოქალაქო პანაშვიდი თერთმეტი საათიდან დაიწყო.

ხალხის ნაკადი არ წყდება.

კუბოსთან დგანან ოტიას შვილები: ქალიშვილი ქ-ნი მანანა, ბაჩი და  
დაჩი. მდივანი – თამუნა.

მე, მაყვალა ტაკიძე და ბალათერი გვერდით ვუდგევართ ქირისუფლებს  
და სამიძმარს ვღებულობთ.

მწერლებიდან თვალი მოვკარი გურამ დოჩანაშვილს, თეიმურაზ ლან-  
ჩავას, ზაალ ებანოიძეს, ავთო ნიკოლეიშვილს, ოთარ ჭუმბურიძეს, დათო  
თედორაძეს, იური ბიბილეიშვილს, შოთა ზოიძეს...

აქვე არიან სახელგანთქმული ჩოხოსნები და საპატიო ყარაულში დგანან.  
გამოჩნდნენ ოპოზიციონერი პოლიტიკოსები: შალვა ნათელაშვილი,  
გოგა ხაინდრავა, ირინა სარიშვილი...

მსახიობები: გივი ბერიკაშვილი, მალხაზ მეტურიშვილი, დათო დვალიმ-  
ვილი და სხვები.

არ ჩანან ხელისუფლების წარმომადგენლები. ქუთაისის გუბერნატორი  
სადაა?

ამბობენ რომ კათალიკოსი აპირებდა ჩამოსვლას, მაგრამ გადააფიქრე-  
ბინესო.



სამ საათზე ოტია გამოვასვენეთ გელათის ტაძრიდან და ნამოვასვენეთ წყალტუბოში.

ოტიას ეზოში მისთვის გაჭრილ საფლავთან, ოტიას ცხედართან სამ-გლოვიარო მიტინგი გაიმართა.

მიტინგის გაძლოლა მე მთხოვეს. ვთქვი, რომ ოტიას მთელი საქართველო დასტორის. ვთქვი, რომ ჩვენ გამოგვაკლდა ერთი ერთგული გუშაგი, ჭემმარიტი ქომაგი ერისა და შეუდრეკელი მეციხოვნე. დღეიდან ქართველი ხალხი განაღდავს გზას ოტიას საფლავისკენ. თაობები მოვლენ ოტიასთან სათათბიროდ და მისგან ისწავლიან ეროვნული ფენომენის დაცვას, ქვეყნის ღირსების დაცვას, სამშობლოს სიყვარულს.

სამგლოვიარო მიტინგზე გამოვიდნენ: მაყვალა გონაშვილი, დავით ტაკიძე, ვაჟა აზარაშვილი, თეიმურაზ ლანჩავა, შოთა ზოიძე, კახაბერ კახაბერიძე, ზურაბ სამუშია და სხვები.

სამგლოვიარო სადელი (ქელეხი) სოფელ ფარცხანაყანეთან, რესტორან „ნატახტარში“ გაიმართა. თამალობდა რეზო ჭეიშვილი.

თბილისში ლამის 11 საათზე დავბრუნდით.

ივლისი უმძიმესი თვე გამოდგა ქართული ეროვნული ინტელიგენციისთვის.

26 ივლისს მცხეთაში ორი მწერალი დავკრძალეთ ნოდარ კეკელიძე და გიორგი გიგაური.

თხელდება ჩვენი რიგები.

ვინ იცის, ვის როდის უხმობს არსთაგამრიგე.

ნორვეგიაში, ოსლოში საზარელი ტრაგედია გათამაშდა:

ჯერ იყო და ამ მშვიდი ქვეყნის ცენტრში დედაქალაქ ოსლოში ნაღმი აფეთქდა, რამაც დიდი ნგრევა გამოიწვია და შვიდი ადამიანი იმსხვერპლა, სამი დღის შემდეგ ტერორისტმა – 30 წლის მარტოხელა მკვლელმა ოსლოსთან ახლოს კუნძულზე ახალგაზრდების საერთაშორისო ბანაკში ოთხმოცამდე ახალგაზრდა სხვადასხვა ქვეყნის წარმომადგენელი ავტომატით დახოცა. ერთი საათის განმავლობაში იგი ნადირობდა შიმისგან აცახცახებულ, ბურქებში მიმაღულ ახალგაზრდებზე და უმოწყალოდ ხოცავდა.

ერთი საათის განმავლობაში ვერავინ შეაჩერა გავეშებული მკვლელი.

ბოლოს თვითონ ჩაბარდა პოლიციას.

ერთ კვირაში გაასამართლეს, ორივე დანაშაული აღიარა.

მოტივი? ეს იყო ჩემი პროტესტი გაუთავებელი მიგრაციის წინააღმდეგო. ევროპა წაღუქეს მუსულმანებმა და ლტოლვილებმაო. ჩვენ უკვე მალე ეროვნული სახელმწიფო აღარ ვიქნებითო. ახლა მალე ნორვეგიელები უმციურესობა გავხდებით საკუთარ ქვეყანაშიო.

ახალგაზრდები რატომ დახოცეო, რომ ჰკითხეს, უპასუხა ბევრი ვწერე ამ საკითხზე, მაგრამ მსოფლიოს პოლიტიკოსების ყურადღება ვერა და ვერ მივიპყარიო. სანამ პირში სული მიდგას, არ დავინდობ ნორვეგიის დამპყრობელ მუსულმანებს და სხვა ჯურის წარმომადგენლებსო.

სასამართლომ 87 კაცის მკვლელს 21 წლის პატიმრობა მიუსაჯა.

21 წელი? ესაა სულ სასჯელი დედამინაზე ამ უსასტიკეის დანაშაულისთვის?

ხომ არ არის ეს ნორვეგიის სასამართლოს უსიტყვო, ირიბი თანაგრძნობა „ეროვნული მკვლელის“ მიმართ?

რა ხდება მსოფლიოში?

ეს ბოლო დღეები ბევრს ვფიქრობ ამ პრობლემაზე. ხომ არაა საჭირო დაფიქრდეს მსოფლიო იმაზე, თუ როგორ შეინარჩუნოს ცალკეული ნაკლებადგამრავლებადი ერები და მაღალცივილიზებული სახელმწიფოები სწრაფდამრავლებადი ერების შემოსევისაგან?

განა ამ დღეში არ არის ჩემი სამშობლო საქართველო?

რა თქმა უნდა, მასობრივი მკვლელის უმკაცრესი დასჯა (მე პირადად მის კოცონზე დანვასაც მოვითხოვდი) აუცილებელია; მაგრამ არც პრობლემის მიფუჩჩეება შეიძლება.

ამ ბოლო თვეებში მსოფლიო უფრო მკაცრი გახდა.

ხომ არ დაიბნა XXI საუკუნის ადამიანი?

ნახეთ რა ხდება ლიბიაში, ეგვიპტეში, სირიაში, ერაყში, ავღანეთში.

ამერიკულ-რუსულ ექსპანსიას რომ თავი გავანებოთ, რა სისასტიკით ებრძვიან თვისტომნი ერთმანეთს.

ახლახან ტრაპიზონში შავი ზღვის ქვეყნების მწერალთა თათბირ-სემინარზე მიმინვიეს.

ვფიქრობ – წავიდე არ წავიდე?

თუ წავალ მხოლოდ ერთადერთი მიზნით, იქნებ ჩემი რომანის თარგმნით დაუაინტერესო ვინმე. 8 აგვისტოს უნდა გავფრინდე ტრაპიზონში.

ჭირვით მეზარება ფრენა.

როდოსზე რომ გავფრინდი, ვთქვი, თუ მშვიდობით დავბრუნდი ეს ჩემი უკანასკნელი ფრენა იქნება-მეთქი, მაგრამ როგორც ჩანს, არ ყოფილა.

ნათქვამია, კაცი ბჭობდა და ღმერთი იცინოდაო.

საერთოდ, მემინია, სანამ თვითმფრინავში ჩავჯდებოდე.

სავარძელში რომ მოვკალათდები და უსაფრთხოების ქამარს შემოვიჭერ, ვმშვიდდები, რადგანაც ვიცი, რომ ვერაფერს შევცვლი.

4 აგვისტოს ორმა ქართველმა ჟურნალისტმა სოჭში ინტერვიუ აიღო რუსეთის პრეზიდენტ მედვედევისგან.

რა ცინიკურად, რა ამაზრზენად, ქართველებისადმი რა ზიზლით ლაპარაკობდა რუსი.

ჩვენაო, ე.ი. რუსეთი ვინც უნდა მოვიდეს პრეზიდენტად ჩემს შემდეგ, თუნდაც ათასი წლის განმავლობაში არ გავაუქმებთ აფხაზეთის და ოსეთის დამოუკიდებლობასო.

ასე რომ „ამაყო ქართველებო“ ამოიღეთ გულიდან ფიქრი საქართველოს ე.წ. გამთლიანებაზეო.

სააკაშვილი, როგორც დამნაშავე საერთაშორისო სასამართლომ უნდა გაასამართლოსო.

საერთოდ კი სააკაშვილი მე უნდა მიმადლოდეს, რომ რუსეთის ტანკები თბილისიდან 25 კილომეტრში შევაბრუნე, თორემ დღეს თქვენი პრეზიდენტი სხვა იქნებოდაო.

სწორად მოვიქეცი 2008 წლის 9 აგვისტოს საქართველოში ტანკები რომ შემოვიყვანე, სააკაშვილი ამერიკაში (კონდოლიზა რაისმა) შეაგულიანა, თო-

რემ ვერ გაბედავდა ცხინვალზე თავდასხმასო. ახლა რომ სენატმა რეზოლუცია მიიღო, არ მაინტერესებს ბებური სენატორების აზრი, რუსეთზეო. ამით მე კავკასიაში მშვიდობა დავამყარე. ეს ფაქტი (ანუ საქართველოს დასჯა) სომხეთისთვის და აზერბაიჯანისთვის ჭკუის სასწავლებელი აღმოჩნდაო.

სალამოს ნინო ბურჯანაძეს მოვუსმინე II არხზე.

მეგონა 26 მაისიდან რამე დასკვნებს გააკეთებდა ქალი, რომელმაც თავისი ამალით მოკურცხლა, ისე ლაპარაკობდა, როგორც მესია, როგორც ტრიუმფატორი.

ჩემი დაცვის წევრები და ჩემი ექსკორტის მძღოლები დააპატიმრესო, ნუნუნებდა, ამ დანაშაულს (ჩემი დაცვის დანიოკებას) ძვირად დავუხვამ სააკაშვილსო. ღმერთო, რა სამარცხვინო სურათია. შენ, ნინო ახლა ხომ აღარა ხარ, პარლამენტის თავმჯდომარე ან პრეზიდენტის მოვალეობის შემსრულებელი, ერთი რიგითი უპერსპექტივო ოპოზიციონერი ხარ, მაშ საიდან ეს დაცვა, ან 5-მანქანიანი ექსკორტი?

თავგაჩეხილ, ღირსებაშელახულ მომიტინგეებს უნდა გადაფარებოდი ნინო, ახლაც მათ უნდა ექომაგებოდე და არა შენი პირადი დაცვის წევრებს.

ასეთი ოპოზიცია გვყავს ჩვენ!

9.VIII – 26.X. 2011 წ.

6 აგვისტოს ქუთაისში ნორვეგიის კუნძულ უტოიაზე დაღუპული თამთა ლიპარტელიანი დაკრძალეს.

თამთა ერთ-ერთი იყო იმ ორი ქართველი გოგონა და, რომელიც ტერორისტის ტყვიამ იმსხვერპლა ნორვეგიაში. მეორე გოგონა – ჩხეტიანი სიკვდილს სასწაულებრივად გადაურჩა.

დაკრძალვაზე პრეზიდენტი სააკაშვილიც მივიდა და უნდა ვთქვა, კარგი სიტყვით ანუგეშა გარდაცვლილის მშობლები.

საკაშვილს ლაპალუპით ჩამოსდიოდა ცრემლი.

მაინც რა ხდება ვერაფრით ამიხსნია.

საქართველოს მაინც რატომ უნდა გაელო ამოდენა მსხვერპლი?

სამედიცინო ექსპერტიზამ დაამტკიცა, რომ ნორვეგიელი მკვლეელი შეურაცხადი არ არის.

კაცმა 81 ადამიანი ჩიტებივით დახოცა და შეურაცხადი არ არის?

„დიდება შენდა, ღმერთო“.

9 აგვისტოს რუსთაველის თეატრის სამხატვრო ხელმძღვანელის თანამდებობიდან გაათავისუფლეს რობერტ სტურუა.

მიზეზი? ქსენოფობიური განცხადებები გააკეთაო.

ბაია ამაშუკელთან ერთ-ერთ ინტერვიუში რობიკომ თქვა – „საკაშვილი სომეხიაო“, მერე დააზუსტა: მე სომხების საწინააღმდეგო არაფერი მაქვს, მაგრამ არ მსურს საქართველოს პრეზიდენტი არაქართველი იყოსო.

ეს ყოფილა სულ მისი „ქსენოფობია“.

„მოუზომავი განცხადებისთვის“ შეიძლება გააკრიტიკო, უსაყვედურო („გაკრიტიკეს კიდეც) დიდ რეჟისორს, მაგრამ მისი მოხსნა რა შუაშია?

ნუთუ იმდენი არ იცის კულტურის მინისტრმა, რომ ამით მან კიდეც უფრო გაამძაფრა ეს თემა.

რობერტ სტურუას „გათავისუფლებას“ რუსთაველის თეატრის პროტესტი მოჰყვა. მითხრეს, რომ გურამ სალარაძის გარდა ყველა მსხაიობმა მოაწერა ხელი საპროტესტო წერილს, რომელიც თეატრის წინ, აქციაზე ნაიკითხეს.

შედეგი? არავითარი, გამოცხადდა, რომ რობერტ სტურუა უკვე დათანხმდა გადავიდეს მოსკოვში ერთ-ერთი თეატრის ხელმძღვანელად.

ვარგა ასე? რატომ ვიმეორებთ მარჯანიშვილის, ახმეტელის, დოდო ალექსიძის, თუმანიშვილის მიმართ დაშვებულ შეცდომებს?

ხომ ხედავთ, ჩვენ მიერ შერისხული მოსკოვმა (ჩვენმა დაუძინებელმა მტერმა) გულში ჩაიხუტა. სხვა მორალური მხარეა რობიკოს ნაჩქარევი გადანყვეტილება გადარუსეთდეს.

მე, როცა უნივერსიტეტიდან ჩემი პოლიტიკური ორიენტაციის გამო გამომაძევა ხელისუფლებამ, მაშინვე მივიღე მოსკოვის უნივერსიტეტიდან შემოთავაზება. ჩვენთა გადმოდის სრულ პროფესიონობას გთავაზობთო, მაგრამ კატეგორიული უარი შევუთვალე.

კაცია და გუნება.

22 აგვისტოს პრეზიდენტმა ოფიციალურად გახსნა ანაკლია, როგორც ახალი საკურორტო ქალაქი. თქვა, შავი ზღვისპირეთში ანაკლიაში ყველაზე კარგი კლიმატური პირობებიაო.

თუ ასეა, ამას რა სჯობს.

31 აგვისტოს კალათბურთში ევროპის ჩემპიონატი დაიწყო.

საქართველოს ნაკრები მთელი თავისი არსებობის მანძილზე პირველად მონაწილეობს ამ ჩემპიონატში.

პირველი შეხვედრა კლაიპედაში (ლიტვა) ბელგიის ნაკრებთან გავმართეთ.

თბილისიდან 2000 გულშემატკივარი გაემგზავრა პრეზიდენტთანად.

მოფუგეთ ბელგიას.

ჭეშმარიტად სახალხო ზეიმი იყო.

მეორე დღეს 1 სექტემბერს რუსეთის ნაკრებს შევხვდით.

ჩვენმა ბიჭებმა რაც შეეძლოთ მოინდომეს თამაშის დამთავრებამდე 5 წუთით ადრე რუსები მხოლოდ 2 ქულით იყვნენ წინ, მაგრამ არა და არ გაგვიმართლა.

წავაგეთ.

ჩვენს კაპიტანს ზაზა ფაჩულიას, რომ იტყვიან „თამაში არ წაუვიდა“.

ერთი ნაბიჯი იყო გამარჯვებამდე და ის ერთი ნაბიჯი ვერ გადავდგით. რას ვიზამთ, ბედი.

2 სექტემბერს ჩვენი საფეხბურთო ნაკრები (მწვრთნელი თემურ ქეცბაია) ლატვიის ნაკრებთან 1-0 დამარცხდა ევროპის პირველობაზე და ჯგუფიდან გასვლის იმედი სამუდამოდ დაკარგა.

სამარცხინო იყო გარემარბი მარცვალაძე. მწვრთნელი რომ ვიყო, მას სამუდამოდ დავითხოვდი ნაკრებიდან.

მოსკოვიდან ჩამოვიდა ჩემი მეგობარი უნიჭიერესი ესეისტი მურმან ჯგუბურია.

3 წელი უფასოდ ცხოვრობდა პერედელკინოში, ასე რომ მოსკოვის მწერალთა კამერიმა დიდი პატივი სცა.

მონყენილია, საეჭვოდ გამხდარია ჩემი მურმანი, ღმერთმა კარგად მი-  
მყოფოს.

31 აგვისტოს მესტუმრა ნიჭიერი მწერალი ვახტანგ ჭანკოტაძე.

მე იშვიათად შემხვედრია ასეთი კეთილშობილი კაცი და, რაც მთავარია,  
ღრმა პროფესიონალი.

მისი რამდენიმე კარგი წიგნი ადრეც მქონდა ნაკითხული, მაგრამ ახლა  
გამაოცა იმით, რომ მომიტანა ორი რვეული შენიშვნებით სავსე.

სტრიქონ-სტრიქონ წაუკითხავს ჩემი რომანი „ჩურჩულს გადაჩვეული  
კაცი“ და „მწერალი და მოგზაური ზურგჩანთა“ – დამჯდარა და ყველა  
გრამატიკულ-ორთოგრაფიული შეცდომა, ყველა კორექტურა ამოუწერია,  
ვინ გაგინევს დღეს ასეთ დიდებულ სამსახურს. ამ უანგარო კაცს არ ვიცი,  
როგორ გადაუხადო მადლობა, 80 პროცენტი ამ შენიშვნებისა სწორია, რა-  
საც უსათუოდ გავითვალისწინებ წიგნების შემდგომი გამოცემის დროს.

აგაშენა ღმერთმა, ჩემო ვახტანგ.

15 სექტემბერს გალაკტიონის მუზეუმში ოლია ოკუჯავას დახვრეტის 70  
წლისთავისადმი მიძღვნილი საღამო გავმართეთ.

მომხსენებელმა ექიმმა ხუტა პაჭკორიამ დოკუმენტალურად გაგვაცნო  
გალაკტიონის მეუღლის დახვრეტის მთელი ისტორია.

ბერია სტალინს წერს: სადაცაა ორიოლში გერმანელები შემოვლენ, იქ  
პოლიტპატიმრების ციხეა და გთხოვთ თქვენს განკარგულებას, რათა ყველა  
პოლიტპატიმარი დახვრიტონ, რადგანაც ისინი რომ ჰიტლერელებს ჩაუვარ-  
დეს ხელში შეიძლება ჩვენი სანინალმდეგო პროპაგანდისტების გამოიყენო-  
ნო, 1942 წელია.

სტალინი თანხმობის ნიშნად ხელს აწერს. სტალინის ქვემოთ ვოროში-  
ლოვის, კაგანოვიჩის, მოლოტოვის, კალინინის, ბუდიონის და სხვათა ხელ-  
მოწერებია.

პოლიტიკურ პატიმართა შორის იყო ოლა ოკუჯავაც.

და ისინი დახვრიტეს, დახვრიტეს სულ 233 პატიმარი და იქვე საძმო  
საფლავში ჩაფლეს, ზედ ტრაქტორით მიწა მიაყარეს რომ კვალი ნაშლილიყო.

სხდომა მე მიმყავდა. გამოვიდნენ ნატო გაბისონია, ვახტანგ ჯავახაძე,  
ნოდარ ტაბიძე, გიზო ზარნაძე, გია ხოფერია, არჩილ მიქელაძე, ბონდო კო-  
პაძე და სხვები.

საღამო ფრიად შთამბეჭდავი გახლდათ. ტელევიზიამ, რასაკვირველია,  
არ გადაიღო. ასეთი რამეები ტელევიზიას არ აინტერესებს.

16 სექტემბერს ამირან შალიკაშვილმა სეზონი გახსნა. მშვენიერი  
სპექტაკლია „კრიმანჭული“.

იქვე საღამოზე საბოლოო სიტყვაში ვთქვი: სანამ ცოცხალი ვარ ათას-  
ჯერ უნდა გავიმეორო, რომ ნაწყენი ვარ გალაკტიონის ბოლო ცოლზე –  
ნინო კვირიკაძეზე და თვით ნოდარ ტაბიძეზე-მეთქი. როგორ გაანადგურეს  
და გადაყარეს ისე გალაკტიონის პირადი ნივთები, რომ მე მიხდება გალაკ-  
ტიონის პორთფელის ყიდვა 200 დოლარად ვილაც სომხისგან და ვახტანგ  
გურგენიძის არქივიდან გალაკტიონის კოსტუმის დიდი ვაინაჩრობით მოპ-  
ოვება-მეთქი.

ნოდარ ტაბიძემ თავი ჩაქინდრა.

ბონდო კოპაძემ მაჩუქა გალაკტიონის 120 წლისთავისადმი მიძღვნილი კრებული, გაკეთებულია გემოვნებით, ტექნიკურად სრულყოფილად, ოღონდ რედაქტორი გურამ ბენაშვილია.

ჯანსუღ ჩარკვიანს 80 წელი შეუსრულდა.

ჯანსუღი ნიჭიერი, დაულალავი და ფუტკარივით მოფუსფუსე პოეტია.

მისი ლექსები „მწყურვალისათვის“, „ბეთანია“, „მე ვიცი ძმაო“, „სოლტრამონტო – მზის ჩასვლა“, და კიდევ რამდენიმე – ზეპირად ვიცი.

დიდხანს „ცისკრის“ რედაქტორი იყო და მისი მთავარი დამსახურებაა „დათა თუთაშხიას“ გამოქვეყნება.

ჩემთვის ჯანსუღი გარდა მისი პოეტური თუ საზოგადო მოღვაწეობისა, იმიტაც არის ღირებული, რომ უსაყვარლესი ირმა ჩხეიძის მეუღლეა, უნიჭიერესი თამუნა და მამუკა ჩარკვიანების მამაა და გასაოცარი დაუჯერებელი ირმა გაგნიძის ბაბუაა.

19 სექტემბერს გარდაიცვალა გიზო ნიშნიანიძე. გიზოს იუმორის გრძნობა ჰქონდა. წერდა ფელეტონებს და ლექსებსაც, თბილისის კოლორიტი თუ ვინმეზე ითქმის ცოცხლად დარჩენილთაგან, სწორედ რომ გიზო იყო. კარგად მღეროდა. ხშირად გვიმღერია ერთად. საკანდიდატო დისერტაცია რომ დაცივა, მისი ოპონენტი გახლდით. პირველი ნიგნის „სიცილის სამყაროში“ წინასიტყვაობაც დავუწერე, გულიანი კაცი იყო გიზო. მშვენიერი ლიტერატურული მონტაჟი შეადგინა, სახელწოდებით „პემანი ვერაზე“. საჩხერეში, სუფრაზე ლექსს ამბობდა და უცებ ნაქცეულაო, მითხრა მისმა დისშვილმა რამაზ ხუროძემ. „მწერლის გაზეთი“, რომელიც უკვე იბეჭდებოდა, გავაჩერე და სამგლოვიარო განცხადება გამოვაქვეყნე მწერალთა კავშირის სახელით, ძალიან მეწყინა გიზოს წინსვლა.

20 სექტემბერს მურმან ჯგუბურია მესტუმრა. დიდხანს ვისაუბრეთ ჩვენი ქვეყნის უბედო ბედზე და ლიტერატურაზე, რომელიც ხელიდან გვეცლება. წამიკითხა თავისი რამდენიმე ესე. მაღალი გემოვნების მქონე, ჭეშმარიტი პროფესიონალია მურმანი. ძალიან მიქო ჩემი “ჩურჩულს გადაჩვეული კაცი”, გამხდარია, თავს სუსტად ვგრძნობო. სამ ჭიქაზე მეტი არ დალია. უბინაოდაა. სადღაც ბინა დავიგირავეთო, მითხრა.

28 სექტემბერს სამების ტაძარში ჯანსუღ ჩარკვიანის 80 წლისთავის იუბილე ჩატარდა.

80 წლის ჯანსუღი კარგად ვაჟკაცურად გამოიყურება.

მაყვალამ პირველი სიტყვა მე მომცა.

ვთქვი: ჯანსუღმა ისეთი პოლიტიკური ლაბირინთები გამოიარა, რომ მის ადგილზე სხვა შეიძლება დაბნეულიყო, მაგრამ ჯანსუღმა კარგად იცოდა, რომ “მთავარი მაინც მამული არი”.

ჩვენ, ჩემო ჯანსუღ, დამარცხებული მწერლები ვარ-თმექთი, რადგანაც ჩვენს ერს ვერ მოვუტანეთ ნანატრი დამოუკიდებლობა, ვერ დავიბრუნეთ წართმეული ტერიტორიები და ისიც ვერ შევძელით, რომ ჩაძინებული ერი გამოგვეღვიძებინა და ერთ მუშტად შეგვეკრა-მეთქი.

მაგრამ ის მაინც მოვახერხეთ, რომ ილიასგან და აკაკისგან მემკვიდრეობით გადმოცემული თავისუფლების წყურვილი შეგვენარჩუნებინა ჩვენი ერისთვის-მეთქი.



ჯანსუღ, როცა უნდა შეგხვდეს და გკითხო, როგორ ხარ, შენ ყოველთვის მპასუხობ – „ცუდად“. დიახ, ჩვენ ცუდად ვართ-მეთქი, და ჩვენი ცუდად ყოფნის მიზეზი კარგად მოგესხენებათ-მეთქი!

ჩვენ ახლა ისეთ ეპოქაში ვცხოვრობთ, რომ ამ ეპოქისთვის ტიპიურია „მეცეტროში“ ხშირად გამოვრებული კლიპი, როცა ჟურნალისტი გოგონა მობრუნდება და მის უკან შეჩერებულ საეჭვო ჩრდილებს მიმართავს. რა გინდა, რას მომსდევ, რა გინდა, რატომ მომსდევ?

იუბილეს დაესწრო უწმინდესი და უნეტარესი, მან დალოცა ჯანსუღი და მისი პოეზია.

ფრიად ამაღლევებელი სალამო იყო.

ჩემს გარდა გამოვიდნენ: როინ მეტრეველი, რეზო ამაშუკელი, დათო ტაკიძე, ვაჟა აზარაშვილი, გენო კალანდია და სხვები.

მეორე დღეს ჯანსუღმა დამირეკა, დიდი მადლობა, დიდებული სიტყვა მითხარი, არ მეგონა, თუ ასე გიყვარდიო.

გარდამეცვალა მამაჩემის მკვიდრი ბიძაშვილი აპოლონ (ჟორა) მიშველაძე.

91 წლის გახლდათ. ბოლო რვა წელი ბრმა იყო და სანოლზე მიჯაჭვული.

ჟორა ბიძია 1941-45 წლების მსოფლიო ომის მონაწილე, უამრავი მედლის და ორდენის კავალერი, მთელი სიცოცხლის მანძილზე მასწავლებლობდა. თარგამეულის (ჩვენი მშობლიური სოფელი) და გურძემის სამშალო სკოლებში გეოგრაფიას ასწავლიდა. უაღრესად განათლებული და ენამოსწრებული კაცი იყო, იუმორის გრძნობით სავსე. ცოლი ადრე გარდაეცვალა, 3 ვაჟი დარჩა. ერთი ცოლშვილიანია, 2 უცოლშვილო.

ჩავედით დაკრძალვაზე ოთხივე დედამამშვილი (ნათელა, მე, გოგი, ბორისი).

კარგა ხანია არ ვყოფილვარ თარგამეულში და ჩემი ბავშვობის სანახების ხილვამ ცრემლი მომგვარა. თარგამეული ულამაზესი სოფელია – მწვანე ხუჭუჭა მთებით, ლურჯი წყალ-ჭალით, ეკლესიებით და უძველესი ციხე-გოჯით (აქაურები „ჯიხას“ ეძახიან). სოფელს შუაზე ყოფს ლაჟვარდისფერი სარკესავით გამჭვივალე მდინარე ტეხური (და არა „ტეხურა“, როგორც ზოგიერთები შეცდომით ეძახიან). გული მომიკლა გაღარიბებული, ლამის გაპარტახებული სოფლის ხილვამ, დაცლილია სოფელი თითქმის. ბალახს გადაუვლია ეზოებზე. სოფლის გამგებელმა მინის ნაკვეთის საკუთრების მონიშნა გადმოცა.

თურმე (მე არ ვიცოდი) 70 რომ შემისრულდა, მარტვილის გამგეობას ჩემთვის, როგორც ძირძველი მარტვილელისთვის, გამოუყვია მინის ნაკვეთი და საბუთი ახლა გადმომცეს, ორი წლის შემდეგ ჩემმა ბიძაშვილებმა. სადაა საშუალება თორემ ბედნიერი ვიქნებოდი, ერთი პატარა ფაცხა ჩამადგმევინა მამა-პაპის ნაფუძარზე.

7 ოქტომბერს თბილისში საფრანგეთის პრეზიდენტი ჩამოვიდა, აღტაცებულ „ბედნიერ ქართველობას“ სარკოზიმ ფრანგული დიპლომატიით დაზუზულული სიტყვებით მიმართა. რა კარგაო რომ პრეზიდენტი და მისი მეუღლე სანდრა ფრანგულად ლაპარაკობენო, მეო ვადასტურებ ჩემს მხარდაჭერას საქართველოს ტერიტორიული მთლიანობის მიმართო.



რაც შეეხება რუსეთს, საფრანგეთი რუსეთს მეგობრად მიიჩნევს და მოეუწოდებ საქართველოს პრეზიდენტს გამოძებნოს რუსეთთან საერთო სამეგობრო ენაო. ჩვენ და გერმანია მტრები ვიყავით, მაგრამ დე გოლის და აღენაუერის ძალისხმევით დღეს მეგობრები ვართო.

ერთი სიტყვა არ უთქვამს იმაზე, რომ რუსი ოკუპანტია, სასურველიაო, რომ აფხაზეთში და სამაჩაბლოში ევროპელი დამკვირვებლები შევიდნენო, ასევე ლტოლვილებს უფლება უნდა მიეცეთ დაბრუნდნენ თავიანთ სახლებშიო...

არავითარი კატეგორიული მოთხოვნა: რუსმა ჯარისკაცმა დატოვოს საქართველოს ტერიტორია, არავითარი იმედის მიცემა, რომ საქართველო უახლოეს ხანში გახდება ევროკავშირის ან ნატოს წევრი – სარკოზის მხრიდან არ ყოფილა, იგი გველაპარაკა ისე, როგორც მდიდარი, გალალეზული კაცი თავის ღარიბ ნათესავს დაელაპარაკება.

ამ დღეებში გამოცხადდა რომ ბიძინა ივანიშვილი პოლიტიკაში მოდისო. იგი ქმნის პოლიტიკურ პარტიას და აპირებს იბრძოდოს პარლამენტში შესასვლელად და აქედან პარლამენტის თავმჯდომარის ან პრემიერ მინისტრის პოსტისთვის.

მირეკავენ ჟურნალისტები, რა აზრის ხარო.

ბიძინამ დაამტკიცა თავისი მოღვაწეობით, რომ ეროვნული კაცია, მან არაერთი დიდი საქმე გაუკეთა ქვეყანას, ამიტომ მის მოსვლას ხელისუფლებაში მე პირადად მივესალმები-მეთქი, ვპასუხობ.

მე, პირადად, გულის სიღრმეში მაინც შიშით ვუცქერი ამ ამბავს.

რა მოხდა? 7 მილიარდის მქონე კაცმა, რომელიც უზრუნველად ცხოვრობდა, ერთბაშად სასწორზე რატომ დადო თავისი ქონება, მდგომარეობა და სახელი?

მან ხომ ყველაფერი კარგად იცის. მან ხომ ისიც კარგად მოეხსენება, რომ საქართველოში ობიექტური, გაუყალბებელი არჩევნები კიდევ 100 წელი არ ჩატარდება.

იგი ვინმესთან მოუთათბირებლად, პოლიტიკური გარანტიების გარეშე ამ ნაბიჯს არ გადადგამდა.

მისი განცხადება აბსოლუტურად რადიკალურია.

მიაჩნია, რომ სააკაშვილი დალუპვისკენ მიაქანებს საქართველოს.

ნუთუ ბიძინამ თავისი ხელით დაწერა ეს განცხადება? არ ეშინია რომ პატარკაციშვილის გზას გაუყენებენ? დიდი გაბედულებაა მისი გამოსვლა.

7,8,9 ოქტომბერს „თბილისობა“ ჩატარდა.

ამაიმუნებენ, აპაპუასებენ ხალხს.

ბრაცაბრუცი, ცეკვა-თამაში, მანჭვა-გრეხა, ბედნიერი ცხოვრების ილუზია...

გულისამრევია საწნახელში ჩამდგარ, ყურძნისმწურავ ჩინოვნიკთა უსირცხვილოდ მომღიმარი სახეების ყურება. გარეთ, ქუჩაში როგორ გავიდოდოდი.

ნეტავ, ტელევიზორიც არ ჩამერთო.

22 ოქტომბერს რამაზ ჩხიკვაძე დავკრძალეთ დიდუბის პანთეონში.

რამაზი დიდი არტისტი იყო.

ვერიკოს, ხორავას, ვასაძის, ზაქარიაძის, გომიაშვილის, უშანგი ჩხეიძის მასშტაბის არტისტი რამაზ ჩხიკვაძე 60 წლის მანძილზე ამშვენებდა ქართულ თეატრს.

მისი აზდაკი („კავკასიური ცარცის წრე“) სცენური ხელოვნების შედეგია.

ბიძინა ივანიშვილის წინააღმდეგ, როგორც მოველოდი, პროვოკაციები დაიწყო.

ამჟამად, ღია ომი გამოუცხადეს ცნობილ ქველმოქმედს – ჯერ მოქალაქეობა წაართვეს (?!), მერე დაცვა განუიარაღეს, მერე ბანკი „ქართუ“ საიდანაც მთელი ქართული ინტელიგენცია სულს ითქვამდა, დღისით, მზისით დაუყაჩაღეს.

კაცი, რომელმაც სამების ტაძარი ააშენა, 300 ეკლესია-მონასტერი გაარემონტა, ჯავახიშვილის სახელობის უნივერსიტეტი, რუსთაველის თეატრი, მარჯანიშვილის თეატრი, საჯარო ბიბლიოთეკა დანგრევას, ივარქმნას გადაარჩინა, კანონგარეშე გამოაცხადეს და საქართველოდან გაძევებას უპირებენ.

26 ოქტომბერს პრეზიდენტმა თავის მომხრეთა თათბირი გამართა ბათუმში და ბიზნესმენებს დაავალა, ჩვენ რომ უფროსი თაობის წარმომადგენლები პანლურის ცემით გავაგდეთ დაწესებულებებიდან, კეთილი ვინებოთ, ბოდიში მოვუხადოთ და დავასაქმოთო.

„მამათა რბევიდან“ 8 წელი გავიდა, დამსახურებულ ადამიანთა დიდი ნაწილი ცოცხალი აღარ არის, ზოგი შიმშილით მოკვდა და ზოგს შეურაცხყოფის გამო გული გაუსკდა.

კარგი დროა, თქვენ არ მომიკვდეთ, სინანულის თითზე კბენისთვის.

ხომ არ ჰგავს ეს „უკან მიდევნებული ლამპარი“ იმ მოლას იგავს, შიმშილით რომ მოკლეს და მერე უკანალში ბრინჯს ატენიდნენ.

ამ დღეებში აჯანყებულებმა მოკლეს ლიბიის პრეზიდენტი კადაფი. გვიჩვენეს რა ჟინით და ხარხართ კლავდნენ ადამიანები კაცს, ვინც 42 წელი მართავდა ლიბიას, არა, არა ადამიანი ჯერ კიდევ სისხლისმსმელი ცხოველია.

27.X.2011 – 1.I.2012

1 ნოემბერს ბიძინა ივანიშვილმა პრესკონფერენცია ჩაატარა.

ივდა 200 ჟურნალისტის წინაშე გამხდარი, ფერგაცრეცილი საჩხერელი კაცი. სულ არ ჰგავდა მილიარდელ „მაგნატ-ურჩხულს“, როგორც ხატავენ ამ ბოლო დროს, მხოლოდ და მხოლოდ იმის გამო რომ პოლიტიკაში ჩაერთო.

ამჟამად ლელავდა, ცოტა შეშინებულიც იყო, მაგრამ მის პასუხებში იგრძნობოდა ძლიერი ნებისყოფა და თვითრწმენა, მეო, თქვა, პოლიტიკაში ჩავერთე ჩემი სურვილის საწინააღმდეგოდ, არ ვაპირებდი ამ ნაბიჯის გადადგმას, მაგრამ 2008 წლის აგვისტოს შემდეგ განვითარებულმა მოვლენებმა დამანახა, რომ სამშობლო ხელიდან მეცლებოდაო.

წამოესივნენ ბიძინას „რუსთავი 2“-ის, „იმედის“ და I არხის ჟურნალისტები წინასწარმომზადებული პროვოკაციული კითხვებით: „რა საერთო გაქვთ კრიმინალურ სამყაროსთანო“.

„ხართ თუ არა რუსეთის აგენტიო“.

“რატომ აფინანსებდით სისხლისმსხმელ ლებედსო“

(რა თქმა უნდა, არავის უკითხავს, რატომ აფინანსებდი სააკაშვილსო).

ყველა კითხვას დამაჯერებლად, არგუმენტების მოშველიებით უპასუხა.

მერე სახელისუფლებო არხების წარმომადგენლები ლამის ხელჩართულ ჩხუბზე გადავიდნენ.

მიკროფონის ხელში ჩასაგდებად გამართული ზედახორით სურდათ პრესკონფერენციის ჩაშლა, მაგრამ ველარ მოახერხეს.

აღმოვაჩინე, რომ ბიძინას იუმორის და ირონიის გრძნობაც საკმაოდ აქვს.

საოცრად უხდება ღიმილი და სიცილი.

რომ გაიცინებდა, სახე რალაცნაირი, შინაგანი შუქით უნათდებოდა ხოლმე.

მე, შეიძლება, მის ადგილას სიცილს საერთოდ გადავეჩვეოდი, ისე უტიფრად ესხმის თავს რეჟიმი ყოველდღიურად.

წართვეს მოქალაქეობა, დაუყარაღეს ბანკი „ქართუ“, აუკრძალეს მეცნიერებისთვის და ხელოვნების მუშაკებისთვის ფინანსური დახმარება, განუიარაღეს დაცვა და ა.შ.

მწერალთა განცხადება ბ. ივანიშვილისთვის მოქალაქეობის აღდგენის შესახებ „ასავალ-დასავალის“ 7 ნოემბრის ნომერში დაიბეჭდა. რედაქციის მინანქრით: „ხელმოწერები გრძელდება“.

არ შეიძლება ქვეყნის ჭირისუფლად მიგაჩნდეს თავი და დღეს ბიძინა ივანიშვილს გვერდით არ დაუდგე.

ბიძინას ქარიზმა მის უბრალოებაშია.

ოცდაათი წლის განმავლობაში ენეოდა იგი განსაცვიფრებელ ქველმოქმედებას (მარტო სამების ტაძრის აშენება რად ღირს) და ყველას კატეგორიულად უკრძალავდა მისი სახელის გახმაურებას, ჩრდილში დგომას არჩევდა. განა ეს თავმდაბლობა სამაგალითო საქციელი არ არის სხვათა კეკლუცობის და ტელეპრანჭიობის ფონზე?

5 ნოემბერს დავკრძალეთ დიდებული კომპოზიტორი, სამაგალითო მოქალაქე შალვა დავითაშვილი.

უნივერსიტეტში 27 ოქტომბერს საერთაშორისო ურთიერთობების IV კურსის სტუდენტებთან ლექცია ჩავატარე მიმდინარე პოლიტიკურ მოვლენებზე და სხვათა შორის, ვკითხე: „როგორ აფასებთ მუამარ კადაფის მოკვლას აჯანყებულთა მიერ-მეთქი“.

42 სტუდენტიდან ერთის გარდა ყველამ გულწრფელად განაცხადა: ეს საზიზღარი სანახაობა იყოვო, ტელევიზიით სისხლიანი კადაფი რომ გვიჩვენეს, გული შეგვეკუმშაო.

მხოლოდ ერთმა გოგონამ განაცხადა – ძალიანაც კარგი ფაქტია, მომენონა, რაც დაიმსახურა ის მიილოვო.

შემადრწუნა სტუდენტი გოგონას ამ პასუხმა.

საიდან მოვიდა მის არსებაში ჩაბუდებული ეს საღიზმი?

მე ვთქვი, სტუდენტებო, ცრემლი მომადგა სისხლში მოსვრილ კადაფს რომ ვუყურებდი-მეთქი.

როგორ შეიძლება ლინჩის წესით გასამართლება მოვიწონოთ-მეთქი. დამეთანხმნენ.

ბიძინას ერთ-ერთ ნაკლად იმასაც უძებნიან, რომ ქველმოქმედება ქველ-მოქედებად, მაგრამ მრენველობა რატომ არ ააღორძინაო, სოფლის მეურ-ნეობას რატომ არ უშველაო. თურმე ყველაფერი ბიძინას უნდა გაეკეთებინა და სხვებს მარტო უნდა ეზეიმა, ექეიფათ და ეგრიალათ. ივანიშვილის მიერ გაკეთებულზე მხოლოდ ლენტეხი უნდა გაეჭრათ.

ერთი ჭკვიანური კითხვა დასვა ეკა კვესიტაძემ: ბიძინა ივანიშვილი ბი-ზნესმენია – მმართველია, მენეჯერია სხვების ერთპიროვნული დამქირავე-ბელია და როგორ მოხდება მისი „გადაკეთება“ საჯარო მოსამსახურედო.

პრეზიდენტი იქნება თუ პრემიერ-მინისტრი, ხომ თვითონ იქნება ხალხ-ის მიერ დაქირავებული და იქაც ხომ არ გაყვება კატეგორიულობა და ერთ-პიროვნული მმართველის თვისებებიო?

ერთპიროვნული მმართველის და უზურპატორის თვისებები სხვას რომ აქვს ისეთი უნდა. ბიძინას კი კარგად აქვს გათვითცნობიერებული, რომ პროფესიონალი პოლიტიკოსი არ არის და შეიძლება ზოგი რამ შეეშალოს, ამიტომაც მისთვის ზოგჯერ შეცდომის აღიარება და უკანდახევაც არაა უცხო. მაგალითად, მან უკან დაიხია თავის პირველ წერილში „მაესტროსა“ და „კავკასიის“ მიმართ გამოთქმული შენიშვნების გამო. ამ შემთხვევაში გა-დავაჭარბეო, აღნიშნა.

რაც მთავარია ბიძინა ტელევიზიაზე, თავის გამოჩენაზე დახარბებული კაცი არ არის.

ერთსაც შენიშნავენ ოპონენტები ბიძინას: არ შეიძლება ერის გახლეჩვა. რა ნიშნის გამო არჩია მან ყველაზე მხდალი და უპრინციპო პარტია – რეს-პუბლიკელებიო.

მეც ასე ვფიქრობ; სჯობდა ეთქვა ყველა პატრიოტთან, სამშობლოს გადარჩენის მსურველ ყველა ოპოზიციურ ძალასთან ვითანამშრომლებო. ამ ბოლოს ამ „გაქცეული სიტყვის“ გამოსწორებაც სცადა.

ასე რომ ბიძინა მესია არ არის. იგი ერთი ჩვეულებრივი ქართული ფენომენის მოყვარული კაცია და ღრმად ვარ დარწმუნებული ერის „გონებას და სინდისს“ ინტელიგენციას არ დაანიოკებს სააკაშვილივით, მწერლობას, ხელოვნებას დაეხმარება ისე, როგორც შეიძლება.

9 ნოემბერს ოთარ რამიშვილის ქვრივმა გულნაზიმ დამირეკა. ტიროდა. შენაო ოთარს განსაკუთრებით უყვარდიო. მასსოვს პირველად დისიდენტო-ბის დროს შენ უწინამძღვრე მის სალამოს ფილარმონიის თეატრშიო. პირვე-ლი ნიგნის წინასიტყვაობაც შენ დაუნერეო. 14 ნოემბერს ორმოცი გვაქვს და უნდა მოხვიდეო.

როგორ არ მივალ.

12 ნოემბერს თ. ჩალაბაშვილი მართავს თავის შემოქმედებით სალამოს. თუ ფეხზე ვიქენი მოვალ-მეთქი, დავპირდი.

ნოემბერი იუბილევების თვეა: 16 ნოემბერს სამების ტაძარში ჭაბუა ამირეჯიბის 90 წლისთვის იუბილეს ვმართავთ. ბიძინა ივანიშვილი დავპატი-ყუ. არ ვიცი, მოვა თუ არა. სიტყვის თქმა უნდა ვთხოვო ჯანსუღს, ანზორ აბულაშვილს, როინ მეტრეველს, ლია სტურუას და სხვებს.

17-ში გალაკტიონის 120 წლისთავის იუბილეა.  
ნოემბრის ბოლოს ვაჟას 150 წელი უნდა აღვნიშნოთ.  
კულტურის სამინისტრომ არც ერთი კაპიკი არ გამოგვიყო.

16 ნოემბერს სამების ტაძარში ჭაბუა ამირეჯიბის 90 წლისთავის იუბილე გავმართეთ.

სალამოს 7 საათზე დავიწყეთ, სიცივის და ღამის მიუხედავად ბევრი კაცი დაესწრო იუბილეს.

მაყვალამ გახსნა.

მოხსენებით გამოსვლამ მე მომიწია.

ვთქვი, რომ მიუხედავად მუდმივი დევნა-თვალთვალისა ჭაბუამ სუფთად გამოიარა ეს ზიგზაგებიანი წუთისოფელი.

იგი დღესაც ეროვნული ლაშქრის მთავარსარდალია.

დღეს ჭაბუა – ბერი დავითი თავის სახლშია. სამების ტაძარი მისი სახლიც გახლავთ. ლოცულობს 90 წლის ბერი დავითი თავის სენაკში საქართველოსთვის.

ღმერთმა ინებოს და აუსრულოს მას ოცნება – მოასწროს ჭეშმარიტად თავისუფალ, მთლიან ერთ მუშტად შეკრულ საქართველოს.

გამოვიდნენ ჯანსულ ჩარკვიანი, ოთარ მეღვინეთუხუცესი, გიზო გაბისკირია, მურმან ჯგუბურია, ბადრი ქუთათელაძე, როინ მეტრეველი, გენო კალანდია, რეზო ადამია, ელგუჯა ლებანიძე, ჯემალ აჯიაშვილი, ნათია ავსაჯანიშვილი, დავით ჩხეიძე და სხვები.

ბოლოს ჭაბუას თანამეცხედრე, დიდებული თამარ ჯავახიშვილი გამოვიდა და წაიკითხა ჭაბუას სამადლობელი სიტყვა.

ინფორმაცია იუბილის შესახებ არცერთმა არხმა არ მისცა „მაესტროს“ გარდა.

როგორც იქნა, ღვთის შეწევნით გავხსენით ჩემს სახლთან მდებარე ეკლესია რომლის პროექტიც ამ ხუთი წლის წინ მე თვითონ დავხაზე და მშენებლობასაც რაც შემეძლო ვეხმარებოდი.

19 ნოემბერს ახალგაზრდა მღვდელმა იოანემ პირველი პარაკლისი გადაიხადა და დალოცა ეკლესია.

უნდა გენახათ ჩემი მეზობლები რა ერთსულოვნად გამოცხადდნენ წირვაზე, იდგნენ ისინი გაცისკროვნებული სახეებით და წამდაუნუმ პირჯვარს იწერდნენ იმის მოსანანიებლად ხომ არა, რომ მიუხედავად ჩემი მრავალგზისი თხოვნისა სერგო და გიორგი მელაძეების გარდა არცერთმა კაპიკი არ გაიღო, რათა მშენებარე ეკლესიას შეწეოდა.

წირვის დასასრულ მამა იოანემ გამოაცხადა: ღვთის სახელით მადლობა მინდა ვუთხრა რევაზ მიშველაძეს და მამა-შვილ მელაძეებს, რომლებიც ყოველდღიურად გვეხმარებოდნენ და გვამხნევებდნენ.

გახსნის დღეს მე, ჩემი მხრივ, წმინდა გიორგის ხატი შევწირე ეკლესიას ასეთი წარწერით:

სულიერო მამაო, იოანე,

სულიერო დანო და ძმანო,

სულიერო შვილებო

მე, ცოდვილი რევაზ მიშველაძე, წმინდა გიორგის ამ ხატს შემოვწირავ

ჩვენს ახალგაზნავილ ეკლესიას, რათა წამებული რაინდი მეოხ გვეყოს ჩვენ და ილოცვიდეს სულისა ჩვენისათვის“.

ზვიად გამსახურდიას დროის გენერალურ პროკურორს ვაჟა აბაკელიას 60 შეუსრულდა.

ვაჟა ჩემი ახლობელია. ჩვენი მამები მარტვილში, სოფელ თარგამეულში დაიბადნენ და გაიზარდნენ ულამაზესი ტყეურის პირას. გარდა ამისა ჩვენ ნათელმძროინთა ც ვართ ერთმანეთთან დაკავშირებული. ვაჟა ნიჭიერი იურისტი და უანგარო, პატიოსანი მოქალაქე. სწორედ ეს უკანასკნელი გახდა მიზეზი იმისა, რომ იგი ახალმა ხელისუფლებამ არ დაისაჭიროვა. ვაჟასგან არ გაკეთდებოდა ყურმოჭრილი მოსამართლე და იგი ცნობილი წმინდის დროს (2004-05 წწ. შემცირებაში მოაყოლეს.

27 ნოემბერს ვაჟა აბაკელიამ ახლობლების და მეგობრების ოცდაათკაციანი ჯგუფი რესტორან „ლორდში“ გვიხმო.

მშვენიერი ინტელიგენცია შეიკრიბა. „ჩარეცხილები“ ძალიან სიმპატიური ადამიანები აღმოჩნდნენ. სიამოვნებით ვითამადე. სამსაათნახევარი ისე გავიდა, არ გამიგია.

მართალია ჩემს თავს მკაცრად ავუკრძალე თამადაობაში პოლიტიკა არ გამეჩია, მაგრამ მაინც „გამეცქვა სიტყვა“ და გამოვთქვი „გაკვირვება“ იმის გამო, რომ ჩემს საყვარელ სამშობლოში უცნაური (რბილად რომ ვთქვა) ამბები ხდება. თბილისში დავით აღმაშენებლის ძეგლი აიღეს და ველოსიპედის ძეგლი დადგეს, ბათუმში ილია ჭავჭავაძის ძეგლი აიღეს და „შლოპანცების“ ძეგლი დადგეს, ქუთაისში დავით აღმაშენებლის ძეგლი აიღეს და შადრევანს დაგამენ.

რა გვჭირს ჩემო უბედურო საქართველოვ?

ნუთუ ვერ ხედავ, რომ დაგცინიან, შენს წმინდა ადგილებს გიბილწავენ.

8 დეკემბრის გაზეთ „რეზონანს“-ში მეკითხებიან, რამდენად არისო და ცუელი ადამიანის უფლებები საქართველოში?

სიტყვასიტყვით ასე ვპასუხობ:

„ადამიანის უფლებების დაცვის კოეფიციენტი რომ საქართველოში დაბალია, ეს საყოველთაოდაა ცნობილი.

საკითხი ასე უნდა დაისვას:

ყველას უფლებებზეა ლაპარაკი, თუ გამორჩეულად იმათ უფლებებზე, ვის გონებაშიც ხელისუფლების სანინაალმდეგო აზრი გაკრთება.

ადამიანის უფლებათა დაცვა არასოდეს არ ყოფილა ასე დიფერენცირებული. თუ შენ ხელისუფლების ტაშის დამკვრელთა სიაში არ ხარ, ეს იმას ნიშნავს, რომ ჩანახლისთვის ხარ განწირული. განსაკუთრებით იმ სფეროში, რაშიც მე მიხდება საქმიანობა, კატასტროფული განუკითხაობა.

შედგენილია სია და ნიჭიერია მხოლოდ ის მხატვარი, ის მწერალი, ის მსხაიობი და ის კომპოზიტორი, რომელიც ხმამალა აცხადებს, რა დიდებული საქმე გავაკეთეთ, როდესაც დავით აღმაშენებლის ძეგლი ავიღეთ და მის ადგილას ველოსიპედის ძეგლი დავდგითო. რა მშვენიერია ილია ჭავჭავაძის ძეგლის ნაცვლად კვერცხებზე დადებული „შლოპანცის“ ძეგლის აღმართვაო.

დრო გავა. ეროვნული ქართული სახელმწიფო ქარს გაატანს ამ უსაგნო ექსპერიმენტებს, მაგრამ რა ეშველება ნიჭიერი, მოაზროვნე კაცის



ჩანჩხლულ სულს. სანამ ასე იქნება დაყოფილი ხელისუფლების ერი მის მომხრეებად და მის მტრებად, ქვეყანას არაფერი ეშველება. ამიტომ, ჩემი აზრით, დღეს საქართველოში ყველაზე მეტად ადამიანთა თანასწორობის უფლებაა დარღვეული.

8 დეკემბერს სალამოს 6 საათზე რეზო ჩხეიძემ თავის 85-ე წლისთავის საიუბილეო ბანკეტზე გვიხმო მეგობრები და ახლობლები.

სალამო რესტორან „ლორდში“ გაიმართა.

ორას კაცამდე შევიკრიბეთ, თამადაობდა გოგი დოლიძე.

ბატონი რეზო ყველას გვიყვარს და უაღრესად მესიამოვნა დარბაზის ერთსულოვნება და ქართული კინოს პატრიარქის მიმართ ნათქვამი გულიდან წამოსული სიტყვები.

სალამოს ვესწრებოდი: თენგიზ არჩვაძე, ჯანსუღ ჩარკვიანი, თემურ ქუაყასელი, გურამ ხურცილავა, ვალერი კვარაცხელია, ზაზა დავითაია, ბადრი ვადაჭკორია, რეზო ამამუკელი, დიმა ჯაიანი, ნუცა ჩხეიძე, ეკა ბესელია (არ ჩანდნენ ოთარ მელვინეთუხუცესი და მისი ცოლი?!), ჯუმბერ ლომინაძე, მაყვალა გონაშვილი, ელდარ შენგელაია, გოგა ხაინდრავა, რეზოს ოჯახის წევრები...

ხუთშაბათს, 15 დეკემბერს, ტექნიკურ უნივერსიტეტში სადაც მე, ჯავახიშვილის უნივერსიტეტიდან სააკაშვილის მიერ გამოძევებული კულტურულოგიის მიმართულებას ვხელმძღვანელობ, ჟურნალ „პარალელის“ პირველი და მეორე ნომრების პრეზენტაცია გაიმართა.

„პარალელის“ რედაქტორობა და მწერალთა საუნივერსიტეტო გაერთიანების ხელმძღვანელობა ვიტვირთე იმიტომ, რომ ჩემი შინაგანი მოთხოვნები – სადაც უნდა ვიყო შემოვიკრიბო ირგვლივ ნიჭიერი ახალგაზრდები და მათ გზა გავუწავლო.

პრეზენტაცია იგორ კვესელავამ გახსნა და შესავალ სიტყვაში უნივერსიტეტში ჩემი მოსვლის შემდეგ მიმდინარე კულტურული ძვრები დაახასიათა.

ბევრი რომ არ გავაგრძელო, პრეზენტაცია ჩემი ქების სალამოდ იქცა.

რაც მთავარია გამოდიოდნენ სტუდენტები და ამბობდნენ, ჩვენ რევოლუციონარული ხატით მოვდივართ ლექციებზე. ვამთავრებთ უნივერსიტეტს და ასეთი მაღალი პროფესიონალი, ტკბილმოუბარი ლექტორი ჯერ ჩვენთან არ შემოსულაო.

შემრცხვა, მაგრამ ერთი მხრივ მესიამოვნა, რომ ჯერ კიდევ შემოგვრჩნენ სწავლისთვის მონდომებული, გემოვნებიანი ახალგაზრდები.

ამ დღეებში ბელა შალვაშვილმა დამირეკა, ჩემთან გამოიარე „შაჰნამე“ გამოვიდა და უნდა გაჩუქო.

გადმომცა ბელამ უზარმაზარი წიგნი (ქართულად ამხელა წიგნი არ მინახავს) ფირდოუსის „შაჰნამეს“ თარგმანი.

40 წლის განმავლობაში თარგმნიდა ბელა შალვაშვილი ამ წიგნს, რაც ახლა გამოისცა (სპარსეთის საელჩოს დახმარებით). მხოლოდ მესამედია შაჰნამეს 2/3 ანი უნდა თარგმნოს.

დავინყე კითხვა, ბრწყინვალე თარგმანია. ალაგ-ალაგ პასაჟები ჰგავს „ვეფხისტყაოსნისას“, მაგრამ ვფიქრობ სარაინდო რომანის საერთო სტილუ-



რი ნიშნებია მხოლოდ და მხოლოდ, რაც უფრო ღრმად ვეცნობი თარგმანს მით უფრო საცნაური და დასაფასებელი ხდება ჩემთვის მურმან თავდიშვილის მშვენიერი წიგნი „ფირდოუსი და რუსთაველი“.

22 დეკემბერს ფილარმონიის დიდ დარბაზში ვაჟა აზარაშვილის შემოქმედებითი სალამო ჩატარდა.

ვაჟას შემოქმედებას ასე თუ ისე ვიცნობდი, მაგრამ ასე ერთად თავმოყრილმა მისმა მრავალჟანროვანმა მუსიკამ კიდევ უფრო დამარწმუნა იმაში, რომ ვაჟა აზარაშვილის სახით საქართველოს დიდი, ძალიან დიდი კომპოზიტორი ჰყავს.

23 დეკემბერს ილიას უნივერსიტეტის (წინანდლის 9) სტუდენტებმა ვაჟა-ფშაველას 150 წლისთავის სალამოზე მიმინვეს.

ჯერ პოეტმა შოთა ტოგონიძემ წაიკითხა ვაჟასადმი მიძღვნილი მშვენიერი ლექსები და მერე მსხაიომმა ლეო ანთაძემ თავიდან ბოლომდე ზეპირად წარმოსთქვა ვაჟას უკვდავი პოემა „ბახტრიონი“. „წარმოთქვა“ ის სიტყვა არ არის, ითამაშა აჯობებს.

ასე ოსტატურად, მაღალპროფესიულად წაკითხული ვაჟა მე არ მომისენია.

შოთაც და ლეოც – ორივენი ვაჟა-ფშაველას პრემიით დავაჯილდოვე და იქვე გადავეცი დიპლომები.

აზერბაიჯანის კულტურის ცენტრში რეზო ინანიშვილის აზერბაიჯანული წიგნის პრეზენტაცია გაიმართა. სიამოვნებით მივედი ჯერ ერთი იმიტომ, რომ მე და რეზო მეგობრები ვიყავით. იგი ბავშვივით სუფთა ხალასი ბუნების კაცი იყო. რამდენჯერმე ერთად ვიყავით სასტუმროში და მახსოვს მისი კეთილი, ბრძნული საუბრები. ქვეყნის ბედზე წუხილ-ჩივილში ხშირად თავზე დაგვთენებია. მეორეც: რეზო დიდი მწერალი იყო. იუველირივით ეპყრობოდა სიტყვას და ელოლიავებოდა თითოეულ სტრიქონს.

მირზა მამედოღლის უთარგმნია რეზოს ნოველები. კარგი სალამო გამოვიდა. მე და მაყვალამ ვილაპარაკეთ ქართველთა და აზერბაიჯანელთა ძმობის აუცილებლობაზე. ბოლოს რეზოს მეუღლემ – ქალბატონმა როზამ ბრძანა თბილი, მაღლიერებით აღსავსე სიტყვა.

24 დეკემბერს იმედო ჯახუა დავკრძალეთ. ბრწყინვალე პოეტი ნავიდა ჩვენგან. სამგლოვიარო მიტინგზე ვთქვი, რომ საქართველომ არ იცის, რომ დეკემბრის ამ ცივ, მოწყენილ დღეს ვასაფლავებთ მის უანგარო ქირისუფალს და ელვარე ნიჭის პოეტს.

იმედო ჩემი ახალგაზრდა მეგობარი იყო. რაც შემეძლო პატივს ვცემდი, რაკილა კარგად ვიცოდი მისი ფასი. შარშან წრუნუნა ლიტერატორებმა რომ შემომიტიეს, მოვიდა. მთვრალი იყო. შენო ამათ თავი არ გაუყადრო, არ გეკადრებო. ლექსიც მომიძღვნა ასეთი სტროფით:

„დარჩი რაინდად და მგოსნად,  
მართალი ხარ მისხლივ მისხლით,  
შენს მტრებს შენი შურიც მოსრავს,  
შენ ხელს სისხლში ნუ გაისვრი!“

გულით დავიტირე იმედო ჯახუა.

ინჟერბა 2011.

ერთი კვირაა ჩემს ტომეულებს ვაკომპლექტებ.

რალაცნაირ სულიერ წრიალს ვგრძნობ.

ასე მგონია, დიდი ხნის სიცოცხლე აღარ მიწერია.

ჩემი ქვეყნის უილაჯობამ და უპერსპექტივობამ აპათია დამმართა.

თითქოსდა სიცოცხლე მომბეზრდა.

მოვძებნე ჩემი სამოცდაათი წიგნი, დავუმატე დაუბეჭდავი თხზულებებიც... ბევრი გამოვაკელი და გადავდე.

ასე რომ დაახლოებით ორმოცი ტომიდან შევადგინე ჩემი რჩეული თხზულებების ოცდახუთტომეული.

ოცდახუთი ტომი!

რამდენი მიწვალაია, რამდენი ღამე გამითევია...

არა მგონია ბევრ თანამედროვე ქართველ მწერალს დაუგროვდეს 25 ტომი.

ჩავალაგე საქალაქელებში და დავდე კედელთან.

ამ ტომეულების გამოცემას რასაკვირველია, სიცოცხლეში ვერ შევძლებ.

ჩემმა მეგობრებმა ჭაბუა ამირეჯიბმა (ხუთტომეული) და ოტია იოსელიანმა (თორმეტტომეული) მოახერხეს სიცოცხლეში თავიანთი შემოქმედების მრავალტომეულებში „დაბინავება“. ღმერთმა ხელი მოუმართოთ.

მათ, ორივეს ბიძინა ივანიშვილი ჰყავდათ.

მე არავინ არა მყავს.

არა მგონია, ბიძინას ჩემი რაიმე ჰქონდეს წაკითხული. ან სხვა რომელიმე დიდფულიან ბიზნესმენს. მე კი ოლიგარქებთან მისასვლელი გზები არ გამინალდავს და ამას არც არასოდეს ვიკადრებ.

ერთადერთხელ „მწერლის გაზეთის“ გამოცემის დასპონსორება ვთხოვეთ მე და სოსო სიგუამ ერთ ბიზნესმენს და იმაზეც დაბადების დღე ვინყევლე. ჯერ იყო და ქედმაღლურად, ქმენით გველაპარაკა და, რაც მთავარია, ჩვენი თხოვნა სრულიად უპასუხოდ დატოვა. პასუხს დაგირეკავთო და არ დაგვირეკა.

მოვიდა 31 დეკემბერიც, ტელევიზია „ობიექტივიდან“ ვართო ორი ტელეჟურნალისტი მენჯია. როგორ შეაფასებთ 2011 წელს და რას უსურვებთ საქართველოსო.

ვუპასუხე: ოთხი მთავარი პრობლემა საქართველოსი ვერ მოგვარდა, ასე რომ გასულ წელს უიღბლო წლად ვთვლი, თუმცა ჩვენი ხელისუფლება სახეგაბრწყინებული საუბრობს „არნახულ“ (მართლაც „არნახული“) მიღწევებზე-მეთქი. ერთი პრობლემა მაინც რომ მოგვარებულიყო 2011 წელს უბედურ წლად არ ჩავთვლიდი-მეთქი.

რა პრობლემებს გულისხმობთო ჟურნალისტმა.

ჩამოვუთვალე: 1. ტერიტორიული მთლიანობის პრობლემა 2. გაყინული მრეწველობა და სოფლის მეურნეობა 3. უმუშევრობა 4. ჩანჩხლული ერვონული ფენომენი (ყოველივე ქართველის ენერგიული დევნა).

ტელეჟურნალისტები წავიდნენ, მაგრამ დიდხანს ვფიქრობდი, ნეტავ არ გადასცემდნენ, ღირს კი ჩემი ერისთვის ამ უიმედო ინტერვიუთი გულისგატეხვა?

მაგრამ მე ხომ სხვანაირად არ შემიძლია. სხვა შემთხვევაში ხომ მე მე არ ვიქნებოდი.

ამიტომაცაა, რომ არც ამ საახალწლოდ ვახსოვარ ვინმეს.

გაბრაზებულ, მოუსყიდველ, ძნელად აღსაზრდელ კაცად მიცნობს პოზიციაც და ოპოზიციაც, პირველი იმიტომ, რომ დაუნდობლად ვამხელ, მეორე იმიტომ, რომ უმოქმედობაში, დროის გაყვანის პოლიტიკაში ვდებ ბრალს.

„გაიპე გულო, რაკი ენა უნდა დადუმდეს“ (შექსპირი).

\* \* \*

ამით ვამთავრებ ჩემი სიცოცხლის ერთი დრამატული პერიოდის აღწერას.

ჩემთვის რომ ფრიად საგულისხმო იყო მკითხველი (თუ ბოლომდე გამომეყვ) ადვილად მისვდება, მე ვინ ოხერი ვარ ჩემი ტკივილ-ფათერაკებით, რაც მთავარია ჩემმა სამშობლომ სწორედ ამ ოცნლეულში ისტორიაში დიდი როლი გააკეთა და დამოუკიდებლობა მოიპოვა.

საქართველო ახლაც, ამ სტრიქონებს რომ ვწერ, ცეცხლზე შედგმული ქვაბივით თუხთუხებს და ქშინავს.

იგი ეროვნული პარლამენტის და დინჯი გასწონასწორებული, ჭკუადამჯდარი, გამჭრიახი წინამძღოლის ძიებაშია; ისეთი წინამძღოლისა, თავის ენას აბუჩად რომ არ აიგდებს და გლობალიზაციის ოკეანეში უმწეოდ შეცურებულ სამშობლოს მცირე ერების მომსპობ „ძია სემს“ არ შეატენის.

რას ვიზამთ, ასეთი ყოფილა ჩვენი ბედი; ნიადაგ ძიება და აღუვსებელი სასწაულის ხვედრი... ვინ იცის, იქნებ ამ დაუცხრომლობაშია ჩვენი გადარჩენის საიდუმლო.

რაც შემეხება მე, როგორც ჩანს, ღმერთმა სამოცდაათის მერეც გამოიმეტა ჩემთვის ორიოდე პარასკევი და ამ დროსაც ჩემებურ ქიჩმაჩში გაუხარჯავ ერთადერთი განზრახვით; იქნებ ჩემი ნაფიქრ-ნარჩევი ქვეყანას რამეში ნაადგეს-მეთქი.

ერთს კი დაგპირდებით: სანამ ფეხზე ვდგავარ, მარტოობის კოშკში არ გავნაპირდები და საქვეყნო ყაყანს ზურგს არ შევაქცევ.

ჩემგან კრილოსნის ბერიკაცი არ გაკეთდება.

მირჩევნია, ფეხზე მდგარი ლექციის კითხვის დროს მოვკვდე, ან ჩემს მაგიდას მიმჯდარს, კალამომმარჯვებულს მენვიოს სიკვდილი, ვიდრე წინამდებარე ჯირკვლის თუ სწორი ნაწლავის კიბოთი, განამებული თეთრ საწოლში მივიცვალო.

თუმცა, სხვა რა ნატვრა შეუსრულებია ჩემთვის არსთამრიგეს, ეს რომ შემისრულოს... ორმოცდაათი წლის კაცს ერთადერთი შვილი წამართვა და მთელი დარჩენილი სიცოცხლე ნელ ცეცხლზე სანჯავად გამწირა.

გარდა ჩემი სალოცავი ქვეყნის გადარჩენა-ხსნისა, რისთვისაც ყოველ წამს მზად ვარ თავი გაწირო, ერთი სათავისო სურვილიც მაქვს:

მინდა დარჩენილ სიცოცხლეში ჩემი რჩეული თხზულებების ოცდახუთტომეული გამოვცე და მოკრძალებით დავდო ლიტერატურის თაროზე იმ იმედით, რომ მომავალი თაობები გადაშლიან და თვალს ჩააყოლებენ.

„დარჩენილ სიცოცხლეში-მეთქი“ იმიტომ ვამბობ, რომ უალრესად საშიში, მგლურ-ბაზრული, ავტორიტეტთა ნამლექავი დრო მოდის და ჩემს სიკვდილის ჩემს ხელნაწერებს შემდეგ მათ არავინ მიხედავს.

თუმცა... კაცი ბჭობდა და ღმერთი იცინოდაო.

სხვა მხრივ მშვიდობით ბრძანდებოდეთ.

## 1. I. 2012 – 1. II 2012

გათენდა ახალი წლის უთოვლო დილა თბილისში.

მადლობა ღმერთს 2012-საც რომ მომასწრო.

72 წლისა შევსრულდი 1 იანვარს.

ახალ წელს შიო, ნათელა და მე შევხვდით. ტელეფონი განუწყვეტლივ რეკავდა. ნაცნობ-მეგობრების და ნათესავების გარდა, არაერთმა უცნობმაც მომილოცა.

ახალი წელი „ბედნიერმა საქართველომ“, თუ ტელევიზიას დავუჯერებთ, სააკაშვილის სტილში იზეიმა.

ოთხი სამთავრობო არხი ერთდროულად 4 საახალწლო კონცერტს გადმოსცემდა – თბილისიდან, ბათუმიდან, ქუთაისიდან და ანაკლიიდან.

ჩვეულებისამებრ, ამ „ყრუ არამუსიკალური, ჩამორჩენილი მომღერალთა დეფიციტით გულდამდულური საქართველოს“ გასაბედნიერებლად პენსიონერი ევროპელი მომღერალი ეგლესიასი ჩამოიყვანეს. ამ „ძვირფასმა“ სტუმარმა ხუთიოდე გაცვეთილი ჩამონერილი სიმღერა „გვარჩუქა“, გავისოჯიბე 2 მილიონი დოლარით და დაგვემშვიდობა.

ასე უყვარს სააკაშვილს მშობლიური ხალხი და მშობლიური ხელოვნება.

ჩემს ღარიბულ სუფრაზე 1 იანვარს დაბადების დღე და ახალი წელი მომილოცეს, ჩემმა ძმებმა გოგია და ბორისმა, ძმისშვილებმა – ეკამ, შავლეგომ და ასიკომ (ოჯახებით). უახლოესმა მეგობრებმა იგორ კვესელავამ (თამადა), მურმან თავდიშვილმა, ცოლისძმამ – ვაჟა გოგორიშვილმა...

საახალწლო მილოცვა და საჩუქარი (ტკბილეული, შამპანური) გამომიგზავნეს „ავერსის“ ვიცე-პრეზიდენტმა ნიკო კურტანიძემ (საინტერესო პოეტია) და თბილისის მერმა გიგი უგულავამ.

ლამის ოთხი საათი დავყავით სუფრასთან.

მიუხედავად უჟამო ჟამისა ვცდილობდით ერთმანეთი გაგვემხნევებინა, ვიხუმრეთ და ვიმღერეთ კიდევც.

შიომ მშვენიერი მწვადები შეგვინვა, ღვინო გურჯაანიდან ჩემმა ნათლიმამამ ნუგზარ თვალმიხელაშვილმა გამომიგზავნა.

დაიწყო 2012 წელი და ერთმანეთს წაეწყო ორი სამწუხარო ამბავი:

4 იანვარს დაკრძალეთ პოეტი ოთარ შალამბერიძე, ხოლო 8 იანვარს პროზაიკოსი მერაბ ელიოზიშვილი.

შობას, 7 იანვარს, ქალაქის მერიამ რესტორან „სოლოლაკის კარში“ ორმოციოდე მწერალს ბანკეტი გაგვიმართა.

გულახდილი, არაპომპეზური შეხვედრა შედგა. სიამოვნებით ვითამადე, რადგანაც ხელისუფლებიდან სამი ჩემთვის სასურველი, პატიოსანი კაცი იჯდა სუფრასთან – საკრებულოს თავმჯდომარის მოადგილე მამუკა ახვლედიანი, მერიის სოციალური და კულტურული სამმართველოს უფროსი

მამუკა ქაცარავა და მერიის კულტურის განყოფილების გამგე, შოთა მალ-ლაკელიძე.

სამიგენი სწორედ რომ ისეთი პიროვნებები გახლავან, ვისთვისაც არაერთგზის მიგვიმართავს მაცვალას და მე მწერლთა საქირბოროტო საკითხებზე და ყოველთვის გვიგრძენია მათგან ადამიანური ყურადღება, რასაც ვერ ვიტყვი სხვა ჩინოვნიკებზე.

12 იანვარს დავამთავრე ნოველა „ახლა კი დროა“. მკითხველი როცა წაიკითხავს მიხვდება, რომ ეს ნოველა ჩემს მეგობარს, საქართველოსთვის თავშენიერულ გურამ შარაძეს და მის მონამებრივ სიკვდილს ეხება.

ისტორია ოდესმე მაინც იტყვის სიმართლეს სააკაშვილის მმართველობის ტრაგიკული წლების შესახებ. კაცი, რომელმაც უარი თქვა 40 წლის ზევით აბსოლუტურად ყველა მოქალაქეზე თავის მშობლების გარდა, რომელმაც გაანადგურა, სამეცნიერო აკადემია და უნივერსიტეტი, რომელმაც დაამხო ქართული თეატრი და კინო (იგი 8 წლის განმავლობაში თეატრში არ შესულა), რომელიც სასტიკად გაუსწორდა ყველა სხვაგვარად მოაზროვნეს, მოაშთო ოპოზიცია (მოქალაქეობა წაართვა ბიძინა ივანიშვილს პარლამენტში კენჭისყრის სურვილის გამო) აბუჩად აიგდო ქართული ენა (არც ერთ საერთაშორისო ტრიბუნაზე არ ლაპარაკობს ქართულად) რასაკვირველია საქართველოს ისტორიაში შავბნელ პიროვნებად შევა.

13 იანვარს სომეხმა პოეტმა და მთარგმნელმა ანაიდა ბოსტანჯიანმა გადმომცა სომხურად გამოცემული ჩემი ნოველების წიგნი „ცრემლიც რომ გათავდა“. კარგადაა გამოცემული. სომხურ ენაზე ეს ჩემი მესამე წიგნია; დიდი მადლობა ქ-ნ ანაიდას, რომ ამ მძიმე დროში, თავისი ქესატური ჯიბის გადაკიდემ შეძლო ეთარგმნა და გამოეცა ჩემი ნოველები, რითაც მან კიდევ ერთი დროული ხიდი გასდო სომხურ და ქართულ კულტურას შორის.

19 იანვარს ჩემი მეგობრის – პროფესორ იგორ კვესელავას დედის დაკრძალვაზე გავემზავრეთ მე, მურმან თავდიშვილი, გივი გამსახურდია, ნომადი ბართაია და რეზო რუხაძე.

ხვავრიელად თოვდა მარტვილში.

კუბო ეზოში რომ გამოვიტანეთ, სუნთქვა შემეკრა.

93 წლის ქალბატონ შოზეფინას უკანასკნელად ათოვდა სახეზე.

წარმოვიდგინე, რომ ყველა ჩვენგანის დედა წავიდა იმქვეყნად.

ცივ საფლავში ჩაეუშვით კუბო და დამნაშავეებივით გამოვბრუნდით, დანა პირს არ გვიხსნიდა.

დავბინავეთ ადამიანი იქ, სადაც ყველანი წავალთ და სადაც ცოცხლებს აკრძალული გვაქვს შესვლა.

იქეთ და აქეთ თოვლ-ყინულიან გზაზე მე მომიწია რეზო რუხაძის „ჯიპის“ მართვამ. მიუხედავად იმისა, რომ ქელეხზე ვითამადე, საჭე ვერავის ვანდე და მშვიდობით ჩამოვედით თბილისში.

20 იანვარს სომხეთის მწერალთა კავშირის თავმჯდომარემ ლევონ ანანაიანმა დამირეკა: თბილისში მოვდივარ ოვანეს თუმანიანის სახლ-მუზეუმის პრობლემასთან დაკავშირებით და სომხეთის მხარის სურვილია, მოლაპარაკებას როგორც ჩვენთვის დიდი ავტორიტეტი და ობიექტური კაცი შენ ესწრებოდეთ.

ჩამოვიდნენ. მივედით დავითაშვილის 18-ში – ოვანესის ყოფილ სახლში. იქ დაგვხვდა ბინის ახლანდელი პატრონი არჩილ ლეჟავა, რომელმაც როგორც გაირკვა 2002 წელს შეიძინა აღნიშნული ბინა.

სხვათა შორის არჩილი ზრდილი და გულისხმიერი კაცი აღმოჩნდა. ავუსხენი რომ ოვანეს თუმანიანი არა მარტო დიდი სომეხი მწერალი, არამედ ქართველების მოყვარული და თბილისისათვის ფრიად გარჯილი მოღვაწე ბრძანდებოდა. მისი მემორიალური მუზეუმის გახსნა სახელმწიფოებრივი მნიშვნელობის პრობლემაა და ვფიქრობ ხელი უნდა შევუწყოთ-მეთქი. დიდი ხეყნა (როგორც ერთ დროს გალაკტიონის ბინის მეპატრონესთან დამჭირდა) ამჯერად არ დაგვჭირვებია.

კი, ბატონო, შემიძინოს სომხეთმა ამავე რაიონში შესაბამისი ფართობის ბინა და თანახმა ვარო. ჩამოვართვით ხელი ერთმანეთს. სომხეთის დელეგაციაც კმაყოფილი დარჩა ამ გარიგებით და მე ფრიად მესიამოვნა რომ ჩემმა შუამდგომლობამ შედეგი გამოიღო.

მოლაპარაკების დამთავრების შემდეგ ინტერვიუ მივეცი სომხეთის ტელევიზიას, „ამით უნდა დამთავრდეს-მეთქი ზოგი ენაჭარტალა ჟურნალისტის ცილისწამება. თითქოს ქართველები წინააღმდეგნი ვართ თბილისში ოვანეს თუმანიანის სახლ-მუზეუმის არსებობის-მეთქი.

ჩვენი ორი ხალხის ძმობას და კულტურულ ურთიერთობას უფრო მტკიცე ბალავარი აქვს, ვიდრე ზოგიერთ თავგახურებულ ისტორიკოსს ან ჟურნალისტს ჰგონია-მეთქი.

21 იანვარს სომხური კულტურის ცენტრში ჩემი ახალგამოცემული სომხური წიგნის („ცრემლი რომ გათავდა“, მთარგმნელ-გამომცემელი ანაიდა ბოსტანჯიანი) პრეზენტაცია გაიმართა.

ხალხით გადაჭედილ დარბაზში დიდებული სიტყვები მითხრეს – თბილისის სომხური ეკლესიის მთავარეპისკოპოსმა ვაზგენმა, სომხეთის ელჩმა ოვანესმა, პრეზიდენტის მრჩეველმა ვან ბაიბურთმა, სომხეთის მწერალთა კავშირის თავმჯდომარემ ლევონ ანანიანმა, სომხურ-ქართული საზოგადოების თავმჯდომარემ, მაყვალა გონაშვილმა, ბადრი ქუთათელაძემ და თვითონ, წიგნის მთარგმნელმა ქ-ნმა ანაიდა ბოსტანჯიანმა.

ბოლოს დიდი მადლობა მოვასხენე ყველას და ვილაპარაკე სომხურ-ქართულ კულტურულ ურთიერთობებზე.

ძვირფასმა ლევონმა გამაოცა იმით, რომ სომხეთის კონიაკის ქარხანაში ჩემს სახელზე ჩამოსხმული კონიაკი მომართვა. ეტიკეტზე ჩემი სახელი და გვარი და ჩემი ფოტოა.

24 იანვარს „ლიტერატურულ პალიტრას“ ვენვით. ექვსი ნოველა დავენერე ერთი თვის განმავლობაში და, როგორც არასდროს, მომიხდა ისინი სწრაფად დამებეჭდა. მივიხედ-მოვიხედე და „აღმოვაჩინე“ რომ „ლიტ. პალიტრა“ ერთადერთი ჟურნალია, რომელიც რეგულარულად გამოდის და მართალია, მხოლოდ ახალი ქართული ლიტერატურის წარმომადგენლებს (ლაშა ბულაძე, აკა მორჩილაძე, დავით ქართველიშვილი, ბასა ჯანიკაშვილი, რატი ამაღლობელი...) ბეჭდავს, მაგრამ ზოგჯერ ჩვენც, გასული საუკუნის (ყავლგასულ, ბებერ) მწერლებსაც გადმოგვხედავს მონყალე თვალით. იმის შემდეგ, რაც სააკაშვილმა შერისხა ქართუ-



ლი ლიტერატურული პრესა და ზიზლი გამოუცხადა ნამდვილ მწერლებს ერთი მეორის მიყოლებით, დაიხურა თითქმის ყველა ლიტერატურული ორგანო. მხოლოდ „ლიტ. პალიტრა“ ფეთქავს და როგორც არ უნდა მომწონდეს მისი დონე (სკარბეზულობა, განუკითხავად ყველაფრის ბექედვა) იძულებული ვარ მასთან ვითანამშრომლო, რომ მკითხველს ჩემი სახელი და გვარი სულ არ დაავინწყდეს. რედაქტორი არ დამხვდა, ნოველები რედაქტორის მოადგილეს ჩემს ძველ, უნივერსიტეტულ მეგობარს, გემოვნებიან ქალბატონს გაეფუნოდე. დიდად გაეხარდა ჩემი სტუმრობა. დაგვიტოვე, განვიხილავთო, მითხრა.

ვერ გავიგე რა ხდება; ახლა თითქმის ყველა გაზეთი დამატების სახით ბექედავს ქართველ მწერალთა ნიგნებს რუბრიკებით: „თანამედროვე კლასიკა“, ქართული პროზის საგანძური“, „ახალი ქართული მწერლობა“... ჯერ არც ერთ გამომცემელ-რედაქტორს („დამატებებს“ ვგულისხმობ) არ მოუფართავს ჩემთვის. ვაი ამათ პატრონს უბედურს და ვაი ჩემს თავს, რომ თურმე ჩიტირეკია, უნიჭო ჟურნალისტს უნდა დაველოდო, როდის ინებებს და შემამჩნევს მისი მაღალგემოვნებითკეთილშობილება,

ჩემი გაზეთი „მწერლის გაზეთი“ უკვე სულს ლაფავს. მერიამ შარშან დაგვიფინანსა და წელს უარი გვითხრა.

ჩემს ხელფასს პირინმინდად ვდებ გაზეთის გამოსაცემად, მაგრამ არ ჰყოფნის, არ ვიცი, რა ვიღონო.

ცალკე გაზეთის, ცალკე ჩემი 25-ტომიანი რჩეულის სპონსორის მოძიება... არა, არა გაზულუქებული ყაჩაღ-მილიონერების კარებთან მათხოვრად ვერ დავდგები.

30 დეკემბერს მიხეილ სააკაშვილი ოვალურ კაბინეტში მიიღო ამერიკის პრეზიდენტმა ობამამ. პრეზიდენტებმა დახურულ კარს მიღმა მხოლოდ 16 წუთი ისაუბრეს, დაუხურავ კარებში კი ორმოცი წუთი. შეხვედრის ბოლოს გამართულ პრესკონფერენციაზე ამერიკის პრეზიდენტმა მაღლობა გადაუხადა საქართველოს ხელმძღვანელს იმისთვის, რომ მას 1700 ქართველი ჯარისკაცი ჰყავს გაგზავნილი ავღანეთის სასაკლაოზე. თანაც იქვე დასძინა, მალე საქართველოში დემოკრატიული არჩევნები გაიმართება და სააკაშვილი ხელისუფლებას ფორმალურად გადააბარებსო.

მიხეილ სააკაშვილი როცა ობამას კაბინეტიდან გამოვიდა, სახეგაბადრული ამბობდა, უაღრესად კმაყოფილი ვარ ამ შეხვედრითო. მე ვერ გავიგე ამ აღტაცების მიზეზი. ობამამ ვერც საქართველოს ტერიტორიული მთლიანობის აღდგენის იმედი მოგვცა და ვერც ნატოში შესვლის გარანტია. მუხრანის თქმისა არ იყოს „მამ რა გიხარია შე კაი კაცო“.

თბილისში პოზიციასა და ოპოზიციას შორის დიდი დავა გამოიწვია ობამას ფრაზამ „ხელისუფლების ფორმალური გადაბარების“ შესახებ. ეს იმას ნიშნავს რომ ობამამ ისე მოიწონა ჩვენი საქმიანობა, რომ ხელისუფლების მოჩვენებითი, ანუ ფიქტიური (არა რეალური) გადაბარების უფლება დაგვრთო, თქვა გოკა გაბაშვილმა და ოპოზიციას ცივი წყალი გადაასხა. ხელისუფლების ამ უტიფრობის გამო ქოში უკულმა ჰყარა ირაკლი ალასანიამ, „ამერიკულად ფორმალური გადაბარება“ „ფაქტიურ გადაბარებას ნიშნავსო“ გაჰყვიროდა ირაკლი.



ვაი შენ ჩაძინებულო, დადედლებულო საქართველოვ, ამერიკამ რომ უნდა გადამინყვიტოს კიდევ რვა წლით დაგვიტოვოს თუ არა ილია ჭავჭავაძის ძეგლის ამღები და შლოპანც-კვერცხების ძეგლის დამდგმელი პრეზიდენტი.

კალიფორნიაში და მსოფლიო ბანკში გამოსვლების დროს სააკაშვილმა ერთხელ კიდე „დაიტრაბახა“ – პრეზიდენტად რომ ამირჩიეს, გადავწყვიტე ქვეყანა გამეთავისუფლებია 40 წლის ზევით ყველა სამსახურში დაკავებული მოქალაქისგანო.

ერთი კაციც არ აღმოჩნდა ამერიკაში რომ ეთქვა – ეს რა სიგიჟე ჩაგიდენია, კი მაგრამ არ იფიქრე იმაზე, რომ შენ მიერ შერისხული ადამიანების უკან ოჯახის წევრები იდგნენო. ასე როგორ შელახე დამსახურებული ადამიანების ღირსება და თავმოყვარეობაო, პირიქით, თავს უქნევდნენ ეს რა კარგად მოგიფიქრებიაო.

## 2. II. 2012–25. III. 2012

თებერვალი თითქმის მთელი მსოფლიოსთვის თოვლიან-სუსხიანი აღმოჩნდა.

დიდი ყინვების და ქარბუქის გამო ადამიანები იყინებიან ამერიკაში, ევროპაში...

გაიყინა ევროპის წყალუხვი მდინარეები, შავი ზღვა, მტკვარი...

თბილისში გამუდმებით თოვს და ათ გრადუსამდე ყინვაა.

მეშინია, ყინვამ ვაზი და ხეები არ გამიყინოს.

ეზოში გავიტანე დიდი ვარცლი და ყოველ დილით ჩემს ჩიტებს (კაჭკაჭები, ჩხიკვები, მტრედები, ბელურები) საკენკს ვუყრი, რომ შიმშილით არ დამეხოცონ.

მოეშორდები თუ არა გობს, მაშინვე მოფრინდებიან და ზედახორა იმართება. მე კი არა, კატასაც აღარ ეპუებიან, კატა იქვე ზის და კბილების კანკანით შეჰყურებს ჩიტთა სერობას, თავდასხმას ჯერჯერობით ვერ ბედავს.

11 თებერვალს მოსწავლეთა სასახლეში რეზო ადამიას წიგნის პრეზენტაცია გაიმართა. წიგნი დაწერილია პარიზში – ლუვრსა და ვერსალში გამოფენილი მსოფლიო ხელოვნების შედეგთა დათვალიერებით მიღებულ შთაბეჭდილებებზე.

საინტერესო წიგნია, თვითონ რეზო ადამია ნიჭიერი მხატვარი და ჭეშმარიტი მამულიშვილია, სიამოვნებით მივედი პრეზენტაციაზე და სიტყვა ვთქვი.

ჯანსუღ ჩარკვიანის ნახვა გამეხარდა, ოთხმოცი წლის ჯანსუღი მშვენიერ გაზეთს რედაქტორობს („ქართული სიტყვა“) და ძველებურად დაუზარელია. სიტყვას არავის ამაღლის, ხელჯოხით მოვიდა, საერთოდ არამიშავს მაგრამ ფეხი მღალატობსო, მუხლებში სისუტეს ვგრძნობო. წნევას როგორ შევლი-მეთქი, ვკითხე, მე მაღალი წნევა მაქვს და ვერაფერს ვუხერხებ-მეთქი.

რამდენი გაქვსო, მკითხა.

170-95-ზე მეთქი.

ცოტა მაღალია, მაგრამ არ შეგეშინდესო. სამი წელია „ნოლიპრელს“ ვსვამო, ყოველ დილით, უზმოზე, შენც გირჩევო.

ჩემი საქმე ცოტა სხვაგვარადაა-მეთქი, ჩემო ჯანსულ, მე წნევის გარდა კიდევ ერთი უბედური ავადმყოფობა მაქვს – „პადაგრა“. წნევის წამალი პადაგრის გამიზეზებას იწვევს, პადაგრის წამალი („ალეპურინოლი“, „კოლხ-იცინი“) კი წნევის მომატებას-მეთქი. მე შენ ადგილას რაკი ასეა, ორივე წამალს გადავაგდებდიო, ჯანსულმა. ბაბუაჩემს მთელი სიცოცხლის განმავლობაში არც ერთი წამალი არ დაუღლეია, მაგრამ 88 წელი იცხოვრაო.

სხვათა შორის ქკუაში დამიჯდა ჯანსულის რჩევა.

28 თებერვალს საღმოს 8 საათზე პრეზიდენტი სააკაშვილი პარლამენტში მიბრძანდა და ერთსაათიანი საანგარიშო მოხსენებით გამოვიდა.

სეირი მოხსენების მერე დაიწყო.

გიორგი თარგამაძემ, გიორგი ახვლედიანმა, გიორგი ცაგარეიშვილმა და ჯონდი ბალათურამ... სააკაშვილს ბრალი დასდეს არა მარტო ხელისუფლების უზურპაციაში, არამედ კორუმპირებულობაში.

შენაო, უთხრეს, რვა წლის წინ ერთი ღარიბი იურისტი იყავი ახლა მიღიარდერი ხარო.

ჩამოუთვალეს, რა ქონებას ფლობს თვითონ და მისი ოჯახი. თვალწინ აუფრიალეს მისი მინისტრების სასახლეების სურათები.

საკაშვილი ჯერ შეცბა, წამოხტა და დარბაზიდან გაიქცა, მაგრამ როგორც ჩანს, „კულისებში“ დატუქსეს და ისევ შემობრუნდა. შემობრუნდა ზიზლით და ცინიზმით სავე. კუთხეში მიმწყვედიანი მგელივით იკბინებოდა. ჯერ შეურაცხყოფების კორიანტელი დააყარა ოპოზიციას, მერე ცაგარეიშვილის მიერ მიწოდებული სურათები გადაყარა და ბოლოს ნერვული ცახცახით დაემუქრა ცაგარეიშვილს და ბალათურას: ახლა მანდატურებს ვუბრძანებ, გაგიყვანენ, ტალახში გაგორავებენ და მაგრად დაგზილავენო.

სამინელა ხდებოდა დარბაზში. უამრავლესობის წევრები, შემოდგომის ბუზებივით იკბინებოდნენ, ხოლო სააკაშვილმა გიორგი ახვლედიანის კითხვაზე გვითხარით ვადის გასვლის შემდეგ აპირებთ თუ არა პრემიერ-მინისტრად დარჩენასო, უტიფრული ღიმილით განაცხადა: სანამ ლაზიკას არ ავაშენებ, არსად წასვლას არ ვაპირებო.

ქართული ოცნების ლანძღვითაც იჯერეს გული ნაციონალებმა.

მოკლედ უმძიმესი პოლიტიკური სიტუაციაა საქართველოში.

ღრმად ვარ დარწმუნებული რომ მმართველი პარტია ყველაფერს გააკეთებს რომ როგორმე ქვეყნის მართვის სადავეები ხელიდან არ გაუშვას.

ცხელი შემოდგომა გვექნება.

4 მარტს თეთრიწყაროს რაიონის სოფელ ჯორჯიაშვილში მწერალი შალვა ამინაშვილი დაკრძალეთ.

დაკრძალვას მე, სოსო სიგუა და მურმან თავდიშვილი ვესწრებოდით.

ცხოვრობდა ბატონი შალვა თავის მშობლიურ სოფელში, დღისით გუთანს ედგა, ბარავდა, თოხნიდა. კარტოფილი და კომბოსტო მოჰყავდა, ხეხილს და ვაზს სხლავდა. რომ ჩაივლიდა მეზობლების სახლების წინ ბარით და თოხით მხარზე, თითქმის არავინ იცოდა, რომ ეს ტყაპუჭიანი გლეხი ჩინებული მწერალი იყო.

ლამით ლამპის შუქზე წერდა. წერდა ძალიან კარგად „ალგეთისპირულ ნოველებს“, რომანებს, ესეებს, კრიტიკულ წერილებს, მაღალპროფესიონალი მწერალი გახლდათ.

82 წლისა მაისში უნდა შესრულებულიყო. ძალიან მიყვარდა შალვა ამინაშვილი.

სამგლოვიარო მიტინგზე გაიხსენეს, როგორ ვუყვიდე ხბო (უშობელი) და როგორ ჩაუწყვანე სოფელში. ახალაც მახსოვს მისი გაცხებული სახე, ამხელა სიკეთე ჩემთვის არავის გაუკეთებიაო.

მივაბარეთ მინას ერთგული თანამეცხედრის ქ-ნი ეთერის გვერდით თავის სამშობლოზე გულატიკივებული, მისთვის დამამწვრალი კაცი.

5 მარტს დილით ტელევიზიამ გამოაცხადა რომ პუტინმა არჩევნებში 63%-ით გაიმარჯვა და იგი რუსეთის პრეზიდენტად დაბრუნდა. პირველსავე ინტერვიუში საქართველოზე ჰკითხეს, თუ დაუბრუნებ საქართველოს წართმეულ ტერიტორიებსო. არავითარ შემთხვევაშიო, ამაყად განაცხადა. აფხაზეთი და სამხრეთ ოსეთი დამოუკიდებელი სახელმწიფოებია და მე რა უფლება მაქვს მათ დამოუკიდებლობა წავართვაო.

26.III. 2012 – 15. IV. 2012

საოცარი ამბები ხდება.

ნაცმოძრაობა გამამაც-გათავხედდა.

პარლამენტმა ერთმანეთის მიყოლებით მიიღო კანონები, რომელთა ძალითაც კერძო პირს მეორე კერძო პირის ფინანსური დახმარება ეკრძალება.

ეს დედამინაზე გაუგონარი ამბავია.

არც ერთ დიქტატორს მსგავსი რამ თავში არ მოსვლია.

დიდი მიხვედრა არ უნდა იმ ფაქტს, რომ ეს კანონები ბიძინა ივანიშვილის და მის მიერ გადარჩენილი შიმშილისგან სიკვდილის ზღვარზე მყოფი ადამიანების წინააღმდეგაა მიმართული. „შენ ივანიშვილო არ დაეხმარო 90 წლის ჭაბუა ამირეჯიბს და 85 წლის გიგა ლორთქიფანიძეს თორემ სამი წლით ციხეში ჩაგვამო“, ამინებს ხელისუფლება ბიძინას.

რა ცინიზმია: მთავარია ბიძინამ ამ ქველმოქმედებით ამომრჩევლები არ მიიმხროს, თორემ ნაცმოძრაობას ფეხებზე ჰკიდია რომ ჭაბუა „დათა თუთაშხიას“ ავტორია, ხოლო გიგა ლორთქიფანიძე სწორუპოვარი რეჟისორი.

ახლანან კონტროლის პალატას დაავალეს შეისწავლე ვინ ვის ეხმარება, და სასამართლოს გადაეცეო; როგორც გაზეთები სწერენ კონტროლის პალატა „დავალებას“ ერთგულად ასრულებს, არადა როგორ მენანება ლევან ბეჟაშვილი ასეთი „შავი სამუშაოსთვის“, იგი ჩემი აჩიკოს თანაკურსელია.

ამერიკის ელჩმა ჯონ ბასმა განაცხადა საქართველოს საარჩევნო უფლებები ირღვევაო, როგორ შეიძლება კონტროლის პალატას ისეთი რამ დაევალოს, რაც მის უფლებებს აღემატებაო.

ამაზე, ჩანს, გაცხარდა ჩვენი დინჯი პრეზიდენტი და... საელჩოებმა თავის ჩაოხრებულ საქმეებს მიხედონო. ის როგორია, უბრალო მოქალაქეებს რომ რიგში აყენებენ ვიზებისთვისო. პრეზიდენტს პარლამენტარი კაკო ბობოხიძეც აჰყვა. „ვინ მისცა უფლება ამერიკის ელჩს საქართველოს ხელისუფლებას დირექტივებს აძლევდესო“.

ეს ყველაფერი უბრალო ენაზე „ნიშნავს“ გვაცალეთ უცხოელო დიპლომატებო, ჩვენ კარგად ვიცით როგორ ვუტიროთ დედა საქართველოსო.

ეს პირველი შემთხვევაა სააკაშვილის პოლიტიკოსობის ოცი წლის მანძილზე რომ მან ამერიკის ელჩის (და შესაბამისად ამერიკის) წინააღმდეგ ხმა ამოიღო. ხომ არ ნიშნავს ეს იმას, რომ „ძია სემმა“ გადანყვიტა საქართველოს პრეზიდენტის რვანლიან გრიალს ბოლო მოუღოს.

ამერიკაში საქართველოს ახალი ელჩობის კანდიდატმა სენატორების წინაშე განაცხადა – მივდივარ საქართველოში და პირობას გაძლევთ იქ მმართველი წრეების მიერ ჩადენილ უკანონობებს არ შევეგუებო. ნუთუ ჩვენ საქართველოს იმისთვის ვეხმარებით რომ იქ ოპოზიციონერს მოქალაქეობა წაართვან და ქვეყანაში ქველმოქმედება აკრძალონო.

ეს უკვე მეხის გავარდნას ჰგავდა. ნაცთა ბანაკი აშკარა პანიკამ მოიცვა – ხალხს აბუჩად იგდებენ, უკანონობას უკანონობაზე სჩადიან.

21 მარტს ირაკლი ალასანიამ განაცხადა: ნაცმოძრაობა სამეგრელოში შეიარაღებულ დაჯგუფებებს („ბანდფორმირებებს“) ჰქმნის, რათა ავტომატიანი „მოხალისეები“ ამომრჩეველთა და მომიტინგეთა წინააღმდეგ გამოიყენონო.

ამ განცხადებამაც აღშფოთების ახალი ტალღა გამოიწვია ნაცთა მხრიდან.

თავდაცვის მინისტრმა განაცხადა: ჩვენ კი არ ვქმნით შეიარაღებულ დაჯგუფებებს, ადამიანები თავიანთი სურვილით ენერებიან, რათა სახელმწიფოში უსაფრთხოება დაიცვანო.

ეს იმას ნიშნავს, რომ ალასანია მართალი ყოფილა.

ვშიშობ, ნაცმოძრაობა ისევ დრჩება ხელისუფლებაში. არჩევნებს ისეთი პირი უჩანს, უსათუოდ გაყალბდება. ივანიშვილის რაზმი მხოლოდ „თეორიული დებატებითაა გართული და პრაქტიკულად ვერაფერს აკეთებს. ჩემო ბიძინა, საქმეს სააკაშვილის მხილება ვერ უშველის. ნაცადი გამყალბებლები შენს საარჩევნო ხუხულას თავზე დაგამხოვენ და ჩხუბის დამთავრების მერე მუშტების ქნევა ვერაფერს გიშველის.

ტექნიკურ უნივერსიტეტში სრულ პროფესორად ხელახლა ამირჩიეს. სანამ შემიძლია უნდა ვიკითხო ლექციები და ახალგაზრდა მეცნიერებს ცხოვრებაში გზა გავუნაღდო. ეს ჩემი მოწოდებაა და ამ ხნის კაცს დიდ სიამოვნებას მანიჭებს.

ესეც არ იყოს არჩილ ფრანგიშვილს და იგორ კვესელავას ვერ ვუღალატებ. ეს მათი ძალისხმევით მოხდა ჩემი უკან დაბრუნება პედაგოგიურ ასპარეზზე.

გატაცებით ვმუშაობ კულტუროლოგიაში. იგი რექტორის თანადგომით საუნივერსიტეტო საგნად გამოცხადდა.

გამოვეცი სახელმძღვანელო „კულტურა და თანამედროვეობა“. ვფიქრობ, ჩემი ერთ-ერთი წარმატებული ნაშრომია.

25 მარტს დიდუბეში დაკრძალეთ სცენარისტი ერლომ ახვლედიანი. პატიოსანი კაცი იყო.

წლევეანდელი ზამთარი გაჭიანურდა.

თოვლი, როგორც იქნა, ალაგდა, მაგრამ ჯერ ისევ ცივა. არ იქნა და არ „ჩადგა ხეში ნყალი“.

მანაც მოვიმარჯვე სასხლავი და გავედი ბაღში.

ყინვას ვენახი ისე დაუზარალებია, რომ ხელის მიკარებისთანავე ძირს ცვივა „რქები“.

შევწუხდი.

რა ვქნა, რით გიშველო ჩემო ნაფერებ-ნალოლიალებო ვენახო.

10 აპრილს მარცხენა ხელი მოვიტყეხე. უფრო ზუსტად, იდაყვის ძვალია ჩამოტყეხილი.

დღლით ვენახს ვსხლავდი. „ხეივნის“ გასხვლას რომ მოვრჩი, კიბე დაკვე-  
ცე და ხელ-პირი დავიბანე. მერელა შევნიშნე, რომ წინა ვაზის მიბმა დამვიწყე-  
ბოდა. კიბის გაშლა დამეზარა და პლასტმასის სკამი მივიდგი. შევდექი თუ არა  
სკამზე, ნაწილ-ნაწილად დაიშალა და ფილაქანზე ზღართანი მოვადინე. რომ  
ვეცემოდი, გავიფიქრე თავი არ დავარტყა-მეთქი, თავი გადავარჩინე და იდაყ-  
ვით დავეცი. იდაყვი, რასაკვირველია, მოვიტყეხე. მაქვს ახლა თაბაშირში ჩას-  
მული. ეს რა საშინელება ყოფილა. ტკივილს რომ თავი გავანებო ცალი ხელით  
პირის დაბანა, ცალი ხელით თოხნა (მე ხომ უსაქმოდ ყოფნა არ შემიძლია) არ  
გინდა? ღამე ვერ ვიძინებ, ასე მგონია ასი ფუთი მკიდია მარცხენა მხარეს,  
კიდევ კარგი მარცხენა ხელია, თორემ ამ დღიურსაც ვერ დავწერდი.

რა ვქნა უნდა შევევუო, სხვა გზა არა მაქვს.

დღეს 15 აპრილია – ბრწყინვალე აღდგომის დღესასწაული.

ქრისტე აღსდგა, ჩემო საქართველო!

16. IV. 2012 – 15. V. 2012

გამოვიდა ჩემი ოცდახუთტომეულის პირველი ტომი.

დიდი მღელვარებით ველოდი მის გამოსვლას. თუ ჩემს სიცოცხლეში  
მოვასწარი მისი ჩამობეჭდვა (25-ივე ტომს ვგულისხმობ) უბედნიერეს კაცად  
ჩავთვლი თავს.

დაიდება ეს ტომეულები ქართველი მკითხველის წიგნის თაროზე, და მე  
მგონი, არ შეარცხვენს არც ავტორს და არც ქართულ მწერლობას.

უანგარო გამომცემელმა ლევან ფოფხაძემ, სანამ ტომეულების რე-  
დაქტირებას დაიწყებდა, მითხრა: ბატონო რეზო შენამდე გამოვეცი ოტია  
იოსელიანის, მიხეილ ჯავახიშვილის, კონსტანტინე გამსახურდიას, თამაზ  
ჭილაძის და რეზო ინანიშვილის ტომეულები, ჩვენ შორის დარჩეს და გამომ-  
ცემლობა საშინელ ვალში ჩააგდო ამ წიგნებმა, რადგანაც მხოლოდ თითებზე  
ჩამოსათვლელი რაოდენობა გაიყიდაო. იქნებ დამდოთ პატივი და ხელმოწ-  
ერები შეაგროვოთ, რათა გარანტირებული ვიყოთ, რომ სტამბის ხარჯებს  
მანაც ავინაზღაურებთო.

მე თვითონ ამ „მარიფათ-ორგანიზების“ მიმართულებით მკვდარი ვარ,  
არ გამომდის „საგამომცემლო აქტიურობა“ და მრცხვენია კიდევ, მაგრამ  
მანაც გავიწყვიტე შუბლის ძარღვი და ოთხიოდე უახლოეს მეგობარს დაეუ-  
რეკე. შეგროვდა ორასამდე ხელმოწერა – ეს სია წარვუდგინე წიგნის მალაზ-  
ია „სამშობლოს“. იქ მითხრეს, რომ პარლამენტის ახალი კანონით, ავტორებს

ნიგნით ვაჭრობა აეკრძალათ, თუ საგადასახადოში არ გაფორმდებიან მიკრობიზნესმენებადო. ეს ნიშნავს კიდევ ერთ ნაბიჯს, რომ ნიგნი აიკრძალოს საერთოდ. ლომიას ლოზუნგი – „ახალგაზრდების ხელში ნიგნი არ დავინახო“ და ახლახან პრეზიდენტის ინიციატივით საზოგადოება „ცოდნას“ რომ სახელი შეუცვალეს და „კომპიუტერის გამავრცელებელი საზოგადოება“ დაარქვეს, ძალაში შედის.

ჩავდექი უსაშველო რიგში საგადასახადოში. წარმოუდგენელი დამცირების ფასად როგორც იქნა მომცეს „მიკროსაქმოსნობის სერთიფიკატი“, რომელიც წარვადგინე მაღაზიაში.

ჩემთვის სრულიად მოულოდნელად ხელისმომწერთა თითქმის ნახევარმა უარი თქვა ნიგნის შექენაზე. ჩვენ გვეგონა, ბატონი რეზო ამ ტომეულებს უფასოდ გვაძლევდა და ამიტომაც სიამოვნებით მოვანერეთო ხელი.

ღმერთი, რჯული! რომ მქონდეს საშუალება ყველას (ნაცნობს თუ უცნობს) უფასოდ დავურიგებდი ჩემს ნიგნებს, მაგრამ ჩვენ შორის რომ გამომცემლობა დგას? რა ქნას გამომცემლობის დირექტორმა, თუ ნიგნი არ გაყიდა, როგორ გადაიხადოს ქალაქის და სტამბის ვალი?

ერთი სიტყვით „ნურც გაფრინდები, ნურც მოფრინდების“ მდგომარეობაში ვარ.

ხელი როგორც იქნა მომიჩრა. „მორჩენას“ ვეძახი თაბაშირი რომ ამხსნეს. თითქოს ხელახლა დავიბადე. მართალია, იდაყვი ღამლამობით ისევ „მტყხავს“, მაგრამ ამას დავეძებ? რაც მთავარია ორივე ხელით შემიძლია პირის დაბანა.

16. V.2012 – 5. VII . 2012

ოცდაერთიდან 26 მაისამდე მე და მაყვალა სომხეთს ვესტუმრეთ. თან გვახლდა ახალგაზრდა ნიჭიერი მწერლების ჯგუფი: ჰენრი დოლიძე, ნიკი ქვრივიშვილი, ირაკლი შამათავა, უჩა ბლუაშვილი და მამა პეტრე.

სომხეთმა, როგორც ყოველთვის, დიდი სიყვარულით მიგვიღო. მწერალთა კავშირის თავმჯდომარე გვერდიდან არ მოგვეშორებია. სომხეთში ამჯერად ორი დიდი ღონისძიება ჩატარდა: თბილისში ქართულად გამოცემული სომხური პროზის ანთოლოგიის პრეზენტაცია და ახალგაზრდა მწერალთა საერთაშორისო თათბირ-სემინარი. განსაკუთრებით სასიამოვნოდ დამჩრა, რომ ჩვენმა ახალგაზრდებმა თავი გამოიჩინეს, სადაც კი გამოვიდნენ ყველგან სიყვარული და ინტერესი დაიმსახურეს. მიხარია, რომ კარგი ლიტერატურული ცვლა გვეზრდება.

ლევონ ანანიანმა მთხოვა, ახალგაზრდა მწერლებისთვის ე. წ. „მასტერ-კლასი“ ჩამეტარებინა. უნდა გამოვტყდე რომ „მასტერ-კლასი“ ჯერ არასოდეს ჩამიტარებია და მით უმეტეს რუსულად. მართალია, ოცდაათი წლის განმავლობაში უნივერსიტეტში ახალგაზრდა მწერალთა წრეს (რომელიც ახლახან გააუქმა ნერა-კითხვის მცირემცოდნე „რექტორმა“ სანდრო კვიციანი) ვხელმძღვანელობდი, მაგრამ არასოდეს ფიქრად არ მომსვლია ახალგაზრდა მწერლებთან მელაპარაკე იმაზე, თუ როგორ იწერება მხატვრული ნაწარმოები, „რა მოთხოვნებს უნდა აკმაყოფილებდეს იგი“... ახლა კი პირდაპირ ასეთი ამოცანა დამისახეს, უარი არ გაენწყობოდა.



რაც შეეძლო, გავწიე. ორ საათს გაგრძელდა ჩემი გამოსვლა, იმის მერე რაც მრავალრიცხოვან მსმენელთ (მწერლები, ჟურნალისტები...) ჩემი მოსაზრებები გავაცანი ჟჳმმარიტ ლიტერატურაზე (1 საათი). დამისვეს შეკითხვები. არც ერთ შეკითხვას არ გავქცევივარ და არ მიმიფუჩრეჩბია. როგორც იმ დილის სომხური პრესა და ტელევიზია აღნიშნავდა, „მასტერკლასი მაღალ პროფესიონალურ დონეზე“ ჩამიტარებია.

ერთი რამ უნდა აღვნიშნო და გაფუჭებული გრამაფონივით სულ ვიმეორებ: მაშინ, როცა ჩვენს ხელისუფლებას, ამ სიტყვის პირდაპირი მნიშვნელობით, ეზიზღება მწერლობა, სომხეთში პირიქით ხდება. რა პროექტიც უნდა მივიტანო სახელმწიფო კანცელარიაში მუდმივად მწვანე გზა აქვსო, მაშინვე გამოყოფენ სახსრებს და ყოველმხრივ ცდილობენ ხელი შემიწყონო, ლეკონმა.

ჩვენ რა სიკვდილი დაგვემართა, რუსთაველის ქვეყანაში რატომ გამოაცხადეს ლიტერატურა კანონგარეშედ? ეს მხოლოდ და მხოლოდ იმის ბრალია, რომ სააკაშვილს ვძულვართ მწერლები. ვერ იქნა, ვერ შეიგნო ამ კაცმა, რომ მწერლობა ერის კულტურის უპირველესი გამოხატულებაა. თუ ჩვენ არ გვიჯერებს, ილია ჭავჭავაძეს მაინც დაუჯეროს: „თუ კაცს სურს შეიტყოს დიდება და ღირსება ერისა, ყოველთ უწინარეს იმას იკითხავს, რამდენი მთქმელი და მწერალი ჰყავსო“. თუმცა ჩემგან მიშიკოსთვის ამის თქმა ხომ მგლის თავზე სახარების კითხვის ტოლფასია. მას ხომ ილია ჭავჭავაძის სურათი თავის კაბინეტში მოსაჩვენებლად, ფარსად, არაგულწრფელად უკიდა.

საქართველოში წინასაარჩევნო ფაციფუცია, „ნაციონალური მოძრაობა“ (რატომ ღმერთი არ გაიცინებს, რა აქვს ამ მოძრაობას ნაციონალური) ყოვლის ღონისძიებით ცდილობს ხალხს თვალში ნაცარი შეაყაროს. ტელევიზიები საამური ცხოვრების ილუზიას ჰქმნიან იმ ქვეყანაში, სადაც 78% უმუშევარია. ყოველდღე გამოდის ტელევიზიით პრეზიდენტი და ტყუილების გუდას ბერტყავს. ამაზრზენია მისი უტიფრობა, სირცხვილის ნატამალიც კი არ ჩანს მის გამოსვლაში. ქართველი ერი მას, როგორც ჩანს, ბრიყვი ჰგონია. ლაპარაკობს 2015 წლის პროექტებზე, მაშინ როცა საპრეზიდენტო ვადა 2013 წელს ეწურება.

სახელისუფლებო მასმედია, რამდენადაც მოუხერხდება, თავს ლაფს ასხამს ბიძინა ივანიშვილს. რას აღარ აბრალებენ მას და მისი გუნდის წევრებს. კაცმა მილიარდები დაახარჯა სააკაშვილის მიერ ჩაწიხლული ქართული ფენომენის და ეკლესიის გადარჩენას და, გინდა თუ არა, რუსეთის კაციაო, გამყიდველიაო, მისი ქველმოქმედება თვალთმაქცობააო...

27 მაისს საქართველოში მოულოდნელი რამ მოხდა,

წინა დღეს, 26 მაისს სააკაშვილმა საქართველოს დამოუკიდებლობის დღის ზეიმი ქუთაისში ჩაატარა. იქვე გამართა პირველად პარლამენტის სხდომა.

ჩემი ქუთაისი ტაშისცემით შეეგება კაცს, რომელმაც დავით აღმაშენებლის ძეგლი აიღო და შადრევანი გამართა. ამაზე დიდი შეურაცხყოფა რა უნდა ყოფილიყო ქუთაისისთვის, მაგრამ, როგორც ჩანს, ქუთაისი ის ქუთაისი აღარ არის, მე რომ ჩემი შემოქმედების დიდი ნაწილი მივუძღვენი.



ახლა თბილისში გადმოვინაცვლოთ, იმ თბილისში, რომელსაც უსირცხვილოდ დაუპირისპირა პრეზიდენტმა ქუთაისი. დედაქალაქის იდეის ჩამოყალიბებას ერის ფსიქიკაში ათასწლეულები სჭირდება, თბილისზე გაბრაზებული მისიელო სააკაშვილმა კი ეს ერთი ხელის მოსმით გააკეთა, აქაოდა რას ჰქვია მე თბილისში „გრეჩინამ“ მომიგო არჩევნებიო, ადგა და დედაქალაქი ქუთაისში გადაიტანა.

ღმერთო, ნუთუ სიგიჟეს ზღვარი არა აქვს? ნუთუ ავადმყოფი კაცის ყვანცალს უნდა აჰყვეს ეს დინჯი და ბრძენი საქართველო?

აკი არ აჰყვა.

27 ივნისს თბილისში ანტისახელისუფლებო მიტინგზე 200 000 კაცი გამოვიდა. ეს იყო გონიერი საქართველოს დემონსტრაცია. მიტინგზე ბიძინა გამოვიდა დინჯად, ადამიანურად, თმის ჩამოშლის, ხელების ქნევის და ყვირილის გარეშე.

ღმერთო, ძლივს ხელისუფლებაში ჭკუადამჯდარი, სერიოზული კაცი მოდის-მეთქი, გავიფიქრე. ეს მიტინგი ბიძინა ივანიშვილის მომხრეთა გამარჯვების ნიშანი იყო, მაგრამ ოპოზიცია თვითდამშვიდებას ნუ მიეცემა.

„ნაციონალური მოძრაობა“ ჯერ კიდევ კუდს მოიქნევს. ოცდაათი წლის „მილიონერი ბიჭუნები“ ხელისუფლებას ასე იოლად არ დათმობენ. ისინი ახლა საქართველოში მრავლად მცხოვრებ „ნაციონალურ უმცირესობაზე“ გაამხავილებენ ყურადღებას და მათ მოსყიდვას შეეცდებიან.

4 ივნისს თბილისში ამერიკის სახელმწიფო მდივანი – კლინტონი ჩამოვიდა. როგორც მოსალოდნელი იყო, მან განაცხადა, საქართველო სწორი გზით მიდის, ჩვენ სააკაშვილის რეფორმებს მხარს ვუჭერთ და ასე განაგრძეთო. რა ენაღვლება ამერიკას. საქართველოში რაც უფრო არაეროვნული პრეზიდენტი იქნება, ეს ხომ მის წისქვილზე ასხამს წყალს. ერთი ჩვენ გვკითხოს.

ჩემი რჩეულის სამი ტომი უკვე გამოვიდა. ხელისმომწერლებს, როგორც გამომცემლობის დირექტორმა მაცნობა, ზოზინით, ნელ-ნელა („ყოყმანით“ კინალამ დავწერე), მაგრამ მაინც მიაქვთ წიგნები. იქნებ თქვენ დაურეკოთო, მთხოვა. რა ვქნა, მე ვერავის დაურეკავ, ჩემი წიგნი იყიდე-მეთქი, ჩემგან ეს დიდ სირცხვილად მიმანჩია. რაც იქნება იქნება პერანგს გავეყიდი და მაინც გამოვცემ ამ ოცდახუთტომეულს.

დანარჩენი საქართველომ თვითონ იცის...

5 ივნისს ჩემი ულამაზესი, უსაყვარლესი დაიკოს – ნათელას დაბადების დღეზე შევიკრიბეთ, 75 შეუსრულდა.

სუფრას თხუთმეტიოდე უახლოესი ნათესავი ვუსხედით. ვისუმრეთ, ვიმღერეთ, გული მოვიოხეთ, ნათელას ქმარი – დიდებული მწერალი ლადო მრელაშვილი მოვიგონეთ.

რა მოკლეა ნუთისოფელი, რა სწრაფად გარბის დრო. როგორც ჩანს, ისე ჩავალ საფლავში რომ აფხაზეთის და სამაჩაბლოს დაბრუნებას ვერ მოვესწრები.

აფსუსს, ჩემო უბედურო საქართველოვ...

დღეს 7 ივნისია.

ნუგზარ წერეთელმა თავისი ლექსების წიგნი გამომიგზავნა, სულ-მოუთქმელად წავიკითხე. ნუგზარი ჩემი სიყრმის მეგობარია. ნიჭიერი, სუფთა კაცი. როგორ მოუარა გურამ რჩეულიშვილს.

დატეხილია შენი ანძები,  
დაფლეთილია თეთრი აფრები,  
დგას საშინელი ჟამი გაძლების,  
ველარ ისვენებ ისე აფთრდები.

ცხოვრებამ ხშირად ცრემლით გატირა,  
ვერ შეეგუე ყოფას ახლებურს  
და თავს უყურებ როგორც პატიმარს  
სხვა სამყაროში გადასახლებულს.

გამომყვა ეს ლექსი ნუგზარის წიგნიდან, ამედევნა, სულში ჩამისახლდა, იმიტომ ხომ არა რომ ჩემ განწყობილებას მიუსადაგ-მიესაღებუნა?

ჟურნალ „რეიტინგის“ ახალი ნომერი (4 ივნისი, №23) მომიტანეს, სანამ ჩემი მოგონებების გაგრძელებას წავიკითხავდი, რეზო ჩხეიძის ინტერვიუს გადავანყდი. დიდი ქართველი კინორეჟისორი ქართული კინოს, თეატრის, საერთოდ ხელოვნების უმწეო მდგომარეობას ხელისუფლების მიერ ქართული ფენომენის წინააღმდეგ მიმართულ დივერსიას უწოდებს და ცამდე მართალია. იქვე, სხვათა შორის, წერს: „ვფიქრობ, რომ დღეს ყველაზე დიდი კლასიკოსი რეზო მიშველაძეა, ახლა ის ქართული ლიტერატურის ყველაზე დიდი ნათებაა“ (გვ. 47). თითქოსდა სულზე მომისწრო, გამხნეების სული შთამბერა ბატონი რეზოს ამ გამონათქვამმა, რომ შემხვდება, დიდი მადლობა უნდა ვუთხრა.

10 ივნისს მოძრაობა „ქართულმა ოცნებამ“ ქუთაისში გამართა აქცია. აქცია ჩაფიქრებული იყო როგორც ბიძინა ივანიშვილის მომხრეთა მიტინგი-დათვალიერება.

სადგურის წინ კიბეებზე და მთელ რუსთაველის ქუჩაზე ზღვა ხალხი შეგროვდა, როგორც გაზეთები სწერენ 50 000-მდე სააკაშვილის რეჟიმის მონინალმდეგე მოვიდა მიტინგზე.

ბიძინა ივანიშვილმა შერეული საპროგრამო სიტყვა წარმოთქვა. ილაპარაკა თმების ჩამოშლისა და ყვირილის გარეშე. როცა სააკაშვილი გამოდის მეჩვენება რომ ჩქარობს, ნერვიულობს, გაჰყვირის. ალბათ ეშინია, ვინმე უკნიდან არ წამოეპაროს, ამ ტყუილებისთვის მიკროფონი თავზე არ დააფშვნას და პანდური არ ამოსცხოს. წინასაარჩევნო დაპირებებს ბიძინაც იძლეოდა, მაგრამ არაფერს ამბობდა შეუსრულებადს და ცრუქაქუნას.

კარგად გამოვიდა გუბაზ სანიკიძეც.

პარლამენტის ახალი შენობა (რა უნდა ქუთაისში პარლამენტს?!) თავიდანვე დათარსულ-დანყევლილი აღმოჩნდა. ჯერ იყო და შარშანწინ მერაბ ბერძენიშვილის მშენიერი მემორიალი („შინ მოუსვლელნი“) ბარბაროსულად რომ ააფეთქეს დედა-შვილი იმსხვერპლა ამ აფეთქებამ, ახლახან კი პარლამენტის შენობის სათავსო ჩამოინგრა და ოცი კაცი მოჰყვა. მათგან ერთი უკვე გარდაიცვალა.

ქუთაისის გადადგომამ პანიკა გამოიწვია მიშას ბანაკში, შეძრწუნებული სახეებით დადიან. შემოდგომის ბუზებივით იკბინებთან. 12 ივნისს თბილისის საქალაქო სასამართლომ ბიძინა ივანიშვილი 250 მილიონი ლარით დააჯარიმა. აქაოდა საკუთარი სახსრებით ქუთაისის მიტინგი დააფინანსა, რისი უფლებაც არ ჰქონდაო!

განა სახელმწიფო სახსრებით არ ატარებს სააკაშვილი ყოველ პიარაქციას?

ნაციონალებისგან მე არაფერი მიკვირს, მიკვირს მხოლოდ ის, რომ მსოფლიო ხმას არ იღებს ამ უმსგავსობათა წინააღმდეგ. ნუთუ ბიძინა ივანიშვილის მომხრე საქართველოს თითქმის 2/3-ს დამცველი და ქომაგი აღარავენ ჰყავს არც ამერიკაში და არც ევროპაში ოფიციალური წრებიდან. რატომ გაგვწირეს ისე, რომ კვლავ ამ თავზებუნელალებული, ქართველთმოძულე სააკაშვილის ხელში გვიპირებენ ჩატოვებას?

„მწერლის გაზეთში“ გამოვაქვეყნე ნოველა „ახია“. იგი უსამართლოდ დაპატიმრებული ფოტოგრაფების გამოსარჩლებას წარმოადგენს.

გაზეთის ამავე ნომერში გრძელდება მურმან ჯგუბურიას მშვენიერი ლექსების ციკლის – „მინანერები რევაზ მიშველასის ნოველებზე“ ბეჭდვა. საოცარი კაცია მურმანი. ერთგული, უმურველი, უღალატო და რაც მთავარია, დიდი პროფესიონალი, მაღალი გემოვნების ესეისტი.

სოსო სიგუამ თავისი ახალი წიგნი „კულტუროლოგიის საფუძვლები“ (II წიგნი) მომიტანა, მაშინვე წავიკითხე. უაღრესად საინტერესოა, სოსოს რომ ეკადრება ისეთი წიგნია. დაფუძნებულია თანამედროვე კულტუროლოგიის მსოფლიო მიღწევებზე.

მონატეხი მკლავი ღამლამობით ცოტათი მანუხებს, მაგრამ ვარჯიში დავინწყე და ნელ-ნელა ვდგები, რომ იტყვიან, ფორმაში. დავრბივარ, რგოლებს ვეკიდები, ჰანტილებს ვიქნევ, ძიგძიგის ტრენაჟორს ვირგებ კისერზე და ნელზე. რა ვქნა... ასე მგონია დავარდნის და დაძაბუნების უფლება არა მაქვს, ჩემი მთავარი მოსასწრები საქმე 25 ტომეულის გამოცემაა. მერე მშვიდად მოვკვდები, ბოლოს და ბოლოს ცას ხომ არ გამოვეკერები.

18 ივნისს პანტომიმის თეატრთან ერთად იაპონიის ელჩმა დარბაზობაზე მიგვიწვია.

განაცხადა, რომ ერთადერთი თეატრი, ვისაც იგი დაუმეგობრდა თავისი ელჩობის ერთი წლის განმავლობაში, ეს პანტომიმის თეატრია. ამირან შალიკაშვილი იაპონიას რომ ჰყავდეს ხელისგულზე ვატარებდითო. მე ჩემი ყველა იაპონელი სტუმარი პანტომიმის თეატრის სპექტაკლზე მიმყავდა, რადგანაც პანტომიმის ენა ყველასთვის გასაგებიაო.

მერე ხუმრობით დასძინა: ჩამონგრეულკედლებიან, გაურემონტიებელ კედლებს რომ შეხედავდნენ ჩემი იაპონელი მეგობრები, ეგონათ რომ ეს დეკორაციის ნაწილი იყო და ბუნებრივ მოვლენად აღიქვამდნენ. მერე კი ვერაფრით ვარწმუნებდი რომ ეს თეატრი ნანგრევებში ხელისუფლების უყურადღებობის შედეგიაო.

მე ჩემი მხრივ, მაღლობა მოვახსენე ელჩს მისი მეგობრობისათვის ღვთისა და კაცისაგან მიტოვებულ ამირან შალიკაშვილის თეატრთან.

გამომშვიდობებისას იაპონიის ელჩმა გამოგვიცხადა, რომ ორ კვირაში შეგიძენთ ორმოცდაათკაციან ახალ ავტობუსს და ეს იქნება იაპონიის, საჩუქარი პანტომიმის თეატრისთვისო.

ყველას გული აგვიჩუყდა. დასის წევრები და ამირანი სიხარულის ცრემლებს ვერ მალავდნენ.

იაპონელებმა მცირე ტყუილები იციან, მაგრამ არა მგონია 30 კაცის წინაშე იაპონელ დიპლომატს ტყუილი ეთქვა, თუმცა... აღდგომა და ხვალეო. ორი კვირაც მალე გაივლის.

19 ივნისს ანზორ აბულაშვილს დავურეკე და 80 წელი მივულოცე. თითქმის 40 წუთი ვისაუბრეთ საქართველოს უბედო ბედზე.

სუფთა კაცი და ბრწყინვალე პოეტი ჩემი ანზორი.

იმ დღესვე, აფხაზეთის უნივერსიტეტში ოთარ ჭურღულიას ხსოვნის საღამოს დავესწარით მე და სოსო სიგუა.

მშვენიერი საღამო იყო.

დასასრულ რექტორმა ჯონი აფაქიძემ თავის კაბინეტში შემეპატიჟა.

მაჩუქა გერმანიაში გამოცემული თავისი არქეოლოგიური გამოკვლევების სამი ტომი. აგრეთვე უნივერსიტეტის შრომების VIII ტომი.

აღმაფრთოვანა ლტოლვილი უნივერსიტეტის მეცნიერულმა წარმატებამ.

ჯონი აფაქიძე უალრესად ნიჭიერი, უანგარო და გულისხმიერი ახალგაზრდა კაცია.

20 ივნისს ბალათერ არაბულმა დამირეკა; ბატონო რეზო, მწერლების სახელით ივანიშვილის მხარდამჭერი წერილი მინდა „ასავალ-დასავალში“ გამოვაქვეყნო და ხელს ხომ არ მოაწერო. მაგას რა კითხვა უნდა, ნაუკითხავად მოაწერე ჩემი გვარი-მეთქი. მაინც წამიკითხა ტელეფონში.

იმავე საღამოს სამთავრობო ტელევიზიამ გამოაცხადა რეჟისორი ქეთი დოლიძე სასამართლომ 5 000 დოლარით დააჯარიმაო. აშკარაა, ბიძინას მხარდაჭერის გამო.

21 ივნისს „იმედმა“ ორმოცწუთიანი გადაცემა მიუძღვნა ბიძინა ივანიშვილის მომხრე ფეხბურთელ კახი კალაძეს. ირკვევა რომ კახი გარიგებულ თამაშებშია გარეული და მის საქმეს იტალიის პოლიცია იძიებსო, სიხარულს ვერ მალავდა გადაცემის წამყვანი.

კიდევ კარგი რომ იტალიის პოლიცია იძიებს და არა ჩვენი, თორემ კახი აქამდე ციხეში იქნებოდა.

ჩვენთან სააკაშვილის ჯიბის სასამართლო განუკითხავად ივანიშვილის ყველა მომხრეს ციხეში აგზავნის მიუხედავად იმისა, არის თუ არა დამნაშავე.

20 ივნისის „რეზონანსში“ ვამბობ: „ვოცნებობ იმ დროზე როცა საქართველოს ისეთი პრეზიდენტი ეყოლება, რომელიც ორი ვადის გასვლის მერე იტყვის: „მე წავედი, აწი ახალმოსულმა ვინძლო ჩემზე უკეთ იმუშაოსო“.

გაოცებული ვარ, რა გამორჩენა ახლავს პრეზიდენტობას ისეთი, რომ ადამიანები გააფრთებით ებლაუჭებიან მის შენარჩუნებას-მეთქი.

ასიათასიანი მიტინგი ჯერ კიდევ არ ნიშნავს არჩევნების მოგებას. ჩემთან მოვიდნენ „კარდაკარის“ წარმომადგენლები და თმა ყალყზე დამიდგა,

როცა გამომოცხადეს, რომ ჩემს კუთვნილ ბინაში ჩემს გარდა 5 ჩემთვის სრულიად უცნობი ადამიანია ჩანერილიო.

ასე გაყალბებით, „მინერებით“ მკვდარი სულებით მოიგო სააკაშვილმა წინა პარლამენტის არჩევნები და ახლაც ასე იზამს.

6.VII.2012– 22.VIII.2012

3 ივლისს „მაესტროს“ ჯგუფმა მომაკითხა: ბატონო, რეზო, რატომ არ აკეთებს მწერალთა კავშირი ივანიშვილის მხარდამჭერ განცხადებასო.

ვუპასუხე: ეტყობა თქვენ გაზეთებს არ კითხულობთ, თორემ გეცოდინებოდათ, რომ ამ ექვსი თვის წინ როცა ხელისუფლებამ ბიძინას სრულიად უკანონოდ მოქალაქეობა ჩამოართვა, ჩვენ „ასავალ-დასავალში“ გამოვაქვეყნეთ საპროტესტო განცხადება, ხელს ვანერდით – ჭაბუა ამირეჯიბი, მე, ჯანსუღ ჩარკვიანი, თამაზ ჭილაძე, რეზო ჭიოშვილი და სხვები-მეთქი. ახლაც ზუსტად ერთი კვირის წინათ მწერალთა დიდმა ჯგუფმა დავგმეთ ივანიშვილის მიმართ განხორციელებული რეპრესია-მეთქი (ისევ „ასავალ-დასავალში“), რაც შეეხება განცხადებას საერთოდ „მწერალთა კავშირის“ როგორც უწყების სახელით, მწერალთა კავშირი 600-მწერლიანი თავისუფალი შემოქმედებითი კავშირია: ზოგი სააკაშვილს ემხრობა, უმრავლესი ივანიშვილს და მცირე ჯგუფი შეიძლება სირიის პრეზიდენტსაც კი ემხრობოდეს. რა უფლება გვაქვს ჩვენ მწერალთა კავშირის ხელმძღვანელებს ყველას სახელით განცხადება გავაკეთოთ-მეთქი. რაც შეეხება პირადად მე – ივანიშვილის მხარეს ვარ და ამას თითქმის ყოველდღიურად ვამტკიცებ-მეთქი. ჩემი ამ საუბრიდან „მაესტროს“ ყურნალისტთან მხოლოდ ორი წინადადება დაუტოვებიათ. ჩემი ბრალია უფრო გაბედულად უნდა უთხრა უარი აბეზარ ყურნალისტს, რომელსაც ჭეშმარიტება კი არ აინტერესებს, არამედ უნდა მისი წინასწარ ჩაფიქრებული „სიუჟეტისთვის“ რაიმე წამოგაცდენინოს.

4 ივლისს „კავკასიის“ ეთერით პეტრე მამრაძე გამოვიდა. ეს გახლდათ უალრესად განათლებული, ჭეშმარიტად ბრძენი ინტელიგენტის, ათას ბრძოლაში გამობრძმედილი პოლიტიკოსის უალრესად მართალი გამოსვლა. ბედნიერი ვიყავი რომ ვუსმენდი. მიხაროდა რომ საქართველოში ასეთი ნათელი გონების ადამიანები კიდევ არსებობენ.

ოთხმოცდაათოთხმეტი წლის პოეტმა ვასილ გვეტაძემ პატრიარქისადმი მიძღვნილი ლექსების წიგნის ხელნაწერი გამომიგზავნა, მინდა შენ იყო რედაქტორი, ჩემო რეზო, და იქნებ პატარა წინათქმაც წარუშმღვაროო.

ნავიკითხე, მომეწონა, წინათქმაც გავამზადე და საპატრიარქოში შორენას წერილიც მივწერე, იქნებ საპატრიარქოს გამომცემლობამ გამოსცეს-მეთქი.

ვნახოთ, რას იზამს შორენა.

5 ივნისს ევროპის ჩემპიონატის შესარჩევი ტურნირის ეგიდით ქუთაისის „ტორპედო“ ყაზახეთის ნაკრებს ეთამაშა. ბოლომდე შემართებით ვერ იბრძოლეს ქუთაისელმა ფეხბურთელებმა და თამაში 1:1 დამთავრდა. ქუთაისის მწვრთნელი უნიჭიერესი გაა გეგუჩაძე – ჩემი მეგობარი. ძალიან მინდა ჩემი ქუთაისის და გაას წარმატება. ვნახოთ რა გამოუვა.

7 ივლისს გრიშა შონიას ველაპარაკე. თბილისის პოლიციის ყოფილი უფროსი დახვეწილი ინტელიგენტი და თანამედროვე პოლიტიკაში უაღრესად გარკვეული კაცია. კარგა ხანს ვილაპარაკეთ ტელეფონით. ჩვენი შეხედულებები ერთმანეთს გაჭრილი ვაშლივით ჰგავს. გრიშა მშვენიერ რომანებს და მოთხრობებს წერს. ჩემი რეკომენდაციით მწერალთა კავშირის წევრად მივიღეთ. შენი მეოთხე ტომი ხომ არ გამოსულაო მკითხა. ერთ კვირაში გამოვა-მეთქი. პირველი სამი ტომი სულმოუთქმელად წავიკითხეო. გამეხარდა.

დავურეკე გრიგოლ ჯულუხიძეს.

ძლივს მელაპარაკა, შეუძლოდ ვარო, ვწევარო. ღმერთო კარგად მიმყოფე.

13 ივლისს ლიტერატურის მუზეუმის კლუბში ჯუმბერ გოგრიჭიანის შემოქმედებით საღამოს დავესწარი.

კარგი პოეტი და კარგი პიროვნებაა. მივესალმე მის შემოსვლას ქართულ მწერლობაში.

ივლისი მძიმე გამოდგა ჩემთვის. ჯერ იყო და შიო გამიხდა ავად, კუჭის წყლული აღმოაჩნდა და დროზე რომ არ გვეშველა კუჭი გაუსკდებოდაო, ექიმმა. ნამლებით ვჭყიპეთ.

მერე ბათუმიდან შევიტყვე ჩემთვის უაღრესად სამწუხარო ამბავი; ჩემს მეგობარს, უნიჭიერეს კრიტიკოს იური ბიბილიეშვილს ტვინში სისხლი ჩაექცა. დროულად მიუსწრეს, საავადმყოფოში მოათავსეს და როგორც მისმა მეუღლემ ქ-ნმა ელიკომ მითხრა, ჯერჯერობით მკურალობას ექვემდებარება, რამდენჯერმე დავურეკე, ცოტა ენას უკიდებს, თორემ საერთოდ მხნედ არის.

17 ივლისს კახეთს არნახული ქარიშხალი დაატყდა თავს. დაანგრია სახლები, ძირფესვიანად მოთხარა ხეები, გააოხრა მოსავალი. დგანან და ტირიან ჩემი საყვარელი კახელები. რა ვქნა, რით ვუშველო. ძველებურად მუხლი რომ მიჭრიდეს წავიდოდი და ფიზიკურად ვიმუშავებდი, კვერცხისოდენმა სეტყვამ ვენახები ისე გაანადგურა, 4 ნელინაღს ყურძნის მოსავალი არ იქნებო, ამბობენ გლეხები.

რას იზამ ახლა გარეწარო ხელისუფლებავ. რომელიმე პარტია ან ბიზნესმენი გაუბედურებულ გლეხს რომ მიეხმაროს ეს ხომ ამომრჩევლის მოსყიდვას ნიშნავს და პარლამენტის მიერ ახლახან მიღებული დრაკონული კანონით სასტიკად ისჯება დამხმარეც და დახმარების მიძღვრებიც.

გაგიგონიათ სადმე დედამინაზე ქველმოქმედების აკრძალვა?

რა დღეში ხარ, ჩემო უბედურო საქართველოვ.

ერისკაცმა ბიძინა ივანიშვილმა გამოსავალი მაინც იპოვა: ათი მილიონი გადაურიცხა მთავრობას და მკაცრად მოსთხოვა, ყველა კაპიკი უბედურების ზონაში მოსახლეობის დასახმარებლად დაიხარჯოს. ვნახოთ, რას იზამს ხელისუფლება. მეძინია რალაც ნაწილი იმ ათი მილიონიდან თავისთვის არ „მოიტეხოს“.

15 ივლისს ტელეარხ (იგი ამავე დროს რადიოარხიც არის) „ობიექტივით“ გამოვედით მე და ვალერი კვარაცხელია. ერთი საათზე მეტი ვილაპარაკეთ საქართველოს პრობლემებზე.



სხვათა შორის ვიხუმრე, ახლა რომ ნაცემოდრობამ დეკლარაცია შეი-  
მუშავა ამომრჩევლის მოსყიდვის წინააღმდეგ, არ ვეთანხმები-მეთქი. პირიქ-  
ით დაშვებულ იქნას ამომრჩევლის მოსყიდვა, იქნებ ამ საარჩევნო სამ თვეში  
მანც ამოისუნთქოს ხალხმა-მეთქი. ზოგი პარტია ფქვილს მიუტანს, ზოგი  
მაცივარს, ზოგი სატელევიზიო თეფშს და გაუმჯობესდება გალატაკებული  
ქართველი კაცის ცხოვრება-მეთქი. ბევრი იცინა ვალერიმ, მაგ ხუმრობაში,  
ბატონო რეზო, ნახევარი სიმართლეაო.

საერთოდ კი, დროა საარჩევნო მართონში ჩაბმულმა პარტიებმა თავი  
გაანებონ მაიმუნობას და პოლიტიკურ ფონგლიორობას-მეთქი, ქართველი  
ერი არცთუ დაუნი ერია რომ საჩუქრებით და წითელი ბაფთებით მისი მო-  
სყიდვა შეიძლებოდეს-მეთქი.

ვალერის შეკითხვას, ამ ბოლო დროს რატომ არ ჩანხართო, ვუპასუხე:  
სამწუხაროდ, ჩემი გამოჩენა ტელევიზიებზე და მოკიდებული, ტელევიზიას  
კი, არც ერთ არხს (არც ოპოზიციურს და არც სახელისუფლებოს) მწერლის  
აზრი საერთოდ არ აინტერესებს-მეთქი.

27 ივლისს ნიკო კურტანიძემ სვანეთში წამიყვანა, კვირიკობასაც დავეს-  
წრებით და სვანეთსაც თვალს შევაავლებთო.

უარს როგორ ვეტყვი.

მესტიამდე გზა ურიგო არ არის, მაგრამ თბილისიდან მანქანას ცხრა  
საათი მანც დაჭირდა.

ჰონდა-ჯიპში მძღოლის გარდა ვისხედით: ნიკო კურტანიძე, „ავერსის“  
მმართველი, კარგი პოეტი და მოღვაწე, თავმდაბალი, მოკრძალებული კაცი,  
პოეტი ერეკლე საღლიანი, ნიქაროსანი ზურაბ კურტანიძე (ნიკოს ნათესავი),  
ნიკოს ორი თხოთმეტი-თექვსმეტიოდე წლის შვილიშვილი – გვანცა და მარი-  
ამი, საპატრიარქოს ყურნალისტი და ოპერატორი.

მესტიამდე ოცი კილომეტრიღა გვექონდა დარჩენილი თავზე რომ  
დაგვადგა უშბა მთელი თავისი დიდებულებით.

მომწუხებელია უშბა. იგი ცაში აღმართული მუშტია. უშბის კლდის  
ტანზე თოვლი არ ჩერდება. უშბა გაიძულეებს მისი ნახვიდან ორ საათს  
მანც მხოლოდ უშბაზე ილაპარაკო. ორმოცდაათი წლის წინათ გახლდით  
სვანეთში. ოცი წლის ბიჭი ოტია იოსელიანმა ამომიყვანა და მთელი სვანეთი  
შემომატარა. რა ყოფილა ადამიანი; ეს მოხუცი კაცი ახლაც იმ ყმანვილის  
თვალით ვუყურებ სვანეთს. ახლა შევამჩნიე რომ სვანეთი – საქართველოს  
ლაშაზი ჭერი ამ ორმოცდაათი წლის მანძილზე თან მდევდა, ერთი დღითაც  
არ წასულა ჩემგან.

მესტიის ათასწლოვანი მდუმარება, მისი არქაული სახე უმოწყალოდ და  
უგემოვნოდ დაურღვევია ხელისუფლებას.

სადღაა ის ძველი მესტია დიდი ველი თეთნულდის ჩრდილქვეშ და ველს  
შეფენილი ულაშაზესი სვანური კომკები, კომკებს მიშენებული მაჩუბებით  
და სამლოცველოებით.

რომელიღაც უცხოელ არქიტექტორს ეროვნულ ტრადიციასთან და  
ლანდშაფტთან სრულიად მოურგებლად პოლიციის და სასტუმროს ტალ-  
ლოვან-არქიტექტურული ისეთი სიმახინჯეები დაუდგამს, რომ საერთო  
ხედიდან, იმ მესტიური გამმიდან რომელსაც ჩვენ ვიცნობთ, სრულიად  
ამოვარდნილია.



მოუკირწყლავ ქუჩებში მტვრის ბული დგას.

წინასაარჩევნოდ ხელისუფლებამ მესტიამი ყოველგვარი მშენებლობა შეაჩერა და ჩვენ თითო-ოროლა „თავგანწირულ“ ტურისტინად მტვერში ვიხრჩობითო, მითხრეს სვანებმა.

პოლიტიკა რისი პოლიტიკაა სვანეთში რომ არ დაგვხვედროდა.

სასტუმროში სანამ დავბინავდებოდით სტვენა-ღრიანცელი მოგვესმა:

მესტიის მტვრიან მოედანზე ბიძინა ივანიშვილი მიტინგს ატარებდა. „ნადი! ნადი! მიშა მაგარია!“ ყვიროდა მიტინგს აფარებული წითელპერანგოსან ადამიანთა დიდი ჯგუფი.

ეტყობა აქ ივანიშვილი არ უყვართ-მეთქი, შევეხმიანე სასტუმროს თანამშრომელს.

არა ბატონო, პირიქით, ძალიან უყვართო, მიპასუხა, ისინი ვინც ბიძინას სანინალმდეგო ლოზუნგებს გაჰყვირიან, არც ერთი სვანი არ არის, ბარიდან ერთი საათის წინ ავტობუსებით ამოიყვანესო.

რას არ ჩაგადენინებს თურმე კაცს ეს საარჩევნო მართონი.

სალამოს ერეკლემ მიხილ ხერგიანის სახლ-მუზეუმი დაგვათვალიერებინა და მესტიამი დიდი ლიტერატურული სალამო გავმართეთ.

ბატონმა ნიკომ და ერეკლემ მშვენიერი ლექსები წაიკითხეს, მე საქართველოს გასაჭირზე ვილაპარაკე.

სალამოს სული და გული გახლდათ ქუთაისიდან ამოსული ნიკო კურტანდიძის სახელობის ლიტერატურული კლუბი.

მოსწავლე-პოეტები და ნორჩი დეკლამატორები დიდებულად კითხულობდნენ ლექსებს.

ეს კლუბი ლამის ერთადერთია საქართველოში და ნიკო კურტანდიძის რუდუნებით დიდ საქმეს აკეთებს – მოზარდ თაობას აყვარებს ლიტერატურას და მშობლიური ენის სიღბოს ძვალ-რბილში განუმტკიცებს. კლუბს უანგაროდ ხელმძღვანელობენ ალეკო მესხორიძე, რეჟისორი თორნიკე მარჯანიშვილი და მისი მომხიბვლელი მეუღლე ქ-ნი მარინე.

მეორე დღეს კვირიკობის დღესასწაულს დავესწარით და უშგულისკენ ავიღეთ გეზი.

საშინელი გზაა მესტიიდან უშგულამდე. ოცდაშვიდი კილომეტრის გავლას ლამის სამი საათი მოვანდომეთ.

ამ ორმოცდაათი წლის წინათ გაცილებით უკეთესი გზა იყო.

ჩავედით უშგულში და გული მომიკვდა. ათასწლოვანი კოშკების და მარჩუბების გენიალური ანსამბლი, ეს გასაოცარი ცოცხალი მუზეუმი ღია ცის ქვეშ, ეს გენიალური არქაული დეკორაცია უგუნურ ხელისუფლებას შეურყვინა ამ სიტყვის სრული მნიშვნელობით:

სამიოდე სახლი თუნუქით გადაუხურავთ და უშგულის შესასვლელთან თეთრად აბრჭყვიალებული სათბური დაუდგამთ.

სადღაა უშგულის ძველთაძველი სილამაზე.

დაუყოვნებლივ უნდა გადახადონ ამ სახლებს თუნუქის სახურავი და მარჩუბების მსგავსად ფიქალით უნდა გადახურონ, დღესვე უნდა აიღონ ეს სამარცხვინო „სათბური“ და სხვაგან გადაიტანონ-მეთქი, ლამის ვიყვირე ინტერვიუში, თავაზიანმა ჟურნალისტმა ბავშვებმა უშგულში, რომ

ჩამომართვეს მაგრამ რად გინდა: 29 ივლისს ვნახე „ჩვენი“ სიუჟეტი საპატრიარქოს არხზე და წინდახედულ ცენზურას (რა უბედურებაა ეს ცენზურა ვერ მოვიშორეთ) ჩემი ათწუთიანი სიტყვა-ლაღადისიდან მხოლოდ ერთი წინადადება დაუტოვებია: „ბედნიერი ვარ რომ ორმოცდაათი წლის შემდეგ ისევ დავუბრუნდი ულამაზეს სვანეთს“... ასეთია ჩვენი ჟურნალისტიკა.

16 აგვისტოს გურიის გუბერნატორს ვალერი ჩიტაიშვილს მივმართე განცხადებით; თუ მოსახერხებელია, სოფელ გრიგოლეში გამომიყავით 150 კვ.მ მიწის ნაკვეთი, რომ პატარა ქოხი ჩავდგა და ზაფხულობით მშვიდ გარემოში ვიმუშაო-მეთქი.

თბილად, თავაზიანად მიმილო, ყურადღებით ჩაიკითხა ჩემი განცხადება და დახმარება აღმთქვა, ვნახოთ, რა გამოვა. მე რომ ვიყო ჩინელი, ყაზახი ან სომეხი, ვინ მეტყოდა უარს. მთელი სანაპირო გაყიდულია, მაგრამ მე ქართველი მწერალი ვარ (თანაც უფულო) და ხელისგულისოდენ მიწას გამოიმეტებს ვითომ ჩემთვის ეს ხელისუფლება?

### 23. VIII. 2012 – 30. IX. 2012

28 აგვისტოს საქართველოს საინფორმაციო საშუალებებმა გამოაცხადეს, რომ კახეთში, სოფელ ლაფანყურთან ჩვენი მამაცი პოლიცია და საჯარისო შენაერთები „ანარმოებენ ტერორისტების დენის ოპერაციას“.

სალამოს გამოაცხადეს რომ „ლიკვიდირებულია 11 კბილებამდე შეიარაღებული ტერორისტი, ხოლო ჩვენი მხრივ დაიღუპა სამი ოფიცერი – ერთი სამხედრო ექიმი და ორი პოლიციელი“. სახელისუფლებო საინფორმაციო არხებმა ყოველივე ამას „დასძინეს“, რომ დაღუპულ ტერორისტთაგან არც ერთი არ არის საქართველოს მოქალაქე!“

რა ჩაიდინეს ტერორისტებმა?

მთავრობას ამაზეც „ზუსტი“ პასუხი აქვს, თურმე ტერორისტებმა ტყიდან იქ საქეიფოდ შესული მშვიდობიანი ახალგაზრდა მძევლად აიყვანეს.

ცნობისმოყვარეობამ მომკლა კინალამ: ვინ იყვნენ, რა რჯულისა იყვნენ ტერორისტები, რუსები, ჩეჩნები თუ დაღესტნელები?

„გამოხსნილი“ ხუთი ლაფანყურელი „მოქეიფეები“ ჯერ „ამტკიცებდნენ“, მძევლად აგვიყვანესო, მერე „დააზუტეს“: არავითარი მძევლად აყვანა არ ყოფილა უბრალოდ ქეიფის დროს შემოგვესწრნენო. მეო, ერთმა, ფეხზე „ტაპორკები“ მეცვა და ახალთახალი „ბატინკები“ მაჩუქესო, ჩვენი „გამოხსნის ოპერაციაც“ არ ჩატარებულა, უბრალოდ როცა მოგვეხასიათა, ავდექით და ნამოვედითო.

კი მაგრამ, თუ ასე იყო, რაღაზე დახოცეს 11 კაცი ჩვენმა „მამაცმა“ მებრძოლებმა?

მესამე დღეს მოეფინა ნაწილობრივ ნათელი ამ სავალალო ისტორიას. თურმე თერთმეტი დაღუპული „გადამთიელიდან“ ორი ამოიცვნეს და ისინი არც მეტი არც ნაკლები პანკისის ხეობის სოფელ დუისის მცხოვრებნი ყოფილან.

დუისში გაიჭრა ექვსი სამარე და საქართველოს მისამართით გაისმა ჩრდილოკავკასიელთა (განსაკუთრებით ჩეჩენთა) მუქარა. ჩვენ აუცილებლად შურს ვიძიებთო. ჩვენი დაღუპული შვილებისათვის სისხლს ავიღებთო.

ესეც ახალი შარი ჩვენი უგუნური ხელისუფლებისაგან.

გვინდოდა ჩრდილოკავკასიელთა გადაკიდება?

ჯერ გაარკვიე, მამაცო ქართველო მეციხოვნე, ვინ არიან, სად მიდიან, გიშავებენ თუ არა რაიმეს შენ პირადად „ტერორისტები“, რა ხელი გექავება შე კაი კაცო, რატომ ჩქარობ, რატომ წინამასწარობ.

კაცია ადამიანისშვილია, კურდღელი ხომ არ არის?

მოკლედ, კიდევ ერთხელ გაგვიჩინა უამრავი კითხვა ხელისუფლების ამ მოუზომავმა ნაბიჯმა.

2 სექტემბერს პატრიარქთან მივყევი ჩვენ მსცოვან პოეტს ვასო გვეტაძეს. 94 წლის ბატონმა ვასომ დაწერა მშვენიერი წიგნი ჩვენს პატრიარქზე (ლექსების კრებულში) და მთხოვა, მეშუამდგომლა საქართველოს სულიერ მამასთან, რათა წიგნი საპატრიარქოს გამომცემლობას დაეტეჭდა და პატრიარქის დაბადების 80 წლისთავის იუბილესთვის გამოსულიყო.

ქ-ნ შორენას დავურკე და პატრიარქმა მაშინვე მიგვილო.

თბილად, ტკბილად, მისებურად გვესაუბრა.

მე მოახლოებული 80 მივულოცე და ჩემი 25-ტომეულის ორი ტომი ვუსახსოვრე.

დიდი მადლობით მიიღო და დანარჩენ ტომებს დაველოდებო, ბრძანა უწმინდესმა.

მერე ვასო გვეტაძეზე მოვახსენე ორიოდ სიტყვა.

თანამედროვე ქართული პოეზიის პატრიარქია-მეთქი ბატონი ვასო, ას ნელს მიახლოებული პოეტი მეორე არ გვყავს-მეთქი საქართველოში.

ენდეთ ჩემს გემოვნებას, ჭეშმარიტი პოეზიით სუნთქავს თქვენდამი მოძღვნილი ეს წიგნი და მოკრძალებით გთხოვთ გამოცემაში თანადგომას-მეთქი.

ამის შემდეგ ბატონმა ვასომ წარმოთქვა გულში ჩამწვდომი სიტყვა, თქვენს იმედუჯაო საქართველო, თქვენი ლოცვა-კურთხევით გვიდგასო სული.

უწმინდესმა იქვე დაავალა ქ-ნ შორენას ბ-ნი ვასოს წიგნის დროულად და ხარისხიანად გამოცემა და მერე მე მომიბრუნდა; ბატონო რეზო, თუ გცალკაათ სამების ტაძარში ერთ კარგ ღონისძიებაზე წამომყევიტო.

რასაკვირველია, თანხმობა მოვახსენე. დიდი პატივია-მეთქი ჩემთვის თქვენს გვერდით ყოფნა.

ჩამსვა თავის შავ, ულამაზეს „ჯიპში“ და ხუთიოდე წუთში სამებაში მივგრიალდით.

მრევლით გაჭედილი დარბაზი პატრიარქის მობრძანებას ელოდა. პირ-ჯვრის წერით, ტაშითა და ხელზე კოცნით შეეგებნენ. პატრიარქის გვერდით ვზივართ მე, რამდენიმე მღვდელთმთავარი, მინისტრის მოადგილე კარბელაშვილი და მამა პეტრე.

პატრიარქმა დაიწყო: დღეს ტერენტი გრანელზე სასაუბროდ შეგკრიბეთო. ეს ნამებული პოეტი მართლაც რომ ღირსია წმინდანად რომ შევრაცხოთო. მოდით, ვიმსჯელოთ და ვიფიქროთ დღეს ერთადო. რა თქმა უნდა, ყოველივე წმინდა სინოდმა უნდა გადაწყვიტოს, მაგრამ ტერენტი გრანელის ფასი რევაზ მიშველაძეზე უკეთ ვის ეცოდინებაო. მივცეთო მას სიტყვა.

ჩემთვის სრულიად მოულოდნელი იყო ეს სერობა, მაგრამ რალაცას მე

მგონია, მოვაბი თავი. ტერენტი გრანელის ჩემეული პორტრეტი წარვუდგინე საზოგადოებას და ბოლოს მუხლმოყრით მოვახსენე უწმინდესს მადლობა ქართულ მწერლობაზე, ესოდენი ზრუნვისათვის. უწმინდესმა წამომაცენა და ხელზე მაკოცა.

ქეშმარიტად დიდებული სულიერი მამა ჰყავს საქართველოს.

5 სექტემბერს საბურთალოს სასაფლაოზე დავკრძალეთ პროფესორ რეზო სირაძე, ქობულეთში გაზის ბალონის გაჟონვის გამო საკუთარ აგარაკზე აფეთქდა ძალიან მენყინა მისი სიკვდილი. რეზო სააკაშვილის მიერ უნივერსიტეტიდან გაძევებულ 500 პროფესორთაგან ერთ-ერთი იყო. ნუთუ საქართველო აპატიებს თავგასულ პრეზიდენტს ეროვნული ინტელიგენციის წინაშე ჩადენილ დანაშაულს?

არჩევნები ახლოვდება, პარტიები ერთმანეთს ლანძღავენ და კრახანებივით იკბინებიან.

მეექვსეა ივანიშვილის „ქართულმა ოცნებამ“ გაიმარჯვოს. სააკაშვილის გუნდი ყოველ ღონეს (მათ შორის აკრძალულ ილეთებსაც) ხმარობს, რათა პარლამენტში „ნაციონალები“ კვლავ უმრავლესობით მოვიდნენ. დასავლეთიც, როგორც ჩანს, მხარს უჭერს.

16 სექტემბერს ქუთაისში ბაგრატის განახლებული ტაძარი აკურთხეს. მე, გულახდილად რომ ვთქვა, ტაძრის განახლების, გადახურვის და მოქმედ ტაძრად ქცევის მომხრე ვარ, მაგრამ ვერ მოვიწონებ ნაჩქარევად აღდგენას, ლიფტის დადგმას და მწვანე ფერის თუნუქით ტაძრის გადახურვას. ამას, ყველაფერს თანდათანობით მოეწლება და რაც მთავარი იყო – გაკეთდა. ბაგრატ მეფის მიერ საქართველოს ერთიანობის სიმბოლოდ აგებულმა ტაძარმა ახალი სიცოცხლე დაიწყო.

7 სექტემბერს შინ მესტუმრა ნაციონალების მაისურიანი სიმპათიური ქალი. მეო, შრომითი მონყობის სამინისტროდან ვარო. ვიცი რომ თქვენ ცნობილი მწერალი ბრძანდებითო, ისიც ვიცი რომ ამ ხუთი წლის წინათ უნივერსიტეტიდან პოლიტიკური პოზიციის გამო გამოგაძევესო. ახლა ჩვენი სამინისტრო უკლებლივ ყველას პირდება სამსახურს და იქნებ ჩამანერინოთ სად და რა თანამდებობაზე გსურთ მუშაობის დანყებაო.

ამ მისდაუნებურად მატყუარადქცეულ ქალს რას ვერჩოდი, მაგრამ ნაციონალთა ამ უტიფრობამ ხუმრობის ხასიათზე დამაყენა.

კეთილი და პატიოსანი-მეთქი, ოთხი სავარაუდო ადგილი მეგულება და თუ ერთ-ერთ ადგილზე მანაც დამნიშნავთ ფრიად დაგიმადლებთ-მეთქი.

კალამი მოიმარჯვა და ყურადღებად იქცა.

პირველი: ახალგაზრდობაში პარაშუტით მხტომელი გახლდით. ეს საქმე (პარაშუტით ხტომა) მებერებდა ძალიან და იქნებ გამამწესოს ჩვენმა ხელისუფლებამ საპარაშუტო სკოლაში მწვრთნელ-ინსტრუქტორად-მეთქი.

მეორე: მთელი ცხოვრება სირაქლემას მოშენებაზე ვოცნებობდი. ამისათვის სპეციალურად ავსტრალიაში მესირაქლემობის კურსებიც კი გავიარე, მაგრამ საბჭოთა ეპოქაში უსახსრობის გამო ჩემს ოცნებას ფრთები ვერ შევასხი. ახლა როგორც ვიცი სააკაშვილი სირაქლემის ფერმის გახსნას აპირებს, გთხოვთ იმ ფერმაში მეკვერცხედ დამნიშნოთ-მეთქი.

მეკვერცხე რას ნიშნავსო, მკითხა.

მზის სინათლეზე რომ გავხედავ სირაქლემას კვერცხს, უშეცდომოდ ვხვდები, რომელია ნამამლი და რომელი არა-მეთქი.

გულდასმით ინერს ყველაფერს.

მესამე: ფოსტაში მინდა ვიმუშაო მოენედ-მეთქი.

ნამით შეყოვნდა.

თავი ასწია.

როგორ, თქვენ ამ ხნის კაცი ენის მიმტან-მომტანად იმუშავებთო?

ვერ გამიგეთ, „მოენება ფოსტაში სრულიად სხვა საქმეა. დღეში 4 საათი (ნახევარ შტატზე) ენა მექნება გამოყოფილი და ფოსტის თანამშრომლები საფოსტო გზაგნილების მარკებს ჩემს ენაზე დაასველებენ-მეთქი.

მეოთხე: თუ ზემოთ ჩამოთვლილი სამი სურვილის შესრულება გაგიჭირდებათ, მაშინ ოპერაში დამნიშნონ კულისების გამგედ-მეთქი.

კულისების გამგეს რა ევალებაო, მკითხა.

კულისების გამგეობა მაინცდამაინც ინტელექტუალური სამსახური არ გახლავთ, მაგრამ ცოტა არ იყოს სახალისო საქმეა.

კულისების გამგე სპექტაკლის ნორმალურ მსვლელობას უზრუნველყოფს: მაგალითად, მესამე ზარის შემდეგ ჭორობით გართულ ბალერინებს ტაკუნებზე ხელის ალერსიანი მიტყაპუნებით მოუწოდებს: ნუ აგვიანებენ და სწრაფად შევიდნენ სცენაზე-მეთქი.

რამდენადაც ვახერხებდი, სერიოზულად ველაპარაკებოდი შრომითი მონყობის სამინისტროს წარმომადგენელს ჩემი სასამსახურო სურვილ-პრეტენზიების შესახებ, მაგრამ სასაცილო ის იყო, რომ ჩემს სტუმარს ერთხელაც არ გალიმებია.

ჩაინერა ეს ყველაფერი, დახმარება აღმითქვა და დამემშვიდობა.

ნეტავ თუ მიიტანა ჩემი სურვილები სამინისტროს ხელმძღვანელობამდე და თუ მიიტანა რა სახე მიიღეს იუმორის გრძნობით დაჯილდოებულმა შრომითომონყობებმა?

უფრო საფიქრებელია, რომ ჩემი „ოცნებები“ იმ პატიოსანი ქალის გარდა არავის შეუტყვიან.

1. X. 2012 – 22. X. 2012

პირველ ოქტომბერს საპარლამენტო არჩევნებზე, ვერ დავმაღავ, იმედ-შეფერთხილი ნავედი.

არჩევნების წინა ღამით ტელერადიოარხ „ობიექტივის“ საშუალებით რეზო ჩხეიძემ და მე მივმართეთ ქართველ ერს, რომ „ქართული ოცნებისთვის“ მიეცა ხმა ყველას ვისაც საქართველოს მომავალი სწამდა და სჯეროდა.

იქვე გამოვთქვი შიში იმის გამო, რომ სააკაშვილი მიმართავდა ყოველგვარ „პრავაკაციას“, შანტაჟს, მაქინაციას, მუჯღლუგუნს... რათა ძალაუფლება შეენარჩუნებინა. საარჩევნო უბანთან ამომრჩეველთა შორის რიგში ჩამდგარს რწმენა დამიბრუნდა, ერთი კაციც არ იდგა რიგში სააკაშვილის მომხრე. ჩემ ირგვლივ წრე შეიკრა, მეკითხებიან: როგორ ფიქრობთ, ბატონო რეზო, გავთავისუფლდებით ამ სატანისაგან?

ჩვენი ხმების დაცვას თუ შევძლებთ, გავთავისუფლდებით-მეთქი.

რა უნდა გავაკეთოთო.

რა და ხმის მიცემის შემდეგ სახლებში ნუ გაიქცევით, აქ დავრჩეთ, რომ უნამუსო „ნაციონალებს“ კარუსელი არ დავატრიალებინოთ, ყალბი პირადობის მონმობებით არავინ შეიპაროს ხმის მისაცემად და საერთოდ უცხოელ დამკვირვებლებსაც დავანახოთ, რომ საქართველო ბიძინა ივანიშვილის გვერდით დგას-მეთქი.

მე პირადად, სალამოს რვა საათამდე ჩემს უბანთან (კანდელაკის 3, უბანი №84) ვიდექი ისე, რომ ფეხი არ მომიცვლია და ჭიქა წყალიც არ დამილევია. ხმის მიცემა რომ დამთავრდა და ბიულეტენების დათვლა დაიწყეს, პატრულმა ეზოდან გამოგვრეკა.

სამი საათის შემდეგ დაიწყო საარჩევნო „ცივი ომი“. სამთავრობო ტელევიზიები აცხადებდნენ, რომ „ჯერჯერობით ნაციონალები იმარჯვენებენ“, ოპოზიციური არხები კი მეორად ბიულეტენებზე დაყრდნობით დაბეჯითებით ამტკიცებდნენ, რომ ქართული ოცნება წინ არის.

ასე, 12 საათზე „ეგზიტპოლის“ შედეგები გამოცხადდა და შვებით ამოვისუნთქე, პირველად ქართული არჩევნების ისტორიაში (ამ ბოლო 9 წლის მანძილზე) ეგზიტპოლი ამცნობს მსოფლიოს რომ იმარჯვებს „ქართული ოცნება“.

ლამის 3 საათზე ეგზიტპოლის შედეგები ცენტრალურმა საარჩევნო კომისიამაც დაადასტურა.

გააფთრებით იბრძვის პრეზიდენტი სააკაშვილი. შეატყო რა, რომ მარცხდება, ყველა რაიონში (თბილისის გარეთ) დაგზავნა პოლიციის რაზმები და დაავალა – სასწრაფოდ მიიღეთ ყოველგვარი ზომები, ჩემი ხელისუფლების გადასარჩენადო.

ოპოზიციის ტელევიზიები უჩვენებენ, როგორ მიარბენინებენ უკუნეთ ლამეში ურნებს და ბიულეტენებით სავსე ტომრებს, აირია მონასტერი, არის უბნებთან ერთი ღრიანცელი და ბაგირის გადაქაჩვა. უკვე გვიან არის! საარჩევნო კომისიის თავმჯდომარეთა დიდ ნაწილს უკვე მოუსწრია საარჩევნო ოქმების თბილისში გადმოგზავნა. პოლიციამ მაინც მოახერხა მუქარითა და ძალის გამოყენებით (ერთ-ერთი უბნის თავმჯდომარეს შუბლზე რევოლვერი დაადეს და გაყალბებულ ოქმზე ხელი მოანერინეს) რამდენიმე მაჟორიტარულ ოლქში ნაცების კანდიდატისთვის საკმარისი ხმების მოპოვება, რასაც „ოცნების“ მხრიდან სასამართლოს კარამდე მისვლა მოჰყვა, მაგრამ სადაა სასამართლო. მოსამართლეთა 100 პროცენტი ხომ ჯერ კიდევ „მიმისტია“.

დილის 10 საათზე მიხეილ სააკაშვილი ტელევიზორთა ეკრანებზე გამოჩნდა და საგანგებო განცხადებით გამოვიდა. მეო, ვალიარებ დამარცხებას. გაიმარჯვა ქართულმა ოცნებამ, რასაც ვადასტურებ და ჩემი პარტიით – ნაციონალური მოძრაობით ოპოზიციაში გადავდივარო.

მას ასე, გული სიხარულისგან ლამის ბუდიდან ამომივარდეს – დამთავრდა სააკაშვილის ტირანული ბატონყმობის შავბნელი პერიოდი და საქართველოს ისტორიაში ახალი ერა დაიწყო.

არ ვიცი, შეიძლება თუ არა პრეზიდენტი ოპოზიციაში იყოს. იგი ხომ საქართველოს პრეზიდენტია, მამ, ვის უდგას ოპოზიციაში – საქართველოს?



ჩემი ფიქრით, დემოკრატიული არჩევნები ბიძინა ივანიშვილმა მარტო ტირან სააკაშვილს კი არა მთელ დასავლურ სამყაროს გამოგლიჯა.

სააკაშვილის დამარცხებას არც ამერიკა ელოდა და არც ევროკავშირი. გაიხსენეთ თბილისში დასავლეთის პოლიტიკოსთა გახშირებული არჩევნებისწინა ვიზიტები, რა სიტყვებით ამკობდნენ სააკაშვილს. კლინტონმა პირდაპირ განაცხადა: სააკაშვილზე უკეთესს ვის მისცემთ, ქართველებო ხმასო.

1 ოქტომბერი სილის განვნა იყო ეროვნულობის ყოველგვარი გამოვლინების დაუძინებელი მტრებისთვის. რასაკვირველია, ხელს აძლევდა დასავლეთს სააკაშვილის დარჩენა. სწორედ ამიტომ იყო, რომ 3 ოქტომბერს როცა ბიძინამ ურჩია „მოქმედ პრეზიდენტს“ გადამდგარიყო და საპრეზიდენტო არჩევნები დაენიშნა, მთელი დასავლეთი აიფოფრა და გადაეფარა სააკაშვილს. ბიძინას კი თითი დაუქნიეს – არ გაბედო სააკაშვილისთვის მსგავსი რჩევების მიცემაო.

სწორედ ეს „დასავლური ზურგი“ გახლავთ მიზეზი იმისა, რომ „ნაცები“ ისევ ყელყელაობენ და დიდ გულზე არიან.

საკვირველია ღმერთმანი. 2003 წლის ნოემბერში სააკაშვილმა უკანონოდ, ქუჩურ-ხულიგნურად გარეკა ხალხის მიერ კანონიერად არჩეული პარლამენტი, დაამხო შევარდნაძის ხელისუფლება და დემოკრატიულმა დასავლეთმა ეს ყოველივე მოუწონა თავზეხელაღებულ პოლიტიკურ ყაჩაღს, ხოლო ახლა როცა არჩევნებში გამარჯვებული მხარე ურჩევს (მხოლოდ ურჩევს) სააკაშვილს გადადგომას ამერიკა და ევროპა აყაყანდნენ: „ხელები შორს სააკაშვილისგანო“. აი, როგორ დემოკრატები არიან ისინი.

ამასობაში ბიძინამ მინისტრთა კანდიდატები დაასახელა.

ბრწყინვალე კანდიდატურებია, ყოველ შემთხვევაში პათოლოგიური, ფიზიკურად და სულიერად მახინჯი უმნიფარი ახალგაზრდები აღარ ჩანან მომავალ მთავრობაში, მარტო ეს რად ღირს.

ჩვენს დარგს – კულტურას ნიჭიერი, სუფთა კაცი, ცნობილი მწერალი, აფხაზეთიდან ლტოლვილი გურამ ოდიშარია უხელმძღვანელებს. რომ იცოდეთ, როგორ გამახარა ამ ამბავმა, რურუას „მეურვეობისგან“ როგორც იქნა გავთავისუფლდით, დარწმუნებული ვარ, გურამი დაგვიბრუნებს მწერალთა კავშირის სააკაშვილ-რურუას მიერ წართმეულ შენობას.

დავურეკე გურამს. თანაშემწემ მიპასუხა, ბოდიშს გიხდით, ახლა ჟურნალისტებს ინტერვიუს აძლევს და ვერ დაგელაპარაკებათო.

კარგი, როცა მოიცლის, მაშინ დავრეკავ-მეთქი.

სამიოდე წუთში თვითონ დარეკა გურამმა. ბატონო რეზო, ბოდიშს ვიხდი, ჟურნალისტები მყავდაო, გისმენთო ყურადღებით.

ა, ზრდილობიანი კაცი. იზამდა ამას რურუა? გაბლენძილი, გათამამებული, გატუტუცებული ნაცმენი?

არ იზამდა.

გილოცავ-მეთქი, ჩემო გურამ მინისტრობას. შენ ნიჭიერი და უანგარო მამულიშვილი, მართლაც რომ ღირსი ხარ-მეთქი ამ სავარძლის.



დიდი მადლობაო. ბატონო რეზო როცა მოიცლით იქნებ შემოიაროთ და ერთად მოვილაპარაკოთ ჩვენი მწერლობის პრობლემებზეო. აი, ასე სასიამოვნოდ დაინყო ჩემთვის ახალი ეპოქა, ჯერ კიდევ ბევრი რამ გასარკვევია, გველემუაში ისევ ქმინავს და სიმყრალეს აფრქვევს.

საკაპუვილს კვლავ პრეზიდენტი ჰგონია თავი და დატკეპნილ-დატერორებულ-დამათხოვრებული თბილისელებისთვის დღესასწაულის მოსალოცად გავიდა.

მართალია, ჭკვიანმა თბილისელებმა ზიზღით ზურგი შეაქციეს, მაგრამ მაინც მოიძებნა ერთი-ორი სულით მონა ხელზე რომ დაეკონა გაბითურებულ პრეზიდენტს.

კვლავ ამერიკის რკინის ხელი იგრძნობა საქართველოს პოლიტიკურ ცხოვრებაში.

ბიძინას რომ უკან წააღებინეს პრეზიდენტისთვის გადადგომის რჩევის მიცემა, შინგან საქმეთა მომავალ მინისტრ ირაკლი ლარიბაშვილსაც აგრძნობინეს შენი განცხადება ნაადრევიაო. ასევე ჯანმრთელობის მომავალი მინისტრის გამყრელიძის სურვილსაც – უმუშევართათვის კომპენსაციის გაცემის შესახებ, სწრაფად შეაკვეციეს ფრთები – საქართველოს ამის ფუფუნების საშუალება არა აქვსო.

რას იზამს ბიძინა. იგი ჭკვიანი კაცია და კარგად იცის დსავლეთთან ხუმრობა არ შეიძლება. დინების სანინააღმდეგოდ სვლამ, ხომ გასსოვთ რა დამართა ზვიად გამსახურდიას.

შვიდი ხელმწიფის წასვლას მოვესწარი: მყავანაძის, შევარდნაძის, პატიაშვილის, გუმბარაძის, ზვიად გამსახურდიას, ისევ შევარდნაძის და მიხეილ სააკაშვილის.

იმის თქმა მინდა, რომ ყოველთვის გულის დაწყვეტის, ნოსტალგიის მსგავსი ახლდა „პირველი კაცების“ წასვლას, რადგან თითოეულ მათგანთან პირადი ურთიერთობა მქონდა ჩემი ამ განზოგადებული, უბედური პროფესიის, მწერლობის გამო, ისეთი სიხარულის განცდა, დღეს რომ მაქვს, არ მქონია. ამ განცდას ნეკისოდენა სინანული და გულის-დანყვეტაც არ ახლავს. როგორ მოახერხე, 45 წლის პატარა ბიჭო, ასე შეგეძულებინა თავი მარტო რეზო მიშველაძისთვის კი არა, თითქმის მთელი საქართველოსთვის. ამაში კიდევ ერთხელ საარჩევნო უბანთან რიგში დავრწმუნდი, ზოგიც მინიშნებებით და ზოგიც პირდაპირ ერთმანეთს ეკითხებოდა, როგორ ფიქრობთ, გავთავისუფლდებით ამ სატანის-განო? მას მერე რაც დამოუკიდებლობა მოვიპოვეთ, საქართველოში ხელისუფლება არჩევნების გზით არ წასულა. ყოველთვის იყო თავში ჩაჩქუნი, ჩხუბში გადასული საარჩევნო ჯაგა-ჯუგი და ამას რომ შედეგი არ მოჰყვებოდა, იყო რევოლუცია. ისტორიული შეცდომა დაუშვით, როცა რევოლუციით გავაძევეთ ზვიად გამსახურდიას ეროვნული ხელისუფლება, როცა რევოლუციით გარეკა პარლამენტი და მოაშთო შევარდნაძის ხელისუფლება სააკაშვილმა. გაუტკბათ ბიჭებს ძალაუფლება, ამიტომაც ვთქვი ჩემს ერთ-ერთ ბოლო სატალევიზიო გამოსვლაში, რომ ძალიან მემინია, ესენი ძალაუფლებას არ დათმობენ და სისხლსაც კი დაღვრიან მის შესანარჩუნებლად-მეთქი. მადლობა ღმერთს, ასე არ მოხდა.

ბიძინა იანიშვილმა საარჩევნო კამპანია საოცარი მოთმინებით და განონასწორებელი სულიერი მდგომარეობით ჩაატარა. არ ვიცი, ამ საჩხერელ კაცს, რომელსაც დიდი გამოცდილება არ ჰქონია პოლიტიკაში, საიდან ეყო ნერვები. წაართვეს ბანკის მანქანა, სადაც მილიონობით დოლარი იდო. ამის შემდეგ სხვადასხვა დროს თითქმის 200 მილიონით დააჯარიმეს და ამით დაიფინანსა სააკაშვილმა თავისი საარჩევნო კამპანია, კაცი ჯვარს აცვეს და ნერვები მაინც შერჩა. ეს მაფიქრებინებს, რომ იგი საქართველოს მშვენიერი ხელმძღვანელი იქნება, რა რანგშიც უნდა მოგვევლინოს. მის ადგილზე ნებისმიერი სულიერად დაეცემოდა. სირცხვილი არ არის, მოქალაქეობას ართმევ კაცს, რომელმაც სამების საკათედრო ტაძარი აგიშენა, საქართველოს ყველა თეატრი დანგრევა-სა და განადგურებას გადაარჩინა, მთელი ინტელიგენცია შიმშილით სიკვდილისგან იხსნა. ეს არის კაცი, რომელსაც სიცილის დროს ნათელი გადასდის სახეზე. იშვიათად მინახავს ადამიანი, ასე უხბებოდეს სიცილი, სიკეთე გამოსჭვავის მისი სიცილისგან.

საკაშვილი კი ამაზრზენად იცინის, სააკაშვილი კი არ იცინის, ყივის თან მისი ყველა სიტყვა არაგულწრფელია. არ გჭირდება დიდი თავის მტვრევა, ყალბი ინტონაციები რომ დაიჭირო მის ნათქვამში. წარმოუდგენლად გულგრილი კაცია. თვალწინ რომ გაუტყავო, ცოცხლად კაცი, თვალს არ დაახამხამებს. მახსენდება, როგორ გაუსწორდა არა მარტო თავის ოპონენტებს, არამედ სრულიად უდანაშაულო ახალგაზრდებს. თავისი ზონდერბრიგადების მიერ ნაცემი ადამიანები რომ ნახა, სახენაშლილები, ერთი წუთით მაინც ხომ უნდა ეფიქრა, რომ ოდესმე შეიძლებოდა თვითონაც აღმოჩენილიყო მსგავს მდგომარეობაში. ამაზრზენი იყო სააკაშვილი განსაკუთრებით ბოლო პერიოდში წინასაარჩევნო გამოსვლებზე. როგორ მოაბიჯებდა, მე ვარ და ჩემი ნაბადიო. და ჩემი უბედური დები და ძმები მას „მიშა, მიშას“ ძახილით ხვდებოდნენ. არც გავკიცხავ ამის გამო პოლიტიკური ტრადიციის არმქონე საქართველოს. გახსოვთ, ბოლოს სტადიონზე როგორ მოაბიჯებდა, როგორ ართმევდა ხალხს ხელს ნაღმა-უკულმა ეს მკვლელი, ბელადივით!

– ჩვენი გამარჯვების მიზეზი ფსიქოლოგიურად მომზადებული ერი და დასავლეთის დიდი მხარდაჭერაა. სანდო წყაროდან ვიცი, ბიძინა როცა მიხვდა, მარტო ვერ გაუმკლავდებოდა სააკაშვილის დინჯ მრისხანებას, დასავლეთს მიმართა დახმარებისთვის. დღედაღამ ტელეფონთან იჯდა და რეკავდა, ჩამოდითო. არ გეგონოთ, რომ მარტო ციხის ამბებმა გადაწყვიტა სააკაშვილის ბედი. უამრავი უკმაყოფილო ადამიანი გაიჩინა ამ ხელისუფლებამ. ჯერ კიდევ 36 წლის იყო, როცა 15-16 წლის ბავშვები ჯვარს აცვა, რომლებმაც სამედიცინო კოლეჯი დაამთავრეს და სამედიცინო ინსტიტუტში უნდა ჩარიცხულიყვნენ. გახსოვთ ის საპროტესტო აქციები ყველას, მაგრამ სააკაშვილმა თავისი პრინციპულობა გაიტანა და ბოლომდე ეს სტილი შეინარჩუნა. უკან არ დავიხევ, თუნდაც დანყდით ერთ დღესო. ამას მოჰყვა ახალგაზრდების ჩახოცვა ქუჩებში, მისი განცხადება „ნულოვანი ტოლერანტობა, ყველანი ციხეში“. 2007 წელს მეც გავხდი მისი დაუნდობლობის მსხვერპლი. ლამის 4 საათზე

მოვარდა მისი ზონდერბრიგადა და მწერალთა კავშირის შენობიდან გალ-აკტიონ ტაბიძის, კონსტანტინე გამსახურდიას, სიმონ ჩიქოვანის, ირაკლი აბაშიძის პირადი ნივთები ქუჩაში გადმოყარა. ეს შენობა პრეზიდენტის ბრძანებით უნდა გავათავისუფლოთო. რა დაგიშავეს ასეთი მწერლებმა, რომ სარაჯიშვილის ნაჩუქარ შენობას ართმევ და ქუჩაში აგდებ. ჯანსუღ ჩარკვიანს, ჭაბუა ამირეჯიბს, ანა კალანდაძეს, ოტია იოსელიანს, რეზო მიშველაძეს?! – არვითარი პასუხი. ამის შემდეგ 5 წელი გავიდა. 5 წელია მწერალთა კავშირი ქუჩაშია. პატრიარქს რომ მივმართეთ და მოვუყე-ვით, რა დღეში ჩაგვავდეს, სამების საკათედრო ტაძარი დაგვითმო მწ-ერლების იუბილეების აღსანიშნავად. იუბილე ვანო მაჩაბელსა და ილია ჭავჭავაძეს კი არ სჭირდებათ, ილია ჭავჭავაძისა და ვანო მაჩაბელის იუ-ბილე სჭირდება ქართველ ერს, რომ ეროვნულობის სულიერი ჯაჭვი არ განწყდეს. 9 წლის განმავლობაში სააკაშვილის კაბინეტში კაცი არ შესულა თხოვნით. შევარდნაძე რომ შევარდნაძეა, მასთან მოახერხებდი შესვლას თვეში ერთხელ მაინც. წარმოიდგინეთ, როგორ დასცინოდა მთელ საქა-რთველოს. აეროპორტში გაცნობილი გოგონები დასვა მინისტრებად და თბილისის სახელმწიფო უნივერსიტეტიდან 400 პროფესორი ერთ დღეში გამოყარა. უკმაყოფილება რომ გამოვხატეთ ერთ-ერთ კლუბში, გარედან დაგვიკეტეს კარი კლუბში შესულებს და დიღმდე იქ გვამყოფეს, დილით 500 რეფორმაგავლილი პოლიციელი შემოვარდა და პანღურის კვრით გამოგვყარეს გარეთ. ამას თავი დავანებოთ, „კავკასიური ცარცის წრის“ თეატრი გააუქმა და რობიკო სტურუას ქსენოფობია დააბრალა. საქართ-ველოს მოსაპოვა უნდა, გაბრაზებულა ქართველებზე.

რა თქმა უნდა, ჯერ ნაადრევია ზეიმი. იმ დღეს ბიძინა ივანიშვილის პრესკონფერენციას ვუსმენდი და ნასიამოვნები დავრჩი. არსად სიტყვა არ გამრუდება, კაცი ქართულად მეტყველებს, სააკაშვილივით ღარიბი ლექსიკა კი არ აქვს, „მაგარიას“ მეტი რომ არაფერი იცის.

საერთოდ, ალბათ დამთავრდა პოლიტიკა ნაცმოდრაობისთვის და იმ პარტიისთვის, რომელიც არც ხორცი იყო და არც ძვალი, არც წყალი იყო და არც ღვინო და ნაცმოდრაობის მარაოს ქროლვაზე იყო დამოკიდე-ბული, თუ ჭკუა აქვთ, ყველანი თავ-თავის საქმეს უნდა ეწიონ. მშვენიერი ჟურნალისტები არიან თარგამაძეც, ვეფხვაძეც, ახვლედიანიც, ანიკაშ-ვილიც. უნდა მოეშვან პოლიტიკას და თავიანთი საქმე აკეთონ.

მე ყველგან ჩემი კალმით დავდივარ. იმასაც ამბობენ, მარკირების სითხეც ფალსიფიცირებული იყოო, მარამ ახლა რალას დაამტკიცებ. მთა-ვარი ისაა, რომ ქვეყანამ ამოისუნთქა, ამალამ მშვიდად დავიძინებ. ურჩხუ-ლი, საქართველოს უდიდესი მტერი, ქართველებისთვის ეროვნების წამრთ-მევი დავამარცხეთ. ჩვენი უსაყვარლესი მეგობარი, ოტია იოსელიანი რომ დამირეკავდა, მისას რომ ვბეჭდავდი რამეს გაზეთში, მეტყუდა, რეზო, საა-კაშვილის ჯიბრზე მიაწერე, თუ კაცი ხარ, ოტია შალვას ძე იოსელიანიო. კაცო, შენ შეიძლება არ გიყვარს მამაშენი, მაგრამ მე რატომ მიკარგავ მამის სახელს, რატომ წამიშალე მამის სახელი პასპორტში, ეროვნებაზე რომ აღარაფერი ვთქვათ! თავიდან ბიძინამ რომ თქვა, შევეცდები ვითა-ნამშრომლოო, ცოტა არ იყოს, შემეშინდა, ვისთან უნდა ითანამშრომლოს,

სისხლის სამართლის დამნაშავესთან, მკვლელთან?! გაიხსენეთ მისი გარემოცვის ხალხი როგორ გაასალა, მაგრამ ის ხომ ვიცი, მისი ბრძანებით როგორ ექცეოდნენ პატიმრებს, 2004 წელს, სამი თვის არჩეული იყო მიშა პრეზიდენტად, წიგნი რომ გამოვეცი, „20 რჩევა პრეზიდენტს“, რომელსაც ასეთი ფრაზა წავუძღვარე: „გულსუსტებს, ნერვებმოშლილ, კერპთაყვანისმცემლებს, მონებად დაბადებულებს, მოზარდებს 16 წლამდე და საპარლამენტო უმრავლესობის წევრებს ვთხოვ ნუ წაიკითხავენ“. ამ წიგნში მას 20 რჩევა მივეცი. არც ერთი მათგანი არ გაითვალისწინა. მეტიც, დაიდო წინ ეს წიგნი და ერთხელ თავის გამოსვლაში კარგა გვარიანად მლანძღა კიდეც. ზოგიერთი ბრძენი რჩევებს მაძლევს, ვის უნდა ამ ჩარეცხილების და მუმიების რჩევები... მას ახლა კიდე უფრო შესძულდა თბილისი, თავისი ხალხი. დარწმუნებული ვარ, სხედან ახლა თვითონ და მისი ბანდის წევრები და ლაპარაკობენ, ვის შევწირეთ ეს ენერჯია ცხრა წლის განმავლობაში, ამ უღირს ქართველ ხალხს, აი, როგორ დაგვიფასესო. ახლა ყველა სასხლავივით აილესავს ენას, დამხოზილო კაცზე აუგის თქმა ადვილია, მაგრამ მე გელაპარაკებით, ის რეზო მიშველაძე, რომელმაც გაპრეზიდენტებიდან სამი თვის შემდეგ მას ზემოხსენებული წიგნით მივმართე. ერთ სტრიქონს ვერ მომიძებნით ამ წიგნის შემდეგ, რომ მე პრეზიდენტი მექოს, მისთვის კოჭი გამეგორებინოს. არც ერთი რჩევა არ გაითვალისწინა და იქნებ ბიძინა ივანიშვილის რჩევა მაინც გაითვალისწინოს და დანიშნოს რიგგარეშე საპრეზიდენტო არჩევნები. ეს მისთვის საუკეთესო გამოსავალი იქნება, მისთვისაც და ქართველი ხალხისთვისაც. თუ ნებას მომცემთ, დასასრულ, ივანიშვილსაც მივცე სამი რჩევა. პირველი – ჩემო ბიძინა, თუ გინდა სამართლიანი კაცის სახელი გქონდეს, უფლება არ გაქვს დამნაშავეების მიმართ აუხსნელი ტოლერანტობა გამოიჩინო. მეორე – იყავი ყურადღებიანი თითოეული ქართველის მიმართ, არ შემოვივლო ღობე შენ ირგვლივ და არ გაამართლო ანდაზა, „სხვისი ჭირი, ღობეს ჩხირი“, თვეში ერთხელ შენს კაბინეტში ცხოვრებისგან გამწარებული ათი კაცი მაინც მიიღე და მესამე – შენ გენიოსი ხარ მენეჯმენტსა და ეკონომიკაში, ვიცი, ყველაფერს გააკეთებ, რასაც ქართველ ხალხს დაჰპირდი, მაგრამ ერთი რამ დაინერე გულის ფიცარზე საქართველოს შიმშილის მოთმენა შეუძლია, ზოგჯერ ავადმყოფობის მოთმენაც შეუძლია, მაგრამ ქართული სულიერების, ეროვნული გენეტიკის ჩაკვლა ცუდად მოქმედებს ქართველზე... სიმართლე გითხრათ, ვნანობ, ამდენი რომ ვილაპარაკე სააკაშვილზე და ასე ცოტა ივანიშვილზე. სააკაშვილი კლინიკური შემთხვევაა, მას მკურნალობა სჭირდება სასწრაფოდ.

ურჩი ავადმყოფი იქნება, მაგრამ ძალით უნდა ვუმკურნალოთ. იქ უნდა ვუმკურნალოთ, სადაც ძალით მკურნალობენ.

\* \* \*

21 ოქტომბერს ქუთაისის დაუმთავრებელ პარლამენტის შენობაში ახალი პარლამენტის პირველი სხდომა გაიმართა.

საქართველომ სცნო ბიძინა ივანიშვილის ანუ „ქართული ოცნების“ პარლამენტის უფლებამოსილება.

ეს საქართველოს გადარჩენას ნიშნავს.

ნირშეცვლილი, იხტიბარგატეხილი სააკაშვილი ლობე-ყორეს ედება.

აქაოდა, შემომხედეთ, რა დემოკრატი ვარო, ეს მე ჩავატარე დემოკრატიული არჩევნებიო.

მართლა მაგან ჩაატარაო? ჰკითხეს ბიძინას უცხოელმა ელჩებმა.

არ დაიჯეროთ ეგ ამბავიო, ბიძინამ, – პირიქით ყველაფერი გააკეთა არჩევნების გასაყალბებლადო.

ვერ წარმოიდგენთ, რა გახარებულია ხალხი, რომ ტირანი მოვიშორეთ.

საკაშვილის დესპოტიზმი უსიამოვნო მოგონებად შერჩება საქართველოს ისტორიას.

ეს იყო ლამის ყველაზე სამარცხვინო ეპოქა, რაც საქართველოს მთელი თავისი არსებობის მანძილზე განუცდია.

თბილისში დიდი მოძრაობაა. სააკაშვილის მიერ უსამართლოდ ციხეში ჩაყრილები თავისუფლდებიან. ქონებანრთმეულები თავიანთ ნაოფლარ-ნასიმნარევს იბრუნებენ.

ჩვენ მწერლებსაც გაგვიჩნდა იმედი, რომ ბიძინა ივანიშვილი მწერალთა კავშირის კუთვნილ შენობას დაგვიბრუნებს.

შიში წაიშალა ადამიანთა სახეებიდან.

მოსმენების, ჩაშვებების, ნარკოტიკ-ავტომატების „ჩადებების“ ცილისწამებების დრო დამთავრდა.

პარლამენტის შესასვლელთან პარლამენტარ-ნაციონალებს ხალხმა სირცხვილის დერეფანი გაუკეთა და სტვენით შეაცილა კარებში.

ბაჭია-საკაშვილი დაუთავებულ-კასტრირებულად გამოიყურება.

წამდაუნუმ იმეორებს ჩვენ ოპოზიციამ და პოზიციამ უნდა ვითანამშრომლოთო. ნუ გავიყოფითო, ორივე მხარეს ხომ ქართველები ვართო.

იმედი მაქვს გამარჯვებული მხარე ჩვენზე შურისძიებას არ დაინწყებსო. რა თქმა უნდა, პოლიტიკური შურისძიების მომხრე არც მე ვარ, მაგრამ დანაშაულზე ყველამ პასუხი უნდა აგოს.

ამისთვის საჭიროა, პირველ რიგში სასამართლო გათავისუფლდეს ხელისუფლების დიქტატისაგან.

ციხის სუნი იყნოსეს „მამალმა დამნაშავეებმა“ და გაილაღნენ საქართველოდან.

წავიდნენ, გაიპარნენ ახალაიები, კალმახელიძეები, შაშკინები, ადეიმ-ვილები და სხვანი მრავალნი...

ცხრა წლის განმავლობაში კირთების ქვეშ მყოფი ქართველი დაუყოვნებლივ ითხოვს სამართალს.

„უკან მიდევნებული ლამპარი ვერაფერი ნუგეშია შვილებმოკლული, დამშეული, დაბეჩავებული საქართველოსთვის.

ქართველმა ერმა თავისი სიტყვა თქვა.

აღმონერწყვა სააკაშვილის ბინძური ხელისუფლება. ახლა სიტყვა შენზეა ბიძინა ივანიშვილო, გამრუდებული საქმის გასწორებას, დაჩაგრულთა ქორაგობას ხალხი შენგან ელის...

სხვა მხრივ მშვიდობით ბრძანდებოდეთ.

23. X. 2012 – 4. I. 2013

ვერ იქნა და ვერ დამშვიდდა საქართველო. მიუხედავად არჩევნებში დამარცხებისა, ნაცები კვლავ ყელყელობენ. ნერვების მომშლელად დემაგოგიურად გამოდიან პარლამენტში და გაღმა შედავების პოლიტიკას ადგანან, რათა ამ სისხლის სამართლის დამნაშავეებმა თავი გადაირჩინონ.

დამარცხებული და ყოვლის მხრივ ავტორიტეტდაკარგული პრეზიდენტი კვლავ თავის „რაიხსტაგში“ ზის და გადადგომას არ აპირებს.

ამერიკა და ევროკავშირი ბიძინას, რაც შეუძლიათ, ხელ-ფეხს უბორკავენ. ყოველ კვირას ჩამოდიან სააკაშვილისგან შეგულიანებული დასავლეთის ემისრები და ბიძინას მოძღვრავენ: ნაცმოძრაობის მიმართ რეპრესიებს მოეშვიო. არა და რა იგულისხმება თუ იცით „რეპრესიებში“? თურმე ნუ იტყვი, ქართულმა ოცნებამ სადისტი ნაციონალი ჩინოვნიკები რომ დააპატიმრა კონკრეტულ დანაშაულზე კონკრეტული ბრალდებებით, ეს თურმე, შურისძიებაა ახალი ხელისფლების მხრიდან. სხედან დილამდე სააკაშვილის კაბინეტში თავგებივით შეშინებული „ყოფილი“ და გამუდმებით ურეკავენ ობამას, კლინტონს, რასმუსენს... არიქა, გვიშველეთ, ჩვენზე გამოძიება მუშაობს, საქმეებს გვიდგენენ, თუ დროზე არ მოგვეშველეთ, საქართველოში დემოკრატია დაილუპებაო. საოცარი ის არის, რომ ამ ჩვენი შეშლილი, ცრუპენტელა პრეზიდენტისა დასავლეთში ზოგიერთებს კიდევ სჯერათ.

პოლიტიკურ არაკაცობას საზღვარი არა აქვს. ჯერ ორი თვეა გასული რაც „ოცნებამ“ გაიმარჯვა და ნაციონალთა „ბელადები“ საქვეყნოდ ჩხავიან: ხომ ხედავთ, ხალხნო, მოგატყუათ ბიძინამ, სად არის ტარიფების განახევრება, სად არის მომატებული პენსიები, სად არის გადასახადების შემცირება, სად არის უფასო უმაღლესი განათლება, სად არის მილიარდიანი დახმარება სოფლის მეურნეობას, სად არის დაპირებული სამუშაო ადგილები და ლტოლვილთა ბინებით დაკმაყოფილება?!

თითქოსდა, რაც თვითონ ცხრა წლის განმავლობაში არ გააკეთეს, ბიძინამ ჯადოსნური ჯოხის დარტყმით უნდა შეძლოს.

მეშინია ამ გარეწრებმა ჭეშმარიტ ქართველს, სუფთა სინდისის და სუფთა ხელების პატრონ ბიძინა ივანიშვილს რამე არ უხიმათონ. ჯერჯერობით აშკარაა, რომ ბიძინას რაზმს უჭირს ძალაუფლების ხელში აღება. ავანტიურისტმა სააკაშვილმა 2003 წლის 22 ნოემბრის რევოლუციის მეორე დღესვე სრულიად საქართველოს ყველა რგოლში შეძლო თავისი ბატონობის დამყარება, ბოზლიოთეკათა გამგეებიც კი გამოცვალა. ბიძინას ეს ჯერჯერობით არ გამოსდის ან ვერ ახერხებს.

შევხვდი კულტურის მინისტრს გურამ ოდიშარას და განათლების მინისტრს გიორგი მარგველაშვილს. რას შერებით ბიჭებო, რატომ აგვიანებთ ქმედითი ნაბიჯების გადადგმას-მეთქი. რა ვქნათო? შემომაჩერდნენ, რა და დაუყოვნებლივ დაგვიბრუნე, გურამ, მწერალთა სასახლე და გიორგი დაუყოვნებლივ დააბრუნე ჯავახიშვილის უნივერსიტეტიდან შეურაცხადი სააკაშვილის მიერ გამოყრილი პროფესორები-მეთქი. ორივემ მრავალმნიშვნელოვნად დამიქნია თავი; ცოტა ხანს გვაცალეო.



რა მოცდა უნდა ამ საქმეს, ამას ხომ ფული არ სჭირდება-მეთქი. ყოყმანის პოლიტიკა კარგს არაფერს დამართებს ბიძინას ხელისუფლებას. საჭიროა ქმედითი, ქმედითი და კიდევ ქმედითი ნაბიჯები.

26 ნოემბერს გამთენიისას გარდაიცვალა ჩემი სიყრმის მეგობარი გივი გამსახურდია – ტექნიკური უნივერსიტეტის სრული პროფესორი, უნიჭიერესი და უსპეტაკესი კაცი.

ორი წლის წინათ გივის ოდაჩვიდმეტი წლის ვაჟკაცი – კახა დაელუპა. შვილის მოულოდნელმა სიკვდილმა მამა წელში გატეხა. ორი წელი გაუძლო გივის გულმა ამ საშინელ ტრაგედიას, მეტი ვერა.

თავზარდაცემული დავაბიჯებ წინ და უკან. ორმოცდაათი წლის განმავლობაში ერთად მივაბიჯებდით, მივაბიჯებდით ოთხი განუყრელი მეგობარი (სოსო ბუხაიძე, გივი გამსახურდია, იგორ კვესელავა და მე) წუთისოფელის ოღროჩოღრო ბილიკებზე. ახლა ორნიღა დავრჩით – იგორი და მე.

15 დეკემბერს ბიძინა ივანიშვილს წერილი მივწერე. ეს წერილი მეორე დღესვე „მწერლის გაზეთში“ გამოვაქვეყნე სათაურით „ღია წერილი ბიძინა ივანიშვილს“. თანადგომას ვუცხადებ საქართველოს პრემიერ-მინისტრს და 18 რჩევას ვაძლევ: ჩემო ბიძინა შენ ნაცების მიერ სახსრებში მოშლილი ქართული ეროვნული სახელმწიფო უნდა ააღორძინო-მეთქი. ვინძლო საქართველო არ აქციო არც ამერიკის და არც რუსეთის ვასალად, რადგანაც საქართველოსთვის სულერთია მგელი შეჭამს თუ მგლისფერი ტურა-მეთქი. უნდა გარდაქმნა-მეთქი სააკაშვილისაგან ჩანჩხლული განათლების და სამედიცინო სტრუქტურები ხალხის სასარგებლოდ. სწრაფად უნდა დაბრუნდეს სახელმძღვანელოებში ნაცების მიერ ამოღებული პატრიოტული ნაწარმოებები-მეთქი. უნდა დააბრუნოთ უმაღლესი სასწავლებლებიდან გამოდევნილი პროფესორ-მასწავლებლები და უნდა აღადგინოთ ჯავახიშვილის უნივერსიტეტში გაუქმებული რუსთაველის, ილიას, აკაკის, გალაკტიონის და გამსახურდიას კაბინეტები-მეთქი. მიხედვით შემოქმედებით კავშირებს, თეატრებს, კინოსტუდიას, მუზეუმებს – იცოდეთ ეს სახელოვნო სტრუქტურები ინარჩუნებენ-მეთქი. ჩვენს ეროვნულ ფენომენს და ბოლოს კიდევ ერთხელ გთხოვ, რუსთაველის პროსპექტზე გავხსნათ „რუსთაველის სახლი“, რომელშიც განთავსდება ვეფხისტყაოსნის ხელნაწერები, ლიტერატურა „ვეფხისტყაოსნის“ შესახებ და რაც მთავარია, სხვადასხვა ენაზე გაიყიდება რუსთაველის გენიალური პოემა-მეთქი.

წერილიც და გაზეთიც გავუგზავნეთ ადრესატს.

ამასობაში გრძელდება პროკურატურის მიერ სამართლიანი დაკითხვა-დაპატიმრებანი ნაცისტი დამნაშავეებისა და სასამართლოს მიერ (რომელსაც 100 პროცენტით სააკაშვილი აკონტროლებს) მათი სამარცხვინო გათავისუფლება ე. წ. გიროითი. პროკურატურაში, როგორც ჩანს, უმნიშვარი გამოძიებლები ჰყავთ (ან შეგნებულად იქცევიან ასე) და სასამართლოში გზავნიან დაუმთავრებელ საქმეებს: სადისტად მიჩნეული ბაჩო ახალაიას მთავარი დანაშაული ის ყოფილა რომ მან თურმე ერთხელ ვაშლის თლის დროს თავის ადიუტანტს თავში დანის ტარი ჩაუკაკუნა (?!),



თავისი უხეშობით განთქმული ბინადის დანაშაული ის ყოფილა რომ მას ერთხელ, 5 წლის წინ ერთ-ერთ სუფრაზე სუფრის წევრთან წალაპარაკება მოსვლია (?!), გენერალური შტაბის დამნაშავე ხელმძღვანელს სხვა დანაშაული ვერ მოუძებნეს, გარდა იმისა რომ მას ერთ-ერთი ჯარისკაცისთვის უხეშად მიუმართავს, ხოლო იუსტიციის ყოფილი მინისტრის ძირითადი დანაშაული ის აღმოჩნდა, რომ მას თავისი სამსახურისთვის ტელეფონით მოსმენის უფლება მიუცია, ხოლო პოლიციის მაღალჩინოსან გუნავას თურმე ბენზინი არასამსახურებრივი მიზნისთვის დაუხარჯავს.

მე ვფიქრობ ამას წინასწარგანზრახვით აკეთებენ, რათა ღვინის ქურდები მთხლეს გადააყოლონ თან სასამართლოს მათი გათავისუფლების საქმე გაუადვილონ და ამით ნაცდებუტატებს საშუალება მისცენ ერთხელ კიდევ დასცინონ ახალ ხელისუფლებას.

31 დეკემბერს სააკაშვილი ტელევიზიით გამოვიდა და ბიძინა ივანიშვილს ხუთპუნქტიანი ულტიმატუმი შესთავაზა. მათ შორის პირველი იყო, ნაცისტების დაკითხვა-დაპატიმრებების დაუყოვნებლივი შეწყვეტა...

1 დეკემბერს ბიძინა ივანიშვილმა შეტევაზე გადმოსული პრეზიდენტის ულტიმატუმს საყოველთაო შერიგების გამოცხადებით უპასუხა.

ბ. ივანიშვილის ამ დემარშმა აზრთა სხვადასხვაობა გამოიწვია. ერთნი ამბობენ, რომ ივანიშვილი შეშინდა, ვერ გაუძლო ამერიკის და ევროკავშირის ზეწოლას და უკან დაიხია. მეორეთა აზრით (და მეც ამ მეორე აზრს ვიზიარებ) ბიძინამ ტაქტიკური ნაბიჯი გადადგა, მისი დემარში დროს მოგებით იყო გაპირობებული. მან კარგად იცის, რომ 2013 წლის საპრეზიდენტო და 2014 წლის ადგილობრივ არჩევნებში ნაცმოძრაობა სასტიკად დამარცხდება და მერე პოლიტიკურად განახლებულ საქართველოში გააჩენს სამართალს. სინამდვილეში ბიძინას ნაცისტი დამნაშავეებისთვის არაფერი უპატიებია და ამას რამდენიმე თვეში დავინახავთ. ამასობაში მიიწურა დრამატული და მღელვარე 2012 წელი.

1 იანვარს ჩემს სახლში (გაზაფხულის 5) ღარიბულ ტაბლასთან ექვსიოდე სტუმარს ვუმასპინძლე: იგორ კვესელავას, სოსო სიგუას, მურმან თავდიშვილს და ჩემს დას – ნათელას, დისშვილს ზაზა მრელაშვილს.

ვისხედით, მოწყენილნი, ჩვენს მოწყენას ორი სერიოზული მიზეზი ასაზრდოვებდა.

პირველი საქართველოს ამჟამინდელი გაურკვეველი მდგომარეობა, სავალალო ორხელისუფლებიანობა და მეორე – ჩემი ძვირფასი მეგობრის პროფესორ გივი გამსახურდიას გარდაცვალება.

1 იანვარს 73 შემისრულდა

ინცება სიბერის გრძელი ღამეები.

ვნახოთ, რას იტყვის 2013 წელი.

მიუხედავად იმისა, რომ „ახალი ვითარება“ ნელა მკვიდრდება, ჯერ არც მწერალთა სასახლე დაგვიბრუნდა და არც დამნაშავე რექტორები გაათავისუფლა ბიძინამ, ვერც ნაცისტთა პარპაში აღკვეთა და ვერც თავისუფალი სასამართლო აღოროძინა...

მე მაინც მჯერა ბიძინა ივანიშვილის.

## 5. I. 2013 – 1. II. 2013

7 იანვარს გარდაიცვალა ნიჭიერი მთარგმნელი ჯემალ აჯიაშვილი. იგი ისრაელში გარდაიცვალა და მისივე ანდერძის თანახმად ისრაელში დაკრძალეს.

რვა იანვარს მწერალთა სასახლეში ჯემალ აჯიაშვილის სამოქალაქო პანაშვიდი შედგა.

მოვიდა ბიძინა ივანიშვილი და სამგლოვიარო წიგნში ჩანაწერი გააკეთა. მადლობა მოვახსენე საქართველოს პრემიერ-მინისტრს ქართველ მწერალთა მიმართ გამოჩენილი ყურადღებისთვის. კერძოდ ვთქვი:

6 წელია ეს მწერალთა კუთვნილი სასახლე დაკეტილი იყო ჩვენთვის.

ჩვენ არ მოგვცეს ამ სასახლიდან ანა კალანდაძის, ოთარ ჭილაძის, ლევან სანიკიძის, ოტია იოსელიანის გამოსვენების უფლება. დღეს პირველად გაიღო ეს კარები ჩვენთვის და ბიძინა ივანიშვილი შემოგვიძღვა, რათა პატივი მივაგოთ ჯემალ აჯიაშვილს.

თქვენ დაინახეთ, რა დიდხანს და გულმოდგინედ წერდა იგი სამგლოვიარო წიგნში სამიძიარს, იმიტომ რომ იგი პატივს სცემს ქართულ სიტყვას, მან იცის მწერლის ფასი და ადგილი ერის სულიერი წრთობის საშვილიშვილო საქმეში“ და ა.შ.

მიტიჩგის დამთავრების შემდეგ რომ ვააცილებდით, ბიძინა მომიბრუნდა და მითხრა: რეზო, ნახე ერთი თუ ძმა ხარ, ჩემს ჩანაწერში რამე გრამატიკული შეცდომა ხომ არ დავუშვი, ხომ იცი, ყველაზე მეტად შენი მეშინიაო.

არხეინად იყავი ბიძინა ბატონო, შენ, არაფერი გემლება-მეთქი, ხუმრობითვე მივუგე.

ასეთი უბრალო და უცერემონიო კაცია საქართველოს ახალი მმართველი გადარეული სააკაშვილისგან განსხვავებით.

10 იანვარს გორის სახელმწიფო უნივერსიტეტმა შეხვედრა მომიწყო. გადაჭედელი იყო უნივერსიტეტის სააქტო დარბაზი. სტუდენტების და პროფესორ-მასწავლებლების გარდა გორის ინტელიგენციის წარმომადგენლებიც ესწრებოდნენ.

შეხვედრა ვრცელი შესავალი სიტყვით გახსნა უნივერსიტეტის რექტორმა, პროფესორმა გიორგი სოსიაშვილმა. აქვე უნდა ვთქვა რომ იგი ნიჭიერი მწერალია, მისი არაერთი მოთხრობა წამიკითხავს.

იმოხსენება სოსო სიგუამ. სოსოს მოხსენება, როგორც ყოველთვის საინტერესო და მაღალპროფესიონალური იყო.

სიტყვებით გამოვიდნენ შოთა ქურდაძე (84 წლის პროფესორი), ჯემალ ინჯია (გორის მწერალთა კავშირის თავმჯდომარე), პროფ. მარინე გიგამშვილი, ვახტანგ ჭანკოტაძე (მწერალი), დავით ახლოური (მწერალი), სტუდენტები: ნინო მახათაძე, ხატია ტეტუნაშვილი, მარიამ შატაკიშვილი, ნინო გომართელი და სხვები.

ბოლოს დიდი მადლობა მოვახსენე შეხვედრის ორგანიზატორებს, ვილაპარაკე მწერლობის თანამედროვე პრობლემებზე, საქართველოს სავალალო ვითარებაზე და ვუპასუხე შეკითხვებს.

ეს იყო ერთ-ერთი უმესანინმნავესი შეხვედრა, რაც ჩემთან შეხვედრები მახსოვს.

ბოლოს გიორგი სოსიაშვილმა გამოაცხადა, რომ გორის უნივერსიტეტში დაარსდა რევაზ მიშველაძის სახელობის სტიპენდია.

ჩემი მხრივ ოცდახუთტომეულის 10 ტომი საჩუქრად გადავეცი გორის უნივერსიტეტს და სამომავლო მეგობრობა-თანამშრომლობასაც დავპირდი.

საინფორმაციო სააგენტო „ივერონის“ დირექტორად გამოცდილი ჟურნალისტი და ლიტერატორი, ვალერი კვარაცხელია დანიშნეს. ვალერი ნიჭიერი კაცია და გამჭრიახი პოლიტიკოსიც. იგი წლების განმავლობაში თანმიმდევრულად ქადაგებს, რომ ჩრდილოელ მეზობელთან საომარი მდგომარეობა კარგს არაფერს მოგვიტანს, რომ რუსეთის ნაჯახურ პოლიტიკას მოთმინება უნდა დავუპირისპიროთ.

ვალერიმ „ივერონის“ საიტზე ჩემთან საუბარიც დადო. ვამბობ, რომ ზურაბ აბაშიძის დანიშვნამ რუსებთან ურთიერთობის რწმუნებულად უკვე გამოიღო შედეგი და ქართული ღვინო და ბორჯომი დაბრუნდა რუსულ ბაზარზე. ვამბობ, რომ ქართველებმა ერთი წუთითაც არ უნდა დავივიწყოთ ის გარემოება, რომ რუსეთს საქართველოს ტერიტორიის 25 პროცენტი აქვს ოკუპირებული, მაგრამ ეს ხელს როდი უშლის ჩვენ შორის ურთიერთობის გარკვევას სამომავლოდ რუსთისგან გარანტია მაინც რომ მივიღოთ, რომ იგი თავს აღარ დაგვესხას. ესეც საქმეა ჩვენი ავი მეზობლისგან-მეთქი. ვერ გამიგია რატომ გააკრიტიკეს „ნაცებმა“ საქართველოს პატრიარქი იმის გამო, რომ იგი რუსეთის პატრიარქის მიწვევით ენვია მოსკოვს და პუტინს ხელი ჩამოართვა. განა სჯობია პატრიარქის კეთილ ღიმილს და შერიგებისკენ მონოდებას რუსეთის მიმართ ბლვერის პოლიტიკა? ბლვერამ რაც მოგვიტანა ხომ დავინახეთ, რუსმა 2008 წელს 180 ქართული სოფელი ნაგვართვა-მეთქი.

სხვათა შორის, როგორც ვალერიმ მითხრა, ჩემს ამ განცხადებას დადებითი გამოხმაურებანი მოჰყვა.

26 იანვარს მაცნობეს რომ მომენიჭა დავით აღმაშენებლის პრემია ჩემი ოცდახუთტომეულის პირველი 5 ტომისთვის. ძალიან გამეხარდა.

გრძელდება ნაცმოძრაობის საბოტაჟი ბიძინა ივანიშვილის მიმართ.

საკაშვილი და მისი პრესა დღეს არ გამოტოვებენ რომ საქართველოს ასაღორძინებლად მონოდებულ „ქართულ ოცნებას“ რაიმე არ უხიბნონ, ჩირქი არ მოცხონ, ქვეყნის მოტყუებაში არ დასწამონ ცილი.

სტრასბურგში ევროსაბჭოს ასამბლეაზე გამოვიდა სააკაშვილი და მიწასთან გაასწორა ბიძინა ივანიშვილის პოლიტიკა. დროა აღვიმალლოთ ხმა თორემ საქართველო ხელიდან გვეცლებაო. ქვეყნის მტრები ციხიდან გამოუშვესო, რუსეთს ფეხქვეშ ეგებიანო, აფხაზეთის გავლით რკინიგზის აღდგენას აპირებენ და ჩემს თანამებრძოლებს დაპატიმრებით ეშუქრებიანო! ვუსმენდი და გულზე დარდი მანვებოდა.

ევროსაბჭოს ტრიბუნაზე იდგა თავის სამშობლოზე გამწყრალი საკუთარი ერის მოძულე, გაბრაზებული ფეოდალი სააკაშვილის სახით.

ერთხელ კიდევ დავრწმუნდი რომ „კოჰაბიტაცია“, ანუ მშვიდობიანი თანაარსებობა შესაძლებელია მხოლოდ მაშინ, როცა ორივე მხარეს პატრიოტები დგანან და მათ შეიძლება განსხვავებული ხედვა ჰქონდეთ ზოგი ეკონომიკური თუ პოლიტიკური მოვლენის მიმართ.

დღეს საქართველოში კოჰაბიტაცია შეუძლებელია თუნდაც იმიტომ, რომ ერთ მხარეს დგას ბიძინა ივანიშვილის ეროვნული პარტია, ხოლო მეორე მხარეს მიხეილ სააკაშვილის დამნაშავე პარტია. ამ პარტიამ ჯერ სამართლის წინაშე უნდა აგოს პასუხი იმ გაუგონარი თვითნებობების და სულელურ, ექსპერიმენტებისათვის, რაც რვა წლის განმავლობაში ჩაიდინა, „ნაცები“ და „ოცნების ბიჭები“ ერის გადარჩენის ბოგირს სხვადასხვა მხარეს ექაჩებთან.

ღმერთო, როდის დამთავრდება ეს დიდი ღამე.

როდის დაისვენებს ჩემი ქვეყანა არამკითხე „ნაცთა“ უტიფრული „მამიდობისაგან“.

ნუთუ შეუძლებელია, თანამედროვე მსოფლიოში ისეთმა პატარა, მაგრამ დიდი წარსულისა და დიდი კულტურის ქვეყანამ როგორც საქართველო უცხოეთიდან მოგზავნილი სოროსელების გარეშე თვითონ განაგოს თავისი ბედი?

შარშან პირველ ოქტომბერს ჩვენივე ნებით გამოანათა საქართველოს ბედის ვარსკვლავმა და ქვეყნის „ერთგულ მტერთა“ დაუცხრომელი მეცადინეობით მისი კამკაში ჯერ ბოლომდე ვერ წვდება და ვერ ათბობს მრავალტანჯულ საქართველოს.

რა დავაშავეთ ასეთი?

ყველამ, თითოეულმა ქართველმა ხელისგულზე დამაგრებული სანთელის მსგავსად ქარის მხრიდან უნდა მოვეფაროთ „ქართულ ოცნებას“ რომ ხელში არ ჩაგვაქვრეს.

იმედს, იმედს ჩავებლაუჭოთ!

**РЕВАЗ МИШВЕЛАДЗЕ**  
**ИЗБРАННЫЕ ПРОИЗВЕДЕНИЯ**  
в 25 томах  
ТОМ XV

Издательство „Сакартвелос Мацне“  
Тбилиси 2013